

6.2.8.2.96° N.

D E F E N S I O
DECLARATIONIS
C O N V E N T U S
CLERI GALLICANI A N. 1682.
DE ECCLESIASTICA POTES^ATATE.

Digitized by the Internet Archive
in 2012 with funding from
Research Library, The Getty Research Institute


<http://www.archive.org/details/defensiodeclarat01boss>

DEFENSIO
DECLARATIONIS
CONVENTUS
CLERIGALICANI AN. 1682.
DE ECCLESIASTICÂ POTESTATE.

A U T O R E

Illustrissimo ac Reverendissimo D. JACOBO-BENIGNO
Bossuet, Episcopo Meldensi, cum nonnullis Notis.

TOMUS PRIMUS.



AMSTELODAMI,
SUMPTIBUS SOCIETATIS.

M. D C C. X L V.

О И С Н А Щ Е Д

Л И Т О Г Р А Ф И Я

З А Т В О Р К О С

А Н Д Р Е Й О В С К И Й

М А Л А Т Т О В І Ч І С Т В О

С Б О Р К И

С А М О В А Р О В А Н И Й

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т

С Т А Н Д А Р Т



P R A E F A T I O.

LLUSTRIS SIMI ac Reverendissimi Jacobi Benigni BOSSUET, Meldensis Episcopi, opus posthumum, *de Ecclesiasticâ potestate*, à nobis ex autographis codicibus diligenter recognitum, prodit tandem in publicam lumen. Neque nos necesse habemus, id quod solent plerique Editores, & Autoris & operis laudes artificioso labore conficere. Quippe satis commendatur & Autor ipso opere, & opus nomine Autoris, quod nomen recordationem habet omni laude majorem. Quapropter satis habebimus quatuor hæc præfari. Primum dicemus de *Declaratione Cleri Gallicani*, quam Meldensis Episcopus suscepérat hoc opere defendendam: Deinde exponemus qui & quales fuerint illi Autores, qui adversus hanc *Declarationem* stylum acuerunt: Postea declarabimus scribendi hujus operis consilium D. Benignus BOSSUET quale habuerit, quam ejus formam delineaverit, quamque etiam alteram sequi sibi aliquandò proposuerit; de ejus ingenio quoque, & in scribendo, cùm moderatione, tum libertate pauca quædam dic.

Tomus I.

turi: Denique aperiemus quales extiterint operis edendi nostræ curæ.

I.
De De-
claratione
Cleri Gal-
licani.

Declaratio Conventus Cleri Gallicani an. 1682. nihil affert novi dogmatis, sed hactenus traditam ab Ecclesiâ Gallicanâ & Universitate Parisiensi, de Ecclesiasticâ potestate deque Gallicanis Libertatibus, doctrinam, perspicuâ brevitate complectitur. Aderant in illo Conventu præcipui Galliarum Antistites, quos inter eminebat Meldensis Episcopus, cui cum omnes eam curam detulissent, ut ad certa capita Gallicanam de eâ quæstione doctrinam revocaret, ille rem sic perfecit, ut nihil cum enucleatus, tum etiam in Gallicanæ doctrinæ adversarios moderatius dici posset. Quapropter Declarationi ad unum omnes assenserunt. Nam suarum Ecclesiârum doctrinam in eâ videbant, & expositam verè, & iis verbis temperatam, quæ Gallicanæ doctrinæ adversarios lâdere non posse viderentur.

Vid. Epist. Auxil. ad Hilar. Arellat. in vit. Hilar. per Honor. Mass. cap. xvij. int. oper. Leon. Mag. Edit. Quesn. T. j. p. 755.
* Vid. Caus. Arn. Præf. justif. de M. Arnauld. disc. hist. & apol. T. j. p. 101. Hist. de la vie & des œuv. de M. Arn. Lieg. 1707. pag. 300. 360. 361.

Quippe D. BOSSUET aures Romanorum teneriores ne offenderet, abstinuerat ab omni censurâ opinionum Ultramontanarum, &, ut eas, si posset, sanaret, stylum suum fecerat quam mollissimum. Sed enim Curia Romana jampridem infensa Gallis, qui de Regaliâ alter statuerant, quam id quod ipsa sentiebat, bellum sibi indici rata, copias cœpit comparare, ut Clero Gallico, doctrinæ ac probitatis famâ toti Orbi notissimo, quosdam magni nominis Theologos opponeret. Quin etiam, si vera est fama, ipsum Antonium ARNAULD * Sorbonicum Doctorem, præmiis corrumpere tentavit, oblatâ nimirùm Cardinalatûs dignitate. Sed is non erat Ant. ARNAULD, qui veritatis, quam unicè colebat, suique honoris oblivisceretur, talive lenocinio ad tenuendas falsas opiniones adduceretur.

Neque tamen Curiæ Romanæ defuere defensores.

I I.
De Autori-
bus qui ad-
versus Gal-
licanam
Declaratio-
nem scrip-
serunt.

Nam non multò post prodiit examen Autorum , qui aut spe , aut irâ ducti , præsertim verò opinionibus ip- sis , quas ex Scholarum suarum disciplinâ pueri imbi- berant , omnes unà in Declarationem Gallicanam im- petum fecerunt ; quanquàm non iis instructi armis , quibus tanta certamina egebant ; quorum tres An- tesignani , *Doctrinæ Lovaniensium* autor *Anonymus* , D. DUBOIS Professor Lovaniensis , & Marchio DE SARRETTO * prælium primi commiserunt : ho- mines ad dimicandum non modò non satis parati , sed ingenio & scientiâ prorsùs impares , qui , neque quâ viâ adversarium suum rite oppugnarent , cognitum ha- bebant , neque verò etiam quomodò seipso lacessiti defenderent.

* five
GARRETTO.

Vix credebat Episcopus Meldensis , tum *Anony-
mum* , tum D. DUBOIS (quoniam Facultas Theologica Lovaniensis doctrinæ laude semper floruerat) esse , ut præ se ferebant , Doctores Lovanienses. Itaque non desperabat fore ut eos Facultas Lovaniensis esse suos negaret. Nam , ut ea omittamus quæ ab istis duobus fuerunt in Clerum Gallicanum protervè & intemperanter dicta , nihil aliud fecit *Anonymus* quam priscorum Lovaniensium sententias , à se parùm intellectas , satis confusè colligere , quibus Summorum Pontificum nunc su- perioritatem , nunc infallibilitatem tueri se posse confide- ret. Sed commilito ejus D. DUBOIS , Theologus acer , idemque levis , tam sæpè tamque turpiter allucinatur , ut facile crederes ejus opera fuisse ab adversario quo- dam , qui eum rideri vellet , sub ejus nomine confecta , nisi ipse se eorum operum Autorem profiteretur : ne- que Antonio ARNAULD † assentiri non possit eum ho-

Anony-
mus Lova-
niensis.

D. DUB-
OIS.

† Lett. de
M. Arn.
ccclxvij. T.
v. p. 149.

minem vocanti, ut *contumeliosum*, ita *ridiculum scriptorem*: UN RIDICULE ET OUTRAGEUX ECRIVAIN.

Marchio
DE SAR-
RETTTO.

Sed de Marchione DE SARETTO quid censemus, qui nihil non iracundè scribat, qui jubeat comburi Episcopos Gallicanæ Declarationis Autores, fautores, approbatores? Quisquis unam aut alteram *Antigraphi ejus* paginam legerit, statim intelliget ab Equite illo Romano Theologiam ne primoribus quidem labris fuisse degustatam, qui etiam Latinæ linguae rudimenta vix didicerat.

Quare nemo anxiè quæsiverit quid de talibus Autoribus tandem factum fuerit. Illi enim, vix paucis noti literatis, nullam gloriæ partem adepti sunt, ne eam quidem quam sibi quidam peperere, cum magnos viros lacercessiverunt, ut sibi famam qualemcumque colligerent. Nam eorum libri in Bibliothecarum quibusdam angulis hactenus jacent & ignobiliter delitescunt; ut non mirum sit Anton.

ARNAUD de Curiæ Romanae forte sic deplorâsse: *Les Romains sont bien à plaindre, s'ils se croient bien défendus par les sieurs DUBOIS & CEVOLI* (hic CEVOLI ipse est Marchio DE SARETTO) *pour moi ce me seroit un préjugé qu'une cause seroit mauvaise, en voyant qu'on l'auroit misé en de telles mains.* Vide quæ nos de illis Autoribus annotavimus in *Append. lib. I. not. (m)* & *lib. II. not. (y)*

D. ZELE-
PECHIMI.

Sed si quis, eâ, quâ par est, observantiâ sacrum Episcoporum Ordinem colit, is non poterit non dolere, turbæ tam contemptæ se addidisse D. ZELEPECHIMI Strigonensem Archiepiscopum & Hungariæ Primate. Quippe ille, opinionibus Ultramontanis plenus, proflit in medium, censurâ configens Gallicanam Declarationem, quam vocat *erroneam, pestiferam & schismati-*

cam; tanquam existimaret censuram suam eò fore gravorem, quò esset acrior & amerior. At vetus proverbium est: *Qui nimis probat, nihil probat.* Itaque eum Archiepiscopum spreverunt omnes immodicè sàvientem: imò ejus censuram adversâ censurâ confixit Theologica Facultas Parisiensis; neque perfecit Jesuita GONZALEZ, ille qui Strigoniensibus nugis & injuriis pondus addere conabatur, ut non eam Archiepiscopi censuram deleverit sempiterna oblivio.

Nondum ventum erat ad verum certamen; neque enim hostem cominùs adoriebantur illi, quos suprà nominavimus; sed tantummodo insanis clamoribus, barbarorum more, terrorem injicere velle videbantur; quorum clamoribus auditis, ne se commovissent quidem Patres Gallicani, nisi alii quidam, qui re & nomine Theologi dici possent, in certamen descendissent.

Venit primus Emmanuel SCHELSTRATUS, Bibliothecæ Vaticanae Præfectus, armis accinctus ad pompam magis fulgentibus, quam ad decentandum compositis. Ille pervetustos quosdam Concilii Constantiensis manuscriptos codices, toti Orbi hactenùs ignotos, promit ex nescio quâ Bibliothecâ, ubi dudum latuerant, quibus probare se posse putat, decreta Constantiensia Sessionum IV. & V. quæ fundamenti loco ponuntur in Declaratione Gallicanâ, fuisse pridem à Patribus Basileensibus adulterata. Gravem profectò accusationem, sed temerariam & falsam, quam diluebat ipsa Basileensium nota probitas & integritas. Neque verò Manuscriptorum quatuor Schelstratianorum autoritas erat talis, ut labe factare posset multò plurium Constantiensis Concilii codicum, quos Europæ Bibliothecæ asservant, autoritatem. Sed quoniam SCHELSTRATUS mirâ confidentiâ co-

EMMA
NUEL
SCHEL-
TRATUS,

dices suos objiciebat, ex quibus urgebat excusos omnes codices mancos esse & adulteratos, necesse videbatur accusationem novam, & eam quæ fucum facere posset, confutare. Ergò eam confutat Libro V. Meldensis Episcopus, & omnem eam rem persequitur eâ brevitate ac perspicuitate, ut eum diceres totâ in vitâ nihil aliud fecisse, quâm codices adire, excutere, conferre, secerere veros à falsis. Jam quidem Schelstratianas argutias Anton. ARNAULD satis refutârat; sed D. BOSSUET illo pressior, firmioribus etiam ac locupletioribus argumentis SCHELSTRATUM exagitat, multis quoque additis, quæ Anton. ARNAULD non attigerat: uno verbo D. BOSSUET unus rem conficit.

SCHELSTRATUS præterea Ecumenicum fuisse negat Concilium Constantiense, tum cùm Sessiones IV. & V. celebrabantur. Sed in eâ quæstione nihil suum profert; tantùm iterat argumenta Bellarmini & Odorici Rainaldi. Itaque eum habemus unâ cum illis Diss. præv. & Lib. V. & VI. confutatum.

D. CHARLAS.
Interea dum SCHELSTRATUS inani operâ desudabat, & Ecumenici Concilii Constantiensis decreta irritis assaultibus convellere nitebatur, duo prosilierunt, D. CHARLAS & Jesuita GONZALEZ, ipso SCHELSTRATO in scholasticis concertationibus exercitatores. Erat D. CHARLAS Gallus Presbyter, qui, occasione quæstionis *de Regaliâ*, Romam profugus, ibi ediderat Tractatum insidiosè & fallaciter inscriptum: *De libertatibus Ecclesiæ Gallicanæ*; in quo Tractatu, vir omnium subtilissimus, Gallicanam Declarationem eo argumento impugnabat, quod omnium sæculorum Traditioni, ut ipse affirmabat, penitus repugnaret.* Nos verò dolemus cum Meldensi Episcopo, à viro non mediocriter docto suscep-

* Vid. de
D. Charl.
Diss. præv.
libr. iv. v.
vj. x. xij. &
Corol. pass.

tam fuisse eam causam, quæ defendi, nisi malis artibus, non posset. Et quidem *in quæstione male constituendâ ubique multa & graviter peccat*: quin etiam *ab universo quæstionis statu aberrat*, sive quæstiones infideliter tractârit, sive de iis à se non satis intellectis temerè & inconsideratè cum Clero Gallicano differere ausus fuerit. Hinc ab illo, ut sæpè observat D. BOSSUET, *summa ipsa rei omittitur, aliena copiosissimè pertractantur*, neque ille alia ferè sectatur quàm vana & extra rem; ita ut operis non exigui, *post promissam tanto hiatu amplam Declarationis discussionem*, *vix tertia pars ad eam confutandam collimârit*; hinc tot vera falsis, tot certa dubiis miscet: hinc non tam argumentatur, quàm lites movet, & cavillationibus atque inanibus quæstionibus Clerum Gallicanum vexat. Omitto quòd infenso semper & amarulento animo dira & abominanda in Gallicanos Antistites jicit. Nempe is homo, qui amicissimus & erga Episcopalem ordinem obsequentissimus credi velit, hostilem animum ubique prodit, & Gallicanos Episcopos, sub reverentiæ specie, irrisos & inviolosissimè traductos incessit calumniis. Denique ipse sui tam immodicus, quàm inverecundus laudator, *de tripode semper pronuntiat*, rem omnem peragit, aut rationibus è proprio cerebro duetis, aut autoritatibus, quas quidem congerit multas, sed plerūmque vel perperam, vel extra rem allegatas, vel quas ipse mutilat; ut nemini dubium esse possit, quin ille fucum facere voluerit imperitis, & vanâ eruditione speciosisque sermonibus Romanorum aures permulcere.

Doctos & attentos lectores non fallit eruditionis falsa & inanis species, quâ se circum vestire amant neoterici quidam scriptores, qui nos, quâcumque de re disputent, veterum testimoniis obruunt, quæ expendere ple-

rique lectores cùm non possint , facile sibi persuadent talium Autorum doctrinas , eas quoque quas Theologia recens nuper invexit , ab ultimâ antiquitate esse repetitas. Atqui D. CHARLAS is mos est perpetuus. Ille enim , si quæstio constituitur de Papæ supremo dominatu , apud Concilia & apud sanctos Patres diligenter ea conquirit , quibus Papæ Primatus , qui Primatus non agitur , validissimè comprobetur : si de Pontificiâ infallibilitate controversia movetur , exscribit eos locos , in quibus Concilia sanctique Patres , et si infallibilitatem non nôrunt , de primâ sede magnificè ac reverenter se sentire professi sunt. Talem disputandi modum quicunque adhibent , illis non est difficile habere sanctos Patres sic tanquam errorum suorum suffragatores. Sed quâm facile est videre eos ingenio suo nequiter abuti , & fidem publicam religionemque ipsam violare ? Atqui tamen sic fecit BELLARMINUS , & si quos aliquos Gallicana doctrina naœta est adversarios ; quos præjudicatae opiniones sic excæcant , ut in sanctorum Patrum dictis id sibi videantur , quod videre cupiant , sanctorumque adeò Patrum decreta ad suas opiniones trahant , cùm sanctorum Patrum decretis sua metiri debuissent ; ut , quanquam ingenii laudem consequuntur , non propterea non sint doctrinæ sanctorum Patrum rudes & ignari. Nam quî possis sanctorum Patrum veras assequi sententias , cùm eos legas , non studio intelligendi , sed libidine litigandi ; ut , cùm ambigua quædam verba repereris , de illis moveas controversiam , & rerum apud eos tractatarum serie neglectâ , in quâ fulget veritas , id avidè arripias , quod ad tuam opinionem detorquere

Dissertat.
sur Grot. p.
121. 122. possis ? Quâm rectè igitur D. BOSSU ET de talibus Autoribus sic statuebat : *Peu attentifs aux principes, (ils) sont*

font plus curieux de citer beaucoup que de peser les passages dans une juste balance. C'est le sort de ceux qui demeurent contens d'eux-mêmes, quand ils croient avoir bien montré qu'ils ont tout là & qu'ils savent tout.

Thyrsus GONZALEZ Societatis Jesu Præpositus generalis, perversâ probabilitatis doctrinâ egregiè confutatâ nobilis, credidit in Gallicanâ Declaratione se habitudinum undè novos sibi triumphos faceret. Quàm disparest verò eos triumphos! Prodigio simile visum est ab tanto viro tam levis armaturæ opus fuisse compositum. Armaturæ autem levitatem dabat, non ingenii mediocritas, sed causæ infirmitas. Etenim error in quâcumque causâ vitium insanabile est, cui nullum ingenium, nulla ars, nulla doctrina, nulla scribendi exercitatio mederi possit; & veritati necesse est aliquandò cedere omnia. Librum R. P. GONZALEZ quàm levis esset, viderunt ipsi Romani Doctores Summuisque Pontifex. Ex quo libro, si tollerentur paginæ oppletæ locis communibus, non quidem ineruditis, sed inutilibus, quas omnes Autor à BELLARMINO mutuatus est; si plurima argumenta, quæ quò subtiliora, eò absurdiora sunt, & plerùmque aut res controversas non tangunt, aut etiam, velit nolit GONZALEZ, Gallicanæ doctrinæ favent; si denique illa errorum monstra, quæ falsò attribuit Gallicanis Præsumilibus, eum tu librum, quantus quantus est, illicò videas esse librum triginta paginarum. Vide quæ diximus de R. P. GONZALEZ lib. V. not. (e)

Dum CHARLAS & GONZALEZ Declarationem Romanæ oppugnabant, DAGUIREUS Monachus Benedictinus, vir cum paucis tam doctrinæ quàm pietatis laude comparandus, Salmanticæ edebat volumen imhénsum; quo Declarationis doctrinam à se eversum iri sperabat.

Tomus I.

b

THYRSUS
GONZA-
LEZ.

CARDI-
NALIS DA-
GUIREUS.

Erat opus festinationis plenum, in quo D A G U I R R E U S quid Gallicani Episcopi dicerent, quid ipse dicere vellet, & quomodò id probaret, vix attendebat; unoque tempore lectoribus suis in seipso illustre exemplum dabat, quàm altè inhærent nobilcum natæ & adultæ opinione. Nempè earum opinionum, quas, ut & cæteri Hispani, quasi cum lacte suxerat, æstu abreptus, nihil sedatè, nihil tranquillè de Gallicanâ doctrinâ loquebatur; &, quod mirere, is vir in quo erat mirus candor & summa integritas, tamen Clerum Gallicanum nunquàm non falsò accusabat, eique affingebat errores, quos Galli omnes detestabantur; sic ut Gallicanam doctrinam à D A G U I R R E O tot modis deformatam Episcopi nostri, qui ejus librum legebant, recognoscere non jam possent. Quin etiam Episcopos Gallicanos Monachus Hispanus hortabatur, admonebat, increpabat & contestabatur, ut ad meliorem se frugem reciperent, ne Traditionis semitas deferere pergerent, neve sanctorum Patrum de Ecclesiasticâ potestate doctrinam amplius oppugnare & convellere auderent. Quàm decenter hæc, Monachus ad Episcopos, & quàm verè. Vide si juvat. *Lib. V. not. (a)*

Cæterùm Curia Romana non reliquit sine mercede Monachum D A G U I R R E U M. Nam quam purpuram Antonio ARNAULD destinatam fuisse ferebatur, eā induit defensorem suum D A G U I R R E U M; quam quidem purpuram omnes optâssent non tali operi, sed ipsi viro, qui omni honore dignus esset, fuisse attributam. Jám enim de Ecclesiâ optimè meritus fuerat D A G U I R R E U S, neque porrò destitit factus Cardinalis, multis nempè libris editis, qui hominem demonstrant cùm veri & recti tenacem, tum in Criticâ non parùm exer-

citatum. Fuit ille deinceps omnium literatorum communis Mæcenas, & boni cujusque patronus & defensor.

Cælestinus SFONDRATUS ex eodem sodalitio Monachus, & apud Helvetios Monasterii San-Gallensis Abbas, is qui tum famosus, famosior deinde factus est, edito perniciose illo libro, cui titulum fecit: *Nodus prædestinationis dissolutus*, eâdem quoque viâ purpuram adeptus est. Ille enim posteaquam *de Regaliâ*, deque Romani Pontificis supremo dominatu tam prolixè quam intemperanter scriperat, stylum suum in Gallicanam Declarationem exacuit in longissimis illis dissertationibus, quas nos alibi summatim descripsimus. *Vid. dissert. præv. not. (d)*

CARDI-
NALIS
SFON-
DRATVS.

Eodem fere tempore, Joannes-Thomas ROCCABERTUS ex Dominicanorum familiâ, Archiepiscopus Valentinus, ipso CHARLAS, ipso CEVOLI immittior, Episcopos Gallicanos non tam oppugnabat, quam immensâ voluminum mole veluti obruebat. Neque verò existimes tam amplum opus aliquâ saltem rerum serie ac perspicuitate commendari. Namque ROCCABERTUS tam confusus scriptor, quam fraudulentus disquisitor, & acerbus conviciator, momenta causæ suæ ponderabat non rationibus, sed maledictis, quibus nostros Episcopos perpetuò infectabatur, ubique crepans *anathemata*, *orcum*, *tartara*, & alia feralia verba, *satque prostratos adversarios existimans*, *si eos tetris vocibus tanquam pueros territaret*. Itaque non immerito Meldensis Episcopus solito vehementius queritur de illo Autore, quod non eâ moderatione quam decuerat Episcopum, controversias tractaret, sed tanquam exitiale bellum gereret; perindè quasi conviciari idem sit ac ratiocinari. Tales

D. ROC-
CABER-
TUS.

Dissert.
præv.n.v.

Thuan.
Hist. lib.
cxxxv. T.
v. j. Edit.
Lond. p.
347.

Autores, qui animos expugnare se posse his malis artibus putant, *Thuanus*, olim sic commemorabat: *Hodie in dissertationibus à moderatione verborum, quæ ubique servanda est, ad iurgia & convicia per contentionem fere descenditur; quæ homines male feriati & suo aliorumque otio abutentes, scriptis mandare minime dubitant, famam, cùm benefactis nequeant, ex maledictis saltem aucupantes.* Ejusmodi homines, quos præterita sæcula non paucos tulerunt, nostra ætas parturit non minùs multos, qui quos ad obsequium cogere non possint, tyrannorum more opprimant; controversiæ causas non dirimant, sed gignant iurgia; veritatem non illustrent, sed obscurent. Eos Autores operæ pretium est ab Episcopi Meldensis exemplo docere, quoniam modo in controversiis Ecclesiasticis versari Theologos oporteat.

III.
D. Bos-
suſt inge-
niū: e-
jus in scri-
bendo illo
opere cō-
filiū: for-
ma quam
delinea-
vit, &c.

Ille igitur cùm ferret gravissimè ortas esse ex eâ Declaratione, quæ omnium animos conjungere debuisset, maximas per Orbem Christianum contentiones; proptereà quòd clarissimam ejus lucem infirmiores quorumdam Theologorum oculi ferre non possent, illud apud se reputavit: adhibenda esse ejusmodi remedia, quæ quantò leniora, tantò ad mitigandos animos salubriora essent. Quippe, inquiebat, cur Gallicanam doctrinam exteri multi Theologi aversentur, causa est, non tam contumacia & superbia, quam rei disputatæ insolentia & dogmatum nostrorum ignorantia. Et quoniam videbat Romanorum de Papæ autoritate falsas opiniones, non modò cum Romanis ingeniiis esse natas, sed etiam aliquod fundamentum habere in ipsâ veritate, quanquam male intellectâ, non poterat non sentire quantæ molis esset opiniones tales revellere ex animis

hominum Romanorum. Itaque judicabat opus esse eo defensore, in quo cum plurimâ scientiâ & cum multâ differendi arte conjuncta esset summa moderatio: eo, inquam, qui rem tractatam cùm verè ac dilucidè disputaret, tum etiam lenioribus verbis emolliret id, quod veritatis expertibus durum & asperum videri posset; qui convicia toleranter atque humanè ferret, qui mendacia veritate ulcisceretur, non injurias injuriis; qui sic in totâ controversiâ se gereret, ut fratrem decet cum fratribus infirmis, non ut cum apertis inimicis, quoniam veritatem vincere, non seipsum vellet; qui denique modestiam talem cùm adhiberet, nihilominus exereret vires omnes veritatis, invictèque defenderet Gallicanæ Declarationis capita id docere tantùm, *quod semper, quod ubique, quod ab omnibus creditum est;* opiniones vero Ultramontanas nuper invectas, ut novas esse, ita & falsas.

Illud autem Meldensis Episcopus, quod ceteri Episcopi optimè videbant, ipse non videbat, se unum eum esse qui tali operi non esset impar. Nempe erat in Episcopo Meldensi ingenii ac doctrinæ mirifica indoles: erat animus patiens laboris studiorumque mirè tenax: erat in discutiendo summa diligentia, in enodando solertia, in explanando perspicuitas. Adde cum fuisse, si quis unquam fuit, maximè æquabilem & temperatum, in tolerandis aliorum vitiis lenissimum, in condonandis facillimum. Sed tantam operis molem cur detrectaret, causæ multæ erant. Quippe ei cura incumbebat regendæ Meldensis Diœcesis; erat defendenda adversus Protestantes Ecclesiæ causa; præterea respondendum multis consultationibus, quæ ad ipsum, tanquam ad Gallicanæ Ecclesiæ commune oraculum, undequaque mitteban-

Vinc. Li-
rin. Cém.
j. cap. iii.
Bibl. SS.
Pat. tom.
vij. pag.
250.

tur. Itaque occupatior videbatur; quām oporteret esse eum qui tale opus aggrederetur. Verumtamen Galli nostri non ignorabant, ut nullus eum labor defatigabat, utque jamdudum solebat à labore recreari ac refici alio labore; neque desperabant fore ut unus posset id perficere, quod multi ipsi impares, junctis etiam viribus, vix possent. Ergò boni omnes unā voce postulārunt ut D. Benig. BOSSU ET Gallicanæ doctrinæ Advocatus & Gallicanarum Libertatum defensor constitueretur.

Ipse Ludovicus XIV. qui inter cæteras multas virtutes, admirabili quādam sagacitate persentiebat quid ingenia valerent, existimavit Meldensem Episcopum eum esse, quo defensore Clerus Gallicanus indigeret, ut collectam à Majoribus & hactenùs conservatam doctrinæ & pietatis famam tueretur.

Ergò eum jussit Ludovicus Magnus Cleri Gallicani patrocinium suscipere : Cet illustre Evéque, inquit Trecensis Episcopus, alter Jacobus Benignus BOSSU ET magni Meldensis Episcopi Fratris filius, entreprit par ordre exprès du feu Roi Louis XIV. de glorieuse mémoire, la défense de LA DECLARATION DU CLERGE' DE FRANCE DE 1682. dont nous avons remis nous-mêmes un exemplaire entre les mains de ce grand Roi. Cet Ouvrage que l'Auteur a revû plus d'une fois, & peu de tems avant sa mort, doit être regardé comme un des plus précieux monumens de sa profonde érudition, de sa sagesse, de sa modération, & de sa piété, de son attachement à la Chaire de S. Pierre & à l'unité, & de son amour pour l'Eglise, pour la vérité & pour la paix. C'est ce qui le rend d'autant plus digne de voir le jour, & ce qui nous fait espérer qu'on ne le refusera pas plus long-tems aux vœux de toutes les personnes qui aiment véritablement l'Eglise & l'Etat.

Inst. past.
de M. de
Troyes du
30. Sept.
1729. art.
xliv. p. 37.

Hæc breviter Trecensis Episcopus de Meldensis Episcopi Tractatu. Ille, ut jussus erat, nullâ morâ interpositâ, operi incubuit, ne Ludovici Magni summæ dæ se expectationi non responderet.

Is porrò erat D. BOSSUET, qui, cum cæteris Galliæ scriptoribus præstaret dicendi ubertate & copiâ, tum nulum in eâ arte haberet parem, quâ arte quidquid tractabat, in eo imprimebat vestigia quædam & roboris & majestatis, atque etiam conjunctæ cum majestate amœnitatis. Quippe scribebat nullo apparatu, planè ac dilucidè; erat sententiarum placidus lenisque cursus, & orationis non fucatae naturalis nitor, quo celabatur scribentis industria & operosa concinnitas. Et quidem in ejus libris tam apta sunt verba rebus & res verbis, ut crederes omnia ex sese, nullo Autoris labore, in suum locum proслиisse. Tamen, id quod mirere, hunc Tractatum suum multis lituris, propriâ manu factis emendavit, suo exemplo docens, non satis esse operi absolvendo ingenium & doctrinam, nisi accedat ea ultima diligentia, in quâ Autor, sui ipsius censor castigatorque, ea omnia accuratè retractet, quæ sibi medio in meditatio-
nis æstu & scribendi celeritate exciderunt.

Eò autem minùs primis ille operum suorum curis indulgebat, quò acutiùs bonum à meliori secernebat. Itaque ejus summi judicii laus erat, quòd abundantiam suam primam plurimâ liturâ coerceret; cùm contra signum sit mediocris judicij lituras nescire, & schedas malè natas nec politas mittere ad Typographos. Nam ut exigui ingenii est sibi plus æquo confidere, ita ingenii excellentiis, animadvertere sæpè in seipsum, & opus suum incudi reddere.

Hunc verò suum Tractatum Meldensis Episcopus sæ-

D. Bos-
suet dili-
gentia.

piùs retractans , hoc tandem perfecit , ut assequeretur argumentandi & gravitatem & perspicuitatem , & ut , si fortè brevis est , non sit obscurus ; si disputando acer , non nimius ; si elegans , non fucatus ; si denique abundans , non redundant nec confusus .

Porrò D. BOSSUET , qui nullum opus , nisi priùs à se diligenter recognitum , publici juris esse voluit , in illo , de quo tractamus , castigando , majorem adhibendam esse diligentiam intellexit ; tum quòd causæ gravitas id postulabat , tum etiam quòd arduum erat , in Traditione omnium sacerdorum sàpiùs peragrandâ , de rectâ viâ nunquam deflectere .

Ejus eru-
ditio.

Miraculo simile est tantam tamque multiplicem eruditio-
nem in eo Episcopo fuisse , quem tot negotia , tot
que varia munia à studio sàpè avocabant & abstrahie-
bant , ut legere ille non cursim , sed accurate infinitos
libros potuerit , quorum non pauci nomine tantùm mul-
tis literatis noti sunt , vel iis , quorum una cura est li-
bros legere ac evolvere .

Bell. de
Script. Ec-
cles. an.
1446.

Alphonsum *Toftatum* Abulensem Episcopum multâ
scièntiâ conspicuum *Bellarminus* admirans exclamabat :
Hic est stupor Mundi. Quantùm igitur idem obstupuisset
in doctrinâ plurimâ Episcopi Meldensis , cui Sancti Pa-
tres , cui Concilia , cui Historici , Scholastici , Autores
tam sacri quàm profâni æquè noti essent ; qui omnia sà-
cula sic mente complecteretur , ut in unoquoque vixisse
eum credas ; qui varia scientiarum genera , quorum unum
apud posteros non mediocriter posset commendare , ita
calleret , quasi animum suum totum ad unum genus uni-
cè contulisset . Nempè vir studiosissimus & doctrinæ cu-
pidissimus omnia intervalla negotiorum ad studium con-
ferebat ; cùmque ipsi inesset ingenii vis maxima & op-
timæ

tima memoria, res difficiliores statim assequebatur, & quod semel didicerat, nunquam dediscebatur.

His tantis studiorum naturæque subsidiis adjutus D. B. BOSSUET habuit comprehensam & cognitam penes se totam antiquitatem, quam tu, illo duce, obire tutò possis; quia eam ille quandiu vixit peragravit; imò in eâ vitæ suæ dies totos commorabatur.

Enimvero plena est summæ eruditionis Gallicanæ Declarationis ista *defensio*, quæ tot abundat exemplis ex antiquitate petitis, ut solæ Autorum & librorum allegationes volumen non exiguum implerent; in quibus tamen allegationibus nullam videas gloriosam ostentationem; quia nihil, nisi opportunè & in loco, allegatum; ut appareat adversariorum ejus Theologiam turgidam esse & inflatam, ejus sanam & succi plenam, alteram curiosam & contentiosam, alteram brevem, sobriam & accuratam. Et quidem tantâ cautione ab iis abstinebat, quæ essent inutilia, ut vix credibile sit tam breviter allegari ab eo potuisse omnem Traditionis seriem, pro Gallorum doctrinâ de tot capitibus contra eorum adversarios testificantem. Quòd si quis propter molem hujus voluminis dubitabit brevem fuisse in eo compiendo Episcopum Meldensem, dubitationem omnem tollet, tum rerum tractatarum infinita multitudo, tum adversariorum, ut infinitæ; ita argutæ sophistica subtilitate difficultates, quas explicare & confutare oportebat. Præterea, ut ait præclarè Augustinus, *Fit necessitas copiosius dicendi plerumque res claras, velut eas non spectantibus intuendas, sed quemadmodum tangendas palpitibus & conniventibus offeramus.*

Diximus de Episcopi Meldensis magno ingenio, misericordiâ doctrinâ & summâ concinnitate; nunc breviter

Ejus brevitatis & concinnitas.

Aug. de
civ. lib. ii.
cap. j. T.
vij. Ben.
p. 31.

Ejus moderatio,

dicendum de ejus bonâ mente & magnâ indole mansuetudinis & humanitatis. Nam quis non miretur ejus patientiam & moderationem, cùm eum animadvertat adversarios habere eos homines, qui disputandi & conviciandi nullum modum tenebant; qui Gallicanam Declarationem non tam impugnabant, quām Gallicanos Præfules atrociter lacescebant. Poterat nullo labore eos furiosos proponere omnium virorum doctorum irrisioni ac contemptui, qui non minūs absurdis quām falsis de Papæ dominatu & infallibilitate doctrinis, ejus veram potestatem, & in docendo autoritatem labefactabant, Ecclesiæque ipsius statum & antiquum ordinem convulsu[m] ibant. Tamen eam semper adhibuit à magnitudine animi ductam moderationem & humanitatem, ut eorum virtutia plerumque silentio premeret, eorum virtutes, si quæ fortè erant, magnificè prædicaret. Quapropter sæpè eum videoas Bellarmini, Odorici Rainaldi, Jacobatii, Palavicini, & aliorum, qui Ultramontanarum opinionum, ut nimii, sic improvidi defensores fuerunt, laudes celebrantem. Quoties verò honorificè appellat, non modò **DAGUIREUM**, **GONZALEM**, **SCHELSTRATUM**, **SFONDRATUM**, sed ipsos etiam **DUBOIS**, **CHARLAS** & **ROCCABERTUM**, qui, propter suam proterviam & maledicendi libidinem, omni indulgentiâ indigni videri potuissent. Quòd si cùm causæ suæ & justæ defensionis necessitas eò adigit, ut talium Autorum impotentiā castiger & errores redarguat, tum eum videmus facere invitè ut personam gerat reprehensoris; itaque verbis lenioribus objurgationem suam temperare, aliquando suos admonere lectores, improvidè, non consultò falsa dogmata imbibisse nostræ doctrinæ adversarios, & cùm fundamenta errorum jacerent, non satis animadver-

tisse quid ex quo sequeretur ; cuiusmodi reprehensione adversus homines tales, nihil erat mitius & temperatus. Utinam verò , eo exemplo duce , Ecclesiasticæ controversiæ sic tractarentur , ut veritas , amotis partium studiis , quibus obscuratur , emerget tandem & in clarissimâ luce versaretur.

Neque enim existimandum Theologicas concertationes propterea languere , quia tenetur in disputando modus. Quippe habet suos nervos sapiens & ratione temperata disputatio. Et famæ ipsorum suæ illi Autores male sanè consulunt , qui ne sua scripta langueant , adversarios suos dicteriis & maledictis insectantur. Nam quām indignum Theologi gravitate non sibi temperare , non abstinere ab injuriis inferendis ; perinde quasi errores tu confutare non possis , nisi etiam fueris in reprehendendo asper , in provocando irâ impotens. Est amica veritas charitatis : non vult defendi sine charitate veritas : adhibet veritas charitatis aculeos , non distictos partium infensarum gladios ; pungit leviter , non lethale vulnus infert ; non vi & impetu fertur ; non ingeminat ictus ; non vulnerat , nisi ad sanandum ; vulnera lenit mitigationibus , oleum infundens ; increpans ut eripiat errores , non ut famæ noceat ; ulcera sanans , non animos exulcerans ; amari cupiens , non dominari.

Tales disputandi leges sequebatur Episcopus Melden-sis , à quibus mirum quantum abfuere hodierni quidam Theologi , quos scribere iracundè paginæ ipsorum singulæ docent , & injurias potius suas ulcisci , quām pro veritate certare. Nam quid eos censemus , quos sæpè videmus adversariorum suorum dicta in pejorem partem interpretari , errores affingere , qui ex eorum scriptis non sequantur , eorum peccata , si qua deprehendunt , exag-

gerare , nihil sani apud eorum scripta reperire ?

August. Praeclarè Augustinus : *Non vincit nisi veritas : victoria veritatis est charitas.* Quicumque igitur artibus iis, quas
ferm. ccclvij. n. 1 tom. v.p. 139. ira & maledicendi libido subministrant , veritatem defendi posse putant , exquisitos quos habent cibos malè condidunt, causam debilitant suam, & amittunt omnem fidem. Cavent enim Lectores ab iis Autoribus qui timeri volunt ; nec non apud eos suspicio movetur , tales homines securitatem & arrogantiam affectare , ne afflita ipsorum ac desperata causa videatur , ut ille apud Poetam *miles gloriosus*, qui quanto erat ignavior, tanto erat verbis jactantior. Nonne decuerat, quomodo amicitiam non dissolvunt amicorum concertationes , sic inter Catholicos amicè tractari controversias ?

Sed neque tu credas , quia controversiæ amicè tractantur , imminui veritatis vires. Nam contra est ; & veritas in mentes hominum quam se leniter insinuat , tam facile medetur erroribus. Nolumus enim moderatione elevari veritatem , sed eam disputari consideratè ac humanè , ne tu adversarios tuos , dum stylo uteris acerbiori , facias in defendendo errore contumaciores. Et maledicendi libido aperit Autoris morositatem , non disputandi industriam ; obscurat , non illustrat causæ bonitatem ; ut sèpè fructus ex opere bono nullus percipiatur. Ergò magnopere mirandum , Autores eos , qui nunquam non iracundè scribant , suos tamen habere lectores , imò etiam suos , quod maximè dolemus , approbatores.

Quam longè abesset ab tali maledicendi prurigine Episcopus Meldensis ne unus quidem Cleri Galliani *defensionis* Lector non. judicabit. Cujus exemplo resipiscere deberent benè multi hodierni Theologi ,

qui nunc etiam intra Ecclesiæ Catholicæ ipsa septa , contentione tantâ animorum decertant , ut eos credere non Theologiæ , sed malevolentia magistros ; quippe cum quid Deo , quid suæ & adversariorum famæ , quid pudori & honestati debeant , penitus oblivisci videantur , & victorias suas , non rationum pondere , sed conviciorum acumine metiri . Qui si aliquid veræ laudis hâc viâ consequi se posse existimant , multùm falluntur . Nam quantum sui sæculi omnes Autores Meldensis Episcopus ingenii acie & doctrinæ ubertate superabat , tanto eum nunc boni omnes habent admiratione dignorem , qui cum errores vinceret , sibi etiam imperaret , ita decertans *ut id quod decet in talibus causis maximè provideri , charitas custodiretur & veritas defendetur.*

Leo Mag.
cp. xxij. ad
Flav. al.
vij. c. ij.

Præterea Episcopus Meldensis , ut mox Trecensem Episcopum dicentem audivimus , sese ubique ostendit in defendendâ Gallicanâ Declaratione *Sedi Apostolicæ addictissimum , unitatis amantissimum & Ecclesiæ studiissimum.* Malè consulunt Romanæ Sedi Ultramontani Doctores , dum falsos ejus titulos & falsa jura commiscuntur . Sic enim Sedis Romanæ legitimam potestatem odiosam reddunt hæreticis , Catholicis ipsis penè contemnendam . Non cohonestatur , mihi crede , sed dehonestatur nostro mendacio Petri Sedes . Quis ferat Ultramontanos illos , qui Papali autoritati non tantum Ecclesiam universalem subjiciunt , sed etiam omnia totius Orbis Regna & Imperia ? Ego vero audire mihi videor Oratorem quemdam , qui Senatorem eximium cum laudaret , ejus veram potestatem ab legum imperio derivatam , non modò nullis finibus coerceret , sed insuper eum fingeret fuisse & belli & pacis arbitrum

Ejus stu-
dium erga
Sedem
Petri &
unitatem.
Instruct.
&c. loc.
sup. cit.

supremum; perindè quasi propriis laudibus Sedes Romana non satis commendetur; cùm potestatem habeat

** In cri-
minibus,
non in po-
sitionibus
potestas
vestra...
Habent
hec infir-
ma & ter-
rea judi-
ces suos
Reges &
Principes
terre. Ber-
nard. de
Conf. lib.
j. cap. vj.
tom. j. p.
412.*

spiritalem, * quæ terrenis potestatibus tantò est superir, quanto præstant cœlestia terrenis; quæ ita est suprema, ut à solâ Christi & universalis Ecclesiæ potestate pendeat; quæ cæteras sibi obnoxias habet spiritales potestates, quæ Ecclesiasticæ unitatis commune centrum, omnes Ecclesias unitate consociat; quæ denique Christi Domini particula est supremæ potestatis, quam tradidit moriens Apostolis, & præcipue Principi Petro in terris exercendam. Sed si tu omnem Ecclesiæ potestatem in unum Papam cortuleris, aliam etiam addideris temporalem, quam Christus in terris nunquam exercuit; vide ne non sis Papæ eximius laudator, sed turpis adulator. *Le Siège de Pierre*, inquit Meldensis Episcopus, *n'a pas besoin de notre mensonge. Son éclat naturel lui suffit, sans qu'il faille l'orner & le farder d'un faux brillant qui le défigure.*

*Vid. Ex-
pos. de la
foi de l'E-
glis. Cath.*

Utinam verò ad hujus Magni Episcopi exemplum se componant Theologi & Canonistæ, seu Gallicanas Libertates tuentur, seu in Papæ decretis aut Bullis quædam reprehendunt; nec Curia Romanæ errores cùm confutant, Summum Pontificem lacent. Pontificum Romanorum errores Meldensis Episcopus nunquam coarguit, nisi invitus & causæ necessitate compulsi: tantâ religione tenebatur Sedis ejus, quâ nulla in terris major est & augustior, nedum eam vel verbo violaret; usque èo ut illud ipsum quidam in eo vituperent, cùm dicant adulari eum Romanis Pontificibus. Sed longè distant adulari & respectum habere. Nam si privatorum hominum respectum non habere sine justâ causâ non debemus, quam putamus esse justam cau-

sam, cur eum, qui Ecclesiæ caput est & omnium nostrum Pater, lacestamus & iritemus.

Cæterùm quòd Scriptum id suum summâ moderatio-ne temperavit D. Ben. BOSSUET, nihil inde perit veritati. Exemplo est id quod passim docet, Romanos Pontifices non esse erroris immunes, non fuisse *Libe-rium*, non *Honorium*, non alios, qui non modò errabant, sed in errorem suum trahere Ecclesiam conaban-tur, cùm decreta quædam dogmatica, à veris dogma-tibus omninò aliena, ederent, quæ suæ Sedis autori-tate munirent, nec eis esset pudori errorum fieri docto-res. Nam quid aliud erat quod diceret? Nisi eum cre-dis addere debuisse id, quod hæretici (à quibus non mul-tùm abfuêre Catholici quidam) dixerunt: Romam fac-tam nunc esse prostibuli sedem, nullamque jam partem habere sanitatis; Papam esse Antichristum; nihil dein-ceps boni de illâ Curiâ sperandum, quæ sit flagitiis om-nibus contaminata, omniumque magistra errorum. Hanc tu projectam scribendi audaciam putas addere orationi vires? Adderet quidem hominis phrenetici, qui dum brachia in auras jactat & multa movet, nihil promovet, ac vires ipse suas debilitat & consumit, non sani & benè constituti. Vires suas Episcopus Meldensis veritati reser-vabat: pugnabat cautè ac sapienter: parcebat injuriis, criminacionibus, dicteriis; & eò vincebat certius, quòd moderatiùs disputabat.

Si quis Catholicus homo Apostolicam Sedem rever-e-tur, idem studiosus erit conservandæ concordiæ Eccle-siarum sive unitatis; & quoniam tenax erit concordiæ ac unitatis, fieri non potest quin diligat Ecclesiam, nec suum esse reputet, si quid Ecclesia commodi ferat aut detrimenti patiatur. Hæc verò illa præcipua laus est Epis-

copi Meldensis, qui nihil habuit antiquius, quām ut Ecclesiæ utilitatibus inserviret. Rem dico Catholicis omnibus notam. Neminem habuimus qui res Ecclesiæ feliciter gesserit, qui salutem perditorum fratrum procurârit ardentiūs, qui plures ad unitatem veritatemque revocârit. Quippe erat in eo mira, ut oris comitas, ita sermonis affabilitas; erat amor sincerus veritatis; erat magna cautio dogmatum ab opinionibus secernendorum; quæ res hæreticos homines ad eum sæpè alliciebat, faciebatque ut eos non multo labore ad Ecclesiæ castra revocaret.

Neque segnior ad Ecclesiam defendendam fuit, tum cùm orta est Declaratio Gallicana, &, hujus Declarationis occasione, de Ecclesiasticâ potestate controversia. Nam tum maximè in eo totus fuit, ut Ecclesiam qualis est exhiberet, futurum sperans ut hæretici, qui eam non nōrant, ejus speciem tandem agnoscerent, utque adeò in eam, ut in salutis portum se conferrent. Magnus in cæteris rebus Episcopus Meldensis, seipso major videtur, Ecclesiam germanâ effigie expressam pingens, & tanquam tabulam benè pictam in bono lumine collucans, cùm docet eam Ecclesiam, seu in terras omnes dispersam, seu in Concilio generali repræsentatam, jura ea tenere, ex quibus cæterarum potestatum Sedisque ipsius Romanæ jura pendeant: per eam propagari, & in omnes Ecclesias & in omnia sœcula doctrinam, quam à Christo sponso suo nascens accepit: per eam dirimi & sedari controversias; nec mutabilem esse, ut humana sunt ingenia, sed sui usquequâque similem, & à Deo immutabili æternam habere stabilitatem: per eam perpetuâ Traditionis serie arma subministrari, quibus defendatur veritas, simul debellentur à dextris & à sinistris errorum

rum doctores & frangantur hæreses, non modò præsentes, sed & futuræ: denique apud eam, sive Concilia, sive sanctos Patres, omnibus & temporibus & locis eandem tenuisse de singulis dogmatibus doctrinam. Quod cùm facit Episcopus Meldensis, juvat eum audire adversarios suos coarguentem, qui cùm ipsi inconstanter disputarent, neque antiquitatem satis cognitam haberent, pugnam quamdam inducerent Concilii cum Concilio, Patrumque cum Patribus; ex quâ pugnâ sequeretur Ecclesiam sanctam uno eodemque Spiritu jam non moveri, aut Christum Dominum Ecclesiæ suæ habenas aliquandò reliquisse. Ita igitur causam suam defendebat Episcopus Meldensis, Ecclesiam ubique demonstrans, ut unam, ut supremam, ut ab errore longè remotam. Quam Ecclesiæ indolem cùm apud eum videmus veritatis certâ notâ insignitam, fieri non potest quin Ecclesiam Catholici sanctius venerentur, ipsi hæretici non contumaces eam amplectantur, nec vituperationem justam subeant qui ejus tantam autoritatem aspernantur, nec testimonio credunt, non modò Orbis qui nunc est, sed ejus qui omnium fuit sæculorum.

Non quòd non aliquandò extiterint sanctorum Patrum discrepantes variæque sententiæ. Sed distinguebat, ut jam diximus, opinione ab decretis seu dogmatibus, neque quidquam pro dogmate habebat, nisi de quo sanctorum Patrum summa fuisset concordia; cætera in medio relinquebat, & sæpè iterabat, opinione varias fraudi esse non debere Catholicæ unitati. Et quanquam in quæstione de Ecclesiasticâ potestate, Ecclesia Gallicana suæ doctrinæ duces habeat & sequatur omnes sanctos Patres, tamen quia quæstio magnis altercationum nebulis involuta erat, ut verbis utar Augustini, de eâ Meldensis Episco-

Ejus in
secernen-
dis dog-
matibus
ab opinio-
nibus sin-
gularis
cautio.

pus pacifice disputabat ; & cum intelligeret quam difficile esset sententias Gallorum & Ultramontanorum tam varias conciliare , summè enitebatur ut ne propterea exorirentur in Ecclesiâ dira certamina & perniciosi motus animorum. Quapropter interdum excanduit summi viri semper lenitas , cum temerarios illos scriptores confundaret , qui Cleri Gallicani doctrinam hæreses notâ inurerent. Nam ipse Ultramontanas opiniones , quas sentit esse falsissimas , nullâ tamen censurâ laedit , non dubitans Catholicorum opinionibus , quanquam falsis , non labefactari fidem , & positum volens esse omnibus Theologis hoc fundamentum : *Credo Ecclesiam Catholicam* ; quo in fundamento collocatur dogmatum confessio , non opinionum , quæ variare possunt , salvis dogmatibus.

Cum in omni Autore laudanda est talis disputandi moderatio , tum maximè in eo , qui sit ingenio & plurimâ doctrinâ præcellens , ut erat Meldensis Episcopus. Nam jus ejus fuerat , si cuius unquam fuit , velle ut sua decreta rata essent. Sed cæteris quantum piaestabat , ita longè ab eo aberat , ut Theologus imperiosus esse videtur , & tanquam in sacrâ Republicâ , fratum suorum tyrannus. Et talis est natura ingenii solidi & excelsi , contraria mediocris & infirmi ; nam cum veri specie decipitur , neque in questiones altè penetrat , quid suæ sententiæ noceat non facile videt , & erroris sui causam vix aliquandò introspicit ; ex qua ingenii infirmitate sumit vires superbia & audacia. Quippe ingenii vulgaris est , ne suspicari quidem se aliquo errore fuisse deceptum ; ejus est sentire ac dicere doctrinam suam esse perspicuam & evidenter , mirari adversarios suis decretis non stare , non frangi rationum momentis : ejus est clamare sic tanquam aduersus hæreses , & pro certo ha-

bere adversarios suos esse non confutandos , sed contemnendos. Quod genus ingeniorum , quoniam non rarum est , sæpè videmus decreta condere ac dominari eos Autores quos minimè decuerat , eosdemque esse sæpenumerò causæ non bonæ acerrimos defensores , ne bonæ quidem satis paratos propugnatores.

Atqui tales ferebantur Gallicanæ Declarationis adversarii , qui partium studiis plus addicti , quam viros doctos oportuerat , suas opiniones dogmatum loco credi jubent , Gallorumque doctrinam non satis cognitam diris proscindunt modis & execrantur : tales , inquam , ROCCABERTUS & ejus approbatores , qui verbis duris ac inauditis Summum Pontificem cohortantur , ut *impiam juxta & detestabilem Gallicanorum Præfatum doctrinam confodiat*. Porro Meldensis Episcopus hos inter Ultramontanos immodicè sanguinantes & Gallos nonnullos , qui Declarationis capita certâ fide tenenda esse dicunt , & contrariam doctrinam hæreseos damnant , medium tenens iter , ipse invictissimè probat Gallorum doctrinam certam quidem esse , adversariorum falsam ; sed tamen hæreseos notam inuriis doctrinis non licere , quas Ecclesia adversùs hæreses vigilantissima tradi ac defendi non vetat , quasque Apostolica ipsa Sedes , cuius in hac controversiâ res agitur , æquo animo videt in utramque partem disputari. Etenim , inquit D. BOSSUET , *privatorum Doctorum proprio arbitrio , nullâ autoritate fundata decreta , in censuram conferre publicam , alienum ab Apostolicâ gravitate videbatur*. Quæ verba è lubentiis referimus , quod sanctæ Sedis sapientiam & moderationem non parum commendant.

Nunc dicendum nobis est de hujus operis formâ eâ quam D. BOSSUET delineavit , deque alterâ , quam sequi sibi aliquando proposuerat.

d ij

Dissert.
præv. n. x.De for-
mâ & di-
visione
hujusope-
ris.

Primam operis recognitionem & formam offert Editio quæ prodiit an. 1730. nisi quod illa Editio adeò mutila est ac manca & mendis typographicis tot tamque fœdis deformata, ut publicis utilitatibus vix inferire unquam possit.

Sed cùm multa intervenissent, de quibus mox dicemus, & cùm D. ROCCABERTUS immensa sua volumina, & suas dissertationes Abbas San-Gallensis edidissent, constituit Autor hanc operis formam delineare, quam exhibit hæc nostra Editio; id est eos libros qui in Editione an. 1730. tres primi sunt, tollere, dissertatione præviâ eos supplere, reliquum opus in tres partes distribuere.

Verùm enimverò nos, quos libros tres suppressimere volebat, quoniam eorum summam prævia dissertatione complectitur, ne Lectoribus id fraudi esset, non susstulimus; sed ad calcem Tomi II. rejecimus, ut Appendicis loco essent. Nam illi tres libri non paucas res continent, quæ in dissertatione præviâ habere locum suum non potuerunt, quæque sunt non parùm utiles & ipso genere excellentes.

Ex libro autem eo, qui supra dictæ Editionis quartus est, cogitabat, ut quidem credimus, tollere ea omnia quæ Gregorium VII. tangebant, ne videlicet inauditâ ejus audaciâ & arrogantiâ infirmiores animi læderentur; cætera ad frontem ponere libri ejus, qui ejusdem Editionis quintus est, & cum quintum facere primum. Nam eum ipsum quintum propriâ manu inscripsérat, *Liber primus*, sextum, *Liber secundus*, & sic reliquos, quibus apposuerat numerorum notas eas quas nos exequuti sumus. Sed quoniam librum quartum reliquit integrum, & res quæ in illo tractanturcum rebus li-

bri sequentis necessariâ cognatione connectuntur, non potuimus hos duos libros non in unum componere quos tamen in duas sectiones dividimus, ut liber qui in Editione 1730. quartus est, in nostrâ Editione prima sit libri primi sectio; quintus vero, ejusdem libri primi sectio secunda.

Videri quidem potest liber XI. in alienum locum conjectus, & septimus esse debere, tum ut rerum tractatarum series servetur, tum ne defensio Capitis IV. Declarationis antecedat Capitis III. defensionem.

Tria responderi possunt. 1º. Quanquam talis ordo librorum nonnullam ordinis perturbationem haberet, nihil inde accidere detrimenti; quia ordo librorum qualisque sit, manent eadem res in singulis libris tractatae.

2º. Quoniam Caput IV. Declarationis tangit Ecclesiasticam potestatem in iis quæ ad fidem spectant, tertium eandem potestatem in iis quæ ad disciplinam, Meldensi Episcopo visum fuisse, quæ ad fidem pertinent prius tractanda esse, quam quæ ad disciplinam.

3º. Tertiam causam afferri ex ipsis consiliis ultimis petitam.

Constituerat enim Meldensis Episcopus, omissa Declaratione, causam suscipere doctrinæ universæ tum Universitatis Parisiensis, tum Cleri Gallicani de potestate Ecclesiasticâ. Quo semel constituto, non erat cur in tractandis controversiis illum ordinem sequeretur, quem ipse in conscribendis Declarationis capitibus olim fuerat sequutus. Quare autem Declarationis capita non jam speciatim tangere vellet, causæ tales extiterunt.

Quo tempore libri S FONDATI & ROCCABERTI, nuper in vulgus editi, Episcopum Meldensem compulerunt ut dissertationem præviam componeret, erant in d ij

ter Romanam Curiam & Clerum Gallicanum bella jam composita. Conditionem pacis Curia Romana fecerat talem : Bullas suas se concessuram iis , quos ad Episcopatus & ad Abbatias Galliae Rex destinarat & nominarat, modò illi declararent, *mentem suam non fuisse in Comitiis quidquam decernere , aut peculiarem fidem condere.* Quam pacis conditionem cum Curia Romana instantius urgeret , intellexit D: BOSSUET Romanis Pontificibus Declarationem Gallicanam vehementer displicuisse. Ergo is vir , qui pacis , si quis unquam fuit , erat amantissimus , nullas conditiones ad pacem coagmentandam respuendas ratus , modò integra veritas maneret , statim apud se definivit , ut auribus Romanorum tenerioribus parceret , deleret ex suo opere hunc titulum : *Defensio Declarationis Cleri Gallicani* , illum novum faceret , qui nunc est dissertationis : *Gallia Orthodoxa , sive vindiciæ scholæ Parisiensis totiusque Cleri Gallicani* , Gallicanam doctrinam defenderet , sed tamen omitteret *Declarationis defensionem* , quia Romani sibi persuaferant Declarationem fuisse eo animo factam , ut *fidei quedam nova formula , canones fidesque peculiaris , conderentur*. Titulum igitur mutabat , non res tractatas. Nam quam doctrinam in Declaratione expresserat , eandem Majores nostri *sennentiam scholæ Parisiensis* & vocabant & egregie defendebant.

Ut primùm præviam dissertationem legimus , non dubitavimus consilium tale ab Episcopo Meldensi fuisse non modò suscepsum , sed perfectum. Nam cum eum in dissertatione videremus disertis verbis sic dicentem : *Abeat Declarationis libuerit ; non enim eam tutandam hinc suscipimus* incredibile videbatur huic dissertationi addidisse eum ejus Declarationis defensionem , quam in

Vid. Diff. n. vi. x. *Declarationis Cleri Gallicani* , illum novum faceret , qui nunc est dissertationis : *Gallia Orthodoxa , sive vindiciæ scholæ Parisiensis totiusque Cleri Gallicani* , Gallicanam doctrinam defenderet , sed tamen omitteret *Declarationis defensionem* , quia Romani sibi persuaferant Declarationem fuisse eo animo factam , ut *fidei quedam nova formula , canones fidesque peculiaris , conderentur*. Titulum igitur mutabat , non res tractatas. Nam quam doctrinam in Declaratione expresserat , eandem Majores nostri *sennentiam scholæ Parisiensis* & vocabant & egregie defendebant.

Dissert. n. x.

ipsâ dissertatione, tanquam infectam haberi non nollet.

Nostræ opinioni accesserunt novæ conjecturæ ex dia-
rio eo quod D. LE DIEU, qui Episcopo Meldensi fuit
à secretis, composuit; quod diarium unâ cum codici-
bus *defensionis* nostræ fidei Trecensis Episcopus com-
miserat, & in quo sic legitur: *M. de Meaux m'a dit ce*
matin 28. Septembre 1700. en remuant ses papiers, qu'il
veut mettre incessamment la dernière main à son ouvra-
ge DE ECCLESIASTICA POTESTATE, qu'il inti-
tule à présent GALLIA ORTHODOXA, &c.

Journ.
Cod. E.
circ. me-
dium.

In altero autem ejusdem diarii loco: *Le 22. Septem-*
bre 1701. M. de Meaux m'a demandé son traité DE ECCLÉ-
SIASTICA POTESTATE, dont il a seulement retenu les pre-
miers livres de la dernière révision & correction, sous le
titre de GALLIA ORTHODOXA, contre Rocaberti, &c.
Significat D. LE DIEU præviam dissertationem, quæ
defensionis trium priorum librorum loco erat. Nam in
eâ confutatur ROCCABERTUS, qui in reliquo opere
ne semel quidem nominatur.

Ib. Cod.
G. p. i.

His fere omnino persuasi fueramus, codices, qui in
nostras manus venerant, non eos esse, quos Meldensis
Episcopus ultimò recognoverat; quanquàm omnibus
propè paginis multa ipsius manu animadversa & addita
videremus. Itaque Trecensem Episcopum adivimus; ab
eo sciscitaturi, quos codices habebamus, an illi ipsi es-
sent, quibus ultimam manum Episcopus Meldensis ad-
didisset. Dubitationem omnem sustulit Episcopus Tre-
censis. Nam nobis amicè respondit, se valde mirari, non
ei nos omnem fidem habere, neque animo reputare quām
suā interesset Patrui sui opus sincerum in lucem prodire:
nos habere operis ejus codices qui supererant omnino
omnes, neque ullos sibi fuisse unquam cognitos aut vi-

sos: nos tamen non fuisse male auguratos; nam Episcopum Meldensem consilium cepisse tale, quale is in suâ dissertatione præ se tulit; sed ne id perficeret, fuisse eum & multis negotiis & malâ valetudine impeditum: quare insistendum esse in iis codicibus quos ipse ad nos misserat, quos esse sinceros & ultimis ex curis profectos persuadebant, tum multæ correctiones autographæ, tum etiam plurima additamenta, quæ manu propriâ Episcopus Meldensis exarârat.

Cæterùm judicare ex antedictis Lectores possunt; quòd ultimam hanc recognitionem non fecerit Episcopus Meldensis, nihil inde perire publicæ utilitati. Neque enim res alias fuit dicturus, aliamve doctrinam sequuturus: alium tantum titulum facturus erat, quædam etiam Romanæ Curiæ ingrata expuncturus, quæ, ut ipsius verbis utar, *ei displicere possent, non ex doctrinâ ipsâ, sed ex tradendæ doctrinæ ratione.*

Dissert.
n. x.

Nos verò etsi & Summum Pontificem, ut Catholicon decet, reveremur, & operis hujus formam tales fuisse optamus, in quâ Romanæ Curiæ Episcopus Meldensis maximè indulsisset, tamen nostri muneric esse arbitrii sumus, nihil operæ nostræ ad Magni Bossuet operam admiscere; non modò ejus tractatûs formam non mutare, sed ne verbum quidem addere vel detrahere; præsertim cùm id nobis Episcopus Trecensis etiam atque etiam mandârit.

Nam nobis formam eam, quam ultimam sibi proposuerat Episcopus Meldensis, exhibere facillimum fuisset. Quippe titulo mutato, omissis Declarationis Gallianæ quatuor capitibus, paucis quibusdam aliter enuntiatis, quæ paginas duas vix implerent, & pro his verbis quæ sâpè occurrunt: *Hæc docent in suâ Declaratione Praefules*

Præfules Gallicani, illis aliis positis: *Hæc Ecclesia Galli-
cana & Universitas Parisiensis semper docuerunt*, ultimam
recognitionem hujus operis ab Episcopo Meldensi me-
ditatam, tu erudite Lector, perfectam haberet, & no-
mine mutato, esset pura puta *defensio Declarationis Cleri
Gallicani*.

Speramus autem non tibi ingratum fore, quod tibi
Episcopi Meldensis consilium ultimum exposuerimus,
cum videre jam possis eum Magnum Virum non recu-
sasse, quin opus suum totum retractaret, eam unam
ob causam, ne concordia Gallicanæ Ecclesiæ cum Ro-
manâ læderetur. Quippe docere volebat, non pugna-
re; ad ipsam causam accedere, non, ut ipse dicebat,
causæ satis per se gravis cursum, accersitis difficultatibus Lib. vi.
cap. v.
impedire.

Nunc breviter dicendum de operis singulis partibus.

Præviæ dissertationis Trecensis Episcopus participem
fecerat prorsus neminem, non ipsum Ludovicum Ma-
gnum, cui, propter causas nobis incognitas, dederat
Defensionis id exemplar quod erat prioris tantum recogni-
tionis, non dederat additamenta multa quæ in codicibus
ultimæ recognitionis Autoris manu scripta erant. Nos
primi omnium sumus, qui hanc dissertationem legimus;
quam ultrò divulgamus, eruditorum manibus sàpè trac-
tandam & evolvendam.

Dissertationem hanc composuit in ultimâ senectute
Episcopus Meldensis, corpore infirmo, viribus ingenii
non debilitatis, ut neque scribendi moderatione & amo-
re concordiæ.

In eo opere, quanquàm à nominandâ Gallicanâ De-
claratione consultò abstineat, tamen egregiè ostendit
»hujus Declarationis doctrinam ab illâ doctrinâ toto

„Orbe multis abhinc sæculis notissimâ, quam Parisien-
 „sium vocant, nullâ ex parte esse diversam; proinde-
 „que Declarationis doctrinam damnari non posse ut
 „hæreticam & schismaticam, cùm Parisiensium senten-
 „tia manferit semper inconcussa & censuræ omnis ex-
 „pers: atqui Parisiensium sententiam, tum cùm eam
 „docerent, & toti Orbi testarentur Galli nostri, non
 „modo non reprehensam fuisse à Romanis Pontificibus
 „& à Conciliis Æcumenicis, sed habitam ut probatissi-
 „mam & certissimam à Pisano, Constantiensi, Basili-
 „leensi generalibus Conciliis, & ab *Alexandro V. Martino*
 „*V. Eugenia IV.* Summis Pontificibus, & in Conci-
 „lio Tridentino, atque adeò à *Pio IV.* saltem ut proba-
 „bilem & insontem.

Deinde probat „Gallicanam sententiam fuisse non
 „Constantiënsis Concilii temporibus occasione schis-
 „matis excogitatam, sed ab ipsâ Christianitatis origi-
 „ne profluentem, ex communibus decretis, &, ut vo-
 „cant, principiis nempe ex Scripturâ & Traditione af-
 „sumptam: hanc in omnibus Universitatibus, in omni-
 „bus Ecclesiis vulgatissimam extitisse, & à Scriptoribus
 „pietate & doctrinâ præstantissimis ubique terrarum pu-
 „blicè & cum laude defensam, nullibi reprehensam:
 „irritas esse illas neotericas censuras, quibus Clerus
 „Gallicanus lacescit, tum quòd à privatis Doctoribus
 „prodierint, tum quòd illi Doctores, summâ rei omis-
 „sâ, illa sæpè sectentur quæ sunt extra rem, aut ea con-
 „futent de quibus nulla controversia est. “

Non necesse habemus persequi singula hujus differ-
 entiationis capita, cùm præsertim in eâ *Defensionis* duæ pos-
 tremæ partes summatim contineantur. Hoc tantùm Lec-
 tores monitos esse volumus, in dissertatione multa re-

periri , quæ in *Defensione* fuerunt aut strictim disputata ; aut verò etiam prætermissa ; quia nimirùm confutandi erant nonnulli Autores , qui opera sua nondum ediderant ante recognitam ac recensitam *Defensionem*. Cæterùm tanta est in illâ dissertatione sermonis ubertas , perspicuitas , concinnitas , ingeniique vis ac sagacitas , ut ubique magnum dicendi & differendi artificem ac Doctorem D. B o s s u e t facile recognoscas.

Qui sui non dissimilis est in *Defensione* quæ sequitur , in quâ omnia tractantur , tum verè , tum enucleatè , sic ut veritas in clarissimâ luce versetur. Nihil autem profert suum ; promitt omnia de fontibus apertis Scripturæ & Traditionis ; ita ut ipsi de se hoc gloriari liceat quod olim dicebat Leo Magnus : *Non novæ prædicationis est (doctrina mea) ... in nullo discedens ab ejus fidei regulâ , quæ evidenter à nostris vestrisque est defensa Majoribus.*

In primâ parte , evolutis ab omni antiquitatis memoriâ ad decimum usque sæculum omnium populorum gestis , probat , » semper & ab omnibus hoc fuisse creditum : nempè ambas potestates Ecclesiasticam & civilem , suo in genere rebusque suis , sub Deo & post Deum primas esse , unique Deo subditas ; neque alteram potestatem ab alterâ deponi & in ordinem cogi posse : Gregorium VII. Regum deponendorum confidentissimum autorem , nullo exemplo , autoritate nullâ , eò profondere ausum , ut suæ potestati omnes civiles potestates obnoxias esse statueret : hujus & ejus successorum factum nullo Ecclesiæ decreto , nullâ professione confirmatum fuisse ; imò viros sanctos doctosque , qui post ea Pontificum de deponendis Regibus decreta floruerunt , in Patrum sententiâ adversus Gregorii VII. novitatem perstitisse : Romanos Pontifices id sibi priva-

*Defensio
Declara-
tionis Cle-
ri Gallica-
ni.*

*Leo Mag.
ep. cijj. ad
Proter.
Alex. cijj.
p. 645.
Pars I.*

„tim reservare voluisse ut Reges deponerent ; quippe
 „qui, cùm solerent in rebus Ecclesiasticis Episcoporum
 „assensionem requirere, & adscribere decretis, edita ea
 „esse, *sacro approbante Concilio*, decreta de deponendis
 „Regibus, in Conciliis etiam *Ecumenicis*, sic promul-
 „gabant ut ederentur *sacro quidem præsente*, non autem
 „consentiente aut *approbante Concilio* ; ita ut tali promul-
 „gandi ritu ipsi testarentur Regum depositiones non
 „Conciliarum autoritate, sed ab ipsis tantùm Pontificio
 „nomine esse gestas : Gregorii VII. sententiam aperte
 „nimiam de directâ Romani Pontificis in temporalia po-
 „testate ab ipso *Bellarmino* multisque aliis rejectam qui-
 „dem; sed eadem incommoda & pericula omnibus Reg-
 „nis & Imperiis imminere ex illâ, quam vocant in-
 „directâ potestate, quæ à directâ verbis tantùm differat.

Pars II. In secundâ parte opinionem *superioritatis* ejus, quâ
 Papæ potestas ipsâ Conciliarum *Ecumenicorum* potes-
 tate potior asseritur, eo convellit, » quòd talis *superiori-
 tas* Constantiensis *Ecumenici* Concilii canonibus pro-
 cripta fuerit : tum vana argumenta & frivolas Ultra-
 montanorum difficultates sic solvit, ut sublatis iis sub-
 tilitatibus, cavillationibus, ambagibus quibus ipsi se
 implicant, & huc atque illuc ipsius causæ suæ instabi-
 litate digrediuntur, ad fixum quid eos revocet, & in
 illo tandem articulo cogat consistere : rem decisam ac
 definitam fuisse Concilii Constantiensis autoritate, &
 confirmatam à Concilio Basileensi in primis Sessioni-
 bus; id est, tum cùm ipse Romanus Pontifex Eugenius
 IV. illud haberet pro *Ecumenico* : Synodi *Ecumeni-
 cae* titulum Concilio Constantensi denegari nusquam
 posse, neque ejus autoritatem fluxam dici, nisi con-
 cūculcatâ Conciliarum generalium Papiensis, Senensis,

»Basileensis, Florentini, nec non Summorum Pontificum
 »Martini V. Eugenii IV. Nicolai V. Pii II. & aliorum,
 »qui dictis, decretis, factis Constantiensia decreta con-
 »firmârunt, approbârunt, venerati sunt, expressâ auto-
 »ritate; neque verò eos à gravi censurâ, saltem à ma-
 »ximæ temeritatis notâ immunes esse posse, qui, spretis
 »tot Conciliis Ecumenicis ac Pontificibus, tantâque
 »nube testium, & ipsâ Ecclesiâ, hujus Concilii toties
 »confirmata decreta labefactare, collidere, respuere non
 »vereantur.

Tertiâ parte, ut Pontificiam hanc *superioritatem* configat, & novam Ultramontanorum doctrinam de Papæ infallibilitate eodem iectu confodiat, aggreditur omnem Traditionem revolvere, atque ex eâ ostendere:
 »has opiniones toti antiquitati prorsùs incognitas fuisse,
 »atque adeò esse falsas: semper à Patribus & à Conciliis
 »in universalis Ecclesiæ consensione fuisse repositam vim
 »illam irreformabilem & irretractabilem, quam in ævum
 »duraturam Christus Ecclesiæ promisit: Ecclesiam, ne-
 »dum illam agnoverit Pontificum Romanorum potiorem
 »autoritatem, illatas à Pontificibus sententias & decre-
 »tales nunquam habuisse pro infallibili atque irrefraga-
 »bili judicio, nisi priùs, quæstione habitâ factoque ex-
 »amine, summâ suâ & ineluctabili autoritate & consen-
 »sione illas confirmâisset: Ecclesiam aliquandò etiam
 »Pontificum Romanorum decretales in Conciliis resciri
 »disse: indè probari de Pontificum judiciis dubitari posse;
 »quòd illa in Synodis retractentur; è contra de Syno-
 »dorum Ecumenicarum judiciis dubitari non posse, cùm
 »post talia judicia, nihil retractari, nihil audiri liceat:
 »fateri interdum Pontificiæ *superioritatis* vehementissi-
 »mos defensores, Papam in hæresi pertinacem à Con-

Pars III.

„cilio judicari & deponi posse ; quo semel posito, hanc
„superioritatem cassam esse oportere : falli autem inter-
„dum Pontifices testari omnia Ecclesiastica monumenta :
„lapsus quorumdam Pontificum tam esse certos, & eo-
„rum tam certam damnationem , ut nihil unquam sit
„certius : frustrà eos esse qui dicunt , ea tantùm Pontifi-
„cia decreta à se haberi pro irretractabilibus , quæ ex
„Cathedrâ edita fuerint : multa Honorii & aliorum Pon-
„tificum etiam corpori Juris inserta dogmatica decreta ;
„totâ licet Sedis Apostolicæ autoritate prolata , dam-
„nari meruisse : absurdum esse decreti infallibilitatem
„pendere velle ab iis formulis quas postera ætas indu-
„xit : cæterū nonnullas decretales iis omnibus vestitas
„formulis, quibus decretum fidei nunc constare volunt ;
„nihilominus retractabiles , imò falsas visas fuisse , &
„ab ipsis Pontificibus rescissas : Gregorii VII. novam
„opinionem de supremo suo in terrenas omnes potesta-
„tes dominatu , illis opinionibus , quibus Papæ in Con-
„cilia generalia potior potestas asseritur , & ejus in tra-
„dendâ fide *infallibilitas* , antiquorem esse, cum Bene-
„dictus XIII. seu Petrus *De Lunâ* in schismate indura-
„tus , omnium mortalium primus appellations à Papâ
„ad Concilium expressâ sententiâ damnaverit , *infalli-*
„*bilitatis* autem opinio tempore Concilii Florentini nata
„sit , occasione dissidiorum Eugenii IV. & Concilii Ba-
„sileensis ; atque etiam tum novam hanc opinionem va-
„riis modis involutam & obtectam Eugenii defensores
„proponerent , ne ipsâ novitate Catholici læderentur ;
„ita ut nunquam apertè defensa fuerit ante Leonis X.
„Pontificatum , & exortas inter Catholicos & Germa-
„niæ Protestantes graves controversias.

In volumen cresceret hæc nostra Præfatio, si omnia à

nobis commemorari oporteret. Prætermittimus eas quæstiones, quæ, datâ occasione, ab illustrissimo Autore pertractantur; quales sunt ex quæ sextæ Synodi *ἀθενέων* spectant & latæ in Honorium excommunicationis sententiæ, atque alia ejusmodi.

Exacto opere, pro clausulâ ponit Meldensis Episcopus Corollarium, in quo non tantum probat, sed veluti ponit ob oculos hanc propositionem: »A Gallis Primum Romanum & Sedis Apostolicæ majestatem exquisitori ratione propugnari, confirmari, illustrari, quam ab Ultramontanis Doctoribus, qui novellas, sive adinventiones, sive adulaciones, sive potius ludibria secuntur. Aperit incomoda, absurdâ, falsa, in quæ se induant illi viri sanctæ Sedis studiosi quidem, sed adeò improvidi, ut ejus autoritatem odiosam, invidiosam, contemnendam reddere velle videantur.« Illius Corollarii pressa oratio est: in eo tot sunt sententiæ quot verba, plurimorumque voluminum instar haberi potest.

Neque verò tres libros Appendicis nullo suo detrimenro à se prætermitti posse Lectores credant. Nam, quamvis eos libros prævia dissertatione complectatur, tamen; id quod jam monuimus, multa in iis & quidem eximia reperiuntur, quæ in dissertatione admisceri operis series non sinebat; & præterea, in illis quoque libris, ubique senties Magni Meldensis Episcopi & stylum & ingenium. Non quòd non dumeta quædam & vepres anteriores sis offensurus. Nam adversarios infectari litigiosos & veteratores necesse erat. Sed labor utilitate compensabitur, cùm videbis veritatem ex tot scholasticis subtilitatibus emergere in splendidissimam lucem.

Dicendum nunc quales extiterint operis hujus edendi nostræ * curæ. Cùm primùm hoc oneris nobis imponebat

Corolla-
rium.

Appen-
dix.

I V.
* Operis
hujus e-
dendi quæ
nostræ cu-
ræ fue-
rint.

Episcopus Trecensis, veriti sumus ne illius mole gravaremur, nec non id deponere conati sumus: quosdam etiam nominabamus, à quibus illud oneris melius sustineri posset. Sed mandatum dabat is Episcopus, quem nos summâ reverentiâ colebamus: ii amici cohortabantur, quos de Republicâ Christianâ benè meritos, non audire, quanquam invitè, non potuimus.

Ergò Episcopi Trecensis jussu difficultem provinciam suscepimus, qui postquam nobis commisit operis manuscriptos codices, nos, iis inter se collatis, eos selegimus, qui ipsius Meldensis Episcopi manu plurimum emendati erant, & multis in locis, imprimis lib. V. & VI. aucti ac locupletati. Hinc fit ut nostra hæc Editio sit Editione an. 1730. multo absolutior, etiam ad fidem autographorum multò emendatior. Porrò illi codices sedulò asservantur, futuri aliquandò, si opus fuerit, nostræ in illis exhibendis incorruptæ diligentia, sinceri testes.

Multa etiam D. BOSSUET aut ipse sustulerat, præsertim ex secundâ & tertîâ parte & ex Corollario, aut, ut à descriptore tollerentur, quibusdam notis significarat. Nempè ea omnia conjecerat in præviam dissertationem, præterquam libri X. caput unum totum, quod omnino aboleri jussérat. In eo autem capite referebantur Acta sancti Eusebii Presbyteri & Martyris, quæ Acta Meldensi Episcopo, postquam in ea diligenter introspexisset, visa fuerant insincera, aut saltem dubiæ autoritatis. Nos illud caput ad calcem Appendixis rejecimus, ne quid in nostrâ Editione desiderari videretur.

Illud quoque hîc à nobis observari oportet, Meldensis Episcopi morem perpetuum fuisse uti schedulis, in quibus ea scriberet, quæ in locis emendatis ad continuandum sermonem necessaria essent. Talium schedularum

tres aut quatuor deerant, sive amissæ illæ fuerint, sive eas ipse in suo loco ponere omiserit. Quare eas, necessitate cogente, supplevimus, quas facile agnoscēs, ut potè typis Italicis editas, nec non etiam parenthesi interclusas.

Quamvis non parvi laboris erat talis Editio, nihil tamen prætermittere constitueramus, undè in Publicum utilitates nonnullæ existere possent. Ergò autoritates omnes in toto Tractatu allegatas cum ipsis Autorum libris contulimus, eaque resarcivimus quæ erant à descriptoribus, aut omissa, aut mendosè scripta; & ne quid deesset, allegationes ita ad marginem expressimus, ut illæ plerumque tum novas Editiones, tum etiam veteres, quibus utebatur Meldensis Episcopus, unâ complectantur. Addidimus, prout sese dedit occasio, notas nonnullas, tam Historicas, quam Theologicas, atque etiam Criticas, eò ut, si quā non satis clara videri possent, illustrarentur, & ut cognoscerentur, sive quidam obscuri Autores, quos D. BOSSUET, vel causæ suæ faventes allegat, vel confutat, sive eorum Autorum libri, quos nonnunquam per summa capita totos descripsimus. Porrò in comprehendendis notis, nobis proposuimus ad imitandum, ipsius Meldensis Episcopi modestiam, æquabilitatem, moderationem.

Totum illud opus Gallicum fecimus de mandato Episcopi Trecensis, & separatè edidimus. Nam consentaneum videbatur ut Gallicanarum Libertatum defensionem Galli homines suâ in Linguâ expositam viderent.

Erit de illâ qualicumque nostrâ operâ, sive notis, sive versione Gallicâ Lectorum judicium. Quòd si quid nobis erroris exciderit, nos, utpotè imbecillitatis nostræ consciij & solius veritatis amore duc̄ti, errorem cor-

rigere & in unâ veritate acquiescere desideramus. Itaque, sive amici erunt qui nostras curas redarguent, sive inimici, modò benè redarguant, gratum nobis facient. Memores quippe sumus Augustinianæ illius sententiæ :

Aug. lib. ij. de Tri-nit. præm. tom. viij. p. 772.

Nullus reprehensor formidandus est amatori veritatis. Si ergo inimicus insultat, ferendus est; amicus autem.... si docet, audiendus.

Post hanc Præfationem edi curavimus Declarationem *Conventū Cleri Gallicani an. 1682. de potestate Ecclesiasticā* à D. BOSSUET compositam, ut hujus Conventū Acta testantur : *Epiſtolam ejusdem Conventū ad universos Ecclesiæ Gallicanæ Presules*, cuius Autor fuit D. GILBERTUS DE CHOISEUIL DU PLESSIS-PRALIN, Episcopus Tornacensis; Denique Edictum, quo Ludovicus Magnus Gallicanam Declarationem in commentarios supremarum Curiarum & Universitatum referri jussit, & à Baccalau-reis propositis thesibus publicè defendi. Ante versionem Gallicam edidimus Gallico idiomate compositam *Relationem* Tornacensis Episcopi ad Conventum Cleri Gallicani de Declaratione, etiam *Libellum Gallicum*, quo Meldensis Episcopus Ludovicum Magnum admonebat de iis quæ agenda sibi viderentur à supremâ Curiâ Parisiensi adversus ROCCABERTI libros. Ea Acta quæ Typographiæ lucem nondum viderant, & in illâ causâ maximi momenti sunt; si quis legere volet, adibit Gallicam nostram Editionem.

Jam tempus est ut nostræ Præfationi finis imponatur. Hoc unum addimus, optabile esse in vulgus edi alios Meldensis Episcopi libros hactenus ineditos, ex quibus maximi fructus in Christianam Rempublicam redundarent, quos inter nominandi veniunt Tractatus *de Gratia*, in quo S. Augustini doctrina & ipse Augustinus à

R. SIMON protèrè l'acessitus egregiè defenditur: *Germanyæ conciliatio*, in quâ res inter Catholicos & Protestantes agitatae tali methodo tractantur, ut cùm nihil firmius & nitidius, tum nihil etiam accuratius & moderatius de istiusmodi quæstionibus scriptum unquam fuerit: Tractatus adversus LUD. ELIAM DUPIN Doctorem Sorbonicum: Epistolas plurimas, multaque alia opera, quæ viri docti tam avidè legerent, quâm impatienter ferunt his se tandiu defraudari. Tales enim reliquias auro pretiosiores habent, quotquot Meldensem Episcopum penitus nôrunt, eum inquam Episcopum, qui suâ doctrinâ & eloquentiâ Ecclesiæ Gallicanæ maximum lumen fuit & præcipuum ornamentum, & quem spes est Ecclesiam esse aliquandò habituram in numero eorum, quos suos vocat Doctores, & ut suos Patres summè veneratur.

*Excerpta ex Epistolâ Gallicâ Illustrissimi ac Reverendissimi
Jacobi Benigni BOSSU ET Trecensis Episcopi,
31. Augusti 1735.*

J'ai été aussi surpris que vous d'apprendre qu'on venoit de donner au public la premiere partie de l'ouvrage (*les trois livres qui sont les premiers dans l'Edition Latine de 1730.*) avec une traduction, & qu'on promettoit de donner incessamment le reste. Comme je n'ai eu aucune part, telle qu'elle puisse être au monde, ni à cette traduction, ni à la publication, & que je ne sçais ce que c'est que tout cela, j'ai différé à vous écrire, que je me fusse informé à Paris de ce qui s'est passé à ce sujet.... Ce que j'ai appris, que d'habiles connoisseurs ne sont que mediocrement satisfaits de l'ouvrage en question, m'en donne une assez mauvaise opinion, & ne me fait pas perdre la vûe d'une bonne traduction & d'une bonne Edition, s'il y a moyen. Ainsi si celui qui a si bien commencé, n'est pas assez degouté de continuer par ce qui vient d'arriver, j'aurois une très-grande satisfaction qu'il vou-

lût bien continuer cet ouvrage, auquel je joindrai toute mon autorité , si on me laisse faire , & si des puissances superieures ne m'en empêchent point. C'est ce qui dépendra des circonstances du tems & de la disposition des têtes & des cœurs.... Je remédierai aisement avec le secours de gens habiles & de l'excellent traducteur , aux corrections qu'il faudra faire sur quelques citations fautives.... Au reste je n'ai point du tout perdu l'idée , ni de la personne , ni du merite , ni des talens de M. *** Je suis rempli d'estime & d'amitié pour lui ; & dès que son cœur est prevenu en faveur de M. de Meaux , comme il me l'a toujours paru ; & qu'il conserve quelque amitié pour moi ; il est difficile que son genie , son bon gout , & son esprit ne repondent pas du succès de ce qu'il voudra bien entreprendre ; sur tout s'il est à portée d'agir sur cela de concert avec M. *** que ses seules occupations ont detourné de ce travail ; mais qui m'a promis de donner à la revision de cette traduction toute son attention & tout son tems &c.

† B E N I G N E , Evêque
de Troyes.





CLERI GALLICANI DE ECCLESIASTICA POTESTATE DECLARATIO.

Die 19. Martii 1682.

ECCLESIAE Gallicanæ Decreta & Libertates à Majoribus nostris tanto studio propugnatas, earumque fundamenta sacris Canonibus & Patrum Traditione nixa multi di- ruere moluntur ; nec desunt qui earum obtentu Primatum beati Petri ejusque successorum Romanorum Pontificum à Christo institutum , iisque debitam ab omnibus Christianis obedientiam , Sedisque Apostolicæ , in quâ fides prædicatur , & unitas servatur Ecclesiæ , reverendam omnibus gentibus majestatem imminuere non vereantur. Hæretici quoque nihil prætermittunt , quo eam potestatem quâ pax Ecclesiæ conti- netur , invidiosam & gravem Regibus & populis ostentent , iisque fraudibus simplices animas ab Ecclesiæ matris Christi- que adeò communione dissocient. Quæ ut incommoda pro- pulssemus , Nos Archiepiscopi & Episcopi Parisiis mandato re- gio congregati , Ecclesiam Gallicanam repræsentantes , unà cum cæteris Ecclesiasticis viris nobiscum deputatis , diligent tractatu habito , hæc fancienda & declaranda esse duximus.

I.

Primùm : beato Petro ejusque successoribus Christi Vicariis ipsique Ecclesiæ rerum spiritualium & ad æternam salutem pertinentium , non autem civilium ac temporalium , à Deo traditam potestatem , dicente Domino , *Regnum meum non est de hoc mundo* , & iterùm , *Reddite ergo quæ sunt Cæsaris Cæ- sari , & quæ sunt Dei Deo* ; ac proinde stare Apostolicum il- lud : *Omnis anima potestatibus sublimioribus subdita sit : non est f iiij*

Joan. xviii.

Luc. xx.

25.

Rom. xiii.

1. 2.

*enim potestas nisi à Deo: quæ autem sunt, à Deo ordinatae sunt.
Itaque qui potestati resistit, Dei ordinationi resistit.* Reges ergò & Principes in temporalibus nulli Ecclesiasticæ potestati Dei ordinatione subjici, neque autoritate clavum Ecclesiæ, directè vel indirectè deponi, aut illorum subditos eximi à fide atque obedientiâ, ac præstito fidelitatis sacramento solvi posse, eamque sententiam publicæ tranquillitati necessariam, nec minùs, Ecclesiæ quâm Imperio utilem, ut verbo Dei, Patrum Traditioni & Sanctorum exemplis consonam omnino retinendam,

I I.

Sic autem inesse Apostolicæ Sedi ac Petri successoribus Christi Vicariis rerum spiritualium plenam potestatem, ut simul valeant atque immota consistant sanctæ Ecumenicæ Synodi Constantiensis à Sede Apostolicâ comprobata, ipsoque Romanorum Pontificum ac totius Ecclesiæ usu confirmata, atque ab Ecclesiâ Gallicanâ perpetuâ religione custodita decreta de autoritate Conciliorum generalium, quæ sessione quartâ & quintâ continentur, nec probari à Gallicanâ Ecclesiâ, qui eorum decretorum, quasi dubiæ sint autoritatis ac minùs approbata, robur infringant, aut ad solum schismatis tempus Concilii dicta detorqueant.

I I I.

Hinc Apostolicæ potestatis usum moderandum per Canones Spiritu Dei conditos & totius mundi reverentiâ consecratos: valere etiam regulas, mores & instituta à Regno & Ecclesiâ Gallicanâ recepta, Patrumque terminos manere inconcusso; atque id pertinere ad amplitudinem Apostolicæ Sedis, ut statuta & consuetudines tantæ Sedis & Ecclesiarum confessione firmatæ, propriam stabilitatem obtineant.

I V.

In fidei quoque questionibus præcipuas Summi Pontificis esse partes, ejusque decreta ad omnes & singulas Ecclesias pertinere, nec tamen irreformabile esse judicium, nisi Ecclesiæ consensus accelererit.

Quæ accepta à Patribus ad omnes Ecclesias Gallicanas atque Episcopos iis Spiritu sancto autore præsidentes,mittenda decrevimus; ut idipsum dicamus omnes, simusque in eodem sensu & in eâdem sententiâ.

- † FRANCISCUS Archiepiscopus Parisiensis, Præses.
 † CAROLUS-MAURITIUS Arch. Dux Remensis.
 † CAROLUS Ebredunensis Archiepiscopus.
 † JACOBUS Archiepiscopus Dux Cameracensis.
 † HYACINTUS Archiepiscopus Albienensis.
 † M. PHELYPEAUX P. P. Archiep. Bituricensis.
 † LUDOVICUS DE BOURLEMONT Archiepiscopus Burdigalensis.
 † JACOBUS-NICOLAUS COLBERT Archiep. Carthaginensis, Coadjutor Rothomagensis.
 † GILBERTUS Episcopus Tornacensis.
 † HENRICUS DE LAVA L Episcopus Rupellensis.
 † NICOLAUS Episcopus Regiensis.
 † DANIEL DE COSNAC Episcopus & Comes Valentinenensis & Dienensis.
 † GABRIEL Episcopus Aduensis.
 † GUILLELMUS Episcopus Vasatensis.
 † GABRIEL-PH. DE FROULLAY DE TESSE' Episcopus Abrincensis.
 † JOANNES Episcopus Tolonensis.
 † JACOBUS-BENIGNUS Episcopus Meldensis.
 † SEBASTIANUS DU GUEMADEUC Episc. Macloviensis.
 † L. M. AR. DE SIMIANE DE GORDES Episcopus, Dux Lingonensis.
 † FR. LEO Episcopus Glandatenis.
 † LUCAS D'AQUIN Episcopus Forojuliensis.
 † J. B. M. COLBERT Episcopus & D. Montis-Albani.
 † CAROLUS DE PRADEL Episcopus Montis-Pessulanus.
 † FRANCISCUS-PLACIDUS Episcopus Mimatenensis.
 † CAROLUS Episcopus Vaurenensis.
 † ANDREAS Episcopus Antissiod.
 † FRANCISCUS Episc. Trecensis.
 † LUD. ANT. Episcopus, Comes Cathalaunensis.
 † FRANC. IG. Episcopus, Comes Trecorensis.
 † PETRUS DU LAURENS Episcopus Bellicensis.
 † GABRIEL Episc. Conferanensis.
 † LUDOVICUS ALPHONSUS Alectensis Episcopus.
 † HUMBERTUS Episcopus Tutellensis.
 † J. B. D'ESTAMPES Massiliensis Episcopus.

PAUL PHIL DE LUSIGNAN.
DE FRANQUEVILLE.
LUDOVICUS D'ESPINAY de Saint Luc.
COQUELIN.
A. Faure.
C. F. DE GUENEGAUD.
GERBAIS.
LAMBERT.
DE VIENS.
P. DE BERMONT.
A. H. DE FLEURY.
FR. DE CAMPS,
DE MAUPEOU.
DE LA BOREY.
FRANCISCUS FEU.
CLEMENS DE POUDEUX.
LE FRANC DE LA GRANGE.
J. F. DE L'ESCURE.
DE SENAUX.
M. DE RATABON.
BIGOT.
DE VILLENEUVE DE VENCE.
PARRA Decanus Bellicensis.
LA FAYE.
DE BOCHE.
PETRUS LE ROY.
DE SOUPETS.
A. ARGOUD Decanus Viennæ.
DE BEAUSSET Præpositus Massiliensis,
G. BOCHARD de Champigny.
DE S. GEORGES Comes Lugdunensis.
COURCIER.
DE GOURGUES.
F. MAUCROIX.
CHERON.
J. DESMARETS Cleri Gallicani Agens generalis.
ARMANDUS BAZIN DE BESONS Cleri Gallicani Agens
generalis.

E P I S T O L A
 CONVENTÙS CLERI GALLICANI
 A D U N I V E R S O S
 ECCLESIÆ GALLICANÆ PRÆSULES.

ILLUSTRISSIMIS AC REVERENDISSIMIS
 ARCHIEPISCOPIS ET EPISCOPIS
 IN TOTO GALLIARUM REGNO CONSTITUTIS,
ARCHIEPISCOPI ET EPISCOPI
CÆTERIQUE ECCLESIASTICI VIRI
A CLERO GALLICANO DEPUTATI
Mandato Regio Parisiis congregati; SALUTEM.

REVERENDISSIMI AC RELIGIOSISSIMI CONSACERDOTES,

NON vos latet concussam aliquatenus nuper fuisse Ecclesiæ Gallicanæ pacem, quandoquidem nos misit vestræ Fraternitatis charitas ad illud periculum propulsandum.

Fidenter cum B. Cypriano pronuntiamus, CHARISSIMI S. Cypr.
lib.de Unit.
Eccl. p. 77.
edit. Oxon; COLLEGÆ, Christum, ut unitatem manifestaret, unam Cathedram constituisse, & unitatis originem ab uno incipientem suâ autoritate disposuisse; eumque, qui Cathedram Petri, super quam fun-

Idata est Ecclesia, deserit, in Ecclesia non esse; qui verò Ecclesiae unitatem non tenet, nec fidem habere. Quare nihil nobis antiquius fuit, statim atque congregati sumus in nomine Christi, quām ut unius corporis, quod non omnes esse inclamat Apostolus, unus effet spiritus, nec essent in nobis schismata; nedum vel minima cum totius Ecclesiae Capite dissensionis suspicio. Hoc autem eò magis pertimuimus, HONORATISSIMI PRÆSULES, quòd eum Pontificem impræsentiarùm nobis providit DEUS OPTIMUS MAXIMUS, quem ob eximias, quibus abundè præditus est, omnium Pastoralium virtutum dotes, non modò Ecclesiae Petram; sed etiam tanquam Fidelium, atque in omnibus, exemplum bonorum operum, debemus jure merito venerari.

^{15.}
<sup>j. Tim. iv.
12. Tit. ii.
15.</sup>

Hanc nostræ concordiæ, & ad tuendam Ecclesiae unitatem confpiracionis ideam tam piè, tam doctè, tam facundè in omnium nostrum animis præformavit Illustrissimus Orator, qui primus quasi nostrorum Comitiorum os aperuit, dum Spiritus Sancti gratiam & auxilium communibus votis, sacrificante Illustrissimo Parisiensi Archiepiscopo, nostro dignissimo Præside, invocavimus; ut indè nostri Conventus felicissimum exitum ominati sint universi.

Non dubitamus equidem, CONSACERDOTES REVERENDISSIMI, quin pergratum vobis fuerit, quod à Regis nostri Christianissimi pietate obtinuimus, quodque vicissim ad pacem servandam, ac tanti Principis gratiam conciliandam, simul & ad memoris nostri animi testificationem rependimus; quodque tandem scripsimus ad Sanctissimum Pontificem. Sed operæ pretium esse duximus aliquid ulterius explicare, ne quid unquam contingat, quod possit Ecclesiae quietem ordinisque tranquillitatem tantisper commovere.

Sanè, cùm vel ad levissimam discordiæ umbram unusquisque nostrum exhoruerit, existimavimus maximè nos Ecclesiae unitati profuturos, si certas regulas conderemus; vel potius antiquas in fidelium memoriam revocaremus, quibus tota Ecclesia Galicana, quam nos regere posuit Spiritus Sanctus, ita secura esset, ut nemo unquam vel deformi assentatione, vel abruptâ falsæ libertatis cupiditate, terminos transgrederetur quos posuerunt Patres nostri; sicque nos ab omni dissensionis periculo explicata veritas liberaret.

<sup>A&g. xxij.
Prov. xxij.
28.</sup>

Quandoquidem verò non modò tenemur Catholicorum paci-

studere, sed etiam procuranda eorum reconciliationi, qui à Christi Sponsa segregati, adulteræ conjuncti sunt, & à promissis Ecclesiæ separati; adhuc ea ratio nos impulit, ut eam aperiremus, quam veram esse arbitramur, Catholicorum sententiam. Sic enim factum iri speravimus, ut nemo amplius fidelium fraternitatem mendacio fallat, aut fidei veritatem perfidâ prævaricatione corrumpat; & qui in Romanam Ecclesiam, erroris nobis afficti specie, velut in reprobata Babylonem haec tenus debacchati sunt, quia mentem nostram vel ignorârunt, vel se ignorare simulârunt, detracâ tandem falsitatis larvâ, à calumniis suis imposterum temperent, & in suo schismate, quod tanquam ipsâmet Idolatriâ detestabilius crimen execratur Augustinus, diutiùs non perseverent.

S. Cypr.
lib. de Unit.
Eccl. p. 78.

Ibid.

Profitemur itaque, ILLUSTRISSIMI PRÆSULES, quamvis duodecim, quos elegit JESUS & Apostolos nominavit, sic, ad regendam in solidum suam Ecclesiam, constituerit, ut essent pari, sicut loquitur S. Cyprianus, honoris & potestatis consortio prædicti, Primum tamen Petro divinitus fuisse concessum; quod & ab Evangelio discimus, & tota docet Ecclesiastica Traditio. Quare in Romano Pontifice, Petri successore, Summam, licet non solam, cum B. Bernardo, à Deo institutam Apostolicam potestatem venerati, servato crediti nobis Christi Sacerdotii honore, Claves primùm uni traditas esse, ut unitati servarentur, cum sanctis Patribus, Ecclesiæque Doctoribus prædicamus; sique Summorum Pontificum, seu quoad fidem, seu quoad generalem disciplinæ morumque reformationem decretis, fideles omnes censemus esse obnoxios, ut supremæ illius spiritualis potestatis usus per Canones totius Orbis observantia consecratos determinandus moderandusque sit: si qua autem ex Ecclesiarum dissensione, gravis difficultas emerserit, Major, ut loquitur Leo Magnus, ex toto Orbe Sacerdotum numerus congregetur, generalisque Synodus celebretur, quæ omnes offensiones ita aut repellat aut mitiget, ne ultrâ aliquid sit vel in fide dubium, vel in charitate divisum.

S. Aug.
Ep. Ij. al.
clxxij. tom.
ij. p. 116.

Luc.vj.13.

S. Cypr.
de Unitat.
Eccl. loc.
jam cit.

S. Bern.
lib. iij. de
Confid. cap.
iv. n. 17. p.
433.

S. Leo Ep.
ad Theo-
dos. Aug.
xxxiv. al.
xxiv. cap.
ij. iii.

Cæterùm, FRATRES RELIGIOSISSIMI, cùm Respublica Christiana, non Sacerdotio tantùm, sed etiam Regum & sublimiorum potestatum Imperio gubernetur; ita quoque ut profeximus, ne schismatibus dividatur Ecclesia, sic & debuimus omnibus Imperii tumultibus, populorumque motibus obviam ire,

g ij

in eo præsertim Regno, in quo tot olim, specie religionis, perduelliones exortæ sunt, ac propterea Regiam autoritatem, quoad temporalia, à Pontificiâ liberam esse pronuntiavimus, ne si forte Ecclesiastica potestas crederetur aliquid moliri quod tempore minueret, Christiana tranquillitas turbaretur.

Rogamus porrò fraternitatem pietatemque vestram, REVERENDISSIMI PRÆSULES, ut quondam Concilii Constantinopolitani primi Patres rogabant Romanæ Synodi Episcopos, ad quos Synodalia sua gesta mittebant, ut de iis, quæ, ad Ecclesiæ Gallicanæ perpetuò fartam tectam conservandam pacem explicuimus, nobis *congratulemini*, & idem nobiscum sentientes, eam, quam communi consilio divulgandam esse censuimus, doctrinam, in vestris singuli Ecclesiis, atque etiam Universitatibus & scholis vestræ Pastorali curæ commissis, aut apud vestras Dioceses constitutis, ita procuretis admitti, ut nihil unquam ipsi contrarium doceatur. Sic eveniet ut, quemadmodum Romanæ Synodi Patrum consensione, Constantinopolitana uiversalis & Ecumenica Synodus effecta est, ita & communi nostrum omnium sententiâ noster Confessus fiat Nationale totius Regni Concilium; & quos ad vos mittimus doctrinæ nostræ articuli, fidelibus venerandi & nunquam intermorituri Ecclesiæ Gallicanæ Canones evadant.

Optamus vos semper in Christo benè valere, precamurque Deum immortalem, ut vestram fraternitatem, ad Ecclesiæ suæ bonum, florentem & in columem servet.

Vobis ADDICTISSIMI COLLEGÆ
Archiepiscopi, Episcopi & cæteri Ecclesiastici
viri à Clero Gallicano deputati.

FRANCISCUS Archiepiscopus
Parisiensis, Præfes.


*Parisiis 14. Kalend. April.
ann. 1682.*

De mandato Illustrissimorum & Reverendissimorum Archiepiscoporum, Episcoporum, totiusque cœtūs Ecclesiastici in Comitiis generalibus Cleri Gallicani Parisis congregati.

MAUCROIX *Canonicus*
Remensis à Secretis.

COURCIER *Theologus*
Eccl. Paris. à Secretis.

Epist. Sy-
nod. Conc.
Conf. I. ad
Conc. Rom.
T. ij. Conc.
p. 960.



EDIT DU ROY.

*Sur la Declaration faite par le Clergé de France , de ses
sentimens touchant la puissance Ecclesiastique.*

Registré en Parlement le 23. Mars 1682.

LOUIS PAR LA GRACE DE DIEU ROY DE FRANCE ET DE NAVARRE , à tous presens & à venir , SALUT. Bien que l'independance de notre Couronne de toute autre puissance que de Dieu , soit une verité certaine & incontestable , & établie sur les propres paroles de JESUS-CHRIST , Nous n'avons pas laissé de recevoir avec plaisir la Declaration que les Députés du Clergé de France assemblés par nostre permission en notre bonne Ville de Paris , nous ont présentée , contenant leurs sentimens touchant la puissance Ecclesiastique ; & nous avons d'autant plus volontiers écouté la supplication que lesdits Députés nous ont faite de faire publier cette Declaration dans notre Royaume , qu'étant faite par une Assemblée composée de tant de personnes également recommandables par leur vertu & par leur doctrine , & qui s'employent avec tant de zèle à tout ce qui peut être avantageux à l'Eglise & à notre service , la sagesse & la moderation avec laquelle ils ont expliqué les sentimens que l'on doit avoir sur ce sujet , peut beaucoup contribuer à confirmer nos sujets dans le respect qu'ils sont tenus comme nous de rendre à l'autorité que Dieu a donnée à l'Eglise , & à ôter en même-tems aux Ministres de la religion pretendue Reformée le pretexte qu'ils prennent des livres de quelques Auteurs , pour rendre odieuse la puissance legitime du Chef visible de l'Eglise , & du centre

de l'unité Ecclesiastique. A CES CAUSES & autres bonnes & grandes considerations à ce nous mouvans, après avoir fait examiner ladite Declaration en notre Conseil, Nous par notre present Edit perpetuel & irrevocable, avons dit, statué & ordonné, disons, statuons & ordonnons, voulons & nous plaît, que ladite Declaration des sentimens du Clergé sur la puissance Ecclesiastique cy-attachée sous le contrescel de nos Chancellier soit enregistrée dans toutes nos Cours de Parlement, Baillages, Senéchaussées, Universités & Facultés de Theologie & de Droit Canon de notre Royaume, Païs, Terres & Seigneuries de notre obéissance.

I.

Défendons à tous nos sujets, & aux étrangers étans dans notre Royaume, séculiers & reguliers, de quelque Ordre, Congregation & Société qu'ils soient, d'enseigner dans leurs Maisons, Colleges & Séminaires, ou d'écrire aucune chose contraire à la doctrine contenuë en icelle.

I I.

Ordonnons que ceux qui seront dorénavant pour enseigner la Théologie dans tous les Collèges de chaque Université, soit qu'ils soient séculiers ou réguliers, souscriront ladite Déclaration aux Greffes des Facultés de Théologie, avant de pouvoir faire cette fonction dans les Collèges ou Maisons, séculières & régulières ; Qu'ils se soumettront à enseigner la doctrine qui y est expliquée, & que les Syndics des Facultés de Théologie présenteront aux Ordinaires des lieux, & à nos Procureurs généraux des copies desdites soumissions signées par les Grefiers desdites Facultés.

I I I.

Que dans tous les Collèges & Maisons desdites Universités, où il y aura plusieurs Professeurs, soit qu'ils soient séculiers ou réguliers, l'un d'eux sera chargé tous les ans d'enseigner la doctrine contenuë en ladite Déclaration ; & dans les Collèges où il n'y aura qu'un seul Professeur, il sera obligé de l'enseigner l'une des trois années consécutives.

I V.

Enjoignons aux Syndics des Facultés de Théologie de présenter tous les ans avant l'ouverture des leçons aux Archevêques ou Evêques des villes où elles sont établies, & d'envoyer à nos Procureurs généraux les noms des Professeurs qui seront chargés d'enseigner ladite doctrine, & ausdits Professeurs de représenter ausdits Prélats & à nosdits Procureurs généraux les écrits qu'ils dicteront à leurs Ecoliers, lorsqu'ils leur ordonneront de le faire.

V.

Voulons qu'aucun Bachelier soit séculier ou régulier, ne puisse être dorénavant Licentié, tant en Théologie qu'en Droit Canon, ni être reçu Docteur, qu'après avoir soutenu ladite doctrine dans l'une de ses Thèses ; dont il fera apparaître à ceux qui ont droit de conférer ces dégrés dans les Universités.

V I.

Exhortons, & néanmoins enjoignons à tous les Archevêques & Evêques de notre Royaume, Païs, Terres & Seigneuries de notre obéissance, d'employer leur autorité pour faire enseigner dans l'étendue de leurs Diocèses la doctrine contenuë dans ladite Déclaration, faite par lesdits Députés du Clergé.


V I. I.


Ordonnons aux Doyens & Syndics des Facultés de Théologie de tenir la main à l'exécution des présentes, à peine d'en répondre en leur propre & privé nom.

SI DONNONS EN MANDEMENT à nos amés & feaux les Gens tenans nos Cours de Parlement, que ces présentes nos Lettres en forme d'Edit, ensemble ladite Déclaration du Clergé, ils fassent lire, publier & enrégistrer aux Greffes de nosdites Cours, & des Bailliages, Sénéchaussées & Universités de leurs ressorts, chacun en droit soi, & ayant à tenir la main à leur observation, sans souffrir qu'il y soit contrevenu directement ni indirectement, & à procéder contre les contrevanans

en la maniere qu'ils le jugeront à propos , suivant l'exigence des cas. C A R tel est notre plaisir. Et afin que ce soit chose ferme & stable à toujours , Nous avons fait mettre notre scel à cest dites présentes. DONNE' à saint Germain en Laye, au mois de Mars l'an de grace 1682. & de notre Regne le trente-neuvième. Signé , LOUIS. Et plus bas. Par le Roy , CO L B E R T. Visa , LE TELLIER. Et scellées du grand Sceau de cire verte,

Régitrées , ouï , & ce réquerant le Procureur Général du Roy , pour être exécutées selon leur forme & teneur , suivant l'Arrêt de ce jour. A Paris en Parlement le 23. Mars 1682. Signé , DONGOIS.





GALLIA ORTHODOXA

S I V E

VINDICIÆ SCHOLÆ PARISIENSIS
TOTIUSQUE CLERI GALLICANI

Adyfersus nonnullos.

DE CAUSIS ET FUNDAMENTIS HUJUS OPERIS
PRÆVIA ET THEOLOGICA DISSERTATIO.

I.

*An tacere oporteat Gallos , erroris ac schismatis ab illustrissimo
Rocaberto & aliis , apud Summum Pontificem accusatos.*



GRESSURO gravissimam quæstionem , veteremque
scholæ Parisiensis , imò verò totius Ecclesiæ Gallicanæ sen-
tentiam ab omni erroris suspicione defensuro , multa sanè
occurront , quæ à scribendo deterreant , multa quæ impel-
lant. Deterret imprimis illa insita pectori sedis Apostolicæ
reverentia , atque in ejus laudem propensio singularis ,
omni quidem tempore (quippe quæ ab ipsâ fidei Catholicæ ratione ac
Tomus I.

A

professione profecta sit) nunc autem vel maximè sub Innocentio XII. optimo , justissimo , beneficentissimo Pontifice ac parente, cuius in obsequium pronæ Regis invicti , ac totius Regni Christianissimi voluntates. Etsi enim satis nobis consciæ sumus , ego & cæteri Episcopi ac Theologici Gallicani , priscâ illâ sententiâ , quam Parisiensium & Gallicanam vocant , amplificari , commendarique sedis Apostolicæ Majestatem ; tamen ; vel in speciem à nobis imminutam videri , idque à tot adversariis per universum orbem tantis jactari clamoribus , molestissimum est. Ac profectò , si ab inquis censoribus impetrari potuisset ut nos tranquillos finerent in Ecclesiæ Catholicæ , & fidei Apostolicæ sinu conquiescere , tutiore conscientiâ fileremus. Sed enim gravior nos cura sollicitat , tot editis libris , atque etiam recentissimis illustrissimi Rocaberti Archiepiscopi Valentini prægrandibus scriptis , datis quoque literis ad optimum Pontificem , erroris ac schismatis , quin etiam hæresis postulatos. Quam accusationem si taciti ferimus , priscum illud Galliæ semper Orthodoxæ evanescit decus ; eaque gloria , quam apud plebes nostras in Christo nos habere oportet , concidit. Quo loco commemorare non piget eos qui scripsierint , in his quidem quæstionibus de summâ Catholicæ fidei agi , quasi nunc primùm in Ecclesiâ audiantur , non autem à tot sacerulis , nullo erroris , nullo schismatis metu , pertractatae fuerunt.

II.

Duo libelli memorantur , unà cum censurâ illustrissimi Archiepiscopi Strigoniensis.

Vid. præf.
Aut. in ap-
pend.

AC primùm divulgati libelli duo , quorum alteri titulus : *Ad illustrissimos & reverendissimos Gallia Episcopos disquisitio Theologico-juridica super Declaratione Cleri Gallicani factâ Parisiis 19. Mart. 1682.* Alter inscribitur : *Doctrina quam de Primatu , autoritate , & infallibilitate Romanorum Pontificum tradiderunt Lovanienses sacra Theologia Magistri , ac Professores tam veteres , quam recentiores &c. Declarationi Cleri Gallicani de Ecclesiasticâ potestate nuper editæ , opposita.* Uterque anonymous : utroque nobilissimæ scholæ Parisiensis , totiusque adeò Cleri Gallicani antiquissima sententia non tantum impugnatur , verùm etiam proscriptitur , ut quæ faveat hæreticis , Romanum Pontificem dignitate Primatus , Divinâ ei præf. vid. ordinatione constituti , exuat , ac sedem Apostolicam labefactet ; quin etiam disquis. art. IV. p. 21. exsuscitet Wiclefi errores à Constantiensi Concilio condemnatos. Miram rem ! 22. ut quod Synodus Constantiensis de supremâ Conciliorum autoritate sanxerit , in Wiclefo ipsa proscripterit. Doctrinæ Lovaniensium quis autor fuerit , etiamnùm ignoramus. Nicolaus Dubois sacrarum literarum in Universitate Lovaniensi Professor primarius , se ipse disquisitionis autorem professus , parùm probatus suis , clamosior scilicet , quam doctior , alias scriptiunculas sparxit , ut , si non vi ac pondere , nos numero saltem premetre yelle videatur. Atque hæc apud vicinos Belgas agebantur. Verùm ex

longinquæ gravioris belli metus ; nec jam disquisitio , aut tractatio , sed censura. Nempè illustrissimus Georgius * Strigonensis Archiepiscopus , ac Regni Hungariae Primas , ostentatâ primùm Concilii Nationalis autoritate (credo ut Clero Gallicano parem Ungarici Cleri autoritatem opponeret) ipse interim , dum præfata Synodus suo tempore celebretur , cum quinque fortassis vel sex Episcopis non est veritus , tot Gallicanorum Episcoporum , ipsiusque adeò Ecclesiæ Gallicanæ , ut quidem ipse perhibet , decreta configere , propositiones interdicere , proscribere , prohibere , ut qua Christianis auribus absurdæ , ac planè detestabiles , noxia , periculosa in fide , ac per Ungarici quoque Regni Provincias à Satana Ministris disseminata , blanda pie- caris specie schismaticum virus infillent. En schismatis rei ac Satanæ Ministris venena subministrant tot Catholicarum Ecclesiarum Præsides , sedis Apostolicæ communicatores ; certè , ut cætera omittamus , intactâ , innocuâque doctrinâ , quam nulla unquam Ecclesiæ censura proscriptis. Id enim primus omnium , ac solus remansurus Strigonensis Archiepiscopus prolato judicio fecit , sibi ipse contrarius : quippè qui de nostrâ doctrinâ sententiam tulerit , simul pronuntiaverit : ad solam sedem Apostolicam Divino & immutabili privilegio spectare , ut de controversiis fidei jucidet. Quâ de re non est hîc dicendi locus.

* Zelepe
chimi.

Cens. Hun-
gar. vid. in
vind. doctr.
maj. scol.
Paris.

III.

Eminentissimi Cardinalis Dazuirrei sententia.

CÆTERÙM Hispani cum Belgis Coronæ suæ subditis concinunt. Primus omnium vir eruditissimus atque amicissimus , ac multis jam tuis clarus , nunc etiam Romanâ purpurâ decoratus , F. Josephus Dazuirreus volumen ingens edidit , cuius inscriptio est : *Autoritas infallibilis , & summa cathedra sancti Petri , extrâ & suprà Concilia qualibet , atque in totam Ecclesiam denuò stabilita &c. Sive Defensio cathedrae sancti Petri adversus Declarationem nomine illustrissimi Cleri Gallicani editam Parisis , die 19. Mart. MDCLXXXII.* Et is quidem passim inculcat doctrinam eam quam tradit , fide Divinâ & Catholicâ certam , qua proinde sine heresi negari non possit ; opinionem negantem refutandam tanquam hereticam , alibi ex Melchiore Cano erroneam ; declarationem autem ab Episcopis Gallicanis revocandam publicè , ac penitus abolendam ; cum singule ejus theses gravissimis censuris notatae inveniantur ab omnibus ferè Catholicis Scriptoribus Doctoribusque , & nuperrimè à Censoribus Romanis. Quâ de re nihil inaudivimus. Ceterum , inquit , in hac florentissimâ Academia Salmanticensi , ceterisque Hispaniæ , ubi nemo curialis est , omnes uno animo illas theses diris , & execrationi devovent , idque palam testabuntur , si Pontificium de rendo judicio mandatum accesserit. Hæc vir optimus & candidissimus hosti nîmis animo , ac gentis suæ præjudiciis actus , in Gallos curiales visos , quod avitam doctrinam tueantur , eam quam Hispani quoque & Belgæ antiquitù propugnaverint. Scilicet curialis Tostatus Salmanticensis Acade-

De illo vid.
lib. V. cap.
I I. not.

Disputat.
X XII. n.
16. 17. 18.
&c.
Disp. VII.
n. 16.
Disp. XI.
n. 17.

Disp. XVI.
n. 62. XXII.
n. 59.

miæ lumen, ipsi eminentissimo Daguirreo Hispania Salomon; curialis Adriænus VI. Papa, columen Lovaniensis Academæ, aliique omnes statim cum laude appellandi, qui Parisiensium sententiam toto orbe celeberrimam, & ab omni notâ integrum, tûm cùm Galli Hispanique ac Belgæ mirum in modum consentirent, acceptam à Majoribus, penitus imbiberunt.

Quin etiam Scriptor clarissimus, nec unquam sine honore nominandus, cùm tot ac tantos appellaverit, qui Parisiensibus consentirent, mirari se dicit, in tantâ eruditionis luce, quanta & qualis fulget in hoc politissimo sâculo, potuisse existere, præsertim Lutetia Parisiorum, qui revocarent Disputat. AB ORCO opinionem illam de potestate Synodi œcumenicæ suprà Pa-
XXXVI.n. pam. AB ORCO! sententiam, quam tot viri pii doctique, neque Galli
2. nostri tantum, verum etiam Itali, Hispani, Belgæ, ipso etiam teste, pro-
pugnârint. Quo quid est iniquius comparatum?

Cùm autem sic exarserit vir mitissimus, tamen pro æquitate suâ, ab Disputat. omni censurâ abstrahendum docet: memor scilicet severi diplomatis Inno-
XXII. n. centii XI. anno 1679. districtè præcipientis, in virtute sanctæ obedientie,
2. 3. omnibus Catholicis Scriptoribus, ut caveant ab omni censurâ & notâ, & à quibuscumque conviciis, contra eas propositiones, qua adhuc inter Catholicos hinc indè controvèrtuntur, donec à sanctâ Sede, re cognitâ, super eisdem propositionibus judicium proferatur. Quæ sanè præcepta quâm observaverit, qui diris, qui execrationi, ut AB ORCO revocatam, contrariam sententiam devovet, ipsi æstimandum relinquimus. Sanè pro virili parte id agit, ut ab omni censurâ in Parisiensium sententiam, saltè directe latâ abstinentiam putet, quod id ad solam Sedem Apostolicam spectet. His quidem verbis haud obscurè visus arguere Strigoniensis Antistitis immodestiam, qui nec Ibid. n. 3. 18. à directâ censurâ temperaverit, ut vidimus.

IV.

Reverendissimus Pater Tyrus Gonzales.

Gonz. de infall. R. P. disputation. XI. sect. VI. p. 1593.
Ibid. disp. I. sect. I V. §. 3. n. 2. Disput. XII. per totam pref. p. 14. n. 23.

MAJOREM tamen in modum eam censuram commendat P. Tyrus Gonzales, non sine honore appellandus, quippe societatis Jesu Præpositus generalis, & impugnatâ acriter probabilismi sententiâ nobilis. Ipse Parisiensium doctrinam ex Bellarmini decretis planè falsam, & heresi proximam, nec modò ignotam omnibus, quorum sanctitatem solenni cultu Ecclesia declaraverit, sed etiam à gravissimis Doctoribus gravi censurâ perterritam, ut nempè vel temerariam, vel erroneam, vel heresi proximam, vel Ecclesiæ perniciem afferentem: quæ statim in præfatione professus, progressu operis, stabilienda pollicetur.



V.

*Illusterrimus Rocabertus Archiepiscopus Valentinus
omnium immitissimus.*

SE D profectò unus omnium longè acerbissimus, immeritæ Galliæ belum indixit, illustrissimus ac reverendissimus Rocabertus (a) Archiepiscopus Valentinus. Primum enim, ac statim operis ab initio, ita constituit quæstionem: *Gravissima Catholicos inter & hæreticos, circa Romani Pontificis infallibilitatem, semper existit controversia, qua pricipue à Constantiensis & Basileensis Concilii temporibus, ad hanc usque atatem utrimque acriter decertatur.* Pessimà fide: id enim agit statim, ut, qui infallibilitatem illam non admiserint, pro hæreticis habeantur; tūm subdit: *Hæretici enim, utpotè infensissimi Pontificia autoritatis mimici, negativa assertioni tenaciter adharent; Orthodoxi verò, quorum Catholica inest visceribus religio, affirmativa constans pro aris & focis insistunt.* En quid hæretici, quid Orthodoxi & Catholici, *quæis religio cordi est*, sentiant; pro quo hi depugnant tanquam pro aris & focis, tanquam pro re sanctissimâ ac sacratissimâ, hoc est pro religione, pro fide. Quid ergo cæteri? Quid aliud quam hæretici, *ararumque ac sacri foci hostes habeantur?* Atque ita ab ipso limine constitutus quæstionis status.

Atqui, te ipso teste, eam quoque sententiam propugnarunt Catholicissimi, Almainus, Gerson ille, ut ipse memoras, *D. Bernardo consonans mirificè, celebris Gallicanus scriptor, Parisiensis Cancellarius*: neque is profectò solus; *bis adharet Driedo*, non is quidem Gallus è Parisiensem scholâ, sed Belga, Lovaniensis suæ Academiæ decus. Quid Alphonsus de Castro? *Prædictis*, inquit, *consonat*: neque ille sanè Gallus, ex inclitâ Hispanicâ Natione, Franciscanoque ordine, patrum nostrorum memoriâ Theologus nobilis. Quid autem quatuor nominas ad Gallorum invidiam? Nostri quasi hos tantum adstipulatores habeant, alias prætermittis toto orbe celeberrimos, ab ipso Bellarmino, ab ipso Daguirreo, ab ipso Thyro Gonzale ritè appellatos: in his Alphonsum Tostatum Episcopum Abulensem Hispaniæ lumen, Adrianum VI. Papam Lovaniensis Academiæ decus, Caroli V. Augusti ac Regis Hispaniæ Præceptorem, denique omnium Christianorum Patrem, cæteros innumerabiles, quos

(a) *Rocabertus*] Joannes Thomas, ex Dominicanorum familâ, per varios dignitatum gradus ordinis sui Præpositus generalis, deinde Archiepiscopus Valentinius &c. eò ut probaret se summi Pontificis studiosum, & supremi ejus dominatus strenuum defensorem, tria volumina in fol. Valentia anno 1693. & 1694. typis mandavit, plena opinionum quibus sanctæ Sedis Majestas non tam amplificabatur quam minuebatur. Postea idem collecta variorum de eâdem re scripta, suis sumptibus Romæ recudit XXI. vol. in fol. sub hoc titulo: *Bibliotheca Romana Pontificia.* Ejus tractatus de Pontificiâ autoritate Gallis vehementer displicuit, tūm propter doctrinæ capita falsa plurima, tūm propter multa ab eo, schismatum & incendiorum quasi-concreatore, in Præsules Gallicanos consumeliosè dicta. Qui tractatus ne venderetur, Curia Parisiensis cavit edicto 2º. Decemb. 1695. Mirum Rocabertum fuisse à D. DUPIN silentio prætermissum in suâ Biblioth. Eccles. Vid. Echard Bibl. ord. Prædic. & Mor. edit. 1632.

Rocc. de
R. P. infall.
tom. I. præ-
fat. p. 1.

Ibid. n. 6.
7. 8. 9.

Ibid. lib.
I. n. 8.

Ibid. n. 9.

Ibid. nec sinistræ suspicionis saltē rumor aspersit: nempè illi, te arbitro, ratione statūs ac professionis inter Catholicos annumerantur; Catholicī scilicet, si tibi afferenti credimus, nomine, non fide, non re, atque hæreticos inter potiūs recensendi. Sic censem Rocabertus. Itaque haud secūs sāvit in Gallos, quām ut in apertos Catholicā religionis hostes, nec veritus ad Innocentium XII. tam pium Pontificem hæc infanda perscribere: *Eorum operā Ecclesiam turbulentissimis errorum flatibus concuti, Petri naviculam, & infallibilem ejus autoritatem, tartareis hæresim fluctibus agitari: qua errorum monstra toto Christiano orbe pellenda sint.* Sic enim existimant, sat victos, prostratosque adversarios, si orcum, si tartara, si monstra omnigena objecerint, atque hos, tetris vocibus, tanquām pueros territarint.

Epist. de-
dic. tom. I.
III.

Multò tamen atrocius insurgit in alterā epistolā tomo IIII. præfixā ad eundem optimum, maximumque Innocentium XII. ubi omni ope suadere nititur, à Gallis tetur schisma parari, per eas propositiones quas cetera Regna ut erroneas, impias in fide, scandalosas, aversentur: qui se Christianissimos glorianter, una cum hæreticis conspirare: hinc intolerabilia damna laboriri, neque omnino dubitandum, quin jam in illo Regno, predictarum propositionum lue grassante, innumerabili ignara plebis multitudini, plurima eaque irreparabilia, in materiā fidei & religionis detrimenta imminent. Itaque Gallicanum Regnum miserandum futurum, nisi sub felicissimo tanti Pontificis regimine efficacissimum adhibeat remedium, quo gravissimis animarum hujus Regni periculis medeatatur. Quibus satis indicat, summo in periculo ad extrema omnia decurrentium; ac ne quis ambigat quid agendum velit, inter approbatores profert, Isidorum Aparacium, qui omnimodis contumeliis Gallos adortus, etiam ad Innocentium XII. sermone converso, ad hæc horrenda devenit: *Utimini, inquit, oblatā vobis à Deo opprimendi perfidos occasione: pertinet ad officium Innocentis, non solum nemini malum facere, verū etiam cohibere à peccato, vel punire peccatum, ut aut ipse qui plectitur, corrigatur experimento, aut alii terreantur exemplo.*

Tom. II.
epist. Ibid.
Apar. G:
lat.

Cæteros approbatores omitto, qui conjuratione factâ, longissimis & fastidiosissimis elogiis editis, Archiepiscopo adulantur, & Gallorum proscindunt fidem: tanquām non in Regnum, sed in Ecclesiam quoque Gallicanam, tantam Ecclesiæ Catholicæ partem, inexpiable bellum gerent. Atque hæc Valentia evulgantur anno 1694. jam compositis Romæ, cum Clero Gallico rebus, postea quām optimo Pontifici satisfactum, promotique ad sedes vacuas Episcopi Gallicani, nusquām incusatâ eorum fide. Quæ quidem Hispanorum prōdunt inclemantium, qui in re quoque Ecclesiasticâ hostile odium induerint, omnibusque artibus ac viribus prohibere conati sint, ne pax Ecclesiæ coalesceret: simul Pontifici animi magnitudinem ostendunt ac benignitatem; cùm verè sanctissimus Innocentius XII. nec tot adversiorum clamoribus ac machinationibus, imò comminationibus, deterrei potuerit, quominus nos omnes, totumque Gallicanum Clerum, pacatus ac mitis, paternum in finum admitteret,

VI.

Gallicanam Declarationem immerito impugnatam, tanquam esset decretum fidei, ex actis demonstratur.

SAN È non latet, quid Ecclesiasticæ paci obtenderint: nempè Clerum Gallicanum, decreto peculiari de fide condito, se ab omnibus aliis gentibus Catholicis abrupisse; id enim & Archiepiscopus Valentinus in illâ dedicatoriâ ad Pontificem Tom. III. epistolâ, miris vociferacionibus atque apertis odiis exaggerat; Et ipse Daguirreus non tacet: quippè qui exprobret Galliarum Præsulibus, non licuisse ipsis sua paradoxa publici *juris facere, & mittenda curare ad omnes Ecclesias, veluti quamdam sanè omnino, imò & Catholica doctrina formulam, quâ omnes constringerent:* quod à Cleri Gallicani mente longè alienissimum fuit. Sic enim ipsa Conventûs habitî Parisiis apud Augustinianos gesta testantur: probatis quippe per Provincias unanimi consensu, quatuor articulis, item epistolâ, quæ cum iisdem articulis ad omnes Archiepiscopos & Episcopos Gallianos mitteretur, *Illusterrimus ac reverendissimus Dominus Archiepiscopus Cameracensis* * dixit, *se quidem in sententiâ contrariâ educatum, statim existimasse non posse fieri, ut in communem sententiam conseniret, verum non posse abstinere se, quin convictum se esse fateatur, ipsâ vi veritatis constabilitate per illusterrimum ac reverendissimum Dominum Episcopum Tornacensem, & alios illusterrimos ac reverendissimos Episcopos deputatos; sibique jam omnino persuasum esse, eorum sententiam omnium esse optimam, quam eo libenterius completeretur, quod non ea esset mens sacri Conventûs, ut ex illâ sententiâ decretum fidei faceret, sed tantum ut eam opinionem adoptaret.* Verba Gallica referemus: *QUE L'ON NE PRETENDOIT PAS EN FAIRE UNE DECISION DE FOY, MAIS SEULEMENT EN ADOPTER L'OPINION.*

Caterum gratulari se Provincia sua, de eximiâ eruditione quam idem illusterrimus ac reverendissimus Episcopus Tornacensis in hoc negotio tractando ostendisset. Quæ probata ab omnibus, & ad rei memoriam sempiternam in acta relata sunt, die junii 19. horâ post meridiem tertiam, anno 1682.

En perspicuis verbis Gallicani Patres testantur ac probant, non eo se animo fuisse, ut decretum de fide conderent, sed ut *eam opinionem* tanquam potiorem, atque *omnium optimam* adoptarent. Opinionem sanè: non ut eminentissimus Daguirreus objectabat, *Catholica doctrina formulam*, quæ animos *constringeret*. Itaque reverâ ab omni censurâ temperant, nusquam fidem ipsam nominant, nemini excommunicationem intentandam putant. Legatur Declaratio, verba expendantur; nihil reperietur quod fidei formulam sapiat. Sanè ab initio memorantur *Ecclesia Gallicana decreta*: an decreta de fide, ad quæ sub animarum periculo constringantur? de his ne verbum quidem: decreta dixerunt notissimis *vocabus* ac Latinissimis, priscam & inolitam, id est consuetam in his parti-

Vid. tom.
III. epist.
dedic.
Daguir.
disp. XI. n.
1. 3.

Aet. Conv.
Cler. Gall.
an. 1682.
MSS.

* Jacobus
Theodorus
de Brias in
Artesia na-
tus.
Vid. relat.
Episc. Tor.
fup. & not.
ad prefat.
Aut. in ap-
pend.

bus, sententiam; non fidem quâ omnes tenerentur. Idcirco nec pugnâ Gallos ad Episcopatum promovendos, datis ad Pontificem maximum litteris, id verè, id obedientissimè profiteri & subscribere: *Quidquid in iisdem Comitiis circa Ecclesiasticam potestatem & Pontificiam autoritatem decretum censeri potuit, pro non decreto haberi velle: mens nempè, inquiunt, nostra non fuit quidquam decernere.* Quod in ipso Conventu clarâ voce testatos ex gestis vidimus. Nihil nempè decretum, quod spectaret ad fidem; nihil eo animo ut conscientias constringeret, aut alterius sententiæ condemnationem induceret: id enim nec per somnum cogitabant. Quare cùm tale decretum à Clero Gallicano editum putaretur, id à se amoliti sunt Galli, summo cum animi dolore; neque aliud quidquam de ipsâ Declaratione, aut Pontifex voluit aut Episcopi præstiterunt.

VII.

Hinc quæstio, an licuerit accusare Gallos, & an ipsos oporteat tueri innocentiam.

His ita constitutis, jam ab adversariis quærimus, an licuerit eis errores circa fidem, hæresim, infanda, ac detestanda dogmata impunitare nobis, inurere teterimam notam schismatis adversus innoxios, sedique Apostolicæ conjunctissimos, atque obedientissimos, tam atrocibus verbis fedem ipsam Apostolicam, totamque adeò Ecclesiam commovere; & an liceat nobis, imò necesse sit, tantam tamque manifestam, innocuâ defensione, propulsare calumniam.

VIII.

Defensio justa & necessaria ubi de fide agitur.

RE s quidem in aperto est: primùm enim fides virgo est tenerimæ frontis, cui si quis exprobraverit, ullâ erroris labe, lœsam Doctrinæ castitatem, non modò erubescere eam, verùm etiam tutari innocentiam, nec modò se intactâ pudicitâ, verùm etiam integrâ famâ sponso Christo exhibere oporteat. Jam, ut ad Episcopos veniamus, quis nesciat in eo ordine, illam vigere gloriam, de quâ scribebat Paulus, *malle se mori quam ut evanuiri sinat?* Quippè quæ ad Christi quoque redundet gloriam, eodem Apostolo dicente: *Sive fratres nostri, Apostoli Ecclesiarum, gloria Christi.* Quid autem est quo Episcopi magis glorientur, quam sâ illibatâque Doctrinâ, cuius custodiendæ depositum, & prædicandæ autoritatem à Domino acceperunt? Hanc ergò habent gloriam, nempè revelatæ & Catholicæ veritatis lucem, ipso prædicationis officio, tanquam ex facie Christi resurgentem; quæ si obscureretur ac nutet, populorum

I. Cor.
I X. 15.

II. Cor.
VIII. 23.

lorum etiam animi collabescunt, metuendumque omnino, ne illud eveniat: Inanis est prædicatio nostra, inanis est & fides vestra: invenimus autem & falsi testes Dei. Quare ut pupillam oculi tueri nos oportet nostramque famam: & florentissimi Cleri nobiscum consistentis illam orthodoxyæ famam: cùm præsertim satis constet eam sententiam, quam erroris insimulant, non à nobis ortam, sed ab antiquo profectam; ut omnino necesse sit, si haeretici, si schismatici, quod absit, habeamus, Academiæ Parisiensis, altricis Magistræque nostræ, jam à trecentis, annis priscum obscuratum decus, atque à tot sæculis, eum, qui incorruptus esse debeat, fontem interruptum fuisse; quod morte quâ non est tetrius.

I X.

Nec ferendum Gallis objici Jansenismum.

PRÆTEREA objiciunt, à Clero Gallico soveri *Jansenismum*, alias que sectas, absque Conciliorum ope ac suffragio, ab Apostolicâ sede damnatas. Hujus rei gratiâ illusterrimus Rocabertus passim in epistolis, ac præfationibus, P. Thyrus Gonzales, ipse Daguirreus modestissimus omnium, invidiosissimè nos traducunt. Id enim supererat, ut more solenni, etiam Jansenistas fingerent eos, qui accuratissimè omnium *Jansenismum*, omnesque ejus artes retexerunt, ut suo loco probabimus. Quam labem inferri nobis si tranquillo animo ferimus, tûm verò quid vetet quominus reos esse nos atque convictos pleno ore conclamat?

Rocc. præ-
fa. & e. iit.
dedic. Gon-
zal. p. 113;
Daguit. p.
449.

X.

Duæ aliæ causæ edendæ defensionis: prima, ne lædatur Apostolica Sedes, quæ Gallis nullum errorem imputavit.

HUC accedunt duæ causæ, quæ vel maximè tacere nos vetant: quod per latus nostrum, ipsa sedis Apostolicæ petatur dignitas, & Christianissimi inclytique Regis nostri pietas violetur. Ac de sede quidem Apostolicâ in perspicuo res est. Quo loco candidè confiteri nos oportet, Romanis Pontificibus displicuisse Gallicanam, de Ecclesiasticâ potestate, Declarationem. At dupli de causâ displicere potuit: primùm ex doctrinâ ipsâ, tûm ex ejus doctrinæ tradendæ ratione. Solennis sanè distinctio à Theologis omnibus, imò à Romanis quoque Pontificibus, hanc semel celebrata: rejici propositiones quasvis, seu propter ipsam rem, seu propter afferendi & proponendi modum. Piædictum autem à nobis est, optimis Pontificibus persuasum, nos peculiarem fidem condere voluisse, saltem profere voluisse decretum, quod vim Episcopalis judicij obtineret,

Tomus I.

B

& conscientias obligaret, idque Apostolicæ sedis autoritate contempta; quod nunquam licuit, nunquam factum est.

Multa alia incidiisse potuerunt, quæ Innocentio XI. Alexandro VIII. Innocentio XII. displicerent; quæ quoniam nec tueri, nec excusare adversus parentes optimos obedientissimi filii cogitamus, à nobis commemorari nihil attinet. Id quærimus, num ipsa res, ipsa sententia Scholæ Parisiensis, atque adeò totius Ecclesiæ Gallicanæ, ullâ censurâ affecta videatur? Sanè memorant ab Alexandro VIII. editâ protestatione Declaratio nem Gallicanam esse proscriptam. Sit factum ut volunt: non contendimus; quanquam eam protestationem nullâ ad nos ratione perlatam esse constat. Utcumque est; ipsam, qualis edita fertur in vulgus, legant, relegant, inspiciant penitus, & expendant: nihil sanè contra fidem comperient imputatum Gallis. At si quid in fide suspectum, si quid erroneum, si quid hæreticum, si quid schismaticum docuissent, prætermissam non oportuit gravissimam accusationis partem: imò verò, ut verissimè, ita confidentissimè dixerò, studiosè evitatas omnes quæ doctrinis erroneous ac perversis inuris solent notas. Non tamen ignorabant sanctissimi Pontifices, quid novitii scriptores etiam maximi nominis, Bellarminus ac cæteri, in sententiam Parisiensium, durè acerbèque dixerint; sed hæc privatorum Doctorum proprio arbitrio, nullâ autoritate fundata decreta, in censuram conferre publicam, alienum ab Apostolicâ gravitate visum. Itaque haud aliis conditionibus compositæ res sunt. Quid enim ab Episcopis Gallicanis Innocentius XIII. bonus ac pacificus Pontifex postulavit? ut erroneam, ut schismaticam, ut falsam doctrinam ejurarent? Absit. Nempè Episcopi in hæc verba scripserunt: *nihil enim decernere animus fuit.* En quod deprecantur, en quod Pontifex aversari jubet, decretum esse conditum, latum Episcopale judicium, eoque animo quo diximus. Hâc excusatione, hâc purgatione suscepimus, Pontificium animum adeò placatum esse constat, ut Clero Gallico, pro sedis Apostolicæ consuetudine, impensisimè faveat. Abeat ergò Declaratio, quò libuerit; non enim eam, quod sæpè profiteri juvat, tutandam hîc suscipimus. Manet inconcussa, & censuræ omnis expers, prisca illa sententia Parisiensium: & quanquam Hispani, Belgæ, alii qui in Gallos calamus distinxerant, extrema omnia intentabant, sedis tamen Apostolicæ gravitas non his se fluctibus abripi finit, & antiquam, probatissimam, sanè quod nunc sufficit, probabilem insontemque doctrinam, ut ab initio fuerat, intactam relinquit. Nihil ergò metuimus ab adversariis qui in nos sœviunt, & partium studiis acti, horrent, execrantur, damnant quod sedes Apostolica non improbat: nec differri amplius patimur defensionem nostram; quippe quam intelligimus cum sedis Apostolicæ defensione esse conjunctam,



XI.

Ludovici Magni læsa pietas defendenda fidelibus Gallis.

NE c aliâ ratione Ludovici Magni gloriam vindicamus. Refugit animus nea repeteret, quæ Archiepiscopus Valentinus de tanto Rege in suâ præfatione proferre non erubuerit: *Ejus scilicet imperiis ac minis, ad eam oppressionem redigi Gallos, ut vel inviti cogantur in suis Universitatibus publicè defendere propositiones adeò à Christianâ pietate, & communi sensu Orthodoxorum alienas, adeò supremæ Apostolica Sedis autoritati indecoras, solique impietati & hostilitati, quâ in Apostolicum thronum invehuntur heretici, consonas, ac iis qui se veros Catholicos, Christianos ac Christianissimos gloriantur, maximè offendivas.* Quæ animo plusquam hostile proleta, nisi fortiter propulsamus, & indignam Antistite Christiano impotentiam castigamus, nimis ab officio ac fide recedimus, & religiosissimi pariter atque invictissimi Principis Majestatem pietatemque lædimus.

Rocc.præf.

XII.

*Summâ modestiâ causam hanc esse tractandam: Divisio
hujus operis in tres partes.*

FIXUM ergò sit & immotum, à nobis dissimulari non posse gravissimas adversus fidem nostram accusationes, quas ad Sedis Apostolicæ & maximi Regis contumeliam pertinere constet; idque unum superest à Deo impetrandum, ut quò impotentiùs & injuriosiùs impetiti sumus, eò æquiùs atque modestiùs causam coram Pontifice maximo totoque orbe Christiano dicamus. Quare Italos, Hispanos, Belgas, ac singulari nomine Cardinalem Daguirreum, omni amicitiâ, officio, obsequio prosequendum, & optimo quidem animo, sed tamen immisericordiùs sanguinem, etiam atque etiam obsecramus, ne Christianam charitatem, Christianam amicitiam lædi putent, si antiquam sententiam nullâ cujusquam contumeliâ propugnamus. Decet enim consciens veritatis, ut ad ejus obsequium benignè reducendos curent, qui ab ejus professione, præcæ traditionis immemores, recesserunt. Hujus rei gratiâ, tria hîc tractanda suscipimus: Primum, eam sententiam, quam Parisiensium vocant, ab irreprehensis Doctoribus, atque ab ipsâ Parisensi Theologîcâ Facultate, toto orbe notissimâ ac laudatissimâ, nemine improbante, esse traditam: Alterum, eandem sententiam à Constantiensis approbatissimæ Synodi temporibus confirmatam: Tertium, eandem sententiam non tunc excogitamat, sed ab ipsâ Christianitatis origine profluentem ex communibus decretis, & ut vocant principiis Christianarum gentium, ad necessitatem extingendi schismatis, exponendæ fidei, ac re-

formandæ pietatis assumptam. Et quanquam hæc tria à Theologis operissimè pertractantur, ne tamen innocentia nostræ ratio extrahatur in longum, nunc in antecessum ex tribus prædictis capitibus compendiosissimè feligemus ea, quibus res nostræ statim in tuto collocentur.

XIII.

Facultatis Theologicae Parisiensis clara & certa Sententia, ex nostris juxta & exteris Doctoribus agnita: Pighius Nauvarrus, Franciscus de Victoria memorantur.

AC de primo quidem capite facilè ostenderemus, non privatos Doctores, sed integras Theologicas Facultates in hâc de quâ agitur stetisse sententiâ: neque solam Parisiensem, verùm etiam Colonensem, Erefordiensem, Viennensem, Academias in Germaniâ nobiles, Cracoviensem etiam apud Polonus, apud Italos quoque Bononiensem, ad hæc Lovaniensem Parisiensis filiam, alias denique, quarum suo loco acta referemus. Sed ne fusiùs excurrat oratio, quod est expeditius, scholam Parisiensem omnium celeberrimam in medium afferemus. Quâ de re nostri Doctores, Jacobus Almainus, & Joannes Major, sub Ludovico XII. & Francisco I. scriptores nobiles, hæc habent. Almainus quidem:

Almain. Lib. de potest. Eccles. & Laic. cap. XVIII. in app. tom. I. Ger. Dup. pag. 1070.

Conclusio est quam tenent omnes Doctores Parisenses & Galli: quod potestas Papa est subjecta potestati Concilii; & hanc vocat resolutionem scholæ Parisiensis, & Ecclesie Gallicane. Hanc probat eâ maximè ratione, quâ Petrum Alliacensem Cardinalem, & Joannem Gersonem usos fuisse notum. Quod potestas qua est in supposito deviabili, debet dirigi secundum potestatem indeviabilem, Pontificia scilicet per Conciliarem. Hæc Almainus de scholæ Parisiensis, imò etiam de Ecclesie Gallicanæ universæ sententiâ, testis oculatus, atque à nemine falsi reprehensus, prodidit. Quid

Maj. de aut. Conc. Iupr. Pap. solut. argu- ment. Cap. ibid. p. 1144.

Major? Postquam eamdem probavit sententiam, hæc addit: & nostra Facultas, à diebus Concilii Constantiensis, in quâ plures exercitatos habebis Theotogos, quam in duobus vel tribus Regnis, sic hanc partem fovat, quod nulli licuit afferere oppositum probabile, & qui tenuerit in campo revocare cogitur. En virum optimum, ac longè doctissimum, de Parisiensium, præ cæteris gentibus Christianis, mirâ Scientiæ famâ confidentissimè gloriantem: atque is contrariæ sententiæ nequidem probabilitatem à nostris relictam docet, à diebus quidem Concilii Constantiensis, hoc est postquam expressè discussa res est. Altiore autem ex fonte manasse, ejus sententiæ quam afferit, certitudinem, neque, ex Constantiensibus temporibus initium hujus doctrinæ ductum, hinc patet quod & ipse, & alii ad vetustissimam traditionem, Patrumque & Canonum autoritatem referendam putent.

Hos libros Almainus & Major jussu Facultatis ediderunt. Hæc vero cum docerent & toti Ecclesiæ testarentur, nullus tūm eversa omnia &

periclitari fidem, sedisque Apostolicæ dignitatem; ac doctrinam illam planè detestabilem, erraneam, hereticam, aut schismaticam in clamabat; neque se Romani Pontifices commovere, aut libros ullâ notâ censuere dignos; quippe qui intelligerent, hæc verè esse decreta sanctissimæ, & probatissimæ Facultatis.

Ac ne quis suspicari possit, eos suæ fuisse sententiæ, aut Facultatis Parisiensis fortè obscuriorem fuisse sententiam, placet considerare quid de eâ exteri quoque scripserint. Primus Albertus Pighius Belga, adversus Constantiensia, & Basileensia decreta pleno ore invectus, hæc subdit: *Horum decretorum autoritatem afferuit Joannes ille Gerson Cancellarius Parisiensis, quem in hodiernum usque diem universa illa schola sequitur. Hæc scribebat anno 1538.* is qui de Pontificiâ potestate tam inaudita scripsit, ut eo nomine ferè ab omnibus contemnatur, neque tamen scholam Parisiensem in Geronis sententiâ, tantâ consensione permanentem, ullâ notâ suggillare ausus, Gersonem etiam doctum ac pium vocat.

Martinus ab Azpilcueta Navarrus, Regno scilicet Navarrico oriundus, Divini humanique juris consultissimus, postquam Salmanticæ, & Conimbricæ docuit, Romam profectus est, summisque Pontificibus Pio V. Gregorio XIII. & Sixto V. charus, Romæ multa scripsit, atque edidit. Is hæc habet: *Non est consilium in presentiâ definire, cui principalius potestas Ecclesiastica fuerit à Christo collata, an Ecclesia soli, an verò ipsi Petro, propter illam discordiam maximam Romanorum & Parisiensium: (Romanorum certè privatorum Doctorum, non profectò Pontificum, quos non æquipararet privatis Doctoribus nostris).* Pergit: *Illi (Romani scilicet) tenent, Petro & Successoribus datam esse hanc potestatem, atque ideo Papam esse Concilio superiorem: ii verò quibus Joannes Gerson adhæret, docent datam esse toti Ecclesie, licet exercendam per unum, atque adeò in aliquot casibus Concilium esse suprà Papam, quarum illa (scilicet Romanorum) placuisse videtur sancto Thoma & Thoma à Vio: altera verò placuit Panormitano, qui pro Parisiensibus est, quem frequentius nostri sequuntur.*

En quem virum, & quantæ autoritatis adjungat Parisiensibus; eum scilicet cui Canonistæ potissimum adhærescant. Addit: *Hunc explicandi modum mordicus tuetur Jacobus Almainus è Sorbonâ Theologus, & Joannes Major, qui idem facit, aiens: Roma neminem permitti tenere Parisiensum & Panormitani sententiam; nec rursus Academiam illam Parisiensem pati, ut contraria opinio afferatur in eâ.* Iterum utramque opinionem, Italorum & Gallorum, pari æquitate refert. Itali & Galli diversa sentientes, æquè Catholici, nulloque discrimine habebantur.

Quæ sententia de Gallis, adeò in totum orbem permanavit, ut Franciscus quoque de Victoria Hispanus scripserit: *Notandum quod de comparatione potestatis Papa, est duplex sententia: altera sancti Thoma & sequentium multorum, & aliorum Doctorum tam in Theologia, quam in jure Canonico, quod Papa est suprà Concilium; altera est communis sententia Parisiensium, & multorum aliorum Doctorum in Theologia & Canonibus, ut Panormitani & aliorum, contraria: quod Concilium est suprà Papam.* Sic antiqua placita scholæ Parisiensis longè latèque per omnes Christianas gentes pervulgata, ubique notissima, nullibi reprehensa sunt.

Pigh. de
Hierar. Ec-
cles. lib. VI.
cap. II. vid.
in append.
lib. I. cap.
VIII. not.

Bellarci.
& Labb. de
Script. Ec-
cles. vid. in
app. loc. cit.

Cap. novit.
not. III. n.
24. de jud.

Maj. in
Matth cap.
XVIII.

Navar. de
fœnit. dist.
III.

Franc. de
Vic select.
IV. de pot.
Pap. & Cn-
cil. v. d. in
app. loc. cit.

XIV.

In Concilio palam declarata Gallicana Sententia, nemine improbante, nec repugnante ipso Pontifice.

NE VÈ hæc putent in umbratibus præliis atque in scholastico pulvere latuisse; ad Episcopalem ordinem, atque ad œcumenicæ Concilii lucem perlata esse constat: quippè cùm in ipso Concilio Tridentino, Episcopi ac Theologi Gallicani suam de Concilii suprà Pontificem prærogativâ sententiam, Cardinale Lotharingo Rhemeni Archiepiscopo præeunte, Legatis Pontificis, ad ipsum Pontificem perferendam palam professi sint, totoque orbe testati, seque omnes, & universam Galliam nunquam ab eâ sententiâ destitutram; tamen in Pontificis totiusque adè Concilii œcumenicæ communione, parique cum cæteris Episcopis autoritate, atque orthodoxyæ laude manserint: quin etiam præclarum illud egregii Pontificis responsum elicuerint: *Ne definirentur: nisi ea de quibus inter Patres unanimi consensione constaret. Quæ sanè omnivis impeditum est, ut certissimis amplius declaranda, nunc ex Palavicini historiâ referenda duximus, ut certum fixumque sit, de Gallorum sententiâ improbandâ neminem in tanto Concilio, in toto orbe neminem, ac nequidem ipsum Romanum Pontificem cogitasse.*

Vid. in app.
append lib.
I. cap. II.
& not.

Palav. lib.
XIX. cap.
II. & seq.
vid. imp.
cap. X V.

In app.
loc. cit.

X V.

Petri de Marca de vetere Sorbonâ locus.

HÆC igitur illa est scholæ Parisiensis atque adè totius Ecclesiæ Gallicanæ prisca sententia. Neque adversarii diffidentur. Sanè Petri de Marca proferunt testimonium *de antiquâ Sorbonâ* eam sententiam propugnante; neque tamen hujus viri verbis commovemur, cuius apud nos clarissimum ingenium, sed in Theologiâ non satis exercitatum; ad hæc versatile ac lubricum, & nimiâ facilitate per varias ambiguasque sententias de re Ecclesiasticâ ludere solitum habeatur. Id tantum constare volumus, *in antiquâ Sorbonâ*, clarissimâ illâ ac nobilissimâ, eam quam dicimus viguisse doctrinam. Quòd autem vir illustrissimus utramque Sorbonam veterem ac recentem collidere voluisse videatur, utcumque se habeat, dicimus: antiquam illam Sorbonam eam esse, quæ in Synodo Pisanâ & Constantiensi luctuosissimum schisma comprefserit: eam quam Pius II. ut alios omittamus, recentissimâ memoriâ, pro Conciliari prærogativâ, acerrimè ac totis viribus decertantem & in Sententiâ persistentem, in Conventu Mantuano orthodoxiæ nomine commendârit: eam quam Theologi celeberrimi atque ipse Melchior Canus tantæ autoritatis esse pronuntiaverit, ut ab ejus autoritate, non sine te-

Gall. vin-
dic. disserr.
IV. §. 2. n.
12. p. 265.

Concil.
Mant. sub.
Pio II. tom.
XIII. Con-
cil. p. 1771.
Melch. Ca-
nus de locis

meritatis notâ, recedatur: eam quæ in Synodo Tridentinâ tantam gloriam reportaverit: eam denique quæ Academiæ Parisiensi toto orbe terrarum tantam claritudinem comparaverit.

Theol. lib.
XII. cap.
II.

XVI.

Gallicana Sententia post Constantiensia tempora viguit: nec tantum in dissidiis, sed in altissimâ pace, contra Galliæ vindicatæ autorem.

NE ergò adversarii, viri doctissimi, se à nostrô Marcâ deludent patientur: ne antiquæ illi Sorbonæ detrahant: ne *Gallia vindicata* autor (*b*) veteris Sorbonæ sententiam *Constantiensis ac Basileensis Conciliorum*, quasi postea interciderit, constringat finibus atque temporibus. Satis enim ostendimus posterioribus quoque sœculis atque in ipsâ Tridentinâ Synodo floruisse: neque idem commemoret veterem Sorbonam *eam esse in quâ Gersonis sententia*, sive ut ait *Machera*, *in Universitate Parisiensi ab aliquo Doctorum expromoretur, terrendo Pontifici*; si quando inter Pontifices Regesque Gallia dissidium aliquid oriretur. Id enim pace doctissimi viri dixerim, nonnisi prætermissa penitus rerum nostrarum, imò Ecclesiasticarum Historiâ asseri potuit. Neque in Tridentinâ Synodo, aut aliquid dissidii ortum erat, aut nostri Pontificem tetricabant, cum antiquam Ecclesiæ Gallicanæ doctrinam, etiam Palavicino teste, summâ constantiâ tuerentur.

Gall.vind.
loc. sup. ci-
tat. p. 264.

Ibid.

Vid. in
append.lib.
I. cap. II.

XVII.

*Andreas Duvallius in Facultate Parisensi primus innovandi au-
tor, antiquam ultrò Sententiam agnoscit.*

SA N E non negamus priscam illam firmamque Sententiam, nostris temporibus, Andreâ Duvallio Sorbonico autore non nihil intermissam; iis quidem de causis quas nemini nostrûm ignotas, tacere nunc malumus, quâm promere. Sed tamen, quid recens illa, quam jaçtant, Duce Duvallio, Sorbona protuferit, audiamus:

In app.
lib. II. cap.
XI. & Co-
roll. n. V.
VIII. & IX.

: *b* *Gallie vindicata. autor*] *Celestinus SPONDRATUS* ordinis S. Bened. Monachus & Abbas San-Gallensis apud Helvetios, contra Galliam pro Curiâ Romanâ multa editit, pro, quâ mercede ad Cardinalatum evectus est. Ejus librum præ ceteris famosum, cui titulus: *Nodus predestinationis dissolutus*, plenum erroribus de gratiâ, de peccato originali, & de statu puerorum, qui non baptizati è vitâ excedunt, ad Summam Pontificem detulerunt duo Archiepiscopi, & tres Episcopi Gallicani, D. Di le TELLIER Rhemensis, DE NOAILLES Parisiensis, BOSSUET Meldensis, DE SEVE Arrebatensis, FEIDEAU DE BRON Ambianensis. Vide nuperam edit. opereum D. BOSSUET Tom. V. Rescripsit quidem Pontifex se Censores delecturum, qui de eo libro judicium ferrent; sed eâ valuit autoritate & gratiâ Clemens XI. rûm Cardinalis ALBANI, SPONDRATI amicus & patronus, ut liber ille, quo, post Juliani Pelagiani libros, nullus fuit à Catholicis de gratiâ Christi dogmate remotor, censurâ non notaretur.

Igitur posteaquam est editus Edmundi Richerii libellus, *de Ecclesiastica & politica potestate*, statim Andreæ Duvallii responsio prodiit sub hoc titulo: *Libelli de Ecclesiastica & politica potestate Elenchus*, pro supremâ Romanorum Pontificum in Ecclesiam autoritate, autore Andreâ Duvallio 1612. cum approbatione Doctorum: quo in libro hæc leguntur: ex quo satis cuivis constare potest, eum (Edmundum scilicet Richerium) nondum abjecisse erroneam illam opinionem, quam in schola Dominicanorum Parisiensium coram illustrissimo Cardinale Perronio nuper impudentissimè professus est: DE FIDE EST CONCILIO ESSE SUPRA PAPAM: cuius falsitas à magno illo Cardinale validis rationibus in amplissimis illis Comitiis demonstrata est. Rectè: sed audiant reliqua attentis auribus: *Etsi enim Parisiensis Academia stet à partibus Conciliorum generalium, non tamen propterea unitatem cum ceteris Academiis discindit, neque earum Doctores pro deviis à fide habet, aut unquam habuit.* Iterum: *Etsi Academia Parisiensis infallibilitatem in decernendo ad Concilium generale solum referat, ab eo tamen nunquam abesse debet Pontifex.* Tertio: *Etsi Parisienses ad Concilium generale ultimam fidei analysim referant, non tamen propterea potestatem de fide decernendi Pontifici unquam ademerunt, & merito.*

Ibid. pag. 68.

Ibid. pag. 105. *Ex eodem Duvallio, in Sententiâ Gallicanâ circa Conciliorum potiorem potestatem, nulla hæresis, nullus error, nulla temeritas.*

Vides primùm, teste Duvallio, de Sententiâ Academiæ nostræ nondum à quoquam fuisse dubitatum, quemadmodum postea, gliscente, ut fit, audaciâ, factum est: vides secundò, quid erroneous Duvallius in Richerio reputaret: non certè doctrinam ejus; sed quod eam de fide esse contuleret. Summum id erat quod tunc à nostrâ Facultate peteretur.

XVIII.

Ex eodem Duvallio, in Sententiâ Gallicanâ circa Conciliorum potiorem potestatem, nulla hæresis, nullus error, nulla temeritas.

De sup. Rom. Pont. in Eccl. potest. anno 1614. part. IV. quest. VII. pag. 38. **I**DEM Andreas Duvallius edidit postea tractatum de supremâ Romanorum Pontificum potestate adversus Vigorium jurisconsultum: quo tractatu: quæstione utrum de fide sit Concilium esse supra Papam, & utrum Concilium œcumenicum sit supra Pontificem, vel è contrâ: apertè docet: Neutram harum opinionum esse de fide. Tum: Neutra, inquit, harum opinionum heretica est: neutra erronea & temeraria saltem temeritate opinionis: denique: Sententia pugnantium pro Conciliis non est heretica & erronea, & in ratione opinionis temeraria. Illud, in ratione, opinionis Duvallius addidit; ut à temeritate opinionem ipsam, non autem opinantes, quos ipse impugnabat, absolvere videretur. Sed quidquid sit de Duvallio ejusque adversariis, ipsam, opinionem ab eo etiam à temeritate prorsus absolutam esse satis superque est.

Ib. quest. VIII. pag. 552. Ib. p. 542. Ib. p. 550. Ib. p. 582. Vid. in append. lib. II. cap. XI. & not.

XIX.

XIX.

Idem Duvallius Patrum & Conciliorum etiam Florentini & Lateranensis solvit autoritates.

NEQUE tantum ex suâ sententiâ Duvallius asserit, sed etiam contrariae partis argumenta autoritatesque solvit: imprimis verò Florentinum, ac sub Leone X. Lateranense decretum, queis adversarii Parisiensium vel maximè fidunt, ut rem definitam esse statuant. At Duvallius expressè ac perspicuè hos confutat, atque ita concludit: *Nulla est ratio, nullum Scripturæ aut antiquorum Canonum aut Patrum testimonium, ad quod utriusque partis Doctores non respondeant: quorum responsiones, et si non planè satisfaciant, sufficiunt tamen, ut neutra harum errores censeatur continere.* En quo loco habeat adversariorum probationes, etiam eas quas ex Florentinis Lateranensibusque decretis tantâ confidentiâ repetunt.

Duvall.
quæst. VII.
Pag. 55.

XX.

Idem infallibilitatem Pontificiam de fide non esse multis probationibus conficit.

DE infallibilitate sic habet: *Statuenda nobis est hæc conclusio: etiam si de fide non videatur, saltem non ita evidenter constet summum Pontificem seorsum à Concilio, privilegio infallibilitatis, licet agat ut Pontifex, gaudere; tamen absolutè certum est & indubitatum; ejus quidem sententiâ, cuius quisque eam quam voluerit habeat rationem, non ipsâ Ecclesiæ fide.*

Duv. ibid.
part. I.
quæst. I. p.
210. male.
202.

Neque tantum dicit non esse de fide, verùm etiam probat: primùm: quia nullibi id tanquam de fide expressè definitum extat: secundò: quod Doctores contrariae sententiæ, *Alliacensis, Gerson, Almainus, Major, Cusanus, Adrianus VI. & alii*, neque in hac parte, neque in illâ aliâ ab Ecclesiâ sunt condemnati. Et postea: *Nusquam in Ecclesiâ ullius heresis suspectos, convictos, aut accusatos fuisse legimus.* Tertiò: solvit Scripturarum textus, quibus id esse de fide videri possit: imprimis verò illum locum Matthæi XVI. *tu es Petrus: & illum Lucæ XXII. ego rogavi pro te: & illum Joannis XXI. *pasci oves meas.* Solutis Scripturæ locis, ne quid probationi desit, solvit & Canonum textus; quo posito sic concludit: *Ex his sequitur, non ita constare de fide esse, summum Pontificem, etiam si agat ut Pontifex, privilegio infallibilitatis gaudere.* Timidè ille quidem; nec satis ex Theologicâ gravitate. Quod enim *de fide non ita esse* constat, si fidei vim ac rationem attendimus, prorsus de fide non esse constiterit; & tamen sufficit antiquam sententiam Parisiensis Facultatis tanto robore viguisse, ut nequidem Duvallius, hujus insectator, Romæ probatissimus ac laudatissimus, tanquam fidei, Scripturæ, & Conciliis, rebusque de-*

Ibid.
Ibid. pag.
211.

Matth.
XVI. 18.
Luc. XXII.
32. Joan.
XXI. 17.

Duv. loc.
sup. cit. p.
213.

finitis adversam, damnare potuerit. Quare Belgæ, Hispani, Italî, qui nobis assiduè Duvallium objiciunt, procul à vero recto que aberraverint, nisi viri modestiam imitentur.

XXI.

Unde concludit Duvallius definitiones Pontificias per se se non esse de fide, ac requiri acceptationem sive consensum Ecclesiæ.

Duv. ibid.
quæst. II.
pag. 235.

QUID autem Duvallius ex his concluserit à nobis declarari operæ premium fuerit. Sic autem habet: *Observandum, inquit, est, ut aliud quod dogma tanquam hereticum habeatur, non esse necessariam Concilii generalis celebrationem; sed sufficere summi Pontificis condemnationem, unâ cum acceptatione totius Ecclesiæ per orbem diffusa.* En, ut aliquid de fide sit, Ecclesiæ consensem, sive acceptationem omnino necessariam; cuius quidem rei hanc rationem reddit: *Licet enim, inquit, decretum Pontificis quatenus ab eo solo promanat DE FIDE NON SIT, cum ejus in decernendo infallibilitas fidei Catholicæ minimè constet, ut suprà declaravimus; nihilominus, si hæc condemnatio ab universalis Ecclesiæ, licet diffusa & non coacta in Concilio, approbetur, jam nemo citra fidei detrimentum ei potest contradicere.* Est enim de fide Ecclesiæ, non tantum ut congregatam in œcuménico Concilio, sed ut diffusam, errare non posse.

Ib. quæst.
V. p. 308.

Nec semel dixisse contentus, hæc addit: *Respondeo definitio-nes Pontificis non esse de fide, donec universalis Ecclesia, quam de fide est errare non posse, eas acceptaverit.* Quod quid est aliud, quām id quod unum Declaratio Gallicana voluit; nempè, ut decreta Pontifícia plenum fidei robur obtineant, ad consensem Ecclesiæ recurrendum?

Hæc igitur Romæ probata, imò concepta, anno 1614. adversus Richerium & Vigorium edita: anno verò 1636. unâ cum Duvallii reliquis commentariis recusa, eam famam Romæ quoque Duvallio perperunt, ut unus adversus Richerium Pontificiæ Majestatis vindicta habetur: quæ nunc respui & condemnari, quid esset aliud, quām toto orbi illuminare ac de fide ludos facere?

XXII.

Duvallii doctrina de confirmatione Conciliorum, deque iis per se se, etiam adversus Papam, valituri in fidei negotio.

Duv. ibid.
part. IV.

SANE haud me fugit Duvallium de Conciliis œcumenicis differenter antiquitatis oblitum, in degeneres abiisse sententias: cæterum nec desunt ingniculi, quibus se Parisiensem Theologum recordatus esse videatur. Quærit enim an Concilium legitimo modo coactum, & legitimo

modo procedens , Papâ per Legatos præsidente , in iis quæ ex unani Le-
gatorum ac Patrum consensione de fide decreta sint , ante confirmationem
sit infallibile , quamvis Pontifex nullam hujus decreti instrutionem Legatis
dederit . Negat Bellarminus , quem sequuntur recentiores adversarii nos-
tri Hispani ac Lovanienses ; quippè qui doceant : solum Papam per se se
esse infallibilem ; neque ab eo posse infallibilitatem suam transferri in Lega-
tos ; proindeque Spiritum Sanctum adesse Concilii , non immediate , sed
quòd ipsi Papæ adsit , à quo Patres accipiant ut sana & recta decidunt .

quest. V I.
pag. 525. &c.
seq.

At Duvallius tale Concilium per se infallibile esse concludit , cum
Soto & aliis : quòd nempè tale Concilium perfectissimè universalem Ec-
clesiam repræsentet , imò eodem interpretante Duvallio , sit ipsam Ecclesiam , secundum autoritatem definiendi legesque condendi , quæ falli non possit , utpote COLUMNA ET FIRMAMENTUM VERITATIS ; quod hac ratione firmat : Concilium namque oecumenicum legitimè coactum & legitimo modo proce-
dens , non à Pontifice , sed à Spiritu Sancto sibi assistente , suam infallibili-
tatem habet , ex vi ordinationis & promissione Christi , quā promisit & sta-
tuit se Spiritumque suum Ecclesię jugiter affuturum quare teneri Pon-
tificem , talis Concilii , tām in fide quam in moribus sententia consentire & stare ,
non quasi sit inferior eique tanquam superiori obediens ; sed ut obediens veri-
tati per Spiritum Sanctum revelata . Hic oppido vides , qui Pontificiæ
potestati præ aliis favere se jactant , nihil aliud quærere quam verborum
officias . Ecce enim Duvallius confitetur talis Concilii decretis teneri Pa-
pam ; quod est res ipsa quam nos quoque dicimus . Ergone Concilio
obediens erit tanquam Superiori ? Cave dixeris : abominandam vocem !
sed dicas obediere ipsi veritati per Spiritum Sanctum ipsi Concilio revelata :
quasi nos turba fidelium Concilii aliter obediamus , quam quòd certâ fide
credimus , per illa Concilia , veritatem cui paremus , à Spiritu Sancto
esse revelatam .

Dominic.
Soto in IV.
Sent. dist.
XX. quest.
I. art. 4.
Duv. loc.
cit. p. 531.
Ibid. pag.
534.
Ibid. pag.
535. 536.

Utcumque est , clarè docet Duvallius : Patres in Conciliis non accipere
à Papâ aut per Papam proximè & immediatè , sed à Spiritu Sancto , ut certa
decidant ; eamque vim talis decreti esse , ut ei decreto , se nesciente , facto ,
ipse Pontifex consentire & stare teneatur . Tanta Ecclesiæ consentienti ad
fidem explicandam inest autoritas !

Quod idem Duvallius multis quidem argumentis , sed hoc vel maxi-
mè firmat , quòd si quis diceret eo Concilio non teneri Papam , indè
sequeretur posse contingere ut vera & intemerata fides in solo summo
Pontifice remaneat : ex quo illud etiam sequeretur : in solo summo Pontifice
residere Ecclesiam , quæ non stat nec stare potest absque fide : ex quo iterum
atque iterum concludit : tale Concilium errare non posse , ei confirmatio-
nem à Papâ denegari non posse .

Ibid. pag.
530.

Ibid. pag.
531. & seq.

Atqui eam autoritatem facit non sola Papæ infallibilitas , quam reverà
in Legatos transmittere non potest ; sed Ecclesiæ totius : non ab ipso Pon-
tifice profecta , sed à Christo collata : quæ cùm concesseris , nulla de Le-
gatis supereft difficultas . Legati , enim ipsi non sunt infallibles , quibus
adhærere synodus teneatur ; sed tota synodus id à Christo habet ; adeòque
decretum , præsidentibus Legatis , non tamen necessariò consentientibus ,

Vid.Duv. fieri & stare posset. De quo tamen h̄ic querere nil necesse habemus , satis-
ibid. qua^t. que omnino est Concilium absque instructione Papæ , eoque nesciente ,
X.con l.II. firmissima tamen & à Spiritu Sancto dictata decreta condere. Quid autem
pag. 593. his decretis Conciliaribus , ex Duvallii sententiâ , per Pontificiam confir-
mationem addatur , alia difficultas alibi extricanda. Interim stabit illud
invictum : tutam esse sententiam , Conciliaribus decretis ritu solenni fac-
tis , summi Pontificis confirmationem denegari non posse : frustrâque esse
eos , qui nunc ex eâ confirmatione concludant ; posse Pontificem Con-
ciliaribus decretis pro summâ potestate vim addere aut demere ; cùm vel
ex Duvallio , eorum autoritati etiam ipse Pontifex stare teneatur , quod
nunc nobis sufficit.

XXIII.

*Casus hæresis , schismatis , alii ex Duvallio memorantur : in
his , quantum Concilia valeant in ipsum Pontificem , ex
Turre-crematâ , Cajetano & aliis statuit.*

JA M quid , certis casibus , adversus ipsum Papam , eumque non dubium ,
sed certum , Concilia valeant , non vetus illa Sorbona quam spernunt ;
licet suâ canitie ac doctrinâ venerandam , sed ipse novæ Sorbonæ ductor
exponat Duvallius. Et quidem hæresis casum omittemus , cùm in eo ca-
su consentiant omnes omnia posse Concilium etiam ex se se , nec autore
Pontifice , universalis Ecclesiæ autoritate collectum. Addit Duvallius ca-
sum schismatis , neque hic tantum eum schismatis casum , quo ex du-
biâ electione , dubius extet Pontifex , ut in illo foedo schismatico , * sed
etiam quo certus Pontifex fiat schismaticus. Id autem ne dubites posse
contingere , triplicem hujus rei casum statuit idem Duvallius non suspec-
part. III. part. III. part. IX. part. IX.
Dub. ibid. pag. 433. part. III. part. IX. part. IX.
suspectus : *1. si se à communione totius Ecclesiæ
& orationum Episcoporum ob aliquam causam injustam (c) separaret : & solum
cum aliquibus sibi coherentibus communicare velit.* 2°. *si nolit amplius officio
Pontificis fungi , nec tamen subesse ei qui præ se eligeretur , sed se schismatico-
rum concordiculis adjungeret.* 3°. *si antiquos ritus ab Apostolicâ traditione ma-
nentes immutare vellet.* Hæc enim omnino evenire posse ex optimis auto-
ribus Duvallius refert & ipse profitetur. Quæ quidem , quo pacto , cum
infallibilitate consentiant , alias erit querendi locus : nunc autem fixum
esse sufficit , eodem autore Duvallio : Papam ut schismaticum , nec minus
quam hereticum dejici oportere. Quo loco queri posset : quâ potestate id fie-
ret : an recens à Christo creatâ & constitutâ ? An ipsi Ecclesiæ jam indè
ab initio congenitâ ? sed hæc nunc omittimus. Ultrò etiam alios casus

(c) *Ob aliquam causam injustam*] Pessimè Duvallius. Perinde quasi aliqua causa justa
esse possit , cur se Pontifex à communione totius Ecclesiæ separaret.

prætermittimus, extra hæresis ac schismatis causam, quibus, post Turrecrematum, Cajetanum, Jacobatum Cardinales, idem Duvallius aliquique innumerabiles Pontificiæ potestatis egregii defensores uno ore consentiant: posse Pontificem denuntiari Concilio, quod absque ejus autoritate, indici & congregari possi. Et quidem deponi posse negat: nec tamen id certò statuit; sed tanquam probabilius; quod varia sint eâ de re Doctorum placita: cæterum gravissimè corripi & increpari: iniqua mandata respui: obedientiam denegari: vim etiam à Principibus armaque strenuè, modestè tamen expediri posse, & ipse profitetur & in confessio esse tradit. Quos casus non studiosè conquerimus, neque ultrò ingerimus huic quæstioni; sed ex Duvallio aliisque non suspectis Autoribus commemorare cogimur, ne indiscretè ac temerè adversùs Concilia, Pontificiam autoritatem extollant: sed à probatissimis Autoribus accipiant, atque distinguant extraordinarios casus, qui ordinariæ potestati nihil derogent. Hæc igitur ex Duvallio, novæ ut quidem appellant Sorbonæ duce, delibare animus fuit. Cæterum, hic quantiscumque artibus, neque obtinere potuit, ut unquam Facultas ab inolitâ sententiâ defecerit, neque prohibere quominus ad apertè tuendam Majorum autoritatem optimi quique & eruditissimi facile redierint.

Ib. quæst.
X. p. 440.

Ibid. &
part. IV.
quæst. XI.
concl. VII.
p. 615. &
seq. & alib.

XXIV.

*Quàm multi insignes viri præter Gallos hanc Sententiam doceant.:
Panormitanus, Zabarella, Tostatus.*

NEQUE verò soli Galli hanc sententiam scriptis editis propugnarunt: nempe & Navarrum dicentem audivimus; eandem sententiam secutum celebrem illum Nicolauum Tudescum Cataniensem, Abbatem Bonacensem, atque Episcopum Panormitanum *lucernam juris* dictum, quem pro Conciliorum etiam in Pontificem supremâ potestate multa scriberent, neque horum aliquid retractantem, Bellarminus tamen laudatum potius quam condemnatum velit: adeò non semper illam sententiam hostili animo insectantur, qui eam vel maximè reprehendunt.

Panormitano in Italiâ præluxisse Panormitani magistrum Franciscum Zabarellam Cardinalem Florentinum, virum maximum Bellarminus fateatur. Ac de his quidem viris uberior erit dicendi locus: nunc sufficit à Bellarmino tantos ex Italî viris, accenseri nostris. Accedit è Germaniâ, eodem Bellarmino teste, Nicolaus Cusanus Cardinalis: prodit ex Hispaniâ Alfonsus Tostatus Episcopus Abulensis, tantâ doctrinæ opinione, ut Bellarmino miraculo fuerit, tot scilicet scriptis editis, brevissimo tempore; cum non vixerit nisi quadraginta annos: de quo merito dictum sit ab eodem Bellarmino: *Hic stupor est mundi.* Nec minus sanctitate clarus habebatur, ut idem Bellarminus memorat. Is in libro qui dicitur *defensorium*, fusè probat: à Christo institutum tribunal superius Papâ, nempe Concilium, quod Papam corrigere & judicare possit, non solum in fide; sed etiam in aliis

Vid. in ap-
pend. lib. I.
cap. VIII.
& sup. n.
XIII.

Labb. de
Script. Eccl.
Bell. de
Conc. aut.
lib. II. cap.
XIV.

Vid. in cap.
significati
&c. item
tractat. de
Conc. Basil.
I. part. n.
18. & seq.
Bellar. de
Script. Eccl.
an. 1410.

Ibid. an.
1440.
Tost. Tom.
XII. defens.
part. I L

cap. XXX. *casibus*; solumque illud tribunal id habere ut errare non possit, Papam autem errare posse etiam in damnanda hæresi. Quem librum Bellarminus cautè legendum monet propter hanc sententiam; sed alii libri ejusdem sunt spiritus; neque hujus scripti tantique viri autoritas, uno Bellarmini verbulo infringi queat.

XXV.

De Tostato candida Cardinalis Dagnirrei confessio.

Daguir. **H**IC ille est Tostatus Abulensis, quem eminentissimus Daguirreus sed disputat. XVI. n. 62. mel atque iterum appellat Hispania Salomonem, oraculum literariorum orbis, jure, mundi stuporem dictum: quo solo, quamvis alia ornamenta defensio vid. in sent, gloriari posset Academia hac Salmanticensis, cuius Doctor Professor & Canapp. cap. III. & cellararius celeberrimus fuit. Tantum igitur virum, amplissimus ac doctissimus Cardinalis fatetur eorum numero fuisse, qui opinionem de potestate Concilii suprà Papam arbitrabantur certam, & rite anteà definitam in Concilio generali Constantiensi sessionibus IV. & V. Addit à Cardinale Turrecrematâ reprehensum, & ab Eugenio IV. notatum, in sententiâ perstisset; atque eam quam attullimus apologiam edidisse. Usque adeò & dictis & factis comprobabat, non ideo hereticam esse thesim quam tanquam hereticam Papa damnaverit.

XXVI.

Alphonfus à Castro.

Vide in app. ibid. **H**IC cæteros scriptores recensere non est animus: nimia nos copia obrueret: multique alii suo loco referentur. Tantum appellamus eos qui & in omnium ore versentur, & ab ipsis adversariis, nostræ sententiæ defensores habeantur: quibus Alphonsum de Castro Hispanum, è Minorum ordine scriptorem egregium & à nostro Feu-ardentio ejusdem ordinis editum, doctissimi Cardinales Bellarminus & Daguirreus nostris annuerant.

XXVII.

Adrianus VI. & Joannes Driedo Lovanienses.

Bellar. de Script. Eccl. an. 1500. **D**UO sunt Lovanienses quos Parisiensibus idem Bellarminus atque illici lustrissimus Rocabertus adjungunt: Adrianus Florentius Ultrajectinus, posteà Adrianus VI. Pontifex maximus, eumque secutus magistrum Roc. Tom.

discipulus Joannes Driedo, Lovaniensium sui ævi facile princeps: quies liquidò patet, quam Parisiensium sententiam vocent, non ideo Parisiensibus attributam, quod in eâ tuendâ Parisienses singulares essent; sed quod eam singulari studio & eruditione tuerentur. Cæterum in omnibus Ecclesiis vulgatissimam extitisse, & à scriptoribus pietate & doctrinâ prætantissimis ubique terrarum publicè & cum laude esse defensam, nedùm suspecta fuerit.

I. lib. I. n. 8.
vid. Dried.
de libertat.
Christ. lib.
II. cap. II.
in app. lib.
I. cap. XI.
& seq. &
not.

X X V I I I.

De Adriano VI. cur privatim dicendum: unus rem totam conficit: ejus jam Pontificis recusus Romæ liber retractatione nullà.

HÆc igitur summatim de Parisiensium asseclis à nobis dicta sint. Sed quandò Adriani VI. tanti est autoritas, ut unus rem totam confidere possit, paulùm in eo hæreamus. Is primùm Lovanii summâ cum laude Theologiam docuit: tūm ordine factus est ejusdem Academiæ Cancellerius, Caroli V. Augusti Præceptor, in Hispaniâ Episcopus Dertusanus, Sanctæ Romanæ Ecclesiæ Cardinalis, denique post Leonem X. summus Pontifex, tantâ sanctitate atque modestiâ, ut nihil infelicius in vitâ duceret quām quod imperarit. Is ergò Theologiæ Professor, cùm de confirmacionis administratione disputaret, negaretque Presbiteris permitti posse, sancti Gregorii celebrem locum sic solvebat: *Ad secundum principale de facto Gregorii*, dico primò: quod si per Ecclesiam Romanam intelligitur caput ejus, puta Pontifex; CERTUM EST quod possit errare, etiam in iis quæ tangunt fidem, hæresim per suam determinationem aut decretalem afferendo: plures enim fuere Pontifices Romani heretici: item & novissimè fertur de Joanne XXII. quod publicè docuit, declaravit & ab omnibus teneri mandavit, quod animæ purgatae ante finale judicium non habent stolam, quæ est clara & facialis visio Dei: & Universitatem Parisensem ad hoc induxisse dicitur, quod nemo poterat in eâ gradum in Theologiâ adipisci, nisi primitus errorem hunc pestiferum jussisset se defensurum, & perpetuo ei adhæsurum. Item patet hoc de errore quorundam Pontificum circa matrimonium, de quo, in capite Licet, de sponsâ duorum. Item de errore quem ediderat Cœlestinus circa matrimonium fidelium, quorum alter labitur in hæresim; cuius error olim habebatur in aliâ compilatione juris: Cap. laudabilem, de conversione conjug. Vide quām aperte doceat, quām pro certo habeat, omnino fieri posse ut Pontifex hæresim, non jam ut homo privatus, sed ut Pontifex per suam determinationem aut decretalem afferat: quāmque pestiferum errorem putet eum, quem Joannes XXII. publicè docuerit, declaraverit & ab omnibus teneri mandaverit. Neque hic curamus an Joannes XXII. & alii excusari possint; quid de illis senserit Adrianus VI. quid fieri potuisse putaverit; id verò quærimus; imò non quærimus: quis enim in re tam clarâ quæstioni locus?

Bellar. &
Labb. de
Script. Eccl.
item Epith.
Adr. VI.
tom. XIV.
Conc. pag.
401.
Adr. VI. in
IV. Sent. de
confitm.

Sed apertam ac certam tanti Doctoris Sententiam tenemus: dignumque id obseruat quod addit, jam ad Gregorium rediens: *Non tamen dico Gregorium hic errasse; sed evanescere intendo impossibilitatem errandi quam alii assertunt.* Quô quidem se demonstrat, nullâ tuendæ causæ, quam susceperebat, necessitate adactum, ad hanc tamen sententiam deditâ operâ declarandam, solo amore veritatis adductum.

Sanè advertendum est, vir doctissimus quâ cautione sit locutus: *Ecclesiam enim Romanam à suo capite Romano Pontifice accuratè secernit, cujus distinctionis & abusum pessimum & usum necessarium suo loco ostendemus: Neque Ecclesiam Romanam, sed tantum ejus Pontificem etiam de fide definitem, errare posse, pro certo habet: nec si quis Romanus Pontifex in fidei quæstione determinandâ defecisset, ideo Petri fidem & Ecclesiam Romanam defecaturam putabat.* Quâ in re non est dubium in fidei negotio, quod est vel maximum, Conciliorum potestatem potiorem agnoscî, firmarie ea omnia quæ ab adversariis censurâ gravissimâ temerè configantur.

Neque verò eam Sententiam Pontifex retractavit, uti profectò, si erroneam putasset, facere debuisse. Nam ideo Pius II. qui le Basileæ, cùm Synodo privatus interesset, errasse credebat, solenni retractatione sua scripta confixit. *Hec enim scripta, ait, fortasse scandalum parient: qui hac scripsit, inquiet, in beati Petri cathedrâ sedit, nec invenitur mutasse propositum, qui cum elegerunt & in summo Apostolatus vertice collocarunt, ab iis scripta ejus approbata videntur. Cogimur itaque beatum Augustinum imitari.* Nihil simile Adrianus, suaque scripta adeò non retractavit, ut potius Romæ, statim atque Pontifex factus est, edenda curaret, anno videlicet 1522. cùm anno 1521. Pontifex creatus esset: adeòque aberat ab eo ut sententiam revocaret, ut potius metueret, ne illi errandi impossibilitati, quam privatus Doctor olim improbaverat, vel Pontifex factus de Script. favisse videretur.

Bull. Pii
II. retract.
ad Colon.
Academ.
Tom.XIII.
conc. pag.
1407.

Vid.Labb.
de Script.
Eccles.

XXIX.

Vana responsa autoris doctrinæ Lovaniensium.

AGITE, expedite vos, qui Parisiensium sententiam erroneousam, hereticam, schismaticam, Sedis Apostolicæ everisam vestrâ autoritate decernitis, atque in Episcopos, totamque adeò Ecclesiam Gallicanam proferre audetis tam dura, tam nulla, tam iniqua decreta: agite, inquam, incipite ab Adriano VI. tantique Pontificis librum, ejusque jussu in Urbe recusum, erroneous aut schismaticum dicite. Horret animus, aliaque omnia comminisci malunt. Videamus sanè ut se torqueant: Author Anonymus in doctrinâ Lovaniensium mira refert hoc titulo: *disputatur doctrina Adriani Papæ VI.* Summa est ex Maldero & Wiggero; non hic egisse Adrianum de Pontificiâ definitione ex cathedra; sed de iudicio super difficultatibus quæ in facto occurrant, donec, si res sit ad fidem & mores tendens,

Doct.Lov.
art. I. p. 69.

tendens, pleniori examine ex Cathedrâ definiatur. Quid autem illud est: quām impeditum intricatumque: quām ipso contextu verborum, conturbatam hominis mentem indicat? An loquitur de difficultibus quæ in facto occurrant, qui de fide, de hæresi, tām apertis verbis agit! Quodnam verò examen plenius, quam decisionem narras, post eam, quā de fide determinatum est; quā Pontifex per decretalem suam aliquid publicè docuerit, declararit, ab omnibus teneri mandaverit. Quæ verba Lovaniensem nostrum referre & exscribere puduit, quòd iis statim perlectis, ejus responso evanescat. Planè Adrianus ea verba feligebat, quibus Pontificiam de fide definitionem vel maximè exprimeret; ac si quid aliud gessisset in animo, non tām disertis verbis, illam quam quidam *afferebant, impossibilitatem errandi configeret.*

At enim, inquit Joannes Wiggerus ab eodem autore laudatus, non id postulabat ea quam Adrianus solvebat difficultas, ut de Pontificiorum decretorum infallibilitate disputaret; cùm de Gregorii facto dumtaxat ageretur. Certè, idque monet vel ipse Adrianus; sed hæc à se dicta, quòd illam aliquorum de *errandi impossibilitate* sententiam, deditâ operâ, *evacuatam* vellet. Neque enim contentus eo, ut ab illâ simpliciter discederet, pergit ulteriùs, eamque & à se, & à Romanis Pontificibus studiosè amolitur. Cur autem? Nisi putaret rem eam sanctissimæ dignitati non modò parùm congruam; sed etiam noxiā, & ab eâ longè avertendam: tantùm absfuit ab eo ut, in afferendis his vanis, certe dubiis Romanorum Pontificum privilegiis, veræ pietatis partem ullam reponeret. Hæc aperte, hæc studiosè, hæc deditâ operâ afferentem, Petri Sedes excepit communibus votis. At si adversariis credimus, per tantam hujus Sedis contumeliam ad hunc apicem, nullâ cuiusquam querelâ, imò suminâ omnium gratulatione provexit.

Pergit tamen Lovaniensis noster: *At Adrianus afferit certum esse quòd Pontifex possit errare. Hoc si intelligeret de Pontifice ut definitente & propONENTE toti Ecclesiæ aliquid fide credendum, neutiquam est certum. Tibi quidem forsitan, sed ipsi Adriano est certum. At econtra, inquis, id, nedum certum sit, manifestè est falsum, ejusque oppositum adeò certum, ut ab aliquibus habeatur de fide.* Quid ad nos si ab aliquibus? Non ab Adriano quidem, qui eam sententiam *evacuare* intendit. Quare non Melchior Canus, quantumvis acerrimus Pontificiæ infallibilitatis assertor, non ipse Bellarminus, ut Lovanienses illi tergiversandum putant; verùm Adrianiū VI. nominatim accensent iis qui Pontificiam infallibilitatem non agnoscant; neque eò seciùs Bellarminus *virum optimum & doctissimum* appellat, *qui merito doctrina & pietatis, ex humili domo, in tantam dignitatem consenserit.* Adeò aberant ab eo, ut illam sententiam erroneam aut Sedi Apostolicæ contumeliosam putarent.

Ibid.

Ibid.

Melch. Ca-
nus lib. IV.
cap. I. Bell.
de R. P. lib.
IV. cap. II.

Bellar. de
Script. Eccl.
an. 1500.

XXX.

Nicolai Dubois Lovaniensis ludibria.

Part.I. refut. argum. &c. art. XV. n. 49. p. 82. **J**A M verò Nicolaus Dubois, postquam Adriani verba retulit, de Romano Pontifice ita affirmantis: *Potest errare, hæresim per suam decretalem afferendo: respondet: distinguo: si de potentia metaphysicâ loquatur Arianus, etiam hoc transeat.* Quām doctè! Erant scilicet qui affererent Pontificem nec metaphysicè loquendo, aut de potentia absoluta, errare potuisse, eaque erat errandi impossibilitas quam Adrianus evanescere intendebat. Et pulchrè transeat: nam si Professori bilem moveris, omnino asserturus est Romanum Pontificem, nec potentia metaphysicâ errare potuisse.

Ibid. n. 160. **Q**uæ addit, quoniam non ad explicandum, sed ad confutandum Adriatum pertinent, hujus loci non sunt. Pudet tamen interim Adrianum tantum virum, Lovaniensis Academiæ ornamentum, atque in eam effusissimè liberalem, à Professore Lovaniensi temeritatis fuisse incusatum.

XXXI.

Autoris tractatus de libertatibus Gallicanis subtilia nec minus vana responsa.

DICENT, Adriani ac Sedis Apostolicæ causam à Nicolao Dubois crassissimo autore, atque ab aliis Belgis, doctissimis licet, pessimè esse defensam. Videamus sanè, quid alii, acutiores scilicet, excogitaverint. **A**utor Anonymus tractatus de libertatibus Ecclesiæ Gallicanæ, is qui se subtilissimum videri velit, nihil aliud quam in re gravissimâ ludit. Primum enim ait, *privati Doctoris, necdum Pontificis infallibile non esse judicium: quā de re quis dubitat? Cur nemo extiterit, qui hujus doctrinæ causâ, Adrianum à Pontificatu prohibuerit, aut etiam vel minimum reprehenderit, id queritur.* Subdit: *At enim Adrianus Pontifex factus sententiam non retractavit: addere debuit, adeò non retractasse sententiam, ut librum etiam novus Pontifex recudi jussiterit.* Hæc omittit reponitque tantum: tot tantisque negotiis distentum, Pontificatu satis brevi, *nihil de corrigendis scholasticis commentariis cogitasse.* Acutè: recudendo operi tempus adfuit, corrigendo defuit. Interrogat posteà: *Private Pontificis opinio an definitionis loco habenda sit: & an in deneganda infallibilitate solum Pontifex infallibilis existimandus sit?* Quid ad rem? Cùm nemo postulet ut pro infallibili, sed ut pro irreprehensâ tutâque, tanti Pontificis sententiâ habeatur. Ad hæc hærent scilicet, & ad alia omnia se vertunt, potius quam ad quæsita & objecta respondeant.

Anonym.
de libertat.
&c. lib. VII.
cap. X VI.
n. 16.

XXXII.

Galliae vindicatae Autor.

VI R clarissimus ac doctissimus, nunc eminentissimus *Galliae vindicatae* autor (*d*), uno quidem verbo rem confecisse se putat: nempe *Adrianus*, inquit, *non ex proposito hanc questionem tractat; sed inci-*

Dif. IV. 5.
3. n. 1. p.
275.

(*d*) *Galliae vindicatae autor*] Absolverat suam *defensionem* D. BOSSUET, quandè editæ sunt anno demùm 1688. Sfondrati dissertationes; atque hoc illud est, cur in toto opere ne semel quidem Sfondratus nominetur. Sed cùm operi suo D. BOSSUET præviam dissertationem faceret, ratus San - Gallensem Abbatem vñ omnino esse prætermittendum, tamen cum eo statuit leviter decertare; quippe quem aliorum argumenta iterantem, non nesciret una cum illis à se optimè confutatum. Porro notandum, Gallicanæ Declarationis adversarios fuisse alios aliorum *servum pecus*, sic ut tot ac tanta volumina, quæ per VIII. aut X. annos totum orbem fatigârunt, facili labore in unum cogi possint.

D. MAIMBOURG quondam Jesuita, adversus Schelstratum aliosque nonnullos Gallicanam Declarationem defenderat, in suis libris Gallicis duobus, quibus tituli sunt: *Traité Historique des prérogatives de l'Eglise de Rome 1685. & Histoire du Pontificat de S. Gregoire le Grand 1686.* Quos libros Sfondratus cùm sibi confutandos proposuit, nil non egit in suis IV. dissertationibus ingenti volumine in 4°. comprehensis, ut probaret indirectam Summi Pontificis potestatem xquè ac infallibilitatem, & ut vocant, Superioritatem, semper fuisse Ecclesiæ Gallicane confitetur approbatam. Cujus libri, qui paucissimos habet & habebit lectores, operæ pretium est summa capita delibare, ut lector videat Sfondratianarum argumentarum nihil fuisse à D. BOSSUET prætermissum.

Sfondratus in epistola dedicatoriâ ad Innocentium XI. totus ferè est in computandis temporibus Otomanici Imperii, ea ut deinde probet prædictam fuisse in Apocalypsi Turcarum ultimam persecutionem, quā exagitari Ecclesia debuerit mille annos, proindèque Turcatum Imperium, quod jam mille annos durabat, brevi ruiturum, & quidem Innocentio XI. Pontifice, cui hanc gloriam præfigit cælitus reservari. Ab eo exemplo, lector, disce Sfondratus.

Prima dissertatione de *Regaliâ*, implet paginas totas 492. quibus Sfondratus ea supplet, quæ in prolixo suo opere, cui titulum fecerat: *Regale Sacerdotium*; dicenda omiserat, Hanc dissertationem, quæ scilicet ad res hæc tractatas non spectat, præterimus.

In II^a. dissertatione, Sfondratus affirmat: *Pontificis potestatem, veram schismatis Græcorum, Germanorum, Anglorum &c. causam non fuisse, quamvis obtenta fuerit, & jam parate defectioni quaestia: neque jura Papatûs à Catholicis imminentia esse oportere, ut ipsi Ecclesiæ hostibus gratificantur: denique Ecclesia in rebus fidei transactiones cum hereticis nunquam bendit fuisse.* Hoc vult scilicet: Patres Gallicanos suam Declarationem eo consilio fecisse, ut faverent hereticis & Papatûs jura quedam rescinderent. Quod quidem consilium ipse comminiscitur, & præterea multus in eo est, ut probet & confirmet res eas, quas nemo Catholicus negat.

Declarationis caput Ium. oppugnaturus, D. MAIMBOURG objurgat, quòd is Declarationem Cleto Gallicano adscripsit *falsissimo elogio*. Nihil enim, inquit, ab Ecclesiæ Gallicane sensu doctrinâque alienum magis. Hanc factam dicit fuisse à paucis, iisque, aut metu, aut spe, aut irâ corruptis. De indirectâ potestate postea disputat; sed nil profert, quòd in primâ hujus operis parte non sit egregiè confutatum. Interim, lector, hoc animadverte, pessimè actum à Sfondrato, qui, cùm Gallos pro indirectâ potestate semper stetissime pronuntiaret, eorum neiminem nominabat. Hoc unum dicebat: ita sentisse Sorbonam, ita quosdam Episcopos, ita quosdam Scriptores; eos verò quosdam vix Gallis notos, nedūm apud nos in pretio habitos; quoniam Ligâ grassante (quo tempore ii scripsere) non cogitabant homines, sed furebant. Itaque eos autores D. ARNAUD sic commemorabat: *Votre Abbé de S. Gal cite de fort bons auteurs pour la puissance de déposer les Rois: un Maucler Docteur de Sorbonne, dont le livre a été bien à charge à Cramoisy, n'ayant été acheté que par les beurières: un Président Grammont, qui est une très-pi-toyable Histoire. Voilà par qui il y eut qu'on juge des sentiments de l'Eglise Gallicane.*

Paragr. I.
à pag. 493.
ad 516.

Parag. II.
n. 1. p. 518.
Ibid. n. 2.
& seq. pag.
519.

Ibid. n.
23. p. 572.
& seq.
Attn. epist.
CCCXIV.
tom. V. p.
527.

denter tantum, & vix tribus lineis, respondendo ad objectionem. Tribus vix lineis? Id quidem qui scripserit, eum non legisse sedulò, sed cursum transvolasse, & oculos in incertum jecisse, non immerito quis dixerit. Quòd autem incidenter hunc locum tractaverit, nedum argumentum infringat, firmat magis ac munit: quippè cùm ex eo constet, Adrianum nullà necessitate compulsum, quæsitâ occasione ac de industriâ, in eam tractationem divertisse; quippè qui infallibilitatem illam evanescere intenderet, ut & ipse dicit, & nos jam monuimus.

Sfondrat.
c. citat.
paragr. III.
a pag. 581.
ad 637.

Ibid. n. 5.
p. 597. &
seq.

Ibid. n. 6.
7. p. 612. &
seq.

Ibid. pa-
ragr. IV. n.
1. 2. 3. pag.
619. & seq.
Paragt. I.
à pag. 2. ad
9.

Ibid. à n.
2. ad 12. à
pag. 9. ad
65.

Ibid. pa-
ragr. II. à
pag. 66. ad
75.

Parag. III.
n. 2. p. 77.
& seq.

Parag. IV.
& V. à pag.
89. ad 137.

Ibid. n. 2.

In reliquâ dissertatione defendit Sfondrat, non modò non nocere Reipublicæ Chistianæ indirectam potestatem, aut Christi præceptis esse contrariam, aut in sacris paginis damnatam; verùm etiam Ecclesię esse utilem, & à Christo usurpatam, & in Scripturis, tūm Oſiā exemplo, tūm plurimis & gravissimis testimoniis confirmatam. Addit nullum ex antiquis Patribus & Pontificibus, neque verò etiam S. Bernardum huic doctrinæ obstinisse: imò pro indirecta potestate stetisse Præfules Gallicanos, tūm cùm illi de Gregorio IV. Ludovici Pii holste id responsum plenum gravitatis dederunt: si excommunicatus adveniret, excommunicatus abiret; etiam tempore Bonifaciani dissidii, cùm ad Concilium generale iidem provocabant, demùm diversis temporibus, cùm se' Curia Romana multa conanti opponebant. Hæc tractans Sfondrat, mirum quo absurdia congerat.

In III^a, dissertatione, Declarationis II^a caput ut convellat, Papam quibuscumque Concilii Superiorem esse pronuntiat, & statuit: Spiritus Sancti ductu & autoritate caruisse Synodos omnes eas, quæ aut sine Papâ actæ, aut ipsi contraria, aut ab ipso confirmatae non fuissent. Erat Sfondrati erroris fons duplex: 1°. in eo quòd casus ordinarios ab extraordinariis non distingueret, quam tamen distinctionem adhibuere S. Antoninus, Carthusiensis Dionysius, Turrecremata, Duvallius, & ali benè multi Pontificiæ autoritatis nimii defensores. Vid. diss. lib. IX. & coroll. 2°. in eo quòd alienam insentientiam acciperet verbum *confirmare*, quod in stylo Ecclesiastico nihil minus sonat, quam *Superioritatem*, ut demonstratum est à D. Bossuet lib. VII.

Postea solvere conatur argumentum peritum ab exemplis Synodi Chalcedonensis, quæ Synodus Leonis epistolam, non nisi à se priùs examinatam, confirmavit; deinde V^a. Synodi, invito Vigilio, trium Capitulorum causâ celebrata; tūm VI^a. Synodi à quâ damnatus est Honorius. Quantò se plus nititur expedire, tanto se magis implicat; atque dum nunc Bellarminum sequitur, nunc autores à Bellarmiini sententiâ discrepantes, hoc unum probat, fluctuantem se & incertum, non libere ubi consitiat. Vid. diss. & lib. VII.

Inde divertit ad appellationes quas vocant *ab abuso*, quæ res Declarationem Gallicanam non tangunt.

Pisanæ Synodi autoritatem sic impugnat, ut dicat: ab eâ Synodo auctum potius schismatique sublatum: Gregorium XIII. cui pars Italæ tantum, & quidem exigua obediebat, solùm vocat indubium Pontificem: ipsam etiam Constantiensem Synodum hunc habuisse pro certo Pontifice inde probat: 1°. quòd Legatum ejus admiriter *pileo vestituque Cardinalitatio*: 2°. quòd siverit eum *insignia Pontificia adibüs suis appendere*: 3°. quòd novani Gregorii nomine Concilii convocationem non respuerit; cùm tamen Synodus declararet id à se factum esse *condeſcenſitiae causâ*, ut aiebant. Item ex Pisani Synodo; si maximè cœcumenica esset, nihil concludi posse dicit, quo Gallicana Declaratio firmetur. Nam, inquit Pisani Patres superiores esse se dixerunt ei Papæ, qui esset dubius, & coorto schismate constitutus, non autem ei, qui electus in summi Ecclesiae pace, ab omnibus approbaretur.

Iisdem argumentis Constantiensem Synodum oppugnat: infuper & graves memorat inter Patres de Sessionibus IV. & V. concertationes: has autem Sessiones à tertium tantum Ecclesiæ parte habitas fuisse clamat & conqueritur: multos eosque cordatores à paucis seditionis, Gersone signifero, fuisse victos: decreta more non solito promulgata; imò fuisse adulterata; ea omnia iterans, quæ ante ipsum scripserant Bellarminus, Schelstratus, Daquirreus & alii. Vid. lib. V.

De Synodo verò Basileensi, cùm non negat Synodi hujus Sessiones primas fuisse ab Eugenio IV. confirmatas, nodum ceteris inextricabilem ipse non solvit; sed Turrecremata veluti insulens, refert nescio quos rumores, quibus nos vult credere, quidquid illis acta publica contradicant.

His rebus tenuiter & ferè nugatoriè disputatis, querit utrum Universitas Parisiensis po-

XXXIII.

Pater Thysus Gonzalez.

THYSUS Gonzalez haud minus tergiversari cogitur. Sic enim respondet: *Errasse Adrianum ut Doctorem particularem, si ejus intentio fuit asserere Romanum Pontificem posse, ut Pontificem errare, dum resoluta dubia fidei, obligando Ecclesiam ad credendum id quod ipse afferit. Sed quoniam mihi tuum istud, si? librum habes in manibus: sententiam tenes docentis: errare posse Pontificem in eo quod per suam decretalem aut determinationem declaraverit, afferuerit & ab omnibus teneri mandaverit. Satis ne perspicuis exquisitisque verbis usus est, ut omnem tergiversationem excluderet.* Addit P. Gonzalez: *Nimis credulum fuisse Adrianum as-*

Vid.Gonz.

tiorem semper duxerit Concilii autoritatem. Id verò negat, eo quod Jesuitæ thesibus publicè propositis anno 1662. in Collegio suo Claromontano, Papam Concilio Superiorem dixerunt, quod non dixissent, si doctrinam talem, doctrinæ Universitatis adverteri credidissent. Eisdem ponderis sùt ea quæ deinde fuscè disputat de Symmacho & ejus ab Ennodio apologia, de Aviti Viennensis eâ de re scriptâ epistolâ &c. Hæc vide confutata lib. X. cap. XX. & seq.

Omitto ea quæ Sfondratus contumeliosè scripsit in Universitatem Parisiensem, in Episcopos Gallicanos, & in ipsum Regem Christianissimum.

Tangit in IV. dissertatione infallibilitatem Pontificis ex Cathedrâ pronunciantis, id est, certas formulas, easque nuper introductas adhibentis. Eam infallibilitatem probat 1º. ex iis quæ sancti Patres de Romanis Pontificibus magnifice & reverenter dixerunt. 2º. ex hæresibus Pontificum autoritate, nullâ coactâ Synodo debellatis. In illo argumento diutissime immoratur, dum singulas hæreses memorat & minutissimas, non aliâ autoritate superratas. Vid. diss. & lib. IX.

Quam doctrinam, ut ostendat, semper fuisse Gallicanæ etiam Ecclesiæ, recenset longo ordine testimonia quædam Irenei, Aviti, Anselmi, Iwonis Carnotensis, etiam Petri Alliacensis, Conciliorum multorum Galliarum, atque Synodorum Constantiensis & Florentinæ, quibus strenuè defenditur Papæ Primatus, minimè gentium infallibilitas. Idem dixeris de epistolâ Cleri Gallicani an. 1650. ad Innocentium X. de Janseniano negotio. Vid. diss. lib. X. & coroll. Iterum Sfondratus allegat theses in Collegio Claromontano eâ de re propositis an. 1660. Addit D. DE MARCA has se theses defensurum significasse. Falsos colligit rumores Sfondratus, suæ cause parvo subsidio, quanquam veri essent. Denique verba quædam decerpit ex articulis Parisiensibus contra Lutherum & ex aliis sacræ Facultatis conclusionibus, gravia sanè & præclara, quæ quidem Papæ Primate luculenter probant, non infallibilitatem. Mirum profectò commentitiam illam infallibilitatem à Sfondrato fuisse visam in iis quoque libris, in quibus, si voluisset, viduisse eam mirificè confutatam. Exemplo sit Sermo Aliacensis Avenione habitus coram Clemente VI.

Paragrapho sequenti urget id, quod Hieronymus de Paulo à Perro reprehenso incaute dixerat. Deinde affirmat contra infallibilitatis opinionem nihil effici, ex eo quod in quæstionibus Pascharis & Re baptismonis, Asiatici & Africani Patres Victori & Stephano graviter obstatent; neque etiam ex Liberii lapsu: nempe illi, inquit, sententiam suam non ex cathedrâ, sed ut privati Doctores expouferant. Similiter eludit argumenta ea quæ petuntrur ex decretalibus Celestini III. & Innocentii III. in corpus Canonici Juris insertas, quas nihilominus erroris insinuat Gratianus, & ex erroribus Joannis XXII. dictum verò Pauli IV. negat pertinaciter, licet D. DE LA HAYE testis ipse audierit. Vid. diss. & lib. IX. cap. XXXIX. & seq.

In fine opere sibi plaudit, quod opus tam longum tantæque molis absolverit; idemque gloriatur ut sèpè anteà, quod perraro Cajetani, aut Bellarmini, aut Baronii autoritate usus fuerit. Nimis parcus est in illis citandis, quanquam totus in exscribendis, ut facile recognoscant qui hos autores legerunt.

D' iii

à pag. 146.

ad 167.

Paragr. I.

à pag. 167.

ad 247.

Ibid. pa-

ragr. II. à

n. 1. ad 10.

à pag. 249.

ad 261.

Ibid. n. 2.

pag. 262. &

seq.

Ibid. n. 12.

& seq. à p.

264. ad 281.

Ibid. pag.

269.

Parag. III.

à pag. 272.

ad 293.

Ibid. pa-

rag. IV. à

pag. 294. ad

299.

Ibid.n.10. *serendo illud quod de Joanne XXII. vulgus falso sparserit. Quid tūm postea?* Non agimus de Adriani probationibus: certam, planam, liquidam, nostris consentaneam conclusionem proferimus. Sequitur: *Atqui non fuisse hanc Adriani mentem, testatur Joannes Malderus.* De Adriano sanè, non de Maldero quærimus: ipse pro se loquatur Adrianus, neque ad alienum trahatur arbitrium; reliqua Malderi jam confutata sunt. Agit enim Adrianus non de privatâ sententiâ, sed de Pontificiâ, ut est Pontifex; quippe qui agit de Pontifice, *qui determinet per decretalem suam, & ab omnibus teneri mandet id quod declaraverit,* quòd non privatus Doctor, nec aliis profectò quām Pontifex fecerit.

Ibid.n.12. Sanè hæc postrema verba: *ab omnibus teneri mandaverit R. P. mirum in modum angunt urgentque: Nil, inquit, referebat ad scopum Adriani, mandaverit Joannes XXII. necne: imò verò multi; quandoquidem totum illud quod de Pontificiâ infallibilitate asserebant, evacuare intendebat.*

Ibid. Extremum deniqùe P. Thyrsi refugium est: *Quidquid ut Doctor Lovaniensis scripscerit, revocasse Adrianum: quâ de re cum eminentissimo Daquirreo hujus solutionis autore, accuratiùs tractare nos oportet.*

XXXIV.

Eminentissimus & doctissimus Daguirreus.

Daguirr. disp. XVII. sect. II. in reg. vid. impr. n. 15. **I**S quidem quo candore est, planè ac nullâ tergiversatione, profitetur Adrianum VI. *vite integritate, contemptu honorum, & doctrinâ clarissimum, qui olim censuerat Papam in judicio fidei extrâ Concilium errare posse;* postea in Pontificatu oppositum docuisse, datâ scilicet egregiâ ad Fridericum Saxoniæ Ducem adversus Lutherum epistolâ; pessimique hæresiarchæ *extrâ omnem Synodus damnatis erroribus.* Hoc ultrò fatemur. Sed Cardinalis doctissimus nullo sanè malo animo, ubiquè sic agit, tanquam Parisiensis Romano Pontifici negent potestatem definiendi de fide extrâ Concilium: à quâ hæresi eos vel maximè abhorrere constat. Rogare autem liceat, quid ad rem attineret, egregiam epistolam, ut multùm sibi futuram exscribere integrum, cùm in eâ de Pontificiâ autoritate multa, de infallibilitate ne verbum quidem unum legerimus.

Ibid.n.44. Sanè doctissimus Cardinalis, ne per totam prolixissimam epistolam inani operâ vagaremur, *notari vult maximè in rem suam quæ n. 30. & 31. continentur.* Atqui n. 30. nihil aliud reperimus, nisi Cathedram Romanam esse Apostolicam: Petrum Apostolorum Caput in eâ præsedisse: Romanam Ecclesiam esse principalem, eamque undè sit orta Sacerdotalis unitas: itaque pessimè actum à Luthero, qui summos Pontifices, qui scholas Christianas tot probris prosciderit: quæ ad infallibilitatem minimè pertinere, nemo est qui non videat.

Deuter. XVII. 12. Sanè sequente numero 31. quo Lutheri sacrilegam, & in Dei Sacerdotes tot probra jaçtantem, linguam comprimat, refert de observandis *Dei Sacerdotibus, maxime autem Principe Sacerdotum, egregium Deute-*

ronomii locum Cap. XVII. neque infert aliud, quām ut ne Pontifices incessantur probris atque blasphemias, neque quidquam ampliū.

At enim objicit eminentissimus Cardinalis eumque securus P. Thyrus Gonzalez, ab Adriano prolatum Deuteronomii locum, quo capitis damnatur: *Qui superbierit nolens obedire Sacerdotis imperio:* ex quo textu, ipsi quidem, non tamen Theologi omnes Pontificiam infallibilitatem eliciant: quā de re alio loco dicimus. Neque quisquam negat qui superbo animo Pontificia imperia detrectaverint, spirituali gladio feriendos. Cæterū hīc quæritur, non quid indē ipsi; sed quid Adrianus intulerit. Nempè Theologi omnes ac Parisienses vel maximē, adversū hæreticos Primum Apostolicum probant ex his locis: *Tu es Petrus: &, confirma fratres tuos: &, pasce oves meas:* ex quibus Daguirreus, Thyrus, alii sententiam infallibilitatis afferant. An continuò inferent à Parisiensibus quoque abdicatam suam? Sanè si Adrianus antiquam doctrinam revocare voluisse, non deerant verba, quibus tantus Pontifex, tam candido animo, tam humili ac modesto mentem suam promeret. Quare quod de retractatione memorant, votum est optantium, vigilantium somnum: certumque omnino est Adrianum Cardinalem, Episcopum Dertusani, Hispanici Cleri æque ac Belgici decus, Regnique Hispanici strenuum administrum, Papam denique in sententiā perstittiſſe, à nullo vel leviter reprehensum; nedūm schismatica, erronea, Sedi Apostolicæ contumeliosa reprobrarent. Adeò certum est de his reprehensionibus ac censuris, in quibus nunc partem vel maximam religionis reponunt, neminem per hæc tempora, neque in Belgio, neque in Hispaniā, neque in Italiā, neque Romæ atquē in ipsa Sede Apostolicā cogitasse.

Daguirr.
ibid. n. 44.
Gonz. loc.
sup. cit.

X X X V.

Doctorum Lovaniensium & factis & dictis in Adrianum VI. observantia singularis.

SA N E Lovanienses Adrianum suum mirā reverentiā prosecutοs, hæc quoque testantur: nempè cùm prima illa edita est doctissimæ Facultatis in Lutherum censura, totum id Adriani tūm' Cardinalis Dertusani iudicio factum. Id Jacobus Latomus major, cùm pro eâ censurā scriberet, in præfatione luculenter exposuit, & censuræ præfixa ejusdem Cardinalis epistola ostendebat. De quā quidem Latomus ita est præfatus: *Sufficere debuit judicium reverendissimi Cardinalis Dertusensis, cuius probitas & sapientia, non modò libris præclaris editis, sed & maximis rebus orbi nota est:* ut propterea diceret non videri necessarium articulorum reddere rationem. Ex quo intelligitur, quām probarent Adriani libros. Atque is annis post duobus ad Petri Cathedram est evectus: ac facilè intelligi potest, quanto honori habuerint Pontificem, qui non modò Cardinalem, verū etiam privatum tantoperè suspexissent.

Vid in ap-
pend. lib. I.
cap. XIII.

Latom.
def. cens.
Lov. adm.
ad lect. &
epist. dedic.

Didit postea Joannes Driedo sacrae Theologiæ Professor apud Lovanienses anno 1533. librum: *De Ecclesiasticis Scripturis & Dogmatibus*: neque ita multò post, librum: *De Captivitate & Redemptione generis huma-*

*Dried. de
capt. & re-
dempt. &c.
præfat.* *ni: in cuius præfatione Adrianum VI. miro affectu celebrat: Observan-*
tissimus, inquit, meus in Theologicis studiis præceptor; qui me in filium eru-
ditionis susceperebat, & præsidens mihi pileum magisterii in Theologiam impos-
suit anno nativitatis Domini 1512. die 17. mensis Augusti, qui & usque in
tempus fermè illud Lovanii resederat totius nostræ Academia lumen & decus,
postea illius nominis Pontifex VI. ut nec mirum sit, de Adriano tanta

Sup. 6. n. præfatum, illustrissimo Rocaberto teste, ut jam vidimus, ad præceptoris
sententiam accessisse. Quare Lovanienses, Duacenos, Belgas, Hispanos,
Italos, Romanos etiam si liceat Pontifices, rogamus, obsecramus, ut
agnoscant nos peti per Adriani sui latus: nec nisi conculcato tanto Pon-
tifice, non minus pietatis quam doctrinæ laude celebrrimo, sententiam
Gallicanam damnari potuisse.

X X X V I.

Ex Adriani sententiâ & temporum notis demonstratur Florentina;
Lateranensa, Tridentina decreta frustrâ objici.

*Daguirr.
disp. XVI.
n. 32.*

Ibid. n. 34.

HA NC quoque circumstantiam censoribus nostris perpendendam damus: aiunt uno ore omnes, à Florentinâ sub Eugenio IV. atque à Lateranensi sub Leone X. Synodis cœcumenicis, Parisiensium sententiam apertè esse damnatam. Id primùm Bellarminus; id cùm fecuti alii uno ore edixerunt. Vel unum Daguirreum audiamus sic de Florentinâ Synodo differentem: Nempè inveniri clariorem meridianâ luce, potestatem plenissimam Romani Pontificis suprà totam prorsus Ecclesiam; atque adeò *Juprâ Concilium œcumenicum: deprehendi pariter autoritatem summam ipse a Christo commissam ad definendum controversias fidei, independenter à reliquo Ecclesie corpore.* Addit in Concilio Lateranensi ultimo sub Leone X. potestatem supremam Papæ in totâ Ecclesiâ & nominatim suprà Concilium œcumenicum palam definitam fuisse. Quî autem factum sit, ut Adrianum, postquam ea transacta ac definita esse volunt, alia omnia docentem, & contra definita expressè ac studiosè insurgentem, non modò Ecclesia tulerit, sed etiam ad summum Pontificatum evexerit, ac sua recudentem Romæ & in sententiâ publicè persistentem, nec reprehenderit. Edicant si possunt; aut si nihil habent quod mutiant, ab inquisis porrò censuris temperent.

Utinàm verò licet ab eruditissimo & optimo Cardinale sciscitari coram quid de his sentiat. Sanè, quo candore est, quâ indole, quâ animi magnitudine consensurum sat scio. Nam nec illud contemnendum: Concilii Lateranensis Sessionem XI. sub Leone X. anno 1516. fuisse celebratam, cùm Adrianus Romanâ jam purpurâ fulgeret, rebus Ecclesiasticis occupatissi-

occupatissimus, & quinque annis posteà, anno videlicèt 1521. Leoni fuisse suffectum: quo necesse fuerit tam paucorum annorum spatio, & ab Adriano Leoni proximo successore & à Cardinalibus, & ab omni orbe Christiano, definitionem Leonis, eamque in œcuménico Concilio editam, tamen usque adeò oblivione deletam, ut nec ulla ejus vestigia supereffent.

Quamobrem quod afferunt, jam indè à Florentini ac Lateranensis Concilii temporibus rem esse decisam, haud immeritò à nostris rejectum esse constat: atque omnino ex his istud argumentum existit: Adriani VI. sententiam, hoc est, Parisiensem ipsam, aut immunem relinquunt, & nos cum illo vincimus: sin autem condemnatam volunt, aut ex antecedentibus definitionibus, aut ex consequentibus: non ex antecedentibus, Florentinis scilicet aut Lateranensibus, quas solas obtendunt, cùm ex nihil nocuerint, ac nequidem objectæ sint Sedem Apostolicam consensuro, in Sede Apostolicâ præsidenti: hanc autem sententiam nulla consequens definitio proscriptit: aut enim Conciliaris, aut Pontificia: Concilium autem nullum est habitum nisi Tridentinum, in quo hanc sententiam clarâ voce professos, ut vidimus Episcopos Gallicanos, totus orbis exceptis: Pontificiam verò definitionem nullam omnino proferunt. Id ergò unum supereft, ut à privatis Doctoribus censura profecta sit, quorum sanè nomina cum honore appellamus; autoritatem verò adversus antiquissimæ Facultatis totiusque adeò Ecclesiæ Gallicanæ scita, si non magni facimus neque pertimescimus, jure nostro agimus.

XXXVII.

Nominantur potestatis Pontificiae vehementissimi defensores, qui summâ ipsâ Parisiensem tuentur sententiam.

HA C T E N Ù S tuti sumus ab omni censurâ, tantùm appellatis iis quos ipsi adversarii in nostram sententiam convenisse fateantur: quantò tuiores, cùm demonstraverimus, et si verbis discrepantes, tamen summâ ipsâ statre nobiscum, qui vel infensissimi memorentur; nec tantùm Dionysium Carthusianum illum sanctissimum juxtâ atque doctissimum adversus Basileense Concilium Eugenii IV. egregium defensorem; verùm etiam, quod mirentur, earum partium duces, Joannem Turrecrematam, Petrum de Monte Episcopum Brixensem *, Antonium de Rosellis: ad hæc sanctum Antoninum Archiepiscopum Florentinum, duos Jacobatos Christophorum & Dominicum celeberrimos Cardinales: aliosque viros maximos posteà prodituros, quorum exspectatione causam nostram illustrari ac muniri volumus.

Vid. in ap.
pend. lib. I.
cap. IX. X.
lib. II. cap.
I. & seq. us
que ad VII.

* Brixia
urbs est in
Longobardia.

XXXVIII.

De Concilio Constantiensi: qui approbatum negant, ipsi se suis telis conficiunt.

APRIVATIS Autoribus & à scholæ Parisiensis Ecclesiæque Gallicanæ sententiâ ad ampliora pergimus: nempe ad Constantiense Concilium, Atque hujus quidem res gestas suo loco exequemur. Nunc autem sufficit invicti argumenti vim in hæc pauca concludere. Si, quod adversarii tantum ope contendunt, ejusdem Concilii Sessionum IV. & V. Decretis id tantum agitur, ut in schismatis casus & in dubium Papam Conciliorum cœumenicorum potestas valeat, profectò illa decreta proba sanaque sunt, neque tantum cœumenico Concilio digna; verum etiam pro ratione temporum necessariò expedita, nec unquam infirmando, sed omni potius pietate ac studio propugnanda: atqui adversarii, nedum hæc Constantiensia decreta propugnant, oppugnant potius, omni studio evertunt. Ac textum quidem sollicitat Schelstratus: optimis gestis falsi crimen impingit: cæteri, Bellarmino duce, eam Concilii partem infamant, confirmatam negant: Concilii cœumenici mendacem titulum prætulisse aiunt; ergò profectò sentiunt majus aliquid agi, quam ut incertus tantum Pontifex Concilio cœumenico subsit.

Duval de supr. R. P. in Eccl. potest. part. I V. quæst. VIII. ad X^{um}. pag. 569.

Sane Duvallius, propter autoritatem Concilii Constantiensis Sessione IV. de fide esse docet Concilium cœumenicum dubio & in certo Pontifice esse superiorius. Cur eum fidei articulum non intactum volunt? quid erat in eo dubii, ut Martinus V. probatum nollet? An dubium Pontificem etiam contumacem, à Concilii cœumenici potestate immunem esse oportebat; neque esse in Ecclesiâ vim ullam quæ schismatis vulneri mederetur? Absurdum, absconum, rebus gestis repugnans, Ecclesiæ Catholicæ Christique providentiae prorsus inimicum. Dicent opportunitissimum schismatis fuisse remedium, si de Papatu pari ferè jure contendentes ultrò loco cederent. Rectè; quid autem si nollent? æterno schismate Ecclesia laboraret. Absit: ergò necesse est ut sit aliqua potestas, quâ dubii saltem Pontifices etiam invitî comprimantur: ac si Constantienses nihil aliud agebant, nemo dubitaverit quin approbandi fuissent; ut qui malo schismatis certum ac necessarium remedium attulissent; atqui approbationem hanc cane pejus & angue refugiunt: ergò aliud profectò actum intelligunt.

XXXIX.

Objectione de Obedientiis nondum adunatis Sess. IV. & V. sponte corruit duobus factis constitutis: primùm, à Concilio Constantiensi statim assumptum Concilii cœumenici titulum & jus.

IN STANT, Sessionum IV. & V. decreta utcumque se habeant, tamen approbanda & firmando non erant à Martino V. ut cœumenici Concilii

lli acta , nondùm adunatis ut vocant obedientiis ; sed tantùm , ut aiunt , tertiâ Ecclesiæ parte . Hûc quidem omnia redeunt : id assiduè urgent : hîc argumentorum vis ac summa consistit . Quæ anteaquam ex gestis perspicuè refellimus , duo quæ facti sint , in antecessum nobis concedi postulamus : primùm , in primis illis Sessionibus , nondùm adunatis licet obedientiis , atque in ipso initio , à Concilio Constantiensi œcumenicî Concilii nomen assumptum ; imò Sessione III. statim definitum : quodd (relege verba) *Constantia in Spiritu Sancto Synodus generalis fuit , & est ritè & justè convocata , initiata , celebrata* : quæ definitio , si reverà tunc Constantia Synodus œcumonica non fuit , mendax , erronea est ; neque tantùm non approbanda , verùm etiam falsò & in vanum assumpto Spiritus Sancti nomine ac numine , atque œcumenicî Concilii titulo , blasphemæ , schismatica , omni studio detestanda judicari debeat . Quis autem id ausus est ? Quis unquam audeat ? Nemo certè , nisi forte existant , qui , quantum in ipsis est , infandum schisma exluscatum & vulnus Ecclesiæ innovatum velint .

Concil.
Const. Seß.
III. Tom.
XII. p. 17.

XL.

Aliorum factum , Martinum V. tunc Cardinalem his Synodi initii adhæsse.

QUÆ ut magis valeant , alterum factum afferimus : nempè Martinum V. tûm Othonem Cardinalem Columnam , unum fuisse eorum Cardinallium qui à Gregorio XII. ab ipso initio recesserint , Pisano & Constantiensi Conciliis adfuerint , primarum Sessionum Synodi Constantiensis pars maxima fuerint , sacro illi conventui , Concilii œcumenicî in Spiritu Sancto legitimè congregati titulum & autoritatem attribuerint : qui titulus , si mendax est , si blasphemus , si schismaticus , tertiâ Ecclesiæ parte à reliquis abruptâ ac pro toto Ecclesiæ corpore vindicatâ ; nempè Otho Cardinalis , nusquam revocatâ aut improbatâ priore sententiâ , ad ipsam Petri Sedem , mendax , schismaticus , blasphemus , evictus est . Quæ si adversarii concouere possunt , nobis certè indulgeant , qui hæc intelligere , his assentiri , ab his non abhorrere non possumus .

XL I.

Aliud factum additur: quod pars Ecclesiæ , quæ Concilium Constantiense inchoavit , non fuerit tantum pars tertia ; sed duabus aliis etiam adunatis longè superior.

HÆc igitur duo sunt quæ facti esse dicimus , quæque ad universas adversariorum diffandas machinas profectò sufficiant . Addamus tamen si libet & tertium , de tertîa parte Ecclesiæ tantum in Constantiensi Conci-

Turr. lib. II. de Ecl. cap. XCIX. Bell. lib. II. de Concil. aut. cap. XIX. lio congregatâ: id enim mirum in modum post Joannem Turrecrematam Bellarminus urget, eumque secuti censores nostri omnes pro viribus exagerant. Nos autem, quâ possumus simplicitate reponimus: ergone tertia pars tantum, quæ tot nationes complectetur, Germaniam, Angliam, Ponioniam, Sueciam, Norvegiam, Daniam, Dalmatiam, Bohemiam, ipsamque Italiam, demptâ admodum Apuliâ, ipsam quoque Romam, & cum Belgio Galliam, & cum Sigismundo Rege totam Ungariam: ad hæc Universitates, Parisiensem, Bononiensem, Viennensem, Cracoviensem, Avenionensem, Oxoniensem, Pragensem, quæ suos in Synodo Legatos haberent: atque item sacros Ordines, Cluniacensem, Carthusiensem, Præmonstratensem, Prædicatorum, Minorum, qui per speciales Procuratores Synodo adhærent, cum innumeris Abbatibus SS. Benedicti ac Bernardi, quos omnes, omnes inquam, nullo labore, quippè ex ipsis subscriptionibus, ostendimus sacræ Synodo Constantiensi, jam indè ab initiis adfuisse. Reliquine, tantula pars orbis, eaque in duas scissa particulas, quarum una Benedicto, altera Gregorio adhærebant, pro duabus Ecclesiæ partibus numerandi sunt? Cùm præsertim Hispani, certè eorum pars maxima, Benedicto suo quotidianis vocibus discessione intentarent; Gregorius verò XII. quem unum Pontificem, si Deo placet, cum Odorico Rainaldo jaicitant, desertus ab omnibus, Austriae exiguo in oppidulo Concilium œcumenicum celebraret; atque in angulo Italiæ totam haberet Ecclesiam. Hæc igitur duo frustula Christiani orbis, quasi duas partes, cum eâ, quæ Synodum Constantiensem constitueret, Joannis XXIII. obedientiâ comparabimus: tot, quantas memoravimus reliquas nationes, atque ex illis congregatos ducentos eoque amplius Episcopos; tot illustres Academias, tot religiosos Ordines, pro tertiatâ tantum parte habere cogemur? Hos sibi Conciliœ œcumenici titulum ac Spiritus Sancti magisterium mendaciter arrogasse dicemus. Pace eorum dixerim, rogamus, obsecramus, ne ad hæc ablurda & infanda nos adigant.

XLII.

Constantiensis Synodus à Romanis Pontificibus optimæ notæ Synodijs accensita: privata Binianæ editionis nota, quæ nulla & temeraria, quæ Sedi Apostolice contumeliosa, nihil proficere: qui de ejus Synodi confirmatione litigant.

DE Synodi verò approbatione quod litigant, primùm abigatur illa quorumdam animis suborta suspicio, quâ scilicet, auditio Conciliœ Constantiensis vel ipso nomine, statim nescio quid Romanæ potentia iniamicum cogitant; cùm ex Historiâ rebusque gestis elucescat: Pontificiam Sedem, atque illam Petri navem, sœdâ diuturnâque tempestate tantum non obrutam, per Constantiensem Synodum ex his fluictibus emersisse: denique ab eâ Synodo, necdùm adunatis obedientiis, adversus Wiclefitas &

Hussitas assertam eam, quam impii & perduelles, dementibus odiis, exag-
taverant Romani Pontificis supremam in Ecclesiâ potestatem; ut, ad eam
tutandam ac restituendam, Synodus Constantiensis Divinitus comparata esse
videatur. Quare à Romanis Pontificibus nunquā sine veneratione appellata,
nedūm ullâ censoriâ notâ unquā affecta sit: suoque loco legitur in
Conciliorum universalium editione Romanâ, quam pari diligentia ac
magnificentia laude Paulus V. in Typographiâ reverenda Camerâ Aposto-
licâ Vaticanâ adornari iussit. Abest certè Synodus Basileensis dubia, sus-
pecta, ex parte improbata; quod ultrò fatemur: Constantiensis verò in-
tegra, inviolata prodit, cum Nicænâ & aliis, cum Lugdunensibus, Latera-
nensibus cæterisque, quæ optimæ notæ Romæ quoque habeantur. Quo cadat
necessè est illa Binianæ editionis nota: *Concilium Constantiense ex parte
approbatum, nullâ autoritate, nullo Concilio, nullo autore Pontifice, ex
privati hominis sensu atque ausu; quippè quæ recentissimâ, extremâ vide-
licet ætate, prorsùs temeraria atque omnibus retrò sœculis inaudita pro-
dierit.*

Quam tamen censuram, à privatis licet ortam Scriptoribus, quasi omni-
bus liceat sacratissimis Synodis proprio ex cerebro & arbitrio quasvis no-
tas inurere, omni ope tutandam suscipiunt. Quid ita? An quòd incer-
tum Pontificem Synodus Constantiensis Concilio œcumenico subdat? Neu-
tiquā; id enim admittunt omnes; sed quòd ea Synodus apertiùs cer-
tiusque quām vellent, quemlibet, cuiuscumque statūs & conditionis, etiam si
Papalis existat, non tantùm huic sacræ Synodo, quæ schismatis causâ fue-
rat instituta, sed etiam cuicunque alteri Concilio generali, quācumque causâ
convocato, neque tantùm in schismatis extirpandi causâ, sed etiam in fide
ac morum reformatione, subdiderit.

Quā tamen vitiligatione quid proficiunt? Cùm succurrat illud, tot Ec-
clesiarum Christi, tot Christianarum gentium, tot Universitatum, tot Or-
dinum religiosorum cœtum, quamvis œcumenici Conciliū nomine non gau-
deret, tamen impunè non posse contemni. Quid, quòd is cœtus pro
œcumenico Concilio se gessit? Quid, quòd hanc sibi autoritatem vindic-
canti, nemo mendacium exprobavit? Quid, quòd Martinus V. cùm ipsâ
Synodo, hanc quoque sententiam dixit, neque improbavit unquā? Quid,
quòd ea decreta fixit cum cæteris ducentis Episcopis ac Patribus, queis
quilibet Pontifex, cuicunque Concilio præsenti ac futuro, quācumque
de causâ subsit? Quid, quòd nec Pontifex illa revocavit? Et quidèm, his
decretis confirmationem nec serm, sed centies additam, ipsa gesta pan-
dant; nullum ut sit Concilium quod certiore approbatione constet. Fac
autem defuisse; tamen illud stabit, doctrinam, quam erroneam, schisma-
ticam, fideique adversam tām confidenter asseverant, nemine improban-
te, nemine retractante, in lucem Christiani orbis sub œcumenici Con-
ciliū titulo prodiisse.

Conc. ges-
ner. Rom.
edit. 1602.
Tom. IV.
p. 127. &
seq.

Bin. Tom.
VII. part.
II. p. 1134.
vid. Bell. de
Eccl. lib. I.
cap. VII.

Vid.lib.V.

XLIII.

Concilii Basileensis initia legitima & certa Bellarminus & Rainaldus agnoscunt, etiam Lateranense Concilium: ejusdem Bellarmini suffugia ex Duvallio confutata.

DE Basileensi verò Synodo, ne quid nobis affingant, clarâ voce tef-
VI. integ. tamur, nullâ ratione tueri voluisse, quæ post translationem, Legato-
rumque discessum decreta gestaque sunt: imò ea cassa, irrita, roboris vacua profitemur. Hæc nos de posterioribus Basileensibus gestis: de prioribus sanè, quæ ab his posterioribus meritò distinguantur, Cardinalem
Bellarminum hæc dicentem audimus: *Dico Basileense Concilium initio qui-
dem fuisse legitimum: nam & Legatus aderat Romani Pontificis, & Episcopi
plurimi: at quo tempore Eugenium depositus & Felicem elegit, non fuit Con-
cilium Ecclesia, sed Conciliabulum schismaticum, seditionis, & nullius prorsus
authoritatis; sic enim appellatur in Concilio Lateranensi Sessione II.* Hæc re-
fert, hæc laudat Odoricus Rainaldus Tom. XVIII. annalium. Nihil ergò
1549. n. 6. aliud Bellarminus, nihil Odoricus, nihil ipsum Lateranense Concilium.

Quis ergò inficiari possit *initia Basileensia fuisse legitima?* aut quid ad
Conc.Baf. initia magis pertinere possit quam ipsa Sessio II. in quâ videlicet *sacra Ba-*
Sess. I. *sileensis Synodus*, ne de ejusdem *sacra Basileensis Synodi* potestate à quoquam
Tom. XII. dubitetur, decreta Constantiensia Sessionis V. innovat, eoque fundamento
P. 477. *nixa*, declarat: *quod ipsa Synodus* (nempè Basileensis) *in Spiritu Sancto*
*legitimè congregata, & Ecclesiam militantem representans, potestatem imme-
diatè à Christo habet, cui quislibet, cuiuscumque statu vel conditionis, etiam si
Papalis existat, obedire tenetur, &c.* iisdem verbis quæ in Concilio Constan-
tiensi Sessionibus IV. & V. continentur. Igitur illa Synodus, nullo schismate,
sub Pontifice certo Eugenio IV. per Legatos præsidente, in eundem Pon-
tificem sibi à Christo *immediatè* traditam supremam potestatem tribuit:
ne conciliaris autoritas ad dubium tantum Pontificem extenderi videatur.

Bell. de Quâ de re Bellarminus hæc scribit: *Concilium Basileense Sessione II. unâ cum*
Conc. aut. *Legato Pontificis communi consensu statuit, Concilium esse supra Papam, quod*
lib. II. cap. *certè nunc judicatur erroneum.* Quid est nunc nisi nota novitatis? A quo
XI. autem judicatur? Ab ipso Bellarmino: à privatis Doctribus? Miror de-
creto unanimi, cœcumenicæ Synodi, Sede Apostolicâ per Legatum præsi-
dente, edito, privatam autoritatem anteponi. Fac enim decretum ab Eu-
genio IV. non fuisse firmatum, quod contrà esse, ex actis demonstrabi-
mus: tamen cœcumenici Concili decretum unanimi consensu Legati Apos-
tolici cum Patribus, *quorum numerus*, teste Rainaldo, *in dies augebatur*,
editum, privatâ autoritate impunè contemni quis ferat? Quis autem sanâ
mente prædictus, audeat tali decreto etiam probabilitatem denegare? Cer-
tè vel Duvallium audivimus tali Conciliari decreto infallibilitatis privile-
gium ex certo Sancti Spiritus privilegio afferentem. Nihil ergò jam cum
ipso superest quæstionis. At Bellarminus, inquires, huic sententiæ adver-

Rain. an. 1432. n. 8. *1432. n. 8.*

satur. Certè; sed audi verba : *Sub opinione*, inquit; non certâ & exploratâ sententiâ. Ergò vel ex ipso *sub opinione* positum, atque erronei notâ temerè inustum Basileense decretum, cum Legato Pontificio communi consensu proditum, de superiore Concilii potestate.

XLIV.

Ex Ludovici Alamandi beatificatione argumentum: item ex Amedei VI. Sabaudiae Ducis famâ sanitatis, Odorico Rainaldo utroque in negotio teste.

PATER Thyrsus Gonzalez ab ipso initio, in ipsâ præfatione gloriatur pro contrariâ sententiâ nullum allegari Doctorem, cuius sanctitatem solenni cultu Ecclesia declaraverit, quod etiam haud semel ingeminat. Quæ sanè probatio quâm sit infirma, nemo non videt; cùm coram oculis Dei multi sanctissimi sint, quorum non est sanctitas declarata: rursùs autem insignitos solenni titulo sanctitatis, non ut sanctissimos ita etiam doctissimos fuisse constet. Sed quandò hæc viro reverendissimo memoratu digna visa sunt, subit admirari excidisse memoriâ Ludovicum Alamandum Archiepiscopum Arelatensem ac sanctæ Cæciliæ Presbyterum Cardinalem, de quo hæc Historici retulerunt; imprimis Æneas Sylvius, postea Pius II. qui non modò in libro de gestis Basileensisibus, hujus Cardinalis eruditionem summam, facundiam singularem egregiasque virtutes, præsertim fortitudinem, constantiam, atque admirabilem pietatis gustum sensumque commendat; verùm etiam in Historiâ rerum suo ævo ubique gestarum, quam Pontifex scripsit, cùm de Europâ scriberet, hæc tradidit: *In Arelate ad sepulchrum Ludovici Cardinalis sancta Cæcilia, ejus urbis Episcopi, quem Basileæ in confessu Patrum Presidentem vidimus, magna miraculorum opinio orta est, & invalidorum frequens undique concursus spe sanitatis factus.* Eadem referunt Philippus Bergomensis, Vernerus, Philippus de Liguamine, Paradinus, Valemburchius, Nostradamus, quos in Pontificio Arelensi videre est. Horum igitur unaniimi testimonio constat: Ludovicum Alamandum virum sanctæ vitae, mire patientia, scientiâ incomparabilem, multis miraculis editis coruscantem, quod & Odoricus Rainaldus confitetur.

Accessit Sedis Apostolicæ autoritas ex Diplomate Clementis VII. quo Petrum de Luxemburgo, & Ludovicum Alamandum, Sanctæ Romanae Ecclesiæ Cardinalem, Ecclesiæ Arelatensis Archiepiscopum; cùm ad eorum sepulchrum, non tantum Avenionensis & Arelatensis civitatum; sed etiam harum partium multitudo concurrat, ut tanquam speciales protectores, fautores, intercessores ad Dominum invocentur, Apostolicâ autoritate permittit, ut eorum ossa in commodiora loca transferre, & ibidem venerabiliter collocare, & utriusque sexus fideles eos in predictis Ecclesiis ac sacellis pro beatis venerari possint; quippe qui & miraculis invocati inclaruerint. Nec mirum, quandoquidem Petrus tenet ris sub annis, & Ludovicus vitam cælibem castamque, & immaculatam

Gonz. in
præfat. p.
14.n. 24. &
in tractat.
pass.

Æn. Sylv.
de gest. Bas.
lib. I. p. 4.
lib. II. pass.
& in ip. p.
34.

Id. Hist.
rerum suo
temp. gest.
præfat. p.
28. ibid. de
Eurip. cap.
XLII. pag.
440.

Philipp.
Bergam. in
Chron. & in
Fet. V. lib.
III. Vern.
Hist. Sa-
baud. cap.
XXXIII.
Phil. de Li-
guamin. in
Amed. VI.
Parad. His-
tor. Prov.
part. V I.
Pont. Arel.
seu Histor.
Primat. E-
cles. Arel.

Rain. Tom. XVIII. an. 1550. n. 20. Vid. Pontif. Arel. & Ciac. de gelt. Rom. Pont. Tom. II. an. 1417. exegerint, & Petrus in decimo septimo attatis anno, Ludovicus vero in sexagesimo, suo creatori suas purissimas animas reddiderint, calcatis hujus mundana vita, quamvis illustri essent orti familia, illecebris. His igitur, ac Renati Regis Sicilia & Jerusalem, tunc in illis partibus degentis, & illorum miraculorum stupore perculsi, claro testimonio; quin etiam Francisci Episcopi Tusculanii, Sanctæ Romanæ Ecclesiæ Cardinalis de Claromonte, illarum partium Legati à latere, qui ad eosdem Petrum & Ludovicum non parvum gereret devotionis affectum, supplicatione permotus, eorum imagines à longissimis jam temporibus depingi solitas, circumferri, eosque pro beatis coli ac venerari posse annuit. Extat id Diploma in prædicto Pontificali libro Ecclesiæ Arelatensis, & apud Ciaconium, datum Aprilis 9. an. 1527. Pontificatus 4. cuius etiam apud Odoricum Rainaldum summa prescribitur.

Ibid. & cap. Rain. ann. 1426. n. 26. & an. 1450. n. 20. Hæc fusè referuntur in Martyrologio Gallico illustrissimi ac reverendissimi Andreæ Saussæi Tullentis Episcopi ad 16. Septembris. Quod autem idem Saussæus memorat sanctum Cardinalem, quod adversus Eugenium IV. sterisset, ac Felicem consecrasset, facti pœnitentem ad Nicolai V. obedientiam rediisse, rectum de illo facto: nempe de abolito schismate ac Felice ipso ad voluntariam abdicationem impulso, ut idem Saussæus refert. Cæterum Cardinalis ad obedientiam rediens, quid improbaverit, quid probaverit, certius prodemus ex gestis. Interim id constat, sancto Cardinali ex Clementis VII. Diplomate in Ecclesiâ Arelatensi cultum institutum in hanc formulam: *Sacerdos & Pontifex &c. intercede pro nobis: mox: ora pro nobis, sancte Ludovice Cardinale, ut per te eruamur ab omnibus malis: secutâ oratione: Deus qui meritis & intercessionibus beati Ludovici Alamandi Confessoris tui atque urbis Arelatensis Episcopi & S. Ceciliae Presbyteri Cardinale, dignaris mortuos suscitare, cœcos illuminare, claudis gressum, surdis auditum restituere; concede propitius, ut omnes qui ejus implorant auxilium, petitionis sue salutarem consequantur effectum: quæ omnia ex Pontificio Arelatensi & ex Galliâ purpuratâ * ad certum veritatis testimonium exscribere haud piguit.*

* A petro Frizon compacta.

Rain. an. 1449. n. 3.

Ibid.

Hic igitur ille est Ludovicus Alamandus Concilii Basileensis post translationem Præses, quo autore Amadeus Felix V. dictus, Papæ titulum & assumpsit primùm & posteâ depositus. Sic à schismate recessit vir optimus, & Nicolaum V. agnovit. Quibus conditionibus acta suo loco referenda decebunt; unam tamen interea ex Odorico Rainaldo ductam tacere non possumus; nempe Felicem 7. Aprilis an. 1449. edito Diplomate, Pontificatu cedentem declarasse: id è conditione factum, ut Constantiensia de superiore Conciliorum potestate decreta, in ipsis Basileensibus initiis repetita, suo loco starent, & in quemvis Pontificem etiam indubitatum valerent. Quo loco Rainaldus inclamat: *Nunquam ejusmodi sanctio adversus non ambiguum Pontificem valuit, atque in falsum sensum detorta est à seditionis, quos infelicititer Amadeus est secutus. Reetè. Igitur seditionis, quam Odoricus vocat interpretationem, quæ Concilium certo etiam Pontifici anteferret, adhuc Amadeus sequebatur; neque aliâ conditione cessit.*

In eundem sensum, post aliquot dies prodiit, eodem Rainaldo referente;

rente, *Sacrosanctæ generalis Synodi Lausanensis nomine edita constitutio*; quâ etiam atque etiam testabantur, sub eâ conditione & cœlisse Felicem, & ipsam Synodum approbasse: ut nimirūm valeret definitio *Concilii Constantiensis Basileæ renovata*, nec non à *Prælatis, Regibus & Principibus, Universitatibusque orbis suscepta*: ea scilicet, quam Felix memoraverat: cui decreto faciendo, Ludovicus Alamandus more solito præfuit; neque aliâ legge statim Synodum dissolvit.

His igitur gestis anno 1449. anno sequente 1450. obiit in Domino; sanctitatis odore ac miraculis clarus, abdicato quidem schismate & Felice Antipapâ; cæterū nullâ unquam eorum, quæ Lausanæ anno anteriore gesserat, retractatione factâ; & tamen nec Papâ prohibente, in Arelatenſi Sede permanſit, neque modò in pristinam Cardinalatûs dignitatem facile restitutus, & celebri ad inferiorem Germaniam legatione perfunctus; sed etiam in cœlum summâ cum sanctitatis laude, Sede etiam Apostolicâ declarante & collaudante, susceptus.

Miratur sanè Rainaldus adorandam Dei misericordiam, quæ exiguo temporis fluxu (vix annali scilicet) Ludovicum ipsum nefandi & pernicioſissimi schismatis autorem, propagatorem hereſeos, qui, ex erroneâ conscientiâ, innumera mala in Dei Ecclesiam invenierat, ac tot annorum cursu in pertinaciâ obſfirmatus, profanarāt Sacra menta, pœnitentem ac reuersum in Ecclesiâ, ad sanctitatis culmen evexerit. Addere debuit, nec retractatione factâ priorum decretorum de summâ Conciliorum in quemcumque Papam, etiam indubitatum, potestate. Quanquam, si istud erroneum, ea retractatio tam publica esse debuit quam ipsa declaratio. Hæc expendant, qui huic sententiæ teterim erroris ac schismatis notam inuere non verentur: videant virum maximum in eâ sententiâ permanentem, sanctitate, miraculis, Sedis Apostolicæ, si necessariam vocem admittant, beatificatione clariusſe; & contra neotericas censuras Deum etiam è cœlo vindicem adſuſſe.

Neque ita multò post, Amadeus eodem teste Rainaldo, relictâ sanctitatis opinione exceſſit è vivis, nullo prorsùs edito retractationis monumen- to ejus quidem decreti, quo Concilii potestatem potiorem afferebat. Mirarē res! cum publico errore, nullâ pœnitentiâ, tantâ sanctitatis tamen opinione florebant! Adeò illud erroneum, quod tantâ vehementiâ objiciunt, ne ipſi quidem credunt.

Id. ad.
1450. II. 26.

Ibid.

X L V.

Ex Concilio Constantensi ac Basileensibus initiis quid dicendum putemus.

SE quanquam ex his docemus Parisiensium, imò verò jam non Parisiensium, sed totius orbis sententiam in rem judicatam transiſſe; nos tamen ultrò hoc jure decedimus: adversarios, imò fratres nostros, Theologos, Episcopos, alios quoſcumque Præſules, nondū hujus judi-

Tomus I.

F

cii vim satis intelligentes, excusamus, causasque excusandi suo loco proferimus: à Gallicanæ sententiæ censuris temperari, (hoc tantum Deo teste) fraterno animo flagitamus.

XLVI.

Ante Constantiense Concilium Joannis XXII. de suorum Antecessorum autoritate atque infallibilitate sententia in constitutione: quia quorundam.

Vid. lib.
I X. cap.
XLII. &
seq.

Disputat.
XXXIX.
n. 2. disp.
XL. n. 7.

Extra. Quia
quorundam.
de verb. sig-
nificat.

JA M de anteriorum Sæculorum certâ traditione, ante aquam rem accuratè discutimus, ac sexcentis Ecclesiæ antiquæ monumentis approbatam damus, hæc interim pauca, non quia meliora, sed quia breviora, & ipso statim aspectu adversùs cavillationes omnes tuta, subiectimus. Ac primum & quod aiunt: Parisiensium sententiam quam Clerus Gallicanus amplexus est: *forsitan primò traditam ab Okamo schismatico eoque notorio: cumque posuisse ova qua postea Joannes Gerson exclusit in Concilio Constantiensi,* primo statim aspectu falsum appareat. Nos enim non Okami pessimi Monachi, & adversùs Joannem XXII. perduellis sententiam, sed ipsius Joannis XXII. Decreta promimus. Cùm enim in illâ celeberrimâ controversiâ Franciscanâ de *simplice usu facti*, fratres Minores huic Pontifici objicerent ipsum esse apertè hæreticum, qui Nicolai III. Decretalem exiit à Clemente V. Apostolicâ autoritate firmatam, editâ constitutione, convellet, id insuper, eodem Joanne XXII. referente, addiderunt: *Quæ per clavem scientia in fide ac moribus à summis Pontificibus semel definita sunt, eorum Successoribus revocare in dubium non licere:* quâ in re vel maximè Pontificiam infallibilitatem ostendere videbantur. Nunc an eam Joannes admiserit, videamus.

Hujus objectionis gratiâ, edidit extravagantem *quia quorundam*, Apostolicâ ac summâ autoritate: quâ quidem Nicolaum excusat ut potest; negatque aut ab ipso, aut ab aliis Romanis Pontificibus *definita*, quæ fratres studio tanto de *facti usu simplice* asserebant: quod autem vel maximum atque in hac causâ peremptorium, id si vel maximè definissent, *constitutiones illas* (Romanorum Pontificum) *quibus fratres se adjuvant, fore invalidas, erroneas & infirmas*. Sanè Franciscani Nicolai III. autoritate subnixi, contendebant *simplicem usum facti*, nullâ etiam sibi proprietate permisâ, & justum esse per se, & Christi doctrinâ atque exemplo traditum: Joannes verò XXII. contrà definiebat, & illum usum non esse legitimum ac justum, &, cùm justus non esset, eum Christo tribuere, hæreticam, damnatam, blasphemam, pestiferam, adeoque ab Evangelio abhorrentem esse doctrinam: quæ quidem omnia ad quæstionem fidei pertinerent. Cæterum neque hîc sollicitè querimus, quâ de re precise ageretur, & an reverè Nicolaus pro cathedræ autoritate ista decreverit; nec magis curamus hîc, rectè ne an secùs ipse ac Joannes egerint, & an

summā consentiant, de verbis litigent: quæ, nunc quidem prorsū super-vacanea, Bellarminus, Rainaldus, Daguirreus, Gonzalez, alii, operofissimis ac prolixissimis tractationibus agitabant: id tantum statuimus ex ver-bis allatis Decretalis, *quia quorundam*, de fidei quæstione actum, ad quam *erronei* notam procul dubio pertinere, omnes confitentur; adeoque, quidquid sit de Nicolai III. constitutionibus, Joanne XXII. pronuntian-te, Pontificias de fide constitutiones generatim à Successoribus rejici potuisse *ut erroneas*, èdque *invalidas & infirmas*, quod nunc sufficit.

Bell.de R.
P. lib. IV.
cap. XIV.
Rain Tom.
XVI. anno.
1322.&seq.
vid. quoque
Tom. XV.
an. 1318.n.
§3. §4. &
seq. vid. Da-
guirr. &
Gonz. pall.

XLVII.

Hujus temporis Scriptor à Rainaldo in eam rem adductus quid senserit: quà occasione profertur caput sunt quidam. 25.
quæst. I.

QUEM autem in sensum hæc sumerent ejus ævi Scriptores, haud abs Rain-Tom.
ut hæreticas infamarent, Rainaldus scriptum retulit Doctoris insignis, qui X V. ann.
per ea tempora in Curiâ Pontificiâ versabatur. 1318. loc.
mox cit.

Is igitur, ut doceat potuisse à Joanne XXII. condi Decretalem *quia quorundam*, quatuor conclusiones ponit, quarum prima & quarta ad rem nostram faciunt. Prima est: *Quòd Papa non potest condere Canones contra determinata per sacram Scripturam*. Quarta: *Quòd potest contra determinata per Prædecessores suos vel seipsum*: quod eo pertinebat, ut Joannes XXII. à Nicolao III. declaratam doctrinam revocare posset. Nihil ergò in his infallibile cogitabant.

Sed multò magis observari debet ex ipso jure: nempè, ex cap. *Sunt quidam 25. q. 1.* deprompta probatio primæ conclusionis, quæ sic habet: *Illud non est licitum Romano Pontifici, in quo convincitur non sententiam dare, sed magis errare; sed si Papa determinaret contra determinata per sacram Scripturam, convinceretur non sententiam dare, sed errare: non ergò id potest*. Mirum verò id quod hic Rainaldus interserit: *Si determinaret contra determinata per sacram Scripturam, ex hypothesi nempè impossibili ob promissum Spiritùs Sancti præsidium*: hæc Rainaldus, quæ quām ridenda sint omnes vident. Nemo sanè seriò & anxiè quæsiverit, *an licitum Papa sit determinare contra Scripturam sacram*, si id possibile non sit. Quærunt autem illud autores, Rainaldi etiam judicio, gravissimi: non ergò profectò id impossibile judicabant. De rebus seriis, quæ verè agi possent, non de metaphysicis laborabant.

Juvat hic referre yerba ipsius capitinis *Sunt quidam*, quibus Rainaldi au-tor usus est: sunt autem ejusmodi: *Si, (Romanus Pontifex) quod docue-runt Apostoli aut Prophetæ destruere, (quod absit) niteretur, non sententiam dicere, sed magis errasse convinceretur*. En quo loco esset adversus verita-tem Scripturarum prolata Romanorum Pontificum sententia. Nec sequen-

tia prætermittam : Sed hoc procul sit ab eis qui semper Domini Ecclesiam contra luporum insidias optimè custodierunt. Quæ quidem verba indicant, rem omni studio, omnibus votis ac precibus aversandam, non profectò impossibilem, de quâ non tantoperè laborarent. Utcumque est ; id si fieret, Romanus Pontifex non sententiam diceret, nedùm ex Cathedrâ pronuntiare videretur. Quod suo loco clariùs explicandum, nunc ad rei memoriam, tantùm notari volumus, & ad alia pergitur.

XLVIII.

* Fournier. *Jacobi * sanctæ Priscæ Cardinalis, postea Benedicti XII. consona eadē de re sententia.*

NICOLAUS Aimericus instituti Dominicanī Religiosus, atque ad annum circiter 1366. acer hæreticæ pravitatis per Aragoniam Inquisitor, refert * adversùs Minores responsa Benedicti XII. tunc sub Joanne XXII. Jacobi sanctæ Priscæ Presbyteri Cardinalis ; ex quibus hæc selegimus quæ ad quæstionem nostram faciant.

* In libro cui Titulus : Directoriū Inquisitorum Inquisitorum.
Aimeric. Direct. Inquis. part. I. quæst. XVII. P. 295. & seq.

Secundò dicunt Minores : quod prædictam paupertatem fuisse Christi & Apostolorum, determinavit D. Nicolaus Papa. Respondet, quod licet illud in Constitutione dictâ contineatur, tamen ex Scripturâ Divinâ verum esse ibi non ostenditur, sed solummodò narratur ; & tamen jam nos ostendimus, quod contrarium haberi potest ex Scripturâ Apostolicâ & Evangelicâ, ex quâ Scripturâ motus Dominus noster Papa Joannes declaravit, dictam propositionem, si pertinax esset, hæreticam esse ; nec hoc afferit simpliciter & determinatè Dominus Nicolaus, qui dictam constitutionem fecit, sed solummodò hoc dicit incidenter & narrativè ; posito etiam quod determinativè diceret, non obstat, cum contrarium inveniatur in Scripturâ Divinâ, & nunc est per Ecclesiam determinatum.

An id incidenter dixerit Nicolaus III. hîc quidem nihil ad nos : nunc enim profectò sufficit dixisse Cardinalem, etiam si Papa determinativè diceret, nihil obesse, & contrarium esse nunc per Ecclesiam determinatum.

Pergit : Terriò dicunt : quod in his quæ pertinent ad fidem, vel mores, determinatum semel per summum Pontificem, non potest per alium revocari ; talis autem est assertio Domini Nicolai de Christi & Apostolorum paupertate. Respondet : quod falsum est. Quid autem falsum est ? Nempè ipsa major propositio objecti Syllogismi : Quod in his, quæ pertinent ad fidem, vel mores, determinatum semel per summum Pontificem, non potest per alium revocari. Hanc majorem negabat tantus Cardinalis à nullo reprehensus, ab omnibus laudatus, atque ad Petri Cathedram postea electus. Id sequentia docent. Subdit enim statim : Nam Petrum, qui non ambulabat rectè ad veritatem Evangelii, reprehendit & corredit Paulus : & tamen non erat illi par, sed inferior. Item Stephanus Papa determinavit, quod nullus baptizatus per quoscumque hæreticos veniens ad Ecclesiam Catholicam, rebaptizaretur : sanctus

autem Cyprianus cum multis Episcopis in Africâ celebrans Concilium, determinavit oppositum: reprobans in hoc Stephanum Papam, ut patet in epistolis ad Jubaiarium & Pompeium: Concilium autem Nicenum utramque opinionem sancti Cypriani & sancti Stephani correxit determinando: quod baptizati ab hereticis non servantibus formam Ecclesie baptizentur; ab aliis vero hereticis baptizati, non rebaptizarentur.

Hæc de Stephano verè ne an secùs retulerit, nihil ad hunc locum pertinet, cùm utrumque constet ex ejus sententiâ, Concilii generalis determinatione corrigi, quæ à Romano Pontifice determinata sint, etiam circa fidem ac mores, cùm de hoc precisiè ageretur.

Neque magis nostra refert, an satis valeant ad rem ea omnia exempla quæ deinde protulit: scopum ipsius attendimus, conclusiones referimus, probationes verò à nobis præstari non oportet.

Neque etiam curamus, an pertineat ad rem quod de Petro dixit. Scio nempè, id quod verum est, facile responsuros, non errasse in fide Petrum, cùm à Paulo reprehensus est: nec tūm ullam ejus determinationem fuisse correctam. Quid nostra? Omnidò huic loco sufficit, ut quid intenderit tantus Cardinalis liquidò videamus.

An non enim satis clarè de verâ & propriè dictâ determinatione agebat, cùm de Stephano ac Cypriano ageret? An non vera erat ac propriè dicta determinatio, quam Cyprianus facto Concilio protulit? An non igitur determinationem talem Stephani determinationi opponit Cardinalis, & utramque æquè docet Concilii generalis determinatione correctam?

Sed omnium lucidissimum est quod subdit: *Tertio-decimo dicunt, quod secundum hoc in decretali exiit, erratum fuit in doctrinâ & vitâ Christi & Apostolorum.* Respondet quod verum est: non tamen errore perniciose, cùm ad plenum veritas discussa non fuisset sicut nunc est; sed errore veniali, sicut Augustinus declarat de Cypriano, & de Petro per Paulum correcto. En ergò in Decretali error agnitus: & quanquam venialis, eò quod non esset pertinax, tamen error contra fidem, atque à Successoribus necessariò revocandus.

Hæc docet Cardinalis eo ævo doctissimus atque sanctissimus, vitæque ac doctrinæ meritò ad Petri Sedem electus: hæc factus Pontifex nusquam retractavit, infirmavit nusquam; hæc docentem eum laudat Ajmericus tam acer fidei Inquisitor, sub securis Pontificibus. Porro Ajmericum nemo reprehendit; imò omnibus fuit diligentissimi Inquisitoris exemplar. Et quidem Cardinalis mox Papa, clarè confitetur à Nicolao dicta, quæ Joannes condemnavit; & quanquam Nicolaum maximè excusatum vellet, ad extremum respondebat: quæ determinasset, ab ejus Successore corrigi potuisse.

Jam ergò conferant cum Joannis XXII. decretis ea quæ Cardinalis hujus ævi maximus & ejusdem Joannis Successor dixerit: gemina invenient; & ejusdem planè spiritus; cùm utrique id agant, & ut Nicolaus III. utcumque excusetur, & ut quæcumque ille dixerit, statuerit, definiterit, tamen ut fidei contraria revocari & improbari potuerint.

XLIX.

*Probatur dē fide actum in his determinationibus, & tamen eas
legitimè corrigi potuisse: eā de re glossa notabilis, &
Bellarmīni sententia.*

NEQUE respondeant non agi de fide ac moribus; sed ut ait Bellar-

Bell.de R.
P. lib. IV.
cap. XIV.

minus, *de re metaphysicā*. Hoc enim ludibrium potius quam respon-
sum, & per seipsum cadit, & ipso quæstionis statu facile confutatur:
cùm de justo & injusto usū ex Christi & Apostolorum vitâ & exemplis
ageretur; & tamen his de rebus editam Apostolicam Constitutionem re-
vocari posse affirmabant. Non ergo profectō illam, in quâ nunc summaria
fidei repositam volunt, infallibilitatem cogitabant.

Quâ etiam ratione, alii vicissim ipsas Joannis Decretales improbari atque
Gloss. in infirmari posse arbitrati sunt; legimusque hæc in glossâ Clementinæ *Exivi*
Clem. Exi-
vi.lib.V.tit.
XI. cap. I.
parag. Pro-
inde.

ad §. Proinde: *Sæpè cogitavi quòd utile esset quòd Ecclesia Romana permitteret*
liberè de hoc disputari: an Christus habuerit, vel non habuerit, vel habere
potuerit, proprium, vel non potuerit; & similiter de vitâ fratrum Mino-
rum, an possint habere aliquid proprium: hoc est ut liberè disputari pos-
set, non modò de eo quod Joannes XXII. editâ decretali vanum, absur-
dum, injustum, sed etiam de eo quod hæreticum judicârit. Quæ in glos-
sâ posita ac sæpè Romæ excusa, cum eâ quam nunc memorant infallibi-
litate non consentiunt.

Bell. loc.
cit. ad obj.
14.

Neque ab eâ sententiâ Bellarminus abludit: quippè qui à Joannis dua-
bus Decretalibus de simplice usu facti apertè dissentiat, quarum decreta-
lium una est: *Ad conditorem Canonum*: ipsumque Joannem errasse certè;
sed *in controversiâ ad fidem non spectante* afferit: cùm Joannes Decretali,
quia quorumdam, eum qui Decretalis *ad conditorem* definita convellat, tan-
quam contumacem & rebellem Romana Ecclesia ab omnibus haberi jubeat: &
eum, quem Bellarminus post Nicolaum III. & Clementem V. se tueri con-
fiteretur ut justum, *simplicem facti usum*, injustum esse, nec sine hæresi ac
blasphemiam Christo tribui posse, duabus Decretalibus totâ Sedis Apostoli-
cæ autoritate definiat.

Lib. IX.
cap. XLV.

Nos autem Bellarmini labores & cum Rainaldo pugnas alio sanè loco
môrabimus: interim id habemus Joannis XXII. Decretales anathe-
matismis munitas ac per totam Ecclesiam promulgatas; atque adeò instruc-
tas omnibus notis ac formulis, quibus ex Cathedrâ pronunciatum volunt;
tamen à glossâ corporis juris insertâ, pro retractabilibus habitas, & ab ipso
Bellarmino tam claris verbis subrutas, ut nullus pateat tergiversationi locus.

Hæc verò scribentem, & Joannis XXII. ejusque temporis Doctorum
verba pensantem, optimorum virorum piget, qui, nescio quo pacto,
sanctissimo viro Gerloni, non aliud ducem quam perfidum ac schismati-
cum Okamum prætulerunt: cùm econtrà Okamus, cum suâ Franciscanorum
rebellium turbâ, infallibilitatem Pontificiam rebellioni obtenderet;

eamque ante Gersonem, ejusdem ævi Doctores optimi, in his Jacobus sanctæ Priscæ postea Benedictus XII. & ipse Joannes XXII. respuerent: nec Romanam Ecclesiam aut fidem labefactari putarent, si unus aut alter Romanus Pontifex ad humanæ infirmitatis exemplum, fidei adversantia determinatione editâ definissent: id enim & continuò resarciri, ac nequidem pro sententiâ aut determinatione haberi; nec Romanæ Ecclesiæ tribuendum, & facile intelligebant, & apertissimè profitebantur.

L.

*Speculatoris, id est, Guillelmi Durandi Episcopi Mimatensis
liber de Conciliis, jussu Clementis V. editus, & quid
ex eo consequatur.*

HÆc igitur inter sæculi XIV. initia, non jam Gersoni dicam; sed Constantiensi Synodo, in ipsis XV. sæculi initii habitæ, præluxerunt. Quid autem paucis annis anteà inter ipsos Viennensis cœcumenici apparatus de Conciliorum potestate sentirent, unus omnium maximè edocebit Guillelmus Durandus Episcopus Mimatensis, vir eo ævo doctrinâ & pietate nobilis, quem honoris causâ Speculatorem nominant. Is igitur jussu Clementis V. Concilium Viennense celebratur, ut in ipsâ operis præfatione testatur, tractatum edidit de modo generalis Concilii celebrandi: quo in libro hæc imprimis continentur: Utile & necessarium, quod ante omnia corrigerentur & reformarentur illa, quæ sunt in Ecclesia Dei corrigenda & reformanda, tam in capite quam in membris. Non ergo membra tantum, sed etiam caput ipsum Synodus cœcumenica reformatura erat.

Addit quod Papa non possit, nec debeat novas leges aut nova jura condere, contra ea quæ aperiè Dominus, vel ejus Apostoli, & eos sequentes sancti Patres sententialiter definierunt; quia aliter errare probaretur. Non ille cogitabat Romanum Pontificem etiam ut Pontificem & leges ferentem contra Scripturam ac Patrum autoritatem errare non posse: sed quominus erraret, monstrabat, quid ejus potestati permisum, quid negatum esset. Tum illud: quod Episcopi potestatem & honorem suum receperunt à Deo, à quo ordo prælationis institutus est; & à quo Episcopi in loco Apostolorum constituti sunt in singulis civitatibus & Diœcesis. En potestas Episcopalis à Deo in Apostolis instituta, & per singulas Ecclesiæ propagata: nec viri graves doctique novum illud admittebant: Episcopalem jurisdictionem à Papâ esse. Quo ex loco concludit doctus ac pius Episcopus, omnia Episcopis subesse oportere; neque tot exemptiones, locis * & personis Religiosis & Ecclesiasticis **, absque causâ necessitatis, vel evidentis utilitatis concedi potuisse vel debuisse. Ubi & illam docet Ecclesiæ regendæ regulam: Secundum generalem ordinationem universalis Ecclesia à Deo procedentem, & ab ejus Apostolis, sanctis Patribus, generalibus & specialibus Conciliis & Romanis Pontificibus approbatam. Hæc illa est regula quam

Vid. lib.
VII. cap.
XXXVIII.
& not.

Durand.
Tractat. de
modo ge-
neral. &c.
præfat. &
part. I. tit.
I. p. 2.
Ibid. tit.
V. p. 34.

Ibid. p. 35
& seq.
* Pietatis.
** Nam
multa Mo-
nasteria &
Capitula a
jurisdic-
tione proprii

Episc. immunitate universali, Pa- nostri docuerunt: summam & indeclinabilem vim Ecclesiastice potestatis, pte imme- universalis Ecclesiae consensione constare.

Hac igitur ex regulâ, reformationem Romanæ etiam Ecclesiae aggressus, multa monet: imprimis ut Ecclesia Romana nulla jura generalia deinceps conderet, nisi vocato Concilio generali, quod de decennio in decennium vocaretur; quod postea in Concilio Constantiensi factitatuui constat, ut non immerito huic sacro Concilio, haud minus quam Viennensi virum maximum Durandum, Mimatensem Episcopum præluxisse, dixerimus. Hujus rei fundamentum posuerat illud à jure depromptum: *Cum illud, quod omnes tangat, ab omnibus approbari debeat.* Quo ex loco concludebat vocandum esse Concilium: *Quandocumque aliquid esset ordinandum de tangentibus communem statum Ecclesiae, vel jus novum condendum: undè quamdam Bonifacii VIII. constitutionem à Concilio futuro Viennensi rescindi cupiens, id esse facilè demonstrabat: Quod hoc à Domino Bonifacio factum fuerit absque autoritate & vocatione Concilii generalis.* En quantâ autoritate super ipsum Papam, generale Concilium pollere intelligebat.

Ibid. p. 34. Ibid. part. I I I. tit. X X V I I. P. 181. Ibid. part. II. tit. X L I. p. 151. Dist. LXV. cap. I. II. I I I. Dist. LXVI. cap. I. Durand. ibid. tit. IV. p. 62. Ibid. part. I I I. tit. X X V I I. p. 282. . Neque minùs notatu dignum illud: *Quod postea, quam egit de provisione Romana Ecclesiæ facienda, de bonis Ecclesiasticarum personarum superabundantibus; absque taxationis notâ & infamiâ, subdit: provisò tamen, quod Romana Ecclesia ultrâ & contrâ prædicta, & alia quæ Concilio rationabilia viderentur contra Divinas & humanas leges, non posset, absque generali Concilio, habenas exten- dcre plenitudinis potestatis.*

Ibid. Neque illud omittendum: *Quod Primatus Ecclesiae Romanae declararetur & distingueretur per Ecclesiastica & secularia: id est, ut secernerentur ea quæ Ecclesiastica sunt à secularibus: Nec Dominus Papa vocaretur universalis Ecclesia Pontifex, cum hoc prohibeat Gregorius. Quod quidem non eò pertinet, ut potestatem universalem Papæ, quam ubique vel maximè tuetur, infringat; sed ne universalis Pontificis nomine, omnia ad se trahat: quia ut alibi ait, proverbium vulgare est: qui totum vult, totum perdit. Ecclesia Ro- mana sibi vindicat universa: undè timendum est, ne universa perdat: sicut Salomon ait I. Proverb. 30. QUI MULTUM EMUNGIT, ELICIT SANGUINEM: sicut habetur exemplum de Ecclesiâ Græcorum, quæ ex hoc ab Ecclesia Romana obedientiâ dicitur recessisse.*

Ibid. & tit. I. ejusdem part. & pass. Neque propterea aut nos inferimus, aut ipse pertendit, nihil sine Conciliis œcumenicis agi posse: certis tantum casibus, quales erant hujus temporis, Concilia necessaria videbantur: cæterum in consensione vim positam, & ipse profitetur, & nos docebimus.

Ibid. part. II. tit. VII. p. 69. Hæc scripsit ille Durandus Mimatensis Episcopus, sui ævi vir maximus; neque tantum Galliæ, sed etiam Catholicæ Ecclesiae lumen, quem juris Pontificii interpretes potissimum sequuntur; qui Romanis Pontificibus gratissimus vixit, ac de Concilii œcumenici habendi ratione à Clemente V. jussus, hæc scripsit, viamque celebrando Viennensi Concilio, cuius ipse pars fuit maxima, præparavit.

Hunc igitur ante Gersonem, ante Parisienses, ante Constantiensem Symnodum, avitæ doctrinæ testem adhibemus, ejusque autoritate facile comprobamus: in iis quæ universam Ecclesiam spectent, quorum è numero prima

ro prima est fides, summam autoritatem ipsâ Ecclesiarum & Episcoporum consensione constare.

Id etiam diligenter notari volumus, scripta hæc esse à Durando anno Christi circiter 1307. Clementis V. tempore, in summâ Ecclesiæ pace, centum eoque amplius annis antequâm Constantiense Concilium haberetur. Tunc ergo docebatur: reformatam in Synodo esse Ecclesiam, in capite & in membris: quod ad communem Ecclesiæ utilitatem spectat, communis sententiâ finiendum, neque sine Concilio decerni oportere: ad Ecclesiam ordinandam quocumque decennio Concilium generale congregandum, nec licere Romano Pontifici contra ea, quæ Concilio generali placuissent, *sine more modoque habendas extendere plenitudinis potestatis*. Quod idem est atque illud à nostris postea celebratum: plenitudinem potestatis per Canones & Concilia generalia regulandam. Hæc cùm adverfarii in Concilio Constantiensi coævisque Doctoribus legunt, ad schismatis tempus pertinere, aut Sedi Apostolicæ infesta esse clamant; quæ tamen nunc vident, ab anteroris ævi traditione manasse, Constantiensemqne Synodus ex his fontibus sua Decreta prompsisse.

L I.

Hinc etiam de sensu Concilii Lugdunensis II. judicari potest.

HINC etiam patet hæc omnia, quæ ad universalis Ecclesiæ atque Concilii autoritatem spectant, à Concilio Lugdunensi II. infracta non fuisse, cùm iste Speculator, & post Concilium Lugdunense vixerit, & ejus Decreta egregiis commentariis illustrarit.

Vid. epist.
Imper. ad
Conc. Lug.
II. int. act.
tom. XI. p.
966. &
epist. Præl.
ibid. p. 968.
& seq. vid.
infr. lib.
VII. cap.
XXXV.
XXXVII

L II.

Zocus Gratiani de Detretalium autoritate: alius locus de Gregorii II. Decretali ab eodem Gratiano reprehensa erroris contra Evangelium.

HÆc autem ex ipso Decreterorum fonte hausta promebant. Nam & ipse Gratianus de Decretalium autoritate tanta locutus, atque etiam illud, quo nihil esse clarissim videretur: *Sic omnes Apostolica Sedis sanctiones accipienda sunt, tanquam ex ipsis divini Petri voce firmatae sint*, hanc tamen ultrò interpretationem subdidit; *Hoc autem intelligendum est de illis Sanctionibus vel Decretalibus epistolis, in quibus nec præcedentium Patrum Decretis, nec Evangelicis præceptis aliquid contrarium invenitur*: Quo loco vietus Melchior Canus Gratianum accenset illis, qui Pontificiam infallibilitatem negare videantur.

Dist. XIX.
cap. VII.
Sic omnes.
vid. in app.
lib. I. cap.
VI.
Can. lib.
VI. cap. I,

*Sic modernorum Canonistarum antesignanus Gratianus, quem unum
Tomus I.*

Apostolicæ potestatis egregium assertorem Romani Pontifices , inter alios seleverunt , ut legeretur in Scholis & omnium manibus tereretur , Parisiensibus , imò Constantiensibus Patribus autor extitit , ut tuerentur ea quibus Pontificiam autoritatem convulsam elisamque clamitent.

Affert quidem Gratianus hīc ejus rei probationem infirmam , & Anastasii II. Decretalem immeritò erroris insimulat : verū affert alio loco Gregorii II. egregii Pontificis ad sancti Bonifacii Moguntini interrogata responsum , quod idem Gregorius vocet : *Apostolici vigoris doctrinam per beatum Petrum , à quo & Apostolatus & Episcopatus principium extitit.* Rogo autem , his verbis quid significantius dici possit , ad exprimendam Pontificii responsi pro Cathedræ Petri potestate plenam autoritatem ; & tamen responsum illud , Gratiano teste , *Evangelica & Apostolica doctrina penitus inventur adversum.*

Caus.
XXXIII.
quæst. VII.
cap. XVIII.
vid. epist.
IX. Greg.
II. ad Bonif.
Tom. I.
Conc. Gall.
p. 519.
Ibid. parag.
Sed illud.

Sanè confitentur omnes , multa ejusmodi esse responsa adeò adversantia Evangelicæ & Apostolicæ veritati , ut ea nemo tuenda suscipiat ; neque aliud suffugium est , quām eos Pontifices de fide ac moribus ritè consultos , ut qui toti Ecclesiæ præsiderent , tamen pro privatis Doctoribus respondisse ; quo nihil absurdius atque incredibilius esse videatur. Sed ut hæc interim omittamus , istud Gregorii II. disertissimiis verbis , *ex Apostolico vigore summâque autoritate Decretum per Petri Cathedram , unde Apostolatus & Episcopatus principium extitit , traditum , quis negaverit pro Cathedræ Apostolicæ potestate pronuntiatum fuisse ?* Et tamen illud ipsum est *quod Evangelica atque Apostolica doctrina haud cunctanter & dubiè , sed planè & penitus invenitur adversum.*

Et quidem etiamsi Gregorii responsum aliquâ ratione defendi posset ; tamen Gratiani sententia à nullo improbata patesceret. Nunc autem fatentur omnes errasse Gregorium , qui supervenientis infirmitatis causâ , uxori legitimæ alimenta tantùm relinquere ; alteram , virum inducere , contra Evangelicæ & Apostolica jussa permisit , idque Bonifacio Germanorum Apostolo , pro novâ Germanicâ Ecclesiâ consulenti , ex Petri Cathedrâ atque Apostolicâ autoritate responsum ediderit ; & adhuc urgebunt Theologos Gallicanos , ut pro fidei certo Dogmate admittant id quod , ipsâ experientiâ teste , refellatur , renuentes , schismatis , erroris in fide , & etiā hæresis damnabunt.

L III.

Pelagii II. Decretalis ab eodem Gratiano ex Gregorio Magno reprehensa : ex ipsâ etiam Glossâ contra Evangelium.

Distinct.
XXXI.
cap. I. Ante triennium.

EXTRAT' etiam aliud à Gratiano relatum Pelagii II. Constitutum , de quo Gregorius Magnus hæc habet : *Quod mihi durum & incompetens videtur :* ad quæ verba Glossa perspicuis verbis : *Illa Constitutio fuit iniqua.* Enplanè & rotundè iniqua Constitutio ex Apostolicâ autoritate manans ; & ad

verbum illud *durum*: *Statutum Pelagii fuit contra Evangelium*. Hoc autem Statutum Pelagii II. esse, ejus qui Gregorium proximè antecessit, probat eadem *Glossa ex Cap. Multorum* 27. q. 2. quod est ejusdem Gregorii Magni. Quare in uno argumento duos conjunctos habemus egregios Pontifices, Pelagium II. contrà *Evangelium statuentem*, & Gregorium Magnum ejus statuta improbantem. Quo quid est clariùs? & tamen non desunt multa æquè memorabilia, quæ suo loco referamus.

Caus.
X X V I I.
quæst. I I.
cap. X X.

L I V.

Honorii res: eum erroris excusari non posse, licet ex Cathedrâ pronuntiantem.

IN CREDIBILE dictu est, de Decretis Apostolicis quantos ludos faciant; dūm eos aut ex Cathedrâ aut non ex Cathedrâ prolata esse definiunt. Vel Honorii epistolas in medium afferamus. Nihil est, inquiunt; non enim erravit Honorius, aut *quidquam erroris*, si Bellarmino credimus, *in ejus epistolis continetur*. Mirum! cùm etiam P. Thyrus dixerit, *eum deferrinam Sergii Principis Monothelitarum approbare visum*, & in eo malè egisse, quòd *non extinxit hæresim*. Quid autem? An non prohibebat ne una vel *duæ operations ac voluntates* dicerentur? An non, ut *duas voluntates*, ita *unam novæ adinventionis* vocabulum appellabat: *unam æquè ac duas sentire vel promere ineptum* *judicabat*: Catholicamque veritatem & hæresim æquè à *fi-dei predicatione* eximebat? Pacis gratiâ, inquieris: pacis quidem falsæ, quam componeret Leo X. si, quod absit, definiret consubstantiationem æquè ac transubstantiationem, ut cum Luthero pacem haberemus, excluderet: quod quid aliud esset, quām ipsam veritatem Decreto editō prodere? Hoc igitur gradu dejecti, ad id decurrunt ut dicant: non ea ex Cathedrâ docuisse Honorium, cùm scilicet à tribus Patriarchis Sergio C. P. Cyro Alexandrino, Sophronio Hierosolymitano ritè atque ordine consultus, quartum quoque, Antiochenum Macarium in Monothelitarum errorem induxit; quippè qui *Honorium à Deo eruditum*, antesignanum ac ducem ubique nominaret. Quandò igitur ex Cathedrâ pronuntiadum fuit, nisi cùm à toto Oriente consultum Petri Sucessorem confirmare fratres & teterimum errorem compescere oportebat? An falli amabat, qui sic interrogatus non eo ritu diceret, quo se falli non posse intelligebat? Hic hæreant necesse est, nisi Bellarmino duce augurentur *fortasse illas epistolas esse confictas & inseratas Concilio generali* *, neque hoc temerè dici, quod quidem tam apertè falso est, ut nemo probaverit.

Vid. lib.
V I I. cap.
X X V . &
seq. & not.
Bell.de R.
P. lib. I V.
cap. XI.
Gonz. disp.
X V . fecit.
V. n. 2.
Epistol.
Honor. ad
Serg. int.
act. Conc.
V I. act.
XII. Tom.
VI. p. 928.

Conc. VI.
act. VIII.
P. 741. 749.

Bell.de R.
P. lib. I V.
cap. X I.
Bar. ann.
§ 81. Tom.
V III. P.
§ 49. & pass.
* V I.



L V.

De falsatis actis Binii ex Baronio conficta narratio.

Vid. Conc.
V I. a&t.
XII. XIII.
Bin. Tom.
IV. in not.
ad vit. Hon-
nor. pag.
572. Tom.
V. in not.
ad Concil.
VI. p. 366.
Gonz. disp.
X V. sect.
VI. parag.
2. n. 2.
Bar. Tom.
VIII. ann.
681. p. 51.
edit.
Rom.

RESTAT ergo ut Honorius meritò à sanctâ Synodo damnatus esse credatur; eò quod compertus sit per omnia mentem Sergii securus, & impia Dogmata confirmârit. Quâ de re sic Binius à P. Gonzalez relatus loquitur: *Honorium in actis Synodalibus VI. & VII. Concilii velut hereticum anathematisari, & cum Monothelitis ibidem recenseri, multum huic nostrae communi orthodoxorum sententia præjudicaret, si non EVIDENTER CONSTARET, acta VI. Synodi imposturâ Theodori C. P. & Monothelita Episcopi corrupta esse.* Evidenter verò constat, id quod ipsâ statim rei narratione falsi reprehenditur. Sic enim ipse Binius, Baronio autore, rem adornat: *Theodorus C. P. na&scit originale exemplar Concilii e& occasione, ut illud autoritate Pontificiâ confirmandum, ad Leonem II. mitteret, suo ubique nomine expuncto, in odium Romani Pontificis, nomen Honorii, quem Monothelite suarum partium esse ja& averant, ubique substituit.* Hæc quidem Baronius, & ex eo Binius, quæ uno verbulo concidunt. Aderant enim Legati Apostolicae Sedis, qui Synodo præsidentes, nec quid gestum esset ignorabant, nec profecto tacuissent, & publicæ fidei Græculos illusissime quererentur, non sanè errorem ipso silentio confirmarent. Sic est illud evidens & constans, quod de VI. Synodi falsatione commemorant.

L V I.

Actio falsi à Christiano Lupo depulsa quam certis probationibus.

Christ.
Lup. diff.
in VI. Syn.
cap. V I.
Tom. II.
p. 858.

SED præstat audiri Christianum Lupum eâ de falsatione differentem: *Dura, inquit, ista sunt: Apostolicos Legatos arguunt manifesta, in re longe gravissimâ, prævaricationis. Quomodo in vita Joannis V. unius è Legatis; Anastasius Bibliothecarius eos reduces affirmat, ab omni Ecclesiâ Romanâ susceptos fuisse omni gaudio, ob Apostolicas vices felicissimè gestas? Quomodo dicit de Leone II. HIC SUSCEPIT SANCTAM VI. SYNODEM, IN QUA CONDEMNATI SUNT. CYRUS, SERGIUS, HONORIUS?* Quis Theodorus librum Pontificalem (ab Anastasio editum) vitiavit? Quomodo nullus unquam Romanus Pontifex, nullus per ea tempora Ecclesia Latina Pater imposturam detexit, arguit, abrasit? Videbis reliqua, quibus certò constat, Honorium & ab Adriano II. ex authenticis archivis Romanæ Ecclesiæ, & in ipsâ Romanorum Pontificum professione, non nisi ex Concilii VI. autoritate damnatum. Quid igitur Binium cogitasse volumus, cùm diceret: *Multum præjudicare... Concilii VI. Decreta adversus Honorium, nisi evidenter constaret esse falsata?* Atqui nedum constiterit esse falsata, non esse falsata claruit. Quod ergo perfugium supereft? Non errasse Honorium, qui veritatem Catholicam in-

ter nova, inepta, à fidei prædicatione eximenda decreverit? Falsum. Non ex Cathedrâ pronuntiasse, qui ritè interrogatus à tribus Patriarchis, toto Oriente promulganda responſa prodiderit? Falsum. Corrupta acta Synodalia, uti Baronius, & post eum Binius, tantâ ope extremi refugii loco statuerint? Falsum; & ut nunc cætera omittamus, à Christiano Lupo certis probationibus & actis confutatum. Quô ergò confugient? Nunquàmne tædebit viros egregios & eruditos, Binii, ac si autores Binii quærimus, Bellarmini ac Baronii fide, ad hæc incondita & absurdâ cogi? Quos, sint licet viri maxi-
mi, tamen satis constat, dūm causæ omnibus modis serviunt, & sibi res, non se rebus accommodare satagunt, optima scripta multis mendis deho-
nestasse. Hæc quidem de Bellarmino, & de celeberrimo annalium condi-
tore memorare pigeat, nisi causæ necessitas & elucidanda veritas postularet.

L VII.

*Ex actis Concilii Hispanici Toletani XIV. quæſio de falſo
clarè absolvitur.*

NE c tacere possumus Rocabertum, qui non rationum pondere, sed novâ grandium voluminum mole nos premat. Nempe de Honorio implevit trecentas paginas: quo fructu? Cùm vel unum Hispaniense Concilium Toletanum XIV. in novâ collectione, ex optimis exemplaribus singulari studio recensitum, grandem difflet machinam. Quo quidem in Concilio extant Leonis II. epistolæ, queis constet Honorium à VI. Synodo esse damnatum. Falsæ, inquit Rocabertus post Baronium & Binium. Quis ergò corrupit illas? An aliquis Theodorus Græcus Romam atque in Hispanias penetravit, ut Romana, ut Hispanicorum Conciliorum acta corrumperet? Ad hæc nos adaëtos volunt. In his Sedis Apostolicæ ac fidei Catholicae præsidium reponemus? Absit hoc ab Ecclesiæ majestate. Sanè doctissimus Daguirreus, quid de illis sentiret epistolis indicavit his verbis: *Earum àvætætæav Cardinalis Baronius expugnare conatus est, & alii post eum. Enconatus tantum, nec plura dixit optimus Cardinalis, seque ipse medio in cursu repressit, notasque suas quarum spem injecerat, desiderari est passus; credo, ne pro candore suo rectique judicii æquitate, certis inclitæ Hispaniensis Ecclesiæ monumentis, VI. Synodi acta adversus Honorium munire cogeretur.*

Rocab.
Tom. I I.
lib. III.
Apol.
Conc.Tol.
XIV.Tom.
V I. Labb.
p. 1279. &
seq.
Rocabert.
loc. cit.

Daguir.
not. in
Conc. To-
let. X I I.
Tom. II.
p. 710.

L VIII.

*Ex eodem Concilio Decreta à Romanis Pontificibus approbata,
non nisi confensione factoque examine recipiuntur.*

UT CUMQUE est, Patres ipsos Toletanos audiamus. Nempe ad eos perlata sunt Concilii VI, Decreta autore Agathone gesta, à Leone II, Vid. lib. VII. cap. XXIX.
G iij

Conc. To-
let. XIV.
cap. IV. V.
Daguir.
Tom. II.
p. 718.
Conc. To-
let. XIV.
cap. V.

confirmata , ad quam quidem VI. Synodum nec Hispani convenerant , ac nequidem convocati erant. Probant itaque Synodum VI. sed Conciliorum Hispaniensium *Synodico examine* ; sed *discretâ autoritate* ; sed post illius acta *Synodica iterum examinatione decocta*. Addunt: *Iteratò ea gesta probavimus* ; *posteaquam ea , examinatione constitit , Constantinopolitana & Ephesina fidei concordantia , Chalcedonensis verò verbis edita vel libata* : nec nisi sub illius examinis lege , VI. Synodo , cuius nulla pars fuerant , suæ consensio- nis complementum ac robur adjiciunt , eamque aliis quas noverant Syno- dis , adnumerandam putant ; usque adeò apud Hispanos , sicut apud omnes , liquebat , probata circa fidem à Romanis etiam Pontificibus acta , ita qui- dem valere , si Ecclesiarum consensus accederet.

Nec mirùm à doctissimis ac fortissimis Hispaniensibus Episcopis ita ges- tam esse rem. Cùm enim ad VI. Synodum vocati non essent , ut diximus , ut , quæ sanctæ Synodo defuerint , pro suâ parte supplerent , id egerunt in Synodis suis particularibus , quod in ipso generali Concilio VI. feci- sent : nempe ut pro recepto omnium Conciliorum more , ita omnia com- muni Episcoporum deliberatione agerentur: ut etiam de S. Agathonis Pa- pæ ejusque Concilii epistolis quæreretur , nec priùs admitterentur , quàm singuli Episcopi de illis rogati sententiam dicerent.

LIX.

In fidei quæstionibus Conciliorum generalium potior autoritas de- monstratur ex Conciliorum Actis , ac primùm ex Concilio III. & IV.

Vid.lib VII.
cap. IX. &
seq.

Epist. Cæl.
ad Cyril.
part.I Con-
cile. Ephes.
cap. X V.
Tom. III.

p. 348. &
ejusd. epist.
ad Nestor.
cap.XVIII.

Ephef. act.
I. p. 461.
Epist. ad
Nest. loc.
cit.

Concil.
Ephef. act.
I. p. 493.

Vid. epist.

ATQUE is mos Conciliorum omnium diligentissimè observandus. Ante Ephesinam Synodum S. Cælestinus Papa Cyrilli epistolam dato judi- crio his verbis probaverat : *Omnia quæcumque sentimus ac tenemus , te itidem sentire , ac tenere perspicimus*. Quin etiam omnia extrema decernit in Nestoriū , nisi ea , inquit , *prædices , quæ Cyrilus prædicat* ; & tamen de illâ Cy- rilli epistolâ in Ephesinâ Synodo in hæc verba quæsitum est : *Rectè ne & in- cipiatè hæc scriferit an secùs*.

Producta deinde est Nestorii epistola , de quâ idem Cælestinus pro Se- dis Apostolicæ autoritate ita pronuntiaverat : *Vidimus tuas literas apertam blasphemiam continentes* ; & tamen postequam universale collectum est Con- cilium , in eadem verba quæsitum est : *Numquid hæc ipsa quoque Nicenæ fi- dei consonaret an non?* Ex eâ interrogandi formâ , Patres probanda Cyrilli ; damnanda Nestorii scripta ordine censuerunt ; nec nisi deliberatione & examinatione factâ S. Cælestini judicium approbârunt.

Eodem ritu modoque de celeberrimâ illâ S. Leonis ad Flavianum episto- lâ quæsitum propositumque ita est à judicibus: *Singuli reverendissimi Epis- copi doceant si expositio CCCXVIII. * & CL. **. Patrum consonat episo-*

* Nicenorum. ** Constantinopolitanorum.

le S. Leonis; neque eam Anatolius aliique Episcopi suscepereunt, nisi deliberato & explorato Leonis epistolam antiquioribus Conciliis consonare.

Concil.
Calc. aet.
IV. p. 471.

L X.

Bellarmini & Baronii altercatio de Decretali sancti Leonis epistolâ in Concilio IV. ritè examinatâ.

HIC autem exoritur inter egregios Cardinales Bellarminum & Baronium quæstio singularis: hic enim, eumque secuti nostrorum magna pars, Leonis epistolam ut fidei normam ac regulam agnoscunt, quâ omnes Ecclesiæ tenerentur: Bellarminus verò ipsâ examinatione turbatus, quam negare non potuit, sic respondet: *Leo epistolam suam miserat ad Concilium, non ut continentem ultimam & definitivam sententiam, sed ut instructionem quâ adjuti Episcopi melius judicarent.* Atqui vir maxime, pace tuâ dixerim, Leo hanc epistolam, appellante Eutychè, Flaviano postulante, de summâ fidei condidit, & ad omnem, quâcumque patet misit Ecclesiam, cùm necdùm quisquam de Synodo cogitaret. Non ergo instructionem ad Synodum adornabat; sed Apostolicam proferebat sententiam. Scilicet has inter angustias nullum aliud patebat effugium; nec sinit Baronius ut alteri potestati quâ summæ & indeclinabili tribuatur epistola, tantâ Sedis Apostolicæ autoritate firmata; nec Bellarminus intelligit summæ & indeclinabilis autoritatis esse, quæ Synodali examini deliberationique subjecta sit. In illo ergo conflictu quid superest, nisi ut pariter constet, & totâ Sedis Apostolicæ autoritate conscriptam, & tamen Concilii universalis examini pro more esse subditam?

Vid. lib.
VII. cap.
XVII. &
& Bar. an.
449. Tom.
VI. p. 80.
& Bellarm.
lib. I I. de
Conc. aut.
cap. XIX.

L XI.

Definitio S. Leonis, ipso etiam teste, non nisi ex Ecclesiæ consensu vim habet irretraçtabilem.

QUA in re nullum alium quâ Leonem ipsum autorem sequimur; cuius ad Theodoreum scribentis hæc verba sunt: *Quæ Deus nostro prius ministerio definiverat, fraternitatis universæ irretraçtabili firmavit assensu, ut verè à se prodiisse ostenderet quod prius à primâ omnium Sede formatum, totius Christiani orbis JUDICIUM recepisset.* En definitio juxta Baronium, non autem instructio juxta Bellarminum: en Orbis universi de Sedis Apostolicæ definitione *judicium*. Pergit: *Nam, ne aliarum Sedium ad eam quam ceteris Dominus voluit præsidere, assentatio videretur, aut alia qualibet subrepere posset adversa suspicio, inventi prius sunt, qui de judiciis nostris ambigerent: neque tantum ab hæreticis, sed etiam ab ipsis Synodi Patribus, ut gesta testantur.* En in primâ Sede assentationis metus, si de ejus judi-

Vid. lib.
VII. cap.
XVII. &
& Epist. Leon.
ad Theod.
XCIII. al.
LXIII. -

ciis dubitatio vetaretur: denique, ipsa quoque veritas clarius renitescit & fortius retinetur, dum qua fides prius docuerat, hæc postea examinatio confirmaret. En apertis verbis examinatio Synodalis de fide, non in se, ut pessime objiciunt; sed quam epistola decretalis exponeret. Ac demum eadem epistola pro regulâ editur; sed universa sancta Synodi assensu firmata, sive eum in modum quem superius dixerat, postquam universa fraternitatis irretractabili firmatur assensu. Ex quo tanti Pontificis dicto, Clerus Gallicanus sua illa deprompsferat: in fidei quæstionibus irreformabile Tertulliani dictis, sive Leonis verbis, irretractabile esse judicium, sed tūm, cum Ecclesia consensus acceperit.

L X I I .

Concilii VI. & VII. acta: VII. Synodi definitio ac summae autoritas consensione constans.

Sup. n.
L V I I I .
vid. lib.
V I I . cap.
X X I V .
Conc. VI.
act. V I I I .
Tom. VI.
pag. 728.
& seq.
Vid. lib.
V I I . cap.
XXX.
Conc. VII.
act. I I .
Tom. VII.
p. 127. 130.
In Synodo quoque VII. sic ab ipsis Legatis Apostolicæ Sedis quæsitum rogatumque est: *Dicat sancta Synodus, si admittat literas sanctissimi Papæ senioris Romæ an non: ad quam rogationem tam claram, tam liberam, autore Apostolicâ Sede factam, Tarasius imprimis ac deinde singuli Episcopi responderunt: Se Scripturam scrutatos & patriis doctrinis doctos, facto scilicet examine, Apostolicis literis consentire.*

Ibid. act.
VII. defin.
p. 551.
Matth.
XX VIII.
20.
Indè ergò firmitudo Synodalibus gestis, ipsiusque definitionis hoc initium, hoc fundamentum, hæc summa est: *Christus despontatâ sibi sanctâ suâ Catholicâ Ecclesiâ, non habente maculam neque rugam, hanc se conservaturum promisit, sanctisque discipulis suis asseverabat, dicens: VOBIS CUM SUM OMNIBUS DIEBUS. Hanc autem repromotionem, non solum illis donavit, sed etiam nobis, qui per eos credidimus in nomine ipsius.* Hanc promotionem fundamenti loco ponunt, non profectò solam Romani Pontificis venerandam licet definitionem, de quâ ipsis deliberant. Quamobrem statim subdunt: *Propter quod Dominus Deus noster.... nos Sacerdotii Principes beneficio suo undique convocavit, quatenus Deifica Catholica Ecclesia traditio communis decreto recipiat firmitatem: quæ verba clarè docent in isto consensu vim Ecclesiastici judicii esse positam.*



LXIII.

Conciliis VIII. eadem praxis : duo ejus decretum.

IN Synodo VIII. de fide nihil actum : sed æquiparanda fidei quæstioni exorientis schismatis controversia , Synodi universalis digna examine videbatur. Ergo de epistolâ Adriani II. Papæ *Sanctissimi Vicarii senioris Roma dixerunt : Est canonice & synodice acta epistola hæc ?* Solennis formula examinis , quam ab anterioribus Synodis repetitam , Legati Apostolici celebrabant. Ad hanc *Sancta & universalis Synodus dixit : canonica & ordinata & plena justitia est epistola quæ lecta est.* Nisi plena justitiæ , nempe ea haud legitima , neque canonica aut synodica haberetur.

Vid. lib.
VII. cap.
XXII.
Conc. VIII.
act. III.
Tom. VII.
P. 1911.

Actione VI. introducuntur , ad Synodum ii qui *Episcopi Photii dicebantur* , sive ab ipso ordinati , sive ipsi adhærentes ; atque illi quidem Photio se obligatos putabant ; sed ea vincula Synodus resolvebat his verbis : *Sanctissimi Vicarii senioris Roma & nos qui reliquarum Sedium Vicarii sumus, hæc omnia dissolvimus, gratiâ Domini nostri Jesu Christi, qui dedit nobis summi Sacerdotii potestatem, justè & congruè ligandi atque solvendi.* Cujus rei fundamentum tale adstruunt : *Spiritus enim Sanctus qui locutus est in sanctâ Romanâ Ecclesiâ, credimus quod & in Ecclesiis nostris locutus extiterit.* Sic omnibus , nec tantum Romano Pontifici , data à Deo potestas solvendi ligandi que autoritas communi sententiâ , in eâque Spiritus Sancti judicium est. Hæc dicit ea Synodus quæ Sedi Apostolicæ vel maximè faverit atque obedientissima fuerit. Sed per ea tempora nihil aliud cogitabant.

Ibid. act.
VI. p. 1049.

LXIV.

Bellarmini sententia de Synodali examine : Christiani Lupi aliorumque cavillationes : an in Conciliis de fide dubitatum, cum de Pontificiis decretis quererent.

Hæc igitur per octo sæcula in generalibus Synodis consuetudo , hæc autoritas viguit. Neque enim in primâ , secundâ , quintâ synodo , ulla quæ ad examen traherentur sedis Apostolicæ Decreta præcesserant : in tertîa , in quartâ , in sextâ secutisque Synodis , certa Ecclesiastica praxis enituit. Sanè meminimus Bellarminum Conciliaris examinis autoritate vicum ita statuisse , ut sancti Leonis epistola , quam alii definitionis irretractabilis loco esse voluerunt , instructionis tantum fuerit , cum ea & æquam cæteris præferat autoritatem , neque alio ritu quam cæteræ omnes recepta legatur. Quare de omnibus æque censendum est , & eas à Romanis Pontificibus plenâ autoritate dictatas , & à Conciliis , non nisi quæstione habitâ comprobatas.

Sup.n.LX.
vid.Bell. de
Conc. aut.
lib. II. cap.
XIX.

Quo etiam argumento necesse est ut concidat , quod nostrâ credo ætate ,
Tomus I.

Christ. commenti sunt inane figmentum. Sic nempè Christianus Lupus : *hanc epistolam [ad Flavianum scilicet] Leo permiserat à Synodo discuti & cum sanctorum Patrum scriptis conferri*, ac tum ex ipsa Eutychianas lites definiri mandarāt; ut illud examen permissionis tantum, non etiam autoritatis & juris esse videatur. Hæc quidem Lupus judicat, sed præter gestorum fidem. Nam quod in Leonis epistolâ IV. Synodus, id posteà in Agathonis, id in Adriani I. & II. Decretalibus omnes posteà Synodi præstiterunt: id in III. Synodo circâ S. Cælestini judicata præcesserat, communi ubique formulâ certoque & usitato Conciliorum more. Itaque non alicujus permissu atque indulgentiâ; sed suo jure, nec aliâ, ut ab ipsis Synodis audivimus, quâm Spiritûs Sancti autoritate, judicium capessabant, sibiique tribuebant.

Diss. IV. Neque propterea quòd *Gallia vindicatæ* Autor aliique passim objiciunt; parag. I. p. de fide dubitabant. Abfit: sed an ipsi Pontifices satis ex traditione rem gererent: an antiquam fidem satis exprimerent, ut Pontificis quidem officium fuerit toti Ecclesiæ prælucere, & Apostolicam proferre sententiam. III. parag. Cæterum, quod ipse Leo palam professus est, per examen Synodicum Decretis Pontificiis ultimum perfectumque & prorsus indeclinabile robur, Patrum ac totius Ecclesiæ consensu adderetur. Quo etiam factum est, ut post Pontificia Decreta in Synodis quidem œcumenicis quæstio haberetur: Synodo verò gestâ, nihil jam quæstionis, nihil unquam examinis superefset. Sic Constantiensi Synodo omnes retrò œcumenicæ Synodi ac primis quoque sæculis prætulerunt facem.

L X V.

S. Basili locuſ, atque in eum Christiani Lupi contumelie.

Lup. Tom. NEQUE aliter extra Synodum quâm in ipsis Synodis actum esse ipsa Ecclæſiaſtica gesta clamant. Vel Christianum Lupum audiamus, hæc ex I. not. ad Concilium Sard. cap. Magni Basiliī epistolâ exſcribentem: *Quale nobis auxilium ab Occidentalium VI. p. 209. supercilio & falſu aderit, qui veritatem neque norunt neque diſcere ſuſtinent?* Basili. epift. CCXXXIX. Verum falſis opinionibus præpediti, illa nunc faciunt quæ prius in Marcello: Tom. III. Bened. p. nempe cum iis qui veritatem ipsis annuntiant contendentes, hæresim autem per 368. al. ſeipſos ſtabilientes. Quo loco idem Lupus de definitionibus Dogmaticis agi. epift. X. non obſcurè significat.

Lup. ibid. Itaque his commotus, hæc adverſus Basiliū tanquam ex tripode pronuntiat: *Omninò culpandus eſt S. Basilius, hac de cauſâ Damasum Pontificem & omnem Occidentis Ecclesiam, quomodo & Julium Pontificem ob Marcellum arguens de patrato facinore, ſtabilitâ hæresi, ignoratâ veritate.* Nos verò de tanto viro decernentem Lupum facile contemnimus: quid, fatente Lupo, Basilius ſenserit parvi facere non licet. Neque nunc ad rem pertinet, meritosne an immeritos Basilius reprehenderit. Hic certè conſtituit, duobus Pontificiis de fide Decretis ab eodem Basilio, nullâ excuſatione, interpretatione nullâ, rotundè ac ſimpliciter ſtabilitam hæresim imputatum.

p. 213.

Neque aliud causatur Lopus , quām , sic Basiliū locutum oculo per iram turbato : ac ne quid contumeliaz desit ; hinc , inquit , in iram frequenti jejunio studentium more pronior Basilius clamabat &c. At quis te ferat , Lupe , tanto viro exprobrantem sancta castaque jejunia , tanto interioris vitæ ac spirituallum exercitationum magistro contractæ ex jejunis iracundiæ vitium tribuentem ? Miseros verò nos , qui ad ea tempora devenimus , quibus cuique liceat Sanctos Patres Basiliū ipsum etiam maledictis incessere , ac morum insectari gravitatem.

Lup. ibid.
P. 209.
Ibid.

L X V I.

Alius S. Basili de S. Damasi decretis locus.

IDEM Lupus indicat aliam epistolam , in quâ de S. Damasi adversùs S. Meletium Decretis agens Basilius , se illas literas , nec si de calo descendérint , si quidem ad fidem rectâ viâ non incedant , admisurum , aut eum qui attulerit ad communionem recepturum negat. En quantâ confidentiâ non jam Ger- son ejusque sequaces posterioris ævi Doctores , sed ipso quarto sæculo Basilius Magnus de Decretis Pontificiis dixerit. Quis autem tanto viro suc- censuit ? Quis ejus rei gratiâ incusavit , tanquam de sede Apostolicâ malè meritus esset , aut ejus Primatûs , quem summoperè coluit , infregerit au- toritatem ? Hæc quidem ad exemplum vulgò trahi nolumus ; & extraordi- nariis casibus accensemus ; & tamen certo argumento est , procul abfuisse illa tempora ab iis , in quibus nunc summam fidei constitutam putant. Sed anterioris ævi testes audiamus.

Lup. de
appell. cap.
XXXI I.
pag. 333.
Basil. epist.
CCXIV.al.
CCCXLIX.
P. 321.

L X V I I.

*Contentio de rebaptizatione inter S. Stephanum & S. Cyprianum :
quæstiones involvendæ rei factæ ab hac disputatione
secernuntur.*

SANCTI Cypriani Martyris cum Sancto Stephano Papâ æquè Martyre controversia statim Parisienses absolveret , nisi contrariae sententiaæ Au- tores , rem planam , variis concertationibus involvissent. Hinc illæ quæstiones tantis animorum motibus agitatæ : an Stephanus dixerit ex Cathedrâ nec ne : an excommunicationis sententiam reverâ , an per comminationem edi- derit : quâ conscientiâ Sanctus Cyprianus , S. Firmilianus cum tot ac tantis Ecclesiis Africanâ scilicet & Asiaticis , Papæ de fide docenti ac præcipienti repugnaverint : an aliquandò resipuerint : an eâ repugnantî , seclusis voci- bus asperioribus quæ excidere solent de re gravi certantibus , fuerit mortale peccatum , an veniale , an nullum ; cùm optimâ fide Cyprianus , Firmilianus & eorum Episcopi agerent. Quas ambages , si resolvere incipimus , imus

Vid. lib.
IX.cap.III.
& seq.

Hij

in longum. Sed enim quæstionibus prætermisssis, id agemus tamen, ut quæcumque sententia vicerit, nostræ res facile in tuto collocentur.

LXVIII.

In hac Controversia, quid certum sit, ex Bellarmino statuitur.

AC primùm quidem certum est hactenus extitisse neminem, qui ne-
dum schismatis aut schismatici spiritus Cyprianum tantum virum,
tantum Episcopum, tantum Martyrem, ac per illa quoque tempora & pietate
& doctrinâ totius Ecclesiæ lumen arguere sit ausus. Bellarminus verò
etiam à mortali peccato absfuisse probat; èo quod Cyprianus putavit Pon-
tificem perniciose errare, & stante illâ opinione, tenebatur ei non obedire; quia
non debebat contra conscientiam agere: quâ de re fine gravi temeritatis notâ
dubitare nemini licere credimus.

LXIX.

Galliae vindicatæ & tractatûs de libertatibus Autores quid respondeant: an Cyprianus, ut in rebaptizatione, ita in Romani Pontificis autoritate errasse memoretur: Augustini locus.

His ergo positis, quis pateat exitus inquiramus. Galliae vindicatæ Autor
parag. I. p. 197. & pa-
rag. III. p. 283.
Anonym. lib. VII. cap. VIII. n. 10. p. 408.
de libertatibus aliquique plurimi. Frustrà. Sanè utrumque errorem, si uterque error est, æquè potuit errare Cyprianus: quis enim id negat? At rebaptisationis errorem totius Orbis reprehensio, alterum errorem nullum omnino fuisse, totius Orbis silentium probat. Hæc ultrò responderent omnes vel nobis tacentibus. Eusebius, Hieronymus, Augustinus, Vincentius Liriensis, omnes uno ore Cyprianum rebaptisanter accusant: alterum errorem quis vel suspicatus est? Cypriani nimios motus Augustinus non tacet: alterum illum errorem quis hominum memoravit? Idem S. Stephanus, eodem Augustino teste, pro loci autoritate præceperat, Decretumque condiderat & ad omnes miserat Ecclesiæ, & abstinentes putaverat qui de suscipientiis hereticis priscam consuetudinem convellere conarentur. Quid autem Cyprianum his repugnantem excusat idem Augustinus prodidit: nempe. universalis Concilii, universalis confessionis expectatio. Nota Sancti Doctoris verba: *Neque nos ipsi, inquit, tale aliquid anderemus asserere: (hæreticorum scili-*

August. de Bapt. cont. Do-
nat. lib. V. cap. XXV.
n. 36. Tom. IX. p. 158.

cet ratum esse baptismum) nisi Ecclesiæ Catholicae autoritate firmati , cui & ipse Cyprianus sine dubio cederet , si jam illo tempore veritas eliquata per plenarium Concilium sibi daretur. Duo dicit Augustinus : cessum quidem fuisse Cyprianum , sed universali confessioni tantum , universalique Conclilio : hoc primum sit : alterum : nec se , Augustinum scilicet , cessum fuisse , aut facere ausurum quæ à Stephano jubebantur , nisi eadem confessione & autoritate vietum ; quod tamen non universim pronuntiatum voluerit , sed in ambigua re , in obscurâ quæstione , tantisque , ut ipse docet , altercatiōnum nebulis involutâ .

Ibid. lib.
II. cap. IV.
n. 5. p. 98.

Ibid. &
cap. IX. n.
14. p. 104.
& pass.

L X X.

An Stephanus excommunicaverit , an totâ suâ autoritate decreverit , fruſtrâ queritur ; cùm ad eam excusationem nec Firmilianus , nec Cyprianus , nec ipſe Augustinus refugerint.

HIC fruſtrâ queritur an Stephanus ex Cathedrâ pronuntiaverit , an excommunicaverit. Sanè doctissimus Daguirreus scripsit anathema quibusdam innustum , quibusdam intentatum : nec tamen magis cesserunt quibus est iuustum , quam quibus intentatum. Autor verò Doctrina Lovaniensis hæc scribit : *Sanctum Firmilianum Casareensem in Cappadociâ Archiepiscopum Pontice Diœceeos (e) S. Stephanus Pontifex communione suspendit.* Idem S. Stephani responsum summâ & irrefragabili sedis Apostolicae autoritate editum esse contendit. Id autem alii negant. Quid nostra ? Vis Stephanum ab excommunicatione temperasse , neque rem totâ suæ sedis autoritate tractasse ? Age ut vis. Certè Firmilianus ad extrema quæque decursum , nec tamen sententiam mutandam credidit. Hæc enim ad S. Stephanum scripsit : *Excidiſti teipſum , noli te fallere ; dumque putas omnes à te abſtinere posse , unum te ab omnibus abſtinuisti.* Neque Firmilianum contemnere liceat , quem ipse Daguirreus , ipse Christianus Lupus aliquique viri pii doctique , Sancti titulo insignire soleant : quippè quem ab antiquo Patres Antiocheni , qui Paulum Samosatenum condemnârunt , unâ cum sancto Dionysio Alexandrino beatæ recordationis virum appellant. At si Firmiliani minor esse videtur autoritas , consensit ei Cyprianus , ejusque epistolam Latinam fecit , & ad Ecclesias edidit. Utrique ergò nec Stephani præceptum , nec excommunicationem sufficere putârunt , ut eos ab incep̄to desistere cogeret. Augustinus verò non id quod nunc proferunt , Cypriano excusationi obtinebat non eum Cathedræ autoritate dixisse , neque aliud , idque luculentius aut validius Papæ judicium provocabat : Concilii generalis totiusque Ecclesiæ Catholicæ appellabat fidem : in eâ autoritate fidei certitudinem reponebat : quod ea deesset , Cyprianum eique adhærentes Asianos Afroque Episcopos innocuè obſtitisse , afferebat.

Daguir.
dist. XLI.
fect. I. n. 5.
Doct. Lov.
pag. 50.

Epistol.
Firm. ad
Cypr. int.
Cyprian.
LXXV. p.
326. edit.
Amst. 1700.
Vid. Euseb.
lib. VI. I.
cap. XXX.
pag. 279.
edit. Vales.

[e) Diœceeos] Diœcesis non unâ provinciâ sed pluribus constabat , quam regebat aut prætorii Præfetus , aut imperii Vicarius , & postea in usu Ecclesiastico Primas.

LXXI.

*An infallibilitati Pontificiae detraxisse sit illud veniale peccatum,
cujus Cyprianum Augustinus accusat.*

Anonym.
lib. VII.
cap. IX. n.
9. 10. 11.

Vid. Aug.
de Baptis.
cont. Don.
lib. II. cap.
IV. p. 98.

AUTOR Anonymus tractatus de libertatibus Ecclesiae Gallicanæ sanè acutissimus & subtilissimus ; sed nimio acumine quidvis potius quam verum asscutus , respondet : à S. Augustino , Concilii universalis urgeri autoritatem , quod est necessaria , non quidem in se , sed adversus pertinacissimos Donatistas . Bonam fidem ! An non enim luce meridianâ est clarius , ab Augustino urgeri Concili universitatem , non tantum ad frangendam Donatistarum pertinaciam ; sed etiam ad excusandum Cypriani ante Concilium generale rebaptizantis errorem ? Atqui Cyprianus amantissimus Christianæ pacis ac Martyr sanctissimus non erat pertinax , qui , teste Augustino , Ecclesiæ Catholicæ autoritati cessurus esset . Non erat pertinax ipse Augustinus , qui nec Cyprianum , nec etiam se ipsum cessurum fuisse docet nisi Ecclesiæ Catholicæ concordissimâ autoritate vietum . Ergo non tantum pertinaces ; sed etiam pii sanctique post Romani Pontificis judicium , aliud quid , hoc est ipsum consensum , ipsumque Decretum totius Catholicæ unitatis expectant .

Anonym. Quid autem Anonymo prodest illud quod Augustinus in Cypriano agnoscit veniale peccatum ? Nempe , inquit vir subtilissimus , quæ potuit alia esse Cypriani culpa quam inobedientia erga Decretum summi Pontificis ? Falsum id quidem ; tamen id quod vult viro acutissimo largiamur . Ergo Pontifici decernenti , infallibilitatem detraxisse veniale peccatum est , non exitialis error , qui sedis Apostolicæ dignitatem evertat . Quid autem commemoras haud aliam in Cypriano culpam ab Augustino reprehensam , qui toties apud hunc legeris : culpandum Cyprianum , quod commotior scripsit ? Quod autem post Stephani Decretum Ecclesiæ universæ desideraret autoritatem , adeò non est illud ab Augustino reprehensum veniale peccatum , ut etiam illud peccatum se quoque peccare Augustinus fateatur . Denique à viro erudito querimus : illa inobedientia , quam veniale appellat , in re gravi an levi sit ? Certè in re levi esse oportet , quæ venialis habeatur : contrà , in re gravi necesse est ut sit , cùm agatur de fide . Seclusis ergo vocibus commotioribus , in quibus Cyprianus , Augustino teste , peccaverit : si rem ipsam spectes , aut mortale peccatum oportet esse , aut nullum .

LXXII.

Nihil ad rem facit querere an Cyprianus & alii resipuerint necne:

Schelstr.
antiq. illust.
p.z. Sfond.

QUOD jam illud urgent à Schelstrato tantoperè inculcatum : nempe Cyprianum & assecas resipuisse , quid nostra ? Non h̄c querimus an

Cyprianus resipuerit, sed quâ ratione eum adhuc errantem, tamen à schismate Augustinus purget. Et quidem de retractatione Cypriani adversus Donatistas idem Augustinus scribit: *Fortasse factum est, sed nescimus; sed non ex dubio facto tanti viri innocentiam suspendebat, verum ex Concili cœmenici justâ & necessariâ expectatione firmabat: eâ ratiōne non modò Cyprianum, verum etiam seipsum tuebatur.*

dissert. I.
art. 3. p. 199.
Gonz. disp.
XVI. sect.
II. paragr.
III. n. 6.
Daguirr.
disp. X L I.
n. 5. 6.
Aug. lib.
II. de Bapt.
cont. Don.
loc. citat.
vid. epist.
ad Vincent.
XCIII. al.
XL VIII.
cap. X. n.
38. Tom.
II. p. 246.
Diss. I. p.
199.

LXXXIII.

Cavillatio.

QUÆRIT Galliæ vindicatæ Autor: *Quorum æquior causa sit, adversariorum, qui errantes Afros sequantur, an nostri, qui sequimur pœnitentes?* Quàm tragicè! At in promptu responsio est: sequimur pœnitentes in quo aut seipsi reprehenderint, aut ab aliis reprehensi sint: non rebaptizamus: non, si quid Cyprianus commotior scriperit, approbamus: quem errorem in ipsis nemo reprehenderit, nemo viderit, ob eum nos ad pœnitentiam trahi, iniquum-putamus, & ab Ecclesiæ regulis alienum.

LXXXIV.

Bellarmini sententiaæ duæ partes: prima Stephanum potuisse, nec tamen voluisse rem de fide facere, an Augustino congrua?

HÆc quidem clara sunt, nec tamen rem omnino expeditam arbitramur, nisi Bellarminum horum omnium fontem diligenter audiamus. Igitur Cyprianum excusat primùm ab hæresi, deinde etiam, ut jam delibavimus, à peccato mortali. Ab hæresi quidem: *Tum quia nec modò censentur manifestè heretici qui dicunt Pontificem posse errare; tum quia sine dubio Stephanus Papa non definit tanquam de fide, hereticos non rebaptizandos.* Duo hîc videmus: primùm id, ne nunc quidem aperiè hereticos haberi, qui dicunt Pontificem posse errare. Fortè ergo Cyprianus, non apertè forsitan, sed saltè obscurè vel confusè, ejus rei causâ fuerit hæreticus. Quis autem hanc hæresim in Cypriano senserit, arguerit, suspicatus fuerit, vir magnus edicat, & suâ gravitate atque doctrinâ dignum aliquid promat.

Alterum quod memorat, istud est: *Stephanum sine dubio nihil definisse tanquam de fide.* Videamus ergo quid tandem egerit. Nempe, inquit Bellarminus, *non solum imperavit ne rebaptizarentur ab hæreticis baptizati, sed etiam censuit excommunicandos qui non obedirent.* Rogamus autem quid sit definire ut de fide, nisi decretum condere, ad Ecclesias mittere, denique imperare sub excommunicationis metu ut aliquid circa fidem fiat. Quid Bellarminus vult à Stephano imperatum? Nempe ne rebaptizaret ab hæreticis.

Bell. de R.
P. lib. IV.
cap. VII.

Id. ibid.

Ibid.

baptizatos : invalidè an validè baptizatos ? Invalidè impium : validè ergo baptizatos supponebat , ac pro explorato ac definito dabat.

Ibid.

Quare ipse Bellarminus sancti Stephani decretum , definitionem vocat. *Fuit enim, inquit, post Pontificis definitionem liberum aliter sentire, ut Augustinus dicit, quia Pontifex noluit rem ipsam de fide facere sine generali Concilio.* An hæc quoque nobis credenda proponent , & Stephanum quidem potuisse si vellet, sed tantum noluisse, idque ab Augustino dictum? Atqui ab Augustino contraria audivimus. Egregii Doctoris verba repetamus; statim perspiciemus eum in re quidem ambigua , Concilii autoritatem & Ecclesiæ consensionem requisisse: in eo posuisse vim , si *obscura* quæstio ad plenarii Concilii autoritatem roburque perducta esset : si ad Stephani decretum accederet potentior veritas de unitate veniens : si Cypriani sententiam *Catholicus Orbis terrarum robustissimâ firmitate consensionis excluderet.* Huic demum firmitati , huic robori cessurum fuisse Cyprianum , nec seipsum , Augustinum scilicet , facile creditur que à Stephano juberentur , nisi Ecclesia Catholica concordissimâ autoritate fundatum. Hæc profectò scimus dixisse , repetiisse , inculcasse Augustinum : quæstionis ambiguati hoc unum remedium poposcisse , si tota Ecclesia consentiret ; non profectò ut rem pro libitu de fide faceret aut non faceret , ad Stephani arbitrium retulisse.

Aug. lib.
II. de Bapt.
&c. cap. IV.
p. 98. cap.
IX. n. 14. p.
104. lib. III.
cap. II. n. 2.
p. 108.
Id. lib. II.
loc. cit.

Interim, Bellarmino teste, id certum firmumque sit: non pertinere ad Cathedræ autoritatem , si Pontifex de fide *definiat*, si decretum ad omnes Ecclesias mittat , si pro imperio jubeat , si reluctantibus abstinentibus putet : his quippe positis, *adhuc esse liberum aliter sentire* , ac decretum ipsum ; tanquam Divino mandato contrarium ac Scripturæ dissonum , abjicere , ut Cyprianum cum affeclis fecisse constat,

I. X X V.

Secunda pars Bellarminianæ sententiæ , à Cypriano non fuisse peccatum saltem mortaliter.

Sup. n.
LXVIII.
Bell. de R.
P. lib. IV.
cap. VII.

QUIN etiam , quod secundo loco observavimus , nec à Cypriano peccatum est mortaliter ; quia non peccavit nisi ex ignorantia , eaque probabili , cùm putaret Pontificem perniciose errare , & stante illâ opinione teneretur ei non obedire , ne contra conscientiam ageret. Quid ergo jam litigant? Ecce confitentur Stephanum judicasse , decrevisse , ad omnes Ecclesias transmisisse decretum : excommunicatione dignos putasse qui non obdiren̄t , & eam quidem inustam quibusdam , ipsumque Firmilianum à communione suspensem. Quid ergo amplius à Stephano expectandum fuit , ut sanctissimi ac doctissimi viri , humiles , pacifici , ad quævis martyria prompti in obedientiam cogerentur? Idem tamen à nemine , aut schismatis , aut etiam peccati mortalis arguuntur , & ab Augustino purgantur eo tantum nomine , quod Orbis universi consensionem expectarent. In hoc stare liceat rebus ambiguis & in altercationum æstu : obsecro , hæc summa sit ; neque

neque fidei negotium ac Sedis Apostolicæ majestatem ad tenues exilesque formulas, atque ad minuta quæque redigant.

LXXVI.

Quo pacto intelligendum id quod dicit Augustinus à Cypriano excepit tam Concilii generalis sententiam: forma antiqui regiminis jam indè ab origine, etiam sub persecutionibus.

HIC exoritur difficultas: quo pacto Concilii generalis autoritatem Cyprianus & alii expectare potuerint, cùm primis illis sæculis tales Synodos haberi persecutio prohiberet: quo loco Autor anonymous tractatûs Libertatum Ecclesiæ Gallicanæ multùm utitur, ut Conciliorum autoritati detrahatur, & ut ne quidem verisimile videatur *Christum in Concilia sola principalem Ecclesiæ regendæ potestatem contulisse.*

Sed hæc per inscitiam rerum Ecclesiasticarum piæque antiquitatis, involvendæ veritati dicta, facile expedimus, perficimusque paucis, ut vera ac præcipua Sedis Apostolicæ autoritas atque Ecclesiæ gubernandæ ratio clariùs elucescat. Quanquam enim persecutionis tempore Concilia generalia nulla cogerentur, non minùs constat Ecclesiæ universæ summa negotia, Papâ quidem duce, communi Episcoporum Concilio ac judicio definita: per provincias literæ commeabant: rata habebantur ea, in quæ omnes Ecclesiæ consentirent.

Ac de fide quidem quomodo rem gererent, vel unius Pauli Samosateni exemplum luculentè probat. Is enim Antiochenus Episcopus Christum nudum hominem prædicans, in ipsâ Antiochiâ Concilio habitu, à vicinis Episcopis primum, mox literis ad omnes Episcopos atque ad omnium principem Romanum Dionysium destinatis, toto orbe damnatus est. Quare Alexander Alexandrinus Episcopus in epistola ad Alexandrum C. P. de Ario scriptâ, hæc ait: *Paulus Samosatenus, Concilio & iudicio omnium ubique Episcoporum ab Ecclesiâ ejectus est;* & tamen nulla Synodus universalis coæta erat: sed omnium Episcoporum consensio, non solùm autoritate, sed etiam nomine universalis Synodi ferebatur.

Ab hæresi ad schismatis casum transeamus. Sanè schisma ingens à Novatiano Pseudo-Papâ adversù Cornelium Papam concitatum, quâ autoritate compressum sit, S. Cornelii sanctique Cypriani literæ indicabunt. Ac primum quidem constat à Novatiano ejusque asseclis *literas calumniis ac maledictis plenas per omnes Ecclesiæ fuisse missas*, quæ pene omnes Ecclesiæ perturbassent. Id testatur Cornelius. Hinc necesse fuit totius orbis intervenire autoritatem. Cyprianus id Antonianum adhuc nutabundum docet: *Venio nunc ad personam Cornelii collega nostri, ut Cornelium noviris, non de detrahentium mendacio, sed de Domini Dei iudicio, qui Episcopum fecit, & de co-Episcoporum testimonio, quorum numerus universus per totum mundum concordi unanimitate consensit.* Ac paulò post: *Factus est Cornelius Episcopus I.*

Vid. lib. X.
cap. XXXI.
Anonym.
lib. V. cap.
XIII. n. 4.
& lib. VII.
cap. II. n. 2.

Euf. lib.
VII. cap.
XXVII.
& seq.

Epist. Alex.
Alex. ad
Alex. C. P.
Tom. I I.
Conc. p. 18.
vid. quoque
Theod. lib.
I. cap. IV.

Epistol.
Corn. ad
Cyp. int.
Cyprian.
edit. Oxon.
XLIX. al.
XLVI.
Cyp. epist.
LV. al. LII.

copus, cum nemo ante se factus esset, cum Fabiani locus, id est, locus Petri & gradus Cathedrae Sacerdotalis vacaret: quo occupato de Dei voluntate atque omnium nostrum consensione firmato, quisquis jam Episcopus fieri voluerit, foris sit necesse est. En unde autoritas in gravi schismate, quo tota Ecclesia turbaretur: en Catholice consensus Ecclesiae tam perspectus in ipso persecutionum æstu, quam in altissimâ Ecclesiae pace.

Jam quod ad disciplinam generalem attinet: per eadem Cornelii ac Cypriani tempora, causa lapsorum, hoc est eorum qui in persecuzione defecerant, ea visa est, quæ communi Ecclesiarum judicio, consultâ imprimis Sede Romana, finiretur:

Quoniam, ut ait Cyprianus, non paucorum nec Ecclesiae unius, aut unius provinciae, sed totius orbis hac causa est. Attestantur Romani Confessores: grande delictum & per totum pene orbem incredibili vastatione grassatum. Itaque in causâ generali, Cyprianus, vacante Apostolicâ Sede, ad Clerum Romæ consistentem scripsit à se omnia de lapsis integra reservari, ut cum, pace à Domino nobis data, plures prepositi in unum convenire potuerimus, communicato etiam vobiscom consilio disponere singula & reformare possimus. Presbyteri ac Diaconi Romani sic rescribunt: Perquam nobis & onerosum & invidiosum videtur, non per multos examinare quod per multos commissum videatur fuisse, & unum sententiam dicere, cum tam grande crimen per multos diffusum notetur exisse, quoniam nec firmum Decretum potest esse, quod non plurimorum videbitur consensum habuisse. Aspice totum orbem pene vastatum, & ubique jacere dejectorum reliquias & ruinas; & idcirco tam grande expeti consilium, quam latè propagatum est malum. Videmus quod spectarent in causâ communi, inque reformatâ generali disciplinâ, quam non unum tantâ re oneratum vellent, quam infirmum videretur in ejusmodi quidem causis, Decretum non à plurimis factum, quam necessariò totus appellandus sit orbis, ubi totum orbem causa spectat.

Itaque hæ literæ Cleri Romani, teste Cypriano, per totum mundum misse sunt, & in notitiam Ecclesiæ omnibus & universis fratribus perlatæ sunt, ut esset forma quædam in quam omnes Ecclesiae convénirent.

Memoratu digna sunt in epistolâ Romanorum Confessorum ad sanctum Cyprianum ea verba, quorum partem retulimus: Cum grande delictum & per totum pene orbem incredibili vastatione grassatum, non oporteat, nisi, ut ipse scribis, caute moderatèque tractari, consultis omnibus Episcopis, Presbyteris, Diaconibus, Confessoribus & ipsis stantibus Laicis: stantibus, id est, in ipsâ persecutione non lapsis.

Ne quis hic mihi dixerit, pari gradu consultos Episcopos, Presbyteros, Diaconos, ipsos etiam Laicos. Facile demonstraremus in collegarum, id est, in Episcoporum sententiâ vim fuisse positam: singulos Episcopos Presbyterii sibi assistentis, quam regerent ferre sententiam, perferriri omnia ad conscientiam plebis, sed docilis, quæque in Ecclesiasticis causis nihil sibi præter obedientiam vindicaret. Sed hæc alterius loci sunt; nos vero his locis id demonstratum volumus, etiam sub persecutorum tyrannide, semper imminentे gladio, non tantum hæresis aut schismatis, verum etiam alias gravissimas causas extitisse, quæ cum, non unius Ecclesiae aut provinciae, sed totius orbis essent, totius etiam orbis iudicio finirentur.

Non ita illæ causæ , quas per loca & provincias finiri oportere , ipse Cyprianus memorat , quarum proinde rationem *uniusquisque propositus Domino redditurus esset*. Quod ubique Cyprianus inculcat : adeò per illa etiam tempora , fecernebant peculiares unius Ecclesiæ aut provinciæ causas , ab iis quæ totius orbis essent , & communī judicio finienda .

Cùm autem Cornelius post diuturnam vacatiōnē Sedis Romæ Episcopus constitutus esset ; Cyprianus , qui anteā cū Clero Romano , nūc cum ipso Cornelio consilia contulit. Quā de re ad Antonianum scribens , ait : *Ac si minus sufficiens Episcoporum in Africā numerus videbatur , etiam Romanam super hāc re scripsimus ad Cornelium Collegam nostrum , qui & ipse cum plurimi co-Episcopis habitu Concilio , in eādem nobiscum sententiam pari gravitate & salubri moderatione consensit ; & ad ipsum Cornelium : Statueramus jām pridē participato invicem nobiscum Consilio , &c. Quæ cū ubiqvè terrarum præpositi facerent , ac per provincias Romani Pontificis responsa commearent , hinc nempè existebat ille consensus , quem talia negotia postularent.*

Sic in fide , in schismate totam Ecclesiā perturbante , atque in reformatâ generali disciplinâ , qui casus ad commune Ecclesiæ judicium à Synodo quoque Constantiensi relati sunt , jam inde ab origine , ac sub ipsâ tyrannide constituti , quanta per provincias poterant , Concilia celebrabant , cum sede Apostolicâ , quæ omnium Ecclesiarum communicatione polleret , consilia participabant , ejus operâ totius orbis sententiam exquirerant.

Nam & illud Ecclesiarum communicationi imprimis inserviebat , quod Ecclesiæ omnes Ecclesiæ Principi , Romanæ scilicet , societate connexæ , per eam ad ceteras consilia ac decreta perferenda curarent . Hinc illud Arelatenis Concilii primi ad sanctum Sylvestrum Papam : *Quid dēcreverimus communi consilio charitati tua significamus , ut omnes sciant , quid in futurum observare debeant.* Quod quidem ad Romani Pontificis autoritatem pertinebat , ut tum scirent *quid observare deberent* , cum à Romano Pontifice , tanquam omnium præside Canones mitterentur . Quò pertinet illud in epistolâ ad eumdem Papam : *placere , ut per eum potissimum , qui majores diæceses teneret , omnibus fratribus insinuari.* Quare hæc non ita accipienda sunt , tanquam unum id esset Romani Pontificis ministerium , ut veluti jussus aliorum Decreta perferret ad alios : non ita ; sed ad eum perlata Decreta , cùm indè ad alios pervenirent , graviore autoritate aucta commeabant , Romanique Pontificis omnium capitis nomine ad omnes jam Ecclesiæ pertinebant . Hæc scripta sunt anno Christi 314 cùm vix persecutionis deserbuisset æstus , antequam ultimum œcumenicum Concilium celebratum esset . Et cùm Concilium generale , primum , Nicænum scilicet , tardissimè post natam Ecclesiā , atque anno demum Christi 325. quarto sèculo adunatum fuerit ; nihil novi evenire sensit Ecclesia ; quippe quæ jam inde ab origine in unum se ipsa colligeret , atque à particularibus causis fecerñeret rès maximæ quæ communī Episcoporum consilio , Romano Pontifice totius Collegii duce finiri consueverint . Nec mirum in rebaptizationis quæstione sub Stephano & Cypriano , persecutione vigente , tamen ab Augustino desideratam Concilii generalis autoritatem , cui Cyprianus acquiesceret . Etsi enim nondum Concilia ge-

Cyp. Epist.
ad Cornel.
LVI I. al.
LIV.

Epist. Cyp.
ad Anton.
LV. al. LII.

Epistol.
ejusdem ad
Corn. janu-
cit.

Conc. Are-
lat. I. Brev.
Epist. ant.
can. Tom.
I. Conc. p.
1427.

Epist. Syn.
Arelat. ad
Sylv. ibid.
p. 1426.

neralia congregata erant , summâ tamen ipsâ valebat ea res , quæ ab iis cœtibus quærebatur ; nempe consensio , cui certæ & exploratæ Cyprianus cederet.

Aug. Ep. C X C . ad Opt. & pass. in ejus lib. cont. Pelag. Eodem ritu modoque Augustinus aliique commemorant Pelagianos à Romanæ sedis Præsulibus Innocentio ac Zozimo , cooperantibus Synodis Africaniis , omnibus ubique Episcopis subscriptentibus , toto orbe damnatos : neque enim , ut idem Augustinus ait , *congregatione Synodi* (universalis utique .)

Id. l.b.IV. ad Bonif. cap. XII.n. 34. Tom. X. p. 492. opus erat , ut aperta pernicies damnaretur. Cur autem Pelagiani non eam Ecclesiæ necessitatem inferrent , eorum paucitas faciebat : quorum scilicet , eodem Augustino teste , profanas novitates Catholicae aures quæ ubique sunt horruerunt. De quibus etiam extat illud insigne Capreoli Carthaginensis

Episcopi & Africæ Primatis in epistolâ quam Ephesina Synodus collaudavit : Hos (Pelagianos scilicet) pridem expugnavit Ecclesia , bisque temporibus repullulantes Apostolica sedis autoritas Sacerdotumque in unum consonans sententia oppressit. En in quo ineluctabilis judicij robur collocet , nempe in capitis membrorumque consensu ; neque exquisitiori dissertatione , aut Conciliorum examine opus fuit , quod in apertâ re , ut ait Augustinus , pauci contra omnes & contra univerlitatem ipsam ægra & exigua portio litigaret.

Ibid. & pass. Epistol. Capreol. ad Syn. Ep. ef. int. act. Conc. act. I. Tom. III. p. 532. Aug. loc. sup. cit. & pass.

LXXXVII.

Vanae & inaneæ quæstiunculae de consensu Ecclesiæ , ipsâ regiminis Ecclesiastici formâ concidunt.

Disq. Lov. art. V III. n. 107. p. 38. Nicol. Dub. I. part. refut. &c. p. 78. **Vid. lib. LX. & X.** **H**ic quærunt quid sit ille consensus Ecclesiæ quo nitimur : totiusne an partis ? Quot Ecclesiarum , quot Episcoporum , quot Capitulorum , quot Abbatum , quot verò Regionum : etiamne Indiarum aut Japonensium : quantæ molestiæ ? qui sumptus , ut Nuntii quocumque discurrant , allaturi authenticum consensus instrumentum ? Inaneæ quæstiunculae contra rem facti. Rogent Cyprianum , Augustinum , Capreolum , Leonem , alios quos narravimus in Ecclesiæ consensione reposuisse vim : quærant quibus sumptibus , quibus curis , cursoribus , nuntiis , tot regionum explorârint fidem. Nos autem suo loco facile & ad cumulum hæc declarabimus ; nunc vana & absurdâ per se esse monstramus.

Sic igitur ex antiquo & ab ipsâ Christianitatis origine constituta est Ecclesia , ut ipsa Petri sedes , caput orbis terrarum , ex Ecclesiarum communione prima persenticeret quænam esset omnium fides : ac si ab hoc vertice in pronos animos fideli Decreta decurrerent , paucique vel nulli obserterent , nihil sanè prohibebat quominus quæstio statim pro terminatâ haberetur.



LXXVIII.

Solennis acceptatio Decretorum Pontificiorum quām usitata & quām necessaria: Romani Pontificis officium & autoritas ex Janseniano negotio ostenduntur.

HINC ergo illa celebratur, etiam à Theologis qui se sedi Apostolicæ addicūtissimos videri velint, solennis acceptatio Decretorum quæ omnem postea dubitationem aut Concertationem elidat. Sic Sanctus Antoninus Joannis XXII. Decretali Fraticellos premit, hæreticosque ipsos esse testatur: quod afferant contra determinationem Catholicam factam per Ecclesiam & Joannem XXII. & per omnes successores ejus veros Catholicos summos Pontifices, & omnes alios Prelatos Ecclesie, acceptatam, examinatam & approbatam ut verissimam: quem locum suo loco fusiūs expendemus. Hujus postrema verba rectè perpendentibus nunc sufficere credimus. Sic Duvallium testimoniū audivimus, *definitiones Pontificis non esse de fide, donec universalis Ecclesia, quam de fide est errare non posse, eas acceptaverit.* Sic in nuperrimo Janseniano negotio, in quo uno ore, omnes nostri censores Episcoporum Gallicanorum pietatem ac fidem collaudarunt, tamen ab amplissimo Cleri Gallicani cœtu * communibus suffragiis constitutum: ut Innocentii X. Decretum Apostolicum, *Deliberatione factâ eaque libera, ut eamdem constitutionem reciperen, firmarent, acceptarent omniq[ue] obsequio ac reverentiâ susciperent quæ in eâ decisa essent: poste aquā scilicet agnoverunt, Pontificiâ constitutione, firmatam antiquam Ecclesia fidem, à Conciliis & Patribus traditam, atque in Tridentino Concilio innovatam.* Non igitur, ut ferunt, priscæ traditionis obliti Gallicani Patres: quæ' quidem alibi editis gestis exequemur. Nunc autem sufficit, tanto exemplo approbasse quæ sit illa constitutionum Pontificiarum acceptatio, quā utimur.

Neque propterea Cathedræ Petri atque Apostolicis definitionibus, aut S. Antoninus, aut ipse Duvallius, aut Gallicani Patres derogatum volunt: absit: cùm per eas habeant Ecclesiæ, quam sequantur formam: autoritatem in quam omnes consentiant: judicium quod communi ope exequantur, neque hæreses uspiam respirare finant. Habet etiam Romanus Antistes, totius Ecclesiæ caput, sui Decreti exequendi plenissimum robur. Cùm enim Ecclesiasticæ communionis princeps, suâ definitione nihil aliud promere velit quā id quod omnes Ecclesiæ sentire cognoscat, omnia ordine & ex vero esse gesta, secuta consensio attestatur. Quā doctrinā aut praxi nihil infringi Apostolici Decreti autoritatem ac vim, ipsa experientia ostendit. Quo enim loco, quā in parte orbis magis quām in Galliâ, Innocentii X. aliæque constitutiones de Jansenianâ re majori veneratione suscepit, aut potiori virtute in executionem deductæ sunt? Certè Jansenii sectatores seu occulti, seu publici, ne mutire quidem audent; nec si millies Concilia ecumenica appellarent, audirentur usquam; ipsaque constitutio edita &

Vid. in
app. lib. II.
cap. IV. &
lib. X. cap.
XVI. &
Coroll. n.
III. VIII.
Anton.
Sum. part.
IV. tit. XIII.
cap. I V.
paragraph.
XXVIII. p.
203.
Sup. n.
XXI. queni
vid.
* an. 1653.
Relat. De-
liber. Cler.
Gallic. ap.
Vitrè. 1661.
P. 6. 7.

semel ubique acceptata , irrefragabilis judicij vim obtinet , quam Romanus Pontifex autoritate summâ & ipse exequatur , & ab omnibus Episcopis exequendam mandet .

LXXXIX.

*Innocentii IV. locus : Concilii provincialis sub Pascali II.
clara autoritas.*

HINC vera & clara ratio affulget ab omni peccato purgandi Cypriani: cùm nempe post iussa Stephani, tot Ecclesiæ, Africanæ scilicet Asianæque variarent, necdum ejus epistolam Decretalem necessaria acceptatio consecuta esset, eò magis licuit, teste Bellarmino, in hoc certè capite, obedientiam recusare, quòd Stephanum in jubendo perniciösè errare crederet, & stante illâ opinione teneretur ei non obedire, ne contra conscientiam ageret.

Bell.de R.
P. lib. IV.
cap. VII.

Vid. lib.
VII. cap.
XVIII.

Cujus rei fons est, illa apud omnes recepta & pervulgata ad imperia cuiuscumque mortalis exceptio: ut obediatur Superioribus, nisi divinæ legi adversantia jubeant: quâ exceptione contineri Papæ quoque iussa & in Cypriano, etiam in quæstione fidei, Bellarminus agnovit. Et si quis Bellarminum ipsum eâ in re errasse dixerit, succurrit major Autor Innocentius IV. Romanus Pontifex. Extat in caput: *Quanto de consuetudine ejus Pontificis clara interpretatio in hæc Christi verba: QUODCUMQUE LIGAVERIS, &c. Quòd Papa obediendum sit in omnibus, in spiritualibus & in his quæ ad animam spectant, nisi contra fidem prohibita sint.* En Papæ officio fungenti, quippè exercenti supremam potestatem his Christi verbis traditam, *Quodcumque ligaveris, præcipitur obedientiâ, cum exceptione illâ, nisi contra fidem doceat aut vetet.*

Ibid. lib.
V. titul.
XXXI.X.
fol. 595.

Clariū adhuc in caput *inquisitioni, de sententiâ excommunicationis quærit, quid agendum, Superioribus iniqua jubentibus: & quidem de Superioribus sub aliorum potestate positis, facile se expedit;* ad majores enim Superioros recurrentum; sed ubi ad Papam devenit, sic objicit: *Quid si Papa injustum præcipit qui Superiorum non habet?* Quem nodum sic solvit: *Potest dici quòd si de spiritualibus (rebus) vel Ecclesiasticis personis aliquid præcipit etiam injustum, illud servandum est; quia nemini licet de ejus facto judicare.* 4°. dist. Si Papa. q. 3. cuncta, nisi mandatum heresim contineret, quia tunc esset peccatum, vel nisi ex precepto injusto vehementer præsumeretur statum Ecclesia turbari, vel etiam forè alia mala ventura, quia tunc peccat obediendo, cùm debeat futura mala præcavere, non juvare: quæ sanè interpretantem ac docentem Romanum Pontificem nemo reprehendit; imò collaudant omnes atque unâ voce consentiunt. Quo quidem quid est clariss? Pro certo supponit summus Pontifex doctissimus, à summo Pontifice imperante pro loci autoritate ac supremi officii ratione, emanare posse iussa heresim continentia, aut statum Ecclesiæ concussura; & miramur in

rebus generalibus, præsertim fidei, recurri ad Ecclesiam, ultimumque refugium in eâ potestate semper fuisse positum, quæ docere contra fidem, quæ hæresim jubere non possit?

Sub Pascali II. in provinciali Viennensi Concilio S. Hugo Gratianopolitanus, Gothofridus Ambianensis, Guido ipse Viennensis, postea Calixtus II. ut regio genere, ita fortitudine & doctrinâ clarus, & mox Sedis Apostolicæ gubernaculis admovendus, posteaquam, dictante Spiritu Sancto, de investituris proferunt sententiam, & ab ipso Pontifice extortum scriptum damnant, hujus Decreti ab ipso Pontifice confirmationem petunt his verbis: *Si, quod minimè credimus, nostræ paternitatis assertiones roborare nolueritis, propitius sit nobis Deus, quia nos à vestra obedientiâ repelletis.* En perspicuis verbis tot Sancti, Apostolico officio deesse posse profitentur Romanum Pontificem, etiam ab Episcopis ac provincialibus Synodis requisitum: quo casu aperte detrectant obedientiam. Quid autem Paschalis? An perdita omnia & ad inobedientiam comparari viam exclamavit? imò collaudavit ut viros egregios: horum Synodus autoritate Apostolicâ confirmavit, ac pro certo reliquit, in iis quæ fidei aut universalis Ecclesiæ attinerent statum, ipsius Ecclesiæ vim & autoritatem indeclinabilem, in ipsâ Ecclesiæ consensione esse collocatam.

Epiſtol.
Conc.Vien-
nens. sub
Pasc. I.I.
Tom. X.
Conc. p.
785.

Epiſtol.
Pasc. II ib.
P. 786.

LXXX.

Anonymi tractatus de Libertatibus Gallicanis circa Sedis Apostolicæ autoritatem fœda & improbanda commenta.

HANC Ecclesiastici regiminis, imò Ecclesiasticæ Monarchiæ formam, si censores nostri in animum inducerent, non in ea profectò incomoda inciderent, quibus Apostolicæ Cathedræ dehonestant decus. Hinc ille tractatus de Libertatibus Gallicanis Autor anonymous in hæc verba protrupit: *In quo, inquit, reposita esset Romani Pontificis autoritas, non satis clare statim omnibus perspectum fuit; quia enim persecutionum tempore, vel schismatum aliarumque calamitatum, impedita erat EXTERIOR CAPITIS CUM MEMBRIS COMMUNIO, stante semper fidei ac charitatis unione; vix à Romano Pontifice ad alios præsentim remotos pastores, aut greges, primis tribus saculis aliud quam quædam epistole pervenire potuit. Quamobrem Episcopi populos ac seipso à tanto tempore SUO JUDICIO, VEL CUM ALIORUM CONSILIO REGERE SOLITI, Papæ autoritatem, ab impedimentis quibus dis̄tenta erat, solutam, non tam subito excepérunt: SED ALII CITIÙS ALII TARDIÙS, NUNC IN ISTO, NUNC IN ILLO CAPITE, PROUT SESE OFFEREBAT OCCASIO, DONEC INTEGRAM LIBERTATEM CONSECUTA, SUUM UBIQUE ROBUR OB- TINUIT.* Me verò hæc legentem tædet novitiorum defensorum Apostolicæ dignitatis, qui per summam rerum Ecclesiasticarum inscitiam dicam an incogitantiam, quasi tantæ dignitati aliquod ab antiquitate metuendum sit, eam his commentis obscuratam volunt. Pergit: *Verum, quia usus opti-*

Anonym.
de Libert.
&c. lib. VI.
cap. III.n.2.

Ibid. n. 3.

mus legis interpres, videndum est que fuerit autoritatis Pontificia praxis illis temporibus, cum eâ liberè uti Papa potuerunt, cùmque diligentius & clarius cognita fuit. Quanquam enim omni aëo aliqua identidem ejus specimina edita fuerint; tamen, cum per tria prima sæcula, ferè omnino à tyrannis LIGATA FUERIT, ideoque ejus exercitium, QUASI NOVUM QUIDDAM aliquoties Episcopos, præsertim Africanos commoverit, non potuit tam citò suum explicare fulgorem & omnibus innoscere. Hæc Anonymus. Atque illi sunt, si Deo placet, Sedis Apostolicæ unici defensores, cui infestiora vix ipsi hæretici cogitârint.

LXXXI.

Prolatae in anterioribus verbis in Sedem Apostolicam contumeliam refelluntur.

ROGO enim quid illud sit: *Quod Episcopi populos ac seipso à tanto tempore (tribus scilicet primis sæculis) suo judicio regere soliti essent.* An illi primi Ecclesiarum fundatores ac doctores, quid Christus Petro ac successoribus dedisset nesciebant? Ejus judicium nulli expectabant? Per seipso regendam suscipiebant Ecclesiam, neque caput sibi à Christo datum cogitabant? Id hæretici velint. Quid illud? Hinc factum ut sequens ætas, quartum fortassis quintumve, aliaque sæcula propiora, non tam subito exciperent Papæ autoritatem; sed alii citius, alii tardius, nunc in isto, nunc in illo capite: ita sanè ut illius exercitium, QUASI NOVUM QUIDDAM aliquoties Episcopos præsertim Africanos commoverit. Africana illa omnibus nota sub Aurelio dissidia spectat. Quis autem à Christo esse dicat ea quæ sancto Aurelio, sancto Alipio, sancto Augustino atque aliis tot ac tantis Patribus doctrinâ ac sanctitate conspicuis, nova viderentur? *Alii, inquit, citius, alii tardius, nunc in isto, nunc in illo capite eam autoritatem exceperunt.* Hoc hæretici clamant: hinc probatum volunt, Papæ autoritatem piæ antiquitati ignotam, crevisse per tempora, humanam scilicet, nec totam ab initio, sed suis partibus hinc inde coalitam & consarcinatam. Quid enim sancti viri longèque doctissimi pro novis habebant ea, quæ à sanctis quoque Pontificibus Zozimo ac Cælestino petebantur? Quid Nicænos Canones appellabant? aut *alii citius, alii tardius, alii in hoc, alii in illo capite, datâ occasione, agnoscebant Papæ autoritatem;* si semel animo imbibierant, ejus voluntatem ex Christi instituto pro lege esse debere, exceptione nullâ, cur ergo Canones allegandos putabant Romanis Pontificibus, quorum vis pro eorum arbitrio solveretur? Nempe hæc divina iussa institutaque ignorabant.



LXXXII.

An ferendum Papæ & Ecclesiæ potestatem primis temporibus reli-gatam & alia consuetudine dici ab eodem Autore?

JA M illud quis ferat, per tria prima saecula Papa potestatem à tyrannis li-gatam fuisse, impeditam externam capitum cum membris communionem, at-que à Romano Pontifice ad alios prasertim remotos, vix quidquam præter qua-sdam epistolas pervenire potuisse? QUASDAM autem? An quia non omnes ad nos per temporum injuriam devenerunt, paucas fuisse conscriptas dice-mus? Non enim facilè Romam, non Româ quaquaversùs literæ com-meabant? Non quotidie Diaconos missitabant? Non denique necessaria nego-tia communicabant? Atqui vel unius Cypriani epistolæ docuerunt, quan-ta esset Ecclesiarum cum Ecclesiâ principe communicatio. His demonstra-vimus quæ generalia essent, per illa quoque tempora, non nisi communica-to cum omnibus Episcopis consilio, gesta esse. Quot verò tales epistolas putamus fuisse perscriptas quæ ad nos non devenerint? Quàm porrò in-sulfum illud: à Romano Pontifice *vix quidquam præter literas* perferri po-tuisse? An verò literæ non sufficiunt? An necesse erat, ut sua ipsi coram mandata traderent? Sic impedita, sic ligata Romana autoritas à tyran-nis fuit.

Hæc tamen omnia commenta admittamus: dic tandem quo demum sæ-culo expedita? Post Constantimum scilicet, persecutione cessante: atqui tum vel maximè enituit atque invaluit Conciliorum autoritas. In his de-creta Pontificum ad Scripturæ fidem, ad traditionis normam exigenda, & Patres examinabant, & ipsi Pontifices pro more solenni deferebant. In re-bus fidei totius Ecclesiæ confensionem expectari, in rebus disciplinæ Ca-nones ubique receptos etiam objici sibi æquo animo patiebantur. An & ipsi quod sibi à Domino concessum esset ignorabant? Ligati impeditique à tyrannis nec seipsi intelligebant.

Nobis verò liceat non comminisci quidvis, sed antiqua venerari; neque ea torquere ad arbitrium, sed simpliciter accipere. Neque tamen infringi volumus amplissima illa quæ Petri successoribus, optimis parentibus ad Ec-clesiæ commodum & pacem secuta artas detulit: interim divinum illud sumnumque & immotum quod à Christo inesse credimus, in eo facilè re-ponimus quod omnium saeculorum series recognovit.

LXXXIII.

Gallicana sententia per se stat, si aliena & fictitia demandantur: ac primùm de hæreticis non nisi Conciliari autoritate damnandis.

HÆC igitur nemini offensionem paritura confidimus, si quæstionis statu rectè posito, aliena & fictitia nostris imputare cessant. Quo Gall. vind.
diff. IV. n.
4. & seq.
Temus I. K

loco Galliæ vindicatæ Autorem , aliosque doctos viros , imprimis verò doctissimum juxta optimum Daguirreum æqui bonique consulturos scimus , quæ summo cum eorum honore , causæ necessitate , sciscitamus : quo pertinebat , decursis omnibus retrò sacerulis , tanto nisu enumerare singulas hæreses vel minutissimas , per summos Pontifices absque œcumenicæ Synodi autoritate damnatas ; tanquam doctissimi Parisienses & Gallicani Patres , rem tam obviam ignoraverint , aut somniaverint unquam , non nisi Conciliis congregatis condemnari hæreses oportere ? Id verò Parisiensis Facultas , cuius suo loco gesta referemus , sæpiissimè quidem , sed recentissimè adversus Theophilum Brachet Milleterium , ut *hæreticum improbavit* : & perspicuè Gallicani Patres , Ecclesiæ toto orbe diffusæ , non Concilii œcumениci confessionem postulabant. Ac Daguirreus quidem , eâ de re monitus , in præfatione dixit : à se confutatam confessionis quoque illius necessitatem : rectè ; idque unum hîc postulamus ut à libro eruditissimo amputentur tot paginæ inanibus oppletæ probationibus.

L X X X I V .

*Aliud imputatum de Synodis generalibus absque Papâ congregatis :
Turrecrematæ loci insignes pro sententia Parisiensem.*

Vid. in app. lib. III. cap. I. & lib. VIII. pass. Anony. lib. V. cap. V. VI. & seq.
Turr. Apol. seu Resp. ad Basili. Tom. XIII. Conc. p. 1701.
* Seu potius Liberii. Vid. Epist. Damaf. ad Episc. Illir. ap. Theod. lib. II. cap. XXII. pag. 103. edit. Val. Conc. Calc. act. I. Tom. IV. p. 122. act. III. epistol. ad Imper. pag. 463. & elat. ad Pulch. p. 464. Vid. in app. lib. II. cap.

AUTOR tractatûs de Libertatibus aliisque passim omnes ita proponunt quæstionem de Conciliorum generalium superiori potestate juxta Parisiensium sententiam , ut ea Concilia secluso Romano Pontifice habeantur ; quod est falsissimum. Sufficit enim Parisiensibus id quod est ab ipso Ture-Crematâ pronuntiatum : *Si casus talis contingere quod Patres universi in Synodo universalis convenientes unanimiter aliquam definitionem fidei facherent , cui sola persona Papæ contradiceret , dicerem judicio: quod Synodo standum esset & non persona Papæ* ; quam sententiam semper inculcat , ut posteà referemus.

Quod autem attinet ad Synodos habitas secluso Pontifice : primùm quidem Parisienses ultrò consentiunt ex antiquissimis regulis , Synodos generales absque Romano Pontifice nullas esse & irritas : hinc Ariminensia vanæ esse decreta , quod huic Synodo Damasi * autoritas defuit : hinc abominandum Ephesinum latrocinium , quod nemo ibi nomen Leonis , nemo ab eo conscriptam audivit epistolam. Harum ergò rerum , de quibus nemo dubitat , à censoribus nostris tanto studio conquisitæ refecandæ probationes. De extraordinaris casibus hæresis , schismatis , & aliis , nihil singulare Parisienses exposcunt , uti jam diximus.

Cæterum non nostra ista est , sed Turre-Crematæ responsio : *Cum arguitur de Papâ facto hæretico & definiente pro hæresi suâ , dupliciter respondetur : quidam enim volunt dicere quod casus non est possibilis : nobis autem videtur alter respondendum : videlicet , Quod tūm Pontifex esse deserit , simulque cadat à fide & Cathedrâ Petri , ac per consequens , judicium quod faceret talis hereticus , non esset judicium Apostolicae Sedis , imo nec judicium alicujus autoritatis. Quæ si adversariis satisfaciunt , à Parisiensibus dici nihil prohibet.*

II. Turr. Sum. de Eccl. lib. II. cap. CXII. fol. 260. mal. 258.

LXXXV.

Aliud imputatum: de Romanâ fide ac Sede Apostolicâ, Innocentii III. profertur locus: alii loci insignes in memoriam revocantur.

LIROS implent argumentis quibus demonstrandum curant Petri sedem & Ecclesiam, Romanam etiam non defecturam fidem; tanquam Parisenes fieri posse arbitrentur ut Petri sedes fidesque ab Ecclesiâ abrumpatur, quod abominamur omnes. Et hîc ergo indiligerter, ac, ne quid dicam gravius, invidiosè quæstio constituta, quod & luculentissimè alias ostendimus; & nunc sufficere credimus id quod ex Turre-Crematâ & aliis audiimus: decreta si fiant fidei adversantia, non ea esse ullius autoritatis, nec omnino Cathedræ Petri imputari oportere; nec minus inconcussam manere Romanam Ecclesiam ac Romanam fidem.

Periculorum aiunt sedem à sedente distinguere. Verum distinctionem S. Leonis tuetur autoritas: *Aliud, inquit, sunt sedes, aliud Presidentes: parsusque ad Maximum: Etsi enim diversa noninquam sunt merita Praesulum, tamen jura permanent sedium. Quâ regulâ utimur, non ut sedem cum sedente collidamus, quod esset schismaticum, sed ut ostendamus Ecclesiam Romanam ita esse à Christo institutam, ut si quis sedens erraverit, sedes tamen integra, illæsa Pontificum series maneat, & quod unus forte commiserit, alterius diligentia ac fide facile sarcitur. Sic namque in Honorio contigisse constat, sancti Doni, sancti Martini I. sanctique Agathonis sedulis erga Religionem obsequiis, queis fides Catholica & Romana ab Honorii decretis nil detrimenti cepit.*

Non enim quovis excedente Pontifice, Romana interit fides; non in interregnis ac vacationibus, licet ad multos annos durent, Romana fides vacat: non vacavit in Romanâ Ecclesiâ fidei præconium, *cum intrusi, invasores, illegitimi* (verba sunt Baronii) adeoque nulli casique Pontifices, per seculi decimi infamiam, longissimis temporibus Petri sedem tenerent, neque in illo infando schismate *, cùm dubia inter incertos Pontifices nutaret Ecclesia, Romana fides, aut Ecclesia Romana, à Christo institutum Ecclesiarum vinculum vacillabat; quin etiam depositis omnibus qui se pro Pontificibus gererent, non tamen Constantiensis Synodus Romanam fidem vacare sensit; imò verò hæreticos ad hanc formulam adigebat: *Consentio sancta Romana Ecclesia & Apostolica Sedi, & huic sacro Concilio profiteor in omnibus ad religionem Christianam pertinentibus, prout ipsa Romana Ecclesia, & Apostolica Sedes, & hoc sacrum Concilium profitetur.* En sedem amotis sedentibus integrum ac sanam ad quam hæretici revocentur. Nec si viri egregii, atque etiam Romani Pontifices aliquando de suis factis futuris definitionibus, propterea de Romana fide dubitabant. Vel Innocentij III. Apostolicæ dignitatis retinentissimum audiamus. Is rogatus dispensationem contra Evangelium, dixit: sibi quidem *si super hoc absque generalis deliberatione Concilii determinare aliquid tentaret, loci sui periculum forsitan imminere.* Non, si ille possibile at-

Vid. lib. X
cap. V.

Leon. Epist.
ad Anat. C.
P. I.XXX.
al. LIII.
Id. Epist.
ad Maxim.
Anticchen.
X CII. al.
LXII. cap.
III.

Vid. libr.
I X. cap.
XXX.

Bar. ann.
911. Tom.
X.p.679 &
pass.
* XIV.
Seculi.

Abjurat.
Hieronymi
de Prag. in
Concilio
Const. Seff.
XIX. Tom.
XII. p.164.

Innoc. III.
lib.V. epist.
C VI. Vid.
lib. IX. cap.
XXVI.

bitratur, ut secluso Concilio, in responsis Pontificiis erret, ideo possibile quoque judicavit ut Romana fides intercideret.

Sup. n.
XLVIII.

Sanè sub Urbani Papæ I. nomine profert Gratianus caput; *sunt quidam 25. q. 1.* jam à nobis memoratum, & in eo capite hæc verba: *Si Romanus Pontifex, quod docuerunt Apostoli aut Prophetæ, destruere niteretur, non sententiam dicere, sed magis errasse convinceretur.* Ex quo capite Joannem XXII. determinantem audivimus, ejus ævi Scriptoribus consentientibus, si sui antecessores aliquid adverfus Evangelium definissent, constitutiones *illas fore errorias* ideoque *invalidas* & infirmas: neque ideo collabescere Romanam fidem aut Sedem putabat, cùm illæ sententiæ non jam sententiæ, nec sedi Apostolicæ imputandæ essent.

Sup. n.
LXXIX.

Audivimus sub Paschali II. illud Povincialis Viennensis Concilii à tot sanctis viris proditum: *Nos à vestrâ obedientiâ repellitis.* An ergo sancti viri à fidis Apostolicæ obedientiâ ac fide recessissent, cùm eâ de re agi crederent quam ad fidem pertinere decernebant? Absit: satis enim constabat, quidquid Paschalis ageret, sedem tamen Apostolicam perstituram, & sua damage continuò sarcituram.

LXXXVI.

*SS. Monachorum ex Concilio Lateranensi depromptus locus:
item S. Augustini ad Bonifacium Papam.*

Conc. La-
teran. sub
Martino I.
Secret. II.
Tom. V I.
pag. 117.

Augustin.
ad Bonifac.
lib. II. cap.
III. n. 5.
Tom. X. p.
434.

Leo Epist.
ad Anat. C.
P. sup. cit.

QUID, quòd antiquioribus quoque temporibus, ii illi Abbates Orientales tales contestantur, ad S. Martinum I. si quidquam ab eo definitum esset fidei corrumpens integritatem, non id sibi fraudi futurum? Quid, quòd ipse Augustinus de Cælestiana hæresi sic scribit: *si, quod absit, ita tunc (sub Papâ Zozimo) fuisse de Cælestio & Pelagio in Romanâ Ecclesiâ judicatum, ut illa eorum dogmata, quæ in ipsis & cum ipsis Papa Innocentius damnaverat, approbanda & tenenda pronuntiarentur, non id fidei nocitum?* En eadem dubitandi veluti formula à tanto viro ad Bonifacium Papam prescripta: neque propterea aut Augustinus aut ipse Bonifacius Romanæ fidei, ac Sedis metuebant. Succurrebat enim ab ipsâ veritate insitum quod Leo postea declaravit: *Aliud sedes, aliud Presidentes.* Hæc igitur à viris optimis atque sanctissimis, ab antiquis, à recentioribus, ab ipsis Romanis Pontificibus, quasi communi quâdam Ecclesiæ voce tradita memorantes, eò, credo, adigent, ut putemus ea omnia per impossibilem suppositionem esse dicta. Credant sanè, si possunt: à nobis tamen sinant procul ab his minutis ac distinctiunculis meliore loco constitui sedis Apostolicæ & doctrinæ Catholicæ majestatem.



LXXXVII.

*An hæc sentientes fidem in suspenso teneant aut arma
inobedientibus subministrent.*

FRUSTRA ergò objiciunt, si Ecclesiæ consensio expectetur, malè Consuli fidei securitati, in suspenso teneri fidelium animos, imò instigari ad inobedientiam, ac Pontificalia Decreta parvi pendi: hæc enim omnia objicienda veniunt non Parisiensibus, sed summis ex omni gente, ex omni ordine viris, quorum gesta produximus. Quid autem putemus malè consuli fidei securitati, si fides denique in illum articulum symboli Apostolici resolvatur, *Credo in Spiritum Sanctum, Sanctam Ecclesiam Catholicam?* An suspensi animi relinquuntur, qui in Ecclesiæ Catholicæ autoritate acquiescunt? An Romanum Pontificem parvi pendunt, qui ejus autoritati post Christum summæ, nihil aliud quam ipsam Ecclesiam Catholicam sive diffusam sive adunatam anteponunt?

At arma ministramus inobedientibus? Arma ergò ministrabant sancti Episcopi qui ad Paschalem II. scriberent: *Nos à vestrâ obedientiâ repellentis: arma ministrabat ipse Bellarminus, cùm ab inobedientiæ vitio purgaret Cyprianum post Stephani jussa cunctantem, imò repugnantem: arma ministrabat doctissimus Pontifex Innocentius IV. cuius eâ de re perspicua verba retulimus. Absit. Neque enim aut negandi sunt, aut ad exemplum trahendi extraordinarii casus, in quos incidere Ecclesiam ab alto sublevandam, atque interim exercendam atque humiliandam, Christus ipse permittit.*

* Concilii
Vennensis.

Supra n.
LXXXV.

LXXXVIII.

Ex his potissimum adversariorum argumentum eliditur.

SANÈ ex antedictis cùm argumenta omnia refelluntur, tūm imprimis illud quod assiduè ingerunt, atque omnium validissimum arbitrantur. P. Thyrus Gonzalez assiduè in hanc formam intorquet: Romano Pontifici de fide definiens debetur obedientia etiam interior, alioquin nutabit fides: atqui non debetur obedientia falsis: ergò Romanus Pontifex de fide definiens nunquam falsa proponit, ne scilicet falsis credere teneamur. Hoc inculcat centies: hoc cæteri omnes urgent acerrimè: hoc paginis omnibus, tanquam invictissimum causæ firmamentum præferunt, quod tamen uno verbo Innocenti IV. sequente Bellarmino, concidit: debetur obedientia, cum hæc exceptione: nisi nempe ejus jussa contineant hæresim, concedo: debetur obedientia sine exceptione, nego.

Hic exclamant non agere Innocentium IV. (nam Belarminum nihil moror) de Pontifice ex Cathedrâ pronuntiante. Sed unde hanc glossam de-

Gonzal.
disp. II.

Supra n.
LXXXIX.

K iii

promunt? Nempè Innocentius negat obedientiam generalibus verbis *prohibenti contra fidem*, imperanti ea quæ *contineant hæresim*: quæ quid efficiunt, nisi ut Pontifex, si hæresim jubeat, quantum ex altiore loco judicat; tanto majore veritatis studio refellatur?

Pergit P. Thyrus: atqui non cadunt exceptiones illæ in Pontificem qui omnes Christi fideles obligare intendat. Miram rem! An non enim quisquis imperat, eos quibus imperat obligare intendit omnes? An ergò si Pontifex privatos quoilibet ad hæresim cogat, repugnare oportet; Ecclesiam verò totam si obligare velit, ea conticetur, neque quidquam opis adversus iniqua Decreta supererit? Quin potius expurgescimini, viri omnium ordinum sapientissimi, & cum Parisiensibus, imò verò cum tot quos retulimus Pontificibus, Canonistis, Doctoribus agnoscite: iniquum mandatum de hæresi, quod adversus privatos est per se nullum, tanto magis esse nullum, cùm totam Ecclesiam iniquis legibus atque anathematis ligare nititur?

Quid igitur fiet, si res ad ea extrema deducitur ut Romanus Pontifex (quod absit) mandata edat universalia, quibus intentato excommunicatio- nis metu, totam in sua verba adigat Ecclesiam: quid inquam fiet, nisi quod à Cypriano, laudante Augustino, Bellarmino etiam excusante, factum est: nempè ut Ecclesiæ universæ consensus expectetur, cuius consensus expectatio, si Cyprianum errantem in re quidem ambiguâ juvit, quantò magis sublevabit qui vera tuebuntur?

Neque propterea, quod sàpè monuimus, pandemus ostium inobedientibus. Præclarè enim Major noster: aliud est quod fit extraordinariè & casualiter, aliud quod fit regulariter & ordinariè. Neque propterea Roma- na interibit fides sedesque, cùm ex Canonistis, ex Pontificibus, ex ipso Turre-Crematâ aliisque Doctoribus, qui sedi Apostolicæ præ cæteris favere se volunt, iniqua, & falsidica adversus Evangelium fidemque sententia, sedi Apostolicæ imputanda non sit, imò nec sententia loco habeatur.

An ergò subditi judicem judicabunt suum? Aut quis disceptabit inter Pon- tificem decernentem & Episcopos Fidelesque, si fortè casus incidat, dissiden- tes? Quis, inquam, disceptabit, nisi ipse ab alto Christus, ipsa traditionis veritas, ipsum, si res tanti sit, tamque ambigua, generale Concilium, ipsa denique Ecclesia, docente Spiritu, certissimâ veritatis luce collustrata? Hæc qui Ecclesiæ Catholicæ defutura credit, non satis agnoscit quid sit illud: *Credo in Spiritum Sanctum, Sanctam Ecclesiam Catholicam.*

LXXXIX.

Hæc in opinione, non in fide esse posita controversiarum Doctores profitentur: ac primùm Cardinalis Perronius.

Vid. in ap-
pend. libr.
III. cap.
XII.

QUÆ cùm ita sint, jam satis perspicuum est hanc questionem, in quâ religionis summam collocatam volunt, ad pauca ac minuta, imò etiam nulla esse deductam. Quo etiam factum est, ut viri maximi, qui fidei con- versias optimè tradiderunt, perspicuis vocibus totum illud judicarint in

opinione non in fide esse positum. Notum illud doctissimi Cardinalis Perronii in epistolâ ad Casaubonum Apologîæ * præfixâ : Ecclesiam Romanam radicem Episcopalis unitatis & Ecclesiastica communionis esse , eique ab omni antiquitate delatum esse Primum & præfecturam earum rerum , quæ ad religionem & Ecclesiam pertinerent , IDQUE UNUM ESSE QUOD ECCLESIA POSTULET ab iis qui ejus communionem amplectantur : quâ tesserâ secernat societatem suam à Græcis eorumque affectis , qui se à visibili ac ministeriali Ecclesie capite ab aliquot seculis segregarunt.

Ex his doctissimi Cardinalis verbis discimus : id quidem ab omnibus agnoscî oportere , quo Ecclesia ab hereticis secernatur : non autem id quo scholæ Doctores à se mutuo differant ; atque id vir maximus luculentius postea exponit his verbis : *Quæstio de autoritate Papæ inter Catholicos agita- ta , sive in spiritualibus respectu Conciliorum œcumenicorum , sive in temporali- bus respectu jurisdictionum secularium , quatenus saluti animarum obsunt , non est quæstio ejusmodi , quæ res complectatur ab alterutrâ parte inter articulos fidei recen- sitas , aut ab eis exigantur qui ad Ecclesiam redeant , ita ut alii alios pro hereticis habeant , aut à se mutuò quoad communionis vinculum separantur. Quare ea omnia communioni Ecclesiasticae sarcinae impedimento esse non possunt , cùm ejus conditionis sint , ut quamcumque partem Rex Serenissimus amplectatur , haud eò seciūs ab utrâque parte jus & nomen Catholicî obtineat. Eni quibus conditionibus tantus Cardinalis , nemine discrepante , maximo Regi Jacobo I. velut Ecclesiæ universæ nomine , jus Ecclesiasticae pacis & communionis of fert. Ergo erroris , schismatis , atque omnino anathematis & excommunicatio- nis metus , quocumque pretextu procul abest ab iis opinionibus ; reique sunt Ecclesiæ violatæ pacis , qui eas sub excommunicationis metu prohibendas pu- tant.*

* Ad An-
glicæ Regem.
Perronii
Repl. in ep.
ad Casaub.

Repl. in
lib. IV. p.
745.

X C.

*Walemburgii fratres in Germaniâ Episcopi celebres
atque ab iis citati Scriptores clarissimi.*

NO STRA ætate recentissimè in Germaniâ floruerunt par eruditum fratum Adrianus & Petrus Walemburgii , alter Adriano-Politanus , alter My- siensis Episcopus , Coloniæ-Agrippinæ Suffraganei. (f) Horum extant de rebus controversis egregiæ tractationes duobus tomis comprehensæ , ac docto- rum omnium calculo comprobatae. Sic autem hunc locum tractant adver- sùs Hermannum Conrigum * , ut de fide habeant id tantum , in quod Catholici omnes Scholaque tota consentiat , nempè istud : *Quidquid uni- versâ profitetur Ecclesia , quidquid in Concilio generali , cui præf summus Pontifex , credendum propinatur , est divinitus revelatum. Ac postea : Si varia sunt sententia circa infallibilitatem Concilii sine Pontifice Romano , non potest ea res ad fidem Catholicam pertinere.* Variare autem sententias inter Catho-

* Inter
Protestan-
tes Canoni-
stam doctis-
simum , qui
juris Profes-
tor fuit in
Academiâ
Helmeſta-
diensi.

Walemb.
Tom. II.
tract. III. de
Eccles. part.
III. n. 6. p.
134.

[f] *Coloniæ-Agrippinæ suffraganei.*] Nam post Adriani mortem , Petrus qui eodem mu- nere fungebatur apud Trevitensem Electorem , ad Electorem transit Coloniensem ,

Ibid. n. 10. licos ostendunt, ac testes adhibent primum Raymundum Carron, qui quidem, *quia ex Catholicis plurimi docent infallibilitatem Pontificis non esse fidei, nisi cum Concilio generali definita, admonitos vult Catholicos ne questionem hanc*
 P. 135. *ut potè adiaphoram, nec pertinentem ad fidei controversias) cum hereticis*
 Vid. Carr. cont. gen. fid. part. II. cap. II. P. 146. Ibid.
ingrediantur, quod alii quoque passim inculcent. Addit, quod notari volamus: Quid enim sit ex Cathedrâ definire nec inter partes convenit, alii volune esse cum Concilio Romano definire, alii cum Concilio generali, & ita intelligit Cyprianus de unitate Ecclesie & Epist. 40. Vides quem Patronum Parisiensem sententiæ dederit.

Idem Raymundus posteà producitur in medium, docens definitiones adversùs Pelagium idèò obtinuisse autoritate summâ, quòd totâ Ecclesiâ accepte sint; quâ etiam in re Innocentii X. & Alexandri VII. de Jansenianâ re Decreta obtinuerint: cæterum si Pontifex solus aliquam propositionem vel doctrinam prohiberet, schismaticum esse qui prohibitioni resisteret, nisi evidenter de errore constaret: quo certum relinquit, Pontificem etiam ut Pontificem suoque jure prohibentem aliquem articulum, errore manifesto labi potuisse.

X C I.

Iudem fratres quomodo Bellarminum à Gretsero explicatum prodant.

* Ex Dominicanaor. familiâ.

** Jesuitam doctissimum.

*** Aut Whitakero Anglo & Protestant, qui Theologie fuit Profes, celeberrimus in Universitate Cantabrigiensi.

Ibid. n. 11.

12. Gravin. Cath. præsc. Conring. II. part. Tom. IV. quæst. II. art. I. p. 69. & Marcell. de in- exp. Reg. Christ. d. p. IV. art. VI. p. 122. Wal. ibid. n. 13. vid. Grets def. Bellar. Tom. II. lib. IV. cap. II. col. 1013.

SECUNDO & tertio loco docti fratres Gravinam * & Marcellum Jesuitam peculiarem amicum adducunt sacræ Theologiae Professores: quarto loco Gretserum ** egregium Bellarmini defensorem. Is objicient Wittakero *** ab eo Cardinale, Adrianum VI. inter eos repositum qui *Pontificem etiam ut Pontificem sine Concilio definitem errare potuisse docuerit*: quam tamen sententiam idem Cardinalis ait *videri erroneam & heresi proximam*, sic respondet: *Non dicit Bellarminus hanc sententiam esse hereticam, aut parum ab heresi distare; sed VIDERI erroneam & heresi proximam*. Diligentissimè omnino: ipsum enim *videri censuræ vim infringit*, & ostendit Bellarmini opinionem certè, non tamen firmum fixumque judicium. Hæc Gretserus & ex eo Walemburgii.

X C II.

Iudem Gretserus aliique ab iisdem Walemburgiis citati.

EX eodem Gretsero ¶ piii fratres locum insignem proferunt, quo docet: *autoritatem illam non errandi esse adæquate in toto illo cœtu conflato ex Papa & Episcopis, quem Concilium nominant.*

His

¶ Ibid. n. 15. Grets. loco cit. colum. 1012.

His addunt socios Alphonsum à Castro , Tannerum , Stapletonum , atque horum omnium testimoniis , doctissimi fratres Catholicos pronuntiant qui unum illud pro Catholico amplectuntur , quod *universa profitetur Ecclesia , quod in Concilio generali , cui p̄f̄est Pontifex , credendum proponit*. Addunt ingenuè & candidè : *altera autem propositio , quidquid Romanus Pontifex ex Cathedrā definit , illud omnip̄o est infallibiliter verum ; ad fastigium fidei Catholice ab omnibus & singulis necessariò tenenda , non assurgit.* Iterū : *sententiam de infallibilitate Concilii generalis incēpisse cum ipso Ecclesiae Christianae exordio , postea dabitur demonstrandi locus ; quando cōperit sententia de summi Pontificis infallibilitate , hūc non pertinet , quando solum illud suscipimus defendendum quod apud omnes Catholicos in confessō & fide Catholica certum est.* Vides quo discrimine habeant doctissimi Antistites utramque infallibilitatem : primam , Conciliorum scilicet , ab ipsa Christianitatis origine innatam Ecclesiæ profitentur ; alteram aliquando cōpis̄e non negant ; proindeque à fidei Catholicæ certudine excludunt. His finibus comprehendunt id quod est Catholicos inter & Hæreticos controversum ; nec licet ad ulteriora urgere Ecclesias perduelles , nisi forte alia est fides quam inter Catholicos tueamur in Scholis , alia quam adversus Hæreticos propugnemus , quod à Theologiæ simplicitate & candore procul absit.

Patiantur ergo nos sincerè & candidè docere Catholicos juxta & Hæreticos antiquam & certam Ecclesiæ doctrinam , neque novam fidem condere , aut plus quàm jubeamur , funem intendere. Optamus sanè singulis Romanis Pontificibus , optimis Parentibus , indefectibile veritatis lumen , ac si quid piis votis augurari licet , ad futurum speramus. Ceterū haud minūs oportet certa ab incertis , à Divinis dogmatibus humanas opiniones secernere : neque Christianos ad plura constringere quàm Christus revelaverit , neque quidquam addere ad eam professionem , quam ex communi consensione fidelium Pius IV. ediderit , atque ab errore redeuntibus proponi jussit.

X C I I I.

Innocentii XI. Brevia Apostolica duo.

HOc fundamento fretus (quidni enim liceat non nihil de me quoque dicere ?) Ego Episcoporum minimus , errantium charitate & fratum Catholicorum ædificatione ductus , exiguum sanè ac per sepe nullum , magni tamen pretii , Episcopali scilicet , ac postea Apostolicā autoritate fultum , edidi opusculum de *expositione doctrinae Catholice in rebus controversis* : quo quidem in libello , cùm ad eum locum devenimus , quo de sede Apostolica , vera Ecclesiæ fides exponenda esset , eam ita exponendam duximus , ut hæc stabilirem tantum : *nemp̄ Ecclesiam unitate niti : tuenda ac firmanda unitati Primum Saneti Petri à Christo institutum , sedemque Apostolicam hujus unitatis centrum ac radicem esse ; ac propterea Petri successoribus deberi obedientiam eam quam Concilia & Patres semper agnoverint.* Hæc erant quæ certa fide ex antiquis Decretis & modernorum quoque Controversistarum sensibus

Tomus I.

Expositio
Doct. Cath.
art. XXI.

L

Ibid. n. 6.
vid. quoq.
n. 33. pag.
137.
Ibid.

Ibid. n. 27.
pag. 136.

stabilita esse vellem ; hoc est , ea tantum in quæ omnes Catholici consentirent . Quibus ritè explicatis , hoc insuper addidi : *Quod attinet ad ea de quibus in scholis varia sunt discrepantesque sententia ; et si hæretici ea Ecclesia imputare solent , ut Pontificis potestati invidiam conflent , nihil attinet hinc commemorari , cùm de fide Catholica non sint : sufficit agnoscere caput à Deo institutum , ad gregem universum in via Domini gubernanum.*

Vides quid sufficere profiterer ad instruendos Christianos : ea nempe in
 II. Cor. XII. 2. quæ omnes consentiant : alia de quibus in scholis dubitatur , non esse necessaria , ut veri Christiani Catholicique fiant . Factus sum insipiens , (coagit enim veritas causæque necessitas) qui mea commemorem ; sed profectò non mea , quæ tot in linguis , etiam in Italicam Romæ quoque versa typisque Apostolicis excusa , à tot Romanis Cardinalibus , Præfulibus , Doctoribus approbata , Innocentius XI. nunquam sine laude memorandus Pontifex , sua fecit . Nec pidgebit transcribere egregium & antiqui spiritus Breve Apostolicum in hanc formam : *Venerabilis frater , salutem & Apostolicam benedictionem. Libellus de Catholica fidei expositione à fraternitate tuâ compositus nobisque oblatus , EA DOCTRINA EAQUE METHODO AC PRUDENTIA scriptus est , ut perspicuâ brevitate legentes doceat , & extorquere possit etiam ab invitis Catholica veritatis confessionem . Itaque non solum à nobis commendari , sed ab omnibus legi atque in pretio haberi meretur . Ex eo sanè non mediocres in orthodoxæ fidei propagationem , quæ nos præcipue cura intentos ac sollicitos habet , utilitates redundaturas , Deo benè juvante , confidimus &c. Datum 4. Jan. 1679.* Non hinc ostentamus laudes quas in nos indignissimos Apostolica benignitas contulit ; verba notari volumus , quibus rem ipsam , doctrinam ipsam probat , quæ extorquere possit etiam ab invitis Catholica veritatis confessionem . Intellexit Sanctus Pontifex quanta vis esset Catholica fidei , si ut nihil demitur , ita nihil additur . Tantum ergò testimonium veritatis , libello iterum edito præfigendum putavi (opera enim Dei ejusque Pontificum prædicare est optimum) monitionemque addidi , in quâ sic legitur : *Neque mihi retur quispam tam facile approbatam Meldensis Episcopi expositionem eam , quæ autoritatem sedi Apostolica Divinâ institutione concessam iis in rebus collocaret , de quibus schola Catholica omnes consentirent . Nihil enim eget Cathedra Petri concertationibus nostris ; quodque in eâ Catholici omnes unanimi consensione venerantur , planè sufficit ad eam tuendam potestatem quam sedes Apostolica ad redificationem , non autem ad destructionem accepit . Vides iterum atque iterum quid sufficere docerem , Romano Pontifice præeunte , exiguus Episcopus . At hanc monitionem , uti diximus , expositioni pæfixam , cùm pro debito , eidem verè sanctissimo Innocentio XI. obtulisse , hoc reponsum tuli : *Venerabilis frater , salutem & Apostolicam benedictionem. Accepimus libellum de Catholica fidei expositione quem piâ , eleganti , sapientique ad hæreticos in viam salutis reducendos oratione auctam , reddi nobis curavit fraternitas tua : & quidem libenti animo confirmamus uberes laudes quas tibi de præclaro opere merito tribuimus , & suscepimus spes copiosi fructus exinde in Ecclesiam profecturi &c. Datum Romæ XII. Julii , an. 1679.**

Nihil hinc necesse est promere quod omnes vident , iterum ab Innocentio XI. exigui libelli laudatum institutum , comprobata fidem : certè tacete

non possumus pietatem incomparabilem , charitatem , ac prudentiam singularē Sancti Pontificis , quod quantum in ipso esset , omnes difficultates remotas esse vellet , quibus oves perditas laborare atque ex grege suo , id est Christi , aberrare intelligeret.

Nemp̄ cūm alia multa vera & utilia summus Pontifex iterūm atque iterūm approbabat , tūm illud imprimis : sedis Apostolicæ majestatem in iis rebus esse positam , de quibus Catholici consentirent , idque ad ejus sedis sanctiā potestatē sufficere testatus , ex eâ expositione uberes fructus expectabat.

Neque falsus animi est . Nam innumerabiles hæretici , non expositione nostrâ , sed sancti Pontificis autoritate vici ad unitatem redierunt , & redire porrò pergunt : adeò necessarium erat , cum in omnibus articulis , tum in hoc vel maxime quem hæretici omnium invidiosissimè proponebant , id clarè edoceri , quod Ecclesia Catholica ut necessarium pariter ac sufficiens postularet . Hoc enim factō , Catholicam doctrinam ex omni parte splendentem , nullo fastu turgidam , ubique moderatam , atque inter prærupta & extrema tutò incidentem , agnitam dilexerunt , eique adhæserunt , magisque ac magis adhæsuros spem haud inanem gerimus .

Jam si rescinderentur ea , & alia requirerentur quām quæ sancti Pontifices , & maxime Pius IV. & ipse Innocentius XI. postulavit ; quid aliud eveniret , quam ut tot hominum millia deceptos se esse ab Ecclesiâ Catholica quererentur , atque eorum , quod absit , vacillaret fides , cæterorum verò odia concitarentur ea , quæ cūm nullâ responsione leniri posse videbentur , infelices animæ perderentur , sedisque Apostolicæ , quam firmam & inconcussam stare oportet , labaseret autoritas .

X C I V.

Inquisitionis Hispanicæ Decreta ab eminentissimo Cardinale Da-
guirreo & P. Thyrso prolata , Cardinalis Perronii
auoritate confixa .

JA M si mille existant adversarii , si schismata , si hæreses , ac teterima quæque obstrepant , non nobis in ipsâ fidei ac sanctæ traditionis arce fundatis , sed ipsis metuimus , qui præpostoris Decretis Christianam charitatem Ecclesiæque unitatem impunè à se violari posse putant . Refert Daguirreus Cardinalis , exaggeratione mirâ , Decretum recentissimum Inquisitionis Hispanæ aduersus has theses : primam : *Nec Papam , nec Ecclesiam habere ullam potestatem directam aut indirectam in jura temporalia Regum , ut proinde abdicare eos possit , aut subditos eximere ab obsequio promisso :* huic nota inuritur erroris & schismatis . Alteram : *Concilium habere potestatem suprà Papam certum & indubitatum :* hanc item erroneam & schismaticam esse . Tertiam : *Papam in dirimendis fidei questionibus non esse infallibilem :* hanc ut minimum damnant , ut erroneam & hæresi proximam ; quæ Bellarmini censura fuit . Quæsiverim autem unde has desumpserint notas ? An ullo ex Concilio ? Quo ?

Lij

Daguir.
Disp. X L.
n. 18. 19.
20. p. 544

Lateranensi, Florentino, alio quovis? Id quidem si verum est, nihil cunctandum erat quominus disertè & explicitè summâque autoritate declarata revelatione veritatis, summum fidei Catholicae obtineret gradum, contrariaque sententia non jam *hæresi proxima*, sed palam hæretica diceretur. An aliquod eâ de re extitit decretum Apostolicum? Nullum appellant. Quin ipse Daguirreus, si à sede Apostolicâ res examinetur ut oportet, proditurum Decretum, non tamen prodiisse dicit, & à directâ censurâ temperandum putat, nihil cunctaturus, si Apostolico decreto decisa res esset. Hispani ergo Inquisidores nullo Decreto authentico freti, ex Bellarmino privato doctore, aliquique æque privatis, postremam propositionem: secundam autoritatem suâ, nec autore Bellarmino proferunt: primam de Pontificâ in Reges potestate, ipso adversante, ut ipse quoque Cardinalis Perronius in Bellarminum impensè pronus confitetur. Faceant ergo censuræ istæ: scitum illud: censuras nullâ autoritate fultas, mera convicia, non censuras esse.

DuPerron.
Repl. lib. I.
cap XCI.
p. 545. edit.
Ant. Steph.
1622.

Daguirr.
Disput. II.
Titul. V. n.
12. p. 9.

* Adversus Janse-nismum.
Rel. Delib.
Cler. Gall.
&c. p. 37.
edit. Vitré.
1661.

Veiba Perronii exscribam: *Ipse Bellarminus monet, id quod de Pontificis in temporalia potestate indirecta docet, non à se haberi ut fidei doctrinam, aut sub poenâ excommunicationis aut anathematis tenendam.* Bellarmino hujus protestatis acerrimo defensore Hispana Inquisitio immittior, quæ erronei dogmatis, ut illa quidem censuit, ac schismatis reos, nullis non anathematis ac suppliciis devoveret. Sic agunt Inquisitiones Hispanæ, queis præditas Gallias pius Cardinalis optat. At nostri deprecantur. Laudat Cardinalis Episcoporum Galliæ ad Innocentium X. de ejus constitutione * insignem epistolam; at in eâ spondent Episcopi futurum neminem, quem non ad decreti Apostolici executionem compellant, præsertim cum in Galliis ad Episcopos in solidum isthac cura pertineat, ubi nullos hæreticæ pravitatis Inquisidores constitui patitur mos antiquus ex jure communi profectus. Habeant qui volunt novos mores atque extraordinaria jura, & inquirendam fidem Episcopis demant. Nobis placet mos antiquus, & ut Episcopis sua constet autoritas, idque ad ipsos Pontifices liberè profitemur. Facile caremus iis Tribunalibus, qui & privatorum censuras, ut libet in publicam autoritatem trahant, neque vereantur referre ad fidem à Deo revelatam, ut suis quoque Regibus majestas detrahatur, adimantur obsequia, populi subtrahantur; insuper cum hæc egerint, infallibilitatis privilegio gaudere se fingant.

Vid. lib. I.
Sect. Ia. in-
tegr. & in
app. lib. III.
cap. XI.

Procul hoc à nostris & Ecclesiæ antiquæ moribus. Et de Regiâ quidem potestate viget apud nos antiqua doctrina theologiae Facultatis totiusque adeò Ecclesiæ Gallicanæ, quam in Sanctarellum eadem sacra Facultas anno 1626. innovavit, anno 1663. duce Archiepiscopo Parisiensi, ad Regem detulit, recentissimè anno 1682. latâ in Malagolam censurâ confirmavit; quam sane sententiam sanctaque decreta eruditissimæ Facultatis facile afferemus.



X C V.

*Regum Hispaniae Philippi I. & Caroli V. Augusti exemplo
Hispaniae Inquisitio retunditur.*

JAM ut magis magisque Inquisitionem Hispаниcam retundamus, non piæ antiquitatis, non Ecclesiæ Gallicanæ, sed ipsa recentissima Hispaniæ Regni exempla, Catholicosque Reges Philippum I. & Carolum V. Augustum memorare juvat: & Philippum quidem I. in supremo magnoque Belgii comitio confidentem, ad tuendas suarum Provinciarum libertates, Procuratori suo generali ab omnibus bullis, censuris, monitorialibus literis, aliisque Romanae curia provisionibus appellanti consensisse; eique appellationi edito diplomate adhæsse (g) 20. Maii 1497. Quæ satis ostendunt, id quod nunc Inquisitio Hispànica, ut hereticum schismaticumque damnat, inter Hispanos & Belgas Patrum nostrorum memoriâ commune & pervulgatum fuisse.

Anno 1526. Clemens VII. de Carolo Augusto multa questus, quæ ad Italiae libertatem pertinere arbitrabatur, misso etiam Brevi Apostolico significavit: nisi ab inceptis desisteret, se justa & sancta arma moturum.

His acceptis literis Carolus solenni more rituque Clementi palam renuntiavit: se quidem ea omnia ad sacri generalis Concilii totius Christianitatis cognitionem & judicium remittenda censere atque omnino subjecere: sanctissimo Patri supplicat: ut dignetur ipsum generale Concilium indicere & convocare in loco tuto & congruo, cum debitâ termini præfixione: subdit: Nos enim pro his omnibus ad ipsum sacrum universale Concilium per presentes recurrimus, ac à futuris quibuscumque gravaminibus eorumve comminationibus provocamus & appellamus, petentes cum eâ quâ decet instantiâ, Apostolos & literas dimissorias: quæ omnia memoramus, ne quid ab eo prætermissum esse videatur.

Hanc deinde appellationem Nuntio Apostolico penè se existenti significari curavit: neque his contentus, dat ad Cardinales de cogendo Concilio amplissimas literas: ut negante vel differente Pontifice, id ipsi debito ordine procedentes, præstare non differant; eas verò literas Cardinalibus in Consistorio agentibus publicè reddi, præsentari, & consignari fecit, ut edito hujus rei instrumento constat.

Quæ deinde secuta sunt omnes norunt. Id interim constat Carolum V. famæ suæ vel maximè consulentem, non ea editurum aut in acta publica relaturum fuisse, quæ Orbi Christiano approbare non posset. Quare ex communi Christianorum sensu agere se intelligebat, nemine improbante: antiqua exempla sequebatur, quorum omnium obliti Inquisitores Hispani Reges suos, eisque adhærentes tot inclytas Provincias, imò tot Regna & Im-

(g) Eique appellationi edito diplomate adhæsse] Hanc appellationem fecit Philippi I. Brabantæ Archi-ducis Procurator generalis, ut abusus eos intercluderet, qui multi erant & graves, cùm in collatione Beneficiorum Pontificiaæ bullæ veniebant exsequendæ. Vide ipsa verba quibus Philippus Procuratoris sui appellationem ratam vult esse in libro cui titulus est: *Ordonantien, Statuten &c. Antuerp. ap. Hendrik Aertsen. 1672.*

Collec.act.
cum Princ.
Car. Cæl.
Mog. 1627.
vid. Sleid.
lib.VI. edit.
1656. fol.
71. Polit.
Imp. Gold.
Tom.I.par.
XXII. pag.
985. & seq.
Ann. Eccl.
Spond. an.
1526. n. 4.
Vid. Gold.
pag. 1010.
1011.

peria erroris schismatisque damnant; neque extra scholæ, aut ævi sui limites, oculos attollere audent.

Atque hæc non eâ ratione in medium adducimus, quòd necesse nobis sit de hujusmodi appellationibus dicere sententiam, quarum historiam & causas alibi referemus; sed ut adversùs innocuam de Conciliorum superiori potestate doctrinam, Regum quoque Hispanicorum exemplo, Inquisitionis Hispanæ præceps censura evanescat.

Quin ipsa Lovaniensis Facultas illam impunè contemnit, ac recentissimè de eâ propositione: *Concilium est suprà Papam*, sic censuit: *Non videtur censurà jaltem gravi digna, eò quòd diversi Catholici eam docant*. Quam quidem censurā eruditissimæ Facultatis suo loco integrum proferemus: nunc sufficiat nobis ex illâ docuisse: Parisiensium doctrinam ab optimis fidei Catholicæ adversùs hæreticos defensoribus, haud immeritò collocatam inter eas quæ in opinione, non autem in fide sint, atque adeò innocuè & liberè afferi possint, quod unum nunc agimus.

XCVI.

Summa argumenti: de Orientali Ecclesiâ & Concilio Florentino pauca.

JA M argumenti hujus hæc summa sit. Non suscipit Ecclesia hæreticos, nisi fide rectâ sanâque: suscipit autem nihil professos de iis quæ quærimus, imò etiam dissentientes, cùm id ad fidem, quæ omnes obliget, non pertinere constet: ergò hæc omnia nihil ad fidem attinent. Iterum alio modo perbrevi: censores nostri non se doctiores haberi volunt Perronio Cardinale: quid ergò agerent? An exciperent Anglos eâ lege quam eorum Regi omnibusque hæreticis tantus Cardinalis obtulit? Dicant ut voluerint: si suscepturos negant: immittes & iniqui: si fatentur: hæc ergò, velint nolint, ad fidem non pertinent.

Rursùs: Germaniæ Protestantes accedunt rogantque: an nos suscipitis eâ lege quam post tantum Cardinalem, tot egregiis succinèti testibus Walemburgii nostri dixeré? Si negatis; pii doctique Antistites cum totâ testimoniis turbâ nobis illuserunt: si admittitis; hæc igitur quæ fidei Catholicæ addita vultis omittite.

Tertiò: nos exigui & humiles sciscitamus an probetis admittendos, vel signatis admissos Protestantes Gallos, eo modo quem Innocentius XI. comprobavit: nempè ut ea credant de summo Romano Primatu in quæ Catholicæ consentiunt, omittant cætera; immisericordes, impii, pacis inimici, erga tantum Pontificem, contumeliosi sint, qui tam æqua, tam sancta pæcta dissolvant.

Denique Græci totaque Orientalis Ecclesia hâc lege pacem orant: *Non posse unionem fieri nisi in synodo universalí, in qua Occidentalis Orientalisque* n. 11. Tom.

XII. pag. 56. vid. *Orat. Dog. Bess. Sess. XXV. Con. Flor. cap. I. Tom. XIII. pag. 494. & seq.*

Ecclesia conveniant : *Ecclesiam in unum congregatam de rebus dubiis judicare : communis consensu sententiam ferre : communiter hæc agi, & quæ communia sunt communis consensu terminari : plurimorum sententiam prævalere : sanctam Ecclesiam in sacris dogmatibus nullo modo posse errare, communi quidem ac synodica consideratione utentem.* Neque hæc singimus, sed in ipso Concilio Florentino verè gesta atque à Græcis unanimi consensu proposita referimus. Quid ergo agatis? An pacifica postulata repellentis? Adeoque in unum Papam vim summam conferatis, ut Patrum sententiam pro arbitrio probare aut improbare possit? Eugenio IV. obseruitis, cui Græcorum postulata tam æqua, tam proba visa sunt, ut ad eos talia ipse loqueretur : *Conveniamus simul fiatque Synodus : conficiat sacram Sacerdos : jusjurandum denuo Latini pariter & Græci : proferatur liberè veritas per sacramentum, & quod pluribus videbitur, hoc amplectamur & nos & vos.*

Id, inquires, fecit Eugenius, quia voluit, nullâ necessitate. Respondemus: imò fecit quia Græci tanquam necessarium postulabant, ut vidimus.

Eâ ratione vieti forsitan respondebunt valere ista quidem, sed ubi collectâ est Synodus generalis. Instamus: ergo, jàm collectâ Synodo, Papam ipsum in Synodi potestate esse recognoscent, & præcipuâ suæ opinionis parte decedent: tûm; satis demonstravimus, communi Græcorum Latinorumque sententiâ haud minùs valere diffusæ Ecclesiæ, quam adunatae autoritatem. Deinde an urgebunt tanquam fide Catholicâ certum, ut Pontificia decreta sola per se, nullâ confessionis necessitate valeant? Atqui hoc est ipfissimum de quo inter Catholicos controvertitur: quod proindè Perronio aliisque testibus, *ad eam fidem quæ ab omnibus exigatur non valeat affurgere.* Id Perronius aliisque & ipse Innocentius XI. post Florentina, post Lateranensia, post Tridentina decreta comprobarunt. Ab his ergo Decretis Parisiensium sententia integra intactaque est. Quamobrem jacent omnino adversus illam sententiam privatorum novitiae censuæ, nullo authentico Decreto fultæ, & confidenter dicimus, eâ professione venientes, non nisi iniquissimè repelli posse à Catholicis quibuscumque & cujuscumque gentiis.

Conc. Flor.
Sess. XXV.
pag. 387.

Suprà n.
XCII. vid.
Walemb. &
Grts. locis
cit.

X C V I I.

*Adversariorum ultima responsio : ex hac argumentum
& conclusio operis.*

VI DEO tamen censure nos id suffugium ultimum quæsituros; nempe à Perronio, & ab aliis haud immerito prætermissa ea quæ ipsi postulant, quod fide licet vera sint, nondum tamen Ecclesiasticâ definitione satis declarata esse constiterit. Agant ut volunt; at in majores turbas se ipsi conjiciunt. Quid enim vetuit, si tam clara res est, si tam apertè revelata quam volunt, quid inquam, vetuit, quod minùs in certos articulos Catholicâ definitione referrentur? Aut quid Ecclesiæ proderit illa in quâ summam fidei collocant Pontificis ex cathedrâ definientis dubia, nec dum à totâ Ecclesiâ asserta autoritas? Certè in Ecclesiæ Catholicæ septimo decimo saeculo vivimus,

nec dūm de illâ infallibilitate inter orthodoxos piosque constitit : atque ut Constantiensem ac Basileensem Synodos omittamus , viri sancti doctique ei restiterunt. Et quidem adversùs illos privati multi multa inclamarunt & incautas censuras profuderunt , Ecclesia Catholica ac Roma ipsa nihil egit , quo nostri vel leviter notarentur ; trecentique anni sunt , ex quo de illâ controversiâ innoxie disputatur. An Ecclesia ut tuta tranquillaque esset nostram ætatem , ac propè jam elapsum septimum decimum saeculum expectabat ? Ergo necesse est ut piorum animorum quietem tutissimam in ipso Ecclesiæ Catholicæ consensu collocemus. Neque enim fieri potest ut in Romani Pontificis dubiâ infallibilitate penitus acquiescant. Neque in eâ acqueivit qui eam pro viribus afferuit Duvallius ; sed eò quod Pontificia infallibilitas de fide non sit , eam ob rem ultimam fidei certitudinem in Ecclesiæ acceptatione constituit. Quin dubia illa infallibilitas , nec infallibilitas quidem est à Christo concessa , qui , si eam concessisset , Ecclesiæ quoque suæ jam indè ab initio revelatus esset , ne in dubio relictâ , nec satis revelata , nec perspicuâ traditione fundata , esset inutilis.

Quid igitur , amabo , ad non necessaria , nec unquam perspicuè , quod & ip̄si testantur , definita , tantis clamoribus minisque nos adiungunt ; ac modestè recusantes , neque quemquam condemnantes , majorumque scita innoxie securtos diris devouti , & insuper , si Deo placet , aulicos vocant , *apud quos omnia per adulacionem ac metum peragantur?* Quasi non liceat nobis adulaciones alias , spes alias , metusque alios , denique aulicismos memorare ; sed hæc procul à nobis sint. Omnia enim ab omnibus optimo animo gesta esse confidimus , gratulamurque Ecclesiæ , quod per occasionem dissidii nostri , viros præcellentissimos in altissimâ sanctæ civitatis parte (b) collocavit , ut toti præluceant ; satisque magnos & illustres putamus , quibus ingenuè & candidè veritatem tueri liceat. Hæc ergo omnia inter nos pacifice & Christianè Episcopali charitate transfigantur , certemusque tantum utri validioribus , purioribus , lucidioribus argumentis Romani Primatus ac sedis Apostolicæ autoritatem majestatemque vindicent.

(b) *In altissimâ... parte Gr.*] Jam dictum est Daguirreum & Sfondratum , editis suis adversus Declarationem libris , purpuram Romanam adeptos fuisse. Adi nost. præfat.





DEFENSIO DECLARATIONIS CLERI GALLICANI DE ECCLESIASTICA POTESTATE.

P A R S P R I M A,

Quâ de Imperii in temporalibus supremâ potestate differitur.

L I B E R P R I M U S.

S E C T I O P R I M A.

Ex statu quæstionis, reique novitate, deponendorum Regum directa & indirecta potestas confutatur ad caput primum Gallicanæ Declarationis.

C A P U T P R I M U M.

Refertur caput I. Gallicanæ Declarationis.



R I M U M : Beato PETRO ejusque successoribus Christi Vicariis, ipsique Ecclesiæ, rerum spiritualium & ad æternam salutem pertinentium, non autem civilium, ac temporalium à Deo traditam potestatem, dicente Domino : *Regnum meum non est de hoc mundo*, & iterum : *Reddite ergo quæ sunt Cæsaris Cæsari, & quæ sunt Dei Deo*; ac proinde stare Apostoli-
cum illud : *Omnis anima potestatibus sublimioribus subdita sit*: non est enim
Tomus I.

M

Joan. xviii.
36.
Luc xx. 25.
Rom. xiii.
1. & 2.

potes̄as n̄i à Deo: que autem sunt, à Deo ordinatae sunt. Itaque qui potestati resistit, Dei ordinationi resistit. Reges ergo & Principes in temporalibus nulli Ecclesiasticæ potestati Dei ordinatione subjici, neque autoritate clavium Ecclesiæ directè vel indirectè deponi, aut illorum subditos eximi à fide atque obedientiâ, ac præstito fidelitatis sacramento solvi posse, eamque sententiam publicæ tranquillitati necessariam, nec minùs Ecclesiæ quām Imperio utilem, ut verbo Dei, Patrum traditioni, & Sanctorum exemplis consonam omni modo retinendam.

C A P U T I I.

Contrarium articulum ponunt adversarii. Status questionis: ex hoc intolerabilia incommoda; neque magis tolerabilior indirecta quām directa potestas, cūm solis verbis differant: huic primo capiti Declarationis Gallicanæ, contrarium declarationem totidem verbis opponit. Autor anonymous doctrinæ Lovaniensium, quem alii adversarii sequuntur, & indirectam potestatem afferunt: quæ sententia quām falsa sit, statim intelliget, qui vel statum questionis adverterit.

SCENDUM ergo primum est extitisse quosdam qui docerent Romanum Pontificem Christi Regis vicarium, directè, & jure divino Regem Regum esse, ac totius orbis Dominum. Quare exortâ Pontificiâ dignitate, statim regna atque Imperia omnia in ejus Imperium concessisse, Reges omnes nonnisi Papæ vicarios esse; gladium temporalis &quæ ac spiritualis potestatis propriè ejus esse, vicariâ licet manu exerendum, atque ita in Pontificem omne translatum esse dominium, ut Principes etiam infideles turbare solio, eorumque regna, jure suo donare possit quibuscumque voluerit fidelium.

Bellar. de Rom. Pont. lib. v. cap. i.
Hanc sententiam iisdem ferè verbis refert Bellarminus, quod quidem à Nicolao Dubois observari velim. Fingit enim se incidisse in quemdam, qui ista contendéret, sedī Apostolicæ tribui à nonnullis, seque continuò exarisse: *Quis, enim inquit, Catholicus scriptor ista sapientia sedī afferuit? nomina unum, stringam calamum.* Qui profectò si vel Bellarminum legisset, nominatos ab eo invenisset, non unum, sed multos in quos calamus stringeret, ac si piguisse legere Bellarminum, vel saltem legeret à se laudatum illuftrissimi D. Nicolai Cevoli ex Marchionibus de Sarreto antigraphum, in quo invenisset male à Bellarmino esse dictum: *Pontificem ut Pontificem non habere directè & immediate ullam temporalem potestatem, sed tantum indirectè: imò esse penitus de fide tenendum summum Pontificem Romanum jure divino habere plenissimam potestatem in universum orbem terrarum, tum in rebus Ecclesiasticis, tum in Politicis, & temporalibus; & sic posse directè, ut Pontificem, quibuscumque Principibus imperare.* Sic directam potestatem non tantum afferit, sed etiam de fide tenendam esse dicit. Neque tamen miror D. Dubois ejus sententia absurditate commotum facilè adductum esse ut crederet, ne unum quidem autorem esse potuisse qui talia tueretur.

Consult. Theol. Ju-
rid. iv. p. 23.
Antigr. p.
31.

Ac reverà certum est à Bellarmino & aliis eam sententiam non modò rejectam fuisse , sed etiam validissimè confutatam. Non enim Christus aut hæreditario jure, aut datâ à Deo potestate , aut alio ullo modo Rex temporalis fuit , qui Regiam potestatē ad vicarios suos transmittenet. Quo admisso sequeretur id, quod est absurdissimum, Papam in orbe terrarum ipso jure divino solum esse Regem, ac supremum Dominum temporalem , Episcopos etiam ubique terrarum suarum civitatum esse Dominos, Pontifici quidem subditos , sed omnibus aliis imperantes, ac Reges , non jam Reges , sed Romani Pontificis esse vicarios : quæ portenta doctrinæ in hominum animos incidisse , planè obstupescimus.

Hanc ergò sententiam de directâ Romani Pontificis in temporalia potestate Bellarminus , aliique passim rejiciunt : interim indirectâ potestatis nomine , ea in Romanum Pontificem conferunt , quæ non minorem ipsi potestatem attribuant. Sic enim ipse Bellarminus ac Lovanienses ab Anonymo relati , aliique adversarii de potestate indirectâ statuunt.

Primum : temporalia omnia ad spiritualia referri , ut ad finem , iisque per se subordinata esse ; tum : ita subordinari facultates , ut subordinantur fines ; atque ideò qui fini præfis , eum etiam præesse mediis , adeòque posse & imperare omnia , quæ fini adipiscendo necessaria videantur , & ea amovere quæ impedimento sint : *Quare omnem facultatem potestatem eatenus in temporalibus esse Papæ subjectam , quatenus abuso , aut negligentia Christianorum Regum circa temporalia nata sunt impedire finem spiritualem , in quem Papa habet universam Ecclesiam dirigere.* Quam Papæ potestatem ideò indirectam vocant , quòd non se extendat directè ad temporalia , sed indirectè , quatenus ex temporalibus spiritualia promoventur vel impediuntur.

Hæc autem valere volunt , quando utraque potestas Civilis , ac Spiritualis pars est ejusdem Reipublica Christianæ ; tunc enim spiritualem potestatem præesse civili ut spiritum carni. Quibus positis hæc docent consequi : Reges ac Principes Christianos posse ab Ecclesiasticâ potestate , maximè à Pontificiâ , in quâ est apex hujus potestatis , privari Regno ac deponi , non modò propter hæresim & apostasiam à fide , verùm etiam quocumque scelere Ecclesiæ ac saluti animarum noceant.

Quod alio quoque modo efficere se posse putant : quippe quòd Ecclesia excommunicare possit & anathematizare propter quodlibet scelus , omnem Christianum incorrigibilem ; quo jure comprehendendi etiam Reges : *Eandem enim esse justitiae formulam , secundum Evangelium , quâ Rex & miles censentur.* Factâ autem excommunicatione , ipso ejus effectu omnes Christianos Principes , omni potestate exutos esse , cum quibus videlicet nec liceat colloqui , neque quidquam habere commune. Quod quidem argumentum maximè urget D. Nicolaus Dubois ; autor etiam Anonymus doctrinæ Lovaniensium laudat Lupum dicentem : *Septimi Gregorii tempore viguisse regulam , quâ Regem anno integro in Papali excommunicatione sordescensem exuebat omni jure regni.* Quare ex eorum sententiâ Reges non modò hæresis , sed etiam cuiuscumque sceleris causâ deponi posse constat.

Hinc nempe factum est , ut Gregorius VII. (quo autore ista omnia , nullo anteà exemplo , prodierunt) mulctaret Imperio Henricum & Rodulphum M ij

Bell. loc.
cit cap. viij.
Doct. Lov.
art. iiij. pag.
82.

Bell. ibid.

ibid. cap.
vij. viij.

Doct. Lov.
van p. 82.
Consultat.
iv. & viij.
p. 28. 41. &
seq.

Greg. VII.
lib. iv. epist.
xxij. xxiv.

Id. ibid. lib. vij. ep. de Imperio contendentes, si suum judicium detrectarent, suisque Legatis viam intercluderent; Philippo verò I. Francorum Regi depositionis pœnam intentaret, non modò Simoniae causâ, quæ pro hæresi in jure habetur, sed

xv. Id. ibid. etiam propter adulteria, & rapinas; maximè verò quòd *mercatoribus infinitam pecuniam abstulerit*; neque his contentus docuit (quàm justè alibi videbimus) autore Gregorio Magno, Reges ipsos dignitate cadere, qui vel unius *Xenodochii* privilegium violassent; quem locum sancti Gregorii Magni ij. & xxiv. omnes adversarii pro Achille habent; adeò nullum flagitium esse putant & l b. viii. propter quod potestas Regia depositioni non sit obnoxia.

Quin etiam, quod majus est, asserunt Reges Christianos, nullo commissione
scelere propter quod excommunicentur, à Papâ deponi posse, si saluti animalium & Ecclesiæ utilitati conducere videatur: Pontificem enim posse omnina quæ in eum finem conferant; laudantque Gregorium VII. dicentem à Zachariâ deponi potuisse Regem Francorum, Chilericum scilicet, non tam pro suis iniquitatibus, quam pro eo quod tanta potestati non erat utilis; & Glossa guidam in Caput: Alius ex hoc Gregorii VII. loco deponendum ad ver-

Caus. xv.
q. vj. cap.
iii.

l. t. t. tenuis, tunc enim decesserit et dari coegeretur, sed disjunctus erat cum multieribus
& effeminatus Non tamen id Historici produnt: nullius enim sceleris accus-
satus, nedum convictus fuit; eratque *inutilis*, non tam socordiâ suâ aut cul-
pâ, quâm quod Majores-domus, ac Pipinus Regiam potestatem occupâ-
fent; neque saltem est admonitus, ut à socordiâ resipisceret, viginti circi-
ter annorum adolescens, sed statim potestate exutus, detrususque est in
Monasterium, quod Pontifici licuisse Bellarminus & alii tradunt.

Item Irenen Augustam, fide præcellentem, quippe quæ Oriente toto inveteratam Iconoclastarum hæresim contrivisset, omnibusque modis faveret Ecclesiæ, neque excommunicatam, neque ullius sceleris postulatam, aiunt tamen à Leone III. eo tantùm nomine Occidentis Imperio esse mulctatam, quod id Ecclesiæ necessitas postularet; eâ enim causâ justè ademptum ei esse, atque in Carolum Magnum translatum Imperium Bellarminus docet.

Neque enim tantum privari indignos, aut ad Ecclesiasticam utilitatem minus idoneos Principes autoritate Pontificia, sed alios etiam substitui posse contendunt, quo jure à Zachariâ Pipinum Childerico, à Leone III. Irenæo Carolum esse substitutos volunt: omnino enim Rempublicam spiritualem posse imperare temporali Reipublica sibi subjectæ, & cogere ad mutandam administrationem, & deponere Principes, atque alios instituere, quando aliter non possit bonum suum spirituale tueri.

Bell. ibid. cap. xij. *Et quanquam Bellarminus videtur id juris tribuere Ecclesiasticæ potestati in Christianos tantum Principes, qui suscepto baptismo Ecclesiarum sint subjecti; tamen dogmatum consecutio postulabat ut Ecclesia fini spirituali intenta, etiam infideles ac Paganos Principes ei fini adversantes pari jure amoveret. Etsi enim Ecclesia, teste Apostolo, in eos qui extra sunt nullo jure pollet, tamen Bellarmini decreta postulabant, ne Ecclesiarum negaretur potestas tuendi suos, eosque ab Infidelium jugo liberandi. Quare aperte assertit: Non licere Christianis tolerare Regem infidelem aut hereticum, si ille conetur pertrahere subditos ad suam heresim aut infidelitatem; atque addit: Quod*

si Christiani olim non deposuerunt Neronem, & Diocletianum & Julianum Apostolatam ac Valentem Arianum & similes, id fuit, quia deerant vires temporales Christianis, ut Martyrum illa invicta constantia totiesque laudata à priscis Christianis, illa in Imperatores etiam persecutores inconcessa fides, non jam obedientiæ, sed imbecillitati deputetur.

Et quidem Bellarminus ita sententiam temperavit suam, ut nolit infideles deponi posse, nisi populum conentur avertere à fide, quam conditionem addi à se profitetur, propter eos Principes infideles qui dominium habuerunt supra populum, antequām converterentur ad fidem. At alii contendunt eos æquè privari posse, etiamsi non conentur fideles à fide avertere, propterea quod satis exemplo noceant.

Imò Adrianus IV. datis ad Henricum II. Angliae Regem literis Apostolicis, nullâ persecutionis, aut cujuscumque conatus ad fidem evertendam factâ mentione, generatim hoc edixit: *Sanè omnes insulas, quibus sol iustitia Christus illuxit, & quæ documenta fidei Christianæ suscepérunt, ad ius Sancti Petri & Sacrosanctæ Romanæ Ecclesiæ (quod tua etiam nobilitas recognoscit) non est dubium pertinere. Quo jure Henrico Regi, salvâ Beato Petro de singulis domibus unius denarii annuâ pensione, concedit insulam Hiberniam, quam idem Rex, ad subdendum populum legibus Christianis, & vitiorum inde plantaria extirpanda, intrare se velle significaverat.*

Ratio non finit ut Insulæ alio jure, quām cætera Regna, ac Provinciæ habeantur. Quare Nicolaus V. Calistus III. Sixtus IV. Innocentius VIII. Alexander VI. Regibus Christianis ea quæ postulaverant, infidelium Principum Regna, concedunt; quæ quidem non alio jure valere possint, quām quod temporalia spiritualibus serviant.

Quæ cūm ita sint, non video cur tantoperè abhorreant à directâ potestate Pontifici tribuendâ. Indirectæ enim potestatis nomine idem juris continetur, ut nempè Pontifices de omnibus Regnis, siue Christianorum, siue Infidelium suo jure decernant; cūm è re Ecclesiæ esse judicaverint.

Quin etiam indirectæ potestatis jure, id posse contendunt, non tantum ut lœsam fidem Catholicam, ac lœsa juramenta, sed etiam quæcumque sint publicè commissa peccata ad suam cognitionem revocent, ac Principes, eâ causâ suis decretis parere recusantes, ut inobedientiæ, atque adeò idolatriæ reos amoveant. Quo loco illud Samuelis commemorant dictum: *Quasi enim peccatum harioandi est repugnare, & quasi scelus idolatriæ nolle acquiescere.* Atque ex eo Samuelis dicto Gregorius VII. Regibus sibi repugnantibus passim non tantum anathematis, sed etiam depositionis pœnam intentat; ut profectò necesse sit, etiam avaritiæ causâ deponi posse eos; cūm, teste Apostolo, avaritia sit *Idolorum servitus.*

Hoc jure Pontifices de bello etiam, de pace, de tributis, de administrandâ justitiâ, denique de omni regimine, supremo judicio, sub depositionis pœnâ judicare possent, cūm in omni ejusmodi regiminis parte, officium suum Principes non sine peccato eoque gravissimo prætermittant.

Quin etiam Bellarminus docet, *Papam posse condere legem civilem, si sit necessaria ad salutem animarum, & tamen Reges non velint eam condere; & abrogare, si alia sit noxia saluti animarum, & tamen Reges non velint eam abrogare.*

Ibid.

Adr. IV.
ep. J. Tom.
Conc. x. p.
1143.
Matt. Par.
in Henr. II.
an. 1156.

Odor Rain.
an. 1484.n.
82. anno
1493. n. 18.
19.

I. Reg. xx.
23. Gregor.
VII. lib. iv.
epist. xxij.
xxiv.

Ephes. v. 5.

Bellar. de
R. P. lib. v.
cap. vi.

Ibid. cap. vii. Quid autem conveniat saluti animarum , in potestatis Ecclesiasticæ judicio est positum , cùm de fine cui præst , una judicare possit , eaque sit subordinatio spiritualis ac civilis potestatis , ut illa imperare , hæc obsequi debeat : quæ profectò vel nulla sunt , ac tollenda omnino est illa , quam urgent indirecta potestas , vel omnino fatendum Reges solo nomine supremos esse , atque omnia in Pontificum potestate esse , neque minus Reges quam Episcopos esse hujus potentia subordinatos.

Turrecr. Summ. de Eccl. lib. ij. cap. cxiiij. p. 265. Ait quidem Turrecremata id esse discriminis , quod Papa possit deponere Principem laicum , & Pralatum Ecclesiasticum , non tamen æqualiter , quia Principem laicum non possit deponere sine justâ causa , & rationabili , alioquin privando nihil agit sed in Pralatis Ecclesia secus est ; quia non sunt Domini , sed procuratores , & superior administrator potest instituere & destituere inferiores administratores , & tenet quidquid facit licet ipse peccet . Quæ ut imperite ac falsò de Episcopis , ita inutiliter decernit de Regibus , cùm causa æquitas in Pontificis judicio sit posita , certumque remaneat ex illâ doctrinâ deponi posse Reges , quoties Pontifex Ecclesiæ id expedire judicaverit.

Quare bonum illud , quo supremæ potestates in temporalibus nulli nisi Deo obnoxiae vivunt , indirecta potestate omnino tollitur : quod tamen bonum tale est , ut eo sublatu nulla sit pax ; multoque sit præstabilius , pessimos etiam Principes tolerare , quam subdendo eos alteri potestati in temporalibus , legitimum Imperium in anarchiam vertere.

Valentia Tom. iij. adisp. j. qu. xij. punct. ij. p. 458. & seq. Cæterum quod asseritur de Principibus deponendis propter bonum animarum , idem longè magis in privatos valet : meritque Gregorius de Valentia , positis semel de indirecta potestate decretis , eodem jure cives omnium dominio privari posse dicit . Addunt etiam decimas , ac tributa imperari ab Ecclesiasticâ potestate , quando rei Ecclesiasticæ utile sit : quæ quidem si valeant , nihil jam prohibet , quominus Pontifex verè ut Rex Regum agnoscendi debeat.

Quod si cogitemus hujus doctrinæ autores , quam summum Pontificem extollant , quamque ab omni potestate etiam Concilii absolvant ; tum vero intelligemus , quale sit illud Imperium quod universum orbem , in temporalibus æque ac in spiritualibus , complectatur , & de omnibus Imperiis atque negotiis summâ & indeclinabili autoritate decernat.

Jam si respondeant supremo eo , per indirectam potestatem , judice constituto , tamen revocari posse in dubium in particularibus factis judicii æquitatem ; nihilo feciùs Imperia fluctuant , & quæ turbæ futuræ sint nemo non videt ; cùm ubi Regia nutat autoritas , extremum periculum , ipsumque , quo nihil exitiosius , anarchiæ malum , Reipublicæ immineat , aut potius adsit.



C A P U T I I I.

*Horrenda atque ipsis adversariis detestanda necessariò consequuntur;
à quibusdam admittuntur; nec nisi extirpatà radice resecantur:
HENRICI Borbonii Condæi Principis oratio ad LUDOVICUM
XIII.*

HORRET animus referre cætera quæ deindè consequantur. Hæc tamen exponere necesse habuit Ludovico XIII. augustæ memorię Christianissimo Regi, Ludovici Magni parenti, Henricus Borbonius Condæus, primus Regii sanguinis Princeps.

Is enim, cùm in solenni Ordinum Regni conventu anno 1615. de hâc quæstione magnis studiis ageretur, in ipso Regio Concilio, ac Rege præsente ita peroravit: *Haudquam est dubium, Rex, quin Papæ, ut supremo pastori a Christo constituto, tua Majestas eodem jure subfit, quo cæteri fideles etiam infirmæ fortis, ita ut eâ potestate abscondi ab Ecclesiæ membris, & excommunicari possis, siquidem id tua peccata mereantur: quâ quidem excommunicatione anima Satanae tradita, tu Rex, Ecclesiæ communione pulsus, Sacramentorum extorris, omni etiam Ecclesiæ limine arceare. Ceterum quod attinet ad temporalia, tibi haud securus à subditis populis obedientia ac tributa debentur, Christo, & Apostolis verbo & exemplo praeuentibus. Qui contrariantur sententiam, quamvis inimici Regiæ potestatis, non tamen eò usque acti sunt in rabiem, ut Reges cædi posse dicerent. At si rem penitus introspiciamus, facile intelligemus, nec tuam sacrosanctam personam à cæde tutam esse. Fac enim admonitum, excommunicatum, depositum esse te, jam Ludovicum XIII. quandiu Rex erat, non potuisse cædi certum; at postquam exrex factus est, alio legitimo Rege constituto, si spretâ Papæ spirituali, & novi Regis temporali potestate pro Rege se gerat, invaseror profecto, & ut talis, reus, neci addicitus, & ut publicus hostis à quocumque cædendus.*

Hæc in Regio confessu pro sui officii ac generis dignitate, primus Regii sanguinis Princeps, pari in sedem Apostolicam, ac Regiam majestatem observantiâ dixit. Constat enim apud omnes, eum, & sedis Apostolicæ studiosissimum fuisse, neque tantum animi perspicaciâ, verùm etiam doctrinâ commendatissimum. Quod autem Perronius Cardinalis respondebat, Reges etiam depositos à cæde esse tutos, quâdam habitudine ad Regiam dignitatem, quippè quam emendati recuperare possent; pace tanti viri, merum erat ludibrium. Fac enim ut ille depositus bella moveat, urbesque ac provincias magno Reipublicæ discrimine sollicitet, satis profecto constat à legitimo Rege quid privatus pati possit, quid perduellis debeat, nec enim efficere potest habitudo illa, ut non potior sit unius perduellis salute totius Reipublicæ salus, neque res obscura erat. Quanquam enim Perronius ab indirecte potestatis defensoribus nefariæ cædis invidiam omni arte amovebat, non tamen ita cæteri sentiebant. Gregorius enim de Valentia ponit hanc

Mercur.
Franc. tom.
iiij. an. 1615.
p. 331. &
seq.

Du Perr.
Harang. au
Tiers-Etat
œuv. diver.
pag. 639.

Valentia
loc. jam cit.

assertionem 2^{am}. Posse aliquem Pontificis auctoritate atque sententiâ dominio ac prælatione privari propter apostasiam , quam deinde probat his verbis : Probatur 1^o. & quidem irrefragabiliter , iisdem argumentis quibus questione precedenti probavimus posse hereticos , & apostatas à fide privari etiam vitâ , per Ecclesiæ autoritatem ; nam si vitâ possunt privari , multò magis aliis bonis , atque adeò prælatione in alios . Addit 2^{am} probationem ex Scripturæ loco , quo Athalia , quæ rerum in Judæâ potiebatur , jussu Pontificis Joiadæ , Regno & vitâ expoliata sit , non solum quia tyrannice occupaverat Regnum , sed ut apostasia ejus coerceretur .

Bellar. de R. P. lib. v. cap. viii. p. 893. Quod quidem argumentum eodem modo ipse Bellarminus urget : quâm falsò , & quâm repugnante Scripturâ , non est hîc dicendi locus . Becanus verò , hos secutus , libro , cui est titulus : *Controversia Anglicana* , (a) anno 1612. Moguntiæ edito , rem apertius explicat his verbis : *Joïada Pontifex prius privavit Athalian Regno , deinde vitâ . Itaque illam privavit Regno , ut Reginam , & publicam personam ; privavit autem vitâ ut privatam personam ; ac postea : Ex eodem sic ergo argumentor : quidquid potestatis ac jurisdictionis permisum fuit Pontifici in veteri Testamento , hoc etiam in novo permisum est.*

Rectè ille quidem , si concedamus id unde ista manant , deponi posse Reges . Neque enim Regi dignitate privato quidquam est reliquum , quo se à justo supplicio tueatur , si Regem suum , optimo jure constitutum , rebellis , factiosus & Majestatis reus bello adoriatur , ac pro Rege se gerens scindat Imperium ; cùm autem viderimus tot afferri causas cur Reges deponi possint , neque tantùm hæresim aut apostasiam , sed etiam alia scelera ; imò nullo scelere , solam necessitatem Ecclesiasticam . Quæ quidem si fateamur Pontificibus dari , satis intelligimus quâm vario in discrimine , non modò Regum autoritas , sed etiam vita versetur . Et eam quidem doctrinam horreūrunt omnes , Sedesque Apostolica imprimis detestata est , ac Becani librum Paulus V. eodem anno 1612. sub pœnâ anathematis prohibuit ; quod nonnulla falsa , temeraria , scandalosa , & seditiosa respectivè in eo reperta essent .

Hoc decreto nostri , Nuntiis Apostolicis id postulantibus , à Rege prohibiti sunt , ne parricidialeм doctrinam suis notis configerent , quod jam à summo Pontifice improbata , proscripta , & damnata esset . Cùm verò impiam omnibusque diris devovendam sententiam detestati sint Romani Pontifices , oramus & supplicamus , ut indirectam potestatem ex quâ hæc infanda profluunt , rejiciant , vel saltem à nobis rejici finant .

(a) *Controversia Anglicana*] Defendit eo libro Bellarminum Martinus Becanus Jesuita , adversus Jacobum I. Angliæ Regem , qui , edito opusculo cum hâc inscriptione : *tortura Torti* , conatus erat ea refellere , quæ Bellarminus , sub Torti Capellani sui nomine , nuper scriperat , contra apologiam illius juramentis fidelitatis , quo Angli Catholici adigebantur .



C A P U T I V.

*Sententia Gallorum; ex Censurâ S A N C T A R E L L I , quæ
integra refertur.*

J A M ut ostendamus de totâ eâ doctrinâ , quæ sententia Gallorum sit ,
non pigebit exscribere latam à Facultate nostrâ Censuram , in librum
ANTONII S A N C T A R E L L I 4. Aprilis 1626. sic autem habet.

CENSURA S A N C T A R E L L I .

„S I quis in nos fines sæculorum devenisse , ut loquitur Gentium Apostolus , fortè dubitet , postrema hæc tempora tantisper expendat , eaque cum prioribus componat. Is facilè deprehendet humani generis hostem , in utrâque politiâ & Ecclesiasticiâ & Civili , nihil intentatum reliquisse , quominus utramque non tam labefactare , quâm omnino pessum dare videtur. Ecclesiam Christi sponsam , quâ stylo quâ ferro confidere conati sunt impii illi , qui posuerunt in Cœlum os suum : politiam illam civilem aliâ viâ aggressi dementati homines. Cùm enim potestatem sæculi non sine causâ gladium portare viderent , libris nefandis , quasi per clançulares insidias , è medio tollendam existimârunt. Hos S. Judas epistolâ canonica , non aliâ notâ nobis dignoscendos proponit , quâm quia dominationem contemnunt & Majestatem blasphemant. Atque utinam de solo contemptu & maledicâ oratione ageretur ! Quin male feriati scriptores id genus , post testatis cujusdam in Ecclesiâ temporalis prætextu , Reges arbitrio & nutu Ecclesiastico , levissimis etiam de causis ac planè ridiculis , de folio deturbandos , aliosque vel annuos , vel etiam diarios , si ita libuerit , substituendos contendunt. Quod cùm in universâ civilis politiæ ac potissimum Gallicæ Monarchiæ , sub Christianissimo , clementissimo & justissimo Rege nostro Ludovico XIII. perniciem , eversionemque , meditatum confectumque videret Facultas Theologica Parisiensis , ut Majorum vestigiis in hærendo , suum erga pientissimum Regem nostrum , istudque præsertim Christianissimum Regnum , animum studiumque declararet , bonorumque omnium votis satifaceret , præ cæteris nuperum librum Antonii Sanctarelli Jesuite , de heresi , schismate , apostasia &c. à quibusdam selectis Doctribus examinandum censuit , in Congregatione generali extraordinariâ , decimâ sextâ Martii immediate præcedentis habitâ. Sed quoniam multa in eo pertractantur , quæ ad rem quâ de potissimum agitur , minimè spectarent , duo dumtaxat capita 30. & 31. Tractatûs de heresi excutienda se legit.

Itaque anno Domini 1626. die primâ Aprilis , post missam de S. Spiritu , habitis solenni more usitatis Comitiis in aulâ collegii Sorbonæ , audita est

Tomus I.

N

f. Cor. x.

Pf. lxxij.

9. Rom. xiiiij.

4. Jud. epist.

can. 8.

» relatio Magistrorum ab eâdem Facultate selectorum , qui exposuerunt in
 » duobus illis capitibus istas propositiones contineri : « Summum Pontificem
 posse pœnis temporalibus punire Reges & Principes , eosque deponere & suis regnis
 privare ob crimen hæresis ; eorumque subditos ab illorum obedientiâ liberare ,
 eamque semper in Ecclesiâ fuisse consuetudinem ; & propter alias causas , ut ,
 pro delictis : si expedit : si Principes sint negligentes : propter insufficientiam &
 inutilitatem suarum personarum . Item , Pontificem jus & potestatem in spiritua-
 lia simul & omnia temporalia ; & in eo esse de jure divino utramque potesta-
 tem , spiritualem & temporalem : credendum esse , Ecclesia summoque ejus pas-
 tori concessam esse facultatem puniendi pœnis temporalibus Principes transgres-
 sores legum divinarum & humanarum , præsertim si crimen fuerit hæresis . Di-
 xerunt etiam eundem Sanctarellum afferere , Apostolos fuisse subjectos Prin-
 cipibus secularibus de facto , non de jure ; quin etiam statim atque constituta est
 Pontificia Majestas , capisse omnes Principes esse illi subjectos . Denique retu-
 lerunt eum explicare verba Christi : QUODCUMQUE LIGAVERIS SUPER TER-
 RAM &c. non tantum de potestate spirituali , sed etiam de temporali . » Ipsum-
 » que Sancto Paulo imponere , verba illius , detractâ negatione , immutando ,
 » & multis autoribus ab ipso citatis . Alia etiam multa similia retulerunt ,
 » quæ sibi videbantur gravi Facultatis animadversione & censurâ dignissima .
 » Re itaque in deliberationem à Decano adductâ , auditis omnium & singu-
 lorum Magistrorum maturis deliberationibus , Facultaß improbavit & dam-
 » navit doctrinam his propositionibus & horum capitum corollariis conten-
 tam , tanquam novam , falsam , erroneam , Verbo Dei contrariam , Ponti-
 » ficiæ dignitati odium conciliantem , schismati occasionem præbentem , fu-
 » premæ Regum autoritati à Deo solo dependenti derogantem , Principum
 » infidelium & hæreticorum conversionem impedientem , pacis publicæ per-
 » turbativam , Regnorum , Statuum Rerumque publicarum eversivam , sub-
 » ditos ab obedientiâ & subjectione avocantem , & ad factiones , rebelliones ,
 » seditiones & Principum parricidia excitantem . Datum in Sorbonâ die 4.
 » Aprilis 1626.

C A P U T V . :

*Quædam in Sanctarelli doctrinam , atque in censuram notæ : ar-
 ticuli Facultatis toto Regno vulgati : Censura Malagulae.*

HIC tria considerari volumus : primum : Sanctarelli , de indirectâ po-
 testate in Regum depositione sententiam , ea omnia continere , quæ
 nos ab hujus sententiæ defensoribus doceri suprà retulimus : tum disertè
 reprobari eam sententiam , non modo tanquam novam , falsam , erroneam ,
 Verbo Dei contrariam , sed etiam tanquam ad factiones , rebelliones , sedicio-
 nes , ac Principum parricidia excitantem , quod verum esse claruit : denique
 per eam censuram à sacrâ Facultate consultum , non modo paci publicæ , ac
 Regum majestati , verùm etiam Pontificie dignitati , cùm & illi odia conci-
 liare dicitur hæc sententia , & schismati occasionem præbere .

Suis decretis hæsit sacra Facultas , dum articulos subsequentes per Dominum Harduinum de Perefixe Sorbonæ Provisorem , atque Archiepiscopum Parisiensem designatum ad Ludovicum Magnum deferendos conscripsit his verbis : primum : *Non esse doctrinam Facultatis , quod summus Pontifex aliquam in temporalia Regis Christianissimi autoritatem habeat , immo Facultatem semper obstatisse iis qui indirectam tantummodo esse illam autoritatem voluerunt.* Secundum : *Esse doctrinam Facultatis ejusdem , quod Rex Christianissimus nullum omnino agnoscit , nec habet in temporalibus superiorum præter Deum : eam suam esse antiquam doctrinam , à quâ nunquam recessura est.* Tertium : *Doctrinam Facultatis esse quod subditi fidem & obedientiam Regi Christianissimo ita debent , ut ab iis nullo pretextu dispensari possint.*

Quos articulos totâ Galliâ promulgatos magno consensu ubique fuisse receptos vidimus ; ut dubium non sit quin hæc sententia , non jam Facultatis sit , sed totius Ecclesiæ Gallicanæ.

Quare digni laude sunt Gallicani Patres , qui communem Ecclesiæ Gallicanæ sententiam , suâ Declaratione firmârunt.

Et quidem in eâ Declaratione ab omni censurâ temperare placuit. Interim quod verba ipsa præ se ferunt , cum censurâ Sanctarelli summâ conveniunt , verbis licet mitioribus ; Episcopali autoritate ac moderatione dignum esse arbitrii , nullâ cujusquam offensione , *veritatis depositum custodire.*

Postea cùm quidam Malagula Dominicanus Italus , sacræ Facultatis Baccalaureus , contra matris suæ solenni juramento suscepta decreta , Pontificiam in temporalia potestatem fraudulenter affirmâisset , vir temerarius Facultate pulsus est , confixaque propositio iisdem notis quibus inustus fuerat Sanctarellus ; ac ne quis in similem errorem impingeret , Sanctarelli , magnâ totius ordinis confessione , repetita ac promulgata censura fuit , ex quibus satis demonstratur Gallorum sententia. Plura & antiquiora suo loco referemus.

C A P U T V I .

*Hujus sententiae novitas in Sanctarello notata à sacrâ Facultate :
Scripturæ silentium : autoris Anonymi qui scripsit de
libertatibus in Scripturæ locos glossæ.*

QUI Sanctarelli censuram accuratè legerint , facilè observârunt primam notam ejus inustam doctrinæ , ac cæterarum omnium veluti caput , ac fontem fuisse , quod ea doctrina nova esset : atque hinc statim sequi quod secundo loco est positum , falsam eam esse : quod in Ecclesiâ Catholîcâ semper antiqua sit veritas , prævaleatque illud à Vincentio Lirinensi , & ab omnibus orthodoxis celebratum : *quod ubique , quod semper.* Nunc de eâ novitate aliquid delibare animus est.

Ac primum quidem viri Theologi mirabuntur hujus potestatis , quâ Regna mutantur , neque tantum Reges , sed etiam familiae Regiæ , alia exturben- tur , aliæ erigantur , unde consequatur rerum humanarum tanta conversio ; hujus , inquam , potestatis (cùm eam adversarii ordinariam in Ecclesiâ ip-

Vinc. Lit.
Comm. j.
capit. i iij.
Tom. viij.
Bibl. S S.
Pat. p. 250.

siusque Ecclesiasticæ potestatis necessariam appendicem, esse velint) nullam tamen in Scripturâ vel minimam fieri mentionem; neque tantum de deponendis Regibus, verùm etiam de adimendis cuique, etiam infimo, bonis temporalibus nihil usquam à Christo, nihil ab Apostolis fuisse proditum: imò verò de Regibus id unum esse præceptum; ut iis etiam impiis, veræque religioni adversantibus, ipsâ tamen religione, & conscientiâ ducti Christiani omnes, veram & sinceram obedientiam exhiberent.

Nam quod Bellarminus aliique pañim inculcant, tametsi Christus, & Apostoli de potestate indirectâ nihil tradiderint, tamen eam consequi ex spirituali clavium potestate quam explicuerant: id quidem suo, si Deus dederit, excūtiemus loco. Interim satis admirari non possumus, hujus consecutionis, quæ tanta sit, tantisque difficultatibus obnoxia, tam altum ubique esse silentium, neque uspiam commonitos esse, aut pastores Ecclesiarum, quid in temporalibus, quid in ipsis Reges possint, aut etiam Reges cæterosque fideles, quid pastoribus in eâ re debeant.

Quod autem commemorant Principes Christianos Ecclesiæ subditos per baptismum, in Ecclesiæ potestate ita esse debere, ut ad ejus imperia etiam imperare cessent, si id è re esse ipsa Ecclesia judicet; iterùm admiramur arcanum illud baptismi, tot ejus ministeriis ac dotibus revelatis, nullâ Scripturæ parte fuisse proditum. Ibi sanè docemur baptizari nos subjicique Ecclesiæ, ut Regnum Cœlorum consequamur, non ut terrena Imperia moderemur; quare baptizari vel non baptizari, ad Imperia quidem terrena nihil attinet.

At enim Cœlorum Regno terrena Imperia servire oportet; certè: & ita quidem oportet, ut qui cœlesti Regno Reges non serviant, ab eo Regno exclusi, semipiternis suppliciis addicantur: id Scriptura clarè & sèpè. Quòd autem propterea per sacerdotale Imperium terreno mulctentur Imperio; ne semel quidem innuit.

De liber.
Eccl. Gall.
lib. iv. cap.
ij. n. 2.
Matthæus.
xxvij. 18.
19.
Joan. xvij.
56.

Autor anonymous qui *de libertatibus Ecclesiæ Gallicanaæ* scripsit, miram glossam edidit in illa Christi verba: *Data est mihi omnis potestas in Cœlo & in terrâ: euntes ergo docete omnes gentes &c.* & ille quidem docet, ubi Christus ait: *Regnum meum non est de hoc mundo*, ad Pilati mentem locutum esse, ne Pilatus Christum bella gesturum, aut Regum vulgarium more imperaturum crederet: tum hæc subdit Anonymus: *At vero cum Apostolis officium imponeret docendi & baptizandi, ne dubitarent collatam cum officio plenam autoritatem quacumque ad spirituale regimen necessaria essent præstandi, non solum in Cœlo, sed & in terrâ datam sibi omnem sine exceptione potestatem asseruit.* *Ex primis enim verbis, DATA EST MIHI OMNIS POTESTAS IN CœLO, ET IN TERRA,* quasi concludendo insert, *EUNTES ERGO &c.* quia potestas Ecclesiastica, directè, ac præcipue circa spiritualia versatur; circa temporalia autem non nisi quatenus spiritualia requirunt. Hæc à Christo prætermissa, ac nullibi expressa, ejus verbis assunt. Et Christus quidem asserit omnimodam sibi in Cœlo & in terrâ concessam potestatem; tūm disertè explicat, quam partem potestatis ejus assignet Apostolis, nempè ut doceant, doctrinæque consecutanea alibi expressa præstent: quibus quidem verbis Apostoli intelligent quam ipsi ab eo qui omnia possit, habeant potestatem. At An-

nymus eò inflectit, ut & ipsi quoque cum Christo possint omnia etiam in temporalibus: tanquam eum, cui Rex dixerit, ego tibi supremâ, quâ in omnibus civilibus rebus polleo, potestate impero, ut exercitus ducas, aut inter cives judices, omnia posse oporteat, quæcumque Rex possit, non autem debeat se restringere ad ea quæ Rex imperaverit.

Ejusdem generis est, quod in hæc Christi, Apostolique verba: *Reddite quæ sunt Casaris Casari: & omnis anima potestatibus sublimioribus subdita sit:* id commentum assuit, ut autore Pontifice, tyrannidi se subtrahere possint, nisi aliunde mala graviora timeantur: tanquam hæc dicta sint, non ut omnimodè Respublica tuta sit, sed ut rebellandi tuta capteretur occasio. Quæ quâm aliena sint ab Evangelii spiritu omittimus: cur à Christo, & Apostolis tanto studio prætermissa sint, quærimus.

Jam quod ad illam potestatem Principes deponentem, ab excommunicandi potestate suspendunt, neque ipsi in eo sibi constant: utque hæc, & alia suo loco memoranda omittamus, iterum atque iterum quærimus, cur tandem existimet talēm excommunicationis effectum tanto studio in Scripturâ prætermissum fuisse; quod quidem eò diligentius vulgari oportebat, quò erat ab omni rerum humanarum usu remotius.

C A P U T V I I.

Primus Regum deponendorum autor GREGORIUS VII. undecimo exeunte saeculo: Orbis universus eà novitate commotus: explicatum obiter, quo sensu negarent, excommunicari posse Reges.

AT enim quod Scriptura silentio prætermisit de potestate indirectâ annexâ clavibus, fortè traditio explicavit. Ne id quidem: imò undecim ferè saeculis, cùm tot Reges nefarii, infideles, hæretici, apostatae, persecutores fuerint, de iis amovendis, aut de excutiendo Imperii jugo, nec cogitatum unquam fuit; ac nequidem de laicis quibusvis, per Ecclesiasticam potestatem ullâ rei suæ parte multandis.

Primus omnium quotquot extiterunt Gregorius VII. exeunte undecimo saeculo, anno scilicet ab Incarnatione Domini 1076. (quæ nota temporis Concilio III. Romano præfixa est,) in eo Concilio de Henrico IV. Teutonum & Italiam Rege ita pronuntiavit, *ex ipsa ut quidem præferebat, ligandi ac solvendi potestate à Dō tradita: ego Regnum contradico, absolvō subditos, ne ut Regi serviant interdico.* Cujus quidem formulæ nullum anteactis tot saeculis exemplum proferunt.

Imò cùm passim legantur veteres, aut divina judicia, aut Ecclesiasticas penas etiam Regibus intentâsse, is primus omnium hæc addebat, Legatis quidem suis: *Vos ei, si oportet, nostrâ vice resistite, & totius Regni gubernacula contradicendo, tam illum quām omnes sibi consentientes, à participatione corporis & sanguinis Christi separate.* Aliis etiam: *Aut Rex ipse repudiato turpi simoniaca hæresis mercimonio, idoneas personas, ad sacrum regimen promoveri permittebat, aut Franci pro certo, nisi fidem Christianam iiiij*

Anon. ib.
n. 6.
Matt. xxij.
21.
Rom. xij.
1.

Conc. Ro-
man. iij.
Tom. x. Cō-
cil. p. 356.

Greg. VII.
lib. iv. epist.
xxij. &
xxiv.

* Philip. I.
Ibid. lib. j.
epist. xxv.

102 DEFENSIO DECLARATIONIS

Ibid. lib. ij.
ep. v.

Conc. Ro-
man. iij.
loc. tit.

Oth. Fris.
lib. vj. Hist.
cap. xxxij.
xxxv.

Id. de gest.
Frider. I. c.
j. p. 407.

Id. lib. vj.
Hist. cap.
xxv.

Freh. pag.
163.

Gloss. in
illud Matt.
Ne forte col.
uzan.

S. Thom.
Sup. quast.
xxij. art. v.
Sed contra.

Oth. loc.
cit.

Ibid. lib.
iv. c. xvij.

nam abjecere maluerint generalis anathematis mucrone percussi, illi ulterius obtemperare recusabunt. Atque iterum aliis de causis ad Episcopos scribens: Quod si nec hujusmodi distinctione voluerit respicere, nulli clam, aut dubium esse volumus, quin modis omnibus Regnum Francie de ejus occupatione, adjuvante Deo, tentemus eripere. Ostendant vel unum ante Romanum Pontificem ab obsequio legitimi Principis cujuscumque Episcopos retrahentem, aut adversus Regna legitima talia molientem. At in Galliae Regnum suâ stabilitate valentius, minas adhibuit tantum: Germaniam nactus, civilibus disfidiis laborantem, (pridem enim Saxones in Henricum rebellaverant, magnisque se animis ac viribus sustentabant) apertè dixit; Absolvo, interdico Regnum, contradico.

Itaque id contigit quod solet rebus novis, atque inauditis; nempe ad rei novitatem obstuere omnes. Testis Otho Episcopus Frisingensis (*b*) XII. Sæculi autor nobilis, doctrinâ, virtutibus ac genere clarus; ad hæc Historicus candidissimus, & Gregorii VII. laudator eximus; Sedi verò Apostolicæ sic addicetus, ut Romanos Pontifices, propemodùm impeccabiles faceret. Is enim de Henrico deposito hæc scribit: *Cuius rei novitatem eò vehementius indignatione motum suscepit Imperium, quo nūquam ante hæc tempora hujusmodi sententiam in Principem Romanorum promulgatam noverat.*

Quin ipse etiam Otho, quantum èa novitate moveretur, his verbis testatur: *Lego & relego Romanorum Regum, & Imperatorum gesta, & nūquam invenio quemquam ante hunc, (Henricum IV.) à Romano Pontifice excommunicatum, vel Regno privatum.*

Ac ne quis existimet eum & alios fuisse nimios & apertè falsos, qui etiam de excommunicandi potestate dubitarent, diligentissimè observandum infigidendumque memoria est, quam excommunicationem ab Imperatoribus Regibusque amovendam intelligerent. Ea quippè erat, quæ vinculum omnne humanæ etiam ac civilis societatis incideret: *Quâ separantur Principes ac milites ab Imperatoris sui consortio simul, & obsequio. Sic enim disertè expônitur in apologiâ Henrici, quæ est apud Freherum. Quo etiam sensu in Glossâ ordinariâ & apud Sanctum Thomam legitur, quod Princeps & multitudo non est excommunicanda. En igitur in quo quæstionem reponerent. Reges in spiritualibus clavium potestati subjici non negabant.*

Ipse Otho Frisingensis memorat Philippum ad breve tempus à Romano Episcopo inter pœnitentes collocatum, & Theodosium à Sancto Ambroſio, propter cruentam cædem, à liminibus Ecclesiæ sequestratum, ac de Theodosio scribit sic: *Hic est Theodosius, qui ab Ambroſio Ecclesiæ liminibus arcetur, quod ipse humiliiter ferens, tamdiu à communione se abstinuit, donec lacrymis ac bonis operibus, pœnitentiâ peractâ, à prefato Pontifice reconciliatur. Quibus profecto docet, nisi resipiceret, ac veniam impetraret, ab omni limine Ecclesiæ in perpetuum fuisse prohibendum.*

(*b*) *Otho Episcopus Frisingensis*] Sancti Leodulphi Marchionis Austricæ & Agnetis, filiæ Henrici IV. Imperatoris, filius, potentissimorumque Germanicæ Principum consanguineus, genere clarus est, pierate clarior, & mirâ morum urbanitate; atque, ut ea erant tempora, plurimâ doctrinâ. Vid. Oth. Fris. Chron.

Idem Otho de Lothario (*c*) Rege juniore, Lotharii Imperatoris filio in celebri negotio Thietbergæ & Waldradæ hæc habet: *Vérum Lotharius post crebras admonitiones, post violatum Sacramentum, à summo Pontifice, coiunctione privatur, ex quâ causa tam ipsi quam toti Regno critur gravissimum discri men.*

Id. lib. vij.
cap. iii. pag.
120.

Novitas ergò quâ omnes, atque ipse etiam Frisingensis Otho perculsi sunt, in eo erat, quod excommunicationem eam Gregorius tulerit, quæ födere omni humanæ societatis abrupto, ad Regni privationem se extenderet. Ea est novitas ad quam Orbis obstupuit, totoque elapsō saeculo, post tot scriptiones, viri docti gravesque eā movebantur.

Quominus mirum est, ipso Gregorii & Henrici ævo, cùm peracta res est, ingentes tumultus motusque extitisse; tantaque omnino erat rei novitas, ut illi etiam, qui Gregorio VII. erant addic̄tissimi, ab ipso Pontifice hujus rei exemplum quærere cogerentur. Certè Herimannus Metensis Episcopus is erat, qui ut Baronii verbis utar, *præ cæteris ultra montes positis Episcopis, semper adversus schismaticos pro Sede Apostolicâ stetit defensor acer rimus, & imperterritus.* Atque is tamen anno 1076, statim atque prolatum est Gregorii VII. decretum, rei novitate turbatus, ab ipso Gregorio quærerat, quid illis respondendum esset, qui dicerent: *Autoritatem Apostolica Sedis non potuisse Regem Henricum excommunicare, nec quemquam à Sacramento fidelitatis ejus absolvere: excommunicare, eā quidem excommunicatione, quæ vinculum omne civilis etiam societatis abrumperet; quo sensu quæstionem institutam fuisse vidimus.* Hujus ergò rei exempla & documenta à Gregorio VII. quærebantur.

Bat. Tom.
xjan. 1081.
p. 558.

Is, postquam ad illam quæstionem respondit amplissimis atque accuratis literis, non tamen Herimanni animus conquievit; sed rursus anno 1081. quinque post annos scilicet, ab eodem Gregorio de integrō cœpit quærere de Regum depositione quid respondendum esset; adeò res nova & ambigua videbatur.

Ep. Greg.
VII. lib. iv.
ep. ij.

Huic consultationi respondet Gregorius longè adhuc copiosius, quam ante fecerat. Quàm autem Herimannus hæc anxiè quæreret ejusdem testantur datae eādem de re ad S. Gebhardum Juvanensem, seu Salisburgensem Episcopum literæ. Habemus autem Sancti Gebhardi ad eas Herimanni literas responsum, quod sic incipit: *Mandavit jam secundò charitas tua mihi, meisque in persecutione sociis, indicare tua paternitati, quid in hac Ecclesia dissensione tenendum sentiendumque censeamus.* Quantis ergò difficultatibus, eā in re laboraret, ostendit, qui beatum Gebhardum ejusque socios, iterum atque iterum, ipsumque Gregorium, imò jam accepto amplissimo responso, secundò consulit.

Id.lib.viii.
epist. xxj.

Gebh. ep.
ad Herim.
in lib. cui
titul. Vetera
mon. Cont.
schis. Ingol.
1612.

(*c*) *De Lothario*] Is erat Lotharingiæ Rex, qui dimissa uxore, duxit Waldradam. Hoc crimen seges fuit calamitatum earum, quibus, quandiu vixit, iactatus ille est. Varios Lotharii casus vid. ap. Mez. & alios Hist.

CAPUT VIII.

Quæ GREGORIUS VII. hujus rei exempla & documenta protulit, rei novitatem probant.

JAM operæ pretium erit inspicere propius, quæ Gregorius VII. ab Hermanno Metensi interrogatus, exempla, quæ Scripturæ ac Patrum documenta protulerit; ita enim facile intelligemus quâ Scripturæ autoritate, quâ Patrum traditione nitatur.

Exempla omnino quatuor ex omni antiquitate protulit: primum, quod Theodosius Magnus à sancto Ambrosio: alterum, quod Arcadius, pulso S. Joanne Chrysostomo, à Sancto Innocentio Papâ fuit excommunicatus; quâ de re infra videbimus. Interim hæc exempla duo ad excommunicationem quidem, non ad depositionem valent. Satis enim constat, neque Theodosium Magnum, neque Arcadium fuisse depositos; neque id quisquam cogitabat. Quare exempla hæc duo adeò nihil proderant Gregorio Henricum depónenti, ut potius nocerent.

Greg. Mag. lib. xiiij. indict. vi. ep. viij. al. lib. xij. ep. x.
At duo alia protulit: primum exeuntis VI. sæculi in Gregorii Magni epistola ad Sénatorem: *Si quis, inquit, Regum, Sacerdotum, Judicum, Personarumque secularium, hanc constitutionis nostræ paginam (de privilegio Xenodochii Augustodunensis) agnoscens, contra eam venire tentaverit, potestatis, honorisque sui dignitate careat:* Alterum VIII. sæculi, de S. Zachariâ Papâ Childericum depónente, ac substituente Pipinum. Sic è duobus exemplis, quæ Gregorius protulit, unum tantum est, nempe Zachariæ, quod executionem sonet, alterum minas tantum continet, nullo unquam exemplo aut effectu consecuto.

Verum antequam ista duo, quis tota causa nititur, suo loco diligentius expónantur, rogo bonâ fide, quem sanâ ac modestâ mente præditum non pudeat, afferere, ob unius Monasterii violata privilegia, juridico ordine deponi posse Regem, ac totam Rempublicam conturbari? Quare, vel hæc falsa ac subdititia esse constat, quod multi contendunt, vel aliò pertinere, quam quod referuntur.

Bar. Tom. xij. p. 685. sub hoc titul. Execrationes apponi solita ab uno quoque.
Nempè aliud est minari, seu potius imprecari, ut à malo deterreas; quod illis temporibus etiam laici in excommunicationis formam, teste Baronio, faciebant; aliud jüridicam ferre sententiam, cuius rei exemplum à Gregorio VII. quærebatur. Jam de Childerico, quem à Zachariâ verè esse depositum Gregorius VII. memorat, ut nunc alia omittamus, ne ipsa quidem glossa id patitur, quæ Gregorii V I I. verbis commemoratis, Capit.

Caus. xv. q. vi. cap. iii. Alius.
Alius, ad verbum, *depositus*, hanc adhibet notam: *Dicitur depositisse, qui deponentibus consensit.*

Atque hæc dicimus, non quod uno exemplo VIII. sæculi, superioribus sæculis insuper habitis, stare possit tanta res; sed ut demonstremus Gregorio VII. omni studio quærenti, ne unum quidem exemplum ex anteactis temporibus suppetere potuisse,

Autoritatem

Autoritatem verò Scripturæ passim affert eam, ubi Paulus dicit: *Nescitis quia Angelos judicabimus? Quanto magis sacerdicia?* Quæ quād ad rem pertineat suo loco exponemus; & nobis tacentibus nemo non videt, quād parūm ad legitima judicia spectent, quæ de arbitris sponte eligendis Apostolius memorat.

At Gregorius VII. ex omni antiquitate locum profert unum apocryphæ, falsaque scripturæ de ordinatione Clementis. * Quo ex loco Gregorius hæc verba describit: *Si quis amicus fuerit iis, quibus ipse (Clemens scilicet) non loquitur, unus est & ipse ex illis qui exterminare Ecclesiam Dei volunt.* Quem quidem locum, magno Petri prolatum nomine, si verâ etiam autoritate polleret, non tamen ad necessariam obedientiam, sed ad amicitias cum schismatis dissolvendas pertinere, ipsa res loquitur; talisque omnino est is locus, ut jam eum allegare pudeat adversarios. Hoc uno testimonio, hâc traditione Gregorii VII. de deponendis Regibus doctrina nititur.

Profert etiam Julii I. falsam epistolam ad Orientales Episcopos, de primatu Petri, deque èâ potestate, quâ Cœlos aperit & claudit; quam profectò potestatem nemo negat. Quòd autem infert: *Cui ergò aperiendi claudendique Cœli data potestas est, de terrâ judicare non licet?* Item quod concludit sic: *Porrò Exorcista super Dæmones à Deo imperium habent, quanto igitur magis super eos qui Dæmonibus subiecti & membra sunt Dæmonum? Si ergò his tantum præminent Exorcista, quanto magis Sacerdotes?* Hæc, inquam, quis jam Theologorum vel confutatione digna arbitretur?

Hæc Gregorius bis interrogatus ab Herimanno, protulit. Hæc eum impulerunt, ut Reges deponi à se posse consideret. Jam cogitent omnes, an non pudeat inter Ecclesiastica dogmata recensere, quæ non aliis fulta præfidis, primùm in lucem prodierunt.

Est enim alia ratio quâ Gregorius VII. juramentum fidelitatis à Sede Apostolicâ solvi posse confirmat: *Quod etiam, inquit, ex frequenti autoritate saxe agit Sancta Ecclesia, cùm milites absolvit à vinculo juramenti, quod factum est his Episcopis, qui Apostolicâ autoritate à Pontificali gradu deponuntur.* Tanquam juramentum illud Episcopo, ut Episcopo factum, non statim abeat, sine dispensatione ullâ, cùm is Episcopus esse desit.

Non aliis tamen fultus argumentis Gregorius VII. in Concilio Romano IV. confidenter id dicit: *Sanctorum prædecessorum nostrorum statuta tenentes, eos qui excommunicatis fidelitate aut Sacramento constricti sunt, Apostolicâ autoritate à Sacramento absolvimus, & ne sibi fidelitatem observent, omnibus modis prohibemus.* Cùm tamen prædecessorum suorum aliorumque Sanctorum statuta nulla, autoritatem nullam, nulla exempla protulerit, nisi Episcoporum qui depositi fuerint, ut suprà vidimus, vanaque & apocrypha, & nulla collegirerit, postquam bis interrogatus, ea, quæ suæ cauæ faverent, operosissimè conquisivit.

Greg. VII.
lib. viij. ep.
xxj.
I. Cor. vj.
3.

Greg. ibid.
* Hanc
epistol. ad
S. Jacobum
vid.ap. Co-
tel. p. 540.

Greg. lib.
v.ij. ep. xxj.
vid. epistol.
Jul. j. ep. ij.
ad Orienta-
les. Tom. jj.
Conc. pag.
484.

Greg. loc.
jam cit.

Conc. Rō.
iv. Tom. x.
Conc. pag.
370.

C A P U T I X.

*De Gregorii Decretorum autoritate in Ecclesiâ dubitatum,
neque ipse sibi constituit.*

QUARE mirum non est, si post vias lectasque Gregorii VII. epistolas, totoque emenso saeculo Otho Frisingensis habebat adhuc, & exempla querebat; cum ipse Gregorius nihil satis firmum aut idoneum protulisset. Extat apud Canisium Sancti Gebhardi Juvanensis vita, ejus vero scripta, per eum virum qui Gregorium VII. alterum Heliam appellat, cuius tamen haec verba sunt: *Hoc novum, sive rarum in Reges anathema, utrum ex venditione Episcopatum, & Abbatiarum, an ex alia infamia causas sumpserit, penes eorum consciens sit, & judices: nobis sententia pastoris timenda est, sive justa, sive injusta.* Hic profecto videmus de ipsa sententiâ, justane an injusta sit, quam trepidè loquatur vir Gregorio VII. addictissimus. Neque Gregorii epistolæ imbibitam animis novitatis opinionem exemerant, quam additâ raritatis voce mollirent.

Multos hinc prætermittimus æquè habentes, suo loco memorandos. Neque vero tantum cæteri dubitabant, sed ipse Gregorius, quantumcumque esset propositi tenax, hinc ut in re inauditâ & intentatâ hactenus, satis sibi constare non potuit. Ecce enim anno 1076. in Concilio Romano Henricum simul à Regno depositum, & anathematice percussum; quâ sententiâ animati perduelles, atque inde secutæ calamitates, effecerunt ut anno 1077. Rex Canossam profectus à Papâ veniam peteret, tristi omnino ac lamentabili cultu, rituque. Quid autem hinc gestum sit, exponit ipse Pontifex in secundâ sententiâ adversus Henricum latâ anno 1080. *Confusus & humiliatus (post primam sententiam scilicet) ad me in Longobardiam veniens, absolutionem ab excommunicatione quæsivit; quem ego videns humiliatum... solam ei communionem reddidi; non tamen in Regno, à quo eum in Romanâ Synodo (tertiâ scilicet) deposueram, instauravi, nec fidelitatem omnium, quam sibi juraverant, vel erant juraturi, à quâ omnes absolvi, in eâdem Synodo, ut sibi servaretur, præcepî.* Sic teste Gregorio anno 1077. Henricus communioni, non tamen Regno redditus, manebat depositus. Quâ in re Gregorium non sibi constitisse duobus argumentis facile omnes intelligent.

Primum quod ipse, qui que eum sequebantur, eo nituntur maximè, quod excommunicatus, quicum nec licet colloqui, Regnare non possit, ab omni vinculo humanæ societatis abstractus. Atqui Gregorius anno 1077. communionem Henrico reddiderat; ergo depositio excommunicatione nixa stare non potuit. Neque responderi potest, jam alium Regem fuisse substitutum, cui Regnum adimi ritè electo non posset: hoc enim rebus istis non congruit, ut sequentia docebunt.

Secundum ergo argumentum ex rebus postea gestis exoritur; nam solutione semel excommunicatione, ac rebus confirmatis, Henricus communioni

Canis. an-
tig. lect. Tō.
v). p. 1274.

Sup. cap.
vij.

Conc. Rō.
vij. sub Gre-
gor. VII.
Tō. x. Cōc.
p. 383.

redditus, consueto more Regiam potestatem exercuit. At Saxones, aliqui earumdem partium cùm eum anno 1076. ut quidem arbitrabantur, rite depositum, non aliud quàm ex regem appellarent, anno 1077. Rodulphum Suevum Regem elegerunt.

Hist. Sa-
xon. bell ad
an. 1077.
Freh. pag.
134.

Hic Gregorius mirum in modum æstuare cœpit. Et Saxones quidem electum à se Rodulphum, Legato Apostolico non modò præsente, sed etiam approbante, afferunt; Gregorius nullo suo consilio id factum etiam juramento firmavit: nos jurato Pontifici de ipso credimus; de Legato, vii. Saxonibus, rem uti publicam, affirmantibus, fidem negare vix possumus.

Ibid. ad
an. 1077.
1078.
Conc. Rō.

Utcumque est, siquidem Pontifex procul omni dubio eâ se potestate præditum sentiebat, ut Henricum Imperio exueret, illum pro deposito habere debuit, quoad Imperium reddidisset, quòdque magis nitebatur Regnare depositus, eò magis necesse erat à Pontifice prohiberi.

Hoc fateamur necesse est à Gregorio VII. si ipse sibi constaret, reique bene gestæ sibi esset conscius, agi debuisse. Quid autem egerit sic scribit Historicus: *Domnus Apostolicus Apostolici vigoris oblitus, multum est à priore sententiâ mutatus. Nam qui prius Henricum cum omnibus adjutoribus Apostolicâ severitate excommunicaverat, eique Regnandi potestatem potenter interdixerat, & omnes qui ei fidelitatem jurassent absolverat, & electionem novi Regis consensu suo confirmaverat, nunc per literas mandavit ut Consilio factō, Rex uterque audiatur, & quem justitia Regnare permiserit, altero deposito, tutus in Regno confirmetur.* Exemplum literarum Gregorii subdit, in quibus Henricus & Rodulphus æquè Reges appellantur, sedetque Pontifex medius, qui inter utrumque quis potiori titulo Regnet, ipsis potentibus æquo jure disceptet. *Desideramus enim, inquit, cum Consilio Clericorum & Laicorum ejusdem Regni causam inter eos, Deo favente, discutere, & cuius parti magis ad Regni gubernacula justitia faveat demonstrare.*

Hist. Sa-
xon. ad an.
1078. Freh.
p. 138.

Eadem iterat sæpè, atque etiam in Concilio IV. Romano anno 1078. & variis epistolis. At si Henricus, quem deposuerat, neque restituerat, verè certòque erat depositus, non erat inquirendum, an meliori jure regnaret, qui jure omni privatus, vi Regnum retineret; sed Gregorius tantâ re attonitus, ejusque novitate vel ipse turbatus, neque minus eventûs, quàm sui dubius, nihil certi consilii sequebatur. Quæ profectò sufficiunt, ut videamus Gregorium VII. Regum depositorem confidentissimum licet, in tantâ re decernendâ præcipitem, in exequendâ trepidum & cunctabundum, ad extremum illud atque intentatum hactenus, impetu potius quàm certâ ratione, atque consilio descendisse; neque teneri nos ad id decretum tuendum, de quo ipse decreti autor ambigeret,

Greg. VII.
lib. iv. ep.
xxij. xxiv.

Id. lib. v.
ep. xv. lib.
vj. ep.j. &c.



C A P U T X.

GREGORIUS VII. *nimia & nova sectatur: initia Regiae potestatis superbiae ac diabolo assignat, repugnante Scripturâ; neque tantum Patrum, sed totius humani generis traditione.*

MIHI verò hæc omnia animo revolventi, id unum occurrit, nempe Gregorium VII. servido ingenio præditum, cùm tam malos Principes, quos ea artas tulerat, agrè pateretur; neque Ecclesiasticis pœnis jamic satis commoveri cerneret terrenis rebus addictos, eò devenisse, ut aliis pœnis exterrefaceret, atque adeò de Imperio ipsis adimendo cogitasse, omnia nova & insolita sedi Apostolicæ vindicare nil quidquam metuentem.

Hinc illa exiterunt magnifica in speciem, sed ipsa re vana, certè hac tenus inaudita, quæ in Concilio Romano protulit. Postquam enim Regnum iterato decreto sublatum ab Henrico, in Rodulphum Suevum vice Apostolorum transtulit, hæc deindè depromit, ad ipsos Apostolos fermone converso: *Agite, nunc, quoſo, Patres & Principes Sanctissimi, ut omnis mundus intelligat & cognoscat, quia si potestis in Cælo ligare & solvere, potestis in terrâ Imperia, Regna, Principatus, Ducatus, Marchias, Comitatus & omnium hominum possessiones tollere unicuique & concedere. Vos enim, Patriarchatus, Primatus, Archiepiscopatus, Episcopatus frequenter tulistis, pravis & indignis, & religiosis viris dedistis. Addiscant nunc Reges & omnes facili Principes, quanti vos estis, quid potestis, & timeant parvi pendere iussionem Ecclesiæ vestre. Sic Petri & Pauli nomine terrena omnia longo ordine recensita ad suæ, & Ecclesiæ suæ Imperia revocabat; notus enim stylus antiquissimus, & Gregorio VII. utique frequentatus, Pontificum Romanorum tribuentium Petro & Paulo quod eorum successores sive vicarii, ut tunc ferè loquebantur, eorum autoritate ac vice agerent. Et quidem eo jure & canonico ordine Petrus & Paulus pridem Ecclesiasticas dignitates auferebant & dabant; sed hæc vetera & obsoleta erant. Novum aliquid perterrefaciendis Regibus ac populis ille cogitabat, atque humana omnia suo subdebat Imperio.*

**Greg. II.
ep.ij. Tom.
vij. Concil.
P 8.7.**

At non ille, quem suo loco laudabimus, Gregorius ordine II. pietate doctrinâ, fortitudine, nulli non comparandus; non; inquam, ita ille loquebatur, qui aperte scribit ad Leonem Isaurum: *Pontifex potestatem non habet Regias dignitates deferendi, quas nunc alter iste Gregorius propriis nominibus appellatas dare & adimere aggreditur.*

Neque verò hæc dicentes, Gregorii VII. pietati obloquimur; imò ejus commendatam Martyrologio Romano laudamus memoriam, & bono animo egisse omnia, quibusvis petentibus haud inviti largiemur. Neque, quod passim objiciunt, schismaticorum sectamur calumnias; sed quæ ipse scriperit, simplici animo referimus. Neque his oblitterari volumus, quæ pro Ecclesiastica disciplinâ magna ac præclara gessit, ac ne miracula quidem, quæ à quibusdam Autoribus ipsi tribuuntur. Sed in Sanctis viris non om-

nia imitanda. Docti, legibus non exemplis regi nos petimus, neque coarc-tari ad ea, quæ Romanæ Ecclesiæ numquam adoptavit fides.

Omnino Gregorium admiramus magno & erecto animo insurgentem in Reges simoniacos & scelerum defensores; sed interim dolemus eum inci-tato semel animo ad extrema & nimia devenisse. Spiritualem potestatem longo intervallo temporali anteponit, & hoc ex Majorum scitis; istud ve-rò non ex Patrum sententiâ, quod addit: *Sed foris putant quod Regia dignitas Episcopalem præcellat. Ex eorum principiis colligere possunt, quantum à se utraque differunt: illam quidem superbia humana reperit, hanc divina pietas instituit: & alibi explicatius: Itane dignitas à secularibus inventa, non subiectetur ei dignitari, quam omnipotens Dei providentia ad honorem suum in-venit?.... Quis nesciat Reges & Duces ab iis habuisse principium qui Deum ignorantes, superbiâ, rapinis, perfidiâ, homicidiis, postremo universis penè sceleribus mundi Principe, Diabolo videlicet, agitante, super pares licet homines dominari, cœcâ cupiditate & intolerabili præsumptione affectaverunt? Nullus Pontificum, Christianorum nullus hactenùs dixerat aut cogitaverat, Diabolo mundi Principe agitante, legitima Imperia inter homines fuisse con-stituta, cum pacis hostis Diabolus leges & ordinem, omnesque adeò legitimas potestates aversetur, quod est à beato Irénæo præclarè explicatum, his verbis: *Ad utilitatem gentilium terrenum Regnum possum est à Deo, sed non à Diabolo, qui numquam omnino quietus est; immo qui nec ipsas gentes vult in tranquillo agere; ut timentes Regnum hominum, non se alterutrum homines vice piscium consumant, sed per legum positiones repercutiant multiplicem gentilium injustitiam; & secundum hoc Dei sunt ministri, qui tributa exigunt à nobis, in hoc ipsum servientes. Et, quæ sunt potestates, à Deo ordinatae sunt.**

Ad magnam ergo contumeliam pertinet sublimium potestatum, asserere ipsas, agitante Diabolo, cœcâ introductas cupiditate & intolerabili præsumptione dominandi super pares. Tantum enim humanæ societatis bonum, quo homines hominibus legitimo prælunt ordine, non superbia, sed recta ratiō; non Diabolus, sed Deus inducit. Neque verò dici ullo modo potest, nisi per summam rerum antiquarum imperitiam, legitima Imperia per ambitionem ac superbiam hominum incepisse. Præclarè enim Justinus Histro-ricus rerum humanarum aggressus historiam, sic orditur: *Principio rerum, Gentium, Nationumque omnium Imperium penes Reges erat, quos ad fastigium hujus majestatis non ambitio popularis, sed spectata inter bonos moderatio pro-vehebat. Populus nullis legibus tenebatur: arbitria Principum pro legibus erant; fines Imperii tueri magis quam proferre mos erat; intra suam cuique patriam Regna finiebantur. Primus omnium Ninus Rex Assyriorum veterem, & quasi avitum Gentibus morem, novâ Imperii cupiditate mutavit &c. Quæ initia & omnium gentium historiae produnt, & ipsa Scriptura demonstrat. Primus enim Nemrod nominatur, qui vicinas civitates, utique jam per legitima Imperia constitutas, invaserit; pessimo quidem exemplo, sed quod non statim omnia humana pervaderet. Permansit enim diutissimè apud multas Gentes mos probus & antiquus, Deo ac naturâ duce, constitutus. Quod humanæ societatis tam excellens bonum, si Diabolus, omnis operis Divini*

Greg. VII.

lib. iv. ep.

ij.

Id. lib. viij. ep. xxj.

Iren. cont.

hær. l. b. v.

cap. xxiv.

Just. Hist.

lib. j.

Gen. x. 9.

io.

interpolator postea occupavit, haud propterea malum, quo optima instituta corrupta sunt, prius bono fuerit; cum præsertim Regii, ac supremi Imperii, in ipsa patria potestate, forma præcesserit primos inter homines, quorum familiæ per longissimam parentum vitam, in quædam veluti modica ac modesta Regna sucerent. Grave igitur illud, quod Gregorius VII. dum in superbos Reges inflammatur, progressus extra metas protulit; nec ipsis dignitati à Deo ordinatæ, aut Apostolicæ doctrinæ fatis consulebat, quâ semper apud omnes constituit, *Sublimiores potestates à Deo esse;*
 Rom. xiii.
 1.1. Tim. i.
 2. 1. Pet. i.
 13. & quidem à Deo propitio; quippe quæ mala opera dato gladio coerceant, ac publicæ paci, Deo ita providente ac jubente, inserviant. Sed hæc suo loco luculentius declarabimus.

C A P U T X I.

Aliæ GREGORII VII. novitates: Novum excommunicationis genus, quo victoriam ab Henrici IV. exercitu arcet: Nova doctrina de omnium Pontificum Romanorum sanctitate.

S. Chrys. Hom. v. in ij. ad Tim. cap. ij. Tō. xj. Ben. p. 687. Conc. Roman. iv. Lib. 6. ep. j. Ib. ep. xv. **S**CITUM illud Chrysostomi: *Novitas novitatem parit.* Gregorius VII. novæ depositionis sententiæ novum excommunicationis addebat genus; hoc scilicet: *Quicumque temerario ausu hujus nostra constitutionis violator extiterit, vinculo eum anathematis obligamus;* & non solum in spiritu, verum etiam in corpore, & omni prosperitate hujus vita, *Apostolicā potestate innodamus,* & victoriam ejus in armis auferimus. Quo decreto facto, hæc scribebat: *In predictâ Synodo jam omnes excommunicationis & anathematis vinculo innodati,* & ut nullam victoriam possint obtinere, *potestate sancti Petri sunt alligati.* Quâ formulâ delectatus, iterum sic decernit: (d) *Illi cuius culpâ vel superbâ pax ista remanserit, gratiam S. Petri auferimus, eumque sicut membrum Diaboli, & desolatorem Christianæ religionis, cum omnibus fautoribus suis festinabimus à communione Christianæ societatis absindere;* ita ut nullam deinceps victoriam in bello, nullam prosperitatem habere possit in sacculo.

Conc. Roman. vii. **E**o sensu anno 1080 adversus Henricum nominatim hæc statuit, ad Petrum & Paulum sermone converso: *Iterum Regnum Teutonicorum, & Italiae, ex parte omnipotentis Dei & vestrâ interdicens ei, omnem potestatem & dignitatem Regiam ei tollo,* & ut nullus Christianorum ei sicut Regi obediatur, interdico &c.... *Ipse autem Henricus cum suis fautoribus in omni belli congressione, nullas vires, nullamque in vitâ suâ victoriam obtineat.* Sic ab aduentibus omnem prosperitatem potestate Apostolicâ propellebat; sic victoriae imperabat. At Deo non erat placitum hæc in manu suâ posita, ad formulam revocari. Quare eodem anno, & Henrico victoriam concessit, & Rodulphum, cui Gregorius Petri & Pauli vice Imperium donaverat, in prælio cædi voluit; & postea Gregorium fugari Româ permisit, & Salerni

(d) *Iterum sic decernit*] Nempè in epistolâ ad Berengarium Gerundensem Episcopum, in quâ ei mandatum dat, ut, obortas inter duos Comitis Raimundi filios discordias, curet sedare.

obire victum; suo quoque tempore ulturus Henricum, falso & apostatico Pontifice constituto Guiberto Ravennensi, autorem infandi schismatis, & potestatis verè Ecclesiasticæ contemptorem.

Ad ejus victoriam pertinent hæc Sigeberti verba: *Hildebrandus Papa, quasi divinitus revelatum sibi prædictit, hoc anno falsum Regem esse moritum, & verum quidem prædictit, sed fecellit eum de falso Rege conjectura, secundum suum velle, super Henrico Rege interpretata. Rex enim Henricus Saxonibus gravi prælio congriditur, & in congressu, falsus Rex Rodulphus cum multis Saxonie Principibus extinguitur.* Quæ Sigeberti narratio à Gregorii dictis, decretisque non abhorret.

Sigeberti
Chron. an.
1080.

Exemplo Gregorii VII. Alexander III. Friderico I. deposito, & excommunicato, inhibuit autoritate Dei, ne vires ullas amodò in bellicis congreſſionibus habeat, aut de Christiano aliquo victoriam consequatur, aut alicubi quiete & pace gaudet, donec fructus pœnitentia condignos operetur: tanquam hæc in hominum potestate Christus esse voluerit. Ad hæc nimia, ac melioribus sæculis inaudita, Alexander III. egregius alioquin Pontifex, Gregorio VII. autore deductus est. Adeò vana cogitant, quibus posterioris ætatis exempla sufficiunt.

Conc. La-
teranen. sub
Alexan. iiij.
Tō. x. Con-
cl. p. 1450.

Ne grave videretur, non modò omnia Imperia sed etiam omnem rerum Divinarum humanarumque cursum in unius hominis arbitrio collocari, ac ne de tantâ potestate genus humanum aliquid iniqui metueret, docebat Gregorius VII. ad *Apostolicam Sedem ritè ordinatos, meritis beati Petri me- liores effici, atque omnino sanctos.* Et id quidem ex decretis Symmachi Papæ repetebat, quæ sanè decreta, commodâ interpretatione molliri, non exaggerari, & ad extremum urgeri oportet. Addebat Gregorius: *Licet ex- perimento sciamus, nempè Papam sanctum esse, quod haec tenus nemo præsumperat.* Sic profectò Gregorius, dum omnia humana ac Divina trahere ad se nititur, & dignitatem Regiam infringebat, & Pontificiam novis, neque duraturis titulis commendabat.

Lib. viii.
ep. xxii.

Quod si certâ fide credere nos oportet deponi posse à Pontificibus Reges, quod depositionem talem in Concilio Romano Gregorius promulgârit, eâdem profectò fide teneamus, posse Pontificem autoritate suâ ab excommunicatis auferre victoriam, ac prosperitatem sæculi; cùm id non tantum in privatis epistolis, sed etiam decreto edito, Gregorius VII. & Alexander III. pronunciârint.

Conc. Ro-
man. v i j.
Tom. x. p.
384.

Item eâdem fide admittere debemus illud in Concilio Romano editum: posse à Pontificibus, ut Patriarchatus & Episcopatus, ita & *omnes homi- num possessiones pro meritis tolli & concedi;* quæ nempè Pontifices solos Reges, solos Imperatores efficerent; quale Imperium humâna conditio neque gerere, neque tolerare poslit.

Placet autem hinc in antecessum expromere quæ suo loco probaturi sumus, Gregorium VII. aliosve Pontifices, à quibus hæc gesta decretaque sunt, nunquam decreto ad omnem Ecclesiam edito docuisse, eam senten- tiam, quæ Ecclesiasticæ potestati talia vindicaret, ad integratatem fidei Catholicæ aut Ecclesiastici dogmatis pertinere. Moderabatur animos ille qui Ecclesiam regit, spiritus veritatis, ne humiliis Christi grec in tentationem

eam incideret. Quare etiam ii qui Pontificiam infallibilitatem vel maximè tueruntur, ab hâc sententiâ abhorrente, deque his, ut & de aliis Pontificum gestis, liberè disputare possunt.

Si quis tamen libentes nos ad ea adduci putat, fallitur. Neque enim ii sumus, quibus Ecclesiæ vulnera nullâ necessitate retractari placeat; sed rursus non sumus eorum numero, qui ubique trepidi & infirmâ fide, hæc quantacumque vulnera, tanquam sint Ecclesiæ ipsi lethifera, perhorrescant.

Satis enim scimus Ecclesiam Catholicam sedemque Apostolicam in Petrâ fundatam stare firmius, quam ut his commoveri possit; & quantumcumque hæc adscititia humanisque consiliis quæsita concidant, ipsam tamen Petram, Christo autore positam, inconcussum stare: quâ fide securi, & superiora diximus, & alia haud minùs necessaria prosequemur.

C A P U T X I I .

Quâ occasione Gregorius VII. Regum depositionem aggressus fit:

Quove Imperii ac Regnorum statu: Quam universalis Monarchiæ etiam temporalis ideam animo informarit: Ejus mores, ingenium, & in omnia Regna variae molitiones; ac I°. in Imperium Romano-Germanicum, in Galliam, in Angliam, in Daniam; de iisque quæri, nihil imminutâ Sedis Apostolicæ Majestate.

GREGORIUS VII. novæ potestati, quam in temporalibus exercere se posse consideret muniendæ, humana undequaque subsidia conquirebat, atque omnia Regna in ditionem ac proprietatem Sedis Apostolicæ vindicare fatagebat.

Posteaquam enim Caroli Magni domus inclinata est, toto Occidente Regia labascere ac nutare cœpit autoritas: Proceres paulatim omnia occupare, & prope æquiparari Regibus; Episcopi, Procerum antesignani, ad hæc insitâ religioni reverentiâ validi, pleraque Reipublicæ munera ad se trahere: Regna in varias Dynastias, seu Ecclesiasticas, seu Sæculares scindi, quæ quidem Dynastix jura Regalia multa, eaque maxima, sibi tribuebant, gravi imminutione Regiæ Majestatis: Reges precariam veluti potestatem exercere, eò usque depresso, ut sœpè cum subditis ac vassallis æquo jure bellare cogerentur. Sic Imperiis propemodum in anarchiam versis, bellis, cædibus, fœdis populationibus omnia replebantur; quæ rerum inclinatio nono sæculo cœpta, decimo & undecimo in deteriora vergebant; ut Gregorii VII. tempore vix ullus Regum esset, qui Regiam Majestatem, ac veram Imperii vim retineret. Etsi enim Othones in Germaniâ & Italiâ magnis animis ac viribus seque ac Rempublicam sustentâsse videbantur, res tamen in pejus suo veluti pondere deflecebant; ac sub Henrico IV. urbes gentesque effreni licentiâ rebellabant. Inclytum Francorum Regnum, quod omnibus ferè reliquis imperaverat, et si suo statu atque hæreditariâ successione valentius

tius, communibus tamen incommodis laborabat; nec dum se Capetii satis confirmaverant, neque Capetiorum quartus Philippus I. qui tum imperitabat, tantæ Majestati animis atque ingenio respondebat. Guillelmus ille victor atque Conquestor, recens Angliam occupaverat, validus quidem viribus, atque imperandi certus, sed tamen Imperio nondum constabilio: res Hispanicæ tenues, Saracenis prementibus, Christianis etiam in diversa Regna divisis: reliqua Europæ Regna, alia aliis casibus fluctuabant.

Eâ rerum ac temporum necessitudine, Gregorius VII. è Sanctâ Cluniacensis Monasterii disciplinâ, per varios dignitatum gradus, ad Cathedram Petri electus est: acerrimi ingenii, magnique animi vir, probis moribus, integrâ famâ, Ecclesiasticæ libertatis ac potestatis studiosissimus, & qui potius ultra concessa tenderet, quam aliquid de suo jure remitteret. Is ergo optimum factu ratus, ut Sedi Apostolicæ, quæ caput religionis esset, Regna omnia etiam in temporalibus subderentur, non modo potestate clavium, sibi sumمام deponendorum & constituendorum Regum ac Principum potestatem vindicabat; sed etiam eos singulatim adortus, quâcumque arte poterat, vectigales suos, atque etiam suos homines, ut tum loquebantur, facere cogitabat.

Et de Imperio quidem Romano-Germanico res facilior videbatur, cum Romani Pontifices in illud Imperium peculiare jus quoddam sibi vindicarent; imò verò illud, si quidem Bellarmino & Baronio credimus, à Gregorio V. tempore datis Electoribus, atque impositis legibus ordinâssent. Certè memoratu est dignum id, quod Gregorii VII. tempore, ab Autore apologiæ Henrici IV. Imperatoris proditum: cum se Saxonibus perduellibus, nonnulli è Longobardis, Francis, Bavaris ac Suevis conjunxissent, eos omnes apud Gregorium VII. accusasse Regem: *Non decere tam flagitosum, plus notum criminе quam nomine, regnare; maximè cum sibi Regiam dignitatem Roma non contulerit: oportere Romæ jus suum in constituendis Regibus reddi: provideret Apostolicus & Roma ex consilio Principum, cuius vita & sapientia tanto congrueret honori: quâ deceptione delusus Apostolicus, simul & honore creandi Regis, quem sibi fallaciter obtulerant, impulsus, Regem banno innodavit, & Episcopis aliisque Principibus, ut à communione excommunicati Regis se subtraherent denunciavit: se citò venturum in Teutonicas oras, ubi de negotiis Ecclesiasticis & de Regno tractaretur. Quæ quidem aliena non sunt ab eo Pontifice, qui tam excellos spiritus gereret; neque absimile vero est talem virum Romanæ potentiaz gloriâ delectatum, quâ sedis Apostolicæ dignitas amplificari videretur, atque illi omnino placuisse amplitudinem etiam religionis titulo coloratam. Intentus autem erat vel maximè Teutonico Regno, cui Romanum Imperium juncatum esset, quod etiam Regnum per Saxonum rebellionem fluctuabat. Itaque Gregorius, Henrico IV. Imperatore deposito, Teutonum, atque Italiæ Regem, qui Imperator futurus esset ita constitui decernebat, ut tale sibi præstaret juramentum: Ab hac horâ, & deinceps fidelis ero beato Petro Apostolo ejusque Vicario Papa Gregorio, & quocumque mihi ipse Papa præceperit, sub his videlicet verbis, PER VERAM OBEDIENTIAM, fideliter sicut oportet Christianum obtemperabo.... & eo die quando illum primitus video, fideliter per*

Bell. de R.
P.lib.v.cap.
vij.
Baron. an.
996.tom.x.
ed.t. Romi.
P. 908.
Apolog.
Henr. IV.
ap. Urst. p.
382.

Tomus I.

P

Greg. VII.
lib. ix. ep. iii.

manus meas MILES Sancti Petri & illius efficiar. Quod quidem est ligium ; ut vocant , & perfectissimæ dominationis hominum , dataque est formula per veram obedientiam , quæ jussis adhibita indetrectabile imperium designaret.

De Francorum Regno post hominum memoriam longè nobilissimo , atque augustissimo , unde etiam Imperium , quale apud Latinos est , manâsse noverat , hæc Legatis suis agenda decernit : *Dicendum autem est omnibus Gallis , & per veram obedientiam præcipiendum , ut unaquaque domus , saltem unum denarium annuatim solvant beato Petro , si eum recognoscant patrem & pastorem suum , more antiquo.* Rationem addit : *Nam Carolus Imperator , sicut legitur in tomo ejus , qui in archivio Ecclesia beati Petri habetur , in tribus locis annuatim colligebat mille ducentas libras ad servitium Apostolicæ Sedis.*

* Aquis-
grani , apud
Podium San-
ctæ Mariæ &
apud San-
ctum Aegi-
stum.

* Nos eum tomum ignoramus , nihil simile in Caroli Magni , ac se-
cutorum Principum historiis , gestis , capitularibus , aut in Conciliis alii-
que actis publicis , aut privatis , qualia ejus ævi sunt innumerabilia , legi-
mus , & Pontifici impositum fuisse credimus ab iis qui talia suadebant.

Carolus sedi Apostolicæ multas Provincias devictas donavit , at Regnum nemini vectigale aut censuale fecit ; neque quisquam ex ejus successoribus tale quid aut cogitavit , aut passus est ; Francique Reges sedi Apostolicæ omnium religiosissimè in spiritualibus obtemperabant : omnium studiosissi-
mè suam in temporalibus dignitatem tuebantur. Quare Gregorius , adhibitâ licet formulâ , per veram obedientiam , quâ imperium indetrectabile signifi-
catum fuisse vidimus , nullum unquam censem à Gallis impetravit ; sed neque per Legatos , jussos licet , quidquam eâ de re postulatum fuisse legi-
mus : ut totum illud in auras penitus evanuisse videatur.

In eâdem Gregorii epistolâ sic legitur : *Idem magnus Imperator Carolus Saxoniam obtulit beato Petro , cuius eam devicit adjutorio , & posuit signum devotionis & libertatis.* Offerre beato Petro , consueto hujus ævi sermone , hoc erat proprietati sedis Apostolicæ adscribere ; at Carolus Magnus nus-
quam scripsit , nusquam dixit se beato Petro devictam obtulisse Saxoniam , sed tantum in devictâ Saxonîa primam Ecclesiam consecratam , quam in-
quit , pio Christo & Apostolorum suorum Principi beato Petro obtulimus. Sic Petro non Saxoniam , sed in Saxonîa , pro gratiarum actione primam Ec-
clesiam obtulit ; & quidem erecto templo Apostolorum Principem ritè ve-
neratus , eam tamen Provinciam nullius mortalis Imperio quam suo vin-
dicavit.

Vid. cap.
Caro. Mag.
tom. j. edit.
Baluz. pag.
246.

Cæterùm annualem censem semel impositum Gregorius VII. facile in argumentum proprietatis ac dominii trahebat : quare Guillelmo Conques-
tori , Angliæ Regi , modis omnibus delinito suadebat , ut Regnum Angliæ , quod anteriores Reges solo voluntariæ pietatis sensu , nullo temporalis sub-
jectionis animo sedi Apostolicæ censuale fecerant ; ipse temporali hominio subderet. At Guillelmus ita respondit : *Hubertus Legatus tuus ad me ve-
niens ex tuâ parte admonuit , quatenus tibi , & successoribus tuis fidelitatem facere , & de pecunia , quam antecessores mei ad Romanam Ecclesiam mitte-
re solebant , melius cogitarem ; unum admisi , alterum non admisi : fidelitatem facere nolui , nec volo ; quia nec ego promisi , nec antecessores meos antecessori-
bus tuis id fecisse comperio.* Sic de fidelitate inverecundum petitorem acrite-

Guill. ep.
int. Lanf. &
ap. Baron.
tom. xj. an.
1079. pag.
532.

refutabat : de denario beati Petri avitam consuetudinem recto sensu intel-
lectam prompto animo sequebatur.

Quod autem à Guillelmo Anglorum Rege , idem à Danorum Rege Sue-
no , ut ab ejus parente , atque etiam ab ipso promissum , Gregorius postu-
labat , neque hujus postulati ullam unquam videmus habitam esse rationem .

Interim opulentam Provinciam , Romanæ urbi vicinam , quam viles & ig-
nari Heretici tenerent , ei pollicetur. Quo jure suam non significat , nisi Hæ-
reticorum omnia , sua esse duceret .

C A P U T X I I I .

De Hispaniâ & Sardiñiâ quid GREGORIUS VII. decreverit.

ERAT tum Hispania ferè tota subdita Saracenis , à quorum manibus no-
bilissimum Regnum recuperare multi undique Christiani Principes sata-
gebant. Ad hos Gregorius VII. sic scribit : *Non latere vos credimus Regnum
Hispaniæ , ab antiquo proprii juris Sancti Petri fuisse , & adhuc , licet diu à
Paganis sit occupatum , lege tamen justitia non evacuatâ , nulli mortalium , sed
soli Apostolica Sedi ex aquo pertinere.* Addit concessisse se Evulo Comiti ha-
bendam Sancti Petri nomine , certis conditionibus , quamcumque ab infide-
libus terram recepisset .

Id. lib. ij.
ep. vj. viij.
Baro. tom.
xj.an.1073.

Cæterùm id juris & Hispani nesciebant , & hujus oblitteratam fuisse me-
moriā ipse Gregorius fatebatur ; sic enim posteà scripsit *Regibus , Comi-
tibus , ceterisque Principibus Hispaniæ : notum vobis fieri volumus , quod nobis
quidem tacere non est liberum , vobis autem non solum ad futuram , sed etiam
ad presentem gloriam valde necessarium , videlicet Regnum Hispaniæ ex anti-
quis constitutionibus beato Petro , & Sanctæ Romana Ecclesiæ in jus & proprie-
tatem esse traditum : quod nimirum hactenus & præteriorum temporum incom-
moda , & aliqua antecessorum nostrorum occultavit negligentia.* Nam postquam
illud Regnum à Saracenis & Paganis pervasum est , & servitium , quod beato
Petro indè solebat fieri , propter infidelitatem eorum , & tyrannidem detentum ,
ab usu nostrorum tot annis interceptum est , pariter etiam rerum , & proprietatis
memoria dilabi cœpit . Promittit tamen Gregorius Legatos à se missos rem
omnem demonstraturos assertione certâ : denique adhortatur : *Ut ad hono-
rem beati Petri & Romana Ecclesiæ promptos & magnificos se exhibeant ; quod
profectò fecerunt ; multique Hispanorum Principum Ecclesiæ Romanæ an-
nuas pensiones spoponderunt , eique se ultrò ut spirituali Dominæ subje-
cerunt.*

Lib.iv. ep.
xxvij. vid.
& lib. j. ep.
vij.

Id verò an excussis titulis potius quam ultroneâ pietate ficerint , non sa-
tis mihi constat. Stricto jure fecisse probat Baronius , allato exemplo *Be-
rengarii Comitis Barcinonensis , qui anno , inquit , 1091. Urbani Pape IV. cùm Bar. tom.
recuperasset Tarragonensem civitatem occupatam à Mauris , eandem obtulit xj.27.1073.
Ecclesia Romana.* Quæ vana esse omnia facilè comprobabit ipsum à Baronio
productum instrumentum : quippe quo legimus à Comite Berengario Tar-
P. 424.

Ibid. an. 191. p. 627. raconensem civitatem, non à Mauris recuperatam, (*e*) sed *jure paterno*, ac bonorum paternorum *divisione* suam; non sedi Apostolicæ redditam, sed *in Dei nomine specialiter donatam fuisse*: quæ adeò non firmant, ut potius evertant jus illud in Hispanias venditatum.

Marc. Hist. Bearn. lib. iv. p. 331. At verò Petrus de Marcâ, vir doctissimus, ex antiquis monumentis probat Gregorio VII. à Comite Besalvensi Bernardo, atque etiam ab Aragonum Rege annuam concessam fuisse pensionem: id verò ab iis factum, antiquis excussis ac recognitis titulis, acta non memorant.

Greg. VII. lib. ix. ep. xij. Neque item docent, an stricto jure potius quam voluntate sit factum, quod idem Bernardus se militem ac vassallum Sancti Petri fecit. Id enim eo tempore ab aliis etiam, ut à Comite Provinciæ, ac Barcinonensi ultrò ac nullâ obligatione factitatum fuisse, ejus ævi acta memorant: quod ii Comites, ubi se sedi Apostolicæ addixissent, eo patrocinio tutiores, atque etiam adversus Dominos securiores essent.

Marc. loc. cit. Refert etiam Petrus de Marcâ securis sacerulis, cum eam pensionem, quam Aragonenses concederant, Romani curiales violentius exigerent, à Regibus Aragonensibus planè denegatam; consensisse tamen illos ad illam pensionem voluntariè persolvendam, non autem *contractu infeodationis inito, aut obligatione pactâ*.

Castellæ verò Reges nihil quidquam solvisse, nihil peculiaris juris in sede Apostolicâ recognovisse legimus: quo constare videatur ea, quæ Gregorii VII. tempore ab aliis Hispanis facta sint, voluntariè potius, quam stricto & antiquo jure fuisse imposita. Neque propterea Gregorium antiqua Ecclesiæ Romanæ jura in Hispaniæ Regnum memorantem, deceptorem putamus; sed falsis titulis, quales omni ævo multi confecti sunt, decipi potuisse contemur.

Quænam certè ejus Legati rei oblitteratæ, atque omni hominum elapsæ memoriâ, documenta protulerint, neque usquam legimus, neque animo aut conjecturâ assequi possumus, aut omnino intelligimus quomodo stare possint. Gregorius enim memorat antequam Regnum illud à Saracenis pervasum est, *Sancta Romana Ecclesia* in jus & proprietatem fuisse traditum, ac *certa servitia fuisse constituta*: atqui anno Christi 713. invasio Saracenorum contigit, quo tempore illa ex Feudorum jure orta servitia, atque proprietas, ne nomine quidem erant cognita. Neque verò Hispaniam sedi Apostolicæ Gothi Ariani tradidissent, neque postquam Reges anno 588.

(*e*) *Non à Mauris recuperatam.*] Utrum id Baronio rectè objiciat D. BOSSUET, ambigui potest. Nam 1°. in ipso donationis diplomate, Berengarius eos nominat Principes, qui secum insudaverint ad prefatæ urbis restorationem. 2°. Urbanus II. describens Berengario, sic dicit p. 628. *Ecce jam transactis 390. annis, ex quo prefatam urbem Agarenorum gens prope solitariam fecerit &c.* 3°. Hæc vocabula restauratio, &c., restitutio, quæ passim occurunt in diplomate & in epistola, significabunt quidem, strictè accepta, Tarraconensem civitatem denuò ad fidicam fuisse; sed diligenter perpendenti verba & seriem, hæc duo certa erunt: unum q. od. affirmat D. BOSSUET, hanc civitatem non redditam fuisse, sed specialiter donatam Ecclesiæ Romanæ: alterum quod negat, hanc civitatem non multò antè è Sarracenorum manibus fuisse vindicatam. Certè, Berengarius dicit hanc civitatem *sibi ex paterno jure competuisse*; quomodo probè ac verè diceret Ludovicus XV. Navarræ Regnum, si illud bello recuperaret, *sibi ex paterno jure competere*. Jura enim Regum, illâ quam vocant prescriptiōnis lēge, non tolluntur.

Catholici sunt facti, tale quidquam egisse, tot Concilia, tot acta, tot historiæ, tot epistolæ innunt: cum sedis Apostolicæ potestas, sed spiritualis illa atque cœlestis, omnibus paginis celebretur: neque à Rege Pelagio, recidivi post Saracenicas invasionem Hispanorum Imperii fundatore, ejusque successoribus, aliisque Hispaniensibus Regibus per trecentos ac sexaginta annos, qui à Pelagio ad Gregorium effluxere, tale quidquam postulatum fuit: ac Reges Hispaniæ per ea tempora haud minùs quam alios absoluto jure regnasse, omnia monumenta testantur. Jam quod ait Baronius: *His juribus potitam Apostolicam sedem anno Christi 701. sub impio Rege Vitizâ horum jaæturam esse passam*, neque cum Gregorio VII. convenit, qui hanc jaæturm ad Saracenorum invasionem refert, neque cum Tudenſi Lucâ, quem unum Baronius testem adducit. Is enim posteàquam autore Vitizâ canones dissolutos, sacraque omnia conculcata memoravit, hæc addit insuper: *Et ne adversus eum insurgeret Sancta Ecclesia, Episcopis, Presbyteris, Diaconis, & ceteris Ecclesia Christi Ministris, carnales uxores habere præcepit, & ne obedirent Romano Pontifici, sub mortis interminatione prohibuit.* Quæ ad evitandum Canonice atque Ecclesiastice distriætionis metum manifestè referri, rerum ostendit series: ad solvenda Romani Pontificis, ut supremi etiam Domini, imperia pertinere, neque Lucas Tudenſis significat, neque alii scriptores, neque Gregorius VII. suspicatur.

Bar. loc.
cit. & tom.
vij. anno
701. p. 640.
641.

Luc. Tud.
ap. Bar. loc.
mox cit.

Utcumque est, illud animo capere vix possumus, quod is Pontifex mavult Hispaniam servire infidelibus quā illud qualecumque jus ultrò remittere. Sic enim ipse scribit suprà dictâ epistolâ, *ad Principes in terram Hispania proficiendi volentes: hoc neminem vestrum ignorare volumus, quoniam, nisi aquâ pâctione persolvendi juris Sancti Petri in Regnum illud animadverte statueritis, potius vobis Apostolicâ autoritate, ne illuc tendatis, interdicendo contra feremur, quam Sancta & universalis mater Ecclesia, idem à suis filiis quod ab hostibus patiendo, non jam proprietatis suæ, sed filiorum detimento saucietur.* Quasi vulnus illud remissione spontaneâ temporalis tributi curare non posset. Sed ista non reputat, & ovem in ferae fauibus palpitantem non eripere, sed tondere cogitat. Atque hæc facit abstinentissimus, & innocentissimæ vitæ Pontifex, dum sedis Apostolicæ jura etiam temporalia, quæ semel animo præceperat, tantisper imminui pejus omnibus malis arbitratur.

Greg. VII.
lib. j. epist.
vij.

Neque minùs dura sunt, quæ Sardinensibus scripsit. Cùm enim in annum induxisset, ut aliquid ab eis commodi temporalis ferret, primam ad eorum judices dedit epistolam: *Romanam Ecclesiam omnium matrem, privatam tamen eis debere sollicitudinem; at antecessorum negligentiâ friguisse charitatem illam, quæ antiquis temporibus inter Romanam Ecclesiam & gentem illam fuit, maximo inter ipsos Christiana religionis detrimento: atque omnino necessarium ut de salute animarum cogitent, Romanamque Ecclesiam ut matrem recognoscant, atque antiquam devotionem impendant: se quidem non modo ut eorum animæ, sed etiam patria salva esset, sollicitè invigilare: si sua verba reciperen, gloriam & honorem & in præsenti & in futurâ vitâ conseruuros esse: sin aliter agerent, sua culpa imputarent, si quid periculi contingisset: Legatos coram acturos quæ de salute eorum & honore tractaret.*

Id. ibid.
epist. xxix.
Vid. Bar.
tom. xj. an.
1073. pag.
433.

Ibid. epist. xli. Quid esset illa *salus honorque*, quem ipsis quæreret, sequentia demonstrabunt. Nam paulò post de sui Legati postulatis hæc scribit: *Nisi in hoc anno certà nobis super hac re ratione respondeatis, nec amplius vestra responsa queremus, nec tamen ulterius jus & honorem Sancti Petri irrequisitum relinquemus.* Censum ac vœtigal satis apertè ista significant: eò primùm illa verba lenia, eò denique minæ spectabant.

Ibid. lib. viij. ep. x. Gravius postea urget, scribitque hæc glorioſo judici Calaritano Orſocco: *nolumus scientiam tuam latere, nobis terram vestram à multis gentibus esse pertitam: maxima servitia, si eam permitteremus invadī, fuisse promissa; ita ut medietatem totius terra nostro usui vellent relinquere, partemque alteram ad fidelitatem nostram sibi habere: cùmque hoc non solum à Normanis, & à Thuscis, ac Longobardis, sed etiam à quibusdam Ultra-montanis crebrò ex nobis esset postulatum, nemini eâ de re unquam assensum dare decrevimus, donec ad vos Legatum nostrum mittentes, animum vestrum deprehenderemus.* Nempe ille Legatus exploraturus erat quo tributo oblato se ab invasorum deprædatione redimerent. Pergit enim: *Igitur, quia devotionem beato Petro te habere, in Legato suo monstrasti, si eam sicut oportet, (quid autem oporteret satis apertè significaverat) servare volueris, non solum per nos, nulli terram vestram vi ingrediendi licentia dabitur, sed etiam si quis attentaverit, & seculariter & spiritualiter prohibebitur à nobis, ac repulsabitur.* Quid si denegaverint quæ Gregorius postulabat? Nempe hostibus prædæ erunt. Tantine erat tributum Romanæ Ecclesiæ persolvendum, ut propter eam causam miseros insulanos, datâ licentiâ, lupis pastor exponeret!

Cæterū quid in eâ insulâ juris sibi esset, ne verbo quidem significat, iurium etiam temporalium vehementissimus ubique, ut videre est, ostentator. Sed ut concedamus Sardiniam Insulam jam tum in Ecclesiæ Romanæ ditionem concessisse, utque id vel maximè non tantum jaçtaret Gregorius, sed etiam insulani seu metu, seu veri conscientiâ faterentur; tamen in tributis exigendis nullâ Gregorius possessione nitebatur; antiqua, confusa, obsoleta, generalibus verbis, uti vidimus, venditabat, dirisque comminationibus novum sibi titulum comparabat.

C A P U T X I V.

De Hungariâ: de aliis Regnis ac Provinciis, quibus causis impulsi, Pontificia ditioni se ultrò subjecerint: arbitraria jura etiam in infideles Principes pretenduntur.

Lambert. Schaf. ap. Bar. Tom. xj.an.1071. P.464. Grez. VII. lib. ij. ep. xiiij. **S**ALOMON Hungariæ Rex infans Andreæ patris jussu, atque omnium ordinum applausu ritè coronatus, mox patre mortuo, propter infantiam pulsus, ac per Henricum IV. Imperatorem, cuius sororem duxerat, saepè Regno restitutus, eidem Henrico Hungariam fecit tributariam. Id necessaria te gestum Gregorius Regi crimini vertit: quod Regnum Hungaria sancta Stephano olim beato Petro, cum omni jure

ac potestate suâ oblatum, & devotè esset traditum. Addebat probationem, quod nempè Henricus III. Imperator Henrici IV. pater, *victo Rege Hungaro, & factâ victoriâ, ad corpus beati Petri lanceam & coronam transmisit, & pro gloriâ triumphi sui, illuc Regni direxit insignia, quo principatum dignitatis ejus attinere cognovit.* Quare gravia minabatur: nec aliter beati Petri gratiam aut suam benevolentiam spondet, nisi sceptrum Regni, inquit, correcto errore tuo, *Apostolicæ, non Regia Majestatis beneficium recognoscas.* Sic si quis beatum Petrum honorasset, Regni proprietatem, atque omnia deinde jura feudorum sedi Apostolicæ vindicabat; quamquam ejus proprietatis nulla in annalibus ad ea quidem tempora mentio reperiretur.

Si quando dissidia inter fratres de Regnis ac Provinciis orirentur, ut in Barcinonensi Comitatu evenerat, *sancti Petri inexpugnabile pollicebatur auxilium ei parti, quæ in sedis Apostolicæ potestate futuram se esse profitebatur.*

Afflicti ac pulsi Reges sedi Apostolicæ sua Regna tradebant, ejus autoritate restitui se posse confidebant. Sic à Rege Russorum Demetrio, cùm is à fratre pulsus esset, traditum Regnum Gregorius VII. suscipit, *exhibitâ Sancto Petro fidelitate.*

Neque exiguum tutamen erat ab Apostolicâ sede Regnum accepisse. Scribit enim Vezelino adversus Dalmatiæ Regem insurgenti: *Scias nos de prudentiâ tuâ multum mirari, ut qui te esse dudum beato Petro, & nobis fidem promiseris, contra eum, quem in Dalmatia Regem autoritas Apostolica constituit, tu modò coneris insurgere. Quapropter nobilitatem tuam monemus & ex parte beati Petri præcipimus, ut adversus jam dictum Regem arma capere non præsumas, sciens quidquid in illum ausus fueris, procul dubio te in Apostolicam Sedem facturum.*

Hæc incepit Gregorius VII. his ac similibus ad Regna sedi Apostolicæ tradenda hortabatur, & ad Geysam scribebat Hungarorum Ducem *: *Regnum Hungaria, sicut & alia nobilissima Regna in proprie libertatis statu esse debere, & nulli Regi alterius Regni subjici, nisi sancta, & universalis matris Ecclesiæ Romanae, quæ subjectos non habet, ut servos, sed ut filios suscipit universos.*

Quare Salomoni Hungarorum Regi ademptum à Deo Regnum prædicabat quod is contempto nobili dominio beati Petri, *cui erat proprium Hungaria Regnum, se Regi Teutonicæ, quamvis necessariò subdidisset, subditum que rationem: Petrus enim à firmâ petrâ dicitur, quæ portas inferi confringit, atque adamantino rigore destruit, & dissipat quidquid obssit. Quæ dicta adversus hæreses, & alia vitiorum monstra, per Christi Imperium debellanda, ad terrenam ditionem quotidie amplificandam, & ad comparanda sibi Regna, vertebat.*

Eam universalis Monarchiæ etiam temporalis ideam animo informaverat; quæ spirituali addita potestati, tale Imperium conderet, quale res humanæ ferre non possent.

Iisdem vestigiis insistebat Innocentius III. magnus alioquin Pontifex, cùm Joannem sine terra Angliæ Regem depositione mulctaret, Barones An-

Id. lib. vj.
ep. xvij. vid.
Lamb. ap.
Baron. an.
1075.

Id. lib. ij.
ep. lxxiv.
Id. lib. vij.
ep. iv. ap.
Baron. an.
1079.

* Salo-
monis cu-
jus Reg-
num inva-
serat avun-
culum.

Id. lib. ij.
ep. Ixij.
Id. ibid. ep.
lxx.

Vid. Odor.
Rain. anno
1212. & seq.
vid. quoque

gliæ ac Philippum Augustum adversùs eum invitaret, donec Joannes sedi Apostolicæ Regnum traderet, uti suo loco memorabimus.

^{Inf. lib. iij. cap. xxj.} Non ergò mirum si passim in servitium ruerent Duces, Comites, ipsi etiam Reges in sede Apostolicâ suis rebus tutelam, atque etiam, proh dolor! suæ cupiditatì ad vicinos invadendos titulum quæsturì. Quæ quantum rei Christianæ offecerint, lectori æstimandum relinquimus.

^{Vid. sup. cap. ij. & tom. x. Concil. p. 1143.} Nec alia moliebatur Adrianus IV. dum illud à nobis suprà memoratum jūs edidit; nempe Hiberniam & omnes Insulas, quibus sol justitia Christus illuxit, ad jūs sancti Petri & sacrosancta Romana Ecclesia pertinere.

Postea ad libitum arbitraria jura crevere; quo factum est, ut Nicolaus V. Callixtus III. Sixtus IV. Innocentius VIII. Alexander VI. tanta terrarum spatia infidelibus detracta, Christianis Regibus concederent.

C A P U T X V.

Regna infidelium, quo jure concessa BELLARMINUS aliquique defenderint: hæc, & alia de Regibus deponendis gesta, nullo religionis periculo impugnari posse.

^{Bell. de R. P. lib. v. cap. ij.} **H**Is in concessionibus tuendis Bellarminus maximè laborabat, cùm negaret infideles, justos scilicet dominos, legitimâ possessione deturbari posse, nisi conarentur avertere à Christi fide subditos. At profectò illi Reges, quorum Alexander VI. aliquique Pontifices partiebantur Imperia, de fide Christianâ nequidem cogitabant. Quem nodum Bellarminus & alii sic exsolvunt. Alexandrum VI. cùm Regna infidelium daret, non id provi-

disce, ut Reges Christiani, Reges infideles debellarent, & eorum Regna occuparent; sed solum ut eò adducerent fidei Christianæ Prædicatores, & protegerent ac defendenter, cùm ipsos Prædicatores, tūm Christianos ab eis convertos: ac si Reges infideles resisterent, Christianis jus esset bellum inferendi. O novos Apostolos & novo more tuitos! O novam & Apostolo inauditam Christianorum militum armaturam! At si Christi Apostolos hīc omitti placet, quòd infirma Ecclesia nondum hæc fortia auderet, mirum cur Gregorius Magnus, validâ jam Ecclesiâ, Christiano Imperio, totque Christianis fultâ Regibus, à Reginâ Brunechildi non tale satellitum, Augustino suo in Angliam profecturo, impetrârit. Cur non talibus Diaconis succinctus Sanctus Bonifacius Moguntinus Germaniaæ intulerit Evangelium? Aut cur eum Pippinus ipsi devinctissimus, pro fide Christianâ obtruncari permiserit? Cur Willebrodi, Wilfridi, Swiberti, Adalberti, & alii innumerabiles, qui per

^{Vid. Bar. ibid. anno 716.} eamdem atatem barbarica nomina Martyrii gloriâ illustrârunt, nullo tali munimine prædicandam suscepserint religionem Christianam? Denique hujus custodiæ Evangelicis præparatoribus datae, bellique in liberam gentem eā causâ suscepti, quòd verbi divini præcones respuisset, nullum apud antiquos exemplum est. Qui Caroli Magni Saxonica bella commemorant, cogitare debuissent Saxones Francici Imperii perduelles, novâque semper contumaciâ rebellantes, victos, captos, deditos, patriæ, libertati, vitæ redditos,

redditos, si Evangelio obedirent: postremò occisos, atque dispersos, quòd fidem Salvatori Christo, atque optimo Regi Carolo dàtam fecellissent, regionemque eorum aliis concessam incolis; atque hi Catholicam religionem ad ea usque tempora propagârunt, quibus eos ad infandum Schisma Lutherus abripuit.

Neque verò me fugit quanti sint nominis, à quibus hæc Bellarminus, aliqui hauserint: sed Doctores postremis sacerulis natos, per librorum penuriam, ne alias commemoorem causas, Ecclesiasticæ historiæ non satis gnarus, atque ideo non vitâ, sed doctrinâ degeneres, antiquis placitis & exemplis postponi oportere, clarâ voce dicimus.

Nec putamus Sanctum Thomam, cuius autoritate utuntur, ad prædicandam gentibus fidem tali unquam auxilio profecturum: nec Sancti Franciscani ac Prædicatorii ordinis Martyres: nec postremo sèculo Sanctus Franciscus Xaverius, Indiarum Apostolus, atque ex eodem sodalitio tot incliti Martyres hæc sectati: nec ævo nostro tot Sancti Episcopi, atque Prelbyteri, quos ad Barbaras gentes nostra Gallia, ac tota Europa summittit. Quin etiam Bellarminum aliosque, si talia præsidia offerentur, toto animo putamus fuisse aversaturos; ut meritò contemnamus eam doctrinam, à quâ consecrandâ vel ipsi abhorrent.

Neque magis probamus quod dicunt: ab Alexandro VI. Christianos inter Reges distributas esse terras, ut impediret contentiones, & bella Christianorum, qui in illis regionibus negotiari volebant. Neque enim, si vel maximè placeat Romanos Pontifices, non verbi tantùm, Apostolico more, sed etiam commerciorum, ac negotiationum esse duces, & ad eorum arbitrium restringi imperia commerciorum, ac gentium libertatem: non, inquam, si ista vel maximè placeant, talem explicationem Alexandri VI. de cœta ferre possunt: *Omnis enim, inquit, & singulas terras firmas, & insulas remotas & incognitas versus partes Occidentales, & mare Oceanum consistentes repertas, & reperiendas in posterum, quæ sub actuali Dominio temporali aliquorum Dominorum Christianorum constituta non essent, cum omnibus illarum Dominiis, civitatibus, castris, juribus, & jurisdictionibus universis, vobis, heredibusque, & successoribus vestris in perpetuum, tenore praesentium, motu proprio, & ex certâ scientiâ, ac de Apostolica potestatis plenitudine donarimus, concessimus, & assignavimus.* Quo decreto inter Reges ductâ linea dispergit Orbem, ex Apostolica, inquit, gratia largitate, motu proprio, non ad vestram, vel alterius pro vobis super hoc nobis oblatæ petitionis instantiam, sed de nostrâ merâ liberalitate.... ac de Apostolica potestatis plenitudine. Quæ profectò nihil aliud sonant, quam meram donationem. Quare alii rotundè magis Bullas eas referunt ad ea, in quibus Pontifices, ut in facto particulari, consensu omnium errare potuerint.

Quo exemplo nos quoque nostro jure possumus, non tantùm hæc ab Alexandro VI. totque ejus antecessoribus ad eamdem formam edita decretaque de infidelium terris dividendis; verùm etiam alia de supremis potestatis deponendis gesta, exigere ad regulam & ad Majorum fidem, adque ea de cœta, quæ totis mille, & quod excurrit annis, intacta mansere.

Tomus I.

Bar. loc.
jam cit.

Bull. iij.
Alexan. vij.
ad Ferdin.
Hisp. Reg.
in Bull. Ro-
man. edit.
Lug. 1655.
tom. i. pag.
467.

Q

Turr.apol. pro Eug.ad calc. tom. xiiij. Conc.

Placet enim omnino id quod Turrecremata alia occasione dixit: *Nec ista consequentia est bona: factum fuit sic, ergo legitimè factum fuit; nos enim non debemus respicere quod factum est in præterito, sed quod juridice fieri debuerit in futurum.*

Du Perr. Repl.lib.j. c.xci.p.545. vid. differt. præv. not. lxxxix.

Hæc certè omnia salvâ fide quæri, uti prædiximus, Perronius quoque Cardinalis confitetur, & Bellarminum testem adducit; & certè Bellarminus censor audentissimus cujuscumque doctrinæ, quam sedi Apostolicæ non satis æquam putat, huic nostræ sententia nullam notam infert tractatu amplissimo de eâ re edito; & Perronius celebri oratione in Conventu ordinum Regni habitâ, id agit ut hæc quæstio inter problematicas habeatur.

Vid. Bell. de R.P. pass. Du Perr. cœuv. diver.

Quare licebit nobis, vel ipsis concedentibus, antiquam sententiam nostræ Facultatis, imò antiquam traditionem Ecclesiæ Catholicæ, sub Cleri Galliani, atque etiam augustissimi Regis, totiusque adeò Regni felicibus auspiciis, nullâ cujusquam contumeliâ propugnare.

Hæc autem diligentissimè exequimur, excussis omnibus utriusque partis argumentis: non quòd Galli nostri hac tractatione egeant; vix enim quisquam inter Gallos in dubium revocat supremam potestateim, atque ut ita dicam, Regiæ Majestatis independentiam, quâ pax Reipublicæ continetur: sed tamen cæteris satisfacere nos oportet, omnique studio amovere à Theologorum scholis, alienam à Christianâ modestiâ, ac melioribus sæculis inauditam, de deponendis Regibus sententiam. Quod quidem dum facimus, sedis Apostolicæ dignitati consulimus, nedum ejus privilegia immutum eamus. Quis enim inter sedis Apostolicæ privilegia reputet, quòd possint de Regibus amovendis vana & irrita, & omnibus jam populis contemnenda decreta conscribere? Aut quis non videat apud cordatores hanc totam de temporali Pontificum potestate ferè obsoleuisse sententiam: ut qui eam tuentur adhuc, ultimorum sæculorum exemplis abrepti potius, quam certâ ratione ducti esse videantur? Non ita effluxere quæ Romani Pontifices de rebus Ecclesiasticis condidere decreta: his cessere hæreses; contusi, fractique sunt, qui Ecclesiæ fidem, autoritatemque invaserunt. Fides quippe post hæreses splendet purius; contempta ab Hæreticis Ecclesiæ autoritas firmius invalefecit. At quid Pontificibus profuerunt, quæ ad Reges in temporalibus subjugandos tantis molitionibus suscepere? Nempe hæc omnia conciderunt, cassaque & irrita nihil sedi Romanæ, præter invidiam atque odia; nihil toti Ecclesiæ, præter bella, cædes, schismata pepererunt. Tanti refert, quid Deo autore, quid humanis consiliis moliare. Sed nos hæc melius exempla edocebunt. Rem ergò totam ab ipsis Ecclesiæ, totiusque adeò humani generis initiis, explicare aggrediamur.



C A P U T X V I .

Ipsam quæstionem aggredimur: hæc tractatio bifariam distributa: quinque propositiones ordine comprobanda.

QUÆRIMUS igitur an Ecclesiastico ordini ipsique ejus Capiti Romano Pontifici, sit jure divino concessa potestas, quâ supremas potestates solio amovere possit. Ac supremas potestates dicimus, non tantum Reges, ac Monarchs, sed quemcumque ordinem, ac cœtum, qui supremâ autoritate in civilibus ac temporalibus gaudeat. Quamquam enim Reges plerumque nominamus, Apostolorum exemplo, eo nomine complectimur illos omnes, qui summâ autoritate gaudeant.

Hoc statu quæstionis constituto, claret quâm ineptè & imperitè, nec bonâ fide agat D. Nicolaus Dubois, cùm dicit & inculcat, vereri nos debere, ne feudis, aliisque juribus temporalibus excidamus Ecclesiastici, si Cleri Gallicani Declaratio valeat. Hæc fœda, & insulsa procul à nobis absint. Nos enim satis scimus Romanis Pontificibus & Sacerdotali ordini, Regum confessione, ac legitimâ possessione bona quæsita, jura, Imperia ita haberi, ac possideri, uti quæ inter homines optimo jure habentur ac possidentur. Imò ea omnia, ut dicata Deo, sacrosancta esse debere, nec sine sacrilegio invadi, rapi, & ad sacerdotalia revocari posse. Sedi verò Apostolicæ, Romanæ urbis, aliarumque terrarum concessam ditionem, quò liberior, ac tutior potestatem Apostolicam toto Orbe exerceat, non tantum sedi Apostolicæ, sed etiam toti Ecclesiæ gratulamur, votisque omnibus precamur sacram Principatum omnibus modis salvum, & incolumen esse. Ac si contendant Romanis Pontificibus, quale in utrâque Siciliâ, aut in Sardinâ, aliisque fortè Regnis, tale sibi aut majus etiam, aut aliquatenus simile usu, consuetudine, possessione legitimâ, in Imperio Romano-Germanico ordinando quæsitum esse jus; illud Germani, & quorum interest omnes, & juris civilis interpres querant, & decidant utcumque libuerit: nihil hæc ad nos pertinent, neque ullam eâ de re quæstionem movet Clerus Gallicanus. Id enim tantum declarat, *Reges & Principes in temporalibus nulli Ecclesiastica potestati Dei ordinatione subjici, neque AUTORITATE CLAVIUM Ecclesiæ directè vel indirectè deponi, aut illorum subditos à fide, atque obedientiâ, ac præstito fidelitatis Sacramento solvi posse.*

Patet ergò quæri quid in Regna & Imperia sacer ordo, ejusque ordinis Caput Romanus Pontifex, possit Christi ordinatione atque clavium autoritate, & quid Ecclesia eâ de re senserit. Quod ut sit apertius, quemadmodum in sacro Cleri Gallicani cœtu, illustrissimo Archiepiscopo Parisiensi autore, factum recolimus, universam hanc tractationem in duas partes distribuimus. Ac primum inquirimus, quid traditum eâ de re ab initio fuerit usque ad Gregorii VII. tempora, tum quid ab eo tempore decreatum, gestum, dictumque sit. Ac primis illis temporibus causæ nostræ firmamenta maximè continentur; in posterioribus, quæ validissima sunt ad-

Consultat.
vij. n. 54.
Consultat.
x. n. 93. &
seq.

Decl. Cler.
Gall. cap.j.

Vid. act.
Cler. Gallic.
1682.

versariorum objecta apparebunt. Porrò sanam doctrinam comprobare agredimur certis propositionibus, quæ sibi mutuò lucem roburque præstent, Geometrico more, & quantâ poterimus perspicuitate constitutis. Quo rerum ordine, id profectò assequemur, ut si quis est error, facile deprehe ndi & confutari possit: sin autem à Deo datur summo studio quæsitam expōnere veritatem, id speramus fore, ut nullâ prorsùs arte valeat obscurari, nullo deinceps argumento labefactari possit.

Placet autem hīc statim ponere propositiones illas, ut summā disputationis constitutā, quid deinde probari debeat, omnes faciliū animo comprehendant.

Prima Propositio. Regia, ac suprema potestas ordinandis rebus temporibus præstituta, jam inde ab initio legitima est, etiam inter infideles.

Secunda. Ea potestas, etiam inter infideles, est à Deo.

Tertia. Regia ac suprema potestas jam inde ab initio, etiam inter infideles, ita est à Deo constituta, ut sit à Deo secunda, hoc est, in suo genere, rebusque suis sub Deo, & post Deum prima: neque Deus constituit aliam potestatem, à quā illa deponatur, aut in ordinem redigatur.

Quar'a. Per institutionem Sacerdotii Legalis non immutavit Deus rationem ac statum Principatū, seu Regiæ ac supremæ potestatis; imò luculentius declaravit eam potestatem à Deo esse secundam, & in suo genere, rebusque suis primam.

Quinta & ultima. Neque per institutionem Sacerdotii Christiani quidquam immutatum fuit in jure regnandi: imò dissertè explicatum in novo Testamento, ac Patrum traditione, Pontificibus Christianis nullam esse à Christo attributam potestatem, quā temporalia ordinare aut quemquam Imperio multat̄re, vel donare possint.

His propositionibus doctrinæ nostræ summa continetur: jam eas suo or-
dine confirmamus.





DEFENSIO DECLARATIONIS CLERI GALLICANI

D E
ECCLESIASTICA POTESTATE.

L I B E R P R I M U S.

S E C T I O S E C U N D A.

Quâ expenduntur Scripturæ loci, & Patrum traditiones illustrantur, ad caput primum Gallicanæ Declarationis.

C A P U T P R I M U M.

P R I M A P R O P O S I T I O probatur: quod Regia seu suprema civilis potestas jam inde ab initio sit legitima, etiam inter infideles.

PRIMA nostra propositio sic habet: *Regia ac suprema potestas; ordinandis rebus civilibus praedita, jam inde ab initio legitima est, etiam inter infideles.* Hic duo dicimus: primum eam potestatem esse legitimam, tum esse legitimam inter infideles.

Legitimam vocamus, quæ non tantum lege, sed etiam justâ bonâque lege nititur; atqui bona lex est, quæ præcipit homines per justa & legitima Imperia adunari, dirigi, coërceri; unde existit pax & tranquillitas publica. Quo factum est ut Propheta scriberet: *Querite pacem civitatis ad quam transmigrare vos feci, (Babylonis scilicet, impia illius & omni idolatriâ contaminata) & orate pro eâ ad Dominum: in ipsâ enim est pax vobis.* Nulli enim plebi pax vera obtigit, nisi pacato Imperio, sub quo degit. Attestatur illud Apostolus præcipiens *obsecrationes fieri pro Regibus, ut quietam & tranquillam vitam agamus.* Quem locum interpretatus Tertullianus, sic Imperatores alloquitur: *Cum enim concutitur Imperium, concussis etiam ceteris membris ejus; utique & nos.... in aliquo loco easus inventimur.* Ac sublato legitimo, summoque Imperio, cædes, latrocinia, scelera omnia impunè grassari nemo diffitetur,

Jeremias
xxix. 7.

1. Tim. iij.
1. 2.
Tert. apol.
cap. xxxij.
p. 27. edit.
Prior. 1675.

Unde consequens est, ut lex illa, quā sunt supremæ potestates inter homines constitutæ, à naturali lege ducat initium. Naturâ enim duce, homines pacem bello, perturbationi ordinem anteponunt; quo fieri necesse est, ut legitimo colla Imperio submittant. Quare nulla gens est, nisi penitus non tantum barbara, sed etiam fera & belluino more vivens, quæ supremas potestates alias non agnoscat; adeòque illa lex infixa est nentibus, ut non nisi extremâ cœcitate atque feritate oblitterari possit. Hoc primum quod diximus: supremas potestates esse legitimas.

Alterum: legitima Imperia etiam inter infideles floruisse exponimus tantum, non probamus id quod per se omnes vident, idque ab initio generis humani.

- August.lib.
ij. de Ord.
cap.xij.tom.
j. pag. 344. Neque enim, ut ait beatus Augustinus, ita ratio in hominibus virtiis, atque impietate ipsâ detrita est, ut non ejus superessent saltem extrema vestigia; Deoque bono placuit, ut etiam inter homines, qui ab eo descivissent, remaneret bonum societatis humanæ. Quare Abraham cum Sodomæ & Gomorræ, & aliis infidelibus Regibus, uti legitimo ordine constitutis, fœdus iniit: *Hi enim pepigerant fœdus cum Abraham; & eosdem fœderatoriis tuerit armis.* Et sanctus ille Joseph Pharaonis Imperium, Ægypto jam corruptâ per idolatriam, uti legitimum administrat. Neque necesse est uberioris confirmare propositionem, ex sese perspicuum, cum Genes.xiv. 13. præsertim aperte contineatur in his Domini verbis: *Reddite quæ sunt Cæsar, Cæsari.* Disertè enim præcipit Cæsari infideli Principi, atque infidelis civitatis supremo magistratui præstare obedientiam. Accedit Petri autoritas: *Subiecti estote.... propter Deum, sive Regi tamquam præcellenti, sive ducibus, tamquam ab eo missis, ad vindictam malefæctorum, laudem vero bonorum: hæc est enim voluntas Dei:* & Paulus: *Admone illos Principibus & potestaribus subditos esse, dicto obedire, ad omne opus bonum paratos esse.* Hæc omnibus sine ullâ dissensione probata revocamus in memoriam, tantum ut doctrinæ connexio eluceat. Pergamus ad secundam propositionem à primâ manantem.

C A P U T I I.

SECUNDA PROPOSITIO, quod Regia & suprema potestas etiam inter infideles sit à Deo: Reges Sacro-sancti: juratum per eorum salutem: religio in Principes: Tertulliani loci.

Rom. xij. 1. **S**ECUNDA propositio. Ea potestas inter infideles est à Deo. Hanc quoque confitentur omnes; est enim Apostoli dicentis: *Non est potestas nisi à Deo: quæ autem sunt, à Deo ordinatae sunt: itaque qui resistit potestati, Dei ordinationi resistit.* Loqui autem eum de civili potestate sequentia docent, ubi gladium ac vindictam publicam, vectigal, tributum, civilis potestatis instrumenta & jura commemorat. Ergo ex potestates, quas Paulus à Deo esse, à Deo ordinatas esse docet, sunt Reges ac Principes.

Neque omittendum id, quod quidam objiciunt: à Deo ordinatas dici potestates, quod sub digniore minus digna, civilis scilicet sub Ecclesiasticâ

à Deo ordinata sit; aliter enim non constare ordinem. Verùm eo ratiocinio non utitur Apostolus, neque is locus postulabat, ut de illo ordine differe-ret; sed ita agit Paulus, ut ordinatae intelligentur à Dèo illæ potestates, quæ civilibus præsint officiis, quòd sint à Deo constitutæ: unde præmit-tit: *Non est potestas nisi à Deo: cui connexum illud: Quæ autem sunt, à Deo ordinatae sunt; & infert: Itaque qui resistit potestati, Dei ordinationi resi-stit: &: Subditi estote non tantum propter iram, sed etiam propter conscientiam.* Jam si de ordine philosophari placet, alibi philosophandum: hic quidem ex Apostolo constat, quæ civilibus præsint potestates, eas etiam inter infi-deles à Deo constitutas, & ordinatas esse.

Erant namque tum, qui summis præerant potestatibus infideles, & ido-lolatræ, quos tamen nihilo secius *Ministros Dei* vocat Paulus, & gladium, à Deo traditum esse Principi docet, ut Dei Ministro: *Non enim, inquit, sine causâ gladium portat: Dei enim Minister est.*

Quare meritò Sacro-sanctæ habent supremæ Potestates, ut quæ à Deo constitutæ, vices Dei agant: quâ in re magnum venerandumque *Dei mysterium* in Regibus S. Gregorius Nazianzenus agnoscit; unde eorum in-colunitas, salusque in juramenti religionem assumitur. Jurant enim Urias, & illa sapiens Thecuitis, *per salutem David*, neque eo seciùs Joseph se-mel atque iterùm *per salutem Pharaonis*, impii licet Regis & idololatræ: quod in Regio ministerio, etiam inter infideles magnum Dei Sacra-men-tum sit. Id secuti Christiani, hæc Tertulliani ore ad Romanos Principes Christianæ Religionis hostes, loquebantur: *Juramus autem, sicut non per genios Cæsarum, ita per Salutem eorum, quæ est augustior omnibus geniis.... Nos judicium Dei suspicimus in Imperatoribus, qui genibus illos præfecit; id in eis scimus esse, quod Dens voluit, & pro magno id juramento habemus.*

Hinc etiam idem autor religionem atque pietatem Christianam in Impera-torem celebrat: quòd Imperator, uti Sacro-sanctus, Deique vice funetus, religioso quodam honore coleretur, quam religionem secunda Majestatis haud minus piè quam eleganter vocat. *Grande ergò; eodem teste, Imperatoris nomen, quod à Deo traditur: grande Imperatoris officium, divino numine constitutum.*

Ibid. 5.

Ibid. 4.

Greg. Naz.
orat. xxvij.
tom. j. edit.
Par. 1630.
p. 471.
11. Reg.
xiv.
Gen. xlij.
15. 16.

Tert. apol.
cap. xxxij.

Ib. xxxij.

Ib. xxxv.

Ib. xxxij.

C A P U T I I I .

Quo sensu supremæ civilis potestas sit à Deo, quodve discrimin-Sacerdotium inter & Imperium.

SUNT autem supremæ potestates à Deo non tantum eo nomine, quòd Imperium nemo capessat, nisi Providentiâ Divinâ duce, & autore; verumetiam duplice alio titulo, primum, quòd, uti prædictimus, legitima Imperia sint exorta naturâ ipsâ duce, hoc est, autore Deo naturæ condi-tore. Habent enim homines hoc à naturâ inditum, ut ordinem colant, quo-eis incolunitas & tranquillitas constat: qui ordo nullus est, si desint legi-timæ potestates.

2°. Ad legem naturalem haud dubiè accesserit doctrina per manus jam inde ab initio hominibus tradita , quâ legitimis Imperiis coerceri se necessarium ducerent , cùm genus humanum statim atque post diluvium per terras fuit diffusum , statim se ultrò in Regna , civitatesque redegerit , quod tantum generis humani bonum , nonnisi à Deo traditum , inspiratum , propagatumque esse Patres docent . Chrysostomus : *Quoniam honoris ac conditionis aequalitas pugnas , & dissidia plerumque inducit , Deus multos fecit Principatus multasque subjectiones , viri & uxoris , filii & patris , senis & adolescentis , servi & liberi , Principis & subditi :* atque hæc ultima *Principis & subditi* , ad formam paterni Imperii facta esse creduntur ; nec immeritò : ab ipso enim generis humani exordio , Reges parentum loco habitos , vel illud Regibus Palæstinis commune *Abimelechi* nomen ostendit . *Abimelech* enim Latinè vertitur , *Pater meus Rex* ; quæ nota & obvia argumentis confirmare non est animus .

Quare hæc constitutio supremarum Potestatum etiam inter impios & infideles , Deo autori adscribitur ab Apostolis ac Patribus . Cyrus Rex Persarum , & que ac Saul , & David , & Salomon , *Christus Domini appellatur* : certumque est omnino eam legem , quâ res humanæ ordinantur , tam sanctam , tam necessariam , tantà consensione generis humani ab initio inolitam , & ubique diffusam , non nisi divinâ autoritate fuisse constitutam . Quo etiam factum est ut obliget conscientiam , meritòque Apostolus huic sententiæ : *Non est potestas , nisi à Deo : & Minister est Dei :* subnectat illud ut consecutaneum : *Ideò necessitate subditi estote , non tantum propter iram , sed etiam propter conscientiam.*

Hujus autem rei causa est divina bonitas , quæ , uti prædictimus , homines quamvis à verâ religione desciverint , non omnino deserit : imò verò malis tam bene consultit , ut ipso autore , maneat inter eos societatis humanae tam excellens bonum . Quod ab Irenæo præclarè est explicatum his verbis : *Quoniam , inquit , absens à Deo homo in tantum effravat , ut etiam consanguineum , hostem sibi putaret , & in omni inquietudine , & homicidio , & avaritiâ fine timore versaretur , imposuit illi Deus humanum timorem (non enim cognoscebat timorem Dei) ut potestati hominum subiecti , & lege eorum adstricti , aliquid assequantur justitia , & moderentur ad invicem , in manifesto propositum gladium timentes , sicut Apostolus ait : NON ENIM SINE CAUSA GLADIUM PORTAT : DEI ENIM MINISTER EST.*

Huc pertinet illud , quod suprà retulimus , ibidem ab Irenæo memoratum : quòd summa Imperia , quibus pax inter homines constat , non sint à Diabolo pacis inimico , sed à Deo pacis autore , pessimèque factum ab iis , qui tot Regum permoti flagitiis , scelere , libidinibus , Regium Imperium ad Diabolum autorem referebant . Satis enim constat legitima Imperia non ita , Diabolo instigante , & gliscente superbiâ esse corrupta , quin in ipso bono pacis ac societatis humanæ , maximum Dei munus facile recognoscas . Quare Divinum opus , à Diaboli opere secernendum erat cum Joanne Chrysostomo : namque *Magistratus constituere* , inquit , fuit Dei opus ; quod autem improbi ad eos provebantur , & eis , non ut decet , utantur , est hominum improbitatis .

Adversus manifestissimam veritatem Gregorii VII. aeo objiciebant passim illud Ozeæ Prophetæ : *Ipsi regnaverunt, & non ex me : Principes extiterunt, & non cognovit* : quæ multi interpres, illique gravissimi, intelligent de Je-roboam, & Israëliticis Regibus, per seditionem, ac perfidiam adversus legitimos Reges insurgentibus, Deo quidem permittente, sed ad meritam Salomonis ultiōrem. Hæc tamen si ad legitimos quoque Reges pertinere posse putant, facile referentur, non ad Imperii institutionem, sed ad ejus exercendi modum : ut scilicet Reges condemnentur qui non ex Dei legibus nutuque administrant eam potestatem, quæ divino est numine constituta.

Oz. viii. 4.

Quæres quid jam intersit Sacerdotalem inter & Civilem potestatem, si utraque est à Deo. Multum per omnem modum. Primò, quia Sacerdotalis potestas in Lege & in Evangelio à Deo ipso præsente atque conspicuo fuerit instituta : civile autem Imperium, quamquam suo modo à Deo vel inditum, vel institutum sit, haud pari præsentia Divinæ Majestatis : tum Sacerdotalis Principatūs forma & regimen exp̄resse sunt à Deo instituta : civile Imperium generatim tantum traditum est, & hominum arbitrio forma relicta, sive illa Monarchica, sive Aristocratica, sive Popularis foret. At verum quidem Sacerdotium illiusque potestatis legitima administratio cum verâ religione conjuncta est : Imperia verò legitima & apud infideles vigent : denique ritus consecrandi Sacerdotes omnino Divinus, atque inter sacramenta à Deo instituta numeratur, valetque interventu proprio & expresso Divini numinis, ac spiritūs : at Regum consecratio neque à Deo est universim instituta, neque huic officio absolute necessaria, sive, ut aiunt, essentialis est : quæ, ut in re clarâ leviter attigisse sufficiat; cùm satis superque constet apud Christianos legitima Imperia à Deo esse, & quidem, uti memoravimus, à Deo propitio, ac rebus humanis consulente. Nunc quæ inde consequantur, ordine exponamus.

C A P U T I V.

TERTIA PROPOSITIO : *quod Regia ac suprema potestas nulli alteri potestati Dei ordinatione subiecta : omnium gentium in eam rem consensio : Druidæ, Augures, alii ejusmodi frustrè advocati ad præsidium indirectæ potestatis.*

TERTIA propositio : Regia ac suprema potestas jam inde ab initio etiam inter infideles ita est à Deo instituta, ut sit à Deo secunda, hoc est, in suo genere rebusque suis sub Deo, & post Deum prima; neque aliam Deus potestatem instituit, à quâ illa deponatur, aut in ordinem redigatur.

Hæc propositio facilè deducitur ex antecedente : cùm enim constet Regiam ac supremam potestatem, etiam inter infideles à Deo esse, non minus certum est huic potestati nullam superiorem à Deo fuisse impositam. Quam enim? An civilem aliam? Sed hæc verè Regia ac suprema esset, quam Deo

Tomus I.

R

autori tribuimus , & à Deo secundam esse dicimus. An verò sacerdotalem ? At ea inter infideles non à Deo , sed à Diabolo est ; neque Melchisedech , summi Dei Sacerdotem , eo nomine quidquam in Reges potuisse legimus ; & ipsum Regem quidem , sed suo & singulari Regno præpositum fuisse sci-mus. Quod autem antea passim , sive primogeniti , sive patres-familias , sive quivis alii sacrificia offerebant , delibatâ eâ parte Sacerdotalis officii ; nihil hoc ad regenda Imperia pertinebat. Legale autem ac proprii jam no-minis Sacerdotium per Mosem institutum , longè post constituta Regna legitima floruit , neque ad ullam gentem præterquam Judaicam pertinebat. Ergò vigebat jam inde ab initio Regia ac suprema potestas , sic à Deo constituta , ut esset omnino in suo ordine rebusque suis *avuntur* , hoc est , nulli alteri quam divina obnoxia potestati ; quæ nostra est propositio.

Quare omnino sibi , siveque potestati Deus reservabat , ut impios Re-ges pœnâ coërceret. Populum enim suum Pharaoni , & Ægyptiis , causâ maximè religionis exosum , jam tum docuerat non insurgere in Principem ,

Exod. ij. quamvis fævientem , sed clamare ad Deum : adire Regem : commonere : 23. j. Reg. urgere prodigiis territum : nihil aggredi manu ; ipse enim unus extento xij. 8. brachio in mirabilibus , & terribilibus magnis Pharaonem adortus est : quem

Exod. ix. utpotè Regem suæ ultioni reservaverat. In hoc enim ipsum , inquit , excitavi 16. Rom. ix. te tantâ potestate , tantâque contumaciâ præditum , ut ostendam in te virtu- 17. tem meam.

Hæc ergò vox , hic sensus est totius generis humani : neque enim aliter vigere poterat illa pax , illa ordinatio rerum humanarum , quam à Deo esse vidimus ; nisi esset aliqua divino numine constituta suprema potestas , cui cedere omnes , ut à Deo secundæ , nullique alteri obnoxia tenerentur.

Hoc jure apud Romanos , hoc jure apud Græcos , Indos , Persas ; hoc jure apud omnes gentes administrata Respublica est. Nulla erat supra civi-lem potestatem à Deo constituta potestas , cuius arbitriis Imperia solve-rentur.

Vid. Cæs. Nam quod Druidas commemorant , quorum judiciis decretisque in omni debell. Gall. controversiâ Galli nostri parerent , quod Augures afferunt , ipsumque Ci- lib. vi. ceronem augurem de hujus sacerdotii dignitate pleno eloquentiæ flumine differentem ; quid ad nos attinet ? Nempè Druidæ , Augures , Aruspices . Extispices non erant , puto , divino numine constituti ; tam falsi Sacerdo-tes , quam falsa erant numina , quibus serviebant : civitatum ac Principum autoritate jus eorum invaluit. Quis autem dubitat partem aliquam publicæ potestatis in eos lege latâ conserri potuisse , cum etiam legamus in qui-busdam civitatibus cum Sacerdotio Regnum fuisse conjunctum ?

Quod autem eam Sacerdotum , ac maximè Augurum potestatem illus-trissimus Baronius eò refert , ut jure nature cuncti populi edocti sint , penes Sacerdotes summam rerum esse ; id quam apertè est nimium , tam apertè est falsum.

Cic. lib. ij. At enim , inquiunt , teste Cicerone poterant Augures à summis Imperiis de legib. ac potestatibus comitia tollere ; decernere ut magistratu se abdicarent Consules ; legem , si non jure rogata esset , tollere. Hæc qui objiciunt , nequidem cogi-tant quo fonte ista manârint.

Nempè in fulguribus, inque fulminibus, à fragore tonitruum, in avium volatu, ac tripudiis, in victimarum extis, significationem esse peculiarem putabant divinae voluntatis; cui ita patefactæ nisi obtemperarent, diram imminiere ultionem. Quare neque haberit comitia, neque iniri Magistratus, neque quidquam rei publicæ, privatæve, agi posse, nisi aves addixissent: Deos enim immortales eo indicio, atque eloquio prodere quid vellent; cuius Divini eloquii intelligendi artem penes Aruspices, atque Augures esse. Hæc si jure naturæ valent, malè nobiscum actum est, qui talia contemnamus; neque in Sacerdotes, bella, judicia, comitia, omnia denique privata ac publica conferamus.

At jubebant Augures Consulem abire Magistratu. Certè, si vitio creatus, si dirematis aliquo portento comitiis, si inauspicato, ac Diis apertè, ut quidem existimabant, abnuentibus, Magistratum iniisset. Quod si hæc ad deponendos Ecclesiasticæ autoritate Reges conferre non pudet, dicant nostros Pontifices indicis expressis, propalatam Divini numinis explicare voluntatem: aut, quandoquidem jure Augurum delectantur, doceant eo jure Regem aliquem jam inauguratum, jam agnitus, (Regem autem dico) doceant vel saltem Consulem, annum Magistratum, suscepso semel confessione civitatis Imperio, abdicare justum. Sed in his diutiis immoratur; neque tamen omittenda erant, quæ tantos viros, dum causæ suæ undique suffragia querunt, commemorare non piguit. Jam ergo ad nostras propositiones revertamur.

C A P U T V.

Ex tribus primis propositionibus Corollarium: quod sine verâ religione, veroque Sacerdotio, civile regimen perfectum, ac scipso consistens, atque in rebus suis ab omni aliâ potestate absolutum: an in eo jure aliquid immutatum per Legale aut per Christianum Sacerdotium; quartâ & quintâ propositione queritur.

HIC tria quidem hactenus à nobis constituta: primum illud: ab ipsâ rerum humanarum origine viguisse, etiam inter infideles, legitimo ordine suprema Imperia ac legitimos Magistratus: alterum, eorum Magistratum potestatem à Deo esse: tertium, ita iis Magistratibus supremam potestatem à Deo esse traditam, ut sint à Deo secundi, in suo ordine primi, nullâ aliâ à Deo potestate constitutâ, cui in rebus suis obnoxii viverent. Hæc nemo diffitetur. Jam certis propositionibus addimus haud minus certum.

C O R O L L A R I U M.

Perfectum regimen, quod attinet ad ordinem, & jura societatis humanae, sine vero Sacerdotio, ac sine verâ Religione esse potest. Explicamus, & ipsâ explicatione probamus.

132 DEFENSIO DECLARATIONIS

Regimen perfectum dicimus consideratione duplici: 1º In ordine moralis, sive in genere moris: 2º In ordine politico, sive in genere civilis societatis.

Itaque asserimus sine verâ religione esse perfectum regimen, non in ordine moralis: neque enim boni mores sine verâ religione, verâque beatitudine, qui morum ac virtutum humanarum finis est, esse possunt; neque, ut præclarè Augustinus, aliundè esse potest beata, ac perfecta civitas, aliundè homo, cum civitas nihil sit aliud quam hominum certo fœdere conjuncta societas. Nullum ergo regimen in ordine moralis sine verâ religione perfectum esse potest.

At perfectum esse posse dicimus in ordine politico, seu quantum attinet ad jura societatis humanarum: perfectum enim est eo respectu regimen, quod primum est legitimum, tum verè est à Deo, omniq[ue] animarum pia colendum; denique in se supremum, nullius alterius Imperii indigum, nulli alteri obnoxium potestati. Tale autem fuit, & est regimen etiam apud infideles & impios; ergo perfectum illud regimen sine verâ religione, veroque sacerdotio esse potest.

Cumque apud infideles non nisi falsum, & illegitimum Sacerdotium esse possit; veri tamen ac legitimi, & à Deo ordinati Magistratus præsunt: suntque ab ipso Deo, cum religio, tum Imperium ita constituta, ut & vera religio sine adjuncto sibi Imperio, & verum ac legitimum Imperium sine adjunctâ sibi verâ religione esse possit.

Vera religio sine adjuncto sibi Imperio, immo Imperio plerumque adversante, sub Pharaone, sub Nabuchodonozore, Baltassare, ceteris Assyriis; Persisque & Græcis Regibus, penes Hebreos: sub tot impiis Imperatoribus penes Christianos fuit: verum Imperium sine verâ religione ubique terrarum nititur.

Est ergo Imperium, seu civile regimen, religioni subordinatum, & ab eâ pendet in ordine moralis, non autem in ordine politico, seu quod attinet ad jura societatis humanarum: cum hoc postremo ordine & religio & Imperium sine se invicem esse possint.

Quæ cum omnes fateantur, illud est consequaneum, utcumque religio se habeat: utcumque Sacerdotes, qui religioni præsunt, de Principe, qui civili societati præsit, egerint, decreverint, edixerint, nihilde secundus maneret Principi integra ea omnia jura, quibus civilem societatem ordinet ac regat; neque omnino posse à Sacerdote deponi Principem, qui in suo ordine sub Deo primus sit à Deo constitutus.

Hæc, inquam, certa sunt, nisi Deus in supremis potestatibus à se constitutis, eorumque juribus aliquid immutaverit, instituto scilicet Legali, aut Christiano Sacerdotio, attributoque jure deponendi Reges ac temporalia ordinandi. An autem id fecerit propositiones quarta & quinta luculentiter edocebunt.

August. de
Civit. libr.
xx.cap.viii.
& alib.pass.

C A P U T V I.

QUARTA PROPOSITIO: *Per institutionem Sacerdotii Legalis nihil immutatum in Regia ac summà potestate; nihil ad eam depo- nendam juris Sacerdotibus attributum: probatum ex Deuterono- mio, Regumque libris.*

QUARTA propositio: *Per institutionem Sacerdotii Legalis non immuta- vit Deus rationem, ac statum Principatūs, seu Regia ac supremæ potes- tatis; imò luculentius declaravit eam potestatem à Deo esse secundam, & in suo generè rebusque suis primam. Hac ergò constabit, Sacerdotali ordini per legem Mosaicam instituto, nihil juris à Deo attributum fuisse ad ordinanda temporalia, deponendosque Reges, sive directè, sive indirectè, sive apud fideles, sive apud infideles.*

Et de infidelibus quidem certum: cùm Legale Sacerdotium nihil ad eos spectet: de fidelibus quoque idem facilè probatur, vel hoc uno argumento, quòd in totâ lege, cùm Sacerdotale instituitur atque explicatur officium, nihil tamen ei à Mose in Regiam potestatem fuerit attributum; tametsi ipse Dominus eam potestatem inter Hebræos futuram pronuntiaverit his verbis in Deuteronomio: *Cum, inquit, ingressus fueris terram, quam Dominus Deus tuus dabit tibi, & possederis eam, habitaverisque in illâ, & dixeris: constituam super me Regem, sicut habent omnes per circuitum nationes, &c.* Deuteronomio xvij. 14.

At multa quidem hīc futuro Regi præcipit: ne multiplicet equos: ne uxores, ne divitias congerat: ne revertatur in Ægyptum: ut describat sibi legem, accepto exemplari à Sacerdotibus; neque enim illud prætermissum est, quod ad commendationem Sacerdotalis officii pertineret. In Sacerdo- tali verò officio describendo, Moses ad minutissima quæque descendit: de tanto illo jure Sacerdotii deposituri Reges, de obedientiâ tantâ præstandâ à Regibus, ut depositi loco cederent, nihil omnino scriptum: cùm pro- fectò id è magis memorandum esset, quòd erat ex se se maximum, magis que ab omni hominum consuetudine abhorrebat. Quin etiam in Deuteronomii loco disertè expressum illud: *Constituam super me Regem, sicut ha- bent omnes per circuitum nationes: quibus verbis demonstratur civilem po- testatem, eo, quo erat apud omnes, loco relinquendam, neque per legem Mosis quidquam immutatum.*

At forte Sacerdotale illud jus ad deponendos Reges sibi Deus exponen- dum, decernendumque reservabat eo tempore, quo Reges, ac primum eorum Saïlem constituturus esset. Imò verò populus dictorum Domini memor, sic ait ad Samuelem: *Constitue nobis Regem ut judicet nos, sicut & catere habent nationes: & iterum; Rex erit super nos, & erimus nos quoque sicut omnes gentes, & judicabit nos Rex noster, & egredietur ante nos, & pugnabit bella nostra pro nobis; prorsùs eo sensu quo Deus in Deuteronomio dicturos prænuntiaverat: Constituam super me Regem sicut habent ceteræ per circuitum nationes: scilicet nihil novi cogitabant, neque aliam animo*

R iii

1. Reg. viij.
15. Ibid. 19.
20.

Ibid. 7. informaverant ideam Principatū, quām quæ apud cæteras gentes invaluerat. Quare æquè supremam, æquè absolutam intelligebant ab omni aliâ potestate. At qualem Regem postulabant, talem Deus concessit. *Dixit enim Deus ad Samuelem: Audi vocem populi in omnibus qua loquuntur tibi: & iterum: Nunc ergo vocem eorum audi.* Ergò inter fideles æquè ac inter infideles, pari jure, nullâque Majestatis imminutione regnatū est. Sanè apud fideles id additum, quod sacrâ unctione Majestas facta est augustior & sanctior, & in Christi Domini imaginem Reges C H R I S T I habiti, sanctiore titulo consecrati sunt.

Ibid. 9.

C A P U T V I I.

An unctio Regum, eorumque designatio per Samuelem interdum ac Prophetas facta, in ordinandis civilibus aliquid Sacerdotibus juris attribuat? De Concilio Sanhedrin BARONII sententia expenditur.

AT fortè ea unctio quam à Sacerdotibus Reges Israëlitici accepturi erant, eos Sacerdotibus peculiari titulo submittebat: eratque Pontifici peculiare jus, ut ad designandos, sic etiam ad amovendos Reges attributum. Neutiquam. Si enim rem ab origine repetamus, primus omnium Samuel, ne quidem Sacerdos, nedum Pontifex, sed Levita tantum, mandato Dei, jussuque speciali Saülem designavit & unxit, & ad Regnum evexit; & posteà reprobatum, haud minus speciali mandato, Regno amovendum edixit, & Davidem in Regem unxit: nihil ergò hīc quidquam in admovendo amovendoque Principe, Sacerdotali & ordinario jure: nihil, nisi Propheticō & extraordinario officio à Samuele est factum; ut profectō mirum sit Baronium hæc extraordinaria, ad stabiliendam ordinariam Pontificum potestatem detorquere voluisse.

1. Reg. viii.
22. ix. 15.
16. x. 18.
20. xv. 26.
xvj. 13.

¹ Bar. tom. ix. an. 800.
^{p. 489.}

Neque verò posteà Salomon à Sacerdote, sed à Davide electus est: ac posteà jussu Davidis à Sadoc Sacerdote est unctus. Sic enim David jubet: *Vocate mihi Sadoc Sacerdotem & Nathan Prophetam, & Banaiam filium Joiada: qui cum ingressi fuissent coram Rege, dixit ad eos: Tollite vobiscum servos Domini vestri, & imponite Salomonem filium meum super mulam meam, & ducite eum in Gibon, & unget eum ibi Sadoc Sacerdos, & Nathan Prophetam in Regem super Israel.* Ordinario ministerio Sacerdotis, Propheticum quoque & extraordinarium adjungitur Nathani officium; quod aliquid hīc extraordinarium intervenisset, ac Salomon natu minor, jussu Domini ad Davidem per Nathanum perlato, ad dignitatem Regiam esset provehendus.

32. 33. 34.

Non ergò Sacerdos, sed David à Prophetâ monitus, jure Regio designat successorem, verèque est illud à Bethsabee dictum: *Verumtamen Domine mi Rex, in te oculi respiciunt totius Israël, ut indices eis quis sedere debeat in solio tuo, Domine mi Rex, post te.* Neque quidquam aliud posteà Pontificibus attributum, nisi ut eos ungerent, quorum hæreditario jure esset Imperium:

Ibid. 20.

Nihil ergò juris in lege Mosaicâ Sacerdotibus attributum est, quo Regia Imperia solverentur, tive cùm Sacerdotale, sive cùm Regium institueretur, ac describeretur officium; estque omnino Regia ac civilis potestas, Legali etiam Sacerdotio instituto, in suo ordine rebusque suis prima & absoluta.

Neque ullâ ratione stare possunt ea, quæ ait Baronius de Collegio septuaginta duorum Seniorum à Mose instituto, cuius officium esset de lege, Rege, atque Prophetâ judicare, quo factum sit, ut Reges subiecti essent summo Pontifici, qui suo arbitrio moderabatur magnum illud Consilium, cuius Consilii judicio Herodes Rex postulatus est, ut Josephus testatur. Hæc, inquam, nullo modo stare possunt.

Primum enim nihil tale in Scripturâ legimus, nec cùm instituti sunt à Mose Magistratus, conflatumque ex illis est, aut aliter quomodocumque, Deo jubente, institutum illud Senatorum septuaginta Consilium: non eos constitutos fuisse videmus, ut de Regibus, summâque potestate decernarent, sed ut Mose sub judicandi populi onere satisficerent, in privatâ controversiis disceptandis adjuvarent: neque à tali Consilio ullum unquam Judicem, (a) ullum Regem judicatum fuisse in Judicium, aut Regum, aut Paralipomenon libris legimus; neque Josephus prodidit, in recidivo sub Machabæis Judæorum Imperio, eum Senatum ad Reges in ordinem cogendos quidquam fuisse molitus; nec, si Rabbini quidam dixerint ab eo Consilio de Rege judicatum iri, nempè si qui de Regno litigâssent, id ad Reges deponendos trahi possit, cùm jure regnant: (b) neque Herodes,

(a) Ullum judicem.] Etenim Judices, qui populo Israelitico ante Regnum constitutum profuerunt, puta Othoniel, Gedeon &c. eâ potestate gaudebant supremâ, quâ deinde Reges, ut nulli alteri quam Divinæ obnoxii essent potestati. Sed Senatores illi de quibus hic agitur, à Mose fuerant plebi prælati, eò ut judicarent minora tantummodo, & ad se quidquid maius esset referrent. Exod. xviiiij. 22. Ergò allucinatur Baronius.

(b) Herodes quem ad id Consilium &c.] Nonnulla notanda veniunt in eo exemplo quod profert Baronius. Et quidem, ut observat D. BOSSUET, Herodes tunc tempotis Rex non erat, sed Galilææ Procurator. Porro cùm ille quosdam è Galilæâ latrones occidisset, multi, qui patrem ejus Antipatrem, sub Hircau Rege Regni administrum, atque adeò autoritate & opibus plurimûm valentem oderant, Hircau persuaserunt, ut juberet Herodem sistere se coram Sanhedrin. Erat autem Sanhedrin Senatus, seu magnum Consilium Judæorum, in quo sedebant Judices primores populi ex unâquaque Tribu electi, quos inter vincebant, cùm autoritate, tûm numero, ex Tribu Levi Sacerdotes & Levitæ. Igitur Hircau, homo propè stolidus, qui, si vir fuisset, de Hetodis facto ipse judicasset, hunc vocat ad Sanhedrin Consilium. Hircau quidem paruit Herodes; sed venit non sordidatus; verum id quod Sameas conquerebat, púrpuratus & Regio cinctus fatellito; queis ostendebat, quod de se judicium laturi essent, se non multum curare: imò vindictam sumpturum, si damnationis sententiam ferre præsumerent. Ergò Herodes, injecto Judicibus timore, ipse, non expectato judicio, profectus est Damascum, ubi palam dixit, se ad judicium, si iterum vocaretur, non adfuturum; neque narrat Josephus ullam adversus Herodem istam fuisse sententiam. Itaque quanquam Herodes Rex fuisset, nil pro Baronii causâ recte posset concludi ex illâ in jus vocazione per invidorum hominum conspirationem factâ, quam Herodes adeò sprevit, ut palam pronuntiaret se non adfuturuni, si denù vocaretur, quamque denù nulla sententia subsecuta est. Attamen Baronius illo gaudet exemplo, & illud tertium quartumque iterat, quod tamen seorsim si consideretur, deprimeret potius quam extolleret Sacerdotalem potestatem. Etenim in tanto Sacerdotum numero, nihil gravitatis inest, nihil magni animi, nihil fortitudinis: unus est Sameas dignitatis suæ memor. Addit Baronius: Summum Pontificem suo arbitrio moderari solitum magnum illud Consilium. Verumtamen ne unum quidem nominat ex Pon-

Bar. tom.
j. an. 31. p.
99. an. 57.
p. 436. vid.
etiam tom.
ix. loc. cit.

Exod. xviiiij.
18. 21.
Nûm. xj.
14. 15. 16.

Josephi.an-
tiq. lib. xiv.
cap. xvij.

quem ad id Consilium reum citatum esse idem Josephus memorat , Regiam tunc potestate erat , sed & ipse , & Antipater ejus parens , sub Hircani Pontificis Principatu vivebant , ejusque autoritate omnia poterant ; itenque judicio Herodes , ejusdem Hircani Pontificis pariter ac Principis jussu . Nec si concedamus huic Consilio datum esse ut de Regibus decerneret , idcirco eam potestatem in Pontificem transferimus , cum esset is cœtus ex omnibus Tribubus constitutus : neque verò Pontifex in omnibus præterat : sed disertè præscriptum est à Rege Josaphat , *Amarias Sacerdos & Pontifex uester in his quæ ad Deum pertinent , præsidebit : porrò Zabadias filius Ismaël , qui est Dux in domo Juda , super ea opera erit , quæ ad Regis officium pertinent* : nec si concedamus Pontificem in omnibus præsedisse , ideo etiam pro Imperio decrevisse fateamur ; neque magis probat Baronius Reges Pontifici , quām totius gentis Consilio esse subjectos : ut quæ ille dicit non modò falsa sint , sed etiam ejus instituto non congruant .

jj. Paral.
xix. II.

C A P U T V I I I .

Bellarmini argumentum ex Deuteronomii loco.

Deuteron.
xvij. 14. 15.

EODEM vitio laborat Bellarmini argumentum ex Deuteronomii loco repetitum : *Cum ingressus fueris terram , quam Dominus Deus tuus dabit tibi , & possederis eam.... & dixeris : Constituam super me Regem , non poteris alterius gentis hominem Regem facere , qui non sit frater tuus : hoc est , ejusdem gentis , ac veræ religionis consors . Quo ex loco vir maximus sic ratiocinatur : cum ejusdem periculi sit eligere , & non deponere , utrumque æquè vetitum esse , intelligendum ; ac proinde deponendos Principes veræ religionis exfortes .*

Bell. de R.
P. lib. v. c.
vij. p. 891.

Sed hoc argumentum , primùm quidem nihil ad rem . Agimus enimverò de potestate Pontificis , de quo in hoc Deuteronomii loco ne verbum quidem . Agit Moyses de toto populo terram ingressuro , & Regem electuro absque ullo peculiari interventu Pontificia potestatis , ut & ipsa Mosis verba demonstrant , & Samuëlis non Pontificis , sed Prophetæ extraordinaria , quam commemoravimus , ad officium designandi Regis , delegatio confirmat .

2°. Argumentum illud nimis probat : probat enim alienigenas ac veræ religionis exfortes non modò non eligendos , sed nec etiam tolerandos esse ; quod nec ipse Bellarminus admittat : quippe qui retinendos doceat infideles

tificibus , cui de hoc Consilio tantum licuerit : quanto minus licuisset Hircano imbecilli , qui non tam regit quām ipse regitur , nunc ab Antipatre & Herode , nunc ab eorum æmulis ; quique illorum semper partes fovent , qui in capiendo levi ejus animo sunt calidiiores & promptiores ? Nam si Herodis adversariorum impulsu , hunc ad judicium vocat , ipse illi suafor est , ut spredo Consilio , nec expectato judicio , statim abeat . Nil ergo firmum fixumque est in totâ Hircani agendi ratione ; neque , ut optimè annotavit D. BOSSUET , ullum poterat Baronius exemplum adsciscere , quod iis quæ ipsi probanda erant , congruens minus cohærensque esset . Vid. Joseph. lib. xiv. cap. xvij.

infideles Principes, cā conditione, si populum à fide non avertant; at eos profectō eligere non licet, cūm lex generatim edicat: *Non poteris alterius gentis hominem Regem facere, qui non sit frater.* Falsissimum ergo est, vel teste Bellarmino, deponi posse eos qui eligi vetentur.

Ac profectō Judæi Babylonios, Medos, Persas, Græcos, Romanos, cūm non essent fratres, eligere non poterant; quos tamen colere debuerunt, postquam in eorum manus legitimo ordine devenerunt. Procul dubio enim alienigena & infidelis erat Cæsar, de quo tamen Christus dixit: *Reddite quæ sunt Cæsaris, Cæsari.* Ergo non abjecere, aut deponere, sed colere debebant, quem eligere, ut potè alienigenam, ex legis interdicto vetabantur.

Hoc de infidelibus & alienigenis: jam verò de ipsis fratribus, si existimaveris eum, qui ad Regnum evehatur veram religionem secutus, deponi debere, postquam ab eā desciverit, haud minus absurdum erit: cūm nemō ausit dicere Achaz, Manassen, & alios, post Regnum adeptum, ad Idola conversos, deponi necessariò debuisse, quos Prophetæ ac pii omnes pro veris Regibus coluerint.

Ac multa omnino sunt quæ, re integrâ, facere non liceat, propter grave periculum: facta, propter gravius periculum, mutare non licet: quale est periculum in deponendis Regibus, ubi solutâ Imperii vi, unâ cum Republicâ religio periclitatur.

C A P U T I X.

*Quæ antè dicta sunt, Judæorum historiâ recensità, luculentius expli-
cantur: Judæorum Regum, etiam ad Idola cogentium, inviolata
Majestas: Reges Assyrii, Medi, Persæ, pari cultu observati:
erga eos egregia, Alexandri Magni tempore, Judæorum fides:
JOSEPHI locus: eadem obedientia in Alexandrum & Græcos
Syriæ Reges.*

HÆc per se luculenta magis elucent, si populi Israëlitici historiam paucis retexerimus.

Vixit populus ille sub Mose primùm, qui utramque complexus potestatem, Sacerdotale officium in Aaronem, ejusque filios hæreditarium transstulit; civile Imperium moriturus in Josue contulit. Hisce temporibus, ipse Deus. Regem agebat; quo factum est, ut, populo Regem petenti, ad Samuelē dixerit: *Non te abjecerunt, sed me, ne regnem super eos.*

Interim cūm opus esset, Deus extraordinariè delegabat, qui civile Imperium exercecerent: quo jure Judices Rempublicam administravere. Et quidem Heli Pontifex Maximus eo munere functus est, sed ad id ipse quoque vel populi confessione, vel quod illis temporibus magis congruit, Divino nomine delegatus. Certè si quid ei Pontificatus jure, idem etiam cæteris Pontificibus competitset. Successit tamen illi Samuël, neque Pontifex, neque Sacerdos, sed Levita tantum, ut diximus: quæ profectō res vetat, ne civile Imperium cum Sacerdotali officio conjunctum arbitremur.

j. Reg. viii.
7.

Sub Samuele Regium est constitutum Imperium, eo quidem ad omnia praeente; sed, ut id præstare posset, extraordinariè delegato: quare Letitiae tribui nulla est peculiaris in Reges attributa potestas.

Exinde Hebræi fuere sub suis, ac sub extaneis Regibus: sub suis à tempore Saïlis usque ad Sedeciam, quo tempore Reges passim Idolis servierunt, templum Domini occluserunt, in pios favierunt, Prophetas cæciderunt; neque interim de iis deponendis, aut Sacerdotes unquam, aut ullus hominum cogitavit: sed ab omnibus sunt habiti pro veris Regibus, etiam à Prophetis, qui à Domino missi tantâ autoritate, tantâque præsentia Divini Spiritus, Divina oracula nuntiabant; & cum in lege scriptum esset, ut quicumque ex Israëlitis Deos alienos coleret, capitali supplicio puniretur, nemo tamen est suspicatus, à quoquam, nisi à Deo, animadverti posse in Reges: ergò Regia potestas sacro-sancta, & ab omni aliâ, præterquam à Divinâ potestate absoluta habebatur.

Item lege cautum erat, ut adulteri & percufores morte morerentur, & tamen David adulteri & percufores dicebat: *Tibi soli peccavi*. Quem in ver-

Ambros.
Ambrof.
apol.i.Dav.
cap.x.n.51.
tom.j. pag.
692.

sum, notum est illud Ambrosii: *Rex erat, nullis ipse legibus tenebatur, quia liberi sunt Reges à vinculis delictorum: neque ullis ad paenam vocantur legibus, tertiis sub Imperii potestate: homini ergo non peccavit, cui non tenebatur obnoxius*.

Hic verò notandum Reges à legis præscripto generali, nullâ clausulâ exceptos, ipsâ majestate Regii nominis pro exceptis habitos. Ergò intelligebant soli Deo reservatos, & ab omni aliâ potestate immunes.

Si ventum eò est aliquandò, ut Reges Regno extorres futuri declarerentur, quemadmodum Saüli contigit: id verò Samuel Prophetico ministerio extraordinariè, ac peculiari revelatione jussus præstitit, nullique unquam ordinariæ potestati talia concessa sunt.

Eodem Prophetico atque extraordinario officio, & Jeroboam, & Jehu; & alii scissarum tribuum Reges amoti & ordinati: quæ Baronius more suo ad ordinariam Pontificum potestatem studiosissimè confett. Nos melius concludimus talia de Regibus, non nisi extraordinariè ac peculiari jussu, Divinitus designari.

Quin etiam Reges à Deo reprobati, quamdiu in vivis erant, ab omnibus colebantur; etiam Saül, à Samuele, dictâ licet sententiâ hac in nomine Domini: *Abjicit te Dominus ne sis Rex*; & ab eo Samuel discessurus, mansit tamen à Saüle rogatus in hæc verba: *Peccavi, sed nunc honorame coram Senioribus populi mei, & coram Israël*; ne Majestas Regia in homine reprobo vilis haberetur: & in illâ speluncâ, Davidem jam Regem & unctum percussit cor suum, eò quod abscidisset oram chlamidis Saul, & Christum Domini licentiùs contigisset: denique & mortuum est ultus, ut Christum Domini, quemadmodum anteà contestatus erat: *Vivit Dominus, quia nisi Dominus percuferit eum, propitius mihi sit Dominus*, ut non mittam manum meam in Christum Domini: adverte, *nisi Dominus percuferit eum*, quo demonstrat Regem, quantumvis impium & apertè reprobatum, Deo tamen ultiō reservatum, & quamdiu à Deo est incolumis, pro Christo Domini esse colendum.

Jerem. lij.
2. iv. Reg.
xxiv. 19.

Quare Jeremias Sedeciam Regem, de quo & ipse scriperat: *Fecit malum coram Domino*, ut antecessores sui idola fecuti: eum, inquam, Regem, jam

everso Regno , Nabuchodonosori traditum à Domino , prosequitur lacrymis , & Majestatem Regiam in eo conculcatam luget : *Polluit* , inquit , *Regnum & Principes ejus* ; & addit : *Spiritus oris nostri Christus Dominus* , sive , ut alii vertunt : *Christus Domini (Sedecias) captus est in peccatis nostris , cui diximus in umbrâ tuâ vivemus in gentibus*. Nempè Regis impii calamitatem , non ejus , sed populi , suisque peccatis tribuit ; eumque haud minus vitâ , ac spiritu charum , etiam inter hostes , suis solatio & præsidio futurum veneratur ac diligit : quæ quidem adeò magnifica sunt , ut Christum ipsum adumbrent. Eo honore ab Israëlitis , atque etiam à Prophetis , Regia Majestas in impio Rege , viçto , spoliatoque habebatur.

Lam. ij. 2.
6. 9.
Ib. iv. 20.

At postquam everso Regno Judaico , infidelibus Regibus Hebræi subjecti sunt , haud minore fide eos observârunt , jussi à Prophetis quærere pacem civitatis ad quam transmigraverant (Babylonis scilicet & Regni Babylonici) & orare pro vitâ Nabuchodonosor Regis Babylonis , & pro vitâ Balthasar filii ejus ; ut sint dies eorum sicut dies Cœli super terram , & ut , inquit , det Dominus virtutem nobis , & illuminet oculos nostros , ut vivamus sub umbrâ Nabuchodonosor Regis Babylonis , & sub umbrâ Balthasar filii ejus , & serviamus eis multis diebus , & inveniamus gratiam in conspectu eorum.

Jerem.
xxix. 7.
Bar. j. 11.
12.

Translato deinde ad Medos & Persas Imperio , Judæi ad eos fidem & obsequium transtulere , & adversus Assuerum (c) Regem Persarum , quicumque ille sit , edicto proposito eos neci addicentem , omnes nulla arina comparrârunt , præter jejunia , piisque ad Dominum preces.

Esth. iij.
iv. xij. xiij.
Ibid. v. vi.
vij. xvij.

Sic inflexus Rex ad misericordiam : Aman Judæorum hostis ultimo supplicio affectus est ; quo facto , victores Judæi cepere per urbes ultionem de hostibus , eosque trucidârunt , sed Assueri autoritate & edicto .

Ibid. v.vj.
vij. xvij.

Neque veriti sunt victoris Alexandri , subsidia poscentis in obsidionem Tyri , iram provocare , ut Persarum Regibus suis dominis , fidi obsequentesque viverent. Respondit enim Jaddus Pontifex Maximus Alexandri Nunnius : *Sacramento se obligatum Dario , ne arma contra eum caperet , idque ratum fore , quandiu Darius ipse viveret*. Sic ipsi Pontifici videbatur illud inviolabile sacramentum , neque per Pontificiam potestatem , præsente licet Synagogæ totius tantâ utilitate , imò necessitate solvendum.

Joseph. ant.
lib. xj. cap.
viiiij.

Rerum potienti Alexandro , obstrictâ semel fide , paruerunt ; & post Alexandrum , Syriæ Regibus attributi , in obsequio manserunt , nusquam Imperio sollicitato , tametsi Reges populum ad Idola sectanda omni arte pellicerent , vimque persæpe intentarent.

(c) *Adversus Assuerum &c.*] Quis sit ille Assuerus lis est inter doctos. Alii conjiciunt esse Artaxerxem qui μαρίχηρ , alii qui ωνς cognominabatur , nonnulli Darium Histaspis filium patrem Darii Medi. Tot inter discrepantes sententias , fortè satius est nullam sequi. Vide tamen eos qui librum Estheram commentarii sunt , & Dionys. Petavium de Doct. temp. Lib. xij. atque imprimit Hieronymum , qui putat hunc Assuerum esse ipsum Artaxerxem Ochum filium Artaxerxis cognomento μιμων Vid. Comm. in Ezech. lib. j. cap. iv. tom. iij. p. 720. edit. Ben. & lib. iij. Dial. adv. Pelag. tom. iv. p. 139. Cæterum plerique existimant nomen Assueri , sive quod idem est Artaxerxis , omnibus Persarum Regibus fuisse commune , quomodo anteâ Regibus Ægypti Pharaonis , ac deindè Romanis Imperatoribus , Cæsaris nomen promiscuum fuit.

CAPUT X.

Recidivum sub Machabæis Imperium peculiari Dei instinctu à Mathathiâ inchoatum, à filiis stabilitum: Romani ac Cæsares eodem jure, Christo approbante, regnârunt.

Du Perr.
Har. œuv.
div. p. 627. **A**T enim, inquiunt, ad extremum sub Antiocho Epiphane arma ceperunt, autore Mathathiâ Sacerdote. Hoc argumentum quidam supremum efferunt: sed frustrâ. Et quidem illud exemplum Bellarminus meritò prætermisit; neque enim Mathathias summus Pontifex fuit, qui de his pro potestate decrevisse fingatur, neque Sacerdotali potestate quidquam egit, sed instinctu Divino, quemadmodum Phinees *Zelus Dei commotus*. Sic enim scriptum est in Machabæorum libris: *Accessit quidam Judæus in omnium oculis sacrificare Idolis super aram in civitate Modin, secundum jussum Regis; et vidit Mathathias, et doluit, et contremuerunt renes ejus, et accensus est furor ejus secundum iudicium legis, et insliens trucidavit eum super aram: sed et virum, quem Rex Antiochus miserat, qui cogebat immolare, occidit in ipso tempore, et aram destruxit; et ZELATUS EST LEGEM, SICUT FECIT PHINEES JAMRI, FILIO SALOMI, et exclamavit Mathathias voce magna in civitate, dicens: Omnis qui Zelum habet legis, statuens testamentum, exeat post me. Hoc ergò egit eo instinctu, quo actus est Phinees, hoc est, peculiari, ac planè Divino, quod Doctores omnes summâ consensione tradunt; quo instinctu -*

Num.xxv. **J**udic. iii. Aod Eglonem; quo instinctu ipse Moses Ægyptum interfecit: *Existimabat enim intelligere fratres, quoniam Deus per manus ipsius daret salutem illis: ut*

11. **E**xod. ii. **A**est à sancto Stephano in Actis proditum; quo instinctu tam multa extraordinaria, neque in exemplum trahenda, facta esse legimus. Neque vero, si fanatici homines instinctum Dei mentiuntur, ideo mendacii coarguere debemus ea, quæ Deus ipse à se instigata testatur; at Deus instinctum Mathathiæ multis miraculis, & è celo factis illuminationibus, confirmavit; taie illud est in Machabæorum libris traditum: *Cum vehemens pugna esset, apparuerunt adversariis de celo viri quinque ducatum Judæus præstantes; ex quibus duo Machabæum medium habentes, armis suis circumseptum incolument conservabant: in adversarios autem tela & fulmina jaciebant, ex quo & cæcitate confusi, & repleti perturbatione cadebant: ut omittam quot victorias,*

12. **A**ct. vii. 25. **I**bid. x. 29. **I**bid. xv. tot fuisse miracula. Quin etiam per Divinum ac fide dignum somnum, scimus extendisse Jeremiam dextram, & dedisse Judæ gladium aureum, dicentem: *Accipe sanctum gladium, munus à Deo, quo deficies adversarios populi mei Israël:* quæ verè Divina fuisse, secutæ victoriæ demonstrârunt.

j. Macc.vj. **H**uc etiam facit de Anthiocho, Judæorum persecutore sævissimo, mani-
i. Macc. ix. festâ Dei ultione sumptum supplicium; quâ ultione perterritus, & ipse confessus est Deum aperte favere Judæis, ut non tantum Judæi, sed etiam hostes, in tot mirificis gestis, ultricem Dei manum, ac Divinam potestatem agnoscerent. Constat ergò Judæos adversus sævientem Regem, non anteâ arma cepisse, quam instinctu peculiari, torque Divinis testificationibus ad

id incitati sunt : quare malè ea referri ad ordinariam potestatem luce clarus est.

Huc accedit Ecclesiæ & Synagogæ diversa conditio, diversus spiritus : ut ab alterâ ad alteram consecutio non valeat. Non enim si Divino impulsu Elias è cœlo ultricem flamمام elicit, ideò hæc novo Testamento congruunt, dicente Domino ad Apostolos Eliæ similia cogitantes : *Nescitis cuius spiritus es* : tum veteris Synagogæ tempore statutum erat, electum populum ex eodem tantùm Abrahami genere propagari; sacrique fœderis ac religionis pars erat vel maxima, ut terram Chananæam patribus jejurando promissam incolerent; cultus quoque religionis affixus erat ei loco, quem elegerat Dominus, extra quem locum non vota, non festa solennia, non ipsa sacrificia, ac sacra reliqua, sancta rataque essent. Quare cùm Dominus transmigrari ad Babylonem voluit, missò Jeremiâ Prophetâ, ac peculiari jussu indicta migratio est : simul datum promissum, ne ultra septuaginta annos esset duratura, neve postea unquam, stante certè fœdere, à locis religioni addictis moverentur : quæ nunc omnia vacant. At ea omnia, quibus antiquum fœdus constaret, Antiochus evertebat : hæc enim Mathathias lamentatur : *Venihi! ut quid natus sum, videre contritionem populi mei, & contritionem civitatis sanctæ, & sedere illic, cùm datur in manus inimicorum, sancta in manus extraneorum facta sunt : Templum ejus sicut homo ignobilis : quæque alia vir sanctus deploravit.* Ac postea magis magisque mala increvère, cùm scilicet Lysia mandavit Antiochus, ut mitteret exercitum ad conterendam & extirpandam virtutem Israël, & reliquias Jerusalem, & AUFERENDAM MEMORIAM EORUM DE LOCO, & ut constitueret HABITATORES FILIOS ALIENIGENAS in omnibus finibus eorum, & SORTE DISTRIBUERET TERRAM EORUM. . . . & audierunt mercatores Regionum, & acceperunt argentum & aurum multum valde, & venerunt in castra ut acciperent filios Israël in servos : mittebatque Antiochus totâ Judæâ, qui omnes perfectæ etatis interficerent, mulieres, ac juvenes venderent extraneis. Quibus perpetratis, terâque Chanaan alienigenis traditâ, nec fœdus, nec religio stare posset, templumque ipsum, cui Domini jussu affixa religio, titulo Domini in æternum abolito, non alio deinceps quam *Jovis Olympii* titulo cognominaretur.

Quo loco cùm res essent, non tamen aliter nisi peculiari instinctu arma sumpserunt : & Deus ad hæc omnia, quæ memoravimus à Judâ & à fratribus, suo suscepta numine, Regum quoque Syriorum consensionem accedere voluit : Jonathasque & Simon non modò purpurâ, Principatu, confessu Regio, verùm etiam iis omnibus, queis Regiæ potestatis vis constat, cuendæ pecuniæ, muniendarum arcium, armandi exercitus jure ; Judæi quoque immunitate & libertate donati sunt. Sic ad novum Principatum stabiliendum, Divina & humana jura cumulantur, atque extraordinaria in ordinariam potestatem desinunt; ac demùm supremum apud Judæos Imperium ab universo populo, annuentibus Regibus, in Simonem est collatum, postquam, eo maximè autore, ablatum est jugum gentium ab Israël.

Neque Simon, Pontifex licet, Principatus honorem ac vim, Sacerdotii sui jure sibi vindicavit, sed in conventu magno Sacerdotum, & populi, & Principum gentis & seniorum Regionis ; totius gentis decreto ac veluti lege Re-

iv. Reg. j.
10. 12.

Luc. xij.
54. 55.

j. Macc. ij.
7. 8.

Ibid. iii.
35. & seq.

j. Macc. v.
24..

j. Macc. x.
18. 19. 25.
62. 63. 65.
xj. 3. xiij.
36. 41. 42.
xiv. 38. xv.
2. 6. 7.

Ibid. xij.
41.

j. Macc.
xiv. 28.

gâ, in se collatum accepit: quâ unâ consensione cum Sacerdotali officio, Regium conjunctum Imperium est.

Post centum & quinquaginta annos, in Judæâ Romani regnârunt, datis etiam Regibus Herode & ejus liberis, sub quibus Cæsares partem Regni, ipsamque Jerosolymam, Regni ac gentis caput, Romano Imperio vindicârunt: certè nusquam obnoxii Pontifici Judæorum, qui eorum Imperia solveret. Nemo enim id his temporibus, vel per somnum cogitabat: quod Matt. xxij. quidem Imperii jus ipse Dominus confirmavit dicens: *Reddite quæ sunt Cæsarî, Cæsari, & quæ sunt Dei, Deo*: nihil interpellatâ scilicet Cæsarum potestate, ac tantum decreto edito, ut Deo ac religioni debita obsequia servarentur.

Quare Regnum & Sacerdotium, distinctas potestates, in suo quamque ordine supremas esse, non autem Sacerdotali Regiam obnoxiam, ab ipsâ Sacerdotii Legalis origine, usque ad Christum Dominum, & excidium gentis, omnes Hebræorum historiæ, omnia monumenta clamant; neque ullum Dei præceptum, ullam populi Judaici traditionem, ullum exemplum, quod huic doctrinæ adversaretur Baronius & Bellarminus aut alii protulere.

CAPUT X I.

An ATHALIÆ cæsæ exemplum his obfit.

Bell. de R.
P. lib. v. c.
vijj.
iv. Reg. xj.
j. Paralipo.
xxij. xxij.

DUO tamen exempla Bellarminus objicit: ac primùm memorat Athaliæ Reginam, uxorem Jorami, Regis Judæ, Joiadæ Pontificis jussu fuisse interficiam, non modò quod nepotes suos, & *omne semen Regium* occiderit, ac Regnum invaserit; sed quod idolis servierit. Quorsum ista, obsecro? An ut intelligamus supremas potestates Pontificum jussu interfici posse? Absit. At id probas, vel omnino nihil probas. Jam exempla querimus supremarum potestatum, quæ à Pontificibus loco dejectæ fuerint; at profectò Athalia non gaudebat supremâ illâ potestate, eamque habebat non legitimo ordine, sed invasione ac parricidiis. Porrò supererat è sanguine Regio Joas, quem soror Josabeth ex Athaliæ manibus clâm ereptum, Joiadæ viro suo custodiendum, educandum, & in avito folio aliquandò reponendum tradiderat. Quid ergò mirum est, si Pontifex sub Rege septenni, quem neci exemerat, quem in templo educaverat ab incunabulis, quem filii loco habuerat, quem Regno restituerat tutorem agens Regis, in impiam Athaliæ Regiæ majestati subditam, ejusdemque lassæ ream, pro potestate animadvertis? Neque enim aliter constituta erat Regi, Regnoque salus. Esto damnata quoque sit idolatriæ nomine: quid enim nostrâ refert, pro aliis quoque sceleribus damnari Regis & Regni hostem, publicæ potestati subditam?

iij. Paralip. Atque id sibi juris sub Rege minore extraordinariè & summâ necessitate, & consensu omnium Pontifex vindicabat: quo jure & *Regi uxores accepit*, & omnia administravit. Si ergò efficerre aliquid volebat Bellarminus,

aliquem oportebat Regem ex tot idololatris proferre in medium, de quo simile sumptum supplicium fuerit, solâ Sacerdotali autoritate: quæ cùm exempla desint, imò cùm contraria adsint, nullum in Athaliâ præsidium est.

C A P U T X I I .

De Ozia propter lepram ejecto.

VERISIMILIUS objicitur leprosus Ozias, hujus morbi causâ per Sacerdotes ex præscripto legis primùm templo ejectus, tum hominum societate, ac Regni administratione depulsus: scriptum enim in lege erat: *Quicumque maculatus fuerit leprâ, & separatus est ad arbitrium Sacerdotis.... omni tempore, quo leprosus est & immundus, solus habitabit extra castra.* Ergò Pontifici in Regem ea sunt concessa, quibus etiam Regni administratione privaretur. Hinc consecutio: id si fieri potuit in veteri Testamento, propter lepram corporalem, quantò magis in novo, propter spiritualem, id est, hæresim? Duo hic consideramus: primùm, eventum ipsum extraordinarium ac planè singularem, quem in exemplum trahere non liceat: alterum, allegoriam occultamque significationem in facto ipso latentem, ex quâ Theologicum dogma constitui Theologi non ferant.

Certum ergò est lege fuisse præscriptum, ut quivis leprosus arbitrio Pontificis separatus, solus extra castra urbesque degeret. Jam si fas Pontifici ea equi, quæ lex aperte ac directe præscriperit, haud propterea liceat ad alia & alia, ex consecutione jus illud extendere. Atque hic si consistam, tota vis argumenti sponte concidat.

Quid, quòd Sacerdotes nihil sibi aliud vindicarunt, quàm ut Oziam è domo Domini propellerent? Lege Paralipomenon librum secundum, quo ista narrantur, nihil aliud invenies: cætera lege Regni à Joatham Regis filio facta. Quid, quòd nec Ozia Regnum ablatum est; sed illius, tanquam Regis nomine, à Joathamo filio Regni suscepta administratio, ut solet sub insanis delirisque Regibus? Scriptura attestatur his verbis: *Fuit igitur Ozias Rex leprosus usque ad diem mortis sue, & habitavit in domo separata plenus leprâ, ob quam ejectus fuerat de domo Domini.* Porrò Joathan filius ejus rexit dominum Regis & judicavit populum terre. Quid autem vetabat ne, ut Regis nomine, ita etiam Imperiis, quod lex fieri non vetabat; cùm nec nisi patre mortuo regnasse memoretur: *Dormivit enim Ozias cum patribus suis..... regnavitque Joatham filius ejus pro eo;* parque omnino est credere nullum erga parentem ab optimo viro Joathamo prætermissum, quod lege præstare fineretur; ut non Regno depulsum Oziam, sed tantum per filium regnasse appareat. Sed quanquam hæc proba sunt, tamen rem altius investigare placet.

Quæro enim an de leproso Principe aliquid nominatiū in lege edictum fuerit? Neutquam; sed lex est generalis, inquies, quâ simul comprehendi Principem oporteat. At ego jam postulo quidni Princeps intelligatur etiam comprehendi eis legibus, quibus universim dictum erat de adulteris, de per-

iv. Reg. xv.

5. ij. Paral.

xxvij. 19. 20.

21. Levit. xij.

4+. 45. 46.

Cap. xxvij.

Ibid. 21. &
seq.

Ibid. 23.

cusoribus, deque Idololatris esse sumendum supplicium? Nempè Reges inde nulla legis clausula exceperat; at si Majestate solâ excipi intelliguntur, non video perfectò, cur non eodem titulo, eâdemque Majestate Regii nominis, è lepræ quoque legibus eximantur, nisi aliquid peculiare hîc inter-
venerit.

Ibid. 20. Et perfectò clarum est intervenisse manifestam & extraordinariam testificationem Divinæ voluntatis. Rex enim temerarius sancta penetraverat, thuribulum manu ceperat, obstantibus Sacerdotibus minabatur. Hîc Dominus sacrilego in fronte lepram immisit, quo miraculo moti Sacerdotes, tanquam signo accepto Divinæ voluntatis, Regem templo expulerunt. Ipse amens, exteritus, sceleris, Divinæque tam patentis vindictæ conscius, acceleravit egredi, eò quod sensisset illico plagam Domini. Accessere & alia portenta, quæ Dei manum demonstrarent. Nam contremuit terra, teste Zachariâ, & Amos, quam Dei ultiō ad sacrilegos Oziæ ausus pertinere tradunt interpretes. Ergò manum Domini extraordinariis signis demonstratam esse constat, testificatusque est Deus, qui à tot aliis legibus Reges exemerat, velle se huic Regi lepræ legem imputari: id, inquam, testificatus est, dato extraordinario voluntatis suæ indicio, ne quisquam præter ipsum in Reges animadvertere posse videretur. Atque hîc profectò certum est, non tam Pontifices, quam Deum ultorem, edito miraculo, fuisse, qui minanti ac superbienti lepram primùm, deinde terrorem ipsi quoque, & terræ tremorem immiserit.

Jam si facti significationem, atque latentem doctrinam quærimus, multa occurrunt: meritò inustum fronti superbæ ignominiae signum: meritò amissæ honorem Regium, qui Sacerdotii inconcessos honores sibi vindicabat: conturbari terram, ac rerum humanarum fundamenta concuti, cùm Sacerdotiale officium & Regium confunduntur.

Lepra significari hæresim ultrò concedimus: alia quoque peccata eo morbo adumbrari passim tradunt Patres. At propter hæresim, aut quæcumque peccata expelli posse Principem, ac Regno deturbari nunquam allegoria efficiet. Poteſt enim allegoria rem aliundē firmatam declarare, rem per ſe ipſa confidere & probare non potest. Neque quisquam sanus ſibi perluſerit, plus posſe ad exturbanum Principem, aut hæresim, aut ejus imaginem lepram, quam tot alia scelera, atque ipſe idolorum cultus, quem Judæi in Regibus, eorum Majestate salvâ, toties pertulere.

Quid autem eo exemplo licere ſibi putarent Christianæ religionis Antiftites, sanctus Lucifer Calaritanus in Sardinâ Episcopus, docuit libris aduersus Constantium editis; sanctum autem voco, cuius festum diem, ſede Apostolicâ approbante, ab omni Patrum memoriâ Calaritani, aliquique Insulaires agant. Quanquam enim in quibusdam vehementior fuerit, ejusque inclito nomine, quidam ejus discipuli atroces ac superbii, Schisma conflarent; multis tamen argumentis demonstratum est, eum in Ecclesiæ communione obiisse. Utcumque eſt, libros profero, quos cùm ille ſcripſit, Catholicis omnibus, magnoque illi Athanasio admirationi fuit: proferam autem hîc librum, cui titulus: *De non parcendo in Dcūm delinquentibus*: quo Tō. iv. Bibl. Lucif. Cal. libro ſic compellat Constantium, arrogantiæ ac superbiam Catholicos Antiftites
Par. p. 227.

tistites incusantem: *Quæ ista nostra, Constanti, superbia est, quæve arrogan-
tia? Si quia te videamus morbidum esse, pestiferum quippe Arianum, Ele-
phantiam in te esse; quia istam consideremus, illam, quam Arius habuerit; quod urgeanus te secedere à populo Dei, sicut illi Sacerdotes Domini Oziam de templo compulerint egredi; quia te ita cogamus Deo dare honorem. Si enim Oziam Dei Sacerdotes idcirco pellebant ex aulâ Dei, quia meminissent Di-
vinis preceptum, leprosos ante expiationem ingredi templum prohibitos; quanto magis nos dignè te, confspice, ex Ecclesiâ pellere Christi, de domo Do-
mini, quia non sit licitum hæreticum convenire cum Catholicis, insanum cum
sanis, plenum immundis spiritibus cum eis in quibus inhabitat Spiritus Dei.*
Eatenus igitur Oziæ exemplo Patres utebantur, ut hæreticum Imperato-
rem templo Dei, domo Dei, Ecclesiâ Christi arcerent; non ut Imperii
administratione deturbarent. Constantium certè à Catholicis omnibus, &
ab ipso Lucifero, pro legitimo Imperatore semper habitum, & fatentur
omnes, & infrà referemus. Hoc exemplo Oziæ docebat: hisce finibus
coercebat is, quem vehementissimum, atque interdum nimium fuisse
constat.

Neque aliter alii sentiebant. Exstat Hincmari Rhemensis epistola ad
Carolum Calvum Regem, quâ monet, ne Oziæ exemplo, manum extendat
ad ea quæ Sacerdotali ordini Spiritus Sancti dono commissa sunt. Ibi fusè
relatâ separati per Sacerdotes Regis historiâ, addit ex Apostolo: *Hæc an-
tem in figurâ contingebant illis; scripta sunt autem propter nos; ac denique
concludit: Sic & eorum iudicio, quibus dicit Dominus, NON VOS ESTIS
QUI LOQUIMINI, SED SPIRITUS PATRIS MEI QUI LOQUITUR IN VOBIS,
voluntariè atque ex deliberatione, quiscumque violans & convellens constituta
divina; quia docente Petro: NON EST PERSONARUM ACCEPTIO APUD DEUM:
ab Ecclesiâ corpore separatus, nisi per paenitentiam & Sacerdotalis indulgentiæ
reconciliationem, eidem Ecclesia fuerit reincorporatus, erit ab aeternâ Ecclesiâ
separatus.*

Non aliud Patres nostri in Oziâ viderunt, quod ad Christianismi tem-
pora pertineret: de terreno Regno per spiritualem lepram adimendo nihil
cogitabant; separari posse putabant Reges id meritos per Sacerdotale offi-
cium, ab Ecclesiâ quidem, & à Regno cœlesti, quorum Respublica, Re-
gnumque Judaicum figura fuit. Quæ nunc de suo addunt, ea nos à Patri-
bus spreta rejicimus.

Hæc ex vetere Testamento Bellarminus, & alii proferunt, caduca per
fese, ac nequidem sibi satis cohærentia; non quod indocti sint qui ea ob-
jecere; sed quod, semel susceptâ causâ, per occupationem animi necesse sit
vana sectari, quibus valida & vera argumenta desint

Stat ergò propositio: per institutionem Sacerdotii Legalis non fuisse im-
mutatum statum Principatûs; neque alteri potestati quæ Reges deponeret,
ac temporalia ordinaret, Regiam potestatem directè vel indirectè fuisse sub-
jectam. Jam ad novi Testamenti Sacerdotium veniamus.

Hincmar.
tom. ij. ep.
x. pag. 316.
j. Cor. x.
ii.

Matt. x. 20.

j. Pet. j. 17.

C A P U T X I I I.

QUINTA PROPOSITIO : *Neque per institutionem Christianæ Sacerdotii quidquam fuit immutatum in regnandi jure : id probare aggredimur ex Evangelicis Scripturis : explicatur potestas quam Christus Apostolis tradiderit.*

QUINTA propositio : *Neque per institutionem Christiani Sacerdotii quidquam fuit immutatum in jure regnandi ; ac Pontificibus Christianis nulla à Christo attributa potestas, quæ temporalia ordinare, aut quemquam Imperio mulcetare vel donare possint ; patet ex antecedente. Si enim religionis causa in terrenis Imperiis, atque in supremarum potestatum juribus aliquid fuit immutandum, id maximè fieret per religionem Mosaicam terreno Imperio, terrenis promissis nixam : atqui non id factum est, neque Regiam potestatem, in rebus quidem suis, Moses Sacerdotio fecit obnoxiam : multo ergò minus Christiana religio, promissis tantum nixa spiritualibus, id faceret, aut Imperiorum jura mutaret.*

Sed quandoquidem in hac maximè propositione quæstio vertitur, eam diligentius Scripturis primùm, deinde Ecclesiæ traditione ac praxi confirmamus. Quibus in locis pertractandis nemo à nobis postulabit, ut demonstremus dedita operâ consutatam eam potestatem, quam nullus hominum cogitaret, sed ut perspicue pateat nullam hujus in Scripturis, nullam in primis sacerulis fieri mentionem, cùm id res vel maximè postularet, tum verò eam cum Patrum, Christianæque doctrinæ placitis non posse cohædere. Sic duabus profectò causis contraria sententia concidet, & quòd nova, in Ecclesiâ Christi ac prioribus sacerulis inaudita, & quòd à Christiano, atque Ecclesiastico spiritu alienissima proferat.

A Scripturis inchoamus : quærimusque quam Christus Apostolis dederit potestatem ? Et quidem Magister ac Dominus duplē in Apostolos, ministros, ac vicarios suos contulit potestatem, extraordinariam & ordinariam : *Luc. ix. 1. 2.* utramque complexus est his verbis : *Convocatis Jesus duodecim discipulis, dedit illis virtutem & potestatem super omnia Daemonia, & ut languores curarent, & misit illos prædicare Regnum Dei, & curare infirmos.* Edere miracula, extraordinariæ potestatis ; prædicare Regnum Dei, potestatis ordinariæ fons & caput est.

Jam cuius generis esse putant illam potestatem deponendi Reges ? Certè ordinariam : nam extraordinariam, quæ per miracula se exerat, nihil moratur. Quo verbulo refellimus adversarios passim ingerentes & arefactam *Marc. xij.* ^{21.} *ficum, & immissos porcis dæmones, & Ananiam & Saphiram Petri voce* *Matt. viij.* ^{31.} *Percussos, quæ quidem Nicolaus Dubois, & alii haud minùs inani quam* *Act. v. 1. 2.* *Disq. art. iij. n. 33. & seq.*

ingenti operâ congerunt: nam quò ista pertinent? An ut Pontifices patrare miracula suo jure, ac pro Cathedræ suæ potestate possint? Ne id quidem cogitant. Quare cùm hæc proferunt, nihil aliud faciunt, quàm ut vera argumenta deesse demonstrent, qui tantâ operâ falsa, & nulla colligunt.

Quin etiam commemorant flagellis verberibusque ejectos è Templo ven- Marc. xj. 15.
dentes & ementes. Quid autem probaturi? An quia Christus templi contemptores templo ejecit, ideo Pontifices Regnis ejecturi sunt eos, qui religionem contemnunt? Aut quoniam Christus flagellis est usus, ideo ejus ministri atque vicarii ad bella in Reges movenda Christianos compellent? Aut verò id volebat Christus, ut Ecclesiastici lingua verbere, ac prædicationis flagello non contenti, ipsi per se vi agerent, atque arma corriperent? At id nemo cogitavit unquam. Quare hæc, quæ congerunt, extraordinariè gesta, vel ipsi fateantur necesse est ad rem non pertinere.

Ad ordinariam potestatem veniamus. Hujus caput est verbi prædicatio; Ecclesiastici ministerii basis. Hanc deinde consequuntur Sacraenta conse-
Apol. cap. xxxix.
cranda, administranda dignis, quodque est consecraneum, indignis pro potestate adimenda: tum hæc omnia complexum regimen Ecclesiasticum, monere, increpare, arcere sacris, sive, ut ait Tertullianus, *exhortatio, castigatio ac censura Divina*; hæc Scripturæ exequuntur copiosè, luculenter, nullâ temporalium cuiquam, sive dandorum, sive adimendorum mentione factâ.

Pascendi potestatem latè patere volunt. Certè. Non ita tamen quin iis contineatur finibus, quibus se Christus ipse continuuit. Pavit autem oves Christus, *ut pascua invenirent*, vitæ verbum scilicet & vitam æternam per verbum: *Oves enim meæ vocem meam audiunt & ego cognosco eas, & sequuntur me & ego vitam æternam do eis, & non peribunt in aeternum, & non rapiet eas quisquam de manu meâ*. Ad hoc pavit Christus, ad æterna perduxit, temporalia cuivis, ac suis cuique legibus habenda, utenda, adimenda permisit. At si ad hæc pavit Christus, ad hæc pascat Petrus: *Pasce enim, inquit, oves meas, sed meo more meas*. Ne ergò pastores ad temporalia, eo quo erant jure locoque à Christo relicta, concessam à Christo potestatem conferant.

At enim Matthæi XVI. & XVIII. potestatem ligandi ac solvendi tradidit, sed peccata scilicet: sic enim ipse Christus interpretatur Joannis XX. *Quorum remiseritis peccata, remittuntur eis, & quorum retinueritis, retenta sunt*: Quæ ad potestatem ligandi ac solvendi pertinere, eoque referri, & Theologi omnes, & ipsa Tridentina Synodus intellexit. Piget verò referre in re notâ & obviâ Patrum autoritates. Uno verbo dixerim: qui hanc potestatem ligandi atque solvendi ad peccata referant, omnes invenias; qui ad temporalia danda vel adimenda referat, mille & amplius annis omnino neminem.

Jam illud à Christo prolatum, quo maxime se in Christianos contumaces potestas Ecclesiastica exerit: *Sit tibi sicut Ethnicus & Publicanus*, frustra referas ad temporalia, quorum ullam partem detraictam Ethnicis aut Publicanis fuisse, non ipsi Judæi, nedum cæteri intellexerint.

Joan x. 9.
Ib. 27. 28.

Ib. xxj. 17.

Matt. xvj.
19. xviii. 18.

Joan. xx.
23.

Concil.
Trid. Sess.
xiv. c. viij.
& can. x. xv.

C A P U T . X I V.

Locus Evangelii: Reddite quæ sunt Cæsaris Cæsari.

His ergò præstruximus, quam Christus Apostolis dederit potestatem; amplissimam illam quidem, & omnino Divinam, sed in spiritualibus ac cœlestibus; in terrenis quidem ac civilibus nihil præcepit, nisi ut obtemperarent iis, qui rerum potirentur.

Neque enim bonus Magister eam prætermisit partem veræ pietatis, ac dicitur.
Matt. xxij. sertè dixit: *Reddite quæ sunt Cæsaris, Cæsari; & quæ sunt Dei, Deo;* ne quis Rempublicam conturbaret, aut constituta sollicitaret Imperia: quâ brevissimâ, absolutissimâque sententiâ complexus omnia est, quæ civili potestati deberentur; nempe obtemperandum in omnibus, quæ Divinis præceptis non repugnarent.

Multi enim è Judæis putabant Romani Imperii, ac Romanorum Cæsorum, utpotè infidelium, iniquam, violentam, tyrannicam, atque omnino nullam in populum Dei potestatem esse: quorum turbulentos spiritus Magister optimus hâc sententiâ compressit. Cum enim id agerent inquieti homines ut religionis specie, legitima Imperia commoverent, id è contra Christus docuit, nihil ad vim ipsam religionis pertinere, quis imperet, atque omnino religione relinquí Imperia eo loco, quo sunt gentium ac populorum iuribus constituta.

Hoc autem perfecit ostendo numismate, atque imagine Cæsaris; ut quoniam Respublica, ac civilis societas stat commerciis ac permutationibus, quarum instrumentum est nummus, seu publica pecunia; ideo omnes intellicherent in ejus potestate necessariò permanendum, cuius numismatis ute- rentur; quod profectò non sic præcisè & absolutè diceret, si aut intellicheret Pontificum ac Synagogæ autoritate legitima Imperia solvi posse, aut talém potestatem suis, suæque Ecclesiæ ipse aliquandò effet concessurus.

Quod ergò nunc interpretantur: *Reddite quæ sunt Cæsaris, Cæsari;* hoc est, si ipse Cæsar, qua Dei sunt, Deo reddat, vanum est & illusorium, imò contrarium Christi instituto, cum juberet parere iis, quos Idololatras & impios, Deo, quæ Dei erant, non reddere certum effet.

Neque minus vanum est, quod alii hæc affiunt: **REDDITE QUÆ SUNT CÆSARIS CÆSARI,** nisi noceat religioni, atque Ecclesia, aut nisi ipse Cæsar per Ecclesiam ac Pontifices deponatur. Quæ quidem affumenta captiosam, quod absit, & illusoriam Christi responsionem facerent.



C A P U T X V.

*Prævisis malis quæ ab impiis Regibus Ecclesiæ essent eventura,
quæ Christus & Apostoli auxilia reliquerint ; & an
aliquæ præter patientiam ?*

NEQUE verò quis negaverit à Christo esse prævisa, cùm omnia incommoda Ecclesiæ nocitura, tum vel maxime ea quæ à malis Regibus evenirent, quæ quidem & ipse expertus est; testanturque Apostoli impletum in ipso Jesu id quod erat à Davide pronuntiatum: *Adstiterunt Reges terræ & Principes convenerunt in unum adversus Dominum & adversus Christum ejus.* Neque ignorabat manatura ad discipulos, quæ in Magistro præcessissent: *Ad Praesides enim, inquit, & ad Reges ducemini;* neque id Apostolos fugiebat, cùm & à Domino commoniti essent, & jam vim Regiam toti Ecclesiæ gravem ipsi experirentur, & sæviora quæque imminere cernerent.

Cùm ergò eum Magistrum, eosque duces habeamus, qui mala nobis totique Ecclesiæ, à mundi potestatibus obventura animo præviderent, experimento probarent; videndum plane nobis adversùs hæc mala, quæ præcepta, quæ remedia aut auxilia comparârint.

Hæc autem in Evangelio luculenter apparent. Ecce enim præviso malo, ac longè ante denunciato: *Ad Praesides, inquit, & ad Reges ducemini,* statim addit, *in testimonium illis:* hoc primùm; aperta professio veritatis: unde & illud: *Quod dico vobis in tenebris, dicite in lumine, & quod in aure auditis, predicate super tecta:* & illud: *Omnis ergò qui confitebitur me, confitebor & ego eum.* Primùm ergò succurrit nobis ipsa fiducia profitendæ veritatis: tum idonea verba, quibus adversarii revincantur: *Ego enim dabo vobis os & sapientiam, quibus non possint resistere & contradicere omnes adversarii vestri.* Accedit certa promissio salutis consequendæ, quæcumque supplicia inferantur: unde Christianis invicta firmitudo, infixumque animo, *non timere eos qui occidunt corpus, animam autem non possunt occidere.* Quo certa salus animæ constat, sed propter patientiam: *In patientiâ vestrâ possidebitis animas vestras;* neque tantum animas, sed suo etiam tempore, ac loco ipsa corpora: *Capillus enim de capite vestro non porbit.* Summa ergò est, ne quid timeant, ne quid amittere se posse putent: hac spe invicti persistant, nec veritatem prodant: hoc est, ne in malis pareant. Ut autem quovis autore in ipsos insurgant, aut in civilibus, jussa detrectent, ne quidem innuit; imò verò id apertè vetat, cùm nihil aliud indicit, quam pati, quantumvis sævituri ac nocituri essent. Hæc promissa, hæc præcepta, hæc adversùs potestates ac mundum sævientem invicta auxilia subministrat.

Neque tamen propterea ultrò se neci sint objecturi Christi discipuli: *Cum enim persequentur vos in civitate istâ, fugite in aliam;* sic adversus Reges & Praesides ac legitimos Magistratus Christus Magister, nihil præter fu-

Act. iv. 26.

Ps. iij. 2.

Matt. x. 18.

Ibid. 27.

Ibid. 32.

Luc. xxj.

15.

Matt. x. 18.

Luc. xxj.

19.

Ibid. 18.

Matt. x. 23.

gam relinquit, ut Divina præsidia, in invicto fidei Spiritu; humana verò; in fugâ habeamus. Nihil præterea Christianis adversùs Reges & Magistratus concessum est. Sic declinare vim Regiam, eique obluctari licet.

Rom. xij. 1. Magistrum sequuntur Apostoli, & Paulus: *Omnis, inquit, anima potestatibus sublimioribus subdita sit.* Cavillantur adversarii, dum respondent, præcipi quidem ab Apostolis uti obediatur Regibus, quandiu Reges fuerint; non autem prohiberi quominus, si Ecclesiæ aduersentur, deponantur à Pontificibus Christianis: quasi non Pontifices Paulus his dictis complexus sit:

Chrysost. Hom. xxij. in epist. ad Rom. tom. ix. p. 686. *Omnis anima;* quod & Chrysostomus hic, & res ipsa indicat. *Ostendit enim,* inquit, *quòd ista imperentur omnibus, & Sacerdotibus, & Monachis, non tantum secularibus, id quod statim in exordio declarat, cùm dicit: OMNIS ANIMA POTESTATIBUS SUPEREMINENTIBUS SUBDITA SIT, etiam si Apostolus sit, si Evangelista, si Prophetæ, sive quisquis tandem fuerit.* Puto ergò non excipi Apostolicam potestatem, cùm etiam antiquum Pontificem audiamus, ex Apostolico throno, hæc de Régibus prædicantem: *Quibus nos etiam subditos esse Sacra Scriptura demonstrat.* Atqui absurdissimum est quem parcum cæteris obedientiâ Paulus obstrinxerit, eum non modò posse resistere, sed etiam deponere. Mirum profectò à Paulo non esse explicatam exceptionem illam, tum cùm Neroniano gladio imminente diceret: *Ego jam delibor & tempus resolutionis meæ instat.* At nec sic à Regis, quantumvis sanguientis, obedientiâ Christianos amovebat, nec deponendum eum, sed collendum docebat.

Pelag. Pap. Tom. v. Cœc. Labb. ij. Tim. iv. 6. *subditos esse Sacra Scriptura demonstrat.* Atqui absurdissimum est quem parcum cæteris obedientiâ Paulus obstrinxerit, eum non modò posse resistere, sed etiam deponere. Mirum profectò à Paulo non esse explicatam exceptionem illam, tum cùm Neroniano gladio imminente diceret: *Ego jam delibor & tempus resolutionis meæ instat.* At nec sic à Regis, quantumvis sanguientis, obedientiâ Christianos amovebat, nec deponendum eum, sed collendum docebat.

C A P U T X V I .

An generali præcepto obediendi Regibus, Christus & Apostoli aliquam exceptionem attulerint, & quam?

CERTE generali præcepto obediendi Regibus necessariam exceptionem Scriptura non omittit: obediendum scilicet, nisi Deo adversa jubeant. Tit. iij. 1. Ac Paulus quidem ad Titum: *Admone illos Principibus & potestatibus subditos esse, dicto obedere, ad omne opus bonum paratos esse.* Quo docet in bonis tantum parentum esse, &c, quòd sæpe dicemus, mala imperantibus obedientiam non simpliciter, sed in malis denegandam. Et alio loco: *Nam Principes non sunt timori boni operis, sed mali.... Dei Minister est tibi in bonum.* Quare jubentibus quæ pietati aduersentur, libere reponendum Apostolicum illud: *Obedire oportet Deo magis quam hominibus.* Tum si vim ultimam inferrent, succurrit ultimum resistendi genus, fuso sanguine: *Non dum enim, inquit, usque ad sanguinem restitutis adversus peccatum repugnantes.* Huc usque resistere datur: hanc exceptionem Scriptura adhibet generali præcepto obediendi Regibus: nova illa exceptio de deponendis Regibus Scripturæ superstructa, atque aliena est.

Est ergò sumnum illud Christianæ repugnantia, ut prava jussi facere, ad mortem usque reluctentur: ulterius progreedi vetitum; mittunturque Chris-

tiani inter lupos , sed sicut oves , inermes scilicet , qui sint prudentes sicut serpentes , exposito corpore , ut caput servent , id est , animae salutem , teste Augustino passim ; & simplices sicut columbae , quae gemendo Deum , patiendo inflectant homines , atque iras modestiam , & humilitate frangant ; ceterum nunquam saviant. Neque enim adversus lupos ac feras ovibus aut columbis arma suppetunt.

Neque aliter ipse Christus egit , cum testimonium reddidit , sub Pontio Pilato bonam confessionem ; neque enim Judaei quidquam aliud agebant , quam ut crucis metu deterretur Christus a profitenda illa veritate , quod nempe ipse esset Christus , Rex verus Judaeorum. At Christus , & se Regem Judaeorum esse , & ne quid Pilatus Cesar , reique Romanae metueret , Regnum suum de hoc mundo non esse profitetur.

Hic ergo videmus circa Reges & Praesides , quid Evangelica disciplina praecipiat , quid excipiat. Non enim hoc excipit , ut ad mala cogentibus absolute & in omnibus obedientia denegari , aut quavis autoritate subtrahi possit ; sed hoc excipit tantum , ne obediatur in iis quae iniquè imperant , quibusque se Deo superiores esse velint : quae exceptio regulam firmat , evincitque in omnibus aliis præstandam obedientiam , honorem , vestigia , omnia quae sunt Cesaris ; eo fine scilicet , quemadmodum ait Tertullianus , ut Rex honoretur cum suis rebus insistit.

Matth. x.
16.

Augustin.
quæst. viij.
in Matth.
Tom. i ij.
part. ij. p.
277. Enarr.
in Ps. Ivij.
n. 10. Tom.
iv. pag. 5+8.
&c.

1. Tim. vj.
13.

Tertull.
Scorp. cap.
xiv. p. 499.
edit. Prior.

C A P U T X V I I .

*Adversariorum effugia : distinguunt tempora infirmæ & adolescentis , à temporibus robustæ , & jam prævalentis
Ecclesiæ : an hæc Christianis digna ?*

Q UÆ supra diximus , hæc quidem adversarii fere confitentur ; sed duo reponunt : primum quidem , his Christi & Apostolorum præceptis comprehendi ea , quae incipienti & infirmæ , non autem ea , quae adultæ , suisque jam viribus confirmatae Ecclesiæ convenient : rectè enim iussam esse tolerare Reges , quos compescere infirma non posset. Quo loco si urgeas , ac petas demonstrari tibi , quænam illa sint robustæ jam & adultæ Ecclesiæ præcepta reservata , nulla quidem proferunt , sed illud secundo loco addunt : qui finem præscriperit , ab eodem idonea ad finem consequendum comparata media : quare Petrum & successores , clavibus datis Regni cœlorum , ligare , solvere , pascere iussos ad æternam salutem , id quoque accepisse , ut & ea quae huic fini conducerent adhibere , & ea quae nocerent amovere possent : atque ideo jus esse ut abjiciant malos Principes , qui animas procurantibus tanto sint obstaculo. Hæc duo sunt in quibus adversarii suæ causæ præsidium ponunt.

Sic grande illud Christianæ religionis arcanum , vimque omnibus retrofæculis inauditam , quæ unius Pontificis judicio , non modo deponantur Reges , verum etiam ipsa Imperia transferantur , tantæ potestatis institutor Christi

tus, ac primi administri Apostoli conticescunt: securis sacerulis longâ argumentorum consecutionumque serie colligenda atque inferenda relinquunt. At profectò s̄ Christus & Apostoli paterentur, quæ tempori congruebant; admonerent saltem quid, aliis temporibus, adulta jam Ecclesia ac robusta facheret; ne necessariam doctrinam, si quidem talis est, de deponendis Regibus, generali decreto, de præstandâ obedientiâ, atque etiam exempli sui autoritate premerent.

Neque enim homines intellecturi erant, amissis spiritualibus, temporalia statim excidere, quod est falsissimum: aut eādem potestate utraque simul donari vel detrahi posse, quæ tam diverso jure haberentur. Et quidem si uspiam scriptum esset universim, qui ab Ecclesiâ & spiritualibus separentur, eos bonis etiam temporalibus posse mulctari per Ecclesiasticam potestatem, an eo quoque decreto Reges conclusi essent, dubitaretur forsitan, propter pacem rerum humanarum, & convellendæ, non sine ingenti animalium etiam strage, Reipublicæ graves metus. Cùm verò nec uspiam scriptum sit patres familias, etiam infimæ sortis, per Ecclesiasticam potestatem, vel uno servulo mulctatos, aut mulctandos fuisse; quis in animum induceret mulctandos Imperiis ipsos quoque Reges, de quibus eò clariùs decerni oportebat, quòd facilius, tanto loco positi, Ecclesiæ autoritatem, vel Reipublicæ tranquillitatis specie eluderent?

Jam ut adversarios strictius urgeamus, pudet profectò me discriminis illius, quod inter incipientem & adultis jam viribus robustam Ecclesiam esse

Matth. x. volunt. Scilicet cùm prædicat Dominus: *Ecce ego mitto vos sicut oves;* & in
16. Luc. xxij. patientiâ vestrâ possidebitis animas vestras, nullumque adversus legitimos Magistratus, nisi in fugâ præsidium, sic intellecturi sumus: fugite, sed quoad viribus convalescatis: unam præscribo patientiam adversus Præfides & Reges, sed infirmis & invalidis: cæterū cùm prævalere dabitur, excutite jugum, & adversus legitimas potestates, quæ luporum more sœviant, non jam oves & columbae, sed leones ultrè insurgite; vel cùm edixit Petrus, cùm Paulus sublimioribus potestatibus obtemperandum esse, eo quoque

Rom. xiiij. tempore, quo in Christi gregem sœviebant: *Neque tantum propter iram, sed etiam propter conscientiam,* propter Deum, propter religionem, sic eorum

mentem interpretabimur: nos quidem nunc nihil præscribimus præter obedientiam: de depositione conticescimus; sed hæc aptata temporibus, non in perpetuum valitura. Parete, obedite, *propter conscientiam & religionem,* donec adolescamus, atque Ecclesia roboretur: tunc enim sumptis viribus, autoritate nostrâ Reges deponentur, aliis dabuntur Imperia, arma indacentur, vi agi decernetur: tanquam hoc sit parere *propter Deum & propter conscientiam,* majores expectare vires, quibus insurgere in eos, & arma etiam expedire possint.

Hæc tot retrò sacerulis inaudita, ac postremis demum nata temporibus; cuiuscumque Doctoris nomine prodeant, si pati cogimur, colere certè non possumus; atque apertè opponimus Evangelicum illud: *Nescitis cujus spiritus es*: neque enim magis est Evangelici spiritus, ignem è cœlo elicere adversus Samaritanos, quād adversus legitimos Principes bellorum incendia concitare.

C A P U T X V I I I.

An cludi possit locus Evangelii: Regnum meum non est de hoc mundo.

ELUDUNT Dominicum illud: *Regnum meum non est de hoc mundo*, & *Regnum meum non est hinc*; & in Declaratione Cleri Gallicani perperam allegatum esse contendunt, ac diligenter advertunt non esse à Domino dictum: *Regnum meum non est hinc*; sed *Regnum meum non est hinc*: neque item dictum: *Regnum meum non est in hoc mundo*, sed *non est de hoc mundo*. Quæ quis nesciat? Certè enim scimus nobis à Domino dictum: *Regnum Dei intra vos est*, qui profectò in terrâ versamur, & Regnum cœlorum Ecclesiæ esse, quam toto terrarum orbe diffusam certâ fide colimus, & nunquam destitutam credimus. Illud non intelligunt, quod Christus respiciat, ista dicens: *Regnum meum non est hinc*. Nempè intelligebat id agere Judæos, ut eum apud Pilatum invidioso Regis Judæorum nomine premerent: *Neque opus ei erat ut quis testimonium perhiberet de homine: ipse enim sciebat quid esset in homine*; ac jam id mente præceperat quod Judæi statim inclamaturi essent: *Si hunc dimittis, non es amicus Cœsarisi*; omnis enim qui se Regem facit contradicit Cœsari. Hæc ergò videns, antequām clarè edicat: *Tu dicis, quia Rex sum ego*: hæc ultrò præmittit: *Regnum meum non est de hoc mundo*; si ex hoc mundo esset Regnum meum, ministri mei utique decertarent ut non traherer Judæis: nunc autem Regnum meum non est hinc; atque his quidem verbis, Cœsaris Regnum, cui Pilatus serviebat, olim à se commendatum cùm diceret: *Reddite qua sunt Cœsaris, Cœsari*, nunc à suo Regno tutum ac securum præstabat. Neque tantùm Pilato ministro Cœsaris, sed etiam venturis Regibus testabatur, nihil unquām terrenis Regnis à sui Regni legibus, aut à ministris suis metui velle, neque quidquam esse in Evangelio, atque per Evangelium traditâ potestate, quod Rempublicam commoveret: Quæ Christiano spiritu digna profectò corruunt, si jam autoritate Christi Reges deponuntur, Imperia transferuntur, bella civilia concitantur.

Non ergò in eo vim ponimus, quod Regnum ejus non sit hinc, sed quod tametsi sit hinc, non est hinc. Tamen & de mundo non est, ac terrena Regna non mutat diversissimi generis & ordinis Regnum. Præclarè enim Augustinus: *Rex Christus, quod mentes regat, quod in aeternum consulat, quod in Regnum Cœlorum, credentes, sperantes, amantesque perducat: à quo profectò Regno, terrenis Regibus nihil periculi, plurimum firmamenti est.*

Quæ ut luculentius demonstraret, prodit quidem Rex Christus, sed ipsa purpurâ illusus, coronâ spineâ, folio cruce, eaque unâ Regium titulum præferente; venitque in mundum, nil magnificum, nil Regium spirans: mundi quidem victor, sed uno vanæ pompæ despectu; quin ipsa nativitate subjectionem Imperio & Imperatori professus. Notant passim & mirantur sancti Patres humilitatem novi Regis terreno Imperio servientis, ipsa subjectione omnibus imperantis: atque hæc mente complexi, vanos Pilati, va-

Consultat.
vij.Luc. xvij.
21.Joan. ij;
25.Ibid. xix.
12.Ibid. xvij.
37.

Ibid. 36.

Matt. xxij.
21.August. in
Joan. tract.
ij.n.iv.tom.
ijj. part. ij.
p. 635.

nos Herodis, vanos posteā Romanorum Principum irriserunt metus, quōd terrenis Regnis ab humili Christi Regno metuendum aliquid existimarent.

Neque verò à Nicolao Dubois Theologia Professore contemni decebat Refut. art. Advocatum, qui talia objiceret: *Non eripit mortalia qui Regna dat cœlestia:* viii. n. 52. non decuit, inquam, contemni Advocatum, qui talia objiceret, ac Bre-viarium legeret laicus. Quasi hominum incuria perficere potuerit, ut officium Ecclesiasticum, summo olim studio etiam à laicis frequentatum, nunc ad solos Clericos redigatur. Quis autem despiciat id quod Sedulius (^a) vj. Bibl. Pat. Presbyter initio V. sæculi cecinerit, alii Patres inculcârint, ac totâ jam Ec-clesiâ accinente ubique celebretur? Planè non eripit Christus Regna morta-lia, nec Regibus hoc nomine est metuendus; neque ejus vices agit, hoc qui-dem in negotio, qui hæc à se metui velit:

C A P U T X I X.

An ad rem pertineat ille ab adversariis objectus locus: data est mihi omnis potestas in cœlo & in terrâ, & ille locus, Rex Regum.

NEc valet, quod objiciunt: Christo tradita omnia in manus, & post re-surrectionem ab ipso dictum: *Data est mihi omnis potestas in cœlo & in terrâ, &: In capite ejus diademata multa, &: Habet in vestimento & in semore suo scriptum: Rex Regum, & Dominus dominantium.* Non enim quærimus, quam etiam homo Christus habeat potestatem, sed cuius potestatis vicarium Petrum, ejusque successores reliquerit. Illius profectò quâ peccata remittit, quâ veritatem docet, quâ sacramenta tradit, non autem illius, quâ regit gentes in virgâ ferreâ, ac tanquam vas figuli confringit eas; & ipse calcat torcular vini furoris irâ Dei omnipotentis. Hæc enim potestas non decretis, non canonibus, non externis ministeriis, ac formulis, sed omnipotentissi-mâ atque occultissimâ efficaciâ constat. Hujus potestatis non reliquit vicarios Episcopos, eorumque caput Romanum Pontificem; sed consortes adsciscit Sanctos omnes, qui mundum vicerint: *Qui enim vicerit, dabo illi potestatem super gentes: &: Reget eas in virgâ ferreâ, & tanquam vas figuli confringentur, sicut & ego accepi a Patre meo: Quod quidem est egregie à sancto Dionysio Alexandrino explicatum his verbis: Divini martyres nunc asse-fiores Christi sunt, & Regni illius consortes, ac judicii participes, & cum ipso ju-dicantes.* Hos consortes Christus adsciscit supremæ illius occultissimæ, atque omnipotentissimæ potestatis.

[^a] *Sedulius*] Cœlius carmen de vitâ Christi composuit, cui titulum fecit: *Carmen Pascale;* quia nimirūm Christus omnium Christianorum est Pascha. Id carmen, quod apud antiquos plurim i habebatur, stilo fluit eleganti & bene Latino. Vid. Dup. B bl. Sac. vij. & Sedulii carmen Bibl. Pat. edit. de la Big. tom. viij. pag. 638. & edit. Lug. tom. vij. pag. 459.

C A P U T X X.

Locus Evangelii: quis me constituit judicem super vos?

EXTERNO autem ministerio quid in terrenis possit, in Lucæ Evangelio luculenter exponit; ubi nempè hæc legimus: *Ait ei quidam de turbâ: Magister dic fratri meo, ut tecum dividat hereditatem. At ille dixit illi: Homo, quis me constituit judicem aut divisorem super vos? Quæ verba si perpendimus, statim intelligimus finitam hanc, quam tractamus, de temporalibus quæstionem.*

Luc. xij.
13. 14.

Ac primum qui sic petebat: *Domine, dic fratri meo*, apertè à Christo petebat, ut ipse pro potestate decerneret: cùm autem Christus respondit, *Homo, quis me constituit judicem aut divisorem super vos*, apertè item negat eam potestatem ullo modo pertinere ad illud officium, quod in terris gererat, cuius vicarios Apostolos relinquebat.

Et quidem Christus alludit ad illud olim Moysi dictum: *Quis te constituit Principem, & judicem super nos?* Quamque in ipso potestatem ille homo de turbâ requirebat, eam ultrò Christus ab officio suo amoget dicens: *Homo, quis me constituit judicem, aut divisorem super vos?*

Exod. ij. 14.
Act. viii.
27. 35.

Fixum enim illud ab Apostolo dictum: *Nemo assumit sibi honorem, sed qui vocatur à Deo tanquam Aaron: sic & Christus non semetipsum clarificavit, ut Pontifex fieret, sed qui locutus est ad eum: Filius meus es tu: &, Tu es Sacerdos in eternum.* Quâ ergò ratione Pontificiam sibi vindicat autoritatem, Pontifex à Deo constitutus, eâdem ratione amolitur à se in civilibus rebus iudicariam potestatem; quòd horum à nemine judex constitutus est.

Heb. v. 4:
§. 6.

Hinc existit argumentum: Christus Apostolos non alterius reliquit officii vicarios, quâm ejus quod tum gerebat in terris; at ad illud officium pertinere negabat eam, quam ille homo de turbâ deferebat, res terrenas ac civiles dijudicandi potestatem: ergò ea ad Apostolicum officium nihil pertinet.

Quorum certè judices à Christo constituti sint, in Evangelio legimus: *Tibi? inquit, dabo claves Regni cœlorum; & quorum remiseritis peccata, remittuntur eis.* Consentanea loquitur, qui officio suo terrenorum potestatem ab iudicans, vicariis suis cœlestia tantum suo nomine iudicanda committit.

Matt. xvij.
19.
Joan. xx.
23.

Quare eum quem tractamus locum Bernardus excutiens: *Quis me constituit divisorem super vos, & cum illo comparans: Quorum remiseritis peccata, remittuntur eis*, ad Eugenium Papam hæc scribit: *In criminibus, non in possessionibus potestas vestra; quoniam propter illa, & non propter has acceptis claves Regni cœlorum.* Ac Bernardi quidem locum alibi legemus integrum, eoque doctrinam nostram luculentissimè confirmabimus. Illud quidem habemus interim, clavum potestatem in terrenis possessionibus minime versari, neque propter eas Apostolis esse traditam; quâ profectò sententiâ vel unâ vincimus, nisi forte Apostolicam potestatem à terrenis pos-

Bern. de
Conf. lib. j.
cap.vi.tom.
j. Ben. pag.
412.

sessionibus dijudicandis abstinere jussam , propter Regna concessam putemus , ac jam Imperia distribuant vicarii , quorum Dominus , ne agros quidem dividendos , sibi attributos esse docet.

Hæc verò non ad contumeliam dicimus Sacerdotalis officii. Bernardo enim assentimur , hæc negari Pontificibus , *non quia indigni illi sint , sed quia indigunt illis talibus insistere , quippe potioribus occupatis.* Paria Ambroslus in eum-
vij. in Luc. n. 12. tom. j. B. n. pag. 1438.

Ambro. lib. 12. tom. 1. B. n. pag. 1438.

Paria Ambroslus in eumdem Lucæ locum : *QUIS ME CONSTITUIT JUDICEM? bene terrena declinat , qui propter Divina descenderat , nec iudex esse dignatur litium & arbiter facultatum , vivorum habens & mortuorum iudicium , arbitriumque meritorum.* Et paulo post : *Meritò refutatur hic frater , qui dispensatorem cœlestium gestiebat corruptibilibus occupare.* Ergò in Ecclesiastica potestate non modò aliena , sed etiam indigna conferunt , qui terrena quævis illius subdere satagunt Imperio.

An fortè hūc afferent suum illud , *directè & indirectè?* Quasi non licuerit Christo indirectè dividere eam de quā rogabatur , hæreditatem ; aut verò ignoraret , quod nunc assidue jātant , quantum temporalibus spiritualia juvarentur. At ipse univerſim à se negotium amolitus , causas incidunt omnes , quibus hæc ad Ecclesiastica judicia revocentur , nullamque rerum terrestrium potestatem pertinere docet ad illud officium , cuius Apostolos ministros ordinabat.

C A P U T X X I.

Respondetur ad objecta Capitis XVII. an impii Reges ab Ecclesiâ impuniti , si tuti à depositione habentur.

JA M ea quæ sunt objecta superiùs facile dissolvemus. Objiciebant enim sic : Ecclesiæ suppetere debere media ad salutem animarum procurandam , atque adeò remedia adversùs malos Principes , qui earum saluti nocerent. Hæc argumenta quibus se maximè efferebant , nunc spontè concidunt. Repetimus enim more Scholæ argumentum , atque ad illud : debent Ecclesiæ suppetere media atque remedia , distinguimus : media atque remedia , quæ Christus ipse tradiderit , ipsâ quæstione , ut vidimus , in medium adductâ , fatemur ; media ac remedia , quæcumque ipsi per nos excogitare possumus , negamus ac pernegamus. Neque enim illud verum est , quod tantâ confidentiâ assumere videntur : Christum qui præcepit finem , salutem æternam scilicet ab Ecclesiâ promovendam , statim indulgere omnia , quæ ad finem conducere , aut impedimenta amovere posse videantur. Imò ab ipso audiendum quæ media , quæ remedia concesserit optimus ipse provisor animarum , ac providentissimus Divinæ rei procurator. Nec enim dubium quin ea remedia dederit , quæ Christianæ disciplinæ idonea sibi viderentur. At & ipse , & Apostoli ea quæ nunc passim novi Theologi venditant remedia tacuere ; & Christus quidem diserte præscripsit quid esset agendum , cùm ad Praesides & Reges pro Evangelio vincit traheremur : cùmque ipse & Apostoli prævidissent , imò experientur quanta pati oporteret à mundi potestatibus pietatem professos , non aliud quidquam præter obedientiam imperarunt , sal-

vā quidem conscientiā, quā uni Deo pareret. Ergo alia omnia, quā tanto postea intervallo excogitārunt homines, nempē ut temporalia adimerent, jugum excuterent, bella concitarent, procul à piorum animis, atque ab Ecclesiā modestiā ac fide abesse voluerunt.

Neque proptereā Christianam Fidem professos, ipsosque etiam Reges ab Ecclesiā autoritate immunes reliquerunt. Tametsi enim nec temporalibus, nec terreno Regno; at cœlestibus & æterno Regno mulctant, & amandant Christi vice ad Ethnicos, & ligatos addicunt suppliciis sempiternis. An Leonem Isaurum, ut hoc octavi saceruli exemplum in antecessum demus, an, inquam Leonem Isaurum Gregorius II. (e) Pontifex impunè dimittebat, qui pro Apostolicā potestate minabatur se impium Principem Satanæ traditurum? An hæc parūm valebant, quòd interim de terreno Regno directè aut indirectè adimendo nullas jaçtaret minas: atque etiam Imperium à suā potestate intactum & immune esse fateretur dicens: *Neque Pontifex introspiciendi in palatia, neque Imperator in Ecclesiis introspiciendi habet potestatem?* An verò gravior, aut verendus magis Gregorius VII. quòd prorsus omnia, terrenaque non minus quām cœlestia, sibi vindicaret? Imò verò ille nempē Gregorius II. tantò validius feriebat, quantò magis ab alienis abstinentis, sua tantū intorquebat.

Quid si anathemata spernant, inquies? Quid si depositionum spernant sententias? Quid si, ut tam sæpè factum est, opponant arma atque victorias? Quid proderit jaçtare Principem depositum verbis, rerum potientem? Sanè cùm excommunicant Romani Pontifices, stat, valetque statim ipsâ vi suā adversus contumaces ac rebelles, quocumque loco positos, excommunicatione, Deo ligante in cœlis, quā Divinitus traditā potestatē in terris ligata sunt. At cùm depositionis quocumque apparatu proferunt sententias, nisi statim suppetunt exercitus, profectò, si verum dicere volimus, quòd magnificentioribus, eò inanioribus verbis ludunt. Sed quid his immoramus, tanquam necesse sit eam à Christo in Ecclesia institutam fuisse potestatem, quā omnia incommoda propulsaret: non autem pars sit vel maxima Christianæ doctrinæ, multa incommoda subortura, adversus quā nullum sit humandum remedium, sed quā vel precibus amoliri, vel demissō animo pati debeamus: ut scilicet ad illud suspiremus Regnum, quo, nullo obstaculo, nullo incommodo perturbemur? Quòd si alia præsidia querimus, alia ex aliis incommoda consequentur, perficieturque præposterioris curis, ut malis oppressi, remedii quoque gravius laboremus. Certe cùm Pontifices Ecclesiæ consulere cœperunt, deponendo Reges, secutæ sunt eæ calamitates, quibus doceremur, quām consultò Christus ab iis remediis temperârit.

(e) *Gregorius II.*] ut censet Baronius cum turbâ Historicorum, scripsit ad Leonem Imperator. m̄ has epistolas duas, quas tamen D. FLEURY ann. 731. tom. ix. pag. 236. edit in 4°. Gregorio III. adscribit. Quod cur fecerit, non docet. Has epistolas esse Gregorii II. firmis rationibus probat Fronto-Ducæus, qui illas in Bibliothecâ Cardinalis Lotharingii à se repertas primū, edidit Græcas & fecit Latinas. Vid. ejus notas tom. viij. Conc. pag. 21. & ap. Baron. Tom. ix. pag. 71.

Greg. II.
ep. ad Leon.
Isaur. tom.
v. j. Concil.
p. 26. & ap.
Bar. Tom.
ix. p. 74.

C A P U T X X I I.

De excommunicationis effectu: an privet temporalibus: quid sit illud: sit tibi sicut Ethnicus & Publicanus: Interdicta de vitandis excommunicatis in literis Apostolicis contenta expenduntur.

SE D nihil planè est quo vehementius illam potestatem confutemus deponendi Reges, quam cùm intuemur, quā in re ipse Christus Ecclesiasticæ potestatis arcem collocaverit. Est autem in ipso anathemate, cuius vim ex Scripturis exponere nos oportet; ut cùm intellexerimus quousque se pretendat summum id, quod Ecclesiæ à Christo concessum sit, cætera ut aliena respuamus.

Matt. xviiiij. 17. 18. Vim autem anathematis Christus explicuit his verbis: *Dic Ecclesia; si autem Ecclesiam non audierit, sit tibi sicut Ethnicus & Publicanus: amen dico vobis, quicumque alligaveritis super terram, erunt ligata & in celo, & quicumque solveritis super terram, erunt soluta & in celo.*

Hic autem primum quærimus quid illud significet: *Sit tibi sicut Ethnicus & Publicanus.* Certè illud: ut quemadmodum Ecclesiæ, ita sit Regni cœlorum extorris; undè Christus addit: *Quæ alligaveritis super terram, erunt ligata & in celo.* Ligant ergò illos, non modo ut communione fidelium, sed ut cœlo excludantur.

Jam si quis existimet his verbis, *Sit tibi sicut Ethnicus & Publicanus*, non modò spiritualia, sed etiam temporalia adimi; id dicat necesse est, temporalibus rebus privari Ethnicos ac Publicanos: quod non tantum risu, sed etiam anathemate dignum esset.

Nam illud à Christo tantâ autoritate prolatum: *Reddite quæ sunt Cœsariorum, Cœsari*, satis demonstrabat quam jure obtinerent, non modò reliqua temporalia bona, verùm etiam Imperia, qui veram religionem aversati, idolis serviebant. Quare nihil vetabat etiam regnare eos, qui ad conditionem Ethnicorum redacti essent.

Jam de Publicanis häud minùs clara res est, dicente Zachæo Publicano: *Ecce dimidium bonorum meorum do pauperibus, & si quid aliquem defraudavi, reddo quadruplum.* Ergò alia bona legitimo jure Publicanus possederat, & sua non aliena egenis tribuebat: *Dimidium, inquit, bonorum meorum.* Neque aliud quid ab eo Dominus reposcebat dicens: *Hodiè salus domui huic facta est.*

Quare nec famulitio privabantur, quæ pars erat bonorum maxima; præcipitque diserte Apostolus manere fideles in Dominorum etiam infidelium potestate; quominus admirere mansisse integrum in Ethnicis publicam potestatem, cùm etiam Hærilis (*f*) manserit.

Neque quisquam somniabat, his atque aliis bonis temporalibus privatos esse Ethnicos aut Publicanos, ut propterea iisdem bonis mulctati intelligantur Christiani, qui excommunicati Ethnicis & Publicanis accensentur.

(*f*) *Hærilis*] potestas ea erat, ut Domini possenti impunè suos servos cædere & interdum occidere, nullâ facti sui redditâ ratione. Vid. paf. Aut. profan. Græc. & Lat.

Sanè ex eo Christi decreto constat, quoad fieri potest, vitandam eorum esse consuetudinem, nec esse salutandos, nec iniri cum illis debere convivia. Vitabant enim Judæi cum Publicanis cibum sumere: unde illud in Evangelio passim Apostolis exprobratum: *Quare cum Publicanis & peccatoribus manducat Magister vester?* Et Zachæi occasione murmurabant dicentes, quòd ad hominem peccatorem divertisset. Consentient interpretes Maldonatus, Estius & alii passim; allusumque esse constat ad Judæorum mores, qui ab Ethniciorum & Publicanorum, quos pro publicis peccatoribus habebant, consuetudine abstinebant; ita ut nec salutandos putarent.

Ergò indicebat Christus excommunicatos vitari eo ritu, modoque, quo à Judæis Ethnici ac Publicani vitabantur; ut eos nec salutarent, nec cum eis cibum sumerent: unde Apostolicum illud: *Scripsi vobis non commisceri, si sis, qui frater nominatur, est fornicator, &c. cum ejusmodi nec cibum sumere.* Quòd pertinet etiam illud ad Thessalonenses: *Quod si quis non obedit verbo nostro per epistolam, hunc notate, & nolite commisceri cum illo, ut confundatur:* Et illud Joannis: *Si quis hanc doctrinam non affert, nolite recipere eum in domum, neque ave ei dixeritis: qui enim dicit illi ave, communicat operibus ejus malignis.*

Hæc sunt interdicta de excommunicatis vitandis, quæ quidem in Evangelii, atque Apostolicis scripturis habemus. Ecclesiastica, quæ inde manarunt, ex his interpretari nos oportet; neque res obscura est. Satis eniū constat hæc interdicta ad bonos mores, non ad ea pertinere, quæ civili jure continentur.

Ad mores, inquam, hæc pertinent. Debet enim vir bonus abstinere à malorum hominum consortio, èo quòd, ut ait Apostolus, *corrumpunt mores bonos colloquia mala;* & quòd vir bonus probare videtur illius doctrinam vitamque, cuius consuetudine delectatur: unde Joannes: *Qui dicit ei ave, communicat operibus ejus malignis.*

Quòd si malos vir bonus per se se quantum potest vitat, quantò magis eos malos, qui Ecclesiastico judicio ut mali notati sunt? Quo sensu Augustinus, eumque secuti passim Latini Doctores intelligunt Apostolicum illud: *Non commisceri cum eo qui frater, nominatus adulter sit.* Sic enim Græca ad verbum habent. Ita autem interpretatur Augustinus: ut vitemus fratrem, qui sit adulter nominatus, hoc est, Ecclesiastico judicio notatus: quam Augustini interpretationem cum Græco textu egregiè consentire demonstrat Estius.

Pertinet etiam ad bonos mores illud: *Nolite commisceri cum illo, ut confundatur;* hoc est, ut pudore victus ab iis aëtibus abstineat, quorum gratia viris bonis horrore se esse intelligit. Ergò excommunicatus Evangelicā atque Apostolicā autoritate, humanæ societatis exsors est, quatenus humana societas ad bonos mores spectat, manentque integra, quæ civili lege continentur, nisi aliter lex ipsa caverit.

Quòd autem postea inter Christianos excommunicati, nisi resipiscant, sint infames, intestabiles, ad quædam vitæ civilis officia inhabiles, id ex eo ortum est, quòd Christiani Principes, quoad fieri potest, leges suas ad bonos mores, atque Evangelicam disciplinam aptent, non quòd excommunicatione per se ullo temporali jure bonoque privet.

Neque aliter intellexerunt Patres. Notum illud Tertulliani in Apologe-

Matt. ix. 2.

Luc. xix. 7.

Maldon.
in Matth.
x viiij. 17.
Est. in j.
Cor. v. 2.

j. Cor. v. 2.

ij. Theſſ.
ij. 14.

ij. Jean.

10. 11.

j. Cor. xv.

33.

ij. Joan.
11.

Augustin.

cont. Parm.

lib. ij. cap.

ij. tom. ix.

pag. 62.

j. Cor. v.

11.

ij. Theſſ.

ij. 14.

Tert. apol. cap. xxxix. *tico : Ibidem (in sacris scilicet Christianorum conventibus) exhortationes, cætigationes, & censura Divina : nam & judicatur magno cum pondere, ut apud certos de Dei conspectu ; summumque futuri judicii prejudicium est, si quis ita deliquerit, ut à communione orationis. & conventus, & omnis sancti commercii relegateur.* Notanda hæc postrema verba : *Omnis sancti commercii, quibus etiam comprehenditur conversatio & consuetudo cum sanctis. Sancti enim, hoc est, Christi fideles, idcirco maximè inter se conversari debent, ut sancta tractent, etiam in familiari colloquio ; atque ideo ab eorum abhorrent consuetudine, quibuscum hæc tractare non possunt. Sic mali Christiani, & per Ecclesiasticam sententiam notati ut tales, non modò à communione orationis & conventus, sed etiam ab omni sancto commercio, & à sanctorum consuetudine relegantur. Nihil ultra licitum Christianis Ecclesiasticâ potestate, jura que temporalia excommunicatis per Ecclesiam in tuto sunt. Scilicet Christus animam per baptismum sponsam, ac posteà adulteram, facto divortio, repudiat : sua sibi habeat jubet. Christi ergò bona donaque, & eorum omnem usum amittit, reliquis integris & illælis.*

C A P U T X X I I .

Alius excommunicationis effectus : tradi Satanæ ad interitum carnis : argumentum pro nostrâ sententiâ ductum ex membratis in Scripturâ excommunicationis effectibus.

^{j. Cor. v. 2.} **J**A M quid ex eo Christi cum animâ divortio consequatur, exponit Apostolus, de illo Corinthio dicens : *Ut tollatur de medio vestrum, qui hoc opus fecit ; & paulo post : In nomine Domini nostri JESU-CHRISTI, congregatis vobis & meo spiritu, cum virtute Domini nostri JESU, tradere hujusmodi Satanæ in interitum carnis, ut qui Christi, & Sancti Spiritus sit exsors, spiritui nequam tradatur ; quippe cùm, teste Augustino, extra Ecclesiam sit Diabolus, sicut in Ecclesia Christus. Sanè Apostolicis temporibus, quemadmodum ad Apostolicæ manus impositionem Spiritus Sanctus etiam manifestè descendebat ; ita manifestè exercebat Satanæ vim suam in virum Ecclesiasticâ potestate sibi traditum. Cæterum hæc ad tempus : firmum illud & æternum, quod intus, & per impositionem manus, sancto Spiritui ; & per excommunicationem, Satanæ addicantur.*

^{August. de verb. Dom. serm. cxliv. n. 6. tom. v. p. 695.} **C**hrysoft. Si bonis privatus fuisset ille Corinthius Satanæ traditus, non id Apostoli prætermisisset, qui etiam commmemorat traditum esse *Satanæ ad interitum carnis* ; quod quidem de ulcere pessimo, aliove gravi malo per Satanam inflicto Chrysoftomus hic & alii paßim intelligunt.

^{Hom. xv. in iad Cor. x. p. 127.} **C**ùm ergò & Christus, & Apostoli, quo loco explicitant Ecclesiasticæ potestatis, censuræque vim summam, nihil de admendis temporalibus juribus aut rebus edicant ; satis profectò constat non id ad Ecclesiasticam potestatem pertinere. At ratio non finit, ut quæ autoritas in suorum bonorum, ac jurium possessione relinquit privatos, ea depellat Reges. Ergò excommunicati, redactique ad Ethnicos eo jure regnabunt, quo etiam Ethnici Cæsares, Christo approbante, regnârunt.

CAPUT

C A P U T X X I V.

Objetum ex interdicto de vitandis excommunicatis, per exceptionem moralis, quām vocant, sive civilis necessitatis, ex omnium Theologorum doctrinā solvitur: cā in re GREGORII VII. tempore manifestus error, nunc communi consensu refutatus.

JA M verò nullo negotio solvimus id quod objiciunt: vitandos excommunicatos, ruptum cum eis humanæ consuetudinis vinculum, neque excipi Reges, si fortè hæretici, aut excommunicati sunt: non ergò colendos pro Regibus, quos ne alloquio quidem & salutatione dignari nos oportet.

Hoc illud argumentum est, quo uno Gregorii VII. temporibus viros bonos doctosque permotos fuisse videbimus, ut ab Henrici IV. Regis excommunicati obedientiā recederent; sed, quod apud omnes constat, errore manifesto. Certissimum enim est confensione Theologorum, & decretis Pontificum, illud interdictum de vitandis excommunicatis, quatenus ad humanam consuetudinem pertinet, exceptionem necessitatis, non Physicæ tantum illius, quām vocant, & ineluctabilis, sed etiam moralis ac civilis admittere. Hinc ea decreta variis subinde sunt emollita modis, queis factum est, ut jam cum hæreticis & schismaticis propter necessitatem versemur innoxie, quos tamen quo minus audiunt Ecclesiam aperti ejus hostes & contemptores, eò magis pro Ethnicis & Publicanis haberi oportet. Quare cùm interdictum de vitandis excommunicatis erga privatos quoque causâ necessariâ temperetur; urgeri erga Reges, tanto incommodo rerum humanarum ac Reipublicæ periculo, supra quām dici possit, absolum absurdumque est. Quo etiam factum est, ut hoc argumentum Regum deponendorum ab excommunicatione depromptum, Bellarminus prætermitteret, tot inter argumenta, quæ undecumque congerit. Atque hæc sufficerent ad eam difficultatem, si qua est, explicandam. Cæterū ne omittamus ea, quibus viri graves moti olim sunt, quæque D. Nicolaus Dubois inculcare & inferre non desinit; quæ sit vis interdicti de vitandis excommunicatis, quantum ad rem nostram attinet, exponamus; & hujus quoque Juris fontes recludamus.

Bell. lib.v.
de R.P. cap.
vj. viij.

Conf. viij.
& alibi pass.

C A P U T X X V.

Ejusdem interdicti vis diligenter quæritur: probatur Evangelicis Apostolicisque literis, quod exceptionem necessariæ causæ admittat, neque ab obsequiis Regum arceat.

TRIA sunt in quibus excommunicatis communicari vetitum: in malis, in sacris, in quotidianâ consuetudine. Mala autem hīc dicimus ea quidem propter quæ excommunicati sunt, quod *crimen criminis* vocant.

Tomus I.

X

Jam hæc tria inter se magno habentur discrimine. Primum enim in malis sacrificis qui communicaverit, pari excommunicatione percellitur, *majore* scilicet, quæ non tantum Sacramentis, sed etiam conventibus ac suffragiis privet: qui autem in hoc tertio, nempè in quotidianâ consuetudine, communicaverit, is jam, ex Ecclesiasticâ disciplinâ, aliud genus incurrit excommunicationis, quam *minorem* vocant; & Sacramentis quidem, non tamen suffragiis, aut fidelium cœtu ac societate caret.

Huc accedit discriminus alterum, quod magis ad rem nostram spectat: nempe interdictum de non communicatingo in malis, atque etiam in sacris, postquam adhibiti sunt constituti ab Ecclesiâ ritus, nullam exceptionem habet: quippe cum illud sit primus & principalis excommunicationis effectus, primus internus ac præcipuus finis. At verò quod attinet ad vitæ consuetudinem, quæ est tantum excommunicationis appendix, exceptionem, hujus quam diximus necessitatis, admittit. Id autem exponimus, primum ex Evangelicis Apostolicisque Scripturis, tūm ex primâ antiquitate, posteà ex Gregorio VII. cujus tempore hæc maximè urgebantur, postremò ex temporibus consecutis.

Quod attinet ad Evangelicas Apostolicasque Scripturas, res ex antedictis liquet. Perspicuè enim vidimus Ethnicos & Publicanos, ad quos excommunicati relegantur, ut nullo temporali bono ac jure, ita nec etiam civili societate privatos fuisse. Ac de Ethnicis quidem, quis dixerit civili societate fuisse privatos, qui regnare juberentur? Quo necessariò siebat ut Judæi & venerarentur imperantes, & iussa capesserent, & sæpe supplicarent, & missos ab eis Præfides. Magistratus, Milites suo quemque gradu, locoque acciperent, & cum iis civilia negotia tractarent; quod & Paulus fecit, nullâ Judæorum offensione; quippè cum id passim etiam ipsi factitarent. Idem Apostolus ad Tribunum Lysiam misit adolescentem sororis suæ filium, de avunculi vitâ & incolumitate tractaturum. Pari modo à Publicanis, si qui etiam Judæi essent, quales fuerunt illi quos Joannes baptizabat, & ipse Zachæus, non uxores, non liberos, non servos, non colonos quisquam abstrahebat. Vendebant, emebant, contrahebant; quod illi in Republicâ quidem communi cum aliis jure viverent. Quare in Ethnicis atque Publicanis, nec publica, nec patria, aut herilis potestas ullo jure lœsa aut immutata erat.

Vetita ergò intelligimus, non quæ necessitas postularet, sive erga Principes ac Magistratus, sive erga Dominos, ac parentes, sive etiam erga cives; sed quæ voluntariae ac peculiariis necessitudinis ac familiaritatis essent indicia: salutare, convivari, hospitio accipere; quæ etiam Apostoli disertè explicant. Neque enim aut Paulus aut Joannes vetant ne contrahatur, ne ematur, ne vendatur, ubi necessitas id exposcit; sed ne commisceantur cum notatis ac nominatis fratribus; ne scilicet utantur eis familiariter, ne tecto, ne mensâ, ne salutatione aut osculo excipient; quæ non necessitas, sed spontanei officii sunt; quæ quidem Judæi cum Ethnicis & Publicanis religiosè omittebant.

Neque tamen hæc quoque ad supremos juris apices exiguntur. Quis enim Apostolico præcepto repugnare jam se putet, si Calvinistas hæreticos salutârit? Quod nempè tam multi sint, tamque obvii, ut quoddam discordia-

publicæ genus esset, salutationem & communis vitæ officia tot civibus de-
negari. Id autem nec Apostoli præcepisse videntur; quippè qui ita pro-
nuntient: *Si is qui frater nominatus: Si quis hanc doctrinam non afferit; ut
nempè intelligamus hanc interdicti partem, quæ communis vitæ officiis ex-
communicatos arceat, ad paucos pertinere, ne ad magnam quoque multi-
tudinem pervagata civile dissidium pariat.* At si ea necessitas adversùs cives
valet, qui negaverit valere adversùs Principes, nā ille quid civis, quid Princeps
fit, ne nomine quidem intellexerit.

j. Cor. v.
ii.
ij. Joan.
x.

C A P U T X X V I.

Idem probatur ex Sanctis Patribus.

HÆC autem ab ipsâ Christianitatis origine manâsse ad omnem deinde Ecclesiam, Juliani Apostatæ & Valentis Ariani, aliorumque hæreticorum Principum exempla demonstrant. Notum illud erga Julianum, ejurato non tantùm baptismo, sed etiam Clericatu, omnibus detestatum, Valentianini postea Augusti, qui, *cum Lanciarios ad Palatii custodiam constitutos, Tribunus regerer, Julianum in templum Genii publici intrantem præcedebat.* At aspersam chlamydi lustralis aquæ guttam conspicatus, *Æditum pugno percussit, inquinatum se dicens, non autem purgatum:* quo facto ablegatus, pro Confessore est habitus, quòd cùm in necessario officio Imperatori præsto esset, in sacris tamen, aut potius in sacrilegiis, ab ejus societate & communione abhorreret.

Theod.lib.
iii. cap. xvi.
pag. 139.

Sanctus Gregorius (g) Nazianzenus refert Cæsarium fratrem apprimè Christianum, Sanctique Episcopi filium, gloriósâ cupiditate ductum, atque, ut Cæsarius ipse profitebatur, *quo urbi sua præsidio esset, in aulam se contulisse,* ad Julianum Apostatam scilicet; & quidem in aulâ Medicus militavit, seque peculiari obsequio Imperatori dedidit, Christianos alios secutus, qui passim in diversis muneribus innoxie ministrabant, eò quòd obsequia in Principem inter necessaria Reipublicæ officia habebantur. Quo quidem à consilio, Gregorius Nazianzenus datâ epistolâ deterret Cæsarium, non tamen eò quòd tali consortio à Christianâ pietate excideret, cùm etiam apertè testetur factam ab eo rem, *sibi quidem ingratam, non tamen reprehensione dignam.*

Greg. Naz.
epist. xvij.
pag. 779.

Memorat sanctus Ambrosius quendam sub Juliano judicem, à quo ille damnatus qui aram dejecti & turbavit Sacrificium, martyrium fecerat: itaque, inquit Ambrosius, nunquam ille judec (h) qui audivit eum, nisi persecutor est habitus; nemo illum congressu, nemo illum unquam osculo dignum

Id. orat.x.
pag. 165.

Ambros.
epist. xl. ad
Theodor.
Aug. n. 17.
tom. ij. p.
951.

(g) Gregorius] refert quoque Cæsarium publici ærarii curam suscepisse.

(h) Ille Judec] Baronio si credimus, an. 362. & ejus sequacibus, ipse erat Capitolinus Thracia Präfectus, qui teste Theodoreto lib. iii. cap. vij. Æmilianum martyrio confecit. Quisquis ille Judec fuerit, constat ab ejus communione Christianos non abhoruisse, nisi in sacris; id est, in sancto osculo sanctoquo commercio. Vid. eā de re Albaspl. lib. ij. de veteri polit. cap. xv. & seq. & Card. Bona de reb. Liturg. cap. xvij.

putavit. Omissa officia quæ non essent necessitatis docet : ab ejus tribunalē abhorruisse Christianos , si necessitas exposceret , aut eum pro judice non fuisse agnatum non docet.

Basil. tom. Sanctus Basilius scribit Præsidem Lybiæ à Magno Athanasio condemnatum anathemate , *omnibus aversandum & execrabilem futurum* ; ita ut nec iij. ep. lxj. *ignis , nec aquæ , nec terti communione cum illo sint habituri.* Cæterū nec alias xlviij. eum ab officio Præsidis , nec proinde Christianos à necessariis obsequiis prohibebat.

Synes. ep. Idem Andronico contigit patriæ Præfecturam à Theodosii liberis consecuto. Eum Synesius , patriæ Cyrenensis , factus Ptolemaidis Episcopus , inauditæ crudelitatis ac blasphemiae reum , adhibito Presbyterii consilio , excommunicavit , decretumque Ptolemaidenis Ecclesiæ , de vitando eo , ad lviij. p. 203. forores transmisit Ecclesiæ in hanc formam : *Andronico & Thoanti eorumque sociis , omnis religiosa ades , omnia septa clausa sunt ; privatos omnes ac Magistratus hortor ut nec ejusdem cum illo teleti , neque mensa participes esse velint ; tum Sacerdotes imprimis , qui nec viventes illos salutabunt , nec mortuos funebri pompa deducent. Qui Ecclesiam nostram contempserit , & ab eâ damnatos receperit , hic , sive Levita , sive Presbyter , sive Episcopus , apud nos eodem cum Andronico loco censabitur , neque cum eo dexteram jungemus , nec eâdem ex mensa vescemur unquam ; tantum abest ut cum iis artana mysteria communicemus , qui cum Andronico & Thoante partem aliquam habere voluerint.* En quibus communicari vetitum excommunicato Magistratui : primum ac maximè in sacris , tum etiam in voluntariis officiis , salutationis scilicet , mensæ tectique confortio. Hæc explicitè Synesius. Non profectò prohibet ne Præfectum habeant , ne causam dicant , ne iussis pareant , ne consueta ac necessaria Reipublicæ officia adeant atque obeant.

Quis autem vel fando audiit , tot inter hæreticos ac schismaticos , qui passim in urbibus inter Christianos viverent , quemquam unquam fuisse à servorum , si quos haberet Catholicos , possessione dejectum , aut uspiam Catholicos prohibitos quominus sibi necessaria emerent , venderent , agebant ? Nonne ergo eos , Julianumque ac Valentem , ex præcepto Domini , pro Ethnicis ac Publicanis habebant , qui Ecclesiam non audirent & apertè contemnerent ? Certè . Sed in malis sacrificiis , exceptione nullâ : in vita communis officiis exceptam necessitatem noverant.

Bar. tom. An fortè illud dicent , non fuisse Julianum ac Valentem nominatim ac publicè excommunicatos ; quare nec vitandos fuisse ? Quasi non satis apertè Ecclesiam contemnerent , aut necessaria esset adversus publicos persecutores denunciatio , aut posterioris xvi de denunciatione decreta in eam quoque extatè transferri possent. Sed quandoquidem vani homines etiam hæc obtrudunt , quid de Anastasio dicent , quem testatur Baronius in Concilio Romano à sancto Symmacho Papâ , ut hæreticum nominatim excommuni- vj. an. 502. nicatum fuisse ? Quid autem de Leone Isauro , quem idem Baronius me- p. 547. morat à Gregorio II. nominatim percussum anathemate ? Quos vitatos fuisse , cùm certo jure imperarent , quis vel ineptissimus dixerit ?

Id. tom. ix. an. 726. Sanè Baronius defecisse ab Isauro memorat Occidentis Imperium , quod pag. 62.

quidem nos ex eodem Baronio refellemus. Sed quid ad nos interim , cum Orientis Imperium , tum sanè Catholicum non neget Baronius in Imperatoris obedientiâ permanisse , nec profectò vitasse in civilibus societatem ejus , cui tam prompto studio obediret ? Hæc quidem suo loco fusiùs expōnemus. At dare in antecessum juvat , quæ pessimam causam , Baronii quoque testimonio jugulent.

Anastasii mentio reduxit in animum id quod in sancti Hormisdæ Papæ indiculo , seu commonitorio Legatis dato , legimus. Sic autem præcipit de damnatis Episcopis , qui Chalcedonense Concilium , ac sancti Leonis epistolam contemnebant , & excommunicati Acacii (*i*) nomini in sacris communicabant : *Si Episcopi voluerint occurrere , in quâ decet eos veneratione suscipite , & si voluerint secessionem parare (domum quò divertatis) nolite spernere , ne judicetur à laicis , nullam vos cum illis velle habere concordiam : si vero vos ad convivium rogare voluerint , blandâ excusatione declinate , dicentes : Orate ut mysticam illam mensam primùm mereamur habere communem , & tunc erit nobis ista jucundior : viðtualia & quæ alia offerre voluerint , exceptâ tamen subvectione , si causa poposcit , nolite suscipere.* Sic convivia vitant , alloquia frequentant : viðtualia respūnt , accipiunt subvectiones , ac domos quò divertant ; atque illud interdictum , ne quis cum hæreticis excommunicatisque versetur , ne salutet , ne munera accipiat , ita servant , ut necessariâ causâ aliquâ prætermittant. Adeò hæc præcepta , eorum numero non esse putabantur , quæ strictè & ad summos apices exigenda sint , sed quæ ad personarum , temporum , rerumque convenientiam , per Christianam prudētiam , charitatemque sint temperanda.

Vid. inf.
lib. iij. cap.
xij. & seq.

Vid. ibid.

Vid. tom.
iv. Conc.
Labb. pag.
1426.

C A P U T X X V I I .

Idem probatur ex Hincmari insigni responsione ad Hadrianum II. vetantem ne cum Carolo Calvo Rege communicaret.

QUARE cùm Hadrianus II. sub anathematis pœnâ , Hincmaro Rhenensi præcepisset , ut , nisi Carolus Calvus Pontificiūs jussis obtemperaret , se ab ejus , ut excommunicati , alloquio , salutatione , præsentia ,

(*i*) *Acacii*] C. Pi. Patriarchæ quanta fuerit honorum inexplicabilis cupiditas norunt omnes. Quapropter dissimulabat , assentabatur , quin & pietatem simulabat. A Simplicio & Felice Romanis Pontificibus lacesitus , eò quod in Alexandrini & Antiocheni Patriarcharum jura invaderet & hæreticis se jungeret , illos diu lusit Pontifices. Sed tempus opportunum nactus , Zenoni Imperatori suavit , ut conscriberet *Henoticon* illud , quo Eutichianis faveret apertissimè. Felix Pontifex exaustoravit *Acacium* , qui iterum convertit se ad artes , quas ut sensis inutiles , tum Romanis Pontificibus palam inimiciis denuntians , jussit Orientis Episcopos subscribere *Henoticon* , neque illi refugerunt. Mortuo Acacio , discordiæ , quas vivus Orientem inter & Occidentem concitaverat , sedatae non sunt , ut probant tot Romanorum Pontificum anathemata in Imperatores & Episcopos Orientis nominis Acacii communicatores , id est , qui ejus nomen in sacris dypticis inscribi sinebant , ex quibus tandem delerum est an. 519. Justino imperante & Hormisdâ Pontifice. Vid. Till. tom. xvj. Dup. Fleur. &c.

Hincmar. sequestraret; Hincmarus in hæc verba respondit: *De hoc quod scriptis, si opusc. xlj. ipse Rex Carolus in obstinationis sua perfidiâ persistere maluerit, ab illius me tom. ij. p. 693.* communione atque consortio sequentem, &, secundum Apostolum, ne ave ei iij. Joan. dicam, si vestre communionis volo esse particeps, & præsentiam ejus, modis 10. omnibus devitem; cum magno cordis dolore ac gemitu dico, quoniam & Ecclesiastici, & secularis ordinis viri, qui diversis de Regnis, Rhemos civitatem plurimi convenerint, improverando dixerunt, & dicunt: nunquam hujusmodi præceptionem ab illâ Sede ulli decessorum meorum missam fuisse: & paulo post: Sed & Domino nostro Regi Carolo ad exaggerationem dicitur à quibusdam, quod nec pro Lothario, publico adulterio denotato & apud sedem Apostolicam accusato, talem præceptionem & comminationem ab antecessore vestro, nullus Episcoporum in isto Regno accepit, nec etiam ab Hæreticorum vel Schismatistarum sive tyrannicorum Imperatorum, ac Regum, quales fuerunt Constantius Arianus, ac Apostata Julianus, & Maximus Tyrannus, præsentia & salutatione, sive collocutione, sedis Apostolicæ Pontifices, vel alii magna autoritatis, ac sanctitatis Episcopi, cum locus & ratio & causa exigit, se subtraxisse leguntur. Ergo hæc de salutatione, atque alloquio omittendo, non strictè exiguntur, sed prout locus & ratio & causa exigit, temperantur.

Hincmar. Quod ut demonstret non aliter posse fieri, addit: *Nescio quomodo ipsius ibid. p. 698. Regis, vel inter quos habito, præsentiam & communionem & consortium (externum illud scilicet) valeam devitare, cum Rex & cohabitantes secum unâ cum Rege, non solum in Parochiam, verum & in civitatem meam sepè convenienter, & ibi tamdiu, sicut Regi complacet, degant. Ecclesiam & plebem mihi commissam deserere, & aliorum, ut mercenarius non valeo fugere; nec quo extra Regnum ejus fugiam habeo; sed Regio cultu eo recepto, de Ecclesiasticis facultatibus, sicut præcipit, & quandiu præcipit, illi & sibi obsequentibus servio. Dicit enim hanc potestatem suos decessores habuisse, quam ipse nullâ interdictione dimittet. Quæ cum ille quæsisset, consulendo qualiter erga Regem se gerere deberent, ut Apostolicæ sententiæ de observandis Regibus obedirent; nempè illa, de omittendâ salutatione, ac negandâ Regi præsentia, evanuerunt. Hæc si cogitâssent, qui Gregorii VII. tempore, tantâ imperitiâ interdictum de vitandis excommunicatis explicabant, facile intellexissent, quâm necessariò justæ atque idoneæ causæ exceptionem exposceret.*

C A P U T X X V I I I .

Idem efficitur ex Gregorii VII. decretis.

IPSE etiam Gregorius VII. cum vel maximè urgeret secedendum ab excommunicatis, ut Henrico IV. excommunicato obedientiam omnem adimeret, tamen coactus est hanc interpretationem sequi. Hæc enim legimus Tom. x. Conc. pag. 370. & De-cret. part. ij. quæst. iii. in Concilio Romano IV. anno 1078. *Quoniam multos, peccatis nostris exgentibus, pro causâ excommunicationis perire quotidie cernimus, partim ignorantia, partim etiam nimirum simplicitate, partim timore, partim etiam necessi-*

tate: devicti misericordiā, anathematis sententiam ad tempus, prout possimus, opportunè temperamus. Apostolicā namque autoritate ab anathematis vinculo homines subtrahimus: videlicet uxores, liberos, servos, ancillas, seu mancipia, nec non rusticos & servientes, & omnes alios, qui non adeò curiales sunt, ut corum consilio scelerata perpetrentur, & illos qui ignoranter excommunicatis communicant, seu illos qui communicant cum eis qui communicant excommunicatis. Quicumque autem aut orator (k) (loca pia orationis causā frequentans) sive peregrinus aut viator, in terram excommunicatorum devenerit, ubi non possit emere, vel non habet unde emat, ab excommunicatis accipiendi licentiam damus; & si quis excommunicatis pro sustentatione, non superbia, sed humanitatis causā, aliquid dare veluerit, fieri non prohibemus.

Tot exceptiones patitur interdictum de vitandis excommunicatis, autore Gregorio VII. vehementissimo, si quis unquam fuit, hujus interdicti exactiore atque executore. Has exceptiones docuerunt omnes deinde Pontifices, totaque Theologorum & Canonistarum schola duobus versiculis notissimis has celebrat. (l) Summa est: sensum interdicti eum esse, ut vitandos intelligamus excommunicatos in communi etiam consuetudine, cum hac exceptione, nisi causa adsit necessaria. Quæ cùm à Gregorio VII. ipsa necessitas expresserit, quis non jam inter causas necessarias reputarit obsequium in Principes ac Magistratus, sine quo Respublica stare non possit? Quare illius ævi hominibus persuasum fuisse, ut liceret magis colonis ac servis, patrem familias, quām civibus Regem, ac Magistratus in civilibus ac necessariis colere, incredibile dictu est, summamque eorum temporum imperitiam, aut incogitantiam prodit. Quæ iterū atque iterum notari volumus adversus eos qui eorum temporum autoritate nos premunt.

Notari etiam volumus in decreto Gregorii duo quædam: primū, quod Gregorius significet hæc se indulgere Apostolicā autoritate, misericordiā vicīum; quasi non hæc extorqueat ipsa necessitas; aut verò quisquam unquam cogitarit, per excommunicationem abstrahi à patre familias servos aut colonos, nedum uxorem, ac liberos. An verò etiam ad misericordiam, non autem ad necessitatem pertinet illud, de non excommunicandis iis, qui ignoranter excommunicatis communicant, aut illud, ut qui inter excommunicatos versetur rerum omnium inops, ab iis accipiat necessaria? Et tamen Gregorius (pace tanti viri dixerim) quasi pro magno id largitur: *Licentiam,*

(k) *Orator*] In illo decreto, idem est ac peregrinus; qui quidem significatus, apud autores infiniti latinitatis frequentissimus est. Male D. DUPIN *Traité de l'Excomm.* Part. j. pag. 263. *Ambassadeur.* Nam ea verba: *Qui non habet unde ea emat quæ sunt ad vicīum necessaria, in Principis Legatum non convenientiunt;* & infra dicta declarant *Oratorem esse peregrinum.*

(l) *Canonistarum Schola duobus versiculis.... celebrat*] quinque modis veritum esse, ne quis pius cum excommunicato communicet:

*Si pro delictis anathema quis efficiatur;
Os, orare, vale, communio, mensa negatur.*

Quinque etiam modis licitum dicunt, ut pius cum excommunicato communicet:

*Hac anathema quidem faciunt ne possit obesse;
Utile, lex, humile, res, ignorata, necesse.*

inquit, *damus ab excommunicatis accipiendi*; tanquam non id per se liceat; aut ante eam licentiam, oporteret virum bonum & Catholicum enecari fame. Hoc quidem esset, non jam excommunicatos, sed fideles & Catholicos multare pessime. Quare hanc Gregorii misericordiam, veniam ita intelligimus, ut id quod jam esset per se esse licitum, ad omnem eximendum scrupulum clarius indicaret. Certè utcumque est, claret non esse jure Divino interdicta quæ à Pontifice concedantur.

Secundò, notari volumus illa Gregorii verba de curialibus, ut absolvantur ab anathemate, *qui non adeò curiales sunt, ut eorum consilio sceleris perpetrentur*; quibus significat impunè versari in aulis ac ministeriis Principum atque Optimatum excommunicatorum, eos, à quibus non soleant de exequendis sceleribus exquiriri consilia. Quid si exquirantur, & illi pro officio suo, bona suadeant, atque ab omni malâ re abstineant? An quia Principes excommunicati sunt, Reipublicæ deesse debeant in necessariis justisque officiis? Nemo profectò id nisi ineptissimus dixerit. Summâ ergo in ignorantia versabantur, qui Gregorii VII. tempore Henrico IV. excommunicato Regi, neganda putabant obsequia etiam Reipublicæ necessaria, eoque solo nomine ab ejus imperio, atque obedientiâ recedebant.

C A P U T X X I X.

Idem probatur ex secuta Pontificum omnium, atque Ecclesiæ praxi: insigne exemplum sub GREGORIO IX. ac FRIDERICO II. Imperatore: huic præstitum obsequium, negatâ interim mensâ & osculo.

QUARE nec secuti Pontifices existimârunt solâ excommunicatione; aut anathemate solvi obedientiam. Postquam enim exemplo Gregorii VII. id sibi tribuerunt ut Reges déponerent, non propterea semper pro depositis habuerunt eos Reges, quos etiam nominatim anathemate percussissent. Id innumeris exemplis demonstrabimus, ubi ad eorum temporum historiam venerimus. Nunc in antecessum, unum Friderici II. exemplum proponemus.

Greg. IX. Hunc ergo Imperatorem anno Christi 1228. Gregorius IX. nominatim excommunicavit his verbis: *Imperatorem Fridericum excommunicatum publicè nuntiamus, & mandamus ab omnibus arctius evitari: contra ipsum, si contumacia ejus exegerit, gravius processuri.* Quid autem gravius tali anathemate, nisi quod anathemati depositionem adjuncturus erat, ut anno 1239. his verbis fecit: *Omnes qui ei fidelitatis juramento tenentur, decernendo ab observatione juramenti ejusmodi absolutos &c.* Ita decernunt cùm depositos volunt.

Quare illud certum est: ex mente Gregorii IX. apud Fridericum II. stetisse Imperii vim, etiamsi ita decrevisset: *Excommunicatum publicè denunciamus, & mandamus ab omnibus arctius evitari: quod nempe illud interdictum necessarias exceptiones admitteret, nec magis solveret à justo Imperio cives ac subditos, quam à Dominorum jugo colonos ac servos.*

Quo factum est, ut Imperatori ad bellum sacrum in Orientem profecto,

ep. ij. tom. xj. Conc. P. 315.

fecto, cùm excommunicatus, nondum tamen depositus esset, fideles quidem omnes communicare nollent, neque tamen eo secùs in justis ac necessariis obedirent. Utrumque accepimus ab ejus xvi Scriptore Mattheo Parisiensi: nempè, ab Episcopis, à Clericis, à Templariis, ab Hospitalariis, ab aliis denique qui Romano Pontifici addictissimi erant, Fridericum in bellicis ac publicis officiis pro duce esse habitum; & tamen omnes ei in osculo & in mensa communicare noluissent; maxime adhortatos, *ut Papa satisfaciens rediret ad sancta Ecclesia unitatem.* Vides ut interdictum de vitandis excommunicatis ad mensam & osculum redigerent; ad officia Reipublicæ necessaria extendi ne quidem cogitarent.

Matt. Par.
an. 1228.p.
349.

Cùmque negarent oris osculum, eam tamen interim salutationem adhibebant, quæ Imperatoria Majestati conveniret. *Flexis enim genibus adoraverunt eum, genua ejus deosculantes:* quòd nempè erga Principes humilis salutatio, non solius urbanitatis sit officium, sed obsequii necessarii pars maxima.

Quod autem ab oris osculo abstinebant, id factum arbitramur, quòd putarent tali osculo religiosi officii aliquid contineri, scribentibus Apostolis in omni epistolâ: *Salutate invicem in osculo sancto;* ut oris osculum Christianæ fraternitatis signum esse videatur.

Rom. xvj.
16. j. Cor.
xvj. 20. ij.
Cor. xiii.
22.ij.Theff.
v. 26. j.Pet.
v. 24.

Alia ejusmodi passim occurrent, nec eorum pigebit lectorem commovere, ubi locus tulerit; atque omnino certum dabimus, seclusam à depositionis sententiâ fuisse, excommunicationis atque anathematis sententiam; nihil ut fuerit vanius, quàm illud interdictum de vitandis excommunicatis ad depositionem usque pretendere.

Ratio autem hujus rei est, quòd illud interdictum in humanis quidem exceptionem, uti diximus, necessitatis admittat; obsequia autem erga Principes inter necessaria manifestè habeantur.

C A P U T X X X .

SANCTI THOMÆ locus: *Canon Constantiensis: item Lateranensis Concordato insertus: quo sensu Reges excommunicari non possint: dictorum in hoc interdictum recapitulatio; atque hinc firmum argumentum.*

UT autem magis pateat, quæ sit hujus interdicti vis, intelligenda sancti Thomæ, ac Doctorum sententia. Quærerit S. Thomas: *Utrum participe cum excommunicato in casibus non concessis, semper sit peccatum mortale?* Casus autem concessos vocat Gregorii VII. decreto comprehensos, quos suprà retulimus. Respondet S. Thomas: *Quod participans excommunicato, etiam extra concessos necessitatis casus, non semper peccet mortaliter, sed solum quando in crimen illi participat, vel in Divinis, vel in contemptum Ecclesie.*

Supplm.
quæst. xxij.
art. iii.

Cujus quidem rei hanc rationem reddit: *Quod præceptum Ecclesie de* Ib. ad 2^{um}.
Tomus I. Y

vitando excommunicato directè respiciat spiritualia, & ex consequenti actus legitimos; & ideo qui communicat ei in Divinis, facit contra præceptum, & mortaliter peccat: qui autem participat & in aliis, facit præter præceptum, & peccat venialiter.

Notanda sancti Doctoris verba, quibus interdictum de vitandis excommunicatis, Ecclesiæ præceptum vocat, non Divini juris; nam & illud inter Doctores queritur. Quid autem hic sentiant perinde nobis est, quod sive Divinum est, sive Apostolicum, seu merè Ecclesiasticum, certè exceptionem necessariæ causæ admittat: quibus causis necessariis, nisi necessaria Reipublicæ officia complectimur, manifestè desipimus.

Quin etiam decretum illud, quod tractamus, de vitandis excommunicatis, usque èo processu temporis emollitum, temperatumque est, ut jam ex Constitutione Constantiensis Concilii, quæ incipit *ad evitanda scandala*, redigatur ad eam sententiam, vel censuram excommunicationis, vel interdicti Ecclesiastici, quæ fuerit *contra personam*, *Collegium &c.... locum certum*, *vel certam*, à *judice publicata*, *vel denuntiata specialiter & expresse*: quo jure cum hæreticis ac schismaticis, quantumvis aperti sint Ecclesiæ hostes & contemptores, impunè versamur.

Hoc decretum (*m*) tametsi deest in Constantiensis Concilii gestis, Martino V. in Constantiensi Concilio passim tribuitur, & ab omnibus recipitur.

In eo autem decreto à communi regulâ excipitur Clerici percussor notarius; nam, inquit, à communione illius, licet denuntiatus non fuerit, volumus abstineri. Cur autem casus ille excipiatur unus, non ex jure Divino, sed ex Ecclesiasticæ disciplinæ ac temporum ratione manat.

Conc. Bas. tom. xij. feff. xx. cap. ij. pag. 551. Concil. La- ter. v. tom. xiv. feffion. xj. in Bull. Leon. x. de Concord.p. 303. Tom. Cōc. x i v. text. Concord.ti- tul. xxx. p. 373. At posteà in Basileensi & Lateranensi, sub Leone X. Concilio, res paulò aliter explicata est. In utrisque enim æquè ac in Constantiensi, ut excommunicati vitentur, *denuntiatio expressa* requiritur. At ea adhibetur exceptio: *Si ita notoriè in excommunicationis sententiam incidisse constiterit, ut nullà possit tergiversatione celari*. Sic quidem legitur capite X. *Statuimus*: quod est Concordatis insertum. Quo jure si uteremur, non tantùm essent vitandi, ex Constantiensi Concilio, Clericorum notoriè percussores, sed etiam Calvinistæ, Lutheranique omnes, quos adeò notorium est esse excommunicatos, ut non nisi soluto vinculo excommunicationis, in Ecclesiam admittantur. Ab his autem omnibus, necessitate illâ civili & morali, quam diximus, excusamur.

Hæc sanè demonstrant quām latas admittat interpretationes interdictum de vitandis excommunicatis, quatenus ad communis vitæ officia pertinet;

(*m*) *Hoc decretum*] non commemorat Labbeus, neque in actis quæ Constantiense Concilium spectant, neque in appendice; quod tamen decretum à sanctâ Synodo editum fuisse affirmant, qui non multò post eam exactam scripserunt S. Anton. Sum. hist. part. iiij. tit. xxij. cap. vij. & Sum. Theol. part. iiiij. tit. xxv. cap. ij. iij. Domin. Soto in iv. sent. dist. xxij. quæst. j. art. iv. Tolet. Inst. Sacerd. lib. j. cap. xij. Suar. Azar. Valent. Vasq. &c. Hoc autem èo annotandum fuit, quod Ecclesiasti & Historiæ neoterici Scriptores, sive decretum hoc ignoravetint, sive quâlibet aliâ de causâ, illud omnes prætermisserunt. Urgent illi quideni Basileensem decretum, etiam Lateranensem, quod Basileensis decreti mera repetitio est; nec animadvertunt, utrumque ne serveretur, multis res obstante, non item, ne Constantiense. Adde Constantiensem Synodum esse probatiorem & autoritate firmiorem.

ut profectò jam illud ad Reges deponendos urgeri, apertæ insanæ sit.

Ex his etiam intelligimus, quo sensu quidam dixerint Reges excommunicari non posse, quod etiam in glossâ ordinariâ, & apud Sanctum Thomam vidimus; quem sensum secutos diximus Henricianos ipsos, qui, Gregorii VII. tempore, negabant excommunicari posse Reges, eo scilicet excommunicationis genere, quod ita omne vinculum humanæ societatis abrumpit, ut etiam in civilibus obedientia subtrahatur.

Quod autem alii ejusdem ævi putabant excommunicationem eò etiam pertinere, ut Regi excommunicato, etiam necessaria Reipublicæ officia ne-garentur, atque adeò penitus solveretur Imperium; manifestum errorem in exemplum & autoritatem trahi ratio non sinit.

Quare omnibus modis invictum est argumentum nostrum. Tota Ecclesiastica potestas, quatenus in puniendo & animadvertendo versatur, solâ excommunicatione constat: id enim à Christo & Apostolis diligentissimè explicatum, neque quidquam aliud uspiam est proditum; atqui excommunicatione nihil immutatur, neque in civium, neque in Principum juribus, uti à nobis Scripturæ autoritate & communi omnium confensione est traditum; ergò Ecclesiasticâ potestate, quantacumque est, quatenus in puniendo & animadvertendo versatur, nihil immutatur, neque in civium, neque in Principum juribus: ergò Reges deponere pœna Ecclesiastica non est, neque id à Christo concessum, neque ab Apostolis explicatum, totumque adeò ab Ecclesiâ Christi alienum est.

C A P U T X X X I.

Ambas potestates Ecclesiasticam & civilem, in suo quamque ordine esse primas, ac sub uno Deo proximè collocatas, Scripturis ac Patrum traditione demonstratur: Tertulliani locus.

JAM illud considerandum aggredimur, quod ex antè dictis est consecutaneum, & tamen ex Scripturis diligenter explicandum: ambas potestates, Ecclesiasticam & civilem, ita esse Divino numine constitutas, ut in suo genere & ordine, unaquæque sub uno Deo proximè collocata, prima ac suprema sit: ac Deo quidem æquè subditæ: collatæ verò invicem, sociæ fœderatæque sunt; ac licet illa dignior, hæc tamen æquè pertingit ad Deum, ejusque numini ac judicio reservatur.

Eam doctrinam Petrus, Christiani gregis Princeps, his explicat verbis: *Subjecti igitur estote omni humana creatura, πάσῃ ἀρχαρινῇ κτίσει* (n) propter *j. Pet. iij. 13. 14.*

(n) πάσῃ ἀρχαρινῇ κτίσει] Illa verba torserunt omnes Interpretes, qui nonnunquam dum tractant subtilius quedam Scripturæ loca, illa non tam illustrant quam obscurant. Sed vocabulum κτίσει in Scripturâ significat non modo *creataram*, sed *ordinem*, *rerum ordinationem*. Igitur D. Bossuet assentendum est, qui vocabuli κτίσει significatus varios simul complexus, illud eo modo accipit ut ostendatur: subjici nos opòrtore toti huic ordini inter homines instituto; quia Deus ipse constituit, ordinavit, posuit unumquemque in hoc vel in illo potestatis & dignitatis gradu. Quæ interpretatio cùm per se plana sit, tum Paulæ sententiaz Rom. xiiiij. mirificè congruit.

Vid. Sup.
sect. j. cap.
vij. Gloss.
ordinar. in
illud Matt.
xijj. Ne for-
tè collige-
mus zizania.
S. Thom.
Sup. quæst.
xxij. art. v.
Sed contra.
apol. Henr.
ap. Freher.
P. 163.

*Deum, sive Regi tanquam præcellenti, sive ducibus tanquam ab eo missis. Sic obediendum ducibus, sive inferiori potestati, tanquam à Rege, ac supremâ potestate missis: Regi autem sive supremae ac præcellenti potestati, non propter aliam humanam potestatem, sed propter Deum; tanquam eum à quo est, à quo ordinata est, cuius ministra est; quo autore viget polletque. Quò fit ut omnis humana creatura, sive omnis ea, quæ est inter homines, rerum ordinatio (nam & hoc sonat vox *utriusque*) etiam in civilibus ad Deum referatur, Deique nomine ac vice administretur suprema potestas, nullâ aliâ interpositâ potestate. Quem sensum secuti sunt ab initio Patres & Christiani omnes, ac primùm Tertullianus adversus Scapulam:*

Tert. adv. Scap.cap.ij. Colimus Imperatorem sic quomodo & nobis licet, & ipsi expedit, ut hominem à Deo secundum, & quidquid est à Deo consecutum, & solo Deo minorem; & in Apologetico omnium nomine: Et sciunt omnes Imperatores quis illis dederit Imperium; sciunt quis homines, quis & animam. Sentient eum esse Deum solum in cuius solius potestate sunt, à quo sunt secundi, post quem primi. Vides quid sentiant ipsi Imperatores, plaudente Ecclesiâ; nempè se in solius Dei potestate esse, à Deo secundos, & post Deum primos; non igitur ab aliquo per Deum constituto Pontifice deponendos.

Hinc exurgit argumentum. Qualem ideam Principatûs genus humanum ipsique Imperatores animo informaverant, talem Ecclesia suscipit: atqui eam Principatûs ideam informaverant, quæ civilem potestatem in suo ordine primam, ac sub Deo secundam poneret: ergo talem formam Ecclesia probabat. Jam si quæ potestas est à Deo in terris instituta, cuius judicio supremæ potestates stent aut cadant, immeritò profectò sese illæ existimant in suo genere & ordine à Deo secundas, & post Deum primas. At Imperatores non id immeritò de se credidisse Tertullianus refert, & Ecclesia probat: non ergo est ulla potestas, cui deponendi subsint, à Deo instituta.

Id quidem Tertullianus à Petro, Petrus à Christo didicit. Neque aliud sensus est ejus Dominici effati, quod sèpè relatum, nunc etiam attentiùs consideratum volumus: *Reddite quæ sunt Cœsarîs, Cœsari, & quæ sunt Dei, Deo.* Quippe hæc de Imperio Romano jam collato ad Cœsares, eo intellectu dicta sunt, quo in omnium mente, sensuque erat. Porrò Romani ac devictæ gentes æquè sentiebant Romanum Imperium ita esse supremum, ut nulla superesset in subjectis Provinciis potestas, quæ in tale Imperium jure insurgere directè aut indirectè posset; neque profectò erat ulla Provincia, quæ excutiendi Imperii jus ullum alicui, quæ apud se esset, potestati etiam Sacerdotali tribueret, ac si quæ tribuisset, jus fasque fuisset eam pro perduelli haberi. Jam verò Judæi Cœsaribus, Romanoque Imperio, non alio erant jure subditi, quæcum aliae gentes; neque eorum Sacerdotes quidquam sibi juris ad solvenda Imperia vindicaverant; neque sub Græcis, neque sub Persis, neque sub Assyriis, neque sub propriis Regibus, sive Machabæicis, ac recidivo Imperio, sive etiam Davidicis, ac primâ Regii Imperii origine. At verò Romanos, deteriore quam alias jure regnare, nemo unquam intellexit. Quale autem Imperium sibi ipsi vindicarent, & omnes recognoscerent, tale Imperium Christus confirmavit; neque retrò aspexit,

sectenè , an secùs Pompeius , aliique Romani Duces Regni Judaïci statum immutaverint , sed ex possessione & gentium jure , propter publicam pacem , Imperii statum , quo erat firmavit loco : neque obedientiam , aut religionis prætextu sollicitari , aut à Sacerdotum voluntate pendere voluit . Rursus qualem Judæis , talem Christianis sub Imperio Romano formam dedit : ergò absolutè voluit , quicumque imperarent eo jure quod leges ususque publicus approbâset , illos ab Ecclesiâ suâ sanctos , inviolatoisque haberi , neque ulli quam Divinæ potestati subesse , quod & Imperatores , & omnes gentes volebant , & cum eis Tertullianus , totaque Ecclesia fatebatur .

C A P U T X X X I I .

Alicæ Patrum autoritates : an his satisfiat dicendo Principes in temporalibus , non minus soli Deo subesse , cum ejus Vicario subsint .

UTI Tertullianus interpretatus est , ita cæteri Patres . Sanctus Ambro-
sius in illud Davidicum , *TIBI SOLI PECCAVI : Rex utique erat , in-*
quit , nullis ipse legibus tenebatur , quia liberi sunt Reges à vinculis delicto-
rum , neque enim ullis ad pœnam vocantur legibus , tui sub Imperii potestate .
Homini ergò non peccavit , cui non tenebatur obnoxius . Cassiodorus in eumdem
Davidis locum : *De populo si quis erraverit , & Deo peccat & Regi : nam quan-*
dò Rex delinquit , soli Deo reus est quia hominem non habet , qui ejus fac-
ta disjudicet . Meritò ergò Rex Deo tantum se dicit peccasse , quia solus erat , qui
ejus potuisset admissa discutere .

Vid. sup.
cap. ix.

Cassiodor.
exp. in Ps.
l. tom. xv. ij.
Bibl. Pat. p.
158.

Hinc Sanctus Gregorius Turonensis hæc ad Childericum Regem : *Si quis de nobis , ô Rex , justitia tramitem transcendere voluerit , à te corrigi potest : si vero tu excesseris , quis te corripiet ? Loquimur enim tibi , sed si volueris , audiis : si autem nolueris , quis te condemnabit , nisi is qui se pronuntiavit esse iustitiam ? Ac paulò post : Sed quid plura ? Habes legem & canones : hac te diligenter rimari oportet , & tunc quæ præceperint si non observaveris , noveris tibi judicium Dei imminere .*

Greg. Tur.
lib. v. Hist.
Franc. cap.
xvij.

Hæc passim apud Patres , quibus clare docent temporali potestati nullam imminere sui generis atque ordinis pœnam , hoc est temporealem , quam homines infligant : quæ si congerere sit animus , jam adversarios non locis atestibus , sed voluminibus obruumus . Unum subjungimus Sanctum Isidorum Hispalensem , ut Italiae & Franciae addamus Hispaniam : *Difficile est Principem regredi ad melius , si vitiis fuerit implicatus : populi enim peccantes judicem metuunt , Reges autem nisi solo Dei timore , metuque gehenna coercentur , liberi in præcepis proruunt , & per abruptum licentia , in omne vitiorum facinus labuntur : ideo Principem non oportet delinquere , ne formam peccandi faciat peccati ejus impunita licentia .*

Isid. Hisp.
vid. in Dec.
Ivon. Carn.
part. xvij.
cap. xlvi.

His & similibus respondere se putant , si dixerint subesse Pontificibus Dei vicariis , nihil esse aliud quam ipsi Deo subesse , ac meritò dici à Deo secundos , qui non nisi ejus vicariis , ac per eum institutæ Ecclesiastice po-

Y. iij

testati subsint : quæ quidem postremis facultatibus usurpata non nego. At si hæc valeant, jam pari jure dicamus Reges non modò in Imperio, sed etiam in religione soli Deo subesse ; cum in religione nullis aliis subsint quam Sacerdotibus Dei vices agentibus, atque Ecclesiasticae potestati à Deo institutæ. At non id dicimus, passimque in sequentibus audiemus Patres id aperte professos : Reges quidem in temporalibus soli Deo subesse, sed in Ecclesiasticis & Sacris æquè ac cæteros fideles subesse Sacerdotibus. Ergò in quibus soli Deo subesse dicunt, etiam Sacerdotale excludunt officium.

Neque pluris valet illa responsio : supremam esse, ac Deo secundam civilem potestatem, tametsi ab aliâ potestate, nempè à spirituali, deponi possit, quia indirectè tantum, non autem directè deponi potest. Nobis enim non placet verbis ludere ; ac planè negamus eam potestatem supremam atque à Deo secundam verè ac seriò dici, quæcumque ab alterâ, quocumque nomine, sive directè, sive indirectè, deponi & in ordinem cogi possit.

Sup. c. v. Quare neque eam admittimus utriusque potestatis, civilis nimirūm & Ecclesiasticae, subordinationem, quam adversarii passim inculcant : satis enim constituit non ita esse subordinatas, quæ sine se invicem stare possint, totâ vi suâ ac numeris omnibus absolutæ : atqui suprà vidimus, planeque in confessio est, stare veram religionem, stare Ecclesiam totâ vi suâ, etiam ab Imperio separatam : stare in ordine civili perfectissimum regimen à verâ Ecclesiâ, verâque religione seclusum : ergò ambæ potestates, supremæ ac principes in suo ordine, conjunctæque & amicæ, non una alteri per se subdita, subordinataque est.

C A P U T X X X I I I .

An ut ambæ potestates inter se ordinatae sint, unam alteri subdi necesse sit: Sancti Gelasii aliorumque Pontificum doctrina.

HINC illud solvit, quod passim objiciunt, ambas potestates inter se ordinatas oportere esse : non autem ordinatae sunt, nisi una alteri, minor potiori, civilis scilicet Ecclesiasticae subdit. Nos autem dicimus in eo esse ordinem collocatum, ut quod est ordinis genus quoddam, societate, fædere, pace, conjunctæ sint.

Zach. vj. 12. 13. Hinc illud Zachariae : *Ecce vir ORIENS, nomen ejus, Zorobabel, ad literam, publicâ ac civili potestate functus, & ipse extruet templum Domino.... & sedebit & dominabitur super solio suo, & erit Sacerdos super solio suo, & consilium pacis erit inter illos duos.* Vides pace mutuâ, non ipsâ subordinatione conjunctos ; & explicitius : *Amarias autem Sacerdos & Pontifex vester in his quæ ad Deum pertinent, præsidebit : Porro Zabadias filius Ismaël qui est dux in domo Judæ, super ea opera erit, quæ ad Regis officium pertinent.* Sic ambæ potestates suis limitibus circumscriptæ, sociæ quidem & amicæ, conjunctis agebant viribus, non una alteri imperabat. Atque hoc secutus S. Gelasius Pontifex, hæc scripsit celebri epistolâ ad Anastasium Augustum :

ij. Paral. ix. ii.

Duo sunt, Imperator Auguste, quibus principaliter mundus hic regitur, Sacerdotalis autoritas & Regalis potestas. Utraque principalis, suprema utraque, neque in officio suo alteri obnoxia est. Subdit: Nostri enim, clementissime filii, quod licet praesideas humano generi dignitate, rerum tamen Praefulibus Divinarum devotus colla submittis, atque ab eis causas tuae salutis expertis, inque sumendis caelestibus Sacramentis, eisque ut competit disponendis subdi te debere cognoscis religionis ordine potius quam praesesse. Nostri itaque inter haec ex illorum te pendere judicio, non illos ad tuam velle redigi voluntatem. Si enim, quantum ad ordinem pertinet publicae disciplinae, cognoscentes Imperium tibi superna dispositione collatum, legibus tuis ipsi quoque parent religionis Antifitites. quo, rogo, te decet affectu eis obedire, qui pro erogandis venerabilibus sunt attributi mysteriis?

Et quidem Gelasius ubique celebrat Pontificiam potestatem uti dignorem, quippe quae dignioribus ac caelestibus praesit; nec tamen alteram, minus licet dignam, alteri obnoxiam facit, in rebus quidem suis. Quod autem Imperatores Pontificibus subdit, diserte explicat non illud absolutè, sed in sumendis ac disponendis caelestibus sacramentis, quam etiam in re iudicari docet: Nostri, inquit, inter haec ex illorum te pendere judicio. Ordinem autem in eo esse intelligimus, non quod potestas dignior alteram ad sua jura revocet, sed quod, cum ambae supremae sint, altera alteri suo quaque officio obsequantur. Favet sanctus Symmachus Papa ad eundem Anastasium: Ille (Imperator) rerum humanarum curam gerit, iste (scilicet Pontifex) Divinorum; tu humana administras, ille tibi Divina dispensat. Itaque ut non dicam superior, certe aequalis est honor. Potuisset enim dicere honorem facerdotalem superiorem esse honore regio, hoc est, præstantiorem, sublimorem, digniorem; neque quisquam negasset Christianus: at in aequalitate utriusque potestatis Sanctus Pontifex meritò acquiescit, quod aequo & ab soluto jure, altera Divinis, altera humanis rebus praesit.

Hæc dicebant Pontifices superbo Imperatori, qui ad se omnia etiam Ecclesiastica trahere, & Acacii meritò excommunicati nomen Imperatoriā potestate sacris dyptychis restituere, vel conservare niteretur: quem proinde oporteret diligentissimè commoneri ejus, quam ipse deponi posset Pontificia potestatis, si quidem talia cogitassent. At illi hunc locum prætermittunt, ambasque potestates, non ut subordinatas, sed ut coordinatas & contradistinctas, ac sub uno Deo proximè collocatas memorant.

Hoc sequuntur omnes deinde Pontifices, quorum suo loco dicta referimus. Præluxit omnibus doctus ille, tersusque Synesius, Arcadio imperante, Ptolemaidis Cyrenensis Episcopus, nec minus sanctis moribus quam eleganti ingenio multaque oratione nobilis. Denique in eo sunt Patres omnes, ut ambas potestates Divino numine separatas, ac suis finibus circumscriptas, unique Deo subditas esse prædicent.

Gel. epist.
tol. viij. ad
Anast. tom.
iv. Conc. p.
1182.

Sym. epist.
vj. apol. ad
Anast. ibid.
pag. 1298.

Syn. epist
lvij. p. 198.
edit. Petav.
1640.



C A P U T X X X I V.

Cur hæ potestates tantà providentiæ distinctæ sint: sanctus Gelasius duas causas afferit, quæ indirectæ potestate tolluntur.

CUR autem sociæ & amicæ potestates suis officiis ac finibus Divino
Gel. Tract. numine tam accuratè distinctæ sint, sanctus Papa Gelasius causas af-
j. de anat. fert: *Christus, inquit, memor fragilitatis humanae, quod suorum saluti con-*
vinc. tom. *grueret dispensatione magnificâ temperans, sic actionibus propriis, dignitatibus*
iv. Conc. p. *que distinctæ officia potestatis utriusque discrevit, suos volens medicinali humili-*
1232. *tate salvari, non humanâ superbiâ rursus intercipi, ut & Christiani Impera-*
tores, pro VITA ÆTERNA Pontificibus indigerent, & Pontifices pro TEMPORA-
LIUM CURSU RERUM, Imperialibus dispositionibus uterentur: quatenus spiri-
tualis actio à carnalibus distaret incurribus, & ideo militans Deo minimè se ne-
gotiis secularibus implicaret, ac vicissim non ille rebus Divinis praesidere vide-
retur, qui esset negotiis secularibus implicatus; ut & modestia utriusque ordi-
nis curaretur, ne extolleretur utroque suffultus, & competens qualitatibus actio-
num specialiter professio aparetur.

Duas omnino causas memorat cur ambæ potestates suis finibus circumscriptæ, suis addictæ sint officiis. Primum, ne superbiâ efferretur in quem congesta essent omnia: cùm, ut quisque se ad ejus ordinis, quem profensus esset, actiones eò faciliùs aptaret, quò cujusque actiones diligenter inter se distinctæ essent.

Itaque illud imprimis observatu dignum, officia à Christo fuisse distincta, ut modestia utriusque ordinis curaretur, ac ne extolleretur utroque suffultus. Quis autem non videat, quām hæc à Christo incassum distincta sint, si qui ab eo est spiritualibus rebus summo jure præfectus, is non modò, ut diximus, maxima Reipublicæ, Imperiorumque negotia, verùm etiam temporalia omnia toto orbe terrarum, ad suam potestatem curamque revocare cogitur?

Nam si ad id cogitur propterea quòd humana Divinis, terrena cœlestibus, atque animarum saluti corporalia servire necesse sit; jam illud consequetur, ut spiritualis potestas civilem potestatem, omniaque ejus officia ad sua Imperia revocet, cùm nihil sit in iis officiis, quod non ad Dei gloriam, & ad æternam salutem omnino pertineat. Quæro enim an sit aliqua Imperii civilis pars, quæ sacerdotali Imperio non sit addicta penitus, an vero sit nulla? Si aliqua, rogo quam talem esse velint? Bellumne an pacem? Leges, judicia, ac jurisdictionem, an tributa? An quid aliud? Hinc profecto sequeretur ea ad Dei gloriam, & ad æternam salutem nihil pertinere, quod est falsissimum. Si autem nulla sint, ac potestas Ecclesiastica omnia complectatur, quocumque id fiat nomine, directè, indirectè; propriè, impropriè; uno ictu deponuntur terrenæ potestates omnes, neque ullum superest in verbis levamen, cùm reipsâ concidant.

Quòd

Quòd si hæc inania & nimia sponte corruunt, jam aliquos limites inventire nos oportet, quibus comprehensa civilis potestas supremo jure agat, nullique alteri obnoxia potestati. Quare tuum illud, ad unum principium, atque ad unam potestatem omnia revocanda, fallax & specie decens, reipsa ineptum, atque invalidum est.

Jam si ad certos limites te redigas rerum humanarum necessitate victus; quam dabis regulam ac legem his regendis finibus? Nempe dicturus es tunc esse obnoxiam spirituali potestati civilem potestatem, ac meritò deponendam, si commiserit ea quæ ad religionem labefactandam manifestè pertineant. Quid autem est manifestè? An ut directè Princeps veram religionem oppugnet, ut Diocletianus & Julianus feceré? At non Childericus Francus, non Irenes Augusta Catholicam religionem ita oppugnabant, quos tamen meritò depositos esse contendis. Certè, inquies, quòd necesse sit labefactatis Imperiis periclitari religionem, quibus Imperia sint præsidio. Rursus ergò illuc revolvimur, ut civilia omnia, leges, tributa, bella ad Ecclesiasticam potestatem revocentur. Quare ea doctrina, quæ ad unam potestatem, nempe Ecclesiasticam, revocare omnia ac relegare nititur, nullâ omnino lege, nullo ordine, ut & illud omittamus longâ sæculorum experientiâ notum, vix unquam Pontifices in re Ecclesiasticâ indiligiens esse versatos, quâm post ea tempora, quibus rerum, etiam humanarum, potestatem sibi attributam esse voluerunt.

C A P U T X X X V.

Ambarum potestatum separatio ac societas ex sancti Gelasii doctrinâ explicatur: Bellarmini comparatio: S. Gregorii Nazianzeni locus ab eo objectus.

QUARE solutum est ex Gelasiani decreti doctrinâ & autoritate argumentum illud, quo se se efferebant. Nempe statuebant potestates duas in unum principium unamque potestatem spiritualem reducendas, ne ordo deficit rebus humanis, neve in diversa principia resolutæ distrahantur, quasi equis in diversa raptantibus: hæc, inquam, soluta sunt S. Gelasii, aliorumque Pontificum doctrinâ. Satis enim claruit duas quidem potestates esse oportere: Ecclesiasticam & civilem, distinctis officiis, quæ principales sint ac supremæ, & tamen sociæ; ac supremæ quidem suo quamque in officio, ne si ad unam omnia referantur, hæc vel onere victa collabescat, vel, ut Gelasius docuit, plus æquo extollatur utrâque potestate suffultus; conjunctæ tamen & amicæ, ne societas humana distrahatur.

Conjunctas autem esse dicimus, quòd, ut exposuere sancti Pontifices, & mutuam sibi operam debent, præstantque; & licet supremæ invicem, Deo tamen ambæ communiter subsunt: quòd fit ut sub binis licet potestatibus, res tamen humanæ minimè dissolvantur, quòd Deus habenas temperet; atque ita non ad duo principia, sed ad unum principium omnia referantur.

Tomus I.

Z

Hoc sensu, si ordinatas esse volunt ambas potestates, eoque referri placet Apostolicum illud: *Quæ sunt* (potestates scilicet) à Deo ordinatae sunt, quanquam Apostolum alio respexit constat, non tamen id refugimus. Satis enim ordinatae sunt, quæ non incompositis feruntur motibus, sed à Deo gubernantur, ab eoque constitutæ sunt, ut sibi invicem auxilium & tutelam afferant.

Bell. de R.
P.lib.v.cap.
vj. viij.

At enim, inquiunt, erit ordo præstantior, si Ecclesiastice civilis tanquam potiori subesse cogatur; qui ordo si desit, maximo res humanæ incommodo laborabunt, collisis persæpè duabus potestatibus, suo in ordine supremis, nullaque earum absolutè imperante. Quarè præclarius erit civilem minùs dignam à digniore in ordinem cogi, atque etiam loco amoveri posse.

Nos autem monuimus quām suaviter somnient, qui id agunt ut res humanæ nullo incommodo laborent, tanquam in cælesti aulâ versemur inter Angelos. At qui id moliuntur præposteri homines, ne id quidem intelligunt quantis se incauti implicent incommodis. Vel tu id cogita, dum omnia incommoda superari à te posse putas, ad unam potestatem, imò, ut rem ipsam dicamus, ad unum hominem revocando res humanas; id, inquam, cogita, quale sit incommodum congerere in unum caput totius orbis curas, Divina humanaque omnia, resque sacerulares æquè ac Ecclesiasticas. Hoc incommodum veriti sancti Pontifices, rerum humanarum onus duas inter potestates à Deo partitum fuisse docuerunt, ne altera toto pondere gravata fatisceret. Addiderunt id factum, *ut modestia utriusque ordinis curaretur, ac ne extolleretur utroque suffultus.* Ne scilicet qui unus ad sua arbitria revocare omnia se posse consideret, nimiè potestate omnibus gravis, ipse quoque sui impos deviis motibus ferretur in præcepis. Neque enim quisquam eò usque desipit ut asserat Romanum Pontificem, etiam in administrandâ Pontificiâ potestate, à recto bonoque aberrare non posse, esseque infallibilem, simul & impeccabilem. Quam ob rem regere ea omnia quæcumque ad Dei gloriam, & ad animarum salutem referuntur, hoc est, humana omnia, non ejus profectò est qui se in administrandâ suâ potestate, erroribus & cupiditatibus abripi posse sentiat. Duæ ergò potestates sese mutuò non tantum adjuvent, verum etiam temperent; neve tu hic mihi cogita eam rerum humanarum pulchritudinem, quam res humanæ ferre non possint; ac si duæ potestates inter se collidantur, ne propterea putas omnia in incertum fluitare, aut abire in diversa, ut equos ruptis habenis; sed intùs adesse occultum moderatorem Deum, qui sollicitari interdùm Ecclesiam suam, non tamen dissipari velit.

Id.ib.c.vj. At enim, inquiunt, ita se habet civilis potestas ad Ecclesiasticam potestatem, ut caro ad spiritum, Gregorio Nazianzeno teste (o). Esto. Non id

Greg. Naz.
Orat. xvij.
tom. j. pag.
171.

(o) *Gregorio Nazianzeno teste.*] Hic in oratione xvij. ad quam nos allegat Bellarminus; ut cives Nazianzenos irâ Praefecti commotos reficiat, ostendit 1°. animi molestias à viris Christianis haberri & esse in bonis; 2°. juberi nos ratione, publicæ disciplinæ charitate, & ipso Christiano instituto, sublimioribus potestatibus parere. Deinde ad Praefectum, sermone converso, sic ait: *Et quidem lex Christi vos meo imperio meoque ductui subjicit. Nam nos quoque imperamus: quin imò nostrum imperium maius est & perfectius.* Non enim decet spiritum carni cedere & terrestribus cælestia. Ex quibus verbis planum fit, Gregorii doctrinam ab eâ quam ei attribuit Bellarminus, esse diversissimam; cum S. Doctor id unum velit, in quod omnes Christiani consentiunt, civili potestati potestatem Ecclesiasticam dignitatis gradu superiori esse.

tamen verum est ratione omni, sed aliquâ tantùm. Sed hæc more scholæ, transire sinamus, ut quod in barathrum nos deducant, semel intueri liceat. Pergunt: Atqui spiritus, si necesse sit, carnem quoque adigit ad interitum. Quid tum postea? Ergò Ecclesiastica potestas adigere ad interitum potest civilem potestatem; decernere potest scilicet ut civilis potestas tollatur è medio, sepeliatur, computrescat; ipsa interim ab omni civili potestate separata vivet. Transfer in cælum eam, qui sic ratiocinari; vel agnosce potius quām malè hæc decidantur institutis comparationibus, quæ comparationes, cùm certâ tantùm ratione valeant, si ad extremum urgeantur, ad immane præcipitum nos devolvant.

Atque ut intelligamus quoisque protendi comparatio valeat, recordemur id quod suprà est dictum: in ordine morum à verâ religione pendere civitatem; at civilem potestatem, quod ad rationem attinet humanæ societatis, per se ac totâ suâ vi sine verâ religione, sine verâ Ecclesiâ, si ne vero Sacerdotio stare posse.

Sup.cap. v.

Interim adjuvent se mutuò utræque potestates: contemptam Ecclesiam; Reges pœnis capitalibus: contemptos Reges, Ecclesia anathemate ulciscatur. Hæc passim in Capitularibus, hæc in Gallicanis, Hispanicis, Anglicanis, omnium ubiqûe gentium Conciliis legimus. Hæc ad confirmandam mutuam societatem, non ad confundendos utriusque potestatis fines pertinent.

Item quod Rex præcipit: *Applica arcam Dei, applica Ephod*: quod deinde jubet uti Sacerdotes suo fungantur officio: quod item Pontifex in Dei nomine præcipiat Regibus uti Rempublicam ex Dei legibus administrent, hoc debito ordine, ac moderatione factum, societatis est mutuæ. Quod autem aut Rex Sacerdotibus, autoritate Regiâ, aut Sacerdos Regibus, clavium potestate depositionem intentent, non jam ad tuendam societatem, sed ad invadendos alterius potestatis fines manifestè spectat.

j. Reg. xiv.
18. xxvij. 9.

C A P U T X X X V I.

Canon, OMNES objicitur & solvitur.

HIC adversari videtur Canon, *Omnis Nicolai II. Papæ à Gratiano ci- fundavit, & super petram fidei nascentis erexit, qui beato (Petro) æterna vita clavigero, terreni simul & caelestis Imperii jura commisit*. Hæc Gratianus refert ex Papæ Nicolai epistolâ ad Mediolanenses, quæ si probi autoris esse constaret, neque eorum numero habeantur, quæ Gratianus benè multa in suum Decretum falsis titulis, corruptisque sententiis consarcinata conjecit, tamen in rectum sensum facile reducuntur. Nihil enim aliud præferunt, quām hoc scilicet: postquam Petro dictum est: *Quodcumque ligaveris super terram erit ligatum & in cælis, & quodcumque solveris super terram erit solutum & in Cælis: ejusmodi esse eam, quæ Petro concessa est, rerum spiritualium potestatem, ut cælo terrâque juxta valeat.*

Decr. Dist.
xxij. cap. jo.

Cæterum neque Nicolai I. neque Nicolai II. ullam legimus ad Mediolanenses epistolam. Reliqui Pontifices, qui Nicolai nomen habuerunt, post Gratianum vixerent. Ac Nicolaus quidem I. ad Michaëlem Imperatorem (*p*) egregiam de Sacerdotii Regnique finibus scripsit epistolam, in quâ nihil aliud quâm sancti Gelasii verba descriptis. Neque vero à Gratiano relata verba, ex incertâ epistolâ, & incerto autore decerpta, tot sanctorum Pontificum eventent certas autoritates. Certè nemo dixerit in unum Romanum Pontificem propriè ac strictè *utriusque Imperii jura* collata à Nicolao I. qui post Gelasium docuit ea necessariò fuisse disjuncta, ne unius ordinis modestia gravaretur.

CAPUT XXXVII.

Objicitur à Bellarmino Apostoli locus de judicibus ab Ecclesiæ constitutis: Jeremiæ locus: duo gladii, Regale Sacerdotium: allegoria alia & accommodatitia: dictorum in hoc libro recapitulatio.

PUDET adversarios de tantâ re tamque, ut existimant, Ecclesiæ Catholicæ necessariâ, nihil quidquam expressum inveniri in Scripturis, sed totum negotium agi consecutionibus, iisque falsis, aut certè, quod nec ipsi diffiteantur, obscuris & dubiis, ac longè petitis. Quare Bellarminus & alii hunc proferunt novi Testamenti locum, quo sibi Apostolus tribuisse videatur rerum temporalium potestatem. *Audet, inquit, aliquis vestrum habens negotium adversus alterum judicari apud iniquos, & non apud sanctos. An nefatis quoniam sancti de hoc mundo judicabunt? Et si in vobis judicabitur mundus, indigni estis qui de minimis judicetis.....secularia igitur judicia si habueritis, contemptibiles, qui sunt in Ecclesiâ, illos constituite ad judicandum.*

Bell. de R. P. lib. v. cap. vii. Hic Bellarminus: *Sicut novi judices constituti potuerunt, ita & novi Principes & Reges, si vires adfuerint. Scilicet si tantum valerent viribus, novam sibi confestim Rempublicam facerent, qui jam Judices & Magistratus designabant. At quis non statim intelligat, haudquaquam id agere Apostolum, ut ejus autoritate novos sibi constituant Magistratus qui judiciis praesint; sed ut consensione mutuâ arbitros deligant, quod legibus Romanis licuisse ipsa jura clamant. Sic certè Paulus loquitur: *Si in vobis judicabitur mundus, indigni estis ut de minimis judicetis?* Id ergo profectò agit ne indigni videantur. Neque vero concludit sic: *Hæc vobis vestro jure potestas competit; sed profectò digni estis, ut vestri fratres vos eligant rerum minimorum arbitros, quos summarum quoque judices, & in tremendo illo judicio**

(*p*) *Michaelem Imperatorem.*] Ille est Michael III. cognomento *ebriosus*, qui Ignatium de Sede C. Pnâ. dejecit, ut in eâ Phorium, magni quidem ingenii virum & summa doctrinæ, sed laicum constitueret. Tale fuit exordium exitialis illius schismatis, quo Græci ab Ecclesiâ desciverunt, quod schisma etiamnù durat. Nam quanquam sçpè reconciliatio cum Græcis tentata, quanquam aliquando, ut in Lugdunensi & Florentini Synodis, villa est stabiliri; tamen vera pax aut numquam fuit, aut fuit caduca-

assessores suos Christus instituit. Ac posteà : *Sic non est inter vos sapiens quisquam, qui possit judicare inter fratrem suum?* Ad id ergò idoneos eos esse contendit per sapientiam : dignos esse docet per tantam Domini dignationem : de legitimâ cognitione ne quidem cogitat.

Certè si de legitimâ potestate ageretur, non valeret consecutio : majora potestis, ergò etiam minora, indignumque id Apostolicâ prædicatione es-
set (q). Neque enim hîc cogitandum est quid, curque præstet; sed quid
curque concessum sit. Neque si Deus Sacerdotibus maxima concederet, pu-
tâ spiritualia judicia, ideo jus fasque sit humana invadere, & inconcessa au-
cupari.

Quare quod legimus à Gregorio VII. toties inculcatum : *Si spiritualia
judicamus, cur non magis secularia;* si de eo judicio intelligit, quo de tem-
poralibus suo jure dicernat, causæ profecto sua dicta Apostoli præter li-
teralem sensum accommodat, qui arbitri honorificantiam ac sapientiam,
ad ordinarii ac legitimi judicii jus potestatemque transfert.

Cur autem Christiani plerûmque vetarentur coram judicibus infidelibus
agere multæ causæ erant : imprimis quòd judiciis legitimis jurare per Gen-
tilium Deos, aut etiam Christianam religionem ejurare cogerentur : quâ oc-
casione martyrium fecisse sanctam Julittam Martyrem beatus Basilius refert.

Hoc adversarii depulsi unico novi Testamenti loco, ad Prophetica
confugiunt, & ad novi Sacerdotii autoritatem referenda contendunt
ista. *Ecce constitui te super gentes & super Regna, ut evellas & destruas,
& disperdas, & dissipes, & edifices, & plantes.* Dictum ad Jeremiam
scilicet. At quero Jeremias quos Reges deposuerit? Quæ Imperia ever-
terit? Nempè respondebunt nuntiâsse eum Divinam ultionem Regnis ac
Regibus de propinquo imminentem; quod cum responderint, & ex Hie-
ronymo aliisque probaverint, statim inferemus: hæc ergò ad ministerium
Propheticum, hoc est, ad officium extraordinarium pertinere.

Neque tamen negaverim hæc, ut cætera, in figuram nostrâ facta esse, &
ministerio novi Testamenti, longè meliori jure, quam Prophetico conve-
nire; sed novi Testimenti more & spiritu. Sunt enim profecto Christiani
Pontifices super gentes & Regna: evellunt, dissipant, plantant victrice
prædicatione, verbo etiam ultiore, dum cælum aperiunt aut claudunt; ut
ad tantam potestatem superbi omnes, etiam in soliis positi, contremiscant.
Hæc Scriptura clamat. Ut autem invitis Regna extorqueant, & quò velint
transferant; ut humana omnia æquè ac Divina supremo & invicto jure in-

Greg. VII.
lib. iv. ep. i.
& pass.

Basil. Hom.
in Julitt.
tom. ij. p.
33. al. tom.
j. p. 315.
Jerem. j.
10. vid. Bar.
pass.

Vid. Hier.
in Jerem.
tom. iiij.
Ben. p. 530.
j. Cor. x. 6.

(q) *Indignum id Apostolicâ prædicatione eset.*] A temporibus Gregorii VII. in eo Theologi
quidam peccant maximè, quòd res naturâ & specie diversissimas, eâdem argumentatione
complectantur. Et quidem, ille syllogismus: qui jure potest judicare majora, is pari jure
minora potest judicare; ergo Ecclesia quæ majora judicare suo jure potest, eodem jure
minora judicat, merum sophisma est. Nam præterquam quòd res spirituales & tempo-
rales specie & ipsâ naturâ differunt, falsum est, v. g. si Judices à Rege propterea concili-
tuantur, qui Majestatis reum judicent, si idem Judicibus jus esse ut privatis etiam in causis
sententiam ferant, nisi ab litigantibus eliguntur; et si digni sunt qui causas dirimant pri-
vatas. Sic Christiani quos Christus assessores suos in tremendo Judicio vult esse, digni sunt
sanè rerum minimarum esse Judices; neque tamen idcirco non electi jus habent de iis,
quanquam minimis, ferre sententiam. Hæc dicenda erant, ne D. BOSSUET oratio quibus-
dam non satis plana & dilucida videretur.

potestate habeant, hoc est, si propriè loquimur, ut soli ipsi regnent, cæteri sub ipsis precariam veluti potentiam exerceant, tacente Scripturâ, imò etiam vetante, dicere non audemus.

Neque porrò objicunt adversarii, Romanos etiam Pontifices, post Gregorium VII. ad temporalia sibi vindicanda passim usos esse hoc Jeremiæ loco. Nam & apud ipsis, sicut apud alios constat in Decretalibus infinita inveniri Scripturæ testimonia, ad eum translata sensum, qui accommodationis dicitur: quæ quantunicumque inculcent, non profectò efficient, ut valeant ad literam, aut ad dogmata probanda pertineant; præsertim cùm hæc, assentientibus Theologis omnibus, Melchior Canus edixerit: *Aliud intentio conclusioque Decreti; aliud ratio & causa.* Quo fundamento nixi, & ipse & alii allatas etiam in Decretalibus Romanorum Pontificum Scripturæ accomodationes potius, quām interpretationes reverenter quidèm, sed tamen liberè planèque rejiciunt. Atque hæc semel dicta volumus, ne locos plurimos à Romanis Pontificibus prolatis, aut eas quibus in hâc materiâ utuntur rationes, excutere compellamur.

Melchior
Can. de loc.
Theol. lib.
vj. cap. viij.

Posteaquàm adversarios in tantâ re deficiunt Scripturæ testimonia, ad Luc. xxij. allegorias nempè confugiunt, memorantque duos gladios penes Apostolos 36. fuisse inventos, postulante Christo, & materialem incaute à Petro stricatum, IPSIUS tamen fuisse dictum: quæ quidem propter beatum Bernardum,

Inf. lib. iij. c. xvij. vid. ibi not.

qui primus induxit hanc allegoriam suo loco expendemus, & ad rem nullo modo pertinere docebimus. Hic quidem pertractari quæ extra sensum literalem allata, & ad allegorias deducta nihil probent, ratio non finit.

j. Pet. ij. 9. Neque etiam arbitramur sollicitè esse excutiendum id quod de *Regali Sacerdotio* à Petro proditum, Baronius eo transfert, ut Sacerdotalis apud Christianos autoritas, etiam de Republicâ, Regali quâdam autoritate decernat; tanquam ad Pontifices propriè, non autem ad omnes Christianos dictum sit: *Vos autem genus electum, Regale Sacerdotium, gens sancta, populus acquisitionis*: aut non omnes ad agnum exclament apud Joannem: *Fecisti nos Deo nostro Regnum & Sacerdotes, & regnabimus super terram.* Sed profectò certum est suo modo Sacerdotes Regesque esse omnes Christianos;

Ibid. Apoc. v. 10. ac Sacerdotes quidèm, ibidem attestante Petro: *Vos autem domus spirituallis, Sacerdotium sanctum offerre spirituales hostias acceptabiles Deo per Jesum-*

Apoc. iii. 22. *Christum*: Reges autem, de quibus scriptum sit: *Qui vicerit, dabo ei sedere mecum in throno meo, &c., si sustinebimus & conregnabimus, & confedere fecit in celestibus in Christo*: jam scilicet in antecessum devictis hostibus,


j. Tim. ij. 12. Ephes. ij. 6. quodque est verè Regium, cupiditatibus subjugatis.

Nos autem omissis allegoricis, tropologicis, & accommodatiis Scripturæ allegationibus, literæ inhaesimus, ibique investigavimus eam, quocumque appellant nomine, sive directam, sive indirectam, quam adjungunt Sacerdotio, rerum temporalium potestatem. Invenimus autem ante Legale Sacerdotium supremas potestates à Deo institutas, & à Deo secundas, solique Deo subditas inviolabili Majestate: nihil in eo jure posteà immutatum, neque sub Mosaïco, neque sub Christiano Sacerdotio; quin etiam explicatum in vetere Testamento, eadem apud Hebræos, quā apud cæteros Majestate regnatum; neque quidquam præscriptum Sacerdotibus aut

Regibus, quò in temporalibus, vel illi decernerent, vel hi obedirent, ac mansisse Regibus, quantumvis Idololatris ac sacerdotibus, potestatem integrum, à Prophetis agnitam, à plebe sanctisque religiosis observatam: neque id à Christo immutatum, neque cum explicaret Apostolicam atque Ecclesiasticam potestatem, quidquam adjectum esse de temporalibus ordinandis, nedum de deponendis Regibus, cum id vel maximè fieri oporteret, & adesset occasio: neque quidquam Christianis præscriptum esse adversus mundi potestates, nisi fugam & patientiam, & invictam constantiam profitendæ veritatis, & in iis quæ veritatem & conscientiam non laderent, summam obedientiam: imò jussisse Christum ut Cæsares, infideles scilicet, agnito ab omnibus jure regnarent, utque civilis potestas integro jure esset, neque religionis causa sollicitari posset, suo in ordine confirmata: ab eodem Christo Herodem & Pilatum, Regesque ac Regum Ministros à suo Regno tutos fuisse præstitos: neque spirituali Regno in regnandi civili ordine immutatum quidquam: tum eam quam in Ecclesiâ maximam esse voluit potestatem, non ultrà extendi, quam ut Christiani contumaces ad Ethnicos Publicanosque redigantur, spiritualium extores, nullo temporalium jure aut possessione detraetâ: denique disertè traditum civilem potestatem, & Ecclesiasticam suis quasque finibus, ac distinctis officiis circumscriptas, utramque in ordine suo supremam & absolutam esse, ac Reges soli Divino iudicio reservatos. Hæc illa doctrina est, quam in Scripturis legimus. Jam ab eâ origine ad posteriora sacula longè latèque diffusam ordine videamus.



DEFENSIO



DEFENSIO DECLARATIONIS CLERI GALLICANI DE ECCLESIASTICA POTESTATE.

LIBER SECUNDUS.

Quo Patrum testimonia & exempla afferuntur usque ad
GREGORIUM VII.

CAPUT PRIMUM.

Ordo & distributio tractationis hujus, primū in duo tempora, tūm in duas quæstiones: Prima quæstio de Regibus propter scelera reprehensis: An deponendi vīsi sint? Patrum doctrina & exempla in persecuzione & tribus primis sœculis: An Christianorum obedientia ex imbecillitate Ecclesie & eorum temporum ratione prodierit.



HRISTI, & Apostolorum doctrinam ea praxis eaque res gestæ consecutæ sunt, quæ tales institutionem decebant. Meminisse autem lectorem putamus hanc disputationem à nobis ita esse institutam, ut priusquam ad Gregorii VII. tempora veniamus, explicemus ea, quæ antecesserunt. Hæc verò ita exponemus, ut quandoquidem vidimus Bellarmini aliorumque judicio duabus de causis Reges deponi posse, primū propter crimina;

Tomus I.

A a

tum etiam absque ullo crimine , propter Ecclesiæ necessitatem; primi generis primùm , posteà secundi generis , exempla quæramus.

Primùm ergò dicimus , tot labentibus sacerulis nunquam fuisse Principes depositione mulieratos , cùm eadem crima intervenerint , propter quæ id fieri sequenti ætate Gregorius VII. & alii docuere ; atque omnino , quemadmodum impiis Regibus , Deum Israëlis deferentibus , atque Idola colentibus , Achabo , Achazo , Manassî , cæteris , Hebræi paruere ; eundem ad modum paruisse Christianos , non modò Paganis Regibus , sed etiam Christianismi desertori Juliano , hæreticis Constantio , Valenti , Anastasio , reliquis etiam Ecclesiam persequenteribus , atque extrema omnia potius pertulisse , quæ ut ab eorum fide atque obedientiâ discederent.

Neque id adversarii diffitentur , sed uno ore respondent : obtemperatum iis Regibus fuisse , quod Ecclesia neandum adulta ac firmata viribus , eos compescere non posset atque in ordinem cogere ; nec profectò cogitant ad quantam contumeliam pertineat nominis Christiani , ut Apostoli , imò verò Christus ipse , cùm illa magnifica patientia atque obedientia præcepta ediderunt , temporibus tantum ac necessitatì servierint , ut melioribus sacerulis alia reservarent. Nos autem ea Patrum monumenta proferemus , quibus hæc duo simul elucescant : neque vires Ecclesiæ defuisse , cùm paruit : & eis rationibus ad parendum adductam , quæ ad omnem statum , ad omnia tempora æquè fundarentur.

Et quidem sub Paganis , nihil commovisse se Christianos , nihil seditionis agitasse , sed ubique paruisse , atque omnibus aliis fide & obsequio præstisset constat : eaque est longè maxima religionis nostræ commendatio , quam nunc infringere Christiani moluntur , qui Majorum nostrorum infirmis viribus hanc modestiam tribuunt: At illi non intelligebant infirmos esse , qui tanto numero essent , tantoque animo mori possent. Vel Tertullianum audiamus nomine Christianorum , probante Ecclesiâ , ad Romani Imperii Antistites hæc edentem :

Tert. apol.
cap xxxvij.
p. 30. edit.
Rigalt.

Si enim & hostes exertos , non tantum vindices occultos agere vellamus , deesset nobis vis numerorum & copiarum ? Plures nimirum Mauri & Marcomanni , ipsique Parthi , vel quantocunque , unius tamen loci & suorum finium gentes , quam totius Orbis ? Hæsterni sumus , & vestra omnia implevimus , Urbes , Insulas , Castella , Municipia , Conciliabula , Castra ipsa , Tribus , Decurias , Palatium , Senatum , Forum : sola vobis relinquimus Templa. Cui bello non idonei , non prompti fuissimus , etiam impares copiis , qui tam libenter trucidamur ; si non apud istam disciplinam magis occidi liceret , quæ occidere ? Potuimus , & inermes , nec rebelles , sed tantummodo discordes , solius divertiti invidiâ adversus vos dimicasse. Si enim tanta vis huminum inaliquem Orbis remoti sinum abrupissimus a vobis , suffudisset utique dominacionem vestram tot qualiumcumque civium amissio ; imò etiam & ipsi destitutio punitisset. Procul dubio expavissetis ad solitudinem vestram , ad silentium rerum , & stuporem quemdam quasi mortui Orbis : quæsissetis quibus imperassetis : plures hostes quæ cives vobis remansissent : nunc enim pauciores hostes habetis , præ multitudine Christianorum.

At fortè multititudini deerant duces , aut milites : quasi verò in tam fortibus animis , & milites , & duces non ipsa necessitas peperisset , si li-

cere credidissent. Sed profectò nec deerant, neque Christiani militiam detrectabant. Sic enim sancti Martyres (*a*) intra ipsa martyria inclamabant: *Nos Imperatori terrenam quidem militia corporalis servitutem debemus; neque à militiâ desistebant, nisi fortè per militiæ occasionem ad execranda sacra compulsi.* Hinc ille Centurio Marcellus: *JESU-CHRISTO Regi aeterno milito. Abjecitque cingulum, (*b*) & arma; & addidit: Ex hoc militare Imperatoribus vestris desist... si talis est conditio militantium, ut Diis & Imperatoribus sacra facere compellantur.* Itaque cingulum abjecturi erant, non si eorum Pontifex ab officio exsolveret, sed si ad nefaria sacra cogerentur. Hinc Tertullianus in illâ nobili apologiâ: *Vobiscum, inquit, militamus;* & testantem audivimus, tantam fuisse Christianorum multitudinem, ut impleverant non modo, *Urbes, Insulas, Municipia*, sed etiam *Castrum ipsa*, & omnia præter *Tempora Idolorum*. Quin integræ Legiones præsto erant Christianismum professæ. Testis illa fulminatrix sub Marco Aurelio, & Mauricio duce Legio Thebanorum, (*c*) quæ, puto, bella haud minus fortiter quam Martyria obiisser. An verò duces non erant, ipse Mauricius, Sebastianus, & alii, quos commemorare nihil necesse est, famâ ac Martyrio inclytos, & omnibus notos? Quos profectò, si Christiani Pontifices subjectione exsolutos, ad Cæsarum Imperia detrectanda, aut ad arma capienda concitare poterant, non erat quod Tertullianus diceret: *Nunc pauciores hostes habetis præ multitudine Christianorum:* aut illud: *Per hanc seetam habetis, à quibus nihil timere possitis.* Imò verò habuissent infinitam multitudinem, à quâ omnia timere debuissent; quippe quæ, ad excutiendum publicæ potestatis jugum, nihil aliud quam opportunitatem, aut jussum Pontificis expectaret.

Sed hæc ab Ecclesiæ sensu procul abhorrebat. Quare Christiani, cùm suam in Imperatores fidem atque obedientiam prædicarent, numquam significabant quidquam à se metu aut conditione temporum agi, sed omnia

(*a*) *Sancti Martyres*] è Syriâ Sergius & Bacchus quondam celebratissimi erant; sed Metaphrastes quanto studiophis facta prodigia congerit, tanto eorum historiam coinquinat magis & absurdam facit. Ado Viennensis correxit in multis Metaphrastem, quem nihilominus unum in cæteris habet autorem. Quapropter docti omnem historiam rejiciunt. Vid. D. Till. tom. v. p. 471. Baill. 7. Octob. & ipsum Baron. ann. 309. tom. iij. pag. 45. qui putat acta horum Martyrum à Metaphraste scripta in aliquibus emendanda esse.

(*b*) *Abjecit cingulum*] In actis S. Marcelli, quæ edidit D. Ruinart, legimus: *abjecit quoque vitæ, quod vocabulum vitis, in actis Martyrum sèpè reperitur.* S. Marini acta sic habent pag. 263; *Honor quidam est VITIS apud Romanos, quam qui adepti sunt vocantur Centuriones.* Malè igitur D. FLEURY *Sarment de rigne.* Nam; ut Baronius optimè probat veterum testimoniis: *VITIS erat insignis Centurionum, quam manu gestarent, eaque in delinquentes milites animadverterent.* Vid. loc in textu citat.

(*c*) *Legio Thebanorum*] Eucherius, qui sèculo vij. Ecclesiæ Lugdunensi præfuit, creditur autor passionis hujus Legionis, quæ ut ferunt acta pag. 775. *six millia ac sexcenta viros in armis habebat.* Porro hac Legio Th bana seu Theba nec ab Eucherio & D. Ruinart, nec à D. Till. & Fleur. *fulguratrixis nomine appellatur.* Fuit quidem Legio Militena quæ tot habebat Christianos quorū milites, *fulguratrix idè dicta, quodd sub M. Aurelio, exercitum Romanum siti mox peritum, impetrata à Deo magnâ vi imbrium, liberavit, dum inter à fulminum jaculus hostium copias extinguenter & in fugam vertenter.* Vid. Eus. lib. v. cap. v. Illa autem Legio cum Theba confundi non debet; quinimò inde rectè concluditur plurimas tuis Legiones ex solis Christianis. De Legione fulguratrice vid. not. Vales. in Euseb. & Till. Hist. Imper. tom. iij. pag. 408.

Act. ss. Ser. gii & Bach. ap. Metaph. & Adon.

Act. s. Mar- cell. Centu- rion. apud Bar. an. 298. p. 700. vid. act. finc. p. 303.

Tert. apol. cap. xluij.

Christi & Apostolorum autoritate & exemplo , atque amore tranquillitatis publicæ , pronâque in Rempublicam voluntate ; quæ ad omnia tempora pertinere non est dubium . Sic audivimus jam dicentem Irenæum : Ideò Imperio obsequendum , quòd publica tranquillitas , publicus ordo à Deo constitutus id exposcat : sic Tertullianum totius Ecclesiæ nomine prædicantem , [ideò obsequendum , quòd Deus ita velit religiosè coli supremam Majestatem , se autore , constitutam , sibique soli subjectam . Hæc S. Justinus Martyr : hæc Theophilus Antiochenus (d) : hæc Origenes : hæc alii omnes mirâ consensione tradunt ; supervacaneumque est hic studiosè colligere , quæ libros aperientibus statim obvia sint . Denique uno ore omnes eandem obedientiam , eâdem veritatis æternæ regulâ , eâdem Scripturarum autoritate profitentur ; ut hæc ad conditionem referre temporum , nihil aliud sit , quâm certæ & inconcusse doctrinæ autoritatem penitus infringere , atquè ad hominum arbitria flectere .

C A P U T I I.

Quartum saeculum. Julianus Apostata: An Ecclesia tum invalida fuerit? S. Gregorii Nazianzeni locus: Item S. Augustini, S. Thomæ responsio ad locum Augustini, non satis cognito rerum sub Juliano statu.

AT fortè quis dixerit , Ethnici quidem Regibus parendum fuisse , non autem Christianis , si à Christianâ religione defecissent , aut eam infestarentur . Sed quanquam illa distinctio vana omnino est , Christianosque jussâ Ecclesiæ detrectantes tantum pro Ethnici haberi vult Christus , atque adeò illos haud magis quâm Ethnicos regnare vetat : tamen ut eam rem certius exploremus , placet intueri Juliani Apostatae tempora ; quem quidem non modo Christiano Baptismo , sed etiam Clericali ordine initiatum , ac Lectoris officio defunctum esse constat .

Ac primùm , notum est regnâsse Julianum medio quarto saeculo , post Constantium & Constantinum , quorum temporibus fidem Christianam & Ecclesiam Catholicam mirum in modum fuisse propagatam omnes Historici

(d) *Theophilus Antiochenus*] sextus ab Apostolis ad Autolicum contra Christianæ religionis calumniatores scriptis tres libros , quos repertis inter opera Justini & in Bibliotheca Graeco-Latinâ Patrum edit . vulgo dicta : *Magna navis* tom. i. pag. 104. Si quis hoc opus aureum & simul priorum Patrum apologetas gallicè interpretaretur , ille publicis utilitatibus plurimum inserviret . Tu autem , lector , adi D. BOSSUET celebrem *de historia universalis orationem* part. ij. cap. xxvj. Scies quâm unanimi consensu Christiani quondam & religionis nostræ defensores sublimioribus potestatibus obediverint & obediendum docuerint . Sed quia de hac *oratione* sermo incidit , addam : nullum opus Galliam peperisse aut eloquentiâ præstantius , aut omnibus numer.s absolutius ; nec ipsam antiquitatem quidquam nobis posteris reliquissè huic æquiparandum , sive species verborum pondus & sententiarum , sive brevitatem ames , eamque eliquatissimam & rebus abundantem ; nisi fortè illas quas D. BOSSUET laudat apologetas .

memorant; ut tanta multitudo, quantam à Tertulliano descriptam vidimus, secutis temporibus comparata, modica haberetur. Sic enim scribit S. Gregorius Nazianenus Oratione in Julianum III. *Ac ne hoc quidem perspiciebat (Julianus) quod prioribus quidem persecutionibus, parva perturbatio sequebatur, quia nondum dogma nostrum ad multos propagatum erat, sed in paucis adhuc hominibus veritas habebat. nunc autem salutari doctrinâ longè latèque fusâ, & apud nos præsertim dominantे, religionem Christianam immutare. nihil aliud fuerit quam Romanorum Imperium convellere, ac de rerum summâ periclitari. Non igitur infirma tum erat Ecclesia Catholica, sive ipsa veritas, & salutaris doctrina, quæ in Imperio Romano dominabatur; cum quâ rerum summa periclitatura erat, si Christiani pristinæ modestiæ obliti arma caperent.*

Greg. Naz.
orat. iij. in
Jul. p. 80.

Notum etiam illud Joviani Imperatoris Christianissimi & Catholicissimi, post Juliani necem electi, atque ideo Imperium respuentis, quod imperare nollet nisi Christianis; ex quo vox erupit totius exercitūs: Christianos se esse, atque in piâ disciplinâ Constantino & Constantio Imperatoribus educatos. Non ergo multitudo tantum plebis, sed totius exercitūs Christo serviebat.

Id etiam docet, quantum prævaleret in Romano exercitu vera fides, quod Joviano post sex menses mortuo, Valentinianum haud minus Christianum & Catholicum, ad hæc fidei confessorem, Augustum elegere.

Quam autem egregiè milites, vel Juliano vivo, in Christum animati es-
sent docet illud à Sancto Gregorio Nazianzeno relatum; nempe proposi-
tam fuisse Juliani statuam, quam pro more adorarent, adjunctis tamen
Idolis, ut ea adorâsse viderentur; tum verò milites donativum accepturos
ab eo Imperatore, thus quidem incendisse incautos, posteà verò monitos
quam id ad Gentilium superstitionem pertineret, è publico convivio statim
exiliisse, atque exclamâsse: *Christiani, Christiani sumus: denique ad Imperatorem accurrisse, projectaque pecuniâ, iterum exclamâsse: Non dona accepimus, Imperator, sed morte damnati sumus;* & quæ præclara hîc Gregorius Nazianenus commemorat.

Socr. lib.
ijj. cap. xxii.
Soz. lib. vj.
c. iij. Theo-
dor. lib. iv.
cap. j.

Greg. Naz.
loc. cit. p.
83. 84. 85.

Quod Cardinalis Perronius objicit, Julianum ab Ecclesiâ neque prudenter; neque utiliter potuisse deponi, hoc etiam nomine, quod Arianorum factio Ecclesiam Catholicam oppressam teneret, à tanti viri scriptis abesse vellemus. Neque enim id Gregorio Nazianzeno rem coram intuenti, ac Juliani imprudentiam singularem incusanti congruit. Ad hæc satis constat Ecclesiam Catholicam, longo intervallo Arianis præstítisse, cùm primùm toto Occidente regnaret, paucis ibi Arianis: in Oriente verò universus ferè populus in priscâ fide staret, solis plerūmque Episcopis, quos Constantius violenter intruserat, aliud sentientibus, iisque inter se mirâ confusione divisis. Certè qui vel unum Athanasium legerit, satis intelliget quantum Ecclesia Catholica, etiam sub Constantio prævaleret: quod quidem Calvinistis, Arianorum multitudinem & victorias amplificantibus, Catholici omnes, & ipse Perronius luce clarius demonstrarunt. Quare quod Ariani Catholicam Ecclesiam opprimerent, solius Constantii violentiæ tribuendum: quo statim mortuo, Catholici adeò prævalebant, ut exercitus nonnisi Catholicos Imperatores eligeret.

Harang.
au tiers etat
Du Perron
œuv. diver.
pag. 631.

Cùm ergò adèò & multitudine, & robore, & animis valeret Ecclesia; tamen Christiani fidem Imperatori servârunt impio, apostatæ, blasphemo in Christum, nihil non molienti ut Christianam è medio tolleret religionem. Etsi enim Christianismi nomine paucos interfecerit, quòd nostris Martyrii honores invidet, tamen & inquis legibus premebat Christianos, & plebis in nostros sœvientis seditiones alebat; ut eo nemo fuerit vehementior Christianæ fidei insectator. Neque eò magis Christiani ab officio recessere; imò verò ejus statuas, teste Gregorio, cum aliis civibus omnino adoraturi erant, repugnante nullo, nisi eis statuas Imperator Idola adjunxisset: adeò non modo in necessariis obsequebantur, sed ne quidem à superfluis, qui Regiae Majestati deferri solerent, honoribus abstinebant.

Theod.lib. Memorabile illud apud Theodoretum Sanctorum Martyrum Juventini & iij. cap. xv. Maximini, qui cum Juliano Apostata præcipuo militia honore conjuncti idolatriam ei liberis vocibus exprobabant: *Hoc unum, inquit, in tuo Imperio moleste ferimus.* Adeò aberant ab Imperio in aliis rebus, atque in militiâ detrectando.

August. in Attestatur beatus Augustinus his verbis: *Aliquandoi injusti pervenient ad Psal. cxxiv. honores sœculi. Cum pœneterint & facti fuerint vel Judices, vel Reges; quia n. 7. T. iv. hæc facit Deus propter disciplinam plebis suæ, non potest fieri, nisi ut exhibetur illis honor debitus potestati. Audis verba, non potest fieri; quæ certè oratio pag. 141s. non est accommodata temporibus; sed ab inseparabili rerum conditio-*ne, naturâque ipsâ profecta, ad omnia tempora diffunditur. Cur autem non potest fieri quin exhibetur ille honor? Nempè respondet: quia est illi debitus potestati, & quia hoc facit Deus; ut illi profectò potestati parere necesse sit eum, qui Deo paret.

Hoc fundamento posito, pergit Augustinus; cùmque servos memorâset Domino infideli obedire, ad Reges progressus, hoc exemplum adducit: *Julianus extitit infidelis Imperator: extitit apostata: iniquus idololatria: milites Christiani servierunt Imperatori infideli. Ubi veniebatur ad causam Christi, non agnoscabant nisi illum qui in Cœlo erat; si quando volebat ut Idola colerent & thurificarent, præponebant illi Déum. Quandò autem dicebat: Producite aciem: ite contra illam gentem; statim obtemperabant. Distinguebant Dominum eternum à domino temporali; & tamen subditi erant propter Dominum eternum etiam domino temporali.*

Manifestè ergò sanctus Augustinus Principem apostatam, Ecclesiæ hostem ac persecutorem, acceniet iis Principibus, qui licet injusti sint, cùm tamen ad honores sœculi pœneterint, non potest fieri nisi ut exhibetur illis honor debitus potestati: & quidem exhibetur, non illâ, quam jactant, prudentiâ ac metu, sed æternâ & incommutabili lege; propter æternum Regem scilicet, qui res humanas æterno consilio ita ordihavit.

Caus. xj. Hunc locum interpolatum & mutilum sub Ambroſii homine Gratianus q. iii. c. xciv. protulit, (e) atque ita mutilum & truncum S. Thomas vidit, ac sibi ob- S. T. om.

23. 22. q. xij.art.ij.ad (e) Hunc locum interpolatum & mutilum sub Ambroſii nomine Gratianus protulit] hoc modo: Julianus Imperator, quamvis esset apostata, habuit tamen sub se Christianos milites, quibus, cùm dicebat: Producite aciem pro defensione Republicæ, obediebant; cùm autem diceret eis: Producite armis in Christianos, tunc agnoscabant Imperatoreni cœli.

jecit. Respondit autem sic : *Quòd illo tempore Ecclesia in sui novitate non dum habebat potestatem terrenos Principes compescendi, & ideo toleravit fideles Julianus Apostolus ostendere, in his quæ non erant contra fidem, ut majus fidei periculum vitaretur.* Quæ verba Sancti Doctoris exscribere non piguit, ne quid dissimulare videremur. Tamen si in Gregorii Nazianzeni locum aliosque similes incidisset, credo, intellexisset non fuisse tum Ecclesiam in sui novitate, nec potestate destitutam; quippe quæ quadringintis ferè annis victrix jam dominaretur, nec nisi Imperio convulso labefactari posset. Sed nimirum hæc & alia multa antiquitatis monumenta, librorum inopiam ac linguarum imperitiæ, vix erant cognita: labente etiam disciplinâ, cùm pauca spiritus vestigia supereressent. Nos igitur his responsis, Patrum testimonia facilè anteponimus, ac de Sancto Thomâ, cum totâ Facultate nostrâ Petri Alliaccensis ore respondemus : *Nos hujus Doctoris sanctitatem veneramus, & ejus doctrinam, quantum fides & ratio patitur, tenendam esse censemus.* Hæc ille, cùm de immaculatâ Virginis Conceptione, Sancti Thomæ nomen atque autoritatem objicerent. Quæ semel dicta volumus ad hanc & alias Sancti Doctoris autoritates, quæ objici possent. Quòd autem S. Doctor addit : toleratum fuisse tum Juliani Imperium, ut majus fidei periculum vitaretur: rogo, potuerintne Ecclesiæ res pejore loco esse, quam sub eo Principe, qui ut Christianam religionem excinderet, nec dolis, nec donis, nec minis, nec suppliciis parcebat, eoque periculosius sæviebat, quòd interdum parcere videretur, sævumque animum quâdam clementiæ specie occultaret; ac denique, teste Gregorio Nazianzeno & aliis, satis præferret à se extrema omnia adhibitum iri, si de Persis victoriam reportaret: quam tamen victoriam milites ducesque Christiani omni ope promovebant. Quid autem pertimescebant Juliani temporibus, quod non item omni Ecclesiæ tempore pertimescendum fuerit, Regibus depositis? Nempè quotiescumque à Pontificibus depositi sunt, secutæ ex calamitates, stragesque, & scelera, imò etiam schismata, quæ historiæ produnt, magno fidei animarumque periculo. Quare, si teste S. Thomâ, Bellarmino, & aliis, horum malorum metus Pontifices deterrebat meritò, à Constantio, Valente, Anastasio, & reliquis; & ab omnibus quoque Regibus deponendis, pari ratione abstinere oportuit.

Hinc autem exsurgit nostræ sententiæ demonstratio: non eam profectò Christus Ecclesiæ suæ clementi & pacificæ potestatem dedit, quæ sine vi, sine cædibus, sine bellis civilibus, tetrisque schismatibus non posset exerceri: atqui non aliter exerceri potuisse potestatem illam deponendi Reges experientia testatur: non ergò ea potestas à Christo est.

Hist. Univ.
tom. iv. sec.
vj. p. 627.



C A P U T I I I.

A paganis Regibus, atque ab Apostata Juliano transitus ad hæreticos: Constantius Arianus, Catholicæque Ecclesiæ persecutor: an imbecillitate factum, quod Hilarius, Athanasius, Lucifer, Calaritanus, alii, indirectam potestatem ne quidem intentarent.

POst Paganos & apostatas Reges, hæretici proferendi. Primus prodear Imperator Constantius, Constantini Magni filius, Arianæ hæresis pugnator, IV. saeculo Ecclesiæ. De eo sic scribit Sanctus Hilarius: *Nunc cont. Conſt. n. 5. 7. 8. edit. Ben. p. 1241. & seq.* *pugnamus contra persecutorem fallentem, contra hostem blandientem. . . . Christi nouus hostis es, Antichristum prevenis. . . . omnia sævissima sine invidiâ glorioſarum mortium peragis: novo inauditoque ingenii triumpho, de Diabolo vincis, sine Martyrio persequeris. Plus crudelitati vestra, Nero, Deci, Maximiane, debemus: Diabolum enim per vos vicimus. . . . at tu omnium crudelium crudelissime, damno majore in nos, & venia minore desavisi. Hæc & similia demonstrant non fuisse leviorem habitam Constantii hæretici persecutionem, quod cædibus parceret; cum interim in pios, & Orthodoxos bonorum proscriptione, exilio, carceribus, omnique aliâ crudelitate sæviret.*

Sed nec ille cædibus pepercisse putandus est, qui & inflictis incommodis enecaret, & impunes esse vellet eos, qui per seditionem ac plebeios tumultus tot Sanctos trucidarent.

Ibid. n. 12. pag. 1247. Quin etiam vehementissimæ ac violentissimæ persecutionis fuit, quod Episcopos & Synodos, ad prodendam fidem compelleret. Sic enim ait Hilarius: *Aliſto Orientalium in Selenici Synodo, ubi reperi tantum blasphemorum, quantum Constantio placebat. Ac posteā: O tu scelestè, qui ludibrium de Ecclesiâ facis. Soli canes ad vomitum suum redenunt: tu Sacerdotes Christi resorbere ea quæ respuerant coegisti. Quæ sanè persecutio eō periculosior ac damnosior fuit, quod simplices animæ Episcopali, imò & Synodali autoritate deceptæ, autore Constantio, in hæresim ruerent.*

Theod.lib. ij. cap. xvj. Quin etiam sanctissimum tunc fortissimumque Papam Liberium è Petri Sede dejecit, substituitque eum quem Ariani vellent. Extat apud Theodoretum ejusdem Liberii fortissima cum Constantio Imperatore colloquio, quā Pontifex ejus exilia comminantis iniqua quidem jussa contemnit, in aliis Imperatoriam potestatem agnoscit integrum; neque commemorat eī tam indigna molienti ullum à se, aut ab Ecclesiâ imminere posse periculum.

Hil. loc. cit. n. 11. p. 1247. Eum posteā Constantius exiliū tædio ad pravitatem inflexum Sedi restituit. Et, ô te miserum, Constanti, dicebat Hilarius, qui nescio utrum magno iore impietate remiseris, quam ejeceris. Quid enim Ecclesiæ damnosius, quam Romanum quoque Pontificem fuisse coactum, ut post Nicænam fidem alteri fidei subscriberet? Hæc tamen perpetranti, hæreticosque omni ope foventi, Orthodoxos verò hostiliter infectanti, ac denique Antichristi loco habito

habito, omnes obtemperabant in iis quæ ad Imperium pertinerent: in sacris tantum jussa detrectabant. Quæ idem Hilarius accurate distinguit his verbis: *Pratermitto autem, licet potissima Regi sit rescrenda reverentia (quia enim à Deo Regnum est) non tamen aquanimitus ejus judicium Episcopilibus arbitriis admitti, quia Caesaris Cesari, Deo autem reddenda quæ Dei sunt.* Imperatoria de religione decreta contemnit; cætera ex Christi mandato servanda profitetur: ex Christi, inquam, mandato, non imbecillitate virium, ut jam obtrudunt.

Id. fragm.
j. n. 5. pag.
1282.

Hæc scripsit Hilarius, regnante Constantio, (f) quod observatum veniam adversus falsam hujus libri inscriptionem *contra Constantium jam vitâ funerâtum*: neque enim uspiam de morte ejus loquitur, sed semper alloquitur ut viventem, Ecclesias persequenter, & disertè nunc *Regno patientem*. Quin etiam suæ certam scriptionis notam attulit: *Afflito*, inquit, *Orientalium in Selencianâ Synodo*: quo tempore constat vixisse Constantium.

Lucifer verò Calaritanus non modo, vivo Constantio, adversus eum scripsit, sed etiam per Diaconum libros ad ipsum Imperatorem perferriri curavit; de iisque interrogatus, suos esse magno & invicto animo testatus, Catholicis omnibus admirationi fuit.

Et quidem, ex his libris locum jam insignem attulimus, quem nunc non modo repetendum, sed etiam diligenter enucleandum esse duximus.

Sup. lib. j.
sect. j. cap.
xij.

Jam diximus librum, ex quo ille locus est descriptus, ita inscriptum fuisse: *De non parcendo in Deum delinquentibus*; locus idoneus quo discamus quo usque & quatenus parcendum sit, necne, Imperatori hæretico, ac fævienti.

In exemplum adducit Osiam Regem, Regem, inquam, non modo templo, verum etiam publicâ Regni administratione depulsum: quo nullus erat commodior locus, ut ostenderet Regno quoque exturbanum Constantium, siquidem id licere sentiret. At eam Historiæ partem non assumit in exemplum, verùm eam tantum, ubi *Sacerdotes Domini Osium de templo compulerint egredi*, & addit: *Si enim Osium Dei Sacrerdotes idcirco pellebant ex aulâ Dei, quia meminissent Divinitutis præceptum, leprosos ante expiationem ingredi templum prohibitos; quantum magis nos dignè te, conspice, ex Ecclesiâ pellere Christi, de domo Domini, quia non sit licitum hæreticum convenire cum Catholicis, insanum cum sanis, plenum immundis spiritibus cum eis in quibus inhabitat Spiritus Dei.* Summum ergò id erat, quod à Pontificibus Imperatores hæritici ac persecutores metuerent, Templo Dei, Ecclesiâ Christi, Sacrisque arceri conventibus. Hoc tantum prædicabant Domini Confessores, cùm vel maximè Constantium exagitandum putarent.

Vid. tem.
iv. Bibl. Pat.
pag. 228.

Quamobrem cùm Lucifer passim ut hæreticum, ut Arianum, veræ religionis, atque Ecclesiasticæ communionis extorrem, Ecclesiæ ac fidei hos-

(f) *Regnante Constantio.*] Quanquam optimè probat D. BOSSUET nondum de vitâ decepisse Constantium, cùm eum librum scriberet Hilarius; addendum tamen est, id etiam disertè declarari iis verbis n. 2. quibus ait Hilarius, se *quinto anno post exilia Eusebii, Luciferi & Dionysii*, nempe anno uno ante Constantii mortem, *ad hac scribenda incitatum fuisse*. P. P. Bened. ea verba *jam vitâ funerâtum*, ab Erasmo temere addita, & à cæteris operum Hilarii editoribus perperam adscita, respuunt. Tamen iidem credunt, non nisi mortuo Constantio, eum librum editum fuisse. Quibus nitantur argumentis vid. lector, p. 1236. —

tem, persecutorem, Antiocho & aliis persecutoribus comparandum, imo pejorem, denique Antichristum, sive Antichristi præcursorum insectatur, neque eo secus Imperatorem appellat.

Et quidem contemnit inanem Regni gloriam vanamque potentiam, quæ nihil Dei Regno nocere possit: illegitimam eam esse erga homines, ne inuit quidem, & omnia quidem extrema in Regnum ejus, à Deo, nihil ab Ecclesiâ minitur: docetque passim quid Dei Anstites possint in Imperatores quoque: nempe arguere, increpare, arcere à domo & Ecclesiâ Dei, neque aliud quidquam.

Quin efficacissimis verbis profitetur, nullam esse Imperatoris potestatem in iis, quæ adversus Dei mandata præcipit: *Proba te, inquit, super nos ad hoc constitutum Imperatorem, ut nos armis tuis ad omnem implendam voluntatem amici tui Diaboli perduceres.*

Ibid. Lucif.
pro Athan.
lib. j. p. 184.

Quid omissurum putas qui talia scribere haud vereatur? At interim hæc profitetur: Nam quia dicas nos debere tibi obsequia, scito quia non tibi soli, sed & omnibus nos in sublimitate degentibus, in obsequiis REPRÆSENTANTIBUS, novimus esse debitores. Dicit enim Apostolus: ADMONE ILLOS PRINCIPIBUS ET MAGISTRATIBUS SUBDITOS ESSE, OBEDIENTES, AD OMNE OPUS BONUM PARATOS ESSE..... Admonet ergo nos esse debere subditos in bonis operibus, non in malis..... quia autem hac dicis, injuriam patior à Lucifero homine misero, & utique Imperator..... & tu arbitraris aliud te posse judicari à me, nisi Anathema esse?

Id. lib. de
non parcendo
&c. p. 240.
241.

En quibus se coercent finibus ille, hæreticis non parcendum docens. Quoniam Constantius assidue jaetabat Imperatori sibi obediri debuisse; distinguit Lucifer, & Constantium quidem, ut Imperatorem legitima Imperantem coli oportere, verum, ut hæreticum, omnino anathema esse, neque quidquam amplius.

Ac ne Luciferi autoritatem elevari posse putent, odio Luciferiani Schismatis; primùm satis constat hos libros ante illud Schisma conscriptos, imo ante Synodum Ariminensem, cuius occasione Schisma illud exortum est: cùm nihil in iis appareat quod ad eum rerum cardinem spectet; tum prædiximus illam, quâ Schisma conflatum est, nimiam Luciferi severitatem, maximo arguento esse, quam inviolata sint in Regiâ Majestate, quæ Lucifer ille tam vehemens, in Constantio quoque integra & sancta esse voluit.

Tom. iv.
Bibl. Par. p.
249. & ap.
Ath. tom. j.
Ben. p. 965.

Leguntur autem ad Luciferum Sancti Athanasii literæ, hos libros, de quibus inaudierat, mitti ad se postulantis, eosque collaudantis ut Apostolico spiritu à fortissimo Domini Confessore scriptos, neque mirum à Sancto Athanasio comprobatam de colendo Constantio Luciferi doctrinam, quam ipse dictis factisque confirmavit: quippe qui Constantium in se pro causâ fidei toties servientem, ac sèpè hæreticum appellatum, haud minus observat; ad eumque edit apologiam, quâ quidem relegatos queritur tot in Orbe terrarum nobiles Episcopos, Oslum, Paulinum, Dionysium, Eusebium Vercellensem, illum Luciferum, alios, vastatasque per Syrianum Ducem Ecclesias, sibi quoque, & suis publicè intentatam necem per edicta cruenta Imperatoris, quòd cum Arianis communicare nollet. Cæterum haud mi-

Ath. apol.
ad Const.
tom. j. pag.
295.

nūs ut Imperatorem agnoscit : *Puto enim, inquit, tuam Majestatem in memoria habere suis pollicitationes : & Neque enim restiti decreto tuae Pietatis ; neque Alexandriam ingredi conabor : & Tu tamen, Deo dilectissime Auguste, vivas per multos annorum recursus.* Addit ipsi suspectos esse non debere Catholicorum conventus & preces ; quippe cum scias , inquit , omnium vota precesque id expetere à Deo , ut salvus sis & perpetuò in pace regnes. Idem Athanasius , cùm ab impio Imperatore etiam laesi Imperii accusaretur , non eò se tuetur , quòd sibi licuerit negare fidem publico Ecclesiæ hosti : imò Deum hominesque testatur se in fide mansisse , mansurumque porrò , fausta omnia Imperatori imprecantem.

Quòd verò religiosissimum Deoque dilectissimum passim appellat , quem alioquin hæreticum fuisse profitetur , nihil necesse est à nobis diligentius explicari : nemo enim nescit hos titulos Imperatoriæ dignitati dari consuetos . Ita enim adscribabant Pietati tuae , uti nunc nos , adscribimus Majestati tuae . Quare satis constat hæc non ad fidei commendationem , sed ad honorificentiam pertinere , quam negandam Imperatori etiam persequenti Athanasius non putabat .

Audisti tres fortissimos viros Domini Confessores , Hilarium , Luciferum , Athanasium : vis & Osium Cordubensem , Nicenæ Synodi ducem , Episcoporum ac Synodorum Patrem , adhuc fortem , & invictum fidei Confessorem ? *Tibi Deus , inquit , Imperium commisit , nobis quæ sunt Ecclesiæ concredidit , & quemadmodum qui tibi Imperium subripit , contradicit ordinationi Divina ; ita & tu cave , ne quæ sunt Ecclesiæ ad te trahens , magni criminis obnoxius fas : DATE (scriptum est) QUÆ SUNT CÆSARIS , CÆSARI , ET QUÆ SUNT DEI DEO ; neque igitur fas est nobis in terris Imperium tenere ; neque tu Thymiamatum & Sacrorum potestatem habes , Imperator . Sic officia distinguebant , & in aliis ad obsequium proni , in Sacris tantum imperia detrectabant .*

Neque id faciebant tantum quòd non ita tempora postularent ; sed quòd non ea esset sibi attributa potestas , quâ de Imperio decernerent , quemadmodum nec ulla Imperatori data erat , quâ de Sacris judicaret .

Vis totam Synodus proferamus , eamque numerosissimam toto ferè Occidente collecto ? Audi Ariminensem , & quidem eo tempore , quo sancta adhuc venerandaque habebatur . Hæc igitur scribit ad Constantium vehementissimè favientem : *Tuam Clementiam iterum obtestamur , Imperator Augustissime , ut ante hyemis asperitatem , modo tuae Pietati visum fuerit , nobis ad nostras Ecclesiæ reverti facias potestatem , quòd possimus Deo patri omnipotenti , & Domino & Salvatori nostro Christo , filio ejus unigenito , pro tuo Regno consuetas preces cum populo fundere , sicut & ante fecimus , & adhuc facere non desistimus .*

Sinceram mentem precatio demonstrabat ; satisque constabat eos rebus Imperii vero animo , non imbecillitate favisse , qui pro iis Deo cordium inspectori vota facerent .

At si Catholici intelligebant deponi ab Ecclesiâ potuisse Constantium ; quid tandem expectabant ? Quidve tenebat Ecclesiam tot malis vexatam .

Athan. ib.
n. 5. pagin.
298.
Ibid. n. 26.
pag. 311.
Ibid. n. 18.
pag. 306.
Ibid. & pass.
Ibid. n. 2.
& seq. pag.
295.

Osius ad
Const. ap.
Athan.hist.
Arian.tom.
j. pag. 371.

Ap. Ath.
lib. de Syn.
n. 3. tom. j.
pag. 724.

quominus eâ potestate confestim uteretur? Negant eam fortitudinem his temporibus congruisse; quasi verò Ecclesia Catholica tantâ accessione fidelium aucta, ac tot per Constantinum, & sub ipso Constantio, Ariano licet, firmata præsidiis, non aliquem inter suos Magnentium invenisset.

Soc. lib. ij.
cap. xxij.
Soz. lib. ij.
c. ij. Theod.
Lib. ij. cap.
ij.

Imò sub initia Constantii, cùm jam ille Arianos ad secreta aulæ admisisset, eorum instinctu omnia commoveret, Episcopos Orthodoxos Sede deiceret, mulctaret exiliis; habebat Ecclesia Constantem Constantii fratrem in Occidente regnante; atque is tanto studio Catholicarum partium tenebatur, ut arma intentaret fratri, nisi Athanasium ab ipso Constantio profide fugatum Sedi Alexandrinæ redderet. Adeò belli causas ferere placebat. Neque tamen animum subiit, ut ullum Imperii titulum Occidentis Imperator à Romano Pontifice impetraret, aut Ecclesia tanto munita præfido Constantium deponendum aggressa est. Talia quippe tum, ne quidem per somnia cogitabant.

Quòd si postea Constantium toti jam Orbi imperantem aggredi verebantur; profiterentur saltem, quantam Ecclesia accepisset ad Reges depoñendos à Domino potestatem. Sic enim vel Constantium deterrent, vel certè demonstrarent, quantum ei Ecclesia pepercisset. Certè non tacebant Domini Confessores, quid in Sacris posset Sacerdotalis autoritas. Cur cætera omittebant? Cur illam in temporalibus admendis autoritatem? Metuere, an adulatione? Atqui vidisti ut metuerent, ut adularentur. An dices, ne temporibus quidem illis congruisse, ut omnia Ecclesiæ jura proferrent? Misera verò jura, quæ tot labentibus sœculis, datâ quoque occasione, tacere cogerentur Domini Confessores, nedum exercerent.

Neque obest nobis quod de Constantio mortuo Gregorius Nazianzenus, & alii mitiùs interdum locuti sunt. Ut enim hæc obiter perstringamus, factum id tum maximè, dum eum cum Juliano Apostatâ compararent. Neque prætermittendum id, quod à Gregorio Nazianzeno est traditum: nempe famam increbuisse, (g) morientem eum serâ pœnitentiâ hæc tria doluisse: *Quòd suos necisset, quòd Julianum Apostatam Cesarem designasset; quòd novis dogmatibus studuisset.* Cæterum hæc non prohibent, quominus certum sit & Constantium Ecclesiæ persecutorem fuisse acerbissimum, & interim, non modo pro Imperatore habitum, sed etiam tanquam ex Dei jussu religiosissimè observatum fuisse, etiam eo tempore, quo efferatus sine more modoque vexabat Ecclesiam.

Greg. Naz.
orat. ij. p.
9. orat. xxij.
p. 389. vid.
Theod. lib.
ij. cap. j.

(g) *Famam increbuisse]* dicit quidem Gregorius Nazianzenus; sed hanc fuisse incertam, imò falsam, ex eo constat, quòd Constantius ab Euzoio Antiocheno Episcopo, Ariano-rum defensore vehementissimo moriens baptizatus est. Et sanè ad mortem usque, illum pro Ariana blasphemiam sterissè testantur Athanasius tract. de Synod. & multi alii ex Patribus. Vid. D. Till. Hist. Imper. vit. Const. toni. iv. p. 466.



CAPUT IV.

Quarti Ecclesiæ saeculi reliqua exempla proferuntur: Valens hæreticus & persecutor: Sancti Basili, aliorumque Sanctorum sensus: Justinæ Arianæ, Valentinianni II. nomine, Catholicos infectanti, Sanctus Ambrosius viribus prævalens, quo usque repugnari posse putat: quid idem comminatus sit Gratiano & Valentiniano, si Sacra Paganorum restitucent.

IN T E R hæreticos Imperatores secundus temporis ordine, impietate & credulitate facilè primus, Valens extitit. Hic post Julianum, & breve Joviani Principis religiosissimi Imperium, à Valentiniano fratre, Orientis Imperator factus, Arianam hæresim tutabatur; de quo Gregorius Nazianzenus hæc scripsit: *Imperator auri amantissimus & Christi ininicissimus ... post persecutorem persecutor, post apostatam non quidem apostata, sed nihilo tamen eò meliorem se Christianis præbens.* Hujus Imperatoris quanta in Orthodoxos crudelitas fuerit, prodit illud relatum à Socrate: quod nempè mitescere visus sit, cùm mortis loco exilium irrogavit Sacerdotibus. Atque hunc tam crudelem, tam impium, Ecclesia nihilominus Imperatorem coluit. Ejus ministerium ad se missum cum Imperatoris literis, ut exilium indiceret, Sanctus Eusebius Samozatensis Episcopus admonuit, ne, causâ adventus sui proditâ, plebem in se concitaret. Ipse clam, ne turba fieret ulla, ex urbe profectus, populo ad se accurrenti, piumque Pastorem effusis lacrymis revocanti, recitavit legem Apostolicam, quæ disertè præcipit obediendum esse magistribus.

Sic Sanctus Basilus Modestum Præfectum ad se missum, qui ad Imperatoris communionem cogeret, atque extrema omnia minaretur, non negat legitimū Imperium gerere: atque interroganti: *Nos, inquit, quales tibi videmur? Nihil*, respondit, *dum hæc jubetis.* Adeò in unâ religionis causâ detrectat imperia: *Ceterum, inquit, potestate tuâ fruere: hæc ad Imperatorem defer.* Passurum se omnia commemorat, jubente Imperatore. Uno verbo, agnoscit potestatem sacram, & inviolabilem; abusum potestatis notat & contemnit.

Edeßæ Sanctus Presbyter Eulogius, jussus à Præfecto communicare Imperatori iisque quibuscum Imperator communicat, respondit: *Nunquid ille, inquit, una cum Imperio Sacerdotiorum etiam adeptus est?* Sic utriusque potestatis agnoscit limites: Imperatorem sua agentem observat: Arianis Sacerdotibus communicare jubentem despicit.

Sic erga Valentem se gerebat Ecclesia adeò præpollens viribus, ut Valentianum Valentis fratrem, & postea Valentinianni filium Gratianum, Augustos, fide ac religione præstantes haberet in Occidente; neque tamen iis præsidiis freta de abdicando Valente quidquam cogitavit, aut saltem ostendit id se posse. Neque Orienſ minus Valenti furenti, quam Occidens

Greg.orat.
funeb.sanc-
ti Bas. xx.p.
337.

Soc.lib.iv.
cap. xxxij.

Theod.lib.
iv. cap. xiv.

Bas. orat.
xx. p. 349.

Ib. p. 350.

Theod.lib.
iv. c. xviiij.

Valentiniano & Gratiano piis ac faventibus detulit. Sic omnes in diversissimâ Principum erga Ecclesiam voluntate, eadem Majestatem, ut à Deo profectam, venerabantur.

Post Valentiniani I. Valentisque tempora, regnavit Gratianus Valentiniani filius, magnumque Theodosium Imperii consortem accepit. Valentinianus II. Gratiani frater, Mediolani levabatur * nonum fere annum agens, Justinâ matre, Arianâ muliere Regnum administrante. Tyrannus Maximus, cæso Gratiano, Gallias occupârat; Romæ atque Italix victor imminebat. Eo in rerum cardine, Justina Principis nomine jussit, ut Ariani suis Basilicæ à sancto Ambroſio Mediolanensi Episcopo traderentur. Ipse oratione habitâ traditurum se negat, neque enim fas esse Sacerdoti tradere impiis Ecclesiæ Christi nomine dedicatas. *Nec mibi, inquit, fas est tradere, nec tibi accipere, Imperator, expedit..... Allegatur Imperatori licere omnia; ipsius esse universa. Respondeo: noli te gravare, Imperator, ut putes te in ea quæ Divina sunt Imperiale aliquod jus habere: noli te extollere, sed si vis diutius imperare, esto Deo subditus. Est scriptum: QUÆ DEI DEO, QUÆ CÆSARIS, CÆSARI. Ad Imperatorem Palatia pertinent, ad Sacerdotem Ecclesia: publicorum tibi jus mænium commissum est, non Sacrorum. Et iterum, si tributum petit, non negamus; agri Ecclesiæ solvunt tributum..... Solvimus QUÆ SUNT CÆSARIS CÆSARI, ET QUÆ SUNT DEI DEO: tributum Cæsaris est, non negatur: Ecclesia Dei est, Cæsari utique non debet addici. Hæc dicebat Ambrosius: potestati nihil detrahebat: officia discernebat.*

Id. Serm. cont. Aux. de Bafsl. &c. n. 33. ibid. pag. 872.

Videamus quam vim opponeret impotenti fœminæ Principis nomine extrema omnia intentanti: hanc nempè: *Tradere Basilicam non possum, sed pugnare non debeo..... Habeo arma, sed in Christi nomine: habeo offerendi mei corporis potestatem..... Habemus Tyrannidem nostram: Tyrannis Sacerdotis infirmitas est: CUM INFIRMOR, inquit, TUNC POTENS SUM. Ipsa plebs exclamabat: Rogamus, Auguste, non pugnamus; non timemus, sed rogamus. Hoc, inquit Ambrosius, in vobis hodie Spiritus sanctus locutus est. Hoc Christianos decet, ut & tranquillitas pacis optetur, & fidei constantia nec mortis revocetur periculo. Ita resistebant. At nunc, confirmatâ Ecclesiâ, si adversariis credimus, ultrò arma jussu Pontificum inferemus.*

Piget quidem repetere parum congrua Christianis. Sed quandoquidem his urgemur, considerare nos oportet quo tunc loco res essent. Imperabat in Oriente Theodosius Magnus, Catholicae fidei studiosissimus propugnator. Cæſo Gratiano, Maximus Tyrannus regnabat in Galliis, unde Valentiniani inhiabat Imperio, vicinæque Italix imminebat. Quo autem ille fidei Catholicae studio teneretur, hæc Theodoreti verba docent: *Ubi Maximus accepit ea quæ aduersus eximium fidei preconem Ambroſum Valentinianus fecerat, scribit ad Valentinianum literas, ne pietati bellum inferret, ac patriam religionem proderet; denique arma minatur, nisi à proposito discederet, nec secus ac dixerat, gesſit. Nam Mediolanum promovit exercitum: Italianum scilicet, ac Valentiniani provincias, ipsamque adeò Romam invasurus. Cui Catholica fidem tuent, imò verò fidei causâ bellum professo, Catholici Pontifices, cur non Regnum traderent, & ab Ariano Principe, etiam sanguiente, deficerent? Ad hæc Mediolani pars Catholica maximè prævalebat;*

Theod.lib. v. cap. xiv.

quin ipsi Valentiniani milites, qui Basilicam circumfusi occupaverant, Imperatori nuntiant: *Se præsto futuros si viderent eum cum Catholicis convenire; alioquin se ad eum cœtum, quem Ambrosius cogeret, transfuturos.* Licebat ergo tunc fidentes expromere vim illam deponendi Reges; ac si pupillo Principi parcerent, licebat Arianam mulierem in pueri animos venena hæresis instillantem à gubernaculis amovere. At dicebat Ambrosius: *Dolere potero, potero flere: adversus arma, milites, Gothos quoque, lacryma mea arma sunt; talia enim munimenta sunt Sacerdotis: aliter nec debeo, nec possum resistere.* NEC DEBEO, NEC POSSUM, inquit, cui tot undique auxilia suppterent. Non enim depositiones tum, non bella civilia jussu Pontificum movenda cogitabant.

Victo Maximo, ad Valentinianum, Theodosium, & Arcadium, Augustos, Senatus delata est supplicatio, (b) ut ara Victoriae Romæ restituji juberetur. Scribit Ambrosius ad Valentinianum: *Quisquis hoc suadet sacrificat, & quisquis hoc statuit. Tum addit: Certè si aliud statuitur, Episcopi hoc a quo animo pati & dissimulare non possumus. Licebit tibi ad Ecclesiam convenire, sed illic non invenies Sacerdotem, aut invenies resistentem. Quid autem est, resistentem? A Sacris prohibentem. Quid, inquit, respondebis Sacerdoti dicenti tibi: munera tua non querit Ecclesia, quia gentilium templo muneribus adornasti?* Et alia ejusdem spiritus. Alias Ecclesia minas, etiam in summis periculis, nesciebat.

Ap. Ambr.
ep. xxij. n.
ii. p. 855.

Serm. cont.
Aux. n. 2. p.
864.

Epist. xvij.
n. 8. 12 14.
pag. 825.

C A P U T V.

Sancti Ambrosii cum Theodosio gesta: an Ambrosius aliquid temporalis potestatis attigerit, ut Bellarmino visum; an vel de eo cogitaverit? Aliud Ambrosii erga eundem Theodosium post incensam Synagogam.

AM de Theodosio Magno dicere nos oportet, quod in eum Ecclesia suam potestatem exeruit, & illud exemplum Gregorius VII. iterum atque iterum in medium attulit. *Beatus, inquit, Ambrosius, scilicet sanctus, non tamen universalis Ecclesiæ Episcopus, pro culpâ, qua ab aliis Sacerdotibus non adeò gravis videbatur, Theodosium Magnum Imperatorem excommunicans ab Ecclesiâ exclusit.* Ab Ecclesiâ certè, non à Regno. Sed hæc amat misere Gregorius, tanquam unum ex alio consequatur.

Greg. VII.
lib. iv. epist.
ij. lib. viij.
epist. xxij.

Bellarminus vero intellexit, Theodosio ne quidem intentatas depositio-
nis minas; adeoque tali exemplo gravari se potius quam juvari, nisi aliquid

(b) *Senatus...supplicatio*] facta fuit an. 384. quo anno Ambrosius memoratam epistolam ad Valentinianum scripsit, biennio scilicet ante Justinum de basilicis persecutionem. Vid. admonitionem P. Bened. ante epistolam hanc Ambrosii & p. 828. & seq. Nondum igitur Theodosius bellum intulerat Maximo. Sed cum eum demum vicisset an. 388. iterum de eadem re supplicavit Symmachus, qui à Theodosio nullum tulit responsum, nisi quod in exilium missus est. Altera hæc supplicatio D. BOSSUET levis erroris chronologici causa fuit. Vide Ambrosium, qui in epistolâ lvij. ad Eugenium, recentet ordine Senatus varios & inutiles conatus, quibus ille aram Victoriae sibi reddi flagitabat.

adderetur. Hæc autem addidit : primùm excommunicatum ab Ambrosio
 Bell. lib. v.
 de Pont. c.
 v.ij. p. 894.
 fuisse Theodosium , propter cædem , quam Thessalonica a militibus fieri impe-
 raverat : tum ei præceptum ab eodem Ambrosio , ut legem ferret , ne senten-
 tie latæ de cæde vel bonorum publicatione ratæ essent , nisi post triginta dies.

Quæ postquam ex Theodoreto Bellarminus retulit , jam infert : *Atqui non*
poruit Ambrosius excommunicare Imperatorem , nisi prius causam cognovisset &
djudicasset , licet criminalis esset & ad forum externum pertineret : non potuit
autem cognoscere , nisi etiam in foro externo judex Theodosii fuisset. De lege
 autem sic ait : *Cogere Imperatorem ad legem ferendam.... manifestè ostendit*
posse Episcopum interdum potestate temporali uti.... & si Episcopus quilibet id
potest , quantò magis Princeps Episcoporum ? Hæc igitur objiciunt. Nos autem
 factum recensemus ex ipso Ambrosio , & ex Theodoreto , quem Bellarminus
 laudavit.

Theod.lib.
 v. cap. xvij.
 Refert igitur Theodoreto , seditione Thessalonica factâ , quosdam è Ma-
 gistratibus saxis obrutos : iratum Imperatorem misisse milites , qui , nullo ha-
 bito judicio de reis , promiscuâ cæde uterentur : septem millia virorum in-
 terfectos esse , nullo insontium noxiorumque discrimine. Hæc illa culpa est :
 quam dicit Gregorius VII. *aliis Sacerdotibus non adeò gravem fuisse risam.*
 Cur autem culpam extenuat , nisi ut in gravioribus culpis majora audenda
 significet ? Non ita Theodoreto , qui Theodosium *Imperatorem ut tyran-*

num , irâ pro lege habitâ , hæc fecisse memorat. Ambrosius verò ad ipsum
 Theodosium hæc scribit : *Factum est in urbe Thessalicenstum , quod nulla*

Ambr. ep.
 l. n. 6. p.
 998. al. ep.
 lxx.

memoria habet , quod revocare non potui , ne fieret ; imò quod antè atrocissi-
mum fore dixi , cùm toties rogarem , & quod ipse serò revocando , grave fac-
tum putasti. Hoc factum extenuare non poteram. Quando primum auditum est ,
propter adventum Gallorum Episcoporum , Synodus convenerat : nemo non in-
gemnit , NULLUS MEDIOCITER ACCEPIT. (En culpa quæ aliis non ita gra-
 vis videretur). Non erat facti tui absolutio in Ambrosi communione : in me
 etiam amplius commissi exaggeraretur invidia , si nemo diceret , Dei nostri re-
 conciliationum fore necessariam. Gravis ergò causa , non Ambrosio tantum ,
 sed cæteris Episcopis visa erat , de quâ , ipso tacente , cognituri essent.
 Videamus in tam atroci , tamque tyrannico facto , quid Ambrosius fortissi-
 mus Episcopus fecerit.

Ibid. n. 12.
 13. 15.
 Et quidem Judicia Divina commemorat : Theodosium exemplo Davi-
 dis ad pœnitentiam hortatur ; nisi faciat , sacrorum eum extorrem futurum.
Noli peccato tuo aliud peccatum addere , ut usurpes quod usurpasse multis officit.
 Et posteà : *Offerre non audeo sacrificium , si volueris assistere.* Postremò : *Tunc*
offeres , cùm sacrificandi acceperis facultatem. Summum id in Imperatorem ,
 ut & in alios Christianos.

Theod.lib.
 v. cap. xvij.
 Quid posteà factum sit refert Theodoreto : nempe , Imperatori pro more
 Ecclesiam ingressuro occurrit Ambrosius : *Ingressum prohibuit : Quibus enim ,*
inquit , oculis templum aspecturus es ? Quomodo Sacro-sanctum Domini corpus
accepturus es ? Quomodo pretiosum sanguinem , tot hominum fusio sanguine ?
 Non ut Gregorius VII. Quomodo regnaturus es ? Efficiam equidem , ne
 quisquam tibi pareat. Tunc Ambrosius : *Accipe , inquit , vinculum , quo*
sacris profectò , non quo Regno arceare. At Imperator *genens in Palatium*
reversus

reversus est, his verbis obtemperans: quippe qui probè nōset quæ Sacerdotum, quæ Imperatorum officia essent. Sic defert Ambrosio, qui nihil Regiæ Majestati detraxerat, nihil nisi Sacerdotale & Ecclesiasticum attraxerat.

Ingemiscebat postea Imperator, quòd, Ecclesia aditu interdicto, clausæ essent cœli fores: memor enim sum, inquit, Dominicæ vocis: QUODCUMQUE LIGAVERIS SUPER TERRAM, ERIT LIGATUM ET IN CŒLIS. En quam intelligeret Ecclesiæ potestatem.

Hic Rufinus, nefandi consilii cœdisque Imperatori autor, pollicetur suarum se Ambrosio, ut solvat vinculum: cui Imperator: Non persuadebis, inquit; novi aequitatem sententiæ illius. Pergit tamen Rufinus ad Ambrosium; cùmque Imperatorem brevi adfuturum esse diceret: Ego, inquit Ambrosius, tibi predico ac prænuntio, me illum ab ingressu sacri vestibuli repulsurum: Si verò Imperium in tyrannidem verterit, ego quoque libenti animo cædem excipiam. En quòd usque Imperatori etiam contumaci & fævituro fortissimus Episcopus restiturus esset.

Accessit postea Imperator, spe fallente, inflehti posse Ambrosium arbitratus. Illi procedenti cùm allata ista essent: Ibo, inquit, ut justas patiar contumelias. Ratus Ambrosius ipsum vi in Ecclesiam irrupturum, huiusmodi adventum tyrannicum esse dixit, & Theodosium adversus Deum furere, legesque illius calcare. At Imperator alia omnia sentiebat: Non, inquit, non sum violenter ingressurus Ecclesiam; sed à te peto, ut vinculis me absolvias... cui Ambrosius: Quam igitur, inquit, pœnitentiam ostendisti? At Imperator: Tuum est medicamenta ostendere, mei autem officii oblata suscipere. Tùm præcepit Ambrosius legem indici eam, quam Bellarminus vult exemplum esse gestæ ab Episcopo temporalis potestatis; nempe ut per triginta dies latæ sententiæ penderent. Hoc verò consilium cùm audisset Imperator, & utilissimum esse existimaret, legem scribi præcepit, subscriptione firmavit, relaxatio vinculo, communionem accepit.

Jam nemo non videt quam vanè & extrâ rem hic, in publico factò; adversus pœnitentem & ultrò confitentem, inquisitiones & criminales causas, & forum externum Bellarminus obrudat. Quæ tametsi omnia in causâ Ecclesiasticâ fateremur, quid hæc deinde ad rem? Neque illud de lege pluris valet. Nam & mitigandæ iræ, per quam Theodosius lapsus erat, imprimis congruebat; & ipse Imperator, teste Theodoreto, utilè existimavit eam; sibi scilicet, & Reipublicæ. At profectò non negamus bonos Principes æquo animo laturos, indici sibi ea in pœnitentiam, quæ Reipublicæ, quæ frænandis cupiditatibus conferant, quæ ipsis etiam recta & utilia videantur. An ad id cogi depositionis metu, aut eodem illato metu, à malo deterrei possint, id verò quærimus. Ambrosium certè, aut Theodosium, aut eo ævo quemquam, ne id quidem cogitasse; neque sanctum Episcopum adversus Principem, quamvis contumacem, ulterius fuisse processurum, quàm ut sacris arceret, ac regiâ vi tentatus mortem pateretur, ipsa gesta à nobis relata clamant.

Neque aliud inculcat idem Ambrosius, cùm incensâ à Christianis Synagogâ Judæorum, jussit Theodosius Synagogam ab ipso edificari Episcopo. Hic Ambrosius: Non vereris, inquit, Imperator, ne acquiescat (Episcopus)

Ambr.ep.
xl.al.xvij.n.
6.7. p.948.

Sententia tua? Ne prævaricetur non times? Non etiam vereris quod futurum est, ne verbis resifiat Comiti tuo? Necesse erit igitur ut aut prævaricatorem, aut Martyrem facias. Nempè, Ambrosio teste, prævaricator fidei foret Episcopus, si jussis Imperatoris cederet, ac Synagogam reficeret: *Martyr, si repugnans vi Regiā cogeretur.* Negat ergò Episcopum parere debuisse: adversus sacerdientem Principem nulla arma repugnanti tradit, nisi Martyrium. *Hæc Imperatorem monet Ambrosius in Regiā; ne, inquit, si necesse esset, audires in Ecclesiā.* Nempè increpāset: nempè sacrorum privationē inculcāset: sacerdenti, *Martyria, non arma objecisset.*

Ibid.n.33.

An forte respondebunt, Romanum Pontificem, cui majora licerent, mājora molitorum fuisse, & graviores illaturum minas? Absit hoc à Theologiā portentum, ut Romanus Pontifex alias habeat claves quam cæteri Episcopi, alia injiciat vincula. Non ille diversi generis anathema intorquet, sed ejusdem generis ampliore ac supremā potestate: ac si tanta inest vis, ut ligando ac solvendo etiam solvere possit Imperia; idem cæteri Episcopi poterunt, reservato tantum Episcoporum Capiti superiore judicio. Neque id adversarii diffitentur; & contendit Bellarminus, beatum Ambrosium indirectā potestate usum, de temporalibus decrevisse, quod esse falsissimum, & ab ejus mente alienissimum vidimus. Ac si somniemus Romano Pontifici reservatum, ut Reges deponeret; ostenderet saltem Ambrosius eam, quæ inesset Capiti Ecclesiæ potestatem. Neque verò dicant hæc tantum contumacibus, non autem modestis Principibus ostentanda: eccè enim Ambrosius eum animo Theodosium effingebat, qui Imperium in tyrannidem verteret, vi sacra corriperet, repugnantem Episcopum ad Martyrium usque cogeret; neque tamen ad fastus Regios comprimendos, eam Ecclesiæ autoritatem ostendit, quâ etiam Imperia solverentur; & quamvis Ambrosius nihil à Theodosio immodestia timuisset aut cogitasset, tamen è re fuisset ut, quod cæteris esset documento, ordo Sacerdotalis totam autoritatem suam modestis etiam Principibus vel semel exhiberet. Quid enim prohibebat? An quod Theodosius paenitens in ipso Ecclesiæ limine à tanto Episcopo veritatem audire non posset, ac statim in iras verteretur? Pudeat ergò tandem nos ejus autoritatis, quam optimis Ecclesiæ temporibus, cùm id res vel maximè postularet, neque fortissimi Episcopi saltem ostenderent, neque modestissimi Principes paterentur, neque quisquam hominum cogitaret.



C A P U T V I.

*Quinti saeculi exempla: ARCADIUS, ac de eo GREGORII VII.
verba: Burgundiones: Visigothi: Vandali: THEODORICUS Of-
trogothus: HUNERICUS Vandalus: ODOACER Herulus: ZENO
Imperator.*

QUINTO verò saeculo, de potestate indirecta non magis cogitabant. Eo ineunte regnabant Theodosii Magni liberi Arcadius & Honorius. De Arcadio sic scribit Gregorius VII. *Si, inquit, speciale aliquod de per-
sonis Principum requiratur exemplum; Beatus Innocentius Papa Arcadium Im-
peratorem, quiā consensit, ut Sanctus Joannes Chrysostomus à suā sede pelle-
retur, excommunicavit.* Hoc quidem non ita esse consentiunt Literati om-
nes: (*i*) nempè conficta est ea, quæ à Nicephoro refertur, excommuni-
cationis formula, cuius est initium: *Vox sanguinis fratris mei Joannis: at-*
que ea qualiscumque est, Imperatorem à sacris, non ab Imperio arcet;
cum nequidem de tali potestate cogitarent, qui talia confingebant.

Eodem quinto saeculo Ariani multi Catholicas Provincias obtinebant: nempè Burgundiones, Lugdunensem ac Viennensem: Visigothi, Hispaniam & Galliam Narbonensem: Odoacer Herulus, ac posteà Theodoricus Ostrogothus, Italiam ac Romam ipsam; neque quidquam adversùs eos fese Ecclesia, aut Romanus Pontifex commovebat: quanquam Theodoricus extra Regnum quoque suum Arianos tueretur, eorumque causâ toti Italix extrema intentaret. Ità enim in libro Pontificali est scriptum: *Pro hac
causâ, Theodoricus hereticus exarsit in iram, & totam Italiam voluit gladio
extinguere.* Sanctum quoque Joannem Papam coagit Legationem suscipe-
re ad Justinum (*k*) Imperatorem, ut redderentur Ecclesia hereticis in par-
tibus Orientis: *quod si non, omnem Italiam gladio perderet.* Idem Theodo-
ricus Catholicos adeò suspectos & exosos habebat, ut Boëtium & Sym-
machum (*l*) Romanæ urbis, & Ecclesiæ lumina, cæderet: Joannem verò
Papam, & duos Senatores Legationis socios, *in custodiâ afflictos maceravit,*
itâ ut beatissimus Joannes prime sedis Episcopus deficiens moreretur. Tantæ
igitur cædis tantæque impietatis reum, Ecclesia Romana sanctique Ponti-

(*i*) Consentiunt literati omnes,] Eam epistolam Labbæus recenset inter genuinas Innocentii tom. ij. Conc. p. 1308. Sed confictam fuisse luculenter probat D. Till. Hist. Eccles. tom. x. vit. Innoc. art. iv. p. 641. & Hist. Imper. vit. Arcad. not. xxx. p. 785.

(*k*) Ad Justinum,] qui quocumque patebat ejus Imperium, *Arianorum Ecclesiæ, Ca-
tholicas consecravit*, ait Anastasius tom. iv. Conc. p. 1600.

(*l*) Boëtium & Symmachum.] Boëtius, postquam res Regni sub Theodorico probè ad-
ministrasset, *occulta conjurationis cum Justino Imperatore* falso accusatus & in carcerem de-
tritus, scripsit in ipso carcere insignes libros de consolatione Phisophie. Boetium Theodoricus
occidit una cum Symmacho, qui Senatus facilè Princeps, probitatis famâ & summâ doctri-
nâ celebrabatur. Erant uterque in rebus Theologicis versatissimi, & imprimis Boetius,
cujus commentarios habemus, unum, *de duabus naturis & unâ personâ Christi*, alterum,
de Trinitate. Vid. Baill. addit. 23. Octobr.

Greg. vii.
lib. viij. ep.
xx).

Niceph.
lib. xijj. cap.
xxxiv.

Tom. iv.
Conc. vir.
Joan.j. pag.
1600.

fices coluerunt: nullo unquam adversus eum posterosque ejus, publico oculato molimine agere visi sunt.

Vandali item Ariani, & Gensericus, atque omni belluâ tetricor Hunericus, Africanam Ecclesiam devastarunt. At interim Catholici omnes in fide se manere testabantur; ac sanctus Fulgentius Rusensis Episcopus, & Christi Confessor inclitus, hæc ad Trasymundum Regem Arianum scripsit: *Cum pro nostrâ fide, in quantum facultatem Divinitus accepimus, liberè respondemus, nullâ contumacia seu contumelie debemus suspicione notari, cum nec Regia simus dignitatis immemores, sciamusque Deo timorem, honorem Regibus exhibendum, Apostolicâ ita nos præmonente doctrinâ, REDDITE OMNIBUS DEBITA; & paulò post: CUI TIMOREM, TIMOREM; CUI HONOREM, HONOREM. Locum j. Pet. ij. 17. etiam Petri commemorat: DEUM TIMETE, REGEM HONORIFICATE. Competens igitur, inquit, mansuetudini tuae deferimus honoris obsequium, cui Regalis apicem culminis Divinâ cernimus largitate collatum: nec tamen quemquam sapientem fugit, quantò sempiternus ille Rex Regum & Dominus Dominantium timore debeat suspici, qui temporales etiam Reges præcipit honorari. His persuasi decretis, non metu aut infirmitate coacti, Reges impios, ac religioni infensissimos observabant; neque temporariam, & ab opportunitate pendentem, sed æternis decretis nixam, exhibebant fidem.*

Eadem fide erant adversus Gondebaudum Arianum, Burgundionum Regem, Sanctus Avitus Viennensis & cæteri Episcopi Gallicani, qui perfidi Regis Imperio suberant; & habebant quidem Clodovæum Francorum Regem, Catholicæ fidei defensorem, & Gondebaudi hostem. Neque tamen ei adversus Gondebaudum pugnanti, Regis Ariani Regnum dabant, aut à sui Regis obedientiâ recedebant. Extat nuper edita à viro religiosissimo * eorum Episcoporum cum Arianis facta collatio, Apostolorum digna temporibus: quâ in collatione ipso Gondebaudo querenti de Rege Francorum suos finis invadente, sic Sanctus Avitus omnium respondet nomine: *Ignoramus, o Rex, quo consilio & quâ de causâ, Rex Francorum facit quod dicitis; sed Scriptura nos docet, quod propter derelictionem legis Dei, sepè subvertuntur Regna, & suscitantur inimici ex omni parte, illis qui se inimicos adversus Deum constituant. Ergo à Deo multa eaque gravia comminantur; nihil ipsi moliuntur adversus ejus Imperium, tanto defensore Francorum Rege freti; & Regem suum tam impensè colunt, ut is moveretur; ac tametsi induratum, & à Deo reprobatum, multis argumentis cernerent, haud minus pro Rege habuerunt.*

* P. Da-
chery ord.
Bened.

Collat. Epis.
cor. Reg.
Gond. Spic.
tom. v. pag.
111.

De Hunerico & Odoacro scribit Gelasius, Hunerico Eugenium Carthaginem & Catholicos Sacerdotes restitisse, extrema tolerantes: se quoque Odoaci scripto cum aliqua non facienda præcepisset, nullatenus paruisse. His docet quod usquè resistere fas sit Regibus iniqua jubentibus: eatenù scilicet, ut extrema omnia tolerantur, ut obedientia non simpliciter, sed tantum in illicitis denegetur, non sanè ut Imperium abrogetur.

S. Gel. ep.
xij. ad Epis.
Dard. tom.
iv. Conc. P.
1208.

Ad eundem Hunericum, postquam ab eo interdictum erat Catholicis Sacerdotibus, ut conventus minime celebrarent, extat sancti Eugenii Car-

Ep. Eug.
Tom. i.v.
Cenc. pag. 1127. vid. etiam vñst. Vitens, lib. ij. hist. de pers. Vand. part. ij. edit. D. Ruin,

thaginensis Episcopi omnium Collegarum nomine data epistola, quæ sic habet: *Nuper potestas Regia per Vitaritum Notarium meam parvitatem admonere dignata est, qui nobis de merito ac religione fidei preceptum ejus in Ecclesiâ, praesente Clero & plebe, recensuit. Ex cuius tenore cognovimus ad omnes Episcopos meos præceptum Regium similiter emanasse, ut die constitutâ pro disputatione fidei veniatur: quod nos venerabiliter accepisse suggestimus. Ad eundem edit professionem fidei, ducto initio ab obedientiâ debitâ Regiæ potestati: Regali imperio fidei Catholice, quam tenemus, præcipimur reddere rationem; ideoque aggredimur. Quæ si imbecillitas, non ipsa veritas postulasset, tacere potuisset Eugenius.*

Atque hæc de Arianis eo ævo regnantibus. Zenonem verò Imperatorem impio decreto, quod *Henoticum*, id est, unitivum appellabat, & Calcedonensi Synodo anathema dicentem, Simplicius & Felix, Romani Pontifices fortissimi, diutissimè &, quantum in ipsis fuit, pacatissimè regnare permiserunt.

C A P U T V I I.

ANASTASIUS *Imperator hæreticus, persecutor, anathemate nominatus in Oriente, & à Romano quoque Pontifice in Occidente damnatus, Ecclesiæ peculiari Sacramento obligatus, Regno eà conditione suscepto: ejus deponendi mira opportunitas: sancti Pontifices Gelasius, Symmachus, Hormisdas ne id quidem cogitaverunt.*

IMPIO Zenoni successit impius Anastasius, fidei Catholicæ persecutor: *Omni enim saevitiâ exagitabat eos qui Calcedonense Concilium, in eoque probatam sancti Leonis Papæ epistolam prædicabant. Atque hujus quidem tempore, Perronius docet claruisse indirectam potestatem. Nos contrà, ex loc. cit. pag. 603.* Harang.

Quid ad eum Imperatorem sanctus Gelasius Papa scripsit, quamque non modo Imperatorem agnoverit, sed etiam distinctis utriusque potestatis officiis, ejus Imperium ab Ecclesiasticâ potestate illæsum intactumque præstiterit, copiosè executi sumus. Quia verò sancti Papæ Symmachi gesta dictaque tantum delibavimus, ea nunc integra proferimus, ne quid studio veritatis lectori subtrahatur.

Primum ergo describimus verba Baronii de Concilio IV. Romano agentis. *Constat, licet synodalia acta desiderentur, in tantâ coronâ Patrum, propositâ in medium causâ Imperatoris hæretici, rogatâ sententiâ singulorum, comuni omnium consensu à Symmacho Papâ excommunicatum impium Anastasium (m) Augustum.* At nihilominus pro Imperatore est habitus ab omni-

(m) à Symmacho excommunicatum Anastasium] dicit Baronius, non probat. Sed 1º. de illâ excommunicatione vix quidquam reperies in Symmachi apologiâ & in omnibus Hisericis. 2º. verba Symmachi non tam significant latam excommunicationis sententiam, quam,

Apolog.
Symm. ad-
vers. Anast.
Tom. iv.
Conc. pag.
1298.

Ibid.

Evag. lib.
ijj. c. xxxiv.

Ep. Just.
Imper. int.
ep. Horm.
lxxiv. tom.
iv. Conc. p.
1542.

Common.
Horm. ibid.
post ep. ijj.
pag. 1428.

Evag. lib.
ijj. c. xxxij.

Exerpt.
Theod. Lec-
tor. lib. ij.
vid. quoq.
Viæt. Tur.
in Chron.

bus Orthodoxis. Vel ipsum Papam Symmachum audiamus, in apologetico ad Anastasium : *Dices quid mecum conspirante Senatu te excommunicaverim. Ita quidem ego; sed rationabiliter factum à decessoribus meis sine dubio subsequor.* Nimurum id sibi & antecessoribus suis tribuit, ut Imperatorem jure excommunicaverint, qui Acacii damnatae memoriae in sacris communicans, ejusque hæresi sociatus, in idem ipse se anathematis vinculum conjecterat. At tantâ autoritate excommunicatum, ut Imperatorem salutat, & Principem rerum humanarum vocat : Solutum excommunicatione vinculum, quo cives Principi conjunguntur, aut suâ autoritate solvendum, ne quidem cogitat.

Hæc Romæ sentiebant : hæc toto Orbe terrarum : nam scribit Evagrius : *Nonnulli Anastasium, tanquam Concilii Calcedonensis adversarium existimantes, ex sacris tabulis exemerunt : Hierosolymis autem anathema fuit illi denuntiatum ; neque tamen ab ejus Imperio recessere.*

Quantæ autem venerationi esset Ecclesiæ sententia Hierosolymitanæ, hæc Justini Imperatoris in eâdem Acacii causâ verba testantur ad Hormisdam Papam : *Huic, inquit, Ecclesia omnes honorem impendunt, quasi matri Christiani nominis, ut nemo audeat ab eñ se se discernere.* Ab hâc tamen Ecclesiâ expresso anathemate segregatum Anastasium, haud seculis pro Augusto habuere.

Ad hunc Imperatorem resipiscere visum, professumque sancti Leonis & Calcedonensis Concilii fidem, sanctus Hormisdas Symmachi successor, Legationem misit, cum hoc Commonitorio : *Si Imperator dixerit : ecce mihi communicate qui Synodum Calcedonensem recipio, & epistolas Papa Leonis amplector : nunc communicate mihi ; respondendum est : quo ordine Pietas vestra communicari sibi desiderat ?* Tum ea præscribit, quæ ab Imperatore subdolo ac fallace postulanda essent, ut perfectè satisfaceret : neque esse anteà communicandum ; at interim ut Imperator, cùm ab ipso Pontifice per litteras, tum à Legatis, Pontificis iussu, salutatur.

At si quis unquam extitit Imperator solio deturbandus, is maximè fuit Anastasius, quo nullus ad servandam fidem Ecclesiæ esset obstrictior. Scribit enim Evagrius : cùm Anastasius, Zenone mortuo, ad Imperium eligendus esset, obstitisse Euphemium Patriarcham Constantinopolitanum, quoad Anastasius professionem ipsi Euphemio daret, gravibus sacramentis, manuque firmatam suâ, quâ testaretur, si sceptrum susciperet, servaturum se fidem integrum, neque unquam res novas in sanctam Ecclesiam indueturum : quam professionem Macedonio sacrarii custodi tradidit.

Similia ferè scribit Theodorus Lector & alii. Hæc ab Anastasio, cùm suspectæ fidei esset, Ecclesia postulaverat : sic eum sibi, non tantum communis religione Christiani nominis, sed etiam chirographo & jurejurando obstrictum tenebat. Quam fidem reposcere eò magis poterat Ecclesia Ro-

pro more tunc temporis usitatissimo, quamdam commercii cessationem, seu potius interruptionem. *Nos, inquit, non te excommunicavimus, Imperator, sed Acacium : tu recede ab Acacio, & ab illius excommunicatione recessis ; tu te noli miscere excommunicationi ejus, & non es excommunicatus à nobis : si te misces, non à nobis, sed à te ipso excommunicatus es.* Tom, iv. Conc. p. 1298. 1299. Porrò notandum hæc, cum iis qua Baronius affirmat, adversis frontibus pugnare.

manusque Pontifex, quod eâ Imperator conditione regnaret. Sed profecto intellexit potuisse quidem respui eligendum, nisi sanâ fide esset; jam electum, jam Augustum, jam Divino numine constitutum, non posse à se dejici; ac manere chirographum ad testificationem officii, non ad immunitiōnē Imperatoriaē potestatis.

Neque occasiones defuere dejiciendi Anastasii, cùm multi Cæsares adversus eum levarentur; plebis pars longè maxima, ejus hæresim detestata, Evag. lib. iij. c. xxxiv. Constantinopoli quoque seditiones agitaret, atque eò usque fureret, ut Imperator abdicare se cogeretur, coronâ coram plebe ultrò depositâ, quam, ipsâ plebe sic ad misericordiam inflexâ, quasi precariè recepit.

Hæc Perronius non veretur ad indirectā potestatis præfidium trahere, Har. pag. 604. quæ huic vel maximè adversantur. Quod enim pertinebat Vitalianum Comitem rebellasse, neque prius dedisse pacem quâm Catholicos restitueret: quasi ignoremus sæpè factum, ut causâ hæresis bella civilia moverentur. Illud tu, velim, mihi probes de quo quærimus: id, jubente Ecclesiâ, jubente Papâ, factum esse. Quod cùm nullus unquam scripserit, tum fatearis necesse est non id cogitâsse, cùm tanta opportunitas se offerret, totiesque Duces ac populi in Imperatorem odio hæresis rebellarent.

Quæ cùm sponte in Oriente facerent, quid acturi erant, si Romanus Pontifex ab altâ Petri sede depositionis dixisset sententiam, aut fidelitatis sacramento absolvisset? Cur autem id non faceret, si fieri posse crederet? Quippe Imperator erat hæreticus, Ecclesiæ persecutor, eidem Ecclesiæ peculiari juramento obligatus, eâ conditione Regnum suscepserat: plebs veræ fidei favebat. Jam ab Anastasio nullus Pontifici metus. Vivebant enim Romani tum sub Gothorum Regno, procul ab Imperatoris potestate ac minis: ad eum denique deponendum omnia incitâsſent. At Symmachus fortissimus, idemque doctissimus Pontifex, id admonet tantum, ne confisus Imperio supra hominem se efficeret: *Precor, Imperator, pace tuâ dixerim: memento te hominem, ut possis uti concessâ tibi divinitus potestate.*

Illud etiam memoratu dignum est, quod sanctus Symmachus ad Anastasium scribens, Petri potestatem & habebat præ oculis, & vehementissimè inculcabat; unde illud: *An quia Imperator es, contra Petri niteris potestatem?* Quam sanè potestatem cum Imperatoriâ comparatam, ubiqûè commemorat. Cur autem non explicaret totam? Cur non id ageret, ut superbus Imperator Imperium suum à Pontificiâ potestate pendere intelligeret? Nihil tale Symmachus, suisque se continet finibus, etiam adversus eum Principem, qui de religione pro suâ potestate decerneret, damnatumque hæresis Acacium ab excommunicatione absolveret. At eum aliena invadentem Pontifex sic alloquitur: *Conferamus, inquit, honorem Imperatoris cum honore Pontificis, inter quos tantum distat quantum ille rerum humanarum curam gerit, iste Divinarum. Tu, Imperator, à Pontifice baptismum accipis, sacramenta sumis, orationem poscis, benedictionem speras, paenitentiam rogas: postremò, tu humana administras, ille tibi Divina dispensat. Itaque, ut non dicam, superior, certè equalis honor est.* Rogo bonâ fide, qui hæc tam accurate tradit, an omissurus esset quidquam quod ad commendandam Pontificiam dignitatem, ac sævi Imperatoris retundendam contumaciā pertine-

Symm.ap.
ad Anastas.
Tom. i v.
Conc. pag.
1298.

Ibid.

Ibid.

ret? At non ultra Ecclesiastica proflit; nec minus sibi quam Imperatori modum ponit, quamque eum à sacris arcet, tam se à civilibus, æquo utrinque jure.

Ibid.

Sic deinde prosequitur, paucis interjectis: *Fortassis dicturus es scriptum esse: omni potestate nos subditos esse debere. Nos quidem potestates humanas suo loco suscipimus, donec contra Deum suas erigunt voluntates. Ceterum, si omnis potestas à Deo est, magis ergo qua rebus est praestituta Divinis. Defer Deo in nobis, & nos deferemus Deo in te. Ceterum, si tu Deo non deferas, non potes uti ejus privilegio, cuius jura contemnis.*

Sic docet Principi obedientiam denegandam, non quidem simpliciter; cùm eum ubique Imperatorem, rerumque humanarum Principem veneretur; sed tantum in eis quibus Princeps in Deum, inque Pontificem Divina exequentem insurgat, salvâ in aliis Imperii Majestate. Neque quidquam agit sacræ dignitatis retinentissimus Pontifex, quam ut Pontifices & Reges ex æquo componat, ac mutuò obedire doceat: supremam illam suam, quam tunc maximè urgeri oporteret, in ordinandis rebus etiam civilibus potestatem tacet.

C A P U T V I I I.

Sexti ac septimi saeculi exempla: sancti GREGORII MAGNI ad Mauricum epistola memorabilis: in eam Baronii nota: Quædam de Pontificum subjectione erga Principes.

* Nempe,
ut autum-
nant P.Ben.
an. 593.

Greg.Mag.
lib.ijj.indic.
xj. ep. lxv.
al.lxij.tom.
ij. pag.677.

SEXTO verò saeculo, vel ineunte septimo*, eodem spiritu ductus sanctus Gregorius Magnus Imperatori Mauricio, cùm aliquam legem, quæ sancto Papæ parum æqua & pia videbatur, ab eo publicandam pro more transmitteret; hæc rescripsit: *Ego quidem iussioni subiectus, eamdem legem per diversas terrarum partes transmitti feci; & quia lex ipsa omnipotenti Deo minimè concordat, ecce per suggestionis meæ paginam serenissimis Dominis nuntiavi. Non sibi tribuit indirecta potestatis nomine, ut legem abroget; animarum utilitati parum congruam, quippè quæ conversos Milites à Monasteriis abstraheret: sed cùm intelligeret Imperatorem, licet haud satis rectè, suo tamen jure usum, monebat, flebat, orabat, parebat interim, ac legem ad alios iussus transmittebat: prævaricator procul dubio futurus, si quam edito decreto pro Pontificiæ potestate solvere potuisset, ad alios quoque habendam observandamque transmitteret.*

Bar. tom.
viii.an.593.
pag. 47.

Greg.Mag.
loc. cit.

Notat Baronius initio hujus epistolæ à Gregorio dictum: *Neque ut Episcopus, neque ut servus jure Republicæ, sed jure privato loquor; tanquam indignum Pontifice esset ut se Regi subjiceret: quo nihil est alienius à Gregorii mente. Nempè putaverat pacatiū audiri se, si familiaritatis jure potius quam Episcopali ex officio loqueretur. An propterea credimus eum Episcopali jure, juri Imperatorio non fuisse subiectum? Ergo, nec ut servus Republicæ, atque in publicandâ lege publico officio functus, suberat Imperatori. Quis hoc dixerit? An verò cùm addit Gregorius: Potestas super*

per omnes homines Dominorum in eorum Pictati cælitus data est, Sacerdotes exceptos volebat? Quid quod aperte profitetur Sacerdotes Imperatoribus esse subjectos? Deum enim inducit Mauritio hæc dicentem: *Ego Sacerdotes meos tuæ manui commisi: & aliâ epistolâ de eodem negotio agens: Valde mihi durum videtur ut ab ejus servitio milites suos prohibeat, qui ei & omnia, tribuit, & dominari eum, non solum militibus, sed etiam sacerdotibus concessit.* Nempe ait Baronius: suberat Mauritio Ecclesiam persequenti, ut Neroni & Diocletiano. Id enim comprobatur (*n*) ex Gregorii Commentario in Psalms pœnitentiales. Quid nostrâ? Cùm Neroni paruisse Christianos, & quidem ex animo, & propter conscientiam, & Dei ordinatione, Scripturæ prodant. Neque hæc dicentes, Sacerdotium Regno cum Novatoribus, quod Baronius queritur, sed Sacerdotes Regibus; in iis quidem, quæ ad Regium officium pertinent, autore Gregorio, subdimus. *Ibid.*

Id. epist.
lxv. al. lxv.
Pag. 678.

Bar. loc.
cit.

C A P U T I X.

Privilegia ab eodem sancto GREGORIO concessa expenduntur. Imprecatoria formulæ co ævo familiares: Gregoriana formula ad alia privilegia non transit.

NUNC, cùm Gregorius Magnus seque & Sacerdotes omnes, tam modestè, tam demissè subjiciat Regibus; jam interrogare juvat, ecquid deceat eum propter unius Xenodochii vel Monasterii violatum privilegium, Reges, Judices, seculares personas dignitate privare, ut Gregorium VII. eumque secutos Baronium, Bellarminum & alios objecisse videmus. Quis autem vel fando audiit, Gregorii ævo totque anteaëtis sæculis, ob violatam fidem & Canones, cuiquam, excommunicato licet, vel unum servulum Ecclesiæ autoritate detraictum? Nunc autem Imperia Regnaque admuntur ob unum Xenodochium. Sed ista omittamus; rem ipsam explicemus.

Gregorii ergo nomine hæc prodeunt privilegia sancti Medardi, (*o*) & Xenodochii Augustodunensis, in epistolâ ad Senatorem, (*p*) quibus id

Greg. viij.
lib. iv. ep.
ij. Bar. tom.
viiij. an. 603.
p. 168. Bell.
lib. v. de R.
P. cap. viij.

(*n*) Baronius, . . . comprobatur] id quod in textu refertur, allatis ex Commentario in Psalmo IV. pœnitentiali (dicte debuerat v.) his Gregorii verbis: *Quid enim Nero? Quid Diocletianus?* *Quid denique iste qui hoc tempore Ecclesiam persequitur?* tom. iij. edit. Bened. pag. 532. Sed 1º. hic locus & quidam alii multis persuaserunt doctis hunc commentarium Gregorii Magni factum non esse. 2º. et si esset Gregorii, ut esse censent P. Bened. nil vetat verba interpretari de Regibus Longobardorum, Ecclesiæ Romiane depopulatoribus, vel generatim de quibuscumque hereticis, non de Mauricio, quem Gregorius, cui quidem coœvi omnes suffragantur Historici, piissimum, clementissimum, & Ecclesiæ amantissimum passim vocat. Vid. censur. Bened. de hoc commentario ibid. pag. 463.

(*o*) Sancti Medardi] privilegium, P. Bened. ad. calcem. tom. ij. pag. 1284. ablegarunt, sive ut spurium, sive saltem ut dubium.

(*p*) In epistolâ ad Senatorem] pro privilegio S. Medardi, relata in textu leguntur, quæ paululum mutatis verbis, sententiâ non mutata, iterantur in privilegiis Xenodochii Augustodunensis, Thessaliæ Abbatisse sanctæ Matris, & Luponis Abbatis sancti Martini lib. xij. epist. viij. ix. x. alias j. xi. xij. Potrò hæc clausula, quæ viris doctis à Gregorii abstinentiâ abhorrete visa est, hos movit ut illam adventitiam cederent. Sed cùm totam

Greg. Mag.
lib. xij. in-
dict. vj. ep.
vij. al. x.
pag. 1221.

Tomus I.

D d

edictum legimus : *Si quis Regum, Antistitum, Judicum, vel qualiumcumque secularium personarum his contradixerit..... cujuscumque dignitatis, vel sublimitatis sit, honore suo privetur..... à consortio Christianitatis, & corpore ac sanguine Domini nostri JESU-CHRISTI sequestretur. Simul enim spirituales ac temporales pœnæ in utroque privilegio conjunguntur.*

Mitto id quod à plerisque & recte dicitur : haec quidem collectim & in confuso dici, pœnis temporalibus spiritualibusque uno tenore connexis ; distributivè tamen, sive respectivè, * ut vocant, intelligenda esse, cuique ordini suâ pœnâ applicatâ. Mitto temporum stilique, ac rerum gestarum notas, quibus haec, ac maximè sancti Medardi privilegium, falsitatis insimulent. Ad ea enim nos recurrere nihil necesse est, cum manifestum sit his Gregorii verbis, quatenus de temporalibus decernit, nihil aliud contineri, quam imprecandi formulam hisce temporibus usitissimam,

Solebant ergò passim etiam laici imprecations facere excommunicandi ritu, tanquam de spiritualibus decernerent : quo nihil mirum sit, etiam Pontifices imprecandi formulâ, de temporalibus decrevisse visos. Vei Baronium audiamus, quo teste, haec sepulchris inscripta visuntur : *Nemo suum, nec alienum corpus super me mittat : quod si hoc præsumperit, maledictus sit, & in perpetuum anathemate constrictus.* Quibus ex monumentis aliisque plurimi, docet à privatis factas donationes, appositis formulis imprecatoriis, tanquam anathematis ritu fuisse conscriptas.

Huc accedunt relatae passim à Marculpho Formulae (q) in donationibus laicorum : *Si quis huic voluntari mœa obvius, vel repetitor, convulsor etiam, aut tergiversator extiterit, anathema sit : & tam qui fecerit, quam qui consentiendo fecerit, anathema sit ; & aliâ formulâ : A conventu omnium Christianorum, vel, limitibus Ecclesiarum, extraneus habeatur, à Communione extraneus efficiatur.*

Sexcenta ejusmodi commemorare possumus ; quibus profectò formulis, haud magis Pontifex Reges deponere, quam excommunicare privatus aut laicus valeat ; ut profectò pudeat à viris etiam doctis, tam vana, tam absurda pro argumentis adduci.

Et tamen certum est eam formulam quam nos in duobus tantum Gregorii Magni privilegiis (r) invenimus, quod certo quodam sensu videtur arrogantior & iniquior, à secutis Pontificibus fuisse prætermissam.

Privileg. Fulr. tom. vi. Conc. p. 1646. Tom. v. pag. 1776. ann. 278. tom. 11. p. 318. an. 833. ib. pag. 357. An. 786. Tom. v. pag. 1776. ann. 278. tom. 11. p. 318. an. 833. ib. pag. 357.

Privilégium datum Fulrado Abbatì sancti Dionysii ejusque successoribus à Stephano II. Papâ sic habet : *Interdicentes omnibus cujuscumque dignitatis præditis potestate, sub anathematis interpolatione ; nec aliud quidquam. Item in privilegiis sancti Dionysii ab Adriano I. Floriacensis Monasterii à Joanne VIII. Solemniacensis à Marino datis,*

epistolam Gregorii esse, P. Bened. firmis rationibus probaverint, restat ut assentiamur D. BOSSUET, qui nodum difficultatis, ut sensit optimè, sic eum accuratâ, quâ solet, brevitatem, extricavit.

(q) Formula] quas Marculphus è Galliâ Monachus duobus libris digessit, penè necessariae sunt ; certè perutiles iis, qui Regum Francorum primæ stirpis historiam diligenter legere volunt, & horum temporum scribendi gustum odorari.

(r) duobus privilegiis.] Duo dicit D. BOSSUET. Nam pro uno habentur tria illa lib. xiiij. ep. viij. ix. x. quippe simul, Brunichildâ Reginâ rogante, concessâ.

nihil aliud legimus, quām ut contemptores sint autoritate Apostoli Petri anathematis vinculo innodati, a Regno Dei alieni, ab Apostolicā communione anathematis animadversione separati, alieni à Sacratissimo corpore Domini JESU-CHRISTI, aliaque ejusmodi nota, & Ecclesiastica.

At in Tricassino Concilio II. anno 878. Joannes VIII. distinctius: *Si quis hujus Apostolica censura violator extiterit, si Sacerdos fuerit, proprio honore privetur, & Christianā communione cassus, anathematis vinculo innodetur: si laicus similiter perpetuā damnatione cum Judā traditore torqueatur. De laico non addit ut honore privetur, sicut de Ecclesiasticis sanxerat. Ecclesiasticos honores fecerit à laicalibus; communem utrius ordini excommunicationem intentat.*

Verbo dicam: nullum contigit videre privilegium, præter illa duo Gregorii, in quibus dignitatis Regiæ privatio legatur. Nam quodd interdum, ut in privilegio sancti Carilefi, à Nicolao I. constituitur: *Ut quisquis hoc molitus fuerit, sui honoris dignitate privetur, sive sit secularis, sive Ecclesiastice persona, de his dignitatibus & honoribus, qui ad Ecclesiam pertineant intelligitur. Satis enim constat cœpisse tum patronatus laicales: habuisse Ecclesiæ Vicedominos Ductoresque militum, quos ad exercitus Regios summittere tenebantur, aliosque seculares suæ potestati obnoxios; ut omittam, in iis privilegiis sanciendis sæpe concurrere utramque potestatem, quemadmodum est hic adscriptum, ut & Pontificale decretum, Regumque immunitates, Romanique Pontificis constitutum, inviolabilem perpetuis temporibus obtineant firmitatem. Decretis enim communi consensione munitis aliquid reverentiaz & autoritatis accedit.*

Addo ejusmodi formulas ad terrorem & majestatem quandam plerumque compositas, non tanti esse roboris, ut jus novum condere & antiquam Ecclesiæ Patrumque traditionem à Scripturâ manantem convellere, aut utriusque potestatis, tantâ ab antiquis subtilitate distincta jura & officia confundere valeant: cùm potius ex Ecclesiasticâ traditione ac Patrum doctrinâ explicari & ad rectum sensum redigi revocarique debeant.

C A P U T X.

Sancti Maximi Monachi & Confessoris locus de Monothelitis Imperatoribus.

SEPTIMO seculo sanctus Abbas Maximus, (f) cùm tanta pateretur ab Imperatoribus, Monothelitarum hæresim professis, atque Ecclesiæ persequentibus, hæc suo nomine ad Imperatorem preferenda edixit: *Ecce dico, audiente Deo; ac sanctis Angelis & omnibus vobis, quoniam quidquid jusserrit mihi, supra quacumque re cum hoc seculo destruendâ & corrumpendâ,*

(f) *S. Abbas Maximus*] post longum & durum exilium & excisam linguam pro defensione fidei, in castello demùni conclusus, obiit. Ejus opera collegit & digessit P. Combelis Ordinis Prædicatorum, quorum nonnulla etiam reperies in Bibliotheca Patrum.

Epist. ad
Adal. Tur.
Tom. ix.
Conc. pag.
317.

Tom. viiij.
Conc. pag.
459.

Ibid.

Coll. sancti Maxim. cum Theod. Cæs. tom. vj. Conc. p. 483.

Promptè faciam. Quo spiritu sancti Pontifices , ac Martyres , Martinus Papa^(t) & alii , Heraclii & Constantis decreta , *Eltheses* nimirum ac *Typos* hæretica declarârunt ; pro fide exilia & mortes tolerârunt ; erga Imperatores in fide & obsequio perstiterunt.

C A P U T X I .

Octavi sæculi exempla : Iconoclastæ Imperatores : ac primùm Leo Isaurus : de eo Bellarmini argumentum ex Baronio solvitur : quæ hic sint demonstranda proponuntur.

OCTAVO sæculo , Leo Isaurus Imperator sanctas Imagines confringebat , atque omni crudelitate depopulabatur Ecclesiam : Pontifici quoque Gregorio I I. dira minabatur : postremò sicarios sumnuittebat. Ipse Gregorius in Concilio Romano insanæ hæresi anathema dixit. Quo tempore inclaruisse maximè indirectam potestatem volunt. Sic enim objicit Bellarminus : *Gregorius I I. Leoni Imperatori Iconomacho à se excommunicato prohibuit veletigalia solvi ab Italîs , ac proinde mulctavit eum parte Imperii. Cedrenum & Zonaram , Historicos Græcos refert , qui hoc narrant , neque reprehendunt.*

Sic quidem , si adversariis credimus , Imperatores vel toto Imperio , vel parte Imperii mulctantur , utcumque Pontifici collibitum est : neque cogitant quām mutila Respublica futura sit , si regnantibus ac bella gesturis tributa tollantur. Quod quidem nihil est aliud quām Imperii potestatem velle illis relinquere , succidere interim nervos , & mancum Imperium hostibus objicere. Cur autem non ut tributa , ita vel arma , vel judicia detrahant , atque ad sua arbitria de Imperiis ludant ? Sed hæc alii amplificant : mihi significâsse sufficiat , quantâ ignorantia sive despicientia publicæ potestatis hæc tractent.

Jam Bellarmini argumentum , ex Græcorum historicorum autoritate repetitum , solvet Baronius. Et tertum quidem est Leonem Isaurum depositis fractisque , tanquam falsorum numinum idola essent , Christi salvatoris , ac sanctorum imaginibus , totâ quidem Ecclesiâ , sed toto maximè Occidente exosum fuisse : per eam occasionem Italos rebellâsse , tributa negâsse , idque & alia per sediciones facta , sancto Pontifici ab Imperatore imputata fuisse. Quòd autem Historicci Græci in eam de Gregorio II. opinionem indueti fuerint , hos Baronius falsi convincit his verbis : *Hac Theophanes..... Zonaras..... & reliqui Græcorum Historicci ; sed rerum Latinarum ignari , ut quæ sumus dicturi manifeste docebunt. In odium enim atque invidiā Romanæ Ecclesie , jaucturam factam Occidentalis Imperii in Romanum Pontificem Graci schismatici retorquere soliti sunt , ad commovendos , tum Imperiorum , tum aliorum animos in Romanam Ecclesiam.*

Bar. tom. ix. pag. 63. *Martinus Papa*] diu variisque modis à Constante vexatus , tandem Chersonam in exilium ductus , diem obit supremum.

(t) *Martinus Papa*] diu variisque modis à Constante vexatus , tandem Chersonam in exilium ductus , diem obit supremum.

At idem Baronius qui de Græcis Historicis ad an. 726. hæc scribit, idem ille ad an. 730. iis maximè autoribus probare nititur: Leonem Isaurem à Gregorio II. Papâ non modo anathemate percussum, sed etiam toto Occidentali Imperio, autoritate Apostolicâ fuisse privatum: cùm Græci Historicí de Imperio nihil aliud dixerint, quām Gregorium ab obedientiâ descivisse, ab eoque, Italos & Occidentem totum ad defectionem esse pertractos.

Nos autem, quod illi Gregorio II. Papæ defectionem imputant Italæ, id vel odio confitum, vel Leoni Isauro hæc ad Gregorium malignè referenti temerè creditum demonstrabimus: neque modo Gregorium II. sed ejus successores ad extremum usque in fide atque obedientiâ Romani Imperii permansisse, certis monumentis, ipsâque rerum serie, ac Baronio demùm fatente firmabimus; nihil ut sit vanius, quām illud de Gregorii defectione, vel ut Baronius interpretatur, de Leonis Isaure depositione figmentum. Sed quò res clariùs elucescat, ante omnia Græcorum Historicorum verba referamus.

C A P U T X I I .

*An Graci Historici à Baronio & Bellarmino in Gregorii II.
ac Leonis Isaure rebus adducti, atque ab eis relata
gesta indirectæ potestati faveant.*

Hoc in negotio tres omnino Historicí Græci memorantur: Theophanes, Georgius Cedrenus (n) & Joannes Zonaras. Et Theophanes quidem, in Chronographiâ suâ hæc scripsit ad annum Leonis IX. qui Christi 724. à Baronio numeratur: *Hoc anno impius Imperator Leo de proscribendis, & deponendis sanctis imaginibus primùm tractare cœpit: que cism accepisset Gregorius Papa Romanus, Italæ ac Roma tributa ad ipsum deferenda prohibuit, scriptâ prius ad ipsum Leonem dogmaticâ sive decretali epistola, quā monet: non oportere Imperatorem de fide quidquam statuere, & antiqua Ecclesiæ dogmata, à sanctis Patribus firmata innovare aut convellere.*

Theoph.
pag. 338.

Ad annum vero Leonis XIII. sive, ut Baronius computat, XIV. qui Christi est 730. idem Theophanes hæc narrat: *In veteri Româ, Gregorius sacratissimus, vir Apostolicus, Petrique Apostolorum Coryphai confessor, verbo & opere præluebat: qui Romanam atque Italianam, totumque Occidentem, à Leonis obedientiâ tam civili quām Ecclesiasticâ, & ab ejus Imperio subtraxit: Græcè ἀπέτρεψε, ad defectionem perpulit, deficere fecit; quæ vox manifestam perduellionem sonat.*

Ib. p. 342.

Narrat deinde sanctum Germanum Patriarcham Constantinopolitanum, sacrarum imaginum defensorem, à Leone dejectum, Leonis impietati fa-

(n) Theophanes, Georgius Cedrenus &c.] Theophanes Monachus & Confessor, pietate clarus fuit & doctrinâ, atque eâ fortitudine, quâ cultum sanctorum imaginum defendit, Cedrenus non tam Historicus est quām Historicorum consarcinat. Zonaras multa scripta probata à doctis. Ejus annales vide in corp. Hist. Bytant.

ventem Anastasium, ejus loco substitutum. Tum addit: *Cæterū Gregorius sacer Roma Präfūl, quemadmodum jam præmisi, hunc unā cum libellis (fidei sux, quos ad Sedem Apostolicam pro more miserat) abdicavit, Leonemque ipsum tanquam impium per epistolā redarguit, ac Romanū cum universā Italiam ad defec̄tionem ab ejus Imperio perpulit.*

Ib. p. 346. Idem tamen Historicus id postea Constantino Copronymo, Leonis Isauri filio & successori tribuit, ut ex pravā ejus sententiā orta sit Italia defec̄tio: ut nec sibi satis constitisse videatur.

Hæc Theophanes, haud procul ab iis temporibus; quippe qui sub Leone Copronimo, Leonis Isauri nepote, clarescere cœperit, atque ad longissimam ætatem provectus, sub Michaële Balbo, Ludovici Pii, Franci Imperatoris, temporibus, nono saeculo scripsit. Georgius verò Cedrenus & Joannes Zonaras, duodecimo demum saeculo, hoc est, 400. post res gestas annis, suas historias ediderunt; quos tamen, quia Cardinales Bellarminus & Baronius his utuntur, audire nos oportet.

Georg. Cedren. tom. ii. Histor. Comp. pag. 453. 456. Zonar. in Leon. Isaur. tom. iii. Histor. Comp. Et Georgius quidem Cedrenus utrumque Theophanis de Leonis Isauri temporibus locum exscripsit, ut eum referre sit supervacaneum: cuius tamen hæc verba Theophani addita, observare placet: *Gregorius à Leone ob ejus impietatem defecit, & paclō cum Francis iclo, tributa Leoni denegavit. Anastasium ac socios anathemate percussit, atque Imperatorem multis epistolis notissimis palam redarguit.* Zonaras verò sic scripsit: *Quā de causā Gregorius, qui repudiata societate Präfūlis novā Romā, neconon illorum, qui eum sequerentur, illos unā cum Imperatore synodico anathemate obstrinxit, & vectigalia qua ad id usque tempus Imperio indē pendebantur, inhibuit, iclo cum Francis fædere, unde illi occupanda Roma occasionem habuerunt: neque enim Romani generis sunt Franci.* Hæc Zonaras. Cùmque narrasset Francorum in Romanos odia & bella, addit: *Igitur Papa Gregorius deficiens ab Imperatoris obedientiā, ut dictum est, cūm Francis pepigit; quod quidem alibi repetit iisdem ferè verbis.* Hæc Cedrenus & Zonaras scribunt, haud satis suis distincta temporibus, & confuso rerum ordine, ut infrā videbimus. Scribunt autem, præsertim Zonaras, manifestè eo animo, ut amissi Occidentalis Imperii odium in Romanam Ecclesiam detorquerent. Quare hos nihil moramur, tot saeculis à rerum fonte dissitos, meritòque suspectos, conflato jam schismate, apertisque Græcorum in Ecclesiam Romanam odiis.

Theophani verò Græco, quemadmodū de Græcorum rebus recenti memoriam scribenti fidem non detrahimus; ita, cùm de Occidentis rebus scriberet, more Græcorum, nihil nisi rumulos collegisse credimus. Id rerum Francicarum periti nōrunt, fœdique anachronismi, ac de Merovingianis postremis Regibus, quos inertes vocamus, portenta fabularum abundè demonstrant.

Tom. viii. Conc. pag. 468. Neque hic expers fuerit illius odii ac livoris, quo Græci amissæ Romæ memores, in Ecclesiam Romanam exardescere tum cœperant, ut scriptæ ad Gallos Nicolai I. de Græcorum objectionibus repellendis, testantur Literæ, sub Imperatore Michaële Balbo, quo in Græciū imperante, Theophanem scripsisse vidimus.

His ergò expositis, multa jam intelligimus: primū, haud satis ex vero

dixisse Bellarminum, quæ Græci ac Zonaras ipse de negatis tributis retulerint, nullâ Pontificum Romanorum reprehensione ab illis dictum; cùm defectionem, atque inobedientiam, pañtaque foedera cum Francis Romani Imperii hostibus, ac Romam ipsam proditam exprobrent.

2º. Apparet à Græcis nullum esse memoratum decretum, quo mulctatus Imperator fuerit Occidentis Imperio. Atque illi anathematis quidem decretum memorant: quòd autem ad Imperium attinet, defectionem solam atque inobedientiam, quæ, si decreto disertè ea de re edito facta esset, eò magis vel ipsâ rei novitate memoranda videretur.

Quòd ergò Baronius indè colligit, Leonem Occidentis Imperio auctoritate Apostolicâ mulctatum fuisse, duo peccat hîc, doctissimus alioquin, Annalium scriptor; & quòd defectionem à Græcis Historicis exprobram, in titulum Apostolicæ autoritatis verterit; & quòd tantùm detulit Græcis Historicis, quorum anteâ tam dignâ censurâ tamque invictis argumentis fidem elevavit.

3º. Neque eò se tueri potest, quòd Theophanes quidem ex odio Romanæ Ecclesiæ scripsérunt, anno Leonis I X. statim atque ille in impietatem proruit, ei, autore Papâ, negata esse tributa, quod præcipitantiæ fuerit: cæterûm, id verum, quòd, crescente Leonis contumaciâ, anno ejus XIV. depositionis tulerit sententiam, quam Græci item ex odio defectionem appellant. Hoc enim est historiam fingere, non scribere, ac testes quidem allegare, quos meritò infamaveris, sibique interim uni, non illis credi velle.

4º. Jam illud, quod Baronius urget, Leonem Italiâ ac toto Occidente à Gregorio II. fuisse mulctatum, multipli laborat incommodo. Nam statim quærimus, cur depositionis decretum in Oriente non valuerit, cùm Sedis Apostolicæ autoritas, cui annexam esse volunt hanc in Reges potestatem, totam Ecclesiam complectatur.

At enim Gregorius II. de solo Occidente decrevit. Cur? An nihil ad ejus curam reliqua Ecclesia pertinebat? Aut Græci, Orthodoxi licet tum, Sedique Apostolicæ adhærentes, his depositionibus credituri non erant? Quis autem non videat, quâm fluxum vanumque sit dogma, quod tanta pars Ecclesiæ ignoraret, contempturaque esset?

Quid quòd Sicilia Italiz vicina, consensu omnium, nihilque repugnantibus Romanis Pontificibus, in Imperatoris fide mansit, ut depositionis sententia ne Siculum quidem fretum trajecerit? Quid quòd in ipsâ Italiz Apuli, Calabri, ac vicinæ Regiones in Imperatoris obedientiâ perstiterunt, reclamante item nemine? An igitur ne Italia quidem tota Romano Pontifici Imperatores deponenti creditura erat? Nam quod ad reliquum Occidentem attinet, quis nesciat ante Leonis tempora, Gallias, Germaniam, Hispanias, aliasque Provincias, quin etiam maximam Italiz partem, quæ Longobardis parebat, ab Imperio Romano pridè fuisse avulsa; ut se illa potestas deponendi Reges, quam totâ Ecclesiâ valere volunt, Româ quidem, ac fortè Exarchatu Ravennate, vicinisque aliquot Regionibus contineret? Quod cùm absurdum sit, tum illud facile demonstramus, ne in Exarchatu quidem, imò ne Româ quidem, ac nequidem à Papâ, aut ab ullo mortalium fuisse cognitam.

CAPUT XIII.

GREGORIUM II. nihil in Imperatorem hæreticum movisse, immo
cùa occasione aliquid molientibus obstatisse, ex ejus gestis,
epistolis, doctrinâ demonstratur.

ID primùm ex ipso Gregorio II. comprobamus. Cùm enim Imperator:
IX. seu X. Imperii anno Constantinopoli Salvatoris imaginem dejecis-
set, edicto imagines proscriptissent, multos impiis conatibus obstantes omni-
ni crudelitate necasset; Luitprandus Longobardorum Rex Ravennam, vi-

Baſ. tom. ix. an. 726. cinasque Regiones per eam occasionem invasit: *Imperatorem scilicet detesta-
tus, & indiguum ratus, ut Catholicis imperaret, qui bellum eo modo in Chri-
stum indixisset.* Hac quidem Luitprandus, teste Baronio. At Gregorius II.

Ibid. p. 64. falsæ pietati obstatit, deditque ad Ursu[m] Ducem Venetiarum literas, in
quibus eum ad Imperii defensionem adhortatur his verbis: *Ut ad pristinum*

*statum sanctæ Reipublicæ, in Imperiali servitio dominorum nostrorum Leonis &
Constantini, magnorum Imperatorum, ipsa revocetur Ravennatum civitas, ut
Zelo sanctæque fidei amore in statu Reipublicæ & imperiali servitio, firmi per-
sistere, Domino cooperante, valeamus. Sic Apostolicæ doctrinæ, priscæque
traditionis memor, Zelo & amore sanctæ fidei, non ullâ aliâ necessitate sanc-
tus Pontifex in Imperatoris etiam hæretici ac persecutoris obedientiâ per-
manebat ac Luitprandi zelum præposterum cohibebat, veramque pietatem
ac mores antiquos, fidei in talem Principem obsequio tuebatur.*

Quàm autem id certâ firmâque ratione faceret, docent epistolæ duæ,
quas ad Leonem à sancto Pontifice scriptas, idem Baronius Græcè & La-
tinè primus edidit, memoratque datas ad annum 726. cùm ad eum Leo
spirans minarum & cædis scripsisset.

Ib. p. 65. In iis autem epistolis, id primùm occurrit, quòd tantæ impietatis atque
hæresis anathemate damnatae autorem, ipsique Pontifici diras ac sacri-
legas intentantem minas, nihilo secius Imperatorem appellat, & *Caput Chris-
tianorum.* Neque Apostolicæ potestatis oblitus hæc loquitur; nam pœnam

Ibid. p. 68. commemorat, quam irrogare possit; ut qui, inquit, facultatem & potesta-
tem atque autoritatem à sancto Petro Principe Apostolorum habeamus. Inter-
rim quantum abesset ab eo ut crederet pœnâ à se irrogandâ posse im-

Ibid. p. 69. minui Imperatoriam potestatem, hæc epistolæ verba demonstrant: *Scis, Im-
perator, sanctæ Ecclesiæ dogmata non Imperatorum esse, sed Pontificum, qui
tuò assolent dogmata tradere. Idcirco Ecclesiæ prepositi sunt Pontifices à Re-
publica negotiis abstinentes: & Imperatores ergò similiter ab Ecclesiasticis ab-
stineant, & que sibi commissa sunt capessant.* Nihil ergò erat Imperatorium
impediturus officium. Quin potius Sanctorum Antecessorum more, sibi eam-
dem quàm Imperatori legem dicit; ut nec ille de rebus Ecclesiasticis, uti
ficerat, nec de temporalibus Pontifex ipse decernat. At quomodo id dice-
ret, cui id incumberet officii, ut cùm res Ecclesiæ postularent transferret
Imperia, summamque Rempublicam capeseret?

Dices:

Dices : nondum advenerat tempus , quo eam potestatem exereret , priùs que tentanda erant remedia lenia , quām ad extrema decurreret. At si charitas , ac prudentia Christiana prohibebant , ne totam potestatem exereret ; non illæ prohibebant quominus ostensa ea saltem , superbūm Principem à nefariis consiliis deterreret. Nam Imperator hæc erat comminatus , ipso Papā referente : *Romanū mittam & imaginem Sancti Petri confringam , sed & Gregorium illinc Pontificem vincitum adduci curabo , sicut Martinum adduci Constantius jussit.* Impius Imperator hæreticorum etiam Principum , qui sanctos Pontifices persecuti erant , sequenda sibi exempla proponit. Videamus quid Gregorius talia meditanti , atque Imperatoriam jactanti potentiam reponendum putet. An eam in suâ potestate esse , Pontificio scilicet arbitrio , detrahendam ? Ne id quidem cogitat. Sed hac unâ defensione utitur : optare se Martyrio consummari , exemplo Martini , quem omnes colunt. Adeò aberat ab eo , ut defectiones , arma , viresque viribus oppositas , aut depositiones animo agitaret.

Ibid. p. 75.

C A P U T X I V.

An GREGORIUS II. imbecillitate virium , ab indirectâ potestate exercendâ , vel saliem ostendendâ temperarit.

AT fortè suum illud objicient , infirmam tum fuisse Ecclesiam , necdum satis viribus confirmatam. Imò infirmissimum in Italiâ Imperium fuisse , hæc Gregorii II. ad minacem Imperatorem verba testantur : *Ad quatuor & viginti stadia secedet Romanus Pontifex* (quo scilicet Imperium non pertingat) tum tu , inquit , vade , ventos persequere. Addit prohibituros Reges Occidentis eas injurias , quas beato Petro Imperator inferre cogitaret. *Quod si* , inquit , *velis experiri , planè parati sunt Occidentales ulcisci etiam Orientales , quos injuriis affecisti.* Etiam , inquit , Orientales ; non nos tantum , & beatum Petrum : tum : *Totus Occidens , Sancto Petro Apostolorum Principi , fidei fructus offert.* *Quod si quospidam ad evertendam imaginem miseris sancti Petri , vide , protestamur tibi , innocentes sumus à sanguine quem fusuri sunt ; verum in cervices tuas & in caput tuum ista resident.* Neque hæc immeritò ille jactabat. Omnidò enim putamus Reges Occidentales , imprimis verò , pietate florentes sedique Apostolicæ deditissimos Francos non fuisse latueros , ut impius Imperator sancti Petri templum , & commune Orbis Christiani Sacrarium violaret. Videmus igitur non defuisse Sancto Pontifici opportunitatem temporum. Quas verò tum depositiones Gregorius VII. non esset comminatus ? Quantâ voce intonâset , à se posse non modò adimi Imperium , sed etiam tradi alicui Occidentalium Regum , qui ad bella inferenda ultrò parati sint , solâ contumeliâ fidei permoti ? At Gregorio II. non is erat animus ; necdum enim talia cogitabant.

Bar. ibid.

Ibid. p. 75.

Et quidem Pontifica charitas id effecit ut Gregorius ostentaret imminētum Imperatori à tot Regibus metum : ceterum Gregorius non erat con-

Tomus I.

E e

citaturus eos. *Parati*, inquit, *sunt*; & sponte ipsi accurrent. Hoc tantum ostentat, Regna prædæ exposita, & ultrò accensos ad bella Principes, titulumque grassanti cupiditati datum, nec tamen id intentat tanto præsidio fatus, & Christi sedisque Apostolicæ contumeliis incitatus: imò verò distinctis utriusque potestatis officiis, profitetur, Pontificiæ potestati in Republícâ quidem nihil licere.

C A P U T X V.

GREGORIUS II. *confiteri pergit nullam esse suam in rebus civilibus potestatem.*

Bar. ibid. p. 73. vid. Tom. viij. Conc. p. 23. **N**EQUE id semel inculcat: sed cùm Imperator atrocius rescriptsisset,
Bar. ibid. p. 74. ipse secundâ epistolâ datâ sic incipit: *Accepimus vestri à Deo conservati Imperii atque in Christo fraternitatis literas, meque prorsus vitæ meæ tñduit, quòd sententiam non mutaris, sed in eisdem malis perseveres.* At in his obstinatissimè perseverantem ut Imperatorem salutat, ejusque à Deo Imperium conservatum colit: tum iterum inculcat illud: *Non sunt Imperatorum dogmata, sed Pontificum: militarem & ineptum quem habes sensum & crassum, in spiritualibus dogmatum administrationibus habere non potes. Ecce tibi Palatii & Ecclesiarum scribo discrimen, Imperatorum & Pontificum: agnosce illud, & salvare; nec contentiosis esto.... Quernadmodum Pontifex intropisciendi in Palatia potestatem non habet, ac dignitates Regias deferendi; sic neque Imperator in Ecclesiis intropisciendi, & electiones in Clero peragendi, neque consecrandi, vel Symbola Sacramentorum administrandi; sed neque participandi absque operâ Sacerdotis; sed unusquisque nostrum, IN QUA VOCATIONE VOCATUS EST A DEO, IN EA MANEAT.* Videmus in quo reponat Pontificum munus: *Non habet, inquit, Pontifex potestatem deferendi Regias dignitates.* At si tales, quales nunc Romanos Pontifices circumsistunt, Consiliarios habuisse, nequaquam dixisset id: *Non hanc habet Pontifex potestatem; sed non hanc habet voluntatem.* Non ita Gregorius II. sed planè: *Non habet potestatem Pontifex deferendi Regias dignitates; haud magis quam Imperator Ecclesiasticas; quo nihil dici potest apertius.* At nunc Ducatus, Marchionatus, Regna etiam ipsa atque Imperia deferunt; adeò à primâ illâ gravitate ac simplicitate defecimus.

Ibid. **G**regorius II. qui tanto à se studio temporalium potestatem amolitur; quid in spiritualibus possit non tacet: imò, *persequeris me*, inquit, *ac tyranice vexas militari ac carnali manu: nos inermes ac nudi, qui terrenos & carnales exercitus non habemus, invocamus Principem exercitus omnis creature sedentem in cœlis Christum, qui est super omnes exercitus supernarum virtutum, j. Cor. v. 5, ut immittat tibi Damonem, sicut ait Apostolus, TRADERE HUJUSMODI SATANÆ IN INTERITUM CARNIS UT SPIRITUS SALVUS SIT.* Summum ergò illud est, quo potestas Pontificia se extendat; excommunicare nempè, quod est Satanæ tradere; revera malorum omnium in hac vitâ extremum, & æternæ

damnationis præjudicium; sed nimis ludibrio habitum, ex quo Pontifices non contenti suâ sorte, tantâque Divinitùs traditâ potestate, aliena & inferiora occupârunt.

Hæc Gregorius II. fortissimus juxtâ ac modestissimus Pontifex, rescribit ad minaces, cædemque spirantes impii Imperatoris literas. Hanc doctrinam Sanctos antecessores suos Gelasium & Symmachum secutus, Christi tradebat Ecclesiis. Jam verò quid egerit, utque se gesserit, cùm ei Imperator coties intentaret necem, Latinos Scriptores narrantes audiamus.

C A P U T X V I.

De GREGORII II. gestis Latini Historici proferuntur, Paulus Diaconus & Anastasius Bibliothecarius: Ex his demonstratur, nihil ab eo, nisi pro tuendo Imperio gestum, etiam post anathema Imperatori dictum.

GRÆCOS Scriptores produximus: Gregorium ipsum animi sui sensa promentem legimus. Jam ad certam gestorum fidem, Latinos Historicos, his proximos temporibus, Paulum Diaconum, Caroli Magni æqualem, & Anastasium Ecclesiæ Romanæ Bibliothecarium, noni sæculi Historicum audiamus.

Et Paulus quidèm Diaconus libro VI. de gestis Longobardorum, de hoc negotio sic scribit: *Eo tempore Rex Luitprandus Ravennam obsedit, classem invasit, atque destruxit. Tunc Patricius Paulus ex Ravennâ misit, qui Pontificem interimerent. Sed Longobardis pro defensione Pontificis repugnabilius, Spoletanis in Salario ponte, & ex aliis partibus Longobardis Tuscis resistentibus, consilium Ravennatum dissipatum est. Hac tempestate Leo Imperator apud Constantinopolim Sanctorum imagines depositas incendit. Romano quoque Pontifici similia facere, si Imperiale gratiam habere vellit, mandavit. Sed Pontifex hoc facere contempserit. Omnis quoque Ravenna exercitus vel Venetiarum, talibus jussis unanimiter restiterunt; & nisi eos prohibuisset Pontifex, Imperatorem super se constituere fuissent aggressi.* Hæc quidem sunt quæ de Gregorio II. scripsit. Quo loco eum pro Imperio Romano sollicitum, atque alios à defectione prohibentem, non defectionis autorem, aut tributa prohibentem legimus.

Jam verò Anastasium Bibliothecarium audiamus, Pontificum Romanorum vitas ex Ecclesiæ Romanæ scriniis describentem. Sic autem Baronius divisit temporibus ea, quæ Anastasius in vitis, ordine quidèm, sed nullâ temporum notâ, exposuit.

Ad annum Christi 726. Leonis XI. refert edictum hoc ab Imperatore missum, ut in nullâ Ecclesiâ imago haberetur; id si Gregorius fieri prohiberet, à suo gradu decideret. Quâ de re Anastasius: *Respiciens pius vir profanam Principis iussionem, jam contra Imperatorem, quasi contra hostem se armavit, renuens hæresim ejus, scribens ubique cavere se Christianos, eò quod erta esset impietas talis.*

Paul. Diac.
lib. vi. de
gest. Lon-
gob. c. lix.
Tom. xiii.
B bl. Pat. p.
198.

Bar. tom.
ix. an. 726.
P. 77.78. ex
Anastas. in
vit. Greg. ij.
quam vid.
Tom. vj.
Conc. pag.
1439.

Ne verò hīc mihi tu bella in Imperatorem tanquam depositum autore Pontifice gesta , aut arma carnalia suspicere , cūm depositionem , nec ipse Baronius ad hæc tempora , & ad XI. Leonis annum referri posse puter . Anathema ergò audis , & Imperatorem *hostem Ecclesīx* judicatum , & *arma expedita* , sed spiritualia , atque Apostolica , quæ scilicet *renuant hæresim* : neque concitatos ad defectionem Italos , sed admonitos *ubique Christianos cavere sē* ; eò quod tantā autoritate , tantæque Majestatis nomine , *orta esset talis impietas*. His anathema clarè expressum est , quod post eas quas legimus admonitiones , meritò sequebatur.

Bar. ibid. 78. Et Itali quidèm per eam occasionem bella moverunt ; sed quām invito Pontifice ; docent sequentia : *Cognitā Imperatoris nequitia , omnis Italia consilium initit , ut sibi eligerent Imperatorem , & ducerent Constantinopolim. Sed compescuit tale consilium Pontifex , sperans conversionem Principis : non quā desperatā eā , ipse ultrò cum aliis in Principem insurrecturus esset ; sed exponit Anastasius quid eum incitaret vel maximè ad rebelles compescendos ; nempè quōd speraret Principem suis obsequiis delinitum , ad meliorem mentem reversurum ; quā spe & seipsum sustentabat , & Italorum mitigabat iras.*

Car. ibid. Hoc animo eum fuisse res posteā gestæ declarant. Nam cūm populus ; Imperatoris Duces , qui Pontifici necem intentabant , per tumultum ac seditionem cæderet , *missum Patricium occidere voluerunt , nisi defensio Pontificis nimia præpedisset.*

Td. ibid. an. 729. F. 94. Neque tantū populum à cædibus prohibebat , verùm etiam *ne desistarent ab amore & fide Romani Imperii admonebat* : adeò non ejus consultū aut instinctu bella civilia movebantur. Sic etiam post dictum anathema , in impii ac sœvientis Imperatoris obsequio , & ipse mansit , & manere porrò omnes voluit. Quin etiam cūm Tiberius Petasius Regnum Romani Imperi usurpare conaretur Exarchus hæc audiens turbatus est ; quem sanctissimus Papa confortans , & cum eo Proceres Ecclesiæ mittens , atque exercitum , profectus est. En quo studio Exarchum tuebatur eum , qui in ipsius vitam totiès conjuraverat : quæ Baronius ad annum refert 729. Leonis XIV.

Ibid. an. 730. p. 98. Satis , opinor , Gregorius his omnibus demonstrabat se extrema quæque passurum , potius quām ab obedientiâ discederet. At eum pro tuendo etiam Imperio tanta percessum , tandem ultimo vitæ anno Christi 731. Leonis XVI. inducit Baronius *Apostolica autoritate clamantem : securi ad radicem admotā , succidite arborem. Quo tonitru , inquit , excitati fideles Occidentales mox desciscunt à Leonis Imperio*. Quò pertinebat magnifico vocabulo Occidentales dicere ; cūm pridem Gallia , Hispania , Germania , ipsa etiam Italia magnam partem à Romano Imperio avulsa essent ? Ubi verò decretum illud Gregorii , aut à quo est Historico memoratum ? Quid autem fuit novæ causæ cur sic repente de Imperio decerneret , nihil unquam tale comminatus : imò hæretico diris condemnato atque Ecclesiæ persequenti , huc usque obsequendum ratus ? Sanè , ut Imperator de dicendo anathemate sæpè est à Papâ commonitus ; ita , de dicendâ depositionis sententiâ communi oportuisset , neque defuissent , qui novum atque inauditum hactenus de Imperatoris depositione decretum memorandum putarent.

Anastasius quidem Bibliothecarius nihil prætermisit, quo Gregorius II. erga Impetatem impium ejusque asseclas præclarè officio esse functus videretur; neque conticuit quid de Anastasio Constantinopolitano Patriarchâ decreverit: quem Imperatori assentientem Gregorius II. extorrem à Sacerdotali officio esse mandavit. Atque id Baronius factum esse vult eodem ferè tempore, quo Imperator ab Occidentali dejectus Imperio est. Sed cùm Anastasius Bibliothecarius Patriarcham depositum memorarit, de Imperatore deposito minimè tacuissest, Pontificiæ potestatis studiosissimus, sedisque Apostolicæ privilegia amplificare potius, quām imminuere solitus. Vide autem quid de utroque, de Patriarchâ nempè, & de Imperatore scripserit, *Anastasium Patriarcham extorrem à Sacerdotali officio esse mandavit: Imperatori quoque suadens salutaria, ut à tali execribili miseriâ declinaret communit.* Id enim admonendum supererat, postquam Imperator etiam anathema contempnisset. En quām disertè Anastasius Bibliothecarius significet Sanctum Pontificem de Patriarchatu quidem, non autem de Imperio admendo cogitasse. Cætera quæ Baronius nullo autore, nullo teste, nullo documento memorat, ignoravit: quin etiam demonstravit non haberi à se Leonem pro deposito, quem toto opere Imperatorem appellare non cessat.

Ibid.

C A P U T X V I . I.

Cur Græci illud de tributis GREGORIO II. objecerint? Id utcumque se habet an nostræ sententiæ noceat?

HÆC lectis visisque Ecclesiæ Romanæ actis docet Anastasius, Pontificiæ historiæ scriptor vernaculus, cui potius quām Græcis longè positis, nec pari diligentia ac fide ista tractantibus, credimus.

Ac profectò manifestæ indiligentia, ne dicam invidentia, est, quod Græci Gregorii II. in Romanum Imperium merita prætermittant; defectiones autem Pontifici de Republicâ benè meritissimo, ac prohibita tributa & pacta cum Francis fœdera, denuo ea omnia quæ in Ecclesiam Romanam apud Orientales invidiosa erant, tantum commemorent.

At enim, inquiunt, in Anastasi Ecclesiastica historiâ, eadem quæ apud Theophanem de Gregorii defectione prohibitisque tributis legimus. Certè. Namque Anastasi Ecclesiastica historia, nihil aliud est, quām Theophanis de verbo ad verbum interpretatio. Quærere autem nos oportet, non quæ fidus interpres verterit, sed quæ ex scriniis Ecclesiæ Romanæ, autor ipse scripserit.

Idem de Landulfo dicimus, qui in Miscellæ historiæ centonem (x) à se

(x) *Miscelle historie centonem,*] ex varijs consutum historiis, & ideo *Miscellam historiam dictum*, reperies in Biblioth. Patr. sub nomine Pauli Diaconi, quanquām xij. primi libri sint Europi, paucis exceptis, quæ Paulus addidit. Sequentes libros ab Juliano apostata ad tempora Justiniani, Paulus ex variis autoribus consarcinavit: ceteram historiam Landulphus explevit. D. Durin Bibl. Eccles. viij. existimat hanc *Miscelle* partem, quæ vulgo Paulo tribuitur, ab Anastasio fuisse digestam. Quod si ita est, non mirandum foret historiam Theophanis, quam Anastasius Latinam fecerat, in hoc centone totam referri.

Miscell.
Hist. lib.
xxj. tom.
xiij. Bibl.
Pat. p. 307.
308. 309.

continuatum, Theophanis historiam totam, ex Anastasiī versione transfluit. Quare hæc omnia nihil aliud quām Theophanem sonant, quēm cæteri Græci fecuti, defectionem ac tributa prohibita exprobrârint.

Neque Theophanes hæc ipse confinxerit. Hæc enim omnia Leo Imperator Sancto Pontifici imputabat, eodem animo, quo, teste Theophane sanctum Germanum Constantinopolitanum observans, atque submittens quosdam sermones, fatigebat sicubi inveniret eum contra Imperium suum agentem; quatenus hunc ut conjuratorem, non ut Confessorem à throno deponeret.

Chron.
Theoph. p.
341. Analt.
Hist. Eccl.
p. 135. Hist.
Miscell. lib.
xxij. p. 307.
Tom. vij.
Conc. pag.
1433.
Luc. xxij.

Rom. xij.

Neque movere nos debet id quod ipse scripsit Anastasius in Gregorio II. Paulus Exarchus Imperatoris iustione, eundem Pontificem conabatur interficere, & quod censum in Provincia ponere præpediebat. Quis namque non videat ab Anastasio referri, non quid egerit Gregorius, sed quid infando sceleri Paulus Exarchus, & ipse etiam Imperator obtenderit: eodem planè animo, quo Judæi de Christo ipso hæc jactabant: *Hunc invenimus prohibitem tributa dare Cæsari*; ut mirum non sit servum ac vicarium, eadem quā Dominum calumniā fuisse impeditum. Neque verò Gregorii rebus gestis, & tantæ modestiæ ac magnanimitati congruit, litigâsse de vectigalibus, cùm in reliquis omnibus ad finem usque vitæ Romano Imperio tam impensè stuperuerit; aut eum obsecutum dicenti Apostolo: *Cui honorem, honorem; oblitum verò esse quæ his cohærent: Cui vectigal, vectigal.*

Quod autem commemorant Græci, & ipse Baronius, de fœdere cum Francis inito, id quidem ad Gregorii III. ejusque successoris tempora pertinere liquidò ostendemus.

Ac si de tributis instant, quid tandem consequentur? Aliud quippè est abrogare Imperium, aliud per aliquod tempus tributa denegare. Certè enim poterant tot in gravibus Italiæ, ac civitatis Romanæ incommodis, ac Longobardorum incursibus, honestæ & verisimiles ostendi causæ, cur tributa interim negarentur, integrâ in reliquis Imperii majestate: tantoque esset certius Gregorium II. nihil de defectione esse conatum, quod Anastasius de negatis tributis loquens, de depositione ac defectione tacuerit. Denique santi interesse putant Gregorium II. aliquâ saltem ex parte fuisse perduellem, nihil aliud ab invitis extorquebunt, quām ut respondeamus: nos scilicet ejus doctrinâ nixos, hæc exempla improbare, & Domini jussu sequi quæ docuerit ac dixerit, non quæ gesserit; atque omnino adhærescere dicenti, Apostolico ordine, nullum sibi esse jus in publica munera, potestatem nullam. Cæterum quantumcumque facilis solutio est, veritatis tamen amore ducti, sancti Pontificis tuemur innocentiam, prætendimusque eum, sua ipsius dogmata veneratum, ab Imperio Romano nunquam recessisse: quod etiam secutorum Pontificum obsequiis ac fide clariùs demonstratur.



C A P U T X V I I I.

De GREGORIO III. GREGORII II. successore; ejusque erga Leonem Isaurum & Constantimum Copronymum ejus filium, obsequio: De ejus Pontificis duplice legatione ad Carolum Martellum, quarum alteram Baronius GREGORIO II. assignavit.

MIRA confidentiâ, pace tanti viri dixerim, scripsit Baronius Gregorium II. in deponendo Leone Isauro, *dignum posteris exemplum reliquisse, ne in Ecclesia Christi regnare sinerentur heretici Principes, si sèpè moniti in errore persisterent.* At nunc ex successorum gestis apparebit, à Gregorio II. ad posteros non desciscendi, sed obsequandi exempla manâsse. Gregorius III. ei proximus sedit. Refert autem Anastasius statim atque Pontificatum iniit, *persecutione grassante, missis commonitoria scripta ad Imperatores Leonem & Constantimum.* Vides pro Imperatoribus haberi, etiam post dictam à Gregorio II. (siquidèm Baronio credimus) depositionis sententiam.

Paulò post, eodem teste Anastasio, Gregorius III. habitâ Synodo XCIII. Episcoporum decrevit, ut qui imagines improbaret, *sit extorris à corpore & sanguine Domini, vel totius Ecclesie unitate atque compage.* Ita Synodi anathemata decernebant: depositiones à secularibus dignitatibus ne quidèm cogitabant.

Exindè memorat Anastasius hæc: *Cuncta generalitas istius Provincia Italiae, similiter pro erigendis imaginibus supplicationum scripta unanimiter ad eosdem Principes direxerunt.* Ita pii & Orthodoxi etiam in Italâ Leoni ut Imperatori supplicabant, post ea quoque tempora, quibus Occidentem totum ab eo recessisse Baronius memorat.

Ubi tunc ea exempla, quæ is data esse vult à Gregorio II. ne obstinati hæretici regnare sinerentur? At eum, quo nemo fuit aut pestilentior, aut obstinatior, Gregorius III. non modò *regnare sinebat*, sed ipse ultrò datam ad sanctum Bonifacium Archiepiscopum epistolam hâc temporis insignivit notâ. *Data iv. Kal. Novembris, Imperante Domno piissimo Augusto Leone, Imperii ejus anno xxiii. sed & Constantino magno Imperatore ejus filio, anno xx. indict. viii.* quod ad annum Christi 739. Gregorii nonum refert Baronius.

Idem ad eumdem annum * refert, quod est ab Anastasio in Zachariâ proditum, Gregorium III. ejus antecessorem in maximas conjectum esse angustias, cùm magna esset turbatio inter Romanos & Longobardos; ipsa Urbs gravi obsidione à Luitprando Longobardorum Rege pressa, resque in extremum discrimen adductæ essent, nullâ à Romanis Imperatoribus præsidii spe. *Pro quo, inquit Anastasius, vir Dei, Gregorius Papa, (y) undique do-*

(y) *Gregorius Papa &c.]* Hic Anastasi locus, Typographorum sane incuria, in Biniā editione Morel i. an. 1636. & in ipsâ Labbæanâ omissum fuit; quamvis à Binio vi- fuit, qui etiam illi loco notam addidit, quâ probare nititur, hanc Gregori II. Legationem, ab alterâ priori esse planè diversam. Hæc Binii nota reperitur quoque apud Labbæum tom. vij. p. 1467.

Bar. toni.
ix. an. 730.
pag. 98.

Vit. Greg.
iij. tom. vi.
Conc. pag.
1463.
Ibid.

Ibid. pag.
1464.

Epist. vij.
ad Bonifac.
ib. p. 1475.

Bar. tom.
ix. p. 122.
* Sive po-
tiū an. 740.
Bar. ib. an.
726. 740.p.
79.131.vid.
vit. Zach.
Tom. vi.
Conc. pag.
1486.
Vid. Bar.
P. 131.

dore constrictus, sacras claves ex Confessione beati Petri Apostoli accipiens, dixit
rexit navaliter itinere ad partes Franciae, Carolo (Martello) sagacissimo viro,
qui tunc Regnum regebat Francorum, per Missos suos, id est, Anastasium sanctissimum
virum Episcopum, necnon & Sergium Presbyterum, ad postulandum à pre-
fato excellentissimo Carolo, ut eos à tantâ oppressione Longobardorum liberaret.
Confugit itaque ad Francos Gregorius III. sed necessitate coactus, nec ad-
versus Romanum Imperatorem, sed adversus Longobardos, non minus Ro-
mani Imperatoris, quâm Romanæ civitatis hostes.

Tom. Con-
cil. vj. Pag.
1472.

Extant etiam Gregorii III. literæ ad Carolum Martellum de tuenda
sancti Petri Ecclesiâ adversus Longobardos, qui eam opprimerent: quibus
etiam literis missa à se sacra munera, ac Petri claves è venerando Sepulchro
depromptas, sanctus Pontifex commemorat.

Cùm autem duplex Legatio à Gregorio III. ad Carolum missa sit, quid
tractatum cum eo fuerit, nostri Historici diligenter tradunt.

Duch. tom. j. & append. five lib. xj. Hist. Franc. Greg. Tur. edit. Par. 1610. n. 110. p. 77.

Et quidèm Autor Appendix ad Gregorium Turonensem, sive Fredega-
rius, sive alius quilibet, hujus certè temporis scriptor, hæc prodit: *Eo
tempore bis à Româ, Sede sancti Petri Apostoli, beatus Papa Gregorius cla-
ves venerandi sepulchri cum vinculis sancti Petri, & muneribus magnis &
infinitis, Legatione, quod anteâ nullis auditis, aut visis temporibus fuit, me-
morato Principi destinavit, eo paëto patrato, ut ad partes (hoc est, consueto
hujus ævi stylo à partibus) Imperatoris recederet, & Romanum Consulatum
prefato Principi Carolo sanciret.*

Ann. Met. vit. iij. pag. 271.

Easdem Legationes copiosius referunt Annales Metenses anno 741. Cas-
rolus Princeps bis codem anno Legationem beatissimi Gregorii Papæ, ab Apo-
stolicâ sede directam suscepit, qui sibi claves venerandi Sepulcri Principis Apo-
stolorum Petri, ejusdemque pretiosa vincula cum muniberibus magnis delatis ob-
tulerunt, quod anteâ nulli Francorum Principi, à quolibet Praefule Romanæ ur-
bis directum fuit. Epistolam quoque decreto Romanorum Principum sibi prædic-
itus Praeful Gregorius miserat, quod seâ populus Romanus, relictâ Imperatoris
dominatione, ad suam defensionem, & invictam clementiam convertere voluisse.
Eodem verò anno obiisse Carolum resert, diviso inter filios Francorum
Regno.

Bar. tom. ix. an. 726. 740. p. 79. 131.

Ex Autore Appendix statim memorato contendit Baronius à Grego-
rio II. missam Legationem (z) adversus Imperatorem, eamque ab hac Gre-
gorii III. Legatione diversam, errore manifesto. Nullam enim legimus à
Gregorio II. ad Carolum missam Légationem; & quam Autor Appendix
à Baronio laudatus, atque Annales Metenses narrant, eam ad Gregorii III.
tempora

(z) *A Gregorio II. missam Legationem.*] De eâ Legatione non parum habet difficultatis
narratio ipsius Anastasi, cuius hæc verba sunt: *Tunc, quemadmodum prædecessores ejus beatae
memorie, Dominus Gregorius, & Gregorius alius, & Dominus Zacharias beatissimi Pontifices, Ca-
rolo excellentissime memoria Regi Francorum direxerunt... ita modò & ipse... suas misit literas
Pipino. Vit. Steph. II. tom. vi. Conc. p. 1622. Baronius hunc locum referit an. 753. p. 207.*
paululum varie, sed sententiâ non mutata. Exterum hic locus, quem criticis extrican-
dum relinquimus, non tanti est, ut, quidquid statuatur, causa D. Bossuet aliquantis
per periclitetur. Dicendum fortasse erit missas quidem literas à Gregorio II. non missam
Legationem; aut missam Legationem, non rerum Imperij causâ, sed ut Carolus Boni-
facium ad Germanos directum tueri veller.

tempora constat pertinere; atque illi quidem autores binam Legationem memorant à Gregorio missam, sed eodem anno. Quare utraque ad Gregorii III. tempora refertur; disertèque tradunt primam Legationem eam fuisse, quam sedes Apostolica ad Francorum misisset Principes. Nulla igitur erat ad Martellum missa Legatio; neque Gregorius II. quidquam egisse videtur cum eo Principe, nisi ut Bonifacium ad Germanos directum tueretur. Quà de re extant Gregorii II. epistolæ, septima ad Martellum, & octava ad Bonifacium. Quòd autem Græci ad ejus tempora hanc Legationem referre videantur, hoc ideo contigit, quòd utrumque Gregorium, alterum alteri proximè succedentem, facile confuderunt.

Majoris momenti est quòd Gregorius III. apud Fredegarium & Annales Metenses, ab Imperatore recessisse videatur; quippè qui instiget Martellum ut ab eo recedat, & accepto Consulatu, Populi Romani tutelam suscipiat. Sed hæc nihil ad nostram quæstionem. Profectò enim quærimus, an propter hæresim decreto edito depositus fuerit à Romano Pontifice Leo persecutor. At Franci scriptores nihil tale tradunt: hæc enim apud eos videntur: *Scripsisse Gregorium, decreto Romanorum Principum, quod se se Populus Romanus, relictâ Imperatoris dominatione, ad suam defensionem, & invictam clementiam convertere voluisset.* Nulla hæresis mentio, nullum decretum, cuius Pontifex autor extiterit. Imò ipse, *decreto Romanorum Principum*, scribit: *Populus Romanus ad extrema redactus per Longobardos, invictum defensorem querit.* Probaverit Gregorius III. quod ipsa necessitas extorquebat; pro grege Pastor optimus ad Carolum Martellum intercessor extiterit, ac remedium aliquod rebus desperatis quæsierit, aut quærendum suaferit; quamquam hoc nec historiæ produnt, quid ad nos? Hæc quidem non ad decreti Apostolici autoritatem, sed ad rerum tractandarum industriam modumque pertinent. Quàm autem Pontifices à defectione abhorrent, sequentia demonstrabunt.

C A P U T X I X.

ZACHARIAS in obsequio perficit: STEPHANUS II. pro Imperio conatus omnia, nonnisi necessitate ad Francos refugit: ad eos translatum Imperium sub LEONE III. cùm Græci Imperatores ad fidem Catholicam rediissent.

GREGORIUS quidem III. has inter angustias paulò post est mortuus: At Sanctus Zacharias Pontifex ei successor datus, statim atque respicavit, totum eò se convertit, ut Exarchatum Ravennatem Imperio conservaret. Refert Baronius ex Anastasio ad annum 743. ubi etiam id notat: *Ex his vide quām iūsta sīt querela Orientalium de Romano Pontifice, quōd exuerit Occidentali Imperio Orientales Imperatores.* Non ergò, quod Baronius paulò antè volebat, à fide & obedientiâ Romani Imperii, aut Pontifices recesserant, aut ipsi Italos repellebant.

Quin ipse Imperator Constantinus Copronymus, Leonis Isauri filius, ac
Tomus I.

Epist. vii.
viii. tom. vi.
Conc. pag.
1446.

Bar. tom.
ix. an. 743;
P. 154.

Ib. p. 159. paternæ impietatis hæres, Sancto Pontifici Reipublicæ benè gestæ dedit testimonium, atque ejus rei gratiâ, prædium quoddam concessit Romanæ Ecclesiæ: *Hac saltē ex parte*, inquit Baronius, *ei placere desiderans qui ob heresim omnino sciret se illi displace;* neque cessavit unquam pro Imperatore habere Copronymum, quem eò minus agnoscere debuisset, quod Leonis depositi, si quid Baronio credimus, filius, ipse patrem impietate & crudelitate superaret.

Anastas. Stephanus verò II. (aa) recurrit quidem ille ad Pipinum Francorum Regem, sed postquam cerneret ab Imperiali potentia nullum esse subveniendi auxilium: ita Baronius post Anastasium.

Steph. II. tom. vj. 1612. loc. cit. an. 753. p. 207. 208. Quin ipse Pontifex, de rebus Imperii in Italiam tuendis, ad impium & persecutorem Constantinum Copronymum Legatos misit, rediitque cum ejus Legatis Joannes *Imperialis silentarius*, deferens *jussionem Imperiale*m, in quā inerat *insertum: ad Regem Longobardorum (Aistulphum) cunctem sanctissimum Papam esse properaturum, ob recipiendam Ravennatum urbem, & civitates ei pertinentes.*

Bar. ibid. Anast. & Bar. ibid. *Hæc Anastasius, qui jussioni Stephanum paruisse memorat. Neque refugit Legationem ab Imperatore hæretico impositam sanctissimus Pontifex, quod Reipublicæ causâ, pium id sanctumque duceret. Sed quid impetraret à superbis hostibus, inermis imbecillisque Imperatoris nullo exercituum robore suffulta Legatio? Vix à Longobardorum manibus Francorum autoritate Stephanus se proripuit; ac tum adversus eos ad Pipinum confugit, cùm omnia alioquin desperata essent.*

Bar. ibid. p. 209. vid. Anast. Neque verò peccare se putabat in Romanum Imperatorem, si Romam, bello sine viribus suscepto, perituram, salvam esse mallet sub Francorum tutela, quā eversam ac perditam frustraque retinentem, in Longobardorum tamen manus devenire; neque tantum Imperio perire, sed etiam è medio tolli, pari Ecclesiæ ac Reipublicæ discrimine.

Privileg. Fulr. tom. vi. Conc. p. 1647. Neque interea Sanctus Pontifex à Romano Imperatore penitus recedebat: sed utcumque poterat, sustentabat Imperii dignitatem, Constantiūmque Copronymum pro Imperatore legitimo agnoscebat: cùm etiam à Franciā reversus, pactoque cùm Francis fœdere, hanc privilegio Fulradi ac Sancti Dionysii adponeret temporis notam. *IV. Kalend. Martii, imperante Domino piissimo Constantino à Deo coronato, magno Imperatore anno XXXVIII.* Nullum omisit titulum, qui ad Imperatoriam honorificentiam pertineret, demonstravitque se ad nullius extranei Principis tutelam confugitum fuisse, si Romano Imperatori aliquid virium superesset.

Conciliab. C.P. int. act. Conc. Nic. II. tom. vj. Conc. pag. 377. Sic agebant cum impio Copronymo paternæ hæresis savissimio, atque obstinatissimo defensore; ad hæc etiam autore insanæ Synodi, quæ se septimam appellabat. En ut hæreticos regnare non sinerent.

Post Stephanum II. Romani Pontifices Francis quidem addicti erant, quibus defensoribus necessariò uterentur. Cæterū exemplo Stephani, Constantinum & Leonem ejus filium, pro hæreditariis Augustis habuere.

Anastas. in vit. Paul. I. tom. vj. Conc. pag. 1671. Ac Paulus I. teste Anastasio, *suos Missos cum Apostolicis obsecratoriis, atque admonitoris literis, præfatis Constantino (Copronymo) Leoni (itein Co-*

aa) Stephanus II.] seu potius III. Sed cùm Stephanus II. paucos dies Apostolicam sedem tenuerit, vix inter Pontifices numeratur.

pronymo, à parente Constantino in Imperii societatem assumpto) *Augustis dir. xit pro restituendis imaginibus*: ut in Paulo I. refert Anastasius.

Hoc jure hereditario Constantinus Leonis Copronymi filius, sub Irenes matris tutelâ imperavit. Hi Nicenam Synodum II. convocârunt, & antecelsorum hæresim à sanctâ Synodo condemnatam, penitus abjecerunt. Ad eam verò Synodum vocatus ab Imperatoribus Hadrianus Papa Legatos misit cum literis sic inscriptis: *Dominis piissimis & serenissimis Imperatoribus ac triumphatoribus. Constantino & Irene Augustis.* Quibus proinde Constantinum agnoscit pro hærede legitimo legitimorum Imperatorum. Acta sunt hæc anno 785.

Sub his Augustis, ac posteà sub eodem Constantino solo*, fides Catholica floruit. Eo mortuo, cùm jam Leo III. Pontificatum gereret, devenit Imperium ad Irenem solam; neque ita multò post Carolus Magnus Romæ Augustus est appellatus, anno 800.

Ex hac rerum serie satis intelligitur malè à Baronio, malè à cæteris dictum: Imperatores à Pontificibus propter hæresim fuisse depositos, translatumque cùd de causâ ad Francos Imperium: cùm contrâ pateat, etiam dum hæretici fuere, haud minus pro Imperatoribus in Italiâ quoque, & Romæ, & à Pontificibus fuisse habitos; ac translatum denique ad Francos Imperium, cùm abjectâ hæresi, Irene Catholica mulier imperaret.

Patet etiam Pontifices primùm confugisse ad Francos, non propter hæresim Imperatorum, sed necessitate per Longobardos factâ, rebus scilicet desperatis, nullâque aliâ præsidii spe: quo factum est, ut etiam imperante Constantino Irenes filio Catholico Principe, sub Francorum tutelâ necessariò remanerent.

Tom. vii.
Conc. pag.
99.

* Qui an.
790. Ire-
nem à Rei-
publicæ gu-
bernaculis
dejecerat.

C A P U T X X .

An valeant allatae à Baronio cause, cur CONSTANTINO Irenes filio, Catholico Imperatori, Imperium restituendum non fuerit: Hadriani I. locus nihil ad rem: recapitulatio dictorum de Iconoclastis Imperatoribus: de fide illis servandâ Orientalis Ecclesiæ sensus: illi Imperatores in coronatione jusjurandum dererant de tuendis Ecclesiæ dogmatibus ac ritibus: ex his argumentum.

SCRIPSIT Baronius Constantinum Irenes filium, Catholicum licet, Sac de fide Catholicâ benè meritissimum, tamen non fuisse dignum habi-
tum, cui restitui deberet Imperium, quod ablatos a prædecessoribus hæreticis Imperatoribus Archiepiscopatus & Episcopatus, qui immediate essent sub iuri-
bus Romana Ecclesia, & dempta ejus amplissima patrimonia, admonitus licet per Hadrianum Pontificem, minimè restituere voluisset. Jam æquus lector ju-
dicet, ecquid sit verisimile, propter aliquot prædia, & aliquot Episcopat-

Bar. tom.
ix. an. 800.
P. 490.

tuum immediatam subjectionem , neganda fuerit Constantino Irenes filio ; Catholico Principi , à piis Pontificibus Imperatoria dignitas , quam Leonī Isauro , Constantio & Leoni Copronymis , hæreticis , impiis , persecutoribus illæsam mansisse vidimus.

Ep. Adr. I. ad Car. Mag. tom. vii. Cone. p. 963. Baron. tom. ix. loc. cit. Neque illud est validum quod Baronius memorat ex Hadriano I. quod nemp̄ de Constantino ad Carolum Magnum hæc scripsit : *De Diœcesi sancte nostræ Ecclesie Romanae, tam Archiepiscoporum, quam Episcoporum, seu de patrimoniiis, iterum increpantes commonemus; & si noluerit ea sancta nostra Ecclesia Romana restituere, hæreticum eum pro hujusmodi erroris perseverantia esse decernemus.* DECERNEMUS inquit. Minas audimus , & fortasse nimias : sed certè tantum minas , & tantum initum animo consilium , non prolatum decretum. Quid porrò ad rem nostram , *hæreticum decernemus?* Esto : an & illud addit ? Imperio in æternum priuatum declarabimus. Quale autem illud est , ut propter excommunicationem , fortè decernendam , Imperio indignus sit , cùm hæresis manifestæ damnatos Leonem Isaurum , Constantinum Copronymum , & Leonem ejus filium , haud minus pro Imperatoribus habitos esse constet ?

Sed esto , Constantinus Episcopatus aliquot , ac prædia retinens , indigonus Imperio sit , saltē Occidental : nam de Orientali nemo litem monobat. Quid hoc ad Irenem ? Pessima quidem mulier , sed nihil ad rem nostram ; cùm nullius sceleris ritè postulata , nedum condemnata sit. Hæresis insectabatur , fidem tuebatur , fovebat Ecclesiam , ditabat Ecclesias ; nemo Ecclesiæ Romanae res ab eâ repetierat. At illa sub ipsa Imperii initia , toto Occidente statim multata est. Quo jure , suo loco facilè expōnemus. Certè id non hæresi , non ulli impietati , non persecutioni , non etiam anathemati tribuendum esse , luce est clarius.

Vid. inf. hoc lib. cap. xxxvij. & seq.

Bar. tom. ix. an. 727. p. 86.

Ibid. an. 765. pag. 268. & alibi pass.

Huc accedit Orientalis Ecclesiæ testimonium. Ea enim Romanis Pontificibus adhærebat , iisque anathematizantibus hæreticos Imperatores obsecuta erat : denique ab Imperatoribus extrema quæque patiebatur , neque eò seciū in obsequio persistebat. Sanctus etiam Germanus Constantinopolitanus Antistes , egregius ille his temporibus fidei Catholice propugnator , teste Baronio , *reprehendebat Italos, quod ita penitus ab Imperatore resiliissent.* Extat enim in Græco codice Orientalium Canonum , ejusdem sancti Germani epistolæ fragmentum , in eos qui ab Imperio desciviscent. Non ergo placebat ista defensio , etiam hæresis causâ. Sancti quique Martyres sub Leone & Constantino tanta passi , ipsos nihilominus pro Imperatoribus salvabant. Id passim acta Martyrum à Baronio relata testantur. Idem Martyres , & sanctus Germanus , Paulus , Tarasius , Constantinopolitanus Antistes , aliique Episcopi contemnunt quidem Leonem Isaurum de fide decernentem , quod id alienum esset ab Imperatoriâ dignitate & potestate : nullam illi movent litem de iis quæ in civilibus pro Imperio statuisset. Sancta ergo Orientalis Ecclesia anathematizatos quosque Principes , pro veris Principibus coluit.

At profecto Romanus Pontifex haud minus Orientali quām Occidentali Ecclesiæ præsidebat ; ac si depositi Imperatores essent , haud minus in Oriente quām in Occidente eis abrogaretur Imperium ; turpissimumque fuisset

Romanis Pontificibus, sibi & Occidenti, deposito Imperatore consulere, contemnere Orientem longè graviora passum, cùm ab Imperatoribus apud se agentibus premeretur.

Sic tota Ecclesia Catholica, quācumque patebat, Leonem Isaurum, dum persecutorem, & Constantimum Copronymum triginta & amplius annis fævientem, Leonemque IV. haud minus crudelē, pro Imperatoribus habuere: ac totis sexaginta annis, quibus impia domus vastabat Ecclesiam, de movendo Imperio per decreta legitima, nemo in Oriente, nemo in Occidente, non plebs, non Episcopi, non Religiosi, tot licet vexati suppli- ciis, non ipsi Romani Pontifices cogitabant.

Attamen omnia intervenerant propter quæ deponi oportere Imperatores adversarii docent: hæresis, pertinacia, immanis persecutio: ad hæc, quod maximi ponderis esse volunt, violatum Jusjurandum, quandoquidem Imperatores Ecclesiæ, Deo teste, spoponderant, se in religionem nihil novitatis inducturos.

Scribit enim Theophanes, sanctum Germanum Constantinopolitanum, Leoni Isauro reduxisse ad memoriam ejus sponsiones ante suscep- tum Imperium sibi factas, Deo in fideiussorem dato, quod in nullo Ecclesiam commoturus esset à suis Apostolicis & Divinitus traditis ritibus.

Hæc autem cùm ita se haberent, non modò persecutorem pro Imperatore colebant; verùm etiam, qui per eam occasionem seditiones cogitarent, atque ab Imperio dèficerent, gravi, quoad poterant, autoritate compimebant: adeò ab hominum mentibus hæc aberant, in quibus nunc spem Ecclesiæ & Pontificis robur collocatum volunt.

Theoph.
Chron. p.
341. Anaft.
hist. Eccl. p.
135. hist.
Misc. lib.
xxij. tom.
xiiij. Bibl.
Pat. p. 307.

C A P U T X X I.

Noni saeculi exempla: LUDOVICI PII Imperatoris depositio: hæc & indè secuta, impia, irrita, nulla, malè intellecta, nihil ad rem, nobisque potius favent quam adversariis: an expectata, ad restituendum LUDOVICUM, GREGORII IV. autoritas.

NONO saeculo memoranda nobis est depositio Ludovici Pii Imperatoris & Francorum Regis, per Lotharii filii impiam ac nefariam factiō- nem, protractis in confessionem sceleris, non modò Proceribus ac Mili- tibus, verùm etiam Episcopis, Ebbone Rhemensi seditionis incentore. Quam- quam enim hæc paulò post communis confessione rescissa sint, ac teste Ba- ronio, rem per vim ac metum ætam, coloratamque falso religionis pigmento, nemo non dixerit, atque improbarit; non desunt tamen, qui hæc quoque in- fanda ac roti Ecclesiæ detestata, nobis objiciant. Nempe, inquiunt, extant & apud Baronium, & in Conciliorum libris Compendii acta, quibus titulus: *Exautoratio Ludovici Pii Episcoporum nomine publicata.* Ex his au- tem patet Ludovicum Pium anno 833. impositā publicā poenitentiā, de- posuisse cingulum militare, judicatumque ab Episcopis, secundūm Canones

Bar. tom.
ix. an. 833-
pag. 805.

Bar ibid.
pr. 802. &
tom. viij.
Conc. pag.
1686.

id consequi, ut post tantam talemque pœnitentiam, nemo ultra ad militiam secularem redeat; quod idem profecto erat, ac Regno exclusisse: idque adeò fas esse Episcopis judicabant, ut etiam Ludovicus ab eâ sententiâ eorum

*Aut. vir.
Ludov. Pii
Duch. tom.
ij.*

*Bar. ibid.
an. 834. P.
807.*

auctoritate absolvî se vellet. Scribit enim coœvus autor vitæ Ludovici: *Imperator Episcopali ministerio voluit reconciliari & per manus Episcoporum armis accungi consensit.* Quin etiam Baronius Gregorii IV. Papæ autoritate restitutum eum fuisse, ex Paulo AEmilio rerum Francicarum scriptore, & Mariano Scoto antiquiore Annalista probare nititur.

Nos autem, et si ea, quæ à Rege imbecilli & per proditionem deposito, atque à seditionis Episcopis, inaudito exemplo, sunt gestæ, ut nulla & irrita contemni potuerunt, tamen veritatis amore ducti, rem ipsam expendimus; proferimus acta; causamque nostram adjuvari iis, paucis demonstramus:

Et primum quidem: quoniam vidimus hujus temporis Episcopos èd maximè nixos fuisse, quod impositâ publicâ pœnitentiâ, atque abjecto cingulo militari, non licet utrâ ad militiam secularem redire, id qualecumque sit, nihil ad Reges pertinere facile demonstramus, eorum quoque auctoritate qui talia gesserunt.

*Duch. tom.
ij. vid. Bar.
an. 822. p.
706.*

Certè constat paulò anteà anno scilicet 822. eumdem Ludovicum Pium ab iisdem Episcopis Gallicanis, in Attiniacensi Conventu pœnitentiam publicam suscepisse. Quo quidem in Conventu, autor vite Ludovici, à Baronio relatus, etiam suprà memoratus, hæc gesta narrat: *Anno 822. Ludovici IX. Dominus Imperator, primò quidem fratribus reconciliari studuit, quos invitò attenderi fecerat, deinde omnibus quibus aliquid lœsura intulisse videbatur. Post hæc autem palam se errasse confessus, & imitatus Theodosii Imperatoris exemplum, pœnitentiam spontaneam suscepit, tam de his, quam de iis quæ in Bernardum nepotem (bb) (Caroli Magni) fecerat.* Hunc autem excusat neci tradiderat.

*Incert. aur.
Ann. Duch.
tom. ij. &
tom. ij.
Conc. Gall.
p. 448.*

An ergò in eo Conventu, ubi omnia pacatè atque ordine gerebantur, de tollendo per militiae omittendæ speciem Imperio quidquam Episcopi cogitârunt, audiamus quid hujus temporis autor scripserit? *DCCCXXII. Ludovicus Imperator sacerdotum usus consilio, de omnibus, quæ publicè perperam gessit, publicam pœnitentiam egit, & post hæc cuncta, quæ in Regno suo corrígenda invenire potuit, corrigere atque emendare curavit.* Non ergò Regno amovendus per pœnitentiam publicam, sed ad Regnum bene administrandum animandus esse putabatur.

*Agob. lib.
de dispensa-
tione rei Ec-
cles. n. 2.
tom. xiv.
Bibl. Pat p.
295.
Tom. ij.
Conc. Gall.
p. 564.*

Idem scribit Agobardus Lugdunensis: *Sacer & Religiosus Dominus noster Imperator, evocato Conventu in Attiniaco agebat strenue, providens de omnibus utilitatibus commissorum sibi populorum.*

Hic ille est Agobardus, qui anno postea 833. vix undecim elapsis annis, in Compendiensi Conventu, libello edito, gloriatur se accessisse ad eorum Episcoporum partes, qui pœnitentiâ publicâ impositâ, spem omnem redditus ad militare cingulum Ludovico ademere: quæ Attiniaci iisdem

(bb) *Bernardum nepotem Caroli Magni*] Pipini filium, Regem Italæ, rebellioris causa morte damnatum in Conventu Aquisgranensi, Ludovicus Pius jussérat lumiñibus tantum orbari; quo supplicio Bernardus post triduum obiit. Vid. Theg.

Episcopis, cùm de iisdem penè criminibus ageretur, ne quidem in men-
tem inciderant.

Quam autem impiè & præter fas omnia Compendii gererentur, vel ex
eo liquet, quòd non piguit Episcopos adscribere inter scelera, pro quibus
Ludovicus pœnitentiæ addictus est, etiam illa maximè, quæ Attiniaci jam ex-
piata erant; cùm à Deo præscriptum sit, & sacris Canonibus totiès incul-
catum, *non bis vindicabis in id ipsum*: quod etiam ejus ævi scriptores sedi-
tiosis Episcopis meritò exprobrabant.

Hæc primo loco notamus: secundo loco dicimus, quæ Compendii acta
sunt, acta esse in Ludovicum jam privatum, jam depositum, atque om-
ninò ad quæstionem nostram non pertinere.

Id verò testantur ipsa acta Compendii, ipsaque horum actorum inscrip-
tio, quam apud Baronium, & in Conciliorum quoque voluminibus legi-
mus: quâ inscriptione constat hæc omnino gesta esse contra Ludovicum,
postquam Regno privatus est.

Acta ipsa sic habent: *Nos Episcopi sub Imperio Domini & glorioissimi
Lotharii Imperatoris constituti, anno Incarnationis Domini JESU-CHRISTI
DCCCXXXIII. ejusdem Principis I.* Ergò Lotharium pro Imperatore habe-
bant, non jam Ludovicum: cui, aiunt, etiam acta hæc, post *subtrahitam*
potestatem, & potestate privato, id unum superesse, ne animam perderet.
Eumque ideo appellant, non jam Imperatorem, sed *venerabilem virum.*
Agobardus quoque in libello suo aperte declarat acta hæc esse, *præidente
serenissimo & glorioissimo Lothario Imperatore, adversus ignaviam Domini
Ludovici venerandi quondam Imperatoris.* In hoc ergò Conventu Lotharium
pro Imperatore, Ludovicum pro privato habebant.

Itaque Ludovicus non coronam, non purpuram, non alia quævis or-
namenta Regalia deposuisse fertur: sed ut Miles duntaxat cingulum & gla-
diuum, referente Thegano, actis attestantibus, omnibus fatentibus.

Quandò autem, & quomodò depositus fuerit, Annales produnt: nulla
scilicet vel in speciem formâ legitimâ, quæ in tanto facinore nulla esse po-
tuisset; sed per vim & scelus apertum; factione filiorum ejus, Lotharii præ-
fertim, qui Regiam sibi potestatem vindicârat, defectione Militum, Du-
cum proditione, consensione Procerum, quibus Episcopi, primi scilicet in-
ter Proceres, assentiebantur, Ebbone Rhemensi sceleris hortatore: qui qui-
dem Episcopi, postquam hæc cum cæteris egissent Proceribus, nempe id
sibi ut sacerdotibus reservabant, ut imponerent privato eam pœnitentiam;
quâ redditum ad militiam intercludere niterentur.

Cæterum inter omnes constat, neque à Lothario & Proceribus jure po-
tuisse deponi Ludovicum, neque ullo item jure prohiberi potuisse ab Epis-
copis, quominus ad Regnum revocaretur, revocatusque consueto regendæ
militiæ munere fungeretur; atque omnino hæc omnia nulla, irrita, absur-
da, impiis conatibus esse gesta, magno bonorum omnium luctu. Quare
summo omnium applausu Theganus Chorépiscopus, vir optimus atque
sanctissimus, ejus ævi scriptor, in Ebonem sic invectus est: *Crudelis, cur
non intellexisti præcepta Domini? NON EST SERVUS SUPER DOMINUM* Duch.n.44.
SUUM; quamobrem contempsti præcepta Apostolica: OMNIBUS POTESTATIEBUS pag. 182.

Bar. tom. ix. an. 833.
pagin. 802.
Conc. Gall. tom. ij. p. 560. Conc.
Labb. tom. viij. p. 1686.

Theg. de
gest. Lud.
Duch. tom.
ij. pag. 28.
act. Comp.
tom. ij.
Conc. Gall.
pag. 560.

SUPERIORIBUS SUBDITI ESTOTE : NON EST POTESTAS NISI A DEO , & iterum alias dicit : DEUM TIMETE ; REGEM HONORIFICATE. Tu vero nec Deum timuisti ; nec Regem honorasti. Satis ergo intelligebant, quām inviolata esset, & ab omni aliâ potestate immunis, Divino etiam jure, potestas Regia. Quare nec fraus illa scelusve diu valuit, sed statim ad officium Franci redière. Ebbo depositus ; acti in exilium. reliqui : Lotharius omnium fuit execrationi : campus ille, in quo Ludovicus desertus fuerat, *Campus mendacii* dictus, ad tantæ proditionis infamiam sempiternam : totaque ea res inter exempla pessima, Divinâque ultione reprobata, ab ævo sequente ac securis Conciliis relata est. Quod ergo Ludovicus, ut autor vitæ prodit, per Episcoporum manus armis accungi consensit ; factum id, ut & ipsi disfolverent quod malè fecerant, datumque est id timori imbecillis Principis ; non quod vim haberent ullam, quæ per metum, errorem, ac proditionem acta, ne in privatum quidem valuerint : resque tantâ omnium, non modò consensione, verum etiam exultatione confecta est, nihil ut sit vanius, quām recurrere Romam, ac Ludovici restitutionem Gregorii V. autoritati cum Baronio tribuere. Certe ejus ævi autores in eâ restitutione, ne Gregorium quidem nominant. Marianus Scotus à Baronio laudatus, primùm post trecentos scripsit annos : tum ne id quidem dixit quod Baronius memorat : imò vero hæc habet anno 835. *Pipinus & Ludovicus patrem suum restituerunt in Regnum*, nullâ Gregorii mentione factâ. Paulum Æmilium nostri ævi scriptorem à Baronio allegatum nihil moramus ; totaque hæc historia certo arguento est, quantum Episcopi etiam perduelles ab eo abessent, ut per Episcopale ministerium deponi posse Principem cogitarent.

C A P U T X X I I .

LOTHARII Junioris excommunicatio, propter VALDRADAM, nullâ unquam depositionis mentione.

EODĒM procedente sèculo, Lotharius Junior, Imperatoris Lotharii suprà memorati filius ac Ludovici Pii nepos, idem Austrasî Rex, repudiâtâ Teutbergâ legitimâ conjugâ, ac Valdradâ pellice superductâ, Romanos Pontifices meritò concitavit. Et quidem Nicolaus I. doctissimus juxta ac fortissimus Pontifex, insanis amoribus irretito excommunicacionem intentat ; de Regni privatione ne cogitat quidem. *Cavendum est, inquit, ne cum eâ (Valdradâ scilicet jam excommunicatâ) pari mucrone percellaris sententia, ac pro unius mulieris passione & brevissimi temporis desiderio vinclitus & obligatus, ad sulphureos fatores & ad perenne traharis exitium.* Ac paulò post : *Ceterum preceive ne quando nos secundum Domini præceptum duos aut tres testes adhibeamus; imò vero ne hoc Ecclesia sancta dicamus, & quod non optamus, si is cunctis sicut Ethnicus & Publicanus.* Neque quidquam inculcat aliud, cùm eâ de re longè plurimas ad Proceres, ad Episcopos,

epos; ad Reges Lotharii patruos, ad ipsum Lotharium, easque fortissimas atque amplissimas literas dederit.

Ergò extrema omnia, quæ Ecclesiasticâ potestate fieri possent, interminatus, nihil de depositione somniabat; quod quidem si Ecclesiasticæ potestati concessum his temporibus cogitassent, non defuissent Nicolao rei exequendæ vires, cùm Lotharii patruos ac præfertim Carolum Calvum ejus Regno inhiare intelligeret.

Quod autem scribit ad Ludovicum & Carolum Reges, Lotharii patruos, dilatam à se vindictam in eum, ne sanguis effunderetur, & ne bella excitarentur; non hæc eò pertinent, quasi ipse Pontifex Lothario Regnum adimere, aut alteri tradere moliretur, sed quòd Principes adversus Deum & Ecclesiam contumaces, contemptu & odio populorum, civilibus bellis agitari soleant.

Cæterū non modò adhibitas in Lotharium excommunicationis minas; verùm etiam datam excommunicationem ipsam, hæc Nicolai ad Episcopos in Regno Lotharii constitutos scribentis verba testantur; *Nostra communio-nis cum mæchâ sibi sociatâ & suis fautoribus ipse dudum factus est exsors.* Quòd etiam factum, ut excommunicatione perculsum Carolus ad osculum atque colloquium admittere recusaret, ut legimus in Capitularibus; neque eò se ciùs pro Rege habet, neque uspiam increpiti Proceres, ac populi, qui in ejus obsequio permanebant: aut excommunicatum licet, Nicolaus I. & Adrianus II. Regni extorrem fuisse, aut futurum esse pronuntiant.

Ejusd. ep.
xxvij. ibid.

pag. 404.

Ibid. in
app. ep. x.
pag. 494.

Capit.edit.
Baluz.tom.
ij. tit. xxxv.
pag. 163.

C A P U T X X I I .

A D R I A N U S II. *Carolum Calvum à Lotharii mortui Regno deterreret excommunicatione; quām grave Francis visum fuerit terrenis rebus immiscuisse se Pontificem, nihil de depositione cogitantem: Hincmari locus.*

PO STEAQUAM Lotharius per apertam Dei vindictam extinctus est, Hadrianus II. Carolum Calvum ejus patruum, ab ejus Regno invadendo gravibus deterret minis: captum jam & occupatum Regnum, Ludovico Imperatori Lotharii fratri reddendum, eâdem interminatione præcipit; neque tamen aliud quidquam præter excommunicationem, & beati Petri Romanam Ecclesiam protegentis iram intentat; *Si quis contrà fecerit, ex. om-municationis nexibus, vinculis anathematis obligatum, in gehennâ cum Diabolo deportandum declarat.* De Regni privatione, quòd nihil ad suam potestatem pertineret, gravissimus licet & minacissimus Pontifex, ne verbum quidem facit.

Attamen illa etiam excommunicatio, quòd temporalis Regni gratiâ lata erat, Francis gravis visa est. Scribit enim Hincmarus ad ipsum Pontificem, respondisse ipsos: non defuisse Regi justas causas, cur Regnum Lotharii occuparet, ab ejus Regni Proceribus invitatus; ac Ludovico quidem tacite exprobrabant, quòd ad Regnum obtinendum Papæ excommunications ad-

Adrian. II.
ep. xix. xx.
&c. tom.
viiij. Conc.
pag. 918. &c.
seq.
Ibid.

Hinc. ep.
xij. ad Adr.
II. tom. ij.
p. 694.695.

hiberet. Dicebant autem Episcopis, qui Pontifica mandata attulissent: *Pecuniae Dominum Apostolicum, ut quia Rex & Episcopus simul esse non potest, & sui antecessores Ecclesiasticum ordinem, quod suum est, & non Rempublicam; quod Regum est, disponuerunt, non præcipiat nobis habere Regem, qui nos in longinquis partibus adjuvare non possit, contra subitanos & frequentes Pagani- rum impetus; & nos Francos non jubeat servire, quia istud jugum sui ante- ccessores nostris antecessoribus non imposuerunt, & nos illud portare non possumus, qui scriptum esse in sacris libris audiimus, ut pro libertate & hereditate nostra usque ad mortem certare debemus.* Addebat: *Non convenit uni Episcopo dicere, ut Christianum, qui non est incorrigibilis, non propter propria crimina, sed pro terreno Regno alicui tollendo, vel acquirendo, nomine Christianitatis debeat privare, & eum cum Diabolo collocare.* Denique: *Si Dominus Apostoli- cus vult pacem querere, sic pacem querat, ut rixam non moveat; quia nos non concredemus ut aliter ad Regnum Dei pervenire non possumus, si illum, quem ipse commendat, Regem non habuerimus.*

Hincmarus hæc, Francorum Procerum nomine sic explicat, ut à se col- legisque probata satis apertè significet. Quæ responderit jubenti Pontifici, ut à Regis excommunicati alloquio, præsentia, salutatione abstineret, quām-

Sup. lib. j. sect. ij. cap. xxvij. que hæc omnia evanuerint, suprà exposuimus. Hæc docent, si quis tum Regna decretis Bullisque Pontificiis dari aut adimi contendisset, quām Galli exhorruissent, qui adeò exarserunt, cùm ne quidem talia Romani Pontifices cogitarent.

C A P U T X X I V.

Eodem nono saculo STEPHANI V. epistola ad BASILIUM Impera- torem de finibus utriusque Potestatis.

Ep.j Steph. V. ad Bas. tom. ix. Conc. pag. 366. **E**ODEM saeculo IX. Photianum illud schisma est conflatum; quo initio, adversus Romanam Ecclesiam Graeca Ecclesia rebellavit. Atque idem ipse Photius à Romanis Pontificibus sèpè prostratus, adnitente VIII. gene- rali Synodo, Joannis VIII. fœdè indulgentiâ, (cc) & Basilii Macedonis Græci Imperatoris autoritate, valentior resurgebat. Resurgentem Marinus, Hadrianus III. Stephanus V. resumptis viribus conterebant. Hic Basilius Ecclesiastica invadentem his verbis coercebatur: *Licet ipsius Christi Imperato- ris similitudinem geras in terris, rerum tamen mundanarum & civilium tantum curam gerere debes, quod etiam preciamur ut ad multos annos præstare valeas.* *Quo igitur pacto à Deo largitus es nobis terrenis rebus præesse; ita etiam nos per Principem Petrum spiritualibus rebus Deus præfecit. Accipe, quæso te, benignâ fronte que sequuntur: datum est tibi curare ut Tyrannorum impietatem & feritatem gladio potentia concidas, ut justitiam ministres subditis tuis, ut*

(cc) Fœdè indulgentiâ.] Joannes VIII. Basilio obsequentior, Photium adniserat & in se- dem Constantinopolitanam restituerat, non sine gravi indignatione Catholicorum, qui tot Pontificum & Concilii viij. decreta eo modo rescindi querebantur.

Leges condas, ut terrâ marique militares copias disponas : hac est præcipua cura potentia & principatus tui. Gregis cura verò nobis commissa est, tanto præstantior, quantum distant à cœlo ea quæ in terris sunt. Sic docet eminere Regiâ potestate Pontificiam potestatem, quod hæc majoribus rebus præsit, non profectò, quod illam eâ temporalium ad spiritualia subordinatione quam fingunt, in ordinem cogere ac loco movere posset. Hæc scripta sunt ad annum Christi circiter 885. Eâ tum modestiâ agebatur.

C A P U T X X V.

Eodem saeculo FULCONIS Rhemensis locus à PERRONIO objectus.

PE R eadem ferè tempora, Fulconis Rhemensis nobis objicitur autoritas, qui eodem saeculo exeunte, anno scilicet 898. perturbatissimis Galliæ rebus, licentiùs scriperit ad Carolum Simplicem, Ludovici Regis filium, quem Regno pulsum, sex annorum puerum, ex hostium manu Fulco eripuerat, domique diutissimè aluerat: mox puerum adhuc, ac suâ tantùm operâ patrio Regno restitutum, prisco cathedralæ suæ jure Rhemis inunxit: unus denique adversus Eudonem, * Regem à Proceribus electum, totoque ferè Regno potentem, autoritate, opibus, armis etiam sustentabat, quibus scilicet tum Ecclesia Rhemensis prævaleret. Ad eum igitur Fulco hæc scripsit, cùm se improvidus, atque ad extrema redactus adolescens, adversus prævalidos hostes, Normannis Idololatri Regnum invadentibus sociatus esse videretur: *Sciatis, inquit, quia si hoc feceritis, & talibus consiliis acquieceritis, nunquam me fidelicem habebitis: sed & quoscumque potuero, à vestrâ fidelitate revocabo; & cum omnibus Coepiscopis meis vos & omnes vestros excommunicans, aeterno anathemate condemnabo. Pro fidelitate, quam vobis seruo, hæc gemebundus scribo; quoniam cupio vos secundum Dcum & secundum saeculum semper esse honoratos, & non Satane, sed Christi adjutorio, ad debitum vobis concendere Regni fastigium.* Hæc Fulco patriâ veluti libertate, ad octodecim annorum scribit adolescentem, quo, trepidum vixque regnantis, atque ex ope pendentem suâ, gravibus minis ab impiâ societate deterreret. Atque interim quod ipse proprio nomine scriperat, diligenter secernit ab iis, quæ Coepiscoporum nomine minitaretur: *Cum Episcopis, inquit, aeterno anathemate condemnabo, Regemque, & qui simul in impianam societatem consensissent. At suo nomine, ut Procerum primus, atque in Regno maximâ pollens autoritate: Nunquam me fidelicem habebitis, & quoscumque potuero à vestrâ fidelitate revocabo.* Hujusmodi verò minas per ea tempora passim à Proceribus adversus imbecillem Regem, infirmissimo Imperio ac Regno jam à Carolinâ stirpe ad aliam familiam inclinato, pridem inolitâ superbiâ jactatas, si quis ad certum jus legitimique exempli autoritatem trahat, næ ille non jam Romano Pontifici atque omnibus Episcopis, sed omnibus omnino Proceribus permittat omnia adversus Regiam Majestatem. Certè hîc nihil Synodicè, nihil legitimo ordine gestum; sed unius viri fac-

* Comitem Parisiensem, Franciæ Ducem, & qui jam tum Rex Frâciae Occidentalnis dicebatur.
Ep. Fulc. ad Carol. Simpl. ap. Flooard. lib. iv. hist. Rhem. cap. v.

tum; imò verò non factum, sed dictum, nullo effectu consecuto; nullo anteà, nullo posteà exemplo legimus. Hæc illa sunt, quibus jus novum omnibusque retrò sacerulis inauditum sancire se posse arbitrantur.

CAPUT XXVI.

ATTO *Vercellensis*: BURCHARDUS *Wormatiensis*, decimi sœculi
autores proferuntur.

DE CIMO sœculo Attonis Episcopi Vercellensis claret autoritas. Is igitur epistolâ ad Valdonem (dd) Episcopum multa de Regibus, eaque superiorum sœculorum traditioni consentanea tradit. Hæc imprimis de fidelitate perversis etiam Regibus præstandâ: Davidis ac Samuelis exemplo; Christique autoritate observandos eos: supremam eorum esse solique Deo subditam potestatem, evictum ex illo Davidis, *Tibi soli peccavi*; atque ex interpretatione Cassiodori, eâ quam suprà retulimus: tum quantâ cantelâ bonis obsequendum, cùm nec malos repellere liceat, atque ex Chrysostomo, esse in potestate populi facere Regem quem vult, factum, de Regno repellere, non in ejus potestate; utque fidelitatem quam jurando Regi promiserint inviolabilem, teneant. Nondum scilicet juramenta fidelitatis solvi à Pontifice cogitabant. Hæc de Attone paucis, ne ab aliis Patribus jam audita cum lectoris tædio repetamus. His liquet priscam traditionem proximis etiam Gregorii VII. temporibus viguisse.

* De eo videlicum cui titulus est: *Histoire du Droit Canonique*.

Per eadem tempora floret beatus Burchardus Wormatiensis Episcopus, doctus, ac pius Canonum compilator. Ibi decretorum libro XV. multa de Regum supremâ atque à Deo constitutâ, solique Deo subjectâ potestate ex sancto Isidoro Hispanensi collecta legeris: neque hîc, neque alibi quidquam de deponendis Regibus, aut solvendo fidelitatis Sacramento legitur, ut in secutis posteà Canonistis. Nondum hæc decreta, nondum hi tituli vel nomine noti erant: nondum enim Gregorius VII. prodierat.

Quare cùm eodem sœculo exeunte, Robertus Rex Francorum, Hugonis Capeti filius, ea commisisset, propter quæ excommunicandus videretur, dicta quidem ea sententia est: de deponendo eo, aut de obedientiâ dengandâ nihil tentatum, nihil dictum, nihil cogitatum fuit. Sed tanta res paulò diligenter pensitanda.

(dd) *Valdonem.*] Berengarius II. Rex Italie, à se factum Comensem Episcopum, habuit in primis rebellantem. Vid. Luitprand. lib. v. cap. xij.



C A P U T X X V I I .

Eodem saeculo decimo ROBERTUS Francorum Rex excommunicatus, nulla depositionis mentione.

ROBERTI Francorum Regis historiam Baronius ex coëvis autoribus sic refert. Anno 998. Robertus incestum conjugium cum Berthâ sibi affinitate conjunctâ fecerat , cui conjugio cùm Episcopi faverent , à Gregorio V. merito reprehensi sunt. Id scribit sanctus Pontifex Leo IX. ad Henricum Roberti filium , Ivone Carnotensi referente. Èâ reprehensione commoti , omnes ferè Galliarum Episcopi virum & uxorem communī simul sententiâ excommunicavere. Petrus Damiani Cardinalis , vir doctissimus atque sanctissimus , hæc scripsit. Scriptum item in Historiæ Aquitanicæ fragmentis ; ex Pithœi collectione editis (alii historiæ Francorum fragmenta vocant) quod agnoscens (illicium nempè Roberti conjugium) Papa Gregorius totam Franciam anathemate percussit. His subdit nota illa de Berthæ monstroso partu ; (ee) quibus Robertus ad se reversus , ac deindè cum toto Regno anathemate est absolutus. Sub tam tremendo anathemate , per omnes Episcopos , atque ipsum postea Romanum Pontificem pronunciato , nemo scripsit , nemo intellexit detractum , aut detrahendum Roberto Imperium ; neque in Republicâ quidquam immutatum fuit. Quod Petrus Damiani refert , à Regis societate recessisse universos , & tantum duos servulos ad necessarii vitiū officium remansisse , vel inflatum est ab iis qui pio viro hanc historiam enarrarunt , vel ita temperandum , ut neque intermissa sint à publicis Regni administris necessaria officia , sine quibus Regna , ne modico quidem tempore stare possunt. Cæterum si publica officia vel tantillum cessassent , tali interregno , ac necessariò secutâ rerum confusione , omnes historiæ personarent.

Bar. tom.
x. an. 898.
P. 920.

Ivon. Carn.
Decr. part.
ix. cap. viij.
Pet. Da-
mian. tom.
ij. opusc.
xxxiv. ad
D. fid. Cass.
cap. vj. p.
260. vid.
Bar. loc. cit.

Pet. Dam;
loc. cit.

C A P U T X X V I I I .

Undecimi Sæculi exempla & testimonia sub LEONE IX. & VICTORE II. paulò ante GREGORIUM VII. PETRI DAMIANI ejusdem GREGORII VII. familiarissimi locus à BARONIO reprehensus.

UNDECIMO saeculo ante Gregorium VII. nemo ab antiquâ traditione discesserat.

Anno 1052. Sanctus Leo IX. profectus est in Germaniam ut inter Henricum II. Imperatorem & Andream Hungariæ Regem , post atrocias bella

(ee) De Berthæ monstroso partu ,] unum autorem appellat Baronius Petrum Damiani cuius hæc sunt verba , Suscepit filium , Anserinum per omnia collum & caput habentem. Vid. Dam. loco in textu citato.

Herman. pacem componeret. Quâ de-re Hermannus (ff) Contractus ad annum
contr. ann. cum sic habet: *Dominus Leo Papa ab Andrcâ accitus, cùm pro pace componendâ
intervenisset, Imperatorem ab obſidione avocavit, eumque ſibi per omnia con-
ſentaneum inveniens, ſed è contrâ Andream consiliis ſuis minis parentem ex-
periens, offensus, eique excommunicationem, ut potè delufâ ſede Apeſtolicâ,
minitans cum Imperatore diſceſſit. Audis excommunicationem minitans, non
fanè depositionem. Nondum hæ formulae invaluerant, nondum ille, quem
vidimus, Grégorii VII. ritus, quo minabatur Regibus, niſi obtemperarent,
ſe ab eorum obedientiâ ſubditos populos repulſurum.*

Vid. tom. Necdum eam formam noverat Victor II. anno 1055. cùm petente Im-
ix. Conc. p. peratore Henrico II. ab eo Pontifice Concilioque Turonensi (gg) decretum
1081. & ap. est: Ferdinandum Castellæ & Leonis Regem, niſi deſtitutus à cæpto, excom-
Bar. Tom. municatione percelli, & universam Hispaniam ipſi ſubjectam interdicto ſubjic-
xj. an. 1055. debere.
P. 224.

Pet. Dam. Per ea tempora Petrus Damiani, Romanæ Ecclesiæ Cardinalis, Epif-
Tom. j. lib. copus Ostiensis, Hildebrandi tum Archidiaconi Cardinalis, mox Gregorii
iv. epift. VII. familiaris, sanctitate, doctrinâ ac pœnitentiaz Christianæ mirâ laude-
ix. ad Firm. floruit. Is ab Episcopis arma tractari studiosiſſimè prohibebat: *Cum preſer-
Epifc. p. 53. tim, inquiens, inter Regnum & Sacerdotium propria cuiusque diſtinguantur
& ap. Bar. officia; ut Rex armis utatur ſeculi, & Sacerdos accingatur gladio ſpirituali;
tom. xj. an. QUI EST VERBUM DEI. De ſaculi enim Principe Paulus dicit, NON SINE
1053. pag. CAUſA GLADIUM PORTAT; DEI ENIM MINISTER EST, VINDEX IN IRAM
1896. EI QUI MALE AGIT. Ozias Rex qui Sacerdotale uſurpat officium leprâ per-
funditur: & ſi Sacerdos arma corripit, quod utique laicorum eſt, quid me-
retur? Prorsus ex priſea disciplinâ. Quæ ſi quis intellexerit, haud magis
arma, quam cæterâ temporalia ac civilia, ab Ecclesiasticâ potestate, ut qui-
dem Ecclesiastica eſt, penitus amovebit.*

Bart. ibid. Cūm autem objicerent Leonem (IX.) bellicis uſibus ſe frequenter impli-
p. 190. cuſiſſem, nihil hæc moratus exempla, respondet: *Numquid hoc le-
gitur vel egiffe, vel literis docniffe Gregorius (ille Magnus ſcilicet) qui tot
rapinas ac violentias à Longobardorum feritate eſt perpeſſus? Num Ambroſius
bellum Arianis ſe ſuamque Eccleſiam-crudeliter-infendantibus intulit? Numquid
in armo ſanctorum quispiam traditur insurrexiſſe Pontificum? Qui ſi deponi
Reges, ſubſtitui alios, atque ad ea decreta ſtatuenta, bella civilia concitari
vidiffet, eodem profecto jure inclamaturus eſſet: Num Longobardos Reges
Gregorius, aut Arianos Ambroſius deponuſſe legitur, aut aduersus eos ſan-
ctorum quispiam traditur insurrexiſſe Pontificum, aut fidélitatis sacramenta
ſolviſſe, aut ad armo ſumenda ſubditos populos incitaffe?*

Sensit Baroniū quò iſta pertinerent, atque allatis Petri Damiani verbis,
hæc adſcribere non veretur: *Huc uſque Petrus Damiani, cui Catholica dogma-
ta penitus adverſantur, quibus heresiz errore notantur omnes, qui ab Eccleſiâ*

(ff) *Hermannus]* Monachus Augiae majoris vulgo Reichenaw in Sueviâ, dictus Con-
tractus à membrorum ſuorum contractione, ſcriptis chronicon non aſternandum, quod
extat in Bibl.-Pat. tom. xviii. p. 349, ſed mutilem. Nam finit an. 1051. Itaque, aut cre-
dendum eſt Baroniū, res actas an. 1052, exſcribenti ex Hermanni chronicō, aut huic
Chronici editio Baſileenſis Christ. Hurſt. consulenda.

(gg) *Concilio Turonensi]* præterat Hildebrandus Cardinalis, ut Legatus à latere.

Romanā; Cathedrā Petri, è duobus alterum gladium auferunt, nec nisi spiritualem concedunt. En quales hærefes comminisci, & sanctissimis viris ac de sede Apostolicā bene meritissimis exprobrare non dubitant.

C A P U T . X X I X .

Eiusdem PETRI DAMIANI sub ALEXANDRO II. proximo GREGORII VII. antecessore, insignis locus, quo docet utrasque potestates, & discretas esse, & supremas & socias.

SUMMA ejus, quam tradidimus doctrinæ fuit, utrasque potestates & esse discretas, & in suo ordine supremas, & interim socias. Èâ de re extat ejusdem Petri Damiani locus egregius, quem eò diligentius notari peto, quod, ejus doctrinâ, quædam difficultates postea suborturæ facile dissolvantur.

Petrus igitur Damiani anno 1062. sub Alexandre II. proximo Gregorii VII. antecessore, adversùs Cadaloum Parmensem (hh) Antipapam scripsit dialogum, qui inscribitur, *Disceptatio synodalis*: quo in dialogo hanc tractat quæstionem: an Alexander II. sine autoritate Imperatoris ritè electus fuerit, adversùs consuetudinem, & concessa Imperatoribus privilegia. Petrus Damiani ea quidem privilegia agnoscebat: sed Regis puerilitatem ac necessitatem causabat. Quâ quidem in *Disceptatione*, multa de Regum, multa de Pontificum autoritate occurrabant; istud imprimis, quo sanctus Cardinalis sermonem conclusit: *A modo igitur, dilectissimi, illinc Regalis aula Consiliarii, hinc sedis Apostolicae comministri, utraque pars in hoc uno studio conspiremus laborantes, ut sumnum Sacerdotium, & Romanum simul confederetur Imperium; quatenus humanum genus, quod per hos duos apices in uirâque substantia regitur, nullis, quod abstat, partibus, quod per Cadaloum nuper factum est, rescindatur: sive mundi vertices, in perpetua charitatis unione occurrant, ut inferiora membra per earum discordiam non resiliant, & quatenus ab uno Mediatore Dei & hominum, hæc duo, Regnum scilicet & Sacerdotium, Divino sunt conflata mysterio; ita sublimes iste due personæ tantâ sibi unitate jungantur, ut quodam mutua charitatis glutino, & Rex in Romano Pontifice, & Romanus Pontifex in Rege, salvo scilicet suo privilegio Pape, quod nemo preter eum usurpare permittitur. Ceterum & ipse delinquentes, cum causa dictaverit, forensi lege coercent, & Rex cum suis Episcopis super animarum statu prolatâ sacrorum Canonum autoritate, de-*

Tom. ix.
Conc. pag.
1172. & int.
oper. Pet.
Dam. tom.
iii. opusc.
iv. p. 30.

(hh) *Cadaloum Parmensem.*] Hic à factiosis Henrici IV. Episcopis creatus Pontifex & Honoratus II. dictus, sèpè fruita tentavit Romanum occupare. Synodus Mantuana, utriusque Pontificis causâ ritè discutâ, solum Alexandrum Papam esse jussit; sed Cadalous, qui non diù polt exactam Synodum pessimâ morte interrit, se, quandiu vixit, quanquam à suis derelictus, gessit pro Pontifice. Vid. Bar. tom. xj. an. 1061. & seq. p. 278. & seq. Petrus Damiani suam *disceptationem synodalem* scripti, quando Concilium Osboriense in Saxoniâ coegit Anno Colonensis Archiepiscopus, qui in eâ occasione, ut in aliis bene multis, de Republ. Christianâ optimè meruit. Credibile est in eo Concilio fuisse lectam hanc *disceptationem*, quam vide apud Labbeum tom. ix. Conc.

cernat ; ille tanquam parens paterno semper jure praeamineat ; iste velut unicus ac singularis filius, in amoris illius amplexibus requiescat. Postea quam hæc scripsit vir sanctissimus paulò antè Gregorij VII. Pontificatum, moritur.

Hic ambæ potestates inter se ut duo apices comparantur : his sua in utrâque substantiâ, terrena scilicet & cœlesti, assignantur officia : ex, ut Principes, suoque in ordine supremæ, sociali tantum fœdere conjunguntur, non altera alteri in suis quidem rebus subditur ; & quo jure Regi permittitur, ut super animarum salute, sed ex Canonum autoritate decernat, eodem jure permittitur Pontifici, ut delinquentes etiam poenis temporalibus, sed forenſi lege, non innatâ sibi potestate coerceat : quæ multum aliena sunt ab eâ subordinatione, eaque in temporalibus, licet indirecta, sed tamen supremâ & absolutâ, ipsique Pontifici innatâ & congenitâ potestate, quam jactant.

Quod autem Papæ suum salvum esse vult *privilegium*, quod nemo præter eum usurpare permittitur ; hoc èd certè pertinet, ne quod proclive erat, ac per ea tempora usitatissimum, Imperator etiam verita & inconcessa tentaret, atque ut, quemadmodum subdit, Papa, tamquam Parens paterno semper jure praeamineat : non in eo profecto, ut alienum etiam invadat officium, & utramque substantiam, terrenam ac cœlestem, in ambos Divino nomine dispergitam, quocumque nomine sibi vindicet.

C A P U T X X X .

*Gesta sub ALEXANDRO II. & GREGORIO VII. usque ad incep-
tum annum 1076. dictorum in hoc libro circà primam
quaestione summa & conclusio.*

HÆC ergò societas ambarum potestatum, innato cuilibet ac supremo iure sua tutantium, sub Alexandro II. Gregorii VII. antecessore vigebat. Et ille quidem anno 1073. Henricum Teutonum atque Italæ Regem, in ordine Regum III. Imperatorum IV. Romam vocavit, ad satisfaciendum pro simoniacâ hæresi, aliisque nonnullis emendatione dignis. Sic ipse Baronius, ex Conrado Abbe Urspurgensi docet. Memorat idem Baronius, ex Lamberto (ii) Schafnaburgensi, horum temporum Historico elegantissimo pariter & diligentissimo, ausum esse Imperatorem prohibere Thuringos, ne ab Episcoporum Synodo ad sedem Apostolicam appellarent. Nihil haec tenus aliud nec in historiis, nec in citatione appetet, præter causas Ecclesiasticas. Cujus autem

Bar. tom. x. an. 1073.
p. 414. ex
Conr. Ursp.
vid.
quoq. Lam-
ber. Schafn.
eod. an.

(ii) Baronius ex Lamberto] rem sic narrat. Henricus Archiepiscopum Moguntinum modis omnibus instigavit, ut decimationes Thuringie exigeret, pollicens se ei in exigendo summâ ope affuturum, ea tamen pœnitio, ut sibi partem tribueret. Quod ut quâdam specie palliaret (nunquam enim decimationes illæ collectæ fuerant) Synodum indixit in Erfurdo, quæ Syndodus Hentico obsequentiissima fuit. At Thuringi, quos inter primi erant Fuldensis & Hervellenensis Abbates, Sedem Apostolicam appellabant. Sed Rex affirmabat, se in eum, si quis id presumfisset, capitali sententiâ animadversurum. Quibus minis tertiti Abbates, Archiepiscopo paruerunt. Vid. etiam D. FLEURY lib. lxj. n. 57. & seq.

autem pœnæ interminatione vocatus sit Imperator, an excommunicationis ut fieri solebat, an depositionis tacent Historici. Sed ipso silentio, nihil extraordinarium, aut novum intervenisse probant. Quin etiam Gregorius VII. Alexandro paulò post mortuo, negotium prosecutus, citat ille quidem Henricum anno 1076. sui Pontificatus IV. sed quâ pœnâ intentatâ Autores disertè memorant. Nempe denunciatum ei est Papæ nomine, ut se Romæ sisteret ad secundam feriam secundæ hebdomadæ in quadragesimâ; ac nisi dicto die judicio se sisteret, sciret se absque omni procrastinatione eodem die de corpore sanctæ Ecclesie, Apostolico anathemate rescindendum esse. Hæc refert Baronius ex Lamberto Schafnaburgensi. Eadem habet Autor historiæ Saxonici belli: *Si sacriss Canonibus noluisset Rex obediens existere, & excommunicatos à societate suâ repellere, se eum velut putre membrum anathematis gladio ab unitate sanctæ matris Ecclesie minabatur abscondere.* Haec tenus more Majorum, pro Ecclesiasticâ potestate, anathema, non depositionem comminatur. Quomodo huc decurrerit, ad alteram hujus tractationis partem attinet. Quamobrem hinc figamus pedem, ac reliqua in suum mittamus locum. Hic quidem demonstrasse sufficiat ad Gregorium usque VII. imò ipso Pontifice, ad annum 1076. jam incœptum, totis ferè undecim sœculis, nullum exemplum occurrere, quo delinquentes Reges à Pontificibus depositione mulctati sint, aut ullâ depositionis interminatione à gravissimis quibusque sceleribus deterriti: cùm magnis viribus magnisque animis polleret Ecclesia, ac toties eadem causæ intervenerint, propter quas Gregorius VII. ac secuti Pontifices à se id maximè fieri posse consisi sunt.

Quid autem memoro Reges? Imò, cùm tot extiterint in privatâ fortunâ impii, scelerati, hæretici, nihil unquam juris in eos Ecclesia sibi sumpsit, utcumque Ecclesia essent nocentissimi, nisi ut sacris arceret, vel à Sacerdotali ordine moveret. Cæterum in eorum bonis, fortunis, familiâ, civili ac temporali statu, nihil omnino tentavit, nihil à se immutari posse credidit. In exilium acti sunt passim hæretici, sed ab Imperatoribus: quod officium ubi Imperatores omisere, sua quidem peregit; at in temporalibus nihil aggressa Ecclesia est: mulctati auro hæretici, sed item ab Imperatoribus: non id Ecclesia decernebat, sed ab Imperatoribus decerni interdum supplicabat. Id Conciliorum acta, id Patrum monumenta testantur. Atqui Ecclesiasticæ rei plerumque conductit animadverti, non tantum in Reges, sed etiam in privatos, ac si illi ratiocinio locum damus, ab Ecclesiasticâ potestate posse ea fieri in rebus etiam temporalibus, quæ saluti animarum, reique Ecclesiasticæ necessaria videantur; haud minus privati, quam Reges suâ dignitate, honore, possessione, familiâ dejiciendi erant. Verum id Ecclesia nunquam sibi tribuit. An verò Imperatores magis quam privatos in potestate habebat? Aut quæ familias intactas relinquebat, Imperia commoveret? Absit; ac succurrit illud Tertulliani: *Quod in neminem licet, id forte nec in ipsum (Imperatorem scilicet) qui per Deum tantus est.*

Lamber.
Schafn. an.
1076. vid.
Bar. tom. xj.
pag. 476.

Tert apol.
cap. xxxvij.

CAPUT XXXI.

An valeat id quod PERRONIUS Cardinalis ad antiquitatis exempla responderit.

Har.œuv. div. p. 630. EX ante dictis verò facilè solvitur Perronii Cardinalis , tanto viro , nisi
Rom. ij. 31. vehementissimè fallor , parum digna responsio. Is celebri illâ oratione
 in Conventu totius Regni habitâ , ait : Juliani & aliorum quorundam exem-
 plis haud magis concludi , deponi non posse Reges , quâm non posse ex-
 communicari : quippe qui ut depositi non sunt , ita nec nominatim excom-
 municati. Quâ responsione nihil est vanius. Quorsum enim , quæso , perti-
 neret nominatim excommunicari Julianum , quasi non ipse se ab Ecclesiâ
 satis insolenter atque impiè abrumperet ? Aut verò non satis fureret in
 Christianos , nisi etiam ultrò exacerbarent inani illatâ contumeliâ ? Non id
 profectò res poscebat , ut excommunicarent impium & contemptorem , qui
 nihil nisi talia derideret , plebi verò Christianæ satis ipse per se execrationi
 esset. Dejicere Imperio , subtrahere ei plebis obsequium , ac robur exerci-
 tûs oportebat , si quidem fas fuisset. Quidni enim ? cùm & vires & animi
 suppeteren , neque Ecclesiæ res in gravius unquam discrimin adductæ
 fuissent. Hoc primùm : tum , si Ecclesia , primis illis sæculis , ab impiis excom-
 municandis , atque hereticis , aut sceleratis Regibus interdum abstinuit ,
 quandò satis eos existimavit notatos esse , aut alia id argumenta suaserunt ;
 at sèpè in alios Principes vim suam exeruit. An non enim Anastasium &
 Leonem Isaurum , ejusque successores , Lotharium etiam juniores Regem ,
 & alios nominatim etiam excommunicatos vidimus ? Quin Ecclesia , ipsâ
 comminatione , quid in Reges quoque posset , ostendit ? Denique , si de Re-
 gibus censura Ecclesiastica tacuissest , exerebat se certè in privatos : cùm in-
 terim Ecclesia , quantâ poterat voce in clamaret : Reges in Ecclesiasticis
 haud minùs sibi subjici , quâm cæteros , neque enim personarum acceptioñem
 esse apud Deum. Neque verò necesse est id probari , quod nemo negaverit.
 Jam verò exsurgit invicta argumentatio : censuram suam Ecclesia , suam il-
 lam à Christo traditam in irrogandis spiritualibus pœnis potestatem , ab ip-
 sâ Christianitatis origine , ubique terrarum , & semper , exeruit in Principes ,
 in privatos , in Clericos , in laicos , effectu , judicii , interminatione gravi-
 at eam , quam ipsi tribuunt , potestatem delicta coercendi per temporales
 pœnas , scilicet depositiones & privationes ipsius autoritate irrogatas , totis
 mille & quod excurrit annis , nusquam in Principes , nusquam in laicos ,
 nusquam sententiâ dictâ , nusquam interminatione demonstravit : quâm ergo
 certum est , vim illam adhibendâ dilectis pœnæ spiritualis , per se Ecclesiæ
 institutione Christi convenire ; tam perfectò certum est , vim adhibendâ pœnæ
 temporalis non ipsi à Christo esse datam , nihilque omnino est verius , quâm
 quod asserimus : potestatem illam non esse Ecclesiæ à Deo datam , quam
 tot labentibus sæculis nunquam exercuerit , nunquam agnoverit.

C A P U T X X X I I .

An ejusdem Perronii Cardinalis distinctio valeat, Paganos inter Principes & Christianos, aut Ecclesiæ fidem juratos: Romanum Imperium pridem Christianum, alia Christiana Regna; nec dum tamen memorata potestas Reges deponendi.

Quod autem idem Perronius eloquentissimus Cardinalis, miro ambitu apparatuque verborum venditabat, à Paganis Regibus maximo haberi discrimine eos Reges Regnaque, quæ jam Christo colla subdiderint, & Christum Regem agnoverint; id verò cùm sponte corruit, nullo unquam in Scripturis ac Traditione Patrum hujus discriminis vestigio; tum ex ante dictis perspicuè confutatur. Ecce enim in undecimo versamur saeculo: 600. ferè anni sunt, ex quo sanctus Remigius id quod est hic à Cardinali Perronio memoratum, Clodoveo dixit: *Mihi, depone colla, Sicamber:* nec dum aliquid inaudivimus de Regibus, judicio Ecclesiastico, Regni privatione damnandis. Atque, ut jam anteriora saecula omittamus, sexto Ecclesiæ saeculo, Anastasius; octavo, Leo Isaurus, ejusque successores fidem Ecclesiæ ejurati; & tamen haeretici ac persecutores, Romanum Imperium Romamque ipsam obtinebant: cùm multis ante saeculis sanctus Augustinus Romanum Imperium Christianum appellasset. Notum illud: haeresi Pelagianâ universam Romanam Ecclesiam, Romanumque Imperium, quod Deo propitio Christianum est, fuisse commotum. Eoque antiquior Optatus Milevitanus scripsicerat: *Ecclesiam esse in Imperio Romano, quod Libanum appellat Christus in Canticis Cantorum, cùm dicit: VENI, SPONSA MEA, VENI DE LIBANO, id est, de Imperio Romano.* Ratus, id quod erat, Romanum Imperium ipsi Evangelio, ipsique Ecclesiæ, Propheticis vocibus ac singulari providentiâ dedicatum. Quo factum, ut Roma caput gentium, in Ecclesiæ religionisque caput consecrata fuerit, Christique Imperio prisci Curii, Fabii, Scipiones, ipsi etiam Cæsares nescii, majorique vi acti, militarint.

Quin etiam sub Paganis Imperatoribus, persecutione fervente, eam cum Ecclesiâ Romani Imperii conjunctionem Patres intelligere visi, cùm Melito (kk) Sardianus in Apologiâ ad Marcum Aurelium datâ, annotaret sub Augusto incepisse prædicationem Evangelicam, eo scilicet tempore, quo Imperatores summâ cum potestate Romæ esse cœperunt, *congenitamque Imperio Romano Christianam Philosophiam*, ipsi Imperio ornamento ac præsidio fuisse; tamquam eam, quæ secuta est Romani Imperii cum Ecclesiâ Christi, societatem præfigirent.

His ergò completis, quæ Prophetica eloquia prædixerant, tamen Imperium Romanum, jam Christianum, jam Christo consecratum Constantii,

(kk) *Melito.*] Hujus apologiae, quam *propositam* vocat Eusebius, fragmenta tantum superfluit, ab Halloio Socie. Jes. collecta tom. ij. Script. Eccl. Orient. quibus fragmentis intelligimus, quanto Christianæ Reipublicæ damno reliqua perierint.

Du Perr.
loc. cit. p.
627.

Du Perr.
ibid. Greg.
Turon.hist.
lib. ij. n.; i.

August.de
pecc. Orig.
cont. Pelag.
lib. ij. cap.
xvij. tom. x.
pag. 260.
Op. Milev.
de schism.
Donat. lib.
ijj. pag. 66.
edit. Albas.
& cap. iij.
p. 52. edit.
D. Dup.
Ap. Euseb.
lib. iij. cap.
xxv.

Juliani, Valentis, Anastasii, & alii innumerabiles hæretici atque persecutores tenuerunt, nihil prohibente Ecclesiâ, cùm etiam, id quod illi gravissimum putant, ipsi Imperatores dato Sacramento, Christo Regi addicti essent.

Nempè Christiani intelligebant Imperium Romanum, hospitam in terris, atque peregrinam complexum Ecclesiam, haud minùs eadem regnandi jura servare; neque obesse religionem Imperio, quod non illa fecisset, sed omnibus numeris absolutum ingressa esset. Unde illa manârunt fancti Optati Milevitani, Donatistas increpantibus, cùm adversantibus Christianis Imperatoribus immodestè obstreperent: *Non enim Res publica est in Ecclesia, sed Ecclesia est in Republica, hoc est, in Imperio Romano, & cætera, quæ jam retulimus; quo deinde concludit: Merito Paulus docet orandum esse pro Regibus & potestatibus; etiam si talis esset Imperator, qui Gentiliter viveret: quantò quod Christianus, quantò quod Deum timens, quanto quod religiosus, quanto quod misericors?* Ut hæc quidem causa sit studiosioris obsequii in Imperatorem, quod sit Christianus: cæterum Imperium Gentili æquè ac Christiano constet. Atque hæc de Regibus hæreticis, aut propter sceleris exosis, usque ad Gregorii VII. tempora dicta sint.

ibid.

C A P U T X X X I I I .

Altera Quæstio: an nullo quoque interveniente peccato, propter Ecclesiasticam utilitatem, Reges deponendi visi sint ab Ecclesiasticâ potestate? CHILDERICUS Regum Merovingianorum ultimus. Cap. alius. 15.q. 6. ex GREGORIO VII. Glossa in illud caput: Majorum de eo capite sententia.

ALTERA pars hujus, quam impugnamus, sententiæ, est: ab Ecclesiasticâ potestate deponi Principes etiam innocuos, si id res Ecclesiæ postulârint. Jam ergo tantæ rei, quæ proferant, exempla videamus.

Primum istud produnt in Childerico Rege, medio octavo sæculo, anno scilicet Domini 752. quod imprimis notari volumus, ut statim animadvertant quām hæc tot sæculis inaudita fuerint.

Greg. vij. lib. iv. ep. ii. ad Her. m. Tom. x. Conc. pag. 149. Id. lib. viij. p. 270. Legamus posteà quomodo factum referat Gregorius VII. Zacharias Papa Regem Francorum depositus, & omnes Francigenas à vinculo juramenti, quod sibi fecerant, absolvit. Hæc libro IV. epistola II. libro vero VIII. epistola XXI. paulò fusiūs. Alius item Romanus Pontifex, (Zacharias videlicet) Regem Francorum, non tam pro suis iniquitatibus, quām pro eo quod tantæ potestati non erat utilis, à Regno depositus, & Pipinum Caroli Magni Imperatoris patrem, in ejus loco substituit, omnesque Francigenas à juramento fidelitatis, quod illi fecerant, absolvit: ex quibus Gregorii verbis conflatum est Cauf. xv. caput alius sub Gelasii nomine, à Gratiano per summam temporum inscitiam q.vi. cap. iii. editus,

Hic notanda verba quædam: primùm illa: *Non tam pro suis iniquitatibus, quam pro eo quod tanta potestati non erat utilis.* Certissimum enim est Childericum nullius sceleris fuisse accusatum: quod autem Glossa hic memorat in verbum, *inutilis*, id ita interpretandum esse, quod fuerit *dissolutus cum mulieribus & effeminatus*, absurdam interpretationem quis non videat? Sed tamen Glossatorem puduit, innocuum Principem, ac nullius unquam sceleris postulatum, tamen depositum fuisse: quare hæc falsa & inania de mulierum amoribus, nullo unquam autore, commentus est. Quod verò addit, si tantum *innuissit* fuisse, dandum ei coadjutorem, satis profectò ostendit quām parum probaret deponi Principem eo nomine, quod esset *inutilis*. Ex quibus manifestum est Glossatores Romanos, quantumvis potestati Pontificiæ faveant, adeò puduisse eorum quæ Gregorius VII. dixerit, ut ea quā poterant interpretatione mollirent.

Secundò nec repetam de verbo, *depositum*, quod idem Glossator, ut nimirum, ad hunc modum molliendum censuit: *Dicitur deposuisse qui dependentibus consensit.*

Tertiò, notandum illud: *Substituit Pipinum*, quod adeò est manifestè nimum, ut à nullo indirectæ potestatis vel studiosissimo defensore, Romano Pontifici tribui posse putem. Si enim non modò Reges ac domum regnaticem solio exturbare, verùm etiam nobilissimum Regnum, ejusque optimates, populumque universum eligendi libertate privare, sibique jus designandi Principis arrogare potest; non video jam quid in Regna non possit, aut cur non eum pro uno omnium gentium à Deo constituto Imperatore habeamus.

Quare, cùm audimus autoritate Zachariæ Pipinum Childerico fuisse substitutum, nisi intelligamus consilio id, non Imperio factum, omnino nimirum, adeoque vani sumus.

Quartò, notandum verbum illud, à *juramento fidelitatis absolvit*: quod à nullo idoneo autore proditum gesta declarabunt.

Atque hæc quidem Gregorii VII. verba sunt: quomodo autem rem omnem intellexerint, qui post eum scripsere nostri antecessores, paucis expōnere erit opera præmium.

Sunima est: *Deposuisse*, id est, deponendum consensisse, suassisse, consuluisse, idque volentibus: jam consilium à Papa, ut à *viro saviente ac Patre spirituali*, exquisitum: at si pro Imperio aliquid decrevisset, numquam permisuros fuisse Barones Regni Franciæ.

*Joan. Paris.
quæst. de
potest. Reg.
& Pap.*

Gerson vir maximus sub Carolo VI. libro, *de potestate Ecclesiastica, consideratione XII.* ad adulacionem refert, quod de depositione unius Regis Francia per Papam Zachariam dicitur, tamquam Papalis autoritas transferre possit gentes & Regna.

*Gers. de
pot. Eccl.
Conf. xij.
tom.ij. edit.
Dup. p.247.*

Almainus verò sub Ludovico XII. hæc scripsit: *Quia tunc temporis non erat Universitas Parisiensis.... Et sic pauci erant docti in Franciæ, habuerunt recursum ad Papam: adeò abhorrebat ab eo, ut putarent Francorum Regem à Papâ pro potestate fuisse depositum.*

*Alm. de
aut. Eccles.*

Neque est prætermittendum, id quod Philippi Pulchri tempore à Joanne Parisensi, nobilissimo Prædicatorii ordinis Theologo, scriptum est: *Non*

*Joan. Paris.
de potest.
Reg. & Pap.*

cap. lxxiv.
ap. Goldast. oportet ex ejusmodi factis singularibus, quæ interdum ex devotione ad Ecclesiā, vel personam Ecclesiasticā, vel ex favore, vel ex causā aliā, & non ex debito jure sunt, argumenta sumere: quo uno responso tota objectio statim concidit.

Sed quandoquidem hoc exemplo maximè abutuntur, ut rei veritas elucescat, gestorum seriem ab alto repetitam referimus. Cujus tractationis non is est scopus, ut quid jure, quid injuriā factum sit, inquiramus; sed ut statuamus seu jure, sive injuriā factum, nihil omnino ad hanc causam pertinere.

C A P U T X X X I V.

*Rei sub ZACHARIA gestæ series: Regni Francici status: evictum
hæc nihil ad nostram quæstionem pertinere.*

POSt Dagobertum I. anno Christi circiter 641. Sigeberto & Clodo-
veo II. ejus filiis, Francorum in Austrasiā & Neustriā Regibus, cœpit Majorum-domus autoritas invalescere. Exinde sub Clodovei II. liberis ac seculitis Regibus nomen ac titulus Imperii, penes Reges, vis, penes Majores domus fuit. Hi exercitibus summo jure imperitabant: Regia autoritas, etiam apud milites, vilis ac nulla habebatur.

Primus hic gradus est, quo Regia infringi cœpit autoritas: constituto scilicet totius confessione gentis ordinario Magistratu, eoque perpetuo, qui summæ rerum suo jure præcesset, militiamque omnem in potestate haberet. Neque Reges id sibi saltem reservaverant, ut eum Magistratum designarent ipsi: confessione Procerum creabatur, ac semel constitutus, inconsulto Rege, omnia peragebat.

* Metensis
Episcopi. Interim Ansegisus inclytâ stirpe prognatus, ac sancti Arnulphi * filius, Majoris-domus nomine, rerum potitus in Austrasiā, Martino & Pipino Heristello liberis (11) tantam autoritatem reliquit, ut ejus Regni Principes summo jure fierent, ad annum circiter Christi 687.

Is secundus gradus, quo Majores-domus Austrasiani Regni, summo & absoluto jure, facti Principes hæreditarii, nullâ jam in Austrasiā Regum potestate.

Huic Principatui ad se unum posteà devoluto, Pipinus Heristellus, magnâ victoriâ de Neustriis reportata, adjunxit Majoris-domus in Neustriâ potestatem, totamque Franciam suis subegit legibus, ac Francorum Princeps dictus est, anno Christi 691.

Is Austrasianus Principatum, ac Majoris-domus in Neustriâ dignitatem suis hæreditariam fecit; qui tertius gradus est. Eo autem jure Carolus Martellus

(11) *Martino & Pipino Heristello liberis.*] Levis error corrigendus est. Non enim erant uterque Ansegisi filii; nam Martinus patrem habuit Clodulphum Metensem Episcopum, Ansegisi fratrem & sancti Arnulphi filium. Vid. Mezera, & annales Eccl. Fran. P. LS COINTE tom. iv. an. 696. n. 7. p. 325.

ejus filius , Dux & Princeps Francorum fuit summâ potestate , nullo Rege in Austrasiâ , in Neustriâ diversis Regibus , sed nomine tenus : quippe quos Carolus Martellus regeret , crearet , amoveret , reficeret , prout collibitum erat. Gesta hæc sunt ab anno 714. ad annum 741. quo Carolus Martellus victoriis clarus obiit , totius Franciæ Principatu , non modo ad se translato consensione gentis , verùm etiam inter filios Carlomanum & Pipinum , summâ ac supremâ potestate diviso.

Carlomano ad annum Christi 747. Monachatum professo , Pipinus rerum potitus est : Childericus , ultimus Merovingianæ stirpis , Regis nomen obtinebat , nullâ potestate.

Nihil hactenùs de sede Apostolicâ audivimus dictum : tantæ mutationes unâ Procerum , totiusque gentis consensione factæ ; summique Principatûs vis , in sancti Arnulphi domum transit , repugnante nullo.

Hoc rerum statu , cùm Pipinus universi Francici nominis , summo cum Imperio ac totius gentis consensu , hæreditarium Principatum teneret ; Regia familia Regnum abdicâsse , seu potiùs ipsa penitus interiisse videbatur , abjectâ quidem Regni curâ , ipsâque potestate in alium Magistratum , eumque hæreditarium translatâ. Eo enim statu non unus aut alter Rex , sed tota domus Regia ; nec jam personarum vitio , sed ex ipsâ rerum constitutione erat *inutilis* : inutile quoque ac vanum ipsum nomen Regium , & quò inutile , eò etiam noxium , dissolvendæ scilicet , atque dissipandæ Republicæ natum ; neque stare poterat Regni corpus , quod in duas familias tanquam in duo capita scinderetur : cùm utraque familia , jure successionis parto , supremæ potestatis , altera vim ac rem , altera titulum propagatura esset. Cui ut incommodo mederentur , anno 749. collecti Optimates unâ cum Pipino consilium habuerunt , ut Regis nomen cum ipsâ potestate coniungerent. Placuit consulere Zachariam (mm) Papam in hanc formam , auctore hujus ævi referente : *Si ita manere deberent Franci , cùm penè nullius essent potestatis (Reges) solo Regio nomine contenti. Quibus Legatis Romanus Pontifex respondit : illum debere vocari Regem qui Rempublicam regeret. Detonso igitur Childerico , & in Monasterium detruso , mox Franci Pipinum sibi Regem constituant.*

Hic profecto videmus , ut in magnâ & ambiguâ re , exquisitum consilium , quo nullum esset gravius , sedis nempè Apostolicæ. Proposita difficultas : *An ita manere deberent Franci , Regiâ potestate scilicet à Regio nomine separatâ ?* Responsum datum : *Debere vocari Regem , qui Rempublicam regeret.* Nempè de nomine quæsิตum & responsum est , cùm de re constaret , ac vim ipsam Principatûs , totius consensu gentis penes Pipinum esse , nemo dubitaret .

Accepto responso , Pipinus Rex est constitutus , sed à Franci : *Franci , inquit , sibi Regem constituunt* ; neque enim à Pontifice postulabant , ut id ipse faceret , sed interrogabant , rectene id ipsi facturi essent.

Eamdem consultationem huic ævo proximus & Caroli Magni familiaris

Geneal.
Reg. Franc.
tom. j. Du-
ch. p. 796.

(mm) Placuit consulere Zachariam.] P. LE COINTE , inconsulto Zachariâ , rem actam fuisse probat. Vid. not. seq.

Egin. ann. Eginardus, (nn) his verbis refert: *Missi sunt Burcardus & Folradus Romanum ad Zacharian, ut consulerent Pontificem de causa Regum, qui illo tempore fuerunt in Francia, qui nomen tantum Regis, sed nullam potestatem Regiam habuerunt.* Hæc consultatio. Secutum est responsum: *melius esse illum Regem, apud quem summa potestatis confisteret.* Jam ergo potestas ipsa penes Pipinum erat, non à Pontifice concessa, sed totius confessione gentis Pipino attributa. Cætera Eginardi postea memorabimus: nunc ad autores ejus ævi redeamus.

Fredegar. Fredegarius (oo) seu ejus continuator hæc scripsit: *Quo tempore unâ cum consilio & consenſu omnium Francorum missa relatione, à jede Apostolica autoritate perceptâ, præcelsus Pipinus electione totius Francie in sedem Regni cum consecratione Episcoporum & subjectione Principum, cum Reginâ Bertradane, ut antiquitus ordo depositit, sublimatur in Regno.* (pp) Vides quâ potestate Rex sit sublimatus. Nempè electione totius Francie. Antecepit, ut in magnâ re à Francis ipsis missa relatio seu consultatio ad Zachariam Pontificem, tum ab ipso responsum, seu autoritas, quæ vox Latinè perspè consilium sonat. Neque tamen negamus justæ decisionis loco fuisse profectum à tantâ Sede, ex ipsâ totius gentis consultatione, responsum. Sed aliud est, datum ambigentibus, gravissimâ etiam autoritate, consilium, aliud, prolatum de rebus civilibus ordinandis, pro potestate decretum.

Vit. Cat. Reliqui scriptores paſſim consultum & interrogatum Zachariam referunt: Mag. per Papæ Monach.

Engolism. Ann. Mettenf. Ann. Franc. Egin. Duch. tom. ij. (nn) *Caroli Magni familiaris Eginhardus.*] Quâ fretus autoritate, Perronius in suâ ad tertium Ordinem celebri oratione, Eginhardum dixit Caroli Magni *Cancellarium*, sive, ut interpretatur D. BOSSUET, familiarem, nusquam liquet, Verum ipse Eginhardus se non esse Caroli Magni coævum satis declarat, qui nihil de ejus nativitate & infantia scriperit, quia tunc nullus in vivis erat qui notitiam horum temporum haberet. Evidem illæ affirmat Pipinum per autoritatem Romani Pontificis, ex Praefecto Palati Regem constitutum. At Eginhardum P. LE COINTE redarguit ut fabulatorum; certè eum patrum esse diligenter multis argumentum probat. Quod autem attinet ad autorem annalium, quos hic laudat D. BOSSUET, hunc P. LE COINTE, propter opinionem discrepantiam ab Eginhardo longè diversum esse contendit. Et quidem Eginhardus, in vita Caroli Magni, temporum seriem haud leviter disturbans, *Chidericm jussu Stephani Romani Pontificis exauktoratum* affirmat, quod à Zachariâ factum fuisse dicit Autor annalium, & cum eo x. aut xii. alii Annalistæ. Neque his deterretur P. LE COINTE quominus affirat, hanc exauktorationem fabulam, à Loisiliano ix. seculi Annalistâ primùm excogitatum, à ceteris deinde credunt & promulgatam fuisse. Ad fabulas quoque ablegat unctio[n]em Pipini per manus Bonifaci, assertam l.c. multorum testimonio; atque hoc unum in totâ hâc historiâ certum putat esse: nempe, *depositum Chidericum, & Pipinum elevatum in Regno suo in Sueffionis civitate anno 752.* Vid. ann. Franc. tom. v. p. 319. & seq.

(oo) *Fredegarius.*] sive ille sit, sive quispiam alias; hunc P. LE COINTE credit coævum; sed quædam in ejus textu male addita expungit verba. 1º. UNA CUM CONSILIO ET CONSENSU OMNIVM FRANCORVM, que, inquit, non differunt à sequentibus: ELECTIONE TOTIUS FRANCIE. 2º. Illa: MISSA RELATIONE A SEDE APOSTOLICA AUTORITATE ACCEPTA, quæ cùm obscura sunt, tum innuunt consultam sedem Apostolicam, suâ autoritate rem definiisse, quod P. LE COINTE à se gravissimis argumentis jam confectum putat. 3º. Delet etiam hec verba: CUM CONSECRATIONE EPISCOPORVM ET SUBJECTIONE PRINCIPVM. Nam negat consecratum fuisse Pipinum; negat etiam Magnates, seu Primates, aut Proceres Regni, per nomes PRINCIPVM ab illo autore unquam designari; quia PRINCIPES eos appellare solet, qui Majoratu Regie domus fungebantur. Vid. ibid. p. 360.

(pp) *Sublimatur in Regno.*] Antiquitus milites eum quem sibi Regem volebant, clypeo sublevatum salutabant his verbis: *Vixit Rex.*

Papæ secutam responzionem memorant : quam modò *consilium*, modò *autoritatem*, modò *consultum*, modò *mandatum*, modò pro honorificentiâ sedis Apostolicæ *jussionem*, *sanczionem*, *Imperium* etiam nonnulli appellant : quæ voces, quoniam diversissimæ virtutis sunt, ad unum sensum, ex rei gestæ serie reducuntur : nempe, ut quæ Zacharias consultus interrogatusque *responderet*, *consuleret*, *mandaret*, hoc est, ejus ævi vulgari & notâ significacione, rescriberet, id Franci Proceres, quasi *jussionis certæque autoritatis loco* spontè acciperent, atque ex Pontificis sententiâ rem gererent, eò magis, quod ipsi placita, eorumque rationibus consentanea respondisset.

Quare omnes uno ore scribunt totius electione gentis Pipinum constitutum ; qui in explicando Zachariæ decreto, *Imperi* voce usus est scriptor coætaneus, à doctissimo sanctissimoque viro Joanne Mabillonio Benedictino in opere Diplomatico relatus, hæc addit : *Pipinus Rex pius per autoritatem & Imperium Sanctæ recordationis Domini Zacharia Papa & unctionem Sancti chrismatis per manus beatorum Sacerdotum Galliarum, & electionem omnium Francorum, in Regni solio sublimatus est.*

Ergò Autorum omnium confensione liquet, Pipinum electione Franco-rum Regem fuisse factum, neque aliâ ratione dejectum Childericum: ut hæc ad Zachariam referre, proprio ac stricto, ut aiunt, verborum sensu, nihil aliud sit, quâm toti antiquitati illudere.

Cæterùm quod Bellarminus ejusque asseclæ, post Gregorium VII. de exsoluto per Zachariæ autoritatem fidelitatis Sacramento passim inculcant, nulla hujus rei apud autores istius vel proximæ ætatis mentio est; magnique interest, quid autores ipso rei gestæ tempore, vel ejus recente memoriâ scripserint, ab iis secernere, quæ posterioribus sœculis conjecturâ, vel ratiocinio addiderint; neque tantum autorum verba, sed etiam ipsa rei series contestatur, id egisse Proceres Francos; non ut Pontifex Regem pro potestate tolleret aut faceret, aut jusjurandum suo arbitrio solveret; sed tantum, ut ab ipsis, magno autore, magna res ageretur, nec plebs temerè factum arbitraretur, quod tantus Pontifex comprobâisset.

Summa est: ut in gravi & ambiguâ re quæsitum à Pontifice, an liceret Regem appellare, qui Regiâ potestate esset; responsum, id licere: responsum eâ autoritate editum, quâ nullâ sit major, pro justâ ac legitimâ decisio-ne habitum, ex eâque autoritate jam ab ipsâ gente Regnum Childerico abrogatum, atque in Pipinum translatum esse: quandoquidem non id factum est, ut Pontifex Regnum adimeret aut daret, sed ut declararet adimentum vel dandum ab iis; quibus id juris competere judicâisset.

Diplom.
D. Mabill.
Pag. 384.

C A P U T X X X V.

Clarius demonstratur hæc, utcumque se habent, nihil ad rem facere.

SED si vel maximè adversariis concedimus, Francos jurejurando à Zachariâ exsolutos, nihil hoc ad propositum. Esto enim Franci, qui nihili jam facerent Childericum, eumque solo contentum nomine Regio, rem

ipsam quodammodo abdicasse judicarent, tamquam ad cautelam, ut aiunt, & propter ipsam jurisjurandi reverentiam, à Zachariâ petierint, ut declararet illud esse irritum, eaque religione ritè exsolutos Francos; hi postea Principem jam ipsâ re nullum, neque admodum fortasse, quâ erat inscitâ atque imbecillitate, repugnantem, ipso nomine exuerint: quid hoc ad quæstionem nostram? An id propterea extorquebunt, ut Pontifex Principem pleno Imperii jure gaudentem dejicere, aut populos nihil tale cogitantes jurejurando solvere, omnia denique erga ipsos nolentes reluctantesque facere suo jure possit, quæ hîc erga volentes petentesque facta essent? Nihil est absurdius.

At quæres: cùm eò tandem devenisse videamus, ut jam fateri necesse sit, deponi posse Reges; cur non id potius Pontifici, tuendæ religionis, quâm tuendæ Reipublicæ causâ, Proceribus permittamus, cùm multò majoris sit religionis, quâm Regni incolumitas? Respondemus primùm, falsò id imputari nobis, ut quæ erga Childericum gesta sunt, tamquam proba afferamus: neque enim quidquam aliud nobis proposuimus, quâm ut de facto quæreremus, eoque exposito doceremus, totum hoc negotium, tantâ adversariorum ambitione jactatum, nihil omnino ad rem, aut ad eam, quam Pontifici assertam volunt potestatem, pertinere.

Jam si vel maximè hæc probare cogeremur, respondemus secundò ex antedictis: multò quidem esse majoris, religionis, quâm Reipublicæ incolumitatem, in genere moris, & quod attinet ad salutem animarum: quod autem attinet ad civilis societatis rationem, atque, ut vocant substantiam, non ita; quippè cùm prostratâ religione, civilis societas suo in ordine stare possit: prostratâ autem Republicâ, civilis societas jam nulla sit, quam tamen etiam penes religionis hostes manere integrum, Deus optimus, maximus, humanique generis amantissimus voluit.

Adde quoddam, eo quo erant res Franciæ statu, Regni Proceres existimâsse videantur, non tam dejiciendos Reges, quâm iis, depositâ jam Regni curâ atque commissâ potestate, dejectis, verum Regem substituendum esse, tamquam Regia familia interiisset.

Cur autem id Regni Proceribus, non Ecclesiasticæ potestati ac Romano Pontifici tribuamus, quis non videat hinc esse exortum, quoddam omnis Respublica, seu civilis societas perfecta ac libera, id jure gentium atque etiam ipso jure naturæ habeat, ut saluti suæ consulere per se ipsa possit; & ab aliis, non quidem potestatem, quæ ipsi est insita, sed consilium tantum, aliaque ejus generis exquirere debeat: quod etiam in hoc negotio à Majoribus nostris factum esse vidimus.

Jam si ad summum urgere pergent, *jussionis*, aut etiam *Imperii*, vocem, responso Pontificio attributam, cùm certissimè constet Pipinum electione Regem esse constitutum, quod tamen scriptores ad jussionem Zachariæ referunt: quæriimus ipsi vicissim, ecquid fas esse putent Romano Pontifici, ut liberæ genti de eligendo Principe pro potestate imperet? Quod cùm per se sit nimium, tum jussionis vocem ad æquiörem sensum, ut fecimus, temperandam, ipsi ultrò fatebuntur.

Iterum quæriimus, an magna esse videatur potestatis indicium, ut Za-

charias eum Regem fieri procuraret, qui jam, omnium consensu, rerum potiretur; ut profectò nec mirum sit ei multum fuisse delatum, qui consultus à Francis, quæ vellent suaderet?

Tertiò atque ultimò quærimus: si vel maximè stricto & summo jure, iussionis vocem hīc, aut Franci, aut Pontifex acciperent; ex facto singulari ecquid juris oriatur? Erraverint Majores nostri, quòd plus æquo Pontifici tribuerint: erraverit Pontifex, quòd plus æquo sibi sumpserit: quid hoc ad jus ipsum? Neque enim contendit quisquam, Pontifices Romanos ejusmodi in negotiis infallibilitate gaudere, ut propterea nobis necesse sit omnia Zachariæ gesta sensaque, ut certâ ratione nixa tueri. Neque Majores nostri uno singulari facto, tantam rem perficere potuerunt, ut Regna danda & adimenda in potestate Pontificum essent. Qui enim, quæso, factum est, ut Franci in Neustria rem ipsam, hoc est, summam potestatem, in Austrasiâ, etiam summi Principatûs nomen ab Regiâ domo in Majores-domus, aliamque domum transferrent, ac translatum jure putarent, nullâ expectatâ Pontificis iussione, ac tantùm consulerent eum, cùm jam de Regis nomine tantùm, non de ipsâ potestate Regiâ ageretur? Quid quod, & autoritatem & Regium nomen, in Hugonem Capetum, inconsulto Pontifice, contulerunt? Certa hæc argumenta sunt, totum id quod Romano Pontifici delatum semel est, occasione Pipini, non ad necessariam Romani Pontificis iussionem atque autoritatem, sed ad consultationem pro temporum ratione factam, omnino referendum.

Quare nec Romani Pontifices, qui his proximis temporibus sedem Apostolicam tenuerunt, cùm ab ipso Pipino, ejusque filio Carolo multa poscerent, id unquam in medium adduxerunt, Regnum iis à Romanâ Ecclesiâ esse concessum: quod utique nec illi, nec alii Pontifices omisissent, qui sedis Apostolicae gesta factaque magnificè commendare ac prædicare soleant. Neque Majores nostri ejus animi erant, ut de Regno Franciæ decerni à Zachariâ finerent, cum, hujus facti recente memoriâ, ad Adrianum II. minora tentantem scripserint ea quæ jam audivimus: *Dominus Papa Rex & Episcopus simul esse non potest: ejus antecessores disposuerunt ordinem Ecclesiasticum, quod suum est, & non Rempublicam, quod Regum est; non nobis præcipiat habere Regem quem commendaverit, & nos Francos servire non jubeat, quia istud jugum sui antecessores nostris antecessoribus non imposuerunt, & nos illud portare non possumus; ut non immerito Doctores nostri Gregorii VII. dicto responderint: Si quisquam Pontifex de Regno Francia pro Imperio decerneret, id Barones Regni laturos non fuisse.*

Denique si stricto jure agamus, nihil ad nostram quæstionem pertinet, quid hīc Franci, quidve Zacharias egerint, aut quo tandem modo de Regio nomine quæsierint, suaserint, decreverint: licebatque nobis hunc nodum amputare, planè respondentibus: nihil hīc ordine esse gestum, sed aut per errorem innocuum, aut etiam, si lubet, per apertam injuriam omnia perpetrata; detonsumque immeritò adolescentem Regem, & in gratiam audientioris ac valentioris acta esse omnia, adversùs insontem & invalidum, neque uno exemplo, eoque pessimo, tantam rem à nobis extorqueri posse, ut ad Pontificis arbitrium Imperia transferantur. Quo jure si ageremus,

Hincn.
tom. ij. ep.
xlij. vid. sup.
cap. xxij.

nempè adversarii statim obtumescerent. Neque enim quidquam prohibet, quominus Pipinus, magnus vir, Augusti exemplo, malè partam potestatem bene gesserit; neque eo minùs post mortuum Childericum, in eoque extinctam Merovingianam stirpem, quod statim contigit, Pipino ejusque filio, Carolo Magno, ipsâ consensione ac possessione, sua autoritas consti-tisset. Quâ defensione cùm uti jus fasque sit, agnoscant oportet, nos ad molliendam rectâ interpretatione *jussionis* vocem, & ad alia, quæ diximus, nulla causæ necessitate, sed amore veritatis, & Historicorum verbis, & ipsâ rerum serie esse deductos.

C A P U T X X X V I.

Quæritur quo jure facta sit translatio Imperii Occidentalis ad Francos: duo præmittuntur status Imperii: tum in Pontificibus, & sacro Ordine jura duplicis generis distinguuntur: Romanus Pontifex labente Imperio caput civitatis habitus.

LICERET autem eâdem ratione translatum à Græcis ad Francos Occidentalē Imperium defendere. Neque enim, quod Baronius fusè agit, tot ac tanta in Ecclesiam ac Rempublicam ex eâ translatione diffusa bona satis probant, rem ab origine certo jure nixam & constabilitam fuisse; cùm hoc plerumque habeant res humanae, ut pessimis ab initio, optimo Deo ita providente, maxima bona proveniant. Quâ unâ defensione adversariorum argumenta concidunt. Verùm alia à nobis, non causæ nostræ ratio, sed ipsa veritas poscit; neque tantùm Baronio Bellarminoque assentimur. iustum ac piam illam translationem fuisse; sed etiam aggredimur validiore eam ratione tueri, quâm quâ ipsi usi sunt.

Ut autem ex ipso tractationis ordine veritas elucescat, duo quædam cogitare nos oportet: imprimis quo loco esset Romanum Imperium, amisâ Hispaniâ, Galliâ, Africâ, Româ ipsâ toties captâ, ac vix tandem recep-tâ, Justiniani I. tempore: Italiâ verò, postquam erepta est Gothis, adeò infirmâ, ut statim Longobardis, crudelissimæ genti, pareret; exigua interim ac penè nullâ ab Imperatoribus præsidii spe, labascente scilicet etiam in Oriente Imperio, ac Saracenis, Bulgaris, aliisque barbaris undique invalescentibus. Quo etiam factum est, ut Longobardi omnia devastarent, Romamque indefensam onni vexatione premerent. Quâm autem misera, quâm omnium egena ipsa esset, jam indè à Gregorii Magni temporibus ejus testantur literæ. Sed profectò proxima excidio videbatur, postquam Constans II. Heraclii nepos ad annum 664. in Italiam transportato exercitu, Longobardos aggressus, à Grimoaldo victus profligatusque est. Quin etiam Romam receptus, deprædatus ipse est eam, quam tueri non posset, aufugitque latronis more in Siciliam. Quo statu tanta urbs à suis quoque Imperatoribus devastata, vicinis Longobardis magis magisque ludibrio ac præda fuit.

Leonis Isauri tempore, anno circiter 726. rebus in deteriora lapsis, cùm

ipse in Oriente bellis impeditus, in Occidente quoquè propter impietatem odio & contemptui haberetur, evenit illud quod Gregorius II. ad eum Imperatorem scribit. *Longobardi, inquit, & Sarmatae.... miseram Decapolim incursionibus infestarunt, ipsamque Metropolim Ravennam occuparunt, & ejectis Magistratibus tuis, proprios constituere Magistratus, & vicinas nobis sedes Regias, ipsamque Romam sic tractare studuerunt, cum tu nos defendere minimè possis.* Quæ ultima verba diligenter advertere nos oportet. Neque enim ex eo tempore Longobardi destiterunt urbem non modò assiduis deprædationibus, verùm etiam gravibus obsessionibus premere, omniq[ue] ope anniti, ut occuparent eam, quam sui jam Principes tutari non posseint. Itaque nulla omnino, collapsis rebus, spes erat, donec in Francorum auxilio acquiesceret.

Hoc primū considerari volumus: tum illud: accuratè ac subtiliter se-
cundi oportere eam potestatem, quam Christus ipse Episcopis sacroque Or-
dini, ejusque Capiti Romano Pontifici concesserit, ab eâ quam sibi tanti
nominis autoritate ac sacrorum reverentiâ comparârint.

Quid enim Episcopi, primis Ecclesiæ temporibus, in judiciis potuerint
neminem latet; probatque titulus *de Episcopali audientia* in Codice, ut
hîc alia Principum constituta omittamus. Tanta poterant, cùm necdum ali-
quid publici muneri attigissent.

Cùm autem commissos greges, paternâ charitate, etiam in negotiis se-
cularibus adjuvarent, ipsique Reipublicæ non tantum ornamenito, verùm
etiam tutelæ ac firmamento essent, eos tanta Regum ac civium charitas
& reverentia prosecuta est, ut jam Reipublicæ pars maxima, interque optimates
primi haberentur; multi etiam lapsu temporis suarum urbium Prin-
cipatum ditionemque obtinerent, quæ sacro conjuncta Ordini, & ejus di-
gnitate tanquam fundamento nixa, longè tamen absunt ab iis, quæ primæ
institutionis esse constat.

Distinguamus itaque, quæ institutionis sint, quæ sint accessionis; quæ
primaria, quæ secundaria; quæ innata, quæ annexa sint.

Pontifices Romani, quo altiore loco erant, Petri nomine ac Majestate
primū, quæ post Christum erat maxima; tum Dominæ urbis splendore
commendati, hæc annexa & secundaria longè eminentiùs obtinebant. Cœ-
pit ergò Romana Sedes, non modò in Ecclesiasticis, quod & ipsi inna-
tum, sed etiam in civilibus Majestatem habere negotiis; eo maxime tem-
pore, quo Imperatores, solutâ in Occidente Imperii vi, Romanorum Pon-
tificum fide atque observantiâ singulari, suam dignitatem in his partibus
sustentabant.

Per ea verò tempora invaluit illud quod à Gregorio II. in epistolâ I.
ad Leonem Isaurum est proditum: *Scire autem debes, inquit, ac pro certo
habere Pontifices, qui pro tempore Romæ extiterint, conciliandæ pacis causâ se-
dere tanquam parietem intergerinum, septumque medianum Orientis atque Oc-
cidentis, ac pacis arbitros ac moderatores esse; quique ante te fuerunt Impe-
ratores in hoc componendæ pacis certamine desudarunt.*

Itaque Imperatores etiam in temporalibus eorum autoritate uti cœpe-
gunt; cuius rei exemplum proferunt in legibus Imperialibus ad Occiden-

Greg. ij. ep.
i. ad Leon.
tom. Conc.
vij. p. 19. &
ap. Baron.
tom. ix. p.
79.

Cod. Ju-
tin. lib. j.
tit. iv. de
aud. Episc.
edit. Go-
thof. tom.
ij. p. 25.

Vid. loc.
sup. cit.

Vid. sup.
cap. viij.
Lib. xii. ep.
xxij. xxij.
& in edit.
Ben. lib. xij.
ep. iiij. xxix.
xxx. xxxij.

tis partes per Pontificale ministerium promulgatis. Quâ de re Gregorii Mag-
gni ad Mauricium Imperatorem jam antè relata habemus epistolam. Ex-
tant etiam ejusdem Gregorii ad Magistros Militum multæ literæ, quibus
de Republicâ, de exercitibus multa præcipit : eâ procul-dubio potestate,
quâm ab Imperatoribus atque Republicâ, Romani Pontifices jam tum mu-
tuabantur.

Romæ autem præter eam reverentiam, quam conciliabat ipfis sacrorum
dignitas ac prædicatio salutaris, cuius per totam Eccleiam Duces erant
id etiam maximæ commendationi fuit, quòd labascente Imperio Romano,
sedis Apostolicæ ac Petri toto Orbe celebrata Majestas Urbem tuebatur. Ut
enim Leonem Magnum aliosque omittamus, quos reveriti Barbari, Roma-
nos habuere mitiùs, satis profectò constat, sœvientibus Longobardis, ur-
bem indefensam Gregorii Magni prudentiâ atque autoritate stetisse. Quo-
minùs admirerè post Leonem Iaurum, Longobardis invalescentibus, totam
urbem respexisse in Pontifices; ut nihil magnæ rei, nisi eis autoribus age-
retur : quorum adeò operâ factum esse constat, ut & ad Francos atque ex-
terna auxilia Roma confugeret, & eos postea ad Imperiale culmen efferret.

Jam verò quâ potestate hæc facta sint ; an Apostolicâ illâ innatâ Ponti-
ficibus & à Christo concessâ, an verò aliâ, facile erit intelligere : satis enim
constat ad Apostolicam Romano innatam Pontificatui potestatem nullate-
nus pertinere, quæ Ecclesia Catholica tot retro seculis ignorârit ; sed ta-
men ut tota res clariùs eluceat, non jam ratiocinia, sed testimonia &
acta proferemus.

C A P U T X X X V I I .

*Res gesta à Romanâ civitate : Principibus Francis oblatus Con-
sulatus, Patriciatus delatus, concessum Imperium, autore seu
adjutore Romano Pontifice, ut Capite civitatis : testimonia
Historiorum.*

Sup. cap.
xyj. Anast.
vit. Greg.
ij. tom. vj.
Conc. pag.
1430.

RE ordimur ex eo loco Anastasi Bibliothecarii, quem jam attulimus:
nempè cùm sub Gregorio II. cognitâ Imperatoris nequitia, omnis Ita-
lia consilium init ut sibi eligerent Imperatorem. Ergò Italia id inibat consi-
lium, atque Imperatorem electura, non autem à Pontifice pro Apostolicâ
potestate factum, acceptura erat.

Addit Anastasius : Compescuit tale consilium Pontifex, autoritate eâ, quâ ei
ut providentissimo parenti, potissimum auscultabant.

Sub Gregorio III. rebus retrò sublapsis, cùm Longobardi urbem obse-
dissent, nullumque ab Imperatore expectarent auxilium Romani, ipse Pon-
tifex Gregorius III. Caroli Martelli Francorum Principis opem implora-
vit, ut eos (Romanos scilicet) à tantâ oppressione Longobardorum liberaret. Au-
tor Anastasius suo jam loco laudatus.

Sup. cap. **Quid autem de Consulatu, deque abijiendo Imperatore actum sit, jam**

constitit ex his Annalium verbis : *Epistolam quoque decreto Romanorum Principum sibi* (Carolo Martello videlicet) miserat Gregorius, quod se populus Romanus, reliqua Imperatoris dominatione, ad suam defensionem & invictam clementiam convertere voluisse. Causa ergo rei, necessaria defensio ab invicto Principe postulata: autores qui statuerent, Optimates Populusque Romanus, quorum etiam decreto haec Pontifex scripsit. Non ergo Pontifex ipse pro Apostolicâ potestate; sed Senatus Populusque Romanus decernebant. Pontifice autem adjutore utebantur, quod & suos Pontifices impensisimè colerent, & apud exterros, pro suæ sedis Majestate, summo honori haberri intelligerent.

xvij. Bar.
an. 740. P.
131.

Nihil tum actum est cum Francis, Carolo Martello statim mortuo, ac Romanorum rebus ad sortem aliquantò meliorem, sub Zachariâ Pontifice, conversis. At Stephano II. Pontifice, ac Pipino Martelli filio, jam Rege constituto, eò res devenere, ut Pontifex Romanique se Francis necessariò addicerent: cum præstabilius esset eos sub tutelâ Francorum esse salvos, quam nullâ tutelâ, sibi æquè & Romano Imperio interire. Tùm primùm Pipinus Patricii titulo insignitus, qui Magistratus, post Imperatorem, amplissimâ dignitate potestateque erat. Quomodo autem & quandò Pipino delatus fit, nullæ historiæ produnt: verum haud dubium, quin eadem autoritate, quâ antea Consulatus, Carolo Martello oblatus est, Senatus scilicet Populique Romani: ii nempe, qui tantum Carolo Principi Consulatum, minorem tûm dignitatem obtulerant; iidem Pipino Regi ampliorē, Patriciatum scilicet detulerunt.

Certè Patriciatum, secutis etiam longè postea temporibus, cum Romani Pontificis sola penè in urbe wigeret autoritas, tamen à Romanis Proceribus concedi solitum, testantur haec à Guillermo Malmesburiensi * scripta de coronatione Henrici V. Regis: *Imperatori exenti de caméra, & suis Regalibus exuto, occurrerunt Romani Patricii, cum aureo circulo, quem imposuerunt Imperatori in capite, & per eum dederunt sibi summum Patriciatum Romanae urbis, communis consensu omnium & animo volenti.* Quæ veterum consuetudinum rituumqñ reliquiæ satis indicant Patriciatum Urbis à Senatu Populoque Romano, anteactis temporibus fuisse concessum, approbante quidem, sive instigante Romano Pontifice, qui pro suæ sedis reverentiâ Caput Senatus ac Romanæ civitatis haberetur.

* Anglo
Historico
Guill. Mal-
mesb. lib.v.
vid. tom. x.
Conc. pag.
781.

Exinde Aistulphus ac Desiderius fœdisfragi Longobardorum Reges, à Pipino & ejus filio Carolo Magno contriti: Romani Pontifices multa donatio ditione, multis civitatibus justo pioque bello captis: Carolus pulso Desiderio, Rex Francorum & Longobardorum atque Italiae est appellatus, Patricij quoque dignitate hereditariâ; res Urbis administrabat, Pontifices Romanos conjunctissimos sibi, potestate atque opibus augebat.

Posteaquam Leo III. vir sanctissimus, Romæ affectus infandis contumeliis, multorumque criminum postulatus est, venit sanè ad Carolum; sed Historici memorant prius à Pontifice missos ad Michaëlem Græcorum Imperatorem Legatos, (99) qui ab eo paterent, ut Procerum Romanorum

(99). Missos ad Michaelem Legatos] à Leone III. memorat Monachus San-Gallenensis, gravi peccatis traxeripos, ut recolenti temporum notas manifestum fiet. Nam Leo an. 795. Pon-

Monach.
an - Gill
lib. i. cap.
xxvij. Du-
ch. tom. ij.
pa g 18.

furores pro potestate compesceret : adeò Imperatoriam potestatem agnoscet.

A Michaële contemptus , confugit ad Carolum ; atque is ad annum 800. Romam ire perrexit , ut res Urbis perturbatissimas , Patricii auctoritate componeret. De Leonis percussoribus , item de objectis sancto Pontifici criminibus , quæstionem habuit. Quo tempore , Constantiopolis mortuo Constantino Irenes filio , ipsi Irene delatum Imperium est. Èâ de re Annales Moissiacenses vetustissimi & coævi hæc habent : *Anno DCCCI. cùm apud Romanam moraretur Rcx Carolus, Nuntii delati sunt ad eum dicentes : quòd apud Gracos nomen Imperatoris cessasset, & fœmineum Imperium apud se haberent. Tunc visum est ipsi Apostolico Leoni, & universis sanctis Patribus, qui in ipso Concilio aderant, seu reliquo Christiano populo, ut ipsum Carolum Regem Francorum, Imperatorem nominare debuissent; quia ipsam Romanam matrem Imperii tenebat, ubi semper Cesares & Imperatores sedere soliti fuerant, seu rcliquas sedes (puta Mediolanum, Treverim, cæteras) quas ipse in Italiâ & Galliâ nec non & Germaniâ tenebat; quia Deus omnipotens has omnes sedes in potestate ejus concessit; &, ne Pagani insultarent Christianis, ideo justum esse videbatur ut ipse cum Dci adjutorio, & universo populo Christiano petente, ipsum nomen haberet. Quorum petitionem ipse Carolus Rex denegare noluit; sed cum omni humilitate subjectus Dœo & petitioni Sacerdotum & universi Christiani populi, in ipsâ nativitate Domini nostri JESU-CHRISTI, ipsum nomen Imperatoris, cum consecratione Domni Leonis Papæ suscepit; ex tunc autem Imperator & Augustus est appellatus. Hæc ille, qui rem ejusque causas ac modum diligentissime enarravit. Eginardus &cæteri summatim: Die natalis Domini ad Missarum solennia, coram altari & Confessione sancti Petri; coronam ei à Leone impositam, cuncto Romanorum populo acclamante: Carolo Augusto à Deo coronato magno & pacifico Imperatori vita & victoria. Post quas laudes, ab omnibus atque ab ipso Pontifice, more antiquorum Principum; adoratum, atque omisso Patricii nomine, Imperatorem & Augustum appellatum fuisse, ordinatisque rebus, Româ discessisse.*

Ex his ergò patet, quomodo fuerit Romanum Imperium consecutus: *Quòd ita visum esset Apostolico Leoni, & universis sanctis Patribus, & reliquo Christiano Populo. Acclamatio autem populi universi Carolum Augustum & Imperatorem appellantis, ipsissima erat electio per acclamationem; antiquo more. Quòd factum esse narrant, ut jam non Patricius, sed Augustus & Imperator diceretur.*

Hoc ita gestum esse confirmat Anscharius, sub Ludovico Pio Caroli Magni filio. Is in vitâ Sancti Willehadi, I. Bremensis Episcopi, hæc scribit: *Mabill. fac. Bened. tom. iij. part. iij. pag. 107. Si quidem Imperialis potestas, que post Constantinum Augustum apud Gracos, in Constantinopolitanâ hactenus regnaverat civitate, cùm, deficientibus jam ini- bi Regalis prosapie Principibus, fœmineâ magis directione, res administraretur publica*

tifex factus est, Constantino & Irene Imperatoribus: an. 797. sola Irenes, mortuo Constantino, imperavit: an. 799. Leo Romæ contumelias affectus est: an. 800. Romanum venit Carolus, adhuc imperante Irene, qua an. 802. è folio disturbata, successorem habuit Nicephorum, quo à Bulgariis occiso, an. 811. Michael I. Cuperpalates Imperator renuntiatus est; post quam per duodecim ferè annos, Carolus Occidentis Imperium tenuisset,

*Ann. M. iff.
Duch. tom.
iij. p. 143.*

*Duch. tom.
iij. pag. 251.
Ann. Met.
Fuld. & alii
an. 801.*

publica, temporibus ipsius, per electionem Romani Populi in maximo Episcoporum aliorumque Dei servorum Consilio, ad Francorum translatum est Dominium; quoniam & ipse eamdem, quæ Caput Imperii fuerat, & multas alias tunc in Orbe tenere videbatur Provincias, ob quod, & jure Cæsareæ dignus videretur appellatione.

Sic igitur Imperium Romanum delatum est ad Carolum; atque eâ quidem in re, Apostolici Leonis, ut qui civitatis Caput haberetur, præcessit autoritas: universi populi, qui rem firmaret, consensus accessit. Ab eo fonte Imperium manavit ad Francos.

C A P U T X X X V I I I .

Quo jure Romana civitas ad Francorum Principum tutelam confugerit, ac postea illis Imperium dederit.

JA M quo jure Pontifex ac Populus Romanus id agerent, ex relatis Historicū testimoniis liquet: primū, quod vacaret Imperium, mortuo Constantino Irenes filio: quod Romani Irenen præter morem electam, ac fœmineum Imperium pati nollent: quod Roma Mater & Caput Imperii, atque sedes antiqua Cæsarum: quod ea aliæque Imperatoriae urbes in Caroli potestate essent, & quidem justâ & necessariâ tutelâ, justis piisque bellis: quod Carolus ipsâ re, summâ scilicet potestate potitus & tantâ ditione clarus, Imperatorii nominis Majestatem, Christianique populi dignitatem egregiè tueretur.

Huc accessit, quod Italiam pio bello partam obtineret, eamque per tot sœcula Barbaris prædæ datam, Romanus Imperator habiturus esset; neque mente exciderat quantò Reipublicæ Romæque & Italiae totiusque Latini nominis detimento, Imperium in Orientem translatum esset. Occurrebat Orientalium Cæsarum tanta imbecillitas, quæ vix Orientem tueretur, ne-dum Occidenti op̄i esset: Roma ipsa ab iplis toties destituta, suo jure Imperatorem reposcebat, cuius Majestate ac viribus pristinam dignitatem tueri, ac saltem incolumis permanere posset.

Neque obstat quod hic objicit Bellarminus: ex quo Imperium Constantinopolim translatum fuit, non solitos fuisse Principes Romæ elevari: quasi verò non magis ab omni consuetudine abhorreret, fuisse constitutos eos, ut ipse arbitratur, per Ecclesiasticam potestatem. Quis autem ferat Bellarminum, novas causas commentum, improbare eas, quæ ab antiquis autoribus afferantur? Quidquid enim dicat, rem, ut narravimus, ita factam esse constat. Neque verò tum cogitabant Italiam totam, imò verò ipsam Romanam Imperii Caput, suo jure excidisse. Romanam enim habitam semper fuisse pro Imperii Capite, vel hæc Gallæ Placidæ Augustæ ad Theodosium Juniorem filium verba testantur: *Decet nos huic maximè civitati, quæ Domina omnium est civitatum, in omnibus reverentiam conservare.* Neque verò adeò sui oblita erat Roma, ut non etiam meminisset, anteacto

Tomus I.

K k

Ep.gall.pla-
cid. part. i.
Conc Chal-
ced.tom.iv.
Conc.p.45.

sæculo, Constantem Heraclii nepotem, de reducendo Romam, tanquam ad propriam sedem, Imperio cogitasse; ac Philippicum Bardanem (rr) in Oriente electum, à Populo Romano non fuisse receptum, vetitumque ne ejus literæ legerentur, aut admitterentur imagines; quod hæresim Monothelitarum fuisset professus. Licuisse item putabant iisdem Romanis abjicere fœmineum Imperium, & immerito queri Græcos, si Romani priscæ virtutis recordati, viro maximo Carolo se tradarent, quo Imperium ipsum, non Græcis erexit, sed in proprias sedes remeasse videretur.

Jam ut concludamus: cum in hâc Romanorum ac Francorum historiâ duo sint: primùm, quod Romani confugerint ad Francos; alterum, quod eos Imperatores elegerint, illius causa fuit ipsa necessitas, & ab Imperatoribus derelicta Respublica, conclamatæque res, ac salus populi suprema lex; hujus autem Imperii vacatio, fœminæ electio, Romanæ urbis dignitas, ipsius Caroli amplitudo & in Populum ac Romanam Ecclesiam merita: ad hæc claritudo Francicæ gentis ac tutela necessaria, adversus Saracenos aliosque Barbaros undique ingruentes: quæ quidem Romanos impellebant, ut Urbi consulerent; eamque rem postea solennibus pactis cum Orientalibus Imperatoribus firmatam esse constat.

Quâ autem autoritate Romanus Pontifex hîc intervenerit, primamque personam gesserit, obscurum non est: satis enim ostendit, non id à se decerni pro Apostolicâ potestate, qui sibi Senatus Populique Romani nomen, decretum, autoritatem adjungit. Egit ergo illâ annexâ & acquisitâ secundariâ potestate, quâ populos sibi hæc ultro deferente Caput Civitatis, ac magnæ cujusque rei autor habebatur.

Cùm ergò fontem ipsum caputque teneamus, quæ deinde secura sint omittere poteramus, satisque nobis est, non præcise religionis, sed tuendi Imperii causâ; neque per Ecclesiam, sed per Civitatem Imperium ad Francos esse translatum.

Cur autem maluerimus, hanc mutationem ad Civitatis, quam ad religionis tuendæ necessitatem, atque ad temporalem potius, quam ad Ecclesiasticam à Christo concessam referre potestatem, duæ causæ impulerunt: primùm, ipsæ res gestæ. Invenimus enim in gestis, quæsitæ tutelæ Francorum causam fuisse ipsam Reipublicæ tuendæ necessitatem; neque ullum fuisse religioni metum à Catholicissimâ muliere Irene, à quâ tamen ablatum Imperium est. Altera autem causa est, quam suprà in Childerici negotio protulimus, sed tamen insarciri eam & inculcari oportet; nempe; quod apud omnes constet, etiam cum hæresi stare Rempublicam, quantum ad civilem societatem attinet, omnibus numeris absolutam; quæ Capite, defensione, viribus necessariis, aperte destituta, prostrata jam ac nulla sit; sibique adeò, ne pereat, ipso naturæ ac gentium jure, per se se providere poslit.

(rr) *Philippicum Bardanem*] Stupiditate & impietate portento quid simile fuisse tradunt Historici. Is, occiso per proditionem Justiniano juniore, anno 711. Imperium invasit, de quo, post biennium, à Magnatibus dejectus est. Vid. Theoph.

C A P U T X X X I X.

CAROLUS CALVUS à Romanâ Civitate Imperator, à Regni Proceribus Rex Italiam designatur.

QUANQUAM ea, quæ à nobis dicta sunt, nostræ quæstioni planè sufficient; tamen addimus ad cumulum, quâ ratione modoque Carolus Magnus ad Imperium electus est, electione scilicet Civitatis; eâdem ratione modoque electos esse secutos Imperatores, quoties eò devenere res, ut electione opus esse videretur.

Electio autem opus esse plerumque reputabant, cùm Imperatores sine liberis decederent, ac recta linea defecisset. Et quidem, post Carolum Magnum, Ludovicus filius, ab ipso Carolo iussus, Coronam auream patris detractam capite, (ss) & super altare positam, elevavit, & capiti suo imposuit: ut eam à Deo solo habere videretur. Id Aquisgrani factum Theganus memorat. Lótharius Ludovici filius, à Patre assumptus ad Imperii consortium, atque exinde Augustus appellatus; quo jure Ludovicus, Lotharii filius, itidem Imperator factus est. Postquam Ludovicus sine liberis est mortuus, inter ejus patruos, Ludovicum Germanicum, & Carolum Calvum Ludovici Pii filios, de Regno Italiam, deque Imperio, quasi æquo jure certatum est: cùm inter fratres, fratri, fratrisque filiis succedentes, jura primogenituræ obscura adhuc, neandum ipso usu fatis constabilita essent. Ergò Ludovico sperto, majore licet, electus est Carolus, primùm in Imperatorem, exinde in Italiam Regem. Sed quo ordine modoque, fatis docet vel illa Annalium Fuldis, qui Ludovico earum partium Regi favent, vehemens inventiva in Carolum: Is enim, aiunt, quantâ potuit velocitate Romam profectus est, omnemque Senatum Populi Romani, more Jugurthino, corrupti sibiique sociavit; ita ut etiam Joannes Papa, votis ejus annuens, coronâ capiti ejus impositâ, cum Imperatorem & Angustum appellare precepisset.

Quinam electuri essent, ipsa corruptio Romani Senatus Carolo impunita probat. Quin ipsa habemus acta præ manibus. Extat Concilium Romanum anno 877. habitum, in quo Joannes VIII. agens de Caroli protectione anno 876. Romæ factâ, quam hic anno 877. confirmari petebat, sic ait: *Elegimus hunc meritò & approbarimus, unâ cum annisu & voto omnium Fratrum & Coepiscoporum nostrorum, atque aliorum sanctâ Romana Ecclesie Ministrorum, amplique Senatus, totiusque Populi Romani gentisque togata; & secundum priscam consuetudinem solemniter ad Imperii Romani sceptrâ*

Theg. de
gest. Lud.
Pii cap. vi.
Duch. tom.
ij. p. 276.

Ann. Fuldis.
tom. ij. Du-
ch. an. 776.
pag. 569.

Concil.
Rom. an.
877. tom.
ix. Conc. p.
296.

(ss) *Patris detractam capite.*] Expungenda sunt hæc verba, amanuensis incogitantiâ, in extum D. Bossuet perperam intrufa, & Thegano contraria, qui nempe sic habet loco citato: *Ornavit se (Carolus) cultu Regio, & coronam capiti suo imposuit... Super altare corona aliam quam ipse gestabat, in capite suo iussit ponit. Hanc coronam aliam jubetur Ludovicus capiti suo inponere, non eam quam ipse gestabat Carolus, qui nempè Imperii confortem adsciebat Ludovicum, non Imperium abdicabat. Hoc idè fuit annotandum, ne vel levis error falleret, & in errores induceret graviores.*

proveximus & Augustali nomine decoravimus, ungentes eum oleo extrinsecus, &c. Quo loco in designando Principe, non modo Joannis VIII. qui Caput Civitatis, & Coepiscoporum, qui Regni inter Proceres haberentur, sed etiam Senatus Populique Romani actio & consensio satis claret, eo quoque tempore, quo Romanos Pontifices, lapsis Imperii rebus, ad majorem etiam in temporalibus, potestatem evectos esse constat.

Posteaquam eo ritu Carolus Imperator est factus, ab Italiæ Episcopis & Optimatibus Regnum Italicum est consecutus, distinctâ actione, in hanc formam quam habemus in Concilio Ticinensi: *Gloriosissimo & à Deo coronato magno Imperatori, Domino nostro Carolo perpetuo Augusto: nos quidem omnes Episcopi, Abbates, Comites ac reliqui, qui nobiscum convenerunt Italici Regni Optimates.... jam quia Divina pietas vos beatorum Principum Apostolorum Petri & Pauli interventione, per vicarium ipsorum Dominum videlicet Joannem.... ad profectum sanctæ Dei Ecclesie, nostrorumque omnium, invitavit, & ad Imperiale culmen sancti Spiritus judicio provexit, nos unanimiter, vos protectorem, Dominum ac defensorem omnium nostrorum elegimus.* Subscribunt Episcopi & Optimates. Ita cum Carolus, Joanne VIII. autore, Imperator factus esset, Episcopi & Optimates declarant, se quidem eo exemplo ductos esse; ceterum propriâ distinctâque actione eundem Principem, in Regem quoque suum à se fuisse electum. Quæ non satis à Baronio distincta, hic ad ampliorem rerum elucidationem advertimus; quod scilicet pateat Imperium ac Italiæ Regnum, quæ ille confudit, & re, & nomine, fuisse sejuncta; & utrumque, non nisi Procerum electione, in Carolum Calvum fuisse collatum.

C A P U T X L.

Gesta sub reliquis Carolinis Principibus: eâ stirpe extinctâ turbæ:
O T H O I. Imperator: Imperii translatio ad Germanos sub:
O T H O N E III. Qualis memoretur à BARONIO: Quæ omnia
nihil ad nos.

Ann. Met.
an. 881. Du
ch. tom. iij.
pag. 318.

CAROLO Calvo mortuo, Carolus Crassus, Ludovici Germanici, Caroli Calvi fratri filius, Longobardorum fines occupavit, ac in paucis diebus totam Italiam in deditonem accepit, & Romam perveniens, à Praefule Apostolice sedis Joanne (VIII. scilicet) & Senatu Romanorum favorabiliter exceptus, cum magnâ gloriâ, Imperator creatus est. Sic Annales Metenses. anno DCCCI.XXXI.

Ann. Fuld.
an. 891. Du
ch. tom. ij.
pag. 581.

Post Carolum Crassum, ejus fratri filius, Arnulphus Germaniæ Rex, à Formoso Papâ, in Guidonem (tt) Tyrannum, ut Annales Fuldenses prudunt, Romam accitus est, & captâ urbe, Imperator coronatus. Quo loco

(tt) In Guidonem.] Guido Dux Spoletinus, Caroli Magni ex filiâ pronepos, post mortem Caroli Crassi Italiam occupavit, ipsamque Romani, & à Formoso Papâ Imperator unctus est.

solius Papæ fit mentio, crescente potentia Romanorum Pontificum. Nec dum tamen penitus Romanæ Civitatis extinctam autoritatem sequentia demonstrabunt. Arnulpho autem ad annum Christi 900. mortuo, paulò post interiit Ludovicus ejus filius, ætate puerili, & frater Zwentiboldus * simulque tota ea pars Carolinæ familiæ, quæ Germaniam obtinebat. Qui verò Carolini tum in Franciâ supererant, cum vix eam retinere possent, de Germaniâ & Italiâ ne quidem cogitabant; fuitque Arnulphus ultimus ejus stirpis, qui Imperio, Italiâ, Germaniâque potiretur.

Exinde Germania sibi delegit Reges; Italiam & Romam per 60. annos validissimus quisque occupabat, seu potius prædabatur; quoad Joannes XII., Othonem I. Germaniæ seu Teutonum Regein, sibi ac Romanæ urbi defensorum accivit.

Atque is anno 951. ducet Adelaïde, viduâ Lotharii Regis Italici, eo Regno potitus, posteà à Joanne XII. Imperator coronatus est. Quo autem ritu id factum sit, Regino (uu) memorat: anno 962. Rex natalem Domini celebravit, indeque progrediens, Roma favorabiliter suscepitus, totius acclamacione Romani Populi & Cleri, ab Apostolico Joanne filio Alberici, Imperator & Augustus vocatur & ordinatur.

De eodem Otho Friesingensis: Otho gloriosus Rex ad urbem progrediens, honorifice à summo Pontifice Joanne ac toto Populo Romano suscepitus, applaudentibus cunctis, Imperatoris & Augusti nomen sortitur. Quo ritu populi consensum atque approbationem contineri & explicari vidimus.

Otho II. primi ac III. secundi filius hæreditario jure Imperium adepti sunt. Otho III. sine hærede est mortuus.

Per ea tempora Imperium à Francis ad Teutones translatum esse memorant: in cuius translationis origine sub Othoni I. scilicet, Populi Romani, ut vidimus, consensus apparuit.

Quod autem Otho I. ad liberos suos hæreditarium transtulit Imperium; quodque, ejus stirpe extinctâ, Teutonibus rursus firmatum Imperium est, totum id Baronius (xx) à Romanis Pontificibus factum esse contendit: atque Othoni quidem I. anno 964. ab ipsis Pontificibus id esse concessum, ut successores designaret; tum deficiente ejus stirpe, aliter consulendum Imperio fuisse; remque ad electionem Germanorum redactam per Gregorium V. Pontificem è Germanis assumptum, ab eoque Pontifice Electores creatos, atque hæc omnia facta in Synodo Romanâ, anno 996. (yy) de-

* Ex concubinâ natus, quem pater ejus Arnulphus Lotharingiae Regem constituerat.

* Adversus Albertum & filium ejus Berengarium II. Regin. Chron. lib. ii. an. 961. 962.

Oth. Friesing. Chron. lib. vij. cap. xxij. p. 129.

Bar. tom: x. an. 964. p. 783. 784. an. 996. p. 909. vid. Oth. Fris. loc. cit. cap. xvij.

(uu) Regino.] Non Regino, cuius Chronicon deficit an. 908. sed ipsius continuator, qui annum 972. explevit.

(xx) Baronius] qui an. 964. Leonem VIII. Antipapam, & ejus diploma nullius ponderis esse pronuntiat, non alio utitur diplomate an. 996. ut ostendat hoc privilegium indubia Pontificis autoritate Germanis Imperatoribus fuisse concessum. Certè operam luderet quisquis Baronium cum Baronio non semel pugnantem studeret compondere.

(yy) Electores creates... in Synodo Romanâ an. 996.] à Gregorio V. dicunt Baronius & Authoritarum Pontificum. Sed 1º. Synodale de hac re decretum nullum extat in actis Pontificum & Imperatorum, nullum in coœvis Historicis. 2º. Constar, defuncto Othono III. per 200. annos, Imperatorem in generalibus Germaniæ Comitis, ab omnibus, non à septem tantum Principibus electum fuisse. Quomodo & quando jus illud ad septem Electores venerit, incertum est. Plerique autem, post electum Fridericuni II. an. 1210. in Comitiis generalibus, Germanos Primates jus deinceps eligendi Imperatorem septem primo-

quibus litigare non est animus. Neque enim ulla tenus pertinent ad nostram quæstionem, postquam ex ipsâ rerum serie ac gestorum fide semel demonstravimus, Pontificiam in ordinando Imperio potestatem inde manâsse; non quod Pontifices id à Christo juris acceperint (nemo enim id sanus dixerit) sed quod à Deo tantâ rerum spiritualium potestate donati, ejus potestatis sacrûe Principatûs reverentiâ, eam sibi etiam in temporalibus conciliauerint autoritatem, quæ sensim per diversas temporum vices ac vicissitudines, ad ordinandum quoque illud, quale nunc est Romano-Germanicum Imperium perveniret.

C A P U T X L I.

In transferendo Imperio ad Germanos, teste BARONIO, consensu intervenit Romanæ civitatis: quæ tamen omnia, & inde secuta nihil ad nos.

QUANQUAM ergò hæc nihil ad nos pertinent, attamen ut appareat in iis quoque elucere, non modo Ecclesiæ, sed etiam civitatis autoritatem, placet narrare paucis, quomodo hæc Baronius disponenda putaverit.

Bar. tom. x. an. 996. p. 909. Is ad annum 996. hæc habet: *Cum eo jure carerent (77) Imperatores, ut successores sibi deligerent, Magno Othoni id primum à Romano Pontifice concessum reperitur. Id ut probet, profert Leonis VIII. decretum in hanc formam: Leo Episcopus servus servorum Dei, cum toto Clero & Romano Populo 964. p. 783. 784. constituiimus, & confirmamus, & roboramus, & per nostram Apostolicam autoritatem concedimus, atque largimur Domno Otoni, Regi Teutonicorum, & ejus successoribus, hujus Regni Italia in perpetuum facultatem eligendi successorem.*

Ibid. an. 996. loc. cit. Hæc autem ad Italiam Regnum spectantia, ut ad Imperium protendantur, addit Baronius, successorem hîc intelligi *in Regnum Italia primò, inde in Imperium promovendum*; atque ita in Othonis Germanorum Regis personam translatum ad Germanos Imperium. Hæc quidem valeant quantum Baronio placuerit. Cæterum id liquet, decretum istud Leonis esse conditum *cum toto Clero & Populo Romano*; ut in eâ concessione non modò Cleri, sed etiam Populi Romani autoritas elucescat.

Docet Baronius hujus decreti autoritate factum, ut Otho I. successorem hæreditarium haberet Othonem II. hic Othonem III. quâ successione Germanis Imperium confirmatum fuerit.

ribus Imperii Ministris ultrò detulisse. Vid. Albert. Stad. & alios. Ne igitur credas D. Bossuet Baronianæ sententiae patrocinari. Concedit more scolæ totum argumentum, ea quod, sive verum sit, sive falsum, cause sive non noceat.

[77] *Jure carerent, &c.*] Baronius falso affirmat, *Imperatores caruisse jure deligendi sibi successores, antequam id à Romano Pontifice concessum fuerit.* Nam quo jure primi Imperatores eos delegerunt, qui in partem Imperii venirent, & Cæsares aut Augusti vocarentur, eo Carolus Magnus Ludovicum Pium Imperii sibi socium adscivit, & Ludovicus Lotharium.

Alio sanè loco multis agit Baronius, & Leonem VIII. non verum fuisse Pontificem, & ipsum diploma esse falsum, à Gratiano licet allegatum. Ut cunque est, non alio titulo utitur ad asserendam postea Romano Pontifici Romani Imperii ordinandi potestatem. Credo, quod in his, falsis licet, aliqua à fallatoribus veri ratio habeatur, ne absonta penitus & absurdamente confingant, aut quod falsis etiam, postquam consuetudine approbata sunt, ex ipsa approbatione accedit autoritas. Quare ex ipso Baronio, haud à vero alienum est, eam mutationem atque Imperii translationem ad Germanos, consensu Populi esse factam, inque Imperio ordinando, ad annum usque 964. retentam eam formam, quæ in Carolo Magno primùm enituit.

Eam postea formam, stirpe Othonum extinctā, Gregorius V. immutārit in suorum Germanorum gratiam, electionem totam eis ita attribuerit, ut, in ordinando Romano Imperio, nulla jam Populi Romani ratio habeatur: jus illud quod habent Romani Imperii Electores ad illos ab Apostolicā Sede pervenerit, ut est ab Innocentio III. dictum, capite venerabilem de electione: valeant denique vigeantque omnia, quæ idem Innocentius, postremis licet sacerulis, ejusque successores, in Decretalibus, inque Clementinis, aut quoconque sub titulo, in Imperatorem Romano-Germanicum sibi tribuerunt: electum eum, Romanus Pontifex confirmet, reprobet, ad propriè dictum fidelitatis juramentum adigit; sitque Imperatoris superior ait que ordinarius iudex, tantâ autoritate ut ejus judicia irritare possit, quod habet Clementina Pastoralis, titulo de sententia & re judicata; quamquam hīc quædam à doctis etiam Catholicis, Onuphrio & aliis in dubium revocata, quædam ut nimia ipso usu obsoleta fuisse videantur; tamen quantum attinet ad nostram quæstionem, haud gravatè concedimus, dummodò reclusis fontibus recognoscere liceat, autoritatem illam Romani Pontificis, non à Christo quidem, sed à Populi Romani, ipsiusque civitatis consensione cœpisse.

Quā etiam ratione amplectimur id, quod est ab Innocentio III. de Apostolicā sede proditum, quæ Romanum, inquit, Imperium in personā magnifici Caroli à Gracis transfūlit in Germanos, eodem capite venerabilem. Hæc, inquam, facilè admittimus, quatenus scilicet Carolus Magnus Francique Reges, Germana propago, suasore & adjutore Leone III. à totâ urbe Romanâ pro magnis in Eccleiam urbemque meritis, ad Imperium evēcti sunt. Cæterū illud omne, & ea quæ per gradus ab illo initio, in Romano-Germanicum, quale nunc est, Imperium, Romanorum Pontificum jura creverunt, ea ad Reges cæteros ac Regiae dignitatis statum nullo modo pertinere satis demonstravimus; meritòque est responsum à Majoribus nostris, cùm eis objicerentur Friderici depositi: verum id quidem esse de Imperatore, cuius Romanus Pontifex in temporalibus superior esset, non de cæteris Regibus.

Ibid. an.
964. jam
sup. cit.
Grat. Dist.
lxij. cap.
xxij. in Sy-
nodo.

Extr. Greg.
ix. lib. j. de
elect. tit. vj.
cap. xxxiv.

Clem. Rom.
Principes.
lib. ij. tit.
ix. de jureju-
rando. Cle-
ment. tit. xj.
cap. ij.

Cap. Vero
nerab. jam
cit.

Joan. Pa-
ris. de po-
test. Reg. &
Pap. cap. xv.
vind. Maj.
quæst. de
pot. Pap. ad
inj. arguni.
P. 107. 108.



C A P U T X L I I .

Decretum Episcoporum de Lotharii Regno post Fontanellidensem pugnam, an ad rem faciat?

ALIA exempla circa hanc secundam quæstionem prolatæ omittere pos-
teramus, nisi animo fixum esset, nihil eorum præterire, quæ alicujus
momenti esse viderentur.

Bar. tom. ix. an. 842. fratribus Ludovico Germanico & Carolo Calvo, Ludovici Pii filiis ab opti-
mo hujus ævi autore Nithardo (aaa) proditum; nempe post cruentam
Nithard. init. lib. iv. illam Fontanellidensem pugnam, quâ victus Lotharius, ac deserto Regno
tom. ij. Du- profugus, circa Viennam latitabat, Ludovicum & Carolum petisse Aquisgra-
ch. p. 276. num, quid de populo ac Regno à fratre relicto agendum videretur deliberatu-
ros. Relata res ad Episcopos, ut illorum consultu, veluti numine Divino, ha-
rum rerum exordium atque autoritas proderetur. Quod meritò factum Ni-
thardus affirmat. Ergò Episcopi omnia Lotharii immania & infanda gesta
consideraverunt, quibus ex causis, non immerito, sed justo Dei omnipotentis
judicio primùm à prælio, & secundo à proprio Regno fugam illum iniisse aie-
bant. Ergò omnibus visum est atque consentiunt, quod ob nequitiam suam vin-
dicta Dei illum ejecerit, Regnumque fratribus suis melioribus se justè ad regen-
dum tradiderit: prorsus ex illius sæculi more, quo Dei voluntatem etiam in
privatorum rebus, aquæ, serri carentis, quæsitis etiam aperto Scripturæ
volumine fortibus, sed maximè prælio explorabant; iis scilicet indiciis de
rebus maximis tanquam Divino judicio decernebant. Hæc quoque examina
Divini judicii nomine appellabant; persuasi quippe, Deum non nisi bonæ
justæque parti largiri victoriæ; quæ passim etiam à sacerdotibus Domini
fuisse comprobata, ipsisque autoribus gesta, multæ quæ ex illo ævo super-
sunt Missæ ac benedictiones, in eum usum confectæ, demonstrant. Ad eum
ergò sensum hic Episcopi consulti à Regibus respondent: Divinam volun-
tatem, potentiam, ultionem, tantâ victoriâ, & Lotharii non modò præ-
lium, sed etiam Regnum deserentis fugâ, tanquam manifestis indiciis de-
claratam. Aiunt enim non immerito, sed justo Dei omnipotentis judicio hæc
Lothario evenisse; consutlique sunt à Regibus, non qui ipsi judicio Eccle-
siastico de Regnis decernerent, sed ut, quid Deus vellet tanquam *Divino*
numine instinctuque proderent. Quare neque ipsi id sibi tribuunt, ut ex-
communicatione ac depositione prolatâ, aut pensatis Reipublicæ Christianæ utilitatibus judicent; sed Deum ita velle, ita judicâsse, ejusque volun-
tatem ac vindictam ipsa victoriâ ac Lotharii fugâ declaratam esse pronun-
tiant. Neque ipsi Lotharii Regnum fratribus tradunt, sed à Deo esse tra-
ditum, eoque jure habendum possidendumque confirmant. Quod quæ
recte egerint, secuta rerum eventa demonstrant; cum Lotharius & Re-
gnum

(aaa) Autore Nitardo.] Nitardus Caroli Magni ex Berthâ filiâ nepos, testis adfuit.

gnū recuperaverit, & pacatè tenuerit, & liberis habendum tenendumque tradiderit.

Interim facile erat, quod hīc Episcopi secerunt, præcipere victoribus, ut Regnum desertum, in quod inhibabant, tanquā *ex Divinā autoritate suscipi- rent, & secundūm Dei voluntatem regerent*: fallebatque eos, fortasse falli vo- lentes, *Divinæ voluntatis ambiguum nomen*. Certissimum enim est victo- riam præliantibus, Regna victoribus, voluntate Dei tradi, eā scilicet quæ effectum inferat, non eā semper quæ approbationem certumque jus indicet. Quare hēc, quæ facta sunt extraordinariè, tanquā Dei instinctu & nu- mine, ejusque judicio manifestis veluti indicis propalato, ad exemplū trahere Ecclesiastici judicii & ordinariæ autoritatis, fallax falsumque est.

C A P U T X L I I I .

An meritò objectum à BARONIO id quod est à Carolo Calvo in proclamatione adversùs VENILONEM positum.

ORIGINATUR etiam id quod est à Carolo Calvo Rege, anno 859. ad. Bar. tom. x. an. 859. Episcopos dictum, in proclamatione sive expostulatione *adversus Venilonem Archiepiscopum Senonum*: quod ut intelligatur, rerum status ex ipsā P. 172. proclamatione explicandus. Hēc ergō proponit Carolus: *Cum, teste sancto Gregorio, ex consuetudine olitana, omnibus cognoscētibus, Reges in Regno Francorum ex genere prodeant, sibi à genitore Ludovico Augusto partem Regni inter fratres suos Reges Divinā dispositione traditam.... Venilonem tunc Clericum in capellā suā, promisso fidelitatis sacramento servisse, eique à se, juxta consuetudinem prædecessorum Regum, consensu Episcoporum, vacantem Senonum Metropolim fuisse commissam*: factam postea per Primores Regni divisionem inter se & fratres, & ab Episcopis etiam à Venilone juratam: *post hoc (ab eodem Venilone) electione ejus aliorūque Episcoporum ac ceterorum Regni fidelium voluntate, consensu & acclamatione cum aliis Archiepiscopis & Episcopis, in ejusdem Venilonis diœcesi (id est, Provinciā, Aurelianis scilicet) se fuisse consecratum & in Regni regimine perunctum, & diademate, atque Regni sceptro in Regni solio sublimatum*: multa etiam alia ab eodem Venilone dato chirographo fuisse firmata: quorum immemorem eum id sāpe conatum, ut Carolum Regno pelleret, atque illud Ludovico Caroli fratri, conjuratione faciā traderet. Cūm ergō Carolus, rebus cum fratre compositis, talem prōditorem damnari ab Episcopis instantissimè cuperet, judicibus adulabatur his verbis: *A quā consecratione vel sublimitate Regni (suprà memoratā) supplantari vel projici à nullo debueram, saltem sine audientiā & judicio Episcoporum, quorum ministerio in Regem sum consecratus, & qui Throni Dei sunt dicti, in quibus Deus sedet, & per quos sua decernit judicia, quorum paternis correctionibus & castigatoriis judiciis me subdere fui paratus, & in praesenti sum subditus.*

Tum primū nono sāculo plus quam medium partem elapsō, hēc vox

Tomus I.

Ll

exaudita est de projiciendis à consecratione & Regni sublimitate Regibus ; per Episcopalem audientiam ; & tamen hæc omnia nihil ad rem.

Nihil, inquam, ad rém, quòd Carolus Calvis Episcopis , tanquam Dei interpretibus , se submittit : non enim quærimus utrum Reges arbitrio Episcoporum , tanquam Diviti numinis interpretum , abdicare possint , quod tamen vix aut ne vix quidem expedit ; sed utrum Episcopi , judicio dato , Reges sôlio deturbare possint. Id quidem Venilo per prodictionem conatus erat , tanquam ab illo rescindi posset ea , quam ipse fecerat consecratio. At non id Carolus fatebatur ; neque se eo fine submittebat Episcopis , ut Regiam potestatem ad eorum arbitria deponeret , qui statim ab initio profitetur priscâ consuetudine omnibus notâ , in Francorum Regno . Reges prodire ex genere , quo jure partem Regni à Patre Augusto Divinâ dispositione sibi esse traditam.

Quare electio , quæ ad consecrationem facta memoratur , pro publico & solenni actu , quo Regem agnoscerent , ex usu eorum temporum accipitur ; non pro verâ electione , tanquam Francorum Reges electione fierent. Id adè verum & ipse Carolus & omnes intelligebant , ut ante consecrationem & sublimationem eam , quæ consecrationi conjuncta memoratur , Carolus more Regio , ipsum Venilonem futurum consecratorem suum , ad Metropoliū Senonum evexerit. Quamobrem , et si ea consecratio ac sublimatio rescindi potuisset , remaneret certè Carolus id quod natus erat , Rex ex genere , cui Regni pars inter fratres Reges Divinâ dispositione deberetur.

Nec minus clarum est de consecratione ipsâ ac sublimatione consecrationi conjunctâ , non absolutè dici : Judicio Episcoporum ab eâ projici posse Regem : sed si projici à quoquam debuisset , quod Venilo facere conabatur , non id saltē fieri potuisse ab eo , sine iis Episcopis , qui Regem cum ipso Venilone consecraverant : quod quidem ad Venilonis mentem , & tanquam ad hominem fuisse responsum claret ; ne si proditor aliquid sibi juris in Regem superbè ac perperam consecrationis nomine vindicasset , is solus habere videretur.

Et quanquam hæc in eum finem dicta , nullo effectu consecuto , nihil omnino ad rem nostram , aut ad statum Regiae dignitatis faciunt ; verè tamen ac certò affirmare possumus , à nullo antea , à nullo postea Rege , imò à nullo mortalium hæc qualiacumque fuisse unquam prodita , congruaque omnino videri illis temporibus , à quibus inclinationem rerum , eumque , qui consecutus est Regiae Majestatis contemptum , incœpisse omnes Historici memorant.

C A P U T X L I V .

Argumentum ex Regum consecratione repetitum solvitur : LUDOVICI II. Imperatoris , LOTHARII I. filii , epistola ad BASILIUM Imperatorem Orientis.

ANTEQUAM ex hoc loco digrediamur , solvendum argumentum , vatum illud quidem , sed quod à quibusdam magni fiat , à Regum con-

secratione repetitum. Quippe in hac, primū ab Episcopo consecrante postulatur, ut præsentem militem ad dignitatem Regiam sublevet: cum ipso sic agitur, tanquam eo, qui Regiam dignitatem suscepitur sit: dat ipse solitum sacramentum, tanquam Rex futurus: denique sic omnia peraguntur, tanquam non nisi post inunctionem, Rex, ante inunctionem & consecrationem, electus tantum esse videatur. Quæ si quidem ex vetustis, deprompta formulis, quibus Reges etiam Francici, in secundâ saltem Dynastiâ inuncti fuerint, nemo harum rerum sciens inficiabitur. Quæ si ad extremum urgenter, nempe id efficient, ut Reges non genere sed electione fiant; nec nisi consecrati Regium nomen Regiamque potestatem accipiunt; quod adeo est absurdum & omnium gentium consensione tantum rejectum, ut nec argumentis confutare sit dignum. Quare ex communione omniū sensu, sacrae cæremoniæ arcana ac mystica significatio hæc est: in eâ esse sacramentum Regia potestatis cœlesti numine concessæ & institutæ, atque hanc Divino numini haberi reverentiam, ut Rex à Deo constitutus, ipse quodammodo coram Deo sacrisque altaribus, Regio se nudet nomine, ut illud à Deo sanctius jam augustiusque recipiat. Cujus rei sacramentum est, quod & gladius & corona Regi imponeenda de altari sumantur, dicaturque ad Regem: *Accipe gladium de altari sumptum*, quia nempe gladii jus à Deo esse, ejusquæ prævidentiâ Regi esse traditum, ex Apostolicâ traditione & disciplinâ docemur: quæ trahi ad argumentum instituendi ac deponendi Règes, non nisi stulte & imperite possunt.

Quo etiam sensu Ludovicus II. à Carolo Magno quartus, se ad Romanum Imperii Principatum, summii Pontificis manu proiectum esse testatur; cùm Imperatoris Lotharii filius, Imperatoris Ludovici Pii nepos: Imperatoris Caroli Magni abnepos, jam hereditarium teneret Imperium, atque Imperatorium nomen sibi jam, imò etiam avo Ludovico Pio, paternum esse profitetur. *Quomodo enim paternum non est, quod jam in avo nostro paternum?*

Hæc scripsit Ludovicus II. ad Basilium Imperatorem Orientis, cùm iis Francis Principibus Caroli Magni posteris, Imperatorium nomen denegaret. Atque hæc verba tacuit scriptor Anonymus, qui hunc profert locum, ut Caroli Magni nepotes Imperatoriam dignitatem summo Pontifici acceptam retulisse ostendat; quod quidem nec negamus, nec erat cur Anonymus in perspicuâ re probandâ laboret. Quærendum illud erat, in quo difficultas versabatur: quo jure Romanus Pontifex, Imperii dandi, auctor fuit: an Apostolico illo jure, quod Christus instituit, an hoc adscitio; quo Romanus Pontifex, Senatus ac civium reverentiâ, caput Urbis atque egregiæ cujusque rei auctor habebatür. *Accipe omnia te a populo, tamen*

Ac Ludovicus quidem II. adversus Basilium & Græcos, Imperatorium nomen ac dignitatem Caroli Magni posteris his verbis vindicabat: *A Romanis enim hoc nomen & dignitatem assumpsimus, apud quos profecto primò tanta culmen sublimitatis & appellationis effulsi, quorumque gentem & urbem Divinitus gubernandam, & matrem omnium Ecclesiarum Dei defendendam atque sublimandam suscepimus; ex qua & regnandi prius, & postmodum imperandi autoritatem prosapia nostra seminarium sumpsit. Nam Francorum Principes, primò Reges, deinde vero Imperatores dicti sunt ii duntaxat, qui à Ro-*

Ep. apoleg.
Lud. ii. Imp.
ad Bas. Imp.
per. Orient.
Duch. tom.
iiij. p. 555.

iij. ad Bas. Imp.
Anon. tract.
de liberiat.
Eccl. Gall.
lib. iv. cap.
xij. p. 201.

Sup. cap.
xxxiv.

mano Pontifice ad hoc, oleo sancto perfusi sunt : quem locum nisi Anonymus truncum capite retulisset, nempe ipsa lectio statim intueremur, Imperium à Romanis atque ab ipsa urbe Dominâ, unde hoc nomen primùm effulsit, ad Francos translatum; autore quidem Romano Pontifice, Romanâ Ecclesiâ Ecclesiarum matre comprobante & confirmante : eo plane sensu, quo à Joanne VIII. dictum meminimus, Carolum Calvum Coepiscoporum & Cleri, amplique Senatus & totius Romani Populi, gentisque togate annisu, ac secundum priscam consuetudinem, ab ipso Joanne ad Imperii Romani sceptra esse proiectum.

En unde Caroli Magni posteritas Imperatorium nomen adversus Græcos tueretur. Hinc idem Ludovicus II. eâdem in epistolâ commemorat Senatus Populique Romani, imò & Militum exercituumque, in promovendis Romanis Imperatoribus autoritatem. Quo jure excidisse haud par erat Romanam urbem, faciebatque magis ad ejus dignitatem, quod jam per Petrum Apostolum religionis ac Sacerdotii Caput esset. Itaque concludebat ab urbe Romanâ Francos eo jure eligi potuisse, quo jure quandam Hispani aliique electi erant.


Inde ad Francos stirpemque Carolinam translatum Imperium Ludovicus II. refert, neque verò tacet sacram unctionem ab Apostolicis Pontificibus datam, quæ huic rei firmamento esset. Quin & id respicit, quod Pipinus Caroli Magni pater ejusque liberi, jam à sancto Bonifacio (bbb) in Reges Francorum uncti, à Stephano II. Papâ profecto ad Francos, iterum uncti essent; placebatque omnino Régiae domûs originem à Romano Pontifice consecratam; atque id non modò honori, sed etiam firmamento esse intelligebant, ut Regium genus etiam ab Apostolicâ sede sacro-sanctum haberetur.

Ex his ergò constat Caroli Magni nepotes eâ re maximè gloriatos, quod non modò Imperatorium, sed etiam Regium nomen, Ecclesiâ Romanâ probante, confirmante, consecrante, suscepserint, non profectò id egisse ut Regnorum & Imperiorum potestatem ei tribuerint, contra rei gestæ ac veterum omnium monumentorum fidem. Cæterum quid importet à Romano-Pontifice corona imposita, Adrianum IV. audiemus exponentem, cùm ad ea tempora nostra oratio devenerit.

Hæc sunt quæ ad Gregorium usque VII. studiosissimè atque operosissimè conquisita, referunt, ut Ecclesiastico ordini ejusque capiti Romano Pontifici lübsternant deponendos Reges; quæ, quam vana; quam nulla sint, nemo non videt. Jam quantum valeant quæ à Gregorio VII. nullo antea exemplo, nulloque documento, gesta sunt, facile intelligimus.

-(bbb) A sancto Bonifacio] Pipinum non fuisse unctum probat P. LE COINTS, ut supra documus. Vid. annales Franc. tom. v. an. 752, n. 6. & seq. pag. 322. & seq.





DEFENSIO DECLARATIONIS CLERI GALLICANI DE ECCLESIASTICA POTESTATE.

LIBER TERTIUS.

Quo à GREGORII VII. tempore res extra Concilia **Ecumenica** gesta referuntur ad CAPUT PRIMUM
GALLICANÆ DECLARATIONIS.

CAPUT PRIMUM.

An GREGORII VII. ac secutis decretis ita res confecta sit, ut de eâ ambigere Catholicis non liceat: contrarium statuitur certis exemplis & Catholicorum omniam consensione: MELCHIOR CANUS, BELARMINUS, RAINALDUS, PERRONIUS testes adducuntur.



UNC devenimus ad ea tempora, quorum maximè autoritate nos premunt, Gregorii scilicet VII. securorumque Pontificum. Quippe objiciunt hisce temporibus quæstionem totam Ecclesiæ autoritate decisam: depositos quippe Pontificiæ autoritate Imperatores ac Reges: consensisse in eam depositionem Orthodoxos; neque tantum rem à Romanis Pontificibus esse factam, sed factam in Conciliis Ecumenicis: depositum enim in

Conc. ii. Lugd. Eccl. men. tom. xj. Conc. p. 640.

Concilium Lugdunensi II. ab Innocentio IV. Fridericu[m] II. quin etiam ab ipsis Synodis multa esse decreta, quæ ad eam praxim comprobandum manifeste pertineant, ut est illud decretum Lateranensis Concilii III. de relaxato fidelitatis debito adversus haereticos, & Lateranensis IV. ut *summus Pontifex haeretici Vassallos ab ejus fidelitate denuntiet absolutos*: denique rem adeo certam, ut à Conciliis in formulam versa sit, extentque Conciliorum Constantiensis & Basileensis decreta, quibus privationis pena Principibus etiam ac Regibus intentetur; ex quibus concludunt, rei totam eorum etiam Conciliorum, quibus maximè utimur, autoritate esse constitam.

xj. P. 148.

Hæc adversarii Catholici objiciunt. Haeretici vero postquam nobiscum potestate in directam aversati sunt ut à Sacra Scriptura & antiquitatis Ecclesiasticae Dogmatibus abhorrentem, tum vero inserviant, quæ jam memorata sunt, posterioris ævi decreta, ut in tantâ doctrinæ mutatione, ea quam tuemur, Catholicæ Ecclesiæ infallibilitas starre non possit.

Nos autem haereticis statim respondemus, more solito calumniari eos. Non enim Catholicæ docent, quæcumque in Conciliis gesta sint, ea ad Ecclesiæ Catholicæ fidem pertinere: sed eo loco habent illa tantum, quæ decreto edito fidelibus omnibus credenda, ac tenenda proponuntur: quod

Melchior
Can. de loc.
Theol. edit.
Loy. 1564.
pass.

& Melchior Canus copiosè docet, & Catholicæ omnes uno ore confitentur. Cujus rei ratio est, quod id sufficiat, ut verba Christi firma stent de æternâ Ecclesiasticorum Dogmatum firmitate; nec proinde labat Ecclesiæ fides, si ea quæ extra fidem decreta sunt, haud pari autoritate consistunt. Atque certum omnino, multa in Conciliis sine expressâ deliberatione ac determinatione esse dicta gestaque, quibus adstringi se Catholicæ omnes uno ore negant. Multa etiam decreta sunt, quæ non pertineant ad invariabilem fidei regulam, sed sint accommodata temporibus atque negotiis. Quin etiam illi qui Romanum Pontificem vel maximè infallibilem esse contendunt, non propterea necessariò tuenda suscipiunt, quæ Pontifices gesserint; sed profectò certæ sunt regulæ, quibus & hi Pontificibus, & omnes Catholicæ Conciliis Ecumenicis certam fidem docent adhiberi oportere.

Canus ib. lib. v. fol. 340.

Certè Melchior Canus Pontificiæ infallibilitatis defensor acerrimus afferit: *Qui summi Pontificis de re quacumque judicium temere ac sine delectu defendunt, hos sedis Apostolicae autoritatem labefactare, non sovere; evertere, non firmare.* Ac paulò post: *Non eget Petrus mendacio nostro, nostrâ approbatione non eget: tum adductis decretis de religiosis Ordinibus approbat: Satis fuerit, inquit, si eam habeant autoritatem, quam epistola decretales, quarum nonnullas constat à posterioribus meliore consilio refutatis; quoniam non ex primo decreto, sed ex Pontificum opinione prodierunt.*

Bell. de R. P. lib. iv. cap. xij. xiv.

Neque negat Bellarminus, aitque, Pontifices ex ignorantia lapsos, quod, inquit, posse Pontificibus accidere non negamus; cum non definitiunt aliquid tanquam de fide, sed tantum opinionem suam aliis declarant. Alia ejus responsio est: *Pontifices tum nihil certi statuisse, sed tantum respondisse, quod sibi probabilius videbatur.* Addit: *Multa alia esse in epistolis decretalibus, qua non faciunt rem aliquam esse de fide, sed tantum opiniones Pontificum eâ de re nobis declarant.*

Ibid. cap. xij.

Quod Stephanus VI. & Sergius Romani Pontifices iterum ordinari jussi.

runt eos, qui à Formoso (a) Papâ, postquam is degradatus fuit, ordinati essent, idem Bellarminus respondet: *Eos non edidisse aliquod decretum, quo decernerent ordinatos ab Episcopo degradato.... esse iterum ordinandos; sed solum de facto jussisse iterum eos ordinari, quæ jussio non ex ignorantia aut hæresi, sed ex odio in Formosum procedebat.*

Ne ergò tu mihi hæc dicio: Gregorius VII. & alii, Imperatores ac Reges deposuere; ergò id jure factum: docet enim Bellarminus, idque nos diligenter totâ hac tractatione meminisse oportet, docet, inquam, ille, accuratè secernenda esse, quæ Pontifices *de facto jussissent*, ab iis quæ decreto edito facienda constituerint. Neque enim omnia ab ipsis jure fieri; sed quædam *ex odio*; neque eorum decreta, quæ etiam ad doctrinam spectent, valere omnia; imò verò ab ipsis rite & ordine interrogatis, multa esse responsa atque in jure edita, ac decretalium epistolarum nomine insignita, quæ tamen probabili tantùm, imò etiam falsa Romanorum Pontificum opinione nitantur, idque in confessu est etiam apud eos, qui Pontificiam infallibilitatem vel maximè propugnant.

Placet etiam adscribere quæ Odoricus Rainaldus docuit occasione decretalis, *exiit*, & eorum quæ in eâ à Nicolao III. definita, à Joanne XXII. postea rejecta sunt, de Christi paupertate: *Sanè, inquit, major propositio: nimirum nefas esse contradicere in iis quæ definita sunt per sedem Apostolicam in fide & moribus, certissima est;* & additæ propositiones eam omnino confirmant, si intelligantur, uti debent, ea quæ spectant ad fidem & universalis Ecclesie mores in necessariis ad salutem. At Pseudo-minorita non in eo s̄unt, sed quæ ad fidem, & mores tantum spectant accidentariò & remotè, qualia sunt nimirum Francisci instituti encomia, privilegia, seu decreta Pontificum eò attinentia & omnia in iis contenta, fidei & morum essentialia eff: falsò supponunt; ac ludunt in equivoco. Illas ergò sanctiones, licet sint in sexto (Decretalium libro) esse, fidei & morum decreta essentialia, negandum est constantissime: neque enim decreta fidei condunt Pontifices, nisi id expresserint & de necessitate credenda proposuerint. Ex quibus id habemus: Pontificum Romanorum decretis propositis, duo adhuc queri oportere: alterum; an res sit ad fidei & morum essentialia pertinens, idque per se & proximè, non accidentariò & remotè: alterum; an expressum sit id de fide credendum?

Procul ergò absunt ab Apostolici de fide decreti autoritate, hæc Clementina, *Principes Romani*, & Clementina Pastoralis, de fidelitatis juramento ab Imperatoribus debito, deque potestate Romani Pontificis ad Imperatoris irritanda judicia, quas Clemens V. edidit; procul, inquam, absunt hæc ab Apostolici de fide decreti autoritate, quamquam ea Clemens Apostoliā autoritate declarare se dicat.

Procul ab eâ autoritate rursùm abest id, quod idem Clemens V. ut certum supponit: *Nos ad quos Romani vacantis Imperii regimen pertinere dignoscitur, &c.* Quo fundamento nixus, Robertum Siciliæ Regem Vicarium Im-

Odoric.
Rain. tom.
xv.an.1324.
n. 32.

Sext. De-
cret. lib. v.
cap. iii.

Clem. lib.
ij. tit. ix. de
jurejur. &
tit. x. de
sent. & re
jud. cap. ij.

Clem. Paſt.

(a) à Formoso. Is fuit ille Episcopus, quem de sede Portuensi dejectit Ioannes VIII. Hunc deinde restitutum à Martino II. Romana demum Ecclesia suscepit pastorem. Quām inhumani Formosi cadaver violaverint, & ejus memoriam diris devoverint Stephanus VI. & Sergius II. narrat D. FLEURY, quem vide.

perii, sed in Italiâ tantum constituit. Neque huic decreto certiore addit autoritatem Joannes XXII. dum hæc ad se pertinere, propter Petri autoritatem & jura concessa Divinitus, testatur his verbis: *In nostram & fratrum nostrorum deductum est, famâ divulgante, notitiam, quod licet sit de jure liquidum & ab olim fuerit inconcussè servatum, quod vacante Imperio, sicut & nunc per obitum quondam Henrici Romanorum Imperatoris vacasse dignoscitur, cum in illo ad facultatem judicem nequeat haberi recursus, ad summum Pontificem, cui in persona Petri terreni simul & Cœlestis Imperii jura Deus ipse commisi, Imperii prædicti jurisdictio, regimen, & dispositio devolvuntur.*

Extrav.
Joan. xxij.
tit. v. Ne sede
vacante. c.
unico. Si,

Quanquam enim is Pontifex, hoc fundamento nixus, Vicarios Imperii in Italiâ quidem, aliâ autoritate quam Pontificiâ constitutos, omnesque iis obedientes excommunicatione damnet; tamen hæc civilia nullo modo ad fidem & mores universalis Ecclesiæ pertinere constat. Quo jure hæc omnia à decretis fidei procul amandamus; parique ratione querimus quæ Gregorius VII. aliique in deponendis Imperatoribus gesserint, quamquam & Petri jure atque autoritate gesta esse præferant, an ad fidem & mores Ecclesiæ Catholicæ potiori aliquâ ratione pertineant, aut etiam ad ea pertinere, ullo legitimo decreto declaratum definitumque sit.

Hæc dicimus secundum eos, qui Pontificiam infallibilitatem ac summam in temporalibus potestatem vehementissime asserunt: quam defensione non modò hereticorum calumniæ propulsantur, verum etiam Catholicorum eorum, qui nobis adversantur, franguntur impetus; eoque demum res tota devolvitur, ut queramus sintne ea, quæ ad Reges deponendos pertinent, eo ordine modoque gesta, quæ summam & indeclinabilem apud Catholicos obtineant autoritatem.

Ac primùm: nemo nisi dementissimus dixerit, ea gesta esse summam & indeclinabili autoritate; alioquin Theologi Parisienses Gallique passim omnes, post censuram Sanctarelli faltem, ne jam antiquiora memoremus, pro hereticis aut schismaticis haberentur, qui rem, ab Ecclesiâ, summam autoritate decretam non modò negarent, sed insuper gravi censurâ notarent. Ipse Perronius Cardinalis tot ab aulâ Romanâ gratulationes tulisset immetit, pro eâ oratione quam habuit in Ordinum cœtu; cum ibi postulavit haberi istam questionem inter problematicas & liberas, quæ ab Ecclesiâ gravissimam autoritatem sancta definitaque esset.

C A P U T . I I .

Gesta sub GREGORIO VII. primumque ejus de HENRICO deposito decretum.

PO STEAQUAM universim constitut nihil ad fidem Catholicam pertinet, quæ à Gregorio VII. aliisque, in deponendis Regibus gesta sunt; illud jam ipsum evolutis excusisque gestis, singillatim ac luculentius explicemus; simulque ostendamus quanti sint, quæ summam & indeclinabili autoritate

autoritate non valere liquet. Series postulat temporum, ut à Gregorio VII. ordiamur.

Anno Christi 1073. adversùs Henricum IV. nequissimum & flagitiosissimum Imperatorem Saxones rebellaverant. Belli causa memoratur, impositæ arces atque præsidia, quæ Saxones prædis agendis atque opprimendæ libertati esse comparata querebantur. Obtendebat Imperator decimas Sifrido Archiepiscopo immeritò denegatas; ipse occultè Archiepiscopum instigabat: Abbates Turingos * ad iniquas conditiones adigebat: his initii caufisque bellum atrox gerebatur. Hic verò ex Libro superiore repetendum id, quod per idem tempus contigit Henrico Imperatori: ab Alexandro II. diem dictam propter causas quidem Ecclesiasticas, nullâ depositionis interminatione: tum Alexandrum II. infecto negotio dececessisse: Gregorium VII. ei substitutum, cum Henrico IV. multa tractâsse: ac, ne superfluis immoretur, narrat Baronius anno 1075. Henricum, victoriâ de Saxonibus reportatâ, contemptissime quæ Papæ promiserat, de pace videlicet cum Saxonibus ineundâ, deque Thedaldo in Ecclesiam Mediolanensem intruso, aliisque ejusmodi negotiis: communicâsse etiam iis, quos sedes Apostolica ob Simoniam & alia flagitia rejecisset. Anno verò 1076. refert idem Baronius, missos à Gregorio Legatos, qui Regem ad dicendam causam vocarent ad Synodum: dicta dies ad feriam secundam secundæ hebdomadæ in quadragesimâ: exhibita pœna, nisi dictâ die se fisteret, sed excommunicatiois tantum, ut ex Historicis hujus ævi, Baroniò etiam probante, ostendimus. De depositione altum adhuc ubique silentium.

Henricus tamen eâ Gregorii citatione commotus, statim habitâ Vormatiæ Pseudo-Synodo Gregorium depositus, eique subjectionem & obedientiam interdixit; quin etiam datis literis imperavit, & illi ut ab Apostolice sede discederet, & Clero Populoque Romano ut qui primus esset in fide, esset primus in ejus damnatione. Hæc miror Catholicis quibusdam non satis cautis scriptoribus probari potuisse. Neque enim aut Gregorius VII. quidquam egerat, quo deponeretur, nec, si eâ de re quæstio moveretur, ei finiendæ, idonei erant Imperator cum eoque collecti Germaniæ Episcopi; prorsusque Ecclesiæ Catholice ac sedis Apostolice jacet autoritas, si hæ molitiones valeant. Sed postquam Imperator, in concessa ausus, Gregorium depositus; Gregorius quoque eò prosilire ausus, ut Regem non tantum excommunicandum more Majorum, sed etiam deponendum novo exemplo susciperet. Neque illud omittendum, quod à coævo autore memorie proditum supra retulimus: delectatum cum videri dandi Regni dulcedine & gloriâ, quam ultrò blandientes offerebant: visos etiam illos motus, quibus Germania fluctuabat, amplificandæ in civilibus Romanæ potentia oportunos: queis fretus Gregorius eam tulit sententiam, cuius initium est: *Beate Petre, Apostolorum Princeps.* Decretum autem sic habet: *Et ideo ex tuâ gratiâ, non ex meis operibus, credo quod placuit tibi & placet, ut populus Christianus tibi specialiter commissus mihi obediât specialiter pro vice tuâ mihi commissa;* & mihi, tuâ gratiâ, est potestas à Deo data ligandi atque solvendi in Cœlo & in terrâ. Hac itaque fiduciâ fretus, pro Ecclesia tua honore & defensione, ex parte omnipotentis Dei Patris, & Filii, & Spiritus Sancti, per tuam potes-

Tomus I.

M m

Hist. Sax.
bell. p. 105.
Lambert.
Schaf. an.
1073. ap.
Freh. pag.
190.
* Fulden-
sem nempe
& Hervel-
densem.
Sup. lib. ij.
cap. xxx.
Bar. tom.
xi. p. 472.

Ib. p. 476.

Lib. ij. loc.
c. t.

Hist. Sax.
bell. p. 122.

Ibid.

Sup. lib. j.
fect. j. cap.
xij.

Concil.
Rom. iij.
sib. Greg.
vij. tom. x.
p. 356.357.

tatem & autoritatem, Henrico Regi, filio Henrici Imperatoris, qui contra tuam Ecclesiam inauditâ superbiâ insurrexit, totius Regni Teutonicorum & Italiae gubernacula contradico; & omnes Christianos à vinculo juramenti quod sibi fecerunt vel facient, absolvō, & ut nullus ei sicut Regi serviat interdico. Dignum est enim, ut qui studet honorem Ecclesia tuae imminuere, ipse honorem amittat quem videtur habere; & quia sicut Christianus contempnit obedire, nec ad Dominum redit, quem dimisit participando excommunicatis, meaque monita, qua pro suâ salute sibi misi, te teste, spernendo, seque ab Ecclesia tua, tentans eam scindere, separando, vinculo eum anathematis vice tua alligo.

Eo in decreto, quod ad verba attinet, illud imprimis notatum volo, distinctis verbis atque sententiis depositum primò Principem, tum etiam anathemate alligatum fuisse. Et meritò quidem anathemate percussum confitemur eum, qui nullâ causâ, nullâque potestate, Petri successorem depolare ausus fuerat. Quòd autem Pontifex perperam depositus, haud meliore jure Imperatorem ipse deposuerit, id verò ut novo, ita pravo exemplo esse factum contendimus.

C A P U T I I I.

De Gregoriani Decreti autoritate queritur: paucis repetuntur quæ de ejus novitate dicta sunt.

CUM secutæ de Regibus deponendis sententiæ, ab eo Gregorii VII. decreto & exemplo, tanquam ex fonte prodeant, de totâ ejus decreti ratione querendum est. Et quidem ab ipso disputationis initio præstruximus ipsam rei novitatem: nullum exemplum, autoritatem nullam hujus rei agrediundæ præcessisse: itaque attonitum Orbem: Gregorii asseclas ipsâ novitate commotos: ipsum Gregorium anxiè interrogatum nihil nisi falsa, vanaque & nimia protulisse: hinc Gregoriani decreti novitatem, post tot ejus ævi tractationes, post ipsius Gregorii omni ingenio ac studio elaborata responsa, viris piis & gravibus non minus fuisse suspectam: eundem Gregorium nova superstruxisse novis: victoriam novo ausu, novique generis, decreto edito, ab Henrici exercitu arcuisse, & velut obstupefacto Orbi inanes objecisse terriculas: ac nihilo seciùs, audentissimum licet, in tantâ novitate, nec ipsum sibi satis constare potuisse. Hæc quidem omnia novitatem sonant, hoc est, in Christianâ doctrinâ certam ac perspicuam falsitatem. Nunc autem tota res multò clariùs enitescit. Ecce enim evolutis, ab omni antiquitatis memoriâ ad hæc usque tempora, Ecclesiasticis gestis, spoliatos fuisse unquam, Ecclesiastico decreto, ullâ bonorum parte Laicos, nedum ditione atque Imperiis Reges, aut tale quid unquam cuiquam intentatum, non inventimus, non legimus, non audivimus; cùm tamen demonstraverimus tot ac tantas hujus rei intervenisse causas, si id vel Ecclesia cogitâisset.

Quin etiam vidimus Christianos omnes, etiam Episcopos, Romanosque adeò Pontifices passim obedisse apostatis, hæreticis, excommunicatis Regibus; neque tantum obedisse, sed etiam docuisse ex Christi præceptis de-

Sup. lib. j.
te. t. j. cap.
vij. & seq.

beri eis obedientiam, exceptis iis rebus, quæ contra Dei vetita juberentur; Pontifices quoque, discretis utriusque dignitatis limitibus, ultrò esse professos, nullam esse suam in rebus ordinandis civilibus potestatem. Nunc cùm Gregorius VII. nullo unquam exemplo, autoritate nullâ, contraria omnia faciat; rogamus adversarios, hæc quæ nunc gerit, an ad Catholicam fidem & Ecclesiasticum dogma pertineant? Si pertinere contendunt: ubi illud, quo Ecclesia Catholica invicta hactenus stetit: valere oportere *quod ubique, quod semper: & illud: Id verum quod prius, id adulterum quodcumque posterius?* Quid autem respondemus hæreticis, dum doctrinæ novitatem erroremque manifestum, vel his vel anteaëtis sacerulis improperant? Sin autem his argumentis vici, hæc Gregorii gesta pro fidei doctrinâ atque Ecclesiastico dogmate habere non audent; nempe non ab ejus duntaxat, sed ab illorum etiam qui eum secuti sunt autoritate, nos liberant.

Vincent.
Lirin. cõm.
j. Tert. de
præscr. hæ-
ret. c. xxxij.

C A P U T I V.

Qui GREGORIO VII. HENRICUM deponenti adhæserint, eos falso fundamento nixos, falso nempe intellectu interdicti de vitandis excommunicatis, idque jam in confessio esse: Sancti GEBHARDI & aliorum ejus ævi in eam rem sententia.

NUNC ne sanctorum virorum, qui Gregorio VII. Reges deponenti adhæserint, autoritate plus æquo moveamur; considerandum istud: illos, quotquot fuere, falso fundamento nixos; nempe quod interdictum de vitandis excommunicatis, falso, & ab omnibus jam rejecto intellectu acceperint. Quid inde consequatur orationis series aperiet. Nunc rem ipsam aggredimur. Incipimus autem à Gebhardo Juvavensi, quem à Metensi Herimanno de hâc quæstione rogatum memoravimus. Jam quid responderit audiamus. Rescritbit autem eo tempore, quo non modo Henricus IV. à Gregorii VII. communione recesserat, verùm etiam Anti-Papam fecerat nefarium illum Guibertum Ravennatem, Clementem appellatum. Hunc qui respuerent Episcopi, sedibus ab Henrico pellebantur; Pseudo-Episcopi per vim intrudebantur; ipse Gebhardus in exilio agebat, quo tempore hæc scripsit; meritoque damnat Episcopos qui talibus consentirent. Cæterum, cùm Herimannus de deponendis Regibus Ecclesiasticâ autoritate vel maximè quæreret, Gebhardus, nullâ depositionis mentione factâ, rem totam cum excommunicatione conneicit, & controversiæ statum ab ipso initio sic expónit: *Hæc puritate contenti, eò quòd in præsenti versatur negotio, hoc solum tenemus quod Ecclesia Catholica semper tenuit, quod ab initio cæpta Christianitatis usque ad monstrosa hæc tempora stabile & inconcussum perficit, scilicet quòd excommunicatis non est communicandum. Hæc namque dissensionum causa est & seditionum, quòd illi ab excommunicatis non abstinent & non abstinendum docent: nos verò & abstinemus & abstinendum persuademus, precipue ab illis qui à primâ & præcipuâ Sede excommunicantur.* Sic ille totius negotii fontem rationemque, in ipso interdicto de vitandis hæreticis

Vid. lib. j.
fect. j.

Gebh. ep.
ad Herm.
ex lib. cui ti-
tulus: *Vc-
teram monum.
cont. Schism.
Ingol. 1612.
pag. 10. ap.
Tegnag.*

reponendam putat: depositionis per totam epistolam mentione nullâ; quippe qui de tali re nihil in Scripturis, nihil in Canonibus, nihil in Patribus, nihil in Historicis gestisve Ecclesiasticis inveniret.

Hoc disputationis posito fundamento, docet valere excommunicationem
Ibid. p. 15. nullâ Canonicâ examinatione rescissam: *Ilos, inquit, velimus attendere, qui tam facile etiam quorumlibet Episcoporum, nedium Romani Pontificis sententiam, sine Legati examinatione rescindunt.*

Ibid. p. 17. Agit posteâ contra eos qui Gregorium *indiscutsum, inauditum, inconvenitum, nec confessum, vel commonitum* Wormatiæ deposuerunt, & Guibertum Anti-Papam, vivente vero & legitimo Pontifice Gregorio, in Petri Cathedram intruserunt, *Romanâ Ecclesiâ nec conscientia, nec consentiente*. Et adit: *Ecce, omni tergiversatione remotâ, causa à nobis exposita sunt de hoc, quod excommunicatis, quibus illi communicant, non communicamus: quod Apostolica sedis Pontifici, & Beati Petri vicario abrenunciare non prsumimus: quod eodem vivente & cum Romanâ Ecclesiâ concorditer agente, alium ad eandem sedem eligere, aut diligentibus consentire non acquiescemos.*

Quod autem objiciebatur juramentum fidelitatis Principi præstitum;
Ibid. pag. 20 21. 24. respondet primò: *Antiquitus præcessisse votum, quo se, in ordinatione suâ, Beato Petro suisque vicariis & successoribus obstrinxerint: tum violari fidem Principi datam ab iis maximè, qui eum pessimis implicuere negotiis: posteâ non valere juramentum contra jus fasque datum: postremò rem totam huc devolutam: Dicitur, inquit, nobis: Fidelitatem Principi jurâstis, cui si fideles esse vultis, fidem Domino Apostolico & obedientiam abnegate, & illam abnegationem juramento, vel scripto firmate, & ab excommunicatis à sede Apostolica non abstineat, & non abstinentem docete. Quo quæstionis constituto statu, concludit: Nihil unquam juravimus, nisi quod salvo Ordine nostro fieri posset.*

Quæ si quis intelligat, inveniet sancto viro ne perspectum quidem fuisse quæstionis statum. Neque enim si fidelitatem servaret Principi, ideo Dominu Apostolico obedientiam abnegaret, sed in civilibus Principi, in sacris Apostolico obediret, nec si Principis prava imperantis jussa detrectare, ideo obedientiam absolutè negare oporteret; nec si cum excommunicato Principe in malis & in sacris, ideo etiam in civilibus, Reipublicæ causâ, communicare vetaretur. Atque ut clarè omnia distinguamus: illud quidem recte, quod Gebhardus & alii, Henricum simoniacum & infandi Schismatis autorem, pro excommunicato habebant: quod Gregorium ab eo depositum pro vero Pontifice colebant: quod Guibertum Anti-Papam ejusque asseclas respuebant: quod iis qui essent excommunicati ipsique adeò Regi in malis & in sacris communicare nolebant; hæc recta sanctaque: quod autem in re nullâ, ne quidem temporali, ac Reipublicæ causâ, cum excommunicato Rege communicare se posse credebant; id verò errorem esse manifestum, & nos probavimus, & jam in confessio est; atque omnino constat, falso nixos systemate, obedientiam omnem Principi denegâsse.

Dodech. an. 1090. Neque aliter alii pasim causam hanc tuebantur. Extat apud Dodechianum Abbatem, Mariani Scotti continuatorem, atque hujus ævi Annalistam,
* Turingia. Stephani Alberstatensis Episcopi, sub nomine Ludovici Comitis * ad Val-

tramnum Magdeburgensem Regis Henrici defensorem, epistola (b) vehementer, cuius quidem summa est: Regem adulterum, homicidam, simonia-
cum, atque adeò hæreticum, non esse à Deo ordinatum, eâ ratione quod
pro his nefandis malis ab Apostolica sede excommunicatus, nec Regnum, nec
potestatem super nos, quia Catholici sumus, poterit obtinere. Quam epistolæ
summam Dodechinus his verbis comprehendit: *Venerabilis Episcopus, voca-*
to notario, epistolam dictavit, in quâ Henricum hæreticum & excommunica-
tum, ideoque nec Regem dicendum comprobavit. Sic depositionem ab excom-
municatione suspendunt, errore manifesto, ut jam in confessio est.

Solebant autem his temporibus vehementissimè urgere, quod excommuni-
catos vitare debeamus; legiturque eâ de re Bernaldi * opusculum ad Geb-
hardum Abbatem Schaffusensem; eâque se ratione maximè tuebantur, qui
Regem respuebant.

Lambertus Schafshaburgensis, Gregorianarum partium studiosissimus, ad
annum 1076. memorat excommunicatione factum, ut Uto Episcopus Tre-
virensis aliique, cum Rege stare vererentur. Itaque hâc de causâ ab Epis-
copis, & Proceribus Palatinis abstinebat, obtendens & eos & ipsum Regem ex-
communicatos esse à Romano Pontifice; sibi tamen, quod ipsum vix summis pre-
cibus extorserit, indultam tantum esse colloquendi Regis licentiam; nullâ præter
hoc in cibo, in potu, in oratione, vel in ceteris omnibus communione ejus per-
missa: quasi speciali permissione indigerent, ut de necessariis Reipublicæ ne-
gotiis, cum excommunicato Imperatore tractarent.

Ipse Gregorius VII. quanquam, ut memoravimus, distinctis verbis à de-
positionis sententiâ excommunicationem ipsam discrevisse videbatur; id ta-
men omnibus epistolis inculcabat, ne Regi, ne ceteris excommunicatis com-
municarent; ut qui intelligeret eâ re omnem causæ suæ vim contineri.

Atque is tamen, ut vidimus, in Concilio Romano IV. anno 1088. nece-
ssitate ipsâ, illud de vitandis excommunicatis interdictum ita molliverat, ut
ab excommunicatione illos exciperet qui cum excommunicatis necessariâ
causâ communicarent: uxores videlicet, liberos, servos, ancillas, rusticos
servientes, nulla subditorum Regisque factâ mentione; tamquam ea nece-
fitas, quâ Regibus obsequimur, una esset, cuius apud Christianos nulla ra-
tio habeatur: quod tamen officium ne prorsus omittenderet, exceptos quoque
volebat omnes alios, qui non adeò Curiales sunt, ut eorum consilio scelera per-
petrentur; ut jam nihil aliud vetitum intelligatur, quam ne scelerum con-
fortes fierent: quo uno Gregorii decreto, omnia de deponendis Regibus
decreta corruunt.

Quin etiam secuti Romani Pontifices depositionem ab excommunicatio-
ne distinctam esse voluerunt, ut jam vidimus & sâpe videbimus; certum
que est omnino autoritate eorum, Canonistarumque, ac Theologî omnis,
totam regnandi vim, cum ipso anathemate stare posse. Neque minus certum
Childecum & Irenem, quos Regno depositos esse volunt, nullâ umquam

(b) *Epistola*] illa acerbè scripta & iracundè, falsis ntitur fundamentis, falsis item &
absurdis abundat argumentis; ut minimè decuerit Stephanum Episcopum hujus faisse au-
torem, & Ludovicum Comitem hanc suam subscribendo fecisse.

* Constantiæ Pres-
biteri.
Vetera mo-
num. &c. p.
239.
Lambert.
pag. 237.

Greg. vii.
lib. iv. ep.
ij. vj. viii.

Sup. lib. j.
fct. ij. cap.
xxviii. vid.
tom. x. C. C.
pag. 370.

excommunicatione fuisse percussos. Quare nihil erat manifestius falsum quam depositionem connexam esse cum excommunicatione, quæ sine depositione, & sine quâ depositio esse possit.

C A P U T V.

Quod nunquam de potestate Reges deponendi canon conditus fuerit; nunquam edita professio, nunquam eà de re pronunciatum, ac nequidem unquam quæstum: inceptum à factis quæ deinde ad ius tracta sint.

ILLUD etiam asserimus ad placandos Catholicos & Hæreticos retundendos, de deponendis Regibus numquam canonem aut professionem ab Ecclesiâ fuisse editam, neque à quoquam aut Concilio, aut etiam Papâ pronunciatum esse, ne quis negaret Principes à Pontificibus posse deponi; neque ab ullo Doctore, ab ullo Historico, ab ullo viro bono esse scriptum, hæreticum aut schismaticum fuisse quemquam, eo præcisè nomine, quod negasset Reges à Pontificibus posse deponi.

A multis sanè id negatum, etiam Gregorii VII. tempore, confitentur omnes, & ipsæ testantur Hermanni quæstiones. Id etiam negârunt quotquot illis temporibus pro Henrico IV. apologias ediderunt: id negavit

Epist.Cleri
Leod. adv.
Pacifij.tom.
x. Conc. p.
630.

Ecclesia Leodicensis celebri illâ epistolâ, quâ illa decreta de deponendis Regibus, salvo in aliis Apostolicæ sedis Primitu, inter novellas traditiones Apostolicæ doctrinæ adversantes recensentur. Alios innumerabiles commemo-
rare nihil attinet. Neque tamen prætermitti debet autor vitæ Henrici IV.

Vid. ap.
Ursperg. p.
382.

cujus hæc verba sunt: *Absolvit (Gregorius) omnes à juramento, qui fidem Regi juraverant... quod factum multis displicuit, si cui displicere licet, quod Apostolicus fecit; & asserebant tam inefficaciter quam illicite factum quod factum est.* Id si error fuit, qui in eo versabantur, canone aliquo, dogmate, professione, doctrinâ, erudiendi fuerunt. Cùm enim errores proferuntur, eos damnare ac prohibere solet Ecclesia Catholica, & contrariam veritatem edito canone declarare. Solet etiam postulare ab errantibus erroris sui professionem. Exempli gratiâ, postquam Græci negârunt Primum Apostolicæ sedis in spiritualibus, non contenta Ecclesia est Romanum Pontificem pro eo ac debuit modo venerari; sed editâ professione à Græcis exigit ut eam potestatem agnoscerent. Quare si pro certo haberet Ecclesia, valere eam potestatem ad bona temporalia, atque etiam ad Imperia detrahenda; id quoque editâ professione declararet, vel à negantibus reposceret; neque unquam aliter est factum in fidei dogmatibus. At neque Gregorius VII. neque alii Pontifices quidquam tale præstiterunt; neque quisquam canonem talem unquam, professionemve protulit. Cur hoc? Nisi quòd omnes intellexerint, rem hanc ejusmodi esse, quæ ad dogma Ecclesiasticum nullo modo pertineret.

Neque verò inter canones recensemus, quæ Gregorius VII. ad Heriman-

num scripsit, tametsi eorum excerpta, à Gratiano & aliis, in Decreti corpus illata sint. Satis enim constat illam epistolam nunquam inter decretales fuisse recensitam, Gratianumque & alios canonum consarcinatores, nihil majoris tribuere autoritatis iis quæ operi suo intexuerint. Decr. part. ij. caus. v. quest. vij.

Idem respondemus ad caput, *Juratos*, ab eodem Gratiano, sub Urbani II. qui Gregorio VII. successit, nomine proditum; neque epistolam, unde Gratianus hunc descripsit canonem, uspiam invenimus. Ibid. cap. v.

Caput autem, nos *Sanctorum*, à Gregorio VII. in Concilio Romano IV. prolatum, Gratianus exscripsit, nosque supra retulimus, & ex verbis patet, rem quidem narrari quæ à Gregorio VII. geri soleret, non autem quæ decreti vice, aut sub anathematis pœnâ sanciretur. Ib. cap. iv. vid. sup. lib. j. feb. t. j. cap. viij.

Nam quod inter dictatus Papa refertur, quod Papæ liceat Imperatores depolare; quod à fidelitate iniquorum subjectos possit absolvere, nihil est. Greg. viij. lib. ij. polt. epist. lv.

Fateor à Baronio dictatus illos Papæ, qui inter Gregorii VII. epistolas recensentur, Concilio Romano III. anni 1076. fuisse adscriptos; sed nullo teste, autoritate nullâ. Cùm enim eorum dictatum in ipsâ Synodo, aut in Gregorii VII. epistolis, aut in Historicis, qui de Synodo scripsere, nulla mentio habeatur, probabilius est, hos Papæ dictatus ex epistolis Gregorii à studio quodam fuisse collectos.

Atque ut maximè fateamur dictatum hunc à Gregorio in Concilio aliquo fuisse editum, non tamen ita ut inter canones adscribatur; quemadmodum neque illud: *Quod Romanus Pontifex, si canonice fuerit ordinatus, meritis beati Petri indubitanter efficitur Sanctus: aliaque ejusmodi, quæ inter dictatus Gregorii relata, ipsi adversarii canonibus accensere erubescant.* Dict. xxij.

Neque obstat quod hæretici ac schismatici habeantur qui Henrico favebant. Quærendum enim est quo nomine hæretici aut schismatici essent. Merito enim schismatici, suoque sensu hæretici, qui & legitimum Pontificem nullâ autoritate dejecerant, & apostaticum in Petri Sedem per vim ac sacrilegium intrudebant: ad hæc canones conculcabant, & Simoniacos, & incontinentes Clericos fovebant. Qui autem eos aut hæreticos aut schismaticos dixerit, eo præcisè nomine, quod negarent à Papâ Reges deponi potuisse, tot inter gravissima quæ mutuò inferebant crimina, nemo extitit.

Certum igitur est nunquam eâ de re expresse quæsitus, talisne potestas Pontificibus à Domino data esset; nunquam expresse constitutum, concessam eam esse: neque unquam à quoquam qui id pernegasset, exactum, ut eam sententiam factâ professione ejuraret.

Sanè anno 1102. cùm Pascalis II. Concilio Romæ habito, adversus Henricum IV. & ejus asseclas antecessoris anathemata iteraret, habiti pro hæreticis, qui anathemata contemnerent, adactique in hanc formulam: *Anathematis omnen hæresim, & præcipue eam quæ statum presentis Ecclesie perturbat, quæ docet & adstruit anathema contemendum, & Ecclesia ligamenta spernenda esse: promitto autem obedientiam Apostolicæ sedis Pontifici, Domino Pascali, ejusque successoribus, sub testimonio Christi & Ecclesie, affirmans quod affirmat, damnans quod damnat sancta & universalis Ecclesia.* Hæc erant quæ Catholica Ecclesia, editâ professione, à schismaticis ad unitatem redeuntibus postularet: quæ omnia in confessio sunt apud omnes Catholicos. Conc. Later. sub Pasc. ij. tom. x. vid. Cörad. Uspurg. an. 1102.

Ulterius profilire , aut de deponendis Regibus quidquam expromere , ac pro canone edere , Ecclesiae Doctor Spiritus sanctus vetuit.

Ac postea anno 1105. cum de compositione inter Pontifices Gregorii successores & eumdem Henricum IV. ageretur , nihil aliud ab Henrico postulatum , quam ut fateretur , se *injustè Hildebrandum esse persecutum : Guibertum ei injustè supposuisse , & injustam persecutionem in Apostolicam sedem & omnem Ecclesiam hactenùs exercuisse* : quæ quidem erant certissima , eo nomine , quod ad obedientiam vero Pontifici denegandam , falsoque præstandam , omnes adegitset.

^{Ep. Henr. iv. ad Reg. Celt. in vir. Henr. ap. Ursperg. p. 397. vid. Bar. tō. xij. an. 1106. p. 45.} Ut autem recognosceret à sede Apostolicâ dari aut adimi potuisse Principatus nemo postulavit , nemo cogitavit.

Objiciunt Gregorium VII. aliosque Pontifices , non alio fundamento nimnos , hæc de Henrico aliisque autoritate clavum deponendis edidisse decreta , quam quod existimabant id suæ esse potestatis : ergo eam doctrinam ut certam supponebant.

^{Vid. sup. hoc lib. cap. j. & in app. lib. iij.} Qui hæc objiciunt , meminerint , velim , id quod est à Bellarmino aliisque magno consensu dictum : nempe accuratissimè discernenda , quæ Romani Pontifices de facto jussierint , ab iis quæ decreto edito facienda constuerint ; neque etiam decretorum omnium parem esse rationem , cùm eodem Bellarmino , aliisque consentientibus , iidem Pontifices multa decreta protulerint ex falsâ sententiâ quam ipsi probabilem reputarent.

Quare omnino certum est , de hac potestate Reges deponendi , etiam postquam negata est , nunquam quæsitus , nedum pronuntiatum fuisse : sed postquam eam ex facto exercere cœperant , jus ex facto trahere conabantur. Verum aliud profectò est factum Gregorii , quod , quantum ad temporalia adempta pertinebat , Henricum Regem duntaxat , solamque Germaniam Italianve spectaret : aliud decretum seu dogma , quod universæ Ecclesiæ probandum refutandumve proponeretur.

C A P U T V I .

Quod multi in Germaniâ Orthodoxi etiam Episcopi à GREGORII VII. sententiâ discriparint : exemplum Trevirensis Ecclesie , ac BRUNONIS Archiepiscopi , Imperatori deposito omnia jura servantis , etiam ea quæ ad designandos Episcopos antiquitus datae essent.

NEQUE verò hæc hæserunt , infixaque sunt animis eâ firmitudine ; quâ solent fidei æterna dogmata , ab altâ Christianitatis origine per omnem sæculorum seriem devoluta. Etsi enim horum temporum historiæ , plerumque obscuræ mancæque sunt , pervenire tamen ad nos Præsumum illustrium nomina , qui Henricum IV. jam depositum , ut Imperatorem debitâ obedientiâ in civilibus coluerunt. Hic autem Germanos solos profemus , alios alio loco commodius suo ordine memorabimus.

Laudatur

Laudatur in historiâ Trevirensi Bruno Archiepiscopus , eleemosynarum suummæque pietatis nomine : atque illum quidem Ecclesiæ Catholicæ & tom. xij. Romano Pontifici conjunctissimum fuisse constat : quippe qui Egilberti antecessoris , falso Pontifici Guiberto & Henrico IV. communicantis , gesta resciderit , ab eoque ordinatos nullos admiserit , nisi qui se legitimo Romanæ Ecclesiæ Pontifici obedituros super Evangelium ficerent .

Hist. Trev.

tom. xij.

Spicil. pag.

242.

Ibid. pag.

234.

Cùm tamen ita affectus esset erga verum Pontificem , tunc Paschalem II. haud minùs ipsi Henrico IV. toto Episcopatu s vitaque suæ tempore gratius & obsequens fuit ; de quo etiam ibidem scribitur : *Cum tantâ solerziâ* Ibid. pag. *& sapientia ab ipso rem actam* , ut in gravissimis illis Regnum inter & Sa- 243. cerdotium dissidiis , ita Catholicorum amplexus sit consortium , ut Imperatori debitum non denegaret obsequium ; neque ita se Casarianorum communione contaminaverit , ut Catholicorum offensas incurverit. Itaque & Episcopi simul & egregii civis functus officio , utriusque parti conjunctissimus , idoneus etiam reconciliandis animis habebatur. Et quidem ab Henrico IV. jam sæpe deposito , multis jam ornatus beneficiis , anno 1101. flagrantibus maximè dissidiis , Trevericæ præfectus est Ecclesiæ , potentibus Trevericis. *Treverici* Ibid. pag. *petierunt sibi Episcopum dari , quibus Imperator , potentibus Principibus* 240. *consentientibus civibus , Brunonem consecrari jussi. Denique ibidem ordinatus* est ab Edalberone Metensis Ecclesiæ Episcopo , oleum sacra benedictionis impo- niente , Joanne Spirensi , Richero Virdunensi cooperantibus ; & assidentibus Archiepiscopis Ruthardo Moguntiensi & Friderico Coloniensi & aliis quamplurimis Episcopis. Prorsus antiquo more rituque , quodque notandum est , eas partes agente Imperatore , quæ pridem à piis Imperatoribus actæ es- sent : adeò Imperatoris nomine colebatur , atque omnia in designandis Episcopis olim usu Ecclesiæ Regibus attributa , deposito etiam & excommuni- cato Principi integra servabantur.

Jam ut ejus Antistitis gesta prosequamur , sic scribit Historicus : *Anno* Ibid. pag. *ordinationis sua 3. Roman profectus , Apostolorum gratia & percipienda be-* 241. *neditio magistri causâ , invenit Dominum Paschalem Papam universali Sy-* nodo præsidentem , Papatus sui annum 8. agentem , à quo honorifice suscep- tus est , iupite Belgicae-Gallia prima Meropolis Praeful magnificus. Addit tamen Historicus : Sed quoniam Episcopalia , videlicet annulum & baculum , per manum laicam suscepisset (contra Gregorii VII. Urbani II. & Paschalis II. interdictum) atque quia Ecclesiæ dedicasset , & Clericos , necdum pallium consecutus , promovisset (quod à Romanis Pontificibus pridem erat vetitum) multum asperè correptus est ; & decernente Episcoporum ibi congregatorum Con- cilio , Pontificatus officium depositus : quod tamen ipsis intervenientibus , quia discretio ejus & prudentia officio & tempori congruens erat , post triduum , non sine admissorum pœnitentiâ recuperavit.

Diligenter attende quid in illo Papa & Episcopi reprehenderint , & cu- jus eum pœnituerit. Non profectò quod Regem depositum agnovisset , ab eoque præfектus Trevericæ esset Ecclesiæ. Id enim , modò absque Simoniâ , ac servatis canonibus fieret , non improbabat Ecclesia ; sed propter an- nulum & baculum , consecrationesque & ordinationes sine pallio , adversus Pontificia decreta factas ,

Liquet ergò, ne ipsum quidem Papam & universalem Synodum, cui ipse præsideret, quidquam ab eo exegisse, quod ad ejurandum Henricum IV. Imperatorem pertineret; rediitque in Germaniam pari in Regem fide, Ib. p. 242. atque obsequio clarus, teste eodem Historico: *Talem se in omnibus modis exhibebat, ut in administrandis quoque Regni negotiis, ex omnibus Principibus... nullus eo sublimior haberetur: adeo ut eum Imperator Patrem suum vocaverit, & majorem ceteris honorem ei impenderit; sed & ab omnibus Episcopis quacunque se conventui eorum ingessisset, ut par quidem diligebatur, sed ut major venerabatur. Igitur quoniam in rebus sibi commissis strenuissimus erat, defuncto Imperatore, communis consilio Principum, Regia Curia vicedominus effectus est, & Regnum, Regnique hæres (Henricus videlicet hujus nominis V. Rex) adhuc adolescens circa annos 20. ei committitur.* Hæc quidem satis probant quæ in deponendis Imperatoribus gesta essent, non esse considerata ut decreta fidei, sed ut facta Pontificum, quibus sancti viri orthodoxæque Ecclesiæ minimè consentiendum ducerent, Romanis Pontificibus non improbantibus.

C A P U T V I I.

Sanctus OTHO Bambergensis, sanctus ERMINOLDUS Abbas: designationes Episcoporum ab Imperatore deposito factæ, ab Orthodoxis Ecclesiis petitæ & admissæ: quid in iis sedes Apostolica & Concilium Romanum improbant.

EODEM ferè tempore, anno videlicet Christi 1102. quo ad Trevi-

rensem Ecclesiam iste promotus est, sanctus Otho Pomeraniæ Apo-

tolus, Bambergensem Episcopatum sortitus est, cuius vitam habemus apud

Canis. ant. leet. tom. ij. lib. j. pag. 333. Baron. tom. xij. an. 1102. & seq.

Ibid. p. 25. & f. q.

* Annulos & baculus.

viri laudibus. Is ergò in Henrici IV. aulâ versatus, Cancellarii munere præ-

clarè est defunctus, atque Imperatori in pietatis officiis conjunctissimus

fuit. Nam Henricus, variis moribus, pietatis etiam officia frequentabat.

Dum ergò sanctus Otho Cancellarii munus egregiè exequeretur, Ru-

perius Bambergensis Episcopus de hac vita migravit. Itaque ex more temporis,

insignia Episcopatūs * ad Curiam allata sunt, & peritio Ecclesiæ pro Pastore.

Sed Imperator consilio sex mensium inducias ponit; Ecclesia verò Bambergen-

sis, cum Clero & Populo, Deo interim devotissimè, pro idoneo Rectore suppli-

cabat. Sic piæ sanctæque Ecclesiæ, etiam in iis quæ ad Ecclesiastica perti-

nent, Imperatorem quantumvis depositum observabant. Hoc ritu sanctus

Otho Episcopus designatur, & ad sarcinam subeundam invitus adigitur.

Factum id sub Paschalis II. initia, * & scribit ad eum sanctus Otho in

hæc verba: *In obsequio Domini mei Imperatoris per annos aliquot degens, &*

gratiæ in oculis ejus inveniens, suspeclam habens in manu Principis investi-

turam, semel atque iterum cum dare vellet, renui Episcopatum. Non ille ob-

sequium ac fidem, in excommunicatum ac depositum licet Principem, ne-

quidem provectionem ad Episcopatum, eo designante, sed investituram

* Ap. III.

eius Pontificatus.

Can. ib. cap. v. pag. 338.

Ibid. & tom. Conc. x. p. 688.

tantum suspectam habet. Pergit: *Nunc verò jam tertio in Bambergensi Episcopatu me ordinavit, in quo tamen minimè permanebo, nisi vestra complacaret Sanctitati per vos me investire & consecrare.*

At Paschalis, Dominum Imperatorem professo neque ab ejus obsequio discedenti, ut dilecto fratri Bambergensis Ecclesia electo rescribens, salutem & Apostolicam benedictionem impertit, & ejus probat electionem ab Imperatore factam: nihil aliud quam investituram improbat. Quid plura? Baculum & annulum deponenti restituit: eum consecravit: ad Ecclesiam de ejus consecratione, salvo Metropolitani jure, à se facta scripsit; nihil tamen de ejurando Imperatoris obsequio, aut ab eo postulavit, aut Ecclesiae significavit.

Habemus apud eundem Canarium à Baronio relatam sancti Erminoldi Abbatis * vitam, in quâ hæc legimus: *Henricus aliquando Imperator (V. quarti filius) cum propter excessus suos in Papalis excommunicationis sententiam incidisset, & tamen à religiosis ac magnis etiam Prelatis Ecclesie, Imperatoria dignitatis intuitu honor sibi ac solita reverentia deferretur &c.* Non ergo omnes in eo errore versabantur, ut ab eo excommunicato Imperatore, etiam in civilibus abstinentem esse, cum sancto Gebhardo aliisque crederent; sed magni etiam ac religiosi Episcopi contrariam sententiam tuebantur.

Et quidem Erminoldus excommunicatum Henricum aditu Ecclesiæ sa- crique Monasterii, atque etiam fratrum salutatione prohibebat: ipse ta- men & Imperatorem appellavit, & pro officio salutavit, & quod excom- municato non omnia consueta præstaret, excusatum se voluit.

Porrò electiones Episcoporum eas, quæ autore Imperatore solebant fieri, post Henrici IV. depositionem, ab Episcopis etiam Gregorio VII. addictis, consueto more fuisse frequentatas, testatur Historia Trevrensis supra memorata: cuius quidem auctori, sua suoque ævo proxima enarranti, facilè adhibemus fidem. Hæc ergo in eâ historiâ legimus: Anno 1078. depositio- nis jam à Gregorio VII. dictâ sententiâ, Udonem Archiepiscopum Tre- virensem vitâ discessisse, substituendi Episcopi gratiâ Imperatorem Treverim advenisse: eò etiam advenisse Herimannum, Metensem eum, quem sæpè memoravimus, Theodericum Virdunensem, eum quem Magnum appellant, & Bibonem Tullensem, Provinciæ Trevrensis suffraganeos Episcopos: Herimanno ac Bibone autoribus, idoneas personas Imperatori fuisse à Cle- ro nominatas, quas tamen respuerit, *quod nemo ejus benevolentiam dignâ taxatione prævenerat.* Tandem Egilbertum ab eo fuisse admissum, sed ab Herimanno ac Bibone non fuisse receptum, prohibitosque Episcopos à Clero & Populo ne eum consecrarent; *propter canonicum illud decretum, quo precipitur ut nullus in Episcopum, nisi canonice electus, consecretur,*

Ergo quem Imperator canonice designâsse, omnino recepturi erant; idque sentiebat Ecclesia Trevrensis illa sub Othono, (is est qui superius Udo appellatur, *) Gregorio VII. addictissima. In eam sententiam cum Coepis- copis Herimannus quoque Metensis Episcopus convenerat, is quem Gre- gorio VII. addictissimum fuisse memoravimus: ut profecto non miremur toties fluctuâsse & consultâsse eum, qui Henricum etiam depositum, in tam solenni tamque Ecclesiastico actu Imperatorem agnoscat.

Can. ibid.
cap. ix.

Can. tom.
ij. p. 507.
Bar. tom.
xij. an.
1121. pag.
148.

* Monas-
terii Prafe-
ningensis
unius ex il-
lis quæ S.
Otho Bar-
bergensis
Episcopus
erexerat.

Ibid. pag.
520. 521.

Hist. Trev.
tom. xij.
Spicil. pag.
226. 227.

* Semper
ille appel-
latur Udo,
nunquam
Otho in his-
toriâ Trevi-
rensi.

Theodoricus Virdunensis , ille etiam à nostro Historico Magnus nuncupatus , tum Gregorio VII. sedique Apostolicæ conjunctissimus , haud minus Imperatorem agnovit , probante Pontifice , cuius etiam iussu cum Imperatore causam Herimanni Metensis studiosissime egit . Testatur epistola in eadem historiâ Trevirensi ad Gregorium VII. quâ simul eum Pontificem , & Henricum depositum licet , Regem agnoscit .

Multos alios Episcopos religiosos & magnos in eadem sententiâ fuisse vidimus ; ac vitæ sancti Gebhardi Juvavensis suprà laudatus autor , in totâ Germaniâ quinque omnino Episcopos memorat , qui Gregorio in omnibus adhæserint , & ab Imperatore penitus discesserint . Hos ille quidem Catholicos nominat ; sed interim ipse dubius , cuius nimis verba retulimus dubitantis ; justane , an injusta Gregorii sententia fuerit ; ut fluctuâsse patet etiam eos qui Gregorio VII. maximè favisse videantur . Neque his quinque Episcopis Catholica apud Germanos continebatur Ecclesia , cùm alias multos magnos sanctosque ab iis dissensisse , Romano quoque Pontifice probante , videamus .

Neque verò putandum est , omnes qui Henrico adhærebant , favisse ejus schismati . Vel unus vitæ Henrici autor prodeat in medium , qui Henricum jam à Gregorio VII. discessurum , quasi ab eo scelere dehortaturus , sic compellat : *Cessa , obsecro , Rex gloriose , cessa ab hoc molimine , ut Ecclesiasticum Caput de suo culmine dejicias , & in reddendâ injuriâ te reum facias . Injuriam pati , felicitatis est ; reddere , criminis . Excusat ut potest ; cæterum , quantum abeslet à Domini sui tuendo schismate aperte significat . Idem cùm de depositione à Gregorio VII. prolata diceret , hæc summâ modestiâ scripsit : Quod factum (Gregorii VII.) multis displicuit , si cui licet displicere quod Apostolicus fecit ; & afferebant tam inefficaciter quam illicite factum , quod factum est . Sed non ausim assertiones eorum ponere , ne videar cum eis Apostolici factum refellere . Factum quidem ; non enim hæc putabant ad dogma Ecclesiasticum pertinere . Laudamus prudentem Historicum , qui Romanum Pontificem tam reverenter habeat ; cuius ego exemplo de his conticescerem , si tacendo deleri atque obliterari possent . Illud interim intelligo , multos extitisse , qui & à Gregorii VII. novitate , & ab Henrico IV. schismate procul essent . Neque mirum cur eorum nomina , tantâ in perturbatione rerum minimè ad nos pervenerint ; cùm is etiam , qui Henrico IV. apertissime favet , vitæ ejus scripor , tam timidè referat , quæ in Gregorium dicerentur .*



C A P U T V I . I .

LEODIENSIS Ecclesiae egregium testimonium : LEODIENSES an fuerint schismatici : an in suâ epistolâ falsum aliquid docuerint : cur pro cæ doctrinâ veniam petierint , cum in communione recepti sunt.

LEODIENSIS Ecclesia à tot sanctissimis Episcopis instituta , pietatis ; doctrinæ , atque Ecclesiasticæ disciplinæ laude floruit. Hæc de nostrâ quæstione insignem scriptit epistolam tomis Conciliorum insertam. Hæc ut intelligatur , exponenda paucis horum temporum historia. Anno Christi 1105. Henricus V. Henrici IV. filius biennio antea Rex à Patre designatus , in parentem arma movit , tanquam eum coacturus ad Apostolicæ sedis obsequium. Principes ad filium defecerunt : captus Imperator : Anno 1106. * Conventus Principum Moguntia factus , ubi supervenientes Apostolica sedis Legati , anathema à Romanis Pontificibus in Imperatorem factum , omnibus qui aderant promulgabant : Principem Henricum seniorem omnibus modis communitum , vel , juxta alios , circumventum & coactum , insignia ** Regni resignare ac mittere filio persuadent. Hæc Otho Frisingensis. Tum subdit : Quæ omnia utrum licet an secus acta sint , nos non discernimus : adeò hæc omnia , licet autoritate Romani Pontificis Paschalis II. facta , à viris doctis , sanctisque , pro ambiguis habentur. Henricus IV. Coloniam pergit , exinde Leodium , in utrâque parte Regio more suscepitus , bellum instaurat. Hac ergo temporum necessitudine , Leodienses , quod Episcopum suum fecuti , Henricum seniorem adversus filium tuerentur , à Paschale II. excommunicati , jussusque Robertus Comes Flandrensis ferro adoriri eos. Extat epistola Paschalis II. quæ incipit : Benedictus Dominus : quâ , Comiti ejusque militibus , in peccatorum remissionem , & Apostolica sedis familiaritatem præcipit , ut Leodienses Clericos , omnesque Henrici hereticorum Capitis fautores pro viribus perseguatur.

Èâ causâ Leodienses , superstite adhuc Henrico IV. bellisque inter patrem & filium flagrantibus , gravem edunt epistolam sub hoc titulo : *Omnibus hominibus bona voluntatis* : quos quoniam Baronius ut schismaticos sugillat , ne inauditos damnemus , audire nos oportet. Ergo prolixæ epistolæ hæc summa est.

Primum quidem , Leodienses Romanam Ecclesiam non aliter quam matrem , Paschalem non aliter quam patrem , quam Apostolicum , quam Episcopum Episcorum , quam Angelum Domini , quam Christum Domini , appellant : *Ad quem pertineat sollicitudo omnium Ecclesiarum*. Hildebrandum etiam seu Gregorium VII. non aliter quam pro Papâ habent. Jam ergo constat eos non adhæsse Antipapæ , neque à vero Pontifice recessisse.

Secundò , negant excommunicari se débuisse , quod Regem colerent , ac Cæsari redderent quæ essent Cæsaris , laudatisque Petri & Pauli locis de-

Tom. x.
Conc. pag.
630. Do-
dech. an.
1105. 1106.
1107.

* Id est
an. 1105.
ante Natale
Dominii.

** Crucem
scilicet , lan-
ceam , scep-
trum , glo-
bum , atque
coronam.

Oth. Fris.
lib. viij. cap.
vij. ix. x.
xj.xij. Ursp.
P. 143.
Tom. x.
Conc. epist.
vij. Pasc. ij.
P. 629.

Ibid. pag.
630. Bar.
tom. xi. an.
1102. p. 26.

Vid. tot.
epist. sed
impr. pag.
633.

Ibid. & p. 639. colendis Regibus : *Quia ergò, inquiunt, Regem honoramus, quia Dominis nostris non ad oculum, sed in simplicitate servimus, idèo excommunicati dicimur?* Addunt inviolabilem esse quæ Regi, ex Regalibus ejus acceptis ab omni tempore, jurata sit fidelitas: primum Hildebrandum hæc commovisse: hunc *novella traditionis* autorem, ut debita Regi ac jurata etiam fidelitas solveretur. Quod autem Paschalis II. Henricum seniorem vocaverat hæreticorum Caput, sic respondent : *Si talis est, quod absit, & pro nobis dolemus, & ipsi Domino nostro condolemus: nihil modò pro Imperatore nostro dicimus; sed hoc dicimus, quòd etiam si talis esset, tamen eum nobis Principi pari pateremur, quia ut talis nobis principetur, peccando meremur. Esto, concedimus vobis inviti, eum talem esse qualem dicitis, nec talis à nobis repellendus esset, armis contra eum sumptis, sed precibus ad Deum fusis.*

Ibid. pag. 338. 339. Ibid. pag. 338. 339. Patet ergò Henrici IV. tempore fuisse multos, qui cùm sedem Apostolicam, eique præsidentes Romanos Pontifices colerent, interim à Regum obedientiâ, Pontificiis decretis abduci se posse pernagabant. Tota enim Leodiensis Ecclesia, divinis eloquii erudita, eam doctrinam tuebatur.

Neque dicas Leodienses, commotiores scilicet, quædam profudisse, quæ nec ipsi probemus: neque enim nostrâ refert, quâm commoti fuerint, qui ferro, flammâque vastari juberentur; sed quâm veram doctrinam de Romanis Pontificibus deque Regibus tradiderint.

Ibid. pag. 637. Neque etiam objicias, aperto errore laborâsse eos, qui excommunicari posse Reges negare videantur. Neque enim id absolutè dicunt, quòd Reges & Imperatores excommunicari non possint: sed quòd aut minime, aut difficilè possunt Reges & Imperatores excommunicari, secundum etymologiam nominum illorum, & juxta determinationem excommunicationis. Hæc enim non obscurè significant, raro quidem & difficilè veniendum esse ad excommunicandos Reges, quod nemo diffitetur: minimè verò & nunquam, ad excommunicandos eos è excommunicatione, quâ societas etiam civilis abrumpit: Unde excommunicationem à Pontificibus latam, non absolute nullam, sed indiscretam appellant.

Coc. Rom. iv. tom. x. p. 370. vid. p. 638. Quid autem esset illa excommunicatio *indiscreta*, prolato canone Gregorii VII. exponunt his verbis: *Quòd excommunicati dicimur, non gravius iusto feras; quia, ut credimus, nos ab excommunicatione excipiet, saltem ipsa Romana autoritas. Hildebrandus Papa, qui autor est hujus novelli schismatis,*

& primus levavit Sacerdotalem lanceam contra Diadema Regni, primo indiscretè Henrico faventes excommunicavit; sed reprehendens se intemperantiae, exceptit ab excommunicatione illos qui Imperatori adhærebant, necessariâ ac debitâ subjectione, non voluntate faciendi, vel conciliandi malum; & hoc pro decreto scripsit: quod est illud decretum, quoniam multos, à nobis integrè suo relatum loco; in quo & illud notavimus, liberari ab excommunicatione eos, qui non ita Curiales sunt, ut eorum consilio scelera perpetrentur; quo quidem Leodienses satis se tutos ab excommunicatione putabant, cùm nullius malæ rei autores extitissent.

Sup. lib. j. sect. ij. c. xxvij.

Ergò ea erat Leodiensibus *indiscreta* excommunicatio, quæ *indiscriminatim* communicationem omnem cum Imperatore, etiam in civilibus ac necessariis negotiis prohiberet: quam profectò doctrinam toto terrarum Or-

be à Leodiensi Ecclesiâ divulgam, à nemine erroris fuisse notatam legimus, aut nunquam ab eâ Ecclesiâ postulatum ut eam ejuraret.

Quod autem objiciunt, Leodienses petitâ veniâ in communionem receptos, nihil hoc ad ejuratam epistolæ doctrinam pertinere testatur ipse Baronius, qui eâ de re ex Urspergenſi (c) ſic ſcribit: *Leodiensis Epifcopus, ceterique Coepiscopantes, inter cetera recipiuntur in communionem pœnitentiae, hac conditione, quod cadaver ipsius excommunicari per se pridie in Monasterio tumulatum effoderent, & abſque ullâ sepulturâ vel exequiarum communione, in loco non consecrato deponerent; comprobantibus his qui aderant Archiepiscopis & Episcopis; quia quibus vivis Ecclesia non communicat, illis etiam nec mortuis communicare poffit.* Rectè omniò & ex priscâ disciplinâ; meritòque Leodienses emendare coacti, quod pravâ misericordiâ fecerant: interim patet hanc unam ab eis conditionem postulatam, ut cadaver excommunicati, ſacro loco projicerent: non profectò ut epistolæ ſuâ doctrinam abdicarent. Manet ergò epiftola, antiquæ doctrinæ de inviolabili Regum Majestate testis, adverſùs Gregorii VII. novitatem, quam diſtinctè notat; neque quisquam eam notam eluit. Manavit opinio hujus novitatis ad posteros, ut vel Othonis Frisingenſis à nobis relata verba teſtantur. Alios poſtea teſtes audiēmus. Hic quidem Germanici nominis Epifcopos ac Scriptores commemorare voluimus.

Bar. tom.
xij.an.1106.
pag. 51.

C A P U T I X.

Quod hæc decreta GREGORII VII. aliorumque Pontificum, nullo deliberante aut approbante Concilio, tum pessimo exemplo & infelicibus auspiciis facta sint.

ID verò in primis notatu dignum arbitror, quod illud Gregorii VII. factum, nullâ in legitimâ Synodo dictis ſententiis, comprobatum fuit. Nam ſolenne eſt Romanis Pontificibus, ut quæ approbante Concilio fecerunt, edicant factum aut constitutum eſſe, *sacro approbante Concilio*, vel aliam ſimilem adhibeant formulam, quâ ea quæ egerint Synodi judicio conſirmentur. Id paſſim videre eſt in Romanis Conciliis, quorum geſta habemus. Placet, exempli cauſâ, referre Concilium à Joanne VIII. habitum, de Carolo Calvo in Imperatorem electo. Sic interrogat Pontifex: *Qua in praefato piissimo... Carolo.... geſſimus ſententia prolatione, si unanimi generalitatì veſtra videtur, & per manus ſubcriptionem etiam in praefanti ac venerabili Synodo.... iterato promulgemus ac roboremus. Sancta Synodus respondit: Placet & valde*

Cōc.Rom.
j. sub Joan.
viiij.tom. ix.
pag. 298.

(c) Urspergenſi.] Non alio unquam nomine Baronius appellat Conradum à Lichtenaw, Urspergenſis Monasterii in Sueviâ Abbatem. Ille ſcripsit chronicon ab Affiriorum Rege primo Belo ad an. 1229. de quo ſic ſtatuit Bellarminus: *Obſervandum eſt hunc autorem, ob amorem erga Imperatores ſuę nationis, non pauca contumeliosa ſcripſisse de Innocentio III. & Gre- gorio IX. Pontificibus.... alioqui autem ſcriptorem eſſe ſatis diligentem & dignum qui legatur.* De ſcript. Eccl. an. 1215. Non immerito dubitari potest an eâ de re judeſ ſeſeat Bellarminus, quem tam ſepe audimus gravioribus censuris notantem eos omnes, qui, ut ipſe eſt, Pontificum non ſunt aeterni laudatores.

placet.... Tunc... Pontifex.... piissimi.... Caroli.... ad Imperialia sceptrum electio-
nem & promotionem.... ex tunc & nunc, & in perpetuum firmam & stabilem
decernimus permansuram. Responderunt omnes: Placet, placet, fiat, fiat. Fit
communi consensione decretum: ei subscriptur eo ritu passim: Joannes,
vel alias quavis, Romanæ Ecclesie Episcopus huic decreto a nobis promulgato
subscripti: eodem tenore singuli Episcopi subscriptibunt: Decreto a nobis pro-
mulgato. Sexcenta ejusmodi acta in Conciliis extant. At in Gregorii VII.
Conciliis nihil simile. Non uti Joannes VIII. de confirmando, ita hic Gre-
gorius de deponendo Rege Episcopos interrogat; neque illi decretum assen-
sione firmant. Solus Gregorius haec edicit: Regnum contradico, juramentum
solvo, ne quis ut Regi pareat interdico. Cumque tot decreta Romanorum
Pontificum extent in Conciliis promulgata, quibus Concilii consensio &
approbatio inferatur; in deponendis Regibus nihil unquam tale legimus:
imò in Concilio Lugdunensi Ecumenico, illi decreto quo Fridericus II.
Tom. xj. Conc. pag. ab Innocentio IV. deponitur, non est appositum ex formulâ consuetâ:
640. Sacro approbante Conclilio, sed sacro presente Conclilio; adeò Pontifices id sibi
privatum reservare voluerunt. Quod quidem, quocumque animo gesserint,
certè ipsi testantur, haec, non Conciliarum autoritate, sed ab ipsis tantum
Pontificio nomine esse gesta.

Aut. vit. illud, quod tum primum cœpit de deponendis Regibus cogitari, cum bel-
lis civilibus attrita Respublica, ipsa etiam Regia nutaret autoritas. Saxo-
Ursperg. P. 382.

nibus enim ab aliquot annis rebellantibus, nonnulli Longobardorum, Fran-
corum, Bavrorum, Suevorum, data & acceptâ fide conglutinati sunt, qui Re-
gem undique bellis pulsarent. Autor vita Henrici id prodit: id Lambertus

Ott. Fris. Schafnaburgensis: id Saxonici belli scriptor; jamque adversus Henricum
de gelt. tota se Germania, totum Imperium commovebat. Tunc Gregorius depo-
Frid. lib. j. nendum aggreditur Imperatorem, ut à suis desstitutum, scribit Otho Fri-
cap. j. ap. singensis. Gregorius ergo ambitionis Principibus & quomodocumque Regem
Urst. p. 407. aggressuris, gerendi belli colorem & qualemcumque titulum, autoritate
Apostolicâ præbuit: quo quid infelicius? Hoc verò exemplo (piget com-
memorare quidem; sed causæ ratio id postulat, neque manifesta dissimulâsse
quidquam juvet) hoc, inquam, exemplo cæteri Pontifices tum Regibus
adimere Regna cœperunt, cum ultrò ruere, vel certè inclinari bellis maxi-
mè intestinis, fatigente Republicâ, viderentur. At si his prolatis decretis
bella cessarent, tamen infausti erat ominis, Apostolici nominis autoritate
ambitionem alere; nunc autem magis magisque bella civilia exarsere, pro-
fligati ingentes exercitus, qui Pontificum regnabant auspiciis Rodolphus
Suevus, Hermannus Lotharingus (*d*) in præliis cæsi: & quod Bertholdus
Constantiensis tradit, Pontificiarum partium per eam ætatem studiofissimus:

Berthold. Totum Romanum Imperium civili bello, nimio schismatis dissidio laboravit,
ap. Herm. aliis quidem Domino Apostolico, aliis Henrico faventibus: ob hoc, utrumque
an. 1083.

Urst. pag. 352.

(*d*) Hermannus Lotharingus,] Seu potius Luxemburgus, & ideò dictus Lotharingus; quia
profugus in Lotharingiâ, postquam Saxones, à quibus Rex electus fuerat, tibi sensit infi-
dos, ibi diem supremum obiit. Non enim, id quod innuere videtur D. BOSSUET, prelio
cessus est. Vid. Berthold.

totum Regnum prædâ, ferro & igne miserabiliter devastantibus. Quo bello per triginta fere annos Germania & Italia conflagravit; Roma ipsa capta, recepta, hostibus & auxiliantibus prædæ fuit; quodque omnibus pejus est, ad posteros exempla manârunt: & quoties à Pontificibus sunt inchoata talia, eadem consecutæ calamitates toti Orbi testabantur, quâm infausto omniæ à Gregorio VII. hæc cœpta sint.

Neque vero hæc referens, id nostræ causæ patrocinari volo, quod Roldolpho & Hermanno, Pontificiâ autoritate bella moventibus, res improspèrè successerint. Sanè scriptores ii qui nostris temporibus Gregorii VII. aliorumque Pontificum eadem conantium acta, tanquam coepita divinitùs, tuenda suscepérunt; ubi Pontificias partes felicioris successus aura afflaverit, continuò altius se extollunt: tanquam nesciremus Christiani, occultis judiciis hæc agi, ac plerumque pœnæ loco à Deo immitti victoriæ. Nos autem, si prospéra omnia Romanis Pontificibus tam nova in Imperium molientibus, contigissent; non minus infaustam prædicaremus Apostolicæ sedi potestatem eam, quæ ipsi tot stragibus, totque bellis, quantumcumque prosperis constitisset.

Nihil ergò hîc attinet commemorare Henrici IV. calamitates, armatosque in ipsum filios; Henricum præsertim V. jam unum superstitem, à quo victus pulsusque est: nisi quod hoc quoque pars est infelicitatis, quod Gregorii VII. Paschalisque II. decreta, tantæ impietati occasionem dede-rint, in eâque opem & præsidium nacta sint.

Neque eò meliùs Paschali II. res postea successerunt, qui Henricum V. tanto à se studio ad viventis patris Regna provectum, statim atque Imperatorem coronavit, hostem expertus est, rupto iterum Sacerdotii ac Regni fœdere, novoque de investituris bello comparato. Sed hæc postea paucioribus. Nam Gregorii VII. Henricique IV. rebus, quæ hujus quæstionis fons & caput essent, diutiùs nos immorari oportebat: cætera levius transibimus.

C A P U T X.

PHILIPPUS I. *Francorum Rex excommunicatus, nullâ unquam depositionis mentione.*

QUIDQUID Gregorius, eumque secuti Romani Pontifices in depositionibus aggressi sint, non manavit ad Gallias infaustæ depositionis exemplum; cuius rei his temporibus insigne habemus documentum.

Anno Christi 1094. 20. fere annis postquam Gregorii VII. de Henrico deponendo infausta ac feralia edicta exierunt, Historici hujus ævi, ac post illos Baronius memorat: Philippum I. Francorum Regem repudiâsse Bertham uxorem legitimam, & duxisse Bertradam Fulconis Comitis Andegavensis uxorem; ad hæc cognatam suam, atque adulterium raptu etiam &

B. r. tom.
xj. an. 1073.
Greg. viij.
lib. j. epist.
xxxv.
Bar. ib. an.
1094. pag.
648. tom.
vij. Conc.
Bin. part. j.

Tomus I.

O o

pag. 505. incestu cumulâsse. Id factum Urbano II. Pontifice. Tum, inquit Bertholdus
 Labb. tom. hujus ævi scriptor, in Galliarum civitate quam Ostionem vulgariter vocant,
 x. p. 499. congregatum est generale Concilium, à venerando Hugone Lugdunensi Archie-
 Berthold. pisco ac sedis Apostolica Legato, cum Archiepiscopis, Episcopis & Abba-
 an. 1094. append. ad Herm. ap. tibus diversarum Provinciarum. 17. Kal. Novembrium: in quo Concilio Rex
 Herm. ap. Urst. pag. Galliarum Philippus est excommunicatus, eò quod vivente uxore suâ, alteram
 372. superinduxerit.... hac omnia, inquam, ibi sunt constituta & Apostolica Le-
 gatione firmata.

Ibid. an. 1095. pag. 373. Anno sequente, ipse Papa Urbanus II. habuit Placentinum Concilium:
 Ibid. Citatus Philippus, eodem Bertholdo teste, inducias impetravit. Paulò post
 eodem anno 1095. in Galliis, inquit, ad Clarum-montem Synodus genera-
 lis à Domino Papâ congregata est, in qua tredecim Archiepiscopi cum eorum
 suffraganeis fuerunt, & ducenta quinque Pastorales virgæ numerata sunt. In
 hac Synodo Dominus Papa.... Philippum Regem Galliarum excommunicavit,
 eò quod, propriâ uxore dimissâ, militis sui uxorem in conjugio sociavit. Alii
 Historici idem memorant; nec tanto scelere, nec tam justo anathemate to-
 ties iterato, neque tanti Concilii, tantique Pontificis autoritate, detractum
 Imperium. Philippo fuit. Nemo id decrevit, nemo minatus saltem est, ne-
 mo id animo designavit; cum tamen præcessissent Gregorii VII. Henricum
 deponentis multa decreta, gravesque ad Philippum ipsum aliis de causis
 Sup. lib. ii. maximis, etiam intentatæ depositionis minæ, quas vidimus. Sed neque his
 cap. xxvij. Franci auscultabant, & ab iis adversus Francos Romani Pontifices tempe-
 rabant.

Berth. p. 375. Verum quidem est quod Bertholdus scribit anno 1096. Philippum Regem
 Galliarum, jam dudum pro adulterio excommunicatum, tandem Domino Pa-
 pa, dum adhuc in Galliis moraretur, satis humiliter ad satisfactionem venisse,
 &, abjurata adulterâ, in gratiam receptum esse, seque in servitium Domini
 Pape satis promptum exhibuisse.

Iv. Carn. Sed eò fuit sceleratior atque odiosior, quod Vicario Christi datam fidem
 ad Rad. fesellit. Unde Ivo Carnotensis, per ea tempora Episcopus, omniumque Epis-
 coporum doctissimus atque sanctissimus scribit: Regem excommunicatum à
 Rhem part. Domino Papâ Urbano in Claromontensi Concilio, factoque cum Bertradâ di-
 vorio, reversum ad ejus consortium, iterum excommunicatum esse in Piëta-
 pag. 90. veniensi Concilio à Cardinalibus Joanne & Benedicto. Quâ de re sic scriptum
 legimus in hujus ævi historicis: Per idem tempus duo Cardinales Apostolicæ
 sedis Legatione fungentes, ad urbem Piëtavium Concilium convocarunt, in quo
 CXL. * Patres adfuerunt, qui Philippum Regem Francorum, propter uxorem
 Vit. Bern- Fulconis Consulis Andegavensiū, quam in adulterio tenebat, anathematis vin-
 nard.j.Abb. de Tirono per Gauf. Gross. Du-
 ches. tom. iv. p. 167.
 Labb. tom. x. p. 720.
 & seq. Bar. tom. x. Jan. 1100. Hug. Flavin. in Chron.eod. an.

Cœcum autem Philippus hoc ad flagitia addidisset, ut, reversus ad vomi-
 tum, diutissimè in excommunicatione fordesceret ac computresceret, ni-
 hilo tamen secùs Episcopi & quæ ac cæteri omnes in obsequio perfiditerè.
 Perfudit ipse Ivo Carnotensis omnium fortissimus, pro eâ quoque causâ,
 tantique scandali Ecclesiasticâ ultione ab iniquo Rege carceres, aliaque in-
 fanda perpetratus, ut ad alia Regis scelera etiam persecutoris nomen accederet.

* LXXX.
rantùs nu-

Procul ergo ab nostrorum animis absuit illud Germanis multis hoc tempore persuasum; nempe excommunicatione seu anathemate abrumpti omne vinculum (*e*) societatis humanæ, ac nequidem in civilibus communicari posse cum excommunicatis Regibus: procul absuit à Francorum Regno illa, de deponendis Regibus Reipublicæ infesta sententia, cùm Regi flagitissimo excommunicationis datæque fidei, per tantum temporis spatum contemptori, nemo eam pœnam vel verbo intentarit, nedum re ipsâ intulerit.

merat Hugo Flaviniacensis.

C A P U T . X I.

Loci quidam IVONIS Carnotensis per summam inscitiam objecti solvuntur: Corona Regia Regi restituenda in his locis quid sit? IVONEM cum aliis omnibus Francis in obsequio perstitisse: GUILLELMI Malmesburiensis locus.

QUANQUAM hæc per se clara & invicta sunt, tamen expedire nos oportet ea quæ sunt à Francisco Jureto notata, ad Ivonis epistolam LXVI. & à Cardinale Perronio objecta.

Nempe Ivo sic scripsit ad Urbanum II. Venturi sunt ad vos in proximo Nuntii ex parte Regis Francorum... qui confidentes in calliditate ingenii sui & venustate lingua sua, predictis de causis impunitatem flagitii se impetraturos Regi, à fide Apostolicâ promiserunt: hâc ratione ex parte usuri, Regem cum Regno ab obedientiâ vestrâ discessurum, nisi coronam restituatis, nisi Regem ab anathemate absolvatis. Hic quidem videmus anathemate percussum haud minus pro Rege agnoscí. Subdit Regis præceptum de convocandis Treças trium Provinciarum Episcopis, quibus Rhemensis, Senonensis, Turonensis Archiepiscopi paruissent: adeò nihil intermissum eorum, quæ Regiis præceptis consuevissent fieri, ac tam pronam omnium Ordinum circa Regem fuisse constat obedientiam, ut etiam periclitari posse videretur unitas Ecclesiastica, nisi excommunicatum Regem Urbanus absolveret. Quo quidem metu Ivo negat Ecclesiasticam disciplinam solvi debere ab Urbano. Verùm hæc scribens, nihil interim de adimendo Regi Imperio cogitat. Sed Franciscus Juretus hæc Ivonis verba commemorans: *Nisi coronam restituatis, nisi Regem ab anathemate absolvatis, hæc addit: Hic locus eorum adjuvat sententiam qui afferunt Philippo excommunicato à Papâ Urbano II. interdictum simul Regnum Franciæ.* Nimis imperitè ille quidem. Sanè Ivo scribit sic epistola LXVI. ad Hugonem Lugdunensem Romanæ Ecclesiæ Legatum: *Turonensis Archiepiscopus in natale Domini, Regi contra interdictum vestrum coronam imponens, hâc arte à Rege obtinuit ut Joannes eidem Ecclesia preficeretur Episcopus.* Item epistola LXVII. *Turonensis Archiepiscopus contra interdictum Legati vestri in natale Domini Regi coronam imposuit.* Item

Observ. ad
Ivon. epist.
xliij. part. ii.
Perr. ccuv.
div. p. 607.
Epist. xlvi,
pag. 21.

(*e*) *Abrumpi omne vinculum.*] Longissimè aberant Galli nostri ab illo errore, in quo tunc plerique Germanorum versabantur, quibus persuasum erat, eum, qui in excommunicatione forbuerat diem & annum, non posse deinceps Regem esse. Vid. sup.

epistolâ LXXXIV. ad Joannem Presbyterum Cardinalem, Romanæ Ecclesiæ Legatum: *Quidam Belgica Provincia Episcopi in Pentecoste contra interdictum bona memoria Urbani, coronam Regi imposuerunt.* Videmus in natali à Turonensi Archiepiscopo, & in Pentecoste à Belgis Episcopis coronam impositam: quæ si quis retulerit ad solennem illam coronationem, quâ inaugurantur Reges, prorsùs ineptiat. Ea enim & semel fit, neque à Turonensi aut Belgis Episcopis fieri consueverat, sed ab Archiepiscopo Rhenensi: quo jure longè anteâ, ut Annales habent, Philippus vivo Henrico Patre anno 1059. *Henrici Regis 32. à Gervasio Rhemensi Archiepiscopo consecratus fuerat, cùm septennis esset.* Ergò illa corona, de quâ Ivo agit, quotannis in præcipuis festis imponi solebat. Quam ceremoniam honoris Ecclesiastici genus quoddam, ab ipsis Episcopis adhiberi solitum, Regi anathemate percusso, Pontifices eorumque Legati adhiberi vetabant. Hæc illa est corona, quam *restitui* sibi, soluto anathemate, Philippus postulabat; non autem corona Regia, sive Regia potestas, quâ usque adeo integrâ potiebatur, ut eâ etiam exerceret, quæ in Ecclesiasticis negotiis ipsisque etiam Episcopalibus promotionibus, ad Regium officium pertinérent.

¹ Ep. xxiiij. pag. 11. Sanè Ivo significat detineri à se tantisper de excommunicando Rege litteras ab Urbano II. missas: quia, nolo, inquit, *Regnum ejus, quantum ex me est, adversùs eum aliquà ratione commoveri.* Sed aliud profectò est, propter eas literas aut aliquod decretum Pontificium Regno cadere; aliud Regnum in Regem aliquà ratione commoveri; quod quidem plerumque fit in impios Reges, legum divinarum atque Ecclesiasticæ censuræ publicos contemptores: quo sensu item dixit: *Regis anathemate periclitari terram.* Cæterum quæ ulterius de sollicitato Regis Imperio Juretus. suspicatur, mera somnia sunt, à Francorum moribus ac sensibus aliena.

Ep. cxliv. Pasc. ij. p. 61.

Willel. Malm. lib. iv. ce gest. Reg. Ang. cap. ij. Et quidem Willelmus Malmesburiensis Anglus de Concilio Claromontano hæc scribit: *In eo Concilio excommunicavit Dominus Papa Regem Philippum Francorum, & omnes qui eum vel Regem vel Dominum suum vocaverint, & ei obedierint, & ei locuti fuerint, nisi quod pertineret ad eum corrīendum.* Cæterum cùm unus hæc scribat, cæteris repugnantibus, facile intelligimus scriptorem extraneum, ac rerum nostrarum ignarum, auditio excommunicationis pronunciatae nomine, ex suo supplevisse, quæ Imperatoris excommunicationi Pontifices miscüssent. Sed profectò quæ turbato Germaniæ statu in Imperatores audebant, haud competebant Franciæ, altâ pace, optimis legibus, atque hæreditariâ successione firmatæ.

Sug. vit. Lud. v. ap. Duch.

Quis autem sanæ mentis crediderit deponendo Regi Francorum delectram esse à Pontifice Claromontanam urbem, partem Imperii Francici, aut Francos Episcopos, qui in eâdem Synodo frequentissimi federint; cùm eos in Regis obsequio perfitisce, vel ex uno Ivone satis constet? Jam Regi deposito quis substitutus fuit? Ludovicus VI. ejus filius, quem patri semper fuisse obsequentissimum Sugerius Abbas in ejus vitâ scribit? An nobilissimum Regnum in anarchiam redactum ab Ecclesiâ est, eo tempore, quo Proceres suos cruce-signatos, ac nobilitatis robur in Christiani nominis hostes emittebat? Quis hæc deliria non contemnat?

Sanè quod memorat Juretus in Chronico Cœnobii sancti Dionysii scriptum esse: *Toto tempore excommunicationis ejus actis publicis solitum subscribi: Regnante Domino JESU-CHRISTO, longè est insultissimum, cùm profecto non nisi imperitissimus ac stolidissimus negare possit, hunc titulum in honorem Regis Regum JESU-CHRISTI longè ante ea tempora, ipsis etiam Caroli Magni temporibus, ac deinceps passim & ubique terrarum frequentatum, sub iis quoque Regibus, qui vel maximè Ecclesiasticâ pace florarent.*

Si tamen obstinatè Willelmo Malmesburiensi creditum volunt, dictam ab Urbano in Philippum depositionis sententiam; cùm interim constet Francos etiam Episcopos, eosque sanctissimos atque fortissimos, in Regis obedientiâ perstuisse; nempe id quoque argumento erit, quàm hæc de depositis Regibus decreta apud Francos nulla habeantur. Sed nos in rebus gestis ipsam veritatem, non causæ nostræ præsidia, etiam ab adversariis ministrata, quærimus.

C A P U T X I I .

De investituris inter PASCHALEM II. & HENRICUM V. Imperatorem: excommunicationes à Conciliis latæ: depositio in Rhenensi Concilio à solo Papâ: facta compositio in Lateranensi I. generali sub CALIXTO II. revocatæ depositionis, aut Regis rehabilitati nullâ mentione.

PER eadem fere tempora sub Paschale II. & Henrico V. Imperatore Henrici IV. filio, gravis illa à Gregorii VII. & Urbani II. decretis inchoata de investituris contentio, in apertum bellum erupit; quamvis investituræ etiam per annulum & baculum, priscis temporibus à viris etiam sanctissimis frequentatæ, adhuc in Franciâ, alio licet ritu celebrarentur. (f) Sed Germani Imperatores per eam tempestatem abutebantur iis, ut Ecclesias venderent, æternæque servituti Christi sponsam addicerent. Illud certum, tanta dissidia haud difficulter potuisse componi, paululum, ut postea factum est, immutatis ritibus; si jam inde ab initio pacatos animos adhiberent. Sed Germani ferociebant: Itali aspernabantur: interim prælia, cædes, bellisque atrocibus Germania, Italia, Roma ipsa, in suis quoque mœniibus conflagrabat.

(f) *Alio licet ritu celebrarentur.*] Quis fuerit ille alias ritus prorsus ignoro. Certè, pri-mæ stirpis Francorum Reges per baculum investituras dedisse testis est S. Romanus, quem eo ritu Clodovæus ij. seu pater ejus Dagobertus Rothomagensem Episcopum investivit; neque alio ritu Alricum Cenomanensem Episcopum à Ludovico Pio an. 832. investitum fuisse memorat is, qui Alrici vitam scripsit. Eodem ritu modoque celebratas fuisse investituras per annulum & baculum tempore Iovonis Carnotensis, ex ejus scriptis intelligimus. Sed Calixto ij Pontifice, cùm Romani Imperatores per sceptrum suos Episcopos cœperint investire, placuit Francis Regibus vivâ voce deinceps, vel scripto investituras dare.

Adactus Paschalis ab Henrico, ut investituras ipsi concederet, atque ejus privilegii causâ hæresis etiam infamatus. Quare anno 1112. Concilio Romæ habito, Lateranensi II. sese ultrò à sede Apostolicâ (g) depolare voluit: sed vetitus est à Patribus, qui, hortante Pontifice, hanc sententiam protulerunt: *Privilegium illud, quod non est privilegium, sed pravilegium... per violentiam Henrici Regis extortum, nos omnes in hoc sancto Concilio, cum eodem Domino Papâ congregati, canonica censurâ & Ecclesiasticâ autoritate, judicio Sancti Spiritus, damnamus & irritum esse judicamus.... & acclamatum est ab universo Concilio: amen, amen: fiat, fiat: quod iterum atque iterum notari volumnus, ut intelligatur quo ritu agi soleat, cum Patrum confessione decreta firmantur.*

Tom. x.
Conc. pag.
768.

De eâdem Synodo Lateranensi anno 1112. hujus temporis scriptor manuscriptus in Conciliorum editione à Binio aliisque deinceps collectoribus relatus, hæc scribit: *Anno Incarnationis Dominica 1112. celebratum est Roma Concilium, in quo irritum judicatum est predictum privilegium, dataque est sententia excommunicationis in personam Regis, non à Papâ, qui juraverat se nunquam facturum hoc, sed ab Ecclesia injuriam sui Patris vindicante. Nihil hîc de depositione audimus, quod infausto successu, hæc non-nihil tum refixisse videantur; neque in Conciliis, Patres ita pronuntiare solerent.*

Bin. tom.
vij. part. j.
pag. 543.
Labb. tom.
x. p. 771.

Idem enim advertere est in Concilio Viennensi, Guidone Archiepiscopo, mox Calixto II. Papâ presidente. Sic autem Patres decernunt: *Henricum Teutonicorum Regem excommunicamus, anathematizamus, & à gremio sanctæ matris Ecclesiae sequestramus: ubi disertè eum pro Rege habent; ac postea epistolâ ad Paschalem datâ de confirmando hoc decreto, hæc scribunt: Adfuerunt Legati Regis, & : Scriptum illud quod Rex * à simplicitate vestrâ extorsit, damnavimus; in ipsum etiam Regem nominatim ac solenniter & unanimiter sententiam anathematis injecimus. Sic à Concilio Lateranensi jam, & à se quoque nunc excommunicatum, Regem appellant; neque de depositione quidquam agunt: adeò, quod jam diximus, hæc à Conciliorum ritu & consuetudine abhorrebant.*

* Henri-
cus V.
Ib. p. 785.

Vid. ibid.
p. 767. &
808.

Conon quoque Prænestinus sedis Apostolicæ Legatus, Hierosolymis habito Concilio, excommunicationis sententiam in Regem dictavit, & eamdem in Greciâ, Hungariâ, Saxoniâ, Lotharingiâ, Franciâ, in quinque Conciliis, consilio predictarum Ecclesiarum renovando confirmavit. Hæc anno 1116. in Concilio Lateranensi IV. aliis III. sub Paschale II. relata & probata sunt. Quare & illud approbatum est: Henricum V. & esse excommunicatum, & tamen permanere Regem: contra quod Germanos multos per ea tempora sensisse vidimus. In eâdem Synodo decretum à Paschale factum est, in hæc verba: *Illud malum scriptum, quod pro pravitate sui pravilegium dicitur, condemnno sub perpetuo anathemate, ut sit nullius unquam bona memoria, & rogo vos omnes ut idem faciatis: tunc ab universis acclamatum est: fiat, fiat. Sic nempe agebatur cum Concilii autoritate & approbatione res fierent;*

Ib. p. 807.

(g) *Se ultrò... deponere voluit.*] Sic unus Gotfridus Viterbiensis. Cæteri historiarum auct^ronicorum Autores hoc dicunt tantum: Paschalem ij. hæreleos insimulatum, sese est suspicione liberavisse. Vid. Gotfr. Chron. part. xvij. pag. 508.

cujus generis decretum in deponendis Regibus nullum unquam legimus ab ullo Concilio factum.

Denique Paschale II. ac Gelasio II. Pontificibus, de excommunicato Henrico V. multa; de deposito, nihil in actis legimus: quanquam multi, inolitâ à Gregorii VII. temporibus opinione, excommunicationem ipsam cum depositione conjunctam putabant, & à Regis obedientiâ abhorrebat.

At, Calixto II. Papâ, aliter gestum est; neque tantum excommunicatus Henricus V. sed etiam depositus: quæ tamen diversissimis ritibus facta sunt. Id videre est in Concilio, quod Calixtus II. adversus Henricum V. ejusque Antipapam Burdinum, anno 1119. Rhemis habuit. Eo enim in Concilio, Patrum sententiâ, transacta sunt omnia, præter ea, quæ ad Henricum deponendum attinerent. Ac statim quidem, cùm de compositione ageretur, prefecturus Pontifex ad Imperatorem, sic Synodus allocutus est: *Sicut conventionem pacis, si fiat, vobiscum & per vos confirmare optamus; sic in commentarem fraudis, si infidelis evaserit, judicio Spiritus Sancti & vestro, gladium Petri vibrare tentabimur.* Neque res aliter gesta est. Itaque non modo ea, quæ de compositione deque investituris; sed etiam quæ de excommunicatione Imperatoris, & Antipapæ tractata sunt, Patrum consensio-ne & judicio acta memorantur; idque est gestis inditum. At postquam Imperator pollicitis non stetit, omissumque est jam pacis negotium; in actis legitur à ccccxxvi. Episcopis & Abbatibus candelas tenentibus excommunicatos eos esse, quos præcipue proposuerat excommunicare Dominus Papa; inter quos primi nominati sunt Rex Henricus, & Romana Ecclesia invasor Burdinus, quem schismatici Gregorium VIII. appellabant. Sic Patres cum Papâ de excommunicatione decrevisse referuntur. Tum de Papâ tantum additur: *Absolvit etiam Dominus Papa, autoritate Apostolica, à Regis fidelitate, omnes quotquot ei juraverant, nisi respliceret: totumque illud quod in depositione Regum fit, tacentibus Episcopis, à Romano Pontifice solo agitur.* Factum sœpe notamus, facti causas posteà investigabimus.

Neque ita multò post Calixtus & Henricus, dissidiis bellisque atrocibus fessi, in hanc formam consenserunt: Imperator quidem, ut investituram per annulum & baculum dimitteret, ut liberam Ecclesiæ electionem & confirmationem fieri concederet; Papa verò, ut electiones Teutonici Regni, in Regis fiant presentiâ: ut electus Regalia per Scepiron à Rege recipiat: quæ in Concilio generali Lateranensi I. sub Calixto II. anno 1123. gesta & probata sunt, quemadmodum jam in Concilio Rhemensi omnium Episcoporum judicio tractata, composita, limata, & confirmata fuisse diximus.

Nihil quidquam aliud ab Imperatore, deposito licet, cùm Ecclesiæ reconciliatus est, postulatum fuit. Ut regnabat Henricus, vetante licet Pontifice; ita porrò regnavit. Non se ille Regno restitui aut rehabilitari, ut vocant, voluit; juris sui securus, satisque confisus eâ in re à Pontifice, ut nihil detrahi, ita nihil dari posse. Neque etiam eâ de re quidquam Pontifex cum Imperatore egit, aut ab eo postulavit, cùm postularet ea quæ juris Ecclesiastici esse reputabat: quod certo arguento est, nihil hæc visa esse ad Ecclesiasticum dogma, aut omnino ad jus Ecclesiasticum pertinere, cùm ab errantibus & delinquentibus expressa ejuratio postuletur eorum, quibus dogmata Ecclesiæ aut certè ejus jura violari judicetur,

Ib. p. 872;
875.

Ibid.

Ib. p. 878;

Ibid.

Conc. La-
ter.j. gener.
ibid. p. 901,
902.

C A P U T X I I I.

Sanctorum Patrum ejus ævi, ANSELMI Cantuariensis, IVONIS Carnotensis, BERNARDI Claravallensis de Imperatorum depositione silentium: Locus ANSELMI probantis VALERANUM, HENRICO IV. deposito, ut Regi adhærentem.

VI X E R E his temporibus (id est undecimo & duodecimo sæculo) viri sanctitate ac doctrinâ conspicui, Episcopi, Fulbertus Carnotensis, Anselmus Cantuariensis, Ivo item Carnotensis, Bernardus Claravallensis Abbas, aliique multi, quorum de omni re Ecclesiasticâ habemus epistolas, sermones, tractatus. Memorabile certè est de deponendis Regibus nihil ab eis scriptum, cùm èâ contentione tota jam Ecclesia personaret; & tamen multa tractârunt, quæ huic causæ proxima viderentur: Anselmus in investituris tollendis, adversùs Reges Anglos multa egit, multa scripsit, multa sustinuit; intentaturque sàpè tunc excommunicationis, at, ne verbo quidem, depositionis metus. Ivo Carnotensis prolati in Philippum I. Francorum Regem, anathematis defensor acerrimus, multus in eo negotio est; at interim de deponendo Rege Ecclesiæ contemptore, ne quidem cogitâsse, imò in ejus obedientiâ, gravibus licet afflictum incommodis, perstirisse vidimus. Bernardus, ut alia omittamus, discipulum suum Eugenium III. docet omnia sigillatim, quæ ad Pontificale officium pertinere videantur. Subit autem admirari, cùm de minutissimis agat, de deponendis Regibus, tam gravi re, ne verbo quidem egisse, aut monuisse quidquam, imò verò deterruisse, ut sequentia demonstrabunt. Interim, ut de silentio dumtaxat hîc agamus, tanti profectò silentii, in tantâ re, tantoque Christiani Orbis motu ac tumultu gestâ, causam aliquam fuisse oportet. Nullam autem invenio nisi hanc: quòd huic rei tam novæ, tam insolenti, immisceri nollent.

Facilè autem eò adduci potuerunt ut à scriptis temperarent, quibus vel tantillum Romanus Pontifex laderetur; ne scilicet pessimis Imperatoribus & Pontificibus apostaticis, quos Imperatores sustentabant, adversùs veros Pontifices favere viderentur. Ad hæc viri boni reprehendere plerumque Romanorum Pontificum, Joannis etiam XII. manifesta flagitia verebantur: testis Otho Frisingensis sàpe memoratus. De autore vitæ Henrici IV. jam vidimus, quâm cunctanter memoret eorum assertiones, qui ejus depositionem improbarent. Si tam timidè ille agebat, qui Henrico faveret, quantò libentiùs alii Catholici conticescebant! Atque utinam infausta hæc oblitterari sinerent præposteri defensores, ac non pro fidei decretis obtruderent. Fortassis hæc melius tacebuntur. Quominus miramur fuisse paucos, qui adversùs Pontifices Regum depositores expressè dicerent; at qui pro ipsis scriberent, innumerabiles haberemus, nisi hæc tum pro Pontificum honore ac pace Ecclesiæ, tacenda potius quâm laudanda viderentur.

Neque tamen eò usque conticuere, ut non suam quoque sine ullius offensione sententiam expromerent; quod vel ex uno Anselmo probare possumus;

Is Theologicâ scientiâ præcellentissimus, Cantuariensis Archiepiscopus factus est, Urbano II. Pontifice: quo tempore imperabat Henricus ille IV. tot decretis depositus, inducto etiam Guiberto Antipapâ, jam apertè schismaticus. Per ea ergò tempora, Walerannus Naumburgensis Episcopus*, Henricianarum partium, misit ad Anselmum epistolam quâ interrogabat de azymo & fermentato, aliisque ritibus. Huic epistolæ rescriptisse Anselmum anno 1094. Urbani II. tempore memorat Dodechinus, & post eum Baronius. Anselmi epistola sic incipit: *Anselmus servus Ecclesie Cantuariensis Waleranno Naumburgensi Episcopo. Scienti breviter loquor. Si certus essem prudentiam vestram non favere successori Julii Cæsaris, & Neronis, & Juliani Apostatae, contra successorem & Vicarium Petri Apostoli, libentissime vos ut amicissimum & reverendum Episcopum salutarem. Quo loco statim id occurrit: à beato Anselmo, ut Urbanum Petri, ita schismaticum Imperatorem, pro successore Cæsarum, Julii, Neronis & Juliani Apostatae, fuisse agnatum, quos veros ac legitimos Imperatores fuisse nemo negat. Ac de ipso Nerone Scriptura testatur. Sed mentem Anselmi, quæ deinde secuta sunt, luculentius edocebunt.*

Urbano mortuo, ac Paschale II. in ejus locum substituto, interrogat iterum Anselmum Walerannus de Sacramentorum diversitate, atque in fine epistolæ hæc scribit: *GRATIA DEI SUM ID QUOD SUM; ex Saulo Paulus, ex adversario Romana Ecclesia, intimus Paschali Papæ, acceptissimus Cardinalium consecrarius, & in omnibus in hac parte prosperos spero successus, Joseph in domo Pharaonis, ego in Palatio Henrici Imperatoris; neque iniquitas, neque peccatum meum, si, quod absit, aut quasi Nero incestus, aut apostata Julianus. An igitur ille conversus ex Saulo Paulus, ille Papæ acceptissimus, Henricum Regem depositum ac schismaticum ejuravit? Minimè: quin potius apud eum fuit, ut apud Pharaonem Josephus. Atqui Josephus Pharaonem, ipsâ Scripturâ teste, procul dubio pro vero Rege habuit, quippe Regni minister; igitur & Walerannus Henricum; neque ei denegabat agnitam in Nerone ac Juliano Apostata dignitatem, sed tantum aversabatur scelerum consortium; neque ab ejus Imperio, sed tantum à schismate discedebat.*

Ad eum sic affectum erga schismaticum & depositum Principem, hæc rescribit Anselmus: *Domino & amico Waleranno, gratia Dei Naumburgensi venerabili Episcopo, Anselmus servus Ecclesie Cantuariensis salutem, servitium, orationes, dilectionis affectum. Gaudeo & gratias ago Deo, quia, sicut scribitis, glorificat eum in vobis Ecclesia Catholica, quoniā in vestra mutatione divina bonitatis appetet gratia, & Domini Papæ Paschalis amicitiam habetis & familiaritatem; ut jam mihi liceat vestram amicabiliter salutare sanctitatem. Ergo Walerannus, Anselmus, ac, si verum amamus, ipse Paschalis, depositiones istas à Gregorio VII. inventas, pro nihilo habebant; (b) idque tantum postulabant, ut Episcopi à Guibertino schismate abhorrerent: adeò horum pœnum erat,*

* In Sæxoniam.

Dodech.
Chron. an.
1094. pag.
135. Bar.
an. 1097.
tom. xj. p.
713. vid.
oper. Ansel.
p. 135.

Ep. Wal.
ad Ansel.
int. oper.
Ansel. pag.
137. 138.
139.

Ib. p. 135.

(b) *Anselmus depositiones istas... pro nihilo habebat:] nec mirum; quippe qui ducem sequebatur Lanfrancum ante se Cantuariensem Archiepiscopum, illum quem in suis epistolis impensissimè veneratur. Lanfrancus autem, posteaquam Hugonem quendam, ut censent P. Bened. redarguit, eò quod, in epistolâ ad se misâ, Gregorium viij. vituperabat, Guibertum Antipapam plurimum extollebat, & victoriam ab Henrico de Rodolpho re-*

C A P U T X I V.

IVO NIS Carnotensis loci quidam expenduntur: exempla memoriuntur: horum occasione de Regaliæ causâ, atque initâ per Episcopos Gallicanos compositione, actum: de GRATIANI Decreto quedam afferuntur.

EADEM ætate vigebat sanctus Ivo Carnotensis, in cuius Decreto multa legimus ex antiquâ de Regibus Ecclesiæ Traditione deprompta; illud imprimis ex Isidoro de scriptum: *Populi peccantes judicem metuunt: Reges autem, nisi solo Dei timore metuque gehenna coercentur, liberè in præcepis proruunt.* Quippe qui in supremâ temporalium arce ab ipso Deo constituti, in temporalibus nihil nisi à Deo metuant: quæ profectò vana sunt, si deponi possunt, depositique ac privati, aliis quoque pœnis obnoxii vivunt.

Quod autem scripsit, id etiam exemplo docuit, qui Regi, Ecclesiæ atque anathematis contemptori, tam promptam ubique præstítit obedientiam.

Sanè in Decretum transtulit partem epistolæ Gregorii VII. ad Herimannum Metensem; sed cur eam attulerit, quidve ex eâ probare voluerit, testatur hic titulus: *Nullam dignitatem sacerularem, sed nec Imperialem honori vel dignitati Episcopali posse adæquari.* Quare eum locum epistolæ protulit, quo Gregorius VII. ex Gelasio, Ambroſio, aliisque probat, Sacerdotes Christi Regibus antecellere. Quæ autem huic loco inserta atque implicita reperit de Rege Francorum deposito, ille profert quidem, ne textum mutilet; sed in quo vim faciat, titulus indicavit.

CAUS. xv.
quæſt. vi.
cap. iij.

Non ergò id Ivo fecit, quod Gratianus postea. Nempe hic ex relato Gregorii VII. loco, ejusque de deposito Childerico sententiâ, caput particulare fecit, jam ſæpe memoratum: *alius*, idque ad proprium finem retulit. Diversè enim scribit: *A fidelitatis etiam juramento Romanus Pontifex nonnullos absolvit, cùm aliquos à ſuâ dignitate deponit.* En Gratiani mens, ac velut hujus capitis titulus. Cui rei probandæ addit alia duo capita: alterum ex eodem Gregorio VII. alterum ex Urbano II. neque enim habuit antiquiora, quæ expromeret. At Ivonis tempore nondum hæc idonea visa erant, quæ in decretorum librum suo venirent nomine ac titulo: neque post Gratianum, proprio ac nativo sensu, pro verâ depositione à Glossariis accepta sunt, uti jam vidimus.

Erant tamen eā tempora, quibus vel maximè flagraret, post Gregorii VII. Urbani II. ac Paschalis II. decreta, de investituris cum Henrico V. suborta contentio. Neque tamen Ivo eō adduci potuit, ut investituras prorsū intolerabiles judicaret, nedum inter hærefes, ut multi illius temporis, deputaret. Testis epistola ad Joannem Lugdunensem. Idem post interdictum Concilii

portatam magnificientius prædicabat, sic dicit de Henrico Imperatore: *Credo quod Imperator, non sine magna ratione, tantam rem non est aggressus patrare, nec sine magno auxilio Dei tantam potuit victoriam consummare.* Lanf. ep. lix. edit. Bened. p. 329.

Claramontani : *Ne Episcopus vel Sacerdos, Regi vel alicui Laico in manibus ligiam fidelitatem faciat*, Radulphum Archiepiscopum Rhemensem adduxit ad Regem, qui talem fidelitatem ipsis faceret, quia aliter pax Ecclesiastica stare non potuit. Id fecit vir *navorumator* & verique ac necessarii Ecclesiae juris defensor acerrimus. Hujus exemplo discimus primitiva Ecclesiae jura inviolata habere : adventitia quoque & secundaria tueri pro viribus : ex necessitate interdum melioris rei gratia ac pacis studio, omittere. Quo exemplo, Episcopi Gallicani eam de Regaliâ compositionem inierunt, quâ necessaria permitterent, jam amissa relaxarent, nova, & iis quæ concederent potiora, lucrarentur ; ut & obiter aliquid, occasione Iwonis, quod ad hanc causam & initam à Clero Gallico pacem faciat (quandoquidem nostri censores tantopere hanc improbant) afferamus.

Cæterum id præcisè è quæstione nostrâ est, quòd Ivo Pontificum Romanorum studiosissimus, non modò non tuetur ea, quæ in deponendis Imperatoribus fecerint, sed antiqua de Regibus à solo Deo judicandis Patrum decreta, & verbo & exemplo defenderit.

Epistol.
ccxxxvij.
Conc. Clas-
rom. Can.
xvij. tom.
x. Conc. p.
508. Ivo
Carn. ep.cl.

Nicol.
Dubois &
Charles
tract. de
libert. Fœcl.
Gall. pass.

C A P U T X V.

BERNARDUS Claravallensis Abbas : sub INNOCENTIO II.
Schisma ingens extinctum: Libri de Consideratione
ad EUGENIUM III.

GRATIANUS ille quem memoravimus, Monachus Bononiensis, tringinta fere annis post Iwonem mortuum, Decretum suum composuit ex Conciliorum canonibus, decretalibus epistolis, & Patrum sententiis. Qui quidem, quâ imperitè, nulloque delectu multa congesserit, nihil necesse est commonere doctos. Is primus omnium, decretis inseruit illum titulum, quem suprà memoravimus : *Quòd Romanus Pontifex quosdam à juramento fidelitatis absolvat*. Quòd igitur Romanis Pontificibus maximè omnium favere videtur, ab iis commendatus, magnam apud posteriores Canonicas & Theologos autoritatem obtinuit; sed longè postea, cùm decimo-tertio sæculo vix innotescere cœperit. Cæterum, uti jam diximus, apud omnes constat, tanti valere ab ejus Decreto deprompta capita, quanti sunt autores ii, ex quibus descripta sunt.

Jam verò Apostolicum virum, neque tantum Ecclesiae Gallicanæ, verum etiam universæ lumen, Beatum Bernardum audiamus. Is XXII. annos natus Cisterciense Monasterium ingressus est, eo tempore, quo gravibus dissidiis cum Henrico V. Ecclesia laborabat, atque Imperatorum depositionibus omnia perstrepebant. Anno deinde Christi 1130. & sequentibus, egregia ejus fuit opera pro Innocentio Pontifice, adversus Petrum Leonis, qui Anacleti nomine Petri Cathedram occuparat. Quo in dissidio lata persepe excommunicatio adversus schismaticum Pontificem ejusque asseclas, quorum multi erant Principes, eaque causâ nominatim excommunicatus Rogerus Siciliæ Rex, in Lateranensi II. generali Concilio, presidente Innocentio, anno 1139, de

Conc. Lat.

P p ij

ter. ij. tom. depositione ne minæ quidem auditæ sunt, cùm in schismate, novem jam
x. p. 999. annis obstinatissimo animo perduraret. Innocentius ac Bernardus aptioribus
& seq. rem Ecclesiasticam promovebant.

Bernard.
de Conf. lib.
j. cap. vj.

Anno posteà circiter 1152. scribere aggressus est admirandum opus *De Consideratione ad Engenium III.* ex quo libro multa depromimus; sed priùs libri argumentum asserendum est. Eo ergò libro sanctissimus vir, Eugenium III. olim in Clara-valle optimis vitæ Monasticæ præceptis institutum, ad Apostolicæ jam gubernationis vitæque regulas informabat. Cùm autem undique temporales causas ad Apostolicam sedem ultrò deferrent, iisque curis, vel maximè Romani Pontifices premerentur; has quidem Sanctus vir, et si Apostolico officio non satis dignas, haud tamen omnino removeri posse putabat: *Ego autem, inquit, parco tibi: non enim fortia loquor, sed possibilia. Putasne hæc tempora sustinerent, si hominibus litigantibus pro terrenâ hereditate, & flagitantibus abs te judicium, voce Domini tui responderes: O HOMINES, QUIS ME CONSTITUIT JUDICEM SUPER VOS? In quale Judicium mox venires? Quid dicit homo rusticanus & imperitus, ignorans Primum suum, in honorens summam ac præcelsam. Sedem, derogans Apostolicæ dignitati?* Hæc quidem Curiales; at Bernardus: *Et tamen non monstrabunt, puto, qui hoc dicerebant, ubi aliquando quispiam Apostolorum Judex sederit hominum, aut divisor terminorum, aut distributor terrarum.* At nunc, si Deo placet, pro Apostolicâ autoritate Orbem ad arbitrium divident, ac Ducatus, Marchionatus, Comitatus, ipsa etiam Regna distribuent. Pace eorum dixerim, ne putent imminutam à nobis Apostolicam dignitatem, si ea respuamus quæ Curiales jactarent, quæ Bernardus Apostolicæ dignitatis studiosissimus prædicator diceret, amplectamur. Pergit porrò Sanctus vir: *Stetisse denique lego Apostolos judicandos, sedisse judicantes non lego. Erit illud, non fuit. Itane imminutor est dignitatis servus, si non vult major esse eo qui se misit? Aut filius, si non transgreditur terminos, quos posuerunt Patres sui? Quis me constituit JUDICEM, ait ille Dominus & Magister? Et erit injuria servo, discipuloque, nisi judicet universos?* At nunc viam docent novi Theologici quâ Pontifices religionis nomine sæcularia omnia judicanda ad se trahant.

Non ignorabat Bernardus, cùm hæc scriberet, Apostolici judicij dignitatem; prosequitur enim sic: *Mibi tamen non videtur bonus estimator rerum, qui indignum putat Apostolis seu Apostolicis viris, non judicare de talibus, quibus datum est judicium in majora. Quidni contemnant judicare de terrenis possessiunculis hominum, qui in cœlestibus & Angelos judicabunt? Ergo in criminibus, non in possessionibus potestas vestra; quoniam propter illa, & non propter has, accepisti claves Regni Cœlorum, prævaricatores utique exclusuri, non possessores.* Non igitur profectò successores Petri, pro potestate clavium, legitimos possessores possessione dejicent: non adsciscerent alios, nec humana jura confundent; imò peccata solvent, cœlum claudent prævaricatoribus, pœnitentibus aperient, terrena relinquunt iis, quibus humana jura concederint; nisi forte à possessiunculis quidem abstinere, Regna verò dare jubentur. At non ita Bernardus. Urget enim ratio Bernardi disertè negantis, de iis judicari pro Apostolicâ potestate, quæ ad claves non pertineant: ad claves verò pertinent sola cœlestia propter quæ data sunt, non terrena quævis, etiam Regna & Imperia propter quæ data non sunt. His circumscri-

bit finibus Ecclesiasticam atque Apostolicam potestatem, quam nunc adversarii ad terrena omnia extendere se posse confidunt, dummodò indirectam appellant, eoque nomine ludant.

Concludit postea Bernardus his verbis : *Quenam tibi major videtur & dignitas & potestas dimittendi peccata, an prædia dividendi? Sed non est comparatio. Habent hæc infima & terrena judices suos, & Reges & Principes terræ. Quid fines alienos invaditis? Quid falcem vestram in alienam messem extenditis? Non quia indigni vos, sed quia indignum vobis talibus insistere, quippe posterioribus occupatis: denique ubi necessitas exigit, audi quid censeat, non ego, sed Apostolus: SI ENIM IN VOBIS JUDICABITUR MUNDUS, ESTIS INDIGNI QUI DE MINIMIS JUDICETIS. Sed aliud est incidenter incurrire in ista, causâ quidem urgente; aliud ultrò incumbere istis, tanquam magnis, dignisque tali & talium intentione rebus.*

Quid sit in rem aliquam incidenter incurrire, Jurisconsulti sciunt. Puta cum quis Judex Ecclesiasticus de matrimonio cognoscens, incidenter &, ut aiunt, casualiter de dote, alimentis decernit; atque ad ejusmodi res Bernardus fortè respexerit. Utcumque est, Regna & Imperia incidenter dari, longè esset absurdissimum. Cæterum quænam sit illa necessitas incurriendi in temporalia, quam vir Sanctus agnoscit, satis perspicuè aperit: quoniam, ut supra disseruerat, homines ultrò hæc ab Apostolicis exigunt, ac de his *judicium flagitant*. Favent Apostoli allegata verba, quæ de delictis arbitris agunt. Ut autem hæc Pontifex pro jure suo ad se trahat, prohibent ea verba, quibus Beatus Bernardus horum potestatem datam esse negat, horum tractationem alieni muneric invasionem vocat. Cujus sententiæ sæpe nos in sequentibus meminisse oportebit.

Huc etiam facit ille locus, quo Sanctus vir tam gravia, tam fortia de interdicto Apostolicis dominatu docet. Non enim video quomodo dominatio nationem, eamque ambitiosissimam ac superbissimam evitent, si Regna quoque conculcant & quolibet transferunt. Ibid. lib. ij. cap. vij.

Neque propterea à Pontificum metu superbos Reges absolvit, qui doceat: *Pontificem oportere esse ultorem scelerum ... virgam potentium, malleum tyrannorum, Regum patrem... postremò Deum Pharaonis*; atque insuper addit: *Intellige quæ dico: Dabit tibi Dominus intellectum. Ubi malitia juncta potentia est, aliquid tibi supra hominem presumendum. Vultus tuus super facientes mala. Timeat spiritum iræ tuae, qui hominem non veretur, gladium non formidat. Timeat orationem, qui admonitionem contemptit. Cui tu irasceris, Deum sibi iratum, non hominem putet. Qui te non audierit, auditurum Deum & contra se paveat.* Hæc summa doctrinæ est quam epilogando tradidit, cum librum clanderet, eoque vim omnem contulit. Sic ergo Pontifex malleus tyrannorum, ac Pharaonis in morem obduratos, ipse in Mosis morem, impetrato extraordinario auxilio, non ex tabulâ decreto recitato, dejicit. *Hoc timeat, inquit, qui hominem non veretur, gladium non formidat.* Humanæ omni potestate major, non id profectò timeat, ne datâ sententiâ deponas, ne Regnum alteri dono dederis, quod neque unquam Christus, neque Apostolici factitârunt, sed ne oratione divinam ultiōnem elicias: *Timeat orationem qui admonitionem contemptit.* Neque enim præter-

Ibid. lib.
iv. cap. vij.

Ibid. lib. j. cap. vij. lib. iv. cap. iij. mittit censuram Ecclesiasticam, *admonitionis* nomine comprehensam. Hanc & alibi passim commendat ; clavesque cœli & judicia de solvendis retinendisque criminibus, & gladium spirituale memorat, quem, ubi opus fuerit, Pontifex evaginet : eam potestatem quâ Regna omniaque temporalia ordinare se posse putabant proximi Eugenii antecessores, non modò omnino tacet, verum etiam, ut vidimus, negatâ penitus temporalium potestate, proscriptit. (i)

C A P U T X V I.

Ejusdem BERNARDI allegoria de duobus gladiis: quid ad eam Majores nostri responderint obiter indicatur.

Bern. de Conf. lib. iv. cap. iij. vid. suo. lib. j. fest. ij. cap. xxxvij. **U**NUM est quod ex Bernardo objici soleat de duplice gladio : (k) sic enim loquitur ad Eugenium : *Aggredere eos (Romanos contumaces)*

(i) Proscriptit.] Locus est celebris in epistola Bernardi ccxxvij, ad Cardinales de electione Eugenii, à D. BOSSUET h̄ic prætermisso, ex quo quidam Theologi male concludunt non proscriptam, imò assertam a Bernardo hanc potestatem fuisse. Hæc sunt Bernardi verba : *Ridiculum proscripto videtur pannosum hominacionem assumi ad presidendum Principibus, ad imperandum Episcopis, ad Regna & Imperia disponenda.* Quæ quædem 1º. non strictè nimis accipienda sunt, sed benigna interpretatione mollienda ad mentem sancti Doctoris, qui ideo verbis exaggerat & amplificat Apollolicam potestatem, ut Eugenium huic tantæ dignitatì quæ maximè disparem & inæqualem ostendat.

2º. Jubent leges criticæ ut in omni autore, si quæ sint obscura, ea locis dilucidioribus explanentur ; neque statuas eam esse ejus sententiam, quam præ sepe statim ferunt quædam verba ambigua, quæ illi, de alijs rebus differenti, fortuitò exciderunt ; sed quam demonstrat series & contextus orationis, in illis præsertim locis, in quibus, dedita operâ, quæstiones eas tractat de quibus controversia est. Igitur non statuendum ex eâ epistola ad Cardinales, quid Bernardus de Pontificiâ potestate, quam h̄ic tangit obiter, senserit ; sed adeundi sunt libri de *Consideratione ad Eugenium*, post hanc epistolam scripti, in quibus siglatim explicat omnia officia & jura Pontificis, eo modo, ut supremum ejus in Reges dominatum proscindat. Itaque aut Bernardus scipsum correxit, aut ipsa verba epistolæ aliud, quam id quod primâ fronte videntur, significant. Nam

3º. Ea verba : *Disponere Regna & Imperia, & illa : jure suo de Regnis & Imperiis dirimere ac judicare*, plurimum inter se discrepant ; quandoquidem verbum *disponere* læpe apud Latinos idem sit ac describere, ut apud Tullium de petit. conf. *disponere cuique munus suum*, idem significat ac describere cuique quid faciendum sit. Potrò verbum *disponere* sic interpretatum sicutam habet ac veram sententiam ; cum Pontifex suo jure possit eo modo Regum officia describere, ut eos adhortetur, imò jubeat suum munus adimplere. Sic protecto intelligendus est S. Bernardus, ne tantus Doctor sibi ipsi contrarius esse videatur.

Denique, quanquam, quod non credimus, Bernardus eo abrepitus turbine, quo, à temporibus Gregorii vii. ceteri ferè omnes rapiebantur, in Regum supremam autoritatem, verbo uno incaute dicto, peccâset, non minus staret suo pondere doctrina Cleri Gallicani, cùm opinio huic doctrinæ contraria non habeat autorem Gregorio vii. antiquorem.

(k) de duplice gladio.] Hanc allegoriam primus reperit Abbas Vindocinensis Goffridus, quam deinde ornavit & amplificavit Bernardus. Goffridi autoritas ea est, quæ esse potest & debet Doctoris non raro pugnantia loquentis E. G. opusc. ij. tom. xx. Bibl. Patr. p. 60. investituram cum Gregorio vii. vocat heresim : idem opusc. iv. p. 61. sic affirmat : *Investire non videtur criminosum.* Ille etiam credit Reges de Regni solo à Pontificibus Romanis derubari posse. Nam postquam ostendit, dum Regnum & Sacerdotium unum ab altero impugnatur, utrumque periclitari, addit : *Rex sacro-sanctâ communione pariter & Regi dignitate privatur.* Utriusque gladii allegoriam reperies quoque apud Hildebertum Cenomanensem Episcopum xj. scculo. At ille optime distinguit utramque potestatem, ne Pontificibus utroque gladio promiscue uti liceat ; cùm Deus utrumque non uni sed generatim

*sed verbo, non ferro. Quid tu denuò usurpare gladium tentes, quem semel jussus es ponere in vaginam; quem tamen qui tuum negat, non satis mihi vindetur attendere verbum Domini, dicentis sic: CONVERTE GLADIUM TUUM IN VAGINAM. Tuus ergò & ipse, tuo forsitan nutu, etsi non tua manu evaginandus. Alioquin si nullo modo ad te pertineret & is, dicentibus Apostolis: ECCE GLADII DUO HIC, non respondisset Dominus: SATIS EST: sed nimis est. Uterque ergò Ecclesia, & spiritualis scilicet gladius, & materialis; sed is quidem pro Ecclesiâ, ille verò & ab Ecclesiâ exerendus est: ille sacerdotis, is militis manu; sed sanè ad nutum sacerdotis, & jussum Imperatoris. Et de hoc alias, supple egimus. Quæ ultima verba manifeste spectant Bernardi epistolam CCLVI. ad Eugenium Papam, in quâ quidem epistolâ, de duobus gladiis eadem habet, quæ in libro *De Consideratione* mox legimus; ut hos profectò locos eodem collimare constet. Jam in eâ quid egerit, quâve occasione de duobus gladiis dixerit, audiamus. Agebant autem cum Eugenio de magnâ Christiani exercitûs strage in Palestinâ, de quâ item in libris *De Consideratione* multis agit, ac postquam in epistolâ hanc stragem memoravit, hæc subdit: Exerendus nunc uterque gladius in Passione Domini, Christo denuò paciente, ubi & alterâ vice passus est: Per quem autem, nisi per vos? Petri uterque est: alter suo nutu, alter suâ manu, quoties necesse est evaginandus. Ac paulò post: Tempus & opus esse existimo ambos educi, in defensionem Orientalis Ecclesiæ.*

De Cons.
lib. ij. cap.
j. ep. ccvj.

Jam ergò facilè intelligimus, quatenus gladius materialis non modò sit Imperatoris, sed etiam Pontificis; quatenus Pontificio nutu, Imperatorio verò jussu exeratur. Notum enim est in Regibus ac fidelibus ad sacra bella ciendis, Pontifices quid egerint. Hic mihi, si quis nutum eo sensu accipiat, ut Imperatores ac Principes, statim atque Pontifex arma capienda vel nutu significaverit, ea capere teneantur; is profectò nec nutum à jussu secererit, & id asseruerit quod neque Pontifices cogitaverunt. Prædicando, adhortando, dando indulgentias, ac sacrum Ecclesiæ thesaurum aperiendo, Christianos Principes ac milites ad sacra bella incitabant; ea etiam suscipienda injungebant in remissionem peccatorum; quâ conditione obstringebant eos, quibus animus inerat sacrâ indulgentiâ frui: ut autem ad sacra bella, Imperiis umquam ac pœnis adigerent, & absurdissimum est, & in Ecclesiâ inauditum.

Hoc ergò voluit Sanctus Bernardus, ut ad bellum Pontifex nutu impellere, Imperator jussu cogere habeat; ex quo id quidem sequitur: gladius materialem, cùm propriè in Imperatoris potestate sit, tamen in potestate Pontificis suo modo esse, quatenus bonus piusque Imperator, pro Dei & Ecclesiæ causâ prompto atque alaci animo, annuente Pontifice, bella suscipiat.

Quod autem Gregorius IX. ac Bonifacius VIII. Evangelii locum, in quo

Greg. ix.
ep. vj. rom.

xij. Conc. p.

325. Bonif.

vij extr.

unam san-

ctam.

Ecclesiæ membris evaginandum commiserit. Hildeberti verba hæc sunt: Uterque (gladius) ostenditur in membris corporis Christi: membrum enim Christi Rex, membrum Christi Sacerdos... gladius Regis censura Curie, gladius Sacerdotis Ecclesiastice rigor discipline. Hinc patet S. Bernardum non primum excogitâsse hanc allegoriam, sed tantum eam, ab aliis repertam, in suos usus accommodâsse.

Bernardus piè luserit, ita urgere videantur, ut materialem gladium, propriè ac stricto jure, suum esse defendant; id quidem ad hoc stabilendum dogma, reluctante omni antiquitate, non sufficit: ac subit admirari Baronium, qui hæc eorum dicta ad fidem Catholicam pertinere novo exemplo asserit; cùm profectò constet, neque ad credendum proposita, neque pro certo fidei dogmate recepta fuisse unquam; majora enim hæc sunt, quām ut uno Bernardi verbo, & loco, quantumvis clarus esset, unāque allegoriā comprobari possint. Dicit sanè Dominus: *Qui non habet peram, vendat tunicam suam, & emat gladium. Dico enim vobis, quoniam adhuc hoc quod scriptum est, oportet impleri in me: & cum inquis deputatus est: nempè & illud ad Christi contumelias pertinebat, ut violentis hominibus stipatus,*

^{Bar. tom. xij. an. 1053. p. 190.} ^{Ægid. Rō. de potest. Pap. Joan. de Par. de potest. Reg. & Pap. cap. xij. xvij. aut quæst. de pot. Pap. vind. Maj. tom. j. pag. 43. 82. 195.} Sanctus Bernardus cæterive, alii aliò, piè ingenioseque detorserint, ad elucidanda quæ aliunde certa sint, Theologi admittimus: non certè progredi eò usque finimus, ut iis quoque firmari Theologica dogmata arbitremur. Si quis tamen scire vult, quid ad Bernardi interpretationem antecessores nostri, cùm eà premerentur, Bonifacii VIII. tempore, responderint, Ægidium Romanum, * Joannem de Parisiis, aliasque hujus ævi consulat. Nos enim, Theologis parum dignum arbitramur, ut hæc allegorica fusiùs pertractentur.

^{* Columnā Archiep. Burdigal. virum eā ætate doc- tissimum.}

C A P U T X V I I .

HUGONIS DE SANCTO VICTORE locus ab adversariis objectus.

^{Bern. ep. lxxvij. int. tract. p. 625.} **H**UGO de Sancto Victore, *Magister Hugo* dictus, Sancti Bernardi æquælis, ad quem etiam ejusdem Bernardi extat epistola, *Saxo fuit nobilis*, (1) atque à primâ ætate in Victorino Parisiensi Cœnobio, pari pietatis ac scientiæ laude floruit. Hujus autoritas ab indirectæ potestatis defensoribus objicitur. Jure, an injuriâ, locus integer, quem jam proferimus, indicabit. Is igitur lib. II. de Sacramentis fidei Christianæ parte II. cap. IV. Tom. iii. de duabus potestatibus, sacerdotali, & spirituali, hæc habet: *Illa potestas dicatur sacerdotalis, ista spiritualis nominatur; in utrâque potestate diversi sunt gradus, & ordines potestatum, sub uno tamen utrinque capite distributi, & ve- lut ab uno principio deduci, & ad unum relati. Terrena potestas caput habet Regem, spiritualis potestas summum Pontificem. Ad potestatem Regis perti- nent quæ terrena sunt, & ad terrenam vitam facta omnia: ad potestatem Summi Pontificis pertinent quæ sunt spiritualia, & vita spirituali attributa uni- versa. Quanio autem vita spiritualis dignior est quām terrena, & spiritus quām corpus; tanto spiritualis potestas, terrenam sive sacerdotalem potestatem honore ac dignitate*

(1) *Saxo fuit nobilis.*] Sic statuunt Canonici Regulares S. Victor. Par. in vitâ Hugonis, quam ejus operibus præfixerunt. At Mabillonius tom. j. anal. Sac. p. 263. Hugonem vo- cat Ypensem, cui astipulantur D. FLEURY tom. xiv. & DURIN Bibl. x. sæculi.

dignitate precedit. Nam spiritualis potestas terrenam potestatem & instituere habet, ut sit, & judicare si bona non fuerit; ipsa verò à Deo primum instituta est; & cùm deviat, à solo Deo judicari potest, sicut est scriptum: SPIRITUALIS HOMO DIJUDICAT OMNIA, ET IPSE A NEMINE JUDICATUR.

j. Cor. iij.
xv.

Hac illa Hugonis verba sunt quæ ab indirectæ potestatis defensoribus adducuntur. Reliqua audiamus: Quod autem spiritualis potestas, quantum ad divinam institutionem spectat, & prior sit tempore, & major dignitate, in illo antiquo veteris instrumenti populo, manifeste declaratur, ubi primum à Deo Sacerdotium institutum est; postea verò per Sacerdotium, jubente Deo. Regalis potestas ordinata. Unde in Ecclesiâ adhuc Sacerdotalis dignitas potestatem Regalem consecrat, & sanctificans per benedictionem, & formans per institutionem. Si ergò, ut dicit Apostolus, qui BENEDICIT MAJOR EST, & minor qui benedicitur; constat absque omni dubitatione quod terrena potestas, quæ à spirituali benedictionem accipit, jure inferior existimetur. Capite VII. querit quomodo Ecclesia terrena possideat: Quædam, inquit, Ecclesiæ Christi, devotione fidelium concessa sunt possidenda. Et paulo post: Spiritualis siquidem potestas non ideo præsidet, ut terrena in suo jure prejudicium faciat: sicut ipsa terrena potestas, quod spirituali debetur, nunquam sine culpa usurpat. Capite VIII. queritur, quot modis in seculari potestate determinandâ est justitia. Quos inter modos & hunc resert: Secundum causam justitia determinatur, ut videlicet negotia secularia à potestate terrenâ, spiritualia verò & Ecclesiastica à spirituali potestate examinentur. Tum subdit: Secularis autem potestas Caput habet Regem sive Imperatorem, ab illo per subjectas potestates, & Duces, & Comites, & Præfectos & Magistratus alios descendens, qui tamen omnes à primâ potestate autoritatem sumunt, in eo quod subjectis prelati existant.

Heb. vii. 7.

Hug. ib.
cap. vij. p.
608.

Ibid. cap.
viiij.

Summa ergò doctrinæ est: ambas potestates, juribus, officiisque discretas, ad suum supremum Caput, per diversos gradus referri singulas; nec ab alterâ alterius fines invadi oportere: atque id doctrinæ favet, quâ eas potestates sub uno Deo coordinari, non autem alteram alteri subordinari diximus. Jam quod Hugo dicit: Spiritualis potestas terrenam potestatem & instituere habet, ut sit, & judicare, si bona non fuerit, ad illud referendum est quod postea ex vetere Testamento prodidit: Sacerdotium à Deo primum institutum, postea verò per Sacerdotium, jubente Deo, Regalem potestatem ordinam. Quod ad Saülis historiam spectat manifestè, nec nisi ad mandatum Dei extraordinarium referri potest; non autem ad ordinariam potestatem, de quâ nunc agimus. Unde etiam Hugo explicat, Deo jubente, id factum, à Samuële scilicet, ad eam rem expressè delegato, atque extraordinario, Propheticoque, ut diximus, potius quam Levitico ministerio. Quod autem postea subdit: Potestatem Regalem adhuc in Ecclesiâ sanctificari per benedictionem & formari per institutionem; nemo, credo, ita interpretabitur, ut Reges à consecrante propriè ac strictè potestatem accipient. Quod si Hugo dixisset, ab omnibus, præsertim verò à Francis exploderetur, apud quos pridem constabat, Reges ex genere esse; nec fieri, sed nasci. Sed nos, quò pertineat Regiæ consecrationis unctionisque ritus, suo loco exposuimus. Cæterum, in hac Hugonis disputatione, nihil de Imperatorum

Sup. lib. ij.
sect. ij. cap.
vij.

Sup. lib. ij.
cap. xliv.

Tomus I.

Q q

Henrici IV. & Henrici V. depositionibus memoratur, quas toto Orbe celebratas, ac recentissimâ memoriâ factas, Germanus homo non ignorabat; neque has ad quæstionem maximè pertinentes omnino tacuisse, si apud Catholicos bonâ atque integrâ famâ esse intellexisset.

C A P U T X V I I I.

FRIDERICI I. res : duplex dissidium : primum cum ADRIANO IV.
quid sit beneficium, quid coronam dare ex ADRIANI responsio?
Varius ADRIANUS : ejus decretum de Insulis.

* ij.
** Aen-
bardus nun-
cupatus.

Radev. de-
gelt. Frid. j.
lib. j. cap. x.
Urst. pag.
482.

SANCTI Bernardi tempore, Lothario * Saxoni, & Conrado Suevo, Fridericus I. item Suevus ** à Principibus electus fuit successor, anno 1152. Hujus temporibus multa contigerunt, partim sub Adriano IV. partim sub Alexandro III. quæ ad nostram quæstionem spectant.

Ac sub Adriano quidem IV. non tulit Fridericus, ut Curia Romana Imperiale coronam beneficium seu feudum prædicaret suum: sed eam uni Deo acceptam referebat. Quare nec ferebat in Palatio Lateranensi inscriptos hos versus (*m*).

*Rex venit ante fores jurans prius Urbis honores:
Post Homo fit Papæ, sumit quo dante coronam.*

Adr. iv.
ep. ii. tom.
x. Conc. p.
1145.

Radev. loc.
cit.

* Otto
Palatinus
comes de
Baioariâ
Legato ne-
cem inten-
tabat.

Ibid.
Ibid.

Quos versus èd usque Friderico displicuisse refert Radevicus, rerum Friderici scriptor coætaneus, ut illos omnino deleri vellet. Cùm igitur Imperator ac Principes hæc à Pontificibus vindicari sibi molestissimè ferrent, venit ad Fridericum epistola Adriani, in quâ commemorabat, quantam ei Ecclesia Romana plenitudinem potestatis contulerit & honoris, Imperialis insigne corona libentissimè conferens. Addebat Pontifex se gravisurum, si Imperator majora beneficia de manu suâ suscepisset.

Commotus est vehementer Imperator ambiguo beneficij nomine, quod sensu jam usitato feendum sonaret. Refert etiam Radevicus Principes omnes indignatione commotos, quod passim jactaretur, dignitatis & honoris plenitudinem Imperatori à Pontifice Romano collatam: Reges Imperium Urbis & Regnum Italicum, donatione Pontificum haetenus possedisse.

Quin etiam à Principibus exerti gladii, * cùm Legatus Papæ dixisset: *A quo ergò habet, si à Domino Papâ non habet Imperium?* Composito motu Imperator per omne Imperium edidit epistolam, cuius initium est: *Cùm divina potentia, à quâ omnis potestas in cœlo & in terrâ, nobis, Christis ejus, Regnum & Imperium commiserit, &c.* Quo fundamento posito, significat quâm horruerit illam beneficij vocem aliaque id genus, ab Adriano jactata: additque per electionem Principum à solo Deo Regnum & Imperium

(*m*) Non ferebat... inscriptos... versus,] in eâ tabulâ, in quâ Lotharius ij. Imperator pingebatur flexis genibus à Papâ stante accipiens coronam.

Sibi esse concessum: quicumque Imperiale coronam pro beneficio à Papâ suscepit à se esse dixerit, divina institutioni & doctrinæ Petri contrarium, & mendacii reum esse: quod iterum inculcat, applaudentibus Episcopis: ac liberam Imperii coronam uni Deo tantum adscribit. Quod & memorant Episcopi ac laudant in eâ epistolâ, quam scrisseré, à Radevico relatâ.

Ibid. cap.
xvj. p. 486.

Tantâ ergò totius Imperii confessione permotus Adrianus, sic suam epistolam emollivit, ut beneficium usu Latinæ Linguæ interpretaretur, non feydum, sed bonum factum: quod autem Imperator molestè tulisset illud, *Contulimus tibi insigne Imperialis corona*, sic Pontifex interpretatur: per hoc vocabulum, *contulimus tibi insigne Imperialis corona*, nihil aliud intelleximus quām, *imposuimus*. Ergò coronam imponit Episcorum ritu, non propterea potestatem confert. Quo Pontificio responso, omnia ex coronatione deprompta argumenta corrunt.

Ib. & tom.
x. Conc. p.
1147.

Fatendum quidem altioris esse spiritus, quæ paulò post scripsit idem Adrianus; cùm Friderico objiciens, *homagium exactum ab Episcopis*, & eorum sacras manus ejus manibus innexas, aliaque ejusmodi, hæc addit: *Resipisce ergò, resipisce, tibi consulimus*; *quia cùm à nobis consecrationem & coronam merueris, dum inconcessa captas, ne concessa perdas, nobilitati tua timemus*. Quid rescriperit Fridericus ad rem nostram non pertinet, sicut neque aliæ inter Pontificem & Imperatorem subortæ simultates. Sed profectò, cùm videmus Romanum Pontificem talia comminantem pro iis, quæ nunc omnium usu innoxia celebrantur; tūm etiam de coronâ concessâ ab eodem tam variè scribi; sanè meminerimus, hæc & alia generis hujus sedi Apostolicæ attributa ad jura secundaria, quæ immutari possunt; non ad jura primitiva, quæ à Christo concessa sint, certamque & incommutabilem rationem obtineant, pertinere, ut jam diximus.

Adr. epist.
vj. ibid. p.
1149.

Hic ille est Adrianus IV. quem supra memoravimus scripsisse ad Henricum II. Angliæ Regem: *Hiberniam & omnes Insulas, quibus sol Justitia Christi illuxit, ad ius beati Petri & Sacro-sanctæ Romanae Ecclesie pertinere*; neque id esse dubium: *Pertinere autem eo sensu, non quo grex regendus ad pastorem pertinet, sed quo bona possessa ad dominum. Quo jure Hiberniam, censu anno reservato, Regi Angliæ habendam, possidendumque tradit. Quæ si tam certa sunt, quām certò Adrianus afferit, pace ejus dixerim, nihil jam aliud supereft, quām ut ei cum Insulis, Continentem quoque terram omnem, quæ non potiore jure est, & totius Christiani Orbis Imperium concedamus: ad quæ, credo, confitenda nemo nos adiget.*

Sup. lib. ij.
cap. xxxvij.

Sup. lib. j.
fect. j. cap.
xiv.



C A P U T X I X.

Alterum FRIDERICI I. dissidium cum ALEXANDRO III.
Excommunicatur, deponitur, nec minus agnoscitur pro Imperatore, etiam à Papà: excommunicatio, res seria, depositio pro nihilo habetur.

ALTERUM illudque maximum Friderico I. dissidium cum Alexandro III. (n) intercessit. Offensus quippe Fridericus Romanis Pontificibus, quod victis Italibus ac rebellantibus favere, ac Germanorum jugum ab Italibus depellere velle viderentur; Octavianum schismaticum Pontificem, Victorem III. appellatum, adversus Alexandrum III. virum sanctissimum tueretur. Anno circiter 1160. à sancto Pontifice Victor merito anathemate unà cum affeclis, atque ipso Imperatore percellitur (o). Alexander profectus ad Francos, afflictorum Pontificum per quadringintos jam annos commune perfugium, anno 1163. in Concilio Turonensi excommunicationem renovat, nulla hactenùs depositionis mentione: hanc enim ab excommunicatione Romani Pontifices separabant. Itaque nemini est visum, Fridericum, licet in schismate obduratum, eoque nomine excommunicatum, Imperio cecidisse; constituitque apud omnes, excommunicatos Principes suo jure regnare, nec abrumpi anathemate civilis societatis fœdus, contra quod tempore Gregorii VII. sentiebant.

Anno demum 1168. in Concilio Lateranensi Fridericum ab Alexandro III. novo anathemate ac simul depositione multatum scribit Joannes Sarisberiensis, epistolâ ad Cantœ Sub-priorem. Sed qui has depositiones admittere nos cogunt, videant an hæc etiam autoritate eadem decretâ probate velint: *Abstulit (Romanus Pontifex) ei etiam Regiam dignitatem, ipsumque anathemate condemnavit, & inhibuit autoritate Dei, ne vires illas amodò in bellicis congressionibus habeat, aut de Christiano aliquo victoriâ consequatur, aut alicubi quiete & pace gaudeat, donec fructus penitentie condignos operetur: in quo secutus est exemplum Gregorii VII. decessoris sui, qui, nostrâ ètate, Henricum Imperatorem Ecclesie privilegia convellentem deponens in Concilio Romano, simili sententiâ condemnavit.* Non habuit Historicus antiquius, quod referret, talis depositionis atque excommunicationis exem-

(n) Cum Alexandro iii. Is Rolandus anteâ dictus & Legatus Adriani iv. Friderico eam epistolam attuler. t, de quâ dixit capite præcedenti D. BOSSUET, que quidem tam graves excitârunt Sacerdotium inter & Imperium controversias.

(o) *Victor... anathemate... percellitur.*] Baronius, quem sequitur autorem D. FLEURY, pronuntiat: Alexandrum iii. cum apud Anagniam excommunicationis vinculo innodaret Octavianum (seu Victorem iii. Antipapam) simul eos, qui cum Friderico juramento fidelitatis tenebantur adstricli, ab ipso juramento absolvisse. tom. xij. an. 1160. p. 459. Sed utrumque allucinari patet ex epistola ipsius Alexandri ad Arnulphum Lexoviensem Episcopum, in quâ ea narrat quæ ad ea fuerant in Papienli Conciliabulo, quod Fridericus coegerat, eò ut Octavianum Pieudo-Papam constueret; deinde addit, se Anagnie Fridericum cum Octaviano & fautoribus suis excommunicasse. tom. x. Conc. p. 1399. At verò de eâ absolutione à juramento fidelitatis, quam Baronius communisicitur, ne verbum quidem facit.

plum : tametsi eam dicit de Petri privilegio latam. His scilicet Petri claves & excommunicationis vim commendari posse putabant. Nos autem arbitramur has irritò jaētas esse minas ; hæc de victoriis submovendis excommunicationi præter ordinem ac Traditionem adjuncta, effecisse ut magno suo malo, Christiani excommunicationem minus minusque vererentur, fallen-te plerumque eventu, aut fortuitis casibus consecuto.

Anno 1177. Concilio Venetiis habito, facta pax; quâ de re, acta manuscripta Bibliothecæ Vaticanæ Baronius refert, quibus nostra firmantur. Ibi enim cernimus Fridericum semper Imperatorem nominari, depositum quamvis; quodque vel maximum, Imperatoris Procuratores coram Domino Papa jurâsse in hæc verba : *Ego Comes Diedo juro quod Dominus Imperator mandavit mihi, &: Ego Sigilboth juro, quod Dominus Imperator, &c.* Ex quo, Papâ etiam audiente, quantumlibet depositus, pro Imperatore est habitus. Sequitur in actis mislos à Pontifice ad Imperatorem Legatos, qui quidem Imperatorem, postquam renunciarvit schisma, promissam quoque obedientiam Domino Alexandro ejusque successoribus canonice intrantibus, ipsum à sententiâ excommunicationis pariter absolverunt, & Catholica unitati aggregârunt. Audis quâm sollicitè de excommunicatione dictum, de depositionis sententiâ nihil prorsùs. Quæ planè demonstrant, quantum inter excommunicationem jure divino constitutam, & depositiones novitiis exemplis inducas intersit discriminis. Imperator excommunicatus ab excommunicatione solvitur: depositus ubique, etiam cum Pontifice, pro Imperatore se gerit, nec se restitui petit; sed suo jure regnat. Cæterum quæ de conculcato Friderico comitemorant, hæc Baronius meritò amandat ad fabulas.

Jam putamus hæc, quæ sâpè inculcamus, certo certius stabilita: schismaticum & excommunicatum Principem haud minus jure regnare: à schismatis & excommunicatis Regibus ritè postulatum, ut schisma ejurarent ac veniâ petitâ absolverentur: à depositis, nunquam ut se jure deponi potuisse faterentur: addimus depositos haud minus pro Regibus agentes, à Pontifice quoque fuisse agnitos: ut excommunicatio, prout revera est, res feria & gravis; depositio verò tanquam vana nullumque effectum consecuta, ac per se ipsam nulla haberetur, quantâcunque pompâ in speciem prolatâ.

C A P U T . X X .

HENRICI VI. FRIDERICI filii excommunicatio sine depositione per CÆLESTINUM III. Item PHILIPPI AUGUSTI Regis Francorum, ob repudiatam uxorem per INNOCENTIUM III. Item depositio OTHONIS IV. Imperatoris per cundem INNOCENTIUM: bellâ atrocia, harum depositionum appendix.

HENRÎCUS VI. Imperator Friderici I. filius, quod Regem Angliæ Richardum Hierosolymis à sacro bello redeuntem carcere tenuisset, anathemate condemnatus à Cælestino III. & contumaciter obsurdescens,

Conc. Venet. ibid. p.
1481. Bar. tom. xij. an.
1177.

Ibid. pag.
1485.

Ibid.

Baron. an.
1193. 1197.
vid. tom. x.
Conc. pag.
1768.

placidè tamen regnavit, neque est depositus. Ejus cadaver jussu Pontificis insepultum mansit, quoad Richardo Regi de redemptionis pretio satisfactum esset.

* Ingebur-gā Daniae Regis filiā. Anno 1199. quod Philippus Augustus Rex Franciæ, pulsā uxore, * aliam superduxerit, ** iusflū & autoritate Innocentii III. tota Philippi terra Ecclesiastico interdicto subdita est; cui interdicto deferentes Episcopos magnis Rex incommodis affecit. Idem postea, Ecclesiæ de injusto divorcio, Episcopis etiam de injuriis satisfecit, magnâque omnium lætitia, *interdicti sententia relaxata est*. At cùm per annum ferè integrum tenuerit, nemo interim de obedienciatâ denegandâ, de deponendo Principe nemo cogitavit; neque Franciæ talia admittebant.

** Nempe Agnete Meraniae Ducis filiam. Rigord. in Phil. Aug. an. 1193. tom. v. Du-ch. Idem Innocentius III. Othonem IV. Imperatorem, quorumdam Appuliæ oppidorum & Siciliæ invasorem, anathemate primum, deinde depositione affecit. Quæ Rigordus noster, * ejus ævi scriptor, eumque secutus Joannes Nauclerus accuratissimè distinxerunt; nihil ut sit certius quâ depositionem ab excommunicatione sejunctam. Quâ depositione, ut & aliis præcedentibus, bella atrocia commota sunt, atque inter Othonem, & Fridericum II. multo sanguine decertatum est.

* Monachus S. Dionysii.
Ibid. an. 1210. Nauc. tom. x. j. Conc. p. 56.

C A P U T X X I.

Post Imperatores hactenùs depositos, primus aliorum Regum, JOANNES SINE TERRA Anglus, ab INNOCENTIO III. depositus, Regno sedi Apostolicæ tradito restitutus; quæ sedis Apostolicæ odio & contemptui vertunt.

HA C T E N U S Romani Pontifices Imperatores solos, Regesque Germaniæ atque Italiae deposuerant, quos peculiari titulo obnoxios sibi esse putabant. Primus omnium Innocentius III. alios quoque Reges deponere aggressus, ducto initio ab Angliæ Rege, misero illo Joanne qui *sine terra* dicitur. Is, jussu Papæ, electum Cantuariensem Archiepiscopum Stephanum de Langetune, Presbyterum Cardinalem, doctrinâ, moribusque conspicuum nolebat admittere. Cantuarienseque Monachos, penes quos electio erat, viij. Pontifici obsecutos, ut Majestatis reos exagitabat. Grave id Pontifici visum. Cœptum ab interdicto est; denunciatumque Regi per Legatos Apostolicos,

Matt. Par. an. 1208. p. 226. *ut si per hoc pertinaciam suam non duceret corrigendam, ipse (Pontifex) manum adhibere curaret graviorem.*

Rex, propter interdictum, in Anglos ac Romanos in Angliâ versantes, diris indignisque modis sœvii. Post continuatam per biennium persecutionem gravissimam, decretum à Pontifice nominatim excommunicari Regem, & ab omnibus evitari; quæ sententia, licet ab Episcopis Regem metuentibus promulgata non esset, omnium tamen ora replèverat.

Rex consueto more ac jure regnabat; neque quidquam Pontifex de eo deponendo decreverat aut etiam interminatus erat. At anno 1212. jam totâ in Regem commotâ Angliâ, præcipuis Episcopis Anglicanis id postulanti;

Ibid. an. 1209. pag. 228.

bus, Innocentius definivit: *Ut Rex Anglorum Joannes à solio Regni depo-
neretur, & alius, Papâ procurante, succederet. Ad hujus sententiâ executionem
scriptis potentissimo Regi Francorum Philippo, quatenus, propter omnium remis-
sionem peccaminum, hunc laborem assumeret, & Rege Anglorum à solio Regni
expulso, ipse & successores sui Regnum Anglia jure perpetuo possideret. Hic
ergo videmus non modò perturbatum Regem, sed etiam domum Regiam;
Joannisque liberos etiam innocuos; & amplissimum Regnum privatum esse
jure eligendi sibi Principes; & ad extraneos translatum Imperium, Ponti-
ficio iussu. Quis hæc congerendis quam solvendis peccatis aptiora esse neget?*

At enim objiciunt, huic decreto Francorum Regem Philippum paruisse,
ac Pontificiam in deponendis Regibus agnoscisse potestatem. Certè, qui per
eam occasionem, eoque decreto, Angliam suo Regno infensissimam occu-
pare conaretur. Quanti autem hæc exempla valeant, & omnes per se vident;
neque eo tempore ignorabant; cum Comes Flandriæ * Regem ad bellum
sequi iussus, id etiam objecerit: *Fuisse injustum idem bellum, quod ad de-
bellandum Regem Anglorum suscepserat; cum nullus antecessorum suorum jus hac-
tenus sibi aliquod in Regno Anglia vendicasset: adeò hi tituli regnandi vani
habebantur.*

Posteaquam Joannes Rex miserrimus, atque haud minus contemptus
quam detestatus, suis tantam vim à vicinis Francis ac Rege victoriosissi-
mo imminere vidit; Innocentio III. ejusque successoribus Regnum An-
glia tradidit, quod ipse à Pontifice sub *homagii ligii* fide recipere. Quid
multa? Continuò Joannes Regno restitutus; ab Innocentio in Barones
perduelles anathemata vertuntur, atque in Philippum ipsum, nisi bel-
lum incœptum statim omitteret. Sed Barones in proposito pergunt, Lu-
dovicum Philippi filium Regem pronuntiant; id in Joanne maximè de-
testantur, quod Regnum nobilissimum *chirographo aeterna servitutis obligas-
set*. At ex illâ servitute Joannes id commodi referebat, ut Baronibus, bel-
lorum necessitate initisque fœderibus multa pollicitus, multa largitus, ea
omnia, tanquam sine Romani Pontificis supremi jam sui Domini autoritate
concessa, facile revocaret. Nec deerat Innocentius, qui promissa ac donata
rescinderet. Interim Ludovicus mare trajecit, nihil deterritus excommuni-
catione, quæ profectò humanis jam intentata ac soluta consiliis, piis quo-
que, quorum numero fuit Ludovicus, proh dolor! sæpe contemptui erat;
ac vana tantum suffugia quærebantur. Et quidem Ludovici causa coram
Innocentio acta. (p) Obiectum est inter cætera, decretum Concilii Late-

(p) *Ludovici causa coram Innocentio acta.*] Observandum est Ludovici Oratores nunquam
dicere, quod ille haberet jus de Regno Anglie, quia Joannes à solio depositus fuerat, Papâ pro-
curante, ut Matthæi Parisiensis verbis utar. Hoc enim argumentum non satis turum fir-
mumque eis videbatur. At vero dicunt; postquam Joannes morte damnatus esset à Baro-
nibus Franciæ, & de solio dejectus propter varia crimina ab ipsis Angliæ Baronibus, jus
occupandi Regni Ludovico venisse, non modo, quia Rex Anglorum electione renun-
tiatus fuerat; sed etiam hereditario jure Blanchæ è Castellâ ejus uxoris. Addebat Joannem,
qui Rex non esset, summo Pontifici Angliæ Regnum dare non potuisse; cum Rex
quoque id non posset, his Baronum consensu accederet; unde concludebant: Joannem,
suo donationis diplomate, Regnum quidem non dedisse; sed semetipsum exuctorasse;
neque deinceps esse in illius potestate dignitatem Regiam recuperandi. Vid. D. FLEURY
& eos quos allegat. Adi quoque RAPIN THOYRAS lib. viij.

Ibid. an.
1212. pag.
232.

* Ferdi-
nandus Sun-
cti Lusita-
niæ Regis
filius.

Ibid. an.
1213. pag.
236.

Ibid. an.
1215. vid.
Chart. Joā.
Spicil. tom.
v. pag. 574.
& Concil.
tom. viij. p.
554.

ranensis III. generalis , quod tamen non extat. (q) Oratores Ludovici
 Matt. Par. nomine , respondebant : *Quod tempore lata sententia Dominus Papa nescie-
 an. 1216. P. bat quod Ludovicus haberet jus de Regno Angliae , & cum hoc illi constiterit ;
 285. non credit quod Concilium possit ei jus suum auferre. Sic sanè , ut poterant , in
 Curiā Romanā , Regum jura ab Ecclesiasticā potestate libera tutabantur. De-
 nique morte Joannis finita controversia est. Tunc odia Anglorum conci-
 dere ; in Henricum Joannis filium conversa omnium studia , atque in Ludo-
 vicum odia ; ac tunc metui cœpit excommunicatio , cum vires undique de-
 fuere. In hæc misera & infanda Ecclesiam induxerunt , qui partem tantam
 Apostolicæ potestatis , in temporalibus ordinandis seu potius subvertendis ,
 pessimo consilio collocârunt. Hæc verò utcumque excusare libeat , tanquam
 bono animo , per hujus ætatis imperitiam , à bonis etiam Pontificibus gesta ,
 ut sæculum sæculo repercuterent ; tamen colere non possumus , quæ nun-
 quam à Christo , aut Apostolis , Patribusque prodata , tam infaustis successi-
 bus prodierunt.*

C A P U T X X I I .

*Resertur caput , Novit , extra. de judiciis : hujus edendi occasio :
 nihil ad rem : interpretatio necessaria.*

* An. 1199. **P**ER ea tempora * Innocentius III. multùm laboravit in componendâ
 pace inter Francos & Anglos , ut deinde in Infideles arma converterentur.
 Nicol. Tri-
 vet. Chron. Pontifice digna res ! Novum illud , quod pro potestate pacem vel inducias
 Spic. tom. Regibus imperaret. Grave id Gallicanis Episcopis visum ; & Regem excusa-
 viij. p. 531. bant , Papam rogantes , ut non laderet jurisdictionem Regis Francorum : at gra-
 Ext. Greg. viter redarguti sunt ab Innocentio , datâ ad eos epistolâ , cuius initium est :
 ix. lib. ij. tit. Novit ille extra. de judiciis. Summa epistolæ est , non se judicare de Feudo ,
 j. cap. xij. cuius judicium ad Regem pertinet ; sed decernere de peccato , cuius ad nos ,
 inquit , pertinet sine dubitatione censura : hinc coerceri à se posse qui pacem
 abrumpant , præsertim juratam ; cum Ecclesiæ sit de juramenti religione cog-
 noscere. Quæ quidem nihil ad hanc quæstionem pertinent , cum non agat
 Innocentius de Regibus metu depositionis coercendis , quod unum quæ-
 rimus ; vanique omnino sunt & à quæstionis recedunt statu , qui hæc obji-
 ciunt. Sed tamen si ad extremum urgeantur , jam decernant Episcopi ac
 præsertim Romanus Pontifex , non tantùm de bello ac de pace , quod ip-
 sum per se est gravissimum & Regii officii pars maxima ; sed etiam de mi-
 litiâ , de judiciis , de Magistratibus , de Feudis etiam , quorum cognitionem
 à se Innocentius amoverat ; cum in his omnibus juramenti religio interve-
 niat ;

(q) *Quod tamen non extat.]* Extat in Concilio Lateranensi iv. his verbis : *Statuimus ut
 saltem per quadriennium... discordantes reducantur ad plenam pacem , aut firmam trêgam in-
 violabiliter observandam ; & qui acquiescere fortè contempserint , per excommunicationem compel-
 lantur.* tom. xj. Conc. part. j. p. 232. 233.

niat ; ac si ab aliis rebus juramentum absit, non abest certè peccatum ; quo nomine, privata omnia & publica ad potestatem Ecclesiæ revocentur. Quare hæc Innocentii vel emollient necesse est, interpretatione commodâ, ac modum aliquem adhibeant, vel omnia Imperiorum jura confundant.

Id Philippus Augustus senserat, cùm olim * Legato Clementis III. minitanti : *Nisi Rex Francia, & Comes ** Richardus *** cum Rege Anglorum (Henrico II.) componerent, fore ut terras eorum sub interdicto concluderet ; respondit se illius sententiam nullatenus formidare, cùm nullâ aquitate fulciretur. Addidit etiam ad Episcopum Romanum minimè pertinere in Regem aliquem, maximè Francorum, per sententiam animadvertere, si Rex idem in HOMINES suos, dementes & Regno suo rebelles, ulciscendi causâ insurgere disposuerit.* Sic in sacerulis etiam ineruditis, Reges nostri, & maiestatem intelligebant suam, & pro virili parte tuebantur. Itaque his minis nihil Clemens III. nihil Innocentius III. profecere. De peccato cognoscat Romanus Pontifex, legitimo, canonicoque ordine, ubi grave facinus evidenter injustum, notorium, neque ullâ tergiversatione celandum, vel, si velint, claris probationibus certum : tunc excommunicationem tantum, idque adhibitâ Christianâ prudentia, non autem depositionem comminetur. Ut autem peccati nomine, Regnorum jura, ambiguasque bellorum causas, & Imperiorum arcana ad se trahat, ne ipse quidem velit. Cæterum in foro conscientiæ, ubi habemus confitentem ac pœnitentem reum, quo pacto quæcumque peccata sunt, etiam in temporibus (sive illa sint ambiguæ, sive certa, sive publica, sive occulta) clavibus Ecclesiæ subdantur, quatenus quidem peccata sunt, nemo sanus objiciet : neque ad rem ullo modo pertinet. Quod propter tardiores, aut cavillatores monitum esse volumus.

* An. 1188.

** Picta-
vienfis.*** Fil us
Henric. ij.
Regis An-
glie acdein-
de ejus suc-
cessor.Matt. Par.
an. 1188.

C A P U T X X I I .

BONIFACII VIII. cum PHILIPPO III. PULCHRO,
*Francorum Rege dissidium : aëta Bonifacii rescissa à CLEMENTE V. Rex omnesque Regni Ordines, Regni in temporalibus
tuentur independentiam.*

HIC temporum ratio postulabat, ut de Friderico II. ageretur ; sed quandoquidem novo exemplo in Concilio generali est depositus ; in eoque negotio, de Concilii generalis autoritate multa mentio fuit, totam rem èò remitti placet, ubi de iis quæ in Conciliis circa temporalia ordinanda gesta sunt, differemus. Properamus ad alia, neque tamen animus est explorare omnia quibus Pontifices usurpatam semel temporalem potestatem exercere aggressi sunt. Posteaquam enim Orbis Christianus his assuefactus est, non defuere Reges ac Principes, qui hunc cupiditati & invasioni titulum obtenderent ; placebatque jaçtere in yulgus, Sedi Apostolicæ obsecutos ; dum fœdæ cupiditati morem gererent. Cæterum seditiones ac bella atrocia sequebantur ; quo metu factum est, ut hæc reformidarent omnes ; & magno.

Tomus I.

R r

Inf. lib. iv.
cap. vij.

terrori fuit, quod his decretis, si non dari Regna, saltem perturbari posse. Quæ postquam generatim diximus, ea tantum sigillatim referemus, quæ ad hanc elucidandam quæstionem aliquid singulare præferre videantur; qualia sunt imprimis ea quæ sub Bonifacio VIII. contigerunt.

Eo Pontifice nullus unquam gravius à Gregorii VII. temporibus concavat Imperia: quo nomine non tantum apud nos, quos acerrime aggressus est; verum etiam apud exterros male audivit. Testis Joannes Hocf. Hist. Episc. Lead. cap. xxix. semius Canonicus Leodiensis, ejus ævi scriptor: *His, inquit, temporibus, Bonifacius animosè nimis omnia facta sua expediebat pro libito, nec fratrum suorum consilia sequebatur, & quia videbat quod propter potentiam Regni Francie, suam non poterat exequi voluntatem, & considerans Regis Formosi simplicitatem, eò quod totum Regni regimen à suis Consiliariis dependebat, ad Regis & Regni humiliationem pro viribus nitebatur. Haud longè absimilia Joannes Vill. hist. Villanus Italus prodidit. Alii ab eodem multa superbissime atque arrogantissem dicta gestaque commemorant. Manavit ea opinio ad posteros.*

Plat. vit. Bonif. viij. qui semper Regibus, Principibus, nationibus, populis, terrorem potius quam religionem injicere conabatur; qui que dare Regna & auferre, pellere homines edit. Colon. pag. 233. & reducere pro animi arbitrio conabatur.... Discant hujus exemplo Principes 1626. omnes tam religiosi quam seculares, praesse Clero & populis, non superbe & contumeliosè, ut hic, de quo loquimur, sed sancte & modeste, ut Christus Rex noster ejusque discipuli.

Huic adversus Regna, præsertim verò adversus Francos gravia molienti, Philippus III. Pulcher appellatus, acerrimi ingenii atque animi Rex Francorum, Francique omnes, Principes, Nobilitas, plebs, Clerus ipse magnâ consensione vehementissime obstiterunt. Quæ per vim facta sunt adversus Rain. an. Pontificem, lacrymis prosequenda, neque Rex probavit, hujusque sceleris 1311. n. insons, Pontificio quoque judicio pronuntiatus est; & nos silentio præterimus. Quæ ad illud quod tractamus doctrinæ caput pertinentia utrinque pro 36. Hist. du differ. pag. 597. lata sunt, exequemur, prout ea apud Odoricum Rainaldum Baronii continuatorem, Annalium XIV. & XV. tomis legimus, & in editione Parisiensi anni 1655. historiæ hujus dissidii ex Regestis regiis diligentissime colliguntur.

Cæterum cùm Bonifaciana decreta, quoad hoc negotium attinet, Clementis V. partim antiquata autoritate, partim temperata, partim ex Regestis tolli jussa, ac reverè sublata & deleta in Regestis Vaticanis ab Odorico Rainaldo reperta sunt: nos ubi ea decreta ex temporum serie referemus, suam cuique apponemus notam, ut lector veritatis amans, & quid decreta sit, & quo loco habendum uno intuitu complectatur.

Hist. &c. pag. 300. Rain. an. 1311. n. 26. & seq. Ac ne quis existimet hæc, quæ à Rainaldo ex Regestis deleta reperta sunt, privatis fortè consiliis fuisse sublata, præmittimus Clementis V. decretum, in Bullâ quæ incipit, *Rex gloria*, quæ quidem ab Odorico Rainaldo, omissa tantum præfatione, describitur. Sic autem decernit Clemens: *Nos, eorum quæ tantis periculis atque malis causam & occasionem dedisse noscuntur, volentes abolere memoriam... sententias, constitutiones, declarationes, privilegiorum revocationes, suspensiones, excommunicationes, interdicta, privationes, depositiones, & processus prædictos, de libris capitularibus, & Registris*

Ecclesia Romana, de fratribus nostrorum consilio omnino tolli & penitus mandavimus amoveri.

Extat etiam apud Odoricum Rainaldum authentica declaratio ipsi Regesto Bonifaciano inserta, quā hæc omnia jussu Clementis V. erasa esse constat. Quæ autem potissimum Bonifacii decreta Clemens V. antiquavit & revocavit, docet ipse Rainaldus ex manuscriptâ historiâ Bernardi, quæ in Bibliothecâ Vaticanâ asservatur. Hæc enim verba historici refert: *In Kal. Feb. duas constitutiones Bonifacii quondam Papæ, unam quam direxerat Regi Francia, in quæ scribebat eidem, ipsum Regem esse subjectum Romana Ecclesia in temporalibus & spiritualibus; aliam verò, quæ incipit: CLERICIS LAICOS, revocavit, & omnia qua ex ipsis constituta. Jam postquam universim rerum formam delineavimus, singularia gesta aggredi placet.*

Diffensionis exordium, aut maximum fuit incentivum celebris illa anno 1296. Bonifacii VIII. edita constitutio invidiosissimo exordio: *Clericis Laicos infestos oppidò prodit antiquitas. Hac vetat Bonifacius, sub anathematis pœnâ, ne quid in Regnorum & Reipublicæ subsidium, aut Principes exigant à Clericis, aut Clerici solvant sine Sedis Apostolice licentiâ.*

Commotum eâ re Philippum significat Bulla, *Ineffabilis*, ad ipsum eodem anno directa; sed Bonifacius suam sententiam sic temperat: *Non præcisè statuimus pro defensione vel necessitatibus tuis, vel Regni tui, ab iisdem Pralatis Ecclesiasticisque personis, pecuniarum subsidium non prestari; at adjecimus, id non fieri absque nostrâ licentiâ speciali.*

Neque explicatio placuit, parum ut videbatur publicis necessitatibus consulens. Quin anno sequente, ipse Bonifacius dato diplomate declaravit: cùm necessitas immineret, peti ac recipi ab Ecclesiasticis posse pecunias, quas etiam, Pontifice Romano inconsulto, impetriri teneantur, atque ut necessitatis declaratio, *Regis & successorum suorum conscientiis relinquantur.*

Quid autem necesse erat talia invidiosissimè commoveri, ut deinde Regum permitterentur arbitrio? Denique Clemens V. id Bonifacii decretum, omniaque ex eo secuta, antiquavit & haberi voluit pro *infestis*, editâ Bullâ, cuius initium est: *Quoniam ex constitutione.*

Eodem anno 1296. Philippus vetuit aurum, argentum, pecuniam, viciaula, arma, equos, munimenta, à quocumque, cujuscumque dignitatis ac nationis, à Regni limitibus, sine suâ speciali licentiâ deferri; ut his Regnum afflueret, neque inimici augmentarentur. At Bonifacius Bullam, *Ineffabilis*, ad ipsum Regem dirigit, quā fatetur interdùm id utile, ne civibus necessaria subtrahantur, eaque ad hostes transeant: *Sed, inquit, sic generalem proferre sententiam, ut tulisti, non solum reprobatur in subditos, sed etiam in exteriores cujuslibet nationis.* Tùm addit: *Et si, quod abſit, fuerit condentium intentio, ut ad nos & fratres nostros Ecclesiarum Pralatos, Ecclesiasticasque personas, & ipsas Ecclesias, & nostra & ipsorum bona, non solum in Regno tuo, sed etiam constitutorum ubilibet extendatur: hoc non solum fuisset improvidum, sed insanum, velle ad illa temerarias manus extendere, in quibus tibi secularibusque Principibus nullà est attributa potestas.* Quin potius ex hoc, contra libertatem eandem temerè veniendo, in excommunicationis sententiam promulgati canonis incidisses. At non puto quemquam esse Pontificiorum dicto-

Rain. an.
1301. n.
31.

Bernard.
Chron. ap.
Rain. an.
1306. n. 1.

Hist. &c.
P. 14.

Ib. p. 15.

Ib. p. 40.
Rain. an.
1297. n. 50.

Preuv. du
Diff. pag.
287.
Ib. p. 13.

Ib. p. 15.

rum tam protervum defensorem, qui tueri hæc audeat: improvidum, insanum ac anathemate plectendum esse facinus, si Princeps prohibeat ne ab Ecclesiasticis res tam necessaria, sine Regiâ licentia extra Regnum transportentur. Qui verò sic defendant Ecclesiasticam libertatem, profecto non defendunt; sed Regnis invidiosam ac noxiā redditū; Clericosque, non cives, sed propemodū hostes, atque omnibus graves, inquisitores faciunt. Quare Philippus ab editi sui gravitate & autoritate non recessit.

Ib. p. 17. Neque commotus est his Bonifacii minis: *Cogita & repensa Romanorum, Anglia & Hispania Regna, quæ undique te circumstant, eorumque potentias ac strenuitatem & multitudinem incolarum, & patenter agnosces, quod non sit tempus acceptabile, non dies salutis in diebus istis, nos & ipsam Ecclesiam talibus perturbare puncturis. Nec revocare debuisses in dubium, quod nostri & Ecclesia adjutorii & favoris sola subtractio, in tantum debilitaret, ac tuos, quod, ut cetera tua omittamus incommoda, persecutiones adversus ferre non posse; ac ubi nos & eandem Ecclesiam tibi adversarios constitueres principales, adeo nostra & ejusdem Ecclesia & aliorum predicatorum provocationis tibi sarcina gravior redideretur, quod ad ejus pondus tui efficerentur humeri impotentes. Ac posteà: Quid ergo tibi accideret, si, quod absit, Sedem ipsam offenderes graviter, eamque hostium tuorum constitueres adjutricem; quin potius contra te faceres principalem?* Judicet lector Pontificium sit ac paternum, Catholico Regi Regium officium fortiter ac innoxie executo, neque quidquam contra religionem aut Ecclesiam molienti, hæc intentare, commovere adversus eum Reges, se præbere adjutorem, imò adversarium principalem.

Ib. p. 18. Neque erat levius, quod subortis Philippo cum Romanorum atque Anglia Regibus controversiis, Bonifacius sic scribebat: *Numquid super iis dicti Reges denegant stare juri? Numquid Apostolica Sedis, quæ Christi-colis omnibus præminet, judicium vel ordinationem recusant? Dumque in eos super iis peccare te assentunt, de hoc judicium ad eandem Sedem non est dubium pertinere.*

Ib. p. 23. & 84. Ad hæc respondet Philippus oblatum à se esse ut Reges starent arbitris; ac posteà de controversiis cum Rege Anglo compromisit in summum Pontificem, sed tanquam in privatam personam, ac Benedictum Cajetanum, quod erat Pontificis nomen proprium ac gentilium. Hoc enim expressè additum, ne Pontificiæ potestatis nomine, hoc ad se judicium necessariò deferendum putaret; quod quidem arbitri officium eà conditione Pontifex ipse suscepit.

Ibid. pag. 41. Rain. an. 1398. n. 2.
* Atque etiam Regi Romano- rum.

Cùm autem anno 1297. Franciæ atque Anglia Regibus * sub excommunicationis poenâ trèugas seu inducias indixisset, Legatique eâ de re Bonifacii ad Philippum literas attulissent; quid ille responderit, & in vulgus spargi jusserit, Legati testantur sic: *Cùm dictas literas præsentaremus dicto Regi legendas, idem Rex in continent, antequam literæ ea legerentur, nomine suo & se presente, fecit exprimi & mandavit in nostri præsentia protestationes ejusmodi, & alia qua sequuntur: videlicet, regimen temporalitatis Regni sui ad ipsum Regem solum, & neminem alium pertinere; seque in eo neminem superiorem recognoscere nec habere; nec se intendere supponere vel subjicere modo quocumque viventi alicui, super rebus pertinentibus ad temporale regimen Regni. Ac posteà: Quatenus autem ipsius Regis tangit animam, & ad spiritualitatem attinet, idem Rex prædecessorum suorum sequens vestigia, paratus est mo-*

Hist. &c. p. 28.

nitionibus & praeceptis Sedis Apostolicae devotè ac humiliiter obedire, in quantum tenetur & debet, & tanquam verus & devotus filius Sedis ipsius, & sanctæ matris Ecclesia reverentiam observare. Sic sua tuebatur, nec Sedi Apostolice, cuius autoritate res Ecclesiæ stant maximè, quidquam derogabat.

Anno 1301. passim circumferebantur brevissimæ Bonifacii ad Philippum, & Philippi ad Bonifacium literæ omnibus notæ. Bonifacii epistolaæ tale est initium: *Scire te volumus, quod in spiritualibus & temporalibus nobis subes.* Quæ ne in præjudicium traherentur, die Dominicâ post octavam Purificationis beatæ Mariae 1301. Rex Francia fecit comburere Bullam Papæ, in medio omnium nobilium & aliarum personarum, quæ erant eadem die Parisiis, & cum trompis fecit combustionem hujus Bullæ per totam villam Parisiis præconisari: item à die Veneris antè diem Dominicam erant elapsi quindecim dies, quod idem Rex condemnavit filios suos in præsentia totius Curiaæ suæ, & Procerum omnium, qui erant præsentes, si advoarent ab aliquo vivente, nisi solummodo à Deo Regnum Francia.

Quod ergo Règia potestas, alteri quam Deo in temporalibus subjici diceretur, id non modo Regi, sed etiam universæ genti adeò intolerabile vi-
sum, ut nullâ unquam in re fuerit omnium Ordinum tanta consensio. Eâ de re consultus Petrus De Bosco Regius advocatus, ita respondebat: *Quod Papa sic scribens & intendens sit, & debeat hereticus reputari;* - neque tantum ministri Regis hæc Pontificis cogitata adversabantur, sed etiam gravissimi hujsæ ætatis Theologi scriptis editis confutabant; ac ne jam privatos appellemus, Franci Principes, Duces, Comites, Barones, nobiles, in iis actis quæ ad Cardinalium Collegium ediderunt, illud horruerunt, quod exprobabant à Bonifacio dictum: *Regem in temporalibus subjectum ipsi esse propter Regnum Francia, cum Reges Francique omnes semper dixerint, omnibusque sit notorium, id Regnum in temporalibus soli Deo subdi.*

Huic contestationi eodem anno Clerus universus assentitur, datis ad Bonifacium literis, sub hoc titulo: *Archiepiscopi, Episcopi, Abbates, Priors Conventuales, Decani, Propositi, Capitula, Conventus, atque Collegia Ecclesiæ Cathedralium, Collegiarum Regularium, & secularium totius Regni Francæ Parisiis congregati;* testanturque ad tuendam Regis in temporalibus supremam potestatem se adfuturos eidem, debitissimis atque auxiliis opportunis.

Quod ipsum postea anno 1303. luculentius declarant. Cùm enim à Bonifacio VIII. ad futurum Concilium Ecumenicum Rex & Barones appellarent, Archiepiscopi, Episcopi, & Abbates præcipui in appellationem consentiunt, atque hæc insuper addunt: *Nos dico Domino Regi, & Baronibus, ac sibi assistentibus assistemus, & secundum Deum pro viribus defendemus, nec nos separabimus ab iisdem, nec absolutionibus à juramentis fidelitatis, vel aliis quibuscumque relaxationibus, indultris & indulgendi, impetratis, vel impetrando, vel ultrò oblatis, vel offerendis, vel concedendis, utemur: imò semper eidem Domino Regi, Baronibus & adherentibus adhærebimus.... jure Romanae Ecclesiæ, nostroque & Ecclesiæ nostrarum in omnibus & per omnia semper salvo.*

Quæ appellationem ad Concilium spectant non sunt hujus loci. Hic vi-

disse sufficiat, consentire omnes Regni Ordines in eam sententiam, Regem in temporalibus soli Deo subesse, atque etiam speciatim Prælatos profiteri, nullis se sententiis assensuros quibus à fidelitate Regi debitâ absolvantur. Cogitat nunc lector diligens, an hæc Majoribus nostris tam gravia visa, indirectæ potestatis distinctiunculâ emolliri posse videantur: nostri certè non voces, sed rem ipsam judicabant intolerabilem.

C A P U T X X I V.

Bullæ, Ausculta fili, &c., Unam sanctam; expenduntur.

NON desunt qui dubitent, verane an falsa sit parva ea epistola Bonifacii VIII. quam anno 1301. toto Regno divulgatam, eodemque tempore confutatam à tot gravibus viris, Regi quoque autoritate combustam vidimus. Verum id nihil nostrâ interest, dummodo apud nos constet, omnibus curæ fuisse, ne apud Francos doceretur, Regem in spiritualibus ac temporalibus Papæ subesse. Sanè Bonifacium id sibi vindicâsse, & historici hujus ævi superâ memorati, & certa monumenta probant, imprimis Bulla, *Ausculta fili,* Ib. p. 48. * à Jacobo de Nor- mandis Ar- chidiaco Narbonen- sii. quam ad Philippum anno 1301. perlata esse constat, * & Bulla, *Unam sanctam*, quas nunc perpendere nos oportet.

Ergò Bonifacius in Bullâ, *Ausculta fili*, postquam ex Jeremiæ verbis id sibi tribuit, *constitutum esse se super gentes, & regna*, sic concludit: *Quare nemo tibi suadeat quid superiorem non habeas, & non subsis summo hierarchæ Ecclesiastice hierarchia.* Id quidem à Philippi mente longè aberat, si de spiritualitate ageretur. Audivimus enim Regem pio studio hanc obedientiam professum; sed Bonifacius aliò spectabat. Accusatâ enim Regis administratione perversa tam in rebus temporalibus quam Ecclesiasticis, significabat evocatos esse Romam ad diem certum * nempe totius Regni Archiepiscopos & Episcopos, unâ cum Abbatibus, Capitulisque Ecclesiarum, & Magistris in Theologâ, & jure Canonico; ut, inquit, sublatâ repentina exceptione consiliî, cum iis, sicut cum personis apud te omni suspicione carentibus, quin potius acceptis, & gratis.... tractare consultius, & ordinare salubrissimâ valamus, qua ad præmissorum emendationem.... ac bonum, & prosperum regimen ipsius Regni videbimus expedire. Invitabat deinde Regem ut fidos viros mitteret per quos deliberationi interesset. Alioquin, inquit, tuam, & ipsorum absentiam divinâ replete præsentâ, in præmissis, & ea contingentibus, ac aliis, prout expedire videbitur, procedemus. Quæ si valuerint, ac de Regni regime Romanus Pontifex Romæ, Rege, sive absente sive præsente, decerneret, nempe regnaret Pontifex: ipse Rex nudum Regis nomen obtineret: quæ absurdâ & nimia testatur Odoricus Rainaldus erafa, & expuncta Clementis V. jussu fuisse, neque ex his Bonifacii literis quidquam integrum remansisse in actis, præter ea quibus Regem ad Hierosolymitanam expeditionem adhortatur.

Vid. Rain.
tom. xv.

Sed quamquam hæc Regi vehementissimè displicebant, non ibi tamen constituit Bonifacius, Anno enim 1302. edidit illam celebrem extravagân-

tem, *Unam sanctam*, in quâ duo à nobis diligentissimè ac subtilissimè secerni oportet: primum, id quod exponit Pontifex: alterum, id quod definit ac decernit: hæc enim non ejusdem virtutis esse & sàpè diximus & omnes consententur. Expositionis autem hæc summa est: *Unam Ecclesiam esse: unum ejus caput Christum Christique vicarium Petrum ac Petri successorem: duos esse gladios, spiritualem similiter & materialem: hunc etiam Petri esse, dicente Domino: CONVERTE GLADIUM TUUM IN VAGINAM; sed Regum, & militum manu exerendum: tum gladium esse sub gladio, & temporalem autoritatem spirituali subjici potestati, cum QUÆ A DEO SINT, ORDINATA SINT; neque ordinata futura esse, nisi secundum beatum Dionysium inferior reduceretur per alium in supremâ. Addit postea: Veritate testante, spiritualis potestas terrenam potestatem instituere habet & judicare, si bona non fuerit, ut inde verificetur illud Jeremie: TE CONSTITUI SUPER GENTES ET REGNA: quare si deviat temporalis potestas, à spirituali judicanda, si spiritualis, minor à suo superiori: si spiritualis maxima, à Deo solo, testante Apostolo: SPIRITALIS HOMO JUDICAT OMNIA; IPSE AUTEM A NEMINE JUDICATUR, quæ quidem spirituialis potestas maxima Petro est tradita his verbis: QUODCUMQUE LIGAVERIS: QUICUMQUE igitur, inquit, huic POTESTATI à Deo sic ordinata RESISTIT, DEI ORDINATIONI RESISTIT, nisi duo, sicut Manicheus, fingat esse principia, quod falsum & hereticum judicamus; quia testante Moyse, non in principiis, sed IN PRINCIPIO CÆLUM DEUS CREAVERIT ET TERRAM.*

His ergò expositis, eò viam sibi parâsse videbatur, ut Romano Pontifici omnem potestatem esse subditam, etiam in temporalibus, pro certo fidei dogmate definiret. At profectò non eò usque processit: hoc enim tantùm habet definitio: *Porrò subesse Romano Pontifici omnem humanam creaturam declaramus, dicimus, diffinimus, & pronuntiamus omnino esse de necessitate salutis; quod quidem est verissimum, & apud Catholicos certum, si de spirituali potestate intelligatur: animadvertisse hîc volumus audentissimum Pontificem, nec id fuisse ausum, ut potestatem temporalem, licet in expositione sàpè memoratam, uti sibi subditam in temporalibus, in ipsâ definitione ac determinatione diceret. Quippe cùm in citatissimo cursu eo quoque abripiendus esse videretur, ut temporalia invaderet, repressit se statim, rei novitate ac difficultate deterritus, deflexitque ad ea, quæ spiritualem potestatem certissimè stabilirent.*

Dum hæc agebantur, negabat Pontifex, negabant Cardinales à Pontifice dictum unquam, quod Rex recognoscere se tenere Regnum suum ab aliquo, aut ab Ecclesiâ, aut ab ipso Pontifice, neque profectò homagium postulabat, quæ plana & mera esset insipientia. Sed quid verba proderant, si alioquin Pontifex, Regnum, ut apertè præferebat, inconsulto Rege, Romæ ordinatus esset, & si ratione peccati omnia ad se traheret? Ad hæc frequente Consistorio minaretur, se Regem Philippum depositurum, ut unum garrisonem: quin etiam in Bullâ, *Unam sanctam*, apertè scriberet, quod spiritualis potestas terrenam potestatem instituere haberet ac judicare; hoc est, procul dubio, datâ sententiâ deponere, quam à se institui doceat: quâ subjectione nulla erat major, ne quidem in eo quod vocant homagio-ligio? Quid quod gladium materialem in potestate Pontificis planè esse dicebat, aliâ licet, Re-

Extra. de
Maj. & obed.
Hist. &c. p.
54. & seq.

Ibid.

Hist. &c.
P. 63. 74-75.

Ib. p. 79.

gum nempe & militum manu exerendum? Quæ si doctrina valeat, ac jus sit Pontificibus in bello ac pace tractandi; non jam hortatione; & consilio, sed, uti Bonifacius facere aggressus erat, summâ potestate, ac pro imperio agere; nempe Reges nihil aliud quâm Pontificum ministri & executores essent.

Quare etsi Bonifacius non hoc definire, aut pro certo & Catholico dogmate asserere videbatur, grave erat Francis Regique Philippo, hæc, quibus continetur regiæ potestatis certa pernicies, Pontificio nomine quocumque modo doceri; impetraruntque à Clemente V. extravagantem, *Meruit*, cuius hæc verba sunt: *Nos Regi & Regno (Francorum) per definitionem ac declarationem bona memoria Bonifacit Papa VIII. predecessoris nostri, qua incipit unam sanctam, nullum volumus vel intendimus prejudicium generari;*

Ext. cōm.
de privilegiis
Hist. &c. p.
288.

nec quòd per illam Rex, Regnum, & Regnicola prælibati, amplius Ecclesiæ sint subjecti Romanae, quâm antea existebant; sed omnia intelligantur in eodem esse statu, quo erant ante definitionem præfata, tam quantum ad Ecclesiæ, quâm etiam ad Regem, Regnum, & Regnicolas superius nominatos.

Sic decretalis, *unam sanctam*, tanto apparatu proleta, perinde habita est à Romanis etiam Pontificibus, ac si nunquam fuisse edita. Clemens enim V. id sanxit; atque à Leone X. quidem innovata, sed sine præjudicio declarationis Clementis V. quæ incipit, *Meruit*; remque omnem ad Traditionem antiquam ac Majorum placita reduci placuit. Neque nostri refugiebant, satis sibi consci, quâm procul ab antiquâ Patrum Traditione, atque ab Ecclesiæ Gallicanæ sensu nova hæc abfuissent; seque omni ex parte tutos arbitrabantur, dummodo Bonifacii VIII. Constitutio nocere non posset. Et certè fateamur est necesse, nec stare potuisse, quæ solis allegoriis atque accommodatitiis, non literalibus genuinisque Scripturæ interpretationibus niterentur. Quale enim illud est, de Romani Pontificis supremo ju-

j. Cor. ij. dicio: *Spiritualis homo à nomine judicatur; tanquam hic spiritualis homo, apud Apostolum fuerit Romanus Pontifex, non autem quisvis Christianus, qui Deo per Christum in spiritu serviāt; aut illud, ad duo principia repellenda magis sit appositum, non in principiis, (r) sed in principio fecit Deus cœlum & terram: aut quorsum pertinebat hoc duo Manichæi adversa principia allegare? Quasi duæ potestates, Ecclesiastica ac civilis, adversæ essent, non sociæ; aut ita supremæ in suo ordine, ut nec in Dei potestate essent, neque ejus providentiâ regerentur. Quæ si quis ad literam tueri voluerit, næ ille se omnibus deridendum, non jam confutandum præbeat.*

Cæterum quod decretalis, *Meruit*, soli Francorum Regno consulit, causa esse potuit, quòd Bulla, *Unam sanctam* occasione Francici exorta dissidii, Francorum Regnum maximè petere videbatur. Huc accedit quod cùm Germani, Angli, aliique in temporalibus colla subdidissent, Franci existimabant super alia Regna, hujuscem Regni dignitatem ac libertatem à Regibus

ac

(r) *non in principiis, &c.*] Bonifacius viij. primus, & profectò solus hanc interpretationem omni absurditate majorem excogitavit, quâ nec Manichæi confutantur, nec alii heretici. Nihil in textu sacro, nihil in versionibus tam veteribus quâm neotericis reperties, quo ille hunc, quem vocant, *accommodatuum sensum* tueri possit.

ac Majoribus suis fuisse defensam: quippe qui Christianissimi, pariterque fortissimi, in spiritualibus quidem Romano Pontifici maximè omnium paruerant, in temporalibus verò minimè omnium huic potestati se obnoxios fecerant.

C A P U T X X V.

*Reliqua Bonifaciani dissidii aëta: Gallicana intacta:
Bonifaciana à successoribus antiquata.*

QUÆ supersunt in Bonifacianâ contentione leviter transilimus. Anno 1303. prodiere in Philippum duæ Bullæ, quarum initium est: *Per processus nostros, &c: Nuper ad audienciam*, quibus declarabatur Philippus multipli excommunicatione constrictus; sed eæ, teste Rainaldo, jussu Clementis V. erasæ expunctæque sunt.

Conscripta quoque fuerat depositionis sententia, adeoque horum omnium deleri memoriam, ac levissima etiam vestigia placuit; ut hæc sententia, eodem teste Rainaldo, *erasa & expuncta sit*, quamvis pronuntiata non esset. Sanè Bonifacius, antequam eam sententiam promulgaret, Albertum Imperatorem sàpè à se rejectum, omni studio atque industriâ constabili- verat, in eo idoneum suæ sententiæ executorem, Regnique Francici inva- forem nactum se esse arbitratus. Quo fretus præsidio, cùm extrema omnia moliretur, captus ipse Anagniæ per proditionem civium, Columnarumque & aliorum, ac Guillelmi præfertim Nogareti infandum scelus, paulò post obiit. Irâne ac furore percitus, ut memorant, an mœrore oppressus, an aliâ causâ, nihil ad nostram quæstionem? Quàm autem omnia impotenter & in- temperanter egerit adversus Philippum, vel id abundè testatur, quòd ejus successores ea statim pro irritis habuère; ac Benedictus XI. qui ei proximè succedit, Philippo nec petenti, excommunicationem relaxavit, absolvit etiam Episcopos, Barones, & alios eâdem causâ excommunicatos à Boni- facio; privilegia Regum Christianissimorum ab eodem suspensa restitut; denique sponte rescidit quidquid Bonifacius in Regni Regisque dignitatem fecerat: Clemens verò V. omnia ejus gesta hujus occasione dissidii erasit, expunxit, antiquavit, resque eo loco esse declaravit, quo fuerant ante ea gesta decretaque.

Legimus in regeſtis regiis ad Benedictum XI. Bonifacii successorem; multas expostulationes editas per Fratrem Petrum de Peredo, religiosissimum virum, Roman à Philippo missum. Is ergò conqueritur multa à Bonifacio gesta, quæ à sanctorum Patrum moribus abhorrent. In his ergò hæc habentur: *Temporibus Patrum non fieri solere jura ad nutum oculi, ut diceretur statim: absolvimus omnes in talibus Provinciis constitutos, ut nonobſ- tante sacramento & juramento fidelitatis quocumque adſtriicti sunt, obediant tali Principi amico noſtro.* Addebat, neque illud dici solitum: *Quod Papa eſt Dominus spiritualitatis, & temporalitatis, & quod graviter peccat, qui hoc non credit; & quod à temporalibus Regum appetetur ad Dominum Papam: &*

Tomus I.

Hist. &c.
p. 98. 166.
Rain. an.
1311. n. 39.
40. Rain. ib.
n. 44. 49.

Hist. &c.
p. 207. 298.

Ib. p. 212;
213.

S f

quamquam Romani Curiales non hæc disertè asserebant, nostris tamen, summæ rei intentis, non ad alium pertinere scopum Bonifaciana decreta videbantur. Hæc ergò conqueritur Legatus Regius, subditus: *Dicitur in Franciâ, quod non restat, nisi quod fiat una constitutio, quaæ equipolleret omnibus, quod omnes Clerici, & Laici essent ministri duntaxat ad nutum summî Pontificis, eorumque qui president.* Quem locum sic concludit: *Hac autem consimilia non siebant temporibus sanctorum Patrum; sed de vita & honestate Clericorum, & defensione libertatis Ecclesiastica & jurium siebant Constitutiones, cum pœnis excommunicationis & interdicti; ut profectò doceret quæ res, Ecclesiasticæ scilicet, quibusve pœnis, nempe Ecclesiasticis, excommunicatione & interdicto sancirentur.* Hæc nomine Regis significata Pontifici, neque improbata sunt: adèd irreprehensibilia videbantur.

Inf. lib. x.
cap. xxv.

Cætera quæ in hoc negotio gesta sunt ad aliud pertinent locum. Quod autem ad hanc quæstionem spectat, hæc summa est: quidquid Bonifacius VIII. edidit, ut Regiam potestatem, quoad temporalia, sibi obnoxiam faceret, non modò à Rege Regnoque Francorum, totâque Ecclesiâ Gallicanâ rejectum; sed etiam à summis Pontificibus antiquatum fuisse: quod autem Rex Regnumque, & Gallicana Ecclesia eâ de re professâ est, & à summis Pontificibus illæsum permanere, & sempiternæ hominum memoriaræ consecratum; datumque est omnino sacerulis secuturis exemplum illustre, doctrinam Scripturâ, antiquitate, Traditione nixam, quocumque nomine, quâcumque autoritate oppugnatam, æterno atque invicto robore in Ecclesiâ Catholicâ manere constitutam.

Hæc ex publicis gestis hausimus. Jam si excutimus quæ privati Doctores scriperint, inveniemus id Ægidii Romani aliorumque Theologorum summâ consensione defensum: *Clavum potestati nullam temporalium potestatem à Domino fuisse adjunctam: nunquam inveniri sedisse Apostolos, ut de temporalibus judicarent, nec petiisse ut Reges & Principes eis in temporalibus subjacerent, aut de ejusmodi respondere deberent: falsum esse & invalidum, neque Francis ferendum, quod de Childerico per Romanos Pontifices deposito, & Pepino per eosdem substituto jaçaretur: falsum item quod de translato à Græcis ad Francos Imperio; neque à Papâ esse translatam Imperii veritatem, sed nomen; cum Carolus Magnus jam rerum potiretur; quodque hæc factum est, qualemcumque fuit, non fuisse factum per solum Papam, sed populo acclamante & favente, cuius est se subjecere cui vult, sine alterius præjudicio, & ex causa necessariâ pro sui defensione; neque trahenda in exemplum, quæ postea in deponendis Imperatoribus facta sunt, postquam illi Papa ut Domino paruerunt:*

Joan. de Par. de pot. Reg. & Pap. cap. xv. ib. pag. 107. Joan. de Par. ib. & alii past.

Ægid. Rô. art. iij. vind. Maj. lib. ij. cap. xxxij.

Joan. de Par. de pot. Reg. & Pap. cap. xv. ib. pag. 107.

Joan. de Par. ib. & alii past.

quod sunt argumenta de facto, & dicunt quod factum sit, non quod fieri debeat; aliaque ejusmodi quæ mirum est ad ea sacerula permanare potuisse, cum tot depositionum exemplis, tot falsis donationibus Constantini, Ludovici Pii, aliisque tot falsis historiis, tot novis per tolerantiam aut consuetudinem inductis, seu veris, seu prætentis, coloratisque juribus undique premerentur; ad hæc in summâ juris publici ignoratione versarentur: ut profectò hæc integra & sana, non nisi ex antiquæ Traditionis robore & cursu, oppositas moles evicerint, & ad eos usque perruperint.

C A P U T X X V I.

JOANNIS XXII. *successorumque acta adversus LUDOVICUM
BAVARUM Imperatorem summatim referuntur, nec ad
nostram quæstionem pertinere ostenduntur.*

QUÆ in Ludovici Bavari Imperatoris electi depositione gesta sunt, ad nostram quæstionem vix pertinent; cùm iis facta sint juribus, quæ ad Imperium Romano-Germanicum speciatim spectent: rerum tamen summam perstringemus, ne quis suspicetur latere nonnihil, quod causæ nostræ officiat.

Anno 1314. * Henricus Luxemburgicus Imperator obiit. Clemens V. decreto edito, cuius est initium: *Nos ad quos Romani vacantis Imperii regimen pertinere dignoscitur*, Robertum Siciliæ Regem, quoad electus Imperator à sede Apostolicâ fuerit approbatus, Vicarium Imperii ad sedis Apostolicæ beneplacitum constituit, sed in Italiâ tantum; quòd Germania hæc jura non agnosceret. Nec ita multò post obiit Clemens. Sed vacante sede, Ludovicus Bavarus & Fridericus Austriacus discordibus Electorum Principum suffragiis, Reges Romanorum electi sunt.

Prolata à Rainaldo acta testantur, dictam communi septem Electorum consilio electioni diem: * adfuisse omnes Francofurtum, in loco consueto, præter Henricum Colonensem Archiepiscopum & Rudolphum Comitem Palatinum: prorogatum horum gratiâ electionis diem: citatosque illos, ut ad eum convenirent, defuisse: Ludovicum Bavarum quinque reliquorum concordibus suffragiis fuisse electum.

Satis constat Fridericum extra Francofurtum à Coloniensi & Palatino fuisse electum. Sed ii obtendebant è quinque Electoribus, qui Ludovico suffragati essent, tres fuisse, de quorum jure esset controversia; ac parem utriusque electi conditionem fuisse: quo Rainaldus contendit litem à Papâ fuisse dirimendam. Vacabat interim Apostolica sedes. Anno 1316. Joannes XXII. electus est. Is Ludovicum Bavarum electum ad pacem cum Friderico electo adhortatur: neutrum confirmat. Anno 1317. vacantis Imperii regimen ad Romanum Pontificem esse devolutum pronuntiat, *cui in persona Petri terreni simul & cœlestis Imperii jura Deus ipse commisit*: quo jure Vicarium designat vacantis Imperii, sed in Italiâ tantum, cùm tamen Petri jura, si serio allegentur, ad totum Christianum Orbem protendi constet.

Interea Ludovicus & Fridericus de Imperio in Germaniâ ferro decernebant. Anno 1322. Fridericus magno prælio victus captusque est; Ludovicum Joannes ad clementiam adhortatur, suamque operam ad pacem conciliandam offert.

Victor Ludovicus anno 1323. pergit ad Italiam, tueturque eos qui Pontifici displicebant; imprimis Vice-Comites (*f*) Mediolanensis Ducatus

(*f*) Vice-Comites] erant Gibellinorum duces factionis, adversus quam Guelphæ pro Pontifice stabant. Cur autem hæc factiones, quæ Italiam in duas partes diuissime distraxerunt,

* Sive
potius an.
1313. men-
fe August.
Rain. an.
1314. n. 2.

Ibid. n. 18.

* 19. Octob.

Ibid. n. 25.

Id. an. 1316
n. 10.

Id. an. 1317
n. 27.

Id. an.
1323. n. 29.

invalores, ab eo excommunicatos. Quo loco hæc habet Rainaldus: *Inde iis in Ludovicum Bavaram, ac legibus in eum agi cæptum est. Præcipua accusationis capita hac erant: Ludovicum discordibus electum suffragiis, antequam ea controversia dirimeretur à sede Apostolica, Imperii administrationem corripuisse; alterum, quod maximè Pontificis animumasperaverat, Galeatii, quem hostem & hæresi contaminatum pronuntiarat sedes Apostolica: tum perduelium Ferrariensem patrocinium suscepisse.* Itaque his de causis autoritate Apostolica Ludovicus ab Imperii administratione est prohibitus, quoad ejus electionem sedes Apostolica approbabasset.

Ib. n. 30. & seq.

Ex iis profectò constat hanc controversiam non ad Regum causam generatim, sed ad Imperii Romano-Germanici singularem ac proprium statum pertinere.

Eodem pertinent ea, quæ sunt ineundæ pacis causâ, à Ludovico Bavaro ultrò oblata Benedicto XII. Joannis successori, de limitandâ in Italâ & Romæ autoritate Imperatoriâ, & ut idem Ludovicus, si pactis non staret, excommunicationi, interdicto, ac privationi subeffet: quæ quidem vel ad Imperium Romano-Germanicum, vel ad Ludovici personam propriè & singulatim spectant.

Interim Ludovicus sçpè & publicè, actis editis est contestatus ea jura, quæ sibi Joannes XXII. in Imperium vindicaret, à se & Imperio non agnoscit; imò improbari; extatque solennis electorum Principum nomine ad Benedictum XII. anno 1338. edita declaratio, quâ adversus Joannis XXII. decreta contestantur: *Quod vacante Romano Imperio, is qui eligitur concorditer, vel à majore parte tantum Electorum, pro Rege Romanorum ab omnibus est habendus, & quod nec nominatione, approbatione, confirmatione, consensu, vel autoritate sedis Apostolice, super administratione bonorum & jurium Imperii indiget, sive titulo Regio assumendo; quodque jura & bona Imperii administrare poterit de jure & consuetudine, nullâ sedis Apostolica super hoc licentiâ habitâ, vel obtentâ. Hæc igitur omnia ostendisse contenti, eo quo sunt loco, intacta relinquimus.*

Gold.Cölt. Imp.tom.j. Quod autem Ludovicus Bavarus Joannem XXII. hæresis accusatum deposuerit, scđum Antipapam substituerit, Franciscanos adversus Pontificem juverit; hæc à tanto Principe exasperato licet facta, lugemus.

C A P U T X X V I I .

De Navarræ Regno Hispanis tradito: item de JOANNA ALBRETANA, hæresis criminе, sub privationis pénitentia Romam à PIO IV. evocatâ, quod Galli improbarint ac prohibuerint.

QUOD à Julio II. in deponendo Joanne Albretano Navarræ Rege; factum esse dicitur, id & Hispani variè referunt, & nullum hujus rei diploma proferunt; & qualemcumque est, sive sub Brevis Bullæ, aut sen-Guelpha & Gibellina vocatæ fuerint, non traditur; quanquam quidam Historici multa de-earum origine, conjecturâ duci magis quam scientiâ, narraverint.

tentia formâ, Joannes Mariana Hispanus Historicus celebrissimus, subrep-
titum & nullum fuisse significat; totamque rem, verane an falsa sit, Odori-
cus Rainaldus sub dubio relinquit, apud quem etiam videre est Marianæ,
aliorumque Historicorum locos. Henricus verò Spondanus ex temporum
notis diploma falsi convincit. Quòd autem à Julio II. anno 1512. 12. Kal.
Aug. in Lateranensi Concilio de Ludovici XII. sociis, quorum numero Na-
varricus erat, decretum est editum, ut excommunicarentur, & omni digni-
tate privarentur, nisi ab eâ societate discederent, Spondanus idem docet
(t) primum haud æquo jure fuisse editum; tum verò Hispanis, ad Navarram
occupandam nihil prodeesse potuisse, multis quidem de causis, eâque impi-
mis, quòd, nondum elapsò tempore ad resipiscendum dato, Navarricum
Regnum à Joanne innocuo & repente oppresso desertum, Hispani inva-
serint.

Addit Caroli Augusti (u) & Philippi II. notissimas gravesque de hujus
Regni possessione legitimâ fluctuationes; adeoque absuisse Romanos Ponti-
fices ab eo, ut Regnum Navarræ jure ad Hispanos translatum fuisse crede-
rent, ut Pius IV. Antonium Borbonium Navarræ Regem, anno 1561. ad
obedientiam pro Regno Navarræ admiserit: quod omnium historiarum mo-
numentis constat.

Quare ea depositio atque translatio, quæ sola memoratur ad effectum
usque perducta, ab ipsis Hispanis iniqua, ab aliis dubia, ab aliis atque
etiam à Romanis Pontificibus nulla esse judicatur.

Quòd factum est ut idem Pius IV. anno 1563. Joannam Albretanam
Antonii viduam, ut Reginam Navarræ, hæresis causâ Romam citaret, sub
pœnâ privationis Regni, nisi se judicio sisteret; quod quidem Carolus IX.
prohibuit, ac fœderatæ cognatæque, injuriâ communi etiam Regiæ Ma-
jestatis permotus, tutelam suscepit: cuius etiam jussu, cum Henricus Cluti-
nus Oifellus, tunc Romæ Orator Regius, graviter eâ de re apud Pontificem
expostulasset, & Regem injuriam talem, quam Majores sui nunquam inultam
reliquissent, minime laturum ostendisset, tandem obtinuit, ut diploma jam in
Urbe solenni more publicatum revocaretur, & omnino induceretur, ita ut inter
Pii IV. Constitutiones hodie minimè reperiatur. Hæc Thuanus refert, quæ
aded certa sunt, omnibusque historiis comprobata, ut de iis amplius la-
borare sit supervacaneum, liquidumque omnino sit Francos ab eo abhor-
ruisse, ut quidquam ad Reges deponendos Pontificio nomine moveretur.

(t) Spondanus... docet] Hispanos historicos dicere alium aliud. Et quidem hic narrat illas
Pontificias Bullas datas fuisse 18. Februarii, ille 1. Martii, alter mense Julio; allatas autem
Româ duntaxat mense Augusto, aut terentes Romæ, aut à Ferdinando occultas, qui eas non
ostendit, nisi postquam Regnum occupatum fuit. Ceterum nullus h. storicus dicit se vidisse Bul-
lam hanc integrum, aut saltem illius aliquam partem: hoc tantum omnes referunt, quod
famâ & auditione acceperant.

(u) Caroli Augusti &c.] Ajunt Carolum V. morti proximum Philippo ij. in mandatis
dedisse, ut Navarræ Regnum restitueret, & Philippum jj. morientem eadem jussa dedisse,
Philippo iij.

Rain. an.
1512. n.
60. & seq.
Spond.eod.
an. tom. ij.
P. 296. &
seq.

Thuan.
lib. lxxxij.
tom. ix. p.
276. vid.
lib. xxxv.
tom. iv. p.
581. edit.
Gall. 1734.



CAPUT XXVIII.

SIXTI V. & GREGORII XIV. *decreta in HENRICUM IV.*

Navarræ, ac postea Francorum & Navarræ Regem, quoad temporalia nullo loco habita: à CLEMENTE VIII. absolutio eidem HENRICO IV. nullà rehabilitationis mentione, ut Regi impertitur: obiter notatur, qui adversus Declarationem Gallicam de libertatibus Gallicanis scripsit Anonymus.

Thuan.lib.
lxxxij.pag.
369. & seq.

ANNO 1585. Henrico III. Rege, Sixtus V. edito diplomate, Henricum Borbonum, Navarræ Regem, Antonii & Joannæ filium, ejusque agnatum Henricum Borbonum Condæum tanquam hæreticos & in errorem relapsos, ad hæc hæreticorum fautores ac defensores publicos, ac fidei Catholicæ hostes proscriptis: Navarrum eo Regno, ac Benearnensi Principatu excidisse: utrosque ad ullum Principatum, ac maximè Regnum Franciæ jure hæreditario capessendum inhabiles declaravit: quod decretum Rex, Francique omnes molestè tulerunt. Quòd autem, tunc temporis conjurati, seu *Ligæ*, ut vocant, addicti, Catholicæ religionis obtento studio, multa in Regem moverent, eumque ut suspectum hæreticæ pravitatis apud vulgus traducerent, Navarrusque & Condæus Calvinianæ factionis duces bellum Regi inferrent; ideo, ut ait Thuanus, qui circa Regem erant satis pro tempore habuerunt, cavere ne decretum uspiam in Regno promulgaretur, aut ejus ratio publicè haberetur; quod infirmum quidem, & priscæ circa eas res Francici Regni fortitudini haud satis congruum, satis tamen demonstrabat

Ib. p. 376. Ib. p. 377.

At Navarrus programmate in ipsâ Urbe ac celebrioribus ejus locis affixo, multa egit in Pontificem, ac publicè declaravit, appellare se ab hoc decreto, quantum ad Regni jura attinet, ad Curiam Parium Franciæ, quorum ipse Princeps esset, primus scilicet Regii sanguinis Princeps, quantum autem ad hæresim sibi objectam, ad universale Concilium: quibus id perfecit, ut ipse Pontifex talia intrepidè ausum ac gnaviter executum, magnanimi tatis nomine collaudaret.

Cæterum nihil ad nostram quæstionem, si quid suæ contestationi, hujus quo adhuc tenebatur, erroris asperserit. Certum illud, cordatoribus Francis probatum, quòd Pontificem de jure regnandi decernentem non tulerit:

Id. lib. xcvi. tom. x. p. 673. vid. tom. xj. lib. xcviij. p. i. & seq. & lib. cj. p. 343.

Decret. Boch. lib. ii. tit. xvij. cap. iii. & seq. Th. lib. cj. p. 367. 37c. 374.

adeoque hæc decreta pro irritis ac nullis apud nos habebantur, ut Henricus III. cum Henrico Navarro, pace compositâ, eum haud minus pro primo Regii sanguinis Principe agnosceret, & socium adversus conjuratos Regiæ familiae hostes adliberet, & moriens successorem lege salicâ renunciatet; cui sententiæ flos nobilitatis etiam Catholicæ, multique etiam sacrorum antistites adhærebant, Henricumque IV. Regem agnoscebant. Neque Gregorii XIV. decreto, i. Martii 1591. dato, à Regis obsequio deterri se passi sunt; imò diploma illud, quod de temporalibus factum, pro Apostolico & Ecclesiastico non habebant, Parlamenta, quæ ut religioni, ita Regi; Regnoque fida, Regiâ autoritate Cæsaroduni Turonum, Catalauni, & Cardomi résidabant, vehementissimis sententiis proscripterunt: temperatiūs Præ-

ſules Conventū Autrici Carnutum habitū decreverunt; & tamen ex autoritate Scripturæ Sacrae sanctorumque decretorum Conciliorum generalium, Canonicarum Constitutionum, perennis sanctissimorum Patrum exemplis, juribus, & libertatibus Ecclesiæ Gallicanae, quarum præscriptione decessores sui Episcopi, se aduersus ejusmodi conatus semper tutati sunt; eapropter interdictiones, tam in formâ quam in materia, nullas & injustas, & suggestione hostium Francie factas declarârunt, salvo cultu & honore qui Romano Pontifici deberetur. Decreto dato duo Cardinales, Carolus Borbonius* & Philippus Lenoncurius, qui sacro Conventui præerant, subscripsere: acta hæc sunt anno 1591. ab iis Præsulibus, qui Regi Regiæque familiæ adhærebant.

Quo ex loco, ut id obiter memoremus, ille confutatur qui aduersus Gallicanam Declarationem de libertatibus Gallicanis tractatum edidit autor Anonymus. Is enim primum caput Gallicanæ Declarationis oppugnandum aggressus sic incipit: *Difficile intellectu est, quâ ratione illuſtrissimi Antiftites Gallicani, libertates Ecclesiæ illius Regni defendendas fufcipientes, à propositione auſpicati ſint, qua juri Ecclesiæ potius adverſatur.* Nempè id inter Ecclesiæ jura revocat, ut potestate clavium Reges deponi poſſint: quæ jura Gallicani præfules ignorabant, partemque libertatis Ecclesiæ Gallicanæ in his prohibendis juribus reponebant; quippe qui intelligerent libertatem Gallicanam priscis juribus contineri; quæ his effent ſuperaddita, ea ad turbandam gravandamque Ecclesiam pertinere. Sed nos eum virum, qui de libertatibus Gallicanis ludat potius quam differat, omittamus. Nobis ſufficiat quòd Gallicani Præfules in hâc novissimâ Declaratione Majores ſuos fecuti ſunt; eosque Præfules Regi Regnoque fidos cæteri deindè complexi ſunt omnes. Neque enim attendi debet quid pars adverſa ſenferit; quippe quæ jam indè ab Henrico III. temporibus religionem foedæ rebellioni obtendebat: non, inquam, attendi debet, quid illi ſenferint vel fecerint, qui Guifianos, ſi Deo placet, Capetis Regibus, sanctique Ludovici posteris anteferrent, Hispаниſque artibus, imò Hispanico auro corrupti, ad hâc ligæ furoribus dementati, Hispanos Lotharenosque ſe eſſe, quam Francos malebant. Hæc ergò febricitantium deliria contemnamus; quid ſana & pacata Francia fecerit ac ſenferit, attendamus.

Conversus ad Catholicam fidem Rex, omnium clementissimus atque fortissimus, à Reginaldo Belnenſi Archiepifcopo Bituricensi, in sancti Dionyſii celeberrimâ toto Orbe terrarum Ecclesiâ, ad Ecclesiæ Catholicæ gremium admissus eſt. Quæ cum à ſede Apoftolicâ comprobari e re eſſet, Henricus ſe quidem ejus ſedis autoritate ab hærefi absolvı ſupplicavit, miſſis ad Clementem VIII. Procuratoribus; ſed de rehabilitatione, quam vocant, agi vetuit, indignum id Gallicâ majestate ratus: neque Franci, etiam conjurati, aliter ſentiebant; quippe qui, Rege converso, in obsequium certatim ruerent, nullâ Sixtiani & Gregoriani decreti ratione habitâ. Tentati Procuratores, Jacobus Perronius Ebroicarum Epifcopus designatus, & Arnaldus Oſſatus postea Cardinales: *An coronam ad pedes Pontificis vellent deponere, ac per illud ſignum quaſi Regnum Francia in ejus manus conſignare, quòd ille ſe pro Rege gerens, quamvis à sanctâ ſede jure ſucceſſionis privatus, contra divina jura & humana occupâſſet; quam coronam poſt illam ſummiſſionem in capite Procuratorum mox reponeret.* Verum illi ab eâ conditione ſe valde

* Fratris filius alterius Cardinalis Borboni, qui Li-ge Rex fue-rat.

Tract. de Libert. &c.
lib. iv. cap.
j. n. 1. pag.
155.

Thuan.lib.
cvij. tom.
xij. p. 32. &
seq.


Id.lib.cxiij.
P. 473.

alienos ostenderunt, cum dicerent: Reges Franciae, quantum ad jurisdictionem spectat, nullum agnoscere superiorum; neque vero pati posse Francos, ut Reges ipsorum ulli se tanquam superiori summittant, ac praesertim nobilitatem; ac longe decipi eos, & in rerum nostrarum cognitione toto calo errare, qui aliter credant; nam solos id eos sibi persuadere, qui de Regni usurpatione cogitant.

Ibid. pag. 475. 476. Cùm autem Pontifex *absolutionem ab Episcopis Gallicanis concessam*, tanquam nullam & irritam revocare decrevisset, Procuratores assentiri noluerunt: cùmque animo pertenderet Pontifex, & frustra *absolutionem suam peti aut dari diceret*, si prior *valida maneret*, non adprobata a Procuratoribus revocatione: *conventum ut statim in decreto Pontificio ea clausula adjiceretur*, quâ Pontifex cuncta religionis acta, quæ in personâ Regis fecuta, & quæ per ipsum facta erant, vi *absolutionis in Francia concessâ probaret & confirmaret*, perinde atque si jam tunc à Pontifice Rex *absolutus esset*. Quâ in re caute à Procuratoribus servatum fuit, ut tantum ad religionis acta *confirmatio porrigeretur*. Aded quidquam, quocumque prætextu, circa temporalia attentari refugiebant.

Omni ergo temporalium ac rehabilitationis omissâ mentione, impositæ volenti Regi conditiones, quæ Regiæ majestati convenienterent; (x) revocatae Sixti V. & Gregorii XIV. censuræ; quod nostri de excommunicatione intelligebant; permisum aliis ut de solutâ quoque depositione interprentur, nullâ licet ejus factâ mentione, ne quid novæ rei, vel eo prætextu, inquieti homines conarentur. Cæterum à Clemente nihil aliud factum est, Ib. p. 478. quam id quod unum Rex postulaverat: *Nempe ut Henricum Regem à vinculo excommunicationis, quâ, ex causa heresis erat ligatus, absolveret*. Res autem ita gestæ sunt, ut nemini Catholico, aut etiam Ecclesiastico fraudi esset, quod Regem nec dum Catholicum, votis potius quam armis ad veram religionem vocavissent, atque interim coluissent, ut qui optimo jure ex Salicâ lege regnaret; fuitque Rex summa postea apud omnes Catholicos Principes sedemque Apostolicam autoritate & gratiâ. Ex Thuano hæc referimus eò libentiū, quod ille nihil aliud quam acta publica certaque hujus rei, apud nos celebris, monumenta retulit. Quæ si cui rerum nostrarum nimis imperito suspecta sint, apud Cardinalem Perronium omnia invenerit de Du Perr. suo ordine recensita. Ipsa etiam Bulla Clementis VIII. abunde testatur Henrico IV. Magno *absolutionem ab heresi*, ut Regi ab omnibus, ipsoque Pontifice agnito, nihil autem aliud fuisse impertitum. Jam quantum ea valeant, ad asserendam Ecclesiæ Gallicanæ, ac Francici Regni de supremâ in temporalibus solique Deo obnoxia potestate sententiam; quamque ex his liquidò constet, nunquam ab eâ destituros, qui verè sint Francici nominis ac generis, omnes per se vident.

(x) *Conditiones que Regiæ majestati convenienterent*. Perronium & Offarum Procuratores Regios accusat MEZERAY parùm verisimiliter, quasi sivissent *absolutionem in Franciâ datam*, ut nullani & irritam revocari; quos quidem ipse Thuanus hâc culpâ liberat, ut mox vidimus. Attamen illi Procuratores, ad quos, eodem MEZERAY teste, singulis horis Regia iussa ferebantur, ne quid Regiæ majestati indecorum patereatur, in eo maximè peccarunt, quod passi sunt ut Pontifex, virgâ quam manu tenebat, singulorum humeros leviter tangeret. Spond. tom. ij. an. 1595. p. 899. Hinc natum apud nos illud proverbium: *Rex in humeris Perronii & Offati baculo cœsus est*: Gallicè: *Le Roi a reçu des coups de bâton par procurateur*. Vid. Mez. abr. Chron. tom. vij. p. 144, edit. Amstel. 1674.



DEFENSIO DECLARATIONIS CLERI GALLICANI

D E
ECCLESIASTICA POTESTATE.

LIBER QVARTVS.

Quo à GREGORII VII. temporibus res in Conciliis Ecumenicis gestæ referuntur ad CAPUT PRIMUM GALLICANÆ DECLARATIONIS.

C A P U T P R I M U M.

*Canon XXVII. Concilii Lateranensis III. sub ALEXANDRO III.
quo pœnæ temporales adversus hæreticos decernuntur: ibi distinctio
notabilis, eorum quæ Ecclesia per se, & eorum quæ gerat Principi-
pum adjuta Constitutionibus: hinc lux huic & aliis ejusdem gene-
ris secutis Canonibus: his decretis Principum consensu intervenire
solitus: hinc quoque certa illis autoritas.*



OSTQUAM exposuimus, quæ propriè à Romanis Pontificibus circa temporalem potestatem ordinandam deponendamque; nunc quæ eadem de re in Conciliis Ecumenicis gesta sint, explicemus.

Primum autem occurrit Lateranensis Concilii III. sub Ale-
xandro III. anno 1179. caput XXVII. de Hæreticis. Quo ca-

Tom. x.
Conc. cap.
xxvij. pag.
1522. 1523.

pite affirmant doceri & exerceri indirectam potestatem, dum autoritate Con-

Tt

ciliī adversū Albigenses hæreticos, eorumque stirpem Brabantianos & alios, incendiis, cædibus, populationibus omnia devastantes, fidelitatis & obsequii juramento sancitum obsequium relaxatur, & subditi seu vassali à Dominorum potestate absolvuntur.

Miror, qui ista objiciunt, non saltem advertisse quo fonte profluant. Sanè initium hujus capitis ex sancti Leonis epistolā XCIII. excerptum sic habet: *Sicut ait beatus Leo, licet Ecclesiastica disciplina Sacerdotali contenta judicio, cruentas non efficiat ultiōes; Catholicorum tamen Principum Constitutionibus adjuvatur, ut sèpè quarant homines salutare remedium, dum corporale super se metuant evenire supplicium. Sic Patres Lateranenses subtiliter discernunt id quod pertinet ad Sacerdotale judicium, ab iis in quibus Ecclesia ad corporale supplicium, Catholicorum Principum Constitutionibus adjuvatur.*

His positis, jam utrumque remedium à sacro Concilio adversū hæreticos adhibetur; nam & illi & illorum fautores anathemate puniuntur, societate fidelium, sacris oblationibus, Christianā sepulturā privantur, quibus continetur Sacerdotale judicium. Tum spiritualibus expeditis, expediuntur etiam corporalia supplicia, quibus Ecclesia Principum Constitutionibus adjuvatur; ex quo fonte hæc profecta sunt: *Relaxatos autem se neverint à debito fidelitatis & hominii & totius obsequii, donec in tantâ iniuitate permanerint, quicumque illis aliquo pacto tenentur annexi: ipsis autem cunctisque fidelibus, in remissionem peccatorum injungimus, ut tantis cladibus se viriliter opponant, & contra eos armis populum Christianum tueantur, confiscenturque eorum bona, & liberum sit Principibus, hujusmodi homines subjecere servituti. Quod ergo hæretici suorum hominio ac fidelitate priventur; quod in servitutem redigantur; quod armis oppugnentur; quod eorum bona confiscentur; ea sunt quæ Ecclesia, non Sacerdotali judicio, sed Principum Constitutionibus adjuta decernit. Quare locus ille omnino nos juvat, cum ex eo videamus temporalia supplicia, quæ hic corporali, spiritualibus scilicet opposita, nominantur, ab Ecclesiastico ordine, non nisi consensione Principum attractari.*

Quod autem bellum in hæreticos omnia populantes injungunt *in remissionem peccatorum*; atque id bellum suscipientibus, *biennium de pænitentiâ injunctâ relaxant*, Ecclesiasticæ est potestatis: neque hoc decreto sibi tribuunt armorum inferendorum potestatem; sed iis præcipiunt, qui hanc potestatem habeant, ut si modò Ecclesiæ indulgentiâ uti velint, eam potestatem ad hæreticorum furores comprimendos adhibeant.

Ut autem Concilii Patres hominia, servitutes, confiscationes sibi potiùs, quam armorum potestatem vindicent ratio non sinit. Quare est necesse id stare quod diximus, ut hæc omnia eorum numero censeantur, quæ Principum consensione præstet Ecclesia.

Hæc semel explicata sub tanto Pontifice Alexandro III. atque ab cœcumenicâ Synodo tam nobili Lateranensi III. procul dubio omnibus ejusdem generis decretis lucem præferunt, ac debent subintelligi, etiam ubi expressa non sunt.

Huc accedit quod Conciliis generalibus aderant Principes per Legatos;

ac decreta in sacro Conventu promulgata recipiebant: sicut de hoc Concilio Lateranensi III. legimus apud Rogerum Hovedenum * hujus ævi scriptorem, qui sacri Concilii canonibus recensit, hæc addit: *His decretis promulgatis, & ab universo Clero ac populo circumstante receptis, &c.* Populi autem nomine, Ecclesiastico more styloque, laici omnes intelligebantur, ipsique adèò Principes & eorum Legati. Quare si quid in Conciliis adversùs hæreticos decerneretur, quod ad civilem potestatem pertineret, id quamquam ad majorem religionis reverentiam Concilii nomine editum; tamen à civili potestate receptum ac ratum habitum, ex eâ consensione vim suam obtinebat.

Eodem modo rituque actum est sub eodem Pontifice, adversùs eosdem hæreticos, in Concilio Turonensi * cap. IV. quod incipit, *in partibus Tolosa.* Postquam enim Patres decreverunt quæ sunt Sacerdotalis judicij, nempe: *Quisque contra hæc venire tentaverit, anathemate feriatur;* jam quæ Principum autoritate fiant exequuntur his verbis: *Illi verò si deprchenſi fuerint, per Catholicos Principes custodia mancipati, omnium bonorum amifione mulcentur.* Sic Patres suo defuncti officio, Principibus quoque ut suas jam partes exequerentur, indicabant; nihil temporale ipsi per se attractabant. Hæc diciimus ad canonem xxvii. Concilii III. Lateranensis, ex quo conflatum est caput, *sicut ait, & caput, absolutos, aliaque similia, ext. de hæreticis.*

* Anglum
juris Canow
mci p. ritifi
simū & bo
num histo
r cum.
Vid. tom.
x. Conc. p.
1525.

* Habito
an. 1163.
Vid. ibid.
p. 1419.

Ext. Greg.
ix. lib. v.
tit. vii. de
Haret cap.
viii. xvij.

C A P U T I I.

Concilii Lateranensis IV. Canon III. sub INNOCENTIO III:
quod ad pœnas temporales attinet, ejus est generis, in quo Ecclesia consensu & Constitutionibus Principum adjuvatur: Principes facilè comprobabant quæ adversùs hæreticos ab Ecclesia fancirentur.

HAUD aliâ mente actum esse in Concilio Lateranensi IV. sub Innocentio III. æqui rerum estimatores facilè judicabunt. Ad hoc Concilium Reges omnes, datis à Pontifice literis, per Legatos invitati adfuerunt, eâ præcipue causâ vocati, ut quæ ab eorum potestate penderent, ipsi suâ non modò præsentia, verùm etiam consensione firmarent. Quare nihil mirum est ibi fuisse conditum cap. III. quod incipit: *Excommunicamus, eodem initio relatum ext. de hereticis, in quo quidem capite hæc habentur: Si Dominus temporalis requisitus & monitus ab Ecclesia, terram suam purgare neglexerit ab hæc hæreticâ fœditate, per Metropolitanum & ceteros comprovinciales Episcopos vinculo excommunicationis innodetur; & si satisfacere contempserit infra annum, significetur hoc summo Pontifici, ut ex tunc ipse vassalos ab ejus fidelitate denuntiet absolutos, & terram exponat Catholicis occupandam, qui eam, exterminatis hæreticis, sine ullâ contradictione possideant, &*

Tom. xij.
Conc. pag.
126. 127.

Ext. loco
mox cit. c.
xv. & tom.
xj. Conc. p.
148.

in fidei puritate conservent, salvo jure Domini principalis; dummodo super hoc ipse nullum praestet obstaculum, nec aliquod impedimentum opponat; eadem nibilominus lege servata circa eos qui non habent Dominos principales. Decernunt postea, ut defensores & fautores haereticorum sint etiam infames, sint intestabiles, nec ad testimonium admittantur, nec ad hereditatis successionem accedant: quæ omnia ex iis sunt, quæ non Sacerdotali judicio, sed Principum adjuta Constitutionibus Ecclesia sanciat.

Ibid. pag. 149. *Eiusdem generis sunt quæ subduntur postea in haereticum seu fautorem: Nullus ipsi super quoconque negotio, sed ipse aliis respondere cogatur.... si iudex extiterit, ejus sententia nullam obtineat firmitatem... si Advocatus, ejus patrocinium nullatenus admittatur: si Tabellio, ejus instrumenta concocta per ipsum, nullius penitus sunt momenti.*

Const.
Frid. post
lib. feud.

Quæ si per se ad Ecclesiasticam pertinent potestatem, quid erat necesse ut Romani Pontifices eadem iisdem verbis ab Imperatoribus impetrarent, ut factum est in iis legibus, quæ à Friderico II. Imperatore editæ, atque ex canonibus XXVII. & III. Conciliorum Lateranensis III. & IV. conflatæ expressæque sunt. Is enim Constitutione quæ incipit, in die, eadem quæ in his Conciliis habebantur repetit, de Dominis temporalibus ac principiis: item haereticorum terram exponit à Catholicis occupandam: haereticos eorumque fautores bonorum publicatione mulctat: infames, intestabiles, iisdem verbis pronuntiat: de Advocatis, de Judicibus, de Tabellionibus decernit eadem: quæ profecto satis demonstrant à quo fonte hæc manant, & unde transfusa sint in Ecclesiam.

Const.
Honor. iii.
ibid.

Atque has leges edidit Fridericus, in die, inquit, illâ, in quâ de manu Sacratissimi Patris nostri summi Pontificis, recepimus Imperii diadema. Recepit autem ab Honorio III. qui Innocentio III. est proximus, à quo hæ Friderici leges laudantur, approbantur, non profecto conduntur.

Ac profecto Principes tam pronâ voluntate Ecclesiam ad extinguendas haereses cæteraque officia adjuvabant, ut in eâ Constitutione Fridericus hæc diceret: *Cum ergo, dispositione divinâ favente, nihil velit Ecclesia, quæ nihil debet prater bonum appetere, quod nobis eodem concursu & cädem non placat voluntate, &c. Quâ Principum voluntate confisa Ecclesia, multa edicere de temporalibus haudquam verebatur, quibus postea Principes, religionis studio, exprefsè vel tacite consentirent.*

Quare, quod diligenter notari velim, cùm Concilia Lateranensa III. & IV. hæc decernunt de haereticis, ut feudis, ut homagiis, ut honore multentur; nequaquam autoritate clavum, aut Apostolicâ potestate, de quâ hæc controversia est, id faciunt, aut facere se declarant, aut omnino eam potestatem allegant; patetque explicatio vera ac nativa, quâ nimurum hæc fieri à Conciliis intelligentur, quod Principes præsentes, ac decreta recipientes, hæc fieri vellent, permetterent, consentirent, ac postea etiam, ne dubium superesset ullum, legibus editis, confirmarent, ut à Friderico II. paulò post factum esse cernimus,

C A P U T I I I.

Antiquorum Imperatorum leges, quibus Ecclesia juvabatur ad pœnas temporales adversus hæreticos, in Conciliis Lateranensibus III. & IV. decernendas.

AT si quis quæsierit quales illæ sint Constitutiones Principum, quibus in Concilio Lateranensi III. Canone XXVII. Ecclesia adjuvari se profitetur, cùm nondum Friderici II. leges, aut etiam ipse Fridericus extitisset, facile respondebimus. Præcesserant enim multis sæculis, antiquorum Principum circa hæreticos Constitutiones eæ, quas in codice Theodosiano & Justinianeo legimus, ac præsertim insignes erant, titulo de hæreticis leges IV. & V.

Quarta quæ est Honorii, Arcadii, ac Theodosii Augustorum sic habet: *Manichæos, seu Manichaes vel Donatistas meritissimâ severitate persequimur. Huic ergo hominum generi nihil ex moribus, nihil ex legibus sit commune cum cæteris: ac primum quidem volumus esse publicum crimen, quia quod in religionem divinam committitur, in omnium fertur injuriam, quos bonorum etiam omnium publicatione persequimur..... præterea non donandi, non emendi, non vendendi, non postremò contrahendi cuiquam convicto relinquimus facultatem..... ergo & suprema illius scriptura irrita sit sive testamento, sive codicillo, sive epistolâ, sive quolibet alio genere reliquerit voluntatem, qui Manichæus fuisse convincitur; sed nec filios hæredes eis existere aut adire permittimus, nisi à paternâ pravitate discesserint.*

Manichæi, Donatistæque hîc notantur multandi supra cæteros: Manichæi quidem, propter insignem in eâ sectâ Dei creatoris contumeliam, & quod præ cæteris per occultos conventus & obstinatam conspirationem fœdi, subdoli, malefici habebantur: Donatistæ verò propter immanes illos Circuncellionum furores, quos beatus Augustinus sàpè deplorat.

Easdem decernunt pœnas lege V. Theodosius Augustus & Valentinianus Cæsar, ac disertè etiam *Manichaes de civitatibus pellendos, & ultimo supplicio tradendos.*

Has leges, qui diligenter attenderint, fontem invenient eorum quæ à Conciliis III. & IV. Lateranensibus adversus hæreticos Ecclesia *Principum Constitutionibus adjuta* decrevit. Statim enim intuemur cur infames, cur intestabiles habeantur, cur bonis priventur; ac tametsi hæc de Manichæis, & Donatistis speciatim dicta sunt, haud immeritò ad cæteros hæreticos extenduntur, præsertim ad Albigenses, quos Manichæorum stirpem fuisse docti sciunt: cùm præsertim in Provinciis devastandis Donatistarum furores imitati, iisdem quoque pœnis meritò coercentur. Nec mirum carcere attineri, ad servitia redigi, bellis oppugnari, quos etiam leges vitâ privent.

Veterum Imperatorum legibus secuti Principes addiderunt, quæ temporum conditionibus apta essent; multaque in hæreticos Ecclesiasticis permiserunt, ut magis magisque sacro ordini, adversus contemptores, debita

Cod. Jul.
tin. tir. v.
leg. iv. & v.

Vid. pass.
Aug. cont.
Donat.

reverentia sanciretur. Hinc illa de feudis circa Dominos temporales principalesque dicta. Domini autem principales dicebantur ii, qui cum inferiores sub se haberent Dominos, ipsi supremis absolutisque Dominis, hoc est, Regibus, immediate suberant; neque refugere poterant ea, quae supremorum Dominorum, Regum scilicet, qui per Legatos aderant, consensione decreta essent.

De Regibus vero, quos specialiter designari oportere, eorum quoque temporum jura postulant, si quid in iis aliisve Conciliis expressum legetur, quod nullibi occurrit, tamen nihil nocerent quae ipsis presentibus, atque odio haeresum ultrò consentientibus agerentur.

C A P U T I V.

Ex historiis demonstratur quae de feudis aliisque temporalibus, Ecclesiastica autoritate gererentur, Principum concessione & consensione valuisse.

NON desunt qui putent ea quae in his Conciliis de feudis decernuntur, ad feudos tantum Ecclesiasticos pertinere. Nos generatim dicta, ad omnes pertinere non refugimus, & Principum consensione decreta ostendimus.

Adstipulantur nobis monumenta historiarum. Willelmus Brito, diligenter per eam etatem Historicus, Philippidos lib. XII. memorat de Albigensium negotiis habitum fuisse Parisiis totius Galliae generale Concilium, procurante Philippo Augusto.

Will. Brit.
Philipp. lib.
xij. in hilt.
Franc. Pi-
thoei. pag.
389. edit.
Francof.
1696.

*Quo fine, cum reliqui nihil definire valerent,
Quamvis torreret ipsum intolerantia febris,
Parisios, Medicis contradictibus, ibat.*

Nempe damnata jam Albigensium haeresi, quae per haec tempora Episcoporum Synodi habebantur, ex in puniendis per bonorum admitionem atque alias temporales poenas haeticis totæ sunt, ut acta ejus ævi legenti videre est. Quare haud immerito Willelmus haec à reliquis sine Rege definiiri posse negat.

Guill. de
Pod.c.xxvj.
Duc. h. tom.
v. pag. 631.
770. xc.
Rigord.ap.
Duch. tom.
v. p. 66.

Et quanquam passim apud autores legimus Comitatum Tolosanum & alias terras Simoni Comiti Montis-fortis, per Innocentium III. & generale Concilium fuisse adjudicatas; haec tamen vero sensu explicata sunt ab iis, qui rem subtilius distinxerunt. Rigordus imprimis audiendus de gestis Philippi Augusti. *Per hac, inquit, tempora (anno 1215.) quo tempore est habitum Lateranense Concilium) Simon Comes Montis-fortis factus est Comes Tolosanus, Papâ Innocentio procurante, & Philippo Rege concedente, proper haeticam pravitatem Albigensem & propter apostasiam Raymundi Comitis Tolosani.* Verba memoratu digna: Papa enim *procurat*, Rex vero *concedit*; & tamen Pontifici omnia tribuuntur; quod in causâ religionem attinente, Reges omnia delata ipsi vellent.

Et cùm in Concilio Lateranensi IV. capite illo III. de *Hæreticis*, quod nobis objicitur, disertè scriptum sit de summo Pontifice: *Terram exponat Catholicis occupandam, qui eam sine illâ contradictione possideant*; tamen id nonnisi Regum consensu factum ex Willelmo Britone constat, cuius, de Raymundo hæreticorum defensore extant hi versus Philippidos libro VIII. pag. 192.

Rex & Papa simul exponunt omnibus illum,
Et res & patriam totam, que spectat ad illum;
Ut qui prevaleat armis & viribus illi
Tollere quid, proprios licet convertat ad usus,
Et dominus fiat rerum, quas auferet illi.

Will. Brit.
lib. viij. p.
329.

In aliis feudis haud aliter actum facile intelligimus. Utriusque potestatis concurrebat autoritas: ac Regia quidem hæretico Principi feudum adimebat, alteri Principi concedebat; Pontificia verò & de hæresi judicabat, & in hæreticum meritò hæc à Rege fieri declarabat, dantemque & accipientem in conscientiâ tutos præstabat; & sic etiam suo modo concedere putabatur.

Neque Reges repugnabant quin Simon & alii novos feudos ab hæreticis captos Pontifici acceptos referrent, ut sedi Apostolicæ atque Ecclesiæ Catholice èd fideliores essent, quò, autore Pontifice, talia beneficia impetrarent.

Quare de Concilio Bituricensi anni 1225. sub Ludovico VIII. Romano Legato præside, Matthæus Parisiensis hæc refert: *Simon de Monte-forti*, (Amalricum ejus filium dicere debuit: pridem enim obierat Simon, anno scilicet 1218. in secundâ obsidione Tolosanâ lapide percussus; sed hæc nihil ad rem) *Simon ergo de Monte-forti petiit sibi restitui terram Raymundi Comitis Tolosani, quam Dominus Papa & Rex Francorum Philippus sibi & patri suo contulerunt, exhibens super donatione factâ, utriusque, Papa scilicet & Regis monumenta.* Quæ in Chronico Turonensi, in gestis Conciliorum inserta distinctiùs explicantur his verbis: *Quibus (Raymundi scilicet petitionibus) Amalricus Comes de Monte-forti obvians, literas Papa Innocentii, nec non & Philippi Regis Francie ostendebat, in quibus continebatur, & dicti Comitis Tolosani damnatio, & terra Albigensum Simoni de Monte-forti patri suo facta donatio.* Quibus intelligimus Regis donationem Pontificis damnatione nixam, suo quoque modo ad eum relatam, à quo damnatio processisset. Quis autem propriè ac reipsà donaret, non erat obscurum. Is nempe Rex fuit; à quo terram Simon *recepit*, qui Simonem *investivit*, terram *ei & hæredibus confirmavit*; ut profectò Rigordus accurate diligenterque, Pontifice procurante, Rege concedente, hæc facta esse scripserit; sed in hæreticis puniendis, Reges Pontificiæ potestati fere omnia tribuebant.

Quare qui talia Pontificiæ potestati per se esse innata, non autem concessione aut consensione tacitâ vel expressâ civilis potestatis quæsita esse dixerit, prorsùs ineptiat. Idem judicium esse volumus de trium denariorum censu, quem Innocentius III. de terrâ contra hæreticos acquisitâ sedi Apostolicæ annuatim reservabat.

Matt. Par.
an. 1226. p.
277. & tom.
xi. Conc. p.
292.

Ibid. pag.
291.

Pet. de
Valc. hist.
Albig. cap.
lxxviii. p.
658. vid.
ap. Duch.

CAPUT V.

Ecclesiastica potestas multa sibi vindicavit civilia : sacra bella religionis causâ , sive Cruciatæ : aliæ ejusmodi occasiones : S. LUDOVICI de PHILIPPO AUGUSTO avo insigne testimonium : tacitæ confessionis exceptio utrique ordini ad sua jura explicanda necessaria est : utriusque potestatis sancta societas : PETRI DAMIANI repetitur locus.

NEMINEM , credo , latet , multa ejusmodi contigisse sacrorum bellorum , quæ Cruciatæ vocant , tempore , sive illæ in Saracenos recuperandæ Palestinæ gratiâ , sive in hæreticos suscepctæ essent ; placebat enim Christianis Regibus , in illis sacris bellis , præesse omnibus Pontificiam potestatem , ut & conjunctioribus animis , & majori religionis reverentiâ regerentur.

Sæpe etiam Reges , ac Principes bellum sacrum inituri , se suaque omnia Pontificibus tuenda commendabant. Hæc obvia & nota tantum referimus. Neque dumtaxat in sacris , sed etiam in omnibus bellis , pacto de pace fœdere , hujus firmandi & exequendi gratiâ , Sedi Apostolicæ se ultrò submittebant ; aliisque multis modis se religionis nomine ac reverentiâ tutabantur ; quibus fieret ut sæcularia negotia maxima , Romæ potissimum coram Pontifice tractarentur.

Per eam interim occasionem spiritualis potestas multa Regum jura invadebat ; cùmque id perspicerent boni ac pii Principes , non semper repugnabant.

Notum illud in testamento Sancti Ludovici , quo Rex sanctissimus & maximus , Philippo filio & successori colendam omni studio Ecclesiam commendat his verbis : *Cum Philippo Regi avo meo (Augustus ille est) Consiliarii indicarent à Sanctâ Ecclesiâ multis modis ejus jura invadi & minui , ac mirum videri sibi quod hæc a quo animo ferre videretur ; respondisse memorant optimum Principem : hæc quidem sibi nota , cùm tamen consideraret quanta à Deo sibi concessa essent , malle de jure suo decadere , quam sancta Ecclesia contentionem ac litem movere , aut creare incommodum . Digna quidem Christianissimo ac maximo Rege sententia ! Quâ tamen interim demonstretur , non esse semper pro vero innatoque Ecclesiæ jure reputandum id quod ea egerit , habuerit , decreverit , tacentibus Regibus ; sed diligentissimè fecernenda , quæ à Christo concessa sint , ab iis , quæ Regum autoritate , consensu , permisso , conniventia , silentio denique gesserit aut habuerit.*

Quod itidem usu venit in Ecclesiasticis rebus , quas sæpe videmus Regibus attributas. Sic Imperatores id sibi sexto etiam sæculo & Gregorii Magni tempore vindicabant , ut nemo in cathedrâ Petri etiam electus federet , nisi qui ipsis probaretur. Sic in Episcopatus omnes , Reges Franci , primæ quoque dynastiæ tempore , atque aliarum gentium Reges , id sibi juris tribuebant :

Test. S.
Lud. post
Histor. de
Joinv. vid.
Mon. S.
Diony. ap.
Duch. tom.
v.

bant; ut nonnisi eorum voluntate ac jussu Episcopi fierent; eoque res de-
venit, ut editâ formulâ, à se designatis prædicationis munus injungerent,
ac *Pontificalem in nomine Dei committerent dignitatem*; eos denique à Me-
tropolitanis, cæterisque Coepiscopis benedici præciperen. Sic denique à
tot sacerulis, tot Præbendas, tot Ecclesiasticas dignitates, tot alia Beneficia
cum curâ & sine curâ, vel *Regalium*, vel alio quocumque nomine, pleno
etiam jure conferunt. Non ideo adversarii hæc omnia Regibus esse innata
per se, imò verò ab Ecclesiâ manâsse decernent: ac tametsi nullæ concessio-
nes producuntur, valere tamen ea omnia ex consensione tacitâ facile de-
monstrabunt. Quid ita? Quia scilicet ipsa rerum natura docet Ecclesiastica
nonnisi per Ecclesiam haberi posse. Sic ubi Ecclesia feudos adimit, con-
cedit, aut aliud quid ex civili potestate decerpit, ea civilis potestatis con-
sensioni, saltem tacitæ, accepta referemus.

Sanè pañim occurrit in Imperatorum, Regumque authenticis & capitu-
laribus, ut qui hæc & hæc fecerit, sacro ordine deponatur, excommuni-
cetur, in pœnitentiam redigatur: quæ haud minùs intelligimus Canonum
autoritate fieri; tametsi non id semper expressum est.

Multa etiam à Regibus de Ecclesiis ordinandis edicta sunt, quæ in Cano-
nibus vix ac ne vix quidem invenire possumus. Consensu Ecclesiæ valere ea
facile intelligimus.

Sit etiam id exempli causâ positum. Decernit ita Carolus Calvus: *Hæc*
si quis transgressus fuerit, anathematis vindictâ feriatur, & Comitis districione
constringatur: quæ uno licet tenore posita, tamen ad suos fontes quæque
revocamus. Sic cùm Pontifices eodem contextu Ecclesiasticis civilia miscent,
sanè meminerimus haud minùs secernenda esse, quæ ipsis per se compre-
tant, ab iis, quæ à civili potestate mutuantur.

Nempè utriusque potestatis sancta societas postulabat, ut altera alterius
munia in speciem usurparet, eo jure, quo amici amicorum rebus utuntur:
his certè omnibus communis societate & consensione valituris. Quod spec-
tans sanctus vir Petrus Damiani Cardinalis, Episcopus Ostiensis, hoc à no-
bis jam commemoratum tradidit: *Quodam mutua charitatis Glutino, & Rex*
in Romano Pontifice, & Romanus Pontifex inveniatur in Rege. Ac posteà:
Cæterum (Pontifex) delinquentes, cùm causa dictaverit, forensi lege coerceat; &
ipse Rex cum suis Episcopis super animarum statu, prolatâ sacrorum Canonum
autoritate decernat. Quæ quidem mirè congruunt cum his quæ de Con-
ciliis Lateranensis III. & IV. diximus. Quo enim jure Reges ex Ca-
nonibus, super animarum statu, toties cum Episcopis decreverunt; eodem
jure Pontifices, in Conciliis Lateranensis III. & IV. super temporalia,
cum Regibus Synodo adhærescentibus atque præsentibus, ex legum auto-
ritate decreuisse vidimus. Reliqua hujus loci verba ex antedictis repeatat,
cui hæc recolere est animus. Hic tantum volumus, ut cum summo viro, &
Pontificia ab Regiis distinguantur officia, & liquidè appareat, sic Regem
inter & Pontificem consentire, ut si quid alter ex altero usurparit, id am-
bobus volentibus, consensione mutuâ, tacitâ vel expressâ factum, neutri
fraudi esse possit.

Hoc societatis ac mutuæ amicitiæ jure Lucius III. capite, *ad abolendam*

Tomus I,

V u

Marcup.
lib. j. form.
cap. v. vj.
vij. tom. xij.
Bibl. Par. p.
771.

Capit. tom.
i. t. xxiv.
cap. x. pag.
94.

Sup. lib.
ij. cap. xxix.
Pet. Dam.
discept. syn.
tom. ix.
Conc. pag.
1172. & int.
op. Dam.
tom. iij.
opusc. iv.
pag. 30.

Ext. Greg. ix. lib. v. tit. viij. cap. ix. de hæreticis statuit, ut Comites, Barones, Rectores, & Consules civitatum & aliorum locorum.... nisi requisiti Ecclesiam adjuvent contra hæreticos.... honore quem obtinent spoliuntur, neque ad alios assumantur.

Sext. Decr. lib. v. tit. x. de pœn. cap. v. felicis. Hoc jure vel nullo, Bonifacius VIII. capite Felicis, de pœnis, in Sexto, in eum qui Cardinalem fuerit hostiliter infecutus hæc statuit: Ut sit infamis, diffidatus (a), bannitus, intestabilis, ab omni successione repulsus: dentur cuncta ejus adficia in ruinam: nullus ei debita reddere, nullus respondere in judicio teneatur: bona ejus fisco vel Republica domino applicentur; neque eorum filiis aut nepotibus ulla unquam pateat janua dignitatis aut honoris Ecclesiastici vel mundani, nullus aditus ad legitimos actus. Tot merè temporalia, si in Ecclesiæ ac Pontificum potestate sint, eo tantum nomine, quod Ecclesiæ sint utilia; utilitas Ecclesiastica nunquam deerit, quâ Pontifices semper & ubique inconsultis etiam invitisque Principibus, de temporalibus decernant, atque absolutè regnent: quod, nec ipse, credo, Bellarminus dixerit. Quare est necesse assentiantur omnes, hæc decreta, quantum de temporalibus statuunt, non aliter valere posse, quam consensu Principum tacito vel expresso; prælatamque semel à Conciliis III. & IV. Lateranensis lucem sequi omnino nos oportet.

Hæc ad Canones Conciliorum Lateranensium III. & IV. ex Lateranensis III. luculentâ interpretatione aliisque monumentis, dicenda habebamus.

C A P U T V I .

De FRIDERICO II. deposito: sub GREGORIO IX. acta: excommunicatus, deinde depositus, à S. LUDOVICO & Gallis pro Imperatore est habitus: Concilium Oecumenicum à Gallis requisitum, à GREGORIO IX. Romam convocatum.

DEVENIMUS ad Friderici II. depositionem; atque hanc primam intervenimus in Concilio Æcuménico promulgatam: quo nomine dignam arbitramur, quam diligentius consideremus; sed primum sunt exponenda quæ antecesserunt.

Quod ergo Imperator Fridericus II. voto, juramento, ac pœnâ excommunicationis ultrò susceptâ, ad sacrum bellum obstrictus, nec promissis steterat, & Christianos, eâ spe magna conatos ac posteâ destitutos, in gravia incommoda conjecerat; Gregorius IX. anno 1228. eam dixit sententiam, quam suprà aliâ occasione retulimus: *Imperatorem Fridericum excommunicatum, quamquam inviti, publicè nunciamus & mandamus ab omnibus artiis evitari: contra ipsum, si contumacia ejus exegerit, gravius processuri.*

Sic nominatim eum excommunicabat: gravius aliquid, depositionem nempe excommunicationi additam intentabat; nondum deponebat.

P. 308.

(a) *Diffidatus.*] Diffidare propriè est à fide quam quis alicui debet, aut pollicitus est per literas deficere, inquit DUCANGE Glossar. mediæ & infirmæ Latinitatis.

Cùm autem Fridericus Reges ac Regna, præsertim verò Anglos recenti servitute, per Joannem *sue terrâ Romano Pontifici obstrictos*, eâque re indignatos adversus Romanam Curiam, quibus posset clamoribus concitaret, ac Romanæ Ecclesiæ civitates invaderet, Gregorius quoque altius in clamavit; datusque ad Romanum suum ad Francos Legatum literis, mandat: *Quatenus per terram Legationis sue hac solemniter predicans Christi fidelibus, eos inducat, ut pro statu fidei & religionis observantia stent ex animo, tandem prosequentes singuli proprium interessè.*

Matt. Par.
ibid.

Tunc ea contigerunt, quæ sunt aliâ occasione à nobis scripta paucis, & à Matthæo Parisiensi, ejus avi scriptore fusè memorata. *Eodem anno * Fridericus Imperator, mare Mediterraneum ingressus, ut Domino peregrinationis votum persolveret, apud Achon applicuit. Venientes ei obviam Clerus terra & populus, cum magno honore, ut tantum decebat virum, illum receperunt: verumtamen, quoniam noverant eum à Papâ excommunicatum, non ei communicaverunt in osculo, neque in mensâ; sed consuluerunt ut Dominus Papa satisfaciens, rediret ad Sanctâ Ecclesie unitatem. Templarii verò & Hospitalarii in adventu ejus sexis genibus adoraverunt eum, genua ejus deosculantes, & omnis fidelium, qui aderat exercitus, glorificabat Dominum in adventu ipsius, sperantes quod per eum salus fieret in Israhel. Ergo Imperatorem ut excommunicatum habebant, & à communione ejus abstinebant in osculo & in mensâ, ut jam suprà diximus, cæterum ut Imperatorem honorabant.*

Ibid. pag.
349. & ep.
11. Greg.
ix. tom. xj.
Conc. pag.
316.
Sup. lib.
j. loc. mox
cit.
* 1228.
Matt. Pat.
loc. cit.

Parebant etiam; eumque ut ducem sequebantur Principes & rectores exercitū Christiani, *Dux scilicet Lemburgensis, Patriarcha Hierosolimitanus, Archiepiscopi Nazarenis, Cæsariensis, Narbonensis, Episcopi Vintoniensis & Exoniensis, ac Magistri hospitalis ac Teutonicorum; qui omnes Ecclesiastici & quæ ac laici, preparatis omnibus ad progrediendum necessariis, processerunt feliciter, prævio Imperatore, & apud Joppen prosperè pervenerunt.*

Ib. p. 351.

Pergit Historicus: *Anno 1229. Papa Gregorius nimis moleste ferens quod Romanorum Imperator excommunicatus & rebellis, ad terram sanctam transierat, de illius pœnitentiâ desperabat. Decreuit ergo cum, quem contumacem vidit & rebellem, ab Imperiali fastigio depellere, & alium quemlibet filium-pacis & obedientia, loco ejus subrogare.*

Ib. p. 353.

Interea Geroldus Patriarcha Hierosolimitanus, datus ad universos Christi fideles literis, de Friderico multa conqueritur: at nihilominus ubique Imperatorem appellat.

Id. p. 359.

Anno 1229. videns Dominus Papa robur & constantiam Imperatoris nondum enervatam, sibi & Romanæ Ecclesiæ nondum incurvari, misit per totam Allemiam Prælatis magnificeis, & alias manentibus, epistolæ prolixas, comonitorias, & præcepit districte, ut omnes insurgerent in Imperatorem, Deo & Romanæ Ecclesiæ rebellem.... absolvit etiam omnes qui eidem fidelitatis juramento tenebantur adstricti. Hæc Matthæus Parisiensis parùm Pontifici cessisse memorat. Quas causas attulit, referre non libet, nec nisi necessaria memoramus.

Id. p. 516.

Extat ea depositionis sententia in Conciliorum voluminibus, ubi iteratâ excommunicatione, sic legitur: *Omnes qui ei fidelitatis juramento tenentur,*

Greg. ix.

Ep. ad Ott. decernendo ab observatione juramenti ejusmodi absolutos, & firmiter prohibendo;
Card. tom. ne sibi fidelitatem observent, donec fuerit vinculo excommunicationis adstrictus.
xij. p. 339.

Ne tamen dixeris depositionem per se cum excommunicatione conne-
 xam, cùm Fridericum vinculo excommunicationis adstrictum, prohibente
 nemine, ne ipso quidem Pontifice, regnâsse videamus; sed ipse sententiæ
 suæ, quem velle adhibebat modum.

Ep. xij. ib. Alio dato diplomate, ait, Fridericum afferuisse hæresim, dum constanter
P. 348. proponeret, inquit, quòd per nos tanquam Christi Vicarium excommunicationis
 vinculo adstringi non potuit. Quòd autem negaverit passim se potuisse depo-
 ni, hæresi non imputatur: adeò hæc diversâ autoritate constant.

Matt. Par. Intereà illa contigit memorabilis ad Regem S. Ludovicum & Francorum
P. 517. *Baronagium*, de Roberto Regis fratre ad imperium eligendo, Gregorii IX. L.e-
 gatio. Franci pro Regni Francici nobilitate ac domûs Regiæ dignitate, magni-
 ficè multa; cæterùm, quod ad rem nostram attinet, responderunt: *Si*
Fridericus ab apice Imperiali, meritis exigentibus, deponendus esset, non nisi
 per generale Concilium cassandus judicaretur. Matthæus Parisiensis memorat
 addidisse eos: *Insontem sibi videri adhuc Fridericum, neque quid sinistri in*
eo visum, vel in fidelitate seculari, vel fide Catholica; missuros ad Impera-
torem qui quomodo de fide Catholica sentiat diligenter inquirant: tum ipsum,
imò etiam ipsum Papam, si malè de Deo senserit, usque ad interencionem per-
secuturos. Quæ quidem non probamus omnia, sed referimus, atque ab Histo-
ricis recensita percurrimus.

Credibile est Gregorium eâ Francorum responsione permotum fuisse ut
 Concilium Ecumenicum convocaret. Certum quidem est, Romam ab eo Pon-
 tifice fuisse convocatum. Fridericus Episcopos multos etiam Gallicanos, ad
 sedem Apostolicam ex obedientiâ properantes, cepit. Quâ de re graviter
 conquestus est S. Ludovicus, datâ ad Fridericum epistolâ. Interim ad eum
 scribit ut ad Imperatorem, ejusque Imperium cum Francico Regno con-
 junctissimum agnoscit; quantumvis Fridericus à Gregorio IX. fuisse an-
 themate & depositione percussus. Addit: *Prænestinum Episcopum & alios*
Legatos Ecclesie, in præjudicium vestrum volentes subsidium nostrum implorare,
manifestè repulimus; nec in Regno nostro contra majestatem vestram potuerunt
aliquid obtinere. De Episcopis suis hæc signanter notat: Nam sicut ex eorum
literis manifestè didicimus, nihil contra Imperialem celstudinem excogitaverant;
etiam si summus Pontifex fuisse ad aliqua minus debiti processurus. Hæc sen-
senserunt de Imperatore deposito Episcopi Gallicani: hæc sensit Rex, quo nul-
lus unquam sanctior, nullus sapientior, aut sedi Apostolicæ obedientior.



C A P U T V I I.

*Quæ sub INNOCENTIO IV. GREGORII IX. successore gestæ :
Concilium Lugdunense II. in eo acta ; atque ex his
& ante dictis, argumenta contra nos.*

GREGORIO mortuo, ad Innocentium IV. habendi Concilii cura transmittitur. Is igitur anno 1245. Concilium convocat Lugdunum, hâc, inter alias, causâ memoratâ : *Necnon pro negotio quod inter Ecclesiam & Principem vertitur, Reges terra, Prelatos Ecclesiârum, & alios mundi Principes duximus advocando. Ac posteâ : Nos dictum Principem in prædicatione nostrâ citavimus, ut per se, vel per suos Nunios, in Concilio celebrando compareat, responsurus nobis & aliis, qui aliquid contra ipsum duxerint proponendum.*

Misit Fridericus Procuratores suos, qui primum dilationem peterent, mox ad futurum Pontificem & Concilium futurum generalius appellarent. Atque Dominus Papa respondit : quod illud erat Concilium generale, quia tam Principes seculares quam Clerici, ad illud fuerant invitati ; sed omnes qui in jurisdictione Imperatoris fuerant, ad illud eos accedere non permisit, propter quod appellationem non admittebat.

Prolata sententia est in hanc formam : *Innocentius Episcopus, sacro presente Concilio, ad rei memoriam sempiternam. Mox relatis Friderici crimibus, atque allegatâ clavium potestate, addit : Memoratum Principem..... suis ligatum peccatis & abjectum, omnique honore ac dignitate privatum à Domino ostendimus ac denuntiamus ; & nihilominus sententiando privamus. Tum absolvit à fidelitatis juramento subditos ; & qui pareant vel faveant, vinculo excommunicationis adstringit.*

Postea, Dominus Papa & Pralati assistentes Concilio, candelis accensis, in dictum Imperatorem Fridericum, qui jam Imperator non est nominandus, terribiliter, recendentibus & confusis ejus Procuratoribus, fulgurârunt.

Hinc argumenta congerunt : depositum Imperatorem virtute clavium, idque præsente Concilio generali; adfuisse Principes cum Episcopis; reclamasse neminem; quin ab ipso Friderico agnitam Ecclesiæ potestatem, cum ab hoc Concilio ad futurum Pontificem & futurum Concilium appellârit; agnитam etiam expressissimè à Francis, quos antiqui juris retinentissimos fuisse jactamus; cum etiam ipsi responderint id quod suprà vidimus : *Si Fridericus deponendus esset, nonnisi per generale Concilium cassandus judicaretur : quo responso fateantur Imperia subjici Ecclesiastice potestati ; neque enim referre multi, Concilione an Papæ subsint, quæ suâ jam arce dejecta sint.*

Ep. Inn.
iv. tom. xj.
Côc. p. 636.
Matt. Par.
an. 1245.

Vid. in
Côc. Lugd.
brev. not.
&c. tom. xj.
p. 639. 640.
Matt. Par.
pag. 666.
Tom. xj.
Conc. loc.
cit.
ib. p. 645.

ib. p. 665.
Matt. Par. p.
672.

Sup. h.c
lib. cap. vij.



C A P U T V I I I.

*Solutio objectorum precedentis Capitis: duo quædam notatu dignæ
Depositio edita, SACRO PRÆSENTE CONCILIO, non
SACRO APPROBANTE CONCILIO, ut solet.*

HÆC nos ex gestis facile explicamus. Primum ergo observari volumus, in rei gestæ serie, quam diligentissimè descriptam habemus, enarrari quid Pontifex, quidve alii dixerint. De nullâ autem aliâ re tractatum videmus quâm de Friderici sceleribus, decretisque in eum latis; de his quæsumus, deliberatumque esse: an autem datum Ecclesiæ à Christo sit ut Reges deponeret, ne inquisitum quidem fuisse; neque quidquam eâ de re dictum; neque hîc in tantâ Synodo, neque alibi usquam: quod tamen velsim fieri oportebat.

Secundò notamus singularem formulam: *Sacro præsente Concilio*. Et quidem ille Theologiæ Professor Anonymus, qui adversus Declarationem Cleri Gallicani edidit respcionem Historico-Theologicam, hæc scribit: *Innocentius in publico totius Orbis Christiani universali Concilio, ipsoque approbante, Fridericum Regno privat*. Vide quâm oscitanter hæc legant, vel malâ fide referant, qui nostra oppugnant: cùm tantum intersit, an quid fiat, dum taxat *sacro præsente Concilio*, an etiam *sacro approbante Concilio*. Nos autem advertimus passim quidem in Conciliis, ubi adest præsens Pontifex, edicte de cœlo ejus nomine, sed ubique adscriptum: *Sacro approbante Concilio*;

Tom. xj.
Conc. pag.
649. 654.
655.

vel aliquid ejusdem roboris. In hâc etiam Synodo, celebrata hæc formula est: & de usuris quidem, capite XIII. *præsentis Concilii approbatione sanctimus*: & *ejusdem Concilii autoritate firmiter inhibemus*: & capite XVII. *desinientes, sacro approbante Concilio*: & *communi Concilii approbatione statuimus*. Quin etiam, more Majorum in hoc quoque Concilio vidimus, ab omnibus Episcopis sententiam excommunicationis pronuntiatam fuisse. At is qui reliqua omnia, *sacro approbante Concilio*, decernit Pontifex, sententiam in quâ depositio sancita est, *sacro tantum præsente Concilio*, dictat.

Ib. p. 645.

Et quidem interserit hoc à se decretum esse, *cum fratribus & sacro Concilio, deliberatione præhabitâ diligenti*. Aliud autem est, cum Episcopis deliberâsse, & eorum consilia exquisiisse: aliud, Concilii autoritate atque approbatione decretum aliquid esse.

Ne verò arbitremur ideò illâ formulâ Pontificem pronuntiâsse, quod Imperatoris depositionem, tanquam rem maximam, suæ autoritati potestati que reservaret. Ecce enim excommunicationem more Majorum cum sacro Concilio suisque Coepiscopis pronuntiat: quæ tamen sententia eò est gravior majorisque potestatis, quo Regno cœlesti quâm terreno privari gravius est ac luçtuosius. Et tamen in Conciliis passim communi Patrum decreto atque approbatione anathemata promulgantur; communi decreto Episcopi deponuntur, quorum depositio, pro spiritualis potestatis amplitudine, majorem in Ecclesiâ potestatem requiret, quâm laicorum quorumcumque;

Communi denique decreto , fidei dogmata ac symbola sacrique Canones promulgantur , quo nihil est in totâ religione majus aut gravius. Cùm igitur Ecclesiastica omnia , quanticumque sint ponderis , communi autoritate ac *sacro approbante Concilio* promulgentur ; quæ præsente tantum Concilio fieri dicuntur , habere ea non debemus pro Ecclesiasticis.

Certè docent Patres , ac Theologi confitentur ; quæ verè Ecclesiastica sint , atque à Christo tradita , ea quidem in Petro & successoribus eminere : cæterum ad omnes manare Episcopos , atque in Episcopatu toto unam esse potestatem. Nihil enim Papæ attributum , quod non sub ipso & cum ipso facere ac decernere Coepiscopi possint. Rursùs ergò testantur Romani Pontifices , non esse Ecclesiasticam Principes deponendi potestatem , quam soli exerceant.

C A P U T I X.

De statu Imperii Romano-Germanici quædam quæ ad objectorum solutionem spectant.

TERTIÒ notamus , reverâ Imperatores Germanos , seu Romano-Germanicos eâ conditione fuisse , ut Romani Pontifices existimarent , præter illam potestatem , quam à Christo haberent in omnem animam Christianam , aliquid sibi peculiaris juris in eos , processu temporis quæsitum & comparatum fuisse. Neque tantum Romanos Pontifices , sed etiam alias multos in eam sententiam consensisse.

Placet colligere hîc paucis , quæ sparsim eâ de re monumenta extent , quorum etiam partem maximam suo loco retulimus.

Primum autem vidimus , quæ à Baronio relata sunt , ut probaret jam pridem sub Othonibus , Imperium Romano-Germanicum ejusque Imperatores , Romanis Pontificibus ita fuisse obnoxios , ut ab eis acciperent , non modò imperium , sed etiam successoris designandi potestatem. Hoc primum : tum illud consecutum , ut extinctâ Othonum familiâ , Romani Pontifices , suâ autoritate designarent eos Germaniæ Principes , qui Regem Teutonum eligerent , in Romanum postea Imperatorem à Romano Pontifice promovendum. Quæ quidem Baronius à Gregorio V. Germano , anno Christi 996. circa ipsa initia imperii Romano-Germanici constituta esse memorat.

Hæc si tam vera sunt , quâm à Baronio magnâ vi affirmantur , fateri nos oportet , Imperium Romano-Germanicum , ejusque Imperatores , in ipsâ suâ origine Romanis Pontificibus , quoad ipsa temporalia fuisse obnoxios.

Non ita multò post circa Gregorii VII. tempora audivimus , quid autoritatem Henrici IV. scripserit ; nempe ad eum Pontificem à Germanis perduellibus fuisse jactatum , non decere (Henricum IV.) tam flagitosum , plus notum criminem quâm nomine , regnare , maximè cum sibi regiam dignitatem Roma non contulerit : oportere Roma suum jus in constituendis Regibus reddi : provideant Apostolicus & Roma ex consilio Principum , cuius vita & sapientia tanto honori congrueret. Hæc igitur à Germanis Gregorio VII. fuisse suggesta narrat coœvus Historicus : Quâ subreptione delusum Apostolicum , simul & ho-

Sup. lib. ij.
cap. xxxij.

Ibid. cap.
xl. Bar. tom.
x. an. 964.
p. 783, 784.
an. 996. p.
909.

Sup lib. j.
sect. j. cap.
xij. Urst p.
382.

nore creandi Regis quem sibi fallaciter obtulerant. Quæ profectò ostendunt his jam temporibus, in Romano Pontifice fuisse notatum peculiare aliquod jus ad constitendum eum Regem, qui postea Imperator futurus esset; atque ad eum posteà deponendum.

Ibid. Hunc ad locum pertinet illud, ab eodem Gregorio VII. Romanis Imperatoribus postulatum, regiæ fidelitatis sacramentum, quod memoravimus suprà.

Gott. Vi- Sub Paschale II. qui Romanus Pontifex à Gregorio VII. est tertius, ab serb. chron. hujus ævi historico Gotfrido Viterbiensi relata hæc sunt, tanquam à Romanis Pontificibus dicerentur:

Imperium dedimus, tu pauca dedisse videris.

Imperio nostro, Cæsar Romanus haberis.

Hinc profectum illud, quod ex Radevico retulimus, de Imperatore Lothario Saxone inscriptum Lateranensi Palatio:

Rex venit ante fores jurans prius Urbis honores.

Poſt Homo fit Papa, sumit quo dante coronam.

Sup. lib.
iij. c. xvij.
Radev. de
gæſt. Frid. j.
cap. x Urſt.
pag. 482.

Huc etiam facit, id quod est ab Adriano IV. ad Fridericu[m] I. scriptum de *beneficio*, atque insigni coronæ Imperatoriæ per Pontificem dato: quæ quanquam ab ipso Pontifice erasa & emollita, usque ad e[st] Pontificis animo adhærebant, ut posteà rursùs ad Fridericu[m] scriberet, datum à se imperium atque auferri posse, à quo datum esset.

*An. 1163.
Serm. Ar-
nulph. Lex.
in Concil.
Tur. tom. x.
pag. 1415.

Id passim fuisse creditum testatur paulò post in Concilio Turonensi habitâ ab Arnulpho Lexoviensi concio, quâ, ubi docuit eam quam Fridericus I. Imperator communem cum cæteris Ecclesiæ debebat obedientiam, hæc subdit: *Præterea specialem causam habet quâ sanctam Romanam Ecclesiam dominam recognoscere debet: alioquin manifestissimè poterit reus ingratitudinis apparere. Si enim ad veteres recurramus historias, certum erit prædecessores ejus Imperium non de alio jure, quam de solâ sanctâ Romana Ecclesiâ gratiâ percipisse. Nihil igitur plus juris vendicare Principes possunt, quam quod in eos contulit dignatio largientis.*

Inn. iij.
ext. lib. j.
tit. vj. De
elec̄tione,
cap. Vene-
rabilem.

Clem. lib.
ij. tit. ix. De
jurejur. cap.
unico Prin-
cipes Rom.

Neque ita multò post Innocentius III. hæc declarat: de Electoribus quidem, jus eorum omne ab Apostolicâ sede descendere, de electâ verò personâ, si indigna haberetur, eam à Romano Pontifice rejici posse, ne Ecclesia Romana idoneo defensore carere cogeretur: quæ in gratiam Friderici II. facta & ab eo agnita, ejus deponendi jus Romano Pontifici tribuebant.

Huc accedit, quod jam pridem Romanis Pontificibus ab Imperatoribus id præstitum fuerat juramentum, quod fidelitatis fuisse Romani Pontifices posteā declaraverunt: summi certè obsequii fuisse nemo diffitetur.

Cùm ergò hæc, & sibi Romani Pontifices vendicarent, & omnes passim pronis animis acciperent; haud absurdum videbatur dejici Imperio posse Imperatores, qui erga Pontificem, quo autore regnarent, debito ac jurato officio defuerint: quam in sententiam toto jam Orbe vulgatam. Lugdunenses

nenses Patres, Pontificio honori faventes, facilè adductos esse nihil mirum est.

Quod autem jus illud quæsitum & adscititum, Romani Pontifices cum Apostolicâ potestate sedi suæ innatâ pariter exercent, simulque Imperatorem excommunicarent, atque deponerent; excommunicationis quidem Episcopi ut participes clavium, pro antiquo jure ac more, se socios adhibebant; depositionem verò, in quâ jus sibi nullum, neque innatum neque quæsitum vendicarent, nolebant à se, aut pro potestate decretam, aut approbatione solenni firmatam; sed tantum, quod res erat, præsentes esse se, atque etiam in consilium adhibitos fatebantur. Quo ritu aliquid, quod verè esset Ecclesiasticum, ab Episcopis gestum nemo unquam in Conciliorum actis ostendet.

Neque tamen arbitramur, si hæc in Fridericum, sacro Concilio approbante, gesta essent, ideo statim rem esse confectam; quærendumque superesset, an ita gesta sint, ut solent ea, quibus certa Ecclesiæ fides summaque autoritas explicatur, ut dictum est supra. Consentient enim Catholici omnes, non ejusdem esse generis, quæ in Conciliis etiam Ecumenicis fiunt; quæque expressè quæsita, quæ de fide, quæ lato canone sancta sunt, magno ab aliis habent discrimine, & tamen hic maximum est causæ deploratae argumentum, quod Concilium generale non eam suscepere, neque tali factò adscribi voluerit solennem formulam: *Sacro approbante Concilio.*

Recolique hic volumus, id quod est à nobis perpetuâ rerum serie demonstratum: quæcumque hactenus à Romanis Pontificibus, ad deponendos Reges, etiam in Synodis sunt gesta, in iis, Deo ita providente, nunquam, ac semel quidem adscriptum, hæc Patrum consensione, approbatione, decreto gesta esse: quæ formula, cùm in cæteris Ecclesiasticis decretis, Pontifice præente perpetua solennisque sit, certum est hæc quidem, quamquam Petri nomine agi videbantur, longo discrimine distincta à reliquis, quæ certò, verèque essent Ecclesiastica.

Ex antedictis solvimus, quæ de Francis Imperia Conilio generali subiectibus sunt objecta. Et quidem, si Franci id vel maximè tertio decimo sæculo facere incepissent, gliscente imperitiâ, tamen anteactis sæculis stare nos oportet; quanto magis cùm id nequidem cogitaverint?

Primùm enim, si quis strictè eorum ad Gregorium IX. de deponendo Imperatore responsa perpenderit, inveniet ab iis non absolutè dictum, Imperatorem à Conilio deponi posse; sed, si exigentibus meritis deponendus esset, nonnisi à Conilio generali cassandum videri: tum etiam illud de Imperio Romano-Germanico dici, quod singulari titulo Ecclesiæ obnoxium credebatur; putabantque nostri tantam rem, qualis est depositio Romani Imperatoris, qui Reipublicæ Christianæ caput haberetur, ad Romanam licet Ecclesiam pertineret, nonnisi exquisito totius Orbis Conilio perfici debuisse, aut etiam potuisse. Cæterum coronam Franciæ, nec Papæ, nec Conilio, Franci unquam subjecerunt. Imò verò non multò post, Bonifacii scilicet VIII. tempore, cùm objicerentur eis depositi Imperatores, hæc sta-

Tract. Joā. de Par. de pot. Reg. & Pap. cap. xv. vind. Maj. lib. ij. pag. 107. vid. ib. quæst. de pot. Pap. pag. 188.

tim reponebant : *Quod dicitur, quod Papa deponit Imperatorem : respondeo, verum est illum quem ipse posuit, quia ab ipso accepit feudum.* Et de Friderico II. disertè : *Quod autem dicitur de Friderico, quem depositum Innocentius IV. dico quod verum est, & de illo Imperatore concedo ; quod Papa est ejus Dominus temporalis, quoniam ille Imperator fit per electionem, & à Papâ confirmationem recipit & coronam ; sed nihil horum est in Rege Francie.* Hæc nostri quadraginta circiter post Fridericum depositum annis, facti recente memoriâ, respondebant.

Matt. Par. an. 1239. p. 518.

Quò etiam pertinebat illud, sancti Ludovici tempore, à Francorum Legatis dictum : *Regem Francie, quem linea Regii sanguinis provexit ad sceptra Francorum, excellentiorem esse aliquo Imperatore, quem sola electio provehit voluntaria.* Quantum autem nostri ab eo absuerint, ut coronam Francie ulli alteri, quam Deo subditam esse vellent, Bonifaciana, quæ jam retulimus, gesta demonstrant.

Sup. lib. iiij. c. xxij. & seq.

C A P U T X.

Constantiensia & Basiliensia decreta : SIGISMUNDI Imperatoris in Synodo Constantiensi Imperiale decretum : ejusdem Imperatoris de Romano-Germanici Imperii Principibus, declaratio.

FACILE est ex antedictis, Conciliorum Constantiensis & Basileensis, ea quæ objiciunt decreta explicare. Pari enim ratione dicimus, si quid ibi à Patribus de pœnis temporalibus decernatur, id fieri consensu Principum, qui ex toto Orbe Christiano per Legatos aderant : eoque jure, quo Ecclesia ad temporales pœnas inferendas, Principum Constitutionibus adjuvatur.

Concil. Const. Seff. xiv. t. m. xij. p. 115. 316.

Id verò ex ipso Constantensi Concilio satis constat. Anno enim 1415. Sessione XIV. decretum legimus hoc titulo : *Quod Imperator det operam, ut Concilium sit tutum.* Sic autem decernit : *Sacrosancta Synodus exhortatur invictissimum Principem Dominum Sigismundum Romanorum & Hungaria Regem, quatenus placeat patentes literas sub sua Majestatis sigillis dare, & omnibus Principibus, Vassallis & subditis sacri Imperii, & præsertim civibus & incolis civitatis Constantiensis præcipere & mandare, quod manutenebunt & defendent prædictum Concilium.... quandiu duraverit, & quicunque... non observaverit.... sententiam Imperialis banni incurrat, perpetuò sit infamis, nec ei unquam porta dignitatis pateant.... omnibus feudis.... sit ipso jure privatus.* Quæ ad Ecclesiasticam dignitatem & utilitatem maximè pertinentia, si per se se sancta Synodus decernere potuisset, non erat cur à Rege requireret.

Quâ de re Rex decernit his verbis : *Qui statuit terminos gentium secundum numerum Angelorum, & utrorunque ministeria ordine miro dispensans, sicut choros Angelicos variis dignitatibus.... mirabiliter insignivit ; sic & Ecclesiam adhuc militantem in terris, diversis tam spiritualium quam temporalium*

*distinguit titulus potestatum, ut pulchra fidelibus, & infidelibus terribilis appa-
rens, ut castrorum acies ordinata procedat. Quâ temporalium & spiritualium
distinctione ex jure divino explicatâ, temporales pœnas ipse decernit, utili-
tati Ecclesiastice servituras. At si has Ecclesia per se ferre potuisset,
distinctionem vanam, neque ex jure divino Imperator explicasset, neque
sancta Synodus recepisset.*

Per ea tempora Fridericus Dux Austriæ Georgium Episcopum Tridentinum, ejus civitatis aliorumque locorum possessione dejecerat. Res ad Imperatorem delata per Episcopum; Dux Episcopo restituere jussus, Imperatoris jussis non stetit. Sessione XXVIII. Episcopus postulat à Concilio Constantiensi monitorias literas, quibus Dux bonis occupatis cedere cog-
retur, sub pœnis in Constitutionibus Caroli IV. (b) Imperatoris editis aliisque gravioribus. Eadem Sessione XXVIII. dat Synodus monitorium, quo declarat, Fridericum Ducem incidisse in pœnas privationis feudorum & inhabilitationis in Constitutione Carolinâ contentas, addito anathematis vinculo. Non ergo has pœnas per se decernit, sed Principum adjuta Constitutionibus..

Multa sanè decreta sunt à Principibus adversùs eos qui in hæresi ob-
tinatè permanerint, quique in excommunicatione sorduerint. Ea verò legimus in Constitutione Friderici II. memorata suprà, eademque ab aliis posteà Principibus decreta, confirmata, amplificata sunt; quibus adjuta Synodus Constantiensis decernit, contumaces adversùs Ecclesiam spiritualiter & temporaliter puniendos, ut est in decreto, *contra invasores accedentium & recendentium à Concilio, & in monitorio contra Philippum Comitem Virtutum.*

Quo etiam ex fonte manavit id quod est à Martino V. sacro Constantiensi Concilio approbante, editum in Bullâ, *inter cunctas, adversus Wi-
clefi Hussique defensores; nempè, ut quâcumque dignitate prefulgeant, etiam si
Patriarchali, Archicpiscopali, Episcopali, Regali, Reginali, Ducali, in eos
ab Episcopis atque Inquisitoribus hæreticæ pravitatis, inquiratur; ab iis-
que per excommunicationis pœnam, suspensionis, interdicti, necnon privationis
dignitatum, personatum, & officiorum, aliorumque beneficiorum Ecclesiastico-
rum, ac feudorum, quæ à quibuscumque Ecclesiis, Monasteriis, ac aliis locis
Ecclesiasticis obtinent, ac etiam bonorum, & dignitatum secularium, ac gra-
duum scientiarum, quarumcumque Facultatum, & per alias pœnas, sententias
& censuras Ecclesiasticas, ac vias & modos, quos ad hoc expedire viderint.
Quæ congregata licet, quis non videat jure tamen diversissimo decerni,
nec ab eodem fonte manare, confusèque dicta, tamen congruè aptèque
singulorum ratione habitâ, intelligi exercerique debere? Quis enim cum
audiat eodem tenore intentari privationem bonorum ac dignitatum secularium,*

(b) In Constitutionibus Caroli IV.] Is Rex Bohemiæ, deinde an. 1346. factus Imperator, edidit an. 1355. celebrem Bullam auream, de Imperatoris Romani electione. Hic cognominatus est *Sacerdotum Imperator*. Fuit enim in viro Ecclesiasticos adeò pius, ut an. 1359. Constitutione sanciverit, *Sub Imperiali banni pœna, Principibus & aliis in officiis publicis constitutis, quatenus statuta in praesidicium Ecclesiastice libertatis edita, omnino revocarentur. Addebat: Quod quicumque Sacerdotem aut Clericum diffidaret, prosciberet, captivaret, spoliaret, occidere, mutilaret, præter pœnas à sacris canonibus inflictas, redderetur infamis, nec ad consilia nobilium admitteretur. Vid. Goldast. Const. Imp. tom. ii. p. 92. Illâ igitur Imperiali Constitutione adjuta Synodus Constantiensis, pœnas decernit etiam temporales.*

Ibid. Sess:
xxviii. pag:
208. 211.

Constit.
Côc. Côst.
cont. invas.
Sess. xv. p.
144. vid.
Sess. xxxj. p.
216.
Ibid. post
Sess. xiv. p.
271.

ac graduum scientiarum quarumcumque Facultatum; quis, inquam, cùm hæc audiat colligata, ideo putet ab iisdem Inquisitoribus, dignitates omnes, etiam, si Deo placet, Regiam pari jure tolli posse, ac Doctoratum, Baccalaureatum & magisterium artium? Quare hæc omnia cōglobatim licet dicta atque congesta, tamen diligenter secerni oportere, luce est clarius.

Ac si vel maximè hujus vi decreti etiam Regna tolli possunt; quis vetet intelligi de iis Regnis, quæ sunt feudi Ecclesiastici; cùm expreßè dicatur tolli quidem feudos, sed eos, qui à quibuscumque Ecclesias, Monasteriis, ac aliis locis Ecclesiasticis obtainentur?

*Seff. xix.
in confir.
Const. Frid.
i. & Caro-
line. vid. p.
273. & seq.*

Vel decretum Sessionis XIX. audiamus, contra invasores Ecclesiasticæ libertatis atque ditionis. Ibi inveniemus inter bona Ecclesiastica, quæ occupata reddi debeant, bis terque recenseri, *Regna, Provincias, Comitatus, Dominia, Territoria, Civitatis.* Neque immerito; cùm Regna utriusque Siciliæ, Sardiniae, Corsicæ, ad Ecclesiæ Romanæ Feudum certâ possessione pertinere constet, ut alia Regna omittamus, quæ se ultrò huic conditio-ni subjecerint, atque etiam Imperium Romano-Germanicum, quod eodem, vel simili jure habere pertendunt; ut profectò nec mirum esset, si in Concilio Constantiensi, privati fuissent Reges, qui amplexi hæresim, jura-tam Ecclesiæ Romanæ fidelitatem ejurassent. Ut autem eodem jure, Fran-ciæ aut Castellæ, quo Sardiniae aut Corsicæ Regna adimantur, neque quis animo cogitare, neque Constantiensi Concilio, sine gravi contumeliâ, tri-buere possit.

Hæc ergò cōglobatè licet confusèque dicta, valeant aptè, congruè, dis-tributivè, respectivè, suo quæque ordine ac modo; neque omnia eodem jure constare, aut cum potestate Clavium conjuncta esse intelligantur; sed adhibitâ diligentî cautione, ad suos fontes quæque revocentur.

*Ibid. Seff. xvij. p. 160.
161.*

Quo itidem sensu decretum fuerit, ut qui Sigismundum Romanorum Regem ad Hispaniam pacis Ecclesiasticæ causâ proœctorum impedian, quâ-cumque dignitate, aut Ecclesiastico Beneficio, seculari-ve preventur. Quatenus scilicet ex dignitates, ea Beneficia, Ecclesiæ sint, vel innato, vel acqui-sito jure.

*Ib. p. 239.
Sup. hoc lib. cap. v.*

Idem dicimus de Constitutione ejusdem Concilii Sessionis XXXIX. cui est titulus: *Provisio adversus futura schismata;* quâ Bonifacii VIII. Con-stitutio, felicis, à nobis suprà memorata, adversus eos extenditur, qui Imperiali, Regali, Pontificali, vel aliâ quavis Ecclesiasticâ, aut seculari præ-fulgeant dignitate: quæ ita intelliguntur, primùm ut temporalia ad con-fensem Principum referantur; tum ut non omnia omnibus, sed singulis, quæ singulis sint congrua, applicentur.

*Conc. Bas. Seff. ix. tom. xij. p. 500.
501.*

Nec alio sensu valent ea quæ eodem modo à Concilio Basileensi (c) sessione IX. decreta sunt sub pœnâ excommunicationis & privationis digni-tatis cuiuslibet Ecclesiastica aut mundana. Neque enim illis Constantienibus Basileensisbusque formulis usquam exprimitur, hæc temporalia ad Ecclesiasticum ordinem autoritate clavium ac jure divino pertinere, de quo uno

(c) à Concilio Basileensi,] in illo decreto irrita declarantur ea quæ adversus Sigismundum Imperatorem Synodi defensorem Eugenius iv. fecerat.

litigamus ; ac facilè intelliguntur privari dignitate , etiam mundanâ , eos in quos sibi tale jus Ecclesia comparavit.

Et quanquam Ecclesia Catholica , seu Concilium generale eam repræsentans , nullos per se feudos , nullas ejusmodi res obtinet ; sacrâ tamen Synodi , Constantiensis ac Basileensis , eo jure , quo se in Romanum Pontificem aliosque Prælatos illa jura obtinentes pollere intelligebant , de iis quoque decrevère.

Novo id exemplo in his Conciliis factum esse confiteor ; neque mirum hæc , quæ nullatenus ad fidem perpetuamque morum doctrinam , sed ad variabilem disciplinam pertinent , varie tractata , ordinata , administrata fuisse.

Qui ergò hæc Constantiensia & Basileensis tanto studio inculcant , jam credo ipsi intelligunt , nihil hæc ad nostram quæstionem pertinere : velimque meminerint , quâ defensione à Concilii Constantiensis sessionibus I V. & V. tutos se esse putent . Nempè lata illic tam clara , tam firma de Conciliorum superioritate decreta , sic elevare solent , quòd Concilium sessione I V. non tractet ex proposito materias aut quæstiones fidei , nec intendat ibi dogmata fidei statuere aut hereses vel errores damnare ; neque id decretum fecerit per modum definitionis ; quia non additur ita secundum fidem Catholicam esse tenendum ; nec dicitur anathema contrarium sentientibus , ac docentibus . Hæc autor doctrina Lovaniensem ex Joanne Viggers : hæc Bellarminus & alii scribunt , Melchiorem Canum secuti , cuius hæc verba sunt : *Si quis tradita in sessione IV. Concilii Constantiensis diligenter expendat , inveniet ea non formam habere decreti , quo videlicet aut fideles obligentur , aut contrarium sentientes explodantur.*

Ostendant has formulas confusè congestas , formam habere decreti : ostendant in his propositum aliquid omnibus ad credendum : ostendant saltem in iis aliquid distinctè dictum , quod ad rem nostram , & ad Clavium à Domino concessam potestatem pertineat . Quod cùm intellexerint nullo modo posse fieri , dum hæc profectò objicere pergunt , nihil aliud quām fucum faciunt , & imperito's ludunt.

Quòd ergò sic argumentatur passim Nicolaus Dubois : vel hæc esse admittenda , vel Conciliorum Constantiensis ac Basileensis contemnendam autoritatem : nñ ille suo more nugatur , qui contra Theologorum omnium , suaque etiam placita , res à Concilio obiter , confusè , indistinctè , nullâ deliberatione dictas , æquiparet iis , quæ à Concilio disertè , datâque operâ decretæ , ordinatæ , definitæque sunt.

Idem D. Dubois Synodo Basileensi exprobrat : quòd de feudo judicare voluerit , prohibitaque sit ab Imperatore Sigismundo : quasi verò negemus fieri potuisse , ut ea Synodus , aliæve , inconsultò aliena tractarent , & ab iis veritæ abstinerent . Sed quandoquidem hæc objicit , velim , cogitet , quæ à Sigismundo in his expressa sint actis : *Palam ac solenniter protestati sumus , quod Archi-principatus , Archi-marescallatus , & jus eligendi Romanum Principem à nobis & sacro Romano Imperio immediate descendant , ac in feudum dependeant . Aliâ occasione idem Sigismundus ad eandem Synodus Basileensem hæc scribit : Notum facimus tenore præsentium universis , quod , cùm inter alios Orbis Principatus , sacrum Romanum Imperium divinitus institutum*

Doct. Lov.
p. 73. 74.

Bell. de
Conc. aur.
lib. ij. cap.
xix. Melch.
Can.de loc.
Theol. lib.
v. cap. vi.

Pars r. re-
fut. p. 29.
31. & pass.

App. j.
Conc. Bas.
p. 968. 969.

Ibid.

Ib. p. 964.

obtineat principatum &c. Quæ à religiosissimo Imperatore dicta , de Principatibus divinitus institutis, nostræ sententiæ favent. Quatenus autem ad Romanum spectant Imperium , Electorumque & aliorum Principum jura ad Imperium revocant ; nullâ Romanorum Pontificum mentione , vehementissimè dicta decretaque videmus. Ex quo appareat in his temporalibus , nullo fidei religionisque periculo , posse quædam à Romanis Pontificibus vindicata , à Romanis Imperatoribus propulsari. Sed hæc quidem parùm ad nos. Ad propositum revertamur.

C A P U T X I .

*Concilium Lateranense V. sub JULIO II. De Concilii Tridentini
decreto Sessionis XXV. capite XIX. de Reformatione : Quid
nostrî etiam Curiæ Romanae addictissimi senserint.*

NE quid prætermittamus quod Concilii Ecumenici titulo nobis obtinci possit , recensenda sunt quædam quæ sub Julio II. in Concilio Lateranensi sub eâ formulâ , *sacro approbatæ Concilio* , decreta sunt : imprimitus illud anni 1512. quod Rex Ludovicus XII. Regnumque Franciæ , exceptâ Britaniâ , ac maximè Lugdunensis civitas Conciliabulo , ut aiunt , Pisano adhæsissent ; constat non modò excommunicationem & interdictum pronuntiatum esse , sed etiam *ex Lugduno in civitatem Gebennensem translatas nundinas*. Sic bellis flagrantibus , Gallisque absentibus , Julius II. in Lateranensi Synodo hostili animo decernebat. Quæ quidem proferimus in exemplum eorum , quæ licet magno nomine , nimia , & ad terrorem composita ; atque ut nullo effectu , ita nullâ autoritate gesta , nemo cordatior diffitebitur.

Objiciunt Concilii Tridentini caput *detestabilis de duellis* , quod est Sessionis XXV. caput XIX. de Reformatione. *Imperator, Reges, Duces, Principes, Marchiones, Comites & alio quocumque nomine Domini temporales, qui locum ad monomachiam in terris suis inter Christianos conesserint, eo ipso sint excommunicati, ac jurisdictione & dominio civitatis, castri, aut loci, in quo vel apud quem duellum permiserint fieri, quod ab Ecclesiâ obtainent, privati intelligantur, & si feudalia sunt, directis dominis statim acquirantur.* Hæc conceptis verbis *de feudis Ecclesiasticis* decreta , furent nobis potius quam nocent ; cùm nec tanti sceleris atrocitate compelli potuerit sancta Synodus , ut aliquid de feudis temporalibus decerneret. Interim cùm excommunicationem & feudi privationem pari verborum tenore decernat , hoc exemplo docet , optimè à nobis dictum , ad diversissimos fontes esse revocanda , quæ à sanctis Conciliis persæpè colligata atque congesta sint.

Quod addit sacra Synodus : *Qui verò pugnam commiserint, & qui eorum patrini vocantur, excommunicationis, ac omnium bonorum proscriptionis ac perpetua infamie pœnam incurvant; id à nobis relatum est inter eas causas, quibus Franciæ regnum prohibitum sit ab acceptandis tanti Concilii de disciplinâ ac reformatione decretis.*

Hæc enim & similia effecerunt, ut anno 1576. sub Henrico III. in conventu Ordinum Blæsis habitu, tametsi deputati ferè omnes è conjuratis sive ex Ligâ erant, Curiæque Romanæ eo nomine addictissimi; Concilii tamen Tridentini de reformatione decreta, nonnisi è exceptione admitterent, *salvis Ecclesiæ Gallicanae Libertatibus*.

Neque etiam illa sessionis XXV. clausula in Constitutionem Blæsensem illata est; cùm tam multa ex Concilii reformatione petita eò conserrentur.

Quin etiam in eâ congregatione, quæ nomine conventûs Ordinum anno 1593. vigente Ligâ, habita Parisiis est, à Duce scilicet Meduanensi convocata: cùm Dux Feriæ Hispanique Concilium recipiendum urgerent, prolati sunt articuli, quibus Franci deterrentur à Concilii decretis admittendis, quos inter articulos is legitur: *Concilium excommunicat & privat Regem eâ civitate, aut loco, in quo duellum permisum sit: sessione XXV. Addita nota: Hic articulus lredit potestatem Regis, qui temporali suo ullâve ejus parte privari non possit; cùm eo respectu nullum superiorem agnoscat, qualiscumque ille sit.* Quæ jussu Cardinalis Pellevei, conjuratorum antesignani, qui sacro Ordini præsidebat, allata, eo tempore & loco ubi Romana Curia regnare videbatur, ostendunt quâm sit infitum Franci ne quid Ecclesiasticæ potestati in temporalia juris tribuant.

Sic decreta de rebus temporalibus à Conciliis etiam Ecumenicis prolata, rata sunt vel irrita, prout Principum vel consensione admittuntur, vel disfensione respununt: nedum ad clavum divinam potestatem aut ad fidei invariabilem regulam pertinere possint. Atque hæc quidem sunt, quæ ex Conciliis Ecumenicis opponantur; patetque clarissimè sacras Synodos de rebus temporalibus nihil autoritate Clavium decrevisse.

Vid. Du:
pleix tom.
iv. Histor.
Henr. iv.
Thuan. lib.
cv.

C A P U T X I I .

Nostrî sœculi gesta ultimo loco reservata: dissidium Venetum, sub PAULO V. HENRICI IV. MAGNI operâ compositum.

PRIORUM sœculorum gestis evolutis, quæ nostro ævo nostrâque memoriâ gesta sunt, ultimo reservamus loco.

Quòd anno 1602. Dux & Senatus Reipublicæ Venetorum de bonis immobilibus per Ecclesiæ ac Monasteria, sine Senatûs licentiâ acquirendis, quædam judicia legesque edidissent, & quasdam Ecclesiasticas personas propter pretensa crima carceri mancipassent, Paulus V. die 17. Aprilis, anno Christi 1606. Pontificatus I. Monitorium promulgavit, quòd Duce ac Senatum, nisi ea omnia certis præstitutis temporibus revocarent, excommunicatos, civitatem ipsam Venetorum terrasque omnes eorum ditioni subjectas, Ecclesiastico interdicto suppositas nuntiat & declarat.

Statim atque id Breve perlatum est ad Episcopos ac Prælatos Venetæ distinctionis, ad quos directum erat die 6. Maij; prodiit ad eosdem edictum *Ib. p. 285,* *Leonardi Donati, Dei gratiâ Venetorum Duci nomine*, in quo annotamus ea quæ ad quæstionem nostram faciunt. Hoc primum: *Nos qui tranquilli-*

Motit.
Paul. v. ap.
Gold. tom.
ij. p. 282.

tatem ac quietem dominii , nostro regimini à Deo commissi servare tenemur , & autoritatem Principis , neminem superiorem in temporalibus sub Divinâ Majestate agnoscens debemus tueri &c. Tum ista: Cùm cognoverimus præfatum Breve , contra omne jus & aquum emanâsse , & contra ea qua divina Scriptura & sanctorum Patrum doctrina sacrique canones præcipiunt , in præjudicium autoritatis secularis à Deo nobis traditæ , & libertatis Reipublicæ nostra , cum perturbatione tranquilla possessionis... non sine omnium scandalo promulgatum fuisse ; prædictum Breve non modo ut injustum indebitumque , verùm etiam ut nullum nulliusque roboris aut momenti , nobis habendum esse non dubitamus ; atque ita invalidum , irritum , & fulminatum illegitimè , & de facto nulloque juris ordine servato ; ut ea remedia adhibenda non duixerimus , quibus Majores nostri & alii supremi Principes usi sunt cum Pontificibus , qui potestatis sibi in ædificationem traditæ limites ac modos egressi fuerint. Sic ipsâ per se notâ nullitate contenti , appellationem ad Concilium Ecumenicum superfluam censuerunt. Hujus dislidiî eventus cùm neminem lateat , tantum observamus hîc aliqua , quæ causam nostram spectent.

Primum : excommunicatos DuceM & Senatum Reipublicæ Venetorum ; civitatem aliasque ejus Imperii terras Ecclesiastico interdicto suppositas ; nihil sollicitatum Imperium ; & excommunicationem penitus à depositione sejunctam , contra quod Gregorii VII. tempore sentiebant ; cæterum de depositione nihil actum esse , neque autoritate Apostolicâ dissolutas leges à Senatu conditas , quas Pontifex improbaret , sed jussum Senatum ut eas antiquaret : metuentibus , ni fallor , Romanis Curialibus , ne depositiones aliaque ejus generis , oculato sæculo , jamque harum rerum pertælo , parum approbari possent.

Secundò : DuceM ac Senatum dato edicto professos Principum potestatem in temporalibus soli Deo subesse : Papam , dum ad ea profiliaret , egressum esse limites ac modos traditæ sibi à Deo potestatis : ejus decreta Scripturis , Patribus , sacrisque Canonibus adversari.

Tertiò : omnes Venetos atque Ecclesiasticos Religiososque , haud minus quam laicos , exceptis paucissimis , (d) eâ doctrinâ nixos , Senatu obtemperâsse , decreta Pauli V. pro nullis habuisse.

Quarto : constitisse decretum Leonardi Ducus : constitisse leges , quas de temporalibus rebus Senatus dixerat ; tametsi Ecclesiastica bona personæque concernerent : nihil eorum à Senatu fuisse revocatum : excommunicationem rerum temporalium causâ latam , prætextis licet Ecclesiasticis immunitatibus , pro nullâ habitam , ac revera ut talem per secedisse ; nullaque vel in speciem à Senatu veniâ postulata , (e) aut absolutione acceptâ , pro Catholicis atque Ecclesiæ Romanæ filiis eos esse habitos.

Quintò :

(d) Exceptis paucissimis .] Ii fuerunt , præter omnes Jesuitas , nonnulli ex familiis Capucinorum & Theatinorum , qui , Senatu ne obtemperarent , maluerunt esse exules.

(e) Nullâ... veniâ postulata .] Cardinalis de Joannis , cui hoc negotium Henricus Magnus commiserat , quemque Pontifex suâ instruxerat autoritate , cùm Senatus nollet , aut petere absolucionem , id quod Pontifex vehementer cupiebat , aut etiam illam non pettam saltē accipere , dixit in Senatu : Sublatum esse interdictum ; & Senatus carceri mancipatos Ecclesiasticos tradidit , non quidem ei Prelato cui Papa jufferat ; sed Legato Regis Franciæ. Historia pauca habet exempla dissidiorum , quæ , ut illud , ad finem usque tam firmiter & constanter defensa fuerint.

Quintò: factum id esse Henrici IV. operâ, totâ Galliâ, imò etiam totâ Ecclesiâ applaudente: Hispanis etiam in hujus gloriæ partem venire cupientibus (*f*): nullo Catholico extra Curiam Romanam suscipere conato Pauli defensionem; nullo oppugnante ea, quæ Senatus, publico edicto toto terrarum Orbe promulgâisset; quin etiam edictum à nullo Romano Pontifice, ullâ unquam censurâ fuisse improbatum.

Sextò: non promoveri aut augeri, sed potius atteri rem Ecclesiasticam nimis aut præposteris inceptis; defendique potuisse, adversùs Pontifices vehementissimos ac nimia ausos, temporalia jura supremarum potestatum, integrâ religione sedisque Apostolicæ reverentiâ; cùm ille frater Paulus Calvinianæ hæresi, quam Cucullatus sovebat, per eorum dissidiorum occasionem (*g*), aditum aliquem quærens, nullum invenerit, aut Senatum inducere ausus sit, insidiosissimus licet, ad infringendam sedis Apostolicæ majestatem.

Hæc perpendant, qui religione semel nominatâ, Romano Pontifici permittenda omnia, etiam temporalia; eamque sententiam ad Romanam fidem putant pertinere.

Neque eò seciùs hæc atque alia hujusmodi dissidia, & inviti commemoramus, & toto animo, ut Ecclesiæ simul & Reipublicæ noxia aversamur; gravemque putamus divini numinis ultiōnem incumbere his, qui hæc vel induixerint, vel libenti animo susceperint, aut ullo modo aluerint, vel ad ea ociius restinguenda sudoribus ac sanguini pepercerint.

(*f*) *Hispanis . . . in hujus glorie partem venire cupientibus.*] Rex Hispaniarum Philippus iij. solus dilata pacis causa fuit, dum se cum omnibus suis copiis Pontifici offerebat, ad bellum Venetiis inferendum. Vid. ejus epist. ad Paulum v. ap. Thuan. lib. cxxxvij. Deinde, seu pudore vieti, seu quâlibet aliâ de causâ, pacis arbitrii esse voluit; & quidem nonnullas conditiones proposuit. Veneti ipsum arbitrium admirerunt; non item conditiones, quas, ut iniquas, nec Reipublicæ dignas majestate respuerunt. Quapropter, rebus denium compotis, quanquam uno Henrico Magno reconciliatæ pacis honor deberetur, & Hispani exiguam operam navassent, Veneti tamen Hispaniarum quoque Regi gratias referri jussérunt.

(*g*) *Per eorum dissidiorum occasionem,*] Anonymus libellum fixerat Venetiis, quo Rem publicam adhortabatur ad desciscendum ab Ecclesiâ Romanâ. Hujus porrò libelli autorem fuisse fratrem Paulum seu FRA-PAOLO non est verisimile. Qui enim clandestini artibus ille ageret, qui tantum poterat autoritate, quique, ut totius gentis Venetorum Theologus, earum rerum quæ tunc fiebant pars erat maxima? Utcumque est, Senatus in libelli autorem inquiri jussit, & interea edicto confirmavit, se à fide & obedientiâ sanctæ Sedis nunquam discessurum. Hujus dissidii tempore, FRA-PAOLO usus operâ Marci-Antonii DE DOMINIS, edidit apud Anglos historiam Concilii Tridentini, eo nempe consilio, ut Curiam Romanam calumniis respergeret, & sanctæ Synodi decretorum imminueret autoritatem. P. LE COURAYER, olim S. Genovesæ Bibliothecarius, nunc Doctor Oxonienfis, hanc historiam Gallicam fecit, eique addidit notas plurimas, in quibus multa peccat multisque modis; cuius errores Theologicos & historicos confutari necesse esset, non strictim & leviter, quod jam nonnulli fecerunt; sed singulos penitus rimando & perscrutando. Non enim P. LE COURAYER is est qui contenni debeat, doctus nimirum & facundissimus. Quapropter manu cum illo nemo conserat, nisi qui multâ instructus doctrinâ, erit etiam in arte criticâ non parùm exercitatus.



C A P U T X I I I.

Cardinalis BELLARMINI libri adversus BARCLÆUM: Senatus decretum, antiquis ejusdem Senatus decretis congruum, quæ sacra Facultas suscepit: Regii Consilii decretum: PERRONII Cardinalis opera.

Arrest du Parlem. 26. Nov. 1610; vid. lib. cui titulus *Recueil de piec. concr. l'hist. de Louis XIII.* Par. 1717. toin. iv. p. 11.

ANNO 1610. 26. Novembris aliquot mensibus post Henrici IV. infan-

dam ac parricidalem cædem, Cardinalis Bellarmini tractatus de po-

testate summi Pontificis in temporalibus, adversus Guillelmum Barclæum,

prodiit. Is statim à Parlamento Parisiensi est proscriptus, *vetitumque est*
sub pœnis leſa Majestatis, ne quis eum librum haberet, ederet, venderet, ut
qui contineret falsam & detestabilem propositionem, eò pertinentem, ut submit-
terentur homini à Deo constitutæ supremæ potestates; & adversus eorum per-
sonas & Imperia subditæ populi concitarentur. Interdictum toto Regno, ne
quis eam propositionem directè vel indirectè doceret.

* 12. Novemb.

Hoc Senatus decretum consonabat ei quod ab eodem Senatu anno 1561.

editum fuerat, jussusque Tanquerellus hæc verba promere: *Mihi displiceret,*
quod dixerim, quod Papa Christi Vicarius Monarcha, spiritualem & secula-
rem potestatem habens, Principes suis præceptis rebelles, dignitatibus privare
poteſt.

Bochel. Dec. Eccl. Gall. lib. v. cap. vij. vij. v d. Dup. xvij. fcc. p. 1469.

Item ab eodem Senatu anno 1595. eandem doctrinam ejurare jussus est

Florentinus Jacob Clericus regularis sancti Augustini.

Utroque decreto vetita sacra Facultas hanc doctrinam permettere, gra-

tias Senatui egit, decretisque paruit.

His ergò consona adversus Bellarmini librum Senatus decreverat; cujus

decreti, Cardinalis Perronii operâ, suspensa est à supremo Regis Consilio,

executio, usque ad Regis beneplacitum; decretumque id eâ est formâ, quâ

Rege præsente decerni solet.

Rec. de piec. &c. ib. p. 13.

Causabatur Perronius Bellarmini in Ecclesiam merita, dicebatque, pu-

illo Principe ac novo Principatu, omitti oportere ea, quæ Romanæ Cu-

riæ displicerent. Datum ergò temporibus, ut res in suspenso haberetur;

neque quidquam aliud potuit impetrari. Data clam opera est, ne Bellar-

mini hic evulgaretur liber, aut sententia doceretur, virique tantum nomini

& honori parcitum. Alii laudabant Perronii prudentiam: plerique, hoc ob-

tentu, veterem Galliæ vigorem infringi, & gliscere adulationem dolebant.



C A P U T X I V.

*Conventus Ordinum Regni 1614. Articulus propositus à tertii
Ordinis deputatis : cur Clerus obliterit , adjunctâ nobilitate :
PERRONII Cardinalis oratio quatenus à Clero probata : an hæc
novissimæ Cleri Gallicani Declarationi noceant ?*

ANNO 1614. habitu sunt , jubente Rege , generales Ordinum regni conventus ; anno deinde 1615. Decembris 15. à tertii Ordinis deputatis , inter articulos Regi offerendos , primus hic fuit : *Ne invalesceret pernicioſa doctrina , quam ab aliquot annis contra Reges ac potestates à Deo constitutas , seditioni homines inducere conarentur : Regi supplicandum ut haberetur id pro lege fundamentali Regni , in conventu Ordinum fixâ : à nullâ potestate deponi posse Reges nostros , aut eorum subditos à Sacramento fidelitatis absolvi : eamque doctrinam , ut verbo Dei consonam , ab omnibus tenendam & subscribendam , etiam ab Ecclesiasticis , antequâm ullius Beneficii possessionem obtinerent : contrariam sententiam , quod Reges occidi ac deponi possent , ut impiam ac detestabilem esse rejiciendam : quicumque exterorū eam tuerentur , publicos regni hostes ; quicumque civium , perduelles ac Majestatis reos nullo discrimine judicandos.*

Sacro Ordini grave visum est , à regni Ordinibus , autoribus tertii Ordinis deputatis , de religione decerni ; tum de autoritate Papæ moveri controversias , ac fieri decreta , quibus Ecclesiæ scinderentur Cardinales , qui conventui frequentes aderant , magni apud omnes nominis atque autoritatis , his maximè movebantur : decretumque est , articulum non esse admittendum. Delegatus à sacro Ordine Perronius Cardinalis , adjunctâ nobilitate , ad tertii Ordinis deputatos , eam orationem habuit , cuius mentionem sèpè fecimus. Summa est : *De tribus agi : primum , de Regum Parricidiis : alterum , an Reges nostri supremâ temporali potestate gauderent , nullius scilicet feudo obnoxii ; ac de his duobus nullam esse controversiam. Tertium caput , de quo esset quæſtio , ita Cardinalis proponebat : An Reges dato sacramento ad tuendam Catholicam fidem Deo ac populis obligati , si eam fidem publicè ejurrarent ac persequerentur , hujus juramenti religione contemptâ , deponi posſint , ac subditi vicissim exsolvi à praſito fidelitatis sacramento , & à quo id fieri posſit. Contendebat autem eam quæſtionem inter problematicas recentendam ; eo quod ab undecim ſaculis nunquam ei in Ecclesiâ propugnatores defuerint : ad hæc ſi judicanda videretur , id fieri non posse à conventu Ordinum , qui ſecularis eſſet , oberturaque hinc ſchismata , imò etiam hæresim , cum anteacta ſacula , ipſique Pontifices erroris damnarentur.... multa quoque in regnum & Rempublicam incommoda , perturbationes graves ſecturas : quin etiam nocere Regum incolumitati ac Majestati ea , quibus illam adjuvare vellent.*

Hæc vir maximus totò eloquentiæ flumine peroravit. Jam objicitur nobis , non modò tanti Cardinalis Archiepiscopi Senonensis toto Orbe cele-

Merc. Frāc.
& Hist. de
Louis xij.
Par. 1716.
tom. j. pag.
297.

Euv. div.
pag. 599.

Ib. p. 601.
602.

bratissimi , ac de Ecclesiâ Catholicâ benè meritissimi , verùm etiam Cleri totius , cuius nomine agebat , autoritas ; quæ duo magno habemus discrimine. Aliud enim est Cleri decretum , aliud ab oratore ingeniosissimo quæsita & aptata causæ argumenta.

Ac de Clero quidem quod objici potest , nostros nempè Episcopos nunc à Majorum sententiâ deflexisse , cùm id anno 1682. declarârint , quod ne declararetur , eorum antecessores anno 1615. tanto studio obstiterunt : facilis responsio ex dictis.

Quòd enim Clero Gallico anno 1615. displicuit , hæc quæ ad religionem pertinerent , nomine Ordinum regni fieri , idque autoribus laicis tertii Ordinis deputatis , nihil ad conventum nostrum anni 1682. attinet. Conventus Ordinum regni , licet ibi sacer Ordo , & ut regni membrum interfit , & pro suâ dignitate primas ferat , tamen civilis conventus est , Reipublicæ , non rei Ecclesiasticæ causâ convocatus ; ubi Ordo Ecclesiasticus , conventus tertia pars , à duobus Ordinibus laicalibus numero ac suffragiorum autoritate vincitur ; de cuius articulis Rex decernit supremâ autoritate : conventus verò noster anni 1682. totus Ecclesiasticus , ac de re Ecclesiasticâ congregatus , à Rege non decreti firmamentum , sed executionem , Patrum more , exspectavit.

Quòd autem anno 1615. metuebant ne schismata fierent , gravi adversis Catholicos , qui à nobis dissentirent , intentatâ censurâ , id conventus noster cavit , dum & veritatem afferuit , & ab omni censurâ temperatum esse voluit.

Quæ cùm ita sint , nihil jam necesse est nos de Perronio Cardinale admodum laborare , utcumque adversæ sententiæ favisse videatur. Facilè enim credimus vehementissimum oratorem , ipso , quo rapiebat cæteros , eloquentiæ impetu , fuisse abreptum : neque veritum auditores ultra metas impellere , ut cùm se repressissent , tamen quo ipse vellet loco consisterent , atque à censurâ abstinerent. Quamquam & alij causæ inerant , cur in Romanam Curiam propenderet ; ut nec mirum sit , si Gallicani Patres potioribus ducti momentis , ab ejus sententiâ discesserint.

Ne quid tamen prætermisssæ videar de ejus oratione , quæ meo quidem judicio momenti sint maximi , pauca dicam.

C A P U T X V .

*In PERRONII Cardinalis oratione ad tertium Ordinem annotatas
quædam : ejus dicta confutantur : acta laudantur :
hujus controversiæ finis.*

AC statim occurrit ipsa quæstio artificiosissimè constituta. Illud ex dialectices regulis , atque ab intimo artificio depromptum , quòd oppugnaturus universalem negativam istam , quam legis fundamentalis loco esse volebant : *Nullo casu Reges à Pontifice deponi possunt* ; opponebat ille vid. Perr. loc. cit. p. 600. particularem affirmativam hanc : *Possunt à Pontifice deponi aliqui Reges , his nempè conditionibus ; si fidei Catholice propaganda sacramento obligati sunt* ,

si eam deserunt; si denique persequuntur. Quibus cùm finibus quæstionem circumscriberet, eò coarctare adversarios nitebatur, ut, quod erat invidiosum, Reges hæreticos, violatique jurisjurandi reos, ad hæc pèrsecutores, defendere viderentur. Illud interim studiosissimè tacuit, quod sàpè jam diximus: inter indirectæ potestatis defensores, neminem umquam fuisse aut esse potuisse, qui se his finibus contineret; quippe cùm indirectam potestatem Dei gloriâ, animarum salute, & potestate clavium metiantur: quam quidem ad hos tres redigere casus, non modò esset absurdum, verùm etiam hæreticum.

Quare nec ipse Cardinalis, qui se ad eos redegisset, quidquam probare potuit, nisi ultra tenderet; protulitque depositos Henricos *, Fridericos **, nullum Catholicæ fidei articulum denegantes, Childericum etiam Francico Regno, & Græcos Imperatores imperio Occidentali nudatos, cùm nihil Ecclesiæ repugnarent. Nec tantum virum puduit allegare Gregorium Magnum, tanquam privatum Imperio Reges, si unius Xenodochii privilegium violassent.

Id sensit vir acutissimus, atque ultrò professus est, *adhiberi à se ejusmodi exempla, quatenus inservire possent huic thesi generali: dari quosdam casus, quibus subditi exsolvi possent à praestito Regibus sacramento; aut huic hypothesi particulari: licere id fieri in Principes hæreticos, sive apostatas, ac persecutores.* Tanquam in oratoris potestate esset, coercere ad arbitrium ipsam argumentorum vim; non autem aut totâ vi suâ valeant; aut, si nimis probant, totâ vi suâ corruant.

At illud dissimulare non possum, quòd etiam ab Orientalibus bellis sacris præsidium quærit; contenditque: non alio nomine iustum piumque esse Christianorum adversùs Turcas bellum, quàm quòd infidelis Princeps, nullum jus sibi in Christianorum provincias comparare possit: *Quod negare, inquit, nihil aliud esset, quàm errorem Lutheri defendere, priscorumque heroum, qui adversùs Mahometanos tanta bella gesserunt, Sancti etiam Ludovici damnare memoriam.*

Neque illud perpendere voluit, Mahometanos ac Turcas ex quo extiterunt, hostilem animum, atque inexpiable bellum professos adversùs Christianas Provincias, meritò ut perpetuos hostes atque invasores haberi, qui etiam ubi pacem se fovere simulant, nihil nisi bella cogitant, idque ex ipsis impiæ legis placitis: nullâ nobiscum pace tutâ, nullo fido fœdere, nullo unquam beneficio, nisi Cyclopicō; ut extremi pereant, quibus interim percisse videantur. Quo jure quis dubitet justa Christianorum inter se adversùs communem hostem fœdera, justas societas; ac prorsùs suo more insanisse Lutherum, qui à tetris prædonibus bellum amoliretur? Hæc quàm procul absint à nostrâ quæstione, ne imperitissimos quidem fugit, nedum tantum virum latere potuerit; qui tamen hîc, si Deo placet, & S. Ludovici damnandam memoriam & Lutheri errores crepabat, credo, ut pueros territaret.

Pessimum & illud quod toties inculcavit: causam depositionis, vel maxime in eo esse, quòd mutuo sacramento, & se Reges populis ad tuendam rectam fidem, & populi Regibus ad fidele obsequium obligârint; ut si illi à

* iv. & v.
** i. & ij.

Ib. p. 602.
603.

Ib. p. 630.

Ib. p. 599.
627. 628.
630. 631.

juramenti religione discesserint, hi quoque vicissim à dato sacramento ab solvi possint: neque verò obstare *Quod Reges etiam ante coronationem fac tamque unctionem, ac praestitum jurandum regnent; responderi enim ab indirecte potestatis defensoribus, Reges nondum consecratos sic haberi, ut qui jam in predecessoribus solenne jurandum populis praesiterint.* Hæc enim quam vanè jaotentur, multa demonstrant; imprimis quòd ne illud quidem ad causam, hoc est, ad Pontificiæ potestatis questionem pertinebat: quippe cùm si semel statuamus Reges conditionali tantùm conventione regnare, jam, nullo Pontificiæ potestatis interventu, sponte evanesceret illa Regii nominis autoritas, ruptis conventis conditionibus quibus niteretur. Huc accedit illud à Cardinali pro certo positum: Principum juramentis eam contineri regnandi conditionem, quâ deficiente simul solvantur Imperia; quod ille immerito pro certo habuit. Ea enim juramenta valere ut commendetur infigaturque Principis animo vera fides; non eo profectò ut regnandi jus ad conditionalia pacta necessariò revocetur, ut suo loco docuimus, & Anastasii, Leonisque Imperatoris suprà memorata exempla testantur.

Sup. lib. ij.
c. i. p. viij. xj.
xij. & seq.
Perr. loc.
cit. p. 628.
Ib. p. 663.
Ib. p. 628.

Neque tolerari potest quòd Perronius ita argumentatur: *Aliud esse, adversus jurisjurandi religionem actu quodum, aliud ipsa professione pugnare, aliud peccare adversus jurandum, aliud ipsum jurandum evertere contrario etiam edito jururando....* Et quidem cùm aliquis Princeps injustè judicat, peccare illum contra jurisjurandi religionem; at si profiteretur juramentoque firmaret, se semper injustas dictum sententias; tum vero everteret, inquit, ipsum jurandum de servanda justitia, simulque regnum abdicaret, eversa conditione regnandi. Ita deinde respondet: *Regni sub Christo obtinendi fieri incapaces, qui a raptito ipsi Christianis que populis fidei Catholica servanda sacramento defecerint.* Hic lubens à tanto viro quererem, in historiis ac libris, quos studiosissime evolvit, ecquem invenitur Principem, qui ipsam justitiam factâ professione ejurârit? Certè neminem. Multos autem à rectâ fide abhorruisse lugemus, qui nihil secundum Rempublicam benè gesserint; quandoquidem Deo placuit, veram fidem, non humanâ sapientiâ comparari, sed divinâ gratiâ provenire. Quorsum ista? Ut pateat, illam quam fingit Cardinalis de justitiâ ubique contemnendâ professionem juramento firmatam, ne in insani quidem Principis mentem incidere posse. Quamobrem si fingerendum est quid fieret de Principe qui ita justitiam ejuraret, facile respondeamus, amovendum eum à gubernaculis, dandumque tutorem, non quidem ut ei qui regnandi conditionem violaverit, sed ut ei qui propriè strictèque supra omnem humanum morem insaniat. Ita, inquam, ei tutor adhibendus esset, uti phreneticis ac furentibus Principibus factum est, ab iis ad quos pertinet; non tamen profectò à Romano Pontifice aut sacrorum Antifititibus, qui quidem nihil magis huic rei se immisceant, etiamsi eam vel maximè placet fieri, ex conditionalibus pactis. Maneret enim jus suum integrum liberæ civitati; quo jure fraudari nequeat; nequidem si religio conditionali scđere continetur. Eo enim casu postquam de religione sacrificie, sacrorum Antifitites, tum de Imperio, libera Respublica civitasque decerneret; ut profectò hæc omnia, quæ tanto circuitu apparatuque verborum amplificat eloquentissimus Cardinalis, extra causæ statum tota sint, nec nisi imperitis sucum faciant.

Quòd autem declamat Reges, sacramento dato, Christo Regi obnoxios, *ipso feloniae criminis, excidere feudis, quos à supremo Domino Christo obtineant*; tanquam Christo Regi, accepto à Regibus fidelitatis sacramento, novum jus in Reges comparetur: hæc ut in populari oratione toleramus, ut Theologicè ac seriò dicta respuiimus; neque propterea tanti viri judicio nostrum anteponimus; sed tamen docemus multūm interesse, an quis oratoriis ampullis, an Theologicâ gravitate ac simplicitate differat.

Cæterū id sufficit maximi Cardinalis gloriæ, quòd si ejus dicta quædam reprehendere cogimur, certè gesta laudamus. Gloriatur enim, nec immitiò, se verè genuinèque Francum Francorumque filium, semper adhæsse Regibus, semper respexit Reges; ac post Henrici III. necem Henrico IV. Magno obsecutum esse; & quidem tutâ conscientiâ, ex utriusque partis sententiâ; cùm ille Princeps nunquam incorrigibilis fuerit, relapsus verò habitus sit, informatione falsâ. Optimè omnino. At illud interim constat: eum, dum turâ conscientiâ sequitur Principem à Romanis Pontificibus Regno exclusum, abundè docuisse quām facile hæc à Pontificibus, circa Imperium ac res temporales decreta, viri boni gravesque omittere potuerint.

Ib. p. 6; 6.

Hæc ad orationem Perronii dicenda habebamus. Et quidem ea omnia de regnandi conditionalibus pactis, quæque sint aut esse fingantur, quæque etiam esse possint, uno verbo transfigimus; quæstionesque eas à causâ nostrâ prorsùs alienas, ab hâc disputatione procul amovimus: quippe cùm agamus de jure divinitùs annexo clavium potestati, non de ejusmodi, quæles singi possent, Regum, populorumque conventionibus.

Reliqua, quæ tantus Cardinalis copiosissimè prosequitur momenta rationum, aptatoque causæ ab artifice summo veterum locos priscæque historiæ, hîc excuti nihil necesse; cùm hæc omnia suo loco in hâc tractatione, diligentissimè perpensa, atque explorata sint, presso etiam plerumque auctoris gravissimi nomine.

Neque id omisimus, quod est occasione hujus controversiæ coram ipso Rege, à sapientissimo Principe Condæo peroratum, nihilque hîc dicendum superest, quod ad nostram quæstionem faciat, nisi id: rem ad Regem evocatam, ac postea silentio esse transactam.

Sup. lib. j.
sect. ij. cap.
ij.

C A P U T X V I .

Censura SANCTARELLI. An Cardinalis PERRONIUS jure metuere, ne Ecclesia errasse videretur, si censurâ notata esset illa de deponendis Regibus sententia.

CÆTERUM cùm de deponendis Regibus nova quotidie scripta prodirent, atque Antonii Sanctarelli exitiosissimus èâ de re circumferretur liber; ne porrò pergerent his inventis, Ecclesiæ conciliare odia, ac Republicam commovere, nostræ Facultati visum est, etiam censurâ comprehendam ingeniorum licentiam: atque anno 1626. magno omnium consensu Magistrorum, totiusque Regni applausu, illud decretum prodiit quod supra retulimus.

Ib. cap. iv.

Perr. loc. cit. p. 634. Non illi metuerunt, quod Perronius Cardinalis nimio causæ suæ studio, in illâ oratione imminere dixerat: ut si sententia de deponendis Regibus censurâ notaretur, sedes Apostolica aberrâsse à fide, imò ipsa à multis jam sœculis cecidisse videretur Ecclesia; non id, inquam, metuerunt. Satis enim intelligebant, illos qui eam sententiam secuti essent, non eam amplexatos, ut dogma fidei, uti à nobis luculentissimè demonstratum est: neque verò ignorabant præstandam Theologis ipsam Ecclesiæ Romanæ fidem, non etiam magnorum quamlibet virorum, aut Romanorum quoque Pontificum opiniones certis temporibus natas: neque iis præjudicari adversus veritatem ac Majorum doctrinam. Neque enim si Papias, Justinus, Irenæus, aliique Apostolici viri ac sancti Martyres mille annorum Regnum approbârunt, communisque ea primis sœculis sententia ferebatur, idè nunc vetamur rejicere eam, ut Evangelicæ Apostolicæque doctrinæ contraria; quantò minus eas, quæ postremis sœculis opiniones succreverunt? Imò id argumentum fuerit divinæ providentiæ tuentis Ecclesiam; quod ingenii ultrò in dubia aut falsa labentibus, cursus tamen opinionum divino Spiritu sustentetur, quominus in Ecclesiæ fidem irrumpat. Quare sacra Facultas nihil dubitavit subortam de deponendis clavium autoritate Regibus opinionem improbare & damnare tanquam novam & falsam, erroneam, ac verbo Dei contraria. Id tantùm cavit, ne hæreticam, tacente Ecclesiâ, declararet. Huic censuræ consonant articuli anno 1663. Ludovico XIV. oblati;

Sup. lib. j. sedt. j. cap. v. vid. diff. præv.

quos alio loco memoravimus: à quibus Facultatis nostræ decretis, uti incœpimus, ita in his desinemus; Deoque agimus gratias, quòd hanc tractationem à remotissimis usque temporibus ad nostra tempora, eo duce atque auctore, deduximus, nostramque doctrinam tot labentibus sœculis immotam invictamque præstítimus.

C A P U T X V I I.

Recapitulatio dictorum ad Caput I. Gallicanæ Declarationis de temporalis potestatis supremâ autoritate: an quod Cardinalis PERRONIUS objicit, nostram sententiam Romani Pontifices pro erroneâ habuerint? An ab illis Conciliis damnata sit? An aliquis ex eâ adversus Ecclesiæ autoritatem metus?

JAM quæ ex dictis, totâque hâc tractatione consequantur paucis colligamus. Et quidem, id erat nobis propositum uti doceremus, non modò nostram sententiam ab omni censurâ esse liberam; sed etiam veram, antiquam, firmam; ac si censura adhibenda sit, eam meritò in adversarios intorqueri. An id probaverimus recensitis omnibus quæ pro utrâque parte retulimus, documentis, intueri placet.

Sup. lib. j. **I.** Ergo hæc demonstravimus: quam Ecclesiastico ordini, Romanoque Pontifici, virtute clavium tribuunt rerum temporalium ac deponendorum Regum, sive directam, sive indirectam potestatem, eam ad nimia, periculosa

Iösa , horrenda deducere , ejusque sententiæ novitate totam Ecclesiam perturbatam.

II. Gregorium VII. qui primus omnium de deponendis Regibus cogitavit , etiam requisitum , nullum ejus rei exemplum , nullam autoritatem proferre potuisse : nec nisi manifestè vana , nimia & nulla respondisse : eundem nec sibi constare potuisse ; novaque superstruxisse novis , quo ausu suis decretis omnem autoritatem abrogâsse .

III. Eam potestatem in omnibus veteris novique Testamenti libris penitus inauditam , neque unquam traditam , cùm res atque occasio id maximè postularet ; imò disertè explicatum à Lege , à Prophetis , à Christo , ab Apostolis , regiam potestatem in temporalibus soli Deo subesse , eique potestati , etiam sacerdenti , atque Ecclesiam persequenti , in civilibus rebus præstandam obedientiam , nedum illi ullâ etiam Pontificiâ autoritate repugnetur .

Ib. sect. ii.

IV. Eam doctrinam ad secuta sacerdula dimanâsse , & usque ad extremum serè undecimum sacerdulum Regibus idololatris , apostatis , hereticis , excommunicatis , Ecclesiam persequentibus , fidem atque obedientiam integrum esse servatam : nunquam vel intentatas minas depositionis , neque quidquam , de eâ unquam , cùm id res maximè posceret , à quoquam Christiano , sive Clerico sive laico fuisse jactatum ; sed omnes ita concurrisse in obsequium , ut qui nihil aliud cogitarent .

Sup. lib. j.

V. Id factum iis regulis atque sententiis , quæ ad omnem ætatem , ad omnia tempora æquè pertineant ; pessimèque mereri de Christianâ religione eos , qui postremâ ætate dixerint , Apostolis , Martyribus , Patribus , Romanis denique Pontificibus , civili potestati etiam adversanti obedientibus , nocendi vires , non autem voluntatem atque animum defuisse . (b)

VI. Quæ à Gregorio VII. ac deinceps in eam rem decreta gestaque sint , peccatis initii , pessimo exitu processisse .

VII. Qui Gregorio VII. autore , à Regis obedientiâ recesserint , manifestè falsâ opinione ductos , malè intellecto interdicto de vitandis excommunicatis ; eorumque doctrinæ secutos Pontifices , Theologos omnes atque Canonistas , ipsum etiam Gregorium VII. obstatisse .

Sup. lib. iij.
& hoc lib.

VIII. Pontifices Romanos in deponendis Regibus Gregorium VII. de facto imitatos , non de jure processisse ; neque unquam quæsitum , neque canone aut professione editâ constitutum , utrum & quid Ecclesiæ circa temporalia ordinanda Christus concesserit : unum Gregorii VII. factum pro summâ autoritate fuisse : ergò Pontifices non ex certo dogmate , sed ex opinione , quæ ipsis tantum probabilis videretur judicâsse , neque hæc ad Ecclesiæ doctrinam omnino pertinere , fatentibus etiam iis , qui Romanæ infallibilitati maximè faveant .

IX. Prolatas etiam in Synodis à Romanis Pontificibus circa Reges depoñendos sententias , à nullâ Synodo dictis sententiis , editoque Synodico de-

(b) nocendi vires , non ... voluntatem ... defuisse .] Præter Pontificiæ potestatis nimios defensores , D. JURIEU , qui in priorum Patrum famam ac sanctitatem tam irreverenter & protervè invehitur , eam opinionem defendit , eo æstu & impetu , quo sæpè solet ea tueri ; quæ omnibus absurdissima videantur . Vid. hunc à D. BOSSUET egregiè confutatum , Avertissemens aux Proteft.

creto comprobatas : tanquam prohibente Spiritu Sancto , ne se rebus novis sacræ Synodi immiscerent.

X. Viros sanctos doctosque, qui post ea Pontificum, de deponendis Regibus, decreta floruerint , nihil iis motos in Patrum sententiâ perstitisse.

XI. Bonifacium VIII. qui primus omnium aggressus sit temporalium rerum ordinandarum ac deponendorum Principum potestatem Sedi Apostolicæ edito canone in Bullâ , *unam Sanctam* , vindicare , iei novitate de territum, in nudâ rei expositione stetisse ; neque ad eam definiendam profiliisse; & tamen, ne valeret id quod vel exponendo in publico diplomate dixerat, Bullam, *unam Sanctam*, eâ in parte ab ejus successoribus ita habitam , ac si nunquam extitisset , eâque ratione vacuatam.

XII. Ecclesiam Gallicanam , Clerumque Gallicanum apertè obstitisse iis ; quibus idem Pontifex , propter subordinata religioni Regna , summam sibi potestatem in civilibus tribueret : quæ eâ occasione Ecclesia Gallicana , Regnique Ordines , ipse Rex , Doctoresque Theologi religiosorum Ordinum gesserint , scriperint , decreverint , ea illæsa & immota stetisse & stare : quæ verò Bonifacius , ea à securis Pontificibus antiquata , erasa , abolita esse.

XIII. Quæ à sacris Conciliis Ecumenicis circa temporalia decreta sint , nunquam autoritate clavium facta esse : nunquam adscriptum eâ autoritate fieri ; imò explicatum fieri , mutuatâ à Regibus potestate ; neque unquam ea decreta , nisi consensu Principum valuisse.

XIV. Cùm à Romanis Pontificibus Reges pro potestate depositi sunt ; nunquam ab ullo Rege , nunquam ab ullius Regni Ordinibus hanc potestatem fuisse agnitam ; imò obstitisse Regna Regesque , remque ad cruenta bella externa & civilia esse deductam : quare nec Regna unquam verè data esse ; sed belli causas dumtaxat , atque ambitioni , rebellionisque colorem ac titulum , totumque Orbem his bellis conflagrâsse ; atque omnino has Regum depositiones Pontificiâ autoritate factas , nulli unquam utilitati , maximo damno atque invidiæ fuisse.

Ex his facile duo hæc Christianus lector intelliget.

Pert. loc. Primùm id : Cardinalem Perronium haud ex vero dixisse : *A Papâ haberi nostram sententiam tanquam erroneam*. Nullus enim Romanus Pontifex id unquam docuit , vel censuit : malè item afferuisse eundem Cardinalem :

A decem Conciliis contrariam sententiam , ut veram fuisse suppositam ; cùm ne unum quidem Concilium extiterit , à quo dictis sententiis Romanorum Pontificum in deponendis Regibus sententia comprobetur , aut potestas temporalium Ecclesiasticis clavibus annexa doceatur : frustrâ ergò metuisse eundem Cardinalem , ne si annexa clavibus temporalium potestas , inustâ notâ proscribatur , Ecclesia Catholicæ , Sedisque Apostolicæ fides , atque autoritas collabescat ; cùm nullum Ecclesiæ , nullum Apostolicæ Sedis de eâ potestate decretum proferatur ; imò talis potestas cum Scripturæ ac Traditionis autoritate stare non possit. Hoc primum ex nostrâ tractatione con sequitur.

Alterum istud : nisi Gallicani Patres summo studio pacem colerent , nihil obesse potuisse , quominus adversam sententiam totâ Scripturarum , ac Traditionis autoritate , longoque malorum experimento proscriptam , iisdem

afficerent notis, quibus Sanctarelli doctrinam sacra & sapientissima Facultas configendam censuit. Sed Episcopalem Declarationem, quò per se est gravior, eò moderatiorem esse debere judicarunt; atque id facere contenti, quò tam periculosa, tamque invidiosa novitas ultrò corrueret, non modò ab omni contumeliâ, verùm etiam à censurâ, quamvis æquâ, temperarunt.

C A P U T X V I I I .

De Regibus propter hæresim & apostasiam deponendis: cur atate postremâ multi Reges consenserint? Cur Scholastici Doctores?
Cur ab eâ sententiâ discedamus?

QUÆRES qui factum ergò sit, ut Doctores Scholastici passim in eam sententiam abierint: Reges Christianos, saltem propter hæresim atque apostasiam, deponi posse ab Ecclesiâ; & cur ipsi Principes postremis temporibus id ultrò fateri videantur? Cujus confessionis quædam acta referuntur.

Facilè respondemus: primùm, ut sàpè diximus, hæresis atque apostasiæ causas nihil habere proprium, quo Reges Pontificibus faciant obnoxios: cùm Clavium potestas, cui volunt connexam hanc deponendi Principes potestatem, non restringatur hæresis atque apostasiæ causis. Quòd ergò quidam fortè Principes se propter eas causas deponi posse concesserint, id non oriatur ex ullâ potestate, quam in Pontificibus agnoscant ad ordinanda temporalia: sed quòd hæresim detestati, omnia in se ultrò permittant, si eâ se peste infici finant. Cæterùm cùm ab hæresi tantoperè abhorrerent, sanè intelligebant nihil in se juris cuiquam dari à se, qui hæresis tantum causâ dedissent.

Cur autem non eâ causâ nunc deponi posse fateamur: primùm id prohibet, quod verum amamus, ac priscam Ecclesiæ & profectam ab Apostolis Patribusque doctrinam novitiis opinionibus anteponimus: alterum, quòd hæresis nomen tam diffusè pateat, ut ad omnem causam latâ interpretatione facilè deducatur; quo ambiguo verbo involvi sublimes potestates publica tranquillitas non finit: denique, quòd hæresis etiam strictè sumptæ semel admisâ causâ, alias repudiare non sit integrum; quique eas causas separant, vel fraudem moliantur, vel in summâ ignoratione versentur.

De Scholasticis verò, qui ab aliquot sæculis post Sanctum Thomam & alios, magno consensu fateri videantur, hæresis & apostasiæ causâ deponi posse Reges; præter ea, quæ dicta sunt *, hæc insuper addimus: manifestè eos falsos ac nimios fuisse, qui hæresis atque apostasiæ causam sufficere dixerint; cùm Perronius hæresi atque apostasiæ violatum jusjurandum ac persecutionem adjunxerit: Bellarminus verò id saltem, ut *subditos à fide abstrahere conentur*; quod si defuerit, quietè pacatèque regnent. Quare haud dubium est, quin Scholasticorum hâc in parte caduca & infirma habenda sit autoritas, cùm ii, Bellarmino & Perronio fatentibus, falsi ac nimii fuerint.

Jam ergò meminisse nos oportet opiniones Scholæ, quantum à Scholæ

* In Appendix lib.
ij. cap. xiv.

decretis dogmatisque differant Melchiore Cano teste. Eo namque aucto^rs nobis est integrum , ut à Scholæ opinionibus liberè recedamus , eisque anteponamus Majorum dogmata , quæ eodem Cano teste , multò illustriora firmitioreque fint.

Idem Melchior Canus decreta ac placita Scholæ eò internosci docet à Scholæ opinionibus , quòd placita quidem firmo judicio stent ; nec sine censuræ notâ ii elabantur , qui ab his discesserint. At inter Scholasticos aliquujus certè nominis (quis enim præstare omnes audeat , aut verò legere velit , quos ad contaminandam potius quam ad tractandam Theologiam diræ intemperiæ tanto numero egerint ?) Inter illos , inquam , neminem invenies , qui ad fidei dogmata referat eam , quam Pontificibus tribuunt in deponendis hæreticis Regibus potestatem. Quod ergò hîc sentiunt , ad opiniones , non ad placita Scholæ pertinere constat.

Certè Scholastici veteres , per librorum penuriam , aliasque causas , tantâ multarum rerum , præsertim juris publici , imperitiâ laborârunt , ut eos in his quæstionibus testes adducere , relictis Patribus , nihil aliud sit , quam altâ caligine demersos , in apertâ ac limpidâ luce versantibus anteférre. Vel hoc exemplum perpendant. Quis è Scholasticis , aut verò è Canonistis postremi ævi , non id docuit : Clericos nullo modo Principibus esse subditos ? Tantâ publici juris ignorantia tenebantur ! At nunc quotusquisque est , non dico Clericorum , sed Religiosorum , Episcoporum , etiam Romanæ Ecclesiæ Cardinalium , qui non se subditos suis Regibus fateantur , salvis privilegiis ordini suo Ecclesiæ autoritate concessis , & publicâ Regnorum lege firmatis ? Curiales excipio , eosque non omnes. Aut dicant in rebus dubiis , quantum iis fidere nos oporteat , qui Patres apud solum ferè Gratianum legerunt ; rei Ecclesiasticae seriem ignorârunt ; falsas historias aut interpolatas , pro veris atque integris habuerunt.

Talibus ergò delusos , non modò de Principum , sed etiam de Pontificum juribus multa fugerunt ; ac si à Pontificibus Reges hæresis causâ deponi posse fateantur , fatentur interim à Regibus quoque ac particularibus Synodis deponi potuisse Pontifices ; Othonisque I. in Joannem XII. Pontificem gesta laudant , quæ Baronius detestatur : ut non nostra tantum , sed etiam omnium intersit ab his appellari.

Bar. an.
963. tom.
lx. p. 775.
& seq.

Mitto Constantini aliorumque falsas donationes , falsasque decretales , veterum Pontificum nomine consarcinatas , nunc omnium confessione rejectas , tunc tamen pro sacrosanctis habitas ; atque in his quidem nihil legimus , quo Pontificibus ulla temporalium potestas tribuatur. Adeò hæc , quæ nunc vinditant , his quoque novellis ac posteris posteriora sunt. Sed tamen hæc nos admonent , ne imperitis sæculis omnia tribuamus , utque recurramus ad ipsos Ecclesiasticae Traditionis fontes.

Quòd si porrò pergunt Scholasticorum autoritate nos premere circa Principes propter hæresim deponendos ; duo hîc in memoriam revocari volumus.

Primum , id quod gestum est anno 1615. in Ordinum Regni generali conventu , ubi Cardinalis Perronius , allegato licet Scholasticorum sibi favente consensu , tamen id tantum postulabat , ut hæc quæstio inter pro-

blematicas ac liberas haberetur : *An Reges hæretici, ac juratae etiam in coronatione Catholicae fidei persecutores, deponi possint?* Ergò existimabat eam sententiam, quæ depositioni faveret, non inter certa Scholæ placita, sed inter opiniones esse recensendam.

Perr. loc.
c. p. 600.

Alterum quod recogitari volumus, hoc est censura Sanctarelli anno 1626. edita : anno 1682. repetita ; ac vulgati acceptique toto Regno articuli ejusdem Facultatis anno 1663. quibus omnibus sacra Facultas, non modò profitetur sententiam de deponendis etiam hæresis causâ Regibus, non esse inter certa placita referendam ; sed etiam planè rejiciendam, notisque atrocibus configendam. Quare privatorum Doctorum Scholasticonrum opinionibus, quas memorant, opponimus totius Scholæ ejusque gravissimæ, ex quâ nimirum plerique veteres Scholastici prodierunt, non jam opinione, sed certa decreta, toto Christianissimo Regno publicè approbata, toti Ecclesiæ nota, à nemine unquam pro suspectis habita, aut ullatenus incusata.

C A P U T X I X.

*Anonymi autoris, qui tractatum DE LIBERTATIBUS ECCLESIAE
GALLICANÆ edidit, liber IV. ex antedictis confutatur.*

SCRYPTOR Anonymus qui de libertatibus Ecclesiæ Gallicanæ tractatum edidit, primam propositionem nostræ Declarationis aggressus, inde ausepicatur : *An hac propositio spectet ad libertates Ecclesia Gallica?* Quâ quæstione nihil agit, nisi ut inanem litem moveat. Non enim Clerus Gallicanus Ecclesiæ Gallicanæ libertates tantum, sed etiam decreta tutanda suscepit. Scilicet sic incipit Declaratio : *Ecclesia Gallica de cœta & libertates à Majoribus nostris tanto studio propugnatas, earumque fundamenta, sacris canonibus ac Patrum Traditione nixa, multi diruere moluntur.* Quibus verbis, quoniam Anonymus occasionem cœpit tractandi de libertatibus Gallicanis, sancientia integra ea pensitare debuit. His certè vocibus Clerus Gallicanus Patrum scita universem antiquis Traditionibus nixa complexus, illud etiam professus est : *propulsari à se ea, quibus heretici Apostolicam potestatem invidiosam & gravem Regibus & populis ostentent :* quorum numero vel maximè continentur, quæ de illâ Pontificiâ Regum deponendorum potestate, tanquam Ecclesiæ Catholicae dogmata essent, invidiosissimè objiciunt. Hæc igitur Clerus Gallicanus, ut falla & Catholicae Ecclesiæ perperam imputata respuit.

Tract. de
libert. &c.
lib. iv. cap. i.

Declarat.
Cler. Gall.
1682. præf.

Ibid.

Sed age : Anonymo concedamus in Gallicanâ Declaratione tantum agi de Libertatibus : ne tum quidem à verâ libertatum notione discedimus, dum earum nomine retinemus ea, quibus Ecclesiæ prisca jura continentur : arcessimus autem ea, quibus gravari non modò Rempublicam, sed etiam Ecclesiam ipsa experientia docuit.

Quod vero Anonymus difficile intellexit dicit, quâ ratione ad libertates Ecclesiæ revocari possint, que juri Ecclesiæ potius adversentur ; facile admitterem, nisi ea quæ ille jactat jurium nomine, ad Ecclesiæ non jura, sed incommoda pertinere intelligerem.

Anon. loc.
cit. n. 1.

Ibid. n. 2. Neque , ut Anonymus existimat , Clerus Gallicanus libertates Gallicanæ ex Petro Pythœo aut Petro de Marca definivit . Patrum monumenta protrulimus , quibus ad Ecclesiasticam libertatem hæc quoque , de quibus nunc agimus , jura Regia revocantur . Quæ sanè monumenta non miramur ab Anonymo prætermisſa ; quippe cùm de libertatibus Gallicanis contentiosè magis quam verè solidèque scripserit .

Neque quod ille putat , adeò absonum est Regni libertatem cum Ecclesiæ libertate esse conjunctam . Neque dedecori ducimus quod Theologi Christianique jura Regia defendimus , non tam ut jura Regia , quàm ut Christi placita ; Christi , inquam , placita , Rempublicam ordinantis , tranquillantis Imperium , ut Ecclesia in Imperio futura , jam à seditionibus libera , melius Deo serviat : nec placet , religionis specie , regna pessundari , quibus religio tutelæ esse debeat .

Ibid. n. 4. Objicit Anonymus decretalem , novit , in Galliâ receptam , eamque altercationem quæ sub Philippo VI. Francorum Rege contigit : quâ nempè Episcopi contendebant Ecclesiasticam jurisdictionem sese ad temporalia extendere ; cap. xij.

Saltem ratione peccati : quam decretalem omniaque adeò hinc secuta , ab hac

Sup. lib. iij. cap. xxii. quæſtione alienissima esse ostendimus . Neque enim id agebatur , ut Ecclesiastici Judices peccata prohiberent sub depositionis , quod unum hic quærimus , sed tantum sub anathematis pœnâ , ut profecto mirum sit , virum eruditum , ipso in limine , tanquam fundamenti loco illud tantâ ambitione jactâsse , quod nequidem ad quæſtionem pertinere conſtet .

Jam illud quærimus : an seriò velit Judices Ecclesiasticos peccati nomine , de pace , de bello , de tributis summâ autoritate decernere , pacificâ , fœderâ publica privatave , ac publica etiam judicia retrahere ; uno verbo , totam Rempublicam commovere ? Neque enim in his nullum est peccatum . An igitur hæc peccati nomine , ad Ecclesiastica judicia revocabimus ? Aut id ad Ecclesia jura libertatesque pertinere dicemus ? Nón id equidem reor . Imò verò pars libertatis fuerit , ne Ecclesiastici tot sacerdotalibus negotiis impli- cemur , seu potius obruamur . Ea ergo decreta de peccatis ad Ecclesiastica judicia revocandis commodâ interpretatione molliri , ut nos fecimus , non ad extrema urgeri oportebat .

Neque me fugit extitisse tempus , quo Ecclesiastici Judices hoc titulo omnia ad se traherent , atque ad civilia profilirent ; quæ , ut Ecclesiæ profe- cterint , experientia docuit . Certè hinc factum est , ut civilis magistratus , quasi vice versâ , magno Ecclesiæ detimento , tot Ecclesiastica invaderet . Quæ omnia utrinque refescari è re esset , ut omnes verâ pace , verâ libertate potirentur .

Anon. loc. cit. n. 6. Quærerit Anonymus : Aliane sit hodiè Ecclesia Gallicana , ab eâ , quæ anno 1615. tam generosè restitit tertio Regni Ordini , propositionem hanc primam , aut certè simillimam statuere conanti ? Nos autem ex actis docuimus , quæ ea , quæ tunc gesta sunt , à nostris tum ipsâ re , tum ipsâ rei tractandæ ratione , abhorrent . Laudat Anonymus Cardinalis Perronii orationem , quam

Sup. hoc lib. cap. xiv. xv. se totius Cleri , imo & Nobilium nomine pronuntiare affirmabat , quam Clerus Gallicanus , Cleri actis inseri probaverit , jam ab anno 1646. & iterum anno 1673. Hæc refert Anonymus ; neque id investigat : quam causam Perroniū

Anon. n. 6. 8. Anon. loc. cit. n. 6. Quærerit Anonymus : Aliane sit hodiè Ecclesia Gallicana , ab eâ , quæ anno 1615. tam generosè restitit tertio Regni Ordini , propositionem hanc primam , aut certè simillimam statuere conanti ? Nos autem ex actis docuimus , quæ ea , quæ tunc gesta sunt , à nostris tum ipsâ re , tum ipsâ rei tractandæ ratione , abhorrent . Laudat Anonymus Cardinalis Perronii orationem , quam

fusceperit; quid Clerus juss erit; quid à laico aut civili cœtu tractari vetuerit; nec si Clerus Gallicanus summam ipsam ac scopum orationis, ideò omnia quæ in eâ dicta sint comprobavit. Atque hæc quidem virum doctum ex actis publicis, quæ in omnium sunt manibus, conquirere, non autem unum Petrum Frizonum (*i*) allegare oportebat.

Quærerit deinde Anonymus: *An invidiosa & gravis Regibus & populis fiat potestas Ecclesiastica, si circa temporalia Principum in certis casibus exerceri ij. posse affirmetur?* Quo loco illud etiam exprobrat, gravem Christianissimo Regi factam ab Episcopis Gallicanis injuriam, quod suspicari visti sint, moli-
turum ea, propter quæ Ecclesia decurrere cogeretur ad extremum illud,
ut ejus subditos à prestante fidelitatis juramento absolveret. Quæ quidem non modò invidiosæ in Clerum, sed etiam in Regem subobscurè jactata An-
onymus omisisset, si cogitâset tantum Principem, quod ab illis minis per se est tutior, eò securius approbâsse ut posteris caveretur.

Quod autem Anonymus monet: *Cum Principes spiritualia non satis per-*
timescant, facile ruituros, nisi Principatus privatione se plecti posse sentiant,
viri solertia agnoscimus: tanta tuendæ fidei Ecclesiæque remedia à Christo,
ab Apostolis, ab omni antiquitate prætermissa, ultimæque ætati reservata,
admiramur.

Quin etiam vir solertissimus, Regnique Gallicani studiosissimus id cavit: cùm Regnum ab unâ stirpe in aliam non semel translatum fuerit, id exis-
timetur non posse fieri, *sine prestanti juramenti solutione, ac sine autoritate Ecclesiæ, qua nunquam interventura sit, nisi gravissima causa, deficientibus aliis omnibus remediis, & adhibitâ cautelâ quam maximâ, illuc adigerent;* ut hoc quoque, si Deo placet, ad incolumitatem Regiæ domûs pertinere judice-
mus, si aliqua extra Regnum vis dejicere eam & deturbare possit. Cæterum quam verum sit, has depositiones Regum, non nisi gravissimis causis, & adhi-
bitâ cautelâ quam maximâ, factas, exempla testantur.

Quid autem Anonymus mutationes Francici Regni commemorat, tan-
quam ex sint metuendæ, nisi ad Pontificiam autoritatem revocentur? Neque id cogitat in Capetorum, quæ nunc obtinet, domo stabiliendâ Pontificiam autoritatem ne quidem esse nominatam. At illa familia septingentos jam annos stabile Imperium possidet: quo nihil unquam firmius aut durabilius rebus humanis contigit. Verùm illa tanta familia, quâ nulla augüstior exti-
tit, Patrum nostrorum memoriâ cecidisset, si hæc quæ Anonymus nunc, tanquam firmamenta memorat, valuissent. Quid ergò Henrici IV. tempora adducit in medium, quem ad fidem Catholicam, non tam quorundam Ca-
tholicorum repugnantiam, quam aliorum obsequiis, ipsoque successu atque victoriis, perductum fuisse novimus? nec ideò hominum inventa probare cogimur, quod Deum iis ad sua consilia exequenda usum meritò collau-
demus.

Ludit suo more Anonymus, dum quærerit quos Reges possit ab Ecclesiâ alie-

(i) *Frizonium.*] Is Doctor Sorbonicus historiam Gallorum Cardinalium scriptis parùm diligenter, in eo libro, cui titulum fecit: *Gallia purpurata.* Vid. Steph. Baluzii *Anti-Frizonium*, in quo ostendit, non magis Frizonio narranti historiam credendum esse, quam quibusdam crassioribus Scholasticis quæstiones Theologiae obscuriores tractantibus.

- Ib. n. 10. nos facere illa Regum deponendorum autoritas? Paganos fortassis? Subdit² que: De illis Antistites Gallicanos cogitasse non puto. Tanquam non de iis Paulus; quid autem Paulum appello? Christus ipse cogitabit. Vanum ergo illud ac ludicrum, quod reponit Anonymus. At illud insulsum: Sed num quid facultas censurarum adimenda etiam erit Pastoribus Ecclesiasticis, ne illarum metus à suscipiendo baptismo retardet? Num inermis esse debet omnis superior, ne pœnarum timor ab ejus obedientia deterreat? Infelix Theologus! Inermem & invalidam putat Ecclesiam, si à Regno cœlesti tantum arceat: nullas Ecclesiæ censuras, si spiritualia tantum, non etiam temporalia auferant. At cogitare debuit non illud invidiosum & grave esse Regibus Ethnicis, si propter inobedientiam, ex Christi mandato ad Ethnicos redigantur, integro regnandi jure, integrâ Republicâ. Ut autem Ecclesia, unâ cum Christianâ fide, obtrudat Regibus dominum, cuius nutu deponantur: hoc verò ad efferandos Reges pertinet; hoc eam dedecet Ecclesiam, quæ omnes complexa gentes, omnibus securam pacem, neque tantum divinam, sed etiam humanam, Christique Imperio dignam pollicetur.

C A P U T X X.

Reliquæ Anonymi argumenta soluta paucis: ac primùm quæ ad Scripturam.

HÆc Anonymus duobus primis libri IV. capitibus exequitur: quâ ve-
litatione prætermisâ, ad ipsam quæstionem accedit, ac Scripturæ locos
aggreditur; neque quidquam dicit, quod non antea fuerit diligentissimè con-
futatum. Hic verò prætermittere non possumus egregiam viri interpretatio-
nem ad illud Christi dictum: REDDITE QUÆ SUNT CÆSARIS, CÆSARI,
dummodo, inquit, reddantur quæ sunt Dei, Deo. Quam exceptionem si ad-
mittimus, nihil aliud Christus egerit, quam ut ea statim everteret, quæ
statuta volebat invicto robore; statimque à Cæsare discedendum fuit, quem
Idolis servientem, quæ Dei sunt, Deo denegare constaret.

Sup. lib. j.
sect. j. cap.
vj. fed. i.
cap. xiij. &
seq.

Anon. loc.
cit. cap. iii.
n. 4.

Ibid.

At enim subdit Anonymus, à Cæsare discedendum, si non solum quæ Dei sunt, non reddit, sed si subditos à fide per vim retrahat, ac nisi aliundè mala graviora timeantur. Denique si Dei vicarius declaret, OBEDIENDUM ESSE DEO MAGIS QUAM HOMINIBUS; quas glossas comminisci quid est aliud, quam Christi verbis sua aliena & inaudita assuere?

Act. v. 29.

Anon. loc.
cit. n. 5.

Sanè autor ipse intellexit perperam allegari istud Actorum: Obedire oportet Deo magis quam hominibus. Sibi enim objicit, hinc tantum sequi non esse parendum Principi aliquid contra Deum precipienti, non autem propterea in aliis ab ejus obedientia recedendum; ac potius honorum ac vita jacturam faciendam. Quæ cùm verissimè dixerit, quid ad hæc responderit audiendum: Lau-
dabile id quidem, sed quotusquisque nunc est, qui paupertatis, exilii, ac mor-
tis metu à Dei servitio non deterreatur? Quo concludit, licere Ecclesiæ Chris-
tiano Principi monito & incorrecto potestatem nocendi adimere, ac ab ejus ty-
rannide

rannide populos subducere. Sic quia ab Evangelicâ fortitudine tam multi deficiunt, alia nos remedia, Evangelio Patribusque incognita comminisci, & humano ratiocinio omnia indulgere oportet, nullâ etiam adductâ Scripturæ autoritate, nisi forte illâ, quam unam adhibet Anonymus: *Data est mihi omnis potestas in cœlo & in terra: quæ quād ad Romanum Pontificem pertinet, & omnes per se vident, & suprà demonstravimus.*

Ib. n. i. 2.
Matth. xxviii. 18.
Sup. lib. j.
fect. j. cap.
vj. sect. ij.
cap. xix.

CAPUT XXI.

Argumenta Anonymi deprompta ex antiquitate: tum ex Scholasticis & Canonistis.

NIHI moramur id quod capite V. Anonymus agit multis, Regum potestatem non ita esse à Deo, quin sit à populorum consensu: quæ nemo negaverit, neque quidquam ad rem pertinent. Nos autem quatenus Regia potestas à Deo sit lucide, exposuimus.

Jam Patrum Traditionem capite V. expendit: quo loco de Patribus iis primùm agit, qui in Conciliis sederint. A Gregorii VII. tempore Traditionem probandam ausplicatur: locos affert suprà memoratos ex Conciliis Lateranensi III. & IV. Lugdunensi II. Constantiensi, Basileensi, Tridentino depromptos.

Quid autem attinebat locos referre tantum, quos nullus ignoret? Res gestas ac rerum circumstantias aperire, decretorum calisas mentemque investigare, de solutionibus quærere oportebat eum, qui *amplam discussionem Declarationis Gallicanæ initio haud exigui tractatus*, vel ipse titulo promiserat. Nos hæc omnia toto hoc libro quarto clare discussimus.

Copiosissimè pertractat sancti Gregorii dictum de Regibus etiam potestate privandis, qui Xenodochii privilegium violassent: Quo loco omnia factis sibi tuta arbitratur; si epistolæ Gregorianæ veritatem asserat; ac Joannem Launoium infectetur. Nos autem alia protulimus, quæ doctis haud ignota; si animo providere Anonymus non potuit, his lectis speramus ab eâ objecione facile destituirum.

Idem dicimus de Childerico deposito: quem quidem locum Anonymus copiosissimè tractat; sed interim æqualium autorum testimonia pleraque concilescit; eorum qui multa post saecula scripsere, autoritatem plus æquo extollit; rerum circumstantias prætermittit. Nos omnia evolvimus, & certa documenta adduximus.

A Gregorio II. negata tributa, translatumque Imperium ad Francos, tanquam exploratam rem adducit Anonymus: ac de negatis tributis rem confectam putat, allato Theophane, & Zonarâ, & Joanne Launoio fortassis confutato: quid hic Græci vel attingant, vel misceant, quid Latini memorent, quid ipsa rerum series postulet, prætermittit: quanquam hæc vel à Baropio didicisse poterat, quæ nos recensuimus.

Alia exempla refert Regnorum Pontificiâ potestate ademptorum; neque omittit Ionis locum, de coronâ Philippo I. Regi restituendâ, quam per

Sup. loc.
cit. cap. ij.
ij. iii.

Hoc lib.

Anon. loc.
cit. cap. vj.
Sup. lib. ij.
cap. ix.

Anon. loc.
cit. cap. x.
Sup. lib.
ij. c. xxxiv.
xxxv.

Anon. loc.
cit. cap. xj.
xj.
Sup. lib. ij.
cap. xj. xij.
& seq.

Anon. loc.
cit. cap. xj.
n.s.

summam imperitiam de Regiâ potestate esse intellectam docuimus. Anastasium Imperatorem memorat, sanctique Symmachi locum; quem nisi à totâ sermonis serie abrupisset, sibi nociturum facile intellexisset, neque id saltem explicat: si Symmachus depositiones cogitabat, cur hæreticum, contumacem, excommunicatum, denique persecutorem Anastasium, ubique appellat Imperatorem? Neque ex imbecillitate tot ubique adversus Anastasium seditionibus concitatis: neque quôd pejora metueret, quam quæ jam Ecclesia experta fuerat. Nos historiam hanc, ut & alias, retulimus integrum, quo lector omnia dijudicare potest.

Anon. n.9. At illud omisimus ab Anonymo relatum: nempe quôd Petrus Blesensis, Eleonoræ Reginæ nomine, ad Cælestinum III. scripsérat pro liberatione Richardi filii, à Leopoldo Austriæ Duce capti; hæc, inquam, omisimus; quippe quæ ad rem non pertinebant. Id enim Regina agit, ut *Petro & successoribus omnis potestas regendi committatur*. Quare dicit, *non Regem, non Imperatorem, à jugo Pontificia jurisdictionis eximi*: excommunicationis certè, quemadmodum factum esse vidimus; non depositionis metu; nec, si quid tale Eleonora Regina rebus suis serviens duodecimo sæculo scripsisset, autoritatem ejuſ tanti esse putaremus.

Anon. loc. Bernardi dictum de duobus gladiis refert Anonymus: quâ occasione prolatum, suo more, tacet. Nos ex ipso Bernardo, rerumque serie exposuimus.

Reg. ad Cæl. iij. int. Tum ille, à tertio-decimo sæculo, Scholasticos & Canonistas longo recenset ordine. Quibus quanta fides haberi debeat paulò ante diximus. Cæterùm; qui rem penitus introspexerit, facile intelliget Anonymum non in his semper bonâ fide esse versatum. Indicio esse poterit locus ex Aegidio Romano, five, quisquis ille est, quæstionis disputatæ autore depromptus. Hunc laudat Anonymus hæc scribentem: *Etsi Rex Franciæ secundum jura non subest summo Pontifici, nec ei tenetur respondere de feudo sui, potest ei subjacere incidenter & casualiter, ratione connexionis alicujus causæ spiritualis*,

vid. sup. hoc lib. c. xvij. *sicut habetur ext. de judiciis, cap. novit &c.* Quæ verba primùm quidem ad cap. xxxix. depositionem nihil pertinent, quod nunc quærimus. Quin favet glossa Hostiensis super verbo, *de feudo*, ibidem relata ab Aegidio Romano; quâ glossâ Pontificem sic inducit loquentem: *Non intendimus cognoscere de feudo, sed tantum ratione peccati, inducendo illum ad paenitentiam, quia illam non potest agere nisi satisfaciat.* Tum illud notandum quod Aegidius paulò ante dixerat: *Causæ merè temporales sunt causæ feudales, & causæ sanguinis, & huiusmodi; istas commisit Deus immediate & principaliter Imperatori & Regibus, de quibus nec Papa nec alii Prælati debuerunt cognoscere in Ecclesiâ primitivâ: licet modo consuetudine, de personalibus quibusdam & temporalibus, ad utrumque judicem recurritur.*

Ib. cap. xxxiv. His animadversis, facile intelligi potuit, quôd Prælati de temporalibus interdum judicent, non id pertinere ad primitiva Ecclesiæ jura, de quibus quærimus; sed ad consuetudinem consensu mutuo introductam, ad quam autores quosdam, ab Anonymo laudatos, respexisse constat. Sed hæc utcumque se habeant, graviore nos autoritate teneri significavimus.

C A P U T X X I I .

Anonymi argumenta ex consensu Regum & Sanctorum exemplis.

A PUD Anonymum capitinis XIII. titulus mira pollicetur : *Principes ipsos aliquam Ecclesiae in temporalia potestatem agnovisse.* Sanè meminerimus de illâ potestate agi, quâ Reges deponuntur. Quid autem ad eam rem refert Anonymus? Nempè Ludovicum Germaniæ ac Lotharium Austrasiæ Reges adversus Carolum Calvum, de invasione cogitantem, ad Nicolaum I. confugisse; ut quos nulla pacis fœdera, nulla nectunt consanguinitatis ligamenta, Apostolica injunctio per censuram Ecclesiasticam venire compellat. Hic verò Anonymus depositiones somniat. Excommunicatione agi volebant, ut in re manifestâ; quod ad rem nostram non pertinet; neque à Nicolao impetrârunt.

A nono sâculo statim ad duodecimum ac tertium decimum Anonymus transvolat, quibus depositiones istas invaluisse nemo negat. Hæc ergo penitus omittere præstisset. An enim oportebat memorari Philippum II. ac III. Francorum Reges, qui Anglicanum & Aragonense (*k*) Regnum, Pontificiis depositionibus nixi, invaserint; tanquam etiam ad autoritatem trahi possint, quæ Reges cupiditate aut errore peccârunt?

At Anonymus (*l*) ex anteactis sâculis Justinum II. memorat, qui Christianos Persarmenos à Chosroâ Persarum Rege desciscentes, tutatus sit, & Chosroæ querenti responderit: *Nefas esse ut Christiani Christianos tempore belli ad se configentes, desertos esse patiantur.* Quorsum ista? Ubi hîc depositio, aut solutum fidelitatis Sacramentum? At enim ait Anonymus: *Nonne melius est ut fideles Principibus non se subtrahant, etiam si justam habeant*

Anon. loc.
cit. cap. xiiij.
n. i.

Ib. n. 2.
vid. Evagr.
lib. v. c. vii.

(*k*) *Aragonense.*] Dicit D. BOSSUET lib. iij. cap. xxj. ea quæ, post exauctorationem Joannis *sine terra*, Philippus Augustus & filius ejus Ludovicus moliti fuerant ad Angliæ Regnum capessendum. Sed quoniam Philippum iij. cognomento *Audacem* prætermittit, qui in Aragoniam multa conatus est, juvat hanc historiam paucis narrare. Jura quædam sua in Siciliæ Regnum adversus Carolum Andegavensem venditabat Petrus iij. Rex Aragonum, qui, ut controversiam brevî præcideret, omnes Gallos in Siciliâ degentes jugulavit, ipso Paschalis die, dum Vespera cantabantur; unde hanc stragem *Sicilianas Vesperas* vocant historici. Quo exercando facinore commotus Martinus iv. Petrum anathemate, Aragoniam *interdictio obstrinxit*. At Philippus filium suum Carolum Aragonum Regem renuntians, ipse venit in Aragoniam cum exercitu. Pontifex autem *investivit* Regno Carolum, qui paucis diebus maximam Aragonia partem sibi armis subjecit. Sed postea de jure suo Carolus cum decessisset, in locum patris sui Perri Alfonsum iij. hæres successit.

(*l*) *Anonymus.*] is est ipse D. CHARLAS, ut alibi diximus, qui semper abundat iis exemplis quibus nihil proberet; quale est illud Justinij iij. Nam 1º. Justinus, libidinibus totus deitus, nihil mindus cogitabat quâm ut religionem defenderet. 2º. Evagrius, qui hanc historiam narrat, Persarmenos habet ut rebelles, qui, sicuti antea cum Justinio pacti erant, nequiter *Prefectos suos necaverunt*. Lib. v. cap. vii. 3º. Multa *Chosroes conquestus est*, eò quèd Justinus, sine causâ, fidem datam fregerat. 4º. Denique illud exemplum, cùm Ecclesia tum Imperio exitiale fuit. Nam Persæ, interea dum *Justinus confuetis deliciis immersus se ad bellum non paravit*, Persarmeniam multisque Imperii provincias igne & febro vastaverunt. M'rum est virum Theologum falsas opiniones, quas scimel animo imbibit, tali exemplo rueri velle, quod cùm causa suæ non prodest, tum est apud historicos ideo celebratissimum, quia scelerum multorum causa fuit.

A a a ij

causam, nisi Ecclesia accedente autoritate? Cur non ergò illud Justinus II. aut Persarmeni cogitaverunt? Nempe illud melius nondum Christianorum quisquam in animum induxerat.

Sup. hoc lib. c. xvij. Quod Henricus IV. Imperator aliique, post undecim ferè sæcula, Principes aliquando dixerint, parùm ad rem facere fatis ostendimus.

Anon. loc. cit. n. 10. i. Quod autem Anonymus memorat de jure, *quod penè Rempublicam neat aliquando Principatus transferendi, deque mutua Principum & subditorum obligatione,*

Hoc. lib. cap. xv. *ad exequenda paetæ in institutione Regni converta, jam dimicimus. Quæ quidem, si quid valent, Ecclesiam ab his rebus arceant; ut hoc alieno loco querere nihil aliud sit, quam hanc quæstionem involvere, non explicare voluisse.*

Anon. cap. xiv. n. 2. Quod Clerus Gallicanus Declarationem suam Sanctorum exemplis consonam esse censuit, id Anonymus eludi posse putat, si dixerit: *Per exempla, non actiones Sanctorum, sed omissiones intelligi.* Tum subdit: *Fatendum est enim aliquos ex Sanctis, tyrannos Ecclesiam persequentes non depositisse.*

ALIQUOS autem? An ita rem extenuari oportebat, cum mille eoque amplius annis, tot inter gravissimas persecutions, ne unum quidem Sanctorum appellare possit, qui talia cogitaret? Neque est candidius ac sincerius, quod idem Anonymus, eam *omissionem*, aut ut alibi vocat, *non usum* illius potestatis, nullius roboris esse putat. Neque enim dissimulare oportebat eam potestatem, non modò non fuisse exercitam, sed nequidem fuisse cognitam nec cogitatam; idque tot sæculis; idque, cum tot ac tanta evenerint, quorum causâ ea potestas posterioribus sæculis exercita fuerit.

Ibid. cap. xiv. n. 2. Quod autem causatur Anonymus, *id ex impotentiâ Ecclesiæ procedere potuisse;* bona fides postulabat ut hæc fateretur: primum quidem, Ecclesiam etiam pollentem viribus ista tacuisse, nedum exercuerit: tum iis usam rationibus, quæ ad omnem ætatem pertinerent, præstitamque persecutoribus obedientiam, non impotentiæ, quod pudeat; sed religioni pioque in Rempublicam studio imputasse: denique, si hanc potestatem exercere Ecclesia varetur impotentiæ causâ; at debuisse saltem docere, prædicare, indicare quid posset, à quo ultrò abstineret; ne, ut potestatem premere, ita veritatem extinxisse, seu potius prodidisse videretur; hæc, inquam, considerare sapientem, hæc promere virum candidum, hæc saltem providere & solvere Theologiae Doctorem, de re gravissimâ scribentem, oportebat; non autem pro Catholicâ piâque doctrinâ venditare, quod universa antiquitas ignoraret.

Ibid. n. 5. & seq. Sanctos commemorat, Martyrologio inscriptos, qui has depositiones exercuerint: Gregorium II. Zachariam, Leonem III. Gregorium VII. tanquam in confessio esset, eam potestatem, de quâ agimus, ab iis fuisse exercitam; à quâ tres primos abhorruisse credimus, Græcis Imperatoribus, quoad fieri potuit, obsecutos, & à Reipublicæ negotiis, pro potestate clavium ordinandis, ex proposito abstinentes. Ac si vel maximè concedamus eadem, quæ Gregorius VII. cogitasse, demonstrandum erat in Martyrologio id eis laudi datum. Neque enim omnia gesta Sanctorum æquè sancta probataque. At de Gregorio II. de Zachariâ, de Leone III. nihil tale legimus. Aliiquid esse videtur, quod Gregorius VII. laudatur, *ut Ecclesiastica libertatis propus-*

gnator & defensor acerrimus. Quod autem eâ laude dignum à Gregorio VII. factum sit, non dicitur; neque Baronius, à quo primo Gregorium VII. Martyrologio Romano insertum legimus, eo usque profiliit, ut eum laudaret, quasi Apostolicâ potestate deponentem Reges; quod expressissimè memoratum oportebat, si hæc laudi esse constitisset. Nos autem cùm Sanctorum exempla memoramus, non unum aut alterum; sed consensum ipsum, sed saeculorum seriem, rerumque gestarum multitudinem: præclaris laudatisque institutis consona sancta proferimus, quæ nobis suppetunt, desunt adversariis. Atque hæc sunt, quæ de scriptoris Anonymi libro IV. postquam ejus tractatus in nostras manus incidit, huic operi jam perfecto ac propemodum recensito, addenda duximus; præter ea, quæ hac & illac interseri rerum nexus cursusque orationis pateretur.

Neque pluris valent quæ in aliis libris de eodem argumento Anonymus sparsim scribit. Bonifacium VIII. ubique tuetur, eâ præsertim causâ, quod nihil sibi vindicaret nisi *ratione peccati*. Scilicet Philippum IV. arma, equos, victualia, aurum, argentumque injussu suo transportari vetantem, pro Imperio coercebat, bella minabatur, sedem Apostolicam *hostem Regni principalem* futuram novo ritu prædicabat: Prælatos, Theologos, Canonistas, Ecclesiasticos ferè omnes, Regem ipsum Romam evocabat, de Regno ordinando, Rege sive præsente, sive absente, pro potestate acturus: temporalia denique omnia sibi submittebat, graves depositionis intentabat minas; &, quia profitebatur nihil à se fieri, nisi *ratione peccati*, ferendum hoc vietatur; patiendumque Philippo ut ipsi Pontifex summum Imperium verbis relinquenter, re auferret. Hoc Anonymo placet; non profectò Bonifacii successoribus, qui hæc omnia ultrò antiquârunt, eraserunt, resciderunt. Neque tantum Clemens V. sed etiam anteà Benedictus XI. Et quia Galli ambitioso & impotenti Pontifici non omnia permiserunt, bonus Anonymus Gallorum studiosissimus scribit, nec semel: *In Gallorum animis tempore Bonifacii VIII. avitam erga summos Pontifices observantiam aliquantulum refixisse*; cùm profectò, ex illo dissidio, Gallorum observantia eò magis eluscescat, quod tam indignis modis vexati, ac lacesiti, nunquam studiosius summos Pontifices coluerint. Quid enim omiserunt aut tunc, aut posteà, quod ad Sacro-sanctæ sedis observantiam pertineret? Quid autem detrac-tum est cœlesti illi, quam Christus tradidit, potestati? Annon eam nostri ubique sartam tecnamque esse voluerunt, idque, actis omnibus indiderunt, & ipsâ re constantissimè præstiterunt? Sed quia temporalia invadi non sinebant, statim avita illa observantia resfixerit. Sic solent. Sic Anonymus aliique, & Republicam perdunt, & Ecclesiam dehonestant. Cæterum quām malevolo animo ille autor res Gallicanas tractet, Gallorumque non modò jura & instituta, sed etiam personas carpat, ubique videre est. Neque rem dignam putamus quæ nos distineat. Certè apud omnes constat Anonymum nostrum aliquem è Gallis habuisse monitorem, sive malueris, incentorem; sed ex eorum numero, qui claros viros mordere clam, ac præclarè gesta lividis oculis aspicere soleant,

Ibid. lib.
ix. cap. viij.
n. 9. 10. 11.

Ibid. lib. j.
cap. xvij. n.
2. lib. iiij. c.
ix. n. 3.

C A P U T X X I I .

*De Anglicanâ controversiâ : conclusio tractationis ad Caput I.
Declarationis Gallicanæ : doctrinam hanc Ecclesiæ Catholicae ornamento , aliam invidice esse.*

DIU multumque dubitavi, an de controversiis Anglicanis, quæ ad hunc locum spectent, aliquid dicerem. Audimus enim Romæ, in indice anni 1683. fuisse repositam Magistrorum multorum Facultatis Parisiensis consultationem, circa juramentum Catholicis à Jacobo Rege propositum. Nos autem, et si profitemur, Ecclesiæ Gallicanæ vetere atque insolito jure, nihil nos iis teneri decretis, tamen, Deo teste, vehementissimè ab iis abhorremus, quibus hodiernum Curiæ Romanæ regimen culpare videamur. Sed quandoquidem non deerunt ex adversariis, qui, si ista omittamus, præcipuam quæstionem ac difficultatem dissimulatam improberent, hoc quoque necessariò, quam minimâ poterimus offensione tractemus.

Bullar.
Rom. tom. j. Bull. viij. Paul. iii. §. 2. p. 704.
* De Bou-
len.
** D'Ara-
gon.
Ibid. §. 6. & seq.

Primùm ergò certum est, referente Paulo in Bullâ quæ incipit, *eius qui immobilis*, Henricum VIII. Angliæ Regem, à Clemente Papâ, postquam humanissimis literis & paternis exhortationibus, multisque Nuntiis, & mediis, primò, & postremò, etiam judicialiter, ut Annam * à se dimitteret, & ad Catharina ** suæ veræ conjugis consortium rediret, frustrè monitus fuerat, censuris Ecclesiasticis innodatum, contemptis clavibus in iis insorduisse. Ergò excommunicatus à Clemente VII. non tamen Regno privatus.

Paulus deinde III. in eâdem Bullâ cùm de Henrico VIII. meritò desperasset, iterum eum excommunicat, Regnoque privat, subditis mandat sub excommunicationis pœnâ, ne eum dominum recognoscant: item universos ab Henrico & Annâ descendentes, honoribus, bonis, juribus privat, privatosque declarat: omnibus Christi fidelibus omni cum Angliâ commercio interdicit, vinum, granum, sat, alia victualia deferri eò, aut inde recipi vetat sub excommunicationis pœnâ: omnes Christianos Principes, etiam Imperiali aut Regali autoritate fulgentes, requirit in Domino, omnibus qui Imperatore ac Rege inferiores fuerint, quos, propter excellentiam dignitatis, à censuris excipit, sub excommunicationis pœnâ mandat, ne cum eodem Rege ullo fœdere conjungantur: fœdera jam peracta dissolvit: omnibus Principibus cæterisque armigeros terrâ marique habentibus, in virtute sanctæ obedientiæ mandat, ut Henricum illato bello ad obedientiam sanctæ sedis redire compellant, bona ejus subditorum ubilibet consistentia capiant, ea omnia bona iis dat de plenitudine Apostolicæ potestatis. Data hæc est 3. Kalend. Septembris anno 1536. Suspensa deinde executio, ac postremò jussa rursùs 16. Kalend. Januarii anno 1538.

Cùm igitur tot ac tanta de temporalibus præceperit, non modò Henrici subditis, sed etiam omnibus Principibus, nec exceptis Regibus, quos à censuris tantum, non autem ab ipso præcepto aut obedientiæ eximi voluit, nemo certè fuit qui se ex eo decreto terrâ marique in Angliâ vel extra Angliam commoyeret.

Neque Pio V. res melius processerunt, postquam iteratis vicibus (m) anno Christi 1569. & 1570. Pontificatus 4. & 5. Elisabetham Reginam Regno privatam declaravit. Cui declarationi nullus Catholicorum Principum quidquam detulit, aut ab Elisabethâ Reginâ agnoscendâ abstinuit. Neque quidquam aliud Pontifex consecutus, quam ut Anglos Catholicos certius perituros ad arma impulsse videretur, nullo, aut ambiguo Martyrii titulo; cum ut perduelles diris modis necarentur.

Interim Elisabetha, sub Henrico VIII. inchoatum, sub Eduardo VI. repetitum juramentum exigebat quod *suprematia* vocant; quo scilicet juramento aditus ad dignitates aliaque civilia patebat iis tantum, qui dato sacramento agnoscerent, quod *Regia Majestas unicus est & supremus gubernator, tam in omnibus spiritualibus sive Ecclesiasticis rebus, quam in temporalibus: & quod nullus extraneus Princeps, persona, Prælatus habet ullam jurisdictionem, vel autoritatem Ecclesiasticam, sive spiritualem intra Anglia Regnum.*

Anno vero 1606. Jacobus Rex jussit juramentum præstari à Romanis Catholicis; (n) quod si præstitissent, liberè ac tutò certis conditionibus in suâ

(m) *iteratis vicibus.*] Hæc Bulla anni 1569. nobis non innotuit; nisi forte sit ipsa Bulla, regnans in cœlis, quæ an. tantum 1570. edita est. Evidem Pontifex an. 1569. Mortoni, a se in Angliam missò, dederat in mandatis ut Catholicos commonefaceret Elisabetham falso titulo Reginam vocari, quod Pontificium mandatum fortassis pro Bullâ habitum fuerit. Notandum tamen D. RAPIN THOYRAS dicere hanc Bullam factam an. 1569. fuisse demum Londini affixam an. 1570. Hunc vid. tom. vj. lib. xvij. p. 293.

(n) *Jacobus Rex jussit juramentum præstari à... Catholicis.*] Quanto æquius jussisset à Protestantibus? At vero Angliæ Reges, qui, propter privatorum quorundam opiniones, quas Ecclesia non approbat, suspectam habebant Catholicorum fidem, sese toti credebat Protestantibus. Est tamen hoc nova Reformationi proprium & ingenitum nemini subjici & sublimioribus potestatis non parere, ut ipsa facta clamant. An Catholici, quæso, Angliam ultimo sæculo tot seditionibus turbaverunt, an vero Protestantes? Horruit Orbis, quando audivit id actum esse Londini, quod apud gentes immanissimas nunquam factum fuit; nempe Regem Carolum j. edito Senatū morte damnatum, & carnicis gladio publicè cæsum. Profectò hujus tanti sceleris aurores fuerunt & actores ipsi Protestantes. Quamquam D. JURIEU, in suo libello, cui titulus est *Politique du Clergé de France*, quem D. ARNAULD invictissime in suâ pro Catholicis apologiâ confutavit, inter absurdâ plurima, id etiam dixit, quo nil absurdius excogitari poterat: Catholicorum impulsu occisum hunc Regem fuisse. Porro D. JURIEU, qui suis paradoxis insulsis neque verisimilibus, omnes, quos unquam legerim, vincit autores, ipse solus hanc texuit fabulam, quam ineptam censembit ex ipsis Protestantibus quisquis sanæ mentis erit. 1º. Enim sententiam tulit Cromwellus cum Senatu Anglicano, in quo Judices sedebant soli Protestantes, qui Catholicos tantopere sperabant, ut eos vix alloqui vellent; quanto minus ipsis favere, & cum illis consilia communicare. 2º. Qui Catholici adeò immanes essent, ut hunc Regem occidi cuperent, quem in omnes beneficissimum, in se benignum & facilem fuissent experti? 3º. Non magnis sese homines implicant sceleribus, nisi perspectos habeant scelerum fructus. Quid autem erat quod sperarent Catholici à Cromwello & à Senatu huic tyranno tam turpiter servienti? Vidimus etiam Anglos Protestantes juramentum illud infringentes, quo se Jacobo ij. obstrinxerant, Regnum extraneo tradere, Principi illi Orangio, qui dum scelerum suum Regno expulit, uno scelere, jus commune & gentium, atque ipsum jus naturæ violavit. Illi ergo sunt Protestantes, qui se Regibus fidelissimos, Catholicos infidelissimos vocant. Et sane præclara sunt illa patientia & fidelitatis documenta, quibus Calvinus eam adornat præfactionem, quâ suam *institutionem* Franciso j. consecrat. Ecclesia quoque Anglicana pro certo fixoque sua Reformationis dogmate posuerat, ut Reges soli Deo obnoxii crederentur. Hoc legimus in illo juramento quod *suprematia* vocant: hanc ratam esse Reformationis legem D. JURIEU in suis *pastoralibus literis* iterat sèpissimè. Cur ergo Protestantes dicta sua factis negant? Cur D. JURIEU & plurimi alii rebellionis sunt ipsi præcones? Hoc ipsum est quod dicebat D. BOSSUET: *La reforme foible & variable n'a*

Bull. T.
ij. Bull. Pi
V. cj. edit.
1570. p. 303.

Vid. Rap.
Thoyr. tō.
vj.

Ibid. lib. religione viverent. Tale autem erat juramentum, quo, *in conscientia sua*, xvij. tom. *vere ac sincere*, nullà reservatione mentali, quilibet Catholicus testaretur Jacobum esse Regem suum legitimum, qui à Papà, aut Apostolicà sede nullo modo deponi ac deprimi possit, Rexque maneat nonobstante aliquà declaratione, vel sententiâ excommunicationis, vel deprivationis, atque etiam tolli non posse ab solutione quivis fidelitatem atque obedientiam sua Majestati ejusque successoribus.

Hoc verò juramentum quod Angli fidelitatis aut *allevantiae* vocant, Cardinalis Bellarminus cum illo Elisabethæ, quod erat *suprematæ*, re ac sententiâ convenire afferit, negatamque Pontifici excommunicandi Principis potestatem: quæ quidem æquo lectori dijudicanda relinquimus. Quæ verò autoritate certâ, in eâ re gesta sint, proferimus.

Huic certè Jacobi Regis juramento insidiosissimè, atque invidiosissimè erat insertum illud: *Praterea juro, quod ex corde abhorreo, detestor, & abjuro, tanquam impiam & hereticam hanc doctrinam & propositionem: quod Principes per Papam excommunicati, vel deprivati, possint per suos subditos deponi & occidi.*

Hoc eò pertinere videbatur, ut Catholicî quivis privatâ autoritate decernerent *impiam & hereticam* eam esse sententiam, quam de deponendis, hæresis saltem causâ, Regibus, viri maximi atque sanctissimi, ipsique adeò Romani Pontifices postremis sæculis, bono animo, tanquam probabilem defendissent. Et quidem ab eorum sententiâ abhorrente, perspectis melius rebus, uti nos Franci facimus, erat licitum ac bonum; damnare ut hæreticam, absque Ecclesiæ autoritate, nimium & temerarium videbatur.

Nostrî Doctores rem totam, in eâ quam prædiximus consultatione, sic temperant, ut quandoquidem hæreticum esset, & ab Ecclesiâ in Constantiensi Concilio ut hæreticum damnatum; tyrannos, hoc est Principes etiam legitimos male potestate usos, *occidi posse*, eodem titulo possit insigniri ea propositio, quæ depositionem cum cede conjungeret, ut erat in juramento positum.

Utçumque est (neque enim hîc de hâc consultatione quârimus, sed rem gestam enarramus) Paulus V. eodem anno 1606. 10. Kalend. Octobris Breve edidit ad Anglos Catholicos, cuius est initium: *Magno animi mærore; quo quidem in Brevi, relato juramento, hæc addit: Nobis ex verbis ipsis perspicuum esse debet, quod hujusmodi juramentum, salvâ fide Catholicâ & salute animalium vestrarum, prestari non potest; cum multa contineat, quæ fidei & saluti aperte adversentur.* De quô Brevi, cùm in Angliâ quidam ambigerent, illud anno sequenti Pontifex confirmavit; dato alio Brevi, cuius est initium: *Renuntiatum est nobis.*

Quid autem illud esset *quod fidei & saluti aperte adersetur*, Pontifex non exponit, non docet. Multi existimabant illud dumtaxat fidei & saluti animalium

¶ soutenir ce qu'elle avoit d'abord montré de Chrétien, & ce qu'elle avoit vainement tâché d'imiter des exemples & des maximes de l'ancienne Eglise. V. Avert. aux Protest. p. 360. Bella illa exitiosa & diuturna à Protestantibus illata, ut Beza, JURIEU aliisque gloriari non verentur, quibus totam Germaniam & Galliam vastaverunt, probabant posteris quonam modo illi homines Regibus obedient. Vid. v. Avert. aux Prot. & D. ARNAULD librum, cui titulus: *Apologie pour les Catholiques.* (o) False.

animarum adversari, quod, absque Ecclesiæ autoritate, propositionem eam ut hæreticam agnoscí oporteret. Cæterū ut mentem meam eâ, quâ decet Christianum Theologum, sinceritate promam, id expressum eâ perspicuitate Curia Romana noluit, ne si ab hæresi qualificatione & notâ tantùm abhorreret, propositionem aliâ notâ proscribi posse fateretur.

Neque tamen quis reputet potestatem deponendi Reges tanquam sive certam fuisse propositam. Nec enim dogmata sive ambiguè, aut eâ formâ declarari solent. Certè annis 1678. 1679. 1681. Catholici multi, falsæ illius conjurationis (o) gratiâ, ultimo addicti supplicio, sub ipso iactu testati sunt, se toto animo profiteri Carolum II. verum ac legitimum Regem esse, neque à quoquam deponi posse; idque à se pro certo exploratoque haberi; neque ab eâ unquam sententiâ discessuros: id tantùm cavebant, ne deponi posse Reges hæreticum dicerent, quod Ecclesia Catholica, cuius autoritati stabant, non id declarâset. Hoc omnium expressissimè Richardus Langhordus Advocatus juris consultissimus: hoc ipse Stafortius, morituri profesi sunt; ut profectò certum sit, altè animo hæsisce, proque certis habita, quæ tam insignes viri inter ipsa Martyria declarârint.

Cur enim non liceret (p) Anglis id clarè profiteri quod nos Franci publicè, summâ omnium Ordinum consensione profitemur? Ne verò sperent, quicumque illi sint Curialis sententiâ defensores, nos à proposito discessuros. Satis enim confidimus nunquam eventurum, ut Ecclesia Catholica cuius Traditioni, autoritatique adhærescimus, sedesque Apostolica, nos ad hæc nova & inaudita, atque ut verè dicamus, vana compellat.

(o) *Falsæ... conjurationis &c.*] Optimè confutat D. ARNAULD, in suâ pro Catholicis apologia, confitam hanc conjurationem, de quâ nobis pauca dixenda sunt. Quidam Oates, primum Anglicanæ Ecclesiæ minister, tum, ut aiunt, Jesuita, demum Jesuiticæ Societatis & Catholicæ religionis deserror, seu potius, quod illi exprobavit Dux STAFFORD, nullius religionis; quippe qui Catholicæ do[m]inata falsa reputabat, tum cum Jesuita & quidem D'aconus Missæ sacrificio aderat frequenter & communicabat; is ergo Oates dicit Catholicos conjurasse de interficiendo Rege, & simul de omnibus Protestantibus occidentis, ut eo scelere Angliam Catholicæ religioni redderent. Addebar Regem Carolum ij. exauktoratum fuisse a Papâ, qui quidem Papa Joannem Paulum Olivam Jesuitarum Præpositum generalem constituerat, eò ut majoribus Regni dignitatibus eos Catholicos præficeret, quos inter Anglos cognosceret potentiores: se autem ipsa diplomata vidisse testabatur, & certo scire conjurationis consilium, à Sorbonâ approbatum, sic peragendum fuisse, ut eadē horâ Rex & ceteri Protestantes necarentur: quod ut confici posset à Catholicis numero paucissimi, auxilio eis adeisse debuisse exercitum ducentorum milium milium, conflarum ex Gallis, Hispanis &c. conductum à Papâ, Francorum Rege favente. Testes v. aut vj. Oatæ simillimi accusationem confirmabant, quæ quantumvis absurdâ esset, falsaque ipsâ testimoniorum inconstantia probaretur; quanquam Dux STAFFORD aliquique Angli nobilissimi suam innocentiam, etiani juramento testarentur, nihilominus ipse Dux STAFFORD, alii multi, cum vita integritate tum nobilitate clari, cum nonnullis Jesuitis, ut læsa Majestatis rei obruncati sunt. Nomen eorum in pristinum decus Jacobus ij. jussit restituiri, & Oatem perjurum virginis publicè cædi quotannis quatuor vicibus, atque ad cypnum alligari. Sed Princeps Orangius, Regno occupato, hunc è carcere eduxit. Vid. *Apol. pour les Cath.* tom. j. & in Oatem Rap. Thoyr. lib. xxij. p. 456. & seq.

(p) *Cur n:n liceret &c.*] Cardinalis Barberinus de eadē re à Scoto quodam interrogatus sic respondebat: *Francis morem non esse, ut in hujusmodi questionibus, Romanos consulant; consultos verò ab Anglis, hoc sine dubio resoluturos quod iuri suo magis congrueret. Interim vero Theologis Britannis fas esse sicut & Francis ut ius suum persequantur Optimè Barberinus & candidè.* Vid. Remonstrantiam Hibernorum à R. P. CARON Erem. &c. cap. iv. §. iv. p. 8, ad calcem tom. ij. tractatuum, quibus titul. *Des Drets & Libert. de l'Egl. Gall.* edit. 1731,

Quid enim est , per Deum immortalem , vanius , quād de deponendis Regibus , quae nullum moveant decreta conscribere ? Excommunicatio , uti prædiximus , quantūmvis impii superbiant , ipsam statim animam mucrone spirituali perfodit . At profectò quid profecit , aut quid nocuit , quòd à Paulo III . Henricus VIII . à Pio V . Elisabetha regno dejecti sunt ? Nempè inanes chartæ , quòd ad temporalia atrinebat , non tantum ab hæreticis , sed etiam à Catholicis , si verum amamus , nihil fuit habita : eodemque tenore pacta , societates , commercia , negotia processerunt ; neque id ita futurum Romanos Pontifices fugiebat ; & tamen vanis formulis vanum sibi titulum curia sanciebat . Interim id hæretici lucrificerunt , id Ecclesiæ Catholicæ detrimento fuit , quòd Catholici , non ut Catholici , pœnas darent ; sed ut publici hostes , prompti scilicet in Regem insurgere , ubi Romano Pontifici placuisset .

Neque respondeant nihil ad Catholicos pertinere quid hæretici de illis

- j. Tim. iij. sentiant , cùm Apostolus jubeat *Episcopum etiam testimonium habere bonum ab iis qui foris sunt.* Idem Apostolus jubet ut præcipuam curam habeamus ,
 7. Ib. vj. I. ne nomen Domini , aut doctrina , apud extraneos scilicet , *blasphemetur* : quā certè ratione , *quicumque sunt sub iugo servi , dominos suos omni honore dignos arbitrentur.* Hoc præcipit circa dominos etiam infideles , ne si Christiani servi , quantò magis Regum subditi , inobedientiæ suæ causam religionis obtendant , sacra illa doctrina infametur , ut quæ familias ac Rempublicam conturbet ; quod aliis verbis idem Apostolus explicat ad Titum scribens :
 Tit. ij. io. *Servos dominis suis subditos esse* , eâ præcipuè causâ , *ut doctrinam Salvatoris nostri Dei ornent in omnibus.* Quo item sensu paulò anteà dixerat : *Mulieres esse oportere subditas viris suis* , *ut non blasphemetur verbum Dei* : magno enim reverâ ornamento est sanctæ Ecclesiæ Dei , quòd ejus doctrina domos , familias , civitates altâ pace firmet ; neque perturbet , sed sanciat rerum humanarum ordinem ; vetetque ne inquieti homines , unâ cum religione , conditionem mutare porrò incipient : *imò unusquisque in quâ vocatione vocatus est , in eâ permaneat.* *Servus vocatus es ? non sit tibi curæ.* Quantò magis jussum ut justo ac legitimo Imperio subfisis , & communi civium libertate vivas ?

20. 21. j. Cor. vij. Id etiam antecessores nostri sancti Christi Martyres præcipuè observârunt ; cavebantque , admonente Petro , ne ut rebelles erga Rempublicam , sed tantum ut Christiani paterentur : *glorificarent autem Deum in isto nomine.*
 16. Rom. xiii. Neque aliud inculcabat Paulus , cùm diceret : *Qui resistit potestati , Dei ordinatio resistit : qui enim resistunt , ipso sibi damnationem acquirunt.* Ne ergò illam , etiam apud homines , damnationem acquirerent , publico ordini modestè ac pacifici homines serviebant . Unde illud Origenis in epis-

- Orig. in tolam ad Romanos : *Si enim ponamus , verbi gratiâ , credentes Christo potestatisib⁹ seculi non esse subditos , tributa non reddere , nec vestigalia penitare , lib. ix. cap. nulli timorem , nulli honorem deferre ; nonne per hæc rectorum ac Principum meo. 716. edit. ritò in semetipſos arma converterent , & persecutores quidem suos excusabiles , Bas. 1657. semetipſos verò culpabiles redderent ? Non enim jam fiduci , sed contumacia causæ impugnari viderentur.*

Neque verò existimemus hæc quæ Origenes , Apostolo autore condemnat , melius fieri , si Sacerdotum judicio fiant . Meritò enim beatus Joannes

Chrysostomus in eundem Pauli locum hæc habet : *Ostendit quod ista impen- Chrysost.
veniur omnibus, & Sacerdotibus & Monachis, non solum secularibus, id quod hom. xxij.
statim in ipso initio declarat, cum dicit : OMNIS ANIMA POTESTATIBUS in epist. ad
SUPEREMINENTIBUS subdita sit ; etiam si Apostolus sit, etiam si Evangelista, ix. p. 186.
sive Propheta, sive quisquis tandem fuerit ; neque enim pietatem subvertit ista vid. sup. lib.
subjæctio. Neque vero Ecclesiæ Christi decori aut ornamento esset, si habe- j. sect. ij. c.
ret Sacerdotes, quorum autoritate & nomine sublimes potestates contemni
ac deponi possent ; sed ei ornamento est, quod qui sint sacrorum, iidem
sint etiam in Principes atque Rempublicam fidi obsequii duces. Deus enim, Chrys. ib.
inquit, id exigit, ut creatus ab ipso Princeps, vires suas habeat.... Quod si n. II. p. 689.
observaveris Christianè, & ipse, inquit, Princeps, eo te magis suscipiet, Do-
minusque tuum, etiam si incredulus fuerit, hoc nomine glorificabit.*

Sic ergo Catholici doctrinam Salvatoris nostri Dei ornent in omnibus ; neque Pontificibus suis id honori vertant, quod vanos concedant titulos, quibus lugenda bella commoveant : imò ubicumque degunt, sive in Angliâ, sive in Hollandiâ, sive apud Sinenses Seresque ultimos * & Japonas ; ne dent locum iis, qui passim ubique jaçtant habere eos Pontificem, quo duce ultra finas, & autore, à legitimis Regibus imperiisque desciscant : quod quidem quanta turbas, quantam Ecclesiæ Dei persecutionem apud Japonas (q) concitârunt, ipsis hæreticis referentibus, ac sua scelera jaçtantibus credimus. Ne ergo isto titulo, neque ut inquieti & malefidi cives, sed tantum ut *Catholici patiantur, glorificant autem Deum in isto nomine* ; relinquantque id hæreticis, ut de Reipublicæ charitate ac Regum reverentiâ magna professi, tamen omnium audacissimè in arma civilia proruant.

Romanos autem Pontifices, quotquot futuri sunt, Patres nostros sanctissimos atque charissimos rogamus, obsecramus, summâque reverentiâ etiam

F (q) *Apud Japonas &c.*] Non abs re erit historiam breviter texere ejus persecutionis, quæ in Japoniâ Christianismum extinxit. S. Franciscus Xaverius & Lusitani quidam Presbiteri apud Japonas Evangelii primi præcones fuerunt, quorum labores adeò Deus adjuverat, ut an. 1613. Christiani implerent in Japoniâ numerum quadringentorum millium. Veniebant quoque in hanc regionem Hollandi, non tam Evangelii causâ quam negotiorionis. Animadverterat autem Hollandus quidam, Caron nomine, qui, quanquam humili loco natus, mensa numerariae Japonicae Hollandorum præsidebat, Japonas Christianos cum Lusitanis malle, quam cum Hollandis negotiari. Igitur id cogitans ut ad gentem suam omne Japonicum commercium transferretur, detestandum facinus aggressus est, quo parato, statim omnibus Christianis mors intentara est. Ad quemdam nobilem Japonensem ipse detulit epistolam à se Lusitanicè scriptam, eo artificio, ut legentes facilè sibi persuaderent Christianos, conjuratione factâ, Japoniam vastare & ipsum Imperatorem opprimere statuisse. Atque quod magis Japona ille nobilis Imperatorem ad sœviendum in Lusitanos inflammaret, addebat : Hispanis & Lusitanis hanc ratam esse legem, ut populos ad quos veniebant, carceribus & necibus sua religioni adjungerent ; quippe qui credebant Deum suum sibi fore propitium, si eos occiderent, quos cogere non possent : Hollandos verò omnium populorum & religionum amicos, soli commercio intendere. Imperator, leâtâ epistolâ continuâ exarsit, &, nullâ conjurationis inquisitione factâ, omnes Christianos neci addixit ; adeò ut ne unus quidem an. 1649. in totâ Japoniâ reperiatur. Exinde editio sanctum est ne quis ultra Christianus in Japoniam veniret. Soli ergo apud Japonas veniunt Hollandi, qui interrogati cuius sint religionis, respondent, se Christianos non esse, sed Hollandos ; neque etiam verentur eo gloriari, quod tam nefariis tamque impis artibus, turè cum Japonibus negotiari possint. Vid. lib. Franc. Caron Belgi ad calcem tom. ij. Walemb, & TAVERNIER relat. du Japon, atque etiam D. ARNAULD Apolog. pour les Cathol. tom. ij. p. 301. & seq.

atque etiam obtestamur , ne sedis suæ majestati consulere se putent , si Gregorium VII. Gelasii , Symmachis , aliisque Gregorii anteponant : Catholicos verò bonos doctosque , eâ , quâ par est , charitate atque honorificentâ admonemus , ne se ideo benè Catholicos putent , si omnia Pontificum gesta decretaque asserenda suscipiant . Excusent sanè Pontifices quoad fieri poterit , uti nos pro virili fecimus , conati certè sumus . Cæterū si necesse sit reprehendi interdum eorum aliquos , quorum operâ ac laboribus , magna in Ecclesiam bona provenerint ; cùm nempè alienis rebus , bono scilicet animo sese ingesserunt , id verò non ad sedis Apostolicæ contumeliam , sed ad Ecclesiæ , Deique eam protegentis laudem , atque ad Romanæ fidei Apostolicique officii commendationem maximam pertinere arbitrentur : cuius quippe fidei , atque officii puritas , sanctitas , dignitas , tot inter incommoda apud pios illæsa perfitterit ; ut hîc etiam valeat suo modo Apostolicum il-
ij. Cor. 9.
10. lud : *Virtus in infirmitate perficitur ; & cum enim infirmor , tunc potens sum.*





DEFENSIO DECLARATIONIS CLERI GALLICANI

D E
ECCLESIASTICA POTESTATE.

P A R S S E C U N D A ,

In quâ de Conciliis Constantiensi & Basileensi & con-
fectaneis agitur.

L I B E R Q V I N T U S .

De Concilio Constantiensi ad Caput secundum GALLICANÆ
DECLARATIONIS.

C A P U T P R I M U M .

Refertur Declarationis Caput II. hujus libri scopus : Synodum
Constantiensem sedi Apostolicæ nunquam infensam
aut suspectam fuisse.



IC autem inesse Apostolicæ sedi ac Petri successoribus Christi
Vicariis, rerum spiritualium plenam potestatem, ut simul va-
leant atque immota consistant sanctæ œcumenicae Synodi Constan-
tiensis à sede Apostolicâ comprobata, ipsoque Romanorum Pon-
tificum ac totius Ecclesiae usu confirmata, atque ab Ecclesiâ Gal-
llicanâ perpetuâ religione custodita decreta, de autoritate Con-
ciliorum generalium, quæ sessione quartâ & quintâ continentur ; nec probari à

Declarat.
Cler. Gall.
cap. ij.

Gallicanā Ecclesiā, qui eorum decretorum, quasi dubia sint autoritatis ac minus approbata, robur infringant, aut ad solum schismatis tempus Concilii dicta detorqueant.

Hoc capitulum tria præstat. Theologi Parisienses totaque Parisiensis Academia, & Ecclesia Gallica id semper egerunt, ut efficacissimis æquè ac simplicissimis verbis agnoscerent manantem à Christo, ad Petrum atque ad Petri successores Romanos Pontifices summâ autoritate transmissam vicariam potestatem ejusque plenitudinem: eam scilicet, quæ ad omnia spiritualia Ecclesiæ Christi commissa pateat. Primum hoc. Tùm ad eam certâ ratione explicandam, Concilium illud adhibet, quod sit ad eam rem maximè idoneum, Constantiense scilicet; quippe quod Papalem potestatem postremis sæculis à pessimis hæreticis Albigensibus ac Valdensibus, recensissime verò à Wiclefistis & Hussitis perditissimis hominibus obscuratam; ad hæc infando schismate per quadraginta ferè annos collapsam ac semi-laceram, in pristinam amplitudinem revocarit. Tertiò ac postremò, ne quis scrupulus superesse possit, eadem Parisiensis Academia atque Ecclesia Gallica, ex ipsâ gestorum serie exponit ac firmat Constantiensis Decreti autoritatem certam, neque ambiguam mentem.

Dissert.
præv. n.
xliij.

Et quidem dissertatione prævia admonuimus pròcul amovendam illam, quæ per summam imperitiam, quorumdam animos incessit de egregiâ Synodo suspicionem iniquissimam; quasi sedi Apóstolicæ ipso etiam nomine infausta videatur, quod contra est; cùm omnès quidem universales Synodi id innatum insitumque habeant, ut Pontificiam potestatem, sibi conjunctissimam: totique corpori præsidentem, venerentur ac foveant, ut omnium sæculorum ab ipsâ Christianitatis origine testatur experientia; illa verò præ ceteris habeat hæc tria: primùm quod Pontificiam potestatem, fœdo extincto schismate, pristino splendore lucere fecerit: deinde quod à seditionis hæreticis ejus potestatis luculentissimam confessionem exegerit: tertius quod egregium Pontificem Martinum V. jam inde ab initio hujus conventus partem optimam, ipsa è sinu suo elegerit ac pepererit: quin etiam cùm eð res devemisset, ut abjectis omnibus, qui de Papatu litigarent, verus & indubitatus Pontifex crearetur, hæc statim edixerit:

Concil. Dent operam Electores, cùm de creatione agitur Vicarii JESU-CHRISTI, successoris beati Petri, universalis rectoris Ecclesie, gregis Domini directoris, ne quid aliud cogitent, quam ut eorum ministerio de utili & idoneo universalis Ecclesiæ pastore provideatur. Quæ verba & alibi memoravimus, & nunquam satis inculcanda nunc etiam summâ cum animi voluptate repetimus.

Diss. loc. Ex his igitur & aliis æquè probatis fœdum hanc Binianæ editionis notam expungimus: Concilium Constantiense ex parte approbatum; quippe quæ Romanâ quoque editione spretâ, uti prædictum, privati hominis temeritate sit addita. Verum ut res procedat clarius, Sessionum IV. & V. Constantiensis Concilii à Parisiensibus nostris & à Clero Gallico laudata decreta referamus.



C A P U T I I.

Constantiensis Concilii laudata decreta, ex Sessionibus IV. & V. referuntur: censores nostros, atque etiam ipsum autorem tractatus de LIBERTATIBUS ECCLESIAE GALLICANAE, nec Synodi verba attendisse; nedum intellexerint.

SESSIONIS IV. hæc verba sunt: IN NOMINE SANCTÆ ATQUE INDIVIDUÆ TRINITATIS PATRIS ET FILII ET SPIRITUS SANCTI, hæc sancta Synodus Constantiensis, generale Concilium faciens, pro extirpatione presentis schismatis, & unioni ac reformatione Ecclesiæ Dei in capite & in membris fiendâ.... in Spiritu sancto legitime congregata..... ordinat, disponit, statuit, decernit, & declarat ut sequitur. Et primò: Quod ipsa Synodus in Spiritu sancto congregata legitime, generale Concilium faciens, & Ecclesiam Catholicam militantem representans, POTESTATEM A CHRISTO IMMEDIATE HABET, cui quilibet cuiuscumque status vel dignitatis, ETIAM SI PAPALIS EXISTAT, obedire tenetur, in his que pertinent AD FIDEM, ET EXTIRPATIONEM DICTI SCHISMATIS, ET REFORMATIONEM GENERALEM ECCLESIAE DEI, IN CAPITE ET IN MEMBRIS. In hâc sessione, cum Romanorum Rege, fuerunt ducenti Patres, ut in ipso initio sessionis adscriptum est.

Sessio verò V. sic habet: *Hac sancta Synodus Constantiensis, generale Concilium faciens, pro extirpatione ipsius schismatis, & unioni & reformatione Ecclesiæ Dei in capite & in membris, ad laudem omnipotentis Dei, in Spiritu sancto legitime congregata, ad consequendum facilius, securius, liberius, unionem & reformationem Ecclesiæ Dei, ordinat, diffinit, decernit, & declarat ut sequitur: Et primò, quod ipsa in Spiritu sancto legitime congregata, Concilium generale faciens, & Ecclesiam Catholicam representans, POTESTATEM A CHRISTO IMMEDIATE HABET, cui quilibet cuiuscumque status vel dignitatis, ETIAMSI PAPALIS EXISTAT, obedire tenetur, in his que pertinent AD FIDEM ET EXTIRPATIONEM DICTI SCHISMATIS, ET REFORMATIONEM DICTÆ ECCLESIAE IN CAPITE ET IN MEMBRIS.*

Item declarat, quod quicunque cuiuscumque conditionis, status, & dignitatis, ETIAMSI PAPALIS, qui mandatis, statutis seu ordinationibus aut praeceptis hujus sacra Synodi, & CUJUSCUMQUE ALTERIUS CONCILII GENERALIS legitime congregati, super promissis, seu ad ea pertinentibus factis, vel faciendis obedire contumaciter contempserit, nisi resipuerit, condigne pænitentia subjiciatur, & debitè puniatur, etiam ad alia juris subsidia, si opus fuerit, recurrendo.

Facile animadvertis lector diligens Sessioni IV. per Sessionem V. quid lucis accesserit. Sessione sanè IV. summa illa autoritas adscita est Concilio; sed quantum verba sonant, Constantensi tantum. Cùm autem id Patribus angustius videretur, quam ut Ecclesiasticis morbis remedium afferri posset, Sessione V. itum est in eam sententiam, ut non solùm isti Concilio Constantensi, verùm etiam cuilibet alteri, parem autoritatem adscisceret.

Concil.
Const. sess.
iv. p. 19.

Ibid. sess.
v. p. 22.

Doctr. Lovan. p. 68. 69.
Placet h̄c perpendere tantisper, quām parūm censores nostri ad verbā decreti animum attenderint. Et quidem autor *doctrinæ Lovaniensium* ex Jacobo Latomo & aliis h̄c refert: *Ecce manifestè patet quòd decretum illorum Patrum, non loquitur universaliter de quālibet Synodo universali, sed de illâ singulariter, hoc est de Constantiensi.*

Disq. art. v. n. 65. Idem habet Dominus Nicolaus Dubois in Disquisitione: *Omnia, inquit, verba decretorum Sessionum IV. & V. quatenus de autoritate agitur, concepta sunt verbis de ipsâ solâ agentibus.* Nemp̄ adeò cursim legit Constantienses canones, ut nec illud adverteret: *Quicumque cujuscumque conditionis, etiam si Papalis, qui mandatis hujus sacrae Synodi & CUJUSCUMQUE ALTERIUS CON-*

CILII GENERALIS legitimè congregati obedire contempserit. En diligentem lectorē, qui Gallicanos Episcopos eo nomine castigārit, quòd, quæ laudaverint acta, non legerint. Usque adeò cæcūtiunt homines præjudiciis acti, quæque ipsi in ore habent assiduisque terunt manibus, nec legunt nec vident.

Concil. Confit. fess. v. Disq. art. ix. pag. 44. præf. aut. Gall. lib. v. cap. xv. n. 6. Tract. de Libert. Eccl. Gall. lib. v. cap. xv. n. 6. In diligentior futurus videbatur, in eundem impegit lapidem: *Notanda, inquit, sunt illa verba: IN HIS QUÆ AD FIDEM ET EXTIRPATIONEM DICTI SCHISMATIS, PRÆCEPTIS HUJUS SACRAE SYNODI SUPER PRÆMISSIS, SIVE AD EA PERTINENTIBUS, quæ decreta illa circumscribunt, ac sine limitatione intelligere vetant.* At quā fide omittit illa verba: *cujuscumque alterius Synodi generalis, & ipsam fidei ac Schismati additam reformationem?* Ac ne quid deesse possit, disertè positum, *super præmissis & ad ea pertinentibus, ipsâ etiam hoc reformatione conclusâ; quæ profectō voces, si quid limitationis sonant, haud equidem scio, quæ deinde generatim dicta intelligentur.*

Daguirr. Def. Cath. Pet. Disput. xxxvij. n. 8. p. 502.

Sanè doctissimus Daguirreus (*a*) horum præjudiciis ductus, ipse quoque

ex

(*a*) *Daguirreus*] (Josephus Saens) Ordinis S. Benedicti Monachus, Doctor & interpres primarius Scripturæ factæ in Universitate Salmanticensi, vir plurimâ doctrinâ, & mire probitatis famâ conspicuus, multa opera edidit; ac imprimis Concilia Hispaniæ quatuor volum. in fol. diligentissime colligit, quibus notas addidit & exquisitas dissertationes. In hujus operis prefatione, pestiferam hanc, quam olim ipse defenserat probabilitatis doctrinam damnatam jubet esse; & in reliquo opere, præcepta morum tradit ita pura sanctaque, ut omnium calculo Daguirreus approbaretur, nisi eas sibi tuendas suscepisset falsas decretales, quas Romani ipse aperte contemnunt. Quando exorta est de Gallicanâ Declaratione controversia, mulhi crediderunt à Daguirreo scriptum fuisse tractatum illum anonymum *De Libertatibus &c.* quem omnes nunc scunt D. CHARLES ferum fuisse. Sed ipse se professus est autorem operis sanè longissimi, cui titulum fecit: *Defensio Cathedre Sarli Petri &c.* de quo nobis pauca supersunt dicenda, cùm ea ferè omnia D. BOSSUER in suâ præviâ Dissertatione egregiè confutaverit, quæ, antequām venisset in nostras manus ea Dissertatione, nobis animadversione digna visa fuerant.

Vid. etiam Diff. viij. & x. in Conc. Uj. Tolet.

Vid. epist. dedicator. ad Innoc. xj.

Mirum profectō tantum Cardinalem, non mndo ex Bellarmino exscribere opiniones eas, quas vel iniquissimi Ultramontani vix defendere audeant, sed etiam acerbè interdum (ne quid dicam gravius) in Clerum Gallicanum invechi, & personam induere convicatoris, dignam scriptoribus iis, quales erant Marchio DE SARRETO, D. DUBOIS, D. ROCCABERTI, homine verò in ceteris suis operibus modestissimo prorsus indignam.

Illud mirum imprimis, a tam docto viro, qui Gallicana monumenta volvit plurima; hoc ass̄i potuisse; ante Gersonem in Galliâ neminem extitisse, qui Papæ infallibilitati adversaretur. Quasi verò ea acta quæ collegit D. DACHERY Spic. tom. vj. non aptè doceant eamdem doctrinam ante Gersonem à Petro Alliacensi & Universitate Parisiensi, atqu: etiam ab universo Clero Gallicano traditam fuisse: quasi, inquam, tempore Bonifaciani dissidii, non fuisse omnium Galliæ Ordinum adversis Pontificiam infallibilitatem unanimis sententia: quasi, ut etiam veteriiora commemoremus, ambigua esset Ivonis Carnotensis, Hincmarij

ex verbis Concilii Constantiensis elicit, nullo modo actum esse de omni Concilio generali, & in utrâque Sessione IV. videlicet & V. ejusdem Concilii Constantiensis, de illo singulari Concilio solùm prolatam esse doctrinam. Credo, non satis memor ejus sententiæ, quam ipse pro suo candore dixisset: *Concilium Constantiense definitissime (certo quidem sensu) (b) cuius Conilio generali potestatem à Christo immediate habenti omnes tencri obcedire, & ipsum Papam.*

Ibid. Disp.
xv. n. 12. f.
253.

. Atque ipsa canonis series postulabat, ut de omni generali Concilio dicetur; Synodi enim Constantiensis, hoc certè fundamento constituta erat autoritas, quod sit in Spiritu sancto legiimè congregata: quod potestatem à Christo immediate habeat: quod Ecclesiam Catholicam representet. Hæc autem non ad solum Constantiense Concilium, quod tunc habebatur, sed ad omnia æquè Concilia generalia spectant, quæque extiterant, quæque futura erant: ut nullus dubitationi locus superesse videatur.

Neque verò felicior illa responsio est, cùm aiunt, decreti verba ad solum schismatis causam apertè referri: nec attendere volunt ad has voces: *In his quæ pertinent AD FIDEM, ET EXTIRPATIONEM DICTI SCHISMATIS ET REFORMATIONEM dictæ Ecclesia in capite & in membris.*

Hæc illa decieta sunt Concilii Constantiensis, in ipsis Concilii Basileensis actis, summo omnium consensu repetita, cùm procul omni dubio universalis esset, eique Eugenius IV. adhæreret, nullo tum suborto schismate. Adeò Ecclesia semper intellexit, Constantiense decretum, non ad solum schismatis tempus, aut ad solum Constantiense Concilium, sed ad fidei quoque, & reformationis universalis causas, & ad omnia quolibet tempore futura Concilia pertinere.

Conc. B1.
fil. sess. ij.
tom. xi.
Conc. pag.
477.

Cæterum diligens lector facile animadverterit in duobus canonibus Conf-

mari Rhemensis & aliorum Gallorum è de re doctrina. Non omnino candidè actum est à Daguirreo, qui, postquam nostros Doctores hujus infallibilitatis præcones dixerit, nil ex illorum scriptis retulerit, præter quædam verba neotericorum Yamberti, Duvallii & aliorum, qui ultimo seculo Scholæ Parisiensi priscam & insitam sententiam labefactare conati sunt.

Et id quoque est mirum, Daguirreum, eum scriptorem, qui dialeqticæ calleret leges, tamen sic fuisse argumentatum: Prisca Synodi ut plurimum approbarunt ea decreta, quibus Pon ifices, suâ solâ autoritate, damnarunt hæreses: ergò Pontifices his Synodis infallibles videbantur; nam consequens ex antecedente non sequebatur. Id unum sequebatur sèpè summos Pontifices rectè decreuisse. Sed neque id animadvertisit Daguirreus, sacras Synodos, cùm tam diligenter in Pontificum decreta inquirunt, tum profectò apertissimè testari se credere falli eos posse.

Mirum denique acerrimi ingenii virum non sensisse, quæ vanæ essent notæ illæ, quibus Ultramontani distinguui posse putant èa decreta quæ vocant ex cathedrâ, ab iis quæ non sunt ex cathedrâ. Neque porrò decebat Daguirreum dicere, ea sola decreta esse ex cathedrâ, quæ prodirent iis omnibus instructa formulis, quibus suas Constitutiones, paucis abhinc seculis, Pontifices vestire consueverunt. Hoc enim posito, sequeretur vetera illa Pontificum ad Episcopos & Ecclesiæ responsa non fuisse ex cathedrâ prolata; quo quid absurdius? Multa me tacere jubet ipsius D. Bossuet in Daguirreum prona voluntas & amicitia. Utinam Daguirreus hoc opus nunquam scripsisset! Cæterum ille factus Cardinalis favit impensissime iis Theologis, quos Gallicanæ doctrinæ noverat tenaciores. Itaque videtur suum illud opus aliquomodo retractasse. Quid de eo senserit D. ARNAULD vid. epist. cccxlvi.

(b) certo quidem sensu;] id est ut explicat Daguirreus, supremam esse Conciliorum potestatem in dubios Pontifices, quales tunc fuisse dicit tres eos qui de Papatu contendebant,

tantiensibus ex Sessione V. relatis, primum, totidem verbis à sanctâ Synodo ex Sessione IV. fuisse repetitum. Quo factum est, ut plerique Scriptores, atque ipsa Synodus Basileensis, Sessionis V. decreta sola retulerit: quippe quæ & quartæ canonem complectetur integrum, & alium insuper majoris elucidationis gratiâ canonem adjunxerit.

Concil. Const. fest. v. ibid. pag. 26. In fine Sessionis V. adscriptum est: *Quibus articulis sive constitutionibus lectis, dictum Concilium eos & eas uniformiter approbavit & conclusit.* Quo patet hæc non tantum summâ autoritate, sed etiam summâ consensione esse decreta.

C A P U T I I I.

Ordo disputationis hujus: Censores nostri tria objiciunt: primum quidem de textu; alterum de sensu ac mente; posterum de autoritate decretorum Constantiensium.

MULTUM laborandum fuit, iis qui decreta Constantiensia elevare & obscurare conati sunt. Itaque primò textum ipsum sollicitant. Res quidem intentata haec tenus, canonesque integros, uti eos retulimus, ex Romanâ editione descriptos, omnes admirerant. Sed anno demùm 1683 quinquaginta scilicet & ducentis annis, postquam Constantienses canones conditi sunt: Emmanuel à Schelstrate, sacræ Theologiæ Doctor, Bibliothecæ Vaticanae Præfectus, repente prodiit, qui cum Constantiensis Concilii nova acta proferret, statim in ipso titulo, ejusdem Concilii *primum decretum Sessionis IV.* à Basileensibus corruptum esse testetur: ut uno ictu scilicet Basileensem Synodum, & Constantiensem confodiat.

Tom. iv. Cœc. gener. edit. Vatic. p. 138. 139. 140. 2º. Aiunt Concilii mentem nostros non esse assecutos: trahi quippe ad alias Synodos atque causas, quæ de Constantiensi propriè ac de schismatis causâ decreta sint; & cum sanctæ Synodi verba proferuntur, reponunt notum illud: *Intelligentia dictorum ex causis assumenda dicendi: & secundum subjectam materiam intelligenda sunt verba:* atque adeò Synodi ad tollendum schisma institutæ, ad solum schismatis tempus decreta referenda; non ad id trahenda tempus, quo indubitate Pontifex in Petri cathedrâ sedeat. Addunt ab ipsâ Synodo Constantiensi adversus Wiclefum, supremam Papæ agnitam autoritatem: non ergo absolutè, sed tantum schismatis causâ eam

Disquis. art. v. n. 80. Doctr. Lovian. p. 63. & seq. Concilio esse subjectam: quo referunt illam regulam: *Quid ubi est apparet aliqua contradictione, singulis legibus adaptanda est facti species; distinguendi causus, eaque capienda interpretatio, qua tollat contradictionem.* Denique urgent illud: *Ex contextu facienda interpretatio, nec attendenda tantum nudè Sessionum IV. & V. verba, sed & sequentia, qua Pontificis absolute potestati faveant.*

3º. Autoritatem decretorum oppugnant; intellexerunt enim quâd difficile sit ad unum schisma revocare, quod universum à Synodo dictum esset. Quare eò maximè machinas omnes intendunt, ut tantæ Synodi autoritatem evertant.

Sic igitur illi Constantiensium canonum textum , sensum , autoritatem oppugnant. Nos verò nostro more gesta referemus ; quibus quidem gestis , ipsaque celeberrimi ac maximi negotii serie , adversariorum objecta suo quæque ordine collabantur.

C A P U T I V .

Novum EMMANUELIS SCHELSTRATI de textū falsatione commentum.

PRIMUM igitur perpendamus , novam , quam Schelstratus de falsatione textū Synodi Constantiensis componit historiam. Et ille quidem memorat Sessionis IV. decretum , à nobis descriptum , Synodi Basileensis jussu anno 1432 fuisse corruptum , additaque illa verba , quibus Papa Concilio subesse dicatur : *Non in his quæ pertinent ad fidem , & extirpationem schismatis , sed in his quæ ad reformationem generalem Ecclesie Dei in capite & in membris.* De his postremis verbis Schelstratus litem movet. Cæterū ea verba æquè cum reliquis , ac reformationem generalem in capite & in membris , cum fide & schismate , in Sessionis V. decreto junctam recognoscit ; Sessionemque V. nullius falsitatis accusat : atque adeò ex Schelstrato constat , Patres Basileenses eam falsationem aggressos , non ut Papam haberent , etiam in generali reformatione subditum : id enim in Sessione V. contineri liquet , & ipse confitetur ; sed ut bis haberent , quod semel profecto habuisse sufficiat. Hic tanti facinoris fructus Basileensibus fuit.

Schelst.
Diff. Ant-
tuerp. cap.
j.art.j.p.36.

Ib. p. 38.

Quæ cùm ita sint , nemo est , qui non in ipso quæstionis titulo Schelstratum rideat , tot ac tantos viros gratuitū sceleris accusantem. Sed tamen videamus quemadmodum suam texuerit fabulam : simulque memorabimus & dissertationem primam , quam ipse *Antuerpiensem* vocat , & tractatum de sensu & autoritate decretorum Constantiensis Concilii Sessionis IV. & V. quem adversus Maimburgum (c) hujus dissertationis tuendæ gratiâ , Romæ Typis sacræ Congregationis , de propagandâ fide , secundo loco edidit.

Is igitur , variis Concilii Constantiensis editionibus memoratis , hæc subdit : *Ut autem manifestum fiat , ex quonam codice predicta Constantiensis Synodi alta primum edita sint , & quenam illi fides adhiberi valeat , notandum est Concilium Basileense , cùm jam viderei autoritatem suam apud plerosque vilipendi , cogitare coepisse de publicandis actis Constantiensis Concilii ; ideoque man-*

Ib. p. 36.

(c) *adversus Maimburgum.*] Hic quondam Jesuita , sacris suis concionibus clarus , multis libris historicis editis clarior , aliquandiu lectoribus plurimū placuit. Nam quæ sibi ex arte criticâ dabant , ea aliquomodo compensabat gratis digressionibus , sententiis elegantibus , & narrandi proptiā sibi quādam amoenitatem. D. MAIMBOURG , qui omni quidem tempore pro Libertatibus Gallicanis studiose fecerat , scripsit an. 1685. librum cui titulus est : *Traité historique sur les prérogatives de l'Eglise de Rome* , in quo libro , sibi ipsi industriâ & judicij ratiōne superior , pugnat pariter & contra Protestantes , qui omnia fāctāe sedis iura proscindunt , & contra Ultramontanos , qui ea exagg. rant , multaque comminiscuntur. Decertat quoque adversus Schelstratum , qui ut alibi diximus , scripsérat a Basileensibus adulterata fuisse acta Constantiensia. Vid. DUP. xvij. sec. & tract. D. MAIMBOURG.

dâsse duobus Cardinalibus, duobus Episcopis, duobus Theologiae Doctoribus, & Archidiacono Zagrabiensi *, ut ex actis Constantiensis Synodi decreta extraherent. Tot ac tanti futuri erant meditati sceleris administri.

* Zagrabia est u. b. Episcopalis Regni Hungariae in Sclavonâ regione.
Ibid.
** Hageno urbs est in Alsânia sita.

Quis non hâc statim exclamaverit, contemnendam potius, quâm confundandam esse Schelstrati fabulam? Sed tamen reliqua audiamus. Addit hoc opus totum ex actis Synodi Constantiensis extractum, anno 1432 fuisse absolutum, pendenteque Bullâ plumbeâ bullatum; atque ex copiâ inde fideliter extractâ Hagenovensem ** editionem, anno 1499. prodisse; quam deinde secutæ sint Mediolanensis anni 1518. Parisiensis Jacobi Merlini Doctoris Parisiensis anni 1524. Coloniensis anni 1530.

Has tres editiones Schelstratus memorat, in excudendo Sessionis IV. decreto ab aliis discrepare; sed eâ unâ in re, quod ab his absit hæc vocula ad fidem: atque omnino primum omnium, qui fidei vocem decreto addiderit, fuisse Petrum Crabbium *, qui nullâ factâ correctionis mentione, nulloque codice citato, anno 1538. suam editionem adornârit, quam reliquæ deinde secutæ sint. Hæc quidem Schelstratus; quæ ad Basileensem Synodus ab eâque corruptam, ut is autor jaâtaverat, Concilii Constantiensis Sessionem IV. nihil omnino pertinent.

An ergo id agit, ut particulam, ad fidem, è Sessione IV. Constantiensi eradamus, Petroque Crabbio eam inferenti falsitatem imputemus? Ne id quidem; imò ipse acta Constantiensia ea laudat pro antiquissimis atque authenticis, in quibus disertè in Sessione IV. Constantieni expressa legatur particula, ad fidem, quæ Hagenovensi editioni deest; testaturque infuper antiquissimâ manuscripta Concilii Constantiensis, quæ quidem ipse viderit, particulam illam, A D F I D E M , habere. Ergo profectò haec tenus, neque Basileensis Concilii, neque Petri Crabbii laborat fides; aliasque editiones quæ ipsum antecesserint, mancas, esse necesse est.

Ibid. in
dissert. Ubi ergo tandem locus ille à Basileensibus corruptus? Nempè hic est: Offendimus, inquit, suprà ex compilatione deputatorum Basileensis Concilii, editam fuisse Synodum Constantensem in oppido Hagenow, in quâ editione decretum Sessionis IV. habet adjuncta hec verba: ET REFORMATIONEM GENERALEM ECCLESIAE DEI IN CAPITE ET IN MEMBRIS: Et hæc sunt, quæ à decreto Sessionis IV. abesse debuerunt. Hic ergo est ille locus Basileenium autoritate corruptus.

Id vero, ut demonstret, hæc affert. Tres, inquit, codices manuscripti continent acta Constantiensis Concilii à Notariis ipsius conscripta, ex quibus Basileenses decreta compilârunt, non habent illa verba in primo decreto Sessionis IV. ET AD REFORMATIONEM GENERALEM ECCLESIAE DEI IN CAPITE ET IN MEMBRIS. Sic Basileenses accusat, ut qui acta Constantiensia, etiam sibi visa, malâ fide descripserint; nullâ probatione; neque enim ullum monumentum affert, quo tres illi codices Basileensibus visi ac descripti doceantur. Addit Schelstratus: sex alios codices manuscripts antiquissimos, qui non habeant illa verba, de reformatione: undè concludit, in Sessione V. solummodo clausulam illam (de reformatione scilicet) adjungendam esse; ut, inquit, indubitatum sit, predicta verba, (de reformatione) à Basileensibus errore decreto Sessionis IV. adjuncta, & à collectoribus Conciliorum, errore Basileenium deceptis, typis fuisse edita.

Hæc est illa historia, quam Orbi Christiano primùm à se proditam, Emmanuel Schelstratus toties gloriatur. Hæc illa falsitas, quam Patres Basileenses in Sessionis IV. Constantiensis decretum invexerint, ut etiam in Sessione IV. legeretur, quod in V. legi nemo, ac ne ipse quidem Schelstratus negat.

C A P U T V.

SCHELSTRATI, de falsatâ sessione IV. Constantiensi, fabula confutatur: probitas Patrum Basileensium omnium scriptorum consensu afferitur: B. LUDOVICI ALAMANDI, ejus cætus Principis, eximia sanctitas.

AC primùm quidem, nemo sanus dixerit tantum cœtum in tantum facinus consensisse. Sit enim, quantum Schelstrato placuerit, Basileensis Synodus reprobata: tamen iis viris constabat, qui bonâ fide agerent, miroque reformatæ Ecclesiasticæ disciplinæ studio tenerentur. Præterat tanto conventui beatus Ludovicus Alamandus Cardinalis, Archiepiscopus Arellensis, tantæ sanctitatis, ut profectò tali viro, & quidem tantum facinus nullâ satisfactione purganti, falsitatem imputare, non modò summæ temeritatis, sed etiam manifestæ impietatis esse constet.

Aderant in eâdem Synodo Episcopi ac Doctores pietatis ac doctrinæ nomine commendati: neque Æneas Sylvius, Pius II. Pontifex factus, qui in gestis Basileensibus præclara eorum facinora memoravit, est inficiatus unquam; &, in retractatione suâ, doctrinam quidem ejuravit, quam Basileæ tenuisset, historiæ verò suæ non detraxit fidem: ut profectò tantos viros errâsse bonâ fide, atque ulteriùs quām oporteret, studio reformationis abreptos suspicari liceat; falsi insimulare, impium absurdumque sit.

“Faciamus tamen eos vel facinorosissimos fuisse. Quo tandem artificio latere se posse considerent? Quid tanto numero tantum facinus consciivissent? At illi nihil occultè moliebantur, qui teste Schelstrato, decreta Constantiensia exfrahenda mandâssent duobus Cardinalibus, duobus Episcopis, duobus Theologiæ Doctoribus, & Archidiacono Zagrabiensi, Joanni scilicet illi Segoviensi, cuius pietatem ac doctrinam Æneas Sylvius tot laudibus cumulavit.

Præterea ex præfatione Synodi Basileensis, editioni Hagenovensi præfixa, constat: fuisse inter illos deputatos, Thomam Corcelleum, quem *inter sacrarum literarum Doctores, doctrinâ mirabilem, & modestâ quidam verecundiâ amabilem*, idem Æneas Sylvius commendavit: quos profectò tot ac tantos in scelus consensisse, neque sibi mutuò erubuisse, seque & Synodum infamasse, ne infensissimos Basileensium hostes credituros putamus, ne ipsum quidem Schelstratum, si reviveret, iteratò dicturum, si sua dicta perpendere potius, quām perfractè tueri vellet.

Quod enim tantum opera pretium fuerit, ut illud facinus molirentur? loc. jam cit. CCC iiiij

Vid. Gall.
purpur. in
beat. Lud.
Alam. an.
1426. pag.
474. vid.
quoq. Æn.
Sylv. de
gest. Basil.
& Dissert.
præv. n.
xliv.

Æn. Sylv.
ibid. pass.
Ejusd. Bull.
retract. tō.
xij. Conc.
P. 1407.
Schelstr.
Dissert. An-
tuerp. pag.
36.

Æn. Sylv.
loc. cit.

Sylv. ibid.
vid. præf.
edit. Hagc.
an. 1500.

Schelst.

Ibid.

Nempè ait Schelstratus : ut labascentem Concilii Basileensis autoritatem ; edito Concilio Constantiensi firmarent. At pessum darent potius tam apertâ falsitate , seque Orbi Christiano irridendos propinarent , tantum scelus aggressi , ut Sessione IV. corruptâ & adulteratâ , nihil tamen haberent , quod non totidem verbis in Sessione V. integra & illibata haberetur. Quid , quòd , Schelstrato teste , Basileenses Patres , ne id quidem curabant , ut duarum Sessionum decreta iisdem verbis ederentur , cùm idem Schelstratus verba illa , ad fidem , quæ in Sessione V. habentur , in extractis Basileensium deesse testetur.

Patet ergò optimâ fide egisse eos , quæque in manibus habebant Constantiensia decreta ad verbum exscriptissimæ , neque quidquam fraudis molites fuisse.

Neque verò ea falsitas , ac Basileensium scelus , Eugenium IV. aut Joannem à Turrecrematâ latuisset , qui tot inter inyectivas , nihil unquam tale Basileensi Synodo exprobrârunt. Neque Pius II. rerum Basileensium testis oculatus ac scriptor egregius , tale quid aut in historiâ privatus , aut in retractatione Pontifex protulit : ut profectò temerè nimis Emmanuel Schelstratus , post duo ferè secula cœperit sollicitare Basileensium fidem , quam eodem ævo infensissimi Cardinales atque Pontifices minimè accusârint.

Cur autem in eorum extractis , seu potius in extractorum quibusdam exemplaribus , ac deinde in quibusdam quoque libris editis desit illud , ad fidem , quod , teste Schelstrato , in antiquis verisque codicibus habeatur ? Quis non potius Librariorum aut Typographorum indiligentia , quâm Basileensium tot ac tantorum deputatorum errori , nedum perfidiæ tribuat ? Quem Librariorum errorem , cùm in his verbis , ad fidem , ipse Schelstratus agnoverit , (d) mirum cur non intellexerit , in Constantiensibus illis , quos laudat manuscriptis , circa reformationis mentionem eundem lapsus contingere potuisse.

Latet profectò neminem , persæpè variare codices manuscriptos , faciendum delectum , favendumque ei editioni quæ à doctioribus viris , atque ex melioris notæ codicibus recensita , apud eruditos invaluerit ; qualis illa est Petri Crabbii , religiosissimi ac diligentissimi viri , quam Roma ipsa probavit , editio.

Neque quemquam movere debet , in quibusdam Conciliorum vetustio-

(d) ipse Schelstratus agnoverit .] Nulla potest excogitari ratio quæ Basileenses eò impulerit , ut deditâ operâ prætermitterent in Constantiensi decreto hæc verba , ad fidem ; cùm illa prætermisso noceret potius quâm faveret Conciliorum autoritati. Rectè igitur accusat D. BOSSUET Librariorum aut Typographorum indiligentiam ; quod quidem ipsi vistum est ad eò certum & ab omni controversiâ remotum , ut facilè crediderit fore ut ipse Schelstratus sic sentiret. At ille præjudicatarum suarum opinionum tenacissimus in ea prorumpit verba Diff. advers. Maimb. j. p. 21. Quare sine certâ scientiâ accusat tabellarium (prætermisso verba AD FIDEM :) Cur sine firmo fundamento Notarii Apostolici fidem non solum in dubium revocat , sed aperte fugillat ; cumque , qui pro veritate ex officio testimonium tulit , falsitatis arguit. Qui si sui compos esset , intelligeret amanuensi , licet diligenti , verbulum in descriendo facile excidere , nec non etiam codicem cum scripto conferenti , ubi præsertim ex omisso verbo sententia nihil detrahitur. Itaque non propterea infidus Notarius Apostolicus , quod levè errore Librarii prætermisso , testatus fuerit apographon authenticum exemplari omnino simile esse. Quamquam si necesse esset falsi aliquem arguere , argueretur verisimilius Librarius aut Notarius Apostolicus ; sed nemo est accusandus.

rum editionibus desiderari quædam; cùm item in recentioris Synodi Tridentinæ quibusdam editionibus, atque in eâ ipsâ quæ stante Concilio, facta est, constet abesse à decreto Sessionis V. de peccato originali, exceptionem eam, quam beatæ Virginis Deiparæ gratiâ, à sanctâ Synodo adhibitam fuisse, nemo sanus diffitetur. Cæterum multi sunt Synodi Constantiensis in celeberrimis Bibliothecis, Regiâ, Colbertinâ, inclyti Victorini Cœnobii, &

Concil.
Trid. s. ff. v.
can. v. tom.
xiv. Conc.
P. 753.

Regii Collegii Navarrici vetustissimi codices, quorum etiam quidam ab ipsâ urbe Constantiâ Concilii tempore transmissi, ex adscriptis epistolis demonstrantur, in quibus decretum Sessionis IV. eodem tenore legitur, quo est in vulgatis; ut non immerit Petrus Crabbius, vir diligentissimus ita ediderit, Romanaque editio eandem lectionem confirmaverit. Quâ quidem in editione Romanâ ipsa Præfatio testatur, Pontifici Romano nihil præf. tom. j. fuisse antiquius, quam ut post Divinarum Scripturarum editionem, Concilia universalia, quam maxime fieri posset, emendata proferrentur.

Neque omittendum est Odoricum Rainaldum, Baronii continuatorem in edendâ Concilii Constantiensis historiâ, antiquissimis & amplissimis, ut sèpè testatur, codicibus usum, ita retulisse Sessionis IV. decretum, ut est in editione Romanâ positum. Atque decretum illud, idem Odoricus Rainaldus docet optimâ ratione, & in Sessione IV. conditum, & in Sessione V. ad infringendas Joannis XXXIII. improbas molitiones, instauratum fuisse: ut profectò sit certum Emmanuelem Schelstratum inani operâ laborâsse, qui in elevandâ decretorum Constantiensium autoritate, etiam Odoricum Rainaldum superare voluisse videatur.

Odoric.
Rain. tom.
xvij. an.
1415. n. 7.
& 14.

Quin ipsa Sessio IV. si attentè consideretur, vulgarem lectionem satis adstruet; sic enim ejus verba Schelstratus ipse refert: *Hæc sancta Synodus pro extirpatione præsentis schismatis, & unione ac reformatione Ecclesiæ Dei in capite & in membris fienda, ad landem omnipotentis Dei, in spiritu sancto legitimè congregata, ad consequendum facilius, securius, uberior ac liberius unionem ac reformationem Ecclesiæ Dei, ordinat, diffinit, statuit, decernit, & declarat ut sequitur: quibus verbis significat hoc decretum, non modò ad reformationem maximè pertinere, verùm etiam ad eam collimare tanquam ad scopum. Quæ postquam præfata est sancta Synodus, sui oblita videretur, si in ipso decreto, reformationem præmissam omitteret.*

Aet. Const.
edit. Schels.
P. 4.

At enim, ait Schelstratus, *indè sequeretur ab eodem decreto Sessionis IV. abesse debere vocem FIDEI, utpote de quâ in præfatione allatâ nulla mentio est. Undè etiam consequatur, decretum præfationi in omnibus correspondere debere. Vanum suffugium; nam ab ipso initio, Synodus fidem designaverat hoc decreto Sessionis III. Ut non dissolvatur (Synodus) usque ad extirpationem schismatis & quousque Ecclesia reformata sit in fide & moribus & capite & membris. Quod semel dictum & fundamenti loco positum hærebat animis; neque in Sessione IV. post triduum habitâ iterari oportebat; cùm præsertim reformationis nomine intelligenda veniret ipsa reformatio in fide & moribus recentissimè in Sessionis III. decreto memorata. At Sessione IV. si de reformatione tanta præfati, de eâ in decreto penitus conticescerent, nimis oscitanter ipsum rerum caput prætermittere viderentur.*

Schels.
tractat. de
fens. &c. ad-
vers. Maim-
Diff. j. cap.
ij. p. 46.
Conc. Cöft.
sess. iij. p. 18.

Gonz. de Itaque Pater Gonzalez (e) laudatis licet impensisimè Schelstrati probat. infall. R. P. disputationibus, ultrò tamen confitetur autores solutionis illius, qui ad Papam dubium verba Sessionis IV. Constantiensis adstringunt, non infistere in Schelstrati notitiis, sed procedere supponendo decretum Sessionis IV. conceptum fuisse prout

(e) Pater Gonzalez] (Thyrsus de Santala) Doctor & Professor in Universitate Salmanticensi edidit an. 1684. jam tunc Societatis Jesu Praepositus generalis, insignem tractatum, quo impugnat probabilitatē doctrinā. Statim in *introductione lectoris*, memorat se ferre ægerrimè sententiam benignam suæ Societati quasi propriam imputari. Ideò, ut à Societate hanc invidiā amoliretur, ostendit, *Antiorum de Cordubæ* è D. Francisci, & *Sabaudum* è D. Augustini familiis hujus opinonis fuisse autores; contra verò primos ejus impugnatores è Societate prodidisse P. Ferdinandum Rebellum, Paulum Comitolum & Andream Blaneum. Ipse, post exactam, ut ait, totius controversie discussionem, statuit non licitum esse sequi sententiam minus probabilem tam, reliè probabiliore; neque tamen ullum è subditis suis ad ita docendum adstringere interdit. Vid. huj. tract. præf. & D. Dup. Bibl. xvij. sæc. Exstat ejusdem P. GONZALEZ aliud opus à D. DUPIN prætermisso, quod Romæ excusum est an. 1689. sub hoc titulo: *De infallibilitate Rom. Pontif. in definiendis fidei & morum controversias &c.* In illo opere eò intendit imprimis GONZALEZ ut ipsius D. DUPIN confitet librum de antiquâ Ecclesiæ disciplinâ, & D. MAIMBOURG libros historicos. Hunc autem tractatum D. DURIN non viderat. Nam statim atque excusus est, cavit Alexander vj. ne ille divederetur, ut testatum legimus in epistolâ à quopiam Romæ degenti 28. Decemb. 1694. misâ ad D. LE TELLIER Arch'ep scopum Rhemensis, quæ affixa ipfi libro P. GONZALEZ, in Bibliothecâ sanctæ Genoveſæ aſſervatur, cujus hæc sunt verba: *Je suis bien aise que le livre de infallib. sum. Pont. vous ait été rendu. Il n'est pas à Rome & ailleurs publici juris; au contraire il y est extrêmement rare, & tous les exemplaires en ont été supprimés par ordre du S. P. re.... On dit pour raison, que ce livre ayant été imprimé par ordre du Pape Innocent xj.... & Alexandre vij. l'ait fait lire & examiner de nouveau, ne voulut pas qu'il parût, tant pour ne pas embrouiller les affaires, qui ne l'étoient déjà que trop, que parce qu'il crut que l'ouvrage ne répondoit pas au dessin, & il en fit supprimer les exemplaires. Merito Alexander vij. publici juris esse noluit hunc librum amplius sanè, sed, si pondus speciosus argumentorum, levissimum. Exemplo sit illud quod P. GONZALEZ censet omnibus assaultibus in p. rvium; De fide est non posse totam Ecclesiæ errare in materia fidei: HOC PRIMUM PRINCIPIUM: SECUNDUM PRINCIPIUM: De fide est Christum fundasse Ecclesiæ, in quâ tribunal esset visibile, quod supremam haberet potestatem ultimâ determinandi controversias circa fidem & religionem: DIC ECCLESIAE; SI AUTEM ECCLESIAM NON AUDIERIT &c. TERTIUM PRINCIPIUM: Ergo supremum tribunal ad decidendas fidei & morum controversias debet esse autoritatis infallibili's. QUARTUM PRINCIPIUM: Porro certum est Christum non relquiisse habeat autoritatem infallibilem in cumulo seu collectione omnium Christianorum, nec in cumulo seu collectione omnium Episcoporum; unde consequens est hanc eum reliquise in solo Papâ. Utrum consequens ex iis quæ supra retulit verbis, dic Ecclesiæ, sequatur, lectori dijudicandum damus. Et tamen hoc illud est argumentum quod sepissime iterat & mille versat modis GONZALEZ in totâ primâ disputatione, quæ paginas implerat 128. in 4°. In secundâ disputatione, Papæ infallibilitatem assertam esse contendit his Christi verbis: *Rogavi pro te &c. Tu es Petrus &c. Tibi dabo claves &c.* Vide passim in toto D. BOSSUET tractatu hæc & similia argumenta, quæ ex illis Scriptura locis Ultramontani petunt, egtegiè confutata. Eosdem locos allegat GONZALEZ quibus etiam probet à Papâ in omnes Episcopos potestatem jurisdictionis & Ordinis derivare. Sibi quidem objicit hæc Evangelii verba: *Sicut misisti me pater, & ego mittio vos;* &c.: *Quorum remiseritis peccata &c.* quæ apertissimè indicant omnes Apostolos à Christo immediate missos fuisse. At si credimus P. GONZALEZ hæc verba nimis obscura sunt, illa verò p. r. spicula: *Pasce oves meas,* quibus regimen Ecclesiasticum monarchicum uni Petro commissum ostendatur; & præterea Suarez, Turrecræmata, Valentia &c. affirmant solum Petrum à Christo immediate ordinatum, deinde ordinasse cæteros Apostolos. His & aliis æque futilibus lectores suos GONZALEZ detinet à p. 129. ad p. 198. In tertia disputatione eamdem Papæ infallibilitatem urget, adductis sententiis Conciliorum generalium. Sic statuit de Concilio Nicæno: *Eruditissimus noster Franciscus Turrianus.... testatur, in hoc Concilio declaratum esse Romanum Pontificem esse supra Concilium omnium Episcoporum.* Hoc Turriani testimoniū instar illi est omnium & potentissimorum argumentorum. Cætera quæ adjungit, aut perperam allata, aut male diducta ex apocryphis historiis, aut aperte falsa, hic referte*

prout modò habetur in editionibus omnibus. Nempè adversante publicorum omnium codicum turbâ, parùm fidere ausus Schelstrati notitiis, piaque, ut vocat, *sententia.* Quâ voce Schelstrato pietatem magis quâ veritatem certam asserere videatur.

Cæterùm ex antedictis sat liquet à Schelstrato assertum temerè, Sessionem IV. à Basileensibus Patribus corruptam: cùm tamen, si id maximè probavisset, nihil adversùs nostros concluderet, quibus in Sessione V. satis amplum firmumque præsidium superesset.

C A P U T V I.

Sessionis V. quâ potissimum utimur, lectionem, neque in dubium revocari posse, neque unquam in dubium revocatam.

SE D quandoquidem contendit Schelstratus in Sessionis IV. verbis, non nihil variâsse codices sive manuscriptos sive etiam excusos; ne quis suspicetur idem in Sessione V. quâ potissimum utimur, evenire potuisse; notatum hîc volumus, primùm ab omnibus, & ab ipso Schelstrato, ejus lectionem, ut certam agnoscí: tûm verò, adeò esse firmam, ut numquam in dubium revocari possit.

Et quidem ea Sessio acta est die Sabbati 6. mensis Aprilis, anno 1415. ut ipso initio Sessionis inscriptum est. At eodem anno 21. die mensis Julii, cùm Sigismundus Imperator, pacis Ecclesiasticæ gratiâ, in Hispaniam profecturus esset, ac pro ejus itinere, sacræ Synodi decreto, Misæ ac Litaniæ solennes haberentur, quibus omnes Prælati interessent; coram tanto cœtu Joannes de Gersone, Universitatis Parisiensis Cancellarius, & Caroli VI. Christianissimi Regis Legatus, sermonem habuit: quo quidem in sermone, & Sessionem V. memorat, & ejus decreta, quæ suprà retulimus, de verbo ad verbum refert, ne uno quidem apice immutato; subditque continuò: *Conscribenda prorsus esse mihi videretur in eminentioribus locis, vel insculpenda per omnes Ecclesias saluberrima hac determinatio, lex, vel regula, tanquam directio fundamentalis, & velut infallibilis, adversùs monstruosum horrendumque*

Concil.
Const. sess.
v. pag. 21.
sess. xvij. p.
155.

Gers. serm.
de viag.
Reg Rom.
tom. ij. edit.
D. Dup. p.
275.

ferre non est necesse, neque etiam dicere de reliquis disputationibus usque ad nonam, in quibus Papæ infallibilitatem tueri ntitut *ex Synodis provincialibus, ex praxi Ecclesie, quâ praxi, inquit, ex Traditione Apostolicâ mos fuit referendi fidei questiones ad Papam;* q̄ia in eis decidendi errare non posse credebatur; denique *ex autoritate Pontificum, ex testimonio SS. Patrum & ex jure Pontificio, seu Pontificum decretis.* Disp. ix. & x. multorum Scholasticorum allegat testimonia, & eorum imprimis qui hanc suam opinionem de fide certam, contrariam certò hereticam pronuntiant. Nam ut optimè annotavit D. BOSSUET, Ultramontani ubique improperant heresim. Neque prætermittendum est eundem P. GONZALEZ tam falsò quâ confidenter affirmare omnes Universitates, Parisensem quoque, ante Pontificatum Urbani vj. pro fixo statuisse dogmate, Papam esse infallibilem. Quo loco illud iterabimus quod jam à nobis alibi observatum esse meminimus: nempe Ultramontanos esse alios aliorum servum pecus. Paucā reperies apud P. GONZALEZ, quæ non prius d'cta fuerint à Daguirre & aliis, præter magnificas illas laudes, quibus, non admodum congruerter, omnibus ferè paginis, suam Societatem celebrat.

offendiculum, quod hacenius positum erat per multos de Ecclesiâ in itinere mandatorum, determinantes ex textibus glossâ, non ad regulam Evangelicam & aeternam acceptis, Papam non esse subiectum generali Concilio, neque judicari posse per ipsum. En quæ quatuor mensibus post Sessionem V. coram Patribus sacroque Concilio dixerit Christianissimi Regis Legatus: en, inquam, quid pro suggestu, nemine improbante, dixerit, prædicaverit de Sessionis V. decretis, quibus Regnum Franciæ ejusque Legatos intercessisse Schelstratus memorat; ut & hoc in antecellsum de eâ intercessione dicamus.

Schelst.
Diff. Antwerp. cap. j. art. 2. p. 42. 43. Diff. ij. adver. Maimb. c. ij. p. 91. & seq.
Gers. serm. in die S. Anton. loc. cit. p. 355.

Ibid.
Inf. lib. vj. cap. xix.

Gers. loc. cit. p. 30.

Pet. Alliac. tractat. de Eccl. aut. part. iij. capitul. iv. in ap. end. tō. ij. Ge s. P. 9. 6
* aitā men- se Feb. 1432.

Conc. Bas. sess. ij. pag. 477.

Idem Joannes Gerson coram sanctâ Synodo sermonem habuit anno Domini 1417. Dominica die 17. Januarii, quo in sermone dixit: *Quamvis ultra multiplicare sermones quid opus est super eâ veritate, cuius decisio clarissima solidissimaque facta est per hoc sacrum Concilium, cui non licet obniti, nec ipsam in argumenta deducere?* Ac paulò post refert decreta Sessionis V. quemadmodum vulgata sunt; quæ nihil hic referre totidem verbis attinet, cùm diligenter exscribat duo Sessionis V. decretâ integra, iisdemque verbis, quæ jam descripsimus, ne immutato quidem apice. At prætermitti non debent, quæ statim ipse subdit: *Huius veritati fundata super petram sacra Scriptura, quisquis à proposito detrahit, cadit in hæresim jam damnatam, quam nullus unquam Theologus, maximè Parisiensis, & sanctus afferuit.* En qui decretis Constantiensibus Sessionis V. intercessisse memoratur.

Sic quippe censebant, sic prædicabant; fidei veritatem fundatam suprà petram assiduè inculcabant; neque contrariae sententiæ notam hæresis inutere verebantur, à nullo reprehensi; imo à Patribus totoque Concilio in pretio habitu summisque præpositi negotiis. Nimii, inquiet, qui hæresim improperant, quod nec nos nunc facimus. Hæc quidem suo loco propriâ quæstione habitâ exponemus: nunc sanè quid, Synodo audiente, Gerson à nemine reprehensus prædicaverit, audisse sufficiat.

Idem tractatu: *An liceat in causis fidei à summo Pontifice appellare, eadem decreta Sessionis V. die 6. Aprilis anno 1415. habitæ, de verbo ad verbum exscribit;* eorum quoque summam Petrus Cardinalis Alliacensis repræsentat tractatu, quem anno 1417. vigente Concilio, de Ecclesiæ autoritate, Constantiæ edidit.

Jam anno 1431. cùm Basileensis Synodus haberetur, Sessione II. * Patres hoc rerum gerendarum fundamentum ponunt: & ne de ejusdem sacrae Basileensis Synodi potestate à quoquam dubitetur, ipsa eadem Synodus duas declarationes ex decretis Synodi Constantiensis in praesenti Sessione, aliis suis decretis editis seu edendis inferendas ordinat & decernit, quarum quidem declarationum, tenor prima sequitur, & est talis. Subdunt postea Sessionis V. Constantiensis decreta duo, quæ suprà descripsimus, ne immutatâ quidem virgulâ.

Cum postea Eugenius IV. pravo maloque consilio, ut etiam eventus docuit, Synodum Basileensem dissolvere niteretur, Julianus Cardinalis, ejus in eâdem Synodo Legatus, ad Pontificem hæc scripsit: *Afferunt etiam (Patres Basileenses) prædictam dissolutionem fieri non potuisse, obstante quidem decreto Constantiensis Concilii, quod cuicunque Concilio generali legitimè congregato, in his quæ pertinent ad fidem, & extirpationem schismatis, & ad Ecclesiæ refor-*

mationem in capite & in membris, quemlibet cujuscumque conditionis, etiam Papalis, teneri obedire decernit. En igitur integer decreti Constantiensis tenor, qualem nunc habemus, certi fundamenti loco constitutus.

Subortis deinde gravibus dissidiis, innumerabiles loci sunt in Basileensi Synodo, quibus decreta Constantiensia Sessionis V. repetuntur, innovantur, ac de verbo ad verbum gestis inseruntur. Neque Eugenius IV. haec decreta falsò relata querebatur: imò verò edidit in Florentinâ Synodo decretalem, *Moyses*, quâ tres veritates Concilii Basileensis (*f*) damnat, eâ etiam causâ, quod Concilii Constantiensis sensu contrariae essent: adeò in confessio erat eos canones, vero tenore verborum à Basileensibus fuisse prolatos.

Quo etiam tempore, coram eodem Pontifice, Joannes à Turrecrematâ cum Legatis Concilii Basileensis publicè disputavit: canones Constantienses passim citabantur ac referebantur eo tenore verborum, quem sàpè diximus. Eos Turrecremata exponebat, elevabat, eludebat, ut poterat: genuinum legitimumque Constantiensis Concilii fuisse fetum ubique fatebatur.

Atqui certissimum est Eugenium IV. & Turrecrematam adfuisse Constantiensi Concilio, ipsumque Eugenium IV. jam fuisse Cardinalem, iisque temporibus adfuisse, quibus Joannes Gerlon ea quæ memoravimus prædicavit. Jam commemorare nihil attinet quoties hujus xvi Scriptores, Thomas de Corcellis, Antonius de Rosellis, Dionysius Carthusianus aliique innumerales, hujus Sessionis decreta exscripserint: ne quis forte Schelstratus hic unquam aut falsitatem, aut variam lectionem suspicari possit.

Conc. Bas.
sess. xvij.
xvij. xxxij.
P. 539. 540.
618.

Conc. Flo-
rent. part.
iij. Decr.
Moyses tom.
xiii. Conc.
p. 1186. vid.
etiam pag.
1188. 1190.

Turrec.
Resp. ad
Bas. part. ij.
n. 2. & 4.
tom. xiii.
Conc. pag.
1711. 1712.

C A P U T V I I .

Ad sensum Constantiensum canonum constituendum premittitur brevis historia schismatis: ex ipso schismate fidei periculum, Sedis Apostolicæ contemptus, morum corruptela, ac necessaria reformatio.

JA M Constantiensium decretorum textu constituto, certum sensum ac mentem exponimus. Verùm antè omnia brevis est præmittenda schismatis, & Conciliorum, Pisani scilicet & Constantiensis, de schismate agendum, historia. Hinc enim causæ status constituendus, & Constantiensium decretorum exponenda ratio, quâ difficultates omnes facile evanescant.

Notum omnibus post translatam ad Gallias, ibique septuaginta ferè annorum spatio collocatam sedem Apostolicam, Gregorium XI. tandem Ro-

Vid. Rai-
nald. tom.
xvij. an.
1378. n. 1.
& seq.

(*f*) *tres veritates Concilii Basileensis*] ex sunt: prima, *Veritas de potestate Concilii generalis...* supra Papam... est veritas fidei Catholica. Secunda, *Quod Papa Concilium generale.... sine ejus consensu nullatenus autoritative potest dissolvere, aut ad aliud tempus protogare, aut de loco ad locum transferre, est veritas fidei Catholica.* Tertia, *Veritatibus duabus prædictis pertinaciter repugnans est censendus hereticus.* Vid. tom. xiii. Conc. decr. *Moyses* p. 1188. 1189. & sess. xxxij. Conc. Basil. tom. xij. p. 619. & inf. lib. vj. cap. ix.

mam Avenione rediisse , ibi non ita multò post obiisse , anno scilicet 1378 . populum Romanum magnâ vi egisse cum Cardinalibus , quorum pars maxima Galli erant , ne fieret Pontifex , qui regredetur ad Gallias ; atque idè non tantùm infanis clamoribus , sed etiam certæ necis intentato metu postulâsse , ut civem Romanum in sede Apostolicâ collocarent : quibus maximè permotos , ad id devenisse ut , extra Cardinalium Collegium , Bartholomæum Barensem Archiepiscopum , Urbanum VI. eligerent , non quidem Romanum , sed tamen Italum ; quem in Italiâ ipsâ patriâ charitas detineret . Atque is , delinitâ plebe , in Pontificiâ cathedrâ constitutus , & ab omnibus agnitus . Neque eò seciùs post aliquot menses , Robertus Gebenensis * , Clemens VII. dictus , Anagniæ (g) electus est , quòd plerique Cardinales Urbanum vi electum contenderent : se quidem metu adactos , ac , datâ copiâ , statim ex urbe Româ tanquam ex custodiâ effugisse . Urbanus Romæ , Clemens à Gallis agnitus , Avenione sedit . Urbano Bonifacius IX. Innocentius VII. Gregorius XII. Clementi Benedictus XIII. Hispanus suffectus est . Has inter turbas Christiana Republica infando schismate , quadraginta ferè annorum spatio , laborabat . Quærebatur primum , an is metus fuisset , qui graves & constantes viros meritò permoveret , atque electionem irritam faceret ? Tum si electio per vim & seditionem extorta ab ipsâ origine nulia esset , an secutâ consensione , atque agnitio Urbani VI. rata haberetur ? An verò omnia per se , etiam ipsa agnitio atque consensio , eodem scilicet metu præstita , irrita caderet ? Et quidem satis constabat à Cardinalibus , quamquam non per omnia plebi furenti obsecutis ; quippe cùm non Romanum , sed Italum dumtaxat Pontificem providissent , tamen electionem ipsam , non uti facri canones postulabant , plenâ libertate fuisse celebratam ; neque integrum fuisse eis ut , more Majorum , ex totâ Republicâ Christianâ eligerent , qui toti præfuturus esset . Utcumque est , (neque enim juvat hîc tantam innovare litem) est certum , rem docis etiam sanctisque viris adeò obscuram esse visam , ut Nationes , Regna , Principes , sacrorum Antistites , illique etiam ipsi , qui vitæ sanctitate atque miraculis celebres habebantur , in re hac tenus inauditâ , juris & facti ambiguitate , in diversa studia traherentur .

Sæpè interim de pace actum , sed inani operâ ; neque persuaderi potuit utriusque partis Cardinalibus , ne sede vacante , novo Pontifice constituto , schisma propagarent ; neque ipsi contendentes , ut vocabant , hoc est , Angelus de Corario , Gregorius XII. ac Petrus de Lunâ , Benedictus XIII. qui se pro Pontificibus gererent , sæpè licet polliciti , adduci potuere , ut reipsâ loco cederent , ac pacem honori suo anteponerent : adeò imperii dulcedine capti , vanis pollicitationibus ac pactis , etiam sacramento confirmatis , nihil aliud quam suam conscientiam , ac publicam fidem , totumque adeò Orbem Christianum , ludere videbantur .

Sanè uterque profitebatur se à Pontificatu pacis Ecclesiasticae gratiâ dispensurum ; sed eâ conditione , si priùs æmulus loco cederet , paxque & unio ,

(g) *Anagniæ*] Cardinales primum fecerunt Anagniam , & inde Fundos urbem Regni Neapolitani in Provincia Terra Laboris , 9. leucis distans ab urbe Anagniâ . Ibi Robertus electus est .

ut vocabant, statim coalitura videretur. Sed cùm alter alterum expectaret, neuter inciperet, nihil interim fieret, resque in infinitum extraheretur, totum id, quod inter ipsos, missitatis ultrò citròque Legatis, agebatur, fœdæ ludificationi, quàm seriæ tractationi similius habebatur.

Haud me fugit Gregorium XII. virum bonum ac simplicem, meliore fide egisse visum; Benedictum XIII. subdolum, pervicacem, atque obstinatæ mentis, eò tantum collimâsse, ut in æmulum continuati schismatis invidiam derivaret. Sed nec ipse Gregorius erat innocuus: quippe qui ad pacem & abdicationem per se ipse pronus, tamen à dimittendâ potentia, nepotum quibus ingenti studio addictus tenebatur, artibus ac ludificationibus vateretur. Placet referre Leonardi Aretini Gregorianarum partium elegantissimi & candidissimi historici, de ipso Gregorio verba memoranda. *Paulatim res labascere coperunt, & cuncta in dies deteriora fieri; voluntas enim illa Pontificis recta, nequaquam satis habere firmitatis reperta est ad Pontificatum deponendum. Cujus rei culpm multi in propinquos ejus referebant. Ab his enim formidines inanes, & adumbrata pericula quotidiè fingi, ac instillari ejus auribus prædicabant.* Neque ab his abludit Theodorus à Niem, earumdem partium historicus; neque quidquam visum est gravius, quàm cùm Gregorius, abjectis veteribus Cardinalibus, qui studerent paci, eorum loco Cardinales fecit Antonium Corarium fratris filium, & Gabrielem Condolmérium sororis filium, posteà Eugenium IV. Ac multa eum cognatorum turba circumdabat, qui ad retinendum Pontificatum adigerent; nec imbecillem senem puduit abdicationem pacisci eâ lege, ut Faventinus * & Foro-Julien-sis Principatus (*b*) nepotibus traderentur. Nihil ergò mirum, quod tanta cohorta sit Christiani Orbis indignatio, adversus ambos Pontifices, qui septuagenariis maiores, fluxi honoris cupiditate, Rempublicam Christianam certam in perniciem agerent.

Et quidem ab aliquot sæculis fœda erat Ecclesiæ facies, solutâ disciplinâ & corruptis moribus; & ab ipsâ curiâ Romanâ prima totaque ferè mali labes, undè remedium expectari debuit: adeò omnia avaritia ac libido pervaserat, ac plerique Pontifices vix aliquid prisci moris cogitabant, satis superque se Pontifices arbitrati, si dispensationibus, reservationibus, indicationibus, decimationibus, aliisque mandatis extraordinariis, cuncta ad se traherent. Venalia omnia, totaque Ecclesia prædæ fuit. Hæc à sancto quoque Bernardo sedis Apostolicæ studiosissimo memorata, nec referenda arbitrarer, nisi de reformationis summâ necessitate, vel maximè agendum in cumberet. Et satis constabat post sancti Bernardi tempora res in deteriùs quoque fluxisse. Verùm in tanto schismate magis magisque omnia pessum ire, in Italiâ Tyranni invalescere, ingruere undique bella, & quisque tutandi sui Pontificis specie, hostes infectari, vicinos diripere, omnia miscere, *Simonia in domo Dei præsidere, eripi Ecclesiæ libertates.* Hæc Universitas Parisiensis datâ ad Carolum VI. epistolâ querebatur.

Ad hæc, profligatâ disciplinâ, hærefes gliscere, Wiclefi, Hussi, aliorumque scelere concuti Ecclesia; periclitari fides; sedes Apostolica, concilia-

(*b*) *Principatus.* J Addit Rainaldus illum quoque postulâsse, ut nonnulla oppida Ecclesiæ Ravennatis ditionis, illis darentur.

Leon Aret.
de temp.
sui hist. p.
27.

Theod. à
Niem. lib.
ij. de Schif.
cap. xv. xvij.
xvij. xix.
&c. Rain.
tom. xvij.
an. 1408.
n. 8.

Rain. ib:
an. 1407 n.
29. Theod.
à Niem. loc.
cit.

* Faventia urbecula distans
4. leucis à
Foro-Julio
in Romanodiola pro-
vinciâ.

Bernard.
lib. de Conf.
ad Eug. pass.

Spicil. tom.
vi. p. 96. 97.

trix unitatis , veluti schismatum altrix , contemptui haberi. Testantur enim Universitatis Parisiensis sanctissimæ & gravissimæ literæ ad Clementem VII.

Ib. p. 112. Avenione sedentem , eò rem processisse per schisma , ut plures passim & publicè non vereantur dicere , nihil curandum sintne duo , vel tres , aut decem , vel duodecim Papæ : imò & singulis Regnis præfici posse nullâ sibi autoritate prælatos ; quod in detrimentum sacrosanctæ Ecclesiæ Romanae , Ecclesiastica politice , & religionis Catholicae.

Sic ex schismate tam diuturno , tam fœdo , addita audacia sedis Apostolicæ contemptoribus ; undè emersit illa , in Synodo Constantiensi relata , Concil. Const. seif. viij. prop. Wiclef. ix. p. 46. Wiclefi propositio : Post Urbanum VI. non est aliquis recipiendus in Papam , sed vivendum est more Gracorum. Eò Apostolicæ sedis totiusque Ecclesiæ Catholicae res per schisma devenerant.

Cæterùm apud pios bonosque inconcussa manebat sacratissimæ sedis autoritas , Ecclesiæ Catholicae petra , fidei magistra , mater unitatis , atque inter pravos mores & horrendi schismatis mala , subibat tot sanctorum Pontificum recordatio. Et satis constabat super omnes Ecclesiæ Romanam Ecclesiam , ut dignitate , ita disciplinæ pietatisque laude diutissimè præstitisse , tum ejus autoritate vel maximè , quocumque tempore prostratas hæreles , fidem Catholicam , Christianamque pacem ubique viguisse ; quæ labentibus sæculis mala evenissent , iis non infringi Christi promissa ; tentari nos à Domino , an in his promissis firmâ fide maneremus , nec suæ Ecclesiæ defuturum. Ea spes animos sustentabat : quoque vehementius concussa erat Apostolica sedes , eò magis in eam piorum incensa studia. Sed labascebat infirmorum fides , atque omnino navicula , veluti dormiente Christo , mergi fluctibus videbatur.

C A P U T V I I I .

Tria schismati quæsita remedia : Concilium Oecumenicum necessarium : Ecclesia Gallicana ab ODORICO RAINALDO , Wiclefismi accusata , propter subtractam simul obedientiam & Annatas.

PRIMA Gallia tanto vulnere medicas adhibuit manus. Clerus Gallicanus Lutetiæ congregatus anno 1394. Simone Cramando (i) Patriarchâ Alexandrino titulari , Præside electo. Quo duce hæc professi Gallicani Antistites : Tendimus ad redintegrationem & conservationem statu & honoris summae dignitatis Papatus , & universalis Ecclesiæ , sicut in nostris consecra-

Spicil.
tom. vj. p.
77. & tom.
Conc. xj. p.
2515.

(i) *Simone Cramando.*] Is decretorum Doctor famosissimus , subtilis ingenio , clarusque eloquentia , ut verbis utar Cleri Gallicani Coetus an. 1394. Spicil. tom. vj. p. 73. fuit Referendarius , seu Magister precum & Cancellerius Ducus Bituricensis , tum Episcopus Pictaviensis , demum Patriarcha Alexandrinus , Archiepiscopus Rhemensis , & sub Joanne xxij. Cardinalis. Ille Pisani Concilii , ad extinguendum schisma coacti , pars fuerat maxima. Cramandum omnes testantur fuisse sui avi virum maximum , & eum cuius opera erat eximia , in gerendis & extricandis rebus arduis. Vid. Gall. Christ.

tionibus juramus. Hic finis omnium, ut Papalis, & universalis Ecclesiæ dignitas pristino reponeretur loco. Simul Universitas Parisiensis commoveri cœpit. Multi tractatus, multi cœctus habiti: compertum denique est tria sanguando schismati accommodata esse remedia. Primum, ut contendentes loco cederent. Secundum, quoniam, id ab invitis extorqueri non potuit, ut se ab eorum obedientiâ omnes subtraherent, ac neutrales essent. Tertium cum periculoso esset exempli, ut subjecti ab obedientiâ se ipsi subducerent, Concilii generalis autoritas quæreretur. In eam postea sententiam ibat frequens confessus Ecclesiæ Gallicanæ, eodem Cramando Præside, anno 1406. Hinc tria illa remedia hoc anno toties celebrata: cessio, obedientiæ subtractione seu neutralitas, Concilii generalis congregatio.

Huc autem accedebat illud; quod per se esse gravissimum, quod electi Pontifices sæpiissimè etiam inter ipsa electionis initia ad juramentum voluntariæ cessionis adacti cum rem protelarent, nec bono Ecclesiæ confulerent, perjurii quoque nomine omnibus exosi, atque hostes Ecclesiæ magis quam Pontifices; eaque causâ meritò deserendi, imò per generale Concilium deponendi haberentur.

Hic Odoricus Rainaldus, Simonem Cramandum, aliosque Gallos, de Ecclesiâ optimè meritos arguit, ut qui odio Benedicti, hæc pernicioſissima dogmata invexerint: nempè, neutri contendentium obsequendum esse, sed provocandum esse ad generale Concilium; Concilium Romano Pontifici preferendum; sacerdotiorum conferendorum jus ad Episcopos, provocationes ad Archiepiscopos revocandas; leges canonicas ab iisdem solvendas, neque extra Gallia Regnum evagandum ut sedes Apostolica consulatur; Gallorum Regem de hæresi & schismate posse cognoscere; Gallos sedi Apostolica conjungi posse, quamvis sedenti in sede Apostolicâ conjuncti non sint, & negato Pontifici obsequio, non futuros Acephalos, cum Christus sit caput Ecclesia; quâ in re Cramandum ad Wiclefismum deflexisse. Tum illud gravissimum, atque ex Wicleistarum subdolis consiliis, editio Regio, vetitas pendi annonas, quas annatas vulgo dicimus. Quofine desinere ineptissimam accusationem oportebat. Neque enim hic dissimulare possimus Ecclesiæ Gallicanæ injuriam, quæ sub Cramandi nomine Wiclefismi accusetur: tanquam Wiclefistæ fuerint & Acephali, qui utrique Pontifici fœdum schisma alenti obedientiam denegarent; ut unus idemque indubitatus Pontifex, Concilii Ecumenici autoritate, proderetur. An verò putamus, vacante sede Apostolicâ, dissipari Ecclesiasticam unitatem; aut unâ cum Pontifice sedem Apostolicam interire, cui quidem sedi Christiani omnes interim conjungantur; aut Ecclesiam esse tum corpus acephalum ac truncum, cum interdùm vacatio in multorum annorum spatium extrahatur?

Cæterū subtractâ semel obedientiâ, quid aliud fieret, quam ut Episcopali regimine tantisper componeretur Ecclesia, donec summus Pontifex crearetur? Neque verò quidquam est à Regibus postulatum, quam ut ad abolendum schisma, ipsâ hæresi tetrius, præeuntibus Episcopis atque Theologis, suam operam, atque autoritatem interponerent; quod præsidium, si periclitanti Ecclesiæ denegarent, quis non videat, eos necessario officio defuturos?

Quod autem Odoricus Rainaldus premittit Benedictum, Gregorium excus-

Rain. tom.
xvij. an.
1406. n. 18.

Id. ib. an.
1408. n. 7.
8. & seq.

sat, ejusque vituperat Cardinales, qui ab eo discesserint, cùm in ejus fide persistere, ac Benedicti asseclas ad eum deserendum urgere debuissent, frustra est. Nempè si hæc tum consilia valuissent, dum contendentes alter alterum accusarent, cæteri expectarent, & tanquam pacatissimis Ecclesiæ rebus omnia ordine consueto gererent; Ecclesia immedicabili vulnere scinde-

Ep. Card. ap. Rain. ib. n. 53. 54. 55. &c. retur, & adhuc infandum schisma duraret. Quare hæc ludificationes semel incidendæ erant; meritòque Cardinales toti Orbi testabantur, eo loco esse Ecclesiam, ut omnia ruitura essent, nisi jam non in verbis ac pollicitationibus, sed in ipsis rebus remedium quæreretur. Qui enim pertinebat inquirere diutiùs, penes quem schismatis culpa resideret, aut cuius medici inscitiâ, vel scelere, vulnerata ac lacera periclitaretur Ecclesia? Quin certum utrosque in culpâ esse, qui mercenarii, non veri Pastores, semetipso, non gregem pascerent; satisque se schismatis reos proderent, nisi se se citius propter Ecclesiam conservandam, vel in altum dejici paterentur. Ergò Cardinales ipsam, anteaquàm funditùs interiret, nisi Deus provideret, Ecclesiam ex utriusque manibus confestim eriperent, & Concilio Æcuménico sanandam conjungendamque traderent.

C A P U T I X.

Nullum remedium nisi in Conciliorum generalium superiore potestate: an ea sit agnita in causâ schismatis tantum; an ideo collata ad schismatis causam, quod in aliis quoque causis prævalere soleret?

CONCILIORUM generalium jam indè ab initio nascentis Ecclesiæ summa autoritas habebatur; ac tum vel maximè è re Ecclesiæ erat, ut eam autoritatem omnes agnoscerent. Quippe contendentes Pontificiam potestatem immodicè extollebant, & Gregorius quidem apertè dicebat: *Ego sum Papa, ego sum supra jus.* Cùmque Cardinales, ab eo dira omnia comminante, ad Concilium Æcuménicum appellarent, sic ipse respondit: *Hac appellatio est contra sacros canones: hac appellatio non defendit, sed gravat: hac appellatio implicat ignorantiam, vel malitiam, vel falsitatem.*

Benedictus autem eo' superior, etiam datis Bullis, excommunicaverat qui à se, aut à successoribus Romanis Pontificibus appellarent. Quin etiam Francorum Regem Carolum VI. à se discedentem admonet: *Nullo casu à Romano Pontifice appellare licitum: simul Regis subditos à juramento fidelitatis absolvit: adeò tumidos vel in adversâ fortunâ gerebat spiritus.*

At quotquot erant schismatis inimici, præcipuè verò Universitas Parisiensis, quam pacis autorem & sanæ doctrinæ fontem universa tum suspiciebat Ecclesia, hæc opponebat: *Papa matri sua, hoc est sanctæ Ecclesiæ, quam fidelium omnium matrem esse constat, si ipse Catholicus est, materno jure subditur, ut & Christus matri: tum illud: Cùm neuter nos audiat, nihil supereft, nisi ut dicamus Ecclesiæ: addebat utrumque Pontificem aperte hereticum,* quod

Spicil. tom. vij. p. 290.

Rain. tom. xvij. an.

1409. n. 55.

Rain. ib. an. 1408.

n. 2.

Bull. Be-

ned. Spic.

loc. cit. pag. 180. 184.

189.

p. 87.

quòd schisma inveteratum sit heresis : denique , reformationem omnino necessariam ; cùm nisi Christus provideat , in ruinam irreparabilem ventura sint omnia ; ac propterea Synodum universalem congregandam , cui autoritatem consensus omnium fidelium daret . Quam sententiam Benedicti Cardinales , datis ad eum literis * , confirmabant .

Neque Gregorii Cardinales minore studio Concilii Ecumenici autoritatem prædicabant ; quippe qui & ad illud appellarent , & appellationi hæc interfererent : *A vobis , Pater sancte , Vicario , ad Dominum nostrum Jesum Christum , qui judicaturus est vivos & mortuos & sacerdotum per ignem : item ad generale Concilium , à quo , & in quo solent gesta etiam summorum Pontificum quacunque pertractari , decerni , & judicari : item ad Papam & Pontificem futurum , cujus est gesta inordinata sui prædecessoris in melius reformatre , &c.*

Hinc patet quām falsi sint , qui tum primū , occasione schismatis , ortam putant de Conciliorum superiore potestate sententiam , quique memorant appellationes ad generale Concilium , rem novam , quam hujus schismatis necessitas expresserit . Neque cogitant à Bonifacio VIII. Regem & Regnum Galliæ cum universis Ordinibus appellâsse ad futurum Concilium ; suoque loco referemus ejusmodi appellationes , sacerulis anterioribus , à Catholicissimâ tum Ecclesiâ Anglicanâ celebratas . Sed ut hæc & alia vetustiora omittamus , in modò recentis actis vidimus , appellationem interpositam à Gregorio XII. ad generale Concilium , ut à quo , & in quo solent gesta summorum Pontificum judicari . Ergò Concilii superiorem potestatem , ut rem solitam , non ut causâ schismatis recens excogitatam implorabant ; neque à Papâ , ut dubio , sed generatim à Papâ recurri ad Concilium fatebantur ; duæque obedientiæ , hoc est tota Ecclesia Catholica , agnoscebat hanc Concilii superiorem potestatem , in quā unâ fidelium conscientia acquiesceret .

Nam quod quidam commemorant , contendentium cessione seu abdicatione præstantissimum atque tutissimum remedium contineri , ex parte quidem verum est ; sed rem penitus inspicienti vanum . Quid enim reverâ tutius atque præstantius in omni lite , quām ut litigantes ultrò paciscantur ? Sed cùm id impetrari à pertinacibus sit difficillimum ; hinc sit ut necessaria sit judicaria autoritas , quæ cuncta constituat . Quare Concilium , quod litem disceptaret , atque ambos contendentes in ordinem cogeret , omnes requirebant .

Huc accedit , quòd , ambobus etiam loco cedentibus , quæstio superesset , spontene an coacti Papatum abdicârint . Neque enim persuaderi poterat autoritate pollutibus ut cederent ; ac si id deserti facerent , vis quædam illata videbatur , resurgebantque vanæ spes tuendæ dignitatis , atque in pristina mala relabebatur Ecclesia . Nullum ergò remedium , nisi in supremâ Concilii generalis autoritate atque judicio ,

* Quibus
eum ad Pi-
fanū Conci-
lium con-
vocabant.

Ib. p. 202.
Ap. Rain.
an. 1408. n.
9.

Inf. lib. x.
cap. xxv.



C A P U T X.

Concilium Pisanum ab utriusque obedientiae Cardinalibus convocatum, quo jure? Ejus Concilii acta.

CUM ergò omnes faterentur generalis Concilii opem esse Ecclesiæ necessariam, quæstio supererat, quis illud Concilium convocaret. Nam & priscis canonibus erat cautum, ne absque Romano Pontifice Ecclesiæ convenirent; & id à contendentibus expectare, ut totam Ecclesiam in duas distractam obedientias convocarent, nihil aliud erat quam operam ludere. Neque enim quisque eorum Concilium ullum convocaturus erat, nisi à quo pro vero certoque Pontifice coleretur. Id etiam experimento claruit: ecce enim Gregorius, Sénas; Benedictus, Perpinianum petiit. Ibi diversissimis mundi partibus constituti, suam quisque Synodum, Gregorius, Austriam Aquileensis Diœcesis, vix notum in Utini vicinìa oppidulum; Benedictus, Perpinianum Elnensis (*k*), Diœcesis convocarunt. Quo fine? Nempe eo, ut, quemadmodum erat prædictum à Cardinalibus, unus ad Occidentem, alter ad Orientem, gressibus directis, ad schisma perpetuandum, & unionis spem penitus evanundam pergrent: nihilque aliud afflictæ Ecclesiæ supereffet, quam illud Propheticum, quod iidem Cardinales meritò inculcabant: *Venite, congregamini omnes bestia terra; properate ad devorandum: ecce derelictus est gressus*.

Cùm igitur eo loco res essent, ipsa necessitas extorquebat, ut quocumque modo Ecclesia conveniret: quæ ubi semel coacta & adunata esset, ejus autoritatem summam & indetribusabile futuram, pacis studiosi consentiebant omnes. Quare Cardinales utriusque partis, id sibi uno ore decernunt licere, ut in tanto discrimine Concilium convocent. Et disertè Benedicti XIII. Cardinales: *Ubi Concilium est convocabandum, sicut in casu nostro, & PAPA UNICUS, (quantò magis dubius) non vult, negligit, aut non potest, vel est furiosus; non dubium quin Cardinales possint; nec necesse est ut convocans habeat autoritatem supra Concilium, cùm ab Archiepiscopo convocante, ad Concilium appelletur.*

Id ipsum professi Gregorii XII. Cardinales, & utrumque Collegium, à suis Pontificibus discessione factâ Concilium generale Pisas convocant. Quâ verò autoritate in casu tam extraordinario staret illud Concilium, noster Gerson exponebat anno 1408. factâ propositione coram Anglicis ad Synodum Pisanam delegatis, in hæc verba Osee: *Congregabuntur filii Juda & filii Israel pariter, & ponent sibimet caput unum. Docebat autem hæc consideratione IV. Congregatio filiorum Israel & Juda pariter sumit suam efficaciam & virtutem à Divino semine, quod per Ecclesiasticum corpus, tanquam sanguis vivificus, diffusum est, & radicaliter, seu inseparabiliter insertum. Tum commemoratis permultis sanè casibus, quibus Ecclesia sine Papâ congregari possit; in talibus, inquit, casibus, congregatio Ecclesiastica sumit*

(*k*) *Elnensis.*] Elna, seu potius Helena est oppidulum Gallæ Narbonensis, cuius sedes Episcopalis a Clemente viii. an. 1604. translata est in vicinam urbem Perpinianum.

Vid. ap.
Rain. an.
1408. n. 54.
56. epist.
Card.

Jerem. xij.
9.

Spicil. loc.
cit. Resp.
Ambast.
Reg. Rom.
Ruperti p.
270.

Of. j. ii.
Gers. prop.
cor. Angl.
conf. iv. tō.
ij. Dup. p.
128.

*autoritatem, & virtutem sc̄ ipsam uniendi, ex Divino semine per universum corpus diffuso; quod est ipsa fides, ipsa charitas, ipse utriusque ductor Spiritus, ipse Christus, EX QUO TOTUM CORPUS COMPACTUM ET CONNEXUM PER OMNEM JUNCTURAM SUBMINISTRATIO-
NIS..... AUGMENTUM FACIT.* Plura in eam rem postea referemus; nunc ista sufficient; cùm præsertim nemo dubitet jure ipso naturali comunitatem omnem, nativo licet capite destitutam, quantò magis Christi Ecclesiam ab eo optimè constitutam, suæ unitati ac saluti summâ autoritate & efficaciâ providere posse.

Ephes. iv.
16.

Hâc igitur autoritate fulti Cardinales utriusque partis, Pisano Concilio, ipsi primi omnium numero XXIII. adsunt; adcurrunt undique Principes Ecclesiarum, fidei periculo & tantâ necessitate permoti; trecenti Episcopi cum totidem ferè Abbatibus, omnium penè religiosorum Ordinum Superiores & Generales, Legati Regum, Principum, Regnorum, Provinciarum, ex celeberrimis Capitulis & Academiis deputati, atque innumerabiles sacræ Theologiae & canonici Juris Doctores. Fit Sancta & universalis Synodus universalem Ecclesiam repræsentans, Spiritus sancti gratiâ in Majori Ecclesiâ Pisânâ congregata. En quâ autoritate freti; nempe universalis Ecclesiæ, quam repræsentarent, sanctique Spiritus, cuius gratiâ coalescerent; quâ deinde autoritate citantur contendentes, & contumacia declaratur; ac demum Sessione XV. uterque de Papatu damnabiliter contendentes, seu potius colludentes, ut notorii schismatici & antiqui schismatis nutritores, notorii hæretici & à fide devii, notoriisque criminibus enormibus perjurii & violatio-
nis voti irretiti, & universalem Ecclesiam notoriè scandalizantes; atque adeò ipso jure dejecti, declarantur, deponuntur, ab Ecclesiâ præciduntur. Ses-
sione XVI. antequâm eligatur Pontifex, fit decretum Cardinalium sacra-
mento confirmatum, de continuando Concilio, quoad rationabilis, debita, ac
sufficiens reformatio universalis Ecclesiæ, & status ejus tam in capite quam in
membris facta sit, & quod sede vacante continuetur Concilium, & ad refor-
mationem procedatur. His pactis atque decretis anno 1409. Sessione XVII.
Petrus Philargus Cretensis, ex Minorum Familiâ, vir sanctus ac doctus, à
Cardinalibus eligitur, & assumpto Alexandri V. nomine in Petri cathedrâ collocatur. Denique cùm multi Antistites ac Legati discessissent, Sessione
XXI. ab Alexandro V. sacro approbante Concilio, dimituntur Patres, ac
triennii tempus indicitur, quo elapsso tempore, continuetur Concilium. At-
que hæc, quæso, lectores diligenter advertant, nec schismatis tantum, sed
etiam reformationis gratiâ, Pisânam Synodum institutam & continuatam esse
recordentur. Ne miremur Constantiensem Synodum, Pisânæ continuatio-
nem, de reformandi autoritate tanta dixisse: quæ tamen Schelstratus non
modò dissimulaverit, verum etiam, quoad potuit, eversa voluerit.

Vid. sub-
script. tom.
xj. Conc. p.
2213. & in
Spicil.Conc. Pis.
sess. xv. ib.
p. 2201.Ibid. &
Spicil. tom.
vj. p. 324.Ibid. sess.
xvj. pag.
2203. 2204.

C A P U T X I.

Confirmatur assertum illud: quod processus Ecclesiae Catholicae & Pisani Concilii, superiore Conciliorum, etiam extra schisma, in summis quibusque negotiis, autoritate nitatur: quibus fundamentis Concilii Pisani decreta nitantur.

JA M ex actis facilè intelligitur, quo fundamento, & à contendentibus discessum sit, & illi loco dejecti, & novus Pontifex substitutus. Aliunt passim id duobus niti fundamentis: primum, quod in schismate, hoc est sub dubio Pontifice, Conciliis autoritas procul dubio potior habeatur: tum etiam, quod potior habeatur adversùs schismatis altorem obstinatum, atque adeò suo modo hæreticum. Hæc quidem vera sunt, sed non his pertingimus ad radicem ipsam; vanaque hæc duo erant, nisi ab illo uno ac primo dogmate profluxissent: Ecclesiæ Catholicæ, ejusque Concilii generalis autoritatem, absolutè atque etiam extra schisma, in summis Ecclesiæ rebus prævalere.

Bellar. de Conc. aur. lib. iij. cap. xix. & alib. p. 1. all. Nam de Papâ dubio, & schismatis casu, ut indè ordiamur, falsum illud esse constat, imò periculosissimum, quod à Bellarmino aliisque passim pro certo axiomate asseritur: *Papa dubius, Papa nullus.* Quærimus enim axioma illud, quo canone sit fixum, quo juris fonte manarit, quis denique ille sit dubius Pontifex, qui jam Pontifex non sit. An ille de quo reipsâ dubitetur? Ergò pseudo-Papas omnes, Burdinum etiam, & alios toties anathemate percussos in Petri sede reponamus. An fortè eos, de quibus ab electionis origine fuerit dubitatum: Abeant igitur laudatissimi Pontifices Innocentius II. Alexander III. alii sancti verique Pontifices: redeant Anacleti, Victores, alii Antipapæ, aut cum veris Pontificibus æquo jure disceptent (?). Atque hi quidem Antipapæ in factionem suam, Principes quoque & Imperatores, totaque adeò Regna pertraxerant; ut si partem Orbis etiam ingentem dubitasse sufficiat, optimi quoque Pontifices inter dubios ac nullos habeantur. Periculofissimi exempli est, si statim factione ortâ, & Pseudo-Episcopo per ambitionem constituto, verus Pontifex sit dubius, atque adeò nullus. Ergò Bellarmini vaga nimis, & latius fusa de dubio Pontifice ad certos limites coercenda sententia est. Valeat nempè in eo casu, in quem Bononiensis & Parisiensis Academiæ, illa Gregorio, hæc Benedicto favens, consenserunt: *Ubi dubium de Papatu sit inextricabile, prius dubium juris & facti, eo casu Papa dubius sit profecto Papa nullus.* Nihil enim prodest nullo certo documento deprehensa, aut probata veritas. Sed enim nec sic

Spicil. tom. vi. p. 222.

(?) cum veris Pontificibus æquo jure disceptent.] Significat D. BOSSUET hanc esse Bellarmini sententiam: coito schismate, statim Papam & Antipapam æquè fieri dubios Pontifices, quoad usque Concilium diremerit controversiam. Quæ sententia adeò absurdâ est, & vero Papæ, atque etiam Ecclesiæ paci incommoda, ut mirum sit Magnum sic sensisse Bellarminum.

erat expedita difficultas, aut sublatæ schismatis causæ; remanebat enim quæstio: essetne in suo casu inextricabile juris & facti dubium. Nam uterque Pontifex, Benedictus æque ac Gregorius, pro certo & indubitato Pontifice se gerebant, & id certum esse Bullis promulgatis, Canonibus editis, Conciliis adhibitis, sub anathematis poenâ decernebant. Vel illud audiamus à Gregorio XII. in suâ Austriensi Synodo pronuntiatum: *Christi nomine invocato, sancta & universalis Synodus, universalem & Catholicam Ecclesiam representans, ad quam cognitio & decisio hujus causa noscitur pertinere.... pronuntiat, decernit, & declarat.... Urbanum Papam VI. Bonifacium Papam IX. Innocentium VII. fuisse indubitatos ac veros Pontifices.... & nunc Gregorium Papam fuisse verum, & indubitatum Papam.... ac damnata memoria Roberto Gebennenſi, Petro de Lunâ & Petro de Candiâ in titulo Papatus nullum jus competitè, ipsoſque fuisse & esse notorios schismaticos & pertinaces.... ipsumque sanctissimum dominum nostrum Gregorium Papam modernum, ad professionem obedientia ſiae per Orbem universum restituendum effe.* En quid decerneret illa sub Gregorio ferè jam ab omnibus deſtituto, miserabilis Synodus. Neque Benedictus inferiora cogitabat: quin uterque Pontifex feſcertum, notorium, & indubitatum Papam decernebat; aximul verò ſuum notorium, & indubium schismaticum, nullâque vel probabili ratione ni-xum; adeòque dubium illud non esse inextricabile, ſi ad fontem veniretur. Nec utrique deerant ſui ſectatores, qui uſque adeò faverent ſuo Pontifici, ut nonniſi à contumacibus juſ illius in dubium revocari poſſe crederent. Quare ex dubio, nullum ſatis firmum perpetua disceſſioni, ſive, ut vocabant, obedientia subtractioni præſidium, aut turbatis conſcientiis plena tranquillitas, aut schismatis vulneri certum remedium. Neque quidquam aliud præſtò erat, quo omnis ſcrupulus tolleretur, niſi invictâ autoritate figeretur illud: Pontificem, etiam certum, in Ecclesiæ Catholicæ, ejusque Concilii generalis potestate eſſe, de quo Ecclesia decerneret id, quod rei Ecclesiasticæ neceſſarium videretur.

Jam illud de Pontifice altore obſtinato schismatis, ac proptereà ſuo quodam modo hæretico; haud minùs Ecclesiæ Catholicæ, ejusque Concilii autoritatem, Papâ quoque ipſo ſuperiorem requirebat. Sanè afferebatur ex corpore Juris canon ille: *Si Papa, quo Papa diceretur à nemine iudicandus, niſi eſſet à fide devius. Quo hærefis calu fatebantur omnes Papam* Decr. Dift. xl.

etiam certum à Concilio judicandum. Sed conſtabat contendentes nullam hærefim profeffos eſſe, neque pro certo canone habebatur, id quod glossa dicebat: Poſſe accusari Papam, ſi notorium fit crimen ejus, & ſcandalizatur Ecclesia, & fit incorrigibilis; nam contumacia dicitur hærefis. Quare Parifiensis & Bononiensis Academiæ, quibus poſteà Senensis, totaque adeò accefſit Ecclesia, id quidem, quoad poterant, ſtatuebant: Quod contendentes per ſchisma inveteratum in hærefim inciderint.

Sed quoniam ea res dubia haberetur, addebat: ſi id quoque eſſet dubium, an propter ſchisma inveteratum in hærefim inciderint, eoque nomine à Synodo deponi poſſint, id quoque ad Synodi cognitionem pertinere.

Verū, hæc ſi ad vivum perſecare aggredimur, comperiemus eò ſtare: quod quivis Pontifex, quovis jure nixus, pacem Ecclesiæ ac ſalutem gre-

Concil.
Austr. tom.
xj. p. 3005.
3006. male
pro 2105.
2106.

Gloss. in
cap. Si Papa.
ibid.

gis honori suo anteponere , atque adeò certis casibus abdicare teneatur ; quæ obligatio possit ac debeat à Concilio Ecumenico declarari. Unde quo- cumque modo quæstio tractaretur , eò redibant omnia , ut quivis Pontifex , & quovis jure prædictus , Concilio Ecumenico certis in casibus , usque ad abdicandam potestatem parere debeat.

Sup. hoc lib. cap. viii. Et quidem satis constabat , uti prædiximus , Gregorium & Benedictum de abdicando sèpè jurâsse. Unde Cardinales , ac florentissimæ Academiæ concludebant eos esse sacrilegos , impios , Ecclesiæ hostes , apertè schismati- cos , ac schismatum autores & nutritores : ac rursùs : Quod schisma sit mater errorum , cuius obstinatione & vetustate descendatur in hæresim , & fides la- datur Deo & Ecclesiæ debita , cuius provisio spelet ad Concilium : & quod schisma inveteratum in hæresim transeat : ad hæc Papam hæreticum & schis- maticum cessasse esse Papam , & à schismaticorum atque hæreticorum incorrigibili- um obedientiâ recedendum : denique , & in dubio , an hoc incrementum schis- matis transeat in hæresim , vel an tale sit ex quo provisio spelet ad Concilium : id quoque ad Concilium pertinere : quæ omnia à Concilii summâ , in quem- cunque Papam , quocunque jure prædictum , potestate pendebant.

Huc accedit , quod Christus nullam specialem in schismaticos aut hæ- reticos Pontifices , congregatis Episcopis , aut Synodo Ecumenicæ con- cesserit potestatem. Quare totum illud jus , quod omnes unanimi consen- su , in schismatis atque hæresis causâ , Concilio Ecumenico tribuebant , eo uno dogmate nitebatur ; quod Synodus Ecumenica totius Ecclesiæ , atque adeò sancti Spiritus complexa potestatem , universim , ubi de summâ re Ecclesiasticâ agitur , summâ & indeclinabili autoritate decernat.

Sup. c. ix. Quo factum vidimus , ut uno eo axiomate utraque obedientia niteretur. Et Gregorii quidem Cardinales apertè provocabant ad Concilium gene- rale , ut à quo , & in quo soleant gesta etiam summorum Pontificum quæcun- que pertractari , decerni , & judicari. Benedicti verò aseclæ , atque in his , vel potissima Ecclesia Gallicana , Universitatis Parisiensis dictum illud com- probabat : Papam matri suæ , hoc est , sanctæ Ecclesiæ materno jure esse sub- ditum : quæ vel nihil concludunt , vel ad omnem Pontificem , etiam extra schismatis casum protenduntur.

Ap. Rain. 2n. 14. 8. n. 9. *Spic. loc. cit. pag. 87.* *Sup. cap. viii.* Et quidem ab Odorico Rainaldo Simonem Cramandum Patriarcham Alexandrinum , suggillatum audivimus , quod Ecclesiæ Gallicanæ sacro Con- ventui præsidens , Concilium prætulerit Romano Pontifici ; & Petrus Plaoul Parisiensis Doct̄or idem afferuit , sacro confessu applaudente ; tantumque abfuit , ut eos ad hanc tuendam sententiam vehementissimè perorantes quisquam incusaverit , ut eorum maximè autoritate atque consiliis , tota Gallicana Ecclesia adversùs schismaticos uteretur. Quin ipse Petrus Plaoul ab Universitate studii Parisiensis ad Concilium Pisanum Ambaxiator mis- sus , in ejusdem Concilii sessione publicâ eâ de re celebrem orationem ha- buit. Sic enim in gestis sacri Concilii legimus : Sessione XIII. die Mercurii , fest. xiiiij. p. 29. Maii , quidam valentiissimus Doct̄or , vocatus Magister Plaoul , ascendit 2124. 2125. pulpitum , & proposuit verbum Dei & deduxit pulchre exaltando Eccle- & Spicil. siam , & afferendo eam esse suprà Papam : quod deduxit pluribus rationibus , 320. tam ex parte materia , scilicet animarum ; quam ex parte formæ ; quæ est Spi-

ritus sanctus ; quam etiam ex parte causa efficientis , quæ est ipse Christus ; quam etiam ex parte finis , quæ est ipse Deus in Ecclesiâ triumphante. Atqui his quidem argumentis , hujus ævi more , complexus est omnia , quibus summos Theologos in eandem sententiam adductos esse constat : ut certum omnino sit , quæ in Concilio Constantiensi , de Conciliorum supremâ autoritate , explicatiū dicta sunt , ea in utrâque obedientiâ , hoc est , in Ecclesiâ Catholica , atque in Concilii Pisani dictis , atque gestis præcessisse.

C A P U T X I I .

An sine temeritate Concilii Pisani autoritas rejici possit.

AT Pisano Concilio Odoricus Rainaldus objicit : sine Papâ secundum canones , legitimum haberi non posse Concilium : pessimorum scilicet Medicorum more , qui , valetudine desperatâ , ægrum interire malunt , quam à consuetis remediis , quamvis frustrâ tentatis , ad extraordinaria , quamlibet certa , confugiant. Nec deerant , Alexandri V. tempore , imbecilles animæ , quæ hâc superstitione tenerentur , quos Gerson noster sermone coram Alexandro V. confutat & irridet his verbis : *Cujus est ista tua substitutio , Pater Beatissime , nisi Christi ? Unde convocatio Concilii (Pisani scilicet) tam mira ? Unde prius discordantium inaudita consensio ? Unde tot Praesulum , & sapientium concursus tam celer ? Non causâ certè dissensionis , sed pacis. Non vocavit Papa : fuit conventiculum. O ridenda ac irrationalis nimium ratio ! Neque verò quatuor illa Concilia , que in Aetibus Apostolicis describuntur , Petrus vocasse memoratur. Neque Synodus Nicana jussu Silvestri , sed Constantini convenisse legitur. Ad quintum Universale Concilium Patrum , contra Theodorum Nestorii discipulum (m) nemine convocante (n) sepe Patres exhortati sunt. Fuere ergo conventicula ? Cave dixeris. Coluntur ab Augustino (Gregorium voluit dicere , sive Librarii mendum est) tanquam Evangelia. Quid si schisma dubios reddit Christianos , quem duorum pro Papâ colant ? Quid si , quod perrarum est , summus Pontifex labatur in heresim , ut legimus Liberium Arianae pravitati subscriptisse , Marcellinum Idolis sacrificasse ? Quid si intolerandis oneribus Christianitatem gravaret ? An adversus tantos morbos nullam relinquis medelam ? Relinquo , inquis. Credo sanè : nam imperfectam nimium*

[m] Nestorii discipulum .] Hic suspicor librarii , vel typographi erratum , qui aut escitantes prætermiserint nonnulla verba , aut ne curii unum pro altero posuerint. Neque enim ignorabat Gerson suis Theodorum Nestorii magistrum , non discipulum . Sed Gersonis opera , etiam edit onis D. DUPIN , sunt tot mendis typographicis deformata , ut esset necesse ea recudi dilgentius.

[n] N. mine convocante .] Convocatam fuisse quintam Synodus à Justiniano Imperatore dicit Evagrius , & testatur quoque illa Justini ni epistola ad Episcopos tunc C. P. degentes , quæ lecta est in ipso Conilio collat j. Vid. tom. v. Conc. p. 422. Hoc erratum fuisse Gersonis vix credi potest. Profectò amanuensis , cum in suo codice haberet Cæsare convocante , scripsit incognitam nemine convocante .

Ecclesiasticam politiam adstrueres ; nec à Deo , cuius perfecta sunt opera , salubriter institutam , si quis in eam morbus posset incurtere , contra quem nulla posset adhiberi medicina. Sed tamen nulla memoratis casibus relinquitur , si non aliquando sine Pape vocatione , convenire possit Ecclesia.

Ne hīc mihi critici , fastidiosum hominum genus , aliquos memoriæ aut historiæ lapsus , seu menda operarum , quæ in editione Gersonis sunt innumerabilia ; sed ipsum argumentorum pondus attendant. Eorum vim invictam sentient. Quare Alexandro V. Pisæ electo Pontifici , multò maximæ pars Christiani Orbis statim adhæsit : Gallia , Anglia , Germania , Hungaria , Dalmatia , Croatia , Norvegia , Dania , Suecia , Polonia , Italia ferè tota ; Roma quoque ipsa.

Bellar. de
Conc. lib. j.
cap. viii.

Huc accessit posteā tota posteritas , teste Bellarmino , & in sede Petri post Alexandrum V. duos Alexandros sexti & septimi nomine venerati sumus ; cùm Clemens VII. Leonis X. successor , & Clemens VIII. eum Clementem spreverint , Robertum scilicet Gebennensem Cardinalem , qui Clementis VII. assumpto titulo , post Urbanum VI. Avenione sedit.

Rain. an.
1409. n. 80.

Neque valet Odorici Rainaldi responsio , in Romanorum Pontificum serie , numeratos falsos Stephanos falsosque Joannes ; undè veri Pontifices numerum ac titulum suum traxerint. Ita enim numeratos esse constat , obscuris temporibus & ab Historicis , non ab ipsis Romanis Pontificibus , cùm per ea tempora , nondum in decretis suis addere solerent nomini suo , ipsam numeri notam. Nunc autem cùm Romani Pontifices sic pañim edicant in capite diplomatum , Alexander Papa VI. Alexander Papa VII. numeratum ab iis esse falsum , & à falso aut suspecta Synodo creatum Pontificem , recente adhuc facti memoriâ ac manifestis gestis , absursumque est.

Quare & illud certum , Alexandrum V. & Joannem XXIII. Pontificum historiis , vitis , catalogis , toto Orbe terrarum ; atque etiam in Urbe editis , pañim fuisse adscriptos ; tortique Ecclesiæ Catholicæ probro maximo sit , tanto Episcoporum aliorumque Orthodoxorum numero , tanto Universitatum , religiosorum Ordinum , Provinciarum , Regnorumque Catholicorum concursu , celebratam fuisse falsam & canonibus repugnantem Sy-

Tom. xi.
Conc. pag.
2303.

nodus , quam etiam Alexander V. à Romanis totoque propemodū Orbe jam agnitus , confirmārit. Extat enim illius Synodi confirmatio Bononiæ edita , aliquot post mensibus , quām Pisana Synodus soluta est ; ne id Patrum autoritati magis , quām ipsis veritati tribuisse Pontifex videatur. Probat autem ejus gesta , ut quæ Universalis Ecclesiæ autoritate & concordia facta sint. Neque ita multò post , idem Pontifex summâ cum pietate obiit ; testatusque est inter extrema suspiria , se quidquid Pisis egisset , summo divinæ gloriæ amore fecisse.

Huc accedit quòd ejus æmuli ac Pisani Concilii contemptores , Gregorius atque Benedictus , convocato licet generali Concilio , vix paucos Epis-

Tom. xi.
Conc. pag.
2109. & seq.
Rain. an.
1409. n. 84.

copos congregare possent. Quin etiam Synodus Benedicti , Perpiniani habita , Pisani Concilium venerata est , conclusumque in eâ est , ut Petrus vocatus Benedictus , iret vel mitteret Procuratores irrevocabiles Pisas , ubi aliud Concilium congregabatur pro unione Ecclesiæ , qui Procuratores , ejus nomine ,

nominē; Papatui renuntiarent, Gregorio cedente, mortuo, vel ejēcto. Id ex sexdecim Deputatis, quindecim concluserunt (o); atque ita ex duobus frustulis, quæ Pisano Concilio repugnabant, unum jam frustum, à quo Benedictus colebatur, votis atque suspiriis Pisanæ Synodo cohārebat, eique se suumque Pontificem submittebat.

At in aliâ particulâ Gregorius, cùm paucas Italæ urbes, easque ferè ignobiles, vix in obsequio retineret, frustrâ convocabat totius Orbis Episcopos. Quâ de re sic Rainaldus scribit: *Spreta sunt ab Episcopis ejus imperia, cùm in magnam adduceretur invidiam Concilium ad schismatis propagationem molitum; misitque Nicolaum Episcopum Ferentinum, & Dominicum designatum Episcopum Melitensem, Venetias; ut, objectâ anathematis pœna, illius Provincia Præfules ad Synodum cogerent. Sed Veneti, Alexandro, ex Doctorum sententiâ, quamvis Gregorius Venetus esset, adhaerant; nec immeritò. Quis enim non sperneret tam paucos Episcopos in tenui atque ignobili Austriæ Oppido Synodum Ecumenicam venditantes, aut ab eis universalem repræsentari crederet Ecclesiam? Tali tamen Concilio Ecclesiâque fretus Gregorius, se notorium & indubitatum Papam, Alexandrum V. quem tota ferè Ecclesia coleret, æquè ac Benedictum in altero mundi angulo præsidentem, notorium schismaticum declarabat; quem talia declarantem Odoricus Rainaldus pro vero Papâ haberi vult, in eoque frustulo totam Ecclesiæ Catholicæ potestatem collocat. Quis hæc ludibria & Ecclesiastica histrix dedecora ferat?*

Illud paulò gravius, quod aucto Pontificum numero, Pisan Patres non restinxisse schisma, sed auxisse videantur. Id quidem Odoricus Rainaldus, & alii passim objiciunt. Sed profectò immanem belluam ille interemit, qui percusso capite, & corpore obtrito, seminecem, atque ægra vix membra trahentem reliquit: quo factum est ut lethali vulnere ietam in Pisanâ Synodo, Constantiensis Synodus paulò post superveniens conficeret.

Cæterùm quisquis Constantiensis Synodi salutarem Ecclesiæ, ac schismati pestiferam agnovit autoritatem, Pisanam quoque Synodum suscipiat oportet, quæ Constantiensis continuatio est. Quid plura? cùm ipsos liceat adhibere testes qui Pisanæ Synodo adversentur. Nempè Bellarminus qui dubiam, Rainaldus & alii qui nullam pronuntiant, in hoc axioma consentiunt: Romanum Pontificem dubium, sive in casu schismatis, Concilio generali subesse. Omnes enim, excepto nullo, in eam sententiam uno ore decurrunt, ut Pontificem saltem dubium Ecumenico Concilio subdant. Atqui Gregorius æquè ac Benedictus dubius erat Pontifex, à quo tanta pars Ecclesiæ, sive Cardinales discedebant. Ergò ille Concilio suberat, ab eoque depositus acquiescere debuit, ac renitens pro schismatico habendus,

(o) *Id ex sexdecim... quindecim concluserunt.*] Hæc ultima verba nullibi reperimus in tomis Conciliorum, neque in Historicis Surita, Theod. à Niem, Rainaldo &c. Surita rem sic narrat: *Concilio intersuere Prælati... circiter cxx.... Cum Patres Benedictus consuluisse, quid è Republica Christiana esse censerent... summâ diffensione... in contrarias partes Patrum opiniones... distrahabuntur... ea opinionum discrepancia eò rem deduxit, ut Perpiniano penè omnes discederent, & xiix. reliqui hoc omnès fecerunt, quod hic à D. BOSSUET referrur. Cæterum Surita narratio argumentum D. BOSSUET confirmat, nedum illud infirmet.*

eorum quoque calculo qui cum Odorico Rainaldo ei favent : quod est argumentum ex confesso ab adversariis planè peremptorium.

Antonin.
summ. part.
ij. tit. iij. de
sch fin. §. 6.

Objiciunt tamen S. Antoninum excusantem eos qui post Pisanam Synodum atque Alexandrum V. Benedicto & Gregorio favebant : *Cum dubium esset maximum de illo maximè, utrum Gregorius & Benedictus Ecclesiam scandalizarent dissimulando unionem se velle. Nam, inquit, de Gregorio apparuit contrarium, quia de facto renuntiavit sane in Constantiensi Concilio, postequam quantum potuit ludificatus Ecclesiam, defertus ab omnibus, & ad angulum redactus Italæ, rem in eo esse vidit, ut meritò anathemate feriretur, postquam & ipsum & suos sui puduit ; malueruntque cum aliquâ laude cedere, quam ignominiosè ejici, ut æmulo Benedicto contigit. Quòd ergò Gregorius cessit, ipsi Pisanæ Synodo imputandum est. Neque propterea penitus inexcusatos esse volumus qui bonâ spe ducti, sive à Gregorio, sive à Benedicto schisma produci paterentur ; quod unum Antoninus voluit. Cæterum qui præfactè contendunt cessionem utriusque Pontificis, aut saltem Gregorii expectandam fuisse, eos ego dixerim invidiosissimum schisma propagatum voluisse, spredo remedio, quod ipsa necessitas extorqueret : ad hæc in eo labi, quòd imperfectam afferant à Christo constitutam Ecclesiam, quæ adversùs exitiosissimum vulnus nullo præsidio instructa esset. Tertiò, grave illud est non agnoscere vim occultam Spiritus sancti, ad Synodum Pisanam, tot Regna, tot Ecclesiæ, tot Principes, tot Episcopos, tot Abbates, tot Ordinum capita, cum religiosis Coetibus, tot inclytas Academias adducentis, ut facerent sibi Caput unum. Denique jam diximus, dicemusque ipsam Constantiensem Synodum eò esse fultam, quòd Pisanæ Synodi continuatio esset, quod est vel gravissimum ejusdem Pisanæ Synodi firmamentum ; ut profectò nunc tam sancta, tam probata Synodus, sine gravi saltem temeritatis notâ abjici nequeat.*

C A P U T X I I I .

Ad Constantiense Concilium devenitur : ejus causæ atque initia referuntur: rerum series usque ad sessionem V. hinc confutati qui ad schismatis tempus decreta restringunt.

JA M ergò ad Constantiensem Synodum devenimus. Eam Joannes XXIII. Alexandro V. mortuo substitutus convocavit, ut Pisana Synodus continuaretur.

Bull. con-
voc. Conc.
Const. sess.
j. pag. 11.

Causæ continuati Concilii in Bullâ convocationis expressæ : ut schisma finiretur, ut hæreses damnarentur, ut Ecclesiasticae disciplinæ reformatio fieret.

Schisma quidem vivebat adhuc ; ac si Pontificum atque obedientiarum numerum aspiceres, non excisum, sed auctum esse videbatur ; & falsorum Pontificum fautores, pauci licet comparatione reliquorum, Hispani præser-

tum, quò iniquius, eò obstinatiùs eos tuebantur; neque immeritò timebatur, commotis adhuc animis, ne ex scintillâ majus incendium resurgeret. Jam Wiclefiana hæresis totâ in Ecclesiâ grassabatur, quodque malorum omnium caput erat, jacebat Ecclesiastica disciplina; tantæque morum corruptelæ inerant, ut vel eâ causâ Synodus necessaria haberetur; cùm ex eâ radice & schismata & hæreses prodiisse constaret.

His de causis Constantiensis Synodus est convocata, ac Joanne XXIII. Sigismundoque Imperatore præsentibus, inchoata. Primum omnium sacra Synodus recipit Papæ sponsonem, sponte quidem oblatam, sed posteà juramento, Bullâque insuper editâ, confirmatam: quòd *cessurus esset Papatu*, non tantùm si Petrus de Lunâ & Angelus de Corario cederent; verùm etiam, si id è re Ecclesiæ esse Synodo videretur: eo nempè fundamento, quòd verus quoque & certus Pontifex, quòd magis, quòd verius, quo denique certius pater pastorque esset, eò magis honori suo Ecclesiæ pacem, & gregis salutem anteponere teneatur.

Hâc sponsione factâ, Bullâque promulgatâ, Pontifex die 20. Martii, majore hebdomadâ imminente, clam aufugit Constantiâ, atque in vicinum oppidum Scaphusense se contulit, ubi sub tutelâ Friderici Ducis Austræ morabatur. Multùm eâ fugâ commota est Synodus, nec deerant Papæ adulatores pessimi, qui Synodum solvere molirentur; sed habita est frequente confessu, die 25. Sessio III. post Papæ recessum prima, in quâ decernitur, quòd *Constantiæ in Spiritu sancto Synodus generalis, pro reformatione & unione Ecclesiæ in capite & in membris, fuit & est rite & justè convocata, initia, celebrata*; quòd per recessum Papæ aut aliorum quorūcumque, hoc sacrum Concilium non est dissolutum: neque transferri debat, nisi assensu Concilii, aut omnino dissolvi, usque ad extirpationem presentis schisinatis, & quousque Ecclesia sit reformata in fide & moribus, & capite & membris.

Quid sit apud Synodum, & hujus ævi Scriptores, in Ecclesiâ reformari fidem, omnes facilè intelligunt. Non hoc est, restitui collapsam, cùm nunquam Ecclesiæ collabatur fides; sed, eâ firmâ & integrâ, damnari hæreses, hæreticos Ecclesiâ ejici, quòd clariore luce fides eniteſcat. Cæterùm Ecclesiam in fidei veritate semper immaculatam permanere, & de hæresibus semper triumphare, alibi dicet Synodus, Wiclefum condemnans: atque hoc obiter dictum oportuit; ne quis in ambiguâ reformatæ fidei voce falleretur.

Verùm id diligentissimè advertendum, tres Concilii causas ab ipso Concilio statim ac disertè expressas: fidem, schisma, reformationem generalem in capite & in membris. His ut reliqua consentanea essent, Sessione IV. ubi ad ipsos Pontifices devenitur, ad easdem tres causas, debita ab ipsis obedientia refertur, nempè ut huic Synodo obedire debeant in his quæ ad fidem pertinent, quæque ad extirpationem hujus schismatis, quæque ad reformationem generalem Ecclesiæ Dei in capite & in membris.

Dum hæc agerentur, & Sessio IV. fieret, renuntiatum est sacro Concilio, Papæ nomine, ipsum non aliâ causâ, quâm propter sanitatem corporis, Constantiâ recessisse, atque omnino impleturum omnia que sacra Synodo promisisset. Hæc in acta relata sunt. Quin ipse Pontifex, datâ schedulâ 1464.

Ibid. fest.
ij. pag. 16.Vid. inap-
pend. tom.
xi. Concil.
P. 1438.Ibid. fest.
ij. pag. 17.Ibid. fest.
viii. p. 41.Ibid. fest.
iv. pag. 20.
vid. in ap-
pend. cedu-
lam Joan. p.

propriâ manu , aliisque multis testificationibus , idem confirmavit.

Sacra tamen Synodus intellexit ex ejus recessu , quocumque colore quæsito tegeretur , nonnihil turbarum eventurum , multaque eum de disturbâ Synodo moliri ; nec deesse adulatores , qui pessima suaderent. Sex enim Cardinales palam pronuntiaverant , ejus absentia jam solutum esse Concilium , ac Rainaldus memorat , plerosque Cardinales alios post alium , ad Rain. an. 1415. n. 6. & seq. ex Theod. à Niem. Papam configissè ; edictumque Papæ valvis affixum repertum fuisse , quo Curia omnesque officiales , ut ad ipsum accurrerent , sub excommunicatio- nis ac privationis pœnâ citabantur : quæ omnia ad dissolvendam Synodum pertinenter.

Pet. Alliac. de aut. Eccl. in append. tom. ii. Gers. Leo. Aret. de temp. sui hilt. Scribunt & alii , Patres Cardinalibus indignatos id etiam cogitasse , ut prohiberentur à Sessionibus Concilii , ubi de Papâ ageretur , cui se turpes adulatores praestitissent ; Petrum de Alliaco Cardinalem , æquum omnibus , nec minus Ecclesiæ Romanæ , quam ipsius Concilii studiosum , his obstatisse , & Cardinalium defendisse dignitatem. Nec interim deerant , qui pessimo adu-

landi studio , Pontificiam potestatem immodicè efferent. Quæ cùm ita se haberent , necessarium erat Patribus , ut Conciliarem autoritatem magis ma-

gisque inculcarent. Quare Sessione V. non modò Sessionis IV. canonem iterarunt , sed etiam hæc duo addiderunt : primum , ut explicatiū diceretur , Concil. Const. sess. v. p. 26. cujuscumque alterius Concilii generalis decretis Papam subjici ; alterum , ut si contumaciter obedire contempserit , debite puniatur ; ne scilicet , quod plerique jactabant , honestè potius quam necessariò obstringi obedientiæ videretur ; tantèque Patrum consensione finita est Sessione , ut actis hæc verba inferantur : *Quibus constitutionibus lectis , Concilium eas uniformiter approbavit & conclusit.*

Hi sunt illi duo canones relati superiùs , de quorum sensu agitur. Sed ipsa , credo , rei series persuadet , non alium esse posse , præter eum quem tuemur : nempe ut in fidei , schismatis , reformationis casu , non tantum Constantiensis , sed etiam cuicunque , quocumque tempore , & quâcumque causâ congregato Concilio generali , obedientiam , à Papâ etiam , præstari oporteat.

C A P U T X I V.

Vana suffugia , ex ipso Concilii scopo ac verbis confutantur.

C E R T E cùm Constantiense Concilium in his sessionibus , duplicitis gen- eris decreta protulerit , quarum alia propriè ad Concilium Constantiense pertineant , alia ad omne Concilium protendantur , utriusque generis decretis certam notam adhibuit. Et tertiaz quidem Sessionis decreta qui legerit , statim animadvertiset ita decerni : *Quod istud Concilium non debet dissolvi : quod ipsum Concilium non potest transferri : quod qui interesse debent huic Concilio , non recedant.* Tunc Sessionibus IV. & V. multa in eundem sensum de hoc Concilio propriè decernuntur : quam notam si haberent om-

Ibid. sess. iii. pag. 18.

nia Synodi decreta, libenter fateremur non posse pretendi ad omne Concilium ea, quæ de isto constituta fuerint. Nunc cùm Concilium in Sessione V. diserte scripserit, & hinc Concilio & cuicunque alteri Concilio generali, etiam à Papâ deberi obedientiam; patet sacram Synodum, quasi deditâ operâ occurrisse eorum effugis, qui ad Concilia in schismate habita, aut ad solum schismatis tempus, horum decretorum verba detorquent.

Hoc certè suffugium post Basileensem contentionem, autore Turrecrematâ, primùm emersit. Is enim, cùm autoritate decretorum Constantiensium vehementissimè premeretur, primus omnium contendit, *quidquid verba Concilii in sono litera prætendant*; tamen aliter quām sonant intelligenda esse; difficillimumque esse observare Constantiense decretum de obedientiâ à Romano Pontifice debitâ, *nisi decretum illud, ad aliam trahatur intelligentiam, quām verba in superficie prætendant*. Itaque commentum illud ex cogitavit, decretum Constantiense ad solam schismatis causam restringendum; ex quibus satis constat, virum acutissimum semel iterūmque ac tertio verborum Concilii perspicuitate summâ èd esse deductum, ut repugnante literâ, ad hunc sensum comminiscendum causæ necessitate se fuisse abreptum ultrò fateretur.

Quare qui eum secuti sunt, nihil aliud quām ludibria protulerunt. Et quidem commemoravimus, quām aliena, non modò à sensu, verùm etiam à verbis horum decretorum dixerint, qui Constantiense Concilium huic Concilio dumtaxat, non autem aliis, autoritatem eam tribuisse respondent; cùm Patres Constantienses diserte scripserint: *Papam hujus Concilii, & cuiuslibet alterius Concilii generalis præceptis teneri*.

Nec minùs absurdè Disquisitionis autor pro confirmando Turrecrematæ suffugio hoc argumentum proposuit: *Concilium istud (Constantiense scilicet) fuit continuatio Pisani Concilii ad civitatem Constantiensem translati: ex actis: Pisanum verò pro sublatione dieti schismatis congregatum fuerat: item ex actis: ergò ad schismatis causam illa Pontificibus præscripta obedientia revocatur. Quæ jaçtata ad speciem, jam ex gestorum serie evanescunt. Esto enim, urgenterissima causa Pisani Concilii fuerit, extirpandum schisma; tamen ex actis docemur, accessisse aliam haud minùs necessariam, nempe reformationem in capite & in membris: tum continuatam in urbe Constantiâ Pisam Synodum, tria suscepisse; fidem exponendam, extirpandum schisma, reformatam Ecclesiam in capite & in membris; atque in his tribus ab ipso Pontifice, non tantùm huic, sed cuicunque Concilio generali, præstari obedientiam oportere. Ergò pessimâ fide, decreta Concilii Sessionum IV. & V. ejus gestis, dictisque apertè reclamantibus, ad solam schismatis causam restringuntur. Quo etiam factum est, ut qui his solutionibus uterentur, subesse tamen aliud facile persentiscerent, ut de Turrecrematâ vidimus. P. verò Gonzalez, postquam ad tempus schismatis dubiique Pontificis verba restrinxit, subdit tamen: *Forsan verò incaute in diffinitione suâ verba posuerunt, que videntur amplius aliquid sonare*. Quis verò non existimet incautum potius fuisse Gonzalem, quām tot sapientissimos Patres ac Theologos ita incaute locutos, ut nec ipsi eorum verborum, quæ tam accurate selegerint, sensum intelligerent?*

Turrec.
Resp. ad
Basil. part.
ij. n. 2. &
4. tom xij.
Conc. pag.
1711.1712.

Disquis. n.
76.77.p.27.

Conc. Pis.
tom.xj. sess.
xvj. pag.
2203. Conc.
Const. sess.
ij. iii. vid.
sup. cap. x.

Gonz. de
infall. R. p.
disput. xij.
sect.v. §.10.
n. 2. p.671.

Bell. de
Con. aut.
lib. ij. cap.
xix.

Jam quod Bellarminus, quo uno vel maximè adversariorum causa nititur, dixit, ex decreto Constantiensi, subiectum fuisse Conciliis Papam dubium, adeòque non jam Papam, manifestam absurditatem præ se fert; nemipè ut Concilium, cùm sibi & cuicunque Concilio afferit collatam immeiatè à Christo potestatem, etiam in Papam, tanto conatu nihil agat, quàm ut Conciliis èum qui non sit Papa, subjiciat: quo nihil est absurdius. Deindè observatum à nobis est, Papam dubium, qui jam pro Papâ non sit, intelligendum esse, non in quocumque schismate; sed in eo schismate, ubi est inextricabile dubium juris & facti, quale erat illud schisma post Urbanum VI. Talis autem casus est rarissimus; quippè qui post Christum natum, semel tantùm contigit. Hinc argumentum: Constantiense Concilium nunquam adhibuit illas voces, quibus generaliores ac latius fusæ nullæ esse possint, ad exprimendum eum casum, quo nullus est rarer & infrequentior; atqui his vocibus, quas Constantiensi adhibuit Synodus: quicunque: quacumque dignitate: cuicunque Concilio, nullæ generaliores repeiri possunt; ergò Constantiense Concilium non eas adhibuit, ut se ad infrequentissimum; ac tot retrò sacerulis semel tantùm cognitum casum adstringeret; cùm præsertim sacra Synodus alias futuras Synodos, non modò animo prævideret, sed ipsa etiam decretura esset. Neque enim quisquam ignorat canonem, frequens, Sessionis XXXIX. quo de decennio in decen-nium habenda Concilia generalia decernuntur; atqui illa Concilia non omnia futura erant sub dubio Pontifice: ergò Concilium Constantiense non ea tantùm Concilia prævidebat, quæ sub dubio Pontifice futura essent. Atqui Conciliis quibuscumque futuris subjiciebat Papam; ergò etiam subjiciebat iis, quæ à Papâ indubitate haberentur.

Concil.
Const. fest.
xxxix. pag.
238.

Sup. hoc
lib. cap. ix.
x. xi.

Præterea demonstravimus totam Ecclesiam schismatis elisiram, adeò ab-fuisse à restringendâ ad Papam dubium Concilii potestate, ut etiam intel-ligeret, ne in Papam quidem dubium valituram eam, nisi absolutè valuisse; neque tolli potuisse dubium Papam, qui in suâ obedientiâ certus ha-beretur, nisi & illud constitisset, certum etiam Papam in Concilii genera-lis potestate esse. Hinc illa manârunt, causam schismatis ad Concilium ge-nerala devolutam, non quidem propter illum singularem casum, sed quodd singularis casus non aliâ potestate diffiniendus esset, quàm eâ quâ cæteri casus diffiniri solerent. Quæ si universa Ecclesia ante Pisanam Synodum, multò magis post eam, atque in Constantiensi Concilio, declaravit.

Tum illud constat, Constantiensem Synodum, non modò de extinguendo schismate, sed etiam de exponiendâ fide, ac reformandâ disciplinâ fuisse sollicitam. Id enim, & Ecclesiæ mala, & Bulla convocationis, & ipsa sacræ Synodi jam indè ab initio professio postulabant. Atqui expositio fidei ac re-formatio disciplinæ, non ad solum schismatis tempus, sed ad omnia Ec-clesiæ tempora protenditur. Ergò absurdum est ad solum talis schismatis tem-pus restringere Concilii sollicitudinem.

Postea, sacra Synodus non nisi certo Papâ constituto reformationem ag-gressura erat. Ergò cùm docuit, in reformationis causâ Papam Concilio su-besse oportere, non Papam dubium, sed certum, & ab ipsâ Synodo cons-titutum cogitabat. Neque enim quis negaverit sacram Synodum, cùm Sel-

tionum IV. & V. decreta conderet, quæ deinde actura erat animo providisse. Imò potius in ipsis initii certa fundamenta ponebat, quibus ceteræ Synodi actiones, & ordinationes suo tempore struerentur. Id autem volebat maximum, ut Papà constituto, reformatio fieret; utque eam nullus hominum, ac ne quidem ipse Papa prohibere posset. Id ergò agebat, ut Papam etiam certum, atque ab ipsâ Synodo constitutum, Conciliaribus decretis obligaret.

Hic verò omnem absurditatem exsuperat illa responsio, quam autor doctrinæ Lovaniensium prodidit: nempe ut in Synodo Constantiensi reformatio nihil aliud sonet, quam ipsam extinctionem schismatis. Quo loco verba illa de reformatione faciendâ *in capite & in membris*, intelliguntur: *in capite*, seu *capitibus schismaticis*; quæ scilicet capita schismatica à Synodo in ordinem cogerentur: quo nihil excogitari possit absurdius; sed tamen ad hæc absurdia rediguntur, qui perspicuis Synodi verbis atque sententiis commenta sua assuunt.

Itaque postulamus ut ex ipsis consuetis Synodi Constantiensis locutionibus, Synodum Constantiensem intelligent. Certè sacra Synodus Sessione XV. sic decernit: *Ne quis illo modo prohibeat ad sedem Apostolicam, aut Romanam Curiam, hoc durante Concilio, vel ad ipsum, & quacumque alia generalia venientes.* En Sessione XV. easdem planè voces, quas in V. legimus. Dicant boni expositores prohibitionem eam XV. Sessionis, non ad omnes Synodos, sed ad eas quæ in schismate fiant pertinere. Item Sessione XXVI. fit decretum cum hæc clausulâ: *Salvis iis quæ in hoc præsenti, & in aliis quibuscumque generalibus Conciliis fieri solerent: quæ cum ad omnes Synodos pertinere necesse sit, Sessionis V. verba, non minus generalia, nec minus patere constat.* Denique in ipsâ Bullâ *inter cunctas*, sacro approbante Concilio, hæc jubentur: nempe interrogari quemvis Wiclefismi suspectum. Utrum credat quod quocumque Concilium generale & etiam Constantiense universalem Ecclesiam repræsentet. En iterum ac tertio constantique tenore quocumque Concilium unâ cum Concilio Constantiensi omne Concilium comprehendit, quo nihil est clarior ad ipsius Constantiensis Concilii voces interpretandas, constituentiamque sententiam.

Doct. Lo-
van. p. 74.

Concil.
Const. sess.
xv. p. 147.

Ibid. sess.
xxvj. pag.
207.

Bull. In-
ter cunctas.
post sess.
xlv. p. 268.

C A P U T X V.

*Ex sessione VIII. Concilii Constantiensis, sessionis V.
sensus afferitur.*

ALUD argumentum exsurgit ex Sessione VIII. pro vero & nativo Constantiensium canonum sensu, quem tuemur. Eâ Sessione referuntur ac damnantur Wiclefi propositiones XLV. Ex his Cajetanus ac Nicolaus Dubois quasdam feligunt, quarum condemnatio nobis officiat: octavam: *Si Papa sit prescitus, vel malus, & per consequens membrum Diaboli, non habet potestatem super fideles sibi ab aliquo datam; nisi forte à Cæsare: propositionem XLI. hanc scilicet: Non est de necessitate salutis, credere Romanam Ecclesiam esse supremam inter alias Ecclesias.*

Cajet. de
aut. Pap. &
Conc. tract.
j. & ij. pass.
post tom.
ijj. summ. S.
Thom. edit.
Lugd. junt.
1687. Disq.

art. 4. n. 61. Ac ne quid omittamus, proferunt item Joannis Hussi propositiones damnatas , septimam : *Petrus non est, nec fuit Caput Ecclesiae sanctae Catholicae.* Lov. p. 68. Inculcant etiam illud , quod Martinus V. Bullâ , *inter cunctas* : quemlibet & seq. vid. de hæresi Wiclefi , aut Hussi suspectum , sacro approbante Concilio , sic interrogari jubet : *Utrum credat quod Beatus Petrus fuerit Vicarius Christi, habens potestatem ligandi & solvendi super terram? Utrum credat quod Papa canonice electus, qui pro tempore fuerit, ejus nomine proprio expresso, sit successor Beati Petri,* Conc. Cóst. P. 46. 47. *habens supremam autoritatem in Ecclesia Dei?* Ex his igitur tale conficiunt argumentum : Si Ecclesia Romana suprema est ; si Papa habet supremam autoritatem in Ecclesia Dei ; ergo Concilium generale non est suprà Papam , aut Concil. xv. Concl. loc. jam cit. Ecclesiam Romanam ; ergo Sessionum IV. & V. decreta non de Papâ abso- lute , sed de Papâ dubio , ac de schismatis tempore intelligenda sunt.

Valeat planè illa consecratio , nisi & à Synodo prævisa difficultas , & ab ipsâ quoque aperte soluta est. Sed quid Constantienses Patres addiderint videamus ; nempe post relatam Wiclefi propositionem illam : *Non est de necessitate salutis credere Romanam Ecclesiam esse supremam inter alias Ecclesias,* statim subjiciunt : *Error, si per Romanam Ecclesiam intelligat universalem Ecclesiam, aut Concilium generale, aut pro quanto negaret Primatum summi Pontificis super alias Ecclesias particulares.* En quâm diligenter Constantienses Patres , & Martinus V. locuti sunt : en ut *Ecclesias particulares*, non totam ipsam Ecclesiam Catholicam , uno ore aliquid decerentem , Pontifici submiserint. Indè nimirùm nostri sua illa sumpferunt , *dandam esse supremam & plenam Pontifici potestatem, sed in comparatione ad fideles singulos, & ad particulares Ecclesias.* Ita Gerson noster in ipsâ Constantiensi Synodo prædicabat ; ita in eodem Concilio totidem verbis docebat Geronis Magister Petrus de Alliaco Cardinalis , quo maximè autore Wiclefiana hæresis damnata est. Hæc profitabantur qui in Synodo docebant , qui Synodus docentem audiebant , hæc ipsa Martinus V. sua facit , cum decretali , *inter cunctas* , Concilii verba inferit & ipsâ Synodo approbante confirmat.

Gers. ferm. in fest. S. Anto. tom. ij. p. 355. Petr. Alliac. tractat. de Eccl. ib. in append.

Vid. Cajet. loc. jam cit. Instat Cajetanus , nihil obesse sibi hæc verba Concilii à Martino V. ap- probata : cùm istud *quod Primatus Papæ sit super Ecclesias particulares, sit sermo affirmativus de Primatu super particulares, & non negativus de Pri-*

matu super universalem Ecclesiam. Quod P. Thyrsus Gonzalez Cajetanum secutus sic exponit , *ut vi illius censura à Martino V. approbatæ, solum sit de fide Romanum Pontificem habere Primatum suprà singulas Ecclesias, & vi illius non sit de fide habere Primatum suprà Ecclesiam universalem ut congregatam in Concilio :* addit quod ibi sic adstruitur Primatus Romani Pontificis *super Ecclesias particulares, ut non negetur super Ecclesiam universalem.* Hæc ille , hæc alii , non perpensâ rerum serie res magnas vanis distingui culis con- scire soliti , in hunc locum memorant.

Sed profectò nimis scholasticâ subtilitate ludunt : quasi verò deceret sanctissimam Synodus , dûm deditâ operâ id agit , ut contra Wiclefum explicet quid sit de *necessitate salutis* , in Ecclesiæ Romanæ Primatu profitendo , aliquid eorum omisisse , quæ de *necessitate salutis* credere oporteat. Atqui ex concessu , nihil dicit de Primatu Romani Pontificis super Ecclesiam , ut est universalis , & illud tantum asserit , Primatum eum agnoscendum su- per

per particulares Ecclesias. Ergò hoc , non illud , de necessitate salutis credendum esse definit ; statque inconcussum , quod sessionibus IV. & V. de Concilii summâ & absolutâ , etiam in ipsum Papam potestate , decreverat. Huic doctrinæ congruit illa Martini V. interrogatio quam diximus ; non enim quæri jubet : utrum credant quod *Papa habeat supremam autoritatem super Ecclesiam Dei* ; sed utrum habeat supremam *in Ecclesia Dei* : quod à nobis est alibi luculentè explicatum.

Vid. in ap.
pend. lib. i.
cap. iii.

Jam verò ex his argumentum conficimus : quod est ita positum à Concilio Constantiensi , ut ex illo tota Papatûs ratio exponatur , erroresque contra Papalem potestatem suborti condemnentur , id non ad tempus schismatis , aut ad Papam dubium , sed ad ipsum Papatum , qualis est à Christo institutus , & ad omne tempus pertinet : atqui id quod est sessionibus IV. & V. de Papâ definitum , ita se habet , ut exinde tota Papatûs ratio exponatur , & Papatui oppositi errores condemnentur , ut patet ex prædictis : ergò quod est de Papâ in sessionibus IV. & V. definitum , non ad Papam dubium , aut ad schismatis tempus ; sed ad omnia tempora , & ad ipsum Papatum , qualis est à Christo institutus , pertinet ; contra quod adversarii interpretabantur (p).

C A P U T X V I .

*Mens sessionis V. ex capite FREQUENS , & ex capite SI VERO ,
sessionis XXXIX. demonstratur.*

HAUD minùs valida argumenta deducuntur ex sessionis XXXIX. multis capitibus , quæ sigillatim pensitanda erunt.

Primum occurrit caput , *Frequens* , quo capite Synodus Pontificibus legem figit , eamque multiplicem. Primum enim decernit ut summus Pontifex certis temporibus , & quocunque decennio Synodum generalem habeat : deinde ut in fine cuiuscunq[ue] Concilii futuro Concilio locum assignare teneatur : tūm , ne id faciat , nisi consentiente & approbante Concilio : posteā , ut *ad defectum Pontificis* , ab ipso Concilio is locus assignetur , valeatque convocatio etiam sine Pontifice facta à Concilio : postremò , ut Pontifex tempus Concilio præstitum abbreviare quidem possit , non tamen prorogare. Sic præscribit rem quandam , eamque maximam , quam quocunque decennio Romanus Pontifex facere teneatur ; adeòque ligari putat decreto à se

Concil.
Const. fest.
xxxix. pag.
238.

(p) interpretabantur.] Ut mens D. BOSSUET , qui hīc pressè argumentatur planiū intellegatur , duo sunt animadvertenda : primum , Wiclesi propositionem sanam esse , si eam sic interpreteris ut significet , Papa supremam esse autoritatem *super particulares Ecclesias* , non verò *super universalem Ecclesiam* : alterum , hanc interpretationem & distinctionem adhibitam fuisse à sacrâ Synodo , eò ut ipsa id tueretur quod pridem sessione v. definiverat de potiori Concilii autoritate. Ergò Synodus non creditit supremam esse Papæ autoritatem *super universalem Ecclesiam* ; imò creditit talem autoritatem Papæ contingere non posse. Frustrà igitur Gonzalez scholasticâ subtilitate ludit , qui ea allegat Concilii verba , quibus ruat sententia quam ipse defendit.

facto Papæ conscientiam. Ergò manifestè dat legem summis futuris Pontificibus: quibus? Dubiisne, ac tempore schismatis tantum? Absurdum; cùm hæc certis determinatisque temporibus, post quinquennium scilicet, exinde post septennium, ac deinceps post quodcumque decennium exequenda, nullo respectu schismatis, *editio perpetuo* sanciantur. Quare decretum istud Martinus V. jam electus, jam agnitus, jam indubitatus Pontifex est ipse

Ibid. *sess.*
xlii. p. 257 • *hujus Concilii generalis satisfacere, inter alia disponenti, quod omnino generaalia Concilia celebrentur in loco, quem summus Pontifex, per mensem ante finem hujus Concilii, consentiente & approbante Concilio, DEPUTARE ET DESIGNARE TENEATUR... eodem consentiente, & approbante Concilio, civitatem Papiensem tenore praesentium deputamus.* Ex eodem decreto, sub eodem Martino V. Papiense Concilium & inchoatum est, & Senas deinde translatum, probante Concilio: ex eodem decreto, Basileense Concilium ab eodem Martino V. indictum, & ab Eugenio IV. celebratum fuit. Quæ & alia deprompta ex capite, *Frequens*, Martinus V. & Eugenius IV. non essent executi, ut huic decreto satisfacerent, nisi intellexissent, non tantum ad schismatis tempus, sed ad omnia tempora; neque tantum dubiis, sed etiam indubitatis Pontificibus, legem præstitutam.

Cur autem sessione XXXIX. omnibus Pontificibus legem ponunt, & à futuris quibuslibet Conciliis ponи posse decernunt? Cur, quæso, nisi quia sessione V. quilibet, quacumque dignitate, Papali etiam, cui libet Concilio generali subditum decreverant? Ergò omnibus Pontificibus, neque minus certis, quæ dibiis, Conciliarem potestatem ipsa Synodus anteponit; sessionis XXXIX. fundamento, jam inde ab initiis, sessionis scilicet V. solidè providenterque jacto.

Neque objiciant caput, *Frequens*, de Conciliis quocunque decennio celebrandis, nullius jam esse roboris. Neque enim hīc quærimus, quo Ecclesiæ usu atque consensu, hi, qui disciplinam spectant, canones aboleri possint. Id certè quærimus: an Synodus Constantiensis ita se gesserit, ut quæ existimaret summos etiam Pontifices, in fidei, in schismatis, in reformatio- nis causâ, Conciliis Ecumenicis esse inferiores. Certe caput, *Frequens*, ad reformationem pertinebat, cùm Patres intelligerent tantam esse, tamque in veteratam Ecclesiasticae disciplinæ corruptelam; ut nonnisi per frequentia Concilia successu temporis reformari possit.

Quo ex loco argumentum nostrum ita potest confirmari: cùm Patres Constantienses sessione V. decernebant, *cucunque Concilio generali à quo- cunque parendum*, hoc certè decreto intelligebant comprehendi ea Concilia, quæ ipsi vel maximè imperaturi essent; ideo enim usi sunt generalibus vocibus: *Huic & cucunque alteri Concilio legitimè congregato*: atqui ea Concilia imperaturi erant, quæ etiam sub certis indubitatisque Pontificibus haberentur: Ergò ea quoque Concilia Papæ anteponebant.

Ib. p. 239. Huic argumento plurimum lucis accedit ex capite, *Si vero*, quod est positum in sessione XXXIX. post caput *Frequens*. Eo capite Constantienses decernunt de habendis Synodis, *si in futurum schisma oriri contingeret*. Quo loco præscribunt, quid ipsi contendentes, quid vero Concilium, quid de-

nique omnes præstare debeant. Hinc exsurgit argumentum: cùm Constantienses Patres decernere aggrediuntur, quid agendum in tempore schismatis, id non generalibus verbis, sed expresso nominatim schismatis casu, decernunt, ut legenti patuit: ergò certò constat singularem schismatis casum singulari decreto consideratum ac provisum; at quæ verbis generalibus, de quocumque Concilio legitime congregato, sessionibus IV. & V. antea dicta essent, ad omne Concilium, & ad omne tempus omnino pertinere.

C A P U T X V I I.

*Idem demonstratur ex aliis capitibus sessionis XXXIX.
SCHELSTRATI & aliorum suffugia præcluduntur.*

SEQUITUR in Sessione XXXIX. caput: *Quanto Romanus Pontifex, ib. p. 241.* quo capite Synodus statuit & ordinat, quod deinceps quilibet in Romanum Pontificem eligendus, antequam sua electio publicetur, coram suis electoribus, publicè confessionem & professionem faciat infrà scriptam. Ergò manifestè omnibus futuris Pontificibus, etiam indubitatis, etiam in fidei professione faciendâ, legem ponit.

Objicit Schelstratus, id ne quidem in Synodo Constantiensi, præsentibus Patribus à Martino V. fuisse observatum. Sed, inquit, *is Pontifex, electione facta, consecratus fuit, ac postea fidei professionem fecit.* Tantus sciencie sacri Concilii, facillimique decreti contemptus Martinum ceperat, qui aliis Synodi decretis tantâ diligentia satisfecit! At à Schelstrato querimus, cur non ejus rei aliquod monumentum proferat? An forte in his reconditionis gestis, quæ toti Orbi hactenùs ignorata, à se primùm edita jactat, fidei professionem in ipsâ consecratione factam invenit? Atqui nihil vetabat quin fieret, semel quidem privatim, coram electoribus ex Synodi decreto, atque iterum publicè in ipsâ consecratione, sive post consecrationem: sed nempè placebat Schelstrato ostentare contemptam, etiam sine causâ, tantam Synodus, tantosque fastus ad Pontificiam dignitatem pertinere putat.

In eâdem Sessione XXXIX. duo extant canones (*q*), quibus canonibus in Episcopis transferendis, inque spoliis vacantium Ecclesiarum capiens, aliisque ejusmodi rebus, quid Romano Pontifici faciendum, sacro-sancta Synodus statuit & ordinat.

Occurrit Schelstratus, & hæc quidem decreta esse confitetur quæ etiam Pontifices indubitos tangunt: sed, inquit, nullam penam injungunt; nullam mentionem coactionis faciunt; prout tamen faciunt in decreto de schismatis tempore, ubi circa Pontifices tempore illo viventes, penas etiam privationis Papatus confitunt.

(*q*) In sessione xxxix. duo extant canones,] quorum primus staruit, Episcoporum translationes absque magna & rationabili causâ... de consilio sancte Romane Ecclesie Cardinalium vel majoris partis eorumdem... fieri non debere. Alter vetat, ne decadentium Prelatorum spoliorum exactio, per Papam fieri seu attentari possit. Quo canone Synodus occurrebat malo gunc frequentissimo, quod Ecclesiis afferebat gravia detrimenta.

Schelst.
Diff. Ant-
tuerp. cap.
iii. p. 69.

Conci.
Const. loc.
jam cit. p.
241. 242.

Schelst.
loc.cit. cap.
ii. pag. 66.

Hæc quidem Schelstratus objicit tanquam Concilia non nisi pœnâ adhibitâ , jurisdictionem exerceant , jaceantque canones innumerabiles in corpore juris , sacrisque Conciliis editi , in quibus prohibitio , nullâ licet anathematis aut pœnæ cujuslibet & coactionis mentione , constat. At profectò sèpè sufficit simplici interdicto ligari conscientiam ; quod Synodus Constantiensis apertè sibi tribuit in capite , *Frequens* , decernendo scilicet , ut Papa antè finitum quodcumque Concilium , probante Concilio , futuri Concilii tempus designare teneatur ; neque nulla pœna tamen est , si futurum Concilium designare Papa nolit , illud ab ipso Concilio , etiam invito Papâ , statim designari. Cæterum quis ignorat , pœnas interdùm judicum prudenter reservari , neque minùs obligare ea quæ conscientiæ relinquantur ; ut miremur à Schelstrato , haud indocto viro , lectorem talibus deludi nugis ?

C A P U T X V I I I.

Idem demonstratur ex sessione XL. & octodecim tum propositis reformationis articulis.

ATQUE his quidem Sessionis XXXIX. canonibus , Synodus Constantiensis reformationem aliquâ ex parte delibavit : cæterum tantum opus ad vivum aggressura erat , postquam unus Pontifex constitutus esset. Cùm ergò res eò devenisset , ut , abjectis aliis , unus summus Pontifex crearetur , tûm verò Sessione XL. octodecim articuli reformationis diù examinati , ac per *Nationes in reformatorio (r) oblati* , proponuntur cum hoc decreto : quòd futurus Pontifex per Dei gratiam de proximo assumendus (post octo scilicet dies) cum hoc sacro Concilio , vel deputandis per *Nationes* , debeat reformare Ecclesiam in capite & in membris , & Curiam Romanam.... antequam hoc Concilium dissolvatur , super articulis qui sequuntur , octodecim illis scilicet sèpè memorandis. Hinc autem multa argumenta consurgunt.

Concil.
Const. sess.
xl. p. 243.

Primum , quod jam tetigimus : Reformatio in capite & in membris , quòd Sessionis V. decreta collimabant , exciso penitus schismate & electo Pontifice , præcessura erat : ergò in eo decreto præscripta obedientia cuiilibet , cuiuscumque statu vel dignitatis , etiam si Papalis existat , non ad schismatis tempus , sed ad ipsum quoque , omnium consensu , constitutum Pontificem pertinebat.

(r) *per Nationes in Reformatorio.*] In eâ Synodo , singulæ seorsim Nationes de singulis rebus quæstionem habebant , & decreta in sessionibus tum legebantur , cùm ab omnibus Nationibus fuerant approbata. Hac methodo quæstiones eò diligenteriū examinabantur , quòd Nationes libentius inter se consilia conferebant. Quapropter in sessionibus publicis unanimes Episcopi decretis subscribebant. Ea methodus obtinuit quoque in Concilio Basileensi. At in Tridentino ; prius usus invaluit numerandi suffragia Episcoporum. Hinc graves rixæ & intercessiones. Nam Itali , utpotè numero plures , careros omnes facile vinebant ; & sola Italorum intercessio obstinat , ne decerneretur Episcopos fuisse institutos de jure divino , & apud suas Ecclesiæ manere iussos. Vid. Palav. pass. & cæteros hujus Concili Historicos. Reformatorium illud , de quo dicitur sessione xl. Concilii Constantiensis , constabat ex deputatis Nationum , quibus ea cura mandabatur , ut quærent & proponerent quæcumque sibi reformatione indigere viderentur.

Atque ut pateat sanctam Synodum in Sessione V. nihil aliud animo designâsse , quām id quod postea executura erat , stet istud argumentum : in Sessione XL. sancta Synodus Pontifici statim à se eligendo legem dixit : ut nempè , cum ipsâ Synodo , Ecclesiam & Curiam in capite & in membris , super certis articulis à Synodo præscriptis , reformaret : atqui Pontifex mox eligendus , futurus erat certus & indubitatus Pontifex : ergò sancta Synodus certo etiam ac indubitato Pontifici legem dixit.

Quid quōd articuli omnes , vel ferē omnes , Ecclesiam Romanam ac sēdem Apostolicam spectabant. Id vel tituli docent : *De numero & qualitate Cardinalium ; de reservationibus ; de annatis ; de gratiis expectativis ; de confirmationibus electionum ; de causis in Romanā Curia tractandis ; de appellationibus ad Romanam Curiam ; de officiis Cancellaria & Pœnitentiaria ; de dispensationibus , de provisione Papæ & Cardinalium , & ejusmodi cæteris : quæ cùm absurdum sit ad schismatis tantùm tempora , & ad dubios tantùm Pontifices pertinere , omnia tempora , & indubitatum quoque Pontificem designabant.*

Ibid. pag.
243. 244.

Neque obest quōd de his parūm in Synodo actum , sive curiales reformationem eluserint , seu Patres , negotiorum mole obruti , secuturo Concilio multa reservârint. Neque enim hīc inquirimus quid gestum sit , sed in Sessionibus IV. & V. quæ mens Synodi fuerit. Certè constat eam fuisse mentem , ut vel maximè reformatio fieret. Ergò etiam constat eam fuisse mentem , ut indubitatus , & ab ipsâ Synodo constitutus Papa , quām maximè Synodo obediret. Nec elusa reformatio probat Synodi autoritatem infirmam , sed fortè hominum animos nimium fuisse perversos.

Huic probationi magnum robur accedit ex articulo XIII. octodecim il- lorum , qui Sessione XL. propositi sunt : *Propter quæ , & quomodo Papa possit corrigi & deponi.* Atque equidem miror , quosdam Lovanienses aliosque censores nostros eo loco abusos , ut Sessionem V. everterent : quasi sancta Synodus Sessione XL. omnibus jam obedientiis congregatis in integro reliquerit , an Papa in Concilii potestate esset. Neque adverterunt ea , quæ Sessione V. generatim designata essent , *de Pontifice scilicet debitè puniendo* , Sessione XL. plenè atque integrè perficienda proponi , expositis specialibus causis atque agendi modis ; quæ adeò non pugnant cum iis , quæ Sessione V. gesta erant , ut alterum alteri necessariò conjunctum colligatumque sit. Porrò certissimum est Sessionis XL. decretum ita esse conditum , ut post extinctum schisma , & sub indubitato Pontifice valeret. Ergò Sessionis V. decreta , ex mente Concilii , etiam extincto schismate , & sub indubitato Pontifice valitura erant.

Ibid.
Disquis. p.
30. & 65.
Doct. Lo-
van. pag.
70. 71.



C A P U T X I X.

*Recapitulatio eorum quæ de mente Concilii dicta sunt:
solutio objectorum cap. III.*

PRO FECTÒ hæc Concilii mens, hic sensus: ac si, malis urgentibus ac prævalentibus, tanti Concilii, de reformatione ad unguem perficiendâ, vota frustrata sunt; certa tamen fundamenta, quibus ea niteretur, posuisse juvabat. Denique si quis diligenter antedicta perpenderit, quo ve statu res Ecclesiæ essent, quidve illa optaret, quidve metueret, & quo indigeret, tot malis undecumque prementibus, & infando schismate ad cumulum ferè auctis, facile intelliget, quâm ad sananda Ecclesiæ vulnera pertineret, ne ad solum schismatis, aut dubii Pontificis tempus provisa remedia, ipsaque adeò Concilii decreta traherentur. Et ipsum quoque schisma aliud postulabat, cùm unicuique factiōni addicti, suum Pontificem pro certo jactarent, ac Pontificii nominis autoritate mali abuterentur, boni etiam plerique turbarentur; atque inter schismatis mala, ac prodendæ Pontificiæ Majestatis metum fluctuarent. Quas inter angustias, tantaque præsentia & ingruentia mala, si Patres Constantienses sibi asseruissent supremam potestatem in dubios tantum Pontifices, næ illi Ecclesiæ morbis inane remedium attulissent. Quare dubii Pontificis, nullâ vel tenui mentione factâ, altiore & communiore ratione subnixi decreverunt: *Quemcumque hominem, quâcumque dignitate, Papali etiam, cuicunque Concilio subjici oportere;* ut posse omnes Christiani, quocumque tempore, & quocumque rerum statu, sive in schismate, sive extra schisma, seu dubium Pontificem, seu certum esse crederent, supremam Conciliorum agnoscerent potestatem, in eâque acquiescerent. Quod quidem sancta Synodus eò luculentius & firmius declarare ac definire teneretur, quia pars malorum maxima indè provenerat, quod multi non satis Synodo Pisana credidissent. Jam verò his explicatis, nihil est facilius quâm adversariorum omnia argumenta, atque axiomata in eorum caput retorquere.

- Disquis. n. 80. vid. sup. Nempè his agebant regulis: *Intelligentia dictorum ex causis est assumenda dicendi.* Nos verò id fecimus, atque ex causis quibus collecta est Synodus; cùm illæ, non ad schismatis tantum, aut ad dubii Pontificis tempus, sed ad omnia Ecclesiæ tempora referantur, ejus quoque decreta ad omnia tempora, patere docuimus. *Ex contextu facienda est interpretatio.* Nos verò gesta omnia ab ipsâ origine repetita revolvimus, atque hinc doctrinam & Parisiensium & Ecclesiæ Gallicanæ fixam invictamque esse monstravimus. *Ubi est apparens aliqua contradictione, capienda interpretatio est, quæ tollat contradictionem.* Id verò meminerint; id enim semper agunt, ut Synodi inter se decreta committant, nec unum ex alio eluident, sed evertant. Sic ea quæ in Wiclefum à Synodo Constantiensi intorta sunt Sessione VIII. sic reformationem Sessione XL. propositam in ipsis Synodi Sessionibus IV. &

V. decreta convertunt. Nos ita conciliamus omnia, ut sibi cohærere, & eodem ubique tenore processisse constet. Jam cùm ex optimis regulis, quas ipsi adversarii adducebant, sacro-sanctæ Synodi mentem in Sessionum IV. & V. decretis liquidò exposuerimus, haud minus luculenter earum Sessionum invictam autoritatem adstruemus.

C A P U T X X.

Sessionibus IV. & V. æquè ac reliquis Concilii Oecumenici autoritas constat: an valeat Bellarmini responsio, earum sessionum deputata, à Florentinâ & Lateranensi Synodis antiquata?

AC primùm autoritas Sessionum IV. & V. haud alio fundamento nittitur, quām quo tota Synodus; ipso nempè Concilii titulo: *Sancta Synodus Constantiensis in Spiritu sancto legitimè congregata, generale Concilium faciens, Ecclesiam Catholicam militantem representans, &c.*

Hæc de se statim Synodus, prorsùs Synodorum generalium more. Quærimus à nostris censoribus, an hunc titulum Sessionibus IV. & V. detracatum velint? Si velint, non Catholica, sed mendax est Synodus, pro universalì fæse venditans: si nolint, aut, volentes licet, ipsa sanctæ Synodi reverentia cohibet, fateantur necesse est, Sessiones IV. & V. eâ autoritate nisi, quâ nulla major esse possit.

Ait quidem Bellarminus, *Constantiense Concilium, quantum ad primas Sessiones, ubi definit Concilium esse suprà Papam, in Concilio Florentino, & Lateranensi ultimo reprobatum.* Anne expresso nomine Concilii Constantiensis, ut sanè oportebat? Sic enim & Ariminensis, & Ephesina illa nefaria Synodus expressè abrogatae & condemnatae sunt. An igitur Florentina, aut Lateranensis illa ultima Synodus, Constantiensem Synodum notavit ullo modo? Nusquam. Sed, aiunt, contraria deputata protulit. Ergò jam non Concilio abrogatur autoritas: sed ipsa Concilia quæ verâ autoritate constent, pessimo exemplo inter se committuntur. Nos autem Conciliorum Florentini atque Lateranensis deputata Constantiensibus esse contraria negamus & pernegamus; falsòque & temerè assertum id esse, prolatis gestis suo loco demonstramus. Hic interim id querimur, novo more, atque à Catholicis Theologis alienissimo, Concilia Ecumenica opponi Conciliis Ecumenicis in eâ re, quæ ad Ecclesiasticum dogma pertinet, negamusque unquam in Ecclesiâ factum, ut alicujus Concilii, quod se pro Ecumenico gesserit, quale illud falsum Ephesinum fuit, in alio Concilio Ecumenico, doctrina damnetur, nisi priùs ipsa Synodus antiquetur, mendaci Ecumenicæ titulo insignita. Jam si Concilia inter se non concilianda, sed committenda essent; quis Florentinum aut etiam Lateranense ultimum Concilium, tam paucorum Episcoporum, ac, dum celebraretur, vix extra Urbem notum, Constantiensi anteponat, ubi teste Bellarmino, *Patres ferè mille;* atque in his *Episcopi amplius trecenti* adfuerunt; tanta hominum co-

Bell. lib.
de Conc. &
Eccl. c. vij.

Ibid.
Vid. Co-
chlear. lib. j.
hist. Huius
& al. hist.

pia, ut eos Constantia urbs tanta non caperet, quemadmodum hujus temporis testantur Historici; quos inter eminebant tot ac tanti Cardinales Romanæ sedis atque potentiae studioissimi. Quis, inquam, æquus Judex tam sancto conventui, ubi exitiale schisma extinctum, & res Ecclesiæ in pace sunt compositæ, ex ipso statim titulo non afferat autoritatem?

At enim non omnes, sed primæ tantum Sessiones abjiciuntur. Quasi verò nihil sit, ipsa tantæ Synodi fundamenta concutere, idque ex proprio sensu, nullâ Synodo, nullo autore Pontifice. Quid verò non liceat, si hæc licent? Verùm omittamus certa licet præjudicia, atque adversariorum objecta diluamus.

C A P U T X X I.

An Sessionum IV. & V. dubia sit autoritas, quod duæ obedientiæ defuerint? An JOANNIS XXIII. obedientia tertia pars Ecclesiæ fuerit? An JOANNES XXIII. aut alii Sessionibus IV. & V. contradixerint? JOANNIS TURRECREMATÆ & JOANNIS GERSONIS loci.

Doct. Lov. p. 77. Bell. lib. ij. de Conc. cap. xix. Turrec. de Eccl. lib. ij. cap. xcix. vid. Dissert. præv. num. xxxix. & xli. Concil. Const. sess. xx. p. 190. Ib. p. 183. & seq.

AIUNT: Non erat tum generale Concilium, cùm tantum adesset teritia pars Ecclesiæ. [Quæ alibi fusè diximus ut ostenderemus absurdum esse Ecclesiæ tertiam partem tantum dicere tot populos tantaque Regna, quæ Joannis XXIII. obediebant, hic iterare non est necesse.] Inter illa Regna erat Hungaricum, missò quoque Legato pro toto hoc Regno Lamberto de Grolia; quod ideò annotamus, ut intelligent censores nostri, Majores quoque suos cum nostris Majoribus, in unam sententiam convenisse. Harum Nationum Regnorumque Antistites ac Legatos in eo catalogo legimus, quo descripta sunt illorum nomina, qui fœdus Narbonense (s) cum Aragonensis pacatum approbârunt.

Ut ut sit, inquiunt, duæ obedientiæ deerant. Certè; sed omnes convocatae, & quidem autoritate veri Pontificis, & ex decreto Pisani Conciliij generalis. An verò propter Hispanos, & Scotos, aut etiam Apulos damnatis Pontificibus adhærentes, perditam Ecclesiæ oportebat; nec licebat, tot tantisque Ecclesiis vero Pontifici obedientibus, personam agere Ecclesiæ, resque ejus componere, aut earum agendarum fundamenta collocare? Esto, fuerint excusabiles, aut tolerabiles, qui Gregorio Benedictoque adhærebant. An propterea reliquam Ecclesiæ, ipsâ nixam veritate, autoritate spoliabant, ac prohibere poterant, quominus veris certisque decretis, saluti animarum, atque extingendo schismati provideret?

(s) fœdus Narbonense.] Nempe Narbone transactum fuerat inter Sigismundum Imperatorem & Ferdinandum Aragonum Regem, ut Episcopi qui Ferdinando parebant, certis conditionibus suo Benedicto obedientiam denegarent & Synodo se jungerent. Vid. tenor. capit. concord. tom. xij. Conc. p. 178. & seq.

Sed

Sed addit Bellarminus : *Non aderat tūm certus Papa in Ecclesia ; sine quo dubia de fide definiri non possunt.* Certus, quem omnes omnino reipsā agnoscēt, fateor : certus, qui meritō pro certo haberetur, & quem multo maxima pars Ecclesiæ reipsā pro certo haberet, cæteris tantæ multitudinib[us] comparatione perpaucis ; nec ipse Bellarminus inficias eat.

Instat : *In Concilio nullus erat Papa : Joannes enim XXIII. qui Concilium inchoaverat, jam inde recesserat, cùm IV. sessio haberetur : quasi è Concilio turpiter aufugisse, hoc esset Synodo abrogare potestatem.* Atqui ipse Joannes postridie quām abiit, missis ad Imperatorem & ad Synodum Legatis, datāque creditivā literā testabatur, se propter sanitatem corporis secessisse. Hanc turpi fugæ excusationem obtendebat ; cæterū omnia impleturum quæ Synodo promisisti.

Bellarminum secutus autor Anonymus doctrinæ Lovaniensium hæc addit : *Nec desunt qui afferant, quòd non emnes illius prima congregationis, consenserint illi decreto sessionum IV. & V. nec ipse Joannes XXIII. adhibuit consensum, vel autoritatem suam : dicitur enim fuisse conquestus, post abscessum suum aliqua esse decreta erronea & falsa adversus autoritatem Romani Pontificis.* Hæc ille ex Joanne Turrecrematâ retulit. Quo loco multū utuntur, qui nostra impugnant, ac præsertim ille, qui de Libertatibus Gallicanis scripsit autor Anonymus. Atque is quidem laudat Joannem à Turrecrematâ Cardinalem, ut de rei veritate optimè instructum, ac gestorum ex parte oculatum testem, ac pro suo merito fide dignum. Id prætermisit, ab eo Cardinale hæc fuisse scripta post Basileense dissidium : quo tempore Turrecremata Eugenianarum partium antesignanus, cùm Constantiensis Concilii autoritate premeretur, nullum videbat effugium, nisi, quoad poterat, Constantiensium canonum & sensum obscuraret, & autoritatem infringeret. Itaque cùm acta publica deessent, ipsos etiam rumores aucupatus, ea scripsit quæ Joannes XXIII. coram oratoribus Gallicanis iratus effudisse diceretur. Jam verò quis dicat admittenda quidem ea quæ ab uno viro, eoque addicto partibus memorantur, contemnenda verò quæ sunt in actis publicis expressè notata ? Nempe hæc consensum & autoritatem publicam manifestè exprimunt, non item quod incertâ tantum quorumdam relatione nititur. Nec verò aliud innuit Turrecremata, dum nullo tantæ rei appellato teste, solum ait : *Dicitur enim fuisse conquestus post abscessum suum aliqua esse decreta erronea & falsa adversus autoritatem Romani Pontificis.* Hæc Anonymus repetit. At virum gravem non decet his moveri, quæ dicantur, & in aëra jacentur, dum interim ex actis ipsis Synodi, duo hæc constant ; nempe sessioni IV. ducentos Patres adfuisse ; & sessioni V. adscriptum, lectis articulis, *Concilium eos uniformiter approbab[us], & concludisse.* De Joanne verò XXIII. quid dicam, quem ex actis constet, etiam post fugam Synodo adhæsisse, ac posteà iteratis vicibus ultro confessum quòd turpiter à Concilio recesserat ; quòd vellet stare definitioni Concilii ; quòd Constantiense Pisani continuativum errare non posset ; quòd Synodi sententiam, etiam si in se latam, cum birreti depositione acciperet, confirmaret, approbareret quantum in se esset ? Quæ ergo Synodus intelligerer, eo vel invito per se sese valitura, quis eo quoque assentiente, valere negaverit ?

Tomus I.

H h h

Bell. loc.
jam cit.

Ib & Doct.
Loy. p. 77.
ex Turrec.

Concl.
Const. fest.
iv. p. 20.21.

Doct. Lo-
van. p. 69.
73. 77. ex
Turrec.

De libert.
&c. lib. v.
cap. xv. n.22.

Concil.
Const. fest.
xj. xiij. pag.
87. 88. &c.

Neque verò nostrâ interest , quid ipse Joannes privatim aut clanculum demurmuraverit ; sed quid ad Synodum apertè professus sit. Neque ego diffiteor ei adfuisse , ut Principibus solent , adulatores pessimos , cùm ab Al- liacensi Cardinale notatum videam quemdam , qui inter factores & adulato- de Eccl.a.ut. res ejus , velut anguis in herbâ latitaret , qui eum laete erroris nutrientes , ad p. 111. cap. iii. jam sap. extermínium deduxerunt .
cit.

Neque etiam moror quid illi Pontificis insusurraverint auribus fœdi adu- latores ; sed quid ipsa Synodus votis communibus , atque suffragiis defini-

De libert. &c. lib. v. De libertate ; quod unum inquirimus. Autor Anonymus , aliquie passim mirum in modum se efferunt his Joannis Gersonis verbis : *Ante celebrationem sacro-*

sanctæ hujus Constantiensis Synodi , sic occupaverat mentes plurimorum litera-

potest. Eccl. cap. xv.n.7. Ger. de *lrium , magis quam literatorum ista Traditio , ut oppositorum dogmatizator fuisse*

de heretica pravitate suspectus vel damnatus. Hujus rei signum accipe , quia

post declarationem , & quod urgentius est , post determinationem , & practica-

tionem ejusdem sanctæ Synodi (t) inveniantur qui talia passim asserere non

paveant.

Quæ cur viri graves tanti faciant , non equidem haçtenus intelligere po- tui. Quid enim novi quòd , ante rem definitam , in diversam sententiam multi abierint ? Aut quis nesciat post res etiam definitas , non defuisse Sy- nodis , etiam optimè gestis , obtrectatores suos ? Sanè quod Gerson memo-

Vid. sup. rat : *Qui Constantiensia dogmata tuerentur , ante sacra Synodi celebrationem de* *hoc lib. cap. ix. & S. An-* *heretica pravitate suspectos vel noratos , ad Benedicti XIII. cui Galli pare-*

ton. rom. iij. hist. lib. xxij. *bant , tempora pessima referendum. Is enim superbissimus atque ambitio-*

sissimus , qui contra se hiscere auderent ac Synodum implorarent , diris de-

g. v. & seq. *vovebat , quod jam ex actis constituit. Atque hunc pessimum morem , & ab*

alto imbibitum adulationis virus Gerson irridens , Traditionem vocabat ,

qualem certè in Judæis improbavit Christus. Ipse cum cæteris veram , &

Apostolicam Traditionem tuebatur. Jam qui hæc objiciunt , viderint an

litigia judiciis , ipsisque judicibus , in Ecclesiæ Catholicæ cœtu sedentibus ,

obtrectatores anteponendos putent.

(t) post determinationem . . . Synodi ;] illâ etiam stante , quidam hæc asserere non ve- rebantur : Nec ab eo (Papâ) appellari , neque eum judicialiter evocari , nec obedientiam ab eo substrahi . . . est aliquatenus possibile : hic solus symbolum fidei condere , hic solus causas ejus- dem fidei . . . traſlatare potest : solus . . . regulas , leges & canones condit : alioquin quidquid per

alios diffinitur , decernitur , condit , statuitur , irritum est & inae. Vid. loc. in text. citat.



C A P U T X X I I .

Quòd inter Catholicos certum sit, Concilium Constantiense jam inde ab initio, & ante adunatas obedientias fuisse Ecumenicum: Bulla Inter cunctas à MARTINO V. sacro approbante Concilio, edita Constantiae.

DE NIQUE, ut uno verbo totum negotium transfigamus, judicata res est; totaque illa de duabus obedientiis absentibus, deque sessionibus nullo Pontifice habitis, argumentatio sponte jacet. Nemo enim negat decreta sessionum VIII. XIII. XV. circa Wiclefum & Hussum, & circa communionem sub unâ specie, & circa Joannis Parvi propositionem de cædendis tyrannis, aliaque de fide, plenâ Ecumenicæ Synodi autoritate esse facta. Atque illas sessiones æquè ac quartam & quintam constat esse celebratas, antequam omnes obedientiæ convenissent. Ergo ante conjunctionem illam, Concilii generalis apud Constantienses valebat autoritas; ac sessionum IV. & V. decreta pari cum cæteris potestate omnino constant.

Respondent, quæ adversus Wiclefum, & Hussum decreta fuerant, à Martino V. fuisse approbata, decretali *Inter cunctas*: nihil autem præterea ab eo Pontifice confirmatum.

Verùm enim verò attendere debuissent nihil hîc novi decrevisse Martinum: sed quæ à Concilio Ecumenico, de Wiclefi atque Huslì erroribus rectè jam & ordine gesta essent, Episcopis & Inquisitoribus exequenda mandasse. Id ipsius diplomatis probat series. Hæc deinde Martinus V. interrogata subdit, quibus tentari debeat is, cuius fides suspecta sit: *Utrum credat quod quocunque Concilium generale, & etiam Constantiense, universalem Ecclesiam representet? Item quod illud, quod sacrum Concilium Constantiense Ecclesiam universalem representans, approbavit & approbat in favorem fidei & ad salutem animarum; quod hoc est ab universis Christi fidelibus approbandum & tenendum, & quod condemnavit & condemnat, esse fidei vel bonis moribus contrarium.*

En quod sancta Synodus approbavit & condemnavit circa Wiclefi, Husisque propositiones sessionibus VIII. & XV. nondùm licet adunatis obedientiis; en quod approbandum & condemnandum Martinus præcisè proponit, ut jam approbatum & condemnatum à Concilio Ecumenico, quod Ecclesiam Catholicam repræsentaret. Pergit: *Utrum credat quod dictæ condemnationes * per sacrum generale Concilium ritè & iustè factæ sunt: ritè, quoad ordinem; iustè, quoad rem ipsam, quod iterum iterumque inculcat & urget; ut quod in Concilio generali decretum, & peractum erat, jam observandum omnibus credendumque relinquatur. Qui ergo Concilio Constantiensi ante adunatas obedientias Ecumenicam detrahit autoritatem, non modò toti Synodo, verùm etiam Martino V. & fidei Catholicæ contradicit,*

Bull. Inter
cunctas pag.
268.

Ibid.

* Nempe
Wiclefi
Joannis Hus-
si & Hiero-
nymi à Pra-
s.

Concil. Confl. sess. xv. p. 144.
Neque verò his nocet, quod Martinus V. sessionum IV. & V. nullam fecerit mentionem; neque enim aut memorat prolatam de Joannis Parvi hæresi sententiam, quæ haud minus habetur pro Ecumenici Concilii sententiâ: neque aliud quidquam præter ea, quæ in Wiclefum Hussumque gesta sunt. Quin etiam vidimus Bullæ, *Inter cunctas*, insertam à Martino V. censuram Concilii in Wiclefi propositionem XLI. quâ censurâ constet, Ecclesiastam Romanam ita supremam esse, quatenus eo nomine universalis Ecclesia, aut Concilium generale intelligitur: Papam verò ita supremum, quatenus Primum habet super alias Ecclesias particulares. Hæc exscribit Martinus V. hæc ad fidem Catholicam pertinere intelligit. Quæ nos ex sessionibus IV. & V. manâsse, cum iisque apta & connexa esse, luce clarius demonstravimus: quo liquet Martinum V. iis sessionibus assensisse, qui connexa & consentanea probaverit.

Sup. cap. xv.
Vid. Rain. tom. xvij. an. 1408. n. 9. sup. hoc lib. cap. ix. diff. præv. n. xl.
Neque mirum. Ipse enim Martinus, unus fuit eorum Cardinalium, qui subscripsit cum aliis ei declarationi, quâ Papam Ecumenicæ Synodo subesse testabantur. Is eo fundamento nixus, in Pisano Concilio & Constantiensi, nunquam ab aliorum Patrum sententiâ discrepavit. Itaque cùm Bullâ *Inter cunctas*, primarum sessionum decreta, tanquam Ecumenicæ Synodi acta veneratur, id tantum Pontifex mandat exequendum, quod Prælatus & Cardinalis cum aliis jam fecerat & constituerat.

Pari ratione solvit ea objectio, quod absente Papâ, Synodi Ecumenicæ autoritas constare nequeat: cùm iis sessionibus, quas Martinus V. totâ Synodo approbante, pro Ecumenici Concilii veris sessionibus agnoscit, haud minus quam sessionibus IV. & V. Romanum Pontificem defuisse constet.

Quamobrem ruit funditus illa objectio, quæ ex diversis obedientiis nondum adunatis petebatur. Nec ullum periculum nostrorum Parisiensium sententiæ imminet ab aliis obedientiis, quæ primùm unanimi consensu Bullam *Inter cunctas* Martini V. approbârint, tum declarationi ipsius Concilii Constantiensis primis sessionibus superstruetæ, in idem ædificium, atque omnino in idem corpus coauerint; totamque sacræ Synodi doctrinam imbiberint, cuius quidem doctrinæ, si quam partem suspectam habuissent, non nisi eâ expresse reprobata Synodo adhæsissent.

C A P U T X X I I .

An novæ Concilii convocationes, GREGORII & BENEDICTI obedientiis Constantiam advenientibus, pacis studio factæ, antecedentium sessionum autoritatem infringant? Ac primum de suscepto GREGORIO, sessione XIV.

Doctr. Lovan. p. 69.
70.

NEQUE illa obstat ab autore Anonymo *Doctrina Lovanensem* aliisque jactata, adunatis demùm obedientiis, nova Concilii convocatio, quæque ad eam mentem facta sunt. Hæc enim sunt Synodi, non de suâ auto-

ritate dubitantis, sed Apostolicâ charitate sustentantis infirmos. Jam quidem fortiores animæ, amborum contendentium, tanquam sua quærentium jugum excusserant, ac maximam Ecclesiæ partem ad pacem adduxerant; sed tamen infirmi supererant, qui ad hæc fortia exsurgere, aut ex obortis dubiis, quæ saltem probabilia viderentur, extricare se non poterant. Quid igitur agendum? Multi suadebant bello adigendos ad obedientiam; atque ea erat, quam *viam belli* vocabant. At Petrus de Alliaco, & Academia Parisiensis, & optimus quisque, & sacrosancta Synodus, cruenta remedia respuerbat. An igitur in fœdo schismatis relinquendi? Alia omnia postulabat fraterna, ac materna charitas, & Apostolicum illud: ut *firmiores imbecillitatem infirmorum sustinerent*. Hinc novæ illæ convocationes admissæ sunt, illesa Synodi autoritate, cum nihil profectò lœdat, quæ omnia potius satnat, charitas.

Quare Sessione XIV. cùm accederet ad Synodum jam Constantiæ congregatum Gregorii XII. obedientia; nova quidem facta est, ipsius Gregorii nomine, per ejus Procuratores convocatio & confirmatio. Sed postquam ea omnia facta sunt, Synodus sic pronuntiat: *Eam convocationem, auctorizationem, approbationem, & confirmationem à Gregorio nunc factas, quantum ad ipsum spectare videtur, in omnibus & per omnia admitti: quia abundans ad certitudinem pro bono, cautela nemini nocet, sed omnibus prodest*. Hæc docent Synodus per se stantem, convocatam tamen à Gregorio, non quidem absolutè, sed quantum ad ipsum spectare videbatur: neque ex necessitate; sed ex abundantia.

Eâdem ratione sacra Synodus Joannis XXIII. jam depositi consensio- nem, & quantum in ipso esset, sententiæ Synodalis confirmationem admisit. Quas res Joannes Gerson præfens, earumque pars maxima *ad cautelam & humili quâdam condescensione factas*, & ipse credidit, & coram totâ Synodo Concione habitâ prædicavit. Neque convocatorium Gregorii decre- tum in Provincias pro more missum est; sed tantum in Synodo lectum, ut ea convocatio ad œconomiam quædam atque indulgentiam, non ad ipsam rei, ut vocant, substantiam pertineat. Sic Synodus suæ conscientia majesta- tis, & constantiæ retinens, infirmis quoque ac dubiis animis consulebat.

Eodem pacis intuitu, in eâdem Sessione admissum est Gregorii de Papatûs abdicatione mandatum, cum hæc professione, quod cùm hunc Papatûs titulum claram certumque haberet, permisum etiam ei sit, ut quibuscumque verbis Papatum tueretur, quem reipsâ abdicaret.

Quamobrem in eodem diplomate Procuratoribus seu Legatis suis facul- tatem dabat, vice suâ convocandi & auctorandi generale Concilium, remotâ tamen, inquit, omnino Baltazaris præsidentiâ & presentiâ: quæ quidem sancta Synodus nullo suo detrimento concedebat; cùm Joannes jam depositus sen- tentiæ acquievisset, certumque esset, ne aut ipse, aut Gregorius, aut Bene- dictus eligi possent.

Append.
tom. xij.
Conc. pag.
14+3.

Rom. xv. r.

Concil.
Constit. sess.
xiv. p. 107.

Ibid. sess.
xij. p. 96.
Gers. ferm.
de viag. &c.
direct. iv.
tom. ij. p.
275.

Concil.
Const. sess.
xiv. p. 106.



C A P U T X X I V.

*Exemplum singularis in ejusdem schismatis casu indulgentiae
& condescensus.*

SCILICET ut tuta præstarent omnia , omnes in unum titulos congerient , ne ex levi quoque scrupulo , tanquam ex tenui scintillâ , tota exosi schismatis flamma resurgeret. Quod tunc usque adeò hærebat animis , ut Martinus V. duodecimo Pontificatus anno , cum per tot annorum spatium , ac totâ jam Ecclesiâ egregius ac stabilitus Pontifex coleretur , fictitii Clementis cessionem , Petri Cardinalis Fuxensis operâ impetratam , magni beneficii loco duceret.

Hæc advertat lector diligens. Petrus de Lunâ in Constantiensi Concilio à tribus jam obedientiis anathemate damnatus , desertusque à suis penè omnibus , & tamen in Papatu tuendo ad mortem usque obstinatissimus , nescio quem Ægidium , Munionem , Canonicum Barcinonensem , successorem habuit. Is anno 1422. Petro mortuo , à tribus Cardinalium larvis electus , Clementis VIII. nomen accepit. Tota illi Ecclesia , erat Paniscolensis rupe , in Cataloniâ castellum exiguum , extrellum Petri de Lunâ schismatisque perfugium. Favebat occulte Rex Aragonum Alphonsus , Martino V. infensus , tantoque Pontifici inane Pontificis spectrum opponebat ; totâ Ecclesiâ partim irridente , partim etiam indignante. Et tamen , ut ea larva è medio tolleretur , pace jam cum Alfonso Rege factâ , missi Regii Oratores ; in his Alphonsus Borgia , postea Calixtus * Pontifex Maximus , qui falsum Clementem ad abdicationem inducerent. Misus Petrus Cardinalis Fuxensis (u) vir per eam ætatem , & genere , & rerum gestarum gloriâ clarus , qui reliquias schismatis extingueret ; cujus acta sic habent apud Odonic Rain. tom. xvij. an. 1429. n. 20

* III.

Dominus Ægidius in Sessione publicâ ; indutus Papalibus insigniis , in castro Paniscola , primitus & antè omnia pro serenitate conscientia sua & suorum sequacium , ut dixit publicè & solenniter , omnes processus , sententias , fulminationes & censuras , depositiones , inhabilitationes , per suum prædecessorem Benedictum Papam XIII. in suâ obedientiâ nuncupatum , & ipsum in suo prætenso Pontificatu , contra omnes & singulos ei non obedientes , specialiter contra Odonem de Columnis , quem secundum eorum opinionem reputabant Antipapam & schismaticum , & omnes sibi adhaerentes , factas , pronuntiatas , & fulminatas per suas literas & prætensis Bullas plumbeas expresse revocavit , & omnes illos , qui prefato Domino Odoni adhaerent , & specialiter ipsum Odonem de Columnâ ad omnes dignitates & hono-

(u) Petrus... Fuxensis] è Franciscanorum familiâ , natus annos xxij. ad Cardinalatum evectus eit à Benedicto xij. qui Comites Fuxenses sibi adjungi cupiebat. Petrus Benedicti partes egregiè fovit , usque ad Concilium Constantiense. Bis venit in Aragoniam pacis causâ , ac demum schisma prolatum ab Ægidio de Munione omniu[m] extinxit. Erat tunc Arelatensis Archiepiscopus & Vice-Legatus Avenionensis. Vid. Gall. Christ. & tom. xij. Conc. p. 406. & seq.

res, & specialiter ad Papatum habilitavit, restituit, & redintegravit. Deinde idem Aegidius proposuit solenniter coram omnibus, qualiter electus ab ibidem praesentibus suis fratribus, praetensis Cardinalibus, Papatum recepit; non ad alios fines, quam ad hoc principaliter, ut per ejus medium, Dei Ecclesia vera & indubitata unio sequeretur: etiam à primis diebus sue novæ assumptionis ad Apostolatum veraciter in animo disposuit, pro tanto bono unionis Ecclesia Dei, sponte & liberaliter se velle renuntiare honori & officio Papali. Quod revera præstitit, confitens expressè viam renuntiationis hujusmodi, esse viam planiorē, utiliorem, securiorem, & breviorem ad consequendam veram & indubitatam unionem Ecclesia Dei.

Quin etiam umbraticus Pontifex Bullam plumbeam super cessione suâ edidit, sub hoc titulo: *Clemens Episcopus, servus servorum Dei*, cuius hæc verba referre placet: *Hinc est quod nos propensius attendentes, quod quantum validiora, certiora & firmiora sunt in hujusmodi Apostolatus officio jura nostra, tantum laudabilius ea ducimus pro pace, ac redintegratione religionis Christianæ relinquere.* Quo fundamento posito hæc subdit: *Omnis iuri Papatus, oneri & honori, ejusque titulo & possessioni, quam habemus. non vi, dolo seu metu; sed simpliciter, purè, liberè, & sponte, ac ex certâ scientiâ, & de plenitudine potestatis, assistentibus nobis venerabilibus fratribus nostris sanctæ Romanae Ecclesiæ Cardinalibus, necnon praesentibus... Alfonsi Regis Aragonum.... Ambassiatoribus. cedimus & renuntiamus.... Papalia deponentes insignia, ad efficaciam vera ac desideratissimæ unionis Ecclesiæ sanctæ Dei.... Datum Paniscola Dertusensis Diœcesis 7. Kal. Augusti, Pontificatus nostri anno quinto. Prorsus eo more rituque, atque etiam verborum majore magnificentiâ, quam Angelus de Corario, seu Gregorius XII. abdicaverat.*

Neque eo contenti fuere; sed post eam abdicationem falsi Clementis, ejus Cardinales, tanquam vacante sede, ad novum Pontificem eligendum, locum Conclavis postulârunt, quo pro more conclusi, nemine discrepante, per viam Spiritus sancti, Reverendissimum in Christo Patrem & Dominum Odonem de Columnâ, in suâ obedientiâ nominatum Martinum V. quem ipse Dominus Clemens.... ante suam cessionem, tollendo sententias & processus contra ipsum ratione schismatis latos, & factos, habilitârat, de Apostolica potestatis plenitudine, usque ad summum Pontificium inclusivè, in Romanum Pontificem.... ac Beati Petri successorem concorditer elegerunt. Atque hujus electionis publicum instrumentum ab Alfonsi Regis Oratoribus Pontificio Legato statim est traditum.

Quid igitur? Nisi larva Pontificis Martinum V. habilitasset ad Pontificiam dignitatem, nisi loco cessisset: nisi umbratici Cardinales eundem Martinum elegissent, non ei tota sua constabat autoritas, ac decreta Constantiensia fluctuabant? Absit. Sed tamen hæc omnia facta sunt, quod Catholici spectarent, non solum vera jura, titulorumque certam autoritatem, sed etiam firmum & tutum consensionis effectum, ut infirmi nihil haberent quod jam mutire possent.

Quæ quidem cum accepisset Martinus Pontifex, referente Rainaldo, ingenti gudio affectus est, datisque literis, Legato Cardinali plurimum gra-

Vid. tom.
xij. Conc.
Pag. 407.

Ib. p. 408.

Rain. an.
1429. n. 3.

tulatus ; Ægidium Munionem Baleari Episcopatu , Alphonsum verò Bor-
giā, quo suadente abdicaverat , Valentino Archiepiscopatu donavit. Tantā
mercede eos honestavit , tantāque operā, etiam profligato schismate , tamen
ad muniendam pacem , inania etiam jura , inanesque titulos conquirebant.

Vid. sup.
cap.præced. Non ergò mirum, si eodem adhuc vigente schismate , Constantienses Patres
Gregorio XII. tanta permiserint; cùm pariter declararent, *hanc convocationem*,
& *authorizationem* Gregorii admittendam esse , quantum ad ipsum spectare vi-
deretur : non quantum ad Synodum , neque ex necessitate , sed ex abun-
danti esse, ut & Gregorii ejusque sequacium scrupulis caveretur , & sua in-
teriori sacrosancta Synodo constaret autoritas.

C A P U T X X V.

*De Sessionibus XXII. XXVI. XXXV. quibus Aragonenses,
Navarrici & Castellani suscepit sunt:*

EODEM animo actum cum Aragonensibus , aliisque Hispanis , qui re-
jecto Benedicto Sigismundi Imperatoris operā , ex pacto Narbonensi
(x) Sessione XXII. ac sequentibus , Constantiensi se Synodo conjunxe-
runt : quæ compositio Narbonensis , Constantiae in Sessione XX. lecta &
approbata est ; ac postea , præsentibus Legatis Ferdinandi Regis Arago-
num , Sessio XXIII. celebratur. Et statim quidem decretum editur consueto
ritu : scilicet , *sacrosancta generalis Synodi* (y) Constantiensis nomine : mox
uti fœdere Narbonensi pactum erat , deposito titulo , datae sunt ad eun-
dem Regem Aragonum , nomine *Cardinalium* , *aliorumque Prælatorum* , Con-
stantia in Christi nomine congregatorum , literæ , quibus eum ejusque Præla-
tos Constantiam convocarent. Quo facto , Oratores Regis Aragonum , eos
à quibus ipsi convocabantur , *Prælatos & ceteros Dominos* Constantiam con-
vocabant : qui scilicet jam præsentes aderant , totoque Orbe conscientio , plus
annum integrum Conciliari potestate agebant , responsumque est statim à
Ibid. Ib. p. 196. Patribus Constantiensibus : *Nos dictam convocationem acceptamus*. Continuò ,
nec dimissis in Aragoniam aliasve Provincias novæ convocationis literis , ne-
dum expectato responso , mutua facta conjunctio est ; ac sancta Synodus
multa decrevit , sub titulo consueto , *sacrosancta generalis Synodi Constan-*
tienis

(x) ex pacto Narbonensi.] Sic in illo pacto statuitur capit. j. *Quod convocationem fiat per Præ-*
latos ... in dicto Concilio Constantiensi existentes , de Regibus & Principibus ... & Prelatis... de
obedientia D. Benedicti... & vice versa : quod prefati domini Reges & Principes obedientia
D. Benedicti facient literas convocatorias ad Prælatos... de Concilio Constantiensi... vel per suos
Ambassatores. Vid. p. 178.

(y) generalis Synodi.] Vocabulum *generalis* abest ab eo decreto , saltem in excusis codi-
cibus ; neque tamen inde minus est firma D. BOSSUET argumentatio . Nam sacra Synodus
titulum *generalis* deponit quidem , *condescendentia causâ* , ut aiebant , illum statim resump-
tura. Præterea observandum eidem Synodum sessione xiv. Procuratoris Gregorii xij. ad-
misisse convocationem ad Concilium generale , assumpto consueto suo titulo. Notanda ver-
ba exscribam : *Sacrosancta generalis Synodus Constantiensis ... convocationem , authorizationem...*
nominé illius domini , qui in sua obedientia dicitur Gregorius xij. nunc factas... admittit. Vid. p. 107,

tientis in Spiritu sancto legitimè congregatae : ut unâ in Sessione , si spectcs titulos , Synodus ter sortem mutaverit. (7)

Ac ne Aragonenses Antistites generali Synodo deesse putarentur, ibidem promulgatum est sacri Concilii decretum : ut Regis Aragonum Oratores , non Provinciarum delegatione, sed ipsius Synodi autoritate sic agerent, atque in Synodo sententiam ferrent , ac si omnes earum partium repræsentarent Ecclesiæ; quæ non ex Ecclesiasticâ disciplinâ , aut rei veritate , sed *enoreptiūōs* , ac pacis gratiâ , summâque indulgentiâ & condescensione facta esse , res ipsa clamat.

Eodem modo Legati Navarræ Regis * , Sessione XXVI. ac Joannis Regis Castellæ & Legionis , Sessione XXXV. suscepiti , utrâque Sessione nova fit convocatio. Iterum Synodus Ecumenicæ titulum deponit , statimque resumit ; atque interim interjectæ Sessiones Ecumenicæ Synodi titulo celebrantur ; quæ res omnibus Sessionibus , jam indè ab initio universalis Synodi nomen dignitatemque asserit. Nam ad ipsam quidem , quæ se ab initio pro universali gereret , omnes accurrrunt , ipsa immota stat : atque illa , suæ licet conscia dignitatis , id infirmis tribuit , ut venerandum nomen , terque quaterque deponere videatur ; sed ut majore semper confessione recipiat. An igitur toties , atque etiam in unâ , ut vidimus , X XI. Sessione , Ecumenica esse & perstat , & desinit , & incipit ? Neutquam. Sed *enoreptiūōs* , pacis atque infirmorum gratiâ , & nomen deponit , & rem tuetur. Et quemadmodum sacra Synodus , licet in gratiam Castellanorum ultimò adventantium , Sessione XXXV. nomen Ecumenicæ tantisper deposuerit ; tamen haud immerito illud acceperat , & Sessione XXVI. in quâ Navarrici , & XXII. in quâ Aragones accessere. Sic , tametsi eum titulum in Aragonensium gratiam tantisper dimiserit , haud minore jure illum acceperat , & Sessione XIV. accidente Gregorio , & ante eam Sessionem , ab ipso convocationis & celebrationis initio,

Ibid.

* Carol.
Ibid. sess.
xxvij. &
xxxv. pag.
207. & 224.

Vid. sess.
xxij.

C A P U T X X V I .

Ex ipsâ rerum serie antedicta confirmantur.

QUIN ipse rerum tenor eam œconomiam probat , quam assertum imus ; Neque enim aut Gregorius , ejusve , seu Benedicti asseclæ , cùm ad Synodum accederent , id sibi vindicârunt , ut antè gesta velut ad incudem revocarent ; aut ab iis postulatum , ut ea , tanquam essent infirma , vel dubia , approbarent , rataque habere vellent ; sed ea omnia , non aliter quam ipsâ rerum serie & consecutione firmantur. Id ipsa in Benedictum gesta manifestant. Certè enim post susceptos Sessione XXII. Aragonenses , Sessione

[7] *Synodus ter sortem mutaverit.*] Nempe initio sessionis p. 192. *sacro-sancta Synodus Constantiensis* appellatur : deinde p. 193. *literas dat convocatorias ad Regem Aragonum sub nomine Cardinalium & Prælatorum in Constantiâ congregatorum* : denique p. 196. *condit decreta , resumpto suo titulo , sacro-sancta generalis Synodus &c.*

XXIII. adversus Benedictum juridica *informatio* decernitur, idque sub Ecumenicæ Synodi titulo, nihil expectatis Navarricis, prope diem, Sessione scilicet XXVI. adventuris: quibus advenientibus, novâ licet convocatione factâ, ac deposito tantisper Synodi Ecumenicæ titulo, non tamen ante gesta iterantur; sed tenore suo causa procedit. Itaque Sessione XXIV. Benedicti *citatio* promulgatur: Sessionibus XXIX. & XXXIII. declaratur contumacia: Sessione XXX. subtracta Benedicto obedientia approbatur, alia que multa fiunt maximi ad causam ponderis. Quæ omnia, Castellanis advenientibus, Sessione XXXV. novâque Concilii convocatione promulgatâ, adeò non infirmantur, ut statim Sessione XXXVII. ultima & peremptoria adversus Benedictum sententia pronuntietur: quæ tamen non valeret, nisi & informatio, & citatio, & contumacia declaratio anteâ valuerint. Certum igitur est, novis illis Synodi convocationibus, pacis studio ex indulgentiâ factis, nihil ipsius Synodi autoritatem infringi; idque agnatum ab iis etiam, qui eas fieri postulâssent.

Quod si respondeatur, valuisse illa quidem, sed tamen ex consensu tacito Navarrorum, aut etiam Castellanorum, qui ultimo loco advenerint; quamquam id absurdum est, tamen ad rem nostram sufficit. Sic enim omnino constat quæcumque ab initio à Joannis XXIII. obedientiâ gesta, ea, advenientibus reliquis obedientiis, ipsâ conjunctione ac rerum prosecutione valuisse. Neque enim retractatum quidquam de rebus anteâ, atque ab initio ipso in Synodo gestis; neque magis de sessione VIII. actum est, ubi damnatus Wiclefus, ante susceptum Gregorium, aut de sessione XV. ubi damnatus Hussus, proscriptaque propositio Joannis Parvi de cæde tyrannorum ante Hispanos adunatos, quam de IV. & V. sessionibus, ubi Conciliorum supra Pontificem declarata est potestas. Nihil, inquam, de iis actum, nihil retractatum fuit; sed ipsâ conjunctione membrorum Ecclesiæ, hæc atque illa decreta æquè firmata sunt.

Neque objicias, ideo constitisse facta adversus Wiclefum Hussumque de creta, quod Bulla, *Inter cunctas*, quâ hæc decreta firmantur, omnibus obedientiis adunatis, Sacro approbante Concilio, sit edita. Hoc enim ipsum est, quo vel maximè vicimus, cum demonstratum fuerit, Wiclefi & Hussi propositiones ita referri in Bullâ, *Inter cunctas*, non ut quæ tunc à Synodo generali damnentur; sed ut quæ jam anteâ à Synodo generali, Constantiensi scilicet, quod universalem Ecclesiam repræsentaret, damnatae atque proscriptæ sint: quod cum approbârint Gregoriani, atque Hispani Præfules, nihil aliud egerunt, quam ut sessiones, ipsis quoque absentibus, celebratas, ut veri Ecumenici Concilii sessiones & acta approbarent.

Non ergo ab illis requirendum fuit, ut sessionum IV. & V. decreta expressè approbarent, cum præsertim ea essent, quibus universa Synodi acta, & ante adunatas, & post adunatas obedientias niterentur. Hoc fundamento nixi Hispani, cum reliquâ Synodo Benedictum suum deponebant; quem:

Vid. Cap. Nar. cap. iiij. sess. xx. p. 179.

usque adeò pro vero certoque habebant Pontifice, ut Synodo declararent, non posse ullum à se pro Pontifice agnoscî, nisi Benedicto moituo, vel renuntiante, vel deposito canonice. Ergo eum à Synodo deponi, ejus sententias, ejus anathemata solvi postulabant, atque ita ex decretis sessionum,

IV. & V. ipsum Pontificem, à se verum habitum, Synodo submittebant,

Ib. cap. iv.
p. 180.

Neque alio ex fonte illa repetita toties de reformatione decreta manârunt. Neque enim eam in capite & membris fieri, una Joannis XXIII, obedientia; verùm id vehementissimè, & Gregoriani sessione XIV. & Hispani Benedicti asseclæ sessionibus XX. & XXII. postulabant. Denique quoties aliqua Ecclesiæ pars Constantiensi se Synodo adjungeret, toties inculcatum, ut in capite & membris fieret reformatio; idque Sacrae Synodi autoritate, quæ proinde Caput suum suâ potestate suisque decretis comprehensura esset.

Huc spectant ea decreta, quæ omnibus obedientiis adunatis, unanimi consensu sunt promulgata. Unanimi consensu très obedientiæ unitæ protulerunt caput illud, *Frequens*, aliaque capita, ubi futuris quoque certis Pontificibus legem dictam demonstravimus. Unanimi consensu, à Papâ eligendo, unà cum Concilio, reformationem etiam in capite faciendam decreverunt; neque antequâm fieret, Synodum disolvendam. Unanimi consensu compegerunt octodecim illos reformationis artículos, quibus Curiam Romanam, uti prædiximus, coercitam volebant; quæ omnia demonstravimus, non nisi ex iis decretis manare potuisse, quæ Concilio Pontificem subjicerent; nihil ut à tota Synodo magis stabilitum, inculcatumque fuerit; certumque omnino sit, Patres Constantienses, quotquot sunt, qui diversis temporibus sacro se conventui adjunxerant, omnes in omnibus, ut communione, ita sententiâ & doctrinâ convenisse.

Et certè si à Concilio Constantiensi, sessionibus IV. & V. prolata doctrina, ferè hæretica est, ut Bellarminus; si Schismatica saltem, aut periculosa, ut quidam alii haud minùs inconsideratè jactant, favebant hæresi, favebant Schismati, quotquot supervenerunt, quotquot adhæserunt, quotquot communicaverunt, longè magis, quotquot consentanea decreverunt; ac tali fundamento nixi sunt; atque omnes obedientiæ, totaque Ecclesia è communione & consensione commaculata, hanc labem eluere nullâ ratione queat. Martinus quoque V. ipse Schismaticorum non modò communicator, sed etiam approbator, Romanam è labe conspurcavit Ecclesiam; quippe qui Schismaticos, & suum, Petrique, si censoribus nostris creditur, Primum evertentes, non modò consortes habuerit, cùm esset Cardinalis, sed etiam postea ad ipsam Petri Sedem capessendam autores secutus, eosque jam Pontifex suâ charitate complexus, insuper editâ Bullâ, *Inter cunctas, tribus jam obedientiis adunatis, eorum cœtum tam perspicuè ac toties, ab ipsis quoque initisi Concilii Ecumenici nomine celebrandum putavit,*

Seſſ. xxxix.
p. 238.
Ib. Seſſ. xl.
p. 243.

Vid. ſup.
cap. xvij.
xvij. xvij.

Bellar. de
Conc. aut.
lib. ij. cap.
xvij.



C A P U T X X V I I .

*Antiquæ Ecclesiæ exemplis Concilii Constantiensis
œconomia afferitur.*

JAM ad eam, quam tuemur, Concilii Constantiensis œconomiam, atque indulgentiam afferendam, ex ipsa antiquitate exempla prodeant. Primum Episcopi Africani, ductore potissimum Augustino, maximo illo post Apostolos charitatis & autoritatis Ecclesiasticæ assertore. Hi ergo cum Donatistis schismaticis toties victis, toties ab Ecclesiâ & Imperio condemnatis, Tom. ij. Conc. pag. 1352. gest. 1x. coll. Marcellino Comite iterum litigare, hâc quoque ultrò conditione oblatâ: Carth. vid. Veritate confisi illo nos vinculo conditionis obstringimus, ut si nobis ii cum quibus agimus demonstrare potuerint subito Ecclesiam Christi, nescio quorum, inter Aug. ep. cxxvij. tom. ij. f. 377. & seq. quos isti accusant, peccatorum periisse contagio, & in solâ remansisse parte Do- nati: si hoc, ut dictum est, demonstrare potuerint, nullos apud eos honores Episcopalis munieris requiremus, sed eorum sequemur pro solâ aeternâ salute consilium, quibus tanti gratiam beneficii pro cognitâ veritate debebimus. An cunctabundi, an dubii, an Catholicæ Ecclesiæ ejusque autoritatis incerti, qui eam tot tantisque documentis non modò certam, sed etiam perspicuam demonstrabant? Absit. Verùm id agunt, ut, si fieri potest, corda hominum vel infirma, vel dura, pia charitas aut sanet aut edomet. Advertatur illud, vel infirma, vel dura; ut nec ipsa pertinacia duros animos ab Ecclesiæ indulgentissimâ charitate posset excludere. Pergunt: si victores ipsi fuerint, pervicerintque adversus Donatistas, Ecclesiam non periisse, sic ejus, inquiunt, teneant unitatem, ut non solum viam salutis inveniant, sed ne honorem Episcopatus amittant. Ibid. pag. 1352. & ap. Aug. p. 378. Hinc illa conditio, ut in quâlibet civitate Catholicus ac Donatista Episcopus, utrique pari jure, servato Episcopatu, vicissim sedeant eminentius; aut si populi Christiani Episcopalis dignitatis studio hoc refugiant, utrique, inquiunt, de medio secedamus, (aa) & Ecclesiis in unitate pacificâ constitutis singuli constituantur Episcopi. Sic vici vicesque æquè loco cedebant, potioremque volebant esse Donatistarum conditionem, à quibus victoribus nihil sibi honoris reservari postulabant. An oblii Ecclesiæ majestatem? Nullo modo; sed charitate & humilitate vici, reducendis schismatis, contra Ecclesiasticam disciplinam, talia indulgebant. Quid enim, inquiunt, dubitemus Redemptori nostro sacrificium istius humilitatis offerre? An verò ille de cœlis in humana membra descendit & nos, ne ejus membra crudeli divisione lanientur, de cathedris descendere formidamus? Cùm ergo

(aa) utrique de medio secedamus.] Rem narrat Augustinus his verbis: In Concilio pene trecentorum Episcoporum sic placuit omnibus . . . Duo ibi vix inventi sunt, quibus displiceret: unus annosus senex, qui horum etiam dicere liberius ausus est, alter voluntatem suam tacito vulnu significavit. Sed posteaquam illum senem liberius hoc dicentem obruit omnium fraterna correptio, illo mutante sententiam, vulnus etiam ille mutarit. De gest. cum Emer. n. 6. tom. ix. p. 629.

hanc œconomiam erga perditissimos schismaticos pacis studium suaserit, an vererentur Constantienses Patres, de sublimi veluti folio Ecumenici Concilii tantisper videri descendere, & cum fratribus æquo jure disceptare, ut eos ab schismate revocarent, in quo plerique non malo animo, sed infra-mæ conscientiæ scrupulis permanere videbantur?

Quid Cyrillus Alexandrinus? Nonne ille conscriperat adversus Nestorianam perfidiam duodecim illos anathematismos maximè Theologicos, atque veridicos, à sede Apostolicâ, atque Ecumenicâ Ephesinâ Synodo aliquatenus comprobatos? Nonne illos Theodoretus, jussu Joannis Antiocheni, & omnium Orientalis Dicæceseos Episcoporum, omni execratione prosecutus erat? Nonne Orientalis Synodus eosdem anathematismos ut hæreticos proscriptis, Cyrrillum & Memnonem sacrae Synodi duces Episcopatu dejectit, totam Ecumenicam Ephesinam Synodum anathemate condemnavit? Quid postea? Facta pax est: quasi æquo utrinque jure, rebusque integris, nullâ anathematismorum Beati Cyrilli, nullâ Orientalis schismaticæ Synodi, nullâ etiam, ut paria omnia esse viderentur, Synodi Ephesinæ Ecumenicæ mentione facta; idque tantum actum, ut iis omnibus prætermis, vera fides, & Ecclesiæ facta adunatio firmaretur. An igitur aut Orientalis Synodus stetit, aut anathematismi pro hæreticis habiti, vel Synodi Ephesinæ Catholica definitio concussa est? Imò hâc indulgentiâ vel condescensione firmata; retulitque id in illo dissidio pars sanior & potior, non solùm ut veritate, sed etiam ut charitate vinceret.

Neque illud omittendum, quod à Magno Gregorio Papâ per mirificam indulgentiam Reginæ Longobardorum Theodelindæ concessum est. Ea nempè cùm quintæ Synodi occasione, se ab Ecclesiâ abruptisset, ita ei Gregorius satisficeri voluit, ut laudatis tantum quatuor primis Synodis, quibus summa fidei continetur, quinta Synodus ac trium capitulorum damnatio, ut minùs necessaria, taceretur; neque propterea quintæ Synodi, à se toutes comprobatae, autoritatem infregit.

Quo sanctorum Patrum spiritu acta sacra Constantiensis Synodus, sui tantisper oblita, sed recordata pacis, suam autoritatem & omittit & firmat; seque verè probat Ecumenicam Synodum in Spiritu sancto legitimè congregatam, dñm spiritu charitatis animata nihil prætermittit, quo Hispanicos fastus delinire, aut duritiem frangere, aut infirmas conscientias tranquillare possit.

Vid. in act.
ant. & post
Syn. Ephi.
tom. iii.
Cœc. anath.
Cir ll. pag.
408. ejusd.
ep. ad Joan.
Antioch.
Lecturæ
li. p. 110.
& int. op.
Cirill. edit.
Par. anath.
tom. v. part.
ij. int. ep.
p. 76. 104.

Greg. Mag.
indict. xi.
lib. iv. al.
lib. iii. epist.
ij. ad Const.
ep. Medioli.

C A P U T X X V I I I .

Objectio ex defectu confirmationis petitæ dissolvitur.

AT enim, inquiunt, utcumque in unam eandemque sententiam omnes obedientiæ concurrerint, non tamen valent Synodi Ecumenicæ nomine, nisi ea quæ Martinus V. prolato decreto expressè approbavit, confirmavitque. At Sessiones IV. & V. Martinus V. non expressè probavit

I i i i j

prolato decreto; neque enim in Bullâ, *Inter cunctas*, eas Sessiones confirmavit, sed tantum quæ adversus Wiclefum Hussumque gesta essent; & in ultimâ Sessione Concilii declaravit, non à se omnia comprobari, sed tantum ea, quæ in materiâ fidei Conciliariter gesta essent: quo nomine Sessionum IV. & V. decreta comprehendi negant. Denique non edidit generalē confirmationem Synodi, tametsi id ipsa Synodus postulasset. Hæc Turrecremata; hæc Bellarminus; hæc omnes alii jactant, in eoque vim maximam causæ reponunt. Nos prolatis gestis nullo negotio dissolvimus.

Concil. Conf. sess. xlvi. p. 258.

Ac primùm testamur, nihil à nobis refugi confirmationis Apostolicæ nomen ac vim; neque existimamus Romanos Pontifices, cùm Synodos Ecumenicas legitimè habitas confirmant, superiorem in eas exercere potestatem. Neque enim Romani Pontifices, Conciliorum tantum, sed etiam antecessorum suorum passim decreta confirmant; neque tamen iis superiores se præbent, atque ut à Pontificibus Concilia, sic à Conciliis Pontificum decreta confirmari in actis Ecclesiasticis ubique legeris. Nec immeritò: confirmare enim Ecclesiastico stylo, consentire est, & consentiendo firmare. Quippe Ecclesiastica gesta atque decreta, ipsa unitas firmat, rerumque confirmatio est, ipsa testificatio unitatis, quæ nos suo loco diligenter, ut par est, exequemur.

Inf. lib. viij. cap. ii. & seq.

Sup. pass. & in Diff. præv. n. xl.

Doct. Levan. p. 70

Verùm ad testificationem unitatis atque consensionis, adeòque confirmationis, non profectò necesse est ut expressa diplomata de confirmando prodeant. Martinum V. vidimus, cùm Otho Cardinalis esset, omnium quæque Pifis, quæque Constantiæ gesta essent, jam indè ab initio fuisse partipem; & Pontificem factum, nihil eorum, quæ in Synodo gesserat, retractâsse; imò totâ Synodo approbante, easdem Sessiones Concilii Ecumenici nomine honestâsse. Neque necesse erat, ut post semel assertam, primis quoque Sessionibus, Synodi generalis autoritatem, Sessionum IV. & V. decreta expressè approbaret. Satis approbabat, qui decernentibus præsens communicabat, eorumque conventum pro Ecumenico Concilio agnoscebat. Satis approbabat, qui Joanni XXIII. ex his sanè decretis, ritè deposito, suffici se patiebatur. Satis approbabat, qui caput, *Frequens*, ex earum Sessionum autoritate valitulum & exequendum putabat. Satis approbabat, qui in Bullâ, *Inter cunctas*, & exscripterat, & exequendas mandaverat adscriptas à sacrâ Synodo articulo XL I. Wiclefiano censuras, quæ ad Sessionum IV. & V. decreta necessariò referrentur. Satis denique anteacta approbabat, qui eorum autoritate omnibus præterat. Quin ipsum interesse, ipsi communicare, probare est: & nisi antiquitatem omnem, totamque vim canonum penitus ignoramus, Romani Pontificis, præsentis maximè, atque insuper collaudantis ipsa communicatio, validissima autoritas atque approbatio est. Quare nec verum est, quod asserunt, post electum Martinum, sacram Synodus ab eo petiisse confirmationem decretorum suorum, more consueto. Hoc enim in gestis nusquam apparet, neque Sessionum VIII. & XV. contra Wiclefum & Hussum prolata decreta, peculiari Pontificis decretali equissem, nisi decuiisset, quæ adversus Wiclefianos & Husitas canonicè constituta essent, ad ordinarios exequenda transmitti. Undè damnatio propositionis: *Quilibet Tyrannus, de cædendis*

tyrannis, decretali inserta non est, eò quod non eodem ritu exequenda videretur; neque eò minus valet.

Quod autem ipse Martinus, Sessione ultimâ, jamque dimissis Patribus, declaravit, *in materiis fidei à se probari ea quæ Conciliariter conclusa essent;* id neque petente Synodo, neque ad cuiusquam instantiam, sed occasione p. 258. Polonorum, obiter atque aliud agendo dictum, gesta ipsa testantur. Suppliebant Poloni quemdam librum (bb), ut ferebant, *ritè damnatum tanquam hereticum, per deputatos fidei, ac etiam per omnes Nationes Concilii, ac per Collégium Cardinalium conclusum..... in Sessione publicâ, per sacrum Concilium damnari, seu publicè damnatum pronuntiari.* His Papa respondet, quod omnia & singula determinata, conclusa & decreta in materiis fidei per præsens Concilium CONCILIARITER, tenere & inviolabiliter observare volebat.... ipsaque sic CONCILIARITER facta approbat, & ratificat, & non aliter, & atio modo. Quare confirmatio à nullo petita, neque quo loco res erant, necessaria videbatur; & cùm Martinus declaravit, *in materiis fidei quid probaret, respondebat profectò ad Polonorum propositum, qui, de fide quærentes, responsum de fide retulerunt.* Cæterum satis constat, non hinc tantum pertendam esse Synodi approbationem; alioquin cùm hic Martinus signanter addiderit: *de materiis fidei id à se esse dictum,* reliqua improbata manerent, suaque Joanni XXIII. Gregorio XII. Benedicto XIII. constaret autoritas: quin ipse Martinus suam electionem infirmaret; cùm profectò quæ circa illa gesta sunt, *ad fidei materias non pertinere* constet. Stat ergò Concilii certa confirmatio, ipsâ executione, ipsâ consensione, imò ipsâ Papæ præsentiâ; valerentque ea quæcumque Conciliariter gesta essent, tametsi Poloni nihil rogâssent, ac Martinus non eam vocem edidisset. Vid. c. seq.

C A P U T X X I X.

An sessionum IV. & V. decreta iis accenseri debeant, quæ MARTINUS V. ut CONCILIARITER facta, confirmavit.

NE quis tamèn scrupulus superesse possit; addimus decreta ea Sessionum IV. & V. de quibus agimus, & ad fidem pertinere, & Conciliariter facta esse.

Ad fidem quidem pertinent, quæ pertinent ad interpretationem divini Juris, & ad traditam immediate à Christo Petri successoribus, atque Epis-

(bb) quemdam librum] Joannis FALKEMBERG Ordinis Prædicatorum, qui in Concilio Constantiensi Joannis Pat. i partes vehementissimè defenderat, scripsit adversus Jagelonem Poloniæ Regem, quem idè malè oderat, quod ille in Livonianum venerat cum exercitu. In eo autem libro vitam æternam pollicebatur omnibus Christianis, qui armis Jagelonem & Polonus extinguerent. Ergò Poloniæ Regis Legati petebant hunc libellum jam ritè damnatum per deputatos in causâ fidei, ac etiam per omnes Nationes Concilii:... in sessione publicâ per sacrum Concilium damnari. Quod quidem abnuit Pontifex, sive ne diutiùs prorogaretur Concilium, sive quia existimabat, propositione Joannis Patvi damnatâ, damnatum quoque esse hunc libellum, sive qualibet aliâ de causâ. Cæterum Martinus V. Falkemberg in custodiâ detinuit, quadusque Poloniæ Rex ab illo negotio tandem destitut. Vid. de eâ re insignem D. ARNAULD tractatum adversus Schelstratum, cui titulus est: *Eclaircissement sur les Conciles généraux.*

copis in Concilio generali sedentibus potestatem ; neque Bellarminus aut alii diffitentur. (cc)

Sup. cap. ii. Quòd autem *Conciliariter* facta sint, constat, cùm in publicâ Sessione, imò in duâbus publicis Sessionibus, prolata sint, ut vidimus.

Bell. lib. ij. de Conc. aut. cap. xix. Et quidem adversarii vocem hanc, *Conciliariter*, planissimam ac simplicissimam, per vim manifestam ad vana & aliena detorquent : nec tamen in unum convenire potuerunt. Sic nempe Bellarminus ludit, *Conciliariter* factum dici quod more Conciliorum, maturâ deliberatione factum esset; quasi Martinus V. Constantiensis Concilii primis sessionibus, quarum ipse pars fuerat, indiligentiam exprobrare vellet. Alii vanum commentum aspernati, *Conciliariter* gestum dicunt, adunatis obedientiis gestum; neque aliud quidquam à Martino probatum. Quasi verò in Wiclefum & Huslum & in Joannem Parvum gesta reprobentur, quæ ante adunatas obedientias gesta sint.

Sed profectò nos ludunt : Martinus enim *Conciliariter* gesta memorabat; vulgari & populari sensu, quem Poloni & omnes intelligerent, & ipsa rerum ostendit series. Nempe ad Polonorum respondet propositum. Illi namque petebant, quem liberum à fidei deputatis, ac per omnes Nationes, ac per Cardinales condemnatum dicerent, eum in sessione publicâ per Sacrum Concilium condemnari, vel condemnatum pronuntiari; tanquam confecta res, suâ tantùm quâdam, ut ita dicam, formulâ vestienda remaneret. Quæ Martinus refutabat; à se pro *conclusis*, *decretis*, *determinatisque* haberi dicens, quæ *Conciliariter*, & in sessione publicâ decreta fuissent; non ea perinde, quæ per congregations, seu per Nationes, atque deputatos, vel etiam per Cardinales fuissent examinata: hæc enim tractata tantùm, digesta, expolita, & quodam modo præparata, non autem decreta, conclusa, determinataque fuisse, aut solenniter & *Conciliariter* jūdicata, & per se perspicuum est & gestis consentaneum.

C A P U T X X X .

BELLARMINI sensus exploditur: an sessionum IV. & V. decretâ sine examine debito processerint.

*N*E c piget hîc viri doctissimi Cardinalis Bellarmini Patrum Constantiensem levitatem & inconsiderantium incusantis memorare verba, quæ sic habent: *Martinus V. disertè dixit se confirmare ea tantum decreta de fide, quæ facta erant CONCILIA RITER, id est more aliorum Conciliorum, re diligenter examinata; constat autem hoc decretum sine ullo examine factum à Concilio Constantiensi.* Hæc Bellarminus, cui suo more accinunt alii, exscriptis Bellarmini verbis, atque sententiis, & addunt, *Patres Constantienses*

Bell. loc. sup. cit.

Doct. Lov. pag. 73. ex Mald.

(cc) neque Bellarminus aut alii diffitentur.] Diffitetur Schelstratus. Vid. Diff. Antwerp. cap. iij. p. 71. & Diff. iij. advers. Maiimb. cap. iij. p. 177. & seq. Verum hunc, non tam dissertatorem quam vitilitigatorem, à nobis hîc confutari non est necesse; cùm præsertim D. BOSSUET hanc ita questionem trahet, ut nullis tenebris obscurari possit,

non

non commisſe rem illam prius examinandam, ſicut commiſerunt alias materias & quæſtiones, circa doctrinam Wiclefi & Hufſi, priuſquam ad determinationes procederent. Atque hæc, ſi Deo placet, Concilii decreta, duabus continuis ſeffionibus repetita, tam destinatō facta, tam fundamenti loco poſita, tantāque omnium confiſſione munita, & inculcata, rebus anume- rant, quæ in Concilio obiter pertraſtæ fuerant.

Tria reponimus: primum illud; post rem à Synodo, expreſſo canone ac peculiari decreto definitam, periculofiſſimo exemplō revocari in dubium, an de eâ recte & maturè fit deliberatum; atque hinc aperiri viam ad omnes canones, decretales omnes, omnia Concilia ſubvertenda.

Alterum; quòd id iſtā quæſtione Polonorum, nihil de examine age- batur; illi enim affirabant omnia examina p̄rcessiſſe. At Martinus ideò tantū approbationem negabat ſuam, quòd res *Conciliariter*, atque in publicā ſeffione concluſa non eſſet.

Tertium, idque vel maximum; cæteræ fidei quæſtiones, puta Wiclefi. & Hufſi, quæ à Concilio certis deputatis examinandæ ſunt commiſſæ, in- finitæ erant. Occurrebant enim ſe horum hæreticorum variæ & perplexæ propositioſes, & omnigenū errorum monſtra. Neque tantū Wiclefi li- bri, & doctrina exiſtibilis; ſed etiam autoris damnanda erat memoria, exhumandi cineres, ſcrutandi ſectatores longè latèque diſfufi, & occulti ulceriſ perfecandi ſinus. Tum Hufſus ipſe p̄aſfens conſutandus, co- viñcendus, ejusque diſcipulus Hieronymus Pragensis: horum artificum com- primendi lubrici lapsus dolique retegendi. At in ſeffionibus I V. & V. ſim- pleſ juris quæſtio, ardua illa quidem; ſed quæ ubique terrarum, in Galliā p̄aſfertim, ad vivum reſepta, & innumeris libris, decretis, literis, conven- tibus Theologorum, Canonistarum, Universitatū, Antiftitū eliquata, eluciſdata, certique fundamenti loco poſita erat, ante aquā Patres Conſtan- tiā convenientire. Neque verò opus erat poſt tot ac tantos, ante Pifanum, & in ipſo Pifano Concilio, traſtatus habitos, novis diſputationib⁹ tempus terere, cùm extrema omnia imminerent; ſed explorata, & jam in Pifanā Synodo aperta remedia expedire oportebat. Nihil ergò leviter, nihil p̄a- cipteractum: tantū opportuna, imò verò neceſſaria, rebus in ſum- mun diſcriben adductis, adhibita celeritas.

Quin etiam Conſtantia Petrus de Alliaco Cardinalis, Epifcopus Ca- meracensis, ſancti Conventū lumen, & in dogmatibus explicandis omnium facile Princeps, in eo libro, quem vigente Concilio, *de autoritate Eccleſia* ſcripſit, memorat quæſtioneſ de ſtabiliendâ Conciliū autoritate ſæpe tra- ctaſtam, ſpecialiter in hujus Conciliū initio; extantque eâ de re Joannis Geronis Sermones coram Synodo habiti, qui ſeffionibus I V. & V. p̄a- luxerunt. Atque omnino iſta traſtabant, ut in quibus non aliqua pars, ſed ipſa ſumma Conciliū collocata eſſet. Neque neceſſe erat ad ea explicanda deputatos nominari, ad quæ per ſeſe Patres omnes à toto decennio, maximè verò in ipſa Synodo, attenti arrectique eſſent; nihil ut unquam fuerit vel doctrinā elimiatiuſ, vel autoritate firmitius, quām id quod hoc de negotio à ſacrâ Synodo conſtitutum fuit.

Pet. Alliac.
de Eccleſ.
Cōc. & R. P.
ant. Pifem.
app. tom. ij.
Gers. p. 926.
& ſeq.
Gers. ferm.
tom. ij. pag.
201. & ſeq.

C A P U T X X X I.

An illa formula, Sacro approbante Concilio, Papam Concilio superiorem probet.

Doct. Lo-
van. p. 71.
Disq. p. 30. **P**ERMULTI adversariorum magnam in eo vim faciunt, quod posteaquam electus est Martinus V. reformationis decreta sub ejus nomine sunt edita. Nec jam edictum, ut anteā, *sacro-sancta Synodus*; sed, *Martinus, sacro approbante Concilio*. Non ergo jam in Concilio, sed in Pontifice *suprema potestas*; neque *Concilium censuit se esse supra Papam, extra casum schismatis*, quo plures se pro Pontifice gerunt: alias non erat ratio mutandi formam *decretorum de reformatione*. Ex quo inferunt Papam unum esse qui statuat; vim decernendi in eo esse totam; Patres Consiliariorum, non Judicium loco esse.

At hæc omnia vana sunt; primùm enim mutatae formulæ ratio manifesta est, quod ab aliquot sæculis, Papâ quidem præsente, Consilia de cœta sub ejus nomine pronuntiari solerent, *sacro approbante Concilio, sacri approbatione Concilii, sacro approbante & consentiente Concilio*: quæ nihil officere suæ autoritati Constantiensis Synodus intelligebat.

Sup. lib.
iv. cap. viij. Sænè ostendimus, quantum illa differunt, *sacro præsente Concilio, &, sacro approbante & consentiente Concilio*. Quid autem sit approbare, quantaque sit in eo autoritas, ipsi Pontifices attestantur, cùm ipsâ *approbandi* voce confirmingant de cœta. Vel ipsum Martinum V. audiamus, de Concili Consantiensis decretis hæc edicentem: quod *omnia Conciliariter facta approbat, & ratificat*; quæ profectò adversarii ad veram autoritatem pertinere contendunt. Ita cùm dicitur; *Martinus, sacro approbante Concilio*, Martini de cœta verâ autoritate firmantur; seque mutuò firmant Pontifex autor, & Synodus approbans; quod ex eâ coniunctione capit is, atque membrorum, ut sâpe dicemus, illud invictum Ecclesiæ Catholice robur ex furgat.

Alliac.
loc. jam cit.
part. iij. cap.
ij. pag. 952. **F**uit autem quæsitum in Constantiensi Synodo, ante Papæ electionem; eo electo, quâ formulâ uterentur; an illâ recentiore, quam diximus; an eâ, quæ in antiquis passim Conciliis visitur: *Sancta Synodus &c.* Alliacensis Cardinalis scripto etiam edito docuit, seque & Theologos ita existimare, an tiquiorem illam formulam: *Placuit sacro Concilio; sancta Synodus statuit, convenientiorem esse, & Theologia magis consonam*; quippe quæ magis congruat formæ illi Apostolicæ: *Visum est Spiritui Sancto & nobis: cæterum secundam formulam, sacro approbante Concilio, convenientem quoque esse*; cùm eâ sufficienter exprimatur certissima ratio, quâ judicanti decernentique Pontifici, Patres coniudicent atque condecernant.

Atque ita intellexisse Constantienses Patres gesta declarant. Sic enim in Sæf. xljj. X L I I I. sessione, Papâ jam electo ac præsidente, legimus: *Pro cuius sessione 253. 254. nis introductione, reverendissimus pater Dominus Guillermus Cardinalis*

nonnulla decreta sive statuta per Dominum nostrum Papam, ac Synodum facta (dd) publicè perlegit sub his verbis; subditque decreta multa in hanc formam edita: Martinus Episcopus, servus servorum Dei, sacro approbante Concilio; quo liquido demonstratur, decreta in eam formam edita, haud minus communi Pontificis, atque Concilii autoritate esse facta.

Neque illa posterioris ævi efficiebat formula, ut Patrum sententiæ minus requirerentur. Eadem enim Synodus Constantiensis, Joanne XXIII. p. 10. præsidente, sic incipit: *Sanctissimus Dominus noster Papa, sacro approbante Concilio, statuit sessionem tenendam die veneris 16. hujs mensis. Hinc ordo agendorum, sacro approbante Concilio, designatur, lecta que schedula cujus verbis ipsa Bulla convocationis descripta erat, aliisque decretis nomine jussuque Papæ editis. D. Cardinalis Florentinus altâ & intelligibili voce interrogans, sc̄iscitat⁹ est, utrum omnia & singula in supradictâ schedulâ contenta, ipsi sacra Synodo placerent? Ad cuius interrogationem omnes & singuli Prælati concorditer responderunt, Placet: quâ responsione factum*

Ant. fest. j.
Sest. j. p.

Sest. j. p.
13. 14. 15.

Decr. Pap.
ant. fest. j.
Conc. Ferr.
tom. xij.
p. 22. 23.

Conc. Pa.
rif. tom. xj.
p. 1602.

In ipsa etiam Concilii Ferrariensis, postea Florentini, inchoatione solenni, lectum Eugenii Papæ decretum; quo lecto, gesta sic habent: Surrexit quidam ex parte Italorum & interrogavit Cardinales, & Archiepiscopos, & Episcopos & Clericos omnes, dicens: recipitisne hac, que scripta & lecta sunt hodie coram vobis? at illi responderunt: recipimus & approbamus. Tunc interrogaverunt & Graci suos Praesules, similiter. & reliquos omnes iisdem verbis; & illi responderunt: recipimus & approbamus, & scripta fuit approbatio utriusque partis, & indicatum Concilium & sessionum celebratio in urbe Ferrariâ. En quid sit Concilii autoritate edita probatio; en ut Synodus non tantum Pontificis decreto; sed etiam sanctæ Synodi approbatione formetur & constet; quæ ratio ad cætera quoque decernenda spectat.

Quantum autem ea formula cum Episcoporum autoritate constet, ex Syndicis etiam Provincialibus discere est. Nam sacerulis postremis, initio ducto, ni fallor, ab anno 1314. in Senonensi Concilio, decreta Conciliaria per sepe in eam formam eduntur: *Nos (N) Metropolitanus, sacro approbante Concilio. Ergone Coepiscopi Metropolitano Consiliarii tantum, non Judices, & assessores assistunt, non decernunt, non statuunt? Absurdum & inauditum; ac profecto stare Patrum sententiam, etiam Archiepiscopo reclamante, nemo negat. Nihil ergo interest, Synodine, an Pontificis nomine, approbante Concilio, sententia proferatur; cum in utrâque formulâ, una cum Pontifice Patres quoque statuant, decernant, judicent, stetque sententia communibus suffragiis.*

Vel particulares Syndicatos audiamus, quæ, præsente Romano Pontifice, antiquis temporibus Romæ sunt habitæ. Ubique inveniemus Episcopos, Papâ quidem autore, sed tamen cum ipso judicare, statuere, decernere, definire; idque in decretis, id in subscriptionibus positum. Cujus rei exempla plura suo loco afferemus; cætera innumerabilia lectoris diligentia re-

Inf.lib.viii,

(dd) *Statuta per Dominum Papam & Synodum facta*] fuisse legimus etiam sessione xlij. quæ prima celebrata est Martino V. præsidente.

linquemus. Adeo Episcopi ubique sunt judices etiam præsente, præsidente, præeunte Pontifice; ac si in particularibus quoque Synodis, quantò magis in generalibus, quibus ipsa Catholica omnium fidelium mater repræsentatur Ecclesia.

C A P U T X X X I I .

Praedicta responsa de dubio Pontifice etsi valeant, non tamen adversarios expeditos esse, ac Parisiensem ex Constantiensi canone vigere sententiam.

HÆc igitur quæ haçtenus de Concilii Constantiensis intelligentiâ & autoritate diximus, vera & sancta sunt; nec nisi per manifesta ludi-bria eludi potuisse claruit. Addamus tamen ad cumulum: quantumlibet ea quæ adversarii congerunt valere fingantur, nec sic expeditos esse à Constantiensium canonum autoritate summâ. Utcumque enim adversùs indubitatos Pontifices infirma habeatur Conciliorum generalium autoritas, certe valet (& hoc adhuc superest contra cavillationes omnes) autoritas ea, quâ dubios Pontifices coercere possit. Alioqui contendentium & in schismate obstinato animo perseverantium contumacia, malum esset inextricabile, ad quod propellendum Ecclesiæ imbecillæ nullum præsidium Christus relinquere poterit; aut, quod est adsurdius, nec ipse voluerit. Redit ergò quæstio, quâ potestate instrœcta Synodus schismaticos Pontifices cogat in ordinem.

Certè Constantiensis Synodus, quam eâ potestate efficacissimè summoque Ecclesiæ bono usam esse constat, id fundamenti loco ponit: *Potestatem habere se immediatè à Christo*; quippe quæ in ejus Spiritu legitimè congregata universalem Ecclesiam repræsentet; alioquin qui Concilio obtemperas-sent, non Deo, sed hominibus paruisserint.

Atqui hoc semel posito, quod sine præfactâ audaciâ negari non potest, cetera omnia convalescunt. Cùm enim nulla sit à Christo propriè ad schisma tollendum Ecclesiæ Catholicæ ac Synodo generali eam repræsentanti attributa potestas, non aliunde in schismate constare poterit, nisi ex eo quod sit tradita, ubi necessitas requisierit, quod unum Parisienses nostri postulant.

Hic ergò adversarii oppidò conturbantur. P. Thyrus Gonzalez eò re-dactus est ut contra ducentos Patres in Constantiensi Concilio infandi schismatis extinctores, palam negare audeat Concilium generale eam po-testatem habere immediatè à Christo: nec aliam videt apertam sibi januam, nisi id, quo solo schisma extinctum sit & extingui possit, illud Ecclesiæ detrahatur. Reverendissimi Patris verba pensanda sunt: *Concilium non*

Gonzal. *habet eam potestatem immediate à Christo, in eo sensu, in quo Papa certus*
Disp. xiiij. *immediate à Christo Jurisdictionem in totam Ecclesiam, & sacerdos ha-*
fect. vj § v. *bet potestatem ad consecrandum, & Episcopus ad confirmandum & ordi-*
n. 2. p. 682. *nandum. Non eo, inquit, sensu habet. Quò ergò habet sensu? Quo jure?*

Nihilne per se Christus contulit Ecclesiæ laboranti , quo sese restitueret in pristinam valetudinem ? Christo autore Sacerdotes consecrant , Episcopi ordinant , Papa quæ vult præcipit ; at verò , si in capite & que ac in corpore , fœdo scissa schismate laboret Ecclesia , nihil habet quod , autore Christo , agat aut jubeat ? Sic enim subjungit : *Non enim habet Concilium eam potestatem , nisi mediante Ecclesiâ.* Hareo equidem ad insolitam & inauditam vocem . Quid enim est Concilium , nisi ipsa Ecclesia adunata , collecta , representata , totâ autoritate pollens ? Non ergò Concilium mediante Ecclesiâ viget , quod ipsa Ecclesia est ; habetque illud per sese , quod habet mediante Ecclesiâ , cuius autoritatem & jus repræsentat & continet . Reliqua audiamus : *Non enim habet Concilium eam potestatem nisi mediante Ecclesia , qua in cap. si DUO , Dif. xxxix. tribuit Concilio congregato tempore schismatis potestatem ad deponendos Papas dubios , & certum eligendum ; & in cap. si PAPA , Dif. xl. tribuit Concilio potestatem ad judicandum Papam , qui deprehendatur A FIDE DEVIOUS.*

Qui sint tamen illi canones considerare oportet . Et caput quidem , *si duo , Honorii Augusti est decernentis , si duo electi sint Romani Pontifices , ut neuter ordinetur ; quod est universim & indistinctè falsum , nullamque omnino facit Synodi mentionem : canon verò , si Papa , Bonifacii est Moguntini Episcopi , nihil etiam de Synodo differentis . Utcumque est , nisi unus Imperator aut unus Episcopus , Ecclesiæ in schismate , aut per sui capitibus hæresim laboranti subvenissent , aut nisi Gratianus duodecimo demum saeculo in suam compilationem juris hac duo capita contulisset , manca esset Ecclesia ; neque quidquam valeret adversùs Papam schismaticum aut hæreticum . Sic miseram Ecclesiam à Christo sapientissimo , optimo , omnipotentissimo , constitutam volunt .*

Erubescunt iphi ac tandem subdunt : *Vel habet eam potestatem jure naturali , modo statim explicando . Modus autem ille sequente paragrapho ex Doctore eximio , Suarez (ee) scilicet , sic proditur : Solum ergò habet potestatem quæ ex jure divino naturali consequitur in quolibet corpore mystico , ut possit se gubernare & tueri per Principes particulares unitos in unum corpus , quando deest supremum caput . Malunt ergò Deum omnibus Imperiis Rebusque publicis universalis curâ , quâm Christum Ecclesiæ , pro quâ fudit sanguinem , singulari consilio providisse ; meliusque à Deo constituta sunt humana imperia , quâm à Christo Ecclesia ; quæ ut sibi provideat seseque tueatur à jure gentium aut naturæ magis , quâm ex ipso Christiano jure mutuetur . Hanc illi Ecclesiastici regiminis formam effingunt .*

Quid quòd tam imbecillam faciunt Ecclesiam , ut ejus autoritate Concilium semel congregatum ad tollendum schisma , fidei providere , aut leges necessarias condere nequeat , præter eam causam : *Quod ea solum possit*

(ee) Doctore eximio Suarez .] Jesuita GONZALEZ Jesuitam Suarezem Doctorem eximum ubique vocat ; quod ideò notamus , ne , si qui futuri sunt Patr. s GONZALEZ tractatus lectors , illi incauti fallantur , & credant ab eo quemdam ex sanctis Patribus , aut faltem D. Thomam teftem appellari . Certe , inter Scholasticos nomen habet Suarez non contempnendum ; neque tamen is est , quidquid de illo sentiat & prædicet GONZALEZ , qui tractis Patribus , aut etiam Angelico Doctori sit unquam æquiparandus , & cuius sententia viris Theologis rata esse debeat .

Ibid.

Ibid.

Ibid.

Ib. s. vi. n.
1. pag. 683.
Suar. I b. iv.
de legib. c.
vj. n. 4.

Ib. s. v. n.
1. pag. 683.
& s. vi. n. 1.
p. 683.

principere & ordinare quæ ad hunc finem (tollendi schismatis scilicet) necessaria sunt. Unde tale Concilium non habet autoritatem ad decidendas fidei controversias , & ferendas leges perpetuas , quantumvis necessarias. Sic Concilio Constantiensi defuit autoritas ad condeinandum Wiclefum , Hussum , alios perfidos ; defuit autoritas ad condendas leges quæ futuris schismatibus providerent , quas tamen leges tulit , quas tamen fidei controversias judicavit ; atque ad hæc omnia tractanda , quæcumque urgeret dira necessitas , jam admotis ad incendium facibus , Papam aliquandò extiturum nondum tamen existentem expectare debuit.

Piget commemorare quæ jam confutata sunt : nempè adversus Wiclefum & Hussum Constantiensis Concilii valere decreta , eò quòd Martinus V. ea repetierit Bullâ *Inter cunctas* ; quâ tamen nondùm editâ Hussus exarsus est (ff) , Wiclefus exhumari jussus pessimi haeretici anathemate per-

(ff) *Hussus exarsus est.*] Observandum est diligenter Joannem Hussum de sacerdotali gradu dejectum & Hieronymum à Pragâ anathemate percussum Synodali sententiâ , eos verò morte damnatos & exarsos fuisse , non Concili , sed laici judicis editio . D. MAIMBOURG in suo libro , cui titulus est : *Histoire du schisme d'Occident* , adversus Catholicos nonnullos probare aggreditur , Concilium omnia justè & temperanter fecisse , tum ciui , nullà habità ratione salvi-conductū Sigismundi Imperatoris , Hussum carceri tradidit. An bene hoc probaverit ali judicent. Utcumque est , non sequitur id quod Protestantes volunt , Constantiensia de fide decreta infallibili Concilii Ecumenici autoritate non valere apud omnes oportere. Nam licet Ecumenica Synodus de iis quæ facti sunt possit malè statuere & in aliis quoque causis à verâ rectâque judicandi & agendi normâ deflectere , illa nih lominus , ut caufas fidei infallibiliter dirimat , Magistrum habet ac Duxem Spiritum sanctum. Hoc Catholici omnes uno ore confitentur ; hoc invictis argumentis Controversistæ probant. Quapropter mirum videri debet P. LE COURAYER , qui nunc quoque inter Catholicos vult annumerari , cùm in multis aliis , tum in eo maximè articulo Protestantium falsis opinionibus patrocinari. Sic enim ille tanquam de tripode pronuntiat : *Cela montre qu'un Concile (general) n'est pas toujours infallible dans ce qu'il avance ; (agitur hoc in loco de rebus fidei à Synodo definitis) ni irreprochable dans ce qu'il fait.* Hist. du Conc. de Trente tom. j. liv. iv. not. xxix. p. 679. De his ultimis verbis : *ni irreprochable dans ce qu'il fait* , nemo est qui P. LE COURAYER item moveat , cùm id in confessio sit apud omnes. Sed falsum illud quod primo loco dixit : in controversiis fidei non esse infallibile Synodâ Ecumenicâ judicium ; & præterea pessimè argumentatur , qui postquam allegavit factum unum , illudque , ut nos credimus falsum , ut omnes fere existimant , saltum dubium , statim conclusionem infert de decretis fidei , de quibus in antecedentibus nihil propositum fuerat. Et quidem quamquam Synodus Hussum carceri , imo ignibus ipsa tradidisset , perversè facta à Synodo damnarentur , salvis ejus de fide decretis , quæ ex infallibili Spiritu sancti autoritate promerentur. At inquit P. LE COURAYER , Synodus decreto edicto sic de Husso statuit : *Nec aliqua sibi fides aut promissio de jure naturali divino & humano fuerit in praedictum Catholice fidei observanda.* Nos respondemus 1°. illa verba si in rigore , ut aiunt , Theologico accipiuntur , vera omnino esse. Nunquam enim licuit , nunquam l' cebit quidquam facere in praedictum Catholice fidei. Hic itaque duo veniunt examinanda : primum , utrum Sigismundus imprudenter , necne fidem suam in praedictum Catholice fidei Hussi obligari : alterum , utrum Synodus hanc Sigismundi fidem liberare teneretur. Sed facti sunt hæ quæstiones , in quibus ultro fatemur falli poruisse Concilium Ecumenicum. 2°. Quamquam esset hoc decretum erroribus plenum , & à sanctâ Synodo certissime editum , cùm res fidei non tangat , illud malè nobis & extra quæstionem objiceretur. Sed quandoquidem ex illius decreti verbis via sternitur , quâ imperiti nonnulli paetam fidem sanctanique promissionem erga haereticos impunè violari posse existimant , ne detrahatur de illâ probitatis famâ quam integrum semper servavit Synodus Constantiensis , negamus tale decretum à Synodo fuisse conditum , quod nullibi extat , nisi in uno uero anucripto codice Bibliothecæ Viennensis ; quem codicem , nobis satis non cognitum , si non omnino vituperamus , certe magni facere non possumus. Nam præterquam quòd illud decretum non legitur in Concilii Constantiensis manuscriptis codicibus , iisque optimæ notæ , qui in Italiâ , Galliâ & alibi multi reperiuntur , non

Cessi. Quæ omnia Martinus non tum cùm ea repeteret , sed ab origine valuisse definit , ut Concilii legitimè in Spiritu sancto congregati vera & firma decreta : quæ nunc , si Deo placet , per se invalida & contra canones attentata prætendunt : usque adeò , his miseris , postremisque temporibus , tanti Concilii totiusque adeo Ecclesiæ projecta est autoritas.

At enim , inquiunt , tale Concilium (causâ schismatis congregatum) neque Ibid.
hanc jurisdictionem habet ab aliquo Jure divino positivo ; quia neque scriptum
est , neque Traditione constat : neque etiam habet à summo Pontifice , quia sup-
ponimus illum non esse , & qui processerunt illam non reliquerunt : solum ergò
habet potestatem , qua ex Jure divino naturali consequitur in quolibet corpore
mystico , ut possit se gubernare per Principes particulares unitos in unum cor-
pus , quando drest supremum caput . At illos Principes in Ecclesiæ corpore
quis instituit ? Nonne is qui & caput ? Nonne ille Ecclesiam eo jure pol-
lere voluit , ut qui eam non audiret , omnibus Christianis sicut Ethnicus &
Publicanus esset ? Nonne idem confessim addidit : Amen amen dico vobis ,
quacumque ligaveritis super terram , ligata erunt & in cœlis , & quacumque sol-
veritis super terram , soluta erunt & in cœlis ? En ergò Principes illos à Christo
constitutos . Quid ergò ? Eâne conditione , ut nunquam ipsi colligere se
possent , quacumque urgeret necessitas ? Quò ergò pertinebat istud quod
Christus subdidit : Ubi sunt duo vel tres congregati in nomine meo , ibi sum
in medio eorum ? Quantò magis ubi non duo vel tres , sed totus Principum
Ecclesiæ cœtus ; imò tota Ecclesia congregatur ? Aut non in Christi no-
mine colliguntur , qui ad tollendum schisma convenient , aut non sunt Ec-
clesia , nisi Papa adsit , qui ad Papam constituendum confluunt , aut si sint
Ecclesia , numquid non erunt Ethnicorum & Publicanorum loco , qui eo-
rum decreta contempserint ? Quid his clarius ? Verùm illi tacitè respon-
dent : At nos si illa admittimus , admittere cogemur non tantùm ad tollen-
dum schisma , aut ad hæreticum Pontificem condemnandum , quorum hîc
nulla mentio est ; sed ad quamcumque summam Ecclesiæ necessitatem . Propri-
terè ergò malunt in schismatis etiam aut hæreseos teterimo atque exitia-
bili morbo Ecclesiam à Christo destitutam ; neque ullum auxilium habere
ex Evangelio .

Esto , inquiet , verum sit de hæretico schismaticoque Pontifice , qui ne-
quidem est Pontifex . Quid tum ; cùm non sit Pontifex & jure omni exci-
derit ? Quâ de re sàpè diximus , sàpè monuimus , quanto Ecclesiæ peri-
culo hæc asserantur . Nunc tamen valeant utcumque collibuerit . Sit tamen

extat quoque in eâ collectione decretorum Constantiensium , quam Patres Basileenses ex au-
thenticis exemplaribus congeſſerunt ; unde statim suspicari liceat , illud decretum in codice
Viennensis perperam intrusum fuisse à descriptore , vel decepto , vel forte etiam deceptore .
Quis enim credat tale decretum , si à Patribus probatum fuisset , & more solemni in pu-
blicâ sessione promulgatum , ab omnibus descriptoribus , etiam diligentioribus prætermitti
potuisse ? Quanò æquius concludas descriptorem codicis Viennensis temere edidisse sub Con-
cilii nomine illud decretum , quod ab aliquibus forte Constantiæ scriptum fuerat , non verò
ab universâ sanctâ Synodo confirmatum ? Neque juvat P. Le COURAYER quòd vir eruditissi-
mus VONDER-HARD illud decretum non omiserit , cùm ille diligenter colleget omnia mo-
numenta vera falsave , quæ sub nomine Constantiensis Concilii circumferebantur . Docto-
rum est autem de iis monumentis ferre judicium ; & ipse VONDER-HARD suam aliquomodo
de unoquoque explicat sententiam , cùm annotat ex quo codice extractum fuerit .

Matt. xviii.
17. 18.

Ibid. 20.

aliquis oportet , qui excidisse declaret , qui loco moveat contumacem , quā Christianis omnibus , quæ tali in discrimine agenda sunt imperet. Quo jure? Quo Christi mandato? Quā Evangelii lege? nisi eā quam diximus , quæ ad omnem æquè valeat necessitatem , in quā de salute periclitatur Ecclesia.

Jam ergo respondeant , non probatum illud , quod est verissimum , quod est Ecclesiæ maximè necessarium ; aut si probatum illud & ipsi fateantur , quid in eo decreto probetur intelligent.

C A P U T X X X I I I .

EMMANUELIS SCHELSTRATI *objecta* , à codicibus manuscriptis
petita , solvuntur circa sessionem IV.

EMMANUEL Schelstratus , cùm aliorum objecta repetit , tum eò se maxime effert , quòd nova acta prodiderit , quæ Orbis Catholicus ignoraret. Cæterū undè sint eruti plerique manuscripti quos jaçat , codices ubi delituerint , quas temporum notas præferant , quid sint denique , an simplex gestorum series , an historiæ , quibus acta inferantur ; ac si historiæ , ut ea , quæ ipse indè protulit , verba præ se ferunt , quo autore conscriptæ sint , notone an ignoto , horum nulla mentio ; omnia prætermissa . quæ autoribus aut codicibus fidem vel afferant vel detrahant.

Et ille quidem integros codices edere debuisset , ut lector eruditus probare vera , convincere falsa , manca supplere , dubia elucidare posset. Tot profectò extant Constantiensis Synodi nota monumenta , tot de ejus rebus virorum gravissimorum testimonia , ut nisi cum illis congruant , quæ Schelstratus hactenū ignota fuisse confitetur , falsa ea , & partium studio conscripta esse oporteat. Certè ex illis quoque frustulis , quæ ille , ut voluit : edidit , jam intelligimus acta ejus esse mendacia.

Primum enim , quæ de falsatâ Concilii Constantiensis IV. Sessione protulit , ea ex melioribus gestis falsa esse constitit : quo uno Schelstratianis codicibus omnis detracta est fides. Huc accedit illud , quod idem Schelstratus narrat ex actis suis ineditis , quatuor videlicet codicibus manuscrip-

*Schelst.
Diff. Antwerp. art.
iii. p. 57. &
de sens. &
autor. &c.
inter a&t.
die 14. Jul.
1416. pag.
251.*

Sup. cap.
xxvij. & seq.
*Act. Schel.
p. 2. 3. Diff.
Antwerp. c.
j. art. ij. p.
42. 43.*

tos die XIV. Jul. ann. 1416. quando Aragonenses ad Concilium venere , Legatos Regis dixisse , quòd quidem vellent se unire Concilio ; non tamen reputare esse generale Concilium , neque agi de rebus Concilii generalis , donec venirent Legati Regis Castella. Apertum mendacium ; nam Aragonenses quidem Legati 15. Octobris anni 1416. Sessione XII. Legati verò Regis Castellæ Sessione demùm XXXV. 18. Junii anno 1417. Synodo se adjunxere. At in ipsâ Sessione XII. statim atque Aragonenses admissi sunt , generalis Synodi Constantiensis nomine eduntur Synodica decreta , quæ vidimus ; eadēque formâ res maximæ gestæ sunt per alias tredecim Sessiones : adeò falsa vel mutila acta Schelstratus protulit.

Jam circa Sessionem IV. hæc refert , quæ ne ipse quidem reor , rebus certè consideratis , jam tueri vellet , si viveret. Nempè Cardinalibus , tres Nationes

Nationes, Germanicam, Gallicanam, Anglicanam vehementissimè repugnasse circa hanc quæstionem: an Concilium Papâ esset superius, etiam in reformationis negotio; ac Regis Franciæ Oratores Cardinalium parti accessisse, quod est falsissimum. Primum enim, hujus rei nec in Schelstratianis ulla est mentio: tum, ut omittamus Regiis Oratoribus nihil unquam cum ipsâ Gallicanâ Natione fuisse dissidii, certum id, Regios inter Oratores fuisse Gersonem, eumque omnium ceterorum, ut pietate ac doctrinâ, ita autoritate facile Principem. Extat ejus sermo, quo jam indè ab initio, Regis nomine, Synodo proposuerit, quæ agenda viderentur. Dubitâsse verò Gersonem, an Concilium Papæ in reformationis negotio, anteponi oporteret, ne ipse quidem Schelstratus dixerit. Quod ergo ille de Francicis Oratoribus jactat, apertum mendacium est.

Vid. sup.
cap. xxx.

At enim, ex actis Schelstratianis constat aliquam in quartâ quintâque Sessione extitisse dissensionem. Esto. Ergo de Papæ & Concilii superiore potestate litigabant? Pessima consecutio; quandoquidem post turpissimam Joannis XXIIII. fugam, alias fuisse multas dissensionis causas, ex ipsis etiam Schelstrati actis liquet; quippè cùm Sigismundo bella in Joannem XXIIII. ejusque defensorem Austriae Ducem paranti, multi, atque imprimitis Universitas Parisiensis obstiterit; neque minor concertatio, cùm Joannis adulatores, illo elapso, contenderent differri oportere Concilium, alli Sessionem ultrà protrahi nollent, neque fœdis ludificationibus in longum duci spem Ecclesiæ, ad extinguendum schisma properant. Utcumque est; Certè Regios Oratores, Gerson Principe, de superiore Conciliorum potestate dubitâsse nemo sanus dixerit, pessimâque fide Schelstratus non actis quæ jactat, sed meritis conjecturis, iisque vanissimis, rem tantam affirmat.

Aet. Schel.
30. Mart.
1415. ibid.
P. 225.

C A P U T X X X I V.

Quæ in SCHELSTRATI Manuscriptis sessionem V. spectent.

PIGET quidem luctari diutiùs cum ignotis, falsis, mutilisque Schelstrati codicibus; & tamen quæ de Sessione V. retulerit, præterire non possum. Hæc nempe sunt: quod Cardinales, & Oratores Regis Franciæ, Sessioni interfuerint, præmissâ protestatione in Camerâ Paramentorum secretè factâ, quod propter scandalum evitandum ad Sessionem ibant, non animo consentiendi his quæ audiverant in ipsâ statui debere; maximè quod Dominus noster Papa, & alii in Concilio existentes in plenâ securitate fuerant, quorum plura statuta non sunt, sed ad aliam Sessionem reservata. Verba confusa, nulliusque boni sensus; quæ tamen satis ostendant, quæcumque illa fuerit difficultas, eam pertinere ad securitatem Concilij, non ad aliud quidquam. Utcumque est, neque enim Schelstrato placuit hæc integra apparere, celebrata Sessio est, factaque sunt omnia, eodem Schelstrato teste, ut in vulgaris legimus.

Ib. p. 23r.
232.

At enim quasdam gestorum suorum voculas, à toto avulsas textu, af-

Tomus I,

L 11

- Ib. p. 225. pergit ad marginem (gg), quibus iterum, si Deo placet, inducuntur Oratores Regis Francorum assistentes Cardinalibus, nec tantum à reliquo Concilio, sed etiam à Gallicanâ Natione dissidentes. Iterum illi Oratores atque adeò ipse Gerson eorum antesignanus inducitur, contra eam doctrinam protestatus, cuius & in ipsâ Synodo, & extra Synodum acerrimus defensor extiterit. Quæ absurdissima, si in actis Schelstratianis haberentur, melius vir optimus ineptos historicos, atque acta mendacia, contempta à Romanis Conciliorum editoribus, contempta à Rainaldo, in fôrdibus Bibliothecarum jacere fineret. Sed age, sint vera, sint authentica, sint integra quæ Schelstratus descriperit, sint recta quæ concluderit: quid postea? Nempe acta Constantiensia autoritate carebunt? Quid ita? Quiane vociferati sunt Patres? Quò ergò abibunt Chalcedone acta, tot inter clamores, quos ipsi Judices compescere vix poterant? An ergò Schelstratus putat, in sacris Conciliis, obstinatione semper ac præcipitantiâ tumultuariisque motibus, non ipso fidei ardore, clamores editos? At enim dissenserunt multi Cardinales: quid tum? An, ut Chalcedonensia aliaque vetera dissidia omittam; an, inquam, infirma erant tot Tridentina decreta, in quibus discrepantes Patrum sententias Palavicinus refert? At enim multis repugnantibus Patres voluerunt in crastinum haberi Sessionem, ac præcipitanter actum. Imò diligenter, ut obviam iretur peccatis adulatoribus dissoluturis Synodum, omnemque pacis conficiendæ spem præcisuris. At enim *Cardinales faciebant difficultatem interessendi*. Quid ad nos? Cùm ex actis etiam Schelstratianis pateat interfuisse omnes; nec, si absfuerint, Synodi decreta infringere potuissent. At, inquies, interfuerunt, *præmissâ in Camerâ Paramentorum*, sibi adjunctis Regis Franciæ Oratoribus, *secretâ protestatione*. Tantumne ergò licere putabimus & Cardinalibus & Regum Oratoribus, ut eorum protestatione, eaque secreta, Conciliorum universalium decreta, in publicâ Sessione recitata, solvantur; sitque ipsa Sesilio coram altaribus celebrata, Theatralis pompa instar, dictasque à Patribus, talique in loco promulgatas sententias rescindat illud, quod quidam occultè, *in Paramentorum Camerâ susurrârint*? Non puduisse Theologum hæc Orbi Christiano proferre ludibria, has Ecclesiæ dividendæ & Conciliarium decretorum solvendorum vias!

Ib. p. 231. Quin etiam, si Schelstrato credimus, tanta decreta concident, quòd ea Cardinalis Florentinus, qui ut Diaconorum ultimus legere debuisset, quia non probabat, Poznanienſi electo legenda tradiderit. Tanquam idem electus non alia multa legerit; & decreta Concilii cassa sint, nisi ultimo quoque Cardinalium Diaconorum placeant!

Ibid. & in
act. edit.
Antwerp. p.
ad marg.
Concil.
Const. seſſ.
v.aſt.Schel.
pag. 233.

Quid quòd Schelstratus ex gestis etiam suis id protulerit: *A Cardinale Florentino, cum aliquibus deputatis, aliqualiter disputatum fuisse?* Profectò alijs qualiter, non contumaciter, quâcumque de re disputâsse finixeris. Quin ipsum postea adfuisse Concilio ex actis tam editis, quam Schelstratianis æquè constat, additumque in gestis: *Constitutiones lectas à Concilio uniformiter approbatas*

(gg) aspergit ad marginem.] Nempe hoc ille cavet, ne in ipso textu intrantur ea verba, quæ a se lecta dicit in quibusdam aliis manuscriptis codicibus, de quibus evulgandis non admodum curabat.

¶ conclusas : ut profectò constet , quācumque de re in principiis , Cardinalis Florentinus , aliquie nonnulli , à reliquis dissenserint ; in conclusione tamen omnes consensisse. Sed quandoquidem Schelstratus Cardinalis Florentini autoritatem tanti facit , operæ pretium erit ejus doctrinam in memoriam revocare.

Vid. Dist.
prev. num.
xxiv.

C A P U T X X X V.

FRANCISCI ZABARELLÆ Cardinalis Florentini doctrina de superiori etiam in reformationis negotio Concilii potestate : Corollarium de dissensionibus Constantiensibus à SCHELSTRATO memoratis.

C U M sub Innocentio VII. & Benedicto XIII. de Papatu contendentibus , infando schismati remedia quærerentur , ac schismate flagraret Ecclesia ; Franciscus Zabarella , tum Juris Pontificii celeberrimus interpres * , ac posteà Cardinalis Florentinus , tractatu de schismate edito , hæc docuit : Si contendentes nolint congregare Concilium ; tamen quocumque modo , sive per Collegium , sive per Imperatorem convocandum . Quod si prohiberent , minime parendum ; quia Papæ non est obediendum , quando ex hoc vehementer præsumitur statum Ecclesiae perturbari . Subdit : Papam non posse impedire , quæ ad perpetuam utilitatem instituta sunt ; radicem omnium malorum , quæ passa est Ecclesia , surrexisse ab omissione Conciliorum , neque aliud remedium ad instans schisma tollendum , aut ad Ecclesiæ reformationem .

* In Universitate Pavadinensi.
Zabarel.
tractat. de schism.edit.
Argent. p.
543. 544.
Ib. p. 548.
549.

Tum illud proponit objici posse , Papam esse supra Concilium , & Concilia per Ecclesiæ Romanam robur accipere . Sed continuò respondet , hic non agi de Ecclesiæ Romana , sed de Papâ ; & quod aliud Papa , aliud sedes Apostolica , & sedem errare non posse ; quod intelligendum videatur , accipiendo sedem pro totâ Ecclesiâ , id est , congregatione fidelium ; hic autem agi de fide , quæ periclitetur in hoc schismate . Item : Ecclesiam Romanam , seu sedem Apostolicam vocari , non Papam solum , sed Papam cum Cardinalibus , quos inter se subtraxerunt , congregandam totam Ecclesiam , id est , totam congregationem Catholicorum , & principales ministros fidei , scilicet Prælatos , qui totam congregationem representent ; & agendum Apostolico more , atque ut in Actis scribitur , Concilium convocandum ; quo in Concilio , licet Petrus fuerit Princeps , tamen plenitudinem potestatis non fuisset in eo solo , nec responsionem datam sub persona Petri , sed congregationis ; undè illud : APOSTOLI ET SENIORES ; & infra : VISUM EST SPIRITU SANCTO ET NOBIS . Notandum est id quod hic subjicit ; Hinc mos inter antiquos obtinuit , quod omnia difficultia per Concilium terminabantur , & crebro siebant . Postea verò quidam summi Pontifices , qui magis admodum terrenorum Principum , quam Apostolorum Ecclesiam reverunt , non curarunt facere Concilia , ex quâ omissione prodierunt multa mala . Et ex hoc apparet , quod id quod dicitur , quod Papa habet plenitudinem po-

Ib. p. 556.
557.
Ib. p. 558.
559.

Act. xv. 23.
Ibid. 28.

testatis, debet intelligi non solus, sed tanquam apud universitatem. Ita quod ipsa potestas est in ipsa universitate, tanquam in fundamento, & in Papâ, tanquam in principali ministro, per quem hæc potestas explicatur. Ac pos-

Zibar. p. 560. teà : *Ex his infertur, quod potestatis plenitudo est in Papâ, ita tamen quod non erret, sed cum errat, habet qui eum corrigat, Concilium, apud quod, ut dixi, est potestatis plenitudo, tanquam in fundamento.* Quod ut probet, multa ex jure citat. Quæ primum, inquit, sunt notanda, quia male con-

siderata sunt per multis assentatores, qui voluerunt placere Pontificibus per multa retro tempora, & usque ad hodierna suaserunt eis, quod omnia possent, & sic quod quidquid liberet, etiam illicita, & sic plusquam Deus. *Ex hoc enim infiniti fecuti sunt errores, quia Papa occupavit omnia iura inferiorum Ecclesiarum.* Ita quod inferiores Prælati sunt pro nihilo, & nisi Deus succurrat statui Ecclesiæ universalis, Ecclesia periclitatur. Sed, Deo favente, speratur de reformatione, si, ut dicitur constitutum, congregabitur in Ecclesiâ Concilium, in qua congregatio oportebit non solum schismati praesenti, sed etiam futuris consulere, & ita determinare Papæ potestatem, ut non subvertantur inferiores potestates, & ut Papa deinceps possit non quod libet, sed quod licebit.

Sic igitur, etiam in reformationis negotio, Papam non dubium, sed certum & indubitatum à Concilio ligari posse putat, determinarique oportere, quæ ipsi insit, ut ministro principali, plenitudinem potestatis, per eam potestatis

Ib. p. 567. plenitudinem, quæ est in Concilio; quod etiam firmat his verbis : *Universitas toius Ecclesiæ superiorem non habet, nisi Deum, & Papam cum administrat; & de hoc an bene vel malè, habet utique ipsa universitas decernere; neque unquam ita potuit transferre ipsam potestatem in Papam, ut desineret esse penes ipsam; quia hoc esset contra jus Divinum & contra exempla Apostolorum.* Quo quid est clarius? Neque necesse est nos omnes hujus viri excutere rationes. Sufficiat demonstrâsse, quid ille senserit, qui unus omnium maximè Concilii Constantiensis decretis pro Papâ obstituisse fingitur.

Sanè, teste Schelstrato, in eam sententiam conveniebant omnes, ut in Concili Constantiensis etiam Sessione IV. decretum conderetur, quo Papam definirent, non modò in schismatis negotio, sed etiam in fidei causâ, quod est vel maximum, Concilio esse subiectum. Dicit enim tantum de reformationis negotio disceptâsse Patres, & Papæ favisse Cardinalem Florentinum. Sed hæc falsa esse constituit, posteaquam vidimus quid Doctor eximius ex Apostolicis Scripturis, quid ex jure Divino depromperit, ut Papam Concilio subderet, etiam in reformationis, etiam in regiminis Ecclesiastici negotio.

Videtur ille quidem initio in gratiam Joannis XXIII. à quo Cardinalis factus erat, aliquid cogitâsse, & subdubitâsse tantisper, non quidem, an Concilium in reformatione quoque Papam antecederet, sed an ad reformationem, adhibitis pœnis, Papam posset cogere. Et id fuisse suspicor, de quo Florentinus aliquiliter disputârit. Sed postquam à Patribus communī consensu in alia omnia itum est, nullam turbam movit postea, ac Joannem XXIII. cum reliquâ Synodo, non hæresis, sed depravatæ vitæ causâ depositus: Joannem, inquam, XXIII. in se beneficentissimum & fui Cardinalatus autorem, ac proindè tam ab ipso Florenino habitum

pro certo Papâ , quâm ipse Florentinus pro certo Cardinale se gereret.

Hinc ergò liquidò constat nimis oppidò inflatas exaggeratasque dissensiones illas , quas in Concilio Constantiensi viguisse Schelstratus narrat. Quâ in re duplex ejus erratum est : alterum quod de summâ doctrinæ diffensisse Patres : alterum quod ex dissensiones acres & immortales fuisse fingat.

Quòd ad caput primum , quis non crederet Cardinalem Florentinum de Concilii potestate à reliquis discrepâsse? Atqui vidimus quâm perspicuis verbis supremam & absolutam potestatis plenitudinem etiam supra Papam in universitatem Ecclesiae contulerit. Non ergò de summâ re , sed de quibusdam explicandi modis à reliquis Patribus dissidebat. Sanè idem commorat diffensisse quosdam ; sed Joannis XXIII. aliorumque assentatores pessimos : egregios verò Patres , quorum in Concilio valebat autoritas , mirum in modum consensisse.

Atque ut aliquæ dissensiones extiterint , eas tamen pacis amore facilè consopitas & omnes historiæ & acta etiam Schelstratiana demonstrant. Quid enim est illud in illis actis : *Major pars Cardinalium faciebat difficultatem interessendi ; omnes tamen , preter infirmos , postea venerunt ad sessionem :* quid , inquam , est illud , nisi leviculus animorum motus pacis studio statim compositus? Quod , etiam si acta conticescerent , ipse tamen rerum eventus ostendit ; cùm omnia in Concilio , nullo schismate , summâ cum animorum consensione peracta sint , quintaque sessio in Schelstratianis etiam codicibus à vulgatis non differat , in quibus adscriptum legitur in eâ latae constitutions ab omnibus uniformiter approbatas : ut profectò exasperare verbis dissensiones illas , pace Schelstrati dixerim , exigui malevolique sit animi , & sacri Concilii totiusque adeò Ecclesiae laudi ac paci invidentis.

Quin etiam si de actis tam confusis ac mutulis datur conjiciendi locus , dicam equidem quod me moveat. Circa sessionem V. gesta quippe Schelstratiana sic habent : *Die sabbati 6. mensis Aprilis , cum perprius inter Dominos Cardinales & Nationes altercatum fuisset super emendatione capitulorum in precedenti sessione statutorum , tandem ordinatum & conclusum est , quòd supra dicta capitula modo infra scripto corrigerentur :* quibus adjiciuntur de supremâ in quemlibet , etiam in Papam ipsum , quocumque in negotio fidei , reformationis , schismatis , Conciliorum potestate decreta sessionis V. iisdem profectò verbis quæ retulimus. Quæ si exquo judicio astimamus , ex Schelstrati quoque actis constabit Concilii Patres , ut ab initio memoravimus , sessioni quartæ addidisse quintam , ut quæcumque quartæ deesse viderentur circa Conciliarem potestatem supplerent , augerent , ac luculentius explicarent ; adeoque abfuisse Patres ut de his dissiderent , ut ea etiam majorem in modum , non solùm repetita roborataque , verùm etiam amplificata vellent. Hæc igitur ad acta Schelstratiana , quæ ad IV. & V. sessiones pertinent , dicenda habebamus. Pergamus porrò ad sequentia , si quæ memoratu digna videbuntur.

Act. Schel,
p. 231. ad
marg.

ibid.



C A P U T X X X V I.

*Alia SCHELSTRATI ex manuscriptis codicibus objecta solvuntur :
an aliquid contra nos concludatur ex eo quod reformatio ad
id tempus dilata sit , quo Papa electus esset.*

CUM Patres Constantienses jam in eo essent , ut Gregorio , Joanne , atque Benedicto , redactis in ordinem , Pontifex crearetur ; tunc repente subortam contentionem novam acta Schelstratiana produnt ; & Sigismundum quidem cum Germanicâ Natione , cui se Anglicâ primùm adjunxerat , voluisse , ut reformatio fieret , antequam de Pontificis eligendi modo decerneretur quidquam ; at Italis , Gallis , Hispanis placuisse ante omnia extingendum schisma , eligendumque Pontificem : denique à Germanis discessisse Anglos , Germanos etiam cæteris assensisse ; communique consensu factum esse decretum , quod est in sessione XL. ut futurus Pontifex de proximo assumendus , cum sacro Concilio ejusque deputatis reformationi provideret , antequam Concilium solveretur. Hæc ergò Schelstratus narrat ex quatuor manuscriptis codicibus , quibus gesta Constantiensis Concilii contineri dicit : quæ gesta , si causæ suæ , quantum ipse jactat , favere intellexit , cur non ea prodidit ? At ille hæc tantum refert à reliquis avulsa ; primum , inter ipsa dissidia protestationem factam à Collegio Cardinalium & tribus Nationibus , Italica , Hispanica , Gallicana ; tum ex iisdem codicibus narrationem eorum subnecit , quæ in hujus controversiæ compositione gesta sunt : quâ quidem in re multa peccat ; imprimis , quod obscuris occultisque ac nullius roboris gestis , sessionum publicarum gesta subrui posse putat. Hæc namque protestatio , qualiscumque est , non est inserta Conciliaribus gestis , quæ dimissa quaquaversus per omnes Ecclesiæ , totique Orbi nota sunt. Quin eadem protestatio nulli unquam præterquam Schelstrato visa , nullâ canonica autoritate constat , ac designata potius quam perfecta est , statim dissensione composita. Neque pluris est illa narratio privati cuiusdam autoris , cui & Anonymo & ignoto , quanta fides adhiberi debeat , nequidem conjicere possumus. Denique tota illa qualiscumque contentio , certè mox composita , nullum in actis Synodi , nullum in historiis , nullum in annalibus Ecclesiasticis à Rainaldo continuatis locum habet. Hæc verò sunt , quibus Emmanuel Schelstratus , sessionum IV. & V. autoritatem infringi à se posse putat.

Jam si vel maximè constet huic narrationi fides ; quam infirma , quam nulla sint ejus argumenta videamus.

PRIMUM ARGUMENTUM SCHELSTRATI. Italica , Hispanica , Gallicana Natio , imò tota Synodus sessione XL. Papam prius eligi volunt , quam de reformatione tractetur : ergò confitentur decretum sessionis V. quo Papa Concilio subesse dicitur , quoad reformationem attinet , non esse intelligendum de Concilio seorsim sumpto ; sed de Concilio , cui verus & indubitus Pontifex adest , qui sensus nihil ad superioritatem Concilii facit.

Aet. Schel.
edit. Ant. p.
6. 13. 14.
Diff. p. 60.
& seq. vid.
etiam pass.
Diff. cont.
Majmb. &
act. & gest.
pag. 252. &
seq.

Imò verò multùm , quod hunc indubitatum certumque Pontificem Sy-
nodo præsidentem , in Synodi potestate esse crederent , eique leges fige-
rent , ut vidimus .

Dices : ergò saltem intelligebant , non posse à se quidquam in refor-
matione tentari , nisi electo Pontifice. Nullo modo : cùm enim de fide , ante
electum Pontificem , tam multa decernerent , quidni & de reformatione ?
Tum etiam multa decreta esse ostendimus , quæ ad reformationem maxime
pertinerent , imprimis , caput *Frequens* , aliaque capita in sessione XXXIX.
adunatis omnibus obedientiis promulgata. Non ergò reformationem ideò
differebant , quòd fieri non posse ; sed quòd non ita congruè fieri posse
crederent , neque schisma ulterius protrahi sinerent .

SECUNDA OBJECTIO SCHELSTRATI. Extat aduersus Germanicam Nationem , quæ reformationem ante Pontificis creationem urgeret ,
Italicæ , Hispæanicæ , Gallicanæ , & Cardinalium protestatio , in quâ est dictum
peccatum deformationem , cui primùm providendum sit , eam esse ,
quod acephala sit Ecclesia , acephalum Concilium : ergò ante electionem
Papæ , Concilium erat acephalum & mancum : ergò sessionum IV. & V.
decreta , de corpore acephalo , mancoque orta sunt .

Respondemus : Concilium non erat acephalum & mancum , ante constitutum Papam , cùm damnaret Wiclefum , Hussum , propositionem Joannis Parvi
de cædendis tyrannis : non erat acephalum , cùm excommunicaret eos qui di-
cerent , communionem sub utrâque specie esse necessariam , aut eam deinceps populo ministrarent : non erat acephalum cùm ederet caput , *Fre-
quens* , aliaque capita : denique non erat acephalum , cum tanta illa faceret ,
quæ constituendo capiti essent necessaria. Tùm verò fuisset acephalum &
mancum , si quemadmodum Germani volebant , cùm ad eligendum Pontificem omnia comparata essent , rem in longum extraheret , foveretque
schisma , neque Ecclesiasticæ unitatis opus propter quod maximè congregatum erat , perficiendum putaret .

TERTIA OBJECTIO. In eâdem protestatione legitur , quòd Clerus
& populus nonnullorum Regnum & Provinciarum nondum solidè & clare
huic sacro Concilio adhæserint : quòd quorundam qui Concilio adhæserunt ,
propter rumores discordiarum , & quasi impressionum , quas in eodem Concilio fieri
audiunt , fides jam de eodem Concilio dicitur vacillare ; scriptumque & rela-
tum à pluribus Magnatibus in Italâ plurimum dubitari , ne in urbe Romanâ
aliquis pro summo Pontifice assumatur , cui forsitan , præmissis attentis , tota
Italia obediret .

Quid ista ad propositum ? Nempe quòd *rumores de impressionibus* sere-
rentur : quòd *vacillarent quidam* : quòd *Magnates multi multa scriberent* :
quòd *dubitaretur* , ne Romæ Pontifex fieret : quòd illi *forsitan Italia obediret* :
quòd nonnulla Regna non tamen solidè Concilio adhæserent , quâm futurum
esset electo Pontifice , tantoque opere consummato ; ideo tantæ Synodi au-
toritas fluctuabit ?

Quis autem non videat , in illâ protestatione , suspicionum , ac timoris
causas undique amplificatas inflatasque esse , ideo ut Germani à proposito
protrahendæ electionis promptiùs desisterent , & ad creandum Papam essent

Vid. sess.
vij. xv. &
xxxix. &
sup. c. xvij.
xvij.

Protest. in
act. Schel.
Ant. p. 10.
D. fl. cap. iij.
p. 68. Disf.
ij. cont.
Maimb. c. ij.
act. & gest.
pag. 261. &
seq.

Vid. sess.
vij. xiiij. xv.
xxxix.

Act. edit.
Ant. p. 7. 8.
Disf. cap. ij.
p. 60. Disf.
ij. cont.
Maimb. loc.
cit. act. &
gest. p. 257.

promptiores? Quale enim illud est, dubitari, ne Romæ Pontifex fieret? A quo? Cùm omnes Cardinales omnium partium essent Constantiæ.

A&t. edit. QUARTA OBJECTIO. Scriptum in narratione est, inter Nationes de
Ant. p. 13. pace tractatum; legunturque hæc verba in codicibus manuscriptis: Natio
Diff. cap. ij. Germania petivit assecurationem & cautionem, per decretum irritans, quod
pag. 61. 64. act. & gest. post Papæ electionem fieret reformatio ante coronationem Papæ & administra-
p. 268. 269. tionem aliquam: postea fuerunt factæ diversæ formæ decreti ad hoc: tandem
fuit dictum, quod Papa electus legari non poterat. Certè, eo modo, quo
Germani petebant; nempe ita ut à Papâ electo, reformatio fieret, ante coro-
nationem & administrationem aliquam, quod erat revera absurdissimum, ut
Papa electus, tandiu ab officii administratione suspensus haberetur. Adeò
Schelstratus ne sua quidem acta intellexit. Tum illud quām absurdum,
quod vir bonus credidit electum Papam legari non posse; hoc est, nullam
electo imponi posse legem; tanquam si electo non posset, quod eligendo
Pontifici potuisset imponi. At si id vel maximè dictum esset, electo Pon-
tifici legem nec à Synodo Ecumenicâ figi posse; quæro à quo dictum?
Ab ipsâ Synodo? Ne id quidem, o Schelstrate, tua hæc gesta continent;
paterque ex eo frustulo quod tu protulisti, hæc in privatâ quâdam con-
gregatione esse acta. Quin tu igitur explicato, à quo illud dictum sit? Ab
ignoto quopiam; atque uno hujus dicto, satis incerto, in congregatione
privatâ, certa, cognita, omni robore firmata decreta tantæ Synodi colla-
bascunt. Quantò melius has nugas Orbis Catholicus adhuc ignoret?

C A P U T X X X V I I .

*Alia objectio SCHELSTRATI circa sessionem XIV.
Concilii Constantiensis.*

A&t. edit. ILLUD in speciem probabilius, quod Emmanuel Schelstratus de sessionis
Ant. pag. 8. XIV. decreto refert: post sessionem nempe XXXVIII. vigente adhuc
Diff. p. 53. illo, de reformatione ante Papæ electionem faciendâ, dissidio, Cardinales
act. & gest. protestatos, quod sessionis XIV. decretum, quia factum erat sine præviâ
pag. 259. Collegii deliberatione, haberent pro invalido & nullo: cui Cardinalium pro-
testationi, Natio Hispanica adjunxerit; se illo decreto, licet alias validum
existeret, minimè teneri; quia sessione XIV. nondum adfuerat Concilio. Ergò
Concilium ante adunatas obedientias non satis erat firmum.

Hæc Schelstratus Orbi Catholicico pensanda proponit. Nobis ante omnia
perpendendum, quodnam illud esset sessionis XIV. decretum; nempe id,
ne, vacante sede Romanâ, ad electionem futuri Pontificis procedatur sine
deliberatione & consensu Concilii. Hic ego Schelstratum ejusque sectato-
res, si qui sunt, rogatos velim, an illud decretum XIV. sessionis fuerit
antiquatum, atque omnino an Papa fuerit electus sine consensu Concilii?
Nullo modo; immo communis consensus Cardinalium, & Nationum, ex decreto
Concilii, electionis forma præscripta est, adjunctique Cardinalibus, hæc
vice, ad eligendum Papam, sex Pralati de qualibet Natione, quibus eidem
Synodus

Synodus autoritatem tribuit eligendi Romanum Pontificem. Hæc sessione X L. decreta sunt ; quæ ad executionem XIV. sessionis pertinent apertè. Quid ergò Cardinalium , aut etiam Hispanorum verba obstant , cùm res ipsa valuerit ?

Quid quòd Schelstratus sua acta ipse corrumpit , falsoque asserit , Cardinales protestatos esse , quòd decretum illud sessionis XIV. haberent pro invalido ? Id enim nullo loco in eâ , quam Schelstratus edidit , protestatione legitur. Neque usquam dicunt , se ad electionem Papæ , sine consensu Concilii processuros , quod sessione XIV. erat vetitum ; sed rogant & exhortantur tantum , quòd ad reformationem taliter procedatur : quòd prætextu illius , negotium electionis non impediatur aut diu differatur , quod erat æquissimum , nec sessionis XIV. decreto contrarium. Aliâ protestatione testantur , si Germani æqua postulata respuerent , dilatæ electionis incommoda in eos refundenda ; quod longè abest ad eo , ut electionem sine sacræ Synodi consensu celebrarent.

Jam ut ad Hispanos veniamus : primùm quidem , tanta non est eorum protestatio , ut Conciliarem autoritatem infringat. Tum , ne id quidem dixerunt , se nullis teneri decretis ante adunctionem factis : his enim verbis comprehenderent etiam fidei decreta contra Wiclefum aliosque edita , quod est falsissimum. Ac profectò disertè de sessionis tantum XIV. decretis : His , inquiunt , nos Hispanica Natio , etiam si alias valida existenter , non ligamur ; quæ profectò decreta ad Concilii œconomiam ac regimen pertinebant ; neque protestationem ultra ipsa verba pretendi fas est ; ac si Hispani negent se ligari iis , quæ meri regiminis ac variabilis disciplinæ essent , ideo aspernantur ea , quæ ad dogma Ecclesiasticum pertinerent ; cùm immota ea , communiaque omnibus esse oporteat. Quare Hispani , cùm hæc dicunt , haud magis sessiones IV. & V. quām VIII. & XV. aliasque cogitant , in quibus Ecclesiasticum dogma firmatum est.

Quòd autem Schelstratus asserit , à reliquis Nationibus Hispanorum dicta laudari & approbari , quippè quæ protestationi sub suo nomine facta inseri permiserint , vanum est. Aliud enim est tolerare , aliud laudare , & approbare. Tolerarunt alias Nationes Hispanos à pacificâ Synodo abhorrentes , ac pertinacissimo & apertè schismatico Benedicto adhærentes ; non profectò laudarunt. Atque sicut cætera quæ Hispanorum gratiâ εὐεργείως non laudando , & approbando , sed tolerando , & indulgendo fecisse probavimus , eadem indulgentia talia protestantes tolerant , patiunturque Germanos hoc quoque metu deterrei ab incepto protrahendæ electionis ; ne in ipso Concilio , inter Hispanos & reliquos novæ dissidiorum causæ sererentur. Neque tanti putant esse , negâsse Hispanos Sessionis XIV. decretis se ligari , dummodò Orbis reliquus , quod Hispani fatebantur , his ligari se intelligeret ; denique protestatio non prohibuit quominus Synodica definitio , etiam in eâ parte viguerit , Hispanis etiam assentientibus ; cùm in Sessione X L. communib[us] consiliis , ex Sessionis XIV. decreto , futuri Pontificis electionem ordinarent , nihilque omnino agit Schelstratus , quām ut suo more nugas venditet , & protestationes decretis ac rebus gestis anteponat , quod est vanissimum.

Diss. Ant.
cap. j. att.
ijj. p. 53.
Vid. diss.
Antaerp. &
Rom. loc.
cit.
Protest.
Card. act.
& gest. pag.
254.
Ibid. pag.
255. & in
edit. Ant. p.
6. & seq.

Edit. Ant.
p. 8. Rom.
P. 259.

Diss. Ant.
cap. j. att.
ijj. pag. 53.
Diss. ij. cont.
Maimb. c.
ijj. p. 124.
125.

C A P U T X X X V I I I.

Postrema objectio SCHELSTRATI, de sublato decimo-tertio reformationis articulo. Bulla Martini V. de non appellando ad Concilium, suum in locum remittitur.

Seff. xl. p. 244. vid.
Diff. Ant. cap. iii. p. 70. Diff. cōr. Maimb. i. j. cap. iii. pag. 176.

PO STREMO loco Schelstratus objicit , decimum-tertium reformationis articulum: PROPTER QUÆ, ET QUOMODO PAPA POSSIT CORRIGI, ET DEPONI, vel à Nationibus non fuisse propositum post electionem Pontificis, vel à Martino V. ut novum aliquid, & hucusque inauditum fuisse rejectum. Itane inauditum , quo omnes Scholæ Theologorum & Canonistarum à tot sæculis perstrepebant? Sed tamen attendamus quid ex suis manuscriptis Schelstratus proferat. Contendit quippè ad hunc decimum-tertium articulūm , hoc adscriptum esse : *Non videtur, nec visum fuit in pluribus Nationibus circa hoc aliquid novum statui, vel decerni: quæ verba, si intelligimus, non ipse Pontifex, hæc ut nova & inaudita, suâ autoritate rejicit; sed id pluribus Nationibus visum fuit.* Quid autem visum fuit? Hæc omitti penitus? Minimè ; sed circa hæc nihil novum statui, vel decerni ; quippè cùm , rem diligenter quærenti, sufficere intelligerent ea , quæ sacra Synodus ex Sessionibus IV. & V. in deponendo Joanne XXII. ac Benedicto XIII. gesserit : cùm Joannem deposuerit pro certo Pontifice ab ipsâ Synodo habitum ; Benedictum verò ad mentem Hispanorum, qui eum pro certo haberent, numquam eorum conscientiam placaturi, nisi ex decreto Sessionum IV. & V. Pontificem quemlibet , atque adeò certum , Concilii Ecumenici judicio subdidissent.

Inf. lib. x. cap. xxij. & seq. vid. cap. xxvij.

Sanè dissimulare nolumus assiduè inculcari à nostris censoribus Bullam Martini V. de non appellando à Papâ ad Concilium, quam in ipsâ Synodo Constantiensi , si Deo placet , editam affirmare audent. Sed nos eam Bullam aliasque in hunc sensum, ubi de his appellationibus agetur, commodiùs proferemus.

C A P U T X X X I X.

Confirmatio argumentorum pro autoritate Constantiensis Concilii: multa in eandem rem MARTINI V. & EUGENII IV. acta usque ad Basileense Concilium.

JAM ergò Deo dante expedita sunt omnia , quæ adversùs sacrosancti Concilii Constantiensis Sessionumque IV. & V. autoritatem congesserunt , à Joanne Turrecrematâ usque ad Emmanuel Schelstratum nova gesta promentem.

Summa dictorum est : Constantiensem Synodus quâcumque ratione egisse ut schisma extingueretur , & ut fons schismatis corruptela morum per veram reformationem tolleretur. Animadvertisit Synodus , & per eam etatē cordatissimus quisque , ad eas res valere hæc duo : confessionem primum , si obtineri posset ; sin minùs , Concilii autoritatem summam atque indeclinabilem. Quæ sane autoritas , nisi valeret in Papam etiam certum , nec valeret in dubium , qui à suis certus & indubius haberetur. Id etiam reformatio per eandem etatē tam necessaria postulabat , ut à quovis , etiam à Papâ certo , summâ cum autoritate extorqueri posset. His igitur procurandis , sacra Synodus jam indè ab initio firma fundamenta jecit , constitutâ Concilii adversus quemcumque , etiam Papam contumacem , summâ & ine- luctabili potestate.

Neque propterea omnia , pro potestate egit : autoritatem œconomia & indulgentia temperavit : quâcumque ratione confessionem omnium exquisivit : id sibi reservavit , ut summam potestatem adversus immedicabilem contumaciam exereret. Quæ quisquis expenderit , uno filo & Synodi mentem assequetur , & omnia argumenta solvet , & ex mirâ rerum gestorumque cohærentiâ Divinam providentiam , Christique pro sponsâ suâ Ecclesiâ curam collaudabit.

Jam ut nostras probationes concludamus ; age verò ; omittamus Concilii Ecumenici autoritatem : fac ducentos Patres , omnes ferè Episcopos , aut Episcoporum Procuratores ex innumerabilibus Provinciis convocatos , in his viginti Cardinales magni nominis ; neque hos tantùm , sed omnes ferè religiosos Ordines , ferè omnes Christiani Orbis Universitates , ex Pisani anterioris Concilii autoritate , & autore Romano Pontifice , præsente Imperatore atque omnium penè Regum Legatis , de summis Ecclesiæ rebus convenisse , exceptis tantùm iis , qui schismaticis & damnatis Pontificibus adhærerent : omnes in eandem ivisse sententiam , quam edito decreto promulgârint ; atque illud decretum nullâ unquam Ecclesiæ censurâ notatum fuisse ; quis non revereatur ? Fac totius Orbis Episcopos accessisse , atque omnes unâ pace conjunctos , unâ fide , unâ charitate , nedum ulla extiterit suspicetæ fidei significatio ; quis damnare audeat , ac non suscipere consensionem totius Orbis ? Fac deindè ab eo cœtu , & ex eo cœtu electum Papam , qui , cum cæteris , hoc decretum Cardinalis condiderit , qui tanto loco positus nihil retractârit , Patresque decreti autores complectatur ; quis non id decretum , cùm & omnibus notum sit , & à nemine improbetur ; imò ab omnibus supponatur , ut rerum gerendarum optimum fundamentum , intactum ac tutum manere judicet ? Recurrit enim illud : *Error cui non resistitur approbatur.* Et in fidei quæstionibus maximè tenet illa sententia ; præsertim ubi publicè error ille esset editus ; ubi maximâ autoritate ; ubi Concilii quoque generalis & Spiritus sancti nomine , iis certè qui loqui debeat , Pastoribus Ecclesiarum , Cardinalibus , Doctoribus , Papæ omnium capit. Jam verò depromamus Concilii Ecumenici sacrosanctum nomen & summi Pontificis sedisque Apostolicae comprobationem & confirmationem , tot tan- risque argumentis demonstratam ; quis non indignetur , post trecentos ferè annos , illius decreti rejectam autoritatem ?

Decr. dist.
lxxxiij.cap.
Error.

Certè non deerant Martini etiam V. temporibus , qui Synodo Constantiensi, ut aliis Synodis contigerat, obtrectarent. Sed Martinus V. Apostolicâ eos autoritate compressit , qui scilicet vani capit is ludibria, totius Constantiensis Synodi Ecumenica Patrum sapientia ac probitati anteferrent , acuerentque linguas contra hujusmodi Synodi decreta. Hic rogo , quis Episcoporum , quis Pontificum Romanorum , quis Catholicorum unquam , sine ullo discrimine Patrum Ariminensium sapientiam, probitatem, ac decreta laudarit , ac non priora proba à posterioribus impiis & nullis secernenda putarit ? Itaque Bellarminus , Binius , alii recentiores , ac privati Theologi , qui Concilii Constantiensis posteriora dumtaxat acta probant , illud Concilium partim approbatum , partim improbatum in ipso statim titulo profitentur. At non ita summi Pontifices , non ita Martinus V. sed Patres Constantienses , eorumque decreta laudat , nullo Sessionum temporumque discrimine , quippe qui omnia inter se apta connexaque esse intelligeret ; neque ignoraret , priores , quibus interfuisset , æquè ac posteriores , quibus electus esset , Ecumenici Concilii nomine honestatas , neque valere Concilii Ecumenici autoritate electionem suam , nisi quæ huic certam ac necessariam muniissent viam , pari autoritate constarent. Ac ne id semel fecisse videatur , eodem anno 1422. decrevit , ut Joannes Comes Armeniaci determinationi sacri Constantiensis generalis Concilii adhærere , illamque ut obedientiæ filius insequi cogeretur.

Ibid. an. 1423. n. 1. At anno 1423. cùm adesset tempus habendi , ex Constantiensis decreti autoritate , Papiensis Concilii , ad Othonem Archiepiscopum Trevirensem hæc scripsit : *Si fori civitas Papiensis , per sacrum Constantiense Concilium pro loco hujus futuri Concilii deputata , aliquo casu , quod Deus avertat , impediretur , non propterea à tam sacro opere desisteremus. Simul Academia Parisiensis , sacerque in eâ Theologorum cœtus , missis Oratoribus , Martinum adhortatur , ut illud Concilium Ticini indictum celebraret. Hos ergò Constantiensis Synodi studiosissimos , quibus maximè autoribus Sessionum IV. & V. decreta prodierant , de eximio in Romanam Ecclesiam studio commendavit ; atque hæc rescripsit : Non est dubitandum , quin plurimum saluti profutura sit hæc sacra Synodus , Deo autore , de proximo celebranda , per sanctam superiorum Constantiensem Synodum instituta , ad ordinandam reformationem studiis Ecclesiastici. Sic laudat absolutè Constantiensem sacram Synodum , nihil à prioribus posteriora secernens : sic probat reformationem in Constantiensi Synodo commendatam , quæ sacræ Synodo nunquam plena visa est , nisi in capite & in membris fieret.*

Ibid. n. 2. Itaque Martinus , ut Constantiensi pareret Synodo , Ticinum Legatos misit , qui suo nomine sacro generali Concilio præsiderent. At , iue grafsante , non id sibi tribuit , ut Concilium solvat , aut transferat : sed ipsa Synodus , decreto edito , Papâ deinde approbante , civitatem Papiensem mutat , & loco ipsius , civitatem Senarum pro continuatione ejusdem sacri Concilii eligit , atque deputat. Quod hic obiter notari velim , ad elucidandas controversias Basileæ postea suborturas.

Sanè dissimulari non potest , quod ab omnibus scriptoribus est proditum , Curiales , ut reformationem , ita etiam Synodos , quibus autoribus

Vid. tom. xij. Concil. p. 366.

Fieret, exosas habuisse; atque ob id, apudpios, gravi famâ laborâsse: quâ maculâ Martinus ipse non nihil aspersus sit. Itaque ad Synodos non satis serîd congregatas cunctanter accedebant; Synodusque Senensis statim atque inchoata est, sese ipsa dissolvit. Id tamen ex Constantiensi disciplinâ, institutoque gessit, ut 19. Februarii 1424. decretum ederet in sessione I. Basileensi recitatum: *Quo decreto, pro loco futuri Concilii juxta formam & tenorem decreti Constantiensis, civitas Basileensis, unanimi Patrum sententiâ, nominatur.*

Ib. p. 378.
& 453. 464.

Sequitur eodem anno Martini V. Bulla, quæ dissolutionem Senensis Synodi ac designationem Basileensis civitatis, pro futuro Concilio, post septennium celebrando, *juxta determinationem sacra Constantiensis Synodi, à Senensibus Patribus, seu majore eorum parte factas, Apostolicâ autoritate confirmat.* Nihil quidem promptius confirmabant, quam quod se Synodi facile dissolverent; sed interim ipsi haud levi infamiâ, nimiis corruptelis Ecclesiæ Catholicæ disciplina laborabant.

Rati. an.
1424. n. 1.

Expleto septennio, tempus aderat, quo Basileæ ex decretis Constantiis & Senensis, Martino comprobante, generalis Synodus haberetur. Eam ergo Synodum ex capite, *Frequens: Constantiensis Concilii, & ex Senensis decreti autoritate, Pontifex convocavit; designatusque est Julianus Cæsarinus Cardinalis, vir hujus ævi & pietate & doctrinâ maximus, qui sacro Conventui præsideret.*

Bull. Mart.
v. ad Card.
Julian. in-
ter act. Cœc.
Basil. fest. j.
tom. xij. p.
468.

His gestis Martinus obiit, electusque est Gabriel Condulmerius, jam supra nominatus, Gregorii XII. sororis filius, atque Eugenii IV. assumpto nomine in Petri Cathedrâ collocatus.


Is statim atque creatus est Pontifex, anno scilicet 1431. eundem Julianum ab antecessore Legatum designatum, ejusque iussu cum Bohemis agentem, ac magna tractantem, misit ad Synodum. Pontificis mandata notanda sunt: *Ut expedito negotio Bohemorum, cuius finis expectatur in brevi, tuos gressus dirigas in Basileensem civitatem, & ibi... juxta tibi injuncta & ordinata in Concilio Constantiensi, optimè provideas.* Adeò sancta & inconcussa Synodi Constantiensis habebatur autoritas, ex quâ tum omnia gererentur.


Ep. Eug.
iv. ad Card.
Julian. ibid.
pag. 470.
vid. ap. En.
Sylv. epilt.
Jul. ad Eug.

Hanc Julianus Bullam accepit, Basileam venit, atque Eugenii IV. repetitis mandatis Synodum inchoavit die 19. Julii (bb) anno eodem 1431. Concilii Constantiensis Eugenii nomine autoritatem agnoverit, decreta executus est. Sed nos res Basileæ gestas alio ex principio ordiemur. Hic quidem observabimus, Constantiensis Synodi intactam & florentem manere autoritatem; ut ejus profecto Synodi, quæ tetrum schisma extinxerit, Sedis

(bb) *Synodum inchoavit die 19. Julii.] Ut veritas historiæ servetur, observandum est, potestarem à Papâ factam fuisse Cardinali Juliano in Bohemiâ variis negotiis distento, diligendi eos quos ipse veller, qui Concilio interim præsiderent, & eum elegisse Joannem Polmar & Joannem de Ragusto, qui applicuerunt Basileæ 19. Julii, & 23. ejusdem mensis Concilium inchoarunt. Julianus autem non venit Basileam ante mensem Octobris, & 14. Decembris primam sessionem celebravit. Re non satis perpensa, scripsit is qui D. FLEURY historiam Ecclesiasticam supplevit, eos quos Julianus delegaverat mense Maio Basileam venisse. Vid. tom. xij. Conc. p. 459. 461.*

Apostolicæ majestatem schismate deformatam in integrum restituerit, & contra hæreticos asseruerit, fœdas hæreses profligârit, reformationem Ecclesiasticæ disciplinæ, & necessariam declarârit, & ex parte delibârit, & ut posteâ fieret, nisi mens hominum lœva oblitissit, certa fundamenta jecerit. Quæ cùm ad asserendam Synodi Constantiensis autoritatem plenè sufficiant, tamen rerum subsequentium series, tot eam in rem acta, atque etiam ad sessionum IV. & V. decreta firmando congeret, ut si quis de Synodi Constantiensis autoritate dubitare possit, is profectò in meridianâ luce caligare ac cæcutire velle videatur.





DEFENSIO DECLARATIONIS CLERI GALLICANI DE ECCLESIASTICA POTESTATE.

L I B E R S E X T U S.

De Basileensi, aliisque securis Synodis ac gestis, quibus Constantiensia decreta confirmantur.

C A P U T P R I M U M.

Duo dissidia Basileensia distinguntur: res in primo dissidio gestæ.



UNC Concilii Basileensis, & Eugenii IV. recensenda gesta. Duo quidem dissidia extitere inter Eugenium & Basileense Concilium: primo in dissidio vicit Synodus, tenuere Patres, ut autore Pontifice decreta sua valerent: alterum immedicable dissidium fuit: Eugenius, frustra renitente Synodo, in Cathedrâ Petri mansit. Hic constituendum tantis in dissidiis, tantoque animorum æstu quid fixum inviolatumque steterit. Nos Constantiensia decreta & intacta & immota perstittiſſe, imò exprefſiſſimè confirmata, eoque, quem dicimus, sensu intellecta fuſſe, ex actis docebimus.

Conc. Bas. Sessione I. Basileæ habitâ septimâ die Decembri anni 1431. Julianus
sess. j. n. iij. Præside, lecta sunt ea decreta, quibus Synodus iniretur, imprimis caput
iv. v. ix. x. Frequens Concilii Constantiensis, Senensis Concilii decretum de Basileensi
xj. tom. xii. pag. 462. & Concilio celebrando, Martini approbatio de eodem habita, Synodi con-
seq. vocatio, ac designatio Juliani Cardinalis Præsidis, ad eundem Eugenii IV.
eâdem de re datae literæ. His lectis, à Synodo tot tantisque firmata præ-
fidiis, decretum est: sacrum generale Concilium Basileæ stabilitum, cano-
nicè esse fundatum, quò Prælati omnes accedere tenerentur.

Ib. sess. ii. 15. Februarii anno 1432. decretum est: *Sacram Basileen-
sem Synodum, sacris Constantiensi & Senensi Conciliis generalibus decernen-
tibus, & autoritate Apostolicâ interveniente, fuisse debite, legitimèque ac ritè
initiatam.* Constantiensis Concilii sessionis V. decreta repetita ea, quæ à
Clero Gallico laudata, atque à nobis sëpe relata sunt; nempe quòd
omnes, etiam ipse Papa, Concilio subsit in causis fidei, schismatis, ac re-
formationis. Ea verò decreta gestis inferuntur; cùm nullum schisma esset;
cùm Pontifex indubius, missis legatis, Synodo præsideret: quo fixum, non
ad schismatis, sed ad omne tempus ea decreta pertinere, eoque sensu ab
omnibus fuisse intellecta.

Pag. 480. Eodem anno 1432. 29. Aprilis, sessione III. hæc legimus: perlatum ad
vid. Bull. sacram Concilium, Eugenium, *ex sinistrâ informatione motum, dissolu-
tionem ipsius Concilii attentasse.* Nempe ab Eugenio edita erat Bulla, quâ Sy-
nodum prorogabat, Basileensem dissolvebat, novam Synodum Bononiam,
Conc. Bas. pag. 934. & elapso anno integro cum dimidio, atque iterum post decennium, *ex ordi-
natione Constantiensis Concilii*, Avenionem convocabat. Hæc autem decreta;
seq. non statim perlata sunt ad Synodum; & qui temporum notas Pontificiis
Bullis & Conciliaribus decretis adhibitas inter se contulerit, statim animad-
vertet, Basileensem Synodum vix inchoatam, jam ab Eugenio fuisse di-
remptam, & Juliani Cardinalis operâ factum, ut decreti promulgatio ali-
quantulum differretur.

Ibid.

Allatae sunt dissolutionis causæ: *Clerus in Alemaniâ multipliciter difor-
matus: quâ causâ Synodus acceleranda potius quam dissolvenda erat: Cleri-
corum in ipsâ urbe Basileensi trucidatio exemplo Bohemorum: quod erat Ba-
sileæ ignotum: pericula ex bello inter Burgundum & Austriacum Ducem,*
queis Patres minimè movebantur. Alia edit æquè vana, quorum Eugenium
pudere videbatur; addebat enim postea causas occultas, suam valetudinem
obtendebat; & qui non? Nempe volebat ipse adesse Concilio Bononiæ
celebrando: modò scilicet unius anni cum dimidio spatium lucraretur. Sic
Eugenius Concilium cupiebat aperto ludibrio. Ita Patres, ita Legatus Ju-
lianuſ, ita Christiani omnes, atque etiam, ut videbimus, ipse Eugenius
judicavit. Cæterum è re nostrâ est intelligere Eugenium IV. nihil omnino
conquestum de Constantiensibus sessionis V. decretis, Basileæ sessione II.
reperitis; quippe cùm Constantiensia decreta ab omnibus inviolata sancta-
que haberentur.

Et hoc ad elucidationem rerum pertinet, hanc quoque dissolvendæ Sy-
nodi causam fuisse allatam, quòd Græci Ecclesiæ Romanæ conjungendi,
Bononiensi Synodo adfuturi essent; quasi statim Basileæ non posset tor-
exoptata

exoptata votis reformatio fieri ; ac tum , si res posceret , nova Synodus convocari Bononiam. Sed Eugenio Græcis quoquo modo opus erat , ut consiliis suis aliquem colorem obtenderet.

Grave visum est Patribus reformationem elusam toties , & in longum ire spem Orbis , Synodumque Basileensem duorum generalium Conciliorum , duorum Pontificum , ipsiusque adeò Eugenii IV. autoritate , tantâ solennitate , tantâ Orbis Christiani expectatione inchoatam , in ipsis initiis ab ipso Eugenio repente dissolvi : obtendi bella , obtendi pericula , quæ Basileæ agentibus imminerent : hyemem etiam , morbos , alia incommoda exaggerari Romæ , quæ ipsi Basileæ nequidem cogitarent : tum novarum Synodorum injici spem , cùm interim jam convocata , jam felicibus auspiciis inchoata solveretur. Editum ergò à Synodo , sessione III. caput , *considerans* , quo decernit : *Præfatam dissolutionem contra decreta Constantiensis Concilii* , magno fidei periculo , magno populi Christiani scandalo factam , nullatenus fieri potuisse ; *quinimò ipsa minime obſſtente ad persecutionem eorum* , que laudabiliter sunt incepta , esse cum Sancti Spiritus gratiâ procedendum.

Illud diligenter annotandum , Basileenses Patres Concilii dissolutionem irritam declarâsse , Constantiensibus decretis , sessionis V. nixos : iis enim niti se profitentur , eaque decreta iterum repetunt suoque decreto inserunt ; quod quâm ad rem nostram spectet , lector per se intelligit , & sequentia demonstrabunt.

Hoç decreto edito , de dissolutione revocandâ , multa Pontificem , multa Cardinales monent ; ad inchoata porrò pergunt.

Pridem omnes suspicabantur Martinum V. & Eugenium IV. abhorrere à Conciliis celebrandis , ac reformationis opus cunctanter & dissimulanter aggressos. Quare Patres ægrè ad Concilia veniebant , quæ Pontificibus invisa , ac statim re infectâ solvenda esse crederent. Et ipse Eugenius Juliano Cardinali succensebat , quòd res Concilii citius optato processissent. Cùm verò solvendi Concilii missa est facultas , Julianus pro eo ac debuit , ad Pontificem scripsit : *In Concilio Orbis Christiani spem unicam esse repositam: fidei extrema imminere pericula , nec se facile potuisse adduci , ut crederet , tantam rem à Pontifice dissimulanter aut negligenter actam ; sibi quidem decretum , non exercere dissimulatoris officium , cùm de correctione Cleri , præsertim in Germaniâ , nulla spes supereret , futurum ut in nos irruant laici more Hussistarum , hoc est , more ferarum , ac pregnantes hominum animos in immane aliquod facinus erupturos , atque instar sacrificii putaturos , si spoliarent Clericos primæve disciplinæ ac pietatis oblitos , aut etiam trucidarent. Jam enim Christianum Orbem dira facta agebant , inò adversus effrænas cupiditates Divina ultio ac virga vigilabat : postremo vitiorum tanta colluvies , & grassantes Wiclefi , Husli , Bohemorum hæreses , teturum Reformatorem portendebant , ac parturiebant Lutherum. De Græcis liberè respondebat Julianus ; absurdum videri , ut propter incertam reductionem Græcorum , permitti debeat , quòd Germania nunc & semper labatur in hæresim Bohemorum. Denique omnia egit , quasi jam instaret , & ob oculos versaretur infanda & horrenda illa discessio ** , quam postea vidimus. Altera epistolâ urgebat vehementius ; Patribus videri dissolutionem ab Eugenio factam nullam & irritam suisse ; in Concilio enim

Ibid. pag.
480.

Ib. p. 481.

Vid. epist.
Card. Jul.
ad Eug. in
cōm. Sylv.
p. 823. edit.
Pinxtonii
1666.

Ibid.

* Refor-
matorum.
Ib. p. 836.

Constantiensi sessione XXXIX. capite, *Frequens*, signanter cautum, ut tempus Synodi abbreviari à Pontifice, non autem prorogari posset, ac multò minus dissolvi incēpta jam Synodus; tum illud definitum in sessione V. *cilibet Concilio generali, etiam à Papā*, morem geri oportere: cuius Concilii, si decreta vana essent & frustratoria, tum Pontificum electiones, & cætera quoque Concilia, totumque Ecclesiæ statum vacillare.

Rain.tom. Rainaldus multas in hunc ferè sensum, maximi Cardinalis profert epistolas, quas omnes referre nihil attinet, cùm summag teneamus.

Hæc de Concilio Constantiensi dixit vir hujus axi maximus longèque doctissimus atque sanctissimus, & in Synodo Florentinâ, causæ Catholicæ adversus Græcos præcipuum firmamentum. Rainaldus multas in hunc ferè sensum, maximi Cardinalis profert epistolas, quas omnes referre nihil attinet, cùm summag teneamus.

Cæterū ipse in Concilio perststit, neque, revocatus licet, ab officio Præsidis destitit. Mansere in Concilio alii Cardinales: in his Dominicus Capranica (a) vir maximus, Martino V. primū à secretis, rati omnes unā cū cæteris Patribus, gesta ab Eugenio ad Synodum dirimendam, cassa & irrita esse.

Sessione IV. Synodus Cardinales vocat: definit quod in eventum vacationis sedis Apostolicæ, hoc sacro generali durante Concilio, electio Pontificis in loco Concilii, non alibi, celebretur; in contrarium attentata, quavis autoritate, etiam Papali, nullius roboris ipso jure esse decernit. Id decretum pro rei gravitate sessione VII. repetendum censuit.

Pag. 496. Exindè contra Eugenium proceditur: sessionibus VIII. & IX. accusatur, citatur, ac demum sessione XII. capite quod incipit, *Sæcta Catholica, nisi intra sexaginta dies*, Bullâ editâ, resipiscat, ab officio suspenditur, ut subversor Constantiensium decretorum sessionis V. & capititis, *Frequens*; quæ decreta iterum atque iterum repetuntur, inculcantur, gestis inferuntur.

Pag. 497. & seq. 508. Ex his intelligitur, quo maximè fundamento Patres Basileenses Eugeniana decreta solverent. Nempè quod Eugenius caput *Frequens* contempnisset, quod quidem ad reformationem pertineret, imò vero quo tota, prout tunc res erant, reformatio nitebatur. Quo canone contempto, Eugenius ipsa sessionis V. fundamenta quatiebat. Hæc igitur Synodus Basileensis egit. At adversus decreta Basilensia edit Eugenius Bullam, *Inscrutabilis*, & Bullam, *In arcano*: atque hâc ultimâ Bullâ expressè reprobat Basileense decretum, *sæcta Catholica*, sessionis XII. quo ipse intra sexaginta dies resipiscere jubebatur.

Rain.an. Interēa ad Synodum Basileensem Sigismundus Imperator accesserat, is qui in Constantiensi quoque Concilio tanta gesserat. Is ubi primū intellexit Synodum ab Eugenio dissolutam, nihil commotus iis, quæ ad ipsum Eugenius eâ de re scripserat, palam Eugenio significat: se nihil adversus Bohemos armis profecisse; nec jam, inquit, aliqua sperantur remedia, quam

(a) *Dominicus Capranica*] à Martino v. factus Cardinalis, sed à Cardinalibus è Conclavi exclusus, ideò quod nondum acceperat galerum *Cardinalatus insigne*, quandò Martinus mortuus est, demum ab Eugenio iv. repulsam passus, tum ad Basileense Concilium profectus est questum *injurias*, & ab eo, ac deinde ab ipso Eugenio, rebus compotitis, pro Cardinale est habitus. Is erat vir tantus CAPRANICA, qui, nisi mortem obiisset, credebatur in Calixti iii. locum successurus. Vid. Plat. in vit. Calixt. iii. & Pii ii.

Hoc sacrum Basileense Concilium, quod Deus omnipotens hoc tempore tribulationis ab alto concessit, & in quo omnis virtus contra hanc pestem hereticam, omnisque salus & spes omnium consistit. Itaque profitetur se hanc Synodus omni ope tuendam suscepisse; in eamque Synodum sessione IX. 22. Januarii anni 1433. magnâ, utpar erat, Patrum gratulatione, exceptus est. Neque alia sentiebant alii Orthodoxi Principes, præsertim Francorum Rex, sanctæ Synodi defensor eximus.

Sessione XI. decernitur, ut *Basileense Concilium per neminem, etiam si Papalis fuerit dignitatis, sine consensu duarum partium Concilii, dissolvi, aut de loco ad locum mutari possit.* Sic Concilium suam in Pontificem potestatem, non modo explicabat decretis, sed etiam re ipsa exercebat.

Imperator ac Reges agebant cum Eugenio, ut dissolutionem revocaret. Cùm ergò sessione XIII. Papæ contumacia accusata esset, instaretque terminus præfixus à Synodo, atque Imperator triginta dierum dilationem impetrâisset, quibus elapsis contra Eugenium jure ageretur, nisi decretis Synodi satisfaceret; victus est Pontifex Synodi autoritate, Principum precibus, Ecclesiæ periculo; gravique sui nominis infamiâ. Quare ex præscriptâ per ipsam Synodum sessione XIV. adhæsionis formulâ, sessione XVI. Concilio se adjunxit.

Quæ autem sessione XIV. gesta sint, cùm his maximè causa nitatur, diligenter considerare oportet.

Prorogatur Eugenio terminus, * eâ conditione, ut nisi satisficerit, pæne in decretis monitorii ac prorogationis contentâ, eo ipso infictâ sint, & esse intelligentur. Tum in ipsâ Synodo confecta Bulla, quam Eugenius ederet, & ad Synodum mitteret. Hujus initium: *Dudum sacrum: summa verò hæc est.*

Primùm: *Concilium à die inchoationis legitimè continuatum fuisse & esse.* Ib. p. 524.
 2. Dissolutionem ab Eugenio promulgatam, irritam & inanem.
 3. Tres Bullas adversus Concilium editas, nullas & irritas fuisse. Primam, *Inscrutabilis*; secundam, *In arcano* supra memoratas. Tertiam, *Deus novit.*
 4. Quæcumque à se contra Synodum ejusque membra, atque etiam in Cardinales Synodo adhærentes edicta essent, æquè nulla.

5. An ejus legitima citatio & defensio fuerit, stare se ipsius Synodi judicio.

Hæc si Eugenius faceret; tum, *si quid culpa commissum est, attentando dissolutionem, aut in confectione, & publicatione, trium Bullarum, sacrum Concilium penitus abolet.* Quæ omnia superioris adversus inferiorem esse, omnes intelligent.

Hæc tamen decreta sessionis XIV. Basileensis exprefse ab Eugenio approbata & confirmata esse, & apud omnes constat, & Rainaldus confitetur, & acta ipsa demonstrant. Nempe sessione XVI. allata Bulla Eugenii, *Dudum sacrum*: in ea verba quæ Synodus præscriperat; quæ data 18. Kalend. Jan. 1433. Basileæ, in sessione XVI. legitur, publicatur, approbatur, gestis inferitur.

Sic tanto molimine ab Eugenio tentata ac decreta Synodi dissolution, ab eodem Eugenio revocatur; declaraturque sanctam Synodum non modò

continuandam ; sed ipso reclamante licet , vere ac legitimè continuatam fuisse : habitæque pro nullis tanto strepitu editæ , Bulla , *Inscrutabilis* , ac Bulla , *In arcano* ; Bulla verò , *Deus novit* , tametsi ab Eugenio respiciatur ut falsa , neque unquam à se edita , (b) ad cautelam tamen etiam ipsa revocatur.

Notatu dignissima Eugenii verba , quibus eas Bullas revocat. Declarat *Ib. p. 529.* enim revocari à se eas , ut , inquit , *mentis nostræ integritas ac devotio , quam ad universalem Ecclesiam , & sacrum generale Concilium Basileense gerimus ; omnibus constet evidenter*. Sic Basileense Concilium , in eoque representatam universalem Ecclesiam , non tantum honore , sed etiam devotione proficitur , sibiique anteponit : cuius quippe jussu , sua quoque decreta , totâ ; quantâ erant autoritate , prolata , antiquat & revocat.

Vid. pag. 528. His lectis , Synodus hanc tulit sententiam : *Sacra Synodus decernit , Eugenium per has literas satisfecisse plenariè monitioni , citationi , & requisitioni sacri Concilii , prout in decreto in XIV. sessione promulgato , & in schedulâ in eodem decreto insertâ continetur : patetque omnino ex actis supremam Synodi Ecumenicæ autoritatem , etiam in ipsum Papam , eumque indubitatum , non modò à Synodo declaratam , sed etiam à Synodo exercitam ; atque ab eodem Papâ fuisse agnitam , edito quoque , quo nihil solennius esse possit , diplomate , in Ecumenicâ Synodo promulgato , ac Patrum sententiis corroborato.*

C A P U T I I .

Ex antedictis Constantiensia dogmata confirmantur.

NUNC ex his quæ relata sunt , pro decretis Constantiensibus argumenta ducimus invicti roboris.

PRIMUM , Eugenius noverat è sessionibus II. III. XII. Basileensibus ante & post dissolutionem , Constantiensia decreta sessionis V. repetita & confitabilita esse , ut quæ vera certaque Concilii Ecumenici ubique approbati decreta essent : atqui Concilio Basileensi ita prædicanti ac decernenti adhæret , & legitimè continuatum esse confirmat : ergò Constantiensia decreta valere intellexit , valere voluit , nedum suspecta , aut infirma ; aut revocanda putaret.

Quod si cum Turrecrematâ negaveris nota Eugenio fuisse , quæ publica essent ac publicè promulgata ; sic agimus : decreta Constantiensia sessionis V. decretis Basileensibus adversùs Eugenium editis , ac decreto *Sancta Catholica* , sessionis XII. Basileensis inserta erant ad verbum ; atqui

(b) neque unquam à se edita.] Quis verò hoc credat ; cum stylus ipsaque verba ac sententiae , autorem hujus Bullæ prodant Turrecrematam ? Fortasse Pontifex hanc , nondum suis omnibus vestitam formulis , in publicum miserat , eo ut odoraretur vulgi opinionem ; Bullam ratam esse jussurus , si placuisset , irritam & confictam dicturus , si displicuisset.

decreta illa Basileensia Eugenio nota erant. Certè enim noverat , quæ iudicatorio edicto damnaverat : damnaverat autem , ut vidimus , Bullâ , *Inscrutabilis* , & Bullâ , *In arcano* , quæcumque Basileæ post dissolutionem gesta essent ; & quidem speciatim ea , quæ statuta de se , & contra se essent , atque expressissimè decretum Basileense , *Sancta Catholica* , quo nullum erat ad inculcanda , repetenda , exequenda decreta Constantiensia validius. Igitur ea Basileæ approbata esse noverat , eorumque approbationem ipse ex certâ scientiâ approbabat.

Confirmatur : Bullâ *Inscrutabilis* , decreta Basileensia ita damnaverat , ut Sess. xvij.
p. 530. quæ non ad reformationem , sed ad deformationem ; non ad unitatem , sed ad scissuram Ecclesie ; non ad hæreses tollendas , sed ad nutriendas spectare videantur : ergò Eugenio benè nota decreta , quibus tam perspicuas notas inuret ; ac proindè sunt sancta , ac censuris libera , cùm inustas à se notas ipse absterferit.

Quòd si ea quoque , quæ ex Constantiensibus decretis contra ipsum gesta essent , ab omni schismatis & hæreseos suspicione liberavit , & valere judicavit ; quantò magis decreta Constantiensia , quæ fundamenti loco ab ipsis Basileensibus posita , & decretis inserta esse vidimus ?

SECUNDUM ARGUMENTUM : quæcumque à se in solvendo Concilio contra ipsius decreta Concilii gesta essent , ea Eugenius non modò revocavit , verùm etiam nulla fuisse declaravit ; & Concilii acta , se quoque contradicente gesta , valuisse sanxit. Præterea quæstionem hanc , an adversus Pontificem ab ipsâ Synodo decreta citatio , & Pontificis defensio legitima fuerit , judicio Synodi permittit , ejusque decreto se stare declarat. Ergò iterum atque item Constantiensia decreta , & Conciliorum suprémam potestatem , etiam in objurgando & citando , & sub pœnis judicando summo Pontifice , non modò approbando , sed etiam exequendo & obediendo firmat.

TERTIUM ARGUMENTUM : decreta Constantiensia usque adeò ab omnibus firma habebantur , ut nec dissidii tempore , aut ipse Eugenius , aut ejus nomine quisquam improbare sit ausus.

Non ipse , qui Bullâ , *Inscrutabilis* , ea tantùm Basileensia irritâssest , quæ post dissolutionem facta essent : non ergò quæ ante dissolutionem Sessione II. ubi Constantiensia decreta repetita fuere : ergò , ipso quoque annuente , valebant.

Non ejus fautores , vel obsequentissimi , in Bullâ , *Deus novit* * , ubi hæc verba legimus : *Si Papa , vel Legatus ejusdem nollet disponere aliqua , & contra Concilium affectaret , Papa sententia , vel ejus Legati personam summi Pontificis representantis , non Concilii voluntas sequenda foret , cum super omnia Concilia habet potestatem Papa ; nisi forte quæ statuenda forent , Catholicam fidem respicerent , vel , si non fierent , statum universalis Ecclesia principaliter pertinabant ; quia tunc Concilii sententia esset potius attendenda*. Igitur qui Pontifici impensissimè favebant , in Ecclesiæ generalibus , ipsiusque adeò fidei negotiis , Concilii potestatem præstare fatebantur : ergò Constantiensia decreta , quæ id statuerunt , probata omnibus , neque in maximis etiam controversiis , controversa unquam fuere.

QUARTUM ARGUMENTUM . Ex his quoque certum , Constantiensia
N n n iij

* Quam Eugenius falso sub suo nomine ed tam fuisse dixit.
Vid. ib. p. 537.

decreta, non ad schismatis, aut ad dubii Pontificis tempus, à quoquam relata, cùm sub Eugenio IV. indubitato Pontifice valere & observanda esse Basileenses Patres, & Eugenius IV. voluerint & intellexerint.

Q U I N T U M E T U L T I M U M A R G U M E N T U M. Cùm Eugenius IV. Bullis quoque editis, & solennissimo ritu, in Concilio scilicet generali promulgatis, Basileensia insertaque in eis, ac sèpè innovata decreta Constantiensia firmaret, ac suprà se Concilii generalis potestatem extolleret, vel vera, vel falsa promebat. Si vera, stant planè Constantiensia decreta, atque iis certa fides: stant adversùs indubitatum Pontificem: stat suprema Basileæ agnita & exercita in indubitatum Pontificem potestas. Sin falsa promptis Eugenius, jam Pontifex non tantùm erraverit, verùm etiam errorem decreto firmaverit, eoque decreto, quo nullum ritu solenniori promulgari possit; quippè quod fuerit in Ecumenicâ Synodo promulgatum, ac sententiâ Synodi roboratum. Sic, quidquid dixeris, Parisiensem nostrorum vicit sententia, atque omnino res nostræ utrinque in tuto sunt.

C A P U T I I I.

Confirmantur argumenta capitinis præcedentis: insigne EUGENII IV. ad universos fideles diploma refertur.

ID ut pateat clariùs, placet considerare quid ipse Eugenius, dissoluzione, ut quidem existimabat, vigente, quid posse à edixerit. Nempe dissolutione nondùm revocatâ hæc edixit, & id quidem *universis Christi fidelibus*, ne Eugenii ut privati Doctoris scriptum esse respondeas. Nempe Eugenio objiciebatur à Basileensibus caput, *Frequens*, à Martino Papâ approbatum: id caput dissolutioni obstare contendebant. Negat Eugenius eo se teneri: *Neque enim Martinus, inquit, suis successoribus potuit præjudicium generare, pari post ipsum, quinimò eadēm potestate functuris; & infertur (prout est secundum omnia iura) in hæc parte Concilium inferius summo Pontifice, Papamque ipsis priorem nequeunt solvere vel ligare. Sed nos, in his Concilio superiores, ipsum possumus pro libitu regulare.*

Bull. Deus
nrvit. in sess.
XVI. P. 534.
535.

Pergit: Nam hoc de jure notissimum est, quod possumus quacumque statuta, decreta, declarata, sive sancta per quoscumque prædecessores nostros, vel per quacumque Concilia, dummodò in ipsis fidei fundamenta non existant, sive ex hoc universalis Ecclesiæ bonum principaliter non turbetur, ut Vicarius Christi, & irreprehensibiliter pro nostro amovere, & corripere libitu voluntatis, & contra sentire non esset longevum ab heresi; velle ligare manus Vicarii JESU-CHRISTI, & in terris Dei Legati, sive ipsius gesta judicare, vel improbare, quod sacrilegii crimen habet.

Illud interim observari velim quo loco Eugenius adversus generales Synodos tam magnificè se effert, eodem confiteri non ea à se posse convelli, quæ soluta, non modò fidem, sed etiam quæ universalis Ecclesiæ bonum principaliter perturbarent: quod cùm dictum esset in Bullâ, Deus novit,

quam Eugenius ut falsam abjecit, nunc præstat in vero sinceroque diplomate promulgari. Sed quæ in eo diplomate consequantur videamus.

Infert deinde multa in *acephalan Synodum*; atque ita concludit: *Sacrum legum igitur a nobis postulant, & hereticum, ut declarare velimus retroaditis temporibus Basileæ continuè fuisse Concilium, cum post nostram dissolutionem sine nostris presidentibus, regulare non facerent Concilium; quia eorum dicta, gesta, & facta omnia, contra Divina jura pariter & humana, perperam sunt confecta..... quæ adeò sunt minus benè composta, ut etiam si ab habentibus potestatem promulgata fuissent, essent irritatione, annullatione & revocatione dignissima.*

ib. p. 536.

At hæc, Eugenio teste, *annullatione & revocatione dignissima*, firmavit Eugenius: *hæc ab heresi non longæva Eugenius sanxit: hec sacrilega & heretica, nempe retroaditis temporibus Basileæ fuisse Concilium*, Eugenius amplexus est, atque in *Ecumenicâ Synodo*, Bullâ editâ, declaravit. Sic ille nos adjuvat, providitque Deus, ut qui Pontificiam potestatem supra omnem modum extollere nitebatur, omnia sibi in Concilia quoque licere definiens *pro sua libitu voluntatis*, is omnium maximè Conciliari potestati se subderet, eamque dictis & factis superiorem agnosceret.

C A P U T I V.

TURRECREMATA & RAINALDI aliorumque suffugia.

ID argumentum, quanquam obvium, neque Bellarminus, neque Luperus, neque disquisitor*, neque autor doctrinæ Lovaniensium, neque ille, qui diligentissimus videri voluit, rerum quoque futilem investigator & collector Anonymus, neque alii quique attigere. Unus Turrecremata videre visus est; sed qui ejus dicta exscribere solent, eos credo referre puduit quæ huic argumento ille responderit.

* Lovaniensis, nempe D. Du-bois.

Vid. Turr. de Eccle'. lib. ij. cap. e.

Primum ergo Bullas, quibus Eugenius dissolutionem suam nullam esse judicavit, vi extortas fuisse Turrecremata significat, idque à pluribus magna gravitatis viris dictum esse in Curiâ. Esto: dictum ab aulicis, sed nullis actis probatum, nullo scriptore proditum, & ab ipso Eugenio negatum, ut mox videbimus: neque ei rationi Turrecremata insistit, & nos contemnimus.

Sed enim Turrecremata Florentiæ hæc dicentem audivit ipsum Eugenium in *disputatione publicâ*: *nos quidem benè progressum Concilii approbavimus volentes, non tamen approbamus ejus decreta*. Tune ergo ejusmodi colloquiis dictisque, quorum penes te fides, evertenda, aut etiam interpretanda putas, ea quæ Synodicè gesta, decreta, judicata, & approbata sunt? Audi tamen Pontificem: *approbavimus volentes*; non ergo extortæ Bullæ; atque illi viri graves, qui id in Curiâ dicerent, nugabantur.

At enim, inquiunt,urgebat Synodus,urgebat Imperator Christianique Reges, totâque Ecclesiâ connitente, Eugenius metu schismatis Synodum

Gonzal. Disp. xiv. sect. iij. n. 2. 8. pag. 695. 696. ex Spond. an. 1432. n. 2. 5. 1433. n. 27. 1438. n. 23.

frustrà dissolutam fatebatur. Ita , inquit Pater Gonzalez , *ex Spondano docente* , Bullam revocatoriam ambiguis verbis esse conscriptam. Sic Ecclesiæ , sic Romano Pontifici consultum volunt , qui ab eo fatentur ambiguis verbis ludificatam Ecclesiam : nec tamen verum est. Verba relegantur : clara sunt : sua omnia irritat : Conciliaria omnia valuisse declarat. Quidquid ergò Spondanus dixerit , actis Conciliaribus , non posterioris ævi scriptis credimus. Quid autem ? An metu schismatis facta ad violentiam refers ? Addere debuisses per vim extorqueri quæ metu peccandi fiant. Cogebat Imperator , inquiunt : imò suadebat , urgebat , nihil tamen per vim. Quid si Synodo Regiam manum secundùm canones imploranti , ne schisma fieret , ne hæreses atque corruptelæ gliscerent , auxilium præstisset ; eane vis esset , non autem æqua , legitimaque actio Advocati ac protectoris Ecclesiæ ?

Quid quod Eugenius omnibus Bullis fatebatur non valere à Pontifice facta , quæ totam Ecclesiam perturbarent ? Quid quod Duvallius , aliquique contententur Pontifici talia attestanti , vim inferri fas esse ? Ergò qui vim commiscuntur , omnia Ecclesiæ jura , atque etiam Eugenii decreta convellunt.

Quod autem Turrecremata Cardinalis addit à Pontifice non approbata *decreta (c) Basileensia* , quæ nunquam vidisset , neque examinasset , fallit aut fallitur. An ergò hæc decreta non satis divulgata erant ? An Pontifex non viserat , neque examinaverat , quæ in se facta ipse damnaverat ? An verò validura ea non intelligebat , post sententiam suam ab ipso revocatam ? Denique an damnatis à se Basileensibus decretis , Constantiensia decreta inserta non legerat ? Vana hæc & ludicra à tractationibus Theologicis procul absint.

Urget : sed quod Eugenius decrevit Synodus Basileensem à se licet dissolutam , tamen ritè & ordine continuatam fuisse , id non est referendum ad defectum potestatis , quasi Eugenius Synodus dissolvere non potuerit ; sed quod dissolutio non veris rationibus niteretur. Contrà , asserit Synodus , nec potuisse dissolvi , quod eâ dissolutione subverteretur Caput , *Frequens* , quo reformatio nitebatur. At Eugenius hæc decreta Synodica , à se licet condemnata , valere voluit. Ergò & id probavit , Synodus à se nec dissolvi potuisse. Sed esto : sint vera quæ tu dicis. Ergò , te fatente , falsum illud jactatum ab Eugenio , potuisse à se dissolvi Synodus *pro sua libitu voluntatis* ;

(c) à Pontifice non approbata decreta.] Augustinus Piccolomini , dictus Patricius , Eugenianarum partium strenuus defensor , de eâ re , Turrecrematâ testem locupletiorem adducimus. Nam in scribendâ Concilii Basileensis historiâ optimis commentariis est usus , & ipsi Concilii actis à Joanne de Segoviâ collectis. Vide hanc historiam apud Labbeum ad calcem tom. xij. Conc. Porrò testatur Patricius , quoad observantiam decretorum Concilii , Eugenium Pontificem respondere , se Concilii de cœta semper suscepisse & observasse. cap. xlvi. p. 1533. Et quidem adeò persuasum erat Doctori BACHENSTEIN Pontificem tum apprebasse Concilii de cœta , cum , editâ Bullâ , Concilio se adhærere significavit , ut sic ipsum alloquere ur : *Sanctitas restra , in Bullâ adhesionis , pollicita est ea servare de cœta (Basileensis .)* Coll. D. Bach. Cor. Sanct. in Flor. app. Conc. Bas. cap. xl. tom. xij. p. 866. quæ eadem reperimus in ep. Syn. ib. cap. vij. p. 710. Quo loco observandum est , acta ea fuisse post sessionem xx. cum iam alterum dissidium inter Papam & Concilium oriri cœpisset. Atqui etiam tum testabatur Eugenius se *velle* Concilii de cœta servare , quod profectò non dixisset , nisi ejus de cœta probasset. Hæc dicta sint in Turrecrematæ vitilitigations ; neque nos ullo modo dubitamus , omnes , si hunc unum excipias , hujus ætatis homines id sensisse , scilicet de cœta Concilii iam facta , fuisse à Papâ approbata , saltem eo tempore , quo se palam Concilio conjungebat ,

voluntatis, nullis licet veris causis. Denique vel ex te duo habemus : primum, dissolvendi causas ad examen venire, atque illud examen pertinere ad Synodum; non ipsam à Pontifice dissolutionem factam, statim ex se ipsâ stare: alterum, itcumque sit, vel renitente Pontifice certo, indubitate, nec hæretico, valere & stare semel inchoatam Synodum universalem.

At enim, inquit, aliud est progressum Concilii, aliud decreta probari. Sed qui decreta Synodi sciat, nec improbet, & editâ Bullâ Synodo adhæreat, quid aliud quam approbat, aut Ecclesiam ludit; quanto magis cum ab ipso expresse damnata decreta Synodica, ipso quoque autore postea convalescunt; cumque eas delet, quas impresserat notas ac censuras, uti jam diximus?

Afferit Turrecremata à Concilio petitam aliam approbationem, nec impetratam. Gratus dicit, nullis actis probat, causæ suæ favet.

Denique hoc addit: *Non esset passura*, inquit, *sedes Apostolica à Papâ confirmari talia decreta*, quæ ab *Evangelicâ veritate*, & *sancctorum Patrum doctrinâ aliena videbantur*. Respondemus: Ergo sedes Apostolica Pontifici obstatisset: quanto magis Ecclesia Catholica adunata id facere potuit? Prosequitur: *Neque per illam revocationem voluit Dominus Eugenius se & sua abnegare*, quæ juxta *Scripturas & sancrorum Patrum sententias Apostolica sedi divinitus sunt concessa*, cum hoc non posset facere; inter quæ est illud de dependentiâ Conciliorum à Papâ, non è converso. Quid audio? Papa non id facere potuit, & tamen factum est: & ipse Pontifex judicio Synodi stare se declaravit, & id ex præscripto Synodi egit, & quæ de Conciliorum potestate Constantiæ primum, deinde Basileæ toties definita erant, sibi licet nota, non modò immota reliquit, sed etiam inustas à se revocavit notas. Non ergo Scripturis, non sanctis Patribus, non sanctæ sedi divinitus concessis privilegiis adversari intellexit.

Postremò cogitent dictum illud Eugenii sua decreta revocantis: *Ut nostræ mentis integritas & devotio*, quam ad universalem Ecclesiam & *sacrum generale Concilium Basileense gerimus*, omnibus constet evidenter, quidquid per nos, aut nostro nomine contra hujus Concilii autoritatem factum, seu attentatum, & assertum est, cassamus, irritamus. Quid illa *devotio erga Basileense generale Concilium*, nisi gestorum in eo apertissima comprobatio est? Ergo comprobavit quæcumque Basileæ pro supremâ Conciliorum in Papam potestate gesta, decreta, & ex Constantiensí Synodo repetita erant: nisi fortè schismatica improbata, atque exosa, ipse quoque honore, imò etiam *devotione* prosequitur.

Rainaldus objicit Eugenium, cum hæc faceret, pacis studio, jure suo cessisse, idque ab ipso ad Imperatorem esse perscriptum. Illud perscriptum quidem epistolâ privatâ; sed hujusmodi epistolis negamus jura contineri. Tu mihi id respice, quid Synodicè gestum sit Sessione XI V. Concilii Basileensis. Non id à Pontifice postulatum, ut jure suo sponte decederet; sed ut perperam inceptra jussu Synodi omitteret, atque revocaret. Sessione X VI I. Eugenius à Synodo admissus est, ut qui Synodi *monitioni* ac *citationi* satisfecisset, hoc est, procul dubio paruisse. Totam ipse causam in Synodi potestate esse professus est; sed jussus, ut vidimus; sed præscriptâ formulâ. Non ergo jure suo sponte decessit, qui ex lege in ipsum latâ egit.

Tomus I.

Turrecr.
loc. cit. vid.
Gonzal. &
altos pall.

Vid. in
sess. xvij. p.
529.

An. 1434.
n. 3.

O o o

Sic quæstio nostra iterum , nec tantum Constantiæ , sed etiam Basileæ à Concilio Ecumenico , Papâ approbante , judicata est. Quippè de superiori Papæ vel Concilii potestate agebatur : Synodum Ecumenicam ritè inchoatam Papa dissolvit : decretum de dissolvendo Concilio à Papâ editum Synodus antiquavit : quæsitum , cuius superior sit potestas ; at , Eugenio quoque judge , superior est Synodus , quæ ab Eugenio dissoluta , Eugenio renitente frustrâ , ac tandem obtemperante , stetit & valuit ; quia ex dissolutione fidei periculum , Ecclesiæ scandalum , reformationis necessariæ mora. Quantò ergo magis Synodus prævaleret , si , quod maximè querimus , de fide , de schismate , aut de reformatione directè ageretur ?

Notent nunc , damnent , improbent quæ tantis in dissidiis sedes Apostolica intacta esse voluit , imò apertissimè comprobavit : evertant quæ fundamenti loco magnâ consensione utrinque sunt posita ; suo certè pondere firma erunt , ad quæ quisquis impegerit , se potius , quam illa confringet.

C A P U T V.

De secundo Basileensi dissidio : quid ab initio reconciliatæ gratiæ , usque ad secundi dissidii initium , à Synodo gestum sit per biennium.

JAM ex altero Basileensi dissidio haud minùs valida argumenta promemus. Verum , ut intelligentur , rerum summa , ab ipso principio reconciliatæ cum Eugenio gratiæ , ex actis recensenda est : quâ in re mihi certum de ipso dissidio non ferre sententiam ; quippè quod ad rem nostram non pertinet. Neque par est hujus disputationis , satis per se gravis , cursum , accersitis difficultatibus , impedire. Id agam , ut referatis defensionis causis , ipsâque quæstione inter Eugenium & Patres ex gestis constitutâ , canones Constantienses , quos tuemur , pro certis & immotis ab utrâque parte habitos esse appareat ; quod unum ad Gallicanam Declarationem pertinet.

Postquam igitur Eugenius Sessione XVII. Synodo satisfecit , ejus Legati , in his ille qui nunquam à Synodo aut officio Præsidis recesserat , Julianus Cardinalis , admittuntur , & Synodo incorporantur , dato priùs sacramento , nominibus propriis , de defendendis decretis Sessionis V. Constantiensis Concilii sœpè memoratis ; atque ea decreta iterum gestis inseruntur , die Sabbati 24. Aprilis 1434.

Postea decernitur , ut Legati jurisdictione coactivâ careant , utque ea quæ à sacrâ Synodo decreta fuerint , ipsi , aut , ipsis absentibus vel recusantibus , primus Prælatorum Synodi nomine concludat atque pronuntiet : quo sublatto , nulla Concilii libertas , imò nullum Concilium ; sed omnis ejus actio in Legatorum potestate esse videretur. Itaque hæc , præsente Imperatore , Legatis annuentibus , solennissimo ritu confecta sunt , Sessione XVII. Sessione XVIII. Sessionis V. Constantiensis decreta innovantur ; atque in his omnibus , Augustinus Patricius hujus ævi autor diligens , Eugenianarum partium ,

*Seſſ. xvij.
P. 539. 540.*

*Pag. 540.
141. vid.
Patric. hist.
Bas. &c. cap.
xxxix. tom.
x ij. Conc.
P. 1525.*

nihil hīc turbæ refert, cūm accuratè soleat hujusmodi memorare casus.

Sessione XIX. multa de Græcis, & cum Græcis aguntur, Legatique Græci Imperatoris audiuntur, ejusque ac Patriarchæ leguntur scriptæ ad Synodus literæ; atque inita cum ipsis, de suscipiendo itinere atque habendi Concilii modo, pacta firmantur; proponuntur à Græcis loca, quibus utriusque Ecclesiæ conventus habeatur; Patres Legationem decernunt, quā Græci inducantur, ut in civitatem Basileensem velint assentire: veriti ne, translationis specie, aliquid ab Eugenio novaretur. Hæc gesta 7. Septembbris anno eodem 1434.

Sessione XX. de reformatione multa, eaque egregia decernuntur; continuatur reformatio. Sessione XXI. de Divino officio multa præclarè; sed quò Romana Curia maximè moveretur, vetitæ sunt Annatæ (d) sub pœnis adversus simoniacos inflictis, cum hâc clausulâ: *Et si, quod absit, Romanus Pontifex, qui præ ceteris universalium Conciliorum exequi & custodire canones debet, adversus hanc sanctionem aliquid faciendo Ecclesiam scandalizet, generali Concilio deferatur.* 9. Junii anno 1435. Quæ postea Ecclesiarum consensione mutata, hīc tamen necessariò memoramus ad gestorum seriem, non ad contendendi libidinem.

Memorat Augustinus Senensis, Archiepiscopum Tarentinum, & Episcopum Paduanum Legatos Apostolicos, Pontificis nomine protestatos; Patres in sententiâ perlitissime; decretum à Juliano Cardinale Præside conclusum esse.

Anno 1436. 25. Martii, Sessione XXIII. multa decernuntur, de electione ac professione summi Pontificis, de numero & electione Cardinalium, de sacris electionibus celebrandis, de tollendis reservationibus, de Clementinâ (e) literis, quæ sedem Apostolicam maximè concernebant. Hæc Augustinus Senensis in publicâ Sessione, communi consensu, ritè decreta esse confirmat.

Sequente mense Aprili, die 14. mensis, Sessione XXIV. multa item de Græcis & cum Græcis aëta. Legati Græci Imperatoris ac Patriarchæ, totius Orientalis Ecclesiæ desiderium exponentes, sacram Synodus excitant, ad tam sancti operis prosecutionem; illud imprimis firmiter constanterque afferentes, unionem ipsam, nisi in Synodo universalî, in quā tam Ecclesia Occidentalis, quam Orientalis conveniat, fieri nullatenus posse: quo vel uno capite Con-

(d) *vetitæ sunt annate,*] quod Curiam Romanam non parum commovit. Ergò Eugenius cūm audivit conclusum esse decretum, pollicitus est se de hâc materiâ, quæ discussione indigeret, per suos Legatos Concilio responsurum, qui quidem Legati coram Synodo conquesti sunt his verbis: *Nemo satis admiratur, quod in re tam grandi, irrequisitis & inscisissimis Domino nostro atque sacro Collegio.... conclusum fuerit.... Unde sedes Apostolica impensa faciet, providendo necessitatibus & utilitati universæ Ecclesiæ?* Sive, ut habet Patricius: *Unde alentur Curiales?* Pergunt: *Jure igitur manutenenda erunt ista, donec aliter fiat sufficiens provisio;* de quâ provisione sufficienti facienda per hoc sacrum Concilium, sanctissimus Dominus noster vult esse bene contentus. Vid. in app. Conc. Bas. cap. xlj. pag. 862. & seq. Patric. tom. xiii. cap. xlvj. p. 1534.

(e) *Clementina.*] In his literis, narrabatur aliquem dignitati aut beneficio renuntiasse, aut privatum esse; & statim beneficium alteri dabatur. Cūm autem facile esset hujusmodi literas impetrari à Curiâ Romanâ, hinc siebat ut nonnunquam beneficij possessor, nihil minus cogitans, de suo beneficio pelleretur. Jubet ergò Synodus ut hujusmodi literæ non prejudicent, nisi per testes aut alia legitima constituerit documenta, possessorum ritè dejectum fuisse, aut juri suo renuntiassent. Nunc in desuetudinem abierunt istæ literæ.

Pag. 541.
Patric. loc.
cit. cap. xl.
& seq.

Pag. 549.
& seq.

Pag. 552.
553.

Patric. loc.
cit. cap. xliv.
pag. 1530.
1531.

Tom. xij.
Conc. pag.
557. & seq.

Patr. cap.
l. p. 1535.
& seq.

Tom. xij.
pag. 567. &
seq.

ciliaris autoritatis summa necessitas , communi Occidentis Orientisque consensu stabilitur.

Ib. p. 568. & seq. 573. Hinc salvus-conductus Græcorum Imperatori ac Patriarchæ totius Orientis Ecclesiæ Græcisque sacri Concilii nomine est datus , concessaque à Syndico plenissima indulgentia , in favorem subsidii pro Græcis reducendis , Conc. Sen. ib. p. 368. eâ planè formâ , quâ similis indulgentia in Senensi Synodo , sub Martino V. Legatis præsidentibus atque assentientibus , Martino nihil repugnante , data erat.

Ib. p. 578. & seq. Eodem anno , Nonis Maii , Sessione XXV. decernitur de loco , quo inter Græcorum gratiam Synodus cogeretur , & designata est certis conditionibus Avenionensis civitas . Hinc nova cum Eugenio jurgia , & Concilii Ferrariam translatio sequitur . Sic à Sessione XVI. quâ Eugenius , primâ dissolutione revocatâ , Synodo conjunctus est , continuatæ per biennium publicæ Sessiones , tantisque de rebus decreta sunt edita . Nunc quid Eugenius egerit ex gestis recensendum .

C A P U T V I.

Quid per idem tempus ab EUGENIO IV. sit gestum.

Append. Conc. Bas. cap. xlij. p. 86j. **D**UM hæc Basileæ agebantur , misit Eugenius ad Synodum peculiares Legatos , qui de aliquot decretis quererentur , imprimis de Annatis , quod gravissimum videbatur ; petiuntque a Synodo fieri provisionem sedi Apostolice , hoc est , pecuniaria concedi subsidia . Cardinalis Julianus Apostolicæ sedis Legatus & Concilii Præses , Concilii nomine respondit : de Annatis , quod à Synodo decretum fuerit , nihil in diminutionem sedis Apostolicæ factum : Vid. resp. Jul. ib pag. 704. & seq. j. Thess. v. 22. providisse Synodum juxta Apostoli sententiam , ut ab omni specie mali absenterent : à Synodo faciendam provisionem Apostolicæ sedi competentem , si Papa , qui omnium caput esset , ut ab ipsâ Synodo requisitus erat , canonicum atque inchoatae reformationis rationem habuerit . Quod autem petebatur suspendi decretum (f) , nullâ ratione decere , ut tam salubre decretum , ib. p. 709. conformeque per omnia legi Evangelicæ & SS. Patrum institutis , suspendi aut irritari debeat .

Vid. pag. 710. 711. **H**æc igitur Synodi nomine responsa docent , invitatum Eugenium , ut eos canones admitteret , non eo tamen animo , quod Patres putarint Synodica decreta ab eo potuisse dissolvi . Quare alio quoque Synodali responso declarant , vehementer mirari se , quod Pontifex mansuetissime requisitus ad duo tantum capita responderit ; nempè de electionibus atque Annatis . Ac de Annatis quidem , deinceps magis suam Sanctitatem , decretum hoc liberè obseruare , ac servari facere , juxta sanctorum Patrum instituta , ac decretum sacri Concilii Constantiensis , diffiniens , omnem hominem , etiam Papalis dignitatem .

(f) suspendi decretum] (de annatis) Adi , lector , hanc Juliani responsonem Synodalem , mirâ tantam pietate , & gravissimo iudicio conspersam .

nitatis, decretis & mandatis Conciliorum generalium parere debere in his, quæ pertinent ad fidem, extirpationem schismatis ac reformationem Ecclesie in capite & in membris: quibus declarabant sibi quidem inesse summam potestatem; cæterum id agere, ut Eugenius non coactus, sed requisitus sponte assentiretur.

Quare his atque aliis commotus Eugenius, Legatos misit toto Orbe terrarum, suo sacrique Collegii Cardinalium nomine, de Synodo conquesturos, cum commonitorio, five secretis mandatis, quæ Rainaldus exscripsit ad annum 1436. Eugenii 6. Hæc occultè acta, quanquam procul absint à decreti publici autoritate, eorum tamen summa capita decerpere est animus, quod multum juvent ad intelligendas veras hujus dissidiū causas.

Primum ergo Eugenius queritur de Sessione XVII. admissisque Legatis, fine jurisdictione coactivâ, atque eâ conditione, ut, iis recusantibus, nomine Synodi, Prælati concluderent: quæ Eugenii querela eò pertinebat, ut tota Synodus sub Legatorum potestate esset.

Hic Eugenius refert, totam Synodum id ausam, ut constitueret sibi Præsidentem, & caput, primæ nempè dissolutionis tempore: quod, inquit, non tam est erroneum, quam periculosum, & piarum aurum offensivum, necnon ab omnī observatione & doctrinā sanctorum Patrum alienum.

Atqui illud, erroneum atque à doctrinā Patrum alienum, ipse Eugenius confirmavit, dum Synodum à se dissolutam male, benè continuatam esse, edito diplomate definivit.

Pergit, innovâsse Patres duo decreta Constantiensis Concilii ad alios casus, quām fuerat constituentium intentio; per hoc denegantes Concilia generalia habere potestatem ac robur à Vicario Christi, & inferentes, quod Romanus Pontifex obediens teneretur decretis Concilii: quod est potestatem Christi Vicarii tollere, & in manibus multitudinis ponere; quod est non tam erroneum, quam etiam ab omni doctrinā Patrum totaliter alienum. Quo loco Concilii Constantiensis autoritatem toto Orbe constantem sollicitare non ausus, ejus decreta perperā à Basileensibus intellecta querebatur. Utcumque est, illud, erroneum, & à Patrum doctrinā alienum, Patres Basileenses pridem amplexi erant, ab ipsis nempè suæ congregationis initii Sessione II. ut vidimus. Id etiam sœpè dissolutionis tempore innovârant, inculcârant, sciente Eugenio, qui hæc nedum reprehenderet, ipsam quoque Synodum rite inchoatam, ritè continuatam esse definiret, edito diplomate: ut profecto pateat, quæ sitas nunc ab illo clam eas conquerendi causas, quas ipse anteà publicè, totâque sedis Apostolicae autoritate respuisset.

Addit, facisse decretum de Annatis auferendis, quæ Annatae invaluerint, à tanto tempore, (g) de cuius contrario non est memoria. Id verò quale sit,

(g) à tanto tempore;] hoc est à tempore Clementis V. qui decimo-quarto saeculo ab Anglis, duobus vel tribus annis, ac post eum Bonifacii IX. qui ab omnibus Ecclesiis, etiam tribus annis annatas pendi jussérunt. Exinde Pontificis illas tanquam perpetuo jure partas exegerunt. Hoc est tempus, quod Eugenius vocat tantum. Certè xl. anni à Bonifacio IX. nondum effluxerant. Vide librum Gallicum: *Traité des annates* editum an. 1718. & in tom. iii. part. j. collectaneorum quibus titulus est: *Mémoires de littérature & d'histoire*, libellum D. GOUJET S. Jacobi Hospitalarii Canonicum, cui titulum fecit: *Relation de l'assemblée de la nation Françoise à Constance &c.*

Rain. an:
1436. n. 2.
& seq,

Ibid. n. 3.

Ibid.

Ibid. n. 4.

docti sciunt, ac nos facilè omittimus; eamque rem, uti prædiximus, non contendendi studio, sed gesta recensendi necessitate referimus.

Ibid. n. 6. & 12. Queritur Eugenius vehementissimè de concessis à Synodo indulgentiis; & Julianum Cardinalem Legatum, honorificè tamen appellatum, graviter vituperat, quòd eâ in materiâ concluserit. Atqui jam diximus à Senensi Synodo concessas indulgentias, nemine prohibente, nemine conquerente. Neque omittit Eugenius Bullam plumbam à Synodo factam: quæ profectò indicant ab Eugenio querelarum causas undecumque conquisitas, atque exageratas fuisse.

Ib. n. 12. Vid. sup. cap. præc. Subdit Eugenius, Legatos Concilii Præsidentes adversùs Conciliaria decreta, aliquando publicè, aliquando ad partem in Concilio, aliquando extra Concilium, in eorum dominibus, coram honestis personis, prout melius & secundius potuerunt, sapientius protestatos, singulariter in decreto de Annatis: de quibus nihil comperio in gestis aut in ullo publico monumento; imò decreto de Annatis, à Juliano Cardinale Præside conclusum, ac vehementissimè nomine Synodi assertum esse constitit. Quòd autem significare videatur Eugenius, Legatos à Synodo vim aliquam metuisse; nullis est gestis, nullis historiis, nullo autore proditum; imò constat ex gestis, Legatos honorificentissimè habitos.

Nec illud tacet Eugenius, *Concilium jam annis sex durare sine fructu: (b)* quòd ipsum Patres vehementissimè querebantur, ipsique Eugenio imputabant; qui Synodum sine causâ jam indè ab initio dissolverit; qui toto ferè triennio exagitaverit; qui nullam postea Curiæ reformationem pati posset.

Comm. Eug. apud Rainal. loc. cit. n. 15. Quantam autem reformationis curam gereret Eugenius, hæc commonitorii verba ostendunt: *Utile præterè foret, si ii Nuntii Apostolici secum portarent sub Bullâ ALIQUAM CURIÆ REFORMATIONEM, quam Regibus & Principibus præsentarent: hoc enim baculo adversarii nostri semper nos invadunt & perciunt, quia dicunt, multa in Românâ Curiâ fieri quæ egent magnâ reparatione, nec illa tamen corriguntur.* Per hanc reformationem, etiam si usquequaque plena non foret, modò esset ALIQUA, eorum ora obstruerentur, qui continuè lacerant & carpunt Românâ Curiâ famam, nec haberent quid ultrà impingerent, redderenturque tunc Reges & Principes melius adificati, & proni magis ad condescendendum petitionibus Domini nostri Pape, & sacri Collegii, deterrerenturque qui autoritatem Apostolicae sedis suo hoc prætextu persequuntur. En quam reformationem vellent. Itaque Eugenius translatâ Synodo Ferrariam, ac deindè Florentiam, ne unum quidem reformationis caput attigit, ut suo loco videbimus.

Hæc qui legent, ne adversùs sacrosanctam potestatem trahant, neque hominum peccata sedi imputent; sed Divina judicia contremiscant, totque reformationes impias, sequente seculo ex inferis prodituras, neglectæ reformationis ultrices cogitent.

Neque prætermittendæ artes, quibus Sigismundum Imperatorem, Regem Francorum, aliosque Principes delinirent: multa speciatim ad singulos Prin-

(b) *sine fructu.*] In memoriam revocet lector Eugenium, primi dissidii tempore, Juliano Cardinali succensuisse, quòd res Concilii citius optato processissent. Vid. sup. hoc lib. cap. j.

cipes, hæc generatim ad omnes: *Non esset etiam malum, quod Nuntii, qui habebunt ire, habeant aliquas particularitates, etiam in foro conscientia, ut possent gratificari Regibus & Principibus.*

Ibid.

His artibus id impetrare nitebantur, ut Papa suprà omnia Concilia extolleretur, neque eorum ullis legibus teneretur; sed leges omnes moderari, atque etiam tollere pro arbitrio posset. Verùm hæc omnia Orbem concitatura, cùm palam edicere Eugenius vereretur, occultis tractationibus promovebat. Nunc quid publicè sanxerit exponendum, postquam res in aper tam erupit dissensionem.

C A P U T V I I.

Dissidii causa ex gestis: quæstio proponitur, an Constantiensæ decreta revocata in publicum.

HACTENUS motus animorum varios; nunc ipsum controversiæ capit exponimus. De Græcis reducendis pridem, & cum Eugenio, & cum Synodo agebatur. Et Eugenius quidem rem strenuè promovebat: naves, pecuniam, omnia apparabat. Et quamquam subsidia hæc in Pontificis potius, quām in Concilii manu erant; Græci tamen profitebantur, ad tantæ rei firmitudinem, Concilii autoritatem esse necessariam. Locus ergò idoneus quærebatur, quem in locum Graci commode convenirent. Basilea remotior, nec sine translatione Concilii res confici posse videbatur. Hinc motus. Nam & Patres Eugenium primâ jam dissolutione suspectum, novis experimentis permoti, reformationi obstare arbitrabantur; verebanturque, ne translationis specie, iterū Synodus solveretur, aut in eum deduceretur locum, quò minus liberè reformatio processura esset. Et aliundè Græcis Italia commodior erat, & Pontifex habendo conventui, cui ipse quoque necessariò adsuturus esset, Ferrariam, ut sibi Græcisque commodam destinabat. Patres in alia omnia ire; neque se Basileâ commovere velle; sed si Græci recusarent, præter Basileam, Avenionem quoque, aut aliquam in Sabaudiâ urbem habendæ Synodo designabant; ubi ex propinquo præsidium à Gallis, qui & Synodo faverent, & reformationem urgerent. Neque Græci primùm à Sabaudiâ abhorrebat; sed interim per Eugenii Legatos de Italiam viciniore pacti erant, resque cum eorum Imperatore transacta. Cæterū Legati Apostolici, Pontificis nomine, & Græcorum haberi rationem postulabant, & sumptus translationi necessarios offerebant. Quòd autem Patres obtendebant, Bohemos Basileam vocatos, prope diem adsuturos, iidem Legati, ut Bohemorum negotium Basileæ tractaretur, utque ibi reformatio, quoad Græci advenirent, ritè procederet, assentiebantur. Quæ cùm multis Patribus æqua viderentur, Sessione XXV. in duas itum est sententias. Patrum pars maxima locum habendæ Synodi Avenionem designabant: pauciores cum Legatis decretum edidere, Synodi nomine, de ipsâ Synodo Florentiam vel Utinam transferendâ, sive in alium locum tutum, in ante-

Vid. hoc
decret. part.
j. Concil.
Flor. tom.
xiii. p. 831.
832.

^{...I} rioribus decretis comprehensum, summo Pontifici, & Græcis commodum ; Bull. Eug. dummodò in manu Concilii ponerentur. Hoc decretum incipit : *Hæc sacro-ib. p. 835. sancta Synodus* ; statimque ab Eugenio, ut rectè & ordine, à saniore Con- & seq. cili part editum, confirmatur, promulgatâ Bullâ, quæ incipit : *Salvatoris*, 29. Maii 1437.

Exindè Eugenius translatam Synodus intellexit : Patres obstinatè niti, atque inficiari decretum, ut illegitimè, à paucioribus factum, atque in de-signandâ Avenione persistere, Græcis frustrâ clamantibus facinus indignum ; Ib. p. 838. cùm ipse Imperator, ac totus Oriens patriam ultrò relinquerent, Basileenses iis excipiendis, ne in vicinam quidem Italiam movere se velle, Avenionem anteferre ; procul à Græcis diffitam, cujus nulla mentio in pactis facta esset. Hæc Græcorum Legati querebantur, ac palam Basileæ solenni con- Ib. p. 837. testatione editâ declarârunt, non adventuros Græcos, eorumque Imperatorem atque Patriarcham, nisi postquam in Italiā appulissent, & ad vicina loca habendæ Synodo deducerentur ; totamque schismatis culpam in Latinos Latinamque Ecclesiam conferebant.

In hâc igitur rerum necessitudine Eugenius, de Concilio Ferrariam trans- * Per dies lato decretum edidit ; continuato tamen Basileæ tantisper Concilio *, ad triginta.

Bull. Eug. peragendum Bohemorum negotium : cætera, quæ Basileæ agerentur, irrita p. 858. & declaravit. Hæc continentur Bullâ, *Doctoris gentium*, 1. Octobris 1437. Ieq.

** Id est ***, ac deindè Concilium ad diem octavam Januarii Ferrariam indicitur 1438. Bullâ, *Pridem ex justis*, 1. Januarii ejusdem anni 1437. nam annorum *** Octa- initia pro more, à Dominicâ conceptione numerabant. ***

vo Kalen- das Aprilis, Interea dum Basileæ de loco Concilii certaretur, Græcus Imperator ap- feu 25. Mar. pulit Venetias. Hic Julianus Cardinalis hac tenus Synodo addictissimus Ba- tii, Bull. fileenses hortari, ut Græcis toties vocatis irent obviā, Legatos mitterent, *Pridem ex justis*. ib. p. ac perducerent, sanè Basileam, si possent : sin persuadere non possent, 867. 868. de loco Concilii cum ipsis convenienter ; pacem Ecclesiæ loco quocumque curarent. Nihil actum : Julianus abiit : Synodus sine Legatis mansit : Lu-

cap. Ixiv. dovicus Alamandus Cardinalis, Arelatensis Episcopus, Conventui præfuit. tom. xiii. Secuta deindè illa omnibus nota, quæ nihil ad nos spectent : neque enim Conc. pag. posteriora illa Basileensia Clerus Gallicanus unquam tutanda suscepit ; sed 1549.

Constantiensia, Basileensibus prioribus gestis, consentiente Pontifice, toties repetita. Hæc immota stare, ex Ferrariensi quoque & Florentino Conciliis, ex ipsius Eugenii & successorum decretis, cùm maximè damnarent Basileensia posteriora decreta, non conjecturis aut ratiocinatione dubiâ, sed actis comprobamus,



C A P U T V I I I.

Ex actis ab EUGENIO IV. adversus Basileenses in Ferrariensi quoque seu Florentino Concilio editis probatur priora Basileensia, quibus Constantiensia confirmantur, integrâ autoritate esse.

NE quem lateat, quid ex actis monumentisque ordine recensendis probatum velimus, hæc summa est: postremâ Basileensi contentionे quantum id tantum: an Pontifex eâ autoritate fuisset, ut Synodum renitentem aliò transferre posset: cæterùm Constantiensia decreta Sessionis V. atque his connexa priora Basileensia valuisse; neque quidquam ab Eugenio, (edicto sanè publico) commotum in iis, quibus se Synodus, ex decretis Constantiensibus, in fidei, schismatis, reformationisque negotio, Papæ anteponeret.

Primum ergò publicum monumentum illud sit, Decretalis: *Salvatoris*, suprà memorata, quâ Eugenius IV. decretum, *hæc sacro sancta Synodus*, Sessionis Basileensis XXV. ut legitimi Concilii verum ac legitimum decretum firmat, ac Florentiam, vel Utinum, ex eodem decreto, futuræ Synodo habenda designat. Ergò Basileensibus gestis ad XXV. Sessionem innititur, neminem ea edicto improbabit.

Secundo loco prodeat illud ipsum Eugenii, de Concilio Basileensi Ferrariam transferendo, decretum, quod incipit, *Doctoris gentium*, anno 1437. quo quidem decreto commemorat decretum, *hæc sacro sancta*, Sessione XXV. editum, quo ipsa translatio innitatur. Ad hæc de Basileensibus multa conquestus est, nihil verò de iis, quæ ad Constantiensia decreta spectarent. Non igitur ea sollicitari voluit.

Tertium sit decretum Sessionis I. habitæ Ferrariæ, anno 1438. ante adventum Græcorum, quo decreto statuitur, Synodum Ferrarensim Basileensis continuationem ac prosecutionem esse. Igitur adeò non improbat anteriora Basileensia decreta, ut iis innitatur, & ea continuet.

Denique in medium adducimus Eugenii præsentis in Synodo Ferrarensi decretum, *sacro approbante Concilio*, editum, quo signanter declarat, gesta Concilii, à die translationis, nullius esse roboris. Ergò nec ipse Pontifex anteriora gesta rescissa esse voluit.

Cur autem Basileensia hæc posteriora rejiceret, hanc causam affert: *Nos igitur attendentes excessus eorum adeò notorios, ut non possint aliquâ tergiversatione celari, quòdque error, cui non resistitur, approbari videtur, & latum pandit delinquentibus iter is qui eorum conatus non resistit, &c.* Atqui haud minus notoria erant, quæ pro Constantiensibus decretis Basileenses gesserant, ante dissolutionem quidem Sessione II. post instauratam verò Synodum Sessionibus maximè XVI. & XVIII. Ergò si Eugenius improbanda ea esse censuisset, & tamen conticesceret, veritatem prodidisset. Conticuit autem; non ergò improbanda censuit. Ex his omnibus liquet Basileensibus gestis de- træctam autoritatem, eis quidem præcisè, quæ post translationem facta sint;

Tomus I.

Tom. xiii.
Conc. pag.
838. vid.
cap. præc.

Ib. p. 853.

Ib. p. 884.
883.

Bull. Ex-
positi debi-
tum. ib. p.
896. & seq.

P pp

anterioribus verò minimè ; atque ea non infracta , sed Ferrariæ continuata esse. Quare anteriora Basileensia decreta , quibus Constantiensia confirmantur , repugnante nemine , imò totâ Ecclesiâ iis decretis nixâ , plenâ autoritate constant.

Quæres an igitur adhuc valeant Basileensia decreta Sessionum XI. & XXIII. quibus de Annatis , deque electionibus , atque aliis disciplinam spectantibus , tot ac tanta statuta sunt.

Respondemus , quæ ad dogma Ecclesiasticum pertinent , magno discrimine distinguenda ab iis , quæ ad disciplinam. Hæc à Conciliis quoque Ecumenicis facta , variis de causis , consentiente Ecclesiâ , mutari possunt : illa immota & perpetua esse constat. Cùm ergò decreta , quibus Basileenses Sessionis V. acta Constantiensia repetunt & inculcant , ad dogma pertineant , neque ea unquam Eugenius edito edito reprehenderit , imò ut Ecumenicæ veræ ac legitimæ Synodi decreta agnoverit , non est cur de eorum autoritate dubitemus.

Quid quod in Synodo Florentinâ , autore Eugenio , Constantiensia de cœta expressè approbata sunt , flagrantibus dissidiis ? Id verò demonstrabit sequens monumentum.

C A P U T I X.

Decretalis , Moyses , in Synodo Florentinâ edita , priora Basilensia & Constantiensia de cœta firmat.

Conc. Flo-
rent. post
coll. xiv.
Bull. Decet.
tom. xiij.
pag. 1030.
Bull. Moyses
part. iiij. p.
1186.

PO STE AQUAM Ferrariæ cum Græcis aliquot sunt habitæ Sessiones , Eugenius Concilium , ipso Concilio approbante , Florentiam transtulit. Ibi celeberrima Eugenii Decretalis , *Moyses vir Dei , sacro (Florentino) approbante Concilio , edita est ; quâ quidem Decretali Eugenius iisdem insistens vestigiis , Basileensia posteriora convellit ; ea scilicet , quæ post translacionem facta sint , non autem antecedentia : tum etiam Basileensia illa posteriora sic improbat , ut firmet Constantiensia.*

Conc. Bas.
tom. xiij. p.
619.

Præmittendum verò est à Concilio Basileensi , Sessione XXXIII. tria hæc esse de cœta : Ut veritas de potestate Concilii generalis supra Papam , declarata per Constantiense & hoc Basileense , generalia Concilia , sit veritas fidei Catholica : ut veritas hæc , quod Papa Concilium generale , sine ejus consensu , nullatenus autoritativerè potest dissolvere , aut ad aliud tempus prorogare , aut de loco ad locum transferre , sit fidei Catholica : ut veritatibus his diablos pertinaciter repugnans , sit censendus hereticus.

Ib. p. 619.
620.

Hæ tres veritates Concilii Basileensis ferebantur : has verò fulciebant Constantiensibus decretis Sessionis V. toties Basileæ repetitis ; eaque de cœta primâ illâ veritate apertissimis verbis iterum repetita. Quod verò Eugenius Pontifex has propositiones negaret , Sessione XXXIV. hereticus declaratus & loco motus est anno 1439.

Adversus de cœta illa Basileensia Sessionis XXXIII. Eugenius in Synodo

Florentinâ edidit Decretalem, *Moyses*: ubi bis terque repetitur Synodus Basilensem condemnandam, ejusque decreta esse irrita; sed ea, quæ à die translationis facta sint. Ergò cætera Basileæ, etiam post reconciliatam gratiam, per biennium acta, ut veræ, orthodoxæ, ac legitimè continuatae Synodi acta habebantur. Atqui eo tempore Constantiensia decreta Sessionis V. innovata. Ergò decretum de eâ innovatione factum, nullâ est autoritate rescissum, manetque integrum; ipsaque adeò Constantiensia decreta firma & inconcussa stant.

Id verò clariùs apparebit, si notas & qualificationes, quas vocant, tribus veritatibus Basileensibus adhibitas consideremus. Igitur tres illæ quæ dicebantur Basileenses veritates ipsi decretali insertæ, atque his verbis damnatae sunt: *Ipsas propositiones superius descriptas, juxta pravum ipsorum Basileensium intellectum, quem facta demonstrant, velut sacrosancta Scriptura & sanctorum Patrum, & ipsis Constantiensis Concilii sensu contrarium.... sacro approbante Concilio (Florentino scilicet) damnamus, reprobamus, damnatas & reprobatas nuntiamus. Datum Florentie in Sessione publicâ Synodali solenniter celebratâ anno 1439. pridiè Nonas Septembri.*

Vid. decr.
Moyses loc.
cit. p. 119.

Ubi sunt, qui nobis Concilium Florentinum objiciunt? Audiant in Concilio Florentino propositiones Basileensium non absolutè damnatas, sed *ad pravum eorum intellectum*. Quem autem intellectum? Nempè eum, *quem facta demonstrant*; id est quòd Synodus nullâ causâ etiam maximâ, & ad pacem Ecclesiæ maximè faciente, transferri posse, idque ad fidem Catholicam pertinere dicent. Eo ergò tantum respectu Basileenses propositiones damnat Eugenius. Quâ verò notâ afficit? Nempè damnat, ut quæ essent *contraria Scripturis, Patribus, & Concilii Constantiensis sensu*. En qualificatione, quâ ipsa vis decreti constet ex iis rebus repetita, quæ ipsæ in Ecclesiâ summæ sunt autoritatis, Scripturâ, Patribus, Concilii Constantiensis dogmatibus. Qui enim Basileensia decreta Constantiensibus adversa damnat, is profectò Constantiensium investigandum sensum, autoritatem verò certam & indubitatem esse definit. Quid verò certius, quàm id cui adversari certa damnatio est? Vel quid magis ad Concilii autoritatem facit, quàm ejus decreta Scripturis, & Patribus conjuncta proferri, ut certam fidei normam?

Et quidem Pontifex de Basileensibus Synodum post translationem continuantibus, hæc præmiserat: *In hoc pernicioſissimi, dum suam malignitatem sub veritatis foco colorant, Constantiense Concilium, in malum ac reprobum sensum, & à sanâ doctrinâ penitus alienum pertrahunt; caterorum schismaticorum & hæreticorum falsam doctrinam sequentes, qui confititos erroris, & impia dogmata ex Divinis Scripturis, & sanctis Patribus perverse intellectis, semper sibi adstruere moluntur. Sunt ergò decreta Constantiensia profectò ea, non de quibus Catholici dubitent, sed quæ hæretici & schismatici pervertant, ut sacram Scripturam, ut sanctos Patres: summo ergò honori ac venerationi habenda. Quæ porrò decreta, nisi ea quibus Basileenses usi erant, hoc est, Sessionis V. decreta? Sunt ergò ea decreta certa & immota, de quorum autoritate, tot jam Pontificiis & Conciliaribus decretis apertè approbantibus, non nisi temerè, ne quid dicam gravius, dubitari possit,*

Ibid. pag.
1189.

Doctr. Lo-
van. p. 77. At enim objiciunt : *Hic affirmat Eugenius decreta Constantiensia, vigente schismate, per unam ex tribus obedientiis, post recessum Joannis XXIII. facta esse.* Verum ; & rem, ut gesta est, narrat Eugenius. An ergo propterea Constantiensibus decretis detrahit autoritatem, cùm Basileenses eorum decretorum autoritate damnet ? Esto Constantiensia decreta Sessionis V. Eugenius Pontifex obliquè, si ita placet, perstricta voluerit ; næ tu inquis sis, qui quod narrando obliquè & obiter (*i*) dictum sit, ipsi decreto anteponas. Neque verò dixeris, laudari Constantiensia decreta, non ut certæ autoritatis, sed ut quæ à Basileensibus allegata sint ; disertè enim Pontifex pronuntiat ita perversa fuisse à Basileensibus decreta Constantiensia, ij. Pet. iij. eâ audaciâ, eo ritu, quo ab hæreticis, & schismaticis, Scriptura quoque & Patres soleant : planè eo sensu, quo Petrus doceat Pauli epistolas, ut & cæteras Scripturas à pravis hominibus fuisse perversas, hoc est, eo modo, 16. quo corrumphi regula soleat : quo certè ad commendandam Constantiensium decretorum autoritatem nihil dici potuit firmius.

Jam quod ad eorum sensum attinet, haud minus finita res est Eugenii IV. autoritate & judicio. Nempè adversarii Constantiensium decretorum, sensum eum esse volunt, ut adversus dubios tantum Pontifices valeant. Atqui Eugenius, cùm & in primo & in secundo dissidio decreta Constantiensia assidue objectarentur & inculcarentur, nunquam id respondit : imò verò id responsum in primo dissidio dictis factisque confutavit, cùm Basileenses Constantiensium decretorum autoritate, adversus ipsum quoque, indubitatum licet Pontificem, usos, edito diplomate, agnovit Orthodoxos ; iisque insuper ut superioribus paruit. Quare nec in secundo dissidio, rebus exasperatis, ab illo fundamento recessit ; ac Basileenses multa in se gravissima ex decretis Constantiensibus molientes, definivit ille quidem ab eorum decretorum sensu deflectere ; non tamen idè quod ea decreta in Pontificem indubitatum verterent, sed quod affererent & ad fidem Catholicam pertinere dicenter, nullam omnino esse causam, propter quam Synodus à Papâ transferri possit. Neque quidquam aliud in Basileensibus condemnavit, quam quod, tantâ licet. Græcorum reducendorum necessitate translati, continuâssent Synodum : neque ulla Synodica decretâ irrita declaravit, nisi ea quæ post translationem facta essent. Quare ille est sensus, quem Constantiensibus decretis male affingi definivit. Manent cætera, Eugenio quoque judice, immota ; nempè ut Constantiensia decreta summâ

(*i*) obliquè & obiter] Attentè legenti hanc Bullam, certum erit Eugenio Constantiensium decretorum autoritate veluti obruto nihil succurrisse, quod Basileensibus responderet. Optatet quidem incertam apud omnes visam fuisse hujus Synodi autoritatem ; sed verebatur hoc aperte dicere, ne ipse palam exploderetur. Hinc tot tenebris, hinc tunc ementitis coloribus involuta Bulla ea est. Causæ non bonaæ qui umque solent esse defensores, in eas necesse est venire angustias. Postquam enim bonâ fide agere destiterunt, oportet, cùm nihil æqui bonique suppetat ingenium, ad artes se convertant, queis incautos fallant. Interim, lector, illud observa : ex iis ipsis latebris quibus sese occultat Eugenius, invicissimè probri ; tunc temporis, ipsos Pontifices Constantiensem Synodum improbare veritos. Cor autem id verebantur, cùm ipsorum tanti interestet hujus Synodi irrita esse & nulla decreta ? Nimurum noverant non impunè à quoquam detrahi posse de talis Concilii autoritate, quod utique omnes Catholicæ Ecumenicum venerabantur.

& indeclinabili autoritate constent, utque extra schismatis tempus sub indubitato quoque Pontifice, suo nativoque sensu valeant, in fidei, in schismatis, in generalis reformationis casibus, quod unum Patres Gallicani, suā Declaratione complexi, ab Eugenii quoque censuris se immunes præstiterunt; neque enim translationis à Basileensibus spretæ quæstionem ullo modo attigerunt.

C A P U T X.

An decretum unionis Florentiæ editum, Constantiensia decreta antiquarit.

FA M perpendere nos oportet decretum unionis Florentiæ editum: illud scilicet, quo Latini, Græcique conjuncti sunt. Hoc enim decreto Constantienses canones reprobatos Bellarminus asserit; cuius dicta alii pañim exscribunt. Decreti autem hæc verba sunt: *Diximus sanctam Apostolicam sedem in universum Orbem tenere Primum, & ipsum Pontificem Romanum successorem esse Beati Petri Principis Apostolorum, & verum Christi Vicarium, totiusque Ecclesiæ Caput, & omnium Christianorum Patrem ac Doctorem existere, & ipsi in Beato Petro pascendi, regendi, ac gubernandi universalem Ecclesiæ, à Domino nostro JESU-CHRISTO plenam potestatem traditam esse, quemadmodum etiam in gestis Ecumenicorum Conciliorum, & in sacris Canonibus continetur.* Ac paulo post: *Salvis privilegiis Patriarcharum, & juribus eorum.* Datum Florentiæ 1439. pridiè Nonas, hoc est 6. Julii. Hæc sunt, quibus Constantiensia decreta abrogata esse volunt, quod est falsissimum.

Bell. de
Conc. lib. j.
c. vij. Doct.
Lov. p. 73.
Disq. init.
Conc. Flor.
tom. xij.
p. 510. &
seq.

1°. enim si Constantiensia displicebant; si ea ut erronea, vel schismatica rejici oportebat, apertè agendum; recitanda decreta quæ abrogarentur; Sessio V. Constantiensis expressè revocanda, ne amplius Ecumenici Concilii nomine falleremur. Quid enim verebantur? An Constantiensis Concilii pro Ecumenico habitu autoritatem? Hanc autem veramne an falsam judicabant: si veram; ergò indeclinabilem, neque ullo alio decreto labe-factandam: si falsam; eò rejiciendam apertiùs, quò tanto nomine simpli-ces animæ, imò verò docti quoque in errorem inducerentur.

Vid. Dist.
præv. n. xix.

2°. Si doctrinam Constantiensis Synodi damnatam voluissent, saltem iis verbis facerent, quæ plana & perspicua essent; neque in sensum Constantiensi decreto congruum intelligi possent. Atqui decreti unionis verba in sensum Constantiensi decreto congruum intelligi posse, & ipsum Duvallium antiquæ licet Sorbonæ adversum, confitentem audivimus. Ergò Florentini Patres Constantiensem doctrinam nullatenus à se damnatam voluère.

3°. Verba decreti Florentini reverà nil habent Constantiensi decreto contrarium. Nempè hæc verba objiciunt: *Pape in Beato Petro pascendi, regendi, & gubernandi universalem Ecclesiæ à Domino plenam potestatem fuisse traditam.* Atqui hæc non indicant, eam potestatem ita esse datam, ut adunatae quoque Ecclesiæ consensum unus vinceret: quod Patres Constantienses condemnabant. Ergò Florentini Patres Constantiensibus non repugnant.

P p iij

4º. Sanè nemo negat Archiepiscopo subjici totam Provinciam, ab eoque regi, sano quidem sensu, & certis legibus : nulla enim Provinciæ pars, quæ non ipsi subfit. Quidni potiori jure summus Pontifex universam, quâcumque patet, gubernet Ecclesiam ; cùm nulla pars Ecclesiæ sit, quæ non ei obediatur? Patet ergò verus decreti Florentini sensus Constantiensi congruus. Èâ quippè mente Florentiæ dictum à Papâ regi *universalem Ecclesiam*, quâmente Constantiæ, Martino quoque Papâ approbante, dictum, Ecclesiam Romanam ita esse supremam, *quatenus Primatum habet super alias Ecclesiæ particulares*; non certè ita ut earum conjunctam vim & consensionem vincat.

5º. Ipsa Florentina Synodus disertis verbis Constantiensia decreta confirmavit, approbatâ scilicet ritè & synodicè decretali, *Moyses*. Ergò in decreto unionis eadem improbata noluit : neque quidquam est ineptius, quâut præcisè & speciatim dicta, generatim dictis rescindi possint.

6º. Quero, an à Græcis quisquam postulârit, ut omnibus Conciliis, in omnibus casibus, Pontificem Romanum superiorem esse necessariò crederent, eâque conditione tantum Ecclesiæ Romanæ conjungerentur? Malè profectò & iniquè cum ipsis comparatum esset, à quibus graviora & difficultiora de Primatu Pontificis, quâm à Latinis quoque peterentur. Erant in omnium manibus Alliacensis, Gersonis, Francisci Zabarella Cardinalis atque Archiepiscopi Florentini, sui ævi Canonistarum facile Principis, aliorumque libri, qui Romano Pontifici Synodum anteferrent. Nemo eos Orthodoxos piosque esse negabat. Imò hanc sententiam doctissimi quique, & omnes passim Academiæ propugnabant. Quid autem absurdius aut iniquius quâm ut à Græcis interim Florentini Patres graviora postularent? Quis verò putet, Græcos id fuisse laturos?

7º. & ultimò, reverâ longè alia mens eorum fuit. Quo loco multi commemorant decreti unionis verba, quæ longè aliud præ se ferre videantur; nempe sic scriptum est : *Papa in Petro datam plenam potestatem regendi & gubernandi universalem Ecclesiam*: non sanè simpliciter, ita ut Ecclesiam pro arbitrio regat; sed *quemadmodum etiam in gestis Ecumenicorum Conciliorum, & in sacris Canonibus continetur*; sive, ut ex Græco de verbo ad verbum verti potest, *secundum eum modum, qui & in gestis Ecumenicorum Conciliorum & in sacris Canonibus continetur*, vel simplicius ac rotundiùs : *secundum quod & in gestis Ecumenicorum Conciliorum, & in sacris Canonibus continetur*. Undè etiam addunt : *Salvis Patriarcharum privilegiis & juribus* : quæ omnia Patres apponi voluere, ne Ecclesia voluntate magis, quâm canone regi videretur; neve plenæ potestatis specie jura omnia miscerentur. Neque id lœdebat Pontificiam potestatem, cùm ab ipso Ecclesiæ nascentis exordio, sacris canonibus obligari se, vel ipsa professâ sit, quod suo loco afferemus.

Vid. pass.
lib. xj.



C A P U T X I.

*De vero sensu eorum verborum decreti unionis : QUEMADMODUM
ETIAM IN GESTIS ECUMENICORUM CONCILIORUM
CONTINETUR.*

NEQUE equidem ignoro magnas moveri lites de his interpretationibus : prima, quæ sic vertit : *quemadmodum etiam* : & altera, quæ sic : *secundum quod & in gestis, &c.* Neque minorem esse de ipso verborum sensu controversiam, cùm illimitatae potestatis defensores afferant, postrema decreti Florentini verba proferri, non ad coörcendam justis legibus Pontificiam potestatem ; sed tantum ad demonstrandum *pascendi ac regendi potestatem plenam*, à Conciliis quoque generalibus, sacrificisque canonibus fuisse agnitam. Quem sensum firmari contendunt primâ versione : *Quemadmodum etiam* : hâc enim voce, *etiam (k)* hunc sensum maximè comprehendendi. Nos verò hanc litem facile componemus, si cum æquioribus disceptatoribus age-re liceat.

Primò enim certum illud, congruere Græco textui de verbo ad verbum postremam interpretationem : *secundum quod*, vel, *secundum eum modum κατ' οντος qui & in gestis Conciliorum Oecumenicorum, & in sacrificis canonibus continetur.*

Secundò & illud certum, Græca æquè ac Latina, sacro approbante Concilio, Eugenii nomine esse edita; Latinaque ab Eugenio & Latinis subscripta, hanc habere interpretationem : *Quemadmodum etiam, &c.* Id verò ex authenticō Concilii Florentini constat, quod transmissum olim ad Burundiæ Ducem Philippum II. eum qui *Bonus* dicebatur, nunc in nobili Bibliothecâ Colbertinâ*, Eugenii ac Joannis** Imperatoris signis munitum asservatur.

Tertiò, neque illud in dubium ab æquis judicibus revocari potest, quin decreto Florentino, quo Græci Ecclesiæ conjungendi erant, Græcis maximè consulatur; adeoque si interpretationes conciliari non possent, eam maximè probari oportere, quam Græca verba præferre videantur. Quid enim? An Græcos dicemus fuisse delusos? An subdolâ interpretatione avocatos eos ab eo sensu, in quem Græca ipsa ferrent? Absit hoc ab Ecclesiæ Latinæ candore ac majestate. Quare in eam potius iremus sententiam, quam Græca verba postularent.

Sed quoniam certum erit recte considerantibus, & Græca & Latina in eandem facile convenire sententiam, certam inimus viam, quâ liquido de-

(k) hâc voce ETIAM.] D. DE MARCA loco citato contendit verbulum ETIAM incuria amanuensum irrepsisse in his verbis: QUEMADMODUM ET IN GESTIS CONCILIORUM, pro quibus illi scripsérint: *Quemadmodum etiam in gestis &c.* Sed vix potest credi hunc errorem optimos quoque hujus Synodi codices invalidissime, & eum etiam authenticum, de quo D. BOSSUET mox est dicturus.

Vid. Pet.
de Marc. de
Concord.
&c. lib. iij.
cap. viii. §.v.

* Nunc est
in Biblio-
thecâ Re-
giâ.

** Paleo-
logi.

monstremus, postrema decreti verba eò fuisse prolata, ut plena potestas, quam Florentini Patres Papæ asserebant, sacrorum Conciliorum & canorum autoritate, non tantum probaretur, sed etiam antiquis suisque coeretur finibus. Id verò declaramus, non jam nudis verbis; sed, quod Theologum maximè deceat, ipsâ verborum gestorumque serie.

Primum enim, Græci nunquam intellexerunt, Papæ inesse eam autoritatem, quæ nullis legibus teneretur. Ecce enim Bessarion Metropolites Nicænus, unus Græcorum omnium Latinis æquissimus, conjunctionis mutuæ & ineundæ cupidissimus, & initæ retinentissimus, neque Romæ suspectus, propter egregia merita remque in Florentinâ Synodo benè gestam factus Cardinalis, ac sede Petri dignus habitus; (1) cùm nostri in additione vo-

*Tom. xiiij.
Conc. sess.
ix. Concil.
Flor. p. 151.*

Filioque, Ecclesiæ Romanæ autoritatem urgerent: *Scimus quidem,* inquit, *qua sunt jura & prærogative Romana Ecclesia;* *nihilominus scimus etiam prærogativa ejus quos terminos habeant.* Hæc jam indè à Synodi initio

Græci profitebantur sessione IX. ipse etiam Eugenius sessione XXV. hæc ad Ib'd. sess. Græcos loquebatur: *Conveniamus simul, fiatque Synodus: conficiat sacrum Sacerdos: iusjurandum demus Latini, pariter & Græci: proferatur liberè veritas per sacramentum;* & quod pluribus videbiur, hoc ampliè tamur, & nos & vos: *iusjurandum enim apud Christianos non fallitur.*

Ib'd. p. 387.

Non ergò ex suâ unius sententiâ rem decidi volebat, neque ita pascet & docebat universalem Ecclesiam, ut adunatæ consensum vinci à se putaret, qui fidem quoque suam Patrum confessione firmari intelligebat.

Jam eâdem de re, eâdem sessione, quid Græci sentirent Bessarionem clarè exponentem audiamus. Habuit ille ad suos orationem dogmaticam, cuius hoc fundamentum: quoties necessitas ingruat, & hæresis aliqua exorta sit, debere Ecclesiam Dei in unum congregatam, de rebus dubiis judicare, ac secundum præcepta Divina legis, & sanctorum Patrum, communis omnium consensu sententiam ferre. Tum addit, communiter hæc agi, & qua communia sunt, communis consensu terminari oportere: ita enim egisse Synodos Ecumenicas, primam, secundam, tertiam, & alias omnes.

*Bess. Orat.
dog. cap. i.
ib. p. 394.*

*Conc. Flor.
sess. xxv. p.
482. 483.*

Cùm verò inter se Græci deliberarent, Imperator sic insit: *Ego præsentem hanc Synodum generalem nullâ ex parte inferiorem judico aliis omnibus antehac celebratis.* Ac posteà: *Ego Imperator sequi debeo sententiam Synodi, majorisque illius partis, nec non defendere quod fuit sancitum à pluribus. Propterea dico, inquit, me hujus sacræ Synodi plurimumque ejus Patrum sequi sententiam.... tum quia ego censeo sanctam Ecclesiam in sacris dogmatibus nullo modo posse errare, communis ac Synodicâ consideratione utentem: unus quippe, vel duo, vel tres, aut plures ex hominibus.... fieri potest ut errent; at universalem Dei Ecclesiam, de quâ Dominus dixit ad Perrum: TU ES PETRUS ET SUPER HANC PETRAM AEDIFICABO ECCLESIAM MEAM, ET PORTÆ INFERI*

NON

(1) *Bessarion.... sede Petri dignus habitus.*] Hunc Cardinales post Nicolaum v. ac deinde post Pium ij. elegissent Pontificem, nisi Cardinalis Avenionensis (Alanus DE COETIVI) dixisset, Ecclæ Latinae id turpe fore, si ex Græcâ summum Pontificem ipsa adscilceret. Hæc vana causa fit eligendi Paulum ij. hominem gloriosum, fastidiosum & dolosum. Bessarion autem apud Romanos plurimi semper est habitus. Cùm enim esset plurimæ doctrinæ multique judicii, doctis omnibus favebat. Hic moriens amplam suam Bibliothecam Venetis legavit. Vid. Plat. Onuph. Rain. &c.

NON PRÆVALEBUNT ADVERSUS EAM ; eam , inquam , Ecclesiam communiter errare omnino est impossibile : alioquin & sermo Salvatoris evanuit , & fides nostra debili fundamento est nixa. Hæc Græci audiunt , hæc probant. Non ergo ad Papam solum , sed ad universam Ecclesiam provocabant , nostrisque omnino consentanea prædicabant.

Jam , ne quid supersit dubii , opera pretium erit diligenter excutere quæ dixerint , cùm de privilegiis Papæ speciatim ageretur , ac postrema hæc , de quibus nunc agimus , decreti verba expenderentur.

Græci igitur sic loquuntur : *Admissimus privilegia Papæ , præterquam duo : ne convocet Synodum œcumenicam , sine Imperatore & Patriarchis , si conveniant ; quod si advocentur , nec veniant , ne impedimento sint , quominus Sy- rodus fiat : alterum est , ut si quis putet se ab aliquo Patriarcharum pati in- juriam , & veniat qui interposuit appellationem , ne Patriarchæ ipsi se sistant judicandos ; sed Papa mittat Inquisidores ad Provincias narrata χώρας , & ibi in partibus τοπικῶς judicetur.*

Hic Papa respondit se velle *omnia Ecclesia sua privilegia ; velleque ad se fieri appellationes ; necnon regere & pascere universam Ecclesiam , ut ovium pastorem ; & celebrare Synodum Oecumenicam , cùm opus fuerit ; & omnes Patriarchas parere ejus voluntati.*

Hæc postulata Papæ , omnia ad absoluta Imperia revocantis , Græci ref- puere ; gestaque Synodi sic habent : *Imperator , his auditis , desperavit ; nec aliud respondit , nisi : curate de nostrâ profectione.* Adeò abhorrebat ab eo , ut Ecclesia non canone , sed voluntate regeretur. Ergo conventum est , ut Papa regeret Dei Ecclesiam , salvis Patriarcharum Orientis privilegiis & ju- ribus : quo fixum , valere canones , nec mero Imperio regi Ecclesiam , Ec- clesiisque sua jura canonico ordine fundata constare.

Cùm in eo jam essent , ut conscriberetur decretum unionis , de Papæ privilegiis sic erat scriptum : ut Papa illa habeat *juxta determinationem sacrae Scriptura & dicta Sanctorum* : obstat his verbis Imperator : *An si quis , inquit , Sanctorum in epistola honoret Papam , excipiet hoc pro privilegio ? Ac Papa significavit , ut aut hoc corrigeret , aut de reditu ejus cogitaret ; cogebatque ap- poni : juxta TENOREM CANONUM ; & non SECUNDUM DICTA SANCTORUM.*

Jam nemo negaverit , quin tunc vel maximè quereretur , non modò de constituendâ , sed etiam de regendâ suisque coërcendâ finibus Pontificiâ po- testate ; cùm Græci vererentur , ne ambiguâ formulâ privilegia Papæ in im- mensum tendereint.

Quare hic omnis unionis spes rursùs penè concidit ; patetque omnino in- tellexisse Græcos , regendam quidem à Papâ universam Ecclesiam , sed *juxta canones* ; non mero imperio & absolutâ voluntate.

Quæ cùm diù multumque agitata fuissent ; atque Eugenius quidem vo- cem illam , secundum dicta Sanctorum , vehementer urgeret , Græci vocis am- biguitate deterriti haud minore vehementiâ repugnarent ; tandem conven- tum est , ut *Papa habeat sua privilegia juxta canones & dicta Sanctorum , sacramque Scripturam , & acta Synodorum* : quæ collecta simul veram admi- nistrandæ Ecclesiæ formam exhibebant ; patebatque à Synodo Papalis po-

testatis, non solum habendæ firmamentum, sed etiam exercendæ regulam fuisse præscriptam.

Hic Eugenius, dicta Sanctorum, toties inculcata omisit, ut quæ jam ipsi quoque ambigua viderentur; convenitque utraque Ecclesia in hanc formam, ut Papæ quidem inesset à Christo tradita regendæ ac pascendæ Ecclesiæ potestas; sed secundum eum modum, qui, & gestis œcumenicorum Conciliorum, & sacris canonibus continetur: quæ quidem Gersoni, Alliacensi, nostrisque concinunt, magnâ animorum confensione docentibus, in Papâ agnoscendam plenitudinem potestatis; sed à Conciliis sacrificque canonibus regulandam. Hinc autem videre est, cur jam Eugenius hanc vocem, dicta Sanctorum, hîc omitti ipse vellet; quippe cùm haud satis apta videretur regulandæ Pontificiæ potestati, quæ canonibus quidem & Conciliis œcumenicis, non autem dictis Sanctorum generatim sumptis, parere soleat.

Hæc igitur è Florentini Concilii gestis expressa demonstrant, quantum ab eo abfuerint Græci ut agnoscerent supremam illam infinitamque potestatem, quæ totam adunatam Ecclesiam supergrederetur: quantum abfuerint Latini, ut eam à Græcis agnosci postularent; atque omnino consentire Florentina cum Constantiensibus, nedum ea abrogarent. Sic decet à Catholicis conciliari quidem, non inter se committi & collidi Concilia, ne, quæ in Ecclesiâ summâ est, nutet autoritas.

Ibid. decr. Florentinum decretum ab Eugenio factum est, sacrâ approbante Synodo; union. pag. sive, ut Græca habent, Συναντήσεων ἐν τῷ συνέδρῳ τῶν σεβασμών ἀδελφῶν: 509. Consentientibus in Synodo reverendissimis fratribus, hoc est, ipsâ Synodo condernente, sententiam cum ipso ferente, ac decretum suum ejus decreto addente. Neque aliter Græci intellexerunt, quam, ut eos saxe professos esse vidimus, decernendi vim ipsâ membrorum omnium confensione atque unitate constare; tuncque Ecclesiam errare non posse, communi scilicet & Synodica consideratione utentem, ut supra professos legimus.

C A P U T X I I .

An Constantiensibus decretis, & Conciliari potestati noceat, quod Ecclesiæ pars maxima, ac præsertim Galli, EUGENIO Basileæ damnato ac deposito obedirent.

HIC quæstio exoritur, si Conciliis tanta inest autoritas, cur ergò Basileensia postrema irrita fuere, atque Eugenius IV. à Synodo depositus, pro vero Pontifice, etiam à Gallis est habitus? In promptu responso est; facta referimus; solutio ex factis.

Basileenses Patres multis videbantur duro nimis & obstinato animo neglexisse Græcorum salutem, & aquas conditiones respuisse. Ipsi etiam Græci Basileæ magnis clamoribus querebantur de Synodo, quæ tantæ rei gratiâ commovere se nollet; in easque angustias Pontifex conjici videbatur, ut omitteter Ecclesiæ conjunctionem, tantum opus, idque magno & æterno

suo & Ecclesiæ Latinæ dedecore, nisi Synodum ipse transferret: quod tamen ne solus contra Synodi autoritatem attentaret, memoratum illud de Florentiâ & Utino decretum Synodi prætendebat. His causa Pontificis nitiebatur: neque ut anteâ, vanæ ac frustratoria dirimendæ Synodi causæ ferebantur, sed conjunctio prætendebatur Ecclesiarum, jam præsentibus Græcis, & Synodum cum successore Petri celebrantibus. Cæterum cùm eo loco res Eugenii essent, tamen tanta erat Synodi reverentia, ut Ferrariam pauci convenirent: non Patres, non Reges, non reliqui Principes Orthodoxi: unus Burgundiæ Dux sessione demum XIII. anno ferè integro postquam Eugenius Ferrariæ cum Græcis agebat, missis Legatis Synodo se conjunxit. Et Episcopi ex Italiâ convenere ferè ad LX. Abbates ad XL. quos inter ex Galliâ Antistites quinque admodum, vel sex, ex Provinciâ ferè, quæ nondum Gallicano Imperio parebat, & duo Hispani; ex Germaniâ, ex Angliâ totoque Septentrionali tractu nullus. Hæc gentes cum Galliâ & Hispaniâ, omisis Florentinis, ipsoque Eugenio, Basileensibus adhærebat. Interim paulatim Basileâ dilabi Patres, postquam reformationis studium ac spes in jurgia abiisse visa: cujus rei culpam multi in Patres, multi in Eugenium, in utrosque plurimi conferebant. Ergò pauci exercere Synodi autoritatem; iique plerumque non Episcopi, sed Doctores Theologicarum ac Juris Facultatum, Presbyteri tantum, imò interdum vix Clerici. Jamque viris maximis, neque Eugenianæ, neque Basileensium partes planè probabantur: *Cardinalis sancti Petri (m)*, *viri sancti & gravissimi*; *Sententia placebat, qui neque hos, neque illos laudare solebat*. Hæc Æneas Sylvius.

Conc. Flor.
f. II. xijij. p.
207.

In hunc locum redacti Basileenses, tamen in Eugenium cum Græcis & Armenis præclarè agentem, atque Orientales Ecclesiæ à tot sacerulis scissas ad ovile revocante, miris anathematibus, Ecumenicæ Synodi titulo, detonabant. At cùm eum etiam deposituri viderentur, sapientissimus quisque ab eâ sententiâ abhorrire; Legati Regum palam intercedere, novi schismatis metu; multi à Synodo discedere: inter eos etiam, qui Basileæ remanerent, graves dissensiones oriri. Prorsùs tanto nomini, neque Conclitorum gravitas, neque ipsa Cœtûs dignitas respondebat. Nihilo feciis toties imminuta Synodus, neque sibi satis consentiens, Eugenium mirâ confidentiâ depositus; elegit Felicem olim Sabaudiæ Ducem, qui abdicato Imperio, quæsitoque secessu, quietam magis ac suavem, quam solitariam vitam (n) agere videbatur.

Deponendi Eugenii causæ, translata & contempta Synodus; negatæque ex, quas Catholicas ferebant, Synodi veritates: *tum simoniacum, ac dilapidatorem bonorum Ecclesiæ arguebant, jactatum potius in speciem, quam*

AEn. Sylv.
epist. xxv.
p. 518. edit.
Baf.

(m) *Cardinalis S. Petri.*] Joannes Cervantes Hispanus Hispalensis Archiepiscopus, ubi videt Papam & Synodum dissidentes, in Hispaniam reversus est. Vid. Ciacon.

(n) *suavem... vitam &c.*] Amedeus viij. Sabaudia Dux, ideo pacificus & sui ævi dictus Salomon, quod, dum' vicini Principes armis inter se decertabant, ipse pacem cum omnibus coluerat, abdicato Ducatu commissaque hujus curâ filii suis, secessit, unâ cum sex Magnatibus in locum *Ripallie*, ubi monasterium extruxit, sibiique & sodalibus palatium, cui nomen fecit, *Eremum*. His Eremitis molliter viventibus amplæ erant & opportunitæ ædes, lautæ epulæ, multum otium. Vid. Spond. an. 1434. Sylv. comm. lib. viij.

Conc. Baf.
sess. xxxiv.
pag. 620.

probatum; imò nec quæsumum. Hic iterùm in studia scindi Christiana Republica; pars hunc, pars illum colere, pars neutrum; & expectare quid copiosior ac certior Synodus declararet. Hanc sententiam Germani maximè

Vid. Conc. Bitur. pro Pragm. ib. p. 1430. sequebantur, cùm Basileensem Galli Synodum colerent, Florentinam respuerent, Constantiensia omnia confirmarent; simul Pontificem Eugenium agnoscebant, depositionem non admittebant, quòd malorum Ecclesiæ recordati, schisma vererentur; neque multis fatis idonea causa visa esset, cur Eugenio tam pauci, iisque inter se divisi, potestatem abrogassent reclamantibus Legatis Principum: in cæteris Basileensiæ decreta, atque iis nixam Pragmaticam-Sanctionem studiosissimè retinebant.

Rain. an. 1440. n. 4. Id quidem Odoricus Rainaldus confitetur, ac probat ex Nicolao Clemangio (o) Theologo Parisiensi, hujus ævi celeberrimo, gesta publica referente; sed nos ipsa gesta, ipsamque Pragmaticam-Sanctionem legere ac referre præflat.

Tom. xij. Conc. pag. apud Bituriges, 7^o. Julii, anno 1438. atque à magnificâ Synodi Basileensis commendatione dicit initium.

vid. Pragm. in edit. Pin. sonii an. 1666. Recipiuntur ergò ex eodem Basileensi Concilio, Concilii Constantiensis Constitutiones, imprimis caput, *Frequens*; tum ejusdem Concilii Constantiensis Sessionis V. Basileæ toties repetita decreta, adscribiturque sic: *Acceptavit & acceptat, prout jacent, jam dictorum Prelatorum ceterorumque virorum Ecclesiasticorum, ipsam Ecclesiam (Gallicanam) representantium, congregatio sèpè dicta.* Tum Basileensiæ decreta memorantur, & acceptantur, præsertim illud de sacris electionibus. Adhibitæ quidem decretis Basileenisbus aliquot modificationes; sed quām illud fieret, illæsâ Concilii autoritate, hæc verba demonstrant: *Demùm conclusit prælibata Congregatio, ut decreta ipsa, de quibus visum est, quòd debeant simpliciter acceptari, ex nunc simpliciter acceptentur & executionem sortiantur, atque ex nunc effectui realiter mancipentur; & similiter ea decreta circa qua facta fuerunt prænotatae modificationes, ex nunc cum ipsis modificationibus acceptentur, prout etiam acceptantur, SUB SPE SCILICET QUOD IPSÆ MODIFICATIONES PER SACRUM CONCILIUM ADMITTENTUR: pro quo Regii Oratores instabunt, vice Regiæ, Ecclesiæ Regni & Delphinatus.*

Hist. Uni. versit. an. 1439. tom. 10. paratus est audire Ecclesiam ritè ac legitimè congregatam. Verùm quòd apud multos graves & probos non modica est dubitatio, an suspensio, privatio, & subsequuta electio facta Basileæ sit legitima, dubium etiam est, an illa congregatio ILLIS DIEBUS, quibus predicta agitata & facta sunt, sufficienter repræ-

(o) Clemangio.] Is doctrinâ & elegantia plerisque sui ævi scriptoribus major, magnam sibi famam comparavit, scriptis egregiis literis ad Regem Carolum vj. & ad Pontifices ac Cardinales utriusque obedientias, de extinguendo schismate; quam famam ipse postea violavit. Nam cùm esset Benedicto xij. à secretis, creditus est autor ejus Bullæ, quâ ille Pontifex Regem Galliæ anathemate innodabat.

Sentaret universalem Ecclesiam, ad tantos & tam arduos actus; Rex perstat & manet in obedientiâ Domini Eugenii, in quâ nunc stat: ubi verò Rex plenè & sufficienter de predictis informatus fuerit, sive per Oecumenicum, aut aliud generale Concilium, aut in congregazione Ecclesia sua Gallicana extensis congreganda, seu in conventione Principum, Rex compertâ veritate stabit cum eâ, & ei adhæribit.

Ergò Rex Gallicanaque Ecclesia de potestate Concilii generalis, in deponendo Papâ, minimè; de hoc tantum Concilio, neque in omnibus, ambigebant; quod licet pro generali haberetur in aliis, quibus consentiret Ecclesia; in deponendo Papâ, repugnantibus Regum Legatis, ac plerisque per Orbem terrarum Ecclesiis, non satis repræsentare videretur eam, quæ maximâ ex parte hujusmodi consiliis repugnaret, Ecclesiam. Ea causa dubitandi fuit; quæ dubitatio Germanos adduxit, ut neutri faverent: nos-tros, quod erat æquius, ut in possidentis obedientiâ persisterent, neque ex dubiâ condemnatione, certâ eum dejectione mulctarent.

C A P U T . X I I I .

Nobilissimas Universitates, propter Constantiensium canonum autoritatem, Basileensi Synodo adhæsisse.

INTERIM nobilissimæ Academiæ toto Orbe terrarum inclinabant in Synodus.

Anno 1438. cùm Bituricensis Conventus haberetur, Universitas Parisiensis Legatos misit, qui Conciliorum generalium, ac præsertim Constantiensis ac Basileensis autoritatem tuerentur.

Anno 1439. jam deposito Eugenio & electo Felice, in codice Victorino optimo, haec Universitates memorantur, quæ Basileensibus adhæserint: Parisiensis, Viennensis, Erfordiensis, Coloniensis, & Cracoviensis.

Edita ergo est Doctoris Parisiensis, pro Synodo Basileensi, contra ejus translationem, ampla defensio, quâ sententiâ sacræ Facultatis totiusque Academiæ argumentis firmaretur. In hac defensione hac legimus: *Nullus est alius inobliquabilis, nisi Ecclesia, aut Concilium generale, habens specialem Christi assistentiam, ex promissione ejus; ergo nulli alii necesse est infallibiliter credere, nisi Ecclesia aut Concilio generali. Concilium generale est regula inobliquabilis, ratione assistentia Salvatoris, supremum tribunal in terris, ad quod in dubiis salutem humanam concorrentibus, haberi debet recursus; nec ad Christum à generali Concilio legitimè congregato appellari potest, cùm Spiritus sanctus eorum, quæ Conciliariter aguntur, principalis autor & definitor existat.*

Tum Universitas Colonensis à Theodorico Coloniensi Archiepiscopo re-quisita, edidit respcionem; illa verò responsio ab hac propositione incipit: *Ecclesia Synodaliter congregata habet supremam Jurisdictionem in terris, cui omne membrum Ecclesie, cujuscumque dignitatis fuerit, etiam Papalis,*

Hist. Uni-versi-loc.cit.
pag. 444.

Ib. p. 449.

Ib. p. 450.

Ib. p. 460.

Ib. p. 462. obediens tenetur, quam nemo sine ipsius Ecclesiae Synodalis Conventu dissolvere vel transferre potest. Ex his cetera estimari possunt.

Universitas Erfordiensis, Theodorico Archiepiscopo Moguntinensi (p) simile responsum dedit, quo Basileense Concilium asserit; Neutralitatem improbat; quod Concilium sit supradicatum Papam, ex Constantiensi decreto, &c.

Ibid. pag. 473. Universitas Viennensis Concilio Basileensi ac Felici favet, & neutralitatem impugnat: quod si duo, aut plures contenderint de Papatu, est iustum & licitum, si de jure eorum dubitatur, eis usque ad futurum Concilium obedientiam subtrahere. At in his, quae fidei sunt, aut quae schismatis extirpationem, aut morum reformationem in capite & in membris Ecclesiae respiciunt, nunquam licet Christiano à sacro Concilio legitimè congregato appellare.

* IV. Ibid. pag. 480. & seq. Cracoviensis Universitas; editis literis ad Uladislauum *(q) Poloniae & Hungariae Regem, decreta Basileensia adversus Eugenium, & pro Felice firmat his maximè conclusionibus: 1º. Quod unam Ecclesiam agnoscere oporteat. 2º. Quod sicut unum est caput principale Christus, ita unum est caput universale Papa. 3º. Quod quodlibet Concilium generale in Spiritu sancto legitimè congregatum representat universalem Ecclesiam, & habet potestatem immediate à Christo, idque Constantiensi Concilio fixum, ac probatione non egere. 4º. Potestas Ecclesiae universalis, ac etiam cuiuslibet Concilii generalis legitimè congregati ipsam representantis, superior est potestate Papa & qualibet alia potestate in terris. Reliquæ ex his facile intelliguntur.

Ex his liquet, quod etsi de aliquâ parte Basileensium gestorum fuerit dubitatum, non proinde Concilii universalis, aut Constantiensium decretorum autoritatem in dubium fuisse revocatam; sed certam & inconcussum suoque immotam pondere constitisse. Id etiam sequentia gesta declarabunt.

(p) Archiepiscopo Moguntinensi.] Is Theodorus SKHENCK discessit aliquâ ex parte ab Universitatis Erfordiensis sententiâ, & cum ceteris Germania Principibus, viam hanc est fecutus, quam vocabant neutralitatis, Patricius in historiâ Basileensi cap. lxxxvij. & cxvij. pag. 1567. 1590. narrat, Moguntiam bis conveniente nonnullos Germania Principes & Episcopos, ibique statuisse à se approbanda esse decreta Basileensia, exceptis iis, quibus Eugenius exauctiorabatur; & neutralitatem inter Eugenium & Felicem tenendam.

(q) Uladislauum.] Uladislauus clade Varsensi notissimus, cum Turcis foedus Reipublicæ Christianæ utilissimum pepigerat. At illi qui tum erant non admundum datae fidei tenaces Casuistæ, ei persuaserunt non licuisse Christiano Principi pacisci cum Infidelibus; simulque Pontifex eum jurisjurandi Turcis præstigi religione..... liberavit. Uladislauus igitur iterum tentato bello, prælium commisit, in quo vicitur est, & ipse gladio caesus. Turcæ, hac partâ victoriâ, id quod etiam tum ægrè tenebant Graeci. Imperatores facile invaserunt. Vid. Bonf. Hilt. Hung. & Spond. an. 1444.



C A P U T X I V.

Mors EUGENII IV. NICOLAUS V. succedit: pax composita, immotis decretis Constantiensibus: Concilii Basileensis antesignani, abdicato tantum FELICE, nulla doctrinæ retractatione, pro Orthodoxis habiti.

DUM hæc agebantur, Græcis ad unitatem redactis, eruditis Armenis, Jacobitarum, atque Æthiopum acceptâ Legatione, Eugenius Florentiâ Romam Concilium, *ipso Concilio approbante*, transtulit, ne decesset quod Basileensibus opponeret. Unâ vel alterâ Sessione vix quidquam; de reformatione certè nihil actum (r): interim Basileenses, extenuatis ac penè nullis viribus, cum Felice suo Lausanam defluxere, vicinam civitatem: utrinque paucis cum Episcopis Synodus universalis agebatur, aut potius tanti nominis majestas ludibrio habebatur. Eugenius obiit, unione factâ, nobilis: utinam stabili, felix! Cæterum id egisse quod in ipso esset, maximæ laudi fuit. Optabant viri boni, ut pari studio reformationi animum adjecisset. Aliis occupatus partem officii vel maximam prætermisit. Successit anno 1447. Nicolaus V. anteà Thomas*, sanctæ Sabinæ Cardinalis, vir optimus atque doctissimus; quodque inter omnes constabat, pacis amantissimus. Itaque anno sequente 1448. postquam à tempore electi Felicis annos ferè novem inter Papam & Synodum, dubiæ Ecclesiæ fluctuabant, facta pax, Caroli VII. Francorum Regis præcipuâ operâ, his conditionibus, ut Felix Papatur renuntiaret, ut Concilium Basileense sive Lausanense ordinaret, maxime propter pacem Ecclesiæ, Nicolaum pro Pontifice habendum, statuendo & ordinando quod faciat & adimpleat, quæ summus Pontifex facere tenetur, mandaretque omnibus eidem Nicolao obediendum esse: ut Synodus deinde se ipsa dissolveret: ut à Nicolao Synodus generalis, neque revocanda, neque propaganda, neque impedienda, in Galliâ statim indiceretur; tanta apud omnes, etiam post Basileense dissidium, Conciliorum non modò necessitas, sed etiam majestas & autoritas ferebatur: ut utrinque factæ gratiæ ratæ: utrinque irrogatae pœnæ irritæ haberentur.

Hæc igitur inter Oratores Nicolai Papæ, & Caroli VII. Francorum Regis pacta atque conventa sunt, obsecundantibus Angliæ & Siciliæ Regibus, ac Ludovico Delphino. Thomas Corcellæus, insignis pietate ac doctrinâ Theologus, & Concilii Basileensis Lausanensisque pars maxima, inter Ora-

Tom. xij.
Conc. part.
ij. Concil.
Flor. pag.
1218. 1222.
& seq. vid.
ib. Patr. cap.
cxxix. pag.
1599. 1600.

* Sarzanus,

Ibid. Ady-
sum. &c. p.
1329.

Ibid. vid.
quoq. pag.
1327.

Ibid. pag.
1333.

Electores Princes Carolo se conformant, suaque avisamenta proponunt, de irritandis utrinque pœnis. Hanc causam afferebant, quod Catholica universalis Ecclesia diffusa per Orbem, & communitas fidelium, ut plurimum hujus-

Ibid. pag.
1330.

(r) *vix quidquam...: actum.*] Nihil omnino; nisi quod duas Bullas approbavit, quibus Eugenius Ecclesiæ gratulabatur de quibusdam Orientalibus Episcopis schismati ereptis.

modi processus, sententias, censuras, privationes & pœnas hinc indè emanatas uon recepit. Hæc docent, quo loco decreta pœnalia non modò Basileensia, sed etiam Eugeniana esse viderentur. Cavebant etiam ut Synodi Constantiensis pag. tiensis autoritas sacro-sancta haberetur. *Instabit Dominus Rex Francorum,* quod S. D. Nicolaus Papa V. Concilium Constantiense, decretum, FREQUENS, & alia ejus decreta, sicut cætera Concilia Catholicam militantem Ecclesiam representantia, ipsorum potestatem, honorem, & eminentiam, sicut & ceteri antecessores sui, suscipiet, amplectetur & venerabitur. Sic sancta habebatur omnium Constantiensium decretorum autoritas: eorum vero maximè quæ ad eorum eminentiam pertinerent.

Rain. an. 1449. n. 3. 4. Ut hæc executioni darentur, primus Felix ex pacto edidit Bullam, quæ incipit, *Quas ob causas, à Rainaldo relatam, cuius hæc est summa.* I^o. Se ab universali Synodo Basileensi ad Apostolicum regimen evocatum obedisse, ut concussam tueretur generalium Conciliorum autoritatem, memorem videlicet Constantiensis Concilii nullâ unquam oblivione delenda definitionis; quod videlicet sancta Synodus in Spiritu sancto legitimè congregata, &c. prout ex Constantiensis Concilii Sessione V. sapè recitata sunt: quam etiam veritatem Basileensis Synodus confirmasset, tota Catholica suscepisset, ac practicasset Ecclesia. Exinde permotum gravi schismatis malo, post acerrimos continuosque labores, quos solius veritatis manifestanda, autoritatisque sacrorum generalium Conciliorum conservanda gratiâ amplecti voluerit; eò animum contulisse, ut pacem Ecclesiæ, quâcumque fieri posset ratione, procuraret: eâ causâ in sanctâ Synodo Lausanensi universalem Ecclesiam repræsentante, ultrò cessisse Papatui; sperantes, inquit, quod in futurum Reges & Princes, Prelati, & alii, autoritati sacrorum Conciliorum assisterent, eamque tuebuntur & defendent; quodque universalis Ecclesia, PRO CUJUS DIGNITATE, SUPEREMINENTIA, ET AUTORITATE totis viribus pugnavimus, nos apud clementiam primi & aterni Pastoris, nostra hujus pacifica humilitatis contemplatu, suis devotis jugibusque orationibus commendabit. Lausanæ 7. Apr. 1449.

Ib. n. 5. His conditionibus Felix, hâc fide editâ, in Laulanensi Concilio Papatum deposituit. Paucis post diebus, Synodus his consentaneum decretum promulgat, ab eodem Rainaldo relatum, cuius initium: *Multis ab annis. Sic autem desinit: Desiderantes, inquiunt, de unico Pastore uni sanctæ Catholicæ & Apostolice Ecclesiæ providere, compluribus suadentibus & urgentibus causis, presertim dilectione dandæ unionis & pacis in personam dilectissimi filii Ecclesiæ Thomæ, in suâ obedientiâ Nicolai V. nominati, nostra vota contulimus, sperantes ipsum ea facturum, quæ summus Pontifex facere tenetur: fidâ quoque relatione intelligentes, eandem credere & tenere veritatem pro conservanda sacrorum autoritate Conciliorum in sacro-santâ Synodo Constantiensi definitam & declaratam, ac in sacro Basileensi Concilio renovatam, nec non à Prelatis, Regibus, & Principibus, Universitatibusque Orbis susceptam, prædicatam & dogmatizatam, videlicet quod generalis Synodus in Spiritu sancto legitimè congregata, &c. prout in duobus Constantiensibus decretis sessione V. habentur. His positis Nicolaum pro Pontifice habendum decernunt, ipsique obediri mandant.* 19. Apr. 1449. Antecesserant * decreta de irritatis pœnis, & confirmatis gratiis, prout pactum erat.

Denique

Denique eadem Synodus Lausanensis alia duo decreta ab eodem Rainaldo descripta edidit 25. Aprilis. Altero, Felicem creat ac nominat *Sabinensem Episcopum, ac per varias amplasque Provincias sedis Apostolicae Legatum, Vicariumque perpetuum; primumque post Romanum Pontificem locum eidem attribuit, fervatis aliquot Pontificiæ dignitatis insignibus.* Altero, post pacem constitutam, Synodus seipsa dissolvit, ac dissolutam esse dcernit.

Hæc agentes pro decretis Constantiensibus, hanc fidem professos Nicolaus V. tribus datis diplomatis, quæ incipiunt: *Ut pacis: & Tantò nos: & A pacis autore:* non modò ut ab omni censurâ immunes, verùm etiam in suis suscepit honoribus: Felicem verò, sive Amedæum, eandem fidem toto terrarum Orbe testatum; pro Sabinensi Episcopo ac primo Cardinali Legatoque perpetuo habet & agnoscit, 21. Junii eodem anno 1449.

Viderat autem Nicolaus memorata Felicis & Synodi Lausanensis de cessione & pace diplomata, quorum respectu Bullam: *Ut pacis, & Bullam: Tantò nos,* à se editas esse testatur; nihil ut sit clariùs, quàm Felicem & Lausanenses sessionis V. Constantiensis decreta laudantes, ac supereminenter Concilii potestatem his afferentes, à Nicolao V. fuisse susceptos.

Quid hic mentis fuisse Nicolao putant? Nullamne, an suspe&tam, imò Apostolicæ sedi exosam habuisse sessionis V. Constantiensis autoritatem, qui Felicem ac Lausanenses eam ad cœlum usque, postremis etiam decretis extollentes, amplexus sit? An forte existimabat, ab iis Constantientes canones ita laudari, ut, quod jam adversarii volunt, ad solum schismatis tempus revocarent? Atqui Basileenses iis canonibus adversus Eugenium indubitatum Pontificem usos prædicabant. Quid ergò? Nicolaum indulgentiâ usum adversus eos, qui erroneam aut schismaticam doctrinam non modò profiterentur, sed etiam universæ Ecclesiæ commendarent? Apage insana prorsùs deliria. Nihil ergò supereft, nisi ut eos pro Orthodoxis habuerit; idque tribus diplomatis uno die editis confirmarit.

Sic autem inter Papæ Regisque Oratores pactum erat, ut hæc tria diplomata de cassatione processuum, de confirmatione gestorum, & de restitutione privatorum, secundum minutas ab ipsis Oratoribus concordatas, à Nicolao ederentur, & Felici traderentur: quæ Oratorum testificatione in Conciliorum voluminibus edita constant.

Refert quidem Rainaldus ex Jannutio Manetto, * *Amedæum perfidiae sua errorem recognovisse*, quem *confitentem ac pœnitentem* Nicolaus sponte Cardinalem creaverit; at nos Historicis, partium studio quæ libuere scribentibus, adversus gestorum fidem ac Nicolai diplomata, non credimus. Cæterùm in gestis ac Bullis nihil retractationis aut pœnitentiæ reperimus; imò ultima Felicis gesta ac Synodi Lausanensis, omnia præclarè ab iis atque à Basileensibus gesta; nec nisi pacis studio antiquanda confirmant. Utrinque solutæ pœnæ; utrinque confirmatæ gratiæ: de pœnis id notatu dignum, quæcumque à quocumque, etiam ab Eugenio in Felicem ac Basileensem sive Lausanensem Synodum emanassent, eas à Nicolao nullas & irritas declaratas; atque etiam de registris Eugenii, Nicolaique ipsius & locis aliis abilitas atque deletas.

Tomus I.

Ib. n. 6.

Tom. xij.
Conc. pag.
663. tom.
xij. pag.
1347. vid.
Rain. an.
1449.

Tom. xij.
Conc. pag.
1333.

Rain. loc.
cit. n. 6.
* Florentino in vita Nicol. v...

Bull. Tanto
nos. tom.
xij. pag.
1349.

Rrr

Rain. loc. cit. n. 8.

Omnis ergò utrinque pro Orthodoxis habiti, quique pro translatione, quique adversùs translationem egissent. Retractationes fingunt, quas nec ipsi probant, & acta respuunt. Joannes Segobiensis Hispanus, Thomas Corcellæus Gallus, alii innumerabiles, sanctitate ac doctrinâ conspicui, Basileensi Synodo ad finem usque coniuncti, in pace Ecclesiæ obierunt; famâ integrâ ac virtutum omnium, imprimis verò modestiæ & contemptarum dignitatum (*f*) laude floruerunt. Ludovicus verò Alamandus Cardinalis, Arelatensis Archiepiscopus, quo duce ac Præside depositus Eugenius, Felix electus, continuata Synodus & ad extremum usque perducta est; ille, inquam, abdicato tantum schismate, circa doctrinam verò retractatione nullâ, immo gestis in Lausanensi sessione ultimâ confirmatis, pristinæ dignitati restitutus, in suâ Ecclesiâ vixit. Obiit clarus miraculis, pro beato colitur, Clemente VII. Pontifice, ut jam memoravimus, edicente. Nulli imputatus error, nulli schismaticus animus, omnes bono animo, bonâ fide adversùs translationem egisse constabat, dum reformationi student, ejusque promovendæ spem in Conciliorum invictâ stabilitate repositam putant.

Vid. Diff. præv. not. xliv. & lib. v. cap. v.

C A P U T X V.

Quæstio de translatione, qualis habita in Basileensi & secutis Synodis: de Constantiensibus decretis nullum superesse dubium:

JOANNIS DE PARADISO Carthusiani locus de rebus Basileensibus.

Bull. Eug. Decet. tom. xij. Conc. pag. 1030.
Vid. sup. hoc.lib.cap. xij.

QUIN ipsa quæstio quâ potestate Concilium transferatur, rectè consideranti pendere adhuc & in medio relicta videbitur. Sanè translatio Basileensis tria habebat insignia propter quæ probaretur: primum, causa transferendi gravis ac necessaria propter Græcos: alterum, non modò Legatorum, verū etiam Præsulum ingens discessio: tertium denique, confectum schisma, deposito Eugenio atque electo Felice, præter optimorum virorum sententiam. Hæc igitur particulares causæ translationem & faciendam suadebant, & factam tuebantur. Et tamen à Felice, à Lausanensisbus nihil, præter abdicatum schisma; circa transferendi Concili potestatem, nihil retractationis exigitur. Quin ipse Eugenius translationi decretum, ut vidimus, Basileense prætendit: cæterùm Ferrariensem Synodum, Florentiam; Florentinam, Lateranum; sed ubique, Concilio approbante, transtulit.

& hist. Patr. cap. cxxix. pag. 1599. Conc. Flor. fess. xv. p. 214. 218. 219.

De translato Ferrariâ Florentiam Concilio memorabile illud, quod legimus in actis: eâ translatione propositâ respondisse Græcos: *Nos vellemus Ferrariâ non excedere, quandoquidem in eâ statutum est, non alibi Synodum celebrari*: dixisse Imperatorem Græcum: *Lex est apud Latinos, Synodum* (*f*) *contemptarum dignitatum &c.*] Corcellæus à Felice Cardinalis factus, hanc ultro dignitatem abdicavit.

Oecumenicam , non ita simpliciter ac fortuitò dimitti , infectâ re , ac sine definitione Synodicâ , praterquam tribus hisce de causis : si pestis grassetur , si fame laboretur , si fiat hostium incurso . Quapropter nos etiam justa de causâ Synodum transferemus . Est autem causa pestis . Quo auditio omnes dixerunt : Justum est translationem Synodi notam fieri . Placuit ergò convenire generalem Synodum ; atque ita iudicata est translatio . Decretum translationis habetur in Conciliorum voluminibus , sacro approbante Concilio . Quo quidem decreto duo asseruntur à Græcis : primum , nonnisi necessariis causis Concilium dimitti , antequâm definita sint , propter quæ est congregatum : alterum , ne id quidem fieri , nisi assentientibus Patribus .

Neque aliter gestum in Tridentinâ Synodo . Allatum Pauli III . decre-
tum , de Concilio Bononiam transferendo , propter grassantes morbos : Ses-
sione VIII . quæsitum à Patribus , num placeret eâ causâ decernere ac de-
clarare Concilium esse transcrendum , & ex nunc transferri , donec sanctissimo
Domino nostro , & sacro Concilio expedire videbitur , ut ad hunc seu alium
locum , ipsum Concilium reduci possit ac debeat : responderunt : Placet . En ad
translationem cum Pontificiâ conjuncta sacro-sancti Concilii autoritas , ne-
que aliter : atque ad ipsam Synodum Tridentinam , Deo ita providente ,
hæc sententia transmittitur .

Huic translationi , cùm Carolus V . Augustus , ejusque Regnorum Epis-
copi intercederent , Galli quidem consensere ; extatque mandatum Henrici
II . ut suo & Ecclesiæ Gallicanæ nomine , translatio approbetur ; sed cum
eâ clausulâ : *Quod dictum Concilium , Patrum ibidem agentium consensu atque
autoritate , Bononiam translatum sit.*

Mortuo Paulo III . ex Julii III . successoris Bullâ , Concilium Tridenti
resumptum , ita decernente atque assentiente Concilio , Sessione XI . anno
1551 . calendis Maii .

Suspensa Synodus per biennium Sessione XVI . 28 . Aprilis 1552 . at ipsâ
Synodo decernente . Resumpta Synodus sub Pio IV . Sessione XVII . sed
iterum , ipsius Synodi accidente decreto . Denique dissoluta eodem ordine
Sessione XXV . Quæsitum à Patribus : *Placeatne , ut huic sacra Oecumenica
Synodo finis imponatur ? Responderunt : Placet .*

Cæterum hæc nihil ad nos , qui tantum Constantiensia Sessionis V . de-
creta tutanda suscepimus . Ea verò & per se summâ autoritate constare ; &
à Martino V . iteratis vicibus approbata esse , & à Synodo Basileensi , dum
legitimè canonicèque ageret , repetita ; & ab Eugenio IV . saepius , etiam
in Synodo Florentinâ comprobata ; & à Nicolao V . pro sanctis atque in-
temeratis habita fuisse demonstravimus , dum Felicem ac Lausanenses ea
decreta laudantes atque repetentes , & quidem quovis tempore , & adver-
sùs quemvis Pontificem valitura , audiit , suscepit , amplexus est , edito
etiam diplomate .

Quin etiam idem Nicolaus Carolus VII . pace Ecclesiasticâ confectâ no-
bilem , miris in cœlum laudibus efferebat ; cùm Carolus interim , totaque
Ecclesia Gallicana Pragmaticam-Sanctionem omni ope tuerentur ; in quâ ,
ut vidimus , Basileæ repetiti canones Constantienses Sessionum IV . & V .
recipiebantur , laudabantur , & pro certo ac stabili rerum omnium funda-
mento constituebantur .

Vid. ibid.
P. 1030.

Concil.
Trid. sess.
vij. tom.
xiv. p. 781.

Mem. pour
le Conc. de
Trente pag.
19.

Concil.
Trid loc.
cit. p. 799.

Ib. p. 835.
836.
Ib. p. 840.

Ib. p. 919.
920.

Nicol. v.
epift. v. ad
Carol. vij.
tom. xij.
Conc. pag.
1343. vid.
sup. cap. xij.

Rrr ij

Calixti verò III. qui Nicolao proximus sedit, tempore, Cardinalis Avignonensis * anno 1456. Legatus à latere, ad eundem Carolum & Gallias missus, id etiam scripto confirmavit, nihil se acturum, quod Pragmaticæ Sanctioni adversaretur; cuius autographum in regestis Regiis habetur: adeò Pragmatica in nostrorum animis hærebat, necdum à Romanâ Curiâ vexabatur.

* Alanus de Coetivi. Preuv. d's Libert. tom. j. cap. xxij. pag. 917.

Ex his concludimus motam quidem de translatione quæstionem nondum univerfim decisam videri; certè, quod hīc agitur, Constantiensia Sessionis V. toties repetita, toties approbata, certà & indeclinabili autoritate constare.

Hīc qui scire velit, hæ translationes ac dissolutiones Conciliorum, quo loco à viris bonis doctisque haberentur; legat Jacobi de Paradiso Carthusiani, Doctoris Erfordiensis, *collectum de septem statibus Ecclesie in Apocalypsi*. Ibi leget, quām necessaria reformatio; quām neglecta; quām exosa tunc temporis, præsertim Italæ & Curiæ: tūm subdit mille artes, quibus Concilia dissolvantur: *Quod*, inquit, clarè probat tragedia nostris temporibus in Basileensi Concilio practicata; & ex hoc ortum est vulnus, nescio quando curabile contra autoritatem Conciliorum generalium, ut abscedentibus Papâ, aut suis Præsidentibus à loco Concilii, vel differentiâ exortâ inter partes ejusdem, censetur Concilium dissolutum, residueatque in personâ Papæ de plenitudine potestatis autoritas dissolvendi, aut transferendi Concilia generalia, prout Eugenius olim Papa anno 1437. fecisse comprobatur. Hoc venenum per eum effusum est in Ecclesiam, per adversarios Conciliorum: ad quod refugium habebunt, ut subterfugere valeant correctionem & reformationem; ita ut etiam modernis temporibus frontosè dogmatizare audeant: in quolibet Papâ residens plenitudinem potestatis, non solum super quolibet membro singulari Ecclesie, sed & super totam Ecclesiam Conciliariter congregatam, ad libitum ipsius disponendi, decretandi, dissolvendi, transferendi, corrigendi, autorizandi; ut nullus ei audeat dicere, cur ita facis? Et sic totaliter nituntur suffocare autoritatem Conciliorum, contra decretationem AB OMNIBUS ACCEPTAM in Constantiensi & Basileensi generalibus Conciliis publicè promulgatam, & contra Pragmaticam-Sanctionem super hoc editam, atque factam. Decreta memorat in Sessione V. Constantiensi edita, ac Basileæ repetita, & ab omnibus accepta. Hæc igitur ad avaritiam ac pessimam adulacionem refert, concluditque ita: *Quod Ecclesia universalis Conciliariter congregatâ Papam inferiorem esse non dubitemus; & quod autoritas Ecclesia integrè servanda est super omnem, quācumque prefulgeat dignitate, etiam Papali, in his quæ ad fidem, & ad schismatis extirpationem, & ad generalem Ecclesie reformationem in capite & in membris. Secundo: Concilium punire potest & debet quemlibet, etiam Papam, qui contumaciter statutis ejus obedire contempserit. Ex præmissis infertur. Si universalis Ecclesia, tam in capite, quām in membris debet reformari, oportet hoc fieri per totam Ecclesiam Conciliariter congregatam, à capite incipiendo; neque enim spiritus mendax fuisse credendus est in ore omnium illorum virorum celeberrimorum in Constantiensi Synodo congregatorum, qui hoc sanxerunt per decretum, FREQUENS, licet quidam ex Italica Natione, de Collateralibus Papæ, molestè illud tulerunt; postea tamen omnes consenserunt de superioritate Concilii generalis super Papam, licet inimicus homo iterum superseminavit zizania.*

Ibid. pag. 1573.

Hæc viri boni ac fortis , adhuc subiectam oculis memorabant , de Conciliari autoritate in Constantiensi Concilio consensionem omnium ; affirmabant superseminata paulò post zizania , atque iis reformationem impeditam deplorabant ; ad eam incipiendam atque promovendam , ad Constantiensia decreta , tanquam ad arcem , confugiebant. Hæc nos cum iis dolentes ingemiscentesque referimus ; Deumque precamur , ne fœdos iterūm atque Ecclesiam vastaturos Reformatores immittat , & Ecclesiæ vulna ab alto respiciat.

C A P U T X V I .

P E T R I Meldensis Episcopi ad EUGENIUM IV. CAROLI VII.
nomine , gesta Legatio : an ODORICO RAINALDO
cam objicienti proſit ?

D U M in rerum Basileensium seriem ac summam intendimus , tantisper distulimus eam , quam Odoricus Rainaldus refert , Petri * Meldensis Episcopi anno 1441. gestam , ad Eugenium IV. cùm Florentiæ ageret , Caroli VII. nomine Legationem.

Hujus Legationis cauſa erat , ut Eugenius , Synodo Basileensi condemnatâ , Florentinâ verò absque ullâ Ecclesiæ reformatione factâ ; novam Synodus generalem , idque in Galliis indiceret , haud ita facile dissolvendam ; atque hactenûs factum pii omnes ingemiscebant. Quòd ergo vir prudenter etimis verba suâ sensusque ad deliniendum Eugenii animum accommodat , ut eum omni arte perpellat ad Synodum , totum id Odoricus Rainaldus eò refert , ut Basileense Regi horro fuisse , Pontificia verò Monarchia super omnem Conciliorum autoritatem provecta , & exaltata fuisse videatur.

At ille sua dicta sic temperat , ut cum cæteris Theologis Gallicanis , Conciliarisque potestatis defensoribus , summâ ipsâ convenienter. Monarchiam commendat Ecclesiasticam , pacis unitatisque conciliatricem. Nihil mirum : quippe quam Catholici omnes , præfertim Parisienses , laudent. Basileenses sugillat , qui eam nunc abolere & supprimere contendunt. At illud verbulum , nunc , à prudentissimo Oratore interjectum , ad posteriora Basileensia adjicit animos : priora , quæ Conciliarem potestatem recto ordine afferebant , sana esse significat. Quare oratione totâ quidquid improbat in Basileensibus gestis , ad Eugenii depositi , (t) ac Felicis substituti tempora manifestè refert , quæ Gallia non probabat ; multique viri præstantes , Conciliaris etiam potestatis rectæ & ordinatæ strenui defensores , omnia Basileæ tūm , ab inconditâ multitudine , per seditionem ac tumultum fieri querebantur. Hæc ergo nunc gesta , quæ pacem unitatemque convellant , Orator memorat , interim , cùm supremam in Romano Pontifice potestatem agnoscat , uti om-

* De Ver-
cellis , Di-
nienſis , poſ-
teā.

Rain. an.
1441. n. 8.
9. & seq.

Ibid. n. 9.

(t) Eugenii depositi .] Qui Meldensis Episcopus eas primas sessiones improbasset , quarum ipse pars fuerat , ut pote in Concilio Basileensi Hierosolymitani Regis Orator. Vid. Gall. Christ. in Episc. Dinens. & Meld.

Ibid.

nes Catholicos , ac præsertim Parisienses facere vidimus , hoc addit : *Patres constituisse decreta & regulas pro ipsius ius gubernando & regulando ; quicumque , inquit , præter has regulas hanc potestate utitur , superbit , & potestatem exercet , sicut Principes gentium , quod prohibuit Christus.*

Quo loco subdit duas extremitates jam in Ecclesiâ esse : alteram quidem exacutam in Concilio olim Basileensi , quâ voce , olim , iterum ostendit , & viguisse olim Concilium illud , & nunc Concilii loco non esse : alteram in Florentino : atque in Concilio quidem Basileensi unam extremitatem nimis exacui extinctâ potestate : alteram à Florentinô Concilio nimis exacui visam , potestate quidem agnitâ , sed nullâ re factâ , pro regulando usu hujus potestatis ; quod quid est aliud , quâm Theologorum Parisiensium more , supremam ac plenam in summo Pontifice revereri potestatem ; sed eam per canones & Concilia regulandam , ut etiam in Gallicanâ Declaratione est positum , agnoscere .

Ib. n. 10. 12. Addit noster Orator : *Quod ad has extremitates evelendas non sufficit autoritas Papæ , sine generali Concilio ; et si , inquit , Eugeni , in favoribus Principum confidas absque generali Concilio , procul dubio arundineum baculum tenes : quibus aliiisque patet , in eâ Legatione , rejectis sine contumeliâ Basileensibus , sed tantum posterioribus gestis , pro verâ Conciliorum autoritate , summâ quidem modestiâ , ne Eugenium exasperaret ; sed tamen strenuè esse certatum. Quâm autem Rex Christianissimus Basileensium Patrum ad finem usque honori consuluerit , acta eo autore , sub Nicolao V. jam relata testantur. Quare hîc finem eâ de Legatione dicendi facimus.*

C A P U T X V I I .

Bulla retractationis PII II. ad Colonensem Academiam Constantiensia decreta confirmat , Basileensa tantum posteriora damnat.

ANEAM Sylvium , ex gente inclytâ Picolomineâ , Poëtam eximum (u) , postea Pium II. Pontificem maximum , Concilio Basileensi , etiam post translationem adhæsse , eique scripto , factoque favisse , pauci sunt qui ne- sciant ; & ipse profitetur . Jam retractationem ejus producemos , ut omnes intelligent , in ipsâ retractatione , quæ ille revocârit , quæ intacta reliquerit , quæ ultrò firmaverit .

Bull. retract. Pii ii. Anno igitur 1463. ad Universitatem Colonensem Bullam edidit : *In miroribus , ex quâ perspicuum est , Basileensium gesta ab ipso improbari (x) ;* tom. xiii.

Conc. pag. 1407. & seq. *(u) Poetam eximum.] Ipse Sylvius in fronte suarum epistolarum hunc titulum sibi vindicat. Et quidem stylus & verba illius Bullæ retractationis , de quâ mox D. BOSSUET est dicturus , redolent Poetam haud paruni delirantem. Ad fabulas passim alludit & ad exempla profanæ historiæ.*

(x) Basileensium gesta ab ipso improbari.] Iterum atque iterum legenti mihi hanc Bullam persuaderi non potuit , ea tantummodo ex gestis Basileensibus à Pio ii. improbari , quæ con- tingerunt , postquam Eugenius Concilium transfulit . 1º. enim Pius res primi dissidii eo modo narrat , ut significet gestas eas ab Eugenii iv. hostibus , qui caterratim in horas accedebant ,

sed quæ? Ea scilicet quæ post translationem consecuta essent: posteàquām scilicet *Eugenius Concilium in Italiam transfluit*, & cum *Gracis Ferrarie conuenit*, & *Legati Concilii ad Eugenium defecere*. Hæc ille semper inculcat; hæc, non alia retractat ac revocat.

Sed fortè anterioribus gestis non interfuerat, nec necesse habuit ea quoque reprobare. Atqui primo Concilii anno, Christi 1431. ad Concilium venisse se narrat. Quid autem ageretur, referentem audiamus: *Aderant Legati Parisiensis Schola, cuius est fama per celebris; adfuerunt aliquando vestri & aliorum studiorum Germanicae Nationis Oratores; & uno ore Concilii generalis autoritatem ad cœlum efferebant. An ergo ea tūm improbata dicit? Imò, accessit, inquit, & ipsius Eugenii consensus, cum dissolutionem Concilii à se factam revocavit, & progressum ejus approbavit: quorum alterum ad anteriorum approbationem, alterum ad sequentium cursum pertineret. Quis autem ille sit Eugenii consensus, à Pio II. memoratus, ipsa verba demonstrant; nempè consensus cum iis, qui uno ore Concilii autoritatem ad cœlum efferrent. Cum his Eugenius, Pio teste consensit, Concilii Basileensis dissolutione revocatæ, progressu approbato, ut verba testantur. Audis ab Eugenio approbata priora gesta Basileensia, quæ nunc approbata & confirmata nolunt, simulque approbata & firmata Constantiensia decreta, quæ tūm Basileæ toties repetita & inculcata sunt. Cæterum approbato progressu, rem ipsam quæ fieret improbatam mera ludificatio est, ut vidimus, nec ad istas distinctiunculas Pii animus deflectebat.*

Quin ipse apertissimis verbis hæc Constantiensia decreta confirmat: posteàquām enim summis laudibus supremam Apostolicæ Cathedræ potestatem commendavit, hæc addit: *Cum his, & generalis Concilii autoritatem, & potestatem complectimur, quemadmodum & a vo nostro, Constantia, dum ibi fuit Synodus universalis, declaratum definitumque est; veneramur enim Constantiense Concilium, & cuncta quæ præcesserunt à Romanis Pontificibus nostris Pradecessoribus approbata. Ergo Constantiense inter approbata numerandum; neque audiendi illi*, qui partim approbatum, partim improbatum memoriabant, cùm Pius simpliciter approbatum pronuntiaverit, & reliquis simpliciter ex æquo approbatis accensitum velit. Neque verò quidquam est in Constantiensi Concilio, quod non Pius approbet. Concilii enim, inquit, autoritatem & potestatem complectimur, quemadmodum & a vo nostro Constantia, dum ibi fuit Synodus universalis, declaratum definitumque est. En universim dictum, dum ibi fuit Synodus universalis. At ibi fuisse universalem Synodus jam indè ab initio, & in iis etiam Sessionibus, quæ adunatas obe-*

* ut eminentiam primæ sedis supprimarent. 2º. Pius eos priores Basileenses sic describit: *Eugenii nomen modis omnibus lacerabant, & de potestate Romani Pontificis pauci erant qui loqui præsumerent; erat enim multitudo maledicta & inimica Principi. 3º. Idem dicit in privatis colloquiis cum Cardinale Juliano, qui jampridem ejuraverat errores eos quos Basileæ defenderat, se didicisse salvare non posse qui Romane Ecclesiæ non tenet unitatem; id etsi, ut ipse explicat, qui summo Pontifici ob dire recusat. Atqui, utcumque est de privatis iis cum Juliano colloquiis, Julianus, qui absuit ab ultimis sessionibus Concilii Basileensis, si quid ejuravit, certè ea decreta ejuravit quæ, ipso Prælide, in primis sessionibus statuta fuerant: ergo Pius hic vult innuere totam a se reprobari Synodum, licet proscindat atrocius ultimas sessiones.*

Ibid. pag.
1410.

Ibid. pag.
1415.

* Quales
sunt Binius,
Bellarmi-
nus & qui-
dam ali.

dientias præcesserunt, Martinus utique V. toto approbante Concilio definit. His ergò verbis Pius usus est, ne fraude agere, aut aliquam Concilii Constantiensis partem suspectam habuisse videretur. Quid quòd his Pii verbis Sessionum IV. & V. Constantiensis decreta disertè probata sunt. Repetamus enim Pontificis verba: *Concilii autoritatem & potestatem complectimur, quemadmodum aeo nostro Constantia declaratum definitumque est.* Quo verò loco declaratum definitumque est, nisi Sessionibus IV. & V. aut si non ista sunt quæ Pius amplectitur; edissere quo alio loco aliquid de Concilii generalis autoritate Constantiensis Synodus definitum à se declaratumque voluerit? Nihil invenies; atque adeò quæ tu loca improbata putas, ea sanè sunt, quæ hīc expressissimè & significantissimè approbentur.

At inquires, licet approbaverit, saltem non eo modo intellexit, quem nos secuti sumus; cùm tantam Papæ inesse voluerit in Synodos etiam generales autoritatem, *ut eas & congregare & dissolvere datum sit.* Esto: ergò eò, te fatente, jam deducta res est, ut Pontifex Concilium congregare & dissolvere, non sanè eò usque, ut etiam congregati nec dissoluti Concilii jussa in fide, in schismate, in reformatione detrectare poslit; quod unum ex Constantiensi Concilio, eique conjunctâ Declaratione Gallicanâ tuendum suscepimus: cætera aliis tractanda relinquimus.

Interim quærimus, an etiam Pius putaverit à Papâ dissolvi posse Concilia, nullâ idoneâ causâ, nullâ necessitate, atque, ut Eugenius ejusque adulatores ferebant, *pro sua libitu voluntatis?* Absurdum; cùm ipse Eugenius nimia illa rejicerit. Ac si quæcumque dissolutio, quo jure, quâ injuriâ, à Pontifice facta, Pio valere videretur; quò pertinebat ille ab eodem memoratus Eugenii consensus, cum iis, qui Synodum, ab ipso licet dissolutam, stare ac valere sentiebant.

Ibid.

At enim post illam Concilii Constantiensis tam apertam approbationem; hæc Pius subjecit: *Inter (Concilia) nullum invenimus unquam fuisse ratum, quod stante Romano indubitate Praesule, absque ipsius autoritate convenerit; quia non est corpus Ecclesiae sine capite, & omnis ex capite defuit in membra potestas: sanè, ut congregentur, quod verborum tenor indicat; non autem usque adeò omnis, ut Patres semel congregati nullam à Christo habent potestatem.* Si enim nullam habent nisi à Papâ potestatem, undè illud Constantiense Pio quoque probatum, quòd Synodus generalis *immediatam à Christo potestatem habeat?* Undè illud ab eodem Pio memoratum, quòd Basileensis Synodus in ipsis initiis dissoluta ab Eugenio, tamen valuebit, ipsâ dissolutione revocatâ? Concilianda certè Pii dicta, non collidenda sunt. Habeant ergò Episcopi eam à Pontifice, capite post Christum secundo, potestatem, ut congregentur, congregatique maneant, ordinariè certè (neque enim vel ipse Pius aliud postulaverit) ut autem congregati docent, decernant, statuant, judicent, à Christo immediate habent.

Næ illi falsi sunt, rerumque Ecclesiasticarum imperitissimi, qui quòd Concilium, ordinariè quidem, nonnisi convocante Romano Pontifice, verè & legitimè congregatum habeatur; ideo ad Pontificis nutum pendere omnia jaçtant: quasi nulla sit Synodi ad Pontificem accendentis autoritas. Satis enim apparuit, atque ex sequentibus clariùs elucescat, ita esse Ecclesiam constitutam,

constitutam, ut postquam congregata est, ex Patrum sententiâ omnia discernantur, utque tali cœtui in fidei rebus, aliisque à Synodo Constantiensi memoratis, ipse etiam Papa obedire debeat. Atque ut is maximè dissolvere possit Synodum, non tamen pro libito, non indicatâ causâ, non levi quâcumque objectâ difficultate; sed magnâ gravique, quâ tota Ecclesia meritò commoveri possit; cùm ipse pudor prohibeat undique concurrentes Fratres re infectâ dimittere, aut Ecclesiae Catholicae in Spiritu sancto legitimè congregatae Majestatem aspernari: quod dum Eugenius in Basileensibus initiis fecit, Iæso Concilio jussus satisfecit; firmavitque semel initum Concilium, dissolvente etiam indubitate Pontifice, stare potuisse.

C A P U T X V I I I .

An Lateranensi Synodo, sub LEONE X. Constantiensia decreta abrogentur? quantis autoritatibus hæc firma sint: cur Patres Gallicani priora Basileensia gesta in Declaratione suâ exprimenda non putaverint.

LATERANENSEM Synodum sub Leone X. in eâque editam Constitutionem, *Pastor aeternus*, de Pragmaticâ-Sanctione abolendâ, Bellarminus & alii passim objiciunt, quâ Constantiensia toties approbata decreta rescissa sint. Hic ergo, ut suprà de Florentino, ita nunc de Lateranensi Concilio quærimus: an Constantiensia decreta rescissa sint, ut olim Ariminensia? Ne id quidem dixerint, cùm Leo X. Constantiensem Synodum nullo decreto violârit. Cur ergo reticuit Synodi Constantiensis nomen? An reverentiâ Synodi Ecumenicâ? Ergo pro Ecumenicâ habebat, cuius proinde decreta, quæ ad doctrinam spectant, si labefactaret, semetipsum potius, quâm Constantiensem Synodum ipse convelleret. Itaque hoc illud est quod sàpè querimur: collidi & committi inter se veluti dissidentes præliantesque Synodos, tanquam in Conciliorum doctrinâ esset illud, quod Apostolus verat, *est & non*; quo non modò Constantiensis, sed etiam Conciliorum omnium nutet autoritas.

Conc. La-
ter.an. 1516.
fess.xj.tom.
xiv. p. 309.
& seq.

ij. Cor. j.
18.

Jam si autoritas autoritati comparetur, vix quisquam negaverit Lateranensi Synodo Constantiensem, ut rerum gestarum gloriâ atque Episcoporum magnorumque virorum numero & claritudine, sic etiam autoritate esse potiorem: primum hoc. Alterum subjungimus: Lateranensibus decretis firmari potius Constantiensia, quâm rescindi.

Ac de Lateranensis quidem Synodi autoritate omnibus notum, quâm pauci Episcopi; quâm ex paucis Provinciis convenerint; quâm ex justis de causis Galli se excusârint; quâm difficilis tûm ad Urbem esset aditus, flagrante Italâ atrocibus bellis. Itaque Gallicanæ Ecclesiae tûm Lateranensis Concilii autoritas planè nulla, &, ut Bellarmino etiam ipsi visa est, non admodum stabilis; quippè qui in afferendis Pontificiis gestis confidentissimus,

Sup. lib.
v, cap. xx.

Tomus I.

S ff

Bell. lib. j. de Lateranensi Synodo hæc trepidè scripserit : *Concilium Lateranense non fuisse generale vix dici potest* : & alibi : *De Concilio Lateranensi nonnulli dubitant, an fuerit verè generale ; ideo usque ad hanc diem quæstio superest etiam inter Catholicos.* Hæc igitur Synodo si præstare contendimus numerosissimam ac patentem omnibus Constantiensem Synodum, tantâ rerum gestarum gloriâ nobilem, ac denique à tot Synodis, totque Pontificibus approbatam ; id jure nostro agere videbimus.

Bull. Pastor. atern. in Conc. La- ter. p. 311. Jam quod in Lateranensi Synodo dicitur : *Romanum Pontificem supra omnia Concilia potestatem habere*, primum quidem vidimus non definiendo ; sed narrando esse positum : quod Constañtiensibus deditâ operâ factis definitionibus prævalere non poslit : tum ex tenore verborum eò referendum esse, ut Pontifex *Concilia indicere, transferre ac dissolvere valeat* : quod nec universim & sine causâ valere, nec ad quæstionem nostram, aut ad ea quæ tuemur decreta Constantiensia pertinere sàpè ostendimus.

Ibid. Huc accedit, quod Leo Eugenii, Pii, aliorumque antecessorum insistens vestigiis, Basileensis damnet ; sed ea quæ post translationem gesta sunt : quod etiam refertur illud, quod de superiori Papæ potestate dicit,

Ibid. Quod autem Pragmatica antiquata sit, nihil ad quæstionem nostram. Etenim Constantiensia, iisque conjuncta Basileensis anteriora, de Conciliorum autoritate decreta, etsi inserta Pragmaticæ, non tamen ex Pragmaticâ vim obtinebant suam, ut, prostratâ Pragmaticâ, jacere necesse sit. Denique Pragmatica abolita quidem est, non tamen ut hæreticum quid, aut erroneum, aut suspectum in fide sonans ; sed ut corruptela noxia disciplinæ. Abierint ergo quæ ad disciplinam spectant, quandoquidem Romana Curia ea ferre non poterat ; nos ea non tuemur : stent verò immota, quæ ante Pragmaticam extiterunt sacrorum Conciliorum dogmata, quæ neque à Leone X, aut Lateranensi Concilio tacta sunt, neque tangi sine gravissimo fidei periculo potuere.

Vid. Disf. præv. num. xiv. & in ap- pend. lib. j. cap. j & seq. Quare Ecclesia Gallicana in Tridentinâ Synodo antiquam de Conciliorum potestate professa est sententiam, constitutque omnino, neque Gallos à Constantiensis Concilii decretis tuendis destitisse, neque Pontificem aut Synodum ut ab eis desisterent postulâsse.

Sup. hoc lib. cap. xv. Diximus etiam quo loco relicta sit controversia de Conciliis transferendis ac dissolvendis, cùm Tridento Bononiam indicta translatio, ac posteâ Concili suspensio, iterataque celebratio, ac tandem dissolutio, non nisi Synodo approbante & condecernente facta sit.

Palav. hist. Conc. Trid. lib. xv. cap. xvij. & seq. Conc. Trid. tom. xiv. pag. 840. Mem. pour le Conc. de Trent. pag. 209. 515. Conc. Trid. p. 894. Neqne prætermittendum id quod Palavicinus refert ; Hispanos sàpè multumque questos, quod Sessione XVII. decreto de celebrando Concilio insertum illud esset : *Traetanda ea quæ proponentibus Legatis ac Presidentibus apta & idonea ipsi sanctæ Synodo videbuntur.* Nempè verebantur ne Conciliaris autoritas ac libertas eâ clausulâ violaretur, totaque Synodus in Legatorum posita potestate esset. Nostros ad Hispanorum sententiam accessisse acta testantur. Tandem ipsa Synodus Sessione XXIV. *Explicando declarat mentis sua non fuisse, ut ex predictis verbis solita ratio tractandi negatur.* Conc. gotia in generalibus Conciliis ullâ ex parte immutaretur, neque novi quidquam, præter id quod à sacris canonibus vel generalium Synodorum formâ hactenùs

statutum est, cuicunam adderetur vel detraheretur: ne scilicet aut Patrum imminuta maiestas, aut Legatis addita autoritas putaretur. Sic sapientissima Synodus omnia inter Catholicos controversa integra esse voluit, nedum Constantiensia semper immota subrueret.

Omnino ergo constat valere Constantiensia Sessionum IV. & V. decreta: primùm ex se se, suāque & Spiritū sancti autoritate nixa: tum consequentibus in ipsā Synodo gestis: valere posteā Martino V. toties approbante, toties exequente: tum convocatione Conciliorum trium generalium, Papiensis, Senensis, ac Basileensis, ex Constantiensibus decretis instituta: ad hæc decretis Synodi Basileensis adhuc Eugenio adhærentis: nec minùs ex Eugenii diplomatis in utroque dissidio editis: quin etiam Ferrariensis ac Florentinæ Synodi expressâ autoritate: Nicolai etiam V. decretis, atque ipsā Pii II. retractatione: denique Leonis X. & sub ipso habitæ Synodi Lateranensis Constituto, atque ipsā Synodi Tridentinæ sententiâ; ut tantam nubem testium, tantam autoritatem, tamque firma mumenta, nemo sine gravissimo suo ac rei Ecclesiasticae detrimento labefactare possit.

Ex his igitur patet, quām verè sanctèque Præfules Gallicani, in eā, quam tuemur Declaratione affirmârint, Sessionum IV. & V. Constantiensium de-creta, à sede Apostolicâ approbata, ipsōque Romanorum Pontificum, ac totius Ecclesiae usū confirmata esse. Quo loco, cur Basileensia priora exprimenda non putârint, nemo jam non videt, id causæ fuisse; quod nihil aliud quām Constantiensium firmamenta essent; atque id notari velim propter autorem Anonymum, cui ad Basileensis Synodi autoritatem, valere Gallicanorum Præsulum silentium, sufficientissima responsio est. Ingeniosissimum suffugium, quo nempe declinet tot ac tanta argumenta, quæ ex Basileensis prioribus gestis, Eugenianisque consentientibus decretis, tanquam ex invictissimis munitissimisque castris prodeunt.

Anon. de
libert. &c.
lib. v. cap.
xvj. n. 11.
12.

C A P U T X I X.

An Constantiensibus decretis nixa sententia ad fidem Catholicam pertineat?

QUÆRES, cùm ea doctrina, quam tuemur, à Constantiensi Conciilio definita sit; illudque decretum à sede Apostolicâ, totâque Ecclesiâ comprobatum; an igitur ad fidem Catholicam pertineat: contraria verò sententia an hæretica judicari debeat?

Nostri, atque imprimis pius ille doctusque Gerson aperte pronuntiavit hæreticam esse, quæ Synodi Constantiensis Ecumenicæ definitioni adver-
setur. Sic enim incipit decretum sessionis V. de quâ agimus: *Hæc sancta Synodus Constantiensis, generale Concilium faciens, in Spiritu sancto legiti-mè congregata ordinat, definit, decernit, & declarat ut sequitur.*

Sup. lib. v.
cap. vij. vid.
Diff. præv.
n. xlvi.

Porrò dubitari nequit quin res, de quâ agitur, pertineat ad interpre-tationem divini juris. Quæritur enim quam potestatē Petro ac successori-

S ff ij

bus ; quam Ecclesiæ atque Conciliis Christus dederit ? Definit Synodus , eam Conciliis potestatem à Christo immediate datam , cui etiam Petri successorem subesse oporteat. Ergò clarè agitur de interpretatione divini juris , adeòque de fide , de doctrinâ Catholicâ à Deo revelatâ ; neque Bellarmenus aut ejus asseclæ diffidentur.

Certè quòd hæc verba , *quicunque , cujuscumque dignitatis , etiam Papalis , hujus , & cujuscumque Concilii generalis legitime congregati statutis obediare contempserit* , illi interpretantur , non de *quocumque* , sed de dubio tantum Papâ ; neque de *quocumque* Concilio generali , sed de Concilio *in schismate* habito : tanquam aut certus Papa , non sit maximè Papa ; aut Concilium in pace habitum , non sit vel maximè *legitimè congregatum* ; id ostendimus esse meram puram tergiversationem & cavillationem verbis Concilii apertissimè repugnantem ; quod autem de Concilio Constantiensis fluxâ autoritate dicunt , non minùs clarè ostendimus , id nonnisi conculcatâ Conciliorum generalium , Romanorumque Pontificum autoritate dici posse : ut nihil obstat videatur , quominus ea sententia hæretica sit , quæ Concilii Ecumenici definitioni tam perspicuè adversetur.

Doct. Lov.
P. 74. &c.

Unum illud obest , quod est ab adversariis non indiligenter notatum : his decretis pro more Synodorum de fide agentium , atque hujus quoque Synodi , Wiclefum , Hüssum ac Joannem Parvum damnantis , non fuisse adhibitam anathematis pœnam ; ac nequidem dictum , ita secundum fidem Catholicam esse tenendum :

Conc. Bas.
sess. i. &
seq. tom.
xiiij. p. 477.
& seq. vid.
sess. xxxiiij.
pag. 618.

Addimus Synodum Basileensem in anterioribus probatissimis gestis , Constantiensia decreta repetentem , iisdem duntaxat verbis usum esse. Quod autem tres suas veritates ex Constantiensi Synodo repetitas *ad veritatem fidei Catholicæ* ita pertinere sancit , ut qui his *pertinaciter repugnet , sit censendus hæreticus* , factum id post translatum Ferrariam Concilium : quæ posteriora gesta anterioribus æquiparari non posse antedicta demonstrant.

Aet. xv.
27. 29.

Responderi potest , non propterea videri adversarios omnis condemnationis immunes. Neque enim Apostolos Hierosolymitani Concilii decreto adhucisse anathematis pœnam , sed ita conclusisse : *A quibus custodientes vos bene agitis : cæterum postquam edixerant : Vos est Spiritui sancto & nobis ;* satis significatum , non sine pœnâ gravi futuros esse eos , qui sancti Spiritus judicium contempsissent : ita existimandum de Constantiensi Synodo , postquam edixit : *Hæc sancta Synodus , generale Concilium faciens , in Spiritu sancto legitimè congregata ordinat , decernit , definit , & declarat ut sequitur : pœnam enim , etiam minimè declaratam , ex decreti ac sancti Spiritus autoritate statim in contumaces sequi.*

Clem. lib.
j. tit. j. cap.
anico.

Huc etiam referri potest Clementis V. in Concilio generali Viennensi definitio , quæ incipit , *fidei Catholicæ* : ad hoc , Clementina unica , *de summa Trinitate*. Hic duæ Theologorum *opiniones* referuntur , quorum quidam dicerent , *per virtutem Baptismi parvulis culpam remitti , sed gratiam non conferri* : alii autem assererent , *quod & culpa remittitur , & virtutes , & informans gratia infunduntur , quoad habitum ; etsi non illo tempore , quoad usum*. Has inter opiniones Synodus sic decernit : *Nos opinionem secundam , tanquam probabiliorem , & dictis Sanctorum ac Doctorum modernorum Theologie*

magis consonam & conformem, sacro approbante Concilio, duximus eligendam

Huic ergò decreto nullâ licet adhibitâ aut hæreseos notâ, aut anathematis pœnâ, Catholici omnes ex autoritate Concilii paruere. Quantò ergò magis parere debuerunt Constantiensi Concilio, non tantùm declaranti, *probabiliorē opinionē*; sed absolute edicenti: *Hæc sancta generalis Synodus in Spiritu sancto congregata ordinat, definit, decernit & declarat ut sequitur.*

Atque illud quidem Constantiense decretum est ejusmodi, ut ab eo cætera tanti Concilii acta pendeant. Hinc Wiclefi de Primatu Romanæ Ecclesiæ error condemnatus: hinc destituti Pontifices, etiam is qui à Synodo totoque ferè Christiano Orbe colebatur: hinc alter substitutus, eique creando forma præscripta: hinc de Conciliis generalibus convocandis canon conditus, ordinata reformationis structura, ac fundata spes Orbis; ut cum eo decreto tota Constantiensis Synodus prosternatur.

An ergò satis constet ex omisso anathemate Constantiense decretum non pertinere ad fidem Catholicam, id nostris censoribus coram Deo arbitrio dijudicandum relinquimus. A gravi certè notâ immunes esse non possent, nisi bonâ fide agentes, non satis attentâ re, excusari viderentur.

Ac si illi, qui electam à Viennensi Concilio probabiliorē, seu probatiorem sententiam contempserunt, à Tridentinâ Synodo tandem anathemate damnati sunt; videant contemptores decreti Constantiensis, quanta illis immineant, qui plenam & absolutam tanti Concilii definitionem abjecerint.

Cæterū id cogitent, à Synodo Constantiensi nec prætermissam pœnam. Ecce enim apertissimè decernit, *ut ipse etiam Papa, si obedire contumaciter contempserit, nisi respuerit, condigna pœnitentia subjiciatur, ac debite puniatur; etiam ad alia juris remedia, si opus fuerit, recurrendo*. Qualia verò sint juris remedia, quām fortia, quām gravia, nemo nescit. Quæ remedia si expedit Synodus in Papam quoque obedire recusantem, quantò magis in eos, qui tali inobedientiæ, contempto Synodi decreto, faveant ac serviant. At Clerus Gallicanus huic sententiæ adversantes, neque perduelles, neque contumaces reputat; priscamque sententiam retinere & declarare contentus, ab omni non modò anathemate, verùm etiam censurâ temperavit, tantamque rem Ecclesiæ Catholicæ judicio reservat.

Quin etiam nec sollicitè quærendum ducimus erroneâne an etiam hæretica sit ea sententia, quam adversarii bonâ fide tenere videantur. Non enim plerique perspiciunt satis, doctrina Constantiensis quām sit in certis casibus Ecclesiæ necessaria: qui casus cùm infrequentes sint, non omnes facilè eorum cavendorum necessitatem advertunt. Nos autem sat scimus, si quidem eveniant, totam facilè, ac Romanam omnium matrem præ cæteris evigilaturam Ecclesiam; rerumque humanarum consciæ, summæ utilitatis esse ducimus, ut futuris periculis, utcumque, Deo sinente, eventura sint, provisa à Patribus, Spiritu sancto autore, remedia, suâ autoritate ac veritate constent.

Concil.
Trid. sess. vij.
cap. viij. p.
759. & Can.
xj. p. 765.

C A P U T X X.

An ea, quam vocant Parisiensium sententiam, occasione schismatis exorta sit: acta in JOANNEM DE MONTESONO anno 1387.

PE TRI Alliacensis Joannisque Gersonis atque aliorum Parisiensium de potiore Conciliorum potestate sententiam, quam postea Synodus Constantiensis amplexa sit, multi eo nomine suspectam habent, quod eam non sponte ac veritate duce exortam, sed vi quadam extortam putant; nempe occasione schismatis, seu litigationis ejus, quae inter Gregorium XII. ac Benedictum XIII. extitit. His respondemus primum quidem remedia, quibus laboranti Ecclesiae providetur, ex ipsa Traditione, atque ex ipsa veritate esse deprompta: neque unquam Ecclesiae opus est, ut novam doctrinam excogitet; malisque occurrentibus id effici potest, non ut novitates pariat, sed ut antiqua dogmata diligentius proponat atque explicet; quod non infirmandae, sed potius asserendae confirmandaque doctrinæ sit. Quare ex actis patuit eos, qui, occasione litigationis hujus, Conciliarem potestatem extollendam putarunt, illud remedium non proposuisse ut novum, sed ut consuetum, & in illâ necessitate diligentius adhibendum. Multa quoque suo loco suppetent, quibus constet, eam sententiam, quam tota tunc Ecclesia, & Synodus Constantiensis amplexa est, ex antiquâ & certâ Traditione manasse. Nunc ea commemoramus, quæ anno 1383. Facultas nostra gessit atque decrevit, schismatis quidem tempore; sed antequam illa de utroque Pontifice in ordinem cogendo dissidia orirentur.

Facultas ergo Theologica Parisiensis Joannis de Montesono, Ordinis Prædicatorum, assertiones * condemnavit. De immaculata Deiparæ Virginis Conceptione imprimis agebatur. Censurâ Facultatis Episcopali judicio confirmata, Joannes de Montesono ad Clementem VII. Avenione agentem, quem Gallia venerabatur, appellavit: delecti qui causam Facultatis coram Clemente agerent: Petrus de Alliaco, tum Regii & celeberrimi Collegii Navarrici Magister, Legatorum Princeps, in Consistorio coram Pontifice, omnium nomine peroravit; atque imprimis: *Protestamur*, inquit, quod nostro proprio aut personali nomine nihil omnino in hujus cause prosecutio dicemus; sed solum ex parte, & illorum nomine, qui nos mittunt. In uno ergo Alliacensi Facultatem universam audiemus.

Petr. All. prop. corâ Clem. vij. inapp. tom. ij. Gers. p. 703.
Coll. jud. &c. D'Ar-
gentrétom. j. part. ij. pag. 84.

Sic autem causam ipsam aggreditur: *Joannes*, inquit, *de Montesono id ad sua appellationis fundamentum principaliter assumit, quod solius sedis Apostolice est, circa fidem declarare, damnare & reprobare; & iterum, quod eorum, quae tangunt fidem, ad solum summum Pontificem pertinet examinatio & decisio.*

Ad illud fundamentum Joannis de Montesono, Petrus de Alliaco duo respondebat; primum: *Hoc dictum continet manifestam hæresim*; secundum: *& est dictum sibi repugnans & contrarium*. Hoc postremum sic probat, sup-

Vid. sup.
lib. v. & inf.
lib. xj. &
coroll.

* XIV.

Vid. Du
Boul. Hist.
Univ. tom.
iv. p. 620.
& seq.

Petr. All. prop. corâ Clem. vij. inapp. tom. ij. Gers. p.

ponendo quid sit sedes Apostolica; nam ipsa, vel est universalis Ecclesia, vel aliquod generale Concilium, universalem Ecclesiam representans, vel particularis Ecclesia Romana, in qua scilicet Ecclesiā sedet, id est, cui praeſidet summus Pontifex; & ideo ipſe & sedes Apostolica non sunt idem, ſicut non ſunt idem, ſedes & ſedens. Ex quibus clare patet, ſi ad ſolam ſedem Apostolicam pertinet circa fidem declarare & reprobare, quod ad ſolum ſumnum Pontificem hoc non pertinet; & econtra, ſi ad ſolam ſumnum Pontificem pertinet eorum quae ſunt fidei examinatio & decisio, hoc ad ſolam ſedem Apostolicam non pertinet; & ſic appetat, quomodo in illo dicto maniſta eſt repugnantia.

Jam quæ ſit illa hæresis, quæ in Joannis de Montefono dictis continetur, ſic exponit: Quod ad ſolam ſumnum Pontificem pertinet eorum, quæ tangunt fidem, examinatio & decisio, continent maniſtam hæresim, imò multas hæreses. Tres autem commemorat: primam: Quia per illam exclusionem excluditur universalis Ecclesia & generale Concilium eam representans, quod eſt hæreticum; quia in cauſis fidei à ſummo Pontifice appellari potest ad Concilium, ſicut patet 19. diſt. cap. Anastasius; & maniſtem eſt, quod ad ipsum pertinet Concilium de cauſis fidei definire, ſicut patet ex autoritate Gregorii XIII. diſt. XV. cap. ſicut.

Ib. col 28

Secunda hæresis: eò quod per illud excluditur ſedes Apostolica, ut dictum eſt (nempè quatenus ſedenti opponitur, & manere censetur, obeunte Pontifice,) & eſt maniſte hæreticum.

Tertia hæresis: eò quod excluduntur Epifcopi Catholici ab omnimodâ cognitione, examinatione & decisione eorum quæ ſunt fidei, quod eſt contra jus Divinum & humanum. (y)

Unde concludit condemnam Joannem de Montefono, & propter prava aſſerta, & propter frivolas appellations; quia alioquin veriſimiliter formidandum erit, quod deinceps apud Judices ordinarios nemo compellatur erroreas ſuas aſſertiones revocare. Dubitatunt enim per varias appellations, per proceſſus longos, per graves impenſas vexari, vel per falſas accusations in famā, aut alias laſi: quod quam magnum & apertum eſſet in fide ac moribus periculum, ſatis notum eſt.

Ib. p. 88.

Hæc nos ex regeſtis vetuſtissimis deſcripſimus; hæc in bibliothecis ha‐bentur, noſtriſque omnibus nota & confessa ſunt. Sic ſacra Facultas ſedis Apoſtolicæ & Epifcoporum jura defendit; &, quod in rem noſtram con‐ducit maximè, in cauſis fidei à Papâ ad Concilium appellari poſſe docet: tum Concilii eſſe officium de cauſis fidei definire, eā definitione ſcilięt, à quā appellare non liceat.

Hæc uno ore docebant Theologi Parisienses; hæc docentes Clemens VII. fuſcepit; cenzuram Facultatis confirmavit: atque hinc Joannis de Montefono in Clementem odia, ac ſcripta permulta pro Pontificibus qui Urbano VI. ſuccellifent: quæ ſcripta Odoricus Rainaldus ſæpè laudat; quo fonte profeſta ſint tacet.

Neque objicias nullam eſſe autoritatem Clementis, utpote Antipapæ: pro vero enim Papâ in Galliâ ac mediâ Eccleſiæ parte colebatur, adeò

Rain. an.
1389. n. 15.
& ſeq. an.
1391. n. 24.
& ſeq.

(y) humanum.] Quartam hæresim Alliensis memorat his verbis: Quia per illud excluduntur Doctores Theologi à generali examinatione & decisione veritatum fidei.

probabili ratione, ut multi sanctitate ac miraculis clari ei adhærerent. Itaque ab eo ejusque successore Benedicto, cum æmulis æquo jure certatum fuisse vidimus; tum ejus sententia plenam executionem habuit, probante Galliâ, ac nemine per totam Ecclesiam reclamante, ne Urbano quidem VI. quique ipsi adhærerent.

Et illi quidem, quo erant in Clementem Clementinosque odio, exprobâssent violatam sedis Apostolicæ dignitatem; victusque Montesonus Urbanum VI. ac Bonifacium IX. quos omni ope tuebatur, acribus stimulis in adversarios instigâset.

His ergò perspicuè refelluntur ii, qui Parisiensium de potiore Concilii potestate sententiam Constantiæ demum emersisse memorant; aut ad extremum Pisis inter ea certamina, quibus de æmulis Pontificibus tollendis litigabant. Ecce enim triginta annis ante Constantiense Concilium, cùm necdum quidquam moveretur ad ambos contendentes in ordinem Conciliari autoritate cogendos, nostri in causis fidei à Papâ appellari posse ad Concilium, coram eo quem colebant Papâ, ejusque Consistorio, nemine reclamante, asserebant.

Quod autem in causis fidei Synodus anteponenda crederetur, hinc se qui putabant absolutam Concilii supra Papam autoritatem; quia *indeviabile*, nempe Concilium, *deviabili*, nempe Papæ, anteponi necesse fit.

Vid. in app. lib. i. cap. vi. Quo argumento usos in ipso Constantiensi Concilio Petrum de Alliaco; ejusque discipulum Joannem Geronem, nostrorum antesignanos ac sacræ Synodi duces alibi demonstravimus; ut profectò constet, ad schisma extingendum, nihil novi à nostris; sed quæ priùs animo hæserant, adversus Ecclesiasticæ pacis ac reformationis hostes fuisse deprompta.

C A P U T X X I.

*Facultatis articuli adversus JOANNEM SARRAZINUM
Prædicatorem, paulò post Constantiense Concilium,
ac MARTINO V. sedente.*

Sup. lib. v. cap. viij. vi. & seq. **J**AM postquàm de ambobus contendentibus in ordinem cogendis finitam est; quid nostra Universitas cum aliis Universitatibus, imò cum totâ Ecclesiâ pro Conciliorum potestate egerit, decreverit, scriperit; ut quæ Pisanæ & Constantiensi Synodis præluxerit, supra exposuimus. Sed quandoquidem ea ad schismatis tempus, non autem ad omnia Ecclesiæ tempora pertinere fingunt; operæ pretium erit sacræ Facultatis audire sententiam, Constantiensi jam transacto Concilio, compositis rebus, ac Martino V. sedente.

Anno igitur Christi 1429. Martini undecimo, Facultas, priscis nixa dogmatibus, articulos refellebat, quibus Joannes Sarrazinus, ex Prædicatorum Ordine Licentiatus, evertebat Constantiæ stabilitam de Conciliorum autoritate doctrinam.

Hi articuli sèpè vulgati jam in omnium sunt manibus. Ex his aliquot sequimus.

Primus Joannis Sarrazini articulus : *Omnes potestates Jurisdictionis Ecclesiae, alia à Papali potestate, sunt à Papâ ipso, quantum ad institutionem & collationem.* Sic Turrecremata postea ; sic deinde Cajetanus ; sic moderni Lovaniensés aliquique censores nostri Conciliorum potestatem in ipso fonte labefactant ; dum omnem potestatem ac jurisdictionem Ecclesiasticam à Papâ esse contendunt. At sacra Facultas hæc reprobans jubebat à Sarrazino hunc pronuntiari articulum : *Omnes potestates jurisdictionis Ecclesiae, alia à Papali, sunt ab ipso Christo, quantum ad institutionem & collationem primariam ; à Papâ autem & ab Ecclesia, quantum ad limitationem & dispensationem ministerialem.*

Exquisitissimis verbis institutionem & collationem primam Christo attribuebat , à quo nempe constabat Apostolatum , verbi causâ , & esse institutum & certis hominibus collatum : at limitationem ad certa quædam loca , certamque Dicæsim , quam à Christo immediate non esse constabat , non Papæ quidem soli , sed *Papa & Ecclesia* tribuebat.

Joannis Sarrazini secundus articulus : *Hujusmodi potestates non sunt de jure divino, nec immediate instituta à Christo.*

Ejusdem tertius articulus : *Non invenitur Christum tales potestates, scilicet alias à Papali, expressè ordinâsse, sed tantum supremam, cui commisit Ecclesia foundationem.* At sacra Facultas contrarios articulos à Sarrazino defendi jubet.

Ex his tribus articulis Sarrazinus inferebat quartum ; nempè : quod tota autoritas , dans vigorem statutis (Conciliaribus) in solo summo Pontifice resideret. At Facultas jubebat ab eo sic pronuntiari : *Quandocunque in aliquo Conclilio aliqua instituuntur, tota autoritas dans vigorem statutis, residet non in solo Pontifice, sed principaliter in Spiritu sancto & Ecclesia Catholica.* Rectè : neque enim Petrus ait : *Visum est Spiritui sancto & mihi* ; sed Ecclesia collecta & Pastores adunati : *Visum est Spiritui sancto & nobis.*

Ludit suo more Anonymus Gallicanarum libertatum hostis* , dum hæc ita torquet : *Potest Ecclesia sumi representativè ; hoc est pro fidelium omnium Pastoribus ; atque in isto sensu, verum est Ecclesiam dare vigorem statutis ; nec enim nihil faciunt reliqui Episcopi ad robur decretorum Synodalium ; sed summus Pontifex, ut caput illius mystici corporis, plus ceteris conferit.* Quæ nihil prorsùs ad rem. Neque enim quærebatur utrum Episcopi ad robur decretorum facerent nonnihil , ut frigidè ac miserè dicit Anonymus ; neque annussummus Pontifex plus conferret ceteris, utique singillatim sumptis ; sed in quo supponenda foret vis principalis conjuncta Spiritui sancto : decernebatque Facultas vim illam principalem , non in uno Pontifice , sed in ipsâ Ecclesiæ collectione ac representatione esse positam , quod negabat Sarrazinus.

Jam articulo VII. ex pessimis dogmatibus , idem Sarrazinus pessimum collarium istud inferebat : *Sicut nullus flos & nulla pullulatio, nec etiam omnes flores & pullulationes possunt aliquid in arborem ; quia hæc sunt propter arborem instituta & ab arbore derivata ; sic omnes aliae potestates nihil de jure possunt contra sumnum Sacerdotium :* quæ sacra Facultas revocari jubebat his

Tomus I.

Vid. D'Ar-
gent. é col-
lect. &c.

Act. xv. 23.

* D. Char.
las.

Tract. de
Libert. &c.
lib. ix. cap.
vij. n. 8.

Ttt

Ib. n. 9. veribus : *Aliqua potestas, scilicet potestas Ecclesia, de jure potest aliquid, & in certis casibus, contra summum Pontificem. Sic profectò docebat, summo Pontifice præstare Ecclesiam ipsa potestate; neque in uno schismatis casu, cùm nihil de schismate ageretur, nec Facultas diceret prævalere Concilii autoritatem in uno schismatis casu; sed certis in casibus, iis scilicet, qui Constantiæ expositi erant, in fide, in schismate, in reformatione; hoc est, in constituendâ generali disciplinâ. Quare vanus est Anonymus, dum Facultatis propositionem de potestate Concilii in Papam, ad schismatis restrinxit casum: Quando erat, inquit, incertum apud plerosque quis esset legitimus Pontifex; quod effugium ipsa Facultas prævidisse & in antecessum præclusisse videtur.*

C A P U T X X I I.

Pergit Facultas Parisiensis cohibere Mendicantes post Basileense dissidium ac pacem: Facultas in priscâ sententiâ: decreta, vigente Pragmaticâ-sanctione.

UT erant Mendicantes in Pontificiæ potestatis adulationem proni, Nicolaus Quadrigarii, ex Ordine Eremitarum sancti Augustini, Joan- Vid Dup. nem Sarrazinum Prædicatorem imitatus, hæc asserebat: *Quod sola Pape potestas in totâ Ecclesiâ est immediatè à Christo. Vigilantissima Facultas sua de- 497. 498. creta repetebat; quæque articulo primo Sarrazini opposuerat, ut supra memorantur, iterari totidem verbis jubebat anno 1432.*

Bull. retr. Pii ij. vid. sup. c. xvij. Quid per ea tempora, ac vigente Concilio Basileensi sacra Facultas Pa- risiensis, eique conjunctæ Coloniensis, aliæque Germanicæ Nationis Aca- demiæ crederent, testatum voluit Pius II. cuius hæc ad Colonensem Aca- demiam verba protulimus: *Aderant Legati Parisiensis scholæ, cuius est fama per celebris; adfuerunt aliquando & vestri, & aliorum studiorum Germanicæ Na- tionis Oratores; & uno ore cuncti Concilii generalis autoritatem ad cœlum effe- rebant; eam scilicet, quâ Eugenius sua de dissolvendo Basileensi Concilio diplomata, rescindere jubebatur.*

Sup. hoc lib. c. xiij. Retulimus etiam quid post translationem Concilii Basileensis, Parisien- sis Facultas, eique conjunctæ Coloniensis, Erfordiensis, & Cracoviensis egerint: nempe id assiduè repetebant, indeviabile Concilium, deviabili Pontifici anteponi oportere.

Ib. c. xiv. Neque verò, rebus sub Nicolao V. pacatis, sacra Facultas, atque Ec- clesia Gallicana ab instituto deflexerunt; cùm relatis hujus fœderis actis demonstraverimus, Constantiensem de Conciliorum potestate sententiam his esse firmatam.

Preuv. des Libert. &c. part. ij. p. 40. & seq. Quare anno Domini 1460. cùm Pius II. in Conventu Mantuano (z)

(z) *Pius ij. in Conventu Mantuano*] ditis devovebat Pragmaticam-sanctionem, cuius pretextu, inquietabat, summa sedis Apostolice autoritas leditur. Addebat quoquaque Reges Papæ subditos esse oportere; & non modò non licete, sed ridiculum esse ad Concilium pro- vocare, &c. Vid. Conventum Mantuanum tom. xij. Conc. p. 1748. & seq.

Regi Regnoque gravia interminatus esset, Joannes Dauvet Procurator generalis ab iis appellavit ad futurum generale Concilium, fultus decretis lessionis V. magni Concilii Constantiensis, eamque secutæ Basileensis Synodi, quæ eadem decreta Constantiensia innovârit, præsidente Legato sedis Apostolicæ. Hæc igitur decreta à Romanis Pontificibus comprobata, in Ecclesiâ Gallicanâ vel maximè vigore testatur Regis atque omnium Ordinum nomine, inficiante nemine, nemine conquerente; neque quisquam in Galliâ aliud cogitabat.

Soli Mendicantes Pontificiam potestatem solam immediatè à Christo, aliorum omnium potestatem à Petro esse dicebant: hi Pontificem supra omnia Concilia extollebant. At sacra Facultas Joannem Munerii, Theologiae ex Prædicatorum Ordine Professorem, hæc docentem compescerebat; atque ex priscis decretis ad palinodiam adigebat anno 1470.

Ne Prædicatoribus, ac sancti Augustini Eremitis Minores deessent, Joannes Angeli hujus Ordinis, Papam supra canones evehebat his verbis: *Quod Papa (aa) posset totum jus Canonicum destruere & novum construere.* At sacra Facultas à venerabili Capitulo Tornacensi consulta respondebat: *Hæc propositio est scandalosa, blasphematoria, notoriè heretica & erronea.*

Idem Joannes Angeli afferebat hæc*: *Quicumque contradicit voluntati Papa, paganiꝫat & sententiam excommunicationis incurrit ipso facto; & in nullo Papa reprehendi potest, nisi in materia heres̄is.* Respondit sacra Facultas: *Hæc propositio est falsa, scandalosa, & sapiens heresim manifestam, anno 1482.*

Anno 1497. ** Januarii 2. sub Alexandro VI. Facultas à Carolo VIII. Rege de habendo Concilio generali consulta, (bb) respondit: *Quod summus Pontifex, & Pater sanctissimus tenetur de decennio in decennium congregare generale Concilium, universalem Ecclesiam representans; & maximè nunc, cum tanta sit deordinatio in Ecclesiâ, tam in capite quam in membris, quæ cunctis notoria est.* Sic Papam ad Concilii Constantiensis canones adigebant, iisque teneri eum affirmabant.

Anno 1501. cùm idem Alexander VI. certam pecuniarum collectam imperasset; Decanus & Capitulum venerabile Parisiensis Ecclesiæ hoc suæ appellationis, ac justæ defensionis fundamentum ponunt: *Quod sit omnibus notissimum per plura sacro-santa generalia Concilia, præcipue PER SALUBERRIMUM ET IRREFRAGABILE CONCILIO CONSTANTIENSE, eidem immediatè subsequens BASILEENSE ORACULUM decretum declaratumque fuisse, ad dubia piarum mentium extirpanda, noxiæsque in contrarium, & adulantes summo Pontifici falsitates abolendas; omnes cujuscumque sint statu, dignitatis, & po-*

(aa) *Quod Papa, &c.]* Hæc propositio octava est ex quatuordecim à sacra Facultate censurâ confixis, quas F. Angeli Tornaci sacris suis concionibus immiscuerat. Vid. relat. D. Du PLESSIS-PRALIN ad Cœrum Cleri Gallicani an. 1682. quam relationem nos ad frontem Galliæ hujus tractatus translationis edi curavimus.

(bb) *Facultas à Carolo viij.... consulta]* fuerat his verbis: *A faire mon, si le Pape est tenu de dix en dix ans assembler le S. Concile representant l'Eglise universelle, & mément de présent, considerer le desordre qui est tout notoire, TAM IN CAPITE QUAM IN MEMBRIS,* respondit: *Quod summus Pontifex & Pater sanctissimus tenetur de decennio in decennium congregare generale Concilium.* Vid. hoc decretum Facult. post libell. Richer. de Eccl. potest.

Dup. xv.
sec. p. 501.

Vid. ap.
D'Argentré
coll. &c.

* Proposit.
xij.

** Id est
1498.
Vid. ap.
D'Arg. loc.
cit.

Preuv. des
Libert. &c.
loc.cit. cap.
xij. n. 10.
pag. 40.

testatis , etiam si prima sit & Papalis , statutis & ordinationibus dictorum factorum Conciliorum teneri , ligari , & adstringi ; ita ut , si in contrarium quisque facere audeat & attinet , etiam si Romanus sit Pontifex , nullum sit & inefficax quod agit..... præter id quod etiam de perperam attentato , præsertim , si Ecclesiam turbet aut scandalizet & emendationi , & correctioni universalis Ecclesia , cum primum haberi sacrum Concilium poterit , deferriri ac subjici potest . His se fundementis Gallicana libertas tuebatur ; & canones Constantienses adversus certum quoque & indubitatum Pontificem ex paternâ Traditione & Scholæ Parisiensis placitis exerebat .

Anno 1512. sub Julio II. Cajetanus librum edidit , *de comparatione Papæ & Concilii* : quem librum Ludovicus XII. ad Facultatem misit , ut eum examinaret , ac falsa refelleret , datus literis 19. Februarii anno 1512. Sacra ergo Facultas , qui librum confutarent , Jacobum Almainum ac Joannem

Vid. Diff. Majorem elegit , quos testantes legimus : *Quod ista sit conclusio , quam te-
præv. num.
xiiiij. Almai.
de potestat.
&c. in app.
tō. ij. Gerſ.
pag. 1070.
&c. ib. pag.
1144.* nent omnes Doctores Parisienses , & Galli ; quod potestas Papæ subjecta est potestati Concilii ; quod ista sit resolutio Scholæ Parisiensis & Ecclesia Gallicana ; &c. in app. *quod in Universitate Parisiensi contraria sententia non probabilis habeatur , &
qui tenuerit , in campo revocare cogatur*. Quæ cùm sub oculis Facultatis , imò ejus mandato scripserint , Facultatem eorum ore loquentem audimus .

Hos libros Julius II. nullâ censurâ notavit , cùm infensissimus Pontifex in Gallos totius Orbis arma concitaret ; sed antiquam probatamque doctrinam censuris proscribere nemo cogitabat .

C A P U T X X I I .

Post abolitam Pragmaticam-sanctionem , eadem doctrina apud nostros.

PRAGMatica-SANCTIONE , sub Leone X. Regis consensu anti-quatâ , hujus Sanctionis sublatam disciplinam , in doctrinâ nihil esse immutatum vidimus .

Anno 1524. 30. Novemb. Frater Ludovicus Combont , præsentatus Fratrum Praedicatorum , hæc asserebat in actu , qui Aulica dicitur : *Licet Episcopus , qualis inter Apostolos solus Petrus à Christo immediatè fuit consecratus , Curatus vero Jure positivo institutus , quoniam nec Episcopus quisquam , Petro dempto , immediate est à Christo institutus , &c.* Adscriptum in regestis Facultatis : *Quæ assertio Magistris nostris præsentibus displicuit , quia falsa : jussu-
que à sacrâ Facultate est , ut Ludovicus Combont in Sorbonicâ oppositam con-
clusionem teneret , hoc adjecto , quod oppositum non est probabile.*

Infr. lib. viij. c. xiv. Quo sensu Facultas , ut Episcopos , ita etiam Curatos , à Christo esse velit , alibi exponemus : hic quidem , quæ sunt hujus loci , exequimur .

Per ea tempora jam Lutherus exsurrexerat in sedem Apostolicam , cuius cohibendus furor , sacerque ille Primatus à Christo institutus asserendus fuit . Id sacra Facultas ex prisca doctrinâ & Constantiensibus placitis egregiè præ-

titit. Itaque cùm à Francisco I. Philippus Melanchton, atque alii Germanici Theologi acciti essent (cc), qui de rebus Theologicis cum nostris Theologis tractarent; sacra Facultas hæc Regem commonuit: *Interrogandos esse eos primum, an confiteri velint, Ecclesiam militantem Divino jure fundatam, indeviabilem esse in fide ac bonis moribus; cuius Ecclesia, sub Christo Petrus Caput esset ejusque successores: item: an velint eidem Ecclesia parere, ejusque doctrina & determinationi assentiri, ut veri Ecclesia filii, eique subditi: item: utrum admittant determinationes & decreta Conciliorum generalium Ecclesie: item: an fidem adhibeant canonibus ac decretis Romanorum Pontificum ab Ecclesiâ receperis & approbatis.* Hic Anonymus aliquique respondent attributam sanè Ecclesiæ & Conciliis illam indeviabilem potestatem; non autem Papæ negatam. Quâ cavillatione nihil est vanius. Quid enim erat nisi negare, eam non attribuere, cùm id ageretur ut Papæ quæ sua sunt assignarent? Neque enim immemores hujus privilegii hoc faciunt; quippe cùm illud ipsum Ecclesiæ Concilioque tribuant; sed planè memores Ecclesiæ tantum eamque repræsentanti Concilio esse tribendum, Ecclesiæ Conciliisque absolutam obedientiam decernebant: Papæ ita tantum, si ejus decreta ab Ecclesiâ recepta & approbata essent, & ubique obtinerent; quo sanè supremam Ecclesiasticæ potestatis arcem in ipsâ Ecclesiâ Catholicâ ejusque generalibus Conciliis collocabant, anno 1535. Septembris 15.

His consentanea Facultas protulit, cùm eodem anno conscripsit illos aduersus Lutherum articulos, quos alibi retulimus. His Ecclesiæ & Conciliorum generalium potestatem præ Pontificiâ apertè commendabant: in horum decreta & fidem nihil errati irrepercere posse fatebantur: ad ea referebant determinationem eam, quâ nulla certior esse posset: Pontifici tantum obedientiam deberi docebant; non tamen ut ei, qui errare non posset; ex quo consequitur illa erga omnem legitimam potestatem solennis exceptio, quam vidimus; ut ei pareatur, si nihil Divino juri adversum imperet.

Hi articuli anno 1535. à Facultate conscripti, atque anno deinde 1543. toto Regno vulgati ac recepti, quid omnis Gallicana teneret Ecclesia satis docent; neque desunt per idem tempus egregia testimonia, quibus mentem suam antiquæ doctrinæ hærentem comprobavit.

Nempè habita est Lutetiae anno 1528. ab Antonio Cardinale Pratensi, Archiepiscopo Senonensi, celeberrima ac sanctissima Synodus Provinciæ Senonensis, quibus & Lutheri errores damnarentur, & sancta Ecclesiasticæ disciplinae reformatio fieret.

Annotata sunt Lutheri dogmata; in his illud: *Primatus summi Pontificis non est à Christo.* Hæc ergò Synodus ad ea confutanda tribus nititur: *Quod Ecclesia universalis errare non possit, ut potè qua regatur Spiritu veritatis se-*

(cc) acciti essent.] Rex illo colloquio delinire cupiebat eos, quorum tunc operâ plurimū indigebat Germaniae Principes Protestantes, qui querebantur, in Galliâ ultimo supplicio affectos fuisse nonnullos, quibus hoc unum crimen objiceretur, quod essent suæ religionis. Rex respondit, quosdam quidem Lutetianos editio Curiæ exultos fuisse, seditionis causâ, non religionis; ac postulavit ut ad colloquium veniret imprimis MELANCTON, quem noverat ut doctissimum, sic moderatissimum. Sed cùm MELANCTON non venisset, Regi persuasit Cardinalis LE TOURNON hujuscemodi colloquia cum hereticis haberi non oportere; neque colloquium illud habitum est. Vid. DUP. Bibl. xvij. s. xc. tom. j. p. 600. 601

D'Argent.
tom. j. pag.
384 & seq.

Vid. in
app. lib. j.
cap. j.

Conc. Se-
non. tom.
xiv. p. 432.
& seq.

Ib. p. 460.
Vid. Decr.
gener. pag.
4 i

cum manente in aeternum , & cum quā Christus maneat usque ad consummationem saeculi. Hoc primum omnium ac validissimum fundamentum , quod lumen p. 445. culentiū exponitur decreto primo de fide , his verbis : *Una igitur sancta & infallibilis Ecclesia , quae nec à charitate decidere potest , nec ab Orthodoxā fide deviare , cuius autoritatem qui in fide & moribus secutus non fuerit , Eph. iij. 21. quasi Deum abnegaverit , CUI GLORIA IN ECCLESIA ET CHRISTO JESU IN OMNES GENERATIONES , infideli deterior habeatur.*

Conc.Sen. loc. cit. Alterum secundo decreto explicatur ; quod Ecclesia non sit invisibilis : *Quis quis igitur , inquit , tergiversandi studio invisibilem & incertis sedibus errantem dixerit Ecclesiam , non heresim tantum dixisse , sed omnium heresum putatum fodisse judicetur.*

Ib. p. 446. Tertium , decreto tertio de autoritate sacrorum Conciliorum constituunt his verbis : *Proinde , cùm certa sit & infallibilis Ecclesia regula , nec aliquando invisibilitatis pretextu tandem eludi queat ; ea profecto sacris generalibus Conciliis autoritas derogari non potest , quæ proximè universalem representant Ecclesiam.*

Ib. & pag. 447. His igitur tribus fundamentis ponunt hæc consentanea , ut librorum canoniconum autoritas , veraque interpretatio ab Ecclesiâ repetatur , valeantque Traditiones etiam non scriptæ , quæ à primis Ecclesiarum principiis ad nos propagatæ fuerint ; ex quibus deinde peculiaria Lutheri dogmata condemnentur.

Sic ergò nostri , cùm Ecclesiæ autoritatem exponerent , de Pontificiâ infallibilitate aut superioritate nequidem cogitabant ; de quā conticescere in eo exponendæ Ecclesiasticae autoritatis articulo , nihil est aliud , quæam eam à certis probatisque arcere dogmatibus.

Itaque anno 1562. & 1563. ex eâ doctrinâ in Concilio Tridentino ambiguam formulam respuebant ; Constantiensia , iisque conjuncta Basileensia decreta laudabant ; ex eorum autoritate Conciliarem potestatem unanimi consensu potiorem profitebantur ; id toto Orbe testatum ad summum Pontificem perferendum curabant , seque ei approbabant : quæ omnia alibi Vid. Diff. præv.n xiv. relata , hîc memorata tantum & designata volumus .

C A P U T X X I V.

*Acta Parisiis apud Prædicatores , EDMUNDO RICHERIO
Syndico , anno 1611.*

QUIBUS curæ erat occultis machinationibus absolutam potestatem tueri , ac Pontificiam autoritatem omnibus Conciliis totique adeò Ecclesiæ anteferre , Galliam obstatre suis consiliis sentiebant ; idque aulicis artibus agebant , ut apud nos quoque adulatoria sententiae irreperent . Cæso igitur per infandum parricidium Henrico Magno , pupillo sub Principe Reginâ matre ac tutrice Italâ atque Italis septâ , opportunum tempus mutatiibus nacti , spargere libellos curiali doctrinâ plenissimos , Doctoribus ad-

blandiri, sacram Facultatem quâcumque arte poterant in partes trahere, si possent; sin minùs graves ciere motus, & intestinis agitare dissidiis.

Erat tunc Syndicus sacræ Facultatis Edmundus Richerius, acer homo, & priscorum Academiæ Parisiensis decretorum tenax. Is igitur Ultramontanis conatibus vehementissimè repugnabat.

Anno 1611. Capitulum generale Prædicatorii Ordinis Lutetiaæ Parisiorum habebatur; quibus in Conventibus solent Theses proponere solennissimo more. His inservuerunt: *Romanum Pontificem in fide & moribus errare non posse: in nullo casu Concilium esse supra Papam: ad Papam pertinere dubia decidenda in Concilio proponere, decisa confirmare vel insirmare, partibus silentium perpetuum imponere.* Multæ turbæ. Grave videbatur hæc publicè in Galliâ agitari; ac Richerius Syndicus virum clarissimum Nicolaum Coeffeteau, Doctorem Parisiensem & Prædicatorum Priorem in ipsis perculis, quo loco in publicis disputationibus considere Doctores solent, coram Doctribus compellabat: *Rem indignissimam ac minimè ferendam: tentari patientiam Gallorum: si prædicti articuli intalli maneant, statim Gallos, atque exteroros sibi persuasuros, Sorbonam isto silentio à Majorum suorum placitis desciscere: publicum errorem publicâ satisfactione eluendum.* Hæc gravissimè queftus, jamque intercessurus, hoc responsum à Priore tulit: *Se quidem incio hæc facta: injunctum sibi à Regiis cognitoribus, caveret diligenter, ne quis in eos articulos disputaret: Patrem generalem Praesidi ac respondentí strictissimè præcepisse, ne de illis partibus responderent: has si quis attingeret, palam declararent sibi minimè esse licitum de illis agere.* Gratum Richerio id publicè edi: ita enim constiturum, non probari, ut hæc in Galliâ liberè propugnantur. Itaque ejus jussu quidam Baccalaureus * argumentari cœpit; quod in Thesi legeretur: *In nullo casu Concilium esse supra Papam, Concilio Ecumenico Constantiensi & legitimo Thesim esse contrariam, adeoque hæreticam.* Quo argumento facto Præses semel & iterum pronuntiavit: *se has conclusiones non posuisse animo offendenda Academiæ, aut Facultatis Parisiensis, quam velut Academiarum omnium matrem agnosceret; sed tantum veritatis disquirendæ gratiâ: neque hanc partem velut de fide, sed velut problematicam posuisse; siquidem constaret, multas Universitates hanc conclusionem tueri contra sententiam Academiæ Parisiensis.*

Aderant frequentissimo cœtu viri omnium Ordinum illustrissimi; eminebant Cardinalis Perronius ac sedis Apostolice Nuncius: aderat etiam Academiæ Rector. Nuncius Apostolicus jubebat disputationem procedere: Baccalaureus iterum atque iterum hæresim esse inculcabat: vocatus à Peronio Richerius, Synodi Constantiensis autoritatem asserebat; thesim publicè propositam publicè confutari oportere. Tandem Perronius sœpè professus quæstionem problematicam esse, disputationi finem imposuit, alia tractari jussit; constituitque omnino coram tanto cœtu ac Nuncio Apostolico, etiam professione Præsidis theses proponentis, quænam sententia Facultatis esset, quâmque hæc innoxie tueretur. Rei gestæ seriem actu authentico Richerius edidit, quæ narratio publici juris facta in omnium est manibus. Subscripte Rector Academiæ, ipse Richerius Syndicus, vocati que ab ipso testes ac Bidellus seu Notarius sacræ Facultatis.

Vid. ap.
Rich. ante
libell. de Ec-
cles. potest.

* Claudio
Bertin.

C A P U T X X V.

E D M U N D I R I C H E R I I liber de Ecclesiasticâ & Politicâ potestate: *aulicæ artes: aucta Facultatis: Episcopales censuræ: quo fundamento nixæ: de priscâ sententiâ nihil motum.*

PER eam occasionem, non ita multò post, eodem scilicet anno 1611: defensurus Richerius antiquam Scholæ Parisiensis de Conciliorum potiore potestate sententiam, tacito nomine libellum edidit, *de Ecclesiasticâ & Politicâ potestate*, cui conjunctæ prodierunt sacræ Facultatis pleræque censuræ, quas memoravimus.

Richerius undique magnis hostibus premebatur; magnæ illi, Facultatis ac totius Academiæ nomine, cum Jesuitis simultates; magno hominum concursu ac studio lites agitabantur; perviceratque Richerius, ut Jesuitæ

Extr. des Regist. du Parlem. 22. Fevr. 1612. vid. pieces conc. l'hist. de Louis xiii. tom. iv. p. 21.

Ib. p. 20.

Senatus-consulto hæc profiteri juberentur: *Se amplecti Scholæ Sorbonicæ doctrinam, maximè in iis, qua ad salutem autoritatemque Regum, atque ab antiquo semper custoditas & observatas Ecclesiæ Gallicanæ libertates tuendas pertinerent; quarum libertatum validissimum firmamentum Majores nostri in Conciliorum priori ac superiori potestate reponebant.* Hæc 22. Decembris anno 1611. ab amplissimo Ordine jussa, 22. Februarii à Jesuitis subscripta in Curiæ autoritatibus continentur. Superscripsere inter alios viri ornatissimi atque omni laude cumulati, Fronto-Ducæus & Jacobus Sirmundus, quos honoris causâ appellatos volo.

Concitabatur interim adversus Richerium Romana Curia, Aula Regia, ipsa Facultas, ipse Clerus. Cardinalis Perronius, Archiepiscopus Senonensis, vocatique comprovinciales Episcopi ita decreverunt: *Libellum de Ecclesiasticâ & politicâ potestate censurâ & damnatione dignum judicavimus & declaravimus, & reipsa notamus & damnamus ob multas, quas continet propositiones, expositiones, & allegationes falsas, erroneas, scandalosas, & ut sonant, hereticas, juribus tamen tam Regis quam Ecclesiæ Gallicanæ, ejusque immunitatibus & libertatibus per nos non taetis. Parisis in Congregatione Provinciali anno 1612. Martii 9.*

Odefp. p. 624.

Similem censuram ediderunt Paulus Huraldus Archiepiscopus Aquensis, & comprovinciales; nisi quòd de Regis juribus & Ecclesiæ Gallicanæ libertatibus tacuerunt, eodem anno Maii 24.

Nullæ notatae sunt propositiones; quod censuræ genus anceps, multi querebantur sacræ doctrinæ nihil afferre lucis, fraudibus locum dare. Cæterum nemo dixerit, antiquam de Concilii potiore autoritate sententiam à Perronio damnatam; quam, aliasque ei conjunctas problematicas esse toutes in egregiis scriptis, ac nuperrimè apud Prædicatores in amplissimo cœtu vivâ voce pronuntiaverat.

Vid. Am- bass. &c. p. 695.

Propositiones in Richerii libello improbatas has ad Casaubonum scripsit: *Quod Presbyteri cum Episcopis Aristocratici regiminis more in partem Ecclesiasticæ*

siaſtice administrationis vocentur: quod electiones jure divino nitantur, ex quo conſequatur à Regibus, qui Antijſites deſignent, contra ius divinum peccari: quod regimen aristocraticum omnium fit optimum, & naturae convenientiſſimum; quo direc̄tè ſtatus monarchicus oppugnetur: quod omnis Principatus à ſubiecti populi conſenſu pendeat: quod Deus inſluat in ſuppoſita analoga, hoc eſt, in civitates ac regna, ipsamque communitatem prius & propius ac principalius, quām in partes, quæ non aliter agant, quām ut iſtrumenta eorum ſuppoſitorum & communitatū; quo fiat, ut Principes ac Reges non ipſi regerent, ſed communitas per ipſos tanquam admiſtros. His addebat Perronius habere ſe præ manibus ipsam Richerii theſim anno 1591. in Sorbonā propugnatam: Quod Ordines regni Regibus potestate antecellant: quod Henricus III. iuſtè caſſus fit ut tyrañus, eique ſimiles armis & iñſidiis inſectandos: Jacobum Clementem ad eum cadendum diſciplina Eccleſiaſtice ſtudio & amore legum ac patriæ libertatis incenſum: hæc igitur quæ nunc libello edito Richerius docuſſet, ex horrendis illis, & penitū imbibitis erroribus prodiuſſe. (d d)

Ex his ſan̄c̄ patet ſatis multa memorata, quæ Aulam, quæ Clerum, quæ omnes Ordines in Richerium commoverent. Certè nemo dixit fuilie dampnatum, quod antiquam Facultatis ſententiam tueretur; quique ēa cauſā maximē inſectabantur eum, alia omnia obtendebant.

Imò recordemur Duvallium, cùm adverſū Richerium infenſiſſimo animo ſcriberet, hæc diligentiſſimē docuſſe: juxta ſententiam Academiæ Pa- riſiensis, Conciliī potestatem Papali anteferri: in fallibilitatem ad Conci- lium generale ſolūm referri: utramque ſententiam ab omni cenzurā notā eſſe liberam: quæ ſupra deſcripta, nunc tantūm à nobis commemorari oportet.

His igitur liquet, ſacram Facultatem nihil antiquæ doctrinæ derogâſſe, cùm 1. Septembris anno 1612. editâ coniūſione, Richerium Regio jufſu ſyndicatu expulit; cùm ei gratias agendas censuit, ob res praclarè i ſyndicatu geſtas, libro excepto de Eccleſiaſtice & Politice potestate: quā excep- tione nec librum cenzurā notavit, quem nec examinaverat; & cætera, ac præfertim ea, quæ apud Dominicanos recentiſſimā memoriā gafferat, ap- probavit.

Cæterū ex regeſtis Parlamenti conſtat, Nuncii Apoſtolici Auditorem, clam conuentis Doctoribus id egiſſe omni ope, ut liber cenzurā notaretur, improbareturque antiquorum Facultatis editio decretorum, tanquam Richerius, hiſ editis, arcana Facultatis ejus injuſſu, præter fas, evulgaverit, aut ſacra Facultas clam habere vellet, quæ à 200. annis palam decreta & geſta in acta retulerit.

Quid poſteā egerit Richerius; quid paſſus fit Cardinalis Richelii tem- pore; quid retractaverit; quid defēderit; quomodo retractationem ex-

(d d) imbibitis erroribus prodiuſſe.] Richerius in ſuā deſenſione lib. j. cap. ij. p. 37. multūm queritur ſe à Perronio maligne & calumniosè imperitum apud Reginam, Magnates & Episcopos. E. G. dixerat Perronius Cancellario, Richerium tantumdem de ſtatu matrimonij Reginæ ejusque liberorum, quantum de Pontificis autoritate, qui primum Regis matrimonium di- remerat licitum, dubitare.... Quā ex calumniā deliberatum eſt de Richerio compingendo in Ba- ſtisticam Pariſiensem. Vid. reliq. in ipsā Richer. deſ.

Dif. præv.
num. xvij.
& seq.

Vid. poſt
Rich. De-
fens. libell.
de Eccleſ.
potelt.

plicaverit; quid denique scripserit; quid testamento facto Orbi Christiano testatum voluerit; qualia sint ejus scripta post mortem publicata, nostrâ parvi resert, qui sacræ Facultatis atque Ecclesiæ Gallicanæ, non unius privati hominis, causam agimus.

Hoc certè non diffitemur, cùm plerique Richerium pessimè haberent, quòd antiqua decreta coleret; multos eo exemplo fuisse deterritos, ne ea apertè tuerentur. Sed nos aulicis artibus gesta nihil moramur; sacræ Facultatis gesta referimus.

C A P U T X X V I.

*Acta Facultatis adversùs MARCUM ANTONIUM
DE DOMINIS & THEOPHILUM MILLETERIUM:
item de LUDOVICO CELLOTIO ac FRANCISCO
GUILLOVIO.*

Vid. cens.
Facult. post
Def. Rich.
prop. xxij.
ap. de nom.
tom. j. lib.
ij. cap. viij.
n. 13. pag.
182.

ANNO 1617. Facultas censurâ notavit quatuor priores libros de Republicâ Christianâ Marci Antonii de Dominis. (ee) Atque ille quidem de Ecclesiâ Romanâ sic docebat: *Erat ergo, & est Ecclesia præcipua nobilitate, existimatione, nomine & dignitatis autoritate; non regiminis & jurisdictionis principatu: quâ de re Facultas sic censuit: Hac propositio est heretica & schismatica, quatenus aperte insinuat Romanam Ecclesiam jure divino autoritatem in alias Ecclesias non habere.* Vigilantissimè omnino in alias Ecclesias, non in ipsam adunatam atque collectam universalem Ecclesiam. Provida ac docta Facultas adversùs novos hæreticos, Romanum Principatum sic afferit, ut antiquæ doctrinæ, & decretorum Constantiensium ubique recordetur.

Prop. xlviij.
ap. de nom.
lib. iv. cap.
xj. n. 1, p.
484.

Quod autem ille autor diceret, à Parisiensibus unum supponi Papam universalē, qui toti præfuit Ecclesia universali, tanquam Episcopus universalis, eadem Facultas suppositionem, quam Parisiensibus tribuit, falsam judicavit, cuius falsitas in hac verba, TANQUAM EPISCOPUS UNIVERSALIS, cadit, quasi alii Episcopi sint tantum Papa vicarii. Sic fœdam & adulatoriā ac postremis temporibus ortam sententiam, ex cuius decretis Papam Conciliis anteponunt, priscæ Traditionis memor à se amolitur. Hujus verò censoriæ Duvallium ejusque asseclas, autores extitisse constat; neque effecerunt, ut sacra Facultas à priscorum decretorum autoritate ac sententiâ recederet.

(ee) *De Dominis*] (Marcus Antonius) primūm Jesuita non parūm doctus, &c, ut ipse profiteretur, Romanae sedis placitis addictissimus, deinde Archiepiscopus Spalarensis, scripsit de Republicâ Ecclesiasticâ libros x, ut variâ eruditione plenos, sic argumentis subtilioribus obſitos. Ille in Angliam profugus hos edidit libros, à quibus legendis multūm deterri debent tirones Theologi, ne eruditioñis specie plus æquo permoti, captiosâ probabilitate fallantur. Cæterū ex his libris nonnulla excerpti possunt utilia.

Anno 1641. Ludovicum Cellotium * (ff) Conciliorum autoritati detrahere visum, eoque nomine censurâ notatum, sacra Facultas suscepit affirmantem & profitentem illud: nempe, *Conciliorum generalium convocationem quandoque necessariam.*

* Jesuitam.

Cùm Milleterius de usu pœnitentiæ quæstione motâ librum edidisset sub hoc titulo: *Le Pacifique véritable*; quo libro assereret, sedis Apostolice decreta de fide, eo solum statu esse infallibilia, si in Conciliis Oecumenicis fierent, atque in solis Conciliis Oecumenicis consensum unanimem Ecclesia declarari, Facultas sic censuit: *Hæ propositiones in quantum infallibilitatem Ecclesia universalis, in nullo alio statu quam in solo Concilio Oecumenico congregata tribuunt, & ipsam aliquo tempore legitimè usus pœnitentiæ cognitione caruisse supponunt, temeraria sunt, ipsi Ecclesia injuria & heretica.* Sic cùm de Conciliis generalibus ac sede Apostolicâ ageretur, sacra Facultas antiquis decretis hærens, infallibilitatem non sedi Apostolice foli, sed Ecclesiæ universali tribuit, eamque constare docuit, non tantum in Conciliis generalibus, sed etiam in Ecclesiâ toto Orbe diffusâ; prorsùs ex eâ fide, quam professa erat adversus Sarazinum: *Quod in Conciliis tota autoritas, dans vigorem statutis, residet non in solo summo Pontifice, sed principaliter in Spiritu sancto & Ecclesiâ Catholicâ*: ut Spiritus sanctus toti Catholicæ unitati primitus adhæreat, eaque sit radix, unde certitudo & infallibilitas in Concilium quoque Ecumenicum, hoc est, in ipsam Christiani nominis representationem influat: quæ mirum in modum cum Gallicanæ Declarationis articulo IV. congruunt.

Vid. ap. Dargent.

Vid. ap. Dargent.

Franciscus Guillovius Baccalaureus, pro Minore ordinariâ responsurus, multa in thesi proponebat, quibus autoritati Episcoporum à Christo institutæ, eorumque in Conciliis assidentium judiciariæ potestati derogaret, anno 1656. Facultas actum distulit, atque eodem anno 15. Januarii suscepit Baccalaureum hæc scripto professum: *Agnosco & fateor Episcoporum jurisdictionem esse juris Divini, & esse immediate à Christo, eosque in Conciliis generalibus verè esse Judices, atque in iis ex eorum judiciis summum Pontificem pronuntiare.*

Dargent.
tom. iii. p.
70.

Hæc si intelligimus, confectam esse constabit quæstionem nostram. Profectò enim si quis est ex provisione Christi infallibilis, is non ex aliorum, sed ex suo judicio pronuntiat: alioqui sui dubius, neque satis conscientis assistentis Spiritus, aliis se permittit. Ac si media, ut vocant, humana requiriere necesse sit; consilia sanè, non judicia, consiliariosque qui doceant ac suadeant, non judices qui secum assideant ac decernant, exquirere oporteat.

Ex his dogmatibus jussu Facultatis emendata Thesis atque in meliorem formam reducta est; quæ res in actis Facultatis sic perscripta est: *Ex ultimâ appendice, in quâ plus inerat involuta difficultatis circa Apostolatum ipsum, & annexa Apostolatui gratiarum dona & potestates; necnon jura Epis-*

Ib. p. 69.

^{ff} (*Ludovicum Cellotium.*] Ille adversus Petrum Aurelium scripsérat librum, cui titulus est: *de Hierarchia Ecclesiastica*, in quem ad se delatum sacra Facultas delectos Doctores jussérat inquirere. Censura jam parabatur, & multæ propositiones notabantur, ut *nove, falsæ, periculose, temerarie, ridicule*, quandò Cardinalis De RICHELIEU censuram edi vicit, pollicitus Jesuitam omnia sua explanaturum & emendaturum.

coporum in convocandis Synodis particularibus, & in sanciendis cum summo Pontifice Conciliorum generalium definitionibus; quidquid detorqueri poterat contra veritatem, totum illud erasum fuit.

Ergò diligens lector sequentes consideret propositiones, quas Facultatis acta commemorant in Thesi erasas esse, intelligatque, quænam illa sint, quæ detorqueri possent contra veritatem. Prima propositio erafa: *Petrus in Primatu Christi consors & socius participatione factus est: quæ profecto si starent, haud magis Pontifici, quam Christo sacra Concilia anteferri possent.*

Erasum quoque illud, quod à sancto Leone depromptum videretur; sed Leo Mag. procul ab ejus mente deflexum: *Si quid Christus cum Petro ceteris voluit commune esse Apostolis, nunquam nisi per Perrum dedit, quidquid illis non negavit: ne, quod est absurdissimum, Apostoli proximè à Petro, non autem à Christo ad Apostolatum ordinati videantur.* Neque illud Facultas in Thesi reliquit: *Solus Petrus successores habet Apostolos; quo Guillovius Episcopos ab Apostolorum successione ac jure, contra omnem antiquitatis fidem penitus amovebat.*

Deletum etiam illud: *Solus Pontifex Episcopos in Concilium, vel particolare, vel generale, nonnunquam ad melius necessarium convocat.* Hoc nempè erat quò facultatem dicentem audivimus, involvi à Guillovio *jura Episcoporum in convocandis Synodis particularibus.* Nec placebat illud, *ad melius necessarium, convocatas Synodos;* quia ilud *melius* infringebat, illud *necessarium,* quod quandoque agnoscendum, ad convocandas Synodos etiam generales, Facultas decreverat adversùs Cellotium.

Denique erasum illud: *In Conciliis Pontifex auditis Episcoporum sententiis ac judiciis, pro sua autoritate certoque ac infallibili charismate verbum Dei pronuntiat;* quod si admitteretur, jam Episcopi in Conciliis Consiliarii tantum, nec nisi nomine tenuis Judices haberentur; atque in solo Pontifice autoritas resideret; eaque evanesceret, quam Facultas agnoverat, à Christo profectam autoritatem Episcoporum, *in sanciendis cum summo Pontifice Conciliorum generalium definitionibus.*

Itaque deletum illud: *Pontifex, auditis Episcoporum sententiis ac judiciis, pro sua autoritate pronuntiat;* cuius loco repositum est: *Ex illorum sententiis ac judiciis ipse pronuntiat:* sublato etiam certo illo atque infallibili Pontificis *charismate,* quo quidem Episcopi Papali sententiæ obnoxii, non etiam ipsis Judices, verique Assessores essent; adeò nova hæc à Facultatis sententiâ abhorreabant.

Neque prætermittendum istud, jussu Facultatis in Thesi repositum. Posteaquam nempè scriptum est: *Petrus totius Ecclesiae fundamentalis petra, & Pastor universalis, Apostolorum Princeps à Christo constitutus;* jussu etiam Facultatis adscriptum; *jure etiam Divino cæteri Episcopi singularium plebium Capita;* cùm Baccalaureus tantum optimates scripsisset: tanquam unus tantum Romanus Episcopus, non autem cæteri Episcopi, veri à Christo instituti Ecclesiæ Principes, & Capita haberentur.

Darg. loc. Erat tum Clerus Gallicanus frequentissimo cœtu Parisis congregatus. Scriptum ergò est in regestis Facultatis: *Domini Episcopi gratias egerunt Facultati, ex parte totius Cleri Gallicani, pro sua in defensione iurium Hirar-*

chici Ordinis curâ & sollicitudine, idque per organum D. Petri de Berthier, Episcopi Montalbanensis: quæ etiam in Cleri actis habentur; ut doctrinam Facultatis ab Episcopis & Clero Gallicano comprobatam esse constet.

Jam ergò arbitramur intellectam omnibus, sacræ Facultatis, totiusque adeò Ecclesiæ Gallicanæ doctrinam, id primum, Ecclesiæ universali ejusque unitati conjunctam vim Spiritus, radicemque infallibilitatis in eâ unitate esse sitam, quæ in Concilium universalem Ecclesiam repræsentans transfundatur: solum illud esse, quod à fide deviare non possit. Ergò Pontificem qui deviare possit Ecclesiæ indeviabili meritò esse subditum, in casibus certè illis generalibus quæ Constantiensibus decretis continentur; ac proindè Episcopos jure Divino institutos, Romanoque Pontifici, maximè in judicandis fidei quæstionibus, non Consiliarios, sed Assessores & Conjudices datos, ex quorum judiciis ipse pronuntiet; adeòque interdùm convocationem Conciliorum generalium esse necessariam, quæ profectò vacant, si Romanus Pontifex, vel solus, non autem cum Ecclesiâ conjunctus, infallibilitate, atque adeò supremâ & indeclinabili potestate gaudeat.

Hinc Ecclesiæ status constitutus, atque in Thesis prædicti Francisci Guillovii jussu Facultatis scriptum: *Ecclesia jure Divino Monarchia est, tametsi aristocratiâ temperata: Monarchia quidem, quod habeat Principem Petrum ejusque successorem pro tempore sedentem; temperata aristocratiâ, quod Petri successori à Christo dati sunt Episcopi, ut veri Principes ac Judices, ex quorum judicio pronuntiet.*

Hinc damnatus Marcus Antonius de Dominis, ejusque propositio * habita est schismatica & heretica, quatenus vult, Ecclesiam universalem secundum se totam esse aristocraticam.

* xij.

Id qui adversari putant antiquæ sententiæ, quæ Papam subdit Concilio, hos ego affirmavero numquam in nostrorum libris versatos fuisse. Gerson quidem assidue Ecclesiæ statum agnoscit monarchicum. Hunc alii sequuntur; atque omnia maximè conciliant, dum Romano Pontifici tribuunt, ut Ecclesiis quidem singulis; non autem toti Ecclesiæ collectæ & adunatæ præstet, & habeat quidem plenitudinem Apostolice potestatis; sed Conciliorum & canonum autoritate tanquam aristocratiæ temperamento moderandam.



C A P U T X X V I I.

*Articuli Facultatis ad LUDOVICUM MAGNUM allati :
Censuræ VERNANTII & GUIMENII: ALEXANDRI VII.
Bulla: Propositio Strigoniensis, ejusque censura.*

Vid. sup.
lib. j. fect. j.
cap. v. & in
App. lib. iij.
cap. xj.

EX his ergò decretis toties iteratis, ac perpetuâ Traditione servatis, sacra Facultas Ludovico XIV. Magno sex illos articulos, toto posteà Regno, editi Regii autoritate, vulgatos attulit, quos supra recensitos hîc prætermisimus, anno 1663.

Sup. lib. j.
fect. j. c.xij.

Metuebat Rex maximus, metuebat sacra Facultas, atque optimus quisque, ne gliscens adulatio antiquorum decretorum robur & innatam Galliæ libertatem infringiceret.

Anno 1658. excusus est Metis, quodam Carmelitâ autore, sub Jacobi Vernantii nomine liber, cum hoc ambitioso titulo: *La défense de l'autorité de notre saint Pere le Pape, de nosseigneurs les Cardinaux, les Archévêques & Evêques, &c.* quem librum sacra Facultas à Piëtaviensibus Parochis consulta, multis habitis, per duos ferè menses, publicis ac privatis congregationibus, censurâ notavit *, ac censuram confirmavit 26. Maii anno 1664.

* 24. Maii. Prop. j. &
Prop. ij. ap. Vern. ij. ap. Vern.
P. 254.

Quòd igitur Vernantius soli summo Pontifici, infallibilitatem activam, passivam Ecclesiæ & Conciliis tribueret, sacra Facultas sic censuit: *Hæc propositiones quatenus excludunt ab Ecclesiâ infallibilitatem activam seu autoritatem emergentia circa fidem dubia, infallibilis veritatis oraculo tollendi & explicandi, falsa sunt, temeraria, scandalosa & heretica.*

Prop. iij. Vern. pag. 110.

Quod statuebat Vernantius, Papam soli Deo subjici, nec nisi Divinâ potestate Papalem posse restringi potestatem, eique nullis legibus modum poni; Facultas proscriptit his verbis: *Hæc propositio intellecta de usu & exercitio potestatis Papalis, falsa est, Ecclesia & Conciliorum autoritati derogans: diligenter omnino, atque ex Majorum non modò decretis, sed etiam verbis, Papalem potestatem, ut potè divinitùs institutam, Deo soli quoad se; quoad usum & exercitium, sacris canonibus Conciliisque subjiciunt.*

Gers. de potest. Eccl. Conf. x.

Vernantius, nisi Papa infallibilis haberetur, aiebat mutandam professionem eam, quâ credimus sanctam Ecclesiam Catholicam & Romanam; quod abominata Facultas sic censuit: *Hæc propositio est falsa, temeraria, scandalosa & in fide periculosa; quippè quæ, ut jam diximus, Catholicam fidem pendere vellet à dubiâ, ne quid dicam gravius de Pontificiâ infallibilitate, sententiâ.*

Prop. iv. Vern. pag. 105.

Asserebat Vernantius, à solis hereticis, ac schismaticis peti Concilia, ut perturbandæ Ecclesiæ locis esset. At sacra Facultas: *Hæc propositio universim sumpta, est scandalosa, Ecclesiæ Conciliis generalibus, ac sublimioribus potestatis contumeliosa; quippè quæ sœpè Æcumenicis Conciliis congregandis operam dederint, atque ad ea etiam provocârint.*

Cùm Vernantius Conciliaris potestatis, ac Jurisdictionis fontem in uno

Pontifice collocaret, Facultas sic statuit: *Hæ sex propositiones, in quantum afferunt, Ecclesiam in Concilio generali congregatam non habere à Deo immediate jurisdictionem ac autoritatem, falsæ sunt, verbo Dei & Concilii Constantiensis definitioni contraria, & olim à sacrâ Facultate reprobata.*

Prop. vj.
& seq. Vern.
p. 358. 721.
& seq.

Negabat Vernantius, unquam examinatum, aut ulli appellationi fuisse subjectum id, quod Romani Pontifices decrevissent; Facultas è contrâ: *Hæ quatuor propositiones falsæ sunt, quatenus quedam afferunt, & alia innunt, in nullo casu à summo Pontifice appellari posse; sacra Conciliorum autoritati detrahunt, ac germanis Ecclesie Gallicane libertatibus sunt contrariae. Gallicanam libertatem contra quod Petrus de Marca non satis consultò dixerat, in supremâ Conciliorum potestate nixam profitentur.*

Prop. xij.
& seq. Vern.
p. 100. 244.
279. 428.

Quod Vernantius diceret, cuiusdam Doctoris de Pontificiâ infallibilitate sententiam à Facultate esse laudatam, id à se Facultas amolitur his verbis: *Hac propositio imponit sacra Facultati, qua mentem suam aperuit in articulis contra Lutherum, & in declaratione factâ apud Regem Christianissimum, anno 1663.*

Prop. xvij.
Vern. pag.
241.

Vernantius dixerat, eandem, quam Christus à Patre acceperat potestam, totam in Romano Pontifice esse collatam: quæ documento sunt, quæm hujsmodi homines cæco & interdùm impio ferantur impetu. At quæ in eam sententiam congefferat, Facultas, ut scandalosa, piarum aurium offensiva, & ut verba præ se ferunt, blasphema rejicit.

Prop. xvij.
& seq. Vern.
p. 53. 128.
145. 243.

De fidei regulâ, quod Vernantius scripserat, Facultas condemnavit his verbis: *Hac propositio, quâ parte afferit summum Pontificem esse veram regulam fidei, temeraria est, & in errorem inducens; quod nempe in errorem inducat, is qui pro regulâ fidei ponat Pontificem, quem infallibilem esse non constet.*

Prop. xxij.
Vern. pag.
128.

Quæ Vernantius de jurisdictione Episcoporum à Romano Pontifice profectâ dixerat, Facultas sic rejicit: *Hæ propositiones, quarum duas priores afferunt Apostolos non fuisse constitutos Episcopos à Christo, cætera vero, potestatem jurisdictionis Episcoporum non esse immediate à Christo, falsæ sunt, verbo Dei contraria, & olim à sacrâ Facultate reprobata. Hactenùs Vernantii censuram referre placuit: cætera ad alium locum pertinent.*

Prop. xxv.
& seq. Vern.
pag. 44. 49.
376. 382.
384. 388.
397. 455.

Amadæus Guimenius (gg) omni recentiorum Casuistarum fæce collectâ, id etiam de Pontificiâ infallibilitate scripserat, de fide eam esse, atque ita inferebat: *Ecclesia errare non potest & consequenter nec Caput ejus: quem sacra Facultas, damnatis opinionum portentis, hâc etiam in parte notandum censuit his verbis: Doctrina his propositionibus contenta & illata, falsa est, temeraria, scandalosa, Gallicana Ecclesia libertatibus contraria, Univer-*

Cens. Gui-
men. D'arg.
&c. & ap-
Guim. de
Bapt. prop.
ij. n. 4. p.
177.

(gg) Amadeus Guimenius,] sive potius Mattheus de MOYIA Jesuita Audomarensis, hunc impium juxta & impudicum librum Lugduni edidit, cum approbationibus Hieronymi la Chianæ è Societate Jesu, Luyssi à Valentia Provincialis Capucinorum, & duorum Carmelitarum; quem librum cum suis censuris configeret sacra Facultas 3. Febr. 1665. verita exscribere impudicissimas propositiones, sic censebat: *Hæ propositiones, quas sacra Facultas verbis tantum initialibus designandas de industria judicavit, ut modestia & pudori castiarum aurium ac mentium consuleret, sunt turpes, scandalose, propudiose, nefanda, piarum aurium offensivæ, atque ab Ecclesia & ab omni hominum memoriâ prorsus abolenda. Collect. judic. &c. D'ARGENTRÆ tom. iii. p. 114.*

sitatibus, Theologicis Facultatibus ac orthodoxis Doctoribus contumeliosa, anno 1665. Sic duæ censuræ adversùs Vernantium & Guimenium processerunt. Confutati acriter, quod nostra damnabant; quod autem contraria sequentur, coerciti tantum, sed pro innatâ Gallis, ac nostræ Facultati modestiâ, nullâ hærefoes aut etiam erroris notâ inusti sunt.

Has igitur censuras nostrâ memoriâ accuratissimas atque elaboratissimas; summâque moderatione libratas esse constat; nec tamen defuere, qui Alexandrum VII. adversùs modestissimam Facultatem, antiqua & probata tuentem, instigarent.

Vid. Dup. xvij. scc. Ille igitur ad Regem adversùs Sorbonicas censuras gravem expostulationem habuit, datis literis (bb) 6. Aprilis anno 1665. At Rex prudentissimus, nihil se commovit, gnarus scilicet impositum fuisse Pontifici, ac Sorbonicos priscæ sententia institisse.

* 25. Junii. Anno 1665. * Bulla Romæ prodiit, quâ censuras adversùs Vernantium & Guimenium, *uti presumptuofas, temerarias, atque scandalosas, cassas & irritas declarabat, defendique & allegari sub excommunicationis pœnâ Apostolica autoritate prohibebat; ulterius judicium de predictis censuris, deque opinionibus in libris Jacobi Vernantii & Amadei Guimenii sibi & sedi Apostolica reservabat.* Gravis ea reservatio videbatur quâ ferre cogeremur interim, quæ adversùs Hierarchiam ac mores dudum invalescerent portenta opinio-
num, neque minùs periculum quod Theologicæ Facultates, ipsique adè Episcopi tanto in Ecclesiæ discrimine elingues fierent.

Grave item illud, quod erat in Bullâ de Vernantii & Guimenii opinio-
nibus dictum, præsertim iis quæ ad actionum moralium regulam pertinerent; nempè eas opiniones & gravissimorum Scriptorum autoritate & perpetuo Catho-
licorum usu nixas; quod Ecclesiæ Catholicæ maximo de honestamento ver-
teret.

Hoc Pontificium diploma, tametsi non erat ad nos solenni more mis-
sum; Roma tamen in privatarum epistolarum fasciculis pervenit in Galliam.

Deputati à Facultate qui rem examinarent, constitit apud omnes, diploma Pontificium Inquisitionis esse opus; editum quippè, non de Fratrum consilio in publico Consistorio, sed *auditis suffragiis Cardinalium in totâ Republicâ Christianâ generalium Inquisitorum*: qualia nemo unquam in Galliâ admisit, præsertim cum illâ clausulâ, *motu proprio*, quam novam & prisco jure incognitam, maximè in fidei quæstionibus Gallicana Ecclesia non admittit.

Certum erat & illud, ut etiam optimâ formulâ constaret; nequidem ad nos pertinere Bullam, quæ more solenni missa non esset; neque ipsi Pón-
tifici eam mentem inesse ut Gallos obligaret, iis ritibus prætermisssis (ii), qui antiquo Gallorum, imò totius Ecclesiæ jure nitantur.

Itaque

(bb) *datis literis.*] Regii juris cognitores, qui Breve legerant jussu Regis, hæc ipsi re-
tulerunt; sacram Facultatem sic se gessisse, ut laudare eam potius Curia Romanâ, quam
de eâ conqueri debuisset.

(ii) *ritibus prætermisssis &c.*] Multa insipienter dicunt & ridiculè de Pontificiis Bullis Ul-
tramontani, & hoc imprimis: Christianos omnes, Indos quoque, his Bullis parere de-
bere, statim atque ad valvas Apostolorum & in campo Flora affixa fuerunt; quasi verd
ii quibus positiva lex nota non est nec esse potest, ei jubeantur obtemperare. Vetus ipsa
Conciliorum

Itaque Facultas quiescendum rata: Rector Academiac admonitus, sacræ Facultati spopondit suam & Universitatis operam minimè defuturam, more Majorum, si quid gravius contingere; Senatus Bullam divulgari vetuit; neque ulterius processit negotium. Itaque censuræ suo apud nos loco steterunt: Bulla annumerata iis, quæ ignota, nihil ad nos pertinerent.

* Edic-
to 29. Jul.
1665.

Qui hæc perpenderit facilè intelliget, sacræ Facultati cum Clero Galliano maximè convenire; Clerique Declarationem anni 1682. ex intimâ ipsius Facultatis, imò Ecclesiæ totius Gallicanæ doctrinâ esse depromptam; ac si quid difficultatis obortum est, (kk) id non ex ipso dogmate provenire, sed ex aliis rebus, quæ nihil ad rem nostram pertinent.

Quare sacra Facultas, priscis insistens vestigiis, condemnavit deductam ad examen suum jussu Senatus hanc censuræ Hungaricæ propositionem: *Ad solam fidem Apostolicam Divino & immutabili privilegio spectat de controversis fidei judicare;* quâ de re sic censuit: *Hac propositio, quatenus excludit ab Episcopis & Conciliis etiam generalibus, de fidei controversiis autoritatem, quam habent immediate à Christo, falsa est, temeraria, erronea, praxi Ecclesiæ adverfa, verbo Dei contraria, doctrinam renovans alias à Facultate reprobata.* 18. Maii anno 1683.

Cens. Fa-
cult. Paris.
adv. cens.
Arch. Strig.
int. varia
script. vind.
Maj. Schol.
latis.

Hac doctrina Facultatis quam necessariò cum universâ Declarationis Gallicanæ doctrinâ sit conjuncta, ex relatis sacræ Facultatis decretis manifestum reor. Sed antequâm ad alia me convertam, eximam oportet eum, qui quorumdam animis hæret scrupulus.

Conciliorum generalium decreta non habentur pro legibus apud Christianos, nisi solenni ritu promulgata fuerint; id est inquisitione factâ ac prolatâ Episcoporum & Ecclesiarum iudicio, quo certum fiat ea decreta Concilii verè Ecumenici ferum esse. Quapropter sub Carolo Magno & Ludovico Pio, nondum in Galliâ promulgatam vij. Synodus de cultu sanctorum imaginum, Gallicani Præfules innoxii repudiârunt. Vid. de eâ re admnon. Jac. Sirm. Soc. Jes. in Conc. Francof. tom. vij. Conc. Labb. p. 1054. Ea quoque causa fuit cur Hispani vij. Synodo intercesserint. Vid. Conc. Tolent. xiv. & inf. ap. D. BOSSUET lib. vij.

(kk) si quid difficultatis obortum est.] Curia Parisiensis, postquam diploma regium de Declaratione in suos commentarios reu'erat, edicto jussiterat, ut ea Declaratio in Scrinia sacræ Facultatis referretur, quod quidem factum est 2. Maij 1682. Sed quando relectum est dectetum, quidam dixerunt delegendos esse xiv. Doctores, qui in Declarationem inquirerent. Quamquam enim ea ex intimâ ipsius Facultatis doctrinâ esset deprompta, Facultas verebatur, ne relatio facta extraordinario modo jussu Curia, quid detrimenti ipsius iuribus afferret. Facile composita est hæc controveſia, & deinceps Baccalaurei Declarationis capita publicis theſibus defenderunt.



CAPUT XXVIII.

An sententia de potiore Concilii potestate, Regum juribus ac potestate noceat: THOMÆ CORCELLÆI responsum: Propositio JOANNIS HUSSI in Constantiensi Concilio condemnata.

NE M P E objiciunt, Regnis ac Regibus periculosam esse nostram sententiam. Si enim spiritualis Princeps Pontifex, Ecclesiæ & Concilio subsit; subesse multò magis Regno ac generalibus Regnorum Conventibus temporales Reges: quo maximè arguento in antiquam sententiam Reges incitare conati sunt. Sed Thomas Corcellæus id ab Eugenii Legatis objec-

* Biturigibus.
Preuv. des Libert. &c. part.ij. cap. xiiij. n. 4. p. 23.

turet, responso edito * coram Regni Principibus, ipsoque Carolo VII. Regis solvit: *Nec ulla tenus sunt audiendi, qui ad alliciendum Reges & Principes, in contrarium autoritatis Conciliorum dicunt quod si Concilia generalia possent corriger & deponere summos Pontifices, pari ratione quod populi haberent corriger & deponere Principes secularis. Qui enim talia dicunt manifestè autoritatem Conciliorum, & declarationem fidei super hoc factam destruunt, non plus tribuentes autoritatis ipsi Congregationi Ecclesia, quam uni Communilitati seculari. Clarè quoque negant, Concilium habere autoritatem à Christo immediate, cum ipsum sic comparant Communilitati seculari, qua non habet autoritatem à Christo corrigiendi aut puniendi Principem suum. Sed bene inspiciant definitiones Concilii Constantiensis, reperient in hoc magnam differentiam; nam ipsum Concilium Constantiense reprobavit illum articulum XVI. inter articulos Joannis Hussi contentum, quod PRINCIPES HABERENT PUNIRI AD ARBITRIUM POPULI, & tamen alterum probavit; quod CONCILIUM GENERALE HABET POTESTATEM IMMEDIATE A CHRISTO, &c. Et hoc etiam apparet ex sacris Scripturis, cum Christus ipse assignans differentiam inter hoc &*

Luc. xxij. 25. 26. 1. Pet. v. 3.

illud, dicat: REGES GENTIUM DOMINANTUR EORUM, VOS AUTEM NON SIC: & Beatus Petrus in Canonicâ dicit de Pastoribus: NON UT DOMINANTES IN CLERIS, SED FORMA FACTI GREGIS. Doctores quoque lucide declarant, quomodo Papa non est dominus rerum Ecclesiæ, sed minister. Valde quoque extraneum est, & à veritate alienum dicere, quod non plus spiritualitatis reperiatur in Congregatione legitimâ Ecclesiæ, quam in una Communilitate seculari, aut non specialior assistentia Spiritus sancti, de quo Christus ad ipsam

Ioan. xiv. 16.

dixit: MITTAM VOBIS SPIRITUM VERITATIS, UT MANEAT VOBISCUM IN ÆTERNUM.

Quin ipse Richerius in suâ defensione sic ait: (11) Ut quid ergo imponere Richerio, quod sustineat Concilium generale esse supra Papam, quia, vel, sicut Comitia generalia Regni sunt supra Regem? Numquam hoc venit in mentem

(11) Hæc verba, quæ nonnullam obscuritatem habent, nusquam reperimus in Richerii defensione.

Richerio. Adulatores Curiæ Romanae, quorum etiam in Sorbonâ non exiguis est numerus, hoc effinxerunt, ut non solum Richerium, sed fidelissimos Regum servos & subditos odiosos redderent ipsi met Regibus, quamvis illorum jura contra Romanam Curiam tueantur.

Quod autem quidam etiam Parisienses aliud docuerint nihil moror; suoque loco ostendemus fuisse profectò tempus, quo totus ferè Orbis in summâ Juris publici ignoratione versaretur; quam imperitiam postera ætas superioris ævi Traditione meritò emendavit: nec mirum Parisienses quosdam in re extra fidem unà cum aliis errâsse. Nego tamen omnes: nego hoc fulcimento nixos tribuisse Conciliis potiorem potestatem: nego Facultatem: nego Constantiense Concilium pessimo arguento usum: nego hoc detracto, sententiæ veritati ac firmitudini detractum esse quidquam. Alia suppetebant, quæ Thomas Corcellæus optimè enarravit. Imò, ut idem Corcellæus demonstravit, sacrum illud Concilium, à quo maximè supra Pontificem Conciliorum erecta est autoritas, damnavit insanam sententiam * quæ Reges Regnis subjiceret, non Regna Regibus: adeò constabat ratione diversissimâ constitutas humanam ac divinam civitatem. Itaque hæc, quæ creandæ invidiæ objiciuntur, omittamus. Ecclesiæ à Deo constitutæ & gubernatæ regimen, non ex mundani Regni ratione, sed ex Dei revelatione, atque ipsius Ecclesiæ decretis, ex Patrum Traditione æstimemus.

* Joannis Hulli.

F I N I S T O M I P R I M I.

E R R A T A Tom. I.

- PAG. 15. *Not. lin. 8. DE BRON leg. DE BROU.*
37. *l. 27. vitiligatione leg. vitilirigatione.*
46. *l. 33. motebimus leg. memorabimus,*
Ibid. l. 36. corporis leg. corpori.
114. *l. 2. hominum leg. hominium.*
180. *n. l. 5. Florentini leg. Florentino.*
181. *l. 13. dicernar leg. decernat.*
226. *l. 25. retinentem leg. renitentem.*
228. *l. 9. Ecclesia leg. Ecclesie.*
229. *l. 39. Exantoratio leg. Exauditoratio.*
265. *l. 11. falsum leg. falsum.*
299. *l. 1. Claramontani leg. Claromontani.*
333. *l. 27. Circuncellionum leg. Circumcellionum.*
344. *l. ult. vulgatam. leg. vulgatam,*
374. *l. 9. insolito leg. inolito.*
410. *l. 15. præfacte leg. præfracte.*
440. *l. 18. liberum leg. librum.*
444. *l. 19. porerit leg. potuerit.*
452. *l. ult. Florenino leg. Florentino.*
464. *l. 36. qui leg. quid.*
465. *l. 38. facta leg. fara.*
505. *l. 36. quam ex justis leg. quam justis.*

